



2.2.87

1.2

1117

11

10



SS. D. N.  
BENEDICTI XIV.  
O P E R A  
IN DUODECIM TOMOS DISTRIBUTA  
T O M U S XII.

D. VII  
190

111

BENEDICTI XIV.

PONT. OPT. MAX.

O L I M

PROSPERI CARD. DE LAMBERTINIS

PRIMUM ANCONITANÆ ECCLESIE EPISCOPI,  
DEINDE BONONIENSIS ARCHIEPISCOPI

D E

SYNODO DIÆCESANA

LIBRI OCTO

NUNC PRIMUM EDITI

A D V S V M

ACADEMIE LITURGICÆ CONIMBRICENSIS.



ROMÆ, MDCCXLVIII.

---

EXCUDERANT NICOLAUS ET MARCUS PALEARINI

ACADEMIE LITURGICÆ CONIMBRICENSIS TYPOGRAPHI.

S U T E R I O R U M F A C U L T A T E .

THE UNIVERSITY OF CHICAGO

U

SANCTISSIMO DOMINO NOSTRO  
BENEDICTO XIV.  
P. O. M.

EMMANUEL DE AZEVEDO SOCIETATIS JESU.



ULTÆ me causæ impulerunt,  
ut libros quos hætenus edidi,  
SANCTITATI TUÆ inscriptos dedicatosque vel-  
lem. Primum, quod sunt TUI: deinde, quod de  
hujusmodi rebus scripti, quæ in Pontificem Ro-  
Tom. XII. a ma-

*manum convenire maxime videantur : postremo Canonorum Regularium Conimbricensium voluntas , quos innumeris maximisque beneficiis obstrinxisti : Atque ii gratias , quas Tibi maximas habent , referre verò nullo modo possunt , agere saltem , atque aliquod eorum animi testimonium extare ad futurorum temporum memoriam cupiunt . Horum librorum , qui nunc vulgantur , non communis est causa cum ceteris , sed præcipua quædam ac singularis : sunt illi videlicet Tui , sed a Te scripti cum imperium teneres , atque ut eo verbo utar , quod , Zonara teste , Græci usurpabant de liberis quos pater regnum adeptus suscepisset , *ἡ τοῦ πατρὸς γενεή* nati . Quamquam enim de his conscribendis consilium suscepas cum Bononiensi Ecclesiæ Tuæ præses , atque etiam eorum adumbrationem quamdam facere institueras ; plenius tamen digerere , & partibus omnibus informare cœpisti , postquam es in Romana Sede collocatus . Quis autem non videt liberorum eorum ( sunt autem ut filii corporis , sic libri animi atque ingenii fœtus ) præcipuam habendam esse rationem , quos non privatus , sed regnum adeptus pater suscepit ? Certe eos solos spectari oportere cum de regni successione agitur , & Xerxis exemplum declarat , quod tanto post tempore Ludovicus*  
Sfor-

*Sfortia renovavit; & nobiles Juristonsulti tradiderunt, quos laudant Raynaldus Corfus Indagat. Jur. lib. 3., & Joannes le Cirier de Primogenitur. Sunt igitur hi libri præ reliquis vere habendi atque appellandi Tui. Quid de eorum argumento dicam? Estne quod magis Pontificem Romanum deceat, atque eum, cui Ecclesiarum omnium fuit cura demandata? Quod si ad Eugenium Papam scribens Bernardus lib. 3. de Considerat. id inter Pontificis Maximi munera veluti præcipuum recensuit, quod ad Conciliorum Decreta pertinet, & Remensis, quod recens celebratum fuerat exempla sumpsit; quanto hoc magis ad eundem pertinere arbitramur, ut Concilia rite, & ex sanctissimis Disciplinæ Ecclesiæ institutis celebrentur? Atque huic quidem argumento contigit, quod nescio an præterea ulli, ut cum multa haberet cognitu difficilia, nec satis explicata, disceptatores nancisceretur eos, non dico qui scientia prudentiaque non abundarent; sed qui usum atque experientiam, quantam res exigebat, ad hujusce rei pertractationem minime afferrent; qui desertam, credo, provinciam attingere, quam vacuam relinquere maluerunt. Nam Thomas Valdensis, qui lib. 2. doctrinalis Fidei de Conciliis copiose scripsit, Joannes Gerson qui occa-*

( VIII. )

*stone data Constantiensis Synodi multa itidem edidit, quique eodem tempore floruit Joannes Brevisfoxa, & paulo post Basileense Concilium Cataldinus Boncompagnus, Dionysius quoque Carthusianus, Joannes Eckius, Judochus Clichtoveus, Joannes Cochleus, Alphonsus Guerrerius, Marcus Mantua Bonavitus, Cyprianus Benetus, Rodulphus Cupers, Thomas Stapletonius, Adamus Tannerus, Stephanus Quaranta; quique de Synodo Dioecessana separatim diligenterque egerunt, Michael Thomafius, Joannes Antonius Massobrius, Bartholomæus Gavantus, Henricus Bottus, privati omnes fuere, infra Episcoporum ordinem cum scriberent constituti: Hanc ergo secuti vitæ rationem destituebantur maximis præfidiis, quibus generatim de Conciliis quæ necessaria erant, aut utilia, atque eorum habendorum modum decernerent; quod item valet de ceteris, qui in unius vel alterius fuerunt Ecclesiæ gubernatione versati: sive enim vitia caveant, quæ committi in Synodo habenda possunt, sive quæ facienda erant præscriberent, ad unam tantum vel alteram forte Dioecesium animum referre poterant, atque ex ea conjecturam facere ceterarum. Atqui is requirebatur, qui cum scientia in primis polleret, jurisque latebras omnes*  
pera-



(IX.)

peragrasset; tum vero in rebus esset maximis gravissimisque versatus; denique plurimum, & si fieri posset, omnium Ecclesiarum curam sustinuisset. Nunc si res scriptorem ipsa suum per se diligere potuisset, quem alium depoposcisset sibi, præter Te unum? Unus Tu nimirum eras, qui plures annos negotiorum molem, quæ deferri ad Patres sacri Concilii Tridentini interpretes consueverunt, ferme solus sustinuissti; cujus prudentia, solertiaque plurimæ fuerant cæque impeditissimæ quæstiones explicatæ; qui postea in Cardinalium Collegium cooptatus plures Dioceses sortitus, quarum altera mari alluitur, altera in mediterraneis regionibus sita est, multa cognoscere, de plurimis judicare, & quæ Tua ingenii ac mentis solertia est, omnia spectare potuisti. Evectus es in sublimem istam celsissimæ dignitatis Sedem. Quam multa bis annis delata sunt ad Te; quam multa acciderunt magnarum conversionum momenta! Quam impedita, & plena tricarum negotia, quæ vel ad Ecclesiasticas personas spectabant, vel ad jura Ecclesiarum, vel ad Laicorum auctoritatem, finienda Tibi ac decernenda fuerunt! Quæ quidem admirabili prudentia illa Tua scientiaque felicissime expedivisti. Cum igitur harum rerum  
per-

(X.)

*pertractationem Tu potissimum susceperis, quæ nisi Te scriptorem nactæ fuissent, facile futurum erat, ut neminem alium idoneum reperire fortasse possent; cum omnia, quæ ad Synodum spectant, vel decerni in Synodo possunt, vel non sunt Synodalibus Statutis attingenda, diligentissime doctissimeque explicaveris; cui libros hos inscribi dedicarique par erat, nisi Tibi? Restat ut de Canonicis Regularibus Reformatis Congregationis S. Crucis Conimbricensis dicam, qui summo se ac immortalis beneficio cumulatoprofitentur, cum iidem hi Tui libri ut ad Academiæ Liturgicæ usum & institutionem absolutissimam ederentur, a Te benigne impetrarunt. Atque illi quidem, ut memores se, nec plane ingratos esse constet, summopere cupiunt; atque id contendunt; ut beneficiis tuis, quæ plurima maximaque acceperunt, per me aliqua ex parte satisfactum videatur: Quod quidem cum difficilimum semper judicavi, tum verò hoc tempore, quo mihi ipsi pro me multum est, vehementerque laborandum. Ego, BEATISSIME PATER, nisi ornatum a Te semper, summisque beneficiis me confitear affectum fuisse, videar exuisse humanitatem omnem. Sed habent præteriti dies, quod me vel recordatione ipsa obruant atque*  
per-

percellant. Quantum enim illud fuit, quod Sodalitium Sanctissimæ Dei Parentis ab Angelo salutatæ (Primam Primariam vocant), cujus mihi demandata cura est, præsentia ac maiestate Tua honestare voluisti; quod ad juvenum eorum pietatem fovendam amplificandamque, me quædam orantem benigne audivisti; quod amplissimis illud privilegiis nuper auxisti: hæc Tu honestissimis adolescentibus, ceterisque, qui festis diebus ad preces fundendas convenire ed solent, contulisti. Est etiam quod Collegium Romanum universum Tibi referat acceptum, qui, ut Bibliotheca quæ adjecto non exiguo ædificio amplificata est, annuis quoque redditibus augeatur, litteris Apostolicis amantissime honorificentissimeque scriptis indulgisti. Est quod præterea Societas tota habet a Te maximum præclarissimumque beneficium, cum aliquem ex eadem Societate in sacrorum rituum Congregatione ad Consultoris munus obeundum perpetuo destinari sanxisti. Hæc cum ab omnibus gratias exposculant, tum verò præcipuo quodam jure a me, vel quod nominatim me cum illa conferres, non semel appellasti; vel quod planius perspicere potui animum Tuum, quem maxime in beneficiis conferendis attendendum

offi-

(XII.)

*officiorum Magistri volunt. Habes igitur, BEATISSIME PATER, pro tot tantisque beneficiis munus a nobis, quod neque propter tenuitatem despicere potes, neque propter indignitatem respuere; dignum Te, dignum doctrina ac maiestate Tua, ex quo omnes intelligent, Te Dei O. M. exemplo, cujus vices geris, id ipsum nobis, quo non ingrati esse videremur, præstitisse.*

LITUR-

LITURGICÆ ACADEMIÆ CONTIMBRICENSIS  
AUDITORIBUS

IMMANUEL DE AZEVEDO S. J.



Uanto vobis emolumento futuri libri sint, qui de Synodo Diocesana in Academiæ vestra usum eduntur, nemo est, qui non videat. Habetis in his primò ritus omnes sacrasque ceremonias, quæcumque usurpari solent, non in Synodo dumtaxat Diocesana, sed in Provincialibus, in Nationalibus, atque in OEcumenicis ipsi Conciliis explicatas. Habetis personarum omnium quæ Conciliis inseriant, aut ad ea quouomodo spectant enarrationem, & de illarum officiis muneribusque multa nec vulgaria, & scitu digna. Habetis uberrimam traditionem, eamque singulari doctrina ac perspicuitate institutam difficultum Controversiarum, rerumque gravissimarum, quæ

decerni in Synodis solent, vel quæ tanti sunt ponderis, ut plenioris consensum, vel maiorem aliquam auctoritatem exposcant. Denique sacrarum Congregationum Decreta plurima, & Consulta, dignissima quæ cognoscantur. Quamobrem si sacrarum disciplinarum atque Ecclesiasticæ eruditionis veluti summam quamdam his libris proponi vobis affirmaverim, nihil a veritate, nihil a iudicio præduntum alienum dixerim. Hic enim vero constat quod Aristoteles *lib. 1. analect. poster.* aliquæ viri summi tradiderunt, artium omnium ac disciplinarum quoddam esse commune vinculum, & cognitione quadam inter se contineri; quarum ut nulla earum disci perfecte sine aliarum cognitione potest, ita neque edoceri. Quod Musarum nomen ipsum declarat; quamquam enim singule propria quadam arte ac facultate continentur, a qua nomen etiam inveniunt, hinc tamen nomine appellantur, quod convenire simul debeant, atque esse, ut Cassiodorus *lib. 3. var. epist. 31.* & Synesius in *Dion.* explicavit *ipsius*. Itaque non omnium est traditionem argumenti alicujus instituire, & Præceptoris personam sustinere; sed oportet ut sit *Res omnium magnorum atque artium scientiam consequatur*. Quod de Oratore suo Cicero agebat: quod nos de librorum, de quibus agimus, Scriptore luculentissimo dicimus, qui ita per omnia spatiat, ut simul ostendat singularum rerum scientiam perfecte esse assequutum. Tanti Auctoris aliquid deperire, aut non omnia ad commodum, utilitatemque vestram repræsentare nefas esse duco. Itaque non solum quæ hoc in Opere allegantur ab eo scripta dum Secretarii sacre Congregationis Concilii munere fungeretur, sed opuscula alia quæcumque reperiri poterunt, separatim in alio volumine, quod Appendicis nomine distinguitur, exhibebimus. Vni cum in hisce libris, tum in ceteris omnibus quibus doctissimi sapientissimique Principis ingenii, ac iudicii vim suspiciatis, quibus animum ad præclarissima studia informetis, quæ certam viam ad sanam solidamque doctrinam commonefrent, uno in volumine conclusa omnia, & contenta habetis.

# I N D E X

## LIBRORUM, ET CAPITUM.

### LIBER PRIMUS.

Notiones, Quæstionesque præliminares.

CAP. I.	<b>D</b> e Synodi nomine, & Synodorum divisione.	Pag. 1
II.	De Synodi Diocesane utilitate.	8
III.	Quo titulo sit convocanda Synodus Diocesana, & quomodo inscribenda ejusdem Decreta.	12
IV.	An Synodus Diocesana pertineat ad potestatem Ordinis, vel jurisdictionis; & an ad legem diocesanam, vel ad legem jurisdictionis.	15
V.	De loco, in quo Synodus Diocesana habenda est.	18
VI.	De tempore, quo cogenda est Synodus Diocesana.	23

### LIBER II.

De his, qui Synodum Diocesanam cogere possunt.

CAP. I.	An Romanus Pontifex cogere possit Synodum Diocesanam.	27
II.	Jus Romani Pontificis congregandi Synodum, tam Provincialem, quam Diocesanam explicatur, & confirmatur.	29
III.	De Cardinali Urbis Vicario.	34
IV.	De Archiepiscopo.	37
V.	Generalia de simplici Episcopo.	41
VI.	De Episcopo privilegium habente Pallium gestandi, & Crucem ante se deferendi.	44
VII.	De Episcopo Titulari.	48
VIII.	De Vicario Generali Episcopi.	51
IX.	De Vicario Capitulari, & de Vicario Apostolico.	53
X.	De Prelato Inferiore.	59

### LIBER III.

De vocandis ad Synodum, ordine sedendi, & sacris vestibus juxta proprium cujusque gradum adhibendis.

CAP. I.	De Prelatis Regularibus, & Secularibus.	69
II.	De Abbatibus, Prioribus, Guardianis Conventuum, subjectorumque juris-	juris-

# INDEX LIBR. ET CAPP.

XV

	<i>jurisdictioni Episcopi, tanquam Sedis Apostolica Delegati.</i>	76
III.	<i>De obtinentibus Dignitates, Personatus, Officia; &amp; de Vicariis, tum Generali, tum Foraneis.</i>	80
IV.	<i>De Canonicis ecclesia Cathedralis, &amp; Collegiarum.</i>	85
V.	<i>De Parochis.</i>	87
VI.	<i>De obtinentibus Beneficia simplicia, ceterisque Presbyteris, &amp; Clericis diocesens.</i>	89
VII.	<i>De Fratribus Cappellanis sacra Religionis Hierosolymitana, Curam animarum habentibus, aliisque eidem Religioni inservientibus.</i>	92
VIII.	<i>De Beneficiariis, Cappellanis, aliisque aggregatis ecclesia in solo Lateranensi fundata; de Protonotariis, &amp; Subcollectoribus Spoliorum.</i>	94
IX.	<i>De Laicis.</i>	100
X.	<i>De ordine sedendi in Synodo.</i>	105
XI.	<i>De Indumentis Episcopi, aliorumque, qui Synodo Diocesana intersunt.</i>	110
XII.	<i>De poenis, quibus sunt obnoxii, non accedentes ad Synodum, nisi legitimo detineantur impedimento.</i>	115

## L I B E R I V.

De Officialibus, seu Ministris Synodi, suam nimirum operam Synodo præstantibus, aliisque, qui pro futuris eventibus in Synodo eliguntur.

CAP. I.	<i>De Officialibus primi generis.</i>	121
II.	<i>De Judicibus querelarum, &amp; excusationum.</i>	123
III.	<i>De Testibus Synodalibus.</i>	125
IV.	<i>De Punctatoribus.</i>	128
V.	<i>De Judicibus Synodalibus.</i>	131
VI.	<i>De Judicibus Conservatoribus.</i>	136
VII.	<i>De Synodalibus Examinatoribus.</i>	140
VIII.	<i>Expenduntur alia, ad Synodaliū Examinatorum officium spectantia.</i>	147

## L I B E R V.

De gerendis in Synodo.

CAP. I.	<i>De publicis Supplicationibus, Missis, Allocutionibus, Sermonibus, &amp; Acclamationibus.</i>	154
II.	<i>De legendis in Synodo, &amp; Fidei professione, in ea gerenda.</i>	160
III.	<i>De Scrutinio.</i>	164
IV.	<i>De auctoritate reservandi casus, eorumque reservatione in Synodo facienda.</i>	169

b 2

V. *Quæ-*

- V. *Quenam sint atrociora & graviora crimina reservanda, una cum aliis ad materiam pertinentibus, & signanter quoad Regulares.* 173
- VI. *De jure exigendi Cathedralicum, in Synodo ut plurimum solvendum.* 179
- VII. *De nonnullis questionibus Cathedralicam respicientibus.* 183
- VIII. *De elemosyna Missarum, & ejus taxatione in Synodo ut plurimum facienda.* 189
- IX. *De advertendis ab Episcopo in statuenda Missa elemosyna, evellendisque abusibus adversus eam gliscentibus.* 195
- X. *De Missarum oneribus minuendis.* 199
- XI. *De ratione reddituum Seminarii, a Deputatis in Synodo reddenda, & de nonnullis ad eosdem Deputatos pertinentibus.* 201
- XII. *De nonnullis monitionibus, in Synodo faciendis.* 206

## LIBER VI.

De Constitutionibus in Dioecesana Synodo edendis, earumque conscribendarum methodo.

- CAP. I. *Summa statuendum in Dioecesis Synodis.* 208
- II. *Qua methodo, quoque sermonis stylo conscribende sint Synodales Constitutiones.* 211
- III. *Qua utiliter in una, inutiliter in alia Synodo decernuntur: ubi nonnulla de Oblatis, Eremitis, & Gracis degentibus in dioecibus Episcoporum Latinorum.* 213
- IV. *Aliis exemplis demonstratur, non omnes Constitutiones omni Synodo aequè congruere: ubi multa de Judeis degentibus in terris Christianorum.* 218
- V. *Quae in precedenti capitulo dicta sunt, novo confirmantur exemplo, communicationis videlicet Catholicorum cum Haeticis in Divinis.* 223
- VI. *Recens subortus in dioecesi abusus necessariam interdum reddit Constitutionem, qua in alia forte Synodo redundaret: ubi de obligatione imposta Penitenti nomen aperiendi Complicis in peccato.* 227

## LIBER VII.

De his, quae cavenda sunt in Constitutionibus Synodalibus.

- CAP. I. *De cavendis quoad quaestiones nondum definitas: ubi de quaestione, an sit de jure Divino residentia quoad habentes Curam animarum.* 230
- II. *Iterum de cavendis quoad quaestiones nondum definitas: ubi de ea, an Clerici Beneficarii sint domini, vel administratores fructuum suorum Beneficiorum.* 233
- III. *Re-*



# ET CAPITUM.

XVII

- III. *Regula in procedentibus Capp. tradita limitatur.* 241
- IV. *Præcipue abstinendum a definiendis questionibus, respicientibus Sacramenta: ubi de intentione Ministri, requisita ad validitatem Sacramenti.* 243
- V. *Nonnulla recensentur quæstiones, spectantes sacramentum Baptismi, a quibus in Synodo definiendis, est abstinendum: ubi de Baptismo collato infanti in matris utero latitanti; necnon infanti, qui aliquam sui partem ex utero matris emisit.* 247
- VI. *De forma conditionata Baptismatis, alteriusve sacramenti, characterem imprimentis.* 252
- VII. *De sacramento Confirmationis relative ad Presbyteros Græcos, qui illud pueris post Baptismum administrent; & primò de Ministro hujus sacramenti.* 258
- VIII. *De adhibendo Chrismate ab Episcopo benedicto, si Presbyter uti minister extraordinarius Confirmationis sacramentum administret; & an ad solum summum Pontificem, excluso Episcopo, pertineat jus delegandi simplici Sacerdoti dicti sacramenti administrationem.* 262
- IX. *In quo finis imponitur proposita quæstioni de pueris, qui post Baptismum a Presbytero baptizante confirmantur.* 267
- X. *Rursus de sacramento Confirmationis; de quo in quadam Constitutione Synodali cautum est, ut pueris mox decessuris administretur.* 272
- XI. *De evitandis in Synodo Theologicis quæstionibus, quæ a Theologis moventur circa sacrosanctum Eucharistia sacramentum; ubi de Viatico exhibendo, vel non exhibendo ei, qui post perceptam mane sanctissimam Eucharistiam eadem die prudenter timetur moriturus.* 276
- XII. *In quo agitur de Viatico pueris exhibendo; item iis qui, perseverante eodem morbi periculo, instant, Viaticum sibi exhiberi: & aliqua de frequenti, aut quotidiana Communione.* 279
- XIII. *De pertinentibus ad sacramentum Pœnitentia; & signanter de quæstione, ejusque usu in Synodalibus Constitutionibus quoad necessitatem aliqualem dilectionis Dei in Astrictione ex metu gehenna concepta, aut dicta necessitatis exclusionem.* 285
- XIV. *De Confessione, quam nonnulla Synodi excipiendam prohibent Confessario, qui est in opere carnali complex criminis cum Pœnitente peracti.* 291
- XV. *De reprobatione doctrina, quæ in nonnullis Synodis legitur, Confessionis videlicet facta in mortis articulo Laico, aut etiam mulieri, deficienti Sacerdote, aut Diacono, vel Subdiacono.* 294
- XVI. *De sacramento extrema Unctionis: ubi de materia hujus sacramenti, de Olei benedictione ab Episcopo peragenda; nulla tamen in Synodo facta prohibitione Presbyteris Græcis illud benedicendi, & Catholicos Græci ritus inuagendi, si in Latinorum diocesis Græci inhabitent.* 301

XVII. De

- XVII. De forma sacramenti extrema Unctionis, de qua multa in Synodis  
 & instructionibus Episcopalibus. 305  
 XVIII. De corporis partibus inungendis, de quo multa in nonnullis Synodis  
 & Ritualibus habentur. 307  
 XIX. De sacramenti extrema Unctionis Ministro tum quoad Ecclesiam Latinam,  
 tum quoad Ecclesiam Græcam: quidve Episcopi Latini, in  
 quorum diocesis Græci inhabitant, statuere valeant de eorum ritu  
 hac in re. 309  
 XX. De subjecto hujus Sacramenti, & præsertim de more Græcorum sanos  
 Oleo inungendi: & quid de eo Episcopi Latini, in quorum diocesis  
 Græci inhabitant, in Synodo differere possint. 314  
 XXI. De eodem subjecto extrema Unctionis, & signanter de astate, in qua  
 eadem pueris exhiberi potest: ubi etiam de amentibus, & furiosis, ac  
 nonnulla de Synodis, in quibus de prædictis rebus differitur. 319  
 XXII. De tempore, quo infirmis extrema Unctio est exhibenda: & quid in  
 Synodis, & instructionibus Episcopi de dicto tempore statuere debeant. 322  
 XXIII. De ordine, quo extrema Unctio infirmis administranda est; & de reiteratione  
 administrationis ejusdem sacramenti. 327  
 XXIV. De cautela in Constitutionibus Synodalibus adhibenda, cum in eis agatur  
 de sacramento Ordinis: Plura de questione, utrum in cujusbet  
 Ordinis minoris collatione verum conficiatur sacramentum, quam  
 nonnulli Episcopi in suis Constitutionibus Synodalibus aut decidisse,  
 aut ignorasse visi sunt. 331  
 XXV. Quod nihil in Synodo sit decernendum de trium hierarchicorum Ordinum  
 materia & forma, insinuat ex exemplo, desumpto ex quadam  
 questione Congregationis Concilii proposita. 340  
 XXVI. De protestatione in aliquas Synodos inserta, & per Archidiaconum,  
 Episcopi nomine, ante Ordinationem repetita, per quam Episcopus  
 Ordines collaturus protestatur, se intentionem non habere ordinandi  
 irregulares, aut canonico impedimento irretitos: & de Ordinatis ad  
 majores Ordines, ab Episcopo in Missa, non ab ipsa celebrata, sed  
 a Sacerdote; de qua re, in Synodo Episcopali, aliquando disceptatum  
 est. 346  
 XXVII. Ad demonstrandum quam circumspecte sit, in Synodo loquendum de  
 Ministro sacramenti Matrimonii, nonnulla præmittuntur, respec-  
 tiva Concilii Tridentini decretum, quo irrita sunt Matrimonia  
 clandestina. 351  
 XXVIII. Ex eo quod præsentia Parochi necessaria nunc sit, ad vires tribuendas  
 Christianorum connubiis, recurrit quæstio, jam antea a nonnullis  
 excitata, an scilicet ille sit sacramenti Matrimonii minister: Secum  
 invicem, hac in re pugnantium Doctorum præcipua argumenta pro-  
 feruntur; concluditurque, non esse, in Synodalibus Constitutionibus,

- bus, de huiusmodi controversia ferendum iudicium, nec aliquid asserendum, quod uni, aut alteri opinioni refragetur. 356
- XXIX. *Corrigatur falsa doctrina, qua in quasdam Synodos irrepsit, quoad idem Matrimonii sacramentum.* 363
- XXX. *Nihil in Synodo decernendum, quod praedictum inferat auctoritati, & juribus Apostolicae Sedis: Ubi de falsitate assertionis, tribuentis Episcopo potestatem statuendi in sua dioecesi, iis dimittat exceptis, qua totius Ecclesiae statum respiciunt, quidquid Papa sibi specialiter non reservaverit.* 366
- XXXI. *Ex iis, qua dicta sunt, decernitur, quibus in casibus fas sit, aut non sit Episcopo, relaxare impedimenta dirimentia Matrimonium: Agitur etiam de consuetudine, ac nonnullis Synodis Gallicanis, eandem Episcoporum facultatem spectantibus.* 370
- XXXII. *Aliud asseritur exemplum Synodalis Constitutionis, adscribentis Episcopo facultatem absolvendi ab haeresi, qua, nisi congrue explicetur, iura deturbat Apostolicae Sedis.* 377
- XXXIII. *Alia evertuntur argumenta, quibus speciatim suffulsi nonnulli Auctores Gallicani, facultatem absolvendi ab haeresi, quam alii ablatam haud difficulter admittunt, in sua nationis Episcopis intactam perseverare asserunt.* 384
- XXXIV. *Eadem iura Romani Pontificis leduntur etiam per Synodalem Constitutionem, insipientem degradationis poenam Clericis, quorumdam atrociorum criminum reis.* 387
- XXXV. *Nulla in Synodo decidatur controversia, qua in materia jurisdictionis vertatur inter Potestatem Ecclesiasticam, & Sacularem: ubi multa de causis nunc, & olim pertinentibus ad Ecclesiasticam Potestatem.* 395
- XXXVI. *Leges civiles cum moderatione, & delectu, in Synodo alleganda.* 404
- XXXVII. *Exempla legum secundi generis, qua scilicet sunt a iure Canonico correctae, & improbatæ: ubi de matrimonii filiorumfamilias sine consensu parentum, & servorum sine consensu dominorum.* 408
- XXXVIII. *Exempla alia legum civilium a iure Canonico correctarum, ubi praecepta de adulteris, & concubinato.* 412
- XXXIX. *Gravis dubitatio olim exorta, an quadam lex civilis esset a iure Canonico recepta, an potius abrogata; atque ideo, an valide contrahi possit matrimonium inter vicarium, & uxorem privignam.* 417
- XL. *De legibus civilibus a iure Canonico, neque correctis, neque expressè approbatis, & proinde aliquando opportune in Synodo memorandis.* 420
- XLI. *Nihil in Synodo constituendum, quod Regularium privilegia ledat.* 423
- XLII. *Modus audiendus in Constitutionibus respicientibus Regulares.* 429
- XLIII. *Alia exponuntur earundem querelarum causae.* 433
- XLIV. *Censura, praesertim lata sententia, Synodali Constitutionum transgressa.*

- gressoribus, nonnisi sobrie, & circumspecte infligantur: ubi etiam de potestate distas censuras ferendi. 440
- XLV. Auctoritate, & exemplis improbatum immoderatus usus censurarum lata sententia. 446
- XLVI. Interdum decerni potest censura lata sententia ad cobibendam culpam, qua in se spectata est levis, si ob adjunctas circumstantias fiat gravis. 449
- XLVII. Quid de usuris, & contractibus in Synodo decerni possit: ubi specialiter de Mutuo. 452
- XLVIII. An, & quando usura suspitione vacent quidam speciales Contractus, de quibus interdum est in Synodo agendum: ubi de lucro, quod ultra sortem recipitur in Montibus Pietatis, de censibus, & de cambiis. 458
- XLIX. A Cambiis localibus activis, omnique alia questuosa negotiatione, quantumvis in se licita, & Laicis permixta, per Synodalem sanctionem, cobibeantur Clerici. 464
- L. Quid sentiendum de Contractu, quem vocant trium Contractuum: An a Synodo permitti, an potius proscribi debeat. 469
- LI. Contractus cujuslibet dioecesis proprii, & peculiare in Synodo examinentur. 472
- LII. De Multis, seu poenis pecuniariis. 475
- LIII. De Multarum, seu poenarum applicatione, seu destinatione; & obiter nonnulla de Procuracione debita Episcopo visitanti. 480
- LIV. De falsa novitatis nota, qua Synodaliibus Constitutionibus quandoque inuritur: ubi multa de Constitutionibus Sancti Caroli Borromaei pro sua Ecclesia Mediolanensi. 483
- LV. Ab eadem novitatis nota alia vindicantur Synodales Constitutiones. Alatrina videlicet, & Herbipolenses. 490
- LVI. Quenam sit novitas in dioecesim non inducenda: ubi prater alia agitur de jejuniis Sabbati, & de more in nonnullas regiones invecio vefcendi die Sabbati interioribus, & extremis partibus animalium. 495
- LVII. Novitatis notam non evadit Synodalis Constitutio, qua renovantur antiquos Canones, per alios posteriores misigatos: ubi de cohabitacione Clericorum, & mulierum prudenter in Synodo inibenda. 501
- LVIII. Alia Synodalia Constitutionum, invifam novitatem inducentium, exempla: ubi de folutione dotis a Sanctimonialibus facienda monasterio, in quo Professionem emittunt; & de propofita inftitutione nutriendi infantes spurios ac projectos lacte caprino, aut vacca. 505
- LIX. De censoria nota nimia feveritatis, Synodaliibus Constitutionibus falfo interdum inufta: ubi de praefcribenda Vefte, oblonga, & nigri coloris Clericis in Sacris confitutis, aut Beneficium Ecclefiafticum poffidentibus. 513
- LX. A feveritatis nota vindicatur Synodalis Constitutio, qua Clericis interdicitur

- dicitur usus Comae suppositivae, vulgo Parrucca.* 516
- LXI. *Alia ejusdem censura, Synodalibus Constitutionibus immerito iniusta, exempla: ubi de ludis, & venationibus, choreis, spectaculisque, quae Clericis interdiciuntur.* 521
- LXII. *Immerito nimia severitatis infirmulatur Constitutio, praescribens Sacerdotibus assiduam lectionem antiquorum canonum Poenitentia-  
lium.* 529
- LXIII. *Exemplis ostenditur, quam sit severitas in Synodalibus Consti-  
tutionibus evitanda: Et singulatim differitur de Constitutione prohi-  
bente usum Tabaci ante Eucharisticam communionem; atque ex-  
penditur alia Constitutio, qua interdicitur Clericis, ne Secularium  
patrocinio, & favore Ecclesiastica Beneficia assequi studeant.* 533
- LXIV. *Non potest a nimia severitate excusari Synodalis Constitutio, adigens  
Seculares ad Missam, Deique verbum audiendum in ecclesia paro-  
chiali, omnibus Dominicis, aliisque festis diebus.* 536
- LXV. *Firmitate carent Synodales Constitutiones juri communi, & Apostolicis  
sanctionibus adversantes; multaeque ad hanc rem comprobantur  
asseruntur exempla.* 543
- LXVI. *Ad tuendam Synodalem Constitutionem, contrariam juri communi,  
frustra adducitur studium servandae Ecclesiastica disciplina: sigil-  
latim vero examinantur Constitutiones Clericos omnium Clericalium  
jurtura possessione deturbantes, ob non impletas ab illis conditiones a  
Concilio Tridentino praescriptas.* 547
- LXVII. *Ad ea confirmanda, quae nuper dicta sunt, statuitur, an, & quando  
liceat Clerico iterum induere Clericales vestes, quas antea dimiserat:  
An liceat Episcopo Ordines minores, una cum Subdiaconatu,  
uni eidemque persona, eadem die conferre: Et an irregularitate affi-  
ciatur, qui, nulla impetrata absolutione a censura, qua est irretitus,  
ascendere praesumat ad altioris Ordinis gradum.* 550
- LXVIII. *Non obtentu quidem removendi abusus, a rebus sacris, potest in Syno-  
do quidquam constitui, contra jus commune: Quamobrem viribus  
caruere quaedam Synodales Constitutiones respicientes Sponsalia, &  
Matrimonia clandestina, etsi iusta, ac sancta, atque ad graves eli-  
minandos abusus viderentur quodammodo necessaria.* 555
- LXIX. *Firmitate non carent Synodales Constitutiones, aliquand decernentes,  
praefer jus commune, quod multis firmatur exemplis.* 559
- LXX. *Alia praefertur Synodales Constitutiones, quae non ideo nutarunt,  
quod aliquid statuerint praeter jus commune.* 564
- LXXI. *Nonnullae recensentur rerum circumstantia, in quibus dubitari pos-  
set, an permittatur Episcopo aliquid constituere contra jus commu-  
ne, aut Apostolicas sanctiones: Agitur praecipue de facultate Episcopi  
Clericum suspendendi ab Ordinis exercitio ob occultum crimen, in  
foro externo non probatum; & de alienatione rerum Ecclesiasticarum,  
nulla*

- nulla ratione permittenda absque Apostolica Sedis assensu. § 68  
 LXXII. De dubitatione aliquando orta, an & quando liceat Episcopo, in sua  
 presertim Synodo, presuimere quantitatem reddituum Patrimonii, aut  
 Beneficii, ad cujus titulum quis possit ad sacros Ordines promo-  
 veri. § 73

## LIBER VIII.

De ceteris, ad Dioecesanam Synodum pertinentibus.

- CAP I. De verbo Placet, quo Synodales Constitutiones solent alicubi ab Ad-  
 stantibus approbari. § 77  
 II. De Synodi subscriptione. § 83  
 III. De Synodali Decretorum revisione, & approbatione. § 87  
 IV. De Synodali Decretorum promulgatione, &, quam in dioecesi  
 inducunt, obligatione. § 92  
 V. Quibus modis cessare possit obligatio inducta a Synodali Statuto. § 97



## P R Æ F A T I O .



OST exactam vitæ nostræ partem fere maximam Romæ, in iis Congregationibus, ubi gravissima Religionis, & Ecclesiasticæ Disciplina negotia tractari solent; ut primum honore Cardinalatus, per fel. rec. BENEDICTUM XIII., licet immerentes, insigniti fuimus, cum regendam accepissemus Anconitanam Ecclesiam, & inde mox ad Bononiensem Metropolim, natale Solum, traducti essemus, animadvertere jam tum cœpimus, ignorari passim, aut certe non satis notas esse multas ex Apostolicis Constitutionibus, quibus Ecclesiæ Instituta gravissima continentur: Decreta autem, & Responsa Congregationum, aut nesciri penitus, aut non recte intelligi, plura sinistris interpretationibus in sequiorem partem accipi, atque corrumpi: quæ demum alii, ante Nos, Antistites, in Diocesanis Synodis bene, sapienterque constituerant, ea vigere parum, negligi omnino, suam vim, pretium, ac dignitatem non obtinere; propterea quod ignoti essent fontes, unde Scita, & Consulta illa omnia deducta, ac corripata fuissent. Id Nos perspicere certo potuimus, cum in Theologicis Consultationibus, quæ identidem Nobis præsentibus habebantur, tum in privatis colloquiis, quæ sæpe, varias ob causas, cum Ecclesiasticis hominibus ferebamus: maxime vero quoties ad examen accedebant, sive minores Clerici,

sive Poenitentiae Administri, sive Paroeciarum petitores, ut de singulorum scientia cognosceremus.

Hanc porro tantam, tamque damnosam incitiam considerantibus Nobis, atque, ut par erat, dolentibus, multa ad eam depellendam obversabantur. Erant qui opportunissimum fore censebant, Academiam instituere, in qua per intervalla temporum, disputandum esset, de iisdem rebus, uti passim fieri in Litteratorum conventibus solet. Verum, præterquam quod haud facile inveniri poterant viri laboriosi, impigri, & idonei, eo numero, qui ad conflandum cœtum Academicum requiritur, id semper habent incommodi ejusmodi Academiae, quod uno dumtaxat laborante, otiantur ceteri, quæque ille apte, copioseque proloquitur, aut non subeunt audientium animos (nisi si jam eruditi illi sint, & iisdem rebus exculsi) aut cito effluunt, ad summum rudem tantummodo, & indigestam post se notitiam relinquunt: Nunquam vero late manant, nec ad notitiam publicam, uti opus est, propagantur. Alii alia subjicebant, quæ longum esset hoc loco enumerare.

In tanta consiliorum multitudine, ac varietate, visum Nobis inire viam intentatam hætenus, & qua non alia fortasse planior, & expeditior. Usum enim ipso edocti, ad recte administrandam civitatem, atque dioecesim, proponenda subinde esse populo aliqua Edicta; ea Nos exarare instituimus, non ut alii solent, sola præcipiendi formula, sed arte quadam, & apta ad erudiendum methodo, præ-



præceptorum scilicet causas , & fundamenta com-  
monstrantes , Disciplinam Ecclesiæ veterem , re-  
centioremque explicantes, ea demum expromentes  
omnia, quibus non solum permoveri quisque pos-  
set ad imperata facienda , verum etiam rationes disce-  
ret, propter quas unaquæque res injuncta esset, aut  
vetita, idque nullo suo labore, & incommodo.

Hoc institutum, quod legentibus quidem fa-  
cile, at Nobis, tametsi diu in ejusmodi rerum tra-  
ctatione exercitatis, laboriosissimum accidebat, bre-  
vi intelleximus, Deo nostra cœpta secundante, ma-  
gnas reipublicæ utilitates asserre. Exceptæ appro-  
batione omnium secundissima nostræ illæ Sanctio-  
nes, non intra dioceseos Bononiensis fines conti-  
nuerunt sese, sed ad circumpositas civitates primò,  
deinde ad remotiores volitare coeperunt, donec ali-  
quot voluminibus comprehensæ, & pluribus in lo-  
cis impressæ, ad universam late Italiam pervaserunt.  
Illud autem Nobis optandum maxime, ut siquidem  
eædem nunc, ex Italico in Latinum sermonem cum  
fide conversæ sunt, tam fructuosæ inveniantur ultra  
Montes, & apud omnes ubique gentes, quam in  
Italia fuerunt.

Secundum hæc parabamus Dioecesanam cele-  
brare Synodum, certis tamen præfinitis rerum discu-  
tiendarum capitibus, præter quæ spatium non lice-  
ret. Erant pleraque educta ex Edictis nostris, quæ  
cupiebamus Synodali auctoritate rata, ac firma esse.  
Et videbamus Nobis iis Edictis, & Litteris attigisse  
omnia, quæ gravissima sunt, quæque ad Episcopi  
soli-

solicitudinem, & cognitionem pertinent; sed ubi manum operi admovecœepimus, tot simul obortæ voces, tot exauditæ sententiæ sunt, ut aliò convertenda consilia nostra judicaverimus. Negabant aliqui, viri ceteroqui probi, nec indocti, ullum exiturum operis pretium, nisi ad alia multa rerum genera Synodi cognitio traduceretur. Hoc scilicet decerni malebant, illud interdici, has, atque illas proponi contumacibus poenas, hoc, illudve malis publicis remedium adhiberi: Res, maximam partem, extra Synodi potestatem positas, quasque ipsi Nos sæpe Romæ rejeceramus, & a sacris Congregationibus improbatas, a summis Pontificibus reprehensas, atque emendatas, videramus.

His ergo tollendis ex hominum mentibus præjudiciis, venit Nobis in mentem Commentationem edere de Dioecæsana Synodo, eaque congerere simul, quæ circa hoc argumentum sparsa multis in libris invenirentur, additis Patrum, Conciliorum, & Ecclesiasticæ Historiæ documentis: Quarum rerum ingentem copiam habebamus in promptu, partim privato studio, partim muneribus publicis, & experientia collectam. Ut rem totam ordinate perageremus, amplam divisimus materiam in plura capita, omniaque complexi, quæ ad rem ullo modo, & maxime ad praxim facere videbantur, Opus nostrum ad calcem deduximus. Sed quo maxime tempore illud relegere, expolire, & multis partibus augere meditabamur, obitu Clementis XII., abrumperè opus coacti fuimus, Romam vocati scilicet ad Car-

Car-

Cardinalium Comitia . Illam igitur rudem hæcenus , mancā , & impolitā reliquimus in nostra Bibliotheca Bononiensi ; hac tamen mente , ut simul ac regressi essemus ad nostram Sedem , supremam illi manum imponeremus .

Verum inter hæc ad supremum Ecclesiæ regimen , nullo nostro merito , ac præter omnem opinionem evecti , id unum efficere potuimus primo , ut scripta omnia , & adversaria nostra Romam exportarentur : in quibus cum esset Commentatio , de qua dicimus ; eam per diu nec attingere licuit ; tam multis , tam variis , tamque gravibus districti fuimus curis , toto hoc præterito tempore nostri Pontificatus . Nunquam tamen ejus perficiendæ , vulgandæque cogitationem abjecimus . Itaque post recognitos , auctos , & iterum typis impressos quatuor nostros de Canonizatione Sanctorum tomos ; post eundem laborem adhibitum nostris Operibus de Festis Domini , & Beatæ Mariæ Virginis , de sanctissimo Missæ Sacrificio , aliisque , quæ in Latinum conversa , & additamentis pluribus locupletata , vel prodierunt jam , vel prælo parata sunt ; post vulgatum præterea Bullarii nostri priorem tomum , huc postremo animum convertimus , nactique subinde inter difficillima , & assidua Pontificatus negotia , aliquid vacui temporis , idque raptim Commentationi nostræ impendentes , eam aliquando tandem confecimus , seu verius fere ex integro elaboravimus : adeo multa sunt de novo addita , partim ex libris nostræ Bibliothecæ , partim ex nostris Bononiensibus

Lit-

Litteris, & Edictis, partim denique ex iis, quæ toto nostri Pontificatus septennio decreta a nobis, & constituta sunt.

Ita in hanc qualemcumque formam redacta est Commentatio; quam Nos dum in publicum edimus, aliud nihil spectamus, nisi ut Episcopi suas celebrare Synodos rite, ac laudabiliter possint, nulloque præbeant locum querelis, quæ sæpe contra Synodalia Decreta ad Sedem Apostolicam perferuntur. Spe autem certa ducimur, non exiguum exiturum fructum laboris, & industriæ nostræ, si modo Præsules Ecclesiarum animo suo reputabunt, quod in Concilio Tridentino decretum est de Synodis celebrandis, nec leve negotium esse, nec temere, aut sine certis legibus peragendum. Sed ut nullum fore arbitramur, qui velit, sine justa causa, hanc officii sui partem gravissimam prætermittere, ita votorum nostrorum summam consequemur, si deinceps suas singuli Synodos celebrare instituent, non solum crebro, verum etiam recte, & ex præscripto illarum rerum, quas toto hoc Opere complexi sumus.



DE



# DE SYNODO DIÆCESANA

## LIBER PRIMUS.

NOTIONES, QUÆSTIONESQUE PRÆLIMINARES.

### CAPUT I.

*De Synodi nomine, & Synodorum divisione.*



SYNODUS, ut ipsa præfert nomen etymologia, idem est, ac Concilium; seu plurium in unum locum, aliquid deliberandi gratia, conventus: Quocirca in annalibus Francorum ad an. 773. (tom. 2. collect. *Andrea du Chesne* pag. 28.) legitur: *Tunc Synodum supradictus Rex gloriosus tenuit generaliter cum Francis apud Iennam civitatem, ibique exercitum dividens &c.* Et ad an. 776. (pag. 30. ejusd. collect.) *Conjuncti Synodum ad eandem civitatem, & ibi placitum publicum tenens &c.*

Et in annalibus Bertinianis ad an. 767. (tom. 3. collect. cit. pag. 153.) habetur: *Synodum fecit cum omnibus Francis solito more in campo.* Aliquando autem locus ipse, seu oppidum, ejusmodi congressibus habendis stabiliter destinatum, appellatur *Concilium*, sicuti videre est apud Plinium lib. 1. cap. 9. sect. 35. ac proinde etiam Christianorum ecclesias, ad quas Fideles conveniunt, ab antiquis Scriptoribus non raro Concilia, & Synodos nuncupatas legimus; in quo sensu Constantinus Magnus leg. 4. cod. Theodosiani, lib. 16. tit. 2. *De Episcopis & Clericis*, inquit: *Habeat unusquisque licentiam, sanctissimo Catholica, venerabilique Concilio decedens, honorum, quod optavit relinquere.*

— Tom. XII.

A

quere :

quere; nomine enim *Concilii* hic, ut in multis aliis Antiquorum locis, ecclesiam intelligi, observat ibidem Gothofredus. Eandem vocis significationem elicit Baronius in *Martyr. ad diem 23. Jun.* ex epistola S. Hieronymi ad Heliodorum, ubi Nepotianum laudat, quod *basilicas Ecclesie, & Martyrum Conciliabula diversis floribus, & arborum comis, vitiumque pampinis obumbravit*; per Martyrum quippe Concilia, denotari ecclesias, super Martyrum sepulcra erectas, fidem facit S. Gaudentius *serm. 17.*, in dedicatione cuiusdam ecclesie, quam vocat *Concilium Martyrum*. Neque certe aliud, quam ecclesias indicare potuere, liber Pontificalis, cum Damasum narrat versibus adornasse *Martyrum Concilia*; & Gesta S. Stephani Papæ, cum de Nemefio referunt: *Circuibat cryptas, & Concilia Martyrum*; quæ loca bene perpendit du Cangius in *glossar.* & Joannes Molanus *ad d. 23. Jun. in Martyrol. Usuardi*, in quo Martyrologio eadem die narratur, corpus Joannis Presbyteri, Martyrio coronati, a Concordio itidem Presbytero collectum, & sepultum juxta *Concilia Martyrum*. Verum postea apud nos usus passim obtinuit, ut *Synodi, & Concilii* nomine, non locus, nec quicumque hominum coetus, sed ii significantur, in quibus Episcopi interfunt, & Ecclesiastica negotia potissimum pertractantur.

2 Ejusmodi Synodorum, ex Petro de Marca *lib. 6. de concordia &c. cap. 24. num. 5.*, aliæ olim dicebantur *Regiæ*, quæ non ex Episcopis solum constabant, verum etiam ex Optimatibus, & Comitibus Regni, ut omnium suffragiis leges conderentur, ad utramque politicam, Ecclesiasticam, & civilem disponendam: hujus generis Concilia frequentia fuisse Constantinopoli, observat Thomassinus *de vet. & nov. Eccles. disciplin. par. 2. lib. 3. cap. 46.* Frequentissima vero fuerunt in Gallia, cujus piissimi Reges, uti animadvertit Balutius in *notis ad Capitular. tom. 2. col. 1028.*, nihil grave decernebant, sine Episcoporum, & Optimatum consilio, quod ipsi met fatabantur in suis edictis, quorum vetustissima formula, edita a Bignonio in *notis ad Marcum lib. 1. cap. 25.* hæc erat: *Noti unacum Apostolicis viris, & Patribus, ceterisque palatii nostri Ministris &c.* Aliæ fuerunt, & sunt Synodi *Ecclesiasticæ*, in quas soli conveniunt Sacerdotes, ut de rebus statuant, ad Ecclesiam pertinentibus. Tres istarum species commemoravit S. Augustinus *lib. 2. de Baptismo contra Donatistas cap. 3. (tom. 9. oper. col. 98.)* nimirum, quæ per singulas regiones, quæ per singulas provincias fiunt, & quæ ex universo Christiano orbe congregantur; quibus quartam addidit Concilium Toletanum *iv. cap. 3. (tom. 3. collect. Hard. col. 579.)* illius mentionem faciens, quæ ex unius regni, vel nationis Episcopis conflatur. Quare Conciliorum, seu Synodorum quatuor nunc genera falsim Auctores enumerant, *Generalia, Nationalia, Provincialia, & Dioecesana.* *Generalia*, quæ & *OEcumenica* dicuntur, ea sunt, ad quæ vocantur Episcopi totius orbis, qui possunt, & debent iisdem interesse, nisi legitime impediuntur, & quibus præsidet Romanus Pontifex, vel per se, vel per suos Legatos. *Nationalia* sunt, in quæ conveniunt Archiepiscopi, & Epi-

& Episcopi unius regni, vel nationis, Præfide ejusdem nationis Patriarcha, vel Primate. Hæc quandoque vocari *universalia*, quia scilicet talia sunt, quoad illud regnum, seu nationem, quamvis absolute, & quoad totam Ecclesiam, universalia non sint, notavit Bellarminus *lib. 1. de Conciliis cap. 4.*; quocirca S. Augustinus *epist. 47. nov. edit. 215. num. 2. (tom. 2. oper. col. 794.) ad Valentinum*, secundam Synodum Africanam, sub Zosimo Papa, anno 418. celebratam, nuncupavit *plenariam*; & Synodus Toletana 111., anni 589. *cap. 18.*, se appellavit universalem, inquit: *Præcipit hæc sancta & universalis Synodus*. Verum Natalis Alexander *hist. Eccles. ad sac. 111., dissert. 24.* opportune animadvertit, ea fere semper plenaria, & universalia dicta esse cum aliqua limitatione, qua a vere OEcumenicis distinguerentur; sic præfata Synodus Africana dicta quidem est plenaria ab Augustino, sed *plenaria totius Africa*: Et Synodus Carthaginensis 111. *cap. 7.* simile Concilium vocavit *universale annversarium*: *Qui ad Concilium universale annversarium occurrere noluert*, ut significaret se de illo loqui, ad quod omnes Africani Episcopi singulis annis confluebant. Allatum autem Toletani 111. exemplum dubium est; nam in plerisque antiquis codicibus verbum illud *universalis* desideratur, ejusque loco legitur *veneranda*, quod videri potest in collectione Harduini *tom. 3. col. 482.* & in Labbeana *tom. 5. col. 1013.* solum universalis legitur in Isidoriana collectione, & apud Ivonem *par. 4. Decret. cap. 244.* Provincialia sunt, in quibus conveniunt Episcopi unius provincie, sub eorum Archiepiscopo, seu Metropolitano. *Diocesana* tandem nominantur, quæ quilibet Episcopus congregat ex Parochis, Presbyteris, aliisque Clericis suæ dioceseos, quibus ipse præest.

3 Notissima, & pervulgata est hæc Conciliorum divisio, eamque communiter tradunt Doctores, præsertim Melchior Canus *De loc. Theolog. lib. 5. cap. 3.*, Cardinalis Bellarminus *controvers. tom. 2. lib. 1. de Concil. cap. 4.* Cabassutius in *notitia Ecclesiæ. sac. primi, in observation. de Conciliis Ecclesiæ num. 3.*, Doujat in *prænotion. Canonic. lib. 2. cap. 1. num. 3. & 4.*, Du Vallius *de supr. potestat. Roman. Pontif. part. 4. quæst. 1.*, ac Alphonsus Gueterius in suo, non omnibus obvio tractatu *de Conciliis*, quem anno 1545. edidit, & Carolo V. Imperatori dicavit, qui reperitur inter miscellanea bibliothecæ Cardinalis Passionei *tom. DLVI.* & novissime Oddo Schartz *ad Decretales Gregorii IX. tit. 2. de Constitut. §. 2. quæst. 4.* Attamen accurate pervolventi Ecclesiastica monumenta, nonnulla occurrunt Concilia, a Romanis Pontificibus celebrata, quæ ad nullam ex enumeratis speciebus referri commode possunt, sed videntur quodammodo mixta, ex Provincialibus, & Diocesanis. Illis quippe aliquot intersuere Episcopi, quos in Urbe inveniri contigit, atque insuper Romani Presbyteri, alique Ecclesiastici viri, sive hi ad Romani Cleri cœtum pertinerent, sive ex alienis diocesisibus Romam advenissent: Ejusmodi fuit Concilium illud, quod Cornelius Papa circa annum 251. Romæ habuit, ut de causa judicaret Maximi, Urbani. &

Sidonii, qui, ejurato Schismate, in Ecclesiam recipi poscebant, de quo idem Cornelius in epistola ad Cyprianum, *qua est 46. hæc scribit col. 135. : Omni igitur actu, ad me perlato, placuit, contrahi Presbyterium. Adfuerunt etiam Episcopi quinque, qui & hodie presentes fuerunt, ut firmato consilio, quid circa personam eorum observari deberet, consensu omnium statueretur. Haud abfimile est Concilium ab Agathone Papa ex sexdecim Episcopis, & universo Romano Clero in Constantiniana basilica congregatum, pro componendis rebus Ecclesiæ Britannicæ; cujus Acta referuntur in novissima collectione CC. Britannicæ Davidis Vvilkins tom. 1. pag. 47. Nec diversa fuit Synodus habita a S. Gregorio Magno, cui subscripsisse, legimus Episcopos duos, & viginti, & Romanæ Ecclesiæ Presbyteros tres supra triginta in collect. Harduin. tom. 3. col. 498. Alia similibus Conciliorum exempla videri possunt, collecta in tractatu, de studio Conciliorum, Gallico idiomate conscripto, & Parisiis edito anno 1724. pag. 558., eorumdemque meminit etiam Cabassutius in brevi dissertatione de Urbanis, seu popularibus Synodis, post Synodum Constantinopolitanam sub Patriarcha Menna anno 536. Quin etiam animadvertere hic libet cum Thomassino cit. part. 2. lib. 3. cap. 43. Constantinopoli cum satis magno numero Præfules continuo versarentur, ibi quamdam quasi perpetuam Synodum fuisse constatam, cui Regiæ urbis Antistes præsidebat, & difficiliore quoque Ecclesiæ Orientalis causas terminabat. In ejusmodi Synodo Episcoporum Constantinopoli sorte observantium, Nectarius Constantinopolitanus Episcopus de causa judicavit Agapii, & Gabadii, de Bostrensi in Arabia Episcopatu inter se contententium, sicuti habetur *Jur. Orient. part. 1. pag. 47.* In simili Synodo a Chrysostomo exauctoratus est Gerontius Nicomedienfis in Bithynia Episcopus, quod narrat Sozomenus lib. 8. cap. 8. In eadem Synodo idem Chrysostomus querelas & accusationes audivit complurium Asiæ Episcoporum, adversus Antonium Ephesium Episcopum, quemadmodum refert Palladius in dial. de vita Chrysost. Jam vero cum ab his Synodis abessent Laici, & soli in illis assiderent Episcopi, quod colligitur ex eodem Palladio, qui præfatam Synodum exacte describens, solos Episcopos enumeravit; cumque præterea in illis causæ dumtaxat disceptarentur ad Ecclesiæ Forum spectantes, diversæ profecto erant a Synodis illis Regiis, de quibus supra, ac proinde aliam constituunt Ecclesiasticæ Synodi speciem, ab iis quatuor distinctam, quas communiter Doctores recensent.*

4 Verum his prætermisiss, quæ præsentis instituti non sunt, Synodum Dioecesanam, de qua solum hic agimus, paulo accuratius consideremus. Matthias Ugonius Episcopus Famaugustanus Scriptor decimi sexti sæculi, de quo plura Dupin in sua *Biblioth. Ecclesiæ* tom. 14. pag. 130., tractatum concinnavit, & evulgavit de Conciliis, qui in paucis bibliothecis reperitur, atque in tractatus præludii pag. 4. scite animadvertit, Synodum Episcopalem, seu Dioecesanam frequenter ab Anti-



Antiquis vocari *Presbyterium*, sicuti re ipsa nuper illam appellatam audivimus a Cornelio Papa. Eadem quandoque nuncupatur *Concilium Civile*, utpote quæ congregatur ab Episcopo in sua civitate cum folis Presbyteris suæ dioceseos; quod colligimus ex *epist. 14. (tom. 5. collect. Hard. col. 706.)* Hadriani II. summi Pontificis ad Carolum Calvum in causa Herlefrini Presbyteri, in qua ait: *Sed nunc melius faceretis, si quod in Croilli Concilio apud suum Episcopum perperam gestum est, in Provinciali Synodo apud vos rationabiliter, & apud Fratrem nostrum Hincmarum tractaretur.* Nunc autem, quemadmodum notat Doujat *cir. prent. Canonic. lib. 2. cap. 1. num. 16.*, ita proprie Synodi nomen sibi usurpat, ut cum Synodum sine ulla additione, dicimus, plerumque Dioecelanam intelligamus. Quare VVillhelmus Lindevvode ad Constitutiones provinciales Angliæ, *tit. de officio Archiepiscopi* cum statutum offenderit, a Bonifacio Episcopo in hunc modum editum: *Item statuimus, quod Episcopi in suis Synodis, & aliis Convocationibus, & singuli Archidiaconi in suis Capitulis &c.* Itatim adnotavit: *Synodi dicuntur conventus, sive congregationes Senum, & Presbyterorum, quæ debent fieri per Episcopum annuatim.* Hæc de nomine: ad definitionem quod attinet, non incongrue a Botto in suo tractatu de Synodo Episcopali *part. 1. num. 5.*, & ab Antonio Paulutio in sua *Jurisprud. sacra tit. de Comitibus Ecclesiasticis cap. 9. num. 2.* Synodus Dioecelana hisce fere verbis describitur: *Legitima congregatio ab Episcopo coacta ex Presbyteris, & Clericis sua diocesis, aliisque, qui ad eam accedere tenentur, in qua de his, quæ cura Pastoralis incumbunt, agendum & deliberandum est.*

5 Ita descriptæ Dioecelanae Synodi speciem quamdam & imaginem nobis exhibent Acta Apostolorum *cap. 21.*, Hierosolymitanam Ecclesiam gubernante Jacobo Minore, qui dicebatur Frater Domini, de cujus Episcopatu Hierosolymitano fidem faciunt Clemens Alexandrinus, Eusebius, Epiphanius, Chrysostomus, Cyrillus Alexandrinus, quorum testimonia congescit Petrus Franciscus Foggini de Romano Divi Petri itinere, & Episcopatu exercit. 18. pag. 422. & seqq. Paulus Hierosolymam profectus est, cumque illuc pervenisset, Jacobum adivit, apud quem statim omnes ille: *Hi sunt Seniores.* Hi vero postquam audierunt uberem fructum, quem ex Evangelii prædicatione ubique Paulus reportaverat, eundem admonuerunt imminenti ei a Judæis periculi, quibus erat eo nomine invisus, quod Circumcisionis, ac totius Mosaicæ Legis abolitionem vellet, & prædicaret; quanquam autem id esset a veritate alienum: Nam Paulus solum docebat, Legem Moysi non esse necessariam; quin immo sine Fide Christi inanem esse, nec quidquam conferre ad æternam salutem; Legis tamen ritus & caeremonias, utpote quæ nondum mortiferæ evaserant, nunquam damnaverat; quod quidem facile demonstrare potuisset ex facto proprio, siquidem ipsemet circumciderat Timotheum *Act. 16.*, & Nazareatus votum susceperat *Act. 18.*, sicuti ad rem perpendit Tirinus *ad d. cap. 21. vers. 21.*, nihilominus tamen Paulus, ut calumniam prorsus dilueret,

Sen

Seniorum consilium secutus, cum aliis quatuor viris Nazæorum voto obstrictis, Templum ingressus est, ibique palam & publice Legis cæremonias explevit. Gesta hæc sunt non inter Jacobum tantum, & Paulum, sed coram universo cœtu Seniorum, hoc est Presbyterorum Ecclesiæ Hierosolymitanæ, sicuti, teste Cornelio a Lapide *ibidem*, habet Græcus Textus; atque hi Presbyteri illi iidem erant, qui interfuerant celebri Concilio Apostolorum, in quo actum fuit de Legalibus *Añ. 15.*, quod ipsimet asseruerunt: *De his autem, qui crediderunt ex Gentibus, nos scripsimus, judicantes, ut abstineant se ab idolis, immolato, & sanguine, & suffocato, & fornicatione*; ut narratur etiam *eod. cap. 21. v. 25.* Quamobrem ejusmodi Seniorum conventum cum proprio Episcopo Jacobo fuisse veram & propriam Synodum Dioecesanam, ad exemplum ceterarum primum habitam, expresse affirmavit Turrecremata *Summa de Eccles. lib. 3. cap. 3.* scribens: *Tertia species Conciliorum dicitur Concilium Episcopale, sive Synodus Episcopalis, quam celebrat Episcopus in dioecesi sua cum Abbatibus, & Clericis sibi subiectis .... Forma autem hujus Concilii præcessisse videtur in Concilio, quod Beatus Jacobus dicitur celebrasse Hierosolymis cum Senioribus, pro abolenda suspitione orta contra Paulum, de quo Añ. 20., idemque sentire vili sunt Beda, Comestor, & Alphonsus Guererius in cit. tract. de Concil. cap. 1. ubi ait: Synodus a Paulo, & Jacobo celebrata fuit Hierosolymis super abolenda suspitione quorundam Judæorum. Nos vero, quanquam libentius assentiamur Cornelio a Lapide, Tirino, & Lorino ad cit. cap. vers. 18., Caballutio in notis. Ecclesiast. hist. Concil. & Canon., Synopsi primi sæculi num. 11. aliisque negantibus præfatam Seniorum Congregationem fuisse veram Synodum; quoniam illi non vocati, sed sponte ad Jacobum accessere, ut Paulum inviserent & salutarent, nec rogati sententiam tulerunt, aut decretum aliquod edidere, sed amice dumtaxat Paulum monuerunt; attamen neminem inficiari posse putamus, speciem quamdam & imaginem Synodi in prædicta congregatione eminere.*

6 Vera & propria Synodus Dioecesana, ac fortasse omnium prima, quæ in Ecclesiasticis monumentis occurrat, illa est, quam describit Siricius Papa in *epistola 2., num. 3. (tom. 1. collect. Harduin. col. 852.)* circa annum 389., ad diversos Episcopos data, adversus Jovinianum, ejusque focios, ubi disertè ait, Joviniani hæresim a se, & universo Romano Clero, coram se simul coacto fuisse damnatam: *Facto igitur Presbyterio (inquit) constitit, doctrina nostra, id est Christiana Legi esse contrariam. Unde ..... omnium nostrum tam Presbyterorum, & Diaconorum, quam etiam totius Cleri unam scivote fuisse sententiam, ut Jovinianus, Auxentius &c. Divina sententia, & nostro iudicio in perpetuum damnati, extra Ecclesiam remanerent.* Quod vero attinet ad alias Dioecesanas Synodos, quarum ad nos manarint Acta, & decreta, Ludovicus Thomassinus de *vet. & nov. Eccles. discipl. part. 2. lib. 3. cap. 73. num. 4., & Joannes Petrus Gibert in suo corpore juris Canon. edito Lugduni anno 1737. tom. 1. prolegomen. par. 1. tit. 18. cap. 3.*

cap. 3. affirmant, omnium antiquissimam esse Altisiodorensē, celebratam anno 578. Nos antiquiores his proferre possemus; nimirum Landaveneses tres Synodos Dioecēsanās, si annis his consignandæ essent, quibus eas consignavit in collectione sua Henricus Spelmannus *tom. 1. pag. 62.* anno scilicet 560. Sed ex Usserii notis ms. monet David VVilkins *tom. 1. novissima collect.* CC. *Britann. pag. 17.* ad secundum Augustini Archiepiscopi Cantuariensis annum pertinere, idest Christi 597. Nihilominus dubitandum non est alias longe his vetustiores fuisse, quarum Acta, & memoria exciderit: Etenim laudatus Thomassinus *ead. lib. 3. cap. 75. num. 1.* non immerito asserit, inter Synodos, eas quæ Dioecēsanæ dicuntur, ceteris antiquitate præstare; primis quippe Ecclesiæ sæculis, cum immanes in Fideles sæviebant persecutiones, facilius fuit singulis Episcopis suum Clerum congregare, quam una cum aliis Coepiscopis in Provincialem Synodum convenire.

7 Enimvero quod olim frequentes essent totius Cleri cum proprio Episcopo congressus, præter ea, quæ ad hanc rem comprobendam inferius dicturi sumus, vel ex hoc, quod hic subnectimus, aperte conicitur. Non pauci ad nos pervenerunt libri Pœnitentiales particularium dioecesium proprii, quarum quælibet suum habebat, in quo præscribebatur modus excipiendi pœnitentium confessiones, ac pœnitentias, pro modo culpæ singulis injungendi; tradebantur præterea salutaria monita, quibus Sacerdos pœnitentes a vitiis retraheret, atque ad virtutem alliceret; & tandem accuratæ, atque etiam minutissimæ observationes circa Forum sacramentale instituebantur; utque interea antiquæ reticeantur epistolæ canonicæ Sanctorum Dionysii Patriarchæ Alexandrini, Gregorii Thaumaturgi, & Basilii Magni, quæ ad rem facere possent, adhuc extant libri Pœnitentiales Theodori Archiepiscopi Cantuariensis, Bedæ, seu (ut alii volunt) Ecgberti Archiepiscopi Eboracensis, Rabani Mauri Archiepiscopi Moguntini, Burchardi VVormatiensis, & demum liber Pœnitentialis Romanus ab Halitgaro Episcopo Cameracensi, sæculo 1x. insertus in suum librum Pœnitentialem, editum ab Hugone Menardo, de quibus, & aliis videri potest Morinus in *fine operis de Pœnitentia*. Hi porro libri Pœnitentiales, cum totam respicerent dioecēsim, non aliter ab Episcopo fiebant, quam de suorum Presbyterorum consilio, quod deducitur ex *epist. 52. Cypriani col. 149.* in qua non obscure innuit, tum primum de Pœnitentiis, stabili quadam lege, imponendis, deliberatum fuisse, cum restituta Ecclesiæ pace, licuit Sacerdotibus, in unum convenire; atque idcirco, siue ratio habeatur rerum, quæ in illis decernuntur, siue personarum, quæ ad decernendum vocabantur, non immerito affirmari posse videtur, ejusmodi libros in Dioecēsanā Synodo fuisse exaratos.

## CAPUT II.

*De Synodi Dioecēsana utilitate.*

**E**TSI ad statuendam Synodorum Episcopaliū utilitatē, satis superque esset, asserere, earum coactionem esse a sacris Canonibus præscriptam, atque a sacro Concilio Tridentino *sess. 24. de reform. cap. 2.* iterum præceptam, & ab Alexandro VII. summo Pontifice in sua *Constit. 20. §. 8. (tom. 6. Bullar. Rom. pag. 37.)* inculcatam, ubi alloquens Episcopos Italiæ, & Insularum adjacentium, hæc habet: *Persuasissimum vobis esse non dubitamus, nihil frequenti animarum recognitione, Synodorumque celebratione, populorum saluti, ac veteri disciplina constituenda, nihil Catholicorum Principum paci a Deo impetrande, accommodatius esse; quo intermisso, magna in moribus continuo ad omnem improbitatem, ac peccandi licentiam facta est immutatio. Ut tamen illa clarius innorescat, operæ pretium esse, censemus, nonnulla subdere præclarorum Antistitum testimonia, quibus ingens earundem utilitas summo opere celebratur. Atto II. Episcopus Vercellensis, qui floruit medio sæculo x., adeo utiles putavit Dioecēsanās Synodos, ut totam Ecclesiasticæ disciplinæ perniciem, ex earum omissione ortam arbitraretur; Capitular. enim 27., quæ habentur tom. 8. spicilegii Lucae Dacherii ita loquitur pag. 12. Nulla pene res disciplina mores ab Ecclesia Christi magis depulit, quam Sacerdotum negligentia, qui contemptis Canonibus, ad corrigendos Ecclesiasticos mores, Synodum facere negligunt. Ob hæc a nobis universaliter definitum est, ut quia juxta antiqua Patrum decreta, bis in anno, difficultas temporis, fieri Concilium, non finit, saltem, vel semel a nobis celebretur.*

**2** Patres Concilii Provincialis Colonienſis anni 1549. tit. de Synodorum celebrat. cap. 1. (tom. 9. collect. Hard. col. 2096.) decernentes, ut a singulis Episcopis duæ Synodi Dioecēsanæ quotannis haberentur, earum utilitatem hæc verbis extollunt: *In Synodis redintegratur unitas, studetur corpori in sua integritate conservando; ubi ea, quæ in visitatione non dabatur exequi, executionem, studiis communibus, assequuntur; ubi de capite, & membris, de Fide, & pietate, de religione, & cultu Divino, de moribus, & disciplina, de obedientia, de judiciis, & rebus omnibus ad bene christianæque vivendum commodis, vel necessariis, tractatur, atque statuitur; ut verissime in reformationis formula dicatur: Salus Ecclesiæ, terror hostium ejus, & Fidei Catholice stabilitum sunt Synodi: quas etiam rectissime corporis Ecclesiæ nervos dixerimus. Neglectis enim Synodis, non aliter Ecclesiasticus ordo diffuit, quam si corpus humanum nervis solvatur. Augustinus Valerius, celebris Veronenſis Episcopus, in libello ad Clerum suum, facetur, id potissimum commodi, atque utilitatis se ex Synodo referre solere, quod, habita in ea per Parochos, & Vicarios Foraneos totius diocēſis notitia, videretur sibi quodammodo omnes suas oves propriis oculis intueri, moreſque omnium perſpi-*

perspicere: *Mihi certe (ait) nullus dies die Synodi solet esse jucundior, nullus, qui in maximis molestiis, quas tanti muneris cura affert, animam meum magis consoletur & recreet. Nam ea die videor videre oculos meos, aures meas, manus meas, pedes meos. Cum enim multis de causis mihi non concedatur, ut opus esset, Verona discedere, & singulorum vitam & mores inquirere, inquiritis vos, Fratres, cognoscitis vos multiplices animarum morbos, iustas piorum hominum querelas auditis; vestra opera, vestris vigiliis, vestris itineribus, laboribus, atque etiam periculis, mihi partem sollicitudinis admittis, vel certe sublevari. Neque ea utilitate, quam ex Synodo percipiebat laudatus Valerius, illi carent Episcopi, qui jam sæpius suam dioecesim perulustrarunt: etenim in dioecesis visitatione, quamvis crebro peracta, non omnia deprehendit Episcopus, quæ corrigere & emendare oporteat, sed multa adhuc in Synodo rescire potest a Parochis, qui immediatam ovium curam habent, & continuo inter eas versantur. Quare Sanctus Carolus Borromeus, etsi dioecesim subinde peragando, commissi sibi gregis indolem & mores exploraret; nihilominus Dioecesanas Synodos celebrare, nunquam omisit, atque in concione habita ad Clerum, in sua Synodo XI. (part. 7. *Act. Mediol. Eccl.* pag. 1167.) hæc de Synodi utilitate dixit: *Est generalis quedam visitatio Synodus; alias enim per annum particulares quasdam Ecclesias dumtaxat visitamus; hic vero generatim Sacerdotes omnes, & Clericos, ac in ipsis, suo etiam modo, populos eis commissos; idem sere sentit Joannes Franciscus Bonhomius in decretis generalibus de reformat. Ecclesiastic.*, edit. Coloniæ. an. 1585. pag. 114., ubi ad suadendam Synodi utilitatem, ait: *In illa quippe, quasi in altera visitatione, Cœrum sibi commissum iterum recognoscens, tum paternam illum charitatem simul universum completatur, tum salutaribus monitis instruat, tum que pro rebus universæ dioecesis administratione, præter ea, quæ in singulis locis peculiariter sanciverit, decernenda in visitatione cognoverit, generatim statuatur, sanciat, atque decernat.**

3 Nec minus honorifice de Synodis loquuntur alii doctrina & pietate præstantes Episcopi, Guilbertus Tornacensis Ordinis Minorum, in suo tractatu de officio Episcopi, & Ecclesiæ carumoniis (tom. 25. maxima Biblioth. PP., edit. Lugdunensis cap. 6. pag. 403.) agens de Synodis, ait: *Synodus, ut testatur Isidorus, ex Græco Cœcus interpretatur, eo quod in unum Sacerdotes, & ad nutum Episcopi congregantur, ut eorum excessus fideles corrigantur, & per eos salubria monita populo tribuantur: & rursus cap. 7. pag. ead. Congregantur igitur etiam Sacerdotes ad Synodum, ut suum periculum agnoscat, etiam corrigant, & Episcopum decentem audiant. Venerabilis Dei Servus Joannes Ribera Archiepiscopus Valentinus, in præfatione ad suam Synodum Dioecesanam, editam tom. 4. Conciliorum Hispania Cardinalis de Aguirre pag. 283. sermonem faciens de Dioecesana Synodi utilitate, asserit, *Per eorum statuta præcipi, quæ bona sunt, & insurgentia mala prohiberi. Sunt enim, (inquit) quos sola monitione ad bonum persuadere, sunt, qui fere ad omnia præceptis egent, sunt qui poena etiam trahendi sunt &c.**

Tom. XII.

B

4 Quid

4 Quid plura? Ad celebrandam Episcopaliū Synodorum maximam utilitatem, abunde foret illarum Acta pervolvere. Notissimæ sunt Dioecesanæ Synodi habitæ, & a Sancto Carolo Borromeo Archiepiscopo Mediolanensi, & a Sancto Alphonso Thurbio Archiepiscopo Limano, & a san. mem. Benedicto XIII. cum Beneventanæ præerat Ecclesiæ, ut alias innumeras prætereamus, quæ fere ubique post Tridentinum coactæ sunt. Utque ex his, quæ Tridentinum præcæserunt, paucas indicemus; in appendice ad Constitutiones Synodales Sabinenses Hannibalis Cardinalis Sancti Clementis editas Urbini anno 1737. extant binæ Synodi Sabinenses transcriptæ ex antiquo codice Othoboniano, altera Arnaldi de Faugerio Cardinalis & Episcopi Sabinensis, habita anno 1312., altera Bertrandi de Decio Cardinalis, ejusdemque Ecclesiæ Episcopi, habita anno 1352.: Inter nostra manuscripta reperitur Synodus Bononiensis, composita ab Huberto Episcopo civitatis Bononiæ, & promulgata anno 1341. ab Episcopo Beltramino; & ne in his recensendis infiniti simus, in tomis Conciliorum nuperæ editionis Venetæ, quamplurimæ leguntur antiquæ Synodi Dioecesanæ per Italiam, Galliam, Germaniam, & Hispaniam celebratæ. Jam autem si quis earum omnium statuta & decreta, vel cursim pervolvat, illa deprehendet summa sapientia & prudentia referta, loco & temporis opportune accommodata, atque aptissima ad Clericos continendos in officio, & depravatos populi mores reformandos, ac propterea fieri cogetur Dioecesanæ Synodos, validum esse fulcrum ad nutantem in dioecesi disciplinam sustinendam.

5 Hæc pluribus, quam ceteroquin necesse erat, hic exposuimus ad illorum retundendam audaciam, qui non veriti sunt scribere, Dioecesanæ Synodos esse prorsus inutiles, quos etiam redarguunt & refellunt Auctor de vita, & officio Episcopi in libro Romæ impresso anno 1719. par. 1. §. 15., Episcopus Braschius in suo promptuario Synodali cap. 1., & præcipue §. 31. & seqq. Antonius Paulutius, olim Romanæ Rotæ Auditor in sua Jurisprudencia sacra, tom. 1. de Comitibus Ecclesiasticis cap. 9. num. 5. Non idcirco tamen illis assentimur, qui eas absolute necessarias affirmant: quemadmodum enim Concilia Generalia, quamvis summopere utilia, non sunt tamen absolute & simpliciter necessaria, pro Ecclesiæ universalis regimine, sicuti pluribus ostendunt Duvallius de suprema Romani Pontificis in Ecclesiam potestate par. 4. quæst. 1. (tom. 2. comment. in 2. 2. S. Thoma pag. 819.) & Cardinalis Bellarminus controvers. tom. 2. lib. 1. de Concil. cap. 10., ita Episcopales Synodi, etiam maxime fructuosæ, non tamen absolute necessariae dicendæ sunt pro recta dioecesium administratione, cum alii suppetant modi assequendi eundem finem, ad quem Synodi tendunt. Joannes Mattheus Gibertus Episcopus Veronenlis, cujus virtutes & merita plurimum commendant illustrium virorum testimonia, collecta ad calcem operum ejusdem, quæ typis impressa prodierunt Veronæ anno 1740. Is, inquam, novemdecim annorum spatio, præfatam Ecclesiam sanctissime gubernaba-

bernavit, & tanto temporis intervallo unicam Synodum coegit (quod narrat Auctor ejus vitæ, iidem operibus præfixæ) ratus nimirum, se muneri suo plene satisfecisse, cum singulis annis diocesim visitaverit, aliaque multa præsterit, quæ ad rectam sui Cleri institutionem conferre videbantur. Mortuus est quidem Gibertus initio Concilii Tridentini, & proinde antequam emanaret decretum de cogenda quotannis Synodo Diocesana, sed jamdiu id ipsum sancitum fuerat aliis Ecclesiæ Constitutionibus, quibus nihilominus putavit Gibertus, se alia ratione æque bene satisfacere. Quæ a nobis dicta censi volumus, non animo elevandi Synodorum utilitatem, quam iterum iterumque commendamus & inculcavimus, sed ut statuamus, eas non esse omnino & absolute necessarias; utque Episcopi, qui ob aliquod impedimentum suas Synodos, juxta Tridentini decretum, congregare nequeunt, non propterea animum abjiciant, sed alias suppetere sibi sciant artes succurrendi suarum orium indigentis, earumque spirituali bono prospiciendi; atque ut ab aliorum exemplis modum addiscant, Synodi defectum supplendi. Qua in re præstat audire sacram Congregationem Concilii, quæ præcipuas suggerit industrias substituendas Synodo, cum ab Episcopo fieri nequit. Etenim cum Episcopus Canariensis, occasione visitationis sacrorum liminum, ad præfatam Congregationem transmississet relationem status suæ Ecclesiæ, eidemque significasset, impossibile sibi esse Diocesanam Synodum cogere, sacra Congregatio, litteris ad ipsam datis anno 1720., rescripsit: *Reliquum est, ut tuis postulatis respondeam. Primum difficultates Diocesana congreganda Synodi nobis ob oculos ponis, & ee quidem maxima sunt, vetantque profecto, omnem Ecclesiasticorum conventionem fieri. Verum sacra Congregatio certior a te fieri cupit, an in unaquaque insula possent, per annos singulos, definitis a te per edictum loco ac die, aut omnes, aut major Clericorum pars, quibus Synodo interesse, jus est, commode coire; vices suas uni, aut pluribus Procuratoribus delegaturi; & an qui electi fuerint, possent accepto authentico legationis suæ testimonio, statim pariter tempore se convenire, ut referrent suarum Ecclesiarum statum, Cleri, & populi mores, religionem, pietatem, templorum decus, piorum locorum administrationem, ceteraque omnia, qua opus forent, Collatis tunc ipse consiliis, quid agendum esset, imperares, veluti de Synodi sententia, imperataque illi ad suos addicerent, curarentque perfectum iri. Id enim vero Synodi speciem obtineret, maximumque inde fructum caperes; quippe quid ubique tua diocesis agatur, penitus interscires, habitaque cum gravissimis viris, quales hujusmodi Procuratores creandi essent, sermone, melius universis Ecclesiæ tuæ rebus consuleres. Hoc si fieri nequeat, diocesim tibi per edicta regere necesse erit, qua invalescentibus fortasse animorum morbis remedium in dies afferant, exacuunt populos ad virtutem. Curandum tamen eris, ut eadem edicta non negligantur, & haudquaquam neglecta fuisse, ex unaquaque insula testimonium tibi identidem afferatur. Salutaribus hinc sacre Congregationis monitis morem gerere deberent Episcopi, extra Italiam, ac præcipue in*

Germania degentes, si verum est, quod scribit Leopoldus Pilatus, Canonici Tridentinus in suis originibus juris Pontificii lib. 5. tit. 2. de Conciliis Ecclesiasticis, fieri nimirum non posse, ob dioecesium amplitudinem, Parochorum paupertatem, atque itinerum difficultatem, ut illi singulis annis Synodum celebrent.

## C A P U T I I I.

*Quo titulo sit cohonestanda Synodus Dioecessana, & quomodo inferibenda ejusdem Decreta.*

**N** Onnullæ antiquæ Synodi Provinciales, ac potissimum Oscanis anni 598. (tom. 3. collect. Hard. c. 535.) can. 1., Barcinonenfis anni 599. (ibid. c. 537.), & Toletana v. 111. (ibid. c. 953.) anni 653. se sanctas inscripserunt, dicendo E. G. *Sancta Synodus præcipit, sancta Synodus statuit*: Hodie tamen & decet, & expedit, ut ab ejusmodi titulo omnino abstineant, ille siquidem solis nunc tribuitur Conciliis Generalibus. Ferdinandus de Loüles Archiepiscopus Valentinus anno 1565. Synodum Provinciale[m] coegit, in qua confirmavit aliam Synodum Provinciale[m] habitam a Martino de Ayala. Synodum de more ad Sedem Apostolicam transiit, eaque per sacram Congregationem Concilii sedulo examinata, inter cetera, quæ visa sunt corrigenda, demandatum fuit, ut ab ea deleteretur titulus *Sancta*, utpote qui solis debetur Conciliis Generalibus, sicuti litteris in forma Brevis ad eundem Archiepiscopum datis rescripsit Sanctus Pius V. *Hæc verba: Sancta Synodus: non conveniunt Synodo Provinciali, sed Universalis*. Dionysius Paulus Lopus Presbyter Valentinus, & Doctor nostræ Academicæ Bononiensis, nullum non movit lapidem, ut suaderet titulum *Sancta* non solis Universalibus Conciliis, sed etiam ceteris Synodis competere posse; & mirum est, quot exempla in sua juris allegatione ad id comprobandum attulerit. Missa est allegatio juris ad sacram Congregationem Concilii, & clar. mem. Cardinalis Matthæjus, tunc sacræ Congregationis Præfectus, die 14. Novembris 1594. respondit quæsito prædicti Lopis, sequenti epistola: *Cum Provincialis illa Archiepiscopi Valentini Synodus, de qua nuper ad me scripsisti, ad sacram hanc Congregationem Concilii Tridentini interpretem inspicienda, ac recognoscenda missa fuit, summa quidem cum diligentia ac maturitate omnia in ipsa Synodo contenta, expensa atque examinata fuerunt ab illis Patribus, qui eo tempore prædictæ Congregationi præerant. Itaque quod nunc a me requiris, ut tibi ratio diversitatis aperiat, cur iidem Patres tunc de dicta Synodo Provinciali, dum ea sancta Synodus appellatur, verbum: Sancta: tollendum censuerint, cum autem idem verbum in plurimis Provincialibus Conciliis non semel legatur, gratum mihi certe fuit quæsitum tuum, sicuti gratissimum exitit studium & eruditio, quam præ te fers in plurimis locis animadvertendis & corrigendis. Verum cum cer-*  
to sciam,



ta sciam, graves illos Patres tunc nonnisi cum ratione dictionem illam de huiusmodi Synodo sustulisse, minime nunc mea partes esse videntur (nulla necessitate cogente) hoc in controversiam vocare, cum potius mea partes sint illorum Patrum auctoritati ac prudentiae omnino acquiescere, & eorundem sententiae plene adhaerere. Ex qua prudentissima epistola, & multo magis ex allegato Breui S. Pii V. manifestum sit, nec Synodos Provinciales, nec Dioecesanæ, sed solum Generales, prædicto titulo *Sancta* esse honestandas. Tota huius rei gestæ series habetur apud Cardinalem de Aguirre tom. 4. Conciliorum Hispania pag. 87. & plurib. seqq.

2 Alia deinde excitatur controversia, circa Constitutiones, a Provincialibus, & Dioecesanis Synodis factas, de quibus dubitatur, an dici possint *Canones*. Cum Canon idem sit, ac *regula*, ut habet Textus in *can. Canon, distinct.* 3., omnes leges Ecclesiæ, quæ sunt regula morum, videntur sine ulla difficultate appellandæ *Canones*. Hinc, quia Concilia Generalia indicuntur tam ad definiendum quid credendum, quam ad statuendum quid agendum sit, ejus definitiones, quæ ad Fidem pertinent, dicuntur *Dogmata*, quæ vero mores spectant, vocantur *Canones*; quod tamen, observante Doujat *prænot. Canon. lib. 2. cap. 1. num. 8.* locum non habet in Tridentina Synodo, quæ Canonum nomine usæ est in decidendis doctrinæ, & Fidei articulis, cetera vero ad morum disciplinam pertinentia nuncupavit *Decreta*; quamquam revera, hæc ipsa methodus non semper fuerit ab eadem Synodo retenta. Etenim in *præmis cap. 1. sess. 14. de reform.* tredecim, quæ sequuntur, capita; appellavit *Canones*: *Hic, qui sequuntur Canones statuendos, & decernendos duxit*; & tamen in his nihil circa Fidem decrevit, sed sola tradidit præcepta circa disciplinam. Ex his porro confici plane videtur, nullam adesse rationem propterquam Constitutiones Synodi, aut Provincialis, aut Dioecesanæ, quæ certo regulæ & normæ sunt, ad quas sive provinciæ, sive diocesis incolæ suas actiones dirigere debent, non sint inscribendæ *Canones*. Et ipsa Canonis nomenclaturam illis attribuunt Glossæ in *principio distinctionis* 18., inquiens: *Episcopi bene possunt condere Canones Episcopales, & Archiepiscopus Provinciales, quia quilibet populus, & qualibet Ecclesia sibi potest statuere aliquod jus*; & Abbas in *cap. Canonum, de Constitutionibus*, ubi generatim ait: *Appellatione Canonis venit omnis Constitutio Ecclesiastica*.

3 Ita profecto res se haberet, si unice insistendum esset vocis etymologiæ, & grammaticali ejusdem significationi; at si communem vocis acceptionem attendimus, præfatas Constitutiones *Canones* appellare prohibemur; usus quippe nunc communiter, & præcipue apud Doctores, invaluit, ut Canonis nomine, solæ denotentur Constitutiones, quæ universam obstringunt Ecclesiam, quales illæ sunt, quæ aut a Conciliis Generalibus, aut a summo Pontifice promanant, quod pluribus tradidit Fagnanus in *cap. Canonum statuta, num. 19. & seqq. de Constitutionibus*, notans simul *ibid. num. 27.*, quod si statutum Episcopi a Papa confirmetur, & exten-

extendatur ad totam Ecclesiam, tunc, utpote effectum Papale, recte dicatur *Canon*.

4 Neque mirum videri debet, si ambæ istæ voces, *Sancta* scilicet & *Canon*, olim a Synodis Provincialibus, & Dioecesanis usurpatæ, nunc a solis Conciliis Generalibus adhiberi possint; cum enim voces pendeant ab hominum placito, possunt utique homines nunc ad plura significanda illas extendere, nunc ad pauciora restringere. Exemplum præsto esse potest in nomine *Papa*, quod olim commune erat omnibus Episcopis, quibus illud tribuitur in epistolis Cypriani, ut animadvertit Pamelius ad *epist.* 3. num. 3., in epistolis Ennodii adnotante Sirmondo (*ad ep.* 29. tom. 1. *Var. col.* 1467.), apud Sidonium Apollinarem, aliosque passim, idque ex Caroli Paschalis, hominis diligentissimi, atque antiquitatis peritissimi, conjectura, inde evenisse autumat Anastasius Germonius *lib.* 2. *animadversionum cap.* 1., quod quemadmodum Imperatores olim Patres Patriæ dicebantur, & hæc nomenclatura hisce notis exprimebatur *PP.*, uti passim legitur in antiquis monumentis, ita Episcopi, ob singularem venerationem ac reverentiam, quam in primitiva Ecclesia omnes illis exhibebant Fideles, appellarentur pariter Patres Patriæ; cumque hæc honoris significatio iisdem quoque inscriberetur litteris *PP.*, posteriores viri, rerum minus periti, eas legendas putarunt *Papa*; sed nihilominus, quidquid sit de nominis *Papa* origine, jam a sæculo vi. Ennodius Episcopus Ticinensis uni Romano Pontifici, tanquam ejus proprium & peculiare, illud adscribere coepit, eumque sequutus Cassiodorus, scribens ad Bonifacium, Agapetum, & Joannem, Romanæ Urbis Antistites, quemlibet eorum Papam appellavit, cum ceteroquin Eustorgium, & Datum Mediolanensem, & alios, aliarum civitatum Præfules, non aliter, quam Episcopos vocaverit, quemadmodum scite observavit Sirmondus in *not.* ad *epist.* 1. Ennodii *lib.* 4. Nunc autem adeo proprium & singulare est Romani Pontificis, ut ex Constitutione S. Gregorii VII., in Concilio Romano habito anno 1073. adversus Schismaticos, nulli in toto orbe liceat, sive se, sive alterum, præter Romanum Pontificem, Papam nuncupare; uti habetur apud Cardinalem Baronium in *notis ad Martyrolog. Roman.* ad diem 10. Januarii. Et ne longius exempla exquiramus, hæc ipsa vox *Canon* de se complectitur omnem legem, tam civilem, quam Ecclesiasticam, quia utraque est regula morum; & nihilominus per antonomasiam, sola lex Ecclesiastica dicitur *Canon* ob excellentiam nimirum potestatis, a qua fertur, & finis, ad quem dirigit.

5 Quonam igitur nomine Dioecesanæ Synodi statuta, & decreta erunt appellanda? Romaguerra ad *Constitutiones Synodales Germanenses lib.* 1. *tit.* 1. *cap.* 1. num. 24. contendit, illa, ne Constitutiones quidem posse, cum proprietate sermonis, nominari. At cum Constitutiones ab omnibus dividantur in generales, & particulares, & istæ sint, quæ feruntur ab habentibus jurisdictionem restrictam & limitatam ad certum locum,

feu

seu genus personarum, ac propterea etiam statuta sacra ab Universitatibus, Collegiis, Civitatibus, & Academicis, communiter, & sine ulla contradictione, dicantur Constitutiones, ut advertit Florens *ad tit. 2. de Constitutionibus tract. 2.* plane non videmus, cur Constitutionis vocabulum nequeat, cum omni proprietate aptari decretis, in Synodo editis ab Episcopo. Quare concludendum est, Synodos Provinciales, & Diocesanas modo nomen Canonis non adhibeant, nulla ratione prohiberi, ne sua statuta, & decreta, Constitutiones inscribant; quas quidem Constitutiones, quod a plerisque factum deprehendimus, expedit, ut ad majorem legentium commoditatem, in congruos titulos distribuant, & titulos in capita dividant.

## CAPUT IV.

*An Synodus Diocesana pertineat ad potestatem Ordinis,  
vel jurisdictionis; & an ad legem diocesanam,  
vel ad legem jurisdictionis.*

**D**uplex in Episcopis consideratur potestas, Ordinis nimirum, & jurisdictionis. Potestatem Ordinis habent Episcopi immediate a Christo Domino, qui cum Hierarchiam in sua Ecclesia esse voluerit, ita in ea Episcopos instituit, ut Ordinis prerogativa & gradu meris Presbyteris antecellerent, ac virtute solius characteris Episcopalis plura præstare possent, quæ simplices Sacerdotes, aut omnino nequeunt, aut virtute dumtaxat Ordinationis suæ facere non valent, quod contra Salmasium, aliosque Hæreticos pluribus demonstrat Petavius *de Ecclesiast. Hierarch. oper. tom. 4.* Episcopus enim, ut loquitur Epiphanius adversus Aërium *heres. 75. num. 4.* secunditatem habet, qua Patres Ecclesiæ, hoc est Presbyteros, aliosque Episcopos generare potest; simplices vero Presbyteri, adeo infecundi sunt, ut, in nullo rerum eventu, alios Presbyteros genere, seu ordinare queant: Episcopus præterea, potestate sui Ordinis propria, Sacramentum confert Confirmationis, quod simplices Sacerdotes, nonnisi ex speciali delegatione, non vero virtute solius Ordinis, in quo sunt constituti, ministrare possunt; cum autem & Confirmatio, & Sacerdotium, vera Sacramenta sint, causativa Gratiæ sanctificantis, atque in hoc postremo talis imprimatur character, per quem ordinatus in Sacerdotem Christi Corpus conficere, atque a peccatis absolvere valet, nemo est qui non videat, ordinariam potestatem illa conferendi nonnisi immediate a Deo posse in Episcopos promanare. Neque enim immediatam derivationem Episcopalis potestatis a Deo impedit actio ministræ, quam necessario intercedere oportet, ut novus Episcopus consecraretur; quoniam minister operatur virtute & nomine Christi, cujus est instrumentum, ac propterea Christus est, qui proxime & immediate agit principaliter & virtute propria.

2 Quoad

2 Quoad potestatem jurisdictionis, quæ jus affert Beneficia conferendi, causas audiendi, leges & censuras ferendi, ac cetera præstandi, quæ ad subjecti gregis regimen sunt necessaria, quæritio est, inter Tridentinos Patres summa contentione jamdiu exagitata, nec definita, de qua Cardinalis Pallavicinus in *hystor. Concil. Trident. lib. 18. cap. 14. & lib. 21. cap. 11. & 13.* an Episcopi illam accipiant immediate a Christo, aut potius a summo Pontifice. Licet autem eorum opinio, qui etiam hanc potestatem immediate a Christo oriri propugnant, validis fulciatur argumentis; nihilominus tamen, & rationi, & auctoritati conformior videtur sententia opposita. Ratio siquidem Monarchici regiminis, quod Christus in sua Ecclesia constituit, videtur exposcere, ut totius Ecclesiæ jurisdictionis fons & origo resideat in ejusdem Ecclesiæ visibili capite, qui est Romanus Pontifex, atque ab eo profluat in cetera membra. Quare Innocentius I. epistola ad Episcopos Carthagine congregatos, *quæ in edit. Concil. est 24. tom. 1. collect. Hard. col. 1025.* eos laudans, quod sententiam contra Pelagianos ab ipsis latam, ad Sedem Apostolicam miserint approbandam, ait num. 1. *Scientes quid Apostolica Sedi, cum omnes hac loco positi ipsum sequi desideremus Apostolum (Petrum), debeatur, a quo ipse Episcopatus & tota auctoritas nominis hujus emerfit. Et Episcopi Africani tom. 3. collect. Hard. col. 734.* scribentes ad Theodorum Papam, ita exordiantur: *Magnum & indeficientem omnibus Christianis fluentem redundantem, apud Apostolicam Sedem consistere fontem, nullus ambigere possit, de quo rivuli prodeunt affluenter, universum longissime irrigantes orbem Christianorum.* Et clarius, atque ad rem nostram magis apposite Leo Magnus epistola olim 89. in nova edit. 10. cap. 1. ad Episcopos Viennensis provincie, quam refert Gratian. *distinct. 19. cap. 7.* inquit: *Hujus muneris sacramentum ita Dominus ad omnium Apostolorum officium pertinere voluit, ut in Beatissimo Petro, Apostolorum omnium summo, principaliter collocaret, ut ab ipso, quasi quodam capite, dona sua, velut in corpus omne diffunderet.* Idque, eo sapientissimo consilio a Christo Domino factum, exultimat D. Thomas lib. 4. *contra Gentes cap. 76.* ut hoc continuo & quasi perenni influxu jurisdictionis, a capite in membra, firmior & solidior esset omnium cum illo nexus, & melius conservaretur unitas Ecclesiæ: *Soli (ait Angelicus num. 4. loquens de Christi promissione a Domino facta Petro) promisit: Tibi dabo claves regni cæli, ut ostenderetur potestas clavium per sum ad alios derivanda, ad conservandam Ecclesiæ unitatem.* Hoc eodem argumento utuntur, idemque pluribus exornant D. Bonaventura in opusculo, *Quare Fratres Minores prædicant, (tom. 7. oper. pag. 366.)* Cardinalis Bellarminus tom. 1. *contro. lib. 4. de Rom. Pontif. cap. 24. & 25.* Vargas in *toto opere de jurisdic. Episcopor. Suarez de legibus lib. 4. cap. 4. per tot.* Fagnanus in *cap. Perniciosam. a num. 30. usque ad finem, de offic. Ordin.* hæc obiter. Quod nostra interest, illud dumtaxat est nimirum statuere, jus Synodum convocandi non ad Ordinis, sed ad jurisdictionis Episcopalis potestatem pertinere; quod profecto, semel percepto inter utramque discrimine, unusquisque facile deprehendit.

3 Decidenda nunc remanet alia quæſiti pars: an videlicet Congregatio Synodi pertineat ad legem jurisdictionis, an potius ad legem diœceſanam. Sed priuſquam hæc decidatur, præmittenda eſt brevis utriuſque legis notitia. Compertum eſt omnibus, Monachos, eorumque eccleſiaſ, ac monalteria, plurium ſæculorum intervallo, fuiſſe juri Episcoporum omnino ſubjecta, ac primum a S. Gregorio Magno fuiſſe illis conceſſam exemptionem a poteſtate Episcoporum, quoad electionem ſuorum Abbatum, ſolutionem Cathedralitici, & Decimarum, juxta ea quæ reſeruntur a Thomaffino *de vet. & nov. Eccleſ. diſcipl. tom. 1. lib. 3. cap. 30. & ſeqq.* Neque eſt, cur quiſpiam de hiſce conqueratur exemptionibus, aliſque adhuc ampliſſimis, quibus ſubinde Regularium Ordines ſuere ab Apoſtolica Sede exornati: ſiquidem etiam Patriarchæ Orientales, pleno jure dominabantur in omnia ſui exarchatus monalteria; atque, inter eos, Patriarcha Conſtantinopolitanus, poſt annum Chriſti milleſimum, in plura cœnobiaz, per totum Orientale Imperium ſparſa, immediato ſummoque jure utebatur, uti obſervat idem Thomaffinus *e. d. tom. 1. lib. 1. cap. 9. num. 15. & cap. 16. num. 1.* quinimmo etiam hodie inter jura Patriarcharum propria iidem recentent *juſ Stauropegi*, in hoc conſiſtens, ut in monaſterii fundatione, Patriarcha, ſi velit, Crucem figat, eoque actu, monaſterium de novo erectum, ſubtrahat a jurisdictione Episcopali, intra cujus diœceſeos fines ſitum eſt, ſibiſque immediate ſubſciat; quod quidem juſ, de quo nonnulla Nos attigimus in *noſtra Conſtit. 98. §. 19. noſtri Bullar. tom. 1.* antiquiſſima conſuetudine, non ſchiſmatica uſurpatione, ab Orientalibus Patriarchis acquiſitum, oſtendit Chriſtianus Lupus in *ſcholiis, & notis ad canon. Concilior. tom. 3., 1. edit. pag. 953.* Jam vero quandiu Monachi plene, atque in omnibus ſubjecti fuerunt Episcopis, nulla emerſit diſtinctio inter legem diœceſanam, & legem jurisdictionis; ſed poſtquam a Sede Apoſtolica conceſſa illis fuerunt indicata exemptionis privilegia, quorum nonnulla habentur in *can. Pro utilitate 16. quæſt. 1., in can. Quam ſit neceſſarium, & in can. Luminof 18. quæſt. 2.* Joannes Semeca dictus Theutonicus, qui medio ſæculo XIII. vivebat, & Auctor fuit Gloſſæ communis, Decreto Gratiani appoſitæ (ſeu potius Huguccionus, ſeu Hugutio, quem primum Gratiani gloſſatorem affirmat S. Antoninus in *ſpec. hiſtor. 3. part. tit. 18. cap. 6. pag. 66.* ex cujus, aliarumque gloſſis, teſte Doujat prænot. *Canon. lib. 5. cap. 3. num. 6.* ſuam conſarcinavit Theutonicus) eam diſtinctionem excogitavit, iſſque ſimul collectis, in quibus Monachi ſubtracti fuerant a jure, ſeu poteſtate Episcopali, ea adſcripſit legi diœceſanæ; cetera vero, in quibus Monachi adhuc ſubjecti remanebant juri Episcopali, ſpectare ait ad legem jurisdictionis, quod colligitur ex Gloſſa ad *can. 1. 10. quæſt. 1.* Huic eidem diſtinctioni, ab Hugutione inventæ, adhæſit Honorius III. in *cap. Dilectus, de officio Judicis ordinarii*, ſicuti obſervant Franciſcus Florens *tom. 2. tit. de ſtatu Monachorum, fol. 70. & 71. & tit. de officio Ordinarii ad text. in cap. Dilectus, fol. 187.* Ildephonſus Clemens de Aroſtegui in *ſua*

2 Quoad potestatem jurisdictionis, quæ jus affert Beneficia conferendi, causas audiendi, leges & censuras ferendi, ac cetera præstandi, quæ ad subjecti gregis regimen sunt necessaria, quæritio est, inter Tridentinos Patres summa contentione jamdiu exagitata, nec definita, de qua Cardinalis Pallavicinus in *histor. Concil. Trident. lib. 18. cap. 14. & lib. 21. cap. 11. & 13.* an Episcopi illam accipiant immediate a Christo, aut potius a summo Pontifice. Licet autem eorum opinio, qui etiam hanc potestatem immediate a Christo oriri propugnant, validis fulciatur argumentis; nihilominus tamen, & rationi, & auctoritati conformior videtur sententia opposita. Ratio siquidem Monarchici regiminis, quod Christus in sua Ecclesia constituit, videtur exposcere, ut totius Ecclesiæ jurisdictionis fons & origo resideat in ejusdem Ecclesiæ visibili capite, qui est Romanus Pontifex, atque ab eo proflant in cetera membra. Quare Innocentius I. epistola ad Episcopos Carthagine congregatos, *quæ in edit. Concil. est 24. tom. 1. collect. Hard. col. 1025.* eos laudans, quod sententiam contra Pelagianos ab ipsis latam, ad Sedem Apostolicam miserint approbandam, ait num. 1. *Scientes quid Apostolica Sedi, cum omnes hoc loco positi ipsum sequi desideremus Apostolum (Petrum), debeatur, a quo ipse Episcopatus & tota auctoritas nominis hujus emerfit.* Et Episcopi Africani tom. 3. collect. Hard. col. 734. scribentes ad Theodorum Papam, ita exordiantur: *Magnum & indeficientem omnibus Christianis fluenta redundantem, apud Apostolicam Sedem consilere fontem, nullus ambigere possit, de quo rivuli prodeunt affluenter, universum longissime irrigantes orbem Christianorum.* Et clarius, atque ad rem nostram magis appolite Leo Magnus epistola olim 89. in nova edit. 10. cap. 1. ad Episcopos Viennensis provincie, quam refert Gratian. *distinct. 19. cap. 7.* inquit: *Hujus muneris sacramentum ita Dominus ad omnium Apostolorum officium pertinere voluit, ut in Beatissimo Petro, Apostolorum omnium summo, principaliter collocaret, ut ab ipso, quasi quodam capite, dona sua, velut in corpus omne diffunderet.* Idque, eo sapientissimo consilio a Christo Domino factum, existimat D. Thomas lib. 4. contra Gentes cap. 76. ut hoc continuo & quasi perenni influxu jurisdictionis, a capite in membra, firmior & solidior esset omnium cum illo nexus, & melius conservaretur unitas Ecclesiæ: *Soli (ait Angelicus num. 4. loquens de Christi promissione a Domino facta Petro) promissit: Tibi dabo claves regni cælorum, ut ostenderetur potestas clavium per eum ad alios derivanda, ad conservandam Ecclesiæ unitatem.* Hoc eodem argumento utuntur, idemque pluribus exornant D. Bonaventura in opusculo, *Quare Fratres Minores predicant, (tom. 7. oper. pag. 366.)* Cardinalis Bellarminus tom. 1. *controver. lib. 4. de Rom. Pontif. cap. 24. & 25.* Vargas in *oto opere de jurisdic. Episcopor. Suarez de legibus lib. 4. cap. 4. per tot.* Fagnanus in *cap. Perniciosam. a num. 30. usque ad finem, de offic. Ordin.* hæc obiter. Quod nostra interest, illud dumtaxat est nimirum statuere, jus Synodum convocandi non ad Ordinem, sed ad jurisdictionis Episcopalis potestatem pertinere; quod profecto, semel percepto inter utramque discrimine, unusquisque facile deprehendit.

3 Decidenda nunc remanet alia quaesiti pars: an videlicet Congregatio Synodi pertineat ad legem jurisdictionis, an potius ad legem dioecesanam. Sed priusquam hæc decidatur, præmittenda est brevis utriusque legis notitia. Compertum est omnibus, Monachos, eorumque ecclesias, ac monasteria, plurium seculorum intervallo, fuisse juri Episcoporum omnino subiecta, ac primum a S. Gregorio Magno fuisse illis concessam exemptionem a potestate Episcoporum, quoad electionem suorum Abbatum, solutionem Cathedralitici, & Decimarum, juxta ea quæ referuntur a Thomassino de vet. & nov. Eccles. discipl. tom. 1. lib. 3. cap. 30. & seqq. Neque est, cur quispiam de hisce conqueratur exemptionibus, aliisque adhuc ampliorem, quibus subinde Regularium Ordines fuere ab Apostolica Sede exornati: siquidem etiam Patriarchæ Orientales, pleno jure dominabantur in omnia sui exarchatus monasteria; atque, inter eos, Patriarcha Constantinopolitanus, post annum Christi millesimum, in plura coenobia, per totum Orientale Imperium sparsa, immediato summoque jure utebatur, uti observat idem Thomassinus eod. tom. 1. lib. 1. cap. 9. num. 15. & cap. 16. num. 1. quinimmo etiam hodie inter jura Patriarchatus propria iidem recensent *jus Stauropegii*, in hoc consistens, ut in monasterii fundatione, Patriarcha, si velit, Crucem figat, eoque actu, monasterium de novo erectum, subtrahat a jurisdictione Episcopi, intra cujus dioeceseos fines situm est, sibi que immediate subjiat; quod quidem jus, de quo nonnulla Nos attigimus in nostra *Constit. 98. §. 19. nostri Bullar. tom. 1.* antiquissima consuetudine, non schismatica usurpatione, ab Orientalibus Patriarchis acquisitum, ostendit Christianus Lupus in *scholiis, & notis ad canon. Concilior. tom. 3., 1. edit. pag. 953.* Jam vero quandiu Monachi plene, atque in omnibus subiecti fuerunt Episcopis, nulla emerit distinctio inter legem dioecesanam, & legem jurisdictionis; sed postquam a Sede Apostolica concessa illis fuerunt indicata exemptionis privilegia, quorum nonnulla habentur in *can. Pro utilitate 16. quest. 1., in can. Quam sit necessarium, & in can. Luminoso 13. quest. 2.* Joannes Semeca dictus Theutonicus, qui medio seculo XIII. vivebat, & Auctor fuit Glossæ communis, Decreto Gratiani appositæ (seu potius Huguecionus, seu Hugutio, quem primum Gratiani glossatorem affirmat S. Antoninus in *spec. hist. 3. part. tit. 18. cap. 6. pag. 66.* ex cujus, aliarumque glossis, teste Doujat *prænot. Canon. lib. 5. cap. 3. num. 6.* suam confarcinavit Theutonicus) eam distinctionem excogitavit, iisque simul collectis, in quibus Monachi subtrahati fuerant a jure, seu potestate Episcopi, ea adscripsit legi dioecesanæ; cetera vero, in quibus Monachi adhuc subiecti remanebant juri Episcopali, spectare ait ad legem jurisdictionis, quod colligitur ex Glossa ad *can. 1. 10. quest. 1.* Huic eidem distinctioni, ab Hugutione inventæ, adhæsit Honorius III. in *cap. Dilectus, de officio Judicis ordinarii*, sicuti observant Franciscus Florens tom. 2. tit. de stat. Monachorum, fol. 70. & 71. & tit. de officio Ordinarii ad text. in *cap. Dilectus, fol. 187.* Ildephonsus Clemens de Aroslegui in sua

*concordia Pastoralis edita Compluti anno 1734. part. 1. cap. 1. num. 70. & pluribus seqq. Rota Romana decif. 769. num. 4. & seqq. coram Molines.*

4. Hæc satis esse videntur ad rem, de qua agimus, illustrandam; si enim cetera prosequi vellemus, quæ de lege jurisdictionis, & lege dioecesanæ Doctores adnotarunt *ad cit. cap. Dilectus*, in infinitum cresceret hic noſter liber, atque in ea nos dumeta conſiceremus, unde vel nullus, vel exiguus sane fructus expectari poſſet: nec vero ea, quæ innuimus, in quibus ſere Doctores conveniunt, non hujusmodi ſunt, ut viam definiendæ propoſitæ quæſtioni pateſciant. Semel enim poſito, ad legem dioecesanam ea pertinere, in quibus Monachi ſunt exempti a jure Episcopali, & ad legem jurisdictionis cetera, in quibus eidem juri ſubſunt, cum ex iſſra dicendis liquido conſtet, Monachos in nonnullis Synodo ſubjici, in aliis ab illa eximi; plane exinde conſicitur, Synodum Dioceſanam eſſe quid mixtum, & ad utramque legem ſpectare. Ita diſſidentes hæc in re Doctores invicem componit Officulis in *cap. Super his, num. 2. de majoritate, & obedientia*, quem ſectantur Bottus *de Synodo part. 1. num. 61. & ſeqq.* Paulucius in *ſua Jurisprudentia ſacra de Comitibus Eccleſiaſticis tom. 4. Biblioth. Pontificia Roccaſerti pag. 462. Rota decif. 619. part. 4. diverſor., & decif. 17. num. 29. de offic. Ordinar. coram Faltucriis tom. 3.*

## C A P U T V.

*De loco, in quo Synodus Dioceſana habenda eſt.*

“ **C**UM Episcopus in tota ſua dioceſi jurisdictionem ordinariam noſcatur habere; dubium non exiſtit, quin in qualibet loco ſua dioceſis non exempti, per ſe, vel per alium poſſit provinciali ſedere; cauſas ad Eccleſiaſticum forum ſpectantes audire .... & cetera, quæ ad ipſius ſpectare officium, libere enuncere, verba ſunt Bonifacii VIII. in *cap. 7. de officio Ordinarii*, in 6. Quod recte ſancitum, notat Cironius *lib. 2. obſervat. jur. Canon. cap. 4.* exemplo Pontificis Urbani, qui cum eſſet Juxdex ordinarius civium Romanorum, rei teſtatur Plutarchus in *Sylla*, ubicumque jus dioceſis, forum conſtituebat, *leg. penult. ff. de juſt. & jur. & leg. ultim. ff. de jurisdic. omni. Judic.*

2. Quamobrem indubitatum eſt, Episcopum, non ſolum in civitate, ſed etiam in qualibet ſua dioceſis parte, poſſe Synodum cogere. Uſit. Concilium Aurelianenſe 1. anni 511. *can. 19. tom. 2. collect. Hard. col. 1011.* & Glacenſe, anni 598. *can. 1. tom. 3. collect. Hard. col. 535.* jubent, ut omnes Abbates, Presbyteri, & Diaconi ſingulis annis accedant ad Synodum celebrandam in loco, ubi Episcopus elegerit; & inter antiqua ſtatuta Eccleſiæ Biturcenſis, ab Hugone Episcopo anno 1268. renovata *tom. 4. anecdotor. Martene col. 627. cap. 1.* legitur: *Statuimus & ordinamus, quod quilibet anno, bis Synodus celebretur in eccleſia Biturcenſi, vel ubi Dominus Episcopus ordinaverit.* Quinimmo, addit Bottus *de Synodo part. 1. quæſt. 9. num. 58.*



*num. 58.* integrum erit Episcopo, suam Synodum cogere, etiam extra propriam dioecesim, si ab ea fuerit expulsum, aut ob pestem, aliamve iustam causam, ab illa recedere coactus; quod tamen intelligendum, monet Massobrius *de Synodo Dioecesana cap. 2. dub. 8.* dummodo consentiat Ordinarius loci, ubi exterius Episcopus vult suam Synodum celebrare. Atque ita reipsa, obtentâ prius ab Ordinario licentia, quidam Episcopus titularis, qui dioecesim administrabat, sitam in terris Infidelium, & ab ea fuerat expulsum, cum ejusdem dioecesis Presbyteris, & Clericis, qui secum advenerant ad civitatem Burgensem, suam Dioecesanam Synodum ibidem habuit, quod refert Frances *de ecclesiis Cathedralibus cap. 32. num. 92.*

3 Verum, etsi solo jure spectato, liberum sit Episcopo Synodum congregare in quolibet suæ dioecesis oppido, expedit tamen, cum nulum obitat impedimentum, ut illam cogat in civitate, quemadmodum declaravit sacra Congregatio Concilii in Acerno die 17. Maji 1636. *lib. 15. decretor. pag. 355. a tergo* hisce verbis: *Posse Episcopum, etiam in dicto oppido, Dioecesanam Synodum congregare, sed satius esse, ut illam apud suam Cathedralē celebret.* Quod si duæ Cathedrales ecclesiae sint æque principaliter unitæ; Episcopus, qui utrique præest, sola inspecta juris severitate, non tenetur facere duplicem Synodum, sed unam tantum in alterutra, quam maluerit, ex præfatis ecclesiis, cui adesse tenentur Ecclesiastici utriusque dioecesis; editisque in ea decretis, ambæ dioeceses obstringuntur, sicuti docent laudatus Frances *cap. 8. num. 370. & seqq.*, Gratianus *discept. 655. num. 25. & seqq.*, Cardinalis de Luca *de jurisdictione disc. 56. num. 6., & de præeminentia disc. 7. num. 20. & 21.*, Romaguera *ad Constitutiones Synodales Gerundenses lib. 1. tit. 1. cap. 1. num. 12.*, Emerix jun. *decis. 1185. & decis. 1236.* Neque huic doctrinæ illud adversatur, quod a sacra Congregatione Concilii olim decisum fuerat in quadam causa Geruntina, cujus summa hæc erat. Indicta ab Episcopo Geruntino Synodo, habenda in civitate Cariateni, æque principaliter unita ecclesiae Geruntinæ, hujus Capitulares, ceterique de Clero Geruntino ad Synodum accedere recusarunt, eam obtinentes excusationem, quod in utriusque ecclesiae unionem, reservata fuisset præeminentia ecclesiae Geruntinæ; re delata ad sacram Congregationem Concilii, ejusque discussioni propositis his dubiis: I. *An Synodus ab Episcopo celebrata in Cathedrali Cariaten., sustineatur.* II. *Et quatenus affirmative, an liget dioecesim Geruntinam.* Sacra Congregatio die 2. Octobris 1706. respondit ad primum *Affirmative*, ad secundum *Negative*; nec tamen hæc responsio (ut dicebamus) adversatur modo traditæ doctrinæ: nam eadem causa iterum proposita die 1. Februarii 1708., sacra Congregatio stetit in decisum, quoad primum dubium: *ad secundum vero, prævio recessu a decisum, rescripsit Affirmative* (*lib. 58. decretor. pag. 53.*): Ideo autem sacra Congregatio in secundi quaesiti decisione nonnihil anceps fuerat, quia Clerus Geruntinensis sibi assistere, contendebat, consuetudinem de qua mox.

4 Diximus, sola inspecta juris severitate, licere Episcopo in alterutra, quam maluerit, ex praefatis ecclesiis Synodum cogere; nam si aequitatis & decentiae sit ratio habenda, ad evitandas inter utramque Ecclesiam similitates, & concordiam fovendam, maxime expedit, ut illam modo in una, modo in altera, alternatim celebret: & praeterea, si alternativam induxerit legitima consuetudo, tenetur Episcopus hanc omnino servare. Hujusmodi porro opportuna distinctione, invicem conciliantur variae sacrae Congregationis Concilii responsiones, quae minus peritis videri possent inter se pugnantes. Siquidem in praedicta Geruntinensi, in qua causa contentiose agebatur, sacra Congregatio judicium protulit, ad exactam juris normam; secus vero accidit in alia Ampurien. Synodi: in qua, cum ipsemet Episcopus sacram Congregationem ita interrogasset: *Approximante tempore celebrationis Synodi, Episcopus, stante quod Ampurien. unita sit aequae principaliter Civitaten. dioc., nulla in hac parte suffulsus consuetudine, supplicat ab E.E. VV. edoceri, an ipse teneatur celebrare Synodum in utraque dioecesi;* eadem sacra Congregatio, non juris apices, sed decentiam & aequitatem respiciendo, die 8. Maji 1694. respondit: *Affirmative alternatim. lib. 44. decretor. pag. 212. a tergo.* Aliud autem dicendum est de sententia lata in causa Atrien. & Pennen. dioecesium unitis; quoniam in hac, cum probata esset consuetudo, Synodum alternis vicibus habendi in utraque civitate, non ex mera decentia, sed ex iustitia, ab eadem sacra Congregatione die 12. Aprilis 1625. prodiiit sequens decretum: *Sacra &c. Partibus auditis, ac Sanctissimo Domino nostro approbante, censuit, Episcopum Pennensem & Atriensem debere primam Dioecesanam Synodum, cum ultima in civitate Pennensi peracta fuerit, in Atrienfi civitate indicare, ac celebrare. lib. 12. decretor. pag. 276. & rursus in eadem causa die 27. Julii 1647. lib. 18. decretor. pag. 367: Synodum ab Episcopo congregatam & celebratam in civitate Pennen., qua ratione alternativae celebranda erat in civitate Atrienfi, non esse abolendam, sed acriter corrigendum Episcopum, & faciendam declarationem, quod huiusmodi celebratio nullo modo praesudices civitati Atrienfi, ratione dictae alternativae, prout hac sacra Congregatio declarat.* Quia vero in alia simili causa Matheranen., & Acheruntina, dioecesium unitis, Capitulum Acheruntinum nondum legitime probaverat eandem, quam asserbat, consuetudinem, sibi suaeque Ecclesiae favorabilem, cujus praetextu adesse renuebat Synodo, quam Archiepiscopus celebrandam indixerat in civitate Matheranensi; ideo sacra Congregatio die 24. Martii 1736. distulit controversae decisionem; at ne interim Synodi coactio, non sine utriusque dioecesis detrimento, protraheretur, prudentissime addidit: *Non retardato pro hac vice interveni Cleri Acheruntini Synodo jam indicta in civitate Matheranensi, sine praedictio iurium ambarum Partium.*

5 Haecenus de loco: Si nunc locum loci, ut ajunt, investigemus, hoc est, si quaeramus in quonam civitatis loco, aut oporteat, aut deceat Synodum celebrari, triplex statim nobis occurret Doctorum opinio. Botus in tract. de Synodo quest. 9. num. 56. part. 1. existimat, necesse non esse,  
ut Syno-

ut Synodus celebraretur in ecclesia. Joannes Andreas in cap. Decret. de immunit. Eccles. in 6. concludit, Synodum posse fieri in ecclesia, simulque innuat, decere, ut fiat. At Massobrius in cit. tract. de Synodo Dioces. cap. 2. dub. 9. docet, juxta universalem consuetudinem, Synodum esse in ecclesia celebrandam. Et profecto si antiquiorum Synodorum Acta pervolvimus, fere omnes, tam Oecumenicas, quam Provinciales, quam demum Diocesanas Synodos, in ecclesia coactas deprehendimus, quemadmodum perpendit, multisque adductis exemplis confirmat & illustrat Mendoza in notis ad Concil. Illiberitan. cap. 9. tom. 1. collect. CC. Labbè col. 1043. Exteris vero exemplis ab illo collectis adjicere possumus etiam domestica, omnium videlicet Conciliorum, quæ Romæ sunt celebrata, aut in basilica Lateranensi, aut in basilica Vaticana. Typis impressum est Bullarium, solas continens Constitutiones pertinentes ad basilicam Vaticanam, in quarum prima, quæ est S. Leonis I. cognomento Magni habetur: *Constitutum est, ut in annis singulis Episcoporum debere esse conventus*, quibus verbis subnectuntur hæc alia: *Quoniam adjuvante gratia Dei, facilius poterit provideri, ut in Ecclesia Christi nulla scandala, nulli nascantur errores, cum coram Beatissimo Apostolo Petro id semper in commune tractandum fuerit*: Ad hunc autem locum eruditi Adnotatores expendentes ea verba, *Coram Beatissimo Apostolo Petro*, fuisse ostendunt, usque ad XI. sæculum Romana Concilia fuisse celebrata in ecclesia S. Petri, præsentē & præsidente Romano Pontifice. Nomine porro ecclesie non intelligitur hic solus ecclesie ambitus, sed omnis locus sacer, ecclesie adjunctus, & ad ecclesiam pertineus: siquidem (ut recte notavit du Fresnius) in Actis Concilii Chalcedonensis act. 1. (in collect. Harduini tom. 2. col. 174.) mentio fit ejusdem Concilii Constantinopolitani celebrati in Baptisterio S. Sophiæ, quod utique erat ab ecclesia distinctum: Concilia vero Carthaginensia III., IV., V., VI., habita legimus in secretario basilicæ; quoddam pariter Concilium Antiochenum, insertum iisdem Actis Concilii Chalcedonensis (eod. tom. 2. col. 579.) coactum dicitur in portici æstivalis secretarii: Secretarium autem, idem erat ac Diaconicum, seu quam vulgo dicimus Sacristia, ut admonet Valelius not. in Philostorg. lib. 7. cap. 3. qui locum fuisse contendit intra ecclesiam; Gothofredus vero, & alii ab ecclesia separatim existimant. Præterea Leo Allatius de consens. Eccles. Orient. & Occid. lib. 2. cap. 11. & 12. nonnulla commemorat Concilia celebrata in Catechumeniis; & citatus Du-Cangius in descriptione ædis Sophianæ (ad calcem Cinnami) num. 38. ex Niceta, aliisque probat VIII. Synodum non in ecclesia, sed in Catechumeniis coactam; Catechumenia vero, ut liquet ex Leone nov. 73. aliisque quos laudat idem Du-Cangius ibid. num. 38., erant solaria seu porticus superiores ecclesiarum: in Vaticana porticu Synodum pariter habitam, narrat Rasponus de Patriarchio Lateranensi lib. 4. cap. 4.. Ac demum in Leoniano Triclinio a Leone III. prope Lateranensem basilicam constructo, quod collapsum ac dirutum, ne præclarum sacræ antiquitatis monumentum eruditorum hominum-

num voluptati deesset, Nos, quatenus licuit saluum esse volumus, ac restitui mandavimus, plura Concilia celebrata, ac præsertim unum ab Eugenio IV. tradunt Nicolaus Alemannus *de Lateranensibus parietibus* pag. 29., Panvinius, alique passim. Ceterum, quidquid sit de loco, in quo olim Synodi cohebantur, ut loquamur de hodierna praxi, distinguendum videtur inter congregationes, quæ Synodo præmitti solent, & sessiones ipsas Synodales. Congregationes haberi consueverunt in ædibus Episcopalibus, sessiones autem semper in ecclesia, quemadmodum advertit Gavantus *in praxi Dioecæfana Synodi cap. 4. & cap. 9.*, & colligitur ex Pontificali Romano, quod agens de ordine ad Synodum, cum dicat, Episcopum cappa indutum pergere ad ecclesiam, celebrare Missam de Spiritu Sancto, & distribuere Eucharistiam Clero, pro certo jam sumit, illam in ecclesia celebrari. Idem supponit Cæremoniale Episcoporum *lib. 1. cap. 31.* describendo ornatum ecclesiæ, in qua Synodus habetur. Et S. Carolus Borromeus in concione habita in sua Synodo Dioecæfana XI. anno 1584. (*part. 7. Añ. Eccl. Mediol. pag. 1167.*) considerans excellentiam & sanctitatem loci, ubi Synodus congregatur, hæc dixit, quæ soli ecclesiæ aptari possunt: *Et locus ipse, quo convenimus, consideratione dignissimus est. Hic enim non est aliud, nisi aula Dei, & Regia domus ejus, & porta cali. Hic personaliter & realiter totus Christus est præsens. Adsunt cum eo innumera Sanctissimorum Angelorum & Beatorum Spirituum millia. Hic reposita sunt sacrosancta tot Sanctissimorum hominum Reliquia. Hic nil, nisi Cruces, nisi Imagine. Omnia sancta sunt, omnia sanctitatem spirant, omnia timorem quemdam filialem incutiant, dum, ubi sumus, & coram quo, nobis significant.*

6 Inter ecclesias autem, si fieri possit, eligenda est Cathedralis, quæ ærtiori vinculo Episcopo alligatur, aliarumque ecclesiarum mater est, & caput; quamvis, urgente aliqua rationabili & honesta causa, non prohibeatur Episcopus Synodum facere in alia ecclesia, quod bene notavit Monacellus *in formul. legal. part. 1. tit. 5. formul. 3. num. 7.* Simile est, quod dicitur de Chrismate, ac Oleis Cathecumenorum, & Infirmorum, quæ, licet aliquando, ac præsertim cum Episcopus abest a civitate, consecrari possint in qualibet ecclesia; regula tamen est, ut, cum fieri potest, consecrentur in Cathedrali, juxta declarationem Congregationis sacrorum rituum *die 17. Novembris 1600. relata* a Cardinali de Aguirre *tom. 4. Concil. Hispania pag. 748.*



CAPUT

## CAPUT VI.

*De tempore, quo cogenda est Synodus Dioecessana.*

**O**lim bis in anno Concilia Provincialia celebranda fuisse, constat ex *Canonis* 38. al. 30. (ex recens. Cotelieri tom. 1. pag. 442.) ex his, qui dicuntur Apostolici: *Bis in anno Episcoporum Concilia celebrantur*, cui consonat *Canon* 5. Concilii Nicæni, ex versione Dionysii Exigui (t. 1. collect. Hard. col. 326.) *Bene placuit annis singulis per unamquamque provinciam bis in anno Concilia celebrari*. Idque religiose servari iussit Leo Magnus episc. ad Augustinum Episcopum Thessalonicensem, relata a Burcardo lib. 1. cap. 43., et Gratiano can. 2. dist. 18., inquit: *De Conciliis autem Episcopalis non aliud indicimus, quam sancti Patres salubriter ordinarunt, ut scilicet bini conventus per annos singulos habeantur*. Hanc eandem disciplinam in plerisque saltem provinciis perseverasse sæculo octavo, patet ex Concilio Veronensi anni 755. can. 4. (tom. 3. collect. Hard. col. 1995.) in quo statuitur, ut provinciales Episcopi singulis annis, tum Martij, tum Octobris Kalendis, una cum Metropolitano, ad Synodum conveniant; atque ex Capitularium Aquisgranensium anni 789. (tom. 1. Capitul. Baluz. col. 218.) cap. 13., ubi præcipitur: *Ut provinciales Episcopi, cum suis Metropolitanis, bis in anno, propter causas Ecclesie, Concilia celebrent*.

**2** Quia porro Concilia Provincialia semper consecretabantur Synodi Dioecessanæ, ut edita in illis decreta à singulis Episcopis in his promulgerentur, sicuti cautum legimus à plerisque Conciliis, & præsertim à Tolitano XVI. anni 693. cap. 7. (tom. 3. collect. Hard. col. 1797.) & adverteit Thomassinus de veter. & nov. Eccles. discipl. part. 2. lib. 3. cap. 93. num. 1. Inde factum est, ut binæ pariter Synodi Dioecessanæ quotannis haberentur; atque hic mos ita inolevit, ut ad tempora, à nobis non omnino remota, protractus fuerit: etenim duas Dioecessanæ Synodos, quotannis cogendas, edixit Concilium Hasiense in Dania anni 1425. (tom. 8. collect. Hard. col. 1036.) Colonienſe anni 1536. p. 14. cap. 17. (tom. 9. Hard. col. 2028.) & aliud Colonienſe anni 1549. tit. de Synodis celebrat. cap. 1. (ibid. col. 2096.) Quiprimo, in nonnullis Dioecelibus designati erant certi dies, quibus prædictæ Synodi haberentur, nimirum feria tertia, & quarta illius hebdomadæ, in qua celebratur festum S. Lucæ; & feria tertia, & quarta illius hebdomadæ post Paschæ, in qua cantatur Euangelium, *Ego sum Pastor bonus*; quos quidem dies, antiquæ hæc Ecclesiæ statuta renovando, iterum Synodis cogendis, perpetuo destinavit Hugo Episcopus Bituronicus anno 1368., cuius decretum extat in tom. 4. Thesaur. nov. anecdotorum collectærum à Martene, & Durand pag. 627., iisdemque fere diebus Synodos singulis annis habendas, decrevit Raymundus Episcopus Ruthenensis, eodem tom. 4. pag. 673. Inter statuta tamen Ecclesiæ Claronensis anni 1268, ab Har-

ab Harduino tom. 7. col. 587. primum evulgata, legimus, morem illius Ecclesie fuisse, ut Synodus æstivalis fieret diebus Mercurii, & Jovis post festum Pentecostes; & hyemalis diebus Mercurii pariter, & Jovis proximioribus festo S. Lucæ. Quare Altaferri in suo tract. de jurisdict. Ecclesiast. lib. 2. cap. 19. satis apposite scripsit: *Nec semel, sed iterum in anno vocari Synodum Episcopalem, antiqui juris fuit.*

3 Verum cum in VII. Synodo statutum fuerit, ut semel in anno Concilia Provincialia fiant, quemadmodum habetur apud Gratianum can. 7. *distinct.* 18., huic sanctioni adhærens Innocentius III. in Concilio Generali Lateranensi decrevit, Synodos Provinciales ab Archiepiscopo, & Dioecesanas ab Episcopo quolibet anno esse cogendas, cap. *Sicut olim, de accusationibus.* Quamvis autem non vetuerit Innocentius, ne sæpius Dioecesana Synodus haberetur, plerisque tamen Episcopis satius visum est, se Innocentii decreto accommodare, & unam quotannis Dioecesanam Synodum indicere; & reipsa unam singulis annis esse indicendam, decrevere Concilium Ravennatense anni 1311. rubr. 18. (tom. 7. collect. Hard. col. 1368.), Palentinum anni 1322. cap. 1. (ibid. col. 1464.), Tarraconense sub Joanne Patriarcha Alexandrino anno 1329. cap. 63., quod extat cit. tom. 4. *Thesauri nov. anecd. collect. a Martene, & Durand col. 308.*, Vaurense a trium provincialiarum Episcopis anno 1368. celebratum cap. 6. (tom. 7. collect. Hard. col. 1813.) cujus verba hæc sunt: *Ad memoriam reducentes statuta Patrum, in quibus precipitur, ut semel in anno per Episcopos Synodalia Concilia celebrentur; sacro approbante Concilio statuimus, ac in virtute sanctæ obedientiæ Suffraganeis nostris precipimus, ut singulis annis per se, vel per idoneos viros, si ex causa necessaria fuerint impediti, dicta Synodalia Concilia habeant celebrare.*

4 Sed quoniam postea hæc disciplina relaxata fuerat, & Synodorum celebratio intermissa, idcirco plerique religionis studio permoti, Tridentinos Patres urere, ut illam instaurarent. Inter petitiones ab Oratoribus Regis Christianissimi factas in Synodo Tridentina, atque ex Angelo Massarello ejusdem Concilii Secretario relatas tom. 8. amplissima collectionis veterum Scriptorum, & monumentorum, edita a Martene, & Durand col. 1311., trigesima quarta, & ultima hæc est: *Decernat sancta Synodus, ut non solum Synodi Episcopales quotannis semel, ut minimum; sed etiam tertio quoque anno Provinciales congregentur, in quibus de his, quæ ad statum Ecclesiasticum pertinent, diligenter tractetur, de ministrorum delictis mature cognoscatur, & in eos, qui deliquerint, severe animadvertatur.* Quibus petitionibus, antiquo jure innixis, libenter indulgè sacrum Tridentinum Concilium, distinctè precipiens sess. 24. cap. 2. *de reform.*, ut a singulis Metropolitanis quolibet triennio Synodus Provincialis, & ab unoquoque Episcopo semel in anno Dioecesana cogatur: *Synodi quoque Dioecesana quotannis celebrentur; contra contumaces vero huic decreto parere recusantes, poenas a sacris Canonibus jamdiu sancitas renovat, iterumque infligit: Quod si in his tam Metropolitanis, quam Episcopis, & aliis superscriptis negligentes fuerint; poenas sacris Cano-*

*Canonibus sanctis incurrant*. Et sacra Congregatio ejusdem Concilii Tridentini interpres, ad præcavendas, & amputandas quascumque Episcoporum inanes excusationes, uti refert Fagnanus in cap. *Sicut olim*, num. 10. & 11. de accusat., alias respondit, ut si Episcopi impediantur a Synodo, quolibet anno per semetipsos celebranda, possint eam celebrare per suum Vicarium Generalem, instructum speciali mandato, quod ad hunc actum esse necessarium, infra dicitur. Neque enim celebratio Synodi ad illa munera pertinet, quæ ab ipsomet Episcopo necessariò expleri debent: etenim, uti ratiocinatur laudatus Fagnanus, cum Tridentinum loquatur *impersonaliter*, dicendo: *Synodi quoque Dioeceseos quotannis celebrentur*, non exigit, veluti absolute necessariam præsentiam Episcopi, nec prohibet, ne alterius opera ad Synodum cogendam utatur. Ad hæc in eodem cap. loquens Tridentinum de Synodo Provinciali, expresse decernit, ut Metropolitano legitime impedito, illam cogat *Coeppiscopus antiquior*, ac propterea, cum oppositum non statuatur de Dioecesana, non obscure insinuat, etiam hanc posse per alium celebrari. Ita pariter longe ante Tridentinum fenserat citatus Joannes Patriarcha Alexandrinus in allegato Concilio Provinciali Tarracennensi, in quo præcipit quidem, Synodum quotannis a suis Suffraganeis fieri, sed simul aperte permittit, ut, cum aliquo decerneretur impedimento, illam per alios cogant: *Sacro approbante Concilio, statuimus, & in virtute sanctæ obedientiæ Suffraganeis nostris præcipimus, ut singulis annis per se, vel per idoneos viros, si ex causa necessaria fuerint præpediti, dicta Concilia Synodalia habeant celebrare*; idemque, ac fere iisdem verbis decreverat nuper relatum Concilium Vaurense.

5 Verum, præfatum præceptum, Synodum quotannis celebrandi a sacris Canonibus toties impositum, & repetitum, atque a sacro Concilio Tridentino denno restauratum, nimium benigne moderantur aliquot Jurisperiti. Monacell. in *formulario practico tit. 5. formul. 3. num. 1. tom. 1.* opinatur, Episcopum primo, & secundo anno a suscepto suæ Ecclesiæ regimine, debere dioecesim perlustrare, ut serpentina in ea mala inspicat, ac tertio anno Synodum cogere, in qua illis coercentis opportuna apponat repagula. Pax Jordanns *tom. 2. lib. 8. tit. 2. num. 41.* non dubitavit generatim, & absque ulla limitatione asserere, satis esse, ut quolibet triennio Dioecesana Synodus habeatur. Episcopus Braschius in *suo promptuario Synodali cap. 1. num. 21. & pluribus seqq.* existimat, non posse quoad hoc præscribi certam, absolutam, & universalem regulam, ab omnibus ubique custodiendam, quia, ait, in aliquibus dioecesibus necessaria erit crebrior Synodorum coactio, in aliis minus frequens sufficiet. Nos vero, quamquam non negemus, potuisse Tridentini decretum contraria consuetudine nonnihil emolliiri & temperari, non idcirco tamen approbamus effrenem istam licentiam, quam privati Doctores sibi usurpant, illud pro libito, etiam contra expressa ejusdem verba, interpretandi, & limitandi; neque illos excusamus Episcopos, qui cum nihil sit, quod eos impediat, ex sola

ſocordia & negligentia Synodum ſacere prætermittunt, eoſque magis redarguimus, qui cum plures annos dioceſim gubernaverint, ne de cogenda quidem Synodo unquam cogitarunt: hi enim, ceterique, qui ex mera incuria & inertia præſato Tridentini præcepto non parent, & ſine ulla cauſa Synodum ſacere omittunt, meminiffe deberent, ſe præter reatum inobedientiæ, poenam incurſare ſuſpenſionis ab officio, ſtatutam in cap. *Sicut olim, de accuſat. Quiſquis autem hoc ſalutare ſtatutum neglexerit adimplere, a ſui executione officii ſuſpendatur*; licet poena huiusmodi, ut ipſa indicat vox ſuſpendatur, non ſit late, ſed ferendæ ſententiæ, quod in eodem cap. *Sicut olim* adnotarunt Oſtienſis in fine, Joannes Andreas num. 7., Fagnanus num. 105. & ſeqq., referens etiam reſolutiones ſacræ Congregationis Concilii, Thomafin. de vet. & nov. Eccleſ. diſcipl. part. 2. lib. 3. cap. 75. num. 10. Neque audiendi ſunt, qui, ad propriam obtegendam ignaviam, ſe conſulto, & prudenter abſtinere dicunt a Synodi coactione, ne novarum Conſtitutionum in dies acceſſione, commiſſe ſibi dioceſis ſtatus perturbetur. Nam in primis necesse non eſt, ut novæ Conſtitutiones in Synodo edantur, ſed quandoque expedit, ſolam urgere executionem illarum, quæ jam ſancitæ fuerunt; qua in re exemplum nobis præbuit ſupralaudatus Auguſtinus Valerius celeberrimus Epiſcopus Veronenſis, qui in citato libello ad Clerum ſuum teſtatur, ſe obtemperaviſſe Concilio Tridentino, Synodum quotannis celebrando; in qualibet Synodo ſermonem habuiſſe ad Clerum de Eccleſiaſtica diſciplina, ſingulos hortando, ut ad huius exactam normam ſuos mores componerent; ſed nullum in Synodo edidiſſe decretum; quod tamen, addit, nonnullis diſplicuiſſe Sacerdotibus; & propterea libellum ſcripſit, in quo factum excuſat, & ſalubria monita tradit, loco Conſtitutionum, quas in Synodis non fecerat: *Cur autem* (inquit) *cum ſingulis annis, ex quo ipſe Epiſcopus ſum ſacrus, Synodus ſit celebrata, & a nobis ſint habiti longi ſermones, ad me ipſum, & ad vos excitandos, nullam Conſtitutionem nomine meo ediderim, cum ad aures meas pervenerit, eſſe nonnullos bonos Sacerdotes, qui hoc meum conſilium non ſatis probent, illis huius ſacti rationem reddendam iudicavi &c.* Deinde difficile videtur hoc tempore, quo Eccleſiaſtica diſciplina quotidie conſeneſcit, & labefactatur, aliquam inveniri Dioceſim, cui opus non ſit ulla nova Conſtitutione, qua ſaltem antiquæ leges corroborentur, & quæ morum corruptela pæne obſoleverunt, revireſcant.





## L I B E R II.

DE HIS, QUI SYNODUM DIOECESANAM  
COGERE POSSUNT.

## C A P U T I.

*An Romanus Pontifex cogere possit Synodum Dioecesanam.*

**R**omanus Pontifex, qui, ut totidem verbis ad Leonem III. scribebat olim Theodorus Studita (*epist.* 34. lib. 1. *ex recens. Sirmondi tom.* 5. *var.*) est omnium capitum Caput, atque universæ, quæ sub cælo est, Christi Ecclesiæ Princeps, Moderator, & Pastor; est etiam Patriarcha Occidentis, Primas Italiæ, Archiepiscopus, & Metropolitanus Romanæ provinciæ, atque Episcopus urbis Romæ, quod scite considerant Sirmondus *de regionibus, & Ecclesiis suburbicariis, Præemptici lib.* 2. *cap.* 10., & in *cenfura conjectura Anonymi differt.* 2. *cap.* 5., Morinus *exercit. Eccles.* lib. 1. *exercit.* 6. & *exercit.* 13., Leo Allatius *de consens. Eccles. Occident. & Orient.* lib. 1. *cap.* 8., Hallier *de sacris Ordinat. art.* 3. *pag.* 723., Natalis Alexander *hist. r. Eccles. ad saculum IV. part.* 2. *differt.* 20. *proposit.* 2., & passim alii. Porro Episcopatus Romanus, ac totius Catholicæ Ecclesiæ Præfectura, in præfenti rerum ordine non sunt duæ distinctæ Sedes, neque duæ Dignitates, quæ fortuito in una copulentur Romani Pontificis persona, quamvis, secundum se spectatæ, tales esse potuerint: nam Petrus universalis Ecclesiæ Pastor a Christo Domino renunciatus potuisset utique, ea suprema totius Ecclesiæ Præfectura retenta, nullius particularis Ecclesiæ regimen capeffere, sicuti reipsa nullius specialem administrationem suscepit, primis aliquot a Christi Domini in cælum Ascensione, annis; potuisset Antiochenam Ecclesiam, quam deinde elegit, pluresque annos Episcopus gubernavit, perpetuo retinere; potuisset denique Ecclesiam Romanam, ad quam postmodum suam transtulit Sedem, relinquere, alio se conferre, & alterius urbis peculiarem curam, seu Episcopatum assumere. At cum hæc, quæ fieri potuerunt, minime facta sint; sed Petrus suam Sedem Romæ fixerit, per annos viginti quinque firmiter retinuerit, & in ea Martyrio coronatus gloriose obierit, sive id evenerit ex Divino præcepto, seu expressa revelatione ipsi Petro specialiter a Deo facta, sive ex sola voluntate Petri, licet divinitus inspirata, inde factum est, ut supremi Pontificatus prerogativa ita infixa remanserit Romanæ Sedi, ut qui in hac Petro succedit, necessario succedat in totius Ecclesiæ primatu Petro, ejusque legitimis Successoribus a Christo collato, quemadmodum bene explicant Cardinalis Bellarminus *controvers. tom.* 1. *de Romano Pontifice lib.* 2. *cap.* 12.,

Suarez in *defensione Fidei* adv. Anglicana secta error. lib. 1. cap. 5. num. 4., & lib. 3. cap. 13. num. 12., Petrus de Marca *differt.* 1. de *singulari primatu Petri* num. 20., Marcus Antonius Capellus in *disput.* 2. de *successione Episcopi Romani in Pontificat.* cap. 4. num. 207. Quamvis itaque possit in aliquo sensu dici, supremam Ecclesiam monarchiam, jure tantum humano, esse annexam Sedi Romanæ, quia nimirum utriusque unio, nexus, & alligatio ortum habuit ex facto Petri, attamen non videtur posse sustineri illorum opinio, qui asseruerunt, præfatam annexionem ita esse de jure humano, ut possit ab Ecclesia dissolvi, & una ab altera separari; etenim posito, quod Petrus suam Sedem stabiliret Romæ collocaverit, & Romanam regens Ecclesiam obierit, nullus, qui Episcopus Romanus non sit, potest dici verus Petri Successor, ac propterea nunquam ad eum referri possunt verba Christi Domini: *Pasce oves meas*: *Mat.* 21., quibus universalis Ecclesie curam Petro, ejusque Successoribus commisit. Quare jure, ac merito ejusmodi paucorum opinionem resellunt, & censura perstringunt Melchior Canus de *locis Theologicis* lib. 6. cap. 4., Gregorius de Valentia de *controv.* *Fidei* lib. 7. cap. 12., alique non pauci Theologi; non inde tamen, quod Romanus Pontifex instam sibi habeat dignitatem & prærogativam supremæ capitis totius Ecclesie, consequitur, omnia, quæ ab eo sunt, fieri tanquam Ecclesie capite: siquidem aliquando operari potest, & reipsa operatur, non tanquam Christi Vicarius, sed tanquam Patriarcha Occidentis, illa dumtaxat jura exercendo, quæ ceteris Patriarchis competunt; aliquando solam gerit personam vel Primatis Italie, vel Metropolitæ Romanæ provincie; quandoque se tantum exhibet Episcopum urbis Romæ, ea unice peragendo, quæ cuilibet Episcopo in sua dioecesi, peragendi jus est; aliquando demum suam supremam explicat dignitatem, & tanquam totius Ecclesie Præses, Moderator, & Princeps illam exercet potestatem & jurisdictionem, qua non nisi ut Christi in terris Vicarius potitur. Quæ omnia optime, & ad rem perpendit Allatius de *perpetua consensione Ecclesie Occidentalis* lib. 1. cap. 8., ubi hæc habet: *Communis ergo, omnia habet summus Pontifex cum Episcopis ut Episcopus, cum Patriarchis ut Patriarcha, nec plus ipsi in eis facultatis est, quam cuicumque Episcopo in Episcopo, & Patriarcha in Patriarcha. Uti tamen Christi Vicarius, & Potestas Apostolica, a Christo instituta est, summus Pontifex non tantum Episcopis & Patriarchis dignior est, sed & in Episcopis, & Patriarchis auctoritatem habet, eos constituit & promovet, & si quando opus est, deponens, & quod magis est, de novo, si placuerit, instituens, & suppressens institutos.*

2. Neque, quod quis pro loco & tempore diversas induat personas, & modo una, modo altera ex iis utatur potestatibus, quibus diverso nomine præstat, res est adeo nova & inusitata, ut ab Heterodoxis irrideri queat: Etenim Agamemnon (exemplum est adhibendum Cardinali Perro-  
nio in *replicatione ad Regem Angliæ* lib. 1. cap. 30.) Rex erat inter Græcos, auctoritatem habens, supra sui regni milites, æqualem illi, quam cuilibet  
ex aliis

ex aliis Græcæ Regibus, inter se, & cum eo confederatis obtinebat supra suos; sed præterea Agamemnon erat supremus & universalis Dux omnium copiarum confederatarum, & ideo non tanquam Rex, sed tanquam Dux imperabat universo exercitui, ac Regibus ipsi. Non absimile est exemplum, quod dedecit Sirmondus in cit. *Propert. lib. 2. cap. 16. col. 237.* a Rege Gallis, in cujus potestatem cum nunc redactæ sint plures provincie, quæ olim Duces, aut Comites sub Regibus possidebant, eas ille nunc moderatur, & tanquam Rex, & tanquam Dux, aut Comes; sed, etsi idem Princeps utramque personam, Ducis nimirum, seu Comitatus, & Regis sustineat, alia tamen Ducis, Comitatusve jure imperat, alia Regis. Aliud etiam, & magis obvium exemplum affert idem Sirmondus in cit. *ensura conjectura Anonymi cap. 8. col. 47.*, Imperatoris videlicet exercitus, qui peculiarem pariter cohortis cujuspiam, vel alæ Præfecturam gerat. Atque utrobique concludit Sirmondus, quod, cum Romanus Antistes omnes Episcoporum gradus & titulos complectatur, & in eo omnium inferiorum jura simul socientur, optine possit, modo utrum, modo alterum ex his juribus explicare, & quædam gerere, in una Urbis parochia, veluti Urbis Episcopus; quædam in Romana provincia, uti Metropolitani; aliqua in tota Italia, tanquam Primas; aliqua in Occidente, veluti Patriarcha; aliqua in universa Ecclesia, ut Papa, & summus Pontifex.

3. Quibus præmissis, nemo dubitare potest, quin Romanus Pontifex, veluti Urbis Romæ Episcopus, possit suam Diocesanam Synodum coagere, sine ulla supremæ suæ dignitatis imminutione: An autem unquam illam coegerit, restat investigandum, atque idem inquirendum de Conciliis Provincialibus.

## CAPUT II.

*Jus Romani Pontificis congregandi Synodum, tam Provinciale, quam Diocesanam explicatur, & confirmatur.*

1. CUM Romanus Pontifex in sua provincia, cujus est Archiepiscopus, & Metropolitani, omnia jura habeat, quæ ceteris Metropolitanis sunt communia, poterit profecto ejusdem provincie Episcopos ad Concilium convocare. Neque ab hoc convocando, ex eo impediri valet, quod nonnulli opponunt, Romanæ nimirum provincie limites esse ita incertos, ut impossibile sit discernere, quinam Episcopi sint ad Provinciale Concilium convocandi. Quantùm enim, qui hæc jactitant, a veritate absterrent, ex sequentibus palam fiet.

2. Jacobus Gothofredus anno 1618. Francofurti edidit absque Auctoris nomine librum inscriptum: *De suburbicariis regionibus, & Ecclesiis, seu de Præfectura, & Episcopi urbis Romæ diocesi conjectura*; in qua totius viribus

viribus probare conatus est, diocesim Papæ, uti Metropolitæ, & Episcopi Romani ( hæc enim duo, ut observavit mox citandus Simondus, Gothofredus confundit ) non extendi ultra centesimum ab Urbe lapidem, quo fere modo Præfecti Urbis jurisdictio intra dictos fines continebatur, juxta Textum in l. 1. ff. de officio Præfecti Urbis. Huic libro alios postea addidit in idem argumentum, cum Gothofredus ipse, tum qui in ejus subsidium quasi succenturiatus advenit, Claudius Salmastius, qui Heidelbergæ in Jurisprudentiæ schola Dionysium Gothofredum, Jacobi patrem, Magistrum habuerat. Ex eo tempore hæc de suburbicariis Ecclesiis questio celeberrima facta est, de qua Hieronymus Aleander junior in lib. de suburbicar. region. & dioc. Episc. Roman., Marcus Antonius Capellus in disput. de summo Pontificatu, & region. suburbicar. cap. 5., Jacobus Gutherus in specula de Eccles. suburbicar., Joannes Darts in opus. de suburbicar. Eccles., Joannes Morinus differt. Eccles. lib. 1. differt. 30., De Marca de concord. Sacerd., & Imper. lib. 1. cap. 3., Henricus Valelius in observat. ad Socrat., & Szymon., Christianus Lupus in not. ad vi. Canon. Nicænum, Leo Allatius de Eccles. Occid., & Orient. perpet. consens. lib. 1. cap. 2. §. 4., Schelestrat antiquit. Eccles. tom. 2. differt. 6. cap. 2., Pagius ad ann. 325., atque ante hos omnes plura in hanc rem disputaverat Cardinalis Perronius in replicatione contra Jacobum I. Angliæ Regem lib. 1. cap. 33.; sed præ ceteris hanc questionem egregie versavit, & Gothofredo & Salmastio se strenue opposuit Jacobus Simondus, a quo primum contra Gothofredum edita est *Censura conjectura anonymi Scriptoris, de suburbicariis regionibus & Ecclesiis*, deinde adversum eundem, ac Salmastium, qui Parisios cogitabat, evulgata *Adventoria Causidico Divionensi adversus Amici ad Amicum epistola, de suburbicariis regionibus, & Ecclesiis*, cum censura vindictiarum conjectura alterius Anonymi; denique libellus exaratus, quem inscripsit *Propempticum*. His in libris Simondus demonstrat, vana esse commenta, quæ de suburbicariarum regionum etymo ac notione, deque earundem numero & situ Adversarii jactitant; nequaquam illas sic vocatas ostendens, quod suburbane forent, aut quod intra centesimum ab Urbe lapidem consisterent, sed quia suberant Urbico Magistratui, seu Urbis Vicario, non autem Præfecto, cujus potestas non excedebat territorii fines, & angustioribus etiam, quam centesimi terminis, claudebatur. Quinimmo Emmauef a Schellstrate loc. cit., Pagius ad an. 325. num. 34., Carolus a S. Paulo in *fine Geographia sacra*, alique passim considerantes vi. Canonem Nicænum, seu verius explicationem, quam ei adjecit Rufinus, quæ huic controversiæ potissimum occasionem præbuit; ubi enim Canon Nicænus habet: *Antiqua consuetudo servetur per Ægyptum, Lybiam, & Pentapolim; ita ut Alexandrinus Episcopus horum omnium habeat potestatem, quia & urbis Roma Episcopo parilis mos est; legit Rufinus, ut apud Alexandriam, & in urbe Roma vetusta consuetudo servetur, ut ille Ægypti, vel hic suburbicariarum Ecclesiarum sollicitudinem gerat*; hæc, inquam, considerantes, non immerito exultant

nomine

nomine *suburbicarum Ecclesiarum*, quarum specialem sollicitudinem habet Romanus Pontifex, non solum intelligi provinciam Romanam, sed omnes comprehendi Occidentis regiones, quæ Romano Pontifici, tanquam Patriarchæ parebant: Siquidem Concilium Nicænum, & Rufinum non de Metropolitico, sed de Patriarchico jure loqui, ex contextu liquet; atque exinde conficitur suburbicarias regiones, de quibus Rufinus, non solum intra centesimum ab Urbe lapidem non esse conclusas, sed ad universum porrigi Occidentem. Præterea cum Gothofredus & Salsavius principii loco statuerint, quod Ecclesiæ, & dioceses perpetuo & constanter civilium Magistratuum formam sint imitatæ, atque inde intulerint Romani Antistitis diocesim non fuisse extensam ultra fines Romanæ Præfecturæ, illud falsum esse probavit Sirmondus, & post Sirmondum, inter ceteros eximie demonstravit Benedictus Bacchinius in *differt. de Ecclesiastica Hierarchia originibus*: Cum enim alia sit rerum sæcularium ratio, alia Divinarum, sicuti ad Marcianum Augustum scripsit Leo Magnus *epist.* 78. *al.* 54. *cap.* 3., Romanus Antistes, fretus potestate sibi a Christo Domino tradita, & ante & post institutam Urbanam Præfecturam, suam jurisdictionem libere exereuit, nulla illius habita ratione, quod etiam bene perpendit Leo Allatius *cir. lib.* 1. *cap.* 2. Atque ita ei dimicationi cum Salsavio & Gothofredo finis est impositus, ut jam nemo sit inter Eruditos, inquit laudatus Valesius, qui non Sirmondi sententiam ambabus, quod ajunt, ulnis amplectatur.

3 Verum licet Romana provincia non fuerit unquam adeo angustis limitibus coarctata, sicuti Gothofredus & Salsavius contenderunt, non tamen iisdem semper terminis est definita, sed ejus amplitudo modo major, modo minor extitit. Et primò quidem, quidquid sit de tribus prioribus sæculis, quibus nullum in Italia, five etiam in Occidente, fuisse Metropolitanum, præter Romanum, opinantur cit. Bacchinius *part.* 2. *num.* 10., & Rubeus in *monum. Eccles. Aquilej. cap.* 19., certum esse videtur, quod sæculo iv. ex septemdecim Italiæ regionibus, saltem decem subsessent Metropolitico juri Romani Pontificis, & aliæ septem Archiepiscopum Mediolanensi parent; quinimmo, si fides habenda sit Josepho Cantelio in *Metropolitanarum urbium hist. civil. & Ecclesiast. part.* 2. *differt.* 6. *cap.* 4., Romana provincia duodecim Italiæ regiones per id tempus complectebatur. Cum autem dignitatem Metropolitanam assecutæ sunt Aquilejensis, & Ravennatenfis Ecclesiæ, quod primæ in fine ejusdem sæculi iv., alteri sæculo v. contigisse, iidem Bacchinius & Rubeus existimant, alia successit Italiæ regionum divisio: Aquilejensi assignatæ sunt Venetiæ, & Istria; Ravennatenfi Flaminia, & Æmilia; ceteris subjectis, ut antea, permanentibus aut Mediolanensi, aut Romano Metropolitæ, quemadmodum probat Carolus a S. Paulo in *cir. Geographia sacra*. Labente sæculo xi. Urbanus II. erecta Pisana Sede in Metropolim, Romanæ provinciæ amplitudinem, jam multum imminutam, arctioribus adhuc limitibus constrinxit: Quare Innocentius III. qui in sæculi insequentis fine Romanam Sedem adeptus

adeptus est, in cap. *Sua nobis, de offic. Vicarii* Romanam Provinciam inter Capuanam, & Pisanam sitam dixit. In antiquo codice Vaticano a Baronio prolato ad ann. 1057., cui similem Carolus a S. Paulo se reperisse testatur in bibliotheca Thuanæ, describitur provincia Romana, intra quam, præter septem Episcopos Cardinales, dictos *Collaterales*, quia Pontifici in Urbe semper astant, numerantur Episcopi amplius sexaginta, qui Suffraganei erant Romani Pontificis, nulli alii Archiepiscopo subiecti, atque in hoc albo locum habent Lunensis, & Ariminensis, quorum Sedes, ut ceteras omittamus, ducentis sere passuum millibus Roma distat. Sed aliæ postmodum secutæ sunt distractiones Romanæ provinciæ: Martinus V. Florentinam; Pius II. Senensem. Pius IV. Urbinatensem; Sixtus V. Firmanam; Gregorius XIII. Bononiensem Ecclesias, in Metropoles erexere. Quocirca Romana provincia, etsi etiam hodie, juxta laudatam Decretalem Innocentii III., sita dicatur inter Pisanam, & Capuanam, non tamen absolute conflatur ex omnibus omnino Episcopis intra utramque existentibus, sed ex illis dumtaxat constituitur, qui & existunt inter Capuanæ, & Pisanæ provinciæ limites, & nulli Archiepiscopo subiecti sunt; ac proinde, cum Concilium Tridentinum sess. 24. cap. 2. de reform. decrevisset: *Ut Episcopi, qui nulli Archiepiscopo subjiuntur, aliquem vicinam Metropolitanum semel eligant, in cujus Synodo Provinciali cum aliis interesse debeant*, sacra Congregatio ejusdem Concilii interpres, die ultima Julii 1585. declaravit, sub hoc decreto non comprehendi Episcopos provinciæ Romanæ, quoniam isti immediate subjiuntur Papæ, tanquam eorum Archiepiscopo & Metropolitano. Idemque iterum statutum fuit in Congregatione habita coram san. mem. Benedicto XIII. die 28. Martii 1725. Aut enim ejusmodi Episcopi, qui Ecclesias regunt, inter provinciam Capuanam, & Pisanam, fuerunt auctoritate Papæ divulsi a provincia Romana, & adscripti inter Suffraganeos alicujus Archiepiscopi; & tunc, sine ulla dubitatione, hujus Provinciali Concilio interesse debent; aut adhuc perseverant soluti a cujuslibet Archiepiscopi jurisdictione & imperio, & tunc censentur Suffraganei Papæ, ejusque Metropolitanico juri immediate subduntur.

4 Quæ hætenus diximus, perspicuos & manifestos reddunt, si non antiquos, saltem recentiores fines Romanæ provinciæ, & designant ac indignant quodammodo Episcopos Suffraganeos summi Pontificis, quem propterea nemo poterit remorari a Synodo Provinciali, quando ei libuerit, celebranda, sub hoc frivolo prætextu, quod certo definiri nequeat, quinam Episcopi sint ad eam convocandi.

5 Examinandum nunc superest, an Romanus Pontifex, solam gerens personam Archiepiscopi & Metropolitæ, Concilium mere Provinciale unquam coegerit. Plerique Eruditi opinantur, ex Romanis Conciliis, quorum, præter quinque Lateranensia Generalia, numerantur novem supra centum, nullum omnino fuisse mere Provinciale, ob admixtionem scilicet, &

cet, & interventum aliorum Episcoporum, qui ad Romanam provinciam non pertinebant. Alii exadverso arbitrantur, aliqua ex illis inter vere Provincialia esse recensenda; nam, etsi iidem nonnulli adfuerint exteri Episcopi, adeo tamen exiguus fuit istorum numerus, ut credere fas sit, eos non accessisse vocatos, sed, cum fortuito Romæ reperirentur, honoris causa fuisse ad Concilium admissos; ejusmodi, inter cetera, fuisse Concilium illud Romanum, a Bonifacio IV. circa annum 610. coactum, cui interfuit Mellitus Episcopus Londinensis, discimus ex Beda *lib. 2. cap. 4.* apud Spelmannum *Concil. Britan. tom. 1. pag. 129.* hæc narrante: *His temporibus venit Mellitus Londonia Episcopus Roman, de necessariis Ecclesie Anglorum causis, cum Apostolico Papa Bonifacio tractaturus. Et cum idem Papa reverendissimus egeret Synodum Episcoporum Italia, de vita Monachorum, & quiete ordinaturus, & ipse Mellitus inter eos assedit.* Nec dissimile fuisse credimus Concilium in basilica S. Petri a Gregorio II. anno 721. celebratum, in cujus Actis subscripti apparent viginti duo Episcopi, quorum duo tantum, aut tres non erant de provincia Romana.

6 Verum, quidquid sit de aliis, indubitatum est, vere proprie & strictè Provinciale fuisse Concilium a san. mem. Benedicto XIII. habitum in basilica Lateranensi anno 1725., cui Nos interfuimus, uti Doctor in Decretis, seu Canonista: in illius quippe indictione Pontifex decretum commemorat Concilii Tridentini de Synodis Provincialibus, a singulis Metropolitanis quolibet triennio cogendis; additque, se huic decreto obtemperasse, pluresque Synodos Provinciales habuisse, quamdiu in sua Metropolitana Ecclesia Beneventana resederat; & ad supremum Pontificatum erectum, velle hanc Episcopalis muneris partem obire, ut primæ Sedis exemplo, cunctis Ecclesiæ Pastoribus quid ab ipsis agendum foret, proponeret. Accedit ad illud dumtaxat vocatos fuisse Episc. pos. in speciali Romana provincia constitutos, videlicet inter Capuanam provinciam, & Pisanam, Archiepiscopos Suffraganeis carentes, Episcopos Sedi Apostolica immediate subiectos, & Abbates nullius diocesis, jurisdictionem quasi Episcopalem habentes, qui alias sibi Metropolitanum, cujus Provinciali Concilio interessent, ad firmam Tridentini non elegerunt; ac singulis denuntiaturum fuit, ut ad Concilium accederent, suarum Ecclesiarum necessitates proposuiri. Hæc autem omnia, quæ totidem verbis leguntur in litteris indictionis Concilii, aperte faciunt, Concilium, de quo est sermo, esse Provincialibus accensendum. Et, quamvis præter Episcopos, adfuerint etiam S. R. E. Cardinales, quorum interventus dubitationem nonnullis injecit, ne idcirco Provinciale dici non posset; rectius tamen aliis visum est, non propterea esse delendum e Provincialium albo; Cardinales siquidem admissi fuerunt, veluti Capitulum Papæ, atque ut eorum præsentia augustior redderetur confessas, & Pontificia majestas consueto comitatu emineret. In hac sententia fuerunt sacre Urbis Congregationes, quæ excitatis controversiis quoad obligationem servandi præfati Concilii decreta, semper responderunt, hæc extra Roma-

nam provinciam, vires non obtinere; quod utique non dixissent, si illud non reputassent mere Provinciale.

7 Sed &, an aliquando Synodus Dioecesana sit a Romano Pontifice coacta, altera quaestio est, quæ tamen paucis absolvitur. Antiquis Ecclesiæ temporibus, consuevisse summos Pontifices Romanum Clerum coram se congregare, ut omnium consilio audito, de re aliqua gravi deliberarent, ex iis liquet, quæ *lib. 1. cap. 1. num. 3.* enarravimus: ita enim se gessisse, legimus, Cornelium Papam in causa Maximi, Urbani, & Sidonii; atque Siricium in causa Joviniani, & sociorum, sicuti *ibidem, & n. 6.* ex utriusque Pontificis epistolis retulimus. In Synodum pariter convenisse univertum Romanum Clerum, ut responderet S. Cypriano, a quo, vacante Romana Sede per obitum Fabiani Papæ, veluti primæ Sedis Clerus, monitus fuerat de insolentia Lapforum, qui nulla licet functi poenitentia, & veniam & communionem audacter exposcebant, ipsemet Clerus testatur suis ad eundem Cyprianum epistolis, quæ *inter epist. las Cypriani sunt 30. & 31.*; quamvis, ut vera fateamur, ea Synodus non possit dici mere Dioecesana, quoniam ab ipsomet Romano Clero plures Episcopi fuerunt ad eam accessiti, uti in secunda ex præfatis epistolis narratur. Posteriori Ecclesiæ ævo, seu in tabulis Ecclesiasticis mediæ ætatis, vix ulla occurrit mentio habitæ cœtus omnium Clericorum solius Romanæ Ecclesiæ; quod, fortasse, vel ideo evenit, quia frequentius tunc Romæ fieri coeperunt Concilia Episcoporum, in quibus summi Pontifices, etiam specialia Romanæ dioecesis negotia tractare & expedire poterant; vel quia, nimium aucto Romani Cleri numero, iidem Pontifices satius duxerunt solos Cardinales ad consilium adhibere. Illud certo affirmare possumus, postremis hisce temporibus nullam inveniri Synodum Dioecesanam a Romanis Pontificibus coram se coactam: Utrum autem illam coegerint, opera sui in Urbe Vicarii, mox inquiremus.

### CAPUT III.

#### *De Cardinali Urbis Vicario.*

1 **N**ON est hic sermo de Cardinali Vicario, qui Pontificis vices in Urbe gerat, cum amplissima jurisdictione & potestate, tum quoad secularia, tum quoad Ecclesiastica, quales fuerunt, quos iidem Pontifices, cum Avenione residerent, Romanæ urbis præficiebant regimini, & qualis pariter fuit Cardinalis Inicus Avalos, quem Clemens VIII. Ferrariam secedens, sui Vicarium Romæ reliquit, uti legitur in ejusdem Clementis Constitutione 53. *Bullar. Roman. tom. 3.*; hi siquidem Legati potius de latere, quam Vicarii Papæ speciem præseferabant: neque loquimur de Cardinali Vicario, qui ita olim constituebatur, ut, non præsentem sed absente dumtaxat Romano Pontifice, Episcopalia munia in Urbe exerceret,



ret, de quo Auctor anonymus antiquæ chronice Normannicæ (tom. 2. *Scriptorum antiquorum hist. Normannia edit. ab Andrea Duchesno Paris. 1619.*) pag. 988. hæc habet ad an. 1151. *Successit ei, scilicet Eugenio III. Conradus Sabinenfis Episcopus, Apostolica Sedis in Urbe, dumtaxat in agendis Episcopalibus dum Papa desit, ex antiqua consuetudine pro dignitate loci sui, Vicarius, qui erat natione Romanus, vir grandævus, & apud Romanos auctoritate præclarus, exinde vocatus Anastasius IV.* Sed agitur de Cardinali Vicario, qui est Ordinarius in Urbe, ibique representat personam Papæ, non tanquam Papæ, sed tanquam Episcopi Romani, cum plena jurisdictione Episcopali, exercenda, tam absente quam præsentē Papa, juxta ea quæ cumulantur decis. 62. post colluct. legal. *Bondeni*, adnotavitque Cardinalis de Luca *de jurisdictione disc. 34. num. 10.*

2 Hujus Cardinalis Vicarii jurisdictionio protenditur quidem usque ad quadragesimum ab Urbe lapidem, sicuti adnotavit Gonzalez in cap. *Sua nobis*, num. 6. de offic. Vicar., non tamen complectitur loca, intra eundem circuitum existentia, quæ sint alteri subiecta Episcopo, puta Tusculano, vel Nepefino, uti prosequitur Anastasius Germonius de *indultis Cardinalium*, §. *Tibi quas vixerit*, num. 80. & seqq. : Et quamvis ex Constitutione Alexandri VII., quam exornat Romualdus Honorante in *pravi Secretariae tribunalis Cardinalis Urbis Vicarii* cap. 6. not. 1., sex Cardinales Episcopi suburbicarii, Ostiensis nimirum, Portuensis, Sabinenfis, Tusculanus, Albanensis, & Prænestinus, nisi proprium Episcopum Suffaganeum in sua quisque diocesi habeant, aut in ea commorantes, Ordines per semetipsos conferant, ad solum Cardinalem Urbis Vicarium dimittere possint suos subditos, sive sacris, sive minoribus initiandis Ordinibus; non propterea tamen Cardinalis Vicarius ullum sibi vindicare potest ordinariæ jurisdictionis exercitium in præfatis suburbicariis diocesis, quod Nos post nostrum ad Petri Cathedralis ascensum declaravimus, *Constitut.*, quæ incipit *Romane Curie* §. 21. nostri *Bullar. tom. 1. pag. 467.*; quamobrem, etsi jurisdictionio Cardinalis Vicarii ad quadraginta ab Urbe milliaria dicatur extendi, detractis tamen finitimis diocesis, & spectato exiguo numero Ecclesiarum, hominumque extra Urbem existentium, qui eadem subduntur, videtur potius intra unius Urbis moenia conclusa, juxta Decretum Innocentii III. in cit. cap. *Sua nobis*: *Quoniam jurisdictionis Vicarii, quem Romanus Pontifex in Urbe reliquit, non extenditur extra illam, nisi ei specialiter sit concessum.* Specialiter autem est illi concessum, ut Fratribus Ordin. Min. Capuccinorum, Capellani ministerium exercentibus in Pontificiis triremibus, facultatem impertiri valeat excipiendi confessiones remigum, aliorumque in triremibus continuo degentium, modo illas excipiant in ipsis triremibus, aut in portu Centumcellarum, vel in receptaculo, vulgo *Darsena*, atque in hospitio, in Darsena existente, non vero intra civitatem Centumcellarum, ad diocesim Viterbiensem pertinentem, absque Episcopi Viterbiensis approbatione, quod totidem fere verbis decisum

fuit a sacra Congregatione Concilii 18. Aprilis 1722., cui Nos, ejusdem Secretarii munus tunc obeuntes, ad petitionem Episcopi Viterbiensis, hoc negotium sedulo examinandum proposuimus, sicuti videre est in *The-saur. Resolvt. tom. 2. pag. 103., 147., & 158.*

3 At nihilominus Cardinalis in Urbe Vicarius pluribus est instructus prerogativis, quibus aliis præstat Episcoporum Vicariis, atque inter ceteras hac etiam potitur, ut possit pro libito Romani Cleri Dioecesanam Synodum indicere & celebrare, quod aliis Vicariis, sine speciali Episcopi mandato, non licere, infra ostendetur: Id enim juris illi expresse concedi consuevisse, cum a Papa in Administrum assumitur, tradit Cohell. in *notitia Cardinalatus cap. 55. §. Possunt*, & decretum est in Constitutione Pauli III. 36. §. 10. *Bullar. tom. 1.*, ubi ordinariis facultatibus Cardinalis in Urbe Vicarii hæc quoque accensetur: *Synodum in Romano Clero pro correctione malorum morum, & pro necessitate, juxta temporum opportunitates in Clero occurrentes, ubi & quando libuerit, celebrandi, congregandi &c.*

4 Licet autem ea, quam diximus, potestate raro admodum Cardinales Vicarii usi fuerint, aliqua nihilominus celebratæ ab illis Synodi Dioecesanæ exempla comperimus. In codice Casanatensis bibliothecæ *litr. G. v. 1.* quædam extant antiqua Statuta Cleri Romani, quæ condita dicuntur ab universo Clero Romano, in ecclesia *monasterii Domne Rose* anno 1384. congregato, jussu Stephani Cardinalis Tituli Sancti Marcelli, summi Pontificis in Urbe, ejusque suburbii & districtu Vicarii Generalis, eademque Statuta iterum examinata & approbata dicuntur anno 1392. a Joanne Abbate monasterii Sancti Pauli de Urbe, Vicario Generali Bonifacii IX. Aliæ insuper in eodem codice extant Constitutiones, a Francisco de Padua Episcopo Feltrensi, Vicario Generali in spiritualibus Pii Papæ II., anno 1461. editæ, & promulgatæ in ecclesia Sancti Eustachii, post solemniter decantatam Missam de Spiritu Sancto, & cum assensu universi Romani Cleri, ibidem synodally congregati; quapropter, siue considerentur ipsæ Constitutiones, quæ morum reformationem respiciunt, siue ratio habeatur ritus, & solemnitatis, qua conditæ sunt, nihil in illis desideratur, ne in vera Synodo Dioecesana factæ dicantur.

5 Præter istas duas, nullam aliam invenimus Synodum, a Cardinali, in Urbe Vicario, habitam: vidimus nonnulla Statuta a Joanne Garzia Cardinali Millino Urbis Vicario, aliaque a Gaspare Cardinali Carpineo, tempore Clementis XI. pariter Vicario, condita, sed, cum neque hæc, neque illa facta fuerint in Cleri congregatione, neutra Constitutionum Synodali nomen possunt sibi usurpare.

6 Ne vero quispiam ex tam diuturna omissione Synodi Dioecesanæ, occasionem arripiat obloquendi de Romanis Pontificibus, quasi ipsi illas contemnant Synodos, quarum coactionem Tridentinum præcepit, & utilitatem ipsimet aliis proponunt, & deprædicant; duo considerare oportet. Primo, totam scire dioecesim Romanam (ut paulo ante prænotavi-

mus)

mus) unius Urbis mœnibus concludi, atque idcirco & Pontifex, & Cardinalis Vicarius, una veluti conversione oculorum, omnes suæ diocesis Parochos, Presbyteros, ceterosque de Clero intueri, ac qualibet hora eorum quemlibet ad se arcessere possunt; atque his vicissim, cum opus fuerit, semper ad Pontificem, ejusve Vicarium patet aditus; quod non contingit in aliis diocesis, quæ plerumque ex ecclesiis, locis, & oppidis constantur, inter se, & a civitate, ubi Episcopus residet, longe distitis: unde huc apposite cadit responsum, quod in re diversa dedit Innocentius I. (*ex recens. Petri Constant col. 860. n. 8.*) Decentio Eugubino Episcopo, sciscitanti, cur aliis non liceret, quod Romæ fiebat, inquit: *De firmamento, quod die Dominica per Titulos mittimus, superflue nos consulere voluisti, cum omnes ecclesia nostra intra civitatem sint constituta.*

7 Alterum advertendum est: Plures esse in Urbe Cardinalium Congregationes, a Sixto V. *Constitutione* 74. institutas, in quibus etiam, quæ in dies occurrunt Romæ, Ecclesiastica negotia sæpius pertractantur, atque exortæ inter Clerum controversæ dirimuntur: Ex quo efficitur, ut Synodi omisso Ecclesiasticæ Urbis disciplinæ nullum irroget damnum; quidquid enim pro reformandis populi, & Cleri moribus difficilius & tardius obtineretur a Synodo, facilius & celerius præstatur, aut immediate a summo Pontifice, aut a Cardinalium Congregationibus.

8 Eadem est ratio, cur intermissi nunc fuerint frequentes illi Episcoporum conventus, qui olim Romæ habebantur: ad hos quippe potissimum vocabantur Episcopi Italiæ, quorum consilio & opera summi Pontifices in gravioribus Ecclesiæ negotiis definiendis utebantur; at, postquam in illorum locum suscepti sunt Cardinales, quos Romani Pontifices in proprios & stabiles consiliarios sibi specialiter adsciverunt, superfluum visum est, tam sæpe Episcopos a suis Sedibus divellere, atque ad Urbem vocare; præcipue vero, cum inter Cardinales, sex adsint Episcopi suburbicarii, quidquid a Pontifice in eorum consensu, auditoque eorundem suffragio, decernitur, non immerito videri potest, in quadam veluti Episcoporum Synodo definitum. De qua re, videri possunt Cardinalis Bellarminus *controvers. tom. 1. de Clericis lib. 1. cap. 16.* Petrus de Marca *de concordia Sacerdotii, & Imperii lib. 1. cap. 9. num. 8.* Schelestrat *antiquis. Eccles. tom. 2. differt. 6. cap. 4. art. 3. num. 15.*

## CAPUT IV.

*De Archiepiscopo.*

1 QUI Metropolitanus est provincie, idem Episcopus est suæ civitatis; & qui Primas est diocesis, sumpta hic diocesi pro plurium provinciarum tractu, sicuti accipitur in *leg. unic. C. Ut omnes Judices*, idem est Metropolitanus suæ provincie, & suæ item civitatis Episco-

Episcopus : sunt enim inter se ita gradus hi comparati , ut superior semper inferiorem complectatur , uti bene animadvertit Sirmundus *in cit. censura conjectura Anonymi de Eccles. suburbicar. dissert. 2. cap. 5.*

2 Atque hinc fit , ut , qui Metropolitanus est , non solum cogere possit Synodum Provinciale , cum suis Suffraganeis , ut consulat provincie , sed etiam Dioecesanam , cum suis Presbyteris , ut suo prospiciat Episcopatu . Utque a ceteris proferendis abstineamus exemplis , adhuc extant Concilia Provincialia , & Dioecesana S. Caroli Borromæi Archiepiscopi Mediolanensis , Concilia Provincialia , & Dioecesana S. Thurbii Archiepiscopi Limani , Concilia Provincialia , & Dioecesana san. mem. Benedicti XIII. Archiepiscopi Beneventani .

3 Hæc obvia sunt , nec quidquam difficultatis habent ; unum tamen hic in questionem venit . Aliqui sunt in Italia Archiepiscopi , unicum habentes Suffraganeum , Theatinus videlicet , Brundisius , Cosentinus , & Sipontinus : Aliqui Suffraganeis omnino carentes , Rossanensis nimirum , Lancianensis , Lucensis , & Ferrariensis ; & de his postremis dubitatur , an , si Synodum cogant , cui , præter Parochos , aliosque sue dioecesis Presbyteros , interfint etiam Præpositi , & Abbates habentes jurisdictionem quasi Episcopalem , ejusmodi Synodus dicenda sit Dioecesana , an Provincialis .

4 Plurimorum menti infederat hæc olim opinio , quod Provincialis & diceretur , & esset . Cumque Triventinus Episcopus anno 1584 , morem gerens superius relato decreto Tridentini *sess. 24. cap. 2. de reform.* elegisset Archiepiscopum Lancianensem , cujus Provinciali Synodo interesset , & anno 1693 . excitata fuisset controversia , an præfata electio , jamdiu facta , sustineretur ; sacra Congregatio Concilii censuit , sustineri , eam potissimum de causa , quod Archiepiscopus Lancianensis , etiam Suffraganeis careret , habebat tamen intra suam provinciam Præpositum Atisæ , aliosque Abbates *Nollus* , cum quibus poterat Provinciale Concilium celebrare , quod fufe narrat Cardinalis Petra *ad Constit. Apostol. tom. 1. num. 32. pag. 471.*

5 Sed aliter res se habuit , cum eadem questio in Concilio Romano sub Benedicto XIII. anno 1725 . fuit instaurata . Archiepiscopis Lancianensi , & Rossanensi , jus sibi asserentibus celebrandi verum Concilium Provinciale , quamvis Suffraganeis careant , atque ideo contendentibus , integrum esse Episcopis nulli Archiepiscopo subjectis alterum eorum eligere , cujus Provinciali adfiat Concilio , strenue se opposuit Franciscus Maria Pitonius , alter ex Doctoribus in Decretis , seu Canonista Concilii , elucubrata dissertatione ostendens , Archiepiscopos , nullos habentes Suffraganeos , non posse cum veritate & proprietate sermonis dici absolute Archiepiscopos , & Metropolitanos , sed tales dumtaxat appellari , cum hac restrictione , meri scilicet honoris , seu honorarios , & ex privilegio Apostolico , juxta Textum *in can. Sessio 6. q. 3. »* ex quo intulit , menti Tridentini neutiquam satisfieri ab Episcopis , qui , cum nulli subdiciantur Archie-

Archiepiscopo, præfatos Archiepiscopos eligunt, quorum Provinciali interfint Synodo: Nulla quippe Synodus, ab iis celebrata, etiam cum interventu Abbatum fruentium jurisdictione quasi Episcopali, cum territorio separato, erit vere Provincialis, sed tantum Dioecesana. Hæc Pitonii ratiocinatio visa est Nobis solidis innixa fundamentis: Etenim novum non est, ut quispiam, ex privilegio, exornetur titulo Archiepiscopi, & Metropolitanus, quin tamen, præter nominis atque honoris prærogativam, ullum consequatur jus proprium veri Archiepiscopi, & Metropolitanus. Ejusmodi privilegio Patres Nicæni donarunt Episcopum Æliæ, seu Hierosolymæ, cui *can. 7.*, juxta versionem Dionysii Exigui, contulerunt quoddam jus Metropolitanicum, sed meri honoris; nam, licet ille subjectus remaneret Episcopo Cæsareæ, attamen voluerunt Patres Nicæni, ut locum haberet ceteris provinciæ Episcopis superiorem. Eadem honoris prærogativa a Concilio Chalcedonenſi insigniti suere Episcopus ejusdem civitatis Chalcedonenſis *act. 6.*, & Episcopus Nicænus *act. 13.*, quos Metropolitanos dici voluit, *nomine tantum*, & præponendos statuit ceteris Episcopis provinciæ, *sed honore solummodo, & salva Nicomedienſium civitati* (quæ vera erat provinciæ Metropolis) *propria dignitate*. Vetus hæc exempla sectantes Romani Pontifices, aliquibus Episcopis Archiepiscopi nomen & insignia tribuerunt, sine ullo tamen veri Archiepiscopi jure; quinimmo, ne ab eorum Metropolitanis quidem subjectione, ejusmodi honorarios Archiepiscopos quandoque subtraxerunt. Auctor vitæ Theodorici Episcopi Metensis, editæ a Leibnitio *tom. 1. Scriptor. Brunſv. p. 292. cap. 10.* hæc scribit: *Quidam Metensium Pontificum honorati, ultra privatum Presulum modum, plerumque a Sede Apostolica tale consecuti sunt privilegium, sive ob sanctitatis gratiam, sive ob mobilitatis gloriam, ut, salva Metropolitanis subjectione, Archiepiscopi fungerentur officio & honore. Ex quibus primus fuit antiquus ille Urbicus, & multo post, tempore Pipini Regis, ex sorore nepos Crædegandus, & post eum Angelramnus, & alter ab illo Drogo Caroli M. imperii filius.*

6 Scimus præterea aliquot Archiepiscopos decoratos fuisse titulo Patriarchæ, quin tamen idcirco Patriarchalia jura sint assequuti. Atque, ut alios plures prætermittamus Metropolitanos, quinimmo etiam simplices Episcopos, qui se Patriarchas appellarunt, de quibus Cironius *observat. jur. Can. lib. 1. cap. 11.*, refert Dionysius Sammarthani in *sua Gallia Christiana tom. 2. col. 26.*, Rodolphum Archiepiscopum Bituricensis atque Aquitanie Primatem, Patriarchæ titulo cohonestatum fuisse a Nicolao I., quod etiam narrat Christianus Lupus in *ſeſol. & not. ad Concil. tom. 1. pag. 911. 1. edit.*, & constat ex ejusdem Nicolai epistola 19. (*in collect. Harduin. tom. 5. col. 342.*) relata pariter a Gratiano in *can. Conſueſtus 1x. q. 3.*: Ejusdem vero tituli tenaces fuisse Rodulphi Successores, colligitur ex epitaphio inciso tumulo Henrici I. Archiepiscopi Bituricensis, qui Cardinalitia dignitate, & Apostolicæ Legationis munere ab Urbano III. insignitus, obiit

anno

anno 1200., in eo siquidem epitaphio, teste cit. Sammarthano, *eodem tom. 2. pag. 59.* legitur :

*Hic bonus Henricus, vir nobilis, & Patriarcha*

*Quondam Bituricus, tumuli jacet hujus in arca.*

7 In Bibliotheca pariter novorum librorum edita a Labbeo *tom. 2. pag. 1.* extat opus inscriptum : *Patriarchium Bituricense*, anonymi Auctoris, quod tamen compositum creditur circa annum 1537. a quodam Monacho monasterii S. Sulpitii Bituricensis, atque in eo habetur, Franciscum de Tournon Metropolitam Bituricensem, & postea S. R. E. Cardinalem, anno 1528. Provinciali præfuisse Concilio, in cujus Actis habetur : *Præsidente Francisco de Tournon, Archiepiscopo Patriarcha Bituricensi, Primate Aquitania.* Sed quamquam Archiepiscopi Bituricenses Patriarchæ titulum, ab Apostolica Sede semel obtentum, constanter retinuerint, recte tamen existimantes, cum esse meri honoris, nunquam Patriarchalia jura sibi vindicare, jurisdictionemque in ceteros Primates ausi sunt exercere. sicut animadvertunt Altaferri rerum Aquitanicarum *lib. 4. cap. 4.*, & Du-Cange in *glossar. verb. Patriarcha dicti etiam Primates.* Neque Nicolaum I., cum Rodolphum Bituricensem appellavit Patriarcham, aliud in animo habuisse, nisi novo honorificentiae vocabulo, ejusdem Primatiales dignitatem cumulare, eo plane modo. quo, notante Christiano Lupo *cit. loc.*, in Concilio Chalcedonensi omnes Metropolitæ ad majorem honoris significationem, vocati sunt Patriarchæ, optime inferri ait Janus a Costa ad *Decretal. Gregorii IX. pag. 176.* ex ejusdem Nicolai responsis ad consulta Bulgareorum, in quibus *cap. 92.*, præter Romanum Pontificem, qui est Patriarcha OEcumenicus, duos tantum commemorat veros Patriarchas, videlicet Alexandrinum, atque Antiochenum ( Constantinopolitanus, & Hierosolymitanus nondum fuerant legitima auctoritate inter veros cooptati Patriarchas ). *Desideratis nosse (scripsit Nicolaus) quas sint veraciter Patriarchæ. Veraciter illi habendi sunt Patriarchæ, qui Sedes Apostolicas, per successiones Pontificum obtinent : idest qui illis præsent Ecclesiis, quas Apostoli instituisse probantur, Romanam videlicet, & Alexandrinam, & Antiochenam.* Enimvero, ratiocinatur a Costa, non ita scripsisset Nicolaus, si Archiepiscopum Bituricensem, cui ipsemet Patriarchæ nomen attribuerat, veris accensuisset Patriarchis, veraque Patriarchalia jura eidem contulisset. Hæc autem rite expendentes Patres laudati Concilii Romani, Pitonii sententiæ adhæserunt, neque in præfatis Episcopis, alia Metropolitica jura agnoscences, nisi meri nominis atque honoris, quod Pitonius concluderat, suo approbarunt, statueruntque decreto *tit. 9. cap. 2.*

## CAPUT V.

*Generalia de simplici Episcopo.*

**I**US cogendi Synodum Dioecesanam est adeo proprium Episcopi, ut ad eam cogendam non sit ei necessarius cuiusquam alterius consensus, puta Archiepiscopi, seu Metropolitanani, cui sorte subijciatur, quemadmodum, antiquioribus relatis, docent Bortus de *Synodo Dioec.* part. 1. num. 24. Massobrius de *Synodo Dioec.* cap. 2. Pax Jordan. lib. 8. tit. 2. num. 12., & optime Episcopus Phamaugustanus de *Conciliis, in prelud.* pag. 3. ubi loquens de Episcopo, inquit: *Nemo in sua dioecesi Synodum congregare potest sine eo, vel ipsius auctoritate: & Episcopus dictam suam Synodum potest, sine auctoritate Metropolitanani sui, facere.*

2 Sed quandonam Episcopus plenum & expeditum jus assequatur suam Synodum cogendi, difficultas est, quam breviter exponemus, & paucis enodabimus.

3 In promotione ad Episcopatum, duplex contrahitur spirituale conjugium, alterum inter eligentes, & electum, quod perficitur per electionis confirmationem; alterum inter Episcopum confirmatum, & Ecclesiam, quod per consecrationem absolvitur, uti diserte habetur in cap. *Inter corporalis, §. Sicut enim, de translat. Episcop.* In presenti rerum statu, & pro ea, quæ nunc viget in Ecclesia, disciplina, electio ad Episcopatus sibi vindicet locum in sola Germania; reliqui Episcopatus conferuntur a Papa in Consistorio, aut omnino libere, aut prævia nominatione Regum, & Principum, quibus jus est idoneas personas ad illos nominandi; atque in his postremis ipsamet Episcopatus collatio, a Papa facta in Consistorio, vim habet electionis simul, & confirmationis, quod docuerunt Innocentius in cap. *Cum olim, in princip. de causa possessionis, & proprietatis, Glossa in cap. 1. verb. Provisorem, de electione in 6., Azorius instit. moral. part. 2. lib. 3. cap. 29. quasi. 6., Fagnanus in cap. Eam te, num. 15. de rescriptis, atque ex ipsis verbis liquet, quæ a Papa in Consistorio pronuntiantur: Auctoritate Dei omnipotentis Patris, & Filii, & Spiritus Sancti, & Beatorum Apostolorum Petri & Pauli, ac nostra, Ecclesiam N. de Persona N. providemus, ipsumque illi in Episcopum praeficimus, & Pastorem; curam & administrationem ipsius, eidem in spiritualibus, & temporalibus plenarie committendo.*

4 His præmissis, disputatur, an Episcopus, aut a Capitulo electus, & a Papa confirmatus, aut a Papa in Consistorio promotus, ante sui consecrationem Synodum celebrare queat. Cujus tamen questionis decisio vix quidquam conferre potest ad praxim: nam, cum electi in Episcopos, etiam si fuerint S.R.E. Cardinales, teneantur intra tres menses munus consecrationis suscipere, juxta decretum Tridentini sess. 23. cap. 2. de reform., difficile videtur, velle Episcopum intra illud primum trimestre spatium,

Tom. XII.

F

cum

cum nondum perspectas habet res dioecesis sibi commissæ, cogere Dioecesanam Synodum. Quid nihilominus communiter Doctores sentiant, indicabimus.

5 Bottus de Synodo *part. 1. num. 26. & seqq.* post Innocentium, Zabarella, & alios antiquiores, re bene discussa, concludit, Episcopo electo, & confirmato fas esse, suam Synodum statim habere, eidemque opinioni subscribunt Pax Jordan. *lib. 8. tit. 2. num. 13. & 14. Ricc. in praxi Curia Neapolitana decif. 443. ab initio usq. ad num. 8. Massobr. de Synodo Dioec. cap. 2. dub. 1. Gavant. in praxi Synod. Dioec. cap. 2. in adnotat. §. 1. num. 2. Leuren. in Foro Beneficiali tom. 2. sect. 2. quest. 443. num. 5. Romaguerr. ad Constitut. Synod. Gerunden. lib. 1. tit. 1. cap. 1. num. 10.* Etenim coactio Synodi est actus jurisdictionis, & meri imperii, quod supra ostensum est; & quæ jurisdictionis sunt, exerceri queunt ab Episcopo electo, & confirmato, licet nondum consecrato, juxta Textum in *cap. Transmissam, de electione.* Ante consecrationem autem ea dumtaxat exercere non potest, quæ sunt Ordinis, puta sacrum Chrisma conficere, Ordines, aut Confirmationem conferre, Virgines benedicere, ecclesias, aut altaria consecrare. Caballut. in *thor. & praxi jur. Canon. lib. 3. cap. 7. num. 7.* quamvis committere & delegare valeat alteri Episcopo consecrato facultatem, ea omnia in sua dioecesi peragendi; quoniam sola delegatio ad exercendum Ordinem est actus jurisdictionis, & non Ordinis; Azorius *Instit. moral. part. 2. cap. 29. quest. 7.*

6 Sed statim altera, quoad eundem Episcopum electum, & confirmatum suboritur questio: an videlicet possit Synodum cogere etiam non obteentis, & exhibitis litteris Apostolicis, vulgo *Bullis*, quibus ostendat, se legitima auctoritate, talis Ecclesiæ curæ & regimini fuisse præpositum. Sed etiam hæc nullo solvitur labore, respondendo nimirum *Negative*; Textus enim in *cap. Infirma, sub tit. de electione, inter Extravag. comm.* aperte interdicat electo, & confirmato quemcumque actum jurisdictionis, nisi litteris Apostolicis expeditis, iisque, quibus de jure, exhibitis, ac poenam suspensionis a percipiendis suorum Beneficiorum fructibus, illis irrogat, qui, sine ejusmodi litteris, eum in Episcopum recipiunt, aut eidem obediunt, uti ad rem prosequuntur Massobrius, Gavantus, Pax Jordan. *locis citatis*, duabus tamen additis limitationibus; quarum prima est, ut possit electus, & confirmatus, non expeditis bullis, Synodum facere, si obtriverit Breve Apostolicum de capiendâ possessione nomine Camere Apostolicæ, cum clausula, ut intra tot menses, & bullæ expedian- tur, & consecrationis munus suscipiatur; virtute namque prædicti Brevis, potest Episcopus omnia exercere, quæ jurisdictionis sunt, ac si litteræ Apostolicæ fuissent expeditæ, nec prohibetur ab exercitio eorum, quæ sunt Ordinis, si interim fuerit consecratus, quod bene animadvertit Pax Jordan. *loc. cit. num. 19.*

7 Altera est, ut Cardinalis S. R. E., aliquo ex modis expositis, in Episcopum electus, & confirmatus, statim Synodum celebrare possit, etiam  
litteris



litteris Apostolicis non exhibitis, nec expeditis: quoniam Cardinales, utpote qui in citata Extravaganti expresse non nominantur, non censentur sub ejus severitate comprehendi, quod, aliis allegatis, probat Pax Jordan. cit. loc. num. 22., & præter Doctores ab eodem relatos, docent Fermosini. in cap. Transmissam, quest. 6. a num. 1. ad 10. de electione, Diana in edit. coord. tract. 7. refut. 53. & 54. num. 9. Cappon. discept. firens. 10. num. 12. tom. 1. Rota decis. 1215. cor. Emeriti jun. & in Corduben. Beneficiorum 3. Decemb. 1696. coram bon. mem. Ursino Decano. Accedit Bonifacium VIII. per citat. Extravagantem unice voluisse evitare periculum, ne quis se gerat pro Episcopo, qui Episcopus non sit; hoc autem non habet locum in S.R.E. Cardinalibus, quorum simplici assertioni, ob dignitatis, qua præfulgent, eminentiam, esse credendum, probat Textus in can. Nihilominus, dist. 97., & notat ibidem Glossa verb. Nihilominus, & recte ponderant Gonzalez ad regul. 8. Cancell. gloss. 24. num. 6. Lotter. de re Benefic. lib. 1. quest. 27. num. 1. Passerinus de electione cap. 33. num. 23. Barbosa in d. Extravag. Injuncta, num. 5., & de potestate Episcopi alleg. 111. num. 35.

8 Non omnia ex his, quæ de Episcopis hæctenus diximus, aptantur Archiepiscopis, in quibus illud est peculiare, quod ne per consecrationem quidem assequantur plenitudinem officii sui, nisi Pallium receperint a Romano Pontifice ex cap. Nisi specialis, de auctoritate & usu Pallii; non quod Pallium aliquid superaddat consecrationi, quoad Ordinis potestatem, sed quia liberum præbet accepti Ordinis exercitium, & Archiepiscopalis muneris quamdam veluti perfectionem assert, & complementum, quod adnotavit Innocentius Cironius ad tit. Decretal. de auctoritate & usu Pallii pag. 32. Quocirca, ne diu careant ea potestatis plenitudine, quæ ab ipsis in totius provincie commodum, est derivanda, debent intra tres menses, a suæ consecrationis die, vel si jam antea consecrati erant, a die confirmationis numerandos, Pallium petere a Romano Pontifice can. Quoniam, dist. 100. Atque interim, sicuti se Archiepiscopos nominare prohibentur in cit. cap. Nisi specialis, ita abstinere jubentur a Synodo Provinciali congreganda, Chrismate conficiendo, dedicandis ecclesiis, Clericis ordinandis, & Episcopis consecrandis in cap. Quod sicut, de electione, ubi ita legitur: Præterea, cum non liceat Archiepiscopo sine Pallio convocare Concilium, consecrare Chrisma, dedicare basilicas, ordinare Clericos, & Episcopos consecrare, nullum profecto presumit, qui antequam habuerit Pallium, Clericos ordinare sistinat, cum idem non tanquam simplex Episcopus, sed tanquam Archiepiscopus facere videatur. Quodque constans semper hæc fuerit antiquioris Ecclesie disciplina, observavit Janus a Colta ad tit. Decretal. de auctoritate, & usu Pallii pag. 97.

## CAPUT VI.

*De Episcopo privilegium habente Pallium gestandi,  
& Crucem ante se deferendi.*

**Q**uamvis Pallium sacrum insigne sit, quod solis de jure competit Archiepiscopis, attamen, ex summi Pontificis privilegio, nonnulli, qui & re & nomine simplices Episcopi sunt, consueverunt Pallio condecorari. Syagrio Augustodunensi Episcopo, ejusque Successoribus, ad petitionem Brunehildis Reginae, Pallii honorem delatum a S. Gregorio Magno, discimus ex ejusdem Gregorii epistola 11. lib. 9. *indict. 2. (tom. 2. oper. col. 936.) & epist. 109. ejusd. libri col. 1015.* Auctor vitæ Theodorici Episcopi Metensis a Nobis nuper relatus cap. 4. n. 5. speciales prosequens prerogativas Metensium Episcoporum, cit. loc. ait: *VVallō etiam, vir magna in Christo reverentia, Pallii usum meruit, decreto Joannis Papæ; & ne quis suspicetur, fuisse tum VVallonem Archiepiscopali titulo insignitum, statim addit: Sed & Robertus post eum Archiepiscopi accepit insigne.* Inter Episcopos Mindenses, quemdam Hercurbertum fuisse Pallio cohonestatum, narrat Hermannus Lerbekē in *chron. Mindensi (tom. 1. Script. rer. Germanic. Meibomii pag. 552.)* ubi hos insuper antiquissimos rythmos adducit.

*Nam hic Praeful honoratur,  
Mindensis qui vocitatur,  
Dignitate Pallii,  
Quod bene Rationale  
Vocatur, & non male;  
Nam trini Episcopi  
Tantum isto decorantur,  
Per quem recte venerantur  
Locus, Gens, & Clerici.*

Alexandrum II. Pallii honorem contulisse Episcopo Halberstadiensi, ob concordiam inter Imperatorem Henricum III. & eundem Alexandrum promotam, testatur Burchardus in chronico Halberstad. apud cit. *Leibnizium tom. 2. Script. Brunsvic. pag. 126.*, ubi etiam refert concessionis diploma, cujus verba sunt: *Itaque & locum, & nomen filii spiritualis, singulari ac familiari affectu tibi concedimus, sancta quoque Halberstadiensis Ecclesie tue, ut sis filius Romanae Ecclesie, prerogativam quamdam attribuimus. Insuper quoque, pio paternoque affectu, Pallio te adornare decrevimus, salva tamen auctoritate, aut magisterio sanctae Metropolis Moguntina Ecclesie, salvo quoque Fratrum tuorum Coepiscoporum, & ordine, & loco. Et ne plura a nostra aetate remota perquiramus exempla, Pallii prerogativa etiam hodie gaudent Episcopi Quinqueecclesiensis, de quo in cap. Cum in juvenute, de praesumptis.*

*sumpt.*, Episcopi, Ostiensis, Bambergensis, Papiensis. & paucis antea annis, cum nondum Archiepiscopi honorem erat consecutus, Pallio utebatur Episcopus Lucensis; de quibus omnibus Cuccus *insist.* lib. 1. cap. 6. tit. 8. Marchin. *de Sacrament. Ordin. tract.* 4. cap. 9. num. 1. Durant. *de ritibus Ecclesie* lib. 2. cap. 9. num. 43. Ventriglia *de iurisdic. Episc.* cap. 7. num. 3. ac nuperrime san. mem. Clemens XII., ob præclara Episcopi Massiliensis in Ecclesiam merita, personale privilegium eidem concessit gestandi Pallium, quousque viveret; idemque Pontifex perpetuum Pallii honorem detulit Episcopis Aretinis. Una porro cum Pallio interdum accessisse Episcopis prærogativam sedendi, statim post Metropolitanum, supra reliquos suæ provincie Episcopos, liquet ex epistola 108. lib. 9. *indict.* 2. S. Gregorii ad Syagrium, ubi post concessum eidem Pallii usum, ait, col. 1013. *Cujus ne indumenti munificentiam nudam videamur quodammodo contulisse, hoc etiam pariter prospeximus concedendum, ut Metropolita suo per omnia loco & honore servato, Ecclesia civitatis Augustedunæ, cui omnipotens Deus præesse se voluit, possit Lugdunensem Ecclesiam esse debeat, & hunc sibi locum & ordinem ex nostra auctoritatis indulgentia vindicare. Ceteros vero Episcopos, secundum Ordinationis sue tempus, sive ad confedendum in Concilio, sive ad subscribendum, vel in qualibet alia re, sua attendere loca decernimus, & suorum sibi prærogativam ordinem vindicare.* Hanc tamen loci prærogativam non fuisse ab Alexandro II. concessam Episcopo Halberstadensi, ex ejusdem diplomate accepimus, ex quo proinde colligimus, honorem Pallii non fuisse necessario connexum cum jure præcedendi antiquiores Episcopos: quinimmo ex allegata S. Gregorii Magni epistola, palam fit, speciali opus fuisse concessione, ut Syagrio, una cum Pallio, accederet præeminentia sedendi, statim post Metropolitanum, supra ceteros suæ provincie Episcopos. Et nihilominus nonnulli Episcopi, Pallio decorati, aliquando cedere detrectarunt etiam suis Metropolitanis, pluresque controversias adversum eodem excitarunt, quas suse pertractat Franciscus Florens *oper. juridicor. tom.* 1. ad lib. 1. *Decretal. de auctoritate, & usu Pallii pag.* 239. & seqq.

2 Neque solum aliquot simplices Episcopi Pallii ornamentum a Sede Apostolica obtinuerunt, sed nonnulli eorum privilegium etiam impetrarunt deferendi ante se Crucem. Morem prægestandæ Crucis, a summo Pontifice, ad ejusdem Legatos primum fluxisse, asserit Thomassinus *de vet. & novi. Eccles. discipl. part.* 1. lib. 2. cap. 59. atque inde factum est, ut sanctissimus Hungariæ Rex Stephanus, statim ac Apostolicæ Sedis legatione donatus fuit, veluti eidem muneri consecraneum privilegium simul obtinuerit, præferendi Crucem, quemadmodum narrat Auctor ejus vitæ apud Surium 10. *Aug. Crucem ante Regem, cru Apostolatus insigni, gestandam adjunxit Pontifex*; ab Apostolicæ vero Sedis Legatis, mox ad Patriarchas, subinde ad Primates, & demum ad Archiepiscopos est propagatus. Non tamen omnibus Archiepiscopis fuit id juris universim & indiscriminatim, ab initio concessum, sed modo uni, modo alteri ex speciali gratia attributum:

butum: etenim Eugenius III. *epist.* 10. (*tom.* 6. *part.* 2. *collect.* *Hard.* col. 1250.) peculiari quodam privilegio, Archiepiscopo Colonienſi Crucem prægeſtare permiſit; & Alexander III. *apud Baronium ad an.* 1177. *num.* 76. eadem prærogativa exornavit Archiepiſcopum Salernitanum, quam poſtea Gregorius IX. Archiepiſcopis Auxitano, Burdigalenſi, & Meſſanenſi eſt elargitus, *apud Raynaldum ad an.* 1228. *num.* 38., & *ad an.* 1232. *num.* 26.; atque ita pedetentim facta eſt omnibus Archiepiſcopis communis, quod ſub eodem Gregorio IX., aut ſub Alexandro IV., contigſſe, ſuſpicatur laudatus Thomallinus. Porro Clemens V., in Concilio Viennenſi, ut habetur in *Clement. Archiepiſcopo, de privilegiis*, idem jus omnibus promiſiſſe Archiepiſcopis aſſeruit, ac præterea ſtatuit, iſſdem licere Crucem præferre, etiam per loca exempta ſux provincix: *Archiepiſcopo per quævis loca exempta ſua provincia facienti tranſitum, aut ad ea fuſſitan declinanti, ut Crucem ante ſe libere portari ſciat .... ſacro approbante Concilio, præſentis Conſtitutionis ſerie duximus concedendum.*

3 Verum, quemadmodum in Eccleſia Orientali inter Patriarchalia inſignia numeratur ſax, ante eos prælata, & nihilominus Archiepiſcopis Bulgarix, & Cypro, privilegio datum ſuit, ut prælata pariter ſaxe per ſuas dioceſes incederent, quod teſtatur Baſſamon in *Melete*, ita in Eccleſia Latina, etſi jus prægeſtandi Crucem Archiepiſcoporum ſit proprium, iſſque ſolis, ſpectato jure communi, competat; attamen, ex Apoſtolicæ Sedis beneficentia, nonnullis Epſcopis permiſſum eſt, ut, inſtar Archiepiſcoporum, Cruce ante ſe erecta, totam ſuam dioceſim perluſtrare, & loca etiam exempta, intra dioceſis ambitum contenta, ingredi valeant: Scimus quippe Epſcopo Lucenſi hanc poteſtatem factam eſſe a Lucio III., Cæleſtino III., & Innocentio III., Cumque Canonici Regulares Lateranenſes monaſterii S. Frigidiani civitatis Lucenſis illam impugnarent, contententes, non licere Epſcopo Lucenſi, qui nondum Archiepiſcopi prærogativam naçtus fuerat, in eorum monaſterium ingredi, prælata Cruce; in ſacra Congregatione Concilii die 8. Auguſti 1716., propter enuntiata Epſcopi privilegia, cauſa ceciderunt, *tom.* 9. *Theſauri Reſolut.* pag. 227. Eodem privilegio jam ante Alexandrum III. fruebatur Epſcopus Papienſis, quo ab eodem Alexandro fuiſſe privatum, eo quod adhæſiſſet Octaviano Antipapæ, narrat Baronius *ad an.* 1175. *num.* 11.; ſed, aut ab ipſomet Alexandro, aut a Suceſſoribus illud poſtea recuperavit; nam cum anno 1681. fuiſſet in quæſtionem deductum, ſacra Congregatio Concilii die 3. Februarii ejusdem anni, illud adhuc vigere cenſuit, uti habetur *lib.* 31. *decretor.* pag. 342. Et nos ipſi, poſtquam ad ſupremi Pontificatus apicem eveçti fuiſus, Epſcopo Eyſtetenſi, ejusque Suceſſoribus perpetuum privilegium indulgiſus, Crucem, ante ſe ſublimem, deferendi in ſua civitate, & dioceſi, ad inſtar Archiepiſcoporum, modo tamen Archiepiſcopus præſens non ſit; aut ſi adſuerit, ejusdem conſenſus acceſſerit, cujus Archiepiſcopi Metropolitanica jura, in ceteris omnibus illaſſe eſſe voluiſus, quod

quod patet ex nostris Apostolicis litteris anno 1745. datis, editisque in nostro tom. 1. *Bullar. in ordine* 133.

4 Ex privilegio Episcopis dato deferendi ante se Crucem, nulla oritur quaestio, quæ ad Synodum Dioecesanam referri possit. Privilegii mentio habita est, ut, relato privilegio gerendi Pallium, non omitteretur aliud privilegium a summis Pontificibus aliquando Episcopis concessum deferendi Crucem ante se more Archiepiscoporum. Ex privilegio vero deferendi Pallium, aliquando Episcopis concessio, dubium oritur, an quemadmodum ante Pallii receptionem, vetitum est Archiepiscopis, Synodum facere Provinciale, ita & ipsis sit interdictum, suam celebrare Dioecesanam. Primo aspectu videbitur fortasse cuiuspiam, idem de utriusque ferendum iudicium; ne secus Archiepiscopus, Pallii prærogativa a jure communi donatus, deterioris conditionis sit, quam Episcopus, cui idem honor ex sola indulgentia & privilegio delatus est. At, re penitus inspecta, verius existimamus, Episcopum, Pallio insignitum, ante hujus receptionem, posse suam Synodum habere: Privilegium enim cumulat antiquis nova jura, sed antiqua non aufert, ne secus plus afferat detrimenti, quam commodi *cap. Abbate, §. Contra quod, de verbor. significat., & cap. In his, in fine, de privilegiis*. Quare, si quilibet Episcopus, ita utinam electus, & confirmatus, & litteras Apostolicas expedit, potest suam Synodum convocare, æquum non est, ut hoc jure ille spoliatur, qui Pallii potitur privilegio. Nec novum videri debet, quod Episcopus, Pallio decoratus, in aliquibus sit melioris conditionis, quam Archiepiscopus. Nonne Archiepiscopus intra tres menses a suæ consecrationis die, aut si, jam antea consecratus erat, a die suæ confirmationis, numerandos, tenetur Pallium a Sede Apostolica exposcere, per Textum in *cir. can. Quoniam, dist. 100.*, ubi Archidiaconus *num. 2.* & Turrecremata *num. 14.*; Et tamen hoc onere non gravatur Episcopus, habens usum Pallii, quia nemo tenetur uti privilegio, sibi specialiter concessio: Præterea Archiepiscopus, ante receptum Pallium, non potest exercere Pontificalia, per Textum in *cir. cap. Nisi specialis, de auctoritate, & usu Pallii*; Quod tamen, nusquam in jure sancitum, reperitur de Episcopo, cui Pallium gestare competat ex privilegio. Diversitatis ratio facile ex dictis eruitur: etenim per Pallium confertur Archiepiscopis plenitudo Pastoralis officii, at Episcopis in eam datur honoris significationem, non ut aliquid juris per illud tribuatur, quo antea carerent. Plura de his videri possunt, apud Marcum Paulum Leonem *de auctoritate, & usu Pallii cap. 10. & cap. 14.*



## CAPUT VII.

## De Episcopo Titulari.

**O**Mnibus exploratum est, plerasque olim florentissimas Episcopales Sedes, nunc Infidelium jugo pressas, habitualement duntaxat retinere Cathedralitatem: Notissimum pariter est, ne antiquæ illarum dignitatis memoria penitus obliteretur, solere summos Pontifices, nonnullos quandoque Episcopos ad earundem titulum creare, qui, etsi veri Episcopi sint, ut qui, in consecratione, Episcopalem characterem, & potestatem huic adnexam, receperunt; sunt tamen potestatis usu, & jurisdictionis, si quam in Ordinatione acceperunt, actu & exercitio penitus spoliati. Præter autem nuper insinuatam, aliæ justissimæ causæ urgent Romanos Pontifices, ut ad nudum prædictarum Cathedralium titulum, aliquos promoveant Episcopos, quarum præcipua est, ut sibi assistant in Apostolico obeundo ministerio, utque eorundem opera, in iis utatur, quæ nonnisi Episcopis decet committere; vel, ut tanquam Suffraganei, Pastoralia expleant munia in aliqua dioecesi, propter cujus amplitudinem, proprius dioecesis Episcopus alieno ministerio indigere videatur, quæ recte adnotarunt Thomassin. *de vet. & nov. Eccles. discipl. part. 1. lib. 1. cap. 27.* Fagnanus in *cap. Episcopalia*, num. 45. & 53. *de privileg.*, & in *cap. Ex parte*, num. 47. & seqq. *de Clericis non residentibus*, Frances *de Eccles. Cathedral.* cap. 32. a num. 79. ad 90. Ex quibus evidenter desumitur, Joannem Georgium Pertsch, aut deceptum, aut certe alios decipere voluisse, cum *part. 1. elementor. juris Canonici lib. 1. tit. 27.* scripsit, a Pontificiis Titulares Episcopos, per jocum appellari *portatiles, conductitios, adventitios, fictitios, commentitios*: Probi liquidem Catholici eos summo opere venerantur, cum propter Episcopalem, quem impressum habent, characterem; tum propter causas, quarum intuitu, ad eximiam illam dignitatem, qua nulla est in Ecclesia præstantior, a summo Pontifice promoventur; tum denique quia, prævio processu super vita, moribus, ceterisque qualitatibus, ac meritis personæ, proponuntur a Papa in Consistorio, eo plane modo; qui servatur cum aliis Episcopis, non Titularibus, quibus Ecclesiarum cura & regimen actu committitur. Neque absolum, aut recens institutum est, ut Romanus Pontifex aliquos ad Episcopatum promoveat, quia ullius specialis Ecclesiæ actualem administrationem illis tradat: Atque, ut cetera prætereamus hujus rei vetustissima exempla, congesta a Thomassinio *cit. loc.*, existimat Epiphanius *heresi 27. num. 6.* cui alii plures adstipulantur, apud Petrum Constant *epist. Rom. Pontif. tom. 1. pag. 3. & 6.* Linum, & Clementem, ita ab Apostolo Petro fuisse Episcopos ordinatos, ut nulli tunc Ecclesiæ fuerint alligati, sed unice ut Petro, prout opus esset, in Ecclesiæ regimine adessent. Eodem fere modo, in fine secundi sæculi, Ca-

jum ex

jum ex Romano Presbytero Episcopum ordinatum, nullius Ecclesiæ cura illi commissa, asserit Franciscus Blanchinus *tom. 2. Anastasii, in not. ad vit. S. Eleutherii, pag. 142.* ubi contra Pagium defendit, sæpius a Romanis Pontificibus ordinari consuevisse ejusmodi Episcopos, quos vocat *Episcopus Gentium*, eo quod, data opportunitate, ad Gentes mitterentur, quæ in Christiana religione institui exposcerent, etsi plures ex iis Romæ retenti, ad Romanum Episcopatum fuerint postea promoti.

2 Jam vero cum Episcopi Titulares actuali careant administratione Ecclesiarum, ad quarum titulum sunt promoti & consecrati, non obstringuntur lege, lata a Sixto V., de sacris Apostolorum liminibus visitandis, exhibendaque relatione status suarum Ecclesiarum, prout anno 1594. declaratum fuit a Clemente VIII., & constat *ex lib. 8. decretor. sacre Congregationis Concilii pag. 100.*: Attamen quia laude digni sunt, si Sædæ Apostolicæ modum suggerant, quem opportunum existiment ad obtinendam conversionem Infidelium, degentium in diocesis, quarum exornantur titulo, uti animadvertit Fagnanus *in cap. Ego, num. 10., de jurejur.*; idcirco dubitatur, an cogere possint Synodum ex Sacerdotibus, qui sorte ex illis regionibus advenerint, ut, ab istis instructi, quæ ad prædictum finem conducere possunt, melius assequantur.

3 In primo libro *cap. 5. num. 2.* narratum est, in civitate Burgenfi, cum Ordinarii licentia, a quodam Episcopo Titulari, Dioecesanam Synodum, cum nonnullis suis Sacerdotibus fuisse celebratam. At ejusmodi exemplum non facit ad rem: Quoniam ille Episcopus Titularis administraverat Ecclesiam, cujus habebat titulum, a qua postea expulsus, cogebatur exulare, in quibus circumstantiis urget profecto Rescriptum Joannis VIII. *in can. Porro, 16., q. 3. Ubi Paganorum, & Incredulorum furor in causa est, quantalibet prætereant tempora, juri non præjudicant Ecclesiæ.* Alia propterea, si inveniri possint, disquirenda sunt hujus rei exempla.

4 Turcarum armis anno 1190. occupata Palæstina, & proinde civitate Nazareth in captivitate subacta, Archiepiscopo Nazarenæ honoraria Sedes in Italia assignata est, in nobili Apuliæ oppido, quod dicitur *Barulum*, diocesis Tranenſis, & non procul ab oppidi moenibus ecclesia Beatæ Mariæ in Metropolitanam erecta, cum titulo, dignitate, & jure Archiepiscopali, Nazarenæ Præfuli commissa fuit: Ipsaque postea, temporis, & bellorum injuria, solo æquata, in ejus locum suffecta est ecclesia S. Bartholomæi, intra oppidum sita: Post aliquod temporis intervallum, aliæ Parochiales præfato Archiepiscopo subiectæ sunt; & subinde duæ Cathedralis, Cannensis videlicet, & Montis Viridis fuerunt eidem perpetuò addictæ, quæ omnia narrantur ab Ughellio *in Italia sacra*. Itaque, in præfenti rerum statu, Archiepiscopus Nazarenus, habito respectu ad civitatem Nazareth, est mere Titularis; sed, si locum spectemus, in quo residet, plenamque Episcopalem jurisdictionem exercet, mere Titularis neque est, neque dici potest; ac proinde, quamvis in

hoc loco Dioecesanam Synodum cogere valeat, sicuti reipsa sæpius coegit, non possumus inde inferre, licere Episcopo Titulari Synodum celebrare.

5 Erunt fortasse, qui in exemplum adducant Episcopum Bethlehemiticum. Expulsi pariter Christianis e Terra Sancta, Reginerius, Episcopus Bethlehemiticus sectatus est Guidonem Comitem Nivernensem, in Gallias redeuntem, qui eidem in suo Comitatu, seu Ducatu Nivernensi nonnullas attribuit terras, in quibus jus Episcopale exerceret. Plura de hoc Episcopo habentur *tom. 2. Gallie Christiana, edit. Parisien. ann. 1656. pag. 297.* & in historiis Archiepiscopatum, & Episcopatum Gallie, conscriptis a Beauhier *tom. 2. pag. 855.* & in Oriente Christiano Patris le Quien *tom. 3. pag. 642. & pag. 1275.* Verum, quidquid olim fuerit, Episcopus ille Bethlehemiticus hodie jurisdictionem tantum exercet, in ecclesiam Beatæ Mariæ de Bethlehem nuncupatæ, prope Clameciacum in Ducatu Nivernensi dioecesis Antissiodorensis, & Episcopatus confertur a summo Pontifice ad supplicationem Ducis Nivernensis, de consensu Regis Christianissimi. Porro, vel sermo est de prædicto Episcopo Bethlehemitico, pro tempore, quo jurisdictionem exercebat in terris Ducatus Nivernensis, & quavis tunc posset Synodum indicere, ejusmodi tamen exemplum non esse ad rem, nemo non videt: Aut sermo est de eodem Episcopo, considerato in statu, in quo nunc est, & cum is Clero, & populo careat, manifestum est, nullam ab eo posse Synodum fieri.

6 Quare concludendum est, Episcopos Titulares, iis exceptis, qui aut a suis Ecclesiis in regionibus Infidelium, quas actu administrarunt, expulsi sunt, aut in terris Christianorum certa loca obtinent, in quibus veram jurisdictionem Episcopalem actu exercent, nulla potiri facultate, Synodum Dioecesanam celebrandi.

7 Ad exactum materiæ, quam versamus, complementum, necessarium ducimus aliam innuere, & enodare difficultatem. In nonnullis Siciliæ dioecesebus, citra, & ultra Pharum, multi commorantur Fideles, Græci ritus, subiecti Latinis Episcopis, in quorum dioecesi degunt, itaut Latini Episcopi ipsorum ecclesias, personas, tum Ecclesiasticas, tum sæculares, loca pia, tam sæcularia, quam Regularia, visitent, & in illis plenam suam ordinariam jurisdictionem, in iis, quæ Dei cultum, Sacramentorum administrationem, animarum salutem, Hæresumque extirpationem respiciunt, exercent, juxta summorum Pontificum Constitutiones, quibus accensenda est, quæ incipit *Etsi Pastoralis*, a Nobis, post nostram assumptionem ad Pontificatum, edita anno 1742. *quæ est 57. nostri Bullarii tom. 1.* De his Episcopis Latinis quæri potest, an specialem Synodum coadunare valeant, ex solis Presbyteris, & Clericis Græci ritus, suas dioeceses incolentibus. Et sine ulla hesitatione fieri posse affirmamus, cum nihil omnino huic actui videatur ob stare. Inter MS. servata in archivo sacræ Congregationis Concilii, litteras invenimus Archiepiscopi Hydruntini, quibus sacræ Congregationi exposuit, plures Sacerdotes Græcos, in sua



in sua dioecesi commorantes, tanta paupertate laborare, ut cogantur victum sibi, proprio labore comparare, eosque quotidianis laboribus fessos, nullo pacto posse Horas Canonicas, Græco ritu persolvere, cum in illis persolvendis, ultra quatuor absumantur temporis horæ. Reperimus etiam accuratam scripturam, a Carolo de Vecchiis, dictæ Congregationis tunc Secretario, elaboratam, in qua narrat, Petrum Codreros Archiepiscopum Hydruntinum, commiseratum pauperiem Sacerdotum Græcorum, in sua dioecesi existentium, Synodum Dioecesanam coegisse, ad quam ducenti Presbyteri Græci convenerunt, atque in ea decrevisse, quid in recitatione Horarum Canonicarum, ab eis in posterum faciendum esset. Ex quibus evincitur, posse ab Episcopis Latinis, in quorum dioecibus Græci habitant, peculiarem Synodum cogi Sacerdotum, & Clericorum Græcorum, ut in ea statuatur, quid expediens visum fuerit pro eorum regimine. Diximus posse: Si etenim Episcopus, in cujus dioecesi, tum Latini, tum Græci reperiuntur, velit in sua Synodo Dioecesana, consueto modo celebrata, aliquid de Græcis in sua dioecesi existentibus statuere, id utique non erit ei vetitum, quod reapse factum reperimus in Synodo Meliteni, anno 1703., coacta ab Episcopo Davide de Cocco Palmerio, in qua præterea indicatur, idem antea præstitum fuisse ab aliis Episcopis Melitenensibus, Gargallo videlicet, & Cagliares, in suis Synodis.

## CAPUT VIII.

*De Vicario Generali Episcopi.*

**V**icarius Generalis Episcopi, qui & *Officialis* vocari solet, in illis, quæ jurisdictionis sunt, censetur una eademque cum Episcopo persona, atque unum & idem est utriusque tribunal: ex quo fit, ut a sententia Vicarii Generalis; non ad Episcopum, ne ab eodem ad eundem, sed ad Metropolitanum, cui Episcopus subest, interponatur appellatio *cap. 2. de consuetudine, & cap. Romana, in principio; de appellationibus in 6.*

**2** Sed quamquam Vicarius ordinariam Episcopi jurisdictionem, Episcopi nomine, in dioecesi exerceat, plurima tamen sunt, quæ virtute solius generalis commissionis, sine speciali Episcopi mandato, facere nequit, juxta decisionem *cap. Licet 2. & cap. final. de officio Vicarii in 6.*, ubi Glossa, & Interpretes. Inter ea porro, quæ sine speciali mandato Episcopi a Vicario Generali expleri nequeunt, hæc enumerantur: Primò, quæ spectant ad potestatem Ordinis, puta, Chrisma conficere, Sacramentum Confirmationis conferre, ecclesias & altaria consecrare, aut pollutis sanctitatem pristinam restituere. Hæc quippe, aliaque hujus generis, Vicarius Generalis, etsi Episcopali Ordine sit insignitus, peragere non potest, sine peculiari Episcopi dioecesani consensu, cum non in illis, sed in jurisdictionis dumtaxat exercitio, illius gerat vices, quod bene observat Sbroz.

*de Vicar. Episc. lib. 2. quest. 5. num. 10.* ob quam rationem, nec ea peragendi potest alteri Episcopo facultatem impertiri, Rebuff. *tit. de Vicariis num. 181.* Barbosa *de offic. & potest. Episc. alleg. 54. num. 83. & 84.* : Secundò, concedere litteras dimissorias ad Ordines, extra casum, quo Episcopus in remotis regionibus versetur *cap. Cum nullus 3. de temp. Ordinat. in 6.* : ita ut ab Ordinandis sine magna difficultate, arbitrio prudentis viri metiendi, conveniri non valeat, sicuti in *ead. cap.* docet Glossa *verb. Remotis* : Tertiò, in materia Beneficiali, ea, quæ sunt meræ liberalitatis & gratiæ, vel speciem habent alienationis; ac proinde, sine speciali Episcopi mandato, non potest Beneficia conferre; aut ad ea, quæ juris patronatus Episcopalis sunt, Clericos nominare, præsentare, vel eligere, quia tam collatio Beneficii, quam ad istud præsentatio, seu electio, donationem quamdam, & liberalitatem sapit *cap. Relatum, de Præbendis, & cap. Post electionem, de concess. Præb.* : Non potest Beneficia suppressere, aut simul unire, vel factas uniones revocare; nam hæc omnia speciem referunt alienationis, Layman *in cit. cap. fin. de offic. Vicar. in 6. num. 8.* : Neque Beneficiorum designationes, tam simpliciter, quam ex causa permutationis factas, admittere; quoniam earum admissio requirit potestatem destricti, juxta receptam Glossam in *Clemen. 1. de renuntiatis*, Vicario Generali, sine speciali mandato, non competentem; Flamin. *de resignat. lib. 7. quest. 24. num. 1. & seqq.* Caballut. *in theoria, & praxi jur. Canon. lib. 1. cap. 13. a num. 2. ad 7.* An autem Vicarius Generalis, cui Episcopus peculiarem facultatem Beneficia conferendi non concessit, possit præsentatos a patronis instituere, & electos confirmare, his est inter Doctores; sed magis recepta videtur opinio, quæ Vicario, solius generalis mandati virtute, facultatem inesse, affirmat, præsentatos instituendi, & electos confirmandi; Institutio enim, & confirmatio, non liberalitatis & gratiæ, sed necessitatis, & justitiæ, sunt actus, quod docent, & Romanæ Rotæ decisione, ac sacre Congregationis Concilii declaratione corroborant *Garcias de Benefic. par. 7. cap. 8. num. 84.* Barbosa *cit. alleg. 54. num. 70.*, & prosequitur Natalis Alexander *epist. 11. append. tom. 1. Theolog. moral.*

3 De his, aliisque non paucis, quæ Vicarii Generalis, nisi speciali Episcopi commissione muniatur, vires excedunt, præter citatos, videri possunt ceteri juris Canonici Interpretes *ad tit. de offic. Vicarii*. Quod unice nostra hic interest, est, decernere, An Vicarius Generalis possit, sine speciali Episcopi mandato Dioecesanam Synodum indicare, & celebrare. Melioris notæ Doctores sentiunt, non posse; quia Synodi coactio, veluti res gravioris momenti, quam cetera sint, quæ nuper recensuimus, ordinarias ipsius facultates prætergreditur. Ita docent Altaferri *in vindictis Ecclesiastica jurisdictionis lib. 7. cap. 5.*, inquiens: *Vicarius Episcopi non potest celebrare Synodum, sine speciali mandato Episcopi.* Barbosa *cit. alleg. 54. num. 103.* Fagnanus *in cap. Sicut olim, n. 11. de accusat. Romaguerra ad Constit. Synod. Gerund. lib. 1. tit. 1. cap. 1. num. 13.* Petrus Leutenius *tom. 4. tract. de potest. Vicarii*

*Vicarii Episcopi cap. 3. quest. 168.* Quodque caput est, ita expresse declaravit sacra Congregatio Concilii, quæ hisce verbis interrogata: *N. Ordinarius supplicat pro declaratione, an Vicarius Generalis Episcopi possit, Episcopo absente, Synodum Dioecesanam congregare, itaut Constitutiones, in ea editæ, sint observandæ. Die 4. Decembris 1655. respondit: 'Non potuisse, absque speciali mandato Episcopi, ac propterea Constitutiones in Synodi, ut proponitur, factas, esse ipso jure nullas, sicuti legitur lib. 19. decretor. pag. 543. a tergo. Neque refragatur Concilium, in Gallia sub Pipino Rege celebratum, quod nonnulli Metense existimant, cum can. 3. Concilior. Gallie edit. a Sirmondo tom. 2. pag. 5. ita decrevit: De Presbyteris, & Clericis sic ordinamus, ut Archidiaconus Episcopi eos ad Synodum commoneat, una cum comite; ad Archidiaconum quippe, utpote Vicarium natum Episcopi, pertinebat Presbyteros ad Synodum convocare; sed de Episcopi mandato, seu verius, postquam Synodus ab Episcopo indicta fuerat, Archidiaconi munus erat commoneere Presbyteros, & Clericos, ut ad illam accederent.*

4. Quod autem Vicarius Generalis possit Dioecesanam Synodum habere, si speciali ab Episcopo instruaturo mandato, res compertissima est, quam nemo in controversiam adducit. Nam, præter ea, quæ lib. 1. cap. 6. num. 4. diximus, ut probaremus, non prohiberi Episcopum, ne suam Synodum per alium celebret, exemplum habemus S. Caroli Borromæi, qui anno 1572. suam tertiam Synodum Dioecesanam, quam ipsemet indixerat, Romam postea profectus, per suum Vicarium Generalem celebravit, quod ipsemet asserit in ejusdem Synodi proemio (*part. 2. Actur. Eccl. Mediol. pag. 347.*) inquit: *Cum Romæ anno superiori essemus, indictam a nobis Dioecesanam Synodum, quam eo ipso anno habere statueramus, a Vicario nostro Generali, Joanne Baptista Castello, Prætoris Apostolico, nobis absentibus, celebrari, jussimus.* Et animadversione dignum est, quod scribit Jacobus Meyer lib. 7. *annual. Flandrie ad an. 1191.*, nimirum Episcopis Gandavensibus privilegium olim datum fuisse, ut Synodum quolibet tantum triennio cogerent, ea tamen adjecta conditione, ut per se, & non per Vicarium illam celebrarent; quod profecto argumento est, hac speciali lege seclusa, & jure communi tantum spectato, licere Episcopo Synodum, per Vicarium habere.

## CAPUT IX.

*De Vicario Capitulari, & de Vicario Apostolico.*

1. **A** Vicario Generali Episcopi ad Capitularem progredimur. Vacante Sede Episcopali, tota Episcopi jurisdictionis transit ad Capitulum Cathedralis Ecclesiæ, per Textus in cap. *Is qui, & cap. Cum olim, de majorit. & obedi.*, quod de jure communi posset illam per se exercere, cum nullus reperitur Textus, quo, ad suæ jurisdictionis exercitium alteri com-

committendum obstringatur : Quamvis revera consultius semper , atque viduatæ Ecclesiæ utilius visum fuerit , singulari alicui personæ , e Capitularium coetu seligendæ , illud demandare : etenim , vacante Ecclesia Faventina , cui , ita exigentibus peculiaribus rerum circumstantiis ; non statim Pastorem præficiendum judicabat S. Petrus Damiani , hæc ad Faventinum scripsit *epist. 10. lib. 5. : Unde & Dominus noster Papa rogandus est , ut Episcopum vobis modo non ingerat , sed Ecclesiam vestram interim vacare , & vos sub sua benedictionis umbraculo manere decernat . Quia vero per Dei misericordiam industrios inter vos Clericos , ac prudentes , & literatos habetis , si placet , unus ex eis eligatur , qui ad exequentium hoc negotium utilior invenitur : cui nimirum cura ac sollicitudo totius Episcopatus possit imponi , ac per eum omnia necessitatis Ecclesiastica negotia debeant ministrari .* At jure novo Tridentini *sess. 24. cap. 16. de reform.* tenetur Capitulum intra octo dies post mortem Episcopi , aut aliter inductam Ecclesiæ vacationem , seu verius , ab habita vacationis notitia , uti decisum refert Quaranta in Summa Bullarii *verb. Capitulum . Sede vacante* , Vicarium constituere , per quem jurisdictionem ad se devolutam exerceat . Quod si in Vicario , intra octo dies eligendo , negligens fuerit , tunc , si agatur de Ecclesia Suffraganea , ad Metropolitanum ; si de ipsa Ecclesia Metropolitana , ad antiquiorem ex Suffraganeis ; si de Ecclesia exempta , ad propinquiorem Episcopum , pro ea vice , electum Vicarii pertinere , voluit idem Tridentinum *cit. loc.* Idemque juris est , si Ecclesia vacans careat Capitulo , a quo Vicarius constitui queat . Si tamen contingat , vacare Ecclesiam Suffraganeam , carentem Capitulo , tempore , quo etiam Metropolitana est suo Pastore viduata , in hoc casu , electionem Vicarii non spectare ad antiquiorem ex Suffraganeis , ut nonnulli opinabantur , sed ad Capitulum vacantis Ecclesiæ Metropolitanæ , censuit sacra Congregatio Concilii , a qua , cum quaesitum fuisset : *Primò , An vacante Ecclesia Suffraganea Capitulo carente , illius administratio , & Vicarii , Sede vacante , deputatio spectet ad Metropolitanum ; & quatenus Metropolitana Ecclesia Pastore careat ; Secundò , An spectet ad Capitulum ejusdem Ecclesiæ Metropolitanæ , vel potius ad antiquiorem Suffraganeum Episcopum .* Eadem die 28. Augusti 1683. *lib. 33. decretor. pag. 261.* ad primum respondit : *Affirmative* ; ad secundum : *Spectare ad Capitulum Metropolitanæ .* Idemque responsum dedit die 14. Aprilis 1685. *lib. 35. decretor. pag. 190.*

2 Vicarius iste , sive a Capitulo , sive ab alio , Capituli negligentiam supplente , electus , eodem fere potitur jure , ac Vicarius Generalis viventis Episcopi ; ad eum quippe , ut notat cum communi Barbosa *supracit. alleg. 54. num. 153.* transfertur exercitium totius jurisdictionis Episcopalis , penes Capitulum existentis . Idque adeo verum est , ut sua auctoritate ordinaria , conficere valeat processus super fama virtutum & miraculorum Servorum Dei , quos conficere potuisset Episcopus , juxta ea quæ allegavimus in nostro Opere *De Canonizatione Sanctorum lib. 2. cap. 2. num. 2.* Immo ab ipsamet Sede Apostolica ad Vicarium Capitularem quandoque diriguntur lit-

ear litteræ remissoriales, pro consuecendis processibus Apostolicis super virtutibus & miraculis, tum eorumdem Servorum Dei, tum etiam eorum qui jam in Beatorum album sunt relati, quod pariter a Nobis ostensum fuit *cit. lib. 2. cap. 45. num. 17.* Quamobrem, ut ingenue loquamur, nondum hæcenus percipere potuimus, cur Dataria Apostolica dispensationes, quæ ex mente Tridentini *sess. 22. de reform. cap. 5. extra Curiam*, committendæ sunt Ordinariis locorum, in quibus degunt illas impetrantes, nunquam committere consueverit Vicariis Capitularibus, quamvis easdem committere soleat Vicariis Generalibus, quemadmodum testantur Corradus in *praxi dispensat. Apostolicar. lib. 2. cap. 4. num. 11. & seqq.* & Rosa de *executionibus litterar. Apostolicar. cap. 3. num. 21. & seqq.* Scimus utique, dispensationes ab Apostolica Sede Episcopo, aut ejus Vicario Generali delegatas, quas, ante Episcopi obitum, eorum alter non sit exequutus, non censerî commissas Vicario Capitulari, qui propterea, etsi Episcopo, quoad jurisdictionis exercitium, succedat; non tamen poterit prædictas Apostolicas litteras exequi, quemadmodum firmat Silvius *oper. tom. 5. verb. Vicarius secundus*: sed ejusmodi res nihil cum nostra habet commune; ideo enim Vicarius Capitularis exequi nequit præfatas litteras, quia illæ directæ sunt Episcopo, vel Episcopi Vicario Generali, & ipse, quamquam exerceat Episcopalem jurisdictionem, non tamen est Episcopus, nec Vicarius Generalis Episcopi: hoc autem non prohibet, ne eadem litteræ ad ipsummet Vicarium Capitularem signanter atque expresse dirigantur.

3 Quoniam autem Vicarius Capitularis Vicario Generali Episcopi quodammodo comparatur, merito propterea dubitant Doctores, an ille, sola sui muneris commissione, ea expedire valeat, ad quæ perficiendi Vicario Generali opus est speciali mandato. Negat Barbosa de *Canonic. & Dignis. cap. 42. num. 103.* asserens, contrariam opinionem minus firmam visam esse Romanæ Rotæ in *sua Maurianen. Pensionis die 25. Junii 1626. coram Pirovano*. Sed Guttierrez *CC. Q. Q. lib. 1. cap. 12. num. 10.* Garcias de *Benef. part. 5. cap. 7. num. 28.* Molina de *just. & jur. tract. 5. disput. 11. num. 3.* aliique plurimi sententiam affirmativam tuentur, validisque sustentant rationibus: Tridentinum enim, inquit, voluit, Vicarium a Capitulo eligi, ad evitandas inter Capitulares discordias, ad causas celerius expediendas, & multa præcavenda incommoda, quæ, experientia edocente, obvenirent, si Episcopalis jurisdictionis actualis administratio penes unumversum Capitulum resideret; Hæc autem incommoda non minus sequerentur, si constituto Vicario Capitulari, adhuc tamen Capitulum sibi, suoque judicio reservaret, quæ alias indigent speciali mandato. Neque dedecere, ajunt, Vicarium Capitularem in hoc præstare Vicario Generali, cum & in aliis idem contingat: Siquidem Vicarius Generalis potest ab Episcopo, pro suo libito, & sine ulla causa removeri; Vicarius vero Capitularis, semel electus, non potest a Capitulo revocari, nisi causa approbata a sacra Congregatione, negotiis Episcoporum, & Regularium præpo-

præposita; quod ab eadem sacra Congregatione fuisse sæpius declaratum; refert Barbosa *cit. cap. 42. de Canon. & Dignitat. num. 47.*

4 Quidquid vero sit in aliis, quod peculiariter ad rem nostram attinet, Vicarium Capitularem nullo indigere speciali mandato, ut Dioecesanam celebret Synodum, videntur, communiter affirmare Doctores, generatim docentes, integrum illi esse Synodum, cum voluerit, congregare, quin ullam specialis mandati mentionem faciant, quemadmodum, inter ceteros, tradunt *Garcias de Beneficiis part. 9. cap. 2. num. 64. Bottus de Synodo Episcop. part. 1. quest. 6. num. 40. Ventriglia tom. 2. annot. 15. §. 2. num. 49. Cardinalis Petra ad Constitut. Apostol. tom. 5. pag. 129. num. 113. Scarfanton. ad Ceccoper. part. 2. lib. 4. tit. 3. in animadv. pag. 126. num. 25. & 26. Romaguerra ad Constit. Synod. Gerundens. lib. 1. tit. 1. cap. 1. num. 16. & seqq.* Expresse autem facultatem, de qua loquimur, Vicario Capitulari, solo sui muneris jure, & sine speciali mandato, competere, asserit Petrus Leurenus *de Vicario tract. 3. cap. 5. num. 590.* Quoniam, ait, non minus dioeceseos visitatio, quam Synodi coactio, inter majora & ardua recensentur; illa a Vicario Capitulari, sine speciali mandato, libere expleri potest; igitur & Synodus congregari.

5 Hæc porro assertio, quam Leurenus aperte, & alii subobscurè adtribuunt, etsi verissima sit, attamen ex eodem illo argumento, quo præcipue innititur, ita videtur limitanda, ut nimirum liceat Vicario Capitulari, sine speciali mandato, Synodum convocare, dummodo effluerit annus a die ultimæ Synodi habitæ ab Episcopo; etenim, quamvis ille possit dioeceseos visitare, sicuti late probant *Altaferra in vindic. Ecclesiast. jurisdict. lib. 8. cap. 16. in fin. Marefcott. variar. resolut. lib. 2. cap. 15. num. 14. & seqq. Novarr. in Summa Bullar. commentar. 38. num. 6. part. 1. Rota dec. 346. num. 2. & 3. part. 1. recent. & dec. 84. alias 85. citam Merlino, non potest tamen visitationem aggredi, nisi elapsus sit annus, a die ultimæ visitationis, ab Episcopo peractæ, uti prosequuntur *Barbosa jur. Ecclesiast. univ. lib. 1. cap. 32. num. 71. Novarr. cit. Summ. Bullar. par. 2. comment. 32. num. 5. Ventriglia in praxi rer. Ecclesiast. part. 2. annot. 15. §. 1. num. 21.* ac sæpius dictum fuit a sacra Congregatione Concilii, signanter in *Ostunen. 28. Julii 1708. lib. 53. decretor. pag. 266.* cum proposito dubio: *An, & quando Vicarius Capitularis possit visitare; Rescriptit: Affirmative post lapsum anni; & dumungebamur munere Secretarii ejusdem sacre Congregationis, propositis die 13. Septembris 1721. sequentibus dubiis: An Vicarius Capitularis Scardonens. facere possit visitationem civitatis, & diocesis. Secundo, an facere possit visitationem personalem Capitularium.* Responsum fuit: *Ad primum, & secundum Affirmative, dummodo elapsus sit annus a die ultimæ visitationis, factæ ab Ordinario.* Quocirca, cum a sacro Concilio Tridentino tam dioeceseos visitatio, quam Synodi coactio, quotannis perficienda statuatur, ac proinde hæc duo in re præsentī, videantur quodammodo inter se connexa, eodem jure metienda sunt, idemque de utraque est ferendum judicium.*

cium, cum in utroque eadem vigeat ratio, bene perpensa ab Alta Serra de iurisdic. Ecclesiastic. lib. 8. cap. 16. in fin.: Probabilis est, Capitulum, Sede vacante, posse visitare, & Synodum celebrare, ne, crescente peccandi licentia, crimina maneant impunita.

6 Dicit fortasse quispiam: Quamvis ad Capitulum, & per Capitulum ad Vicarium tota Episcopalis iurisdic. Sede vacante, transeat, & facultas convocandi Synodum, non ad Ordinem, sed ad iurisdictionem Episcopalem pertineat, non recte tamen exinde inferitur, facultatem inesse Vicario convocandi Synodum: Nam etiam potestas concedendi Indulgentias, non ad Ordinem, sed ad iurisdictionem pertinet, uti desumitur ex cap. Quod autem, de Pœnitent. & remission. atque ex eo fit, quod a summo Pontifice simplici Clerico quandoque delegetur; & nihilominus ab Episcopo ad Capitulum, ejusve Vicarium non transit; hic quippe Indulgentias quadraginta dierum, quas Episcopus largiri poterat, nequam concedere valet. At respondetur in primis, non deesse Doctores, qui eandem potestatem concedendi Indulgentias, qua pollet Episcopus, attribuant Vicario Capitulari, inter quos Abbas in cap. Cum olim, quest. 13. de majorit. & obediens. Marchett. in praxi Vicar. Capitul. cap. 24. num. 1. & seqq. Peregrin. in praxi Vicar. part. 1. sect. 4. subsect. 2. num. 32. Molin. de iust. & iur. tom. 6. disput. 11. num. 6. Azor. instit. moral. part. 2. lib. 3. cap. 37. qu. 9. Barbosa de iur. Ecclesiast. lib. 1. cap. 32. num. 91. Sylva de Beneficiis part. 2. cap. 11. num. 4. Armilla in Summ. in verb. Capitulum, vers. Cum iura dicant, Silvester in Summ. verb. Capitulum, in fin. Sà in apbor. Confessarius. verb. Capitulum Sede vacante. Deinde, etsi libenter admittamus, veriorum esse sententiam oppositam, quam tuentur Turrecremata in can. Item in Levitico, num. 41. de Pœnit. dist. 1. Socin. in cap. Nostram, num. 19. & seqq. de Pœnit. & remiss. Fagnanus in cap. Accedentibus, num. 13. de excessib. Prelator. Pirhing. ad lib. 1. Decretal. tit. 33. sect. 2. num. 49. vers. Cujusmodi sunt, & lib. 5. tit. 38. sect. 2. num. 42. Fermosin. de Capitulo Sede vacante, quest. 9. num. 10. Leander oper. moral. tom. 1. tract. 5. disp. 14. quest. 23. Fragos. de regim. Christian. Reip. tom. 2. part. 2. lib. 2. num. 19. Pax Jordan. elucubrat tom. 1. lib. 5. tit. 16. num. 27. Coton. contro. lib. 2. contro. 11. cap. 1. num. 20. & præterea fateamur, hanc secundam opinionem esse omnino in praxi servandam: Nam sacra Congregatio Concilii die 13. Novembris 1688. interrogata: An Vicarius Capitularis, Sede Episcopali vacante, facultatem habeat concedendi Indulgentias, quas æteròquin concedere possit Episcopus vivens; noluit quidem juris controversiam decidere, districte tamen vetuit, ne opinio, eam facultatem asserens Vicario, deduceretur in praxim, respondendo: Vicarius Capitularis se abstineat; Multa nihilominus intercedere, agnoscimus, discrimina inter hanc, & potestatem congregandi Synodum. Primò enim facultas concedendi Indulgentias, uti bene ratiocinatur Theodoros a Spiritu Sancto in tract. de Indulgentiis part. 1. cap. 3. artic. 4. non est adeo necessaria ad dioceseos regimen, ut aliquod damnum eidem immin-

beat, si ea careat, qui dioecesim ad tempus administrat, quod de usu jurisdictionis, quoad alia externam politiam respicientia, dici nequit. Secundò prælata potestas, etsi jurisdictionis, & non Ordinis sit, est tamen jurisdictionis cujusdam extraordinariæ, soli dignitati Episcopali annexæ, sicuti diserte dicitur in *cap. Accedentibus, de excessib. Prælator.* Tertio demum, jus Indulgentiarum largiendi plenarie residet in solo Romano Pontifice, qui Ecclesiæ thesauri, ex infinitis Christi Domini meritis, Sanctorumque satisfactionibus conflat, cultos, administrator, & dispensator est, atque a summo Pontifice profuit in Episcopos, uti docet Bellarminus in *tract. de Indulgentiis lib. 1. cap. 11. contrrov. tom. 3.*; Potuit autem summus Pontifex illius juris partem conferre Episcopis, tanquam suarum Ecclesiarum sponso, ut ea uterentur in commodum gregis, cujus veri pastores, & tutores sunt, & nolle illam credere aliis, qui neque Ecclesiarum sponso, nec veri pastores sunt, sed temporariam tantum gregis curam gerunt. Cum itaque tot & tanta inter utramque potestatem, quæ in objectione invicem comparantur, intersint discrimina, ex denegata Vicario Capitulari facultate concedendi Indulgentias, nullo pacto sequitur, esse pariter illi abjudicandum jus congregandi Synodum.

7 Expediti ab hac difficultate, ad propositum redeamus. Mos olim erat, ut Ecclesiæ, suo viduatz Pastore, cura demandaretur vicino Episcopo, quod observat Glossa in *can. Quoniam, verb. Episcoporum, dist. 100.* traditque Hallier de *sac. election. & Ordinatione par. 2. pag. 670. num. 10. & 12.* Idemque, aliqua urgente causa, nunc etiam aliquando fit, & non multum antehac factum, novimus. Sæpe etiam a summo Pontifice, sive immediate, sive per sacram Congregationem, Episcoporum, & Regularium negotiis præpositam, alicui Ecclesiæ tam vacanti, quam plenæ præficitur Vicarius Apostolicus, juxta *Constit. 117. Sixti V. Bullar. nov. tom. 4. par. 4. pag. 399.* quod ex triplici causa fieri consuevit: Nimirum, vel quia timeatur de nimium diuturna Sedis vacatione: vel quia Episcopus, ob senectutem, aut adversam valetudinem, inhabilis effectus est ad Ecclesiam regendam: vel quia ab ejusdem Ecclesiæ administratione suspensus, seu remotus fuit. Jam autem, quæ de Vicario Capitulari dicta sunt, potiori jure locum sibi vindicant, tam in Episcopo, quam in Vicario Apostolico, quibus vacantis Ecclesiæ regimen a Sede Apostolica commissum est. Verumtamen hæc ipsa communis regula interdum claudicat in Vicario Apostolico, cujus facultates, pro sacre Congregationis libito, nunc ampliantur, nunc limitantur, prout exigunt rerum circumstantiæ, in quibus constituitur; Ac proinde, ne is erret, priusquam aliquid gravioris negotii aggrediatur, facultates, quas obtinuit, debet accurate expendere. Plerumque autem amplissimis facultatibus muniri solet Vicarius Apostolicus, deputatus ad supplendas vices Episcopi, vel inhabilis, vel ab Ecclesiæ administratione remoti; Quare sacra Congregatio Episcoporum, & Regularium sæpius dixit, in his casibus, non solum licere Vi-

cario



cario Apostolico, Synodum facere, sed illam facere debere abique inter-  
ventu Episcopi; hic quippe, si est inhabilis, non decet, ut interveniat;  
si ab Ecclesie gubernatione remotus, intervenire non potest. De qua re  
plura Bassius Episcopus Anagninus, in suo tract. de Vicario Apostolico tit. 2. n. 9.

8 Cave tamen, ne hanc potestatem, Synodum Dioecesanam celo-  
brandi, quam pluribus vindicavimus Vicario Capitulari, ita extendas ad  
Vicarium vacantis Ecclesie Metropolitanæ, ut jus pariter huic adscribas  
indicendi Synodum Provinciale; Nam, cum indecens & absque visum  
fuerit tantam jurisdictionem tribuere Vicario Capitulari Metropolitanæ  
Ecclesie, ut valeat ad Synodum compellere totius provincie Episcopos,  
idcirco sancitum est, ut, vacante Sede Metropolitana, non ad istius Vi-  
carium, sed ad antiquiorem Suffraganeum jus pertineat Provinciale Sy-  
nodum cogendi, quod declaravit sacra Congregatio Concilii, in causa  
Tarraconen, 10. Februarii 1624, lib. 12. decretor., pag. 160., in qua in-  
terrogata: *An Capitulum Tarraconen, passis, Sede Archiepiscopali vacante,*  
*indicere ac celebrare Concilium Provinciale; an vero hac facultas spectet ad an-*  
*tiquiorem Episcopum ejus provincie;* Respondit: *Jus Provinciale Concilium*  
*indicendi ac celebrandi, sede vacante, non ad Capitulum Metropolitanum, sed*  
*ad antiquiorem provincie Episcopum pertinere.*

## CAPUT X.

## De Prælate Inferiore.

1 **T** Amburinus de jure Abbatum tom. 1. dissert. 24. quest. 7. Ciarli-  
nus contro. juris lib. 2. cap. 220. num. 325. & Joseph de Pro-  
speris in suo tract. de territorio separato, q. 5. num. 18: indistincte docent,  
omnibus Prælati inferioribus, qui tantam jurisdictionem in loco exer-  
cent, ut dicantur loci Ordinarii, jus esse congregandi Synodum Dioce-  
sanam. At ad arcendum errorem, qui ex vocis ambiguitate oriri, &  
multos decipere solet, tres distinguimus inferiorum Prælatorum species.

2 Prima est eorum, qui certo præfunt generi personarum, existen-  
tium intra septa alicujus ecclesie, monasterii, seu Conventus, cum pas-  
siva exemptione a jurisdictione Episcopi: Ejusmodi sunt Superiores Re-  
gulares, & nonnulli Prælati Seculares, qui una cum Ecclesia ejusque Ec-  
clesie Clericis, & Administris, quibus præficiuntur, subfunt immédia-  
te Romano Pontifici.

3 Secunda species est Prælatorum, habentium jurisdictionem acti-  
vam in Clerum, & populum certi loci, qui tamen locus est intra Episco-  
pi dioecesim, a qua undique circumscribitur: & ejusmodi Prælati im-  
proprie tantum, & lato quodam loquendi modo, dicuntur esse,  
Nullius.

4 Tertia species est Prælatorum, qui jurisdictionem activam habent

in Clerum, & populum alicujus loci, seu oppidi, aut plurium locorum & oppidorum, quæ omnino evulsa & separata sunt a cujuslibet Episcopi diocesi; quapropter dicuntur constituere quamdam quasi diocesim, ubi Prælati, iis exceptis, quæ Ordinis Episcopalis sunt, omnia exercet, quæ ceteroquin ad Episcopalem jurisdictionem pertinerent: hujus generis Prælati inter inferiores nobilissimi sunt; dicuntur vere & proprie *Nullius*; & veris annumerantur Ordinariis locorum. De singulis hise Prælatorum speciebus diligenter, more suo, agit Cardinalis Petra *ad Constitutionem 4. Callisti III. sess. 1. tom. 5.* & post eum Clemens de Arostegui *in sua concordia Pastoralis super jure diocesano, inter Episcopos, & Prælatos inferiores, part. 1. cap. 4. num. 64. & seqq.* ubi simul omnium prælatorum trium Prælatorum investigat originem: & siquidem ex privilegiis a Sede Apostolica concessis Prælati primæ, & secundæ speciei, incaute admodum nonnulli Doctores, & quandoque etiam Tribunalia, inferebant concessionem territorii vere separati, & Prælatum tot tantisque condecoratum prærogativis, illico accensebant Prælati tertiæ speciei; idcirco Nos ad supremum Pontificatum evecti, ad hasce avertendas æquivocationes, Constitutionem edidimus, quæ est *in ordine 76. nostri Bullar. tom. 1.* in qua, auditis etiam nostræ Romanæ Rotæ Auditoribus, totam hanc materiam accurate digessimus, & perspicue explicavimus: quod & a Nobis præstitum est in alia nostra Constitutione, quæ incipit *Inter multa*, edita die 24. Aprilis 1747. super jurisdictione Episcopi Tusculani in Clerum & populum Cryptæ Ferratæ, inferenda in secundum tomum nostri Bullarii propediem edendum.

§ Hac opportuna distinctione præmissa, certum esse, dicimus, ab inferioribus Prælati tum primæ, tum secundæ speciei non posse Dioecesanam Synodum celebrari; quod profecto de Prælati primæ speciei, est per se manifestum; de Prælati vero secundæ speciei, colligitur ex Tridentino *sess. 24. cap. 2. de reform.* præcipiente, ut, nisi ipsi subdantur Capitulis generalibus, accedant ad Synodum Episcopi, cui alias, cessante exemptione, interesse deberent: non enim ita Tridentinum jussisset, si ipsis jus esset propriam Synodum habendi. Quod vero spectat ad Prælatos tertiæ speciei, non idcirco, quod isti vere *Nullius* sint, & proprium ac separatam territorium habeant, statim jus sibi vindicare poterunt congregandi Synodum Dioecesanam; sed necesse est, ut duo insuper probent. Primò, sibi a Sede Apostolica concessum fuisse explicitum privilegium Synodum convocandi: Secundò, tale privilegium deductum fuisse in usum, & reapse a suis Antecessoribus fuisse Synodum coactam; sicuti docent *Garcias de Benef. part. 9. cap. 2. num. 131. Paris. de resignat. lib. 8. quest. 9. num. 98.* ac pluribus Cardinalis Petra *cir. loc. tom. 5. sess. 2. pag. 129. num. 114. & seqq.* Quorum sententiæ aditupulantur plures Rotæ Romanæ decisiones, relatæ a Garcia *cir. loc.* & uberius videri potest *in decis. 13. & 14. tom. 2. tit. 23. de offic. Ordinar. cor. clar. mem. Cardinali Falconerio*; & quod magis

magis est, eadem semper fuit sententia sacre Congregationis Concilii, cui sola qualitas *Nullius*, cum territorio separato, nunquam visa est sufficere, ad astringendam Prælato inferiori facultatem cogendi Synodum, nisi simul in eodem concurrant illa duo, speciale scilicet, & expressum privilegium Apostolicum, atque ejusdem privilegii usus, uti constat ex quamplurimis ejusdem sacre Congregationis responsis, & decretis, congestis & relatis a Cardinali Petra *loc.cit.*, de quibus etiam testatur bon. mem. Alтовитус, sacre Congregationis olim Secretarius, in voto, quod exaravit in causa Iternien. seu *Nullius* Sancti Vincentii in Vulturno, proposita die 11. Januarii 1687., ubi hæc habet: *Ad hoc ut Episcopo Inferior possit Synodum congregare, duo copulative requiruntur; primum nempe, quod habeat proprium & separatim territorium; secundum vero, quod eandem Synodum congregare consueverit, ut alias respondit sacra Congregatio, & signanter in Miletin. mensis Decembri 1586., lib. 4. decretor. pag. 216., ibi: Abbatem Sanctissima Trinitatis non posse separatim Synodum celebrare, nisi constet, Abbatiam Nullius esse dioecesim, & proprium habere territorium, atque alias legitime Synodum celebrasse.*

6 Quia porro jus convocandi Synodum, & jus indicendi concursum ad Parochiales ecclesias, videntur quodammodo inter se connexa, cum juxta Tridentinum *sess. 24. cap. 18. de reform.*, concursus instituendus sit coram Examinatoribus, in Synodo Dioecesana electis; idcirco sacra Congregatio jus indicendi concursum, in Abbatibus non admisit, nisi prius & privilegio, & privilegii usu ostenderint, se esse in quasi possessione Synodum cogendi: *Quod si Parochiales*, verba sunt sacre Congregationis, *non sit intra fines dioecesis alicujus Episcopi, & Inferior Episcopo omnimodam habeat jurisdictionem Episcopalem, nec alicui subdatur, sed est immediate subjectus Sedi Apostolica, Nullius dioecesis, proprium territorium habens, si habeat jus congregandi Synodum, & legitime constet, illam congregasse, & congregare, & elegisse, ac eligere Examinatores, poterit concursum instituere, examinare, & approbare; Aconomos, Vicarios deputare, & alia facere, quæ prescribuntur cap. 18. sess. 24.; Episcopus vero debet manuteneri, donec dicta requisita Abbas probaverit (lib. 6. decretor. pag. 91.)* Idemque, atque iisdem fere verbis rescriptum legitur die 26. Septembris 1615. lib. 11. decretor. pag. 163.

7 Prædicta connexio inter facultatem cogendi Synodum, & indicendi concursum ad ecclesias Parochiales, ansam præbuit controversiæ, cujus notitia prodesse potest ad clariorem præsentis materiæ intelligentiam: Inter Commendatarium, Archimandritam nuncupatum, monasterii S. Salvatoris de lingua Phari, & Archiepiscopum Messanensem diu multumque disceptatum fuit, de vera separatione territorii ejusdem Archimandritæ, a dioecesi Messanensi, cum vera qualitate *Nullius*; atque ad omnem finendam controversiam, inita tandem est inter utrumque concordia, a Sede Apostolica approbata, in qua Archimandrita ponitur in pacifico statu Prælati

lati tertiæ speciei, cum territorio separato, & inter cetera jus illi adscribitur indicendi, & instituendi concursus ad Beneficia Curata, in sua quasi diocesi vacantis, & vacatura. Cohærenter ad hujusmodi concordiam, & veluti in necessariam illius sequelam, contendebat Archimandrita, jus pariter sibi esse Synodum congregandi. Re delata ad sacram Congregationem Concilii; a docto & accurato ejusdem Congregationis Secretario scite animadversum fuit, ex potestate indicendi concursus non necessario consequi jus cogendi Synodum, cum possit concursus fieri coram Examinatoribus, electis a Synodo finitimi Episcopi, qualis in casu esset Archiepiscopus Messanensis; ex quo intulit, onus adhuc incumbere Archimandritæ probandi, & privilegium Apostolicum, quo sibi fiat expressa potestas Synodum cogendi, & præviam ejusdem privilegii, si ab antiquo concessum, demonstraretur, executionem: cumque hæc duo probata non fuissent, idcirco proposito, die 5. Julii anno 1738. sequenti dubio: *An Archimandrita Messanensi competat jus congregandi Synodum*, responsum fuit *Negative*. Verum cum, post nostram assumptionem ad supremum Pontificatum, Cardinalis Silvius de Valentibus, Commendatarius Archimandrita præfati monasterii S. Salvatoris, Nobis supplicasset, ut potestatem, qua hæcenus caruerat, Apostolica auctoritate, ei concedere dignaremur, Nos ejusdem Cardinalis precibus annuentes, nostris in forma Brevis litteris datis die 14. Januarii 1741., privilegium eidem Cardinali indulgimus, celebrandi Synodum, in aliquo loco suæ jurisdictionis, extra civitatem Messanensem; quod tamen privilegium personale dumtaxat esse, declaravimus, nec suffragari, volumus, futuris Archimandritis, nisi simile indultum a Sede Apostolica ipsi quoque obtinuerint. Eodem Apostolico privilegio, nunc temporario, nunc perpetuo, a Sede Apostolica exornatos fuisse alios plures inferiores Prælatos tertiæ speciei, non ignoramus; cum frequenter occurrant Synodi, ab iis habitæ, ac præsertim ab Abbatibus, Cassinensibus, Nonantulano, Farfensi, S. Salvatoris Majoris, & similibus.

8 Audivimus ab aliquibus, etsi viris probis & doctis, quæ modo dicta sunt, improbari, ex eo potissimum, quod si tertiæ speciei Prælati in vim ordinariæ suæ jurisdictionis competit, aut Ordines suis subditis conferre, aut litteras dimissorias eis concedere, ut ab aliis Tonsuram & minores Ordines recipere possint, eisdem Prælati tertiæ speciei denegari non possit facultas cogendi Synodum jure suo, & præciso quolibet Apostolico privilegio. At tantum abest, ut allatum exemplum intentioni sic arguentium prodesse possit, ut eam potius evertat: Quod ut facilius percipiat, opus est præmittere, a Concilio Tridentino *sess. 23. cap. 10. de reform.* duo fuisse sancita: primo, ne Abbatibus, aliisque quibuscumque, quantumvis exemptis, liceat primam Tonsuram, vel minores Ordines cuiquam conferre, qui Regularis subditus sibi non sit: secundo, ne iidem Abbates, aliique exempti, litteras dimissorias Clericis Sæcularibus, ut ab aliis ordinentur, concedere valeant.

9 Jam vero primam decreti partem expenditi statim coercita appareret illimitata illa facultas, a jure antiquiori quibusdam Abbatibus data, omnibus indistincte & promiscue conferendi primam Tonfuram & minores Ordines, & perspicuum fit, ab iis, quantavis fruantur exemptione, hodie non posse initiari, nisi suos subditos Regulares. Ut autem hac ipsa, qua nunc unice fruuntur potestate, uti valeant, non solum debent esse in Presbyterali Ordine constituti, sed debent insuper benedictionem obtinuisse ab Episcopo, nisi Episcopus tertio cum humilitate ac devotione, sicut convenit, requisitus, eos benedicere forte remiserit, juxta Textum in cap. *Statuimus*, de suppl. neglig. Prelator., aut nisi alio peculiari fulciantur privilegio, quo eis potestas fiat, etiam non recepto benedictionis munere, omnia peragendi, quæ Abbatibus competunt, Episcopi benedictione quodammodo sacrat; quæ omnia singillatim & distincte a Nobis exposita fuerunt, in brevi quadam dissertatione, quam exaravimus, occasione cujusdam causæ VVratilaviensis, sacræ Congregationi Concilii, cujus Secretarii officium gerebamus, proposita die 12. Februarii 1724., & juxta nostrum sensum decisæ, uti videre est num. 3. *Theaur. Resolut. pag. 19. Et pag. 23. & segg.* a quibus propterea ulterius enucleandis, ne actum agamus, consulto abstinemus. Solum addimus, prædictis peculiaribus privilegiis, quorum mentio fit etiam a Suarez de Relig. num. 4. lib. 2. cap. 29. & a Diana in edit. cord. tom. 2. tract. 5. resolut. 81. non fuisse derogatum, per Constitutionem san. mem. Benedicti XIII. quæ incipit: *Commissi Nobis*, editam, post nostram memoratam dissertationem, & impressam in appendice ad Concilium Romanum, in qua præcipitur Abbatibus Regularibus perpetuis, ut intra annum, a die eorum electionis, Episcopalem suscipiant benedictionem: in ea quippe §. *Quo vero ad Abbates*, nihil innovatum legitur, quoad Abbates, qui præfatis peculiaribus sent instructi privilegiis.

10 Quoniam autem Tridentinum, Abbatibus, quovis modo exemptionis facultatem dumtaxat reliquit, primam Tonfuram minoresque Ordines conferendi suis subditis Regularibus, & Abbatibus Sæculares, quantumque gaudeant exemptione, Regularibus non præfuit; necessario inde consequitur, eos non posse, ullum, quanquam suæ jurisdictioni subiectum, ad primam Tonfuram Ordinesque minores promoveri, nisi hanc potestatem a Sede Apostolica, post Tridentinum Concilium, impetraverint: Concilium enim præcedentia privilegia abrogavit, sed ab iisdem in posterum concedendis, non potuit Apostolicam Sedem impedire, quemadmodum ad rem ponderat Fagnanus in cap. *Statuimus*, num. 14. & num. 57: in fin. de suppl. neglig. Prelator.: Ejusmodi privilegium ab Urbano VIII. concessum Abbati Commendatario pro tempore B. Mariæ Farfensis, & S. Salvatoris Majoris, liquet ex ejusdem Apostolicis litteris, impressis post Synodum Dioecesanam Farfensem, habitam a Carolo Cardinali Barberino, pag. 997.: idemque privilegium ab Alexandro VIII. die 8. Aprilis 1690. datum Primicerio S. Marci Venetiarum, quoad personas, eidem intervenientes

vientes ecclesiæ, refert Clericatus *post decif. 15. de Sacram. Ordinis*. Eandem facultatem sibi pariter adstruebat Abbas S. Barbaræ civitatis Mantuanæ, de cujus jribus plura nos in utramque partem adduximus, quæ extant *cir. Theaur. Resolut. tom. 3. pag. 214. & seqq., pag. 230. & seqq., & pag. 293. & seqq.*, quibus in locis concludenter etiam probavimus, neminem posse, eam potestatem sibi arrogare, nisi a Sede Apostolica sibi post Tridentinum speciatim atque expresse concessam ostendat.

11 At dux hac in re excitantur quæstiones: Primò scilicet, an Episcopi suis subditis, atque Regulares Prælati Religiosis sibi subjectis, litteras dimissorias concedere valeant, ut primam Tonfuram minoresque Ordines, recipiant, aut ab Abbatibus Regularibus, quibus, virtute suorum privilegiorum jus est, ad eos promovendi suos subditos Regulares; aut etiam ab Abbatibus Sæcularibus, eodem ornatis privilegio, limitato tamen ad certum genus personarum, puta ad subditos, in suo territorio commorantes, aliasve certas, atque in privilegio designatas personas: Secundò, an collatio Tonfuræ Ordinumque minorum, ab utriusque Abbatibus facta personis, in suis privilegiis minime comprehensis, sit tantum illicita, an etiam invalida. Sed ambæ istæ controversiæ jamdiu diremptæ & definitæ sunt a sacra Congregatione Concilii.

12 Atque, quod primam spectat, etsi olim, anno videlicet 1572. eadem Congregatio censuisset, integrum esse Abbatibus, de quibus est sermo, prima Tonfura minoribusque Ordinibus initiare, quotquot hisce initiandi, forent a propriis Ordinariis ad eos dimissi, ex quo plane conficiebatur, etiam locorum Ordinariis licere suas litteras dimissoriales ad eosdem Abbates dirigere: attamen, cum eadem quæstio, jubente Clemente VIII., fuerit ad trutinam revocata, atque in Rotæ Auditorio iterum diligenter discussa, sacra Congregatio in hærens decisioni, quæ a sacra Rota emanavit, estque 985. *coram Seraphino*, e priori sententia recessit, statuitque, non posse ad prædictos Abbates litteras dimissoriales dirigi, neque iisdem fas esse personis, quæ in eorum privilegiis expressæ non sunt, etsi cum suorum Prælatorum dimissorialibus litteris ad se accesserint, primam Tonfuram minoresque Ordines conferre, sub pœna suspensionis ab Ordinum collatione, tam ab Ordinantibus, quam ab Abbatibus, aliisque Prælatibus dimissoriales litteras concedentibus, incurrenda; atque hæc posterior sacre Congregationis sententia approbata fuit ab Urbano VIII., quæ omnia fufe enarrantur a Fagnano in *cap. Aqua, a num. 3. usq. ad 19. de consecrat. eccles. vel al: ar. atque a Clericato decif. 15. de Sacram. Ordin. a num. 19. usq. ad 33.*

13 Quod autem ad alteram pertinet quæstionem, de Ordinationis validitate, jam plerique Doctores sustineri docuerant primam Tonfuram minoresque Ordines a prædictis Abbatibus collatos, aut Regularibus sibi non subjectis, aut Sæcularibus in suis privilegiis non comprehensis, ita quippe diserte asservere Tamburin. *de jur. Abbatum tom. 2. disp. 2. q. 8. per ror. Sua-*

mt. Suárez de Relig. tom. 4. tract. 8. lib. 2. cap. 29. num. 21. Peirini. oper., tom. 2. q. 3. cap. 7. num. 23. Fermosini. in cap. Cum contingat, part. 2. num. 9. & seqq. de atas. & qualis. Fagnan. in cap. Statuimus, a num. 11. de suppl. neglig. Prælator. ; Huic vero sententiæ calculum subinde adjecit sacra Congregatio Concilii, quæ illicitam quidem habuit, sed validam semper pronuntiavit Ordinationem, de qua differimus: Etenim cum in causa Conimbrien. 26. Junii 1656. quæsitum fuisset: *An Abbates Congregationis S. Bernardi, & S. Benedicti conferre potuerint minores Ordines Regularibus sibi non subditis, nec non Sæcularibus, habentibus litteras dimissoriales suorum Superiorum.* Respondit sane id fieri nequaquam potuisse, sed simul addidit: *Promotos ab illis non indigere alia collatione dictorum Ordinum, sed absolutione, & rehabilitatione a Sanctissimo obtinenda, quod habetur lib. 19. decretor. pag. 484.* Similiter in causa Panormitana collationis Ordinum, die 16. Martii 1647. disceptato articulo: *An Ordines minores, per Abbatem Regularem non benedictum collati non suis subditis, sint validi, si Abbas habeat privilegium illor suis subditis conferendi.* Prodiit decisio alteri conformis, quæ antea emanaverat in causa Cataniens. 23. Novembris 1643., cujus verba sunt: *Collationem autem Ordinum supradictis non suis subditis, etiam Regularibus factam, si fuerit de Ordinibus etiam minoribus, & dictus Abbas non benedictus, non habeat privilegium Apostolicum, Ordines collatos remanere invalidos, & Ordinatos indigere alia Ordinatione; Si vero Abbas, non benedictus, habeat privilegium, & Ordines minores tantummodo contulerit suis non subditis, Ordinatos non indigere alia Ordinatione, sed tantummodo absolutione, & rehabilitatione a Sede Apostolica obtinenda, uti habetur lib. 18. decretor. pag. 311.* Denique cum in causa Lucana, proposita 16. Martii 1726., disputaretur de privilegiis concessis Abbati S. Barbaræ civitatis Mantuanæ, & speciatim res esset de Clerico, ab eodem Abbate ad minores Ordines promotus, quanquam Promotus non recenseretur inter personas, in Abbatis privilegio expressas, sacra Congregatio Ordinationem illicitam dixit, Clericumque minoribus initiatum, suspensione irretitum, declaravit, non tamen Ordines eidem iterum conferendos jussit: *Theaur. Resolut. tom. 3. pag. 288. & 295.* Quare, ut, quam versamus, controversiam, paucis absolvamus: Aut Abbas nullo fruitur privilegio conferendi primam Tonfuram & minores Ordines; aut privilegio potitur illos conferendi certo personarum generi. Si primum; nec licite, nec valide potest quemquam ad primam Tonfuram minoreque Ordines promovere: Si alterum; illicite profecto, attamen valide, primam Tonfuram minoreque Ordines etiam aliis confert, qui ceteroquin inter personas non numerantur, in privilegio designatas.

14. Quæ hæcenus diximus, omnes complectuntur Abbates, seu Prælatos inferiores, etiam tertiæ speciei, habentes nimirum proprium territorium, a cujuslibet Episcopi diocesi evulsum & separatum, cum Clero & populo, in quem pleno jure exercent jurisdictionem activam & quasi Episcopalem; nam etiam ejusmodi Prælati, virtute prælati decreti Tridentini,

Tom. XII.

I

dentini,

dentini, adempta est facultas, si quam olim habuerant, conferendi primorum Tonsuram & Ordines minores suis subditis Sæcularibus; neque hanc potestatem possunt sibi vindicare, nisi a Sede Apostolica, post Tridentinum, & cum expressâ Tridentini derogatione, eam iterum impetraverint; sed Sæcularium omnium in prædicto territorio separato degentium, ordinatio spectat ad Episcopum viciniorem; quemadmodum, si abbas, seu Abbatis territorium, quancumvis exemptum, situm sit intra fines alicujus diocesis, ad ejusdem diocesis Episcopum pertinet Ordinatio Sæcularium, inibi habitantium. Hæc omnia discrete definita sunt a sacra Congregatione Concilii, ex cujus sententia Fagnanus in *cap. Significasti, de offic. Archidiaconi*, ubi a num. 12. usque ad fin. hanc versat questionem; Sub num. 24. ita demum concludit: *Nullus Prelatus inferior Regularis, aut Sæcularis hodie reperitur, cui liceat Tonsuram & minores Ordines conferre personis Sæcularibus, tametsi omnimodam jurisdictionem ordinariam, & quasi Episcopalem, ac etiam temporalem habeant in Clerum & populum, exclusis Episcopis, & sive illorum territorium sit intra fines alicujus diocesis, sive extra; Et prolequitur Cardinalis Petra in comment. ad *Constit. Apostolic. con. 5. pag. 116. num. 66. & seqq.**

15 Aliquid nunc dicendum restat de secunda parte enuntiati Tridentini decreti *sess. 23. cap. 10.*, in qua decernitur: *Ne Abbates, & alii exempti, aut Collegia, vel Capitula quacumque, etiam ecclesiarum Cathedralium, litteras dimissorias, aliquibus Clericis Sæcularibus, ut ab aliis ordinentur, concedant: sed horum omnium Ordinatio, servatis omnibus, qua in hujus sanctæ Synodi decretis, continentur, ad Episcopos, intra quorum diocesis fines existant, pertineat.* Sub hujus decreti censura comprehendendi Abbates, aliosque inferiores Prælatos, primæ, & secundæ speciei, nemo unquam potuit in questionem adducere: At plerique Prælati tertie speciei, se ab ejusdem severitate autumabant impunes, hac freti ratione, videlicet, quia ipsorum territorium, in quod exercent jurisdictionem quasi Episcopalem, non existit intra fines alicujus diocesis, de quo tantum videtur loqui Tridentinum, sed est a qualibet diocesi omnino sejunctum & separatum; ac propterea, etsi ab Ordinibus per semetipsos conferendis, juxta modo traditam doctrinam, abstinere; liberum nihilominus sibi esse putabant, litteras dimissoriales, ad Ordines suscipiendos suis subditis Sæcularibus importiri. Verum alia fuit mens sacre Congregationis, Concilii Tridentini Interpretis, ad quam unice spectat ejusdem Concilii decretorum genuinum sensum aperire: ea siquidem probe considerans, in allegati capituli ipso sermone esse, non solum de Abbatibus, utcumque exemptis, verum etiam de illis, qui *Nullius diocesis esse dicuntur*, quales sunt, habentes territorium separatum, hocce pariter in omni parte comprehensum dixit, iisdemque ablatam censuit facultatem concedendi suis subditis Sæcularibus litteras dimissoriales, ad Ordines, quas proinde elargiri, ad viciniorem Episcopum unice pertinere declaravit. Ejusmodi sacre Congregationis responsa

congelita



congesta sunt a Fagnano, & Cardinali Petra *cit. locis*, quibus alia atteximus, quæ eo prodierunt tempore, quo Nos ejusdem Congregationis Secretarium agebamus. Ecclesia collegiata B. Mariæ Virginis de Alba Regali, diocesis Vespriemien., ejusque Præpositus, Canonici, ceterique eidem inservientes ecclesiæ, plenam obtinent exemptionem a jurisdictione Episcopi Vespriemienfis, atque a jure Metropolitico Archiepiscopi Strigoniensis: amplæ istius exemptionis obtentu, sibi jus esse, arbitrabatur Collegiatæ Præpositus concedendi litteras dimissorias, ad Ordines, suæ ecclesiæ Canonicis, aliisque ministris; sed causa delata ad sacram Congregationem Concilii, hæc die 26. Martii, & denuo 17. Decembris 1718. contra Præpositum pronuntiavit *tom. 1. Thesaur. Rescript. pag. 31., & duabus seqq., & pag. 141.* Sed quoniam, ut ingenue fateamur, ejusmodi decisio Prælatum tangit secundæ potius, quam tertiæ speciei, aliam statim proferimus, in qua, sine ulla dubitatione, quæstio erat de Prælato tertiæ speciei. Lis vertebatur in Romanæ Rotæ Auditorio, inter Episcopum Briclinorien., & Capitulum basilicæ S. Petri de Urbe, super articulo, An abbatia S. Rufilli, sita in castro Fori Pompilii, eidem Capitulo perpetuè unita, haberet territorium omnino separatum a diocesi Briclinorienfi; interim vero, Capitulum S. Petri, innixum immemorabili consuetudine, seu quasi possessione, concedendi litteras dimissoriales personis, intra suæ abbatie limites commorantibus, ne hæc possessione exturbaretur, pendente adhuc controversia, super abbatie separatione, easdem litteras concedere non dubitabat; at, contradicente Episcopo Briclinorienfi, ac jure meritoque contendente, immemorabilem possessionem, utpote a Concilio Tridentino infractam, viribusque destitutam, non suffragari Capitulo, etiamsi territorium separatum evinceret, ad ejus instantiam, die 3. Decembris 1718. fuit in sacra Congregatione Concilii disceptatum: *An etiamsi conflares de territorio separato, posset Capitulum S. Petri concedere dimissorias.* Et die 17. Decembris ejusdem anni, unanimi omnium suffragio, responsum fuit *Negative (tom. 1. Thesaur. pag. 140. & 150.)*.

16 Nihilominus tamen non defunt etiam nunc Abbates tertiæ speciei, hac peculiari præfulgentes prærogativa, ut suis subditis litteras dimissorias ad Ordines, nedum minores, sed etiam sacros suscipiendos largiri valeant, & re ipsa elargiantur, itaut nulli Episcopo fas sit, sine ipsorum litteris, eorumdem subditos ordinare; at hæc prærogativa non est annexa qualitati *Nullius*, neque profluit ex territorio perfecte separato, sed unice derivatur ex speciali privilegio, post Tridentinum obtento, quo Sedes Apostolica nonnullos cumulavit Abbates: ejusmodi privilegio, ab Urbano VIII., auctus est Abbas Nonantulanus, ita eidem Pontifici consulente sacra Congregatione Concilii, die 19. Januarii 1636., cujus deererum refertur a Cardinali Petra *cit. loc. pag. 117.* Idem indultum assequutus est Abbas Farfensis, uti habetur in memorato Apostolico Brevi. impresso post Synodum Farfensem *pag. 996.*: Eandemque potestatem a Sixto V. Abbati

Cassinenſi, atque a Paulo V. Abbati Cavenſi, factum, narrat Fagnanus *in cit. cap. Significasti, de offic. Archidiacon. num. 25.*; & ne ſilentio prætereamus prædictam abbatiam S. Ruſſi, Capitulum S. Petri, cui ex ſacre Congregationis ſententia, denegatam diximus facultatem concedendi litteras dimiſſoriales perſonis incolentibus eamdem abbatiam, ſibi perpetuo unitam, id juris ſibi fieri petiit a Sede Apoſtolica, ſed cum adhuc in Rotæ Auditorio indeciſa penderet controverſia, ſuper vera ſeparatione abbatiz, ejuſque territorii a diceceſi Briſtinorienſi, Capituli inſtantia reſecta fuit a ſacra Congregatione Concilii, ad quam Innocentius XIII. eam remiſerat examinandam: verum cum poſtea idem Capitulum cauſam obtinuerit in Rotæ tribunali, fueritque ei adjudicatum territorium omnino ſeparatum, ſuas preces inſtauravit apud ſan. mem. Benedictum XIII., vique compos effectum eſt, per Apoſtolicum Breve, ab eodem Pontifice datum. Ceterorum Abbatum, qui eodem jure ab Apoſtolica Sede ſunt poſt Tridentinum donati, catalogum extare in Cancellaria Cardinalis Urbis Vicarii, teſtatur Romualdus Honorante *in praxi Secretaria dicti tribunalis pag. 193.*

17 Huc uſque deducta, ni fallimur, ſicuti aperte oſtendunt, Prælatis inferioribus tertiz ſpeciei non competere de jure facultatem concedendi litteras dimiſſorias ſuis ſubditis, niſi hæc eis ex ſpeciali diſtincto Apoſtolico privilegio conceſſa ſit; ita apprime demonſtrant, nullum a dicto exemplo inferri poſſe argumentum adverſus ea quæ in ſuperioribus dicta ſunt de Prælato inferiore tertiz ſpeciei, qui Synodum cogere nequit, niſi Apoſtolico diſtincto privilegio donatus ſit; quin immo eamdem vigere cenſuram in utroque caſu cum litterarum dimiſſiarum, tum Synodi.



## LIBER III.

DE VOCANDIS AD SYNODUM, ORDINE SEDENDI,  
ET SACRIS VESTIBUS JUXTA PROPRIUM  
CUJUSQUE GRADUM ADHIBENDIS.

## CAPUT I.

*De Prelatis Regularibus, & Secularibus.*

**P**riusquam Regulares ab Episcoporum jurisdictione subtraherentur, cogebantur eorum Abbates Dioecesanæ Synodo interesse. Concilium Aurelianense I. anno 511. (tom. 2. collection. Harduini col. 111.) can. 19. ait: *Abbares pro humilitate Religionis in Episcoporum potestate constant; & si quid extra regulam fecerint, ab Episcopis corrigantur: qui semel in anno in loco, ubi Episcopus elegerit, accepta vocatione, conveniant; Concilium Olenſe anni 598. (tom. 3. collect. Hard. col. 535.) can. 1. inquit: Hoc Synodus sancta fieri, elegit, ut annuis vicibus unusquisque nostrum omnes Abbates monasteriorum, vel Presbyteros, & Diaconos sue dioceſis ad locum, ubi Episcopus elegerit, congregare, præcipiat: & omnibus regulam demonſtret ducendi vitas, cunctosque sub Ecclesiasticis regulis adesse præmoneat: Constitutiones, excerptæ ex Concilio Galterii, Archiepiscopi Senonenſis, celebrato sæculo x. (tom. 6. part. 1. collect. Hard. col. 517. cap. 1.) hæc habent: Statuimus, ut Abbates, & Priores Conventuales, qui nec venerint ad Synodum, nec se excuſaverint, præſumendo canonicum impedimentum, per octo dies ab ingressu ecclesia suspendantur. Inter statuta Synodalia Guillelmi Majoris, Episcopi Andegavenſis, qui vivebat in fine sæculi xi. (tom. 11. spicilegi Lucae Dacherii pag. 206.) reperitur præceptum, Abbatibus, Archidiaconis, Archipresbyteris, & Decanis ecclesiarum civitatis promiscue impositum, habendi penes se eadem statuta; & in nona Synodo ab eodem Guillelmo habita anno 1298., Abbatibus, ad Synodum accedere detrectantibus, infligitur poena suspensionis; & in Synodo undecima, ab eodem celebrata anno 1300., revocatur quidem enuntiata suspensionis poena, sed simul instauratur præceptum, ut Abbates omnino interfint Episcopali Synodo, quæ omnia leguntur eod. tom. 11. cit. spileg. pag. 247. & 250. Neque his reſtragatur Textus in can. Episcopus, 11. dist. 18., ubi dicitur: Episcopus non debet Abbatem cogere ad Synodum ire, nisi aliqua rationabilis causa existat; Nam oppositum decernitur in can. Annis, 16. ead. dist., in quo habetur: Annis singulis Episcopus in sua dioceſi Synodum faciat de suis Clericis, nec non Abbatibus, & discutiatur alteros Clericos, & Monachos: Unde Altaſerra de jurisdict.*

*risdict. Ecclesiast. lib. 2. cap. 19.* ad utrumque Textum conciliandum, primum intelligendum, arbitratur, de vocatione ad Synodum, quæ non semel, sed sæpius, seu ultra id, quod jura præscribunt, in anno fiat: *Et quod can. Episcopus (ait Altaferra) dicit, Abbates non esse cogendos venire ad Synodum, nisi rationabilis causa adfuerit, cautius intelligendum est, non esse scilicet gravandos Abbates iterum in anno venire ad Synodum, si forte extra ordinem vocentur, nisi rationabilis causa adfit, puta translationis Reliquiarum, vel consecrationis ecclesie, vel alia similis.*

2 Verum, cum hodie Abbates, ceterique Prælati Regulares plerumque plena gaudeant exemptione ab Episcopi jurisdictione, non possumus, juxta omnia antiqui juris principia de illis ratiocinari, sed & eorum exemptionis habenda est ratio; Neque sectari licet Episcopum Phamaugustanum *in tract. de Conciliis*, cui titulus *Synodia Ugonia*, ubi pag. 3. & seqq. plura disputat de interventu Abbatum ad Synodum; Cum enim is scripserit ante Tridentinum, non omnia, quæ adducit, congruunt præsentis disciplinæ. Ut itaque distincte & ordinatim procedamus, primò de Abbatibus Sæcularibus, deinde de Regularibus differemus.

3 Abbates Sæculares, intra Episcopi diocesim existentes, teneri Episcopali Synodo adesse, statuitur *in cap. Quod super his, de majorit. & obed.*; Neque ullius exemptionis prætextu possunt, se ab hac obligatione unquam solutos existimare: Nam Tridentinum *sess. 24. cap. 2. de reform.* illos solos exemptos liberat ab onere accedendi ad Synodum, qui subduntur Capitulis generalibus; quod profecto de Abbatibus Sæcularibus nunquam dici poterit, uti bene ponderat Tamburinus *de jur. Abbat. tom. 1. disput. 24. quest. 4. num. 8. & 9.*: Rem exemplis illustrabimus.

4 In civitate Cremonæ extat ecclesia Collegiata S. Agathæ, quæ cum olim esset Regularium, a summis Pontificibus Callisto II. & Eugenio III. amplissima obtinuit privilegia exemptionis a jurisdictione Ordinarii, & ab obligatione accedendi ad Synodum. Præpositura hujus ecclesiæ auctoritate Pii II., fuit postmodum a statu Regulari, & electivo commutata in Dignitatem Sæcularem, & collativam, ejusque Præbendæ Canonicales Clericis Sæcularibus addictæ sunt, præservatis tam ecclesiæ, quam Præposito, & Canonicis, omnibus & singulis privilegiis, quibus antea fruebantur Regulares.

5 Præpositus, qui ex privilegio summi Pontificis Pii IV., & ex antiqua consuetudine, habet præterea usum Mitræ, & Pastoralis, & una cum eo Canonici, recusarunt accedere ad Synodum, ab Episcopo Cremonæ indictam anno 1727., sed, instaurato judicio coram sacra Congregatione Concilii, & re mature expensa, die 5. Aprilis 1732. decisum fuit, teneri accedere, & posse Episcopum poenis, a jure statutis, in inobedientes animadvertere. Cumque denuo Præpositus, & Canonici sua jura experiri voluerint, in Congregatione habita die 29. Augusti 1733., iterum succubuerunt.

6 Alterum, & celebre exemplum est Abbatis S. Barbaræ civitatis Mantuanæ. Præest iste insigni Collegiæ, cui inserviant Dignisatos, & Canonici, & simul cum ecclesiâ, omnibusque ecclesiis administris, tanta fruitur exemptione, ut Episcopus nec ecclesiâ visitet, nec Canonicos, aliosque administratos corrigat, nisi Abbas, alique habentes Dignitates, Abbatiales inferiores, qui sibi invicem in hoc munere gradatim succedunt, negligentes fuerint in visitando, & corrigendo, quæ omnia habentur in bulla Pii IV., data pridie idus Octobris 1564. Idemque Pontifex hanc præterea Abbati eximiam addidit prærogativam, ut possit suis subditis, addictis scilicet servitio prædictæ ecclesiæ, primam Tonsuram & Ordines minores conferre, ac Sacramentum Confirmationis, in sua ecclesiâ, Chrusmate a loci Ordinario accepto, omnibus indistincte administrare. Tot tantisque condecoratus privilegiis, renuebat Abbas accedere ad Synodum Episcopalem; Sed causæ articulo examinato in sacra Congregatione Concilii, cum hæc animadverterit, nullum ab Abbate privilegium produci, quo specialiter & expresse eximatur ab onere accedendi ad Synodum, propterea anno 1680. dixit, eum omnino interesse debere: Quæ omnia a Nobis adnotata sunt in dissertatione, quæ elaboravimus, cum ejusdem sacre Congregationis Secretarii munere fungemur, in causâ Mantuana discussâ die 17. Augusti 1727., de qua in *Thesaur. Resolut. tom. 4. pag. 109. & seqq.*, & præsertim pag. 112. num. 7.

7 Hæc de Sæcularibus: Ad Regulares redeamus. Usus quondam apud Monachos invaluerat, ut uni principali monasterio plura inferiora subessent, perinde ac membra suo capiti; hunc morem describit Mabilon. in *præfat. ad sæcul. v. Act. SS. Benedict. g. 4. num. 53.* his verbis: *Observare convenis . . . eam fuisse in nobilioribus monasteriis disciplinam, ut qualibet minores sub se haberent colonias, quæ Cella, Præpositura, Obodientia, Prioratus, Monasteriola, & Monasteria passim, immo & Abbatis aliquando vocabantur. In illis cellis erant Præpositi, seu Decani ad nutum Abbatis, qui principali monasterio præerat, amovendi: Cuius qui Abbas illis præferebantur, non nisi prius habito primi Abbatis consensu, eorum subas electis, ab eodem pfectis confirmanda. Quandoque autem contingebat, principale monasterium esse plene exemptum ab Episcopi jurisdictione, secus vero inferiora; In quo rerum statu, Abbas, qui alicui ex inferioribus præerat, quamvis professionem emisisset in principali monasterio exempto, attamen, ratione alterius monasterii, non exempti, cui præerat, tenebatur adesse Synodo Diocesanæ juxta sententiam latam ab Innocentio III. in cap. *Ex ore*, de privilegiis, ubi controversiam, hac ipsa de re agitatam inter Abbatem Evasensis coenobii, & Vigoriensem Episcopum, ita definivit: *Sententialiter definimus, quod Eccl. coenobium liberum est in capite, tanquam ab Episcopali jurisdictione prorsus exemptum, & soli Romanæ Ecclesiæ subiectum . . . .* In membris autem, quæ non probantur exempta, Diocesano Episcopo, ipsum subiacere, decernimus: Propter quod Abbas ad Synodum ejus debet accedere . . .* *pro*  
*ipsis*

*ipsis quoque membris non exemptis idem Abbas tenetur Vigoribus. Episcopi exhibere reverentiam, obsequium, & honorem. Ex hac porro Innocentii Decretali evidenter conficitur, potiori jure debere ad Episcopalem Synodum accedere Abbatem Regularem, qui non solum nulla fruatur personali exemptione, sed & insuper monasterio præficitur Episcopi jurisdictioni plenè subjecto.*

8 Si vero Abbates, una cum monasteriis, quæ regunt, sunt omnino ab Episcopi jurisdictione exempti; non ideo tamen sunt statim liberi pronuntiandi, ab obligatione interveniendi Synodo Episcopali, sed considerandum est, an simul cum aliis sui Ordinis monasteriis coalescant in unum corpus, seu conficiant unam Communitatem, cujus singula membra subdantur Capitulo generali ejusdem Ordinis; vel potius monasteriis præficiantur, quorum quodlibet solitarium est, nullam nimirum habens cum aliis Ordinis monasteriis conjunctionem, nullum societatis, & mutue communicationis vinculum; Atque ideo eorundem monasteriorum Prælati nullam Superiorem Generalem agnoscunt, cujus Capitulo subjiciantur; cujus generis monasteria non pauca, extra Italiam reperiri, exploratum est omnibus. Primi non coguntur accedere ad Episcopi Synodum; Secundi omnino accedere debent; Illos siquidem, & non istos exemptit Tridentinum *sess. 24. cap. 2. de reform.* ita decernens: *Synodi quoque Dioecesanæ quotannis celebrentur: ad quas exempti etiam omnes, qui alias, cessante exemptione, interesse deberent, nec Capitulis generalibus subdantur, accedere teneantur.* Cum enim exceptio firmet contrariam regulam, pro non exceptis, manifestum inde fit, Regulares, generali Capitulo non subiectos, nulla ratione posse se a Synodo subducere, sicuti optime perpendunt Fagnanus in *cap. Quod super his, de majoris & obed. num. 5.* Cardinalis de Luca de *jurisdic. disc. 37. num. 5.* Cardinalis Petra cit. *loc. num. 108.*

9 Nullam vero distinctionem adhibendam, censuit Tridentinum quoad illos Regulares, qui curam gerunt animarum, sed hos omnes, siue subiecti, siue non subiecti sint Capitulo generali, universim, promiscue, & indistincte Synodo interesse debere, decrevit: *Ratione tamen* (ait cit. *loc.*) *Parochialium, aut aliarum Sacularium ecclesiarum, etiam annexarum, debeant illi, qui illarum curam gerunt, quicumque illi sint, Synodo interesse.* Idem, longe ante Tridentinum, edixerat Concilium Provinciale Moguntinum anno 847. *cap. 14. (in collect. Harduini tom. 5. col. 11.)* districtè præcipiens, ne ullus Monachorum, qui Parochialibus præerant ecclesiis, Episcopalem Synodum effugeret: *Nullus Monachorum* (inquit) *aliquid proprietatis habeat ..... nec Parochias ecclesiarum accipere præsumat, sine consensu Episcopi. De ipsis vero titulis, in quibus constituti fuerint, rationem Episcopo, vel ejus Vicario reddant, & convocati ad Synodum veniant.*

10 Quam porro, Tridentino inherentes, hætenus adhibendam diximus inter Regulares distinctionem, non solum fuscè explicant Doctores; præcipue Gonzalez in *cit. cap. Quod super his, de majoris, & obed. num. 8.*

Anto-

Antonius Paulutius de *Constituti Ecclesiast.* pag. 453. num. 6. *Biblioth. maxim. Pontif. tom. 4.* Gavantus in *praxi de Synodo Dioces.* cap. 2. in annotat. §. 1. num. 4. Tamburinus, Fagnanus, Cardinalis de Luca locis citatis, sed exacte servandam, statuit sacra Congregatio Concilii in causa Regularium, die 19. Novembris 1604. (lib. 10. decretor. pag. 102. a tergo): *Sacra &c. censuit, quoad primum esse injungendum omnibus Regularibus, qui vel Capitulis generalibus non subduntur, vel Curam animarum exercent, ut ad Synodos Diocesanas accedant sub poena privationis vocis activa, & passiva ipso facto incurrere, atque aliis poenis, arbitrio Episcoporum imponendis, etiam excommunicationis: adeo ut jus declarandi, atque poenas imponendi, ad Episcopos, non obstante quacumque exemptione, pertineat, eisdemque Episcopis jus sit predictos Regulares, qui nullis Capitulis subduntur, absolute cogere ad Diocesana Synodi observationem, eos vero, qui ratione Cura animarum interfuerint, ad servanda ea omnia, qua in Synodo decreta fuerint circa Curam animarum, & administrationem Sacramentorum. Quodque hic de Parochis Regularibus sanciverat, eadem sacra Congregatio iterum confirmavit in causa Passavien. Jurisdictionis, die 1. Octobris 1661. (lib. 22. decretor. pag. 661. & seqq.): cum enim quinto loco disputatum fuisset: An Parochi Religiosi monasteriorum exemptionum, ut supra, vocati ad Synodum, teneantur venire, ac mandata Episcopalia accipere, circa ea qua pertinent ad dictam Curam, pariterque festa propria diocesis populo denuntiare, & celebrare Jubileam, & alia mandata Apostolica ab ipso diocesano Episcopo recipere. Respondum fuit: Ad quintum teneri.*

II. Verum, cum animarum Cura, ecclesiae Regulari annexa, possit ab ecclesiae Prælato exerceri, vel per se, vel per Cappellanos, ad nutum amovibiles, vel per Vicarium Sæcularem prævia approbatione Episcopi, in perpetuum deputatum, singuli casus sunt speciatim expendendi. De primo, utpote manifeste comprehenso in enuntiato Tridentini decreto, nulla fieri potest quæstio. De secundo dubitari potest, an ipse Prælatus Regularis, an potius ejus Cappellani Curati debeant Synodo interesse. Sed communiter sentiunt Doctores, hanc obligationem inesse Prælato, juxta celebrem decis. 190. coram Seraphino; Quoniam, pergit Cardinalis de Luca cit. diss. 37. de jurisdictione num. 3. tunc ipse Prælatus personam gerit Curati, alique ab ejus nutu pendentes, meri reputantur ejusdem adjutores, & ministri; Unde rationi consentaneum est, ut Prælatus a Synodo normam accipiat, ad quam & se, & obnoxios sibi ministros, in animarum regimine dirigere debeat. In tertio casu, cum universum exercitium Curæ translatum sit in Sacerdotem Sæcularem, etsi ea habitu remaneat penes Prælatum Regularem, conveniunt pariter inter se Doctores, illi, & non huic incumbere onus accedendi ad Synodum; Vicarius quippe, & non Prælatus Regularis, cujus vices gerit, potest Episcopo, & Synodo rationem reddere parociae, quam actu regit, sicuti docet, & decisum testatur Fagnanus in cap. *Quod si de his, de majoris. & obed.* num. 7. cui subscribit Cardinalis de Luca cit. loc.

12 Sed quid, si Cura annexa sit, non ecclesie principali Conventus, seu monasterii, sed alteri ecclesie, monasterio accessorie unitae; eaque regatur, non per Vicarium Sæcularem, sed per aliquem Regularem, a monasterii Prælato designatum, atque ad ejusdem placitum amovibilem? Quinam tunc Synodo adesse debet, Prælatus ne, an iste Regularis, Curam actu administrans? Hanc quæstionem movet modo citatus Cardinalis de Luca num. 4., eamque dirimit dicendo, non Prælatum, sed Vicarium Regularem debere Synodo intervenire: Et recte; quia, posita locali separatione ecclesie Curatæ a monasterio, Vicarius Regularis, qui in ecclesia Curata residet, eamque actu administrat, solus versatur inter parochie incolas, eorumque indolem & mores solus cognoscit; Ex quo fit, ut loci Ordinarius in ceteris omnibus parociam respicientibus, hunc, & non monasterii Præfulem, consulat, & si opus fuerit, moneat, ac corrigat, neque ullam monasterii Prælati rationem habeat, nisi cum eidem injungendum duxerit, ut præfatum Regularem, a Curæ exercitio removeat. Accedit sæpius contingere, ut ecclesia Curata, & monasterium, cui est accessorie unita, in diversis existant diocesisbus, ac propterea, nisi Regularis, qui ecclesiam Curatam actu administrat, teneretur interesse Synodo, a loci Ordinario indictæ, neque ipse, neque ejus Prælatus compelli possent ad illam accedere.

13 Idemque juris esse, arbitramur, cum animarum Cura est annexa quidem principali ecclesie monasterii, ubi Prælatus residet, regitur tamen & administratur per Regularem, non ab ipsomet Prælato, sed a Capitulo electum & designatum, ita ut non sit in Prælati arbitrio illum a Curæ exercitio divellere; Quod evidenter colligi autumamus ex decreto, a sacra Congregatione Concilii edito die 1. Aprilis 1656. in causa novæ Segobinæ Insularum Philippinarum (*lib. 19. decretor. pag. 568.*) in qua rescriptum fuit: *Episcopum procedere posse ad poenas etiam censurarum contra Regulares exercentes Curam animarum in ecclesiis Parochialibus Regularium, si renuant accedere ad Synodum, non autem contra Superiores eorundem Regularium.*

14 Sed, quanquam hæc ita de jure se habeant, quandoque tamen Regulares privilegium obtinent, quo se ab accessu ad Synodum excusari, arbitrantur. Ejusmodi privilegio, credere fas est, fuisse olim donatos Monachos Cistercienses, ne secus dicamus, eos contra jura deliquisse, cum inter statuta in Capitulo generali anno 1270. condita cap. 12. vetuerunt Abbatibus Lemovicensibus, accedere ad Synodos Episcopales, sicuti legitur apud Martene, & Durand tom. 4. *Theauri nov. anecdotor. col. 1440.* Quod certo scimus, est, Fratribus Prædicatoribus, & Minoribus fuisse illud concessum a Gregorio IX. in cap. *Nimis prava, de excess. Pralat.* Ferunt quoque Monachos Cassinenses, & quoddam alios Regulares, etiam Curam animarum habentes, simile indulgum impetrasse ab Eugenio IV.; Quamobrem Murga in adnotat. ad primam decisionem post conuentaria ad Com-

*sirutiones*



*stitutiones Apostolicas, & in tract. de Beneficiis quest. 2. cap. 109.* eos subtrahit ab obligatione interveniendi Synodo. At certe hallucinatur, & scilicet: ea quippe privilegia, ante Tridentinum obventa, ab eodem Tridentino revocata & abolita sunt, atque ideo nullus Regularium, qui alias de jure ad Synodum pergere tenetur, potest illam evadere obtentu privilegii Apostolici, nisi doceat, tale privilegium fuisse, post Tridentinum concessum. Ita contigit in lite, olim exorta inter Archiepiscopum Beneventanum, & Monachos S. Sophiæ Rectores ecclesiarum Parochialium, quæ eidem monasterio S. Sophiæ sunt unitæ: renuebant Monachi interesse Synodo, ad quam ab Archiepiscopo cogeantur adire: & sacra Congregatio Concilii, in qua Causa disceptabatur, non antea Monachos ab obligatione parendi Archiepiscopo solutos, declaravit, nisi postquam docuerunt de expresso privilegio, non adeundi ad Synodum, sibi a S. Pio V., & propterea post Tridentinum collato, quemadmodum referunt, & ad rem animadvertunt Fagnanus in *cit. cap. Quid super his, de majorit. & obed. num. 12.* & Cardinalis Petra ad *Constitut. Apostol. t. m. 5. pag. 131. num. 118.*

15 Secus est de consuetudine, qua etiam aliquando sulciri se posse, credunt Regulares, ne teneantur ad Synodum ire: etenim, quamvis Cardinalis de Luca *cir. disc. 37. de jurisdict. num. 6. & seqq.* opinetur, sola consuetudine absolvi posse Regulares a lege, eos ceteroquin ad Synodum ire adstringente, solumque disputeret, an sufficiat decennalis, vel requiratur quadragenaria; verius tamen est nullam consuetudinem, nisi tanti temporis sit, ut præsumptionem inducat privilegii Apostolici, Regularibus quoad hoc, prodesse: quoniam aut consuetudo, de qua est sermo, præcessit Concilium Tridentinum, & illa ab eodem Tridentino fuit abrogata; aut est inducta post Tridentinum, & hæc infringitur a bulla Pii IV. qua Concilii Tridentini Acta, & decreta confirmantur; & magis aperte ab alia ejusdem Pontificis Constitutione, data 13. Kalend. Martii 1565., ubi omnia, & singula, quæ Concilii decretis adversantur, sive antea inducta, sive in posterum inducenda, nulla, invalida, irrita, & nemini, tam in foro fori, quam in foro conscientie, suffragari posse, decernit.

16 Abbates, de quibus hucusque locuti sumus, de eorum numero sunt, qui potiuntur exemptione, primæ dumtaxat, aut secundæ speciei, quod quilibet potuit ex iis, quæ diximus, advertere. Aliud dicendum de Abbatibus prædictis nobiliori exemptione tertie speciei, cum territorio separato, & vera qualitate *Nullius*: durum quippe Nobis videtur, istos proprium habentes territorium, in quo jura exercent quasi Episcopalia, adigere ad interveniendum Synodo vicini Episcopi, si ipsimet Abbates facultatem habeant propriam Synodum celebrandi. Solumque disceptari posset, an, qui hac facultate carent, cogendi sint ad eligendum aliquem, quem maluerint, ex finitimis Episcopis, cujus Dioceseos Synodo intersint. Rationem dubitandi præbet sæpius allegatum decretum Tridentini *sess. 24. cap. 2. de reform.* obligans Episcopos, nulli Archiepiscopo subje-

ctos, ad semel eligendum aliquem Metropolitanum, ad cujus Provinciale Concilium semper deinceps teneantur accedere; quo quidem decreto officium Abbates vere *Nullius*, decisum fuit in particulari Congregatione, deputata a san. mem. Benedicto XIII. & habita die 8. Maji 1725., in responsionibus ad quintum, & sextum dubium: inde enim, propter rationis paritatem, inferri posse, videtur, eosdem Abbates, si potestate careant propriam Synodum habendi, obstringendos similiter esse, ad eligendum Episcopum, cujus Synodo assistant; ne secus Clerus & populus, cui præficiuntur, omni careat Synodali statuto. At nihilominus, re melius perpenſa, oppositum Nobis dicendum apparet: etenim onus eligendi Metropolitanum, ad cujus Provinciale Concilium conferre se debeant, a Tridentino impositum est solis Episcopis, nulli Archiepiscopo subiectis, & solum, per extensionem, translatum est ad Abbates, tertiæ speciei, habentes territorium separatum a dioecesi cujuscumque Episcopi; absolum autem, atque ab omni æquitate devium Nobis videtur, iterum extensionem (ut ita dicamus) extendere, seu oneri per extensionem Abbatibus imposito, novum onus adjicere: quod profecto scimus, nunquam fuisse in praxi receptum.

## CAPUT II.

*De Abbatibus, Prioribus, Guardianis Conventuum, subjeſtorum jurisdictioni Episcopi, tanquam Sedis Apostolicæ Delegati.*

I **A**D intelligentiam eorum, quæ in præſenti capite dicturi sumus, brevis præmittenda est notitia suppressionis quorundam Religioſorum Conventuum, factæ ab Innocentio X. Quoniam exiguus Religioſorum numerus, in parvis cœnobiis commorantium, plerumque in causa est, cur Regularis disciplina ibidem relaxetur, & corruat; inde enim fit, ut Religioſi, qui ob eorum paucitatem, Choro vacare, ceteraque cujusque Ordinis propria Instituta explere non valent, otio indulgeant, liberiores evadant, ac sæcularibus negotiis se immisceant, idcirco Innocentius X. in sua Constitut. 50. (tom. 5. Bullar. pag. 524.) quæ incipit: *Inſtauranda*, data idibus Octobris 1652. multa ex ejusmodi cœnobiis, in Italia, eique adjacentibus Insulis sita, atque in litteris Congregationis, super hac re specialiter deputatæ, nominatim expressa, auctoritate Apostolica suppressit, extinxit, & abolevit. Verum, cum postea plerique Regularium Ordinum Superiores eidem Pontifici supplicassent, ut aliqua ex suppressis cœnobiis in pristinum statum restitueret, ac præterea ex publicis documentis, & Episcoporum attestacionibus constiſſet, in illis tot ali posse Religioſos, qui, etſi numerum non exæquant, quem Pontifex optaverat, ſufficientes tamen videri poterant ad Regularem custodiendam disciplinam, & insuper neceſſarii reputabantur ad excipiendas populi Conſeſſiones,

feſſiones, & Divina perſolvenda Officia in locis, ubi alii non reperiebantur Regularium Conventus, Innocentius X. porrectis ſibi precibus indulgens, nonnulla ex præſatis cœnobiis redintegravit, & Regularibus reſtituit, hiſce tamen adjectis legibus: primò, ut in illis ſex alii poſſent, & actu aſſerentur Religioſi probatæ vitæ, quorum ſaltem quatuor eſſent Sacerdotes maturæ ætatis: ſecundò, ut iidem Conventus, antea ſuppreſſi, & poſtea reſtituti totaliter ſubjacerent juridiſctioni Ordinarii, tanquam a Sede Apoſtolica delegati; quam ſubjectionem duraturam, decrevit, quamdiu iidem Conventus tantas adepti non eſſent fortunas, ut ſuſtentare poſſent, & actu ſuſtinentarent duodecim Religioſos. Aliud autem idem Pontifex ſtatuendum duxit, de parvis monaſteriis, cœnobiis, ſeu Conventibus, intra Italiam pariter, eique adjacentes Inſulas exiſtentibus, quæ nunquam ſuppreſſa fuerunt: hæc ſiquidem Epiſcoporum juridiſctioni tunc ſolum ſubjecta eſſe, ſancivit, cum in iis actu non degunt ſex Religioſi; ſed ſi ſex Religioſi in hiſce cœnobiis nunquam ſuppreſſis, commorentur, illa eaſdem gaudere, voluit, exemptione, qua antea fruebantur. Habentur hæc omnia in decreto, incipiente: *Uti parvis*, quod prodiit die 10. Februarii 1654. Totaque rei geſtæ ſeries, a Fagnano, qui particularis Congregationis ab Innocentio X. deputatæ, fuerat Secretarius, deſcribitur in *cap. Relatum, ne Clerici, vel Monachi*; & ſpecialis hiſtoria ſuppreſſionis, & ſucceſſivæ reſtitutionis aliquorum Conventuum diœceſis Bononiensis edita eſt poſt Synodum Diœceſanam Cardinalis Hieronymi Boncompagni.

2 Præſata diſtinctio inter parva Religioſorum cœnobia, quondam ſuppreſſa, & poſtea redintegrata, atque ea, quæ nunquam ſuppreſſa fuerunt, eſt præ oculis habenda, ne contra Innocentii decretum, idem ſeratur de utriſque judicium. Loquendo itaque de Conventibus primi generis: ſtatim excitata eſt controverſia, an ita illi ſubjacerent juridiſctioni Ordinarii, ut ſimul cenſerentur ſubtracti a juridiſctione Prælatorum Regularium. Et, teſte Fagnano in *cap. Quanto, de offic. Ordinar. num. 41.* deſiſum fuit, non eſſe adeptam Prælato Regulari juridiſctionem, qua antea potiebatur, ſed eamdem promiſcue, ſeu cumulative datam etiam Ordinario, ita ut inter utrumque locus ſit præventioni. Sed quia nimis facile foret, ut Superior Regularis ſemper, atque in omnibus Ordinarium præveniret, ejuſque juridiſctionem prorsus eluderet, propterea ab Alexandro VII. certi quidam caſus determinati ſunt, in quibus, non obſtante præventionem Superioris Regularis, licere, voluit, Ordinario cauſam ad ſe avocare; & ſimul quædam regulæ præſcriptæ, ad quas & Ordinarii, & Superiores Regulares, in eorumdem Conventuum regimini, conformare ſe debeant, quæ videri poſſunt apud eundem Fagnanum *citato loco num. 42.*

3 Unica reſtabat dirimenda quæſtio; an ſcilicet Abbates, Priores, Guardiani, & uno verbo Superiores Conventuum, de quibus agimus, teneantur intereſſe Synodo, ab Epiſcopo indictæ. Et etiam hanc definiit

A. 6.

Alexander VII. suis Apostolicis litteris, datis die 30. Martii 1661., quorum memineret de Alte Archiepiscopus Hydruntinus, in *methodo visitationis Apostolicae part. 5. §. 2. num. 18.* Verhorst in *addit. ad Chukier de iurisdic. in exemptis tom. 3. in addit. ad part. 4. quest. 19.* Romaguer. ad *Constitus. Synod. Gerundenf. tom. 1. lib. 1. cap. 2. num. 9.* Exque per extensum relata a Fagnano in *cit. cap. Quanto, num. 64.* ita se habent: Cum scis accepimus, posito decreto *fel. rec. Innocentii Papa X. incipiente: Ut in parvis; die 10. Februarii 1654.* edito, quo parvi Conventus non habentes praescriptum numerum Religiosorum, visitationi, correctioni, & omnimoda iurisdictioni Ordinarii loci, tanquam super hoc a Sede Apostolica delegati, plene in omnibus subiacentur, dicitur; an Abbates, Priores, Guardiani, & alii praedictorum Conventuum Superiores, ab Episcopo vocati, ad Dioecesanam Synodum accedere teneantur; Nos, ejusmodi dubium tollere cupientes, praefatos Abbates, Priores, Guardianos, & alios parvarum Conventuum hujusmodi Superiores, ad Synodum Dioecesanam accedere teneri, si ad eam ab Episcopo, nri Sedis Apostolica Delegato, vocentur, auctoritate Apostolica, tenore praesentium, declaramus, & ita ab omnibus, ad quos pertinet, servari praecipimus.

4 Alexandri VII. sanctioni concinit decisio sacrae Congregationis Concilii in causa Pientina Synodi, quam, ad ubetiolem rei elucidationem, integram atteximus. Insuper Promotore Synodi Dioecesa Pientinae pro declaratione, an Superiores parvarum Conventuum teneantur accedere ad Synodum Dioecesanam, quatenus fuerint vocati ab Episcopo, tanquam Sedis Apostolica Delegato, data fuerint litterae pro informatione Ordinario, qui retulit, Guardianum Minorum Conventuum Sancti Quirici ad Synodum Dioecesanam die 24. Septembris proxime elapsi accessum comparuisse per Procuratorem, asserendo, non teneri accedere, eo quia Fratres Minores Conventuales obstringi non poterant legibus Synodalibus: Priorem vero Seroorum Beatae Mariae Virginis se excusasse per epistolam, ex quo dictam visitationem generalem sui cenobii expectabat; Et denique Patrem Guardianum Conventuum civitatis Pientinae, absque ulla hesitatione, Synodo interfuisse; Unde EE. VV. exorat, ut, ne Superiores hujusmodi parvarum Conventuum subjectionem suae iurisdictioni quodammodo excusant, licet in his, qua respiciunt visitationem, & correctionem, ad tenorem decreti san. mem. Innocentii X. incipientis: *Ut in parvis*, semper suam exercitiorum facultatem; declarare dignentur, illos teneri ad Synodum accedere, mediantem resolutione infra scriptorum laborum.

Primo: An Patres Guardiani, ceterique Superiores parvarum Conventuum teneantur accedere ad Synodum Dioecesanam, quatenus fuerint vocati ab Episcopo, tanquam Sedis Apostolica Delegato. Et quatenus affirmative.

Secundo: An causa, quae vocati non interveniant, subiacere debeat multis in praedicta Synodo Dioecesa adversus contumaces comminata.

Die 16. April 1703. sacra Congregatio Eminentissimarum S. R. E. Cardinalium, Concilii Tridentini Interpretum, ad primum respondit affirmative; ad secundum pariter affirmative arbitrio Ordinarii, excepta multa pecuniaria.

§ Jam,

5 Jam, ut a suppressis, & relictis ad parvos Conventus, nunquam suppressos, gradum faciamus: si hos actu non incolant sex Religiosi, quorum quatuor sint Sacerdotes, juxta censuram allegati decreti Innocentii X., non secus ac priores, de quibus hactenus, subduntur jurisdictioni Ordinarii loci, & proinde metiendi sunt eodem jure, quo illi. Si vero sex in iis alantur Religiosi, eoque magis si plures, ab Ordinarii jurisdictione, penitus eximuntur, quod liquet ex enuntiato decreto, & diserte declaravit sacra Congregatio super statu Regularium die 29. Novembris 1657.: *Sacra Congregatio super statu Regularium censuit, Conventus, nunquam suppressos, in quibus actu degunt de familia plures, quam sex Religiosi, minime comprehendendi in decreto san. mem. Innocentii X., quod incipit: Ut in parvis; ac proinde locorum Ordinarius nequaquam posse, in vim dicti decreti, in hujusmodi Conventibus, aut illorum personis ullam sibi jurisdictionem vindicare; quam declarationem postquam retulit Panimoll. decis. 84. annor. 2. num. 62. addidit: Pro cuius observantia decreti respondit sacra Congregatio Concilii in Melphiten. Jurisdictionis 3. Augusti 1686. Causa autem Melphitensis, quam innuit Panimolla, hæc fuit. Cum Episcopus Melphitensis sacra visitaret Apostolorum limina, quæsit a sacra Congregatione Concilii, an sibi competere delegata jurisdictio in parvos suæ diocesis Regularium Conventus, nunquam suppressos, in quibus non alerentur quatuor Sacerdotes, ita ut jus sibi esset, non solum iisdem Conventibus annexas ecclesias, sed & ipsos Conventus, ejusque cubicula, ac præterea inibi existentes Regulares personaliter visitare. Et sacra Congregatio die 3. Augusti 1686. respondit: Servandum esse decretum Congregationis super statu Regularium, editum 29. Novembris 1657.*

6 Quamobrem Regulares, qui sen, ut præscriptum est, parvis in Conventibus, nunquam suppressis, degunt, nisi curam animarum habeant, adstringi nequeunt ad interveniendum Episcopali Synodo; quemadmodum in eadem, quam retulimus, causa Pientina, eadem sacra Congregatio Concilii, de his postmodum specialiter consultæ, expresse sancivit.

7 In sacra Congregatione, habita sub die 16. Junii proxime elapsi, propositis ad instantiam Promotoris Fiscalis Curia Episcopalis Pientina infra scriptis dubiis, nempe: Primò, an Priores, Guardiani, ceterique Superiores parvorum Conventuum teneantur accedere ad Synodum Dioecesanam, quatenus fuerint vocati ab Episcopo, tanquam Sedis Apostolica Delegato. Et quatenus affirmative.

8 Secundò, an casu, quo vocati, non interveniant, subiacere debeant multa, in prædicta Synodo Dioecesana adversus contumaces comminata. Rescriptum fuit; Ad primum: Affirmative; Ad secundum: Affirmative, arbitrio Ordinarii, excepta multa pecuniaria. Reclamante autem adversus hujusmodi resolutionem Priore, & Patribus Conventus B. Maria Virginis Servorum loci Scraiani, sub fundamento, quod dictus eorum Conventus non sit comprehensus in decreto san. mem. Innocentii X. incipiente: *Ut in parvis; renovato per Constitutionem san. mem. Alexandri VII., eo quia, ut asseritur, nunquam fuit suppressus, ac sem-*

*ac semper ibidem manserunt de familia sex Religiosi, Eminentiss vestris resolvendum proponitur.*

9 *An respectu dicti Conventus B. Marie Virginis loci Scrofanī sit standum, vel recedendum a decisīs in casu &c.*

10 *Die 15. Septembris 1703. sacra Congregatio Eminentissimorum S. R. E. Cardinalium, Concilii Tridentini Interpretum, censuit, Conventum Scrofanī non esse comprehensum.*

### C A P U T I I I.

*De obtinentibus Dignitates, Personatus, Officia, & de Vicariis, tum Generali, tum Foraneis.*

1 **D**ignitas, Personatus, & Officium, sæpe promiscue accipiuntur: strictè tamen, & juxta juris apices, distincta sunt Beneficia; Dignitatem quippe obtinere dicitur, qui ratione Beneficii, quod possidet, præminentiam habet, cum jurisdictione in Foro externo, sicuti olim erat, & alicubi etiam nunc est Archidiaconus: Personatum, qui solam præminentiam, sine jurisdictione, uti Prior, & Decanus: Officium, qui, nec præminentiam, nec jurisdictionem, sed administrationem dumtaxat habet aliquarum rerum, ad ecclesiam pertinentium, uti Sacrista, & Thesaurarius. Hi omnes, lato quodam loquendi modo, dicuntur Prælati, & eapropter, si sint de Clero Sæculari, nec privilegio, post Tridentinum impetrato, excusentur, tenentur Synodo Dioecessanæ interesse; quod asserunt Massobr. *de Synodo Dioec. cap. 3. dub. 2. num. 9.* Gavant. *in praxi Synodi Dioec. cap. 2. in addit. num. 4.* Pax Jordan. *lucubrat. lib. 8. tit. 2. num. 46. & seqq.*

2 Vicarius Generalis Episcopi, quamquam a jure quandoque dicatur Officialis, ut in *cap. Licet, de offic. Vicar. in 6., & Clement. 2. de rescriptis*, attamen in aliquibus regionibus, ultra Montes, præsertim in Gallia, & Belgio, usus obtinuit, ut ab Officiali distinguatur, & Vicarius nuncupetur, qui ea exercet, quæ sunt jurisdictionis voluntariæ, Officialis vero, qui jurisdictioni præest contentiosæ, quod testantur Caballut. *in theoria & praxi jur. Canon. lib. 1. cap. 13. num. 1.* & Van-Espen *juris Ecclesiast. tom. 1. par. 1. tit. 12. cap. 5.* atque Altaserra *in vindic. Ecclesiast. jurisdict. lib. 7. cap. 6.* Apud nos autem unus, & idem Episcopi vices, in utriusque jurisdictionis exercitio gerere consuevit, quod etiam esse juri conformius observavit VVilhelmus Lindevvode *ad Constitutiones Angliæ lib. 2. ad tit. de sequestratione possessionis, & fructuum, verb. Vicarios Generales*, inquiens: *Horum potestas differt ab Officialium principalium potestate, de quibus sequitur in Textu: nam Officiales dicuntur, quibus causarum cognitio generaliter per habentes jurisdictionem Ecclesiasticam committitur, in tales transfunditur cognitio causarum totius diocesis, non tamen inquisitio, vel correctio, sive*  
punictio

punitio criminum &c. Sed Vicarii Generales omnia prædicta facere possunt virtute officii, excepta collatione Beneficiorum. Quid porro Vicarius Generalis juris habeat, quoad Synodum, absente Episcopo, jam supra ostendimus; it præsens asserimus, eum, præsentem, atque ita jubente Episcopo, & posse & debere Synodo intervenire; atque insuper affirmamus, maximopere decere & expedire, ut Episcopus velit, suum Vicarium Synodo adesse. Colligimus hæc ex quodam Brevis Gregorii XIV., edito ad dirimendam celebrem controversiam, quam subdimus.

3 Præsidente Cardinali de Castro Metropolitanæ Ecclesiæ Hispalensis, magna excitata est controversia inter Vicarium Generalem, & Capitulum Metropolitanæ super præcedentia sedendi in Synodo; eaque delata ad sacram Congregationem Concilii, cum adhuc indecisa penderet, san. mem. Sixtus V. ita decrevit: *Vicarium, seu Officium Generalem, præsentem Archiepiscopo, vel Episcopo, neque locum in Synodo Dioecesana, aut Capitulo, a jure communi habere, aut pretendere posse, ipsi vero Archiepiscopo, vel Episcopo absente, præcipuum in eadem Synodo locum obtinere debere.* Adversus hujusmodi Breve, prævia apositione oris, quam de voto sacræ Congregationis Concilii, a Gregorio XIV. obtinuit, reclamavit Cardinalis de Castro, aliudque ab eodem Gregorio reportavit Breve moderatorium decreti Sixti V., hisce verbis conceptum: *Vicarium, seu Officium, aut Provisorem Generalem Archiepiscopi, cujus præsentia in Synodis Dioecesanis, pro controversiis & litibus dirimendis, & querelis cognoscendis, & decretis statuendis necessaria omnino est, tam absente, quam etiam præsentem Archiepiscopo, primum locum post ipsum Archiepiscopum, & ante Capitulum, vel a Capitulo deputatos, in eadem Synodo Dioecesana de jure habere, & obtinere debere, nisi tamen ex consuetudine legitima, a Capitulo jus in eadem Synodo Vicarium præcedendi, constitutum esse acquisitum.*

4 Hæc, quæ indicantur in decisione Romanæ Rotæ in Hispalen. Juris sedendi in Synodo, 11. Junii 1697. curam Muto, edita apud Nicollum jur. Canon. tom. 1. litt. G. §. 3. post num. 180. eo tantum animo hic retulimus, ut a Gregorio XIV. rationes audiremus, propter quas oportet, ut Vicarius Generalis, etiam præsentem Episcopo, Synodo intersit; Nam de loco, ubi sedere debeat, infra erit sermo.

5 Præter Vicarium Generalem, qui toti præest diocesi, alii ab Episcopis constituuntur peculiare Vicarii, dicti *Foranei*, ut extra civitatem in pagis, & oppidis jus dicant, in quibusdam levioris momenti causis, & jurisdictionem exercent, ad certos dumtaxat actus limitatam; A quorum tamen sententiis liberum est ad Episcopum appellare, juxta Glossam in Clementina 2. verb. *Foraneo*, ubi Archidiaconus, & Cardinalis, de rescriptis, & late deducta per Sbrozzium de Vicario Episcopi lib. 1. quest. 3.

6 Ejusmodi Vicariorum originem antiquissimam esse, atque ad Choroepiscopos referendam, non immerito arbitratu juvenin. de Sacrament. differtat. 9. cap. 5. num. 1. Quamquam enim Rabanus Archiepiscopus

Moguntinus in *opusc. de Chorepisc.*, quem sequuntur Beveregius in *natis ad Conc. Ancyran. can. 13.* Bingamus *origin. Ecclesiast. tom. 1. lib. 2. cap. 14.* Caveus, Blondellus, Tournely, alique existiment, Chorepiscopos, Ordinatione, & caractere, veros Episcopos fuisse; attamen, quod citatus Bingamus fatetur, communior, magisque recepta est opinio, fuisse eos tantummodo Presbyteros, quemadmodum fule probant Turrianus *not. ad can. LIV. Nicen. Arab. Ektius in IV. dist. 24. §. 30.* Anton. Augustinus *epist. jur. Can. lib. 6. tit. 1. cap. 8. 11. & 13.* Morinus *de sacr. Ordin. part. 3. exercit. 4.* Thomassinus *de vet. & nov. Eccles. discipl. part. 1. lib. 2. cap. 13. & 14.* Natalis Alexander *append. ad dissert. 44. ad sac. IV. et si negari haud possit, quandoque contrigisse in Chorepiscopum assumi, qui Episcopali caractere esset antea insignitus, & a sua dioecesi, ob persecutionis aetum expulsus, aut ejusdem administratione, in alicujus gravis criminis poenam, legitima auctoritate privatus, quod opportune animadvertunt Bellarm. de Clericis lib. 1. cap. 17. Hallier de sacr. Ordin. fest. 5. cap. 2. Cabassutius *motit. Concil. cap. 8. & Petrus de Marca lib. 2. de concord. cap. 13.* : Si quidem Concilium Nicænum *can. 8.* ita prospexit Episcopis Novatianis, qui ad Catholicam redirent Ecclesiam, ut ab Episcopo loci, sive ad Presbyteri cujusdam oppidani, sive ad Chorepiscopi officium admitterentur; idemque decretum fuisse, de Episcopis Meletianis, ad Ecclesiae unitatem revertis, colligitur ex ejusdem Concilii epistola Synodica apud Socratem *lib. 1. cap. 9.* Jam ergo hi Chorepiscopi constuebantur in pagis, & oppidis, ut ea Episcopi loco gubernarent; Quamobrem a Ferrando Diacono, *breviar. cap. 79.*, vocantur Episcoporum Vicarii: *Chorepiscopi*, inquit, *idest Vicarii Episcoporum*, eandemque nomenclaturam, apud alios habent sacrorum Canonum Collectores. Quia porro Chorepiscopis præter jurisdictionem, ad regimen loci, cui præficebantur, necessariam, potestas quoque data erat conferendi minores Ordines, quibus tunc temporis accensebatur Subdiaconatus; Et aliquando, cum nimirum Episcopali caractere erant exornati, iisdem ab Episcopo loci facultas quoque delegabatur, conferendi Ordines sacros, inde factum est, ut Chorepiscopi, tot decorati prærogativis, eousque audaciz devenerint, ut in omnibus se Episcopis æquarent; Cumque nec Canones Conciliorum, præcipue Canon sextus Concilii Sardicenis, quartus Toletani 12., vigesimus secundus Francosfordiensis, septimus Hispalensis; neque epistolæ Decretales summorum Pontificum, & signanter epistola olim 88. Leonis Magni (si tamen ejus est, quod recentiores Critici negant) & epistola Leonis III. ad Episcopos Galliz, quibus Chorepiscoporum resrenabatur insolentia, satis fuissent, ad eos continendos in officio; idcirco sæculo VIII. & IX., ita pluribus præcipientibus Ecclesiz legibus, Chorepiscoporum ordo suppressi coepit, ac medio circiter sæculo X. prorsus extrinctus est, quod narrat Natalis Alexander *hist. Eccles. tom. 4. ad sæculum IV. in append. ad dissert. 44.**

7 Extinctis Chorepiscopis, sollicitudo lustrandi rusticanas parochias, præfi-



presidendi parvis oppidis, corrigendi ac puniendi in his degentes Clericos, quæ prius Chorepiscopis compete-  
bat, translata est in Archipresbyteros, Archidiaconos, & Decanos rurales, unde Sigebertus in *chronico* agens de Damaso II., qui Pontificatum iniit anno 1048. Archidiaconos, cum Chorepiscopis confudit, ita scribens: *Damasus Papa decrevit, ne quid contra Episcopos presumant Archidiaconi, qui dicuntur Chorepiscopi, id est villarum, & regionum Episcopi.* Erant igitur Archidiaconi, Decani, & similes, in Chorepiscoporum locum suffecti, Vicarii rurales, seu Foranei Episcoporum; Propterea Concilium Londinense anni 1237. *can. 2.* Archidiaconis, utpote vices Episcopi in sibi commissis diocesis regiunculis obeuntibus injungit: *Ut in suorum Decanatuum conventibus Sacerdotes maxime in his studeant erudire, docentes eos qualiter circa Baptismum, Pœnitentiam, Eucharistiam, & Matrimonium debeant se habere;* (ita legitur in collectione antiqua Spelmanni *tom. 2. pag. 222.* et in recentiori VVilkins *tom. 1. pag. 650.* *Eucharistia* nomen omisum sit). Et Concilium Lambethanum anni 1261. *can. 11.* ac Concilium ad Pontem-Audemari anni 1279. *can. 21.* iisdem Archidiaconis, & Diaconis ruralibus, veluti jurisdictionem in pagis exercentibus, districte præceperunt, ut in Clericos animadverterent, qui Clericalem Tonfuram non gestarent. Ut porro ejusmodi Vicarii Foranei proprio muneri facilius satisfacerent, a Concilio Colonienſi anni 1266. *can. 14.*, Excestrenſi anni 1287. *can. 31.* aliisque, congestis a Thomassinio de *vet. & nov. Eccles. discipl. part. 2. lib. 3. cap. 76.*, statutum est, ut eorum quilibet, singulis mensibus, omnes suæ jurisdictioni subjectos Sacerdotes in quamdam veluti ruralem Synodum, coram se congregaret, ubi & eos instruere, & quæ in sua regiuncula corrigenda essent, rescire posset.

8 Morem istum partiendi dioecesim in totidem, veluti minuculos Episcopatus, quorum singulis suis præsideret Vicarius, etſi pervagatissimus esset in toto sere Occidente, inusitatum tamen fuisse in nostra Italia, asserit laudatus Thomassinus, in quam primum invecum, credit a S. Carolo Borromæo, cujus rei causam refert in adeo angustis & coarctatis limitibus dioecesiſ. Italiæ, ut unus Vicarius Generalis, in civitate residens, visus sit toti dioecesi regendæ sufficere. At suspicamur, virum, ceteroquin eruditissimum, in hoc errasse: nam, ut prætermittamus vestigia, in plerisque dioeceseſibus adhuc extantia, antiquæ jurisdictionis, quam in aliqua earundem parte exercebant Archidiaconi, & Decani, Joannes Franciscus Bonhomius, Episcopus Vercellenſis, S. Carolo coævus, a quo, uti narrat Ughellius, anno 1572. fuit Episcopus inauguratus, in suis decretis generalibus reformationis Ecclesiasticæ editionis Colonienſis anni 1585. *pag. 119. & seqq.* differit de nostris Vicariis Foraneis, non tanquam recens institutis, sed veluti jamdiu antea inductis, dicens, eos assumi consuevisse ex Archipresbyteris, & Præpositis oppidorum, quod tamen monet, non oportere esse perpetuum, cum Vicarij Foranei officium illis dumtaxat sit

xat sit committendum, qui litterarum scientia, morum integritate, ac rerum agendarum usu, præstantiores sunt. De iisdem pariter Vicariis, ante Bonhomium, mentionem fecerat Petrus Franciscus Zinus in *exempla boni Pastoris*: adhuc quippe vivente celebri Joanne Matthæo Giberto, Episcopo Veronenſi, laudatus Zinus Giberti Constitutiones, typis Veronenſibus impreſſas, evulgavit, anno 1545., iterumque Venetiis excuſi curavit anno 1563., quarum nova editio denuo prodit Veronæ anno 1740. Jam autem in hac poſtrema editione pag. 290. proferitur teſtimonium Zini, aſſerentis, ab Episcopo Giberto conſtitutos fuiſſe, per ſuam Veronenſem dioceſim Vicarios Foraneos: Porro cum nec ipſe Episcopus (inquit Zinus) nec ejus Vicarius, & reliqui miniſtri, magna negotiorum urbium multitudine diſtenti, valeant ita accurate ea, quæ ruri gerenda ſunt, intueri, & animadvertere, utrum Sacerdotes ſe recte gerant, multos ex Archipreſbyteris, & Parochis peritiſſimis, & magis idoneis, tanquam Vicarios. . . . conſtituit. Vicarios quoque Foraneos nominatos legimus ab Innocentio IV. in cap. *Romana*, de offic. Ordin. in 6., at ibi Foraneos appellat Vicarios, quos Archiepiſcopus Remenſis conſtituere attentaverat, in ſuorum Suffraganeorum dioceſibus: De veris autem Vicariis Foraneis loquitur Clemens V. in Clem. 2. de reſcriptis, ubi differentiam ponit inter Episcopi principalem Officialeſ, ejusque Officialem Foraneum, qui in certa dioceſis parte, ad certos actus conſtituitur; notatque ibidem Gloſſa, ab hoc Officiali Foraneo poſſe appellationem interponi ad Episcopum, etſi Anaſtaſius Germanius animadverſ. lib. 1. cap. 7. contra communiter receptam, uſuque comprobataſ Gloſſæ opinionem, oppoſitum ſuadere conetur.

9 Verum quidquid ſit de primordiis Vicariorum Foraneorum in Italia, certum eſt, nunquam apud nos tantam illis tributam juſdictionem, quantam olim habuerunt, & alicubi etiam nunc habent, extra Italiam, ſed eorum facultates ad quædam dumtaxat levioris momenti negotia conſueviſſe reſtringi & limitari, quod jam ſupra obſervavimus.

10 Illos porro ad Synodum referendo: ſi ad coetum pertinent Parochorum, nullus dubitat, debere Synodo adeſſe: ſi vero ſimplices ſunt Preſbyteri, quamvis nullum poſſideant Eccleſiaſticum Beneficium, idem de iis ſtatuiſſimus, quod de Vicario Generali diximus; acceſſitos nimirum ab Episcopo teneri ad Synodum accedere. Affirmamus præterea, oportere, ut Episcopus omnes ſuos Vicarios Foraneos ad Synodum vocet, quoniam ab iſtis, tanquam oculatis teſtibus, melius, quam a Vicario Generali, certior fieri poterit de iis, quæ in remotis dioceſis partibus occurrunt, & aliquam ſortaſſe Synodalem ſanctionem expoſcunt.

## CAPUT IV.

*De Canonicis ecclesiæ Cathedralis, & Collegiarum.*

1 **C** Anonicos ecclesiarum Cathedralium invitandos esse ad Synodum Provincialem, deliberatum fuit in Concilio Provinciali Mechliniensi, celebrato Lovanii anno 1574. : *Fuit conclusum, & resolutum, quod posthac nominatim ad Concilium Provinciale vocabuntur Decani, & Capitula ecclesiarum Cathedralium*, apud Martene, & Durand *Thesaur. nov. anecdot. tom. 4. col. 451.*, & cum communi docet Fagnanus in *cap. Etsi membra*, a num. 37. usque ad fin. *De his, quæ sunt a Prelatis sine consensu Capituli* : Inviti tamen compelli nequeunt, ut interveniant, quemadmodum idem Fagnanus prosequitur : & si Concilio Provinciali intersint, votum mere consultivum, non decisivum habent, juxta decretum sacræ Congregationis Concilii, in Salernitana Synodi, die 19. Aprilis 1596. (*lib. 8. decretor. pag. 174.*) Capitularum Deputatos vocem dumtaxat consultivam in Concilio Provinciali habere.

2 Quod spectat ad Synodos Diocesanas, ut vera fateamur, nulla in antiquis Synodis fit mentio Canonicorum : sæpius quidem illis interfuisse, atque interesse debere, legimus, Abbates, Priores, Decanos, & Parochos, quod patet tum ex iis, quæ *hujus lib. 3. cap. 1. num. 1.* retulimus, tum ex statutis Synodalibus Joannis Episcopi Leodiensis, anni 1287. *Mandamus Decanis, & Sacerdotibus, & aliis, qui ipsi Synodo interesse tenentur*; & ex statuti Ecclesiæ Avenionensis, anni 1337. *cap. 8.* : *Hoc statuto precipimus & mandamus, ut de cetero, Priores, Rectores, Decani, & alii, qui ad Synodum venire consueverint &c.* atque ex statutis Ecclesiæ Meldensis, anni 1245. *Præcipitur districte, ut omnes Presbyteri, Curam animarum habentes, veniant ad Synodum* (*cit. tom. 4. Thesaur. anecdot. col. 829. & 891.*) sed nusquam Canonicos, specialiter nominatos, invenimus. At nihilominus, juxta præsentem disciplinam, ad Diocesanam Synodum invitandos esse Canonicos ecclesiarum Cathedralium, communiter asserunt Doctores, congesti a Monacello *tom. 1. tit. 5. formul. 3. num. 5.* Solumque quæstio est, an invitati teneantur adesse. Bottus in *tract. de Synodo part. 2. in princip. num. 22. & seqq.* & Massobrius de *Synodo Dioces. cap. 3. dub. 2.* affirmant : reluctantes cogi non posse, nisi tamen in Synodo agendum foret, de negotiis, ad eos pertinentibus, aut de rebus, in quibus ab Episcopo Capitulî consilium est exquirendum. Attamen sententia opposita, obstringens Canonicos Cathedralis ad interveniendum Synodo, saltem per aliquot, e Capituli gremio deputatos, magis recepta est apud Doctores, & usu comprobata : Primò, quia censentur constituti in quadam quasi dignitate, comparanda cum Prioribus, & Decanis, quos semper ad Synodum adactos nuper vidimus : Secundò, quia nunquam accidit, ut in Synodo non

non tractetur de Horis Canonicis, rite perfolvendis, de Cleri moribus re-  
formandis, de restauranda Ecclesiastica disciplina, ceterisque, quæ ipsos  
quoque Canonicos respiciant; in quo rerum eventu, omnes Doctores  
consentiunt, non licere Canonicis se a Synodo excusare, Barboſa de offic.,  
& potest. Episcopi part. 3. allegat. 93. num. 11. Pax Jordan. lib. 8. tit. 2. num. 59.  
Romaguer. ad Constitut. Synod. Gerunden. lib. 1. tit. 1. cap. 2. num. 15.  
& alii, eandem obligationem extendentes ad eorundem Canonicorum  
Coadjutores.

3 Episcopus Illerden. a sua Synodo Dioeſana tentavit excludere Ca-  
nonicum Pœnitentiarium, quia, ut aiebat, in jure cautum non reperi-  
tur, jus illi eſſe interveniendi Synodo. Sed interpoſita a Pœnitentiaro  
appellatione, ad ſacram Congregationem Concilii, hæc cenſuit, eum ne-  
quaquam excludi poſſe. Si enim invitandi, & admittendi ſunt ceteri Ca-  
nomici, eo magis viſus eſt admittendus Canonicus Pœnitentarius, qui eſt  
quali Parochus totius dioeſis, & jus habet excipiendi ſacramentales Dioe-  
ceſanorum Confeſſiones, non ex ſpeciali commiſſione Episcopi, ſed a lege,  
a Concilio ſcilicet Tridentino, itaut propterea in iis, quæ ſpectant ad  
Forum internum, cenſendus ſit Ordinarius, de qua re plura Fagnan. in  
cap. Grave, a num. 10., de Præbendis.

4 Alii eccleſiæ Cathedralis Beneficiarii, qui inter Canonicos non  
cooptantur, ab Episcopo vocati, poſſunt, & debent intereſſe, ſed velu-  
ti ſinguli, non tanquam conſtituentes unum corpus, ſeu Collegium,  
juxta ſenſum ſacræ Congregationis Concilii, expoſitum a Pignatello  
conſult. 3. tom. 7.

5 De Canonicis Collegiatarum eccleſiarum cenſet Maſſobrius cit.  
cap. 3. dub. 2. num. 26., neque oportere, ut ad Synodum invitentur, ne-  
que invitatos adigi poſſe ad interveniendum, niſi cum forteſſe ceteri quo-  
que e dioeſis Clero intereſſe tenentur. At, cum in ſupra allegato Con-  
cilio Mechlinienſi decere viſum fuerit, ut Capitula Collegiatarum eccle-  
ſiarum vocarentur ad Concilium Provinciale: *Fuit conſuſum, & reſolutum,*  
*quod poſt hæc nominatim ad Concilium Provinciale vocabuntur Decani . . . , &*  
*Capitula Collegiatarum eccleſiarum provincia Mechlinienſis, ut per ſe, vel per*  
*ſuos Procuratores in Synodo Provinciali compareant*, multo magis oportere,  
exiſtimamus, ut ad Dioeſanam Synodum invitentur; invitatos autem  
non poſſe acceſſum detrectare, ex iis perſpicuum fiet, quæ de obtinenti-  
bus Beneficia ſimplicia inferius ſtatuemus. Quare rectius Pax Jordan. cit.  
loc. num. 59. omnes Canonicos Collegiatarum, eorumque Coadjutores ad  
Synodum abſolute compellit. Quod ſi Collegiata extra locum ſit, ubi  
Synodus habetur, tunc, ne eccleſia ſuo fraudetur ſervitio, non omnes  
Canonicos, ſed aliqui eorum a Capitulo deputandi, debent omnium no-  
mine Synodum adire, juxta decretum ſacræ Congregationis Episcoporum,  
& Regularium apud Pignatellum conſult. 77. num. 62. tom. 9. & bene de-  
ducto per Pacem Jordanum eod. cit. loc. num. 60.

6 Usus obtinuit, ut Canonici tam Cathedralium, quam Collegiarum ecclesiarum, postquam quadraginta annorum non interrupto spatio, diligenter ecclesie inservierunt, exemptionem consequantur a Choro, atque ab omni absolvantur servitio, deinceps ecclesie præstando, quin tamen ideo aliquid amittant, aut ex Præbendæ fructibus, aut ex Distributionibus quotidianis, quas lucrantur, etiam si absint a loco Beneficii; ea siquidem exemptione obtenta, libertatem pariter nanciscuntur a vinculo residentie, juxta declarationem, editam a sacra Congregatione Concilii die 17. Decembris 1718. in responsione ad quintum ex dubiis jubilationum, propositis a Nobis, ejusdem sacre Congregationis Secretarii munus tunc obeuntibus. Jam autem, si de hisce Canonici, qui *Jubilati* dicuntur, instituat quæstio, an teneantur Synodum adire: Sine ulla hæsitacione affirmamus, modo tamen ab Episcopo specialiter vocentur; quod colligimus ex cap. *Cum ad hoc, de Clericis non residentibus*, & decisum deprehendimus a sacra Congregatione Concilii in Aquilana 27. Septembris 1659. ad tertium dubium (*lib. 21. decretor.*) & in Sabina 2. Octobris 1717. (*lib. 67. decretor.*) Potest quippe contingere, ut Episcopus Canonici jubilati, veluti maturioris ætatis, & consilii, rerumque, ecclesiam & Capitulum respicientium, magis periti, opera indigeat in Synodo; Absolum autem videtur, ut, in his circumstantiis, ille non teneatur morem gerere Episcopo, vocanti, possitque a Synodo se abducere, quemadmodum in re simili ratiocinatur Thomæ in *tract. de Concilio, & Synodo Diocesana* fil. 136. Accedit, Canonicum, etiam post obtentum Jubilationis indultum, posse ad servitium ecclesie revocari, si nimirum, ob aliorum ministrorum paucitatem, Divina Officia, debito cultu, expleri non valeant, quod in *cir. cap. Cum ad hoc*, Patriarchæ Antiocheno, disertis verbis rescripsit Gregorius IX., & censuit sacra Congregatio Concilii in responsione ad quartum ex prædictis dubiis Jubilationum; Multo magis itaque poterit Canonicus jubilatus ab Episcopo compelli, venire ad Synodum, cum ejus præsentia conferre posse videatur ad ecclesie, totiusque diocesis utilitatem.

## CAPUT V.

## De Parochis.

1 D iocesanas Synodos a prima earum origine potissimum ex Parochiis fuisse constatas, & ratio suadet, & antiquissimi Ecclesie Canones nos edocent. Illis quippe, quæ eo semper collinearunt, ut animarum salutem promoverent, eos maxime interesse, oportuit, quibus aliqua Dominici gregis portio tradita erat custodienda. Hinc Synodus Dioecæsana Antiodorensis, anni 578. *can. 7. (tom. 3. collect. Hard. col. 444.)* sancivit: *Ut medio Majo omnes Presbyteri ad Synodum in civitatem veniant;*

veniant; Et in formula habendi Synodum Dioecesanam, a Burchardo adscripta Concilio Salegunstadiensi anni 1022., quod ab aliis *Moguntinum* dicitur, eo quod Salegunstadium jam tum esset Moguntinæ dioecesis, legitur: *Convenientes Presbyteri omnes intrent (Synodum) & secundum Ordinationis sue tempus, resideant.* Quibus in locis, sicuti & in aliis vetustis Canonibus, Sacerdotum, & Presbyterorum nomine Parochos designari, advertit Van-Espen *jur. Eccles. univer. part. 1. tit. 18. cap. 2. num. 4.* inquit: *Hic nota, omnes indistincte Presbyteros ad Synodum admitti; nec mirum, quia juxta phrasim illius temporis, nomine Presbyterorum veniebant Parochi, adeo ut admittere Presbyteros ad Synodum, idem tunc significaret, quod hodie admittere Parochos.* Enimvero Concilium Liptinense anni 743. (*tom. 1. Concil. Gallie edit. a Sirmondo pag. 538.*) aperte ostendit, Presbyterorum nomine non alios, quam Parochos intelligere, cum *can. 3.* ait: *Ut unusquisque Presbyter, in parochia habitans, subiectus sit illi Episcopo, in cujus parochia habitat; & semper in Quadragesima rationem, & ordinem ministerii sui, sive de Baptismo, sive de Fide Catholica, sive de Precibus, & ordine Missarum, ipsi Episcopo reddat.* In eodem sensu Sacerdotum nomen usurpavit Innocentius III. in *cap. Quod super his, De majorit. & obed.* cuidam Episcopo, quem, Gonzalez existimat, fuisse Cantuariensem, rescribens: *Abbas, & Sacerdotes, dioecesana lege tibi subditos, qui ad tuam Synodum venire contemnunt, dummodo in ipsa Synodo non ducas, aliquid statuendum, quod Canonici obviat institutis, per censuram Ecclesiasticam ad Synodum ipsam venire compellas, & debitam tibi obedientiam & reverentiam exhibere; ubi Innocentium Sacerdotum vocabulo Parochos indigitasse, observat Fagnanus in comment. ad idem cap. num. 2. & 3.*

2 Magis diserte posteriores Canones Parochos seu Curatos, proprio & speciali nomine expressos, ad Synodum compulere. Præter supra allegata statuta ecclesiæ Meldensis, anni 1245. in quibus *Presbyteri, Curam animarum habentes*, ad Synodum ire jubentur; In epistola Synodica Raymundi, Episcopi Ruthenensis, anni 1289. habetur: *Præcipimus, ut ad dictam Synodum hiemalem veniant Ruthenam personaliter omnes Praesuli, & Clerici, & Sacerdotes, Curam animarum habentes; (sepius citat. tom. 4. anecdot. Martene, & Durand col. 673.)* Et inter statuta Ecclesiæ Nemausensis, anni 1364. *tit. 15. cap. 2.* legitur: *Præcipientes districtè, quod Rectores, vel Sacerdotes Parochiales singulis annis ad utramque Synodum veniant; (eod. tom. 4. col. 1065.)* Omnem demum dubitationem aufert Tridentinum *sess. 24. cap. 2. de reform. clare & manifeste edicens: Ratione tamen Parochialium, aut aliarum Sacellarum ecclesiarum, etiam annexarum, debeant illi, qui illarum curam gerunt, quicumque illi sint, Synodo interesse. Quocirca extra controversiam est, quotquot animarum Curam gerunt, sive Sæculares, sive Regulares illi sint, indubia lege, adigi ad interveniendum Synodo.* Barbosa *ad dictum cap. 2. Trident. num. 16., & de offic. & potest. Episc. part. 3. allegat. 93. num. 5. & seqq. Massob. de Synodo Dioec. cap. 3. dub. 2. num. 12.* Amedeus Chirolus

Chirulus de sacris Conciliis pag. 381. §. Dixi simpliciter (in Biblioth. Max. Pontif. Rocaberti tom. 3.). Ildephonfus Clemens de Arollegui in *supracis. concordia Pastoralis* part. 2. cap. 12. num. 22.

3 Aliqua difficultas unice esse poterat quoad Parochos, ecclesias administrantes, subjectas Prælato Nullius, secundæ tamen, & non tertie speciei, juxta distinctionem, quam adhibuimus, & explicavimus lib. 2. cap. 10. num. 1. Si territorium præfati Prælati secundæ speciei, quod lato quodam loquendi modo dicitur Nullius, sit undequaque circumscriptum ab una eademque diœcesi, nullus unquam dubitavit, quin illius territorii Parochi interesse debeant Synodo, ab ejusdem diœcesis Episcopo indictæ; At, cum aliquando contingat, illud territorium a pluribus diœcesibus terminari, disceptatum fuit, cujusnam Episcopi Synodo intervenire deberent: Sed difficultatem enodavit sacra Congregatio Concilii; etenim, cum Concilium Tridentinum sess. 24. cap. 9. de reform. statuerit, Ecclesias Sæculares, quæ Nullius diœcesis esse dicuntur, visitandas esse ab Episcopo viciniore, hoc est, ut ibidem explicat, & decisum narrat Barbosa num. 4., ab Episcopo, cujus Cathedralis proximior est territorio, de quo agitur, & frustranea visa fuerit visitatio, nisi Parochi tenerentur accedere ad ejusdem viciniore Episcopi Synodum, editisque in hac statuti parere, idcirco sacra Congregatio die 12. Februarii 1622. (lib. 12. decretor. pag. 90.) ad dubium his verbis propositum: *An Rectores, qui sunt Nullius diœcesis, teneantur accedere ad Synodum Diœcesanam illius Episcopi, qui tanquam proximior potest eas visitare. Respondit, Teneri.* Quam quidem sacre Congregationis sententiam pluribus exornarunt, aliisque argumentis roborarunt Fagnanus in cap. *Quod super his, de majoris. & obed.* & Cardinalis Petrus ad Constitut. Apostolic. tom. 5. pag. 131. num. 117.

## CAPUT VI.

De obtinentibus Beneficia simplicia, ceterisque Presbyteris,  
& Clericis diœceseos.

1 Nil de istis disputandum jam superest, cum, quid de singulis sit statuendum, distincte explicuerit sacra Congregatio Concilii, cujus propterea sanctiones præstat dumtaxat referre. In causa Tullen. die 17. Martii 1593. (lib. 7. decretor. pag. 99.) Sacra &c. censuit, Episcopum non posse cogere ad accedendum ad Synodum, habentes Beneficia simplicia, nisi ex consuetudine aliud observatum fuerit.

2 Quoad ceteros et Clero, nullum habentes Ecclesiasticum Beneficium, eadem sacra Congregatio die 15. Decembris 1629. (lib. 14. decretor.) ita consulta: Episcopus Balnearum regionis supplicat per sacram Congregationem responderi, primò: *An ipse cogere possit simplices Sacerdotes non Beneficiatos, & Clericos, sacris Ordinibus initiatos, pariter non Beneficiatos sua diœcesis ad interessendum*  
Tom. XII. M Synodo

*Synodo Dioecessana. Secundò, & quid, si concurrat consuetudo?* Respondit: *Posse cogere, quando in Synodo agendum est de reformatione morum, sive de aliqua re, concernente totum Clerum, vel de intimandis decre'tis, factis in Synodo Provinciali: hoc autem casu, in ipsa Synodi convocatione faciendam esse mentionem, quod de prædictis erit tractandum. Ad secundum, concurrente consuetudine, posse.*

3 Utramque responsionem confirmavit in causa Januen. die 10. Septembris 1633. (*lib. 14. decretor. pag. 780.*) addens, in circumstantiis, in quibus simplices Beneficarii, alique de Clero Synodo adesse coguntur: *Eos non esse admittendos ad votum ferendum pro confirmatione Judicum, & Examinatorum Synodaliu'm.* Idem repetitum fuit in causa Forosemplonien. die 17. Januarii 1654. (*lib. 19. decretor. pag. 302.*), simulque deliberatum, ut secreto moneretur Episcopus, *Ne absque necessitate cogeret Clericos, & Sacerdotes ad interessendum Synodo.* Et, cum Episcopus Sancti Angeli, & Bisaciarum, occasione visitationis sacrorum liminum, sciscitaretur, an posset ad Synodum compellere quemdam suæ dioecesis Sacerdotem, obtinentem Beneficium S. Antonii de Vienna, in eadem dioecesi existens, & propria carens ecclesia; sacra Congregatio die 15. Aprilis 1690. respondit, servanda esse modo allegata decreta (*lib. 4. decretor. pag. 254. a tergo, & 255.*)

4 Ex quibus sacræ Congregationis functionibus, duo plane conficiuntur: Primò, nimirum obtinentes Beneficia simplicia tunc solum Synodo adesse debere, cum legitima consuetudo ad id eos obstringit: Alterum, tam ipsos, quam ceteros e Clero generatim ad Synodum compelli posse, cum, aut de morum disciplina restauranda, aut de re, ad omnes Clericos pertinente, agendum est. Hæc non multum arident Amedeo Chirolò de *agendis Conciliis pag. 382. tom. 3. Biblioth. Max. Pontif.* Sed præter auctoritatem sacræ Congregationis Concilii, cui vel soli Chirolò assecclas acquiescere, oporteret, illa eadem communi calculo a Doctoribus approbantur, præcipue a Panormitano in *cap. Quod super his, in primo notabili, de majoris. & obed. Fagnano ibid. num. 3. Botto in tract. de Synodis part. 2. num. 18. Azorio instit. moral. tom. 2. lib. 3. cap. 47. quest. 3. Episcopo Crispino in tract. de visitatione Pastoralis part. 3. §. 18. num. 4. Monacello in formular. legal. tom. 1. tit. 5. formul. 3. num. 3., & tom. 4. pag. 105. num. 155. quorum postremus illud iterum monet, quod a sacra Congregatione jam audivimus, nimirum oportere, ut Episcopus ad omnem præcavendam litem, & impediendas querelas, cum omnes Clericos ad Synodum vocat, in convocationis edicto causam exprimat, propter quam id insueti oneris iisdem imponit.*

5 Ceterum, quod possit consuetudine induci, ut simplices Beneficarii, ceterique de Clero obstringantur adesse Synodo, præter ea, quæ Doctores de robore & efficacia consuetudinis generatim adstruunt ad *cap. fin. de consuet.*, manifeste colligitur ex Pontificali Romano *tit. 5. ubi legitur: Sacerdotes, & Clerici universi, qui ad Synodum de jure, vel consuetudine*



dine venire tenentur, convenient in civitate, vel alio loco, prout Pontifex ordinaverit. Idemque tam antiquæ, quam recentiores Synodi, ut certum ponunt. Statuta Synodalia Ecclesiæ Avenionensis anni 1337. cap. 8. (cit. tom. 4. anecdot. col. 563.) hæc habent: Hoc statuto precipimus & mandamus, ut de cetero Priores, Rectores, & Decani, & alii, qui ad Synodum venire consueverint, personaliter in qualibet Synodo infallibiliter veniant. Statuta Ecclesiæ Biterrensis anni 1368. (tom. 4. anecdot. Martene col. 627.) ad Synodum vocant, qui de jure, vel consuetudine venire tenentur. Et Concilium Provinciale Mediolanense V. (pars: 1. Aft. Eccl. Mediol. pag. 276.) decernit: Synodo Diocesana universi & singuli Sacerdotes, & Clerici cujuscumque Ordinis interfunt, quicumque Canonum jure, vel Ecclesiasticis sanctionibus, vel Tridentino decreto, vel consuetudine, aliave ratione interesse possunt, aut plane debent. Adfunt vero inter ceteros, quicumque Beneficium Ecclesiasticum, cujus causa de jure, consuetudineve adesse debent, in ea diocesi obtinent, cujus Synodus celebratur, quamvis in alia domicilium habeant.

6 Neque casu, sed consulto in hoc Mediolanensi Concilio bis mentio facta est consuetudinis, quia, si vera narrat Pax Jordan. lib. 8. tit. 2. num. 65., Mediolani reapse consuetudo viget, ut omnes, Sacris initiati, ad Synodum accedant. Recte pariter ibidem cautum est, ut Beneficarii ejus Episcopi Synodum adeant, in cujus diocesi Beneficium possident: Nam si quis origine subditus sit Episcopo ex. gr. Parmensi, sed Beneficium possideat in diocesi Placentina, & in hac insuper commoretur; hujus, & non illius Episcopi Synodo intervenire debet, quemadmodum censuit sacra Congregatio Concilii, apud Fagnanum in cap. Quod super his, num. 13. de majoris. & obed.

7 At idem ne juris erit, cum quispiam simplex Beneficium obtinet in diocesi Placentina, sed domicilium habet in diocesi Parmensi? De hoc decerni videtur in allegato Mediolanensi Concilio, quod adesse cogatur Synodo Placentinæ. Verum advertendum tunc erit, qua ratione ab alterutro Episcopo ad Synodum vocetur. Si a Parmensi vocetur, tanquam Beneficiarius, eo quod consuetudo ibi invaluerit, ut omnes Beneficarii ad Synodum eant, non poterit præfatus Clericus ad accessum adigi; quoniam, qua Beneficiarius, Placentino, & non Parmensi subditur Episcopo; si vero vocetur, non quatenus Beneficiarius, sed quatenus Clericus, quia scilicet ex circumstantiæ emergunt, quæ omnes Clericos ad Synodum urgent; non poterit accessum declinare, nam, qua Clericus, illi Episcopo subijcitur, in cujus diocesi degit. Ab Episcopo autem Placentino potest ad suam Synodum cogi, ratione Beneficii, quandocumque casus e venerit, ut alii similes Beneficarii, diocesis Placentinæ, compellantur ad Synodum se conferre. Ex quo fit, ut ille, de quo est sermo, eodem anno, ad duplicem Synodum adigi queat; ad Parmensem scilicet, & Placentinam, si ad unam, uno nomine, altero, ad alteram vocetur.

## CAPUT VII.

*De Fratribus Cappellanis sacre Religionis Hierosolymitane, Curam animarum habentibus, aliisque eidem Religioni inservientibus.*

**E**T si sacrum Concilium Tridentinum sæpius cit. *sess. 24. cap. 2. de reform.* omnes Regulares, Curam animarum habentes, ad Episcopalem Synodum ire, jusserit, specialis nihilominus instituta est dispositio, de Fratribus, quos Cappellanos vocant, Hierosolymitanæ Religionis, in aliqua eidem Religioni annexa, seu subiecta ecclesia animarum Curam exercentibus; cui quidem peculiari disputationi ansam dederunt amplissima privilegia, quibus, ob ejus præclarissima in Ecclesiam Catholicam merita, Hierosolymitanus Ordo fuit a Sede Apostolica large exornatus. At perpetua & constans sacre Congregationis Concilii sententia fuit, nullum privilegium Fratribus, de quibus agimus, suffragari, ut a Synodo, ab Episcopo indicta, se possint subtrahere: Etenim S. Pius V. in sua Constitutione 104. *tom. 4. part. 3. Bullar. pag. 49.* aperte declaravit, exemptiones, concessas Religioni Hierosolymitanæ, nequaquam comprehendere ejusdem Ordinis Religiosos, eisque commissas Parochiales ecclesias, in illis, quæ animarum Curam respiciunt, in quibus servanda statuit Concilii Tridentini decreta. Idemque iterum sancitum reperitur a Gregorio XIII. *Constitut. 125. §. 5. part. 3. tom. 4. Bullar. pag. 456.*

Quamobrem, cum sacre Congregationis Concilii examini subiecta fuerint hæc dubia, in causa Illerden. synodi.

*Primo, an Fratres Cappellani sacre Religionis Hierosolymitane, Curam animarum habentes, teneantur convenire ad Synodum Dioecesanam.*

*Secundo, an iidem Fratres Cappellani, Curam animarum habentes, & Sacramenta in eorum ecclesiis Regularibus, & exemptis ministrantes Clero, & populo faciliari, subiecto Episcopo loci, teneantur ad Dioecesanam Synodum convenire.*

*Tertiò, an iidem Fratres Cappellani, Curam animarum habentes, teneantur interesse lectioni, & conferentia casuum conscientia ab Episcopo præscriptis, propter necessitatem, vel utilitatem Ecclesie, præsertim contra propositiones damnatas.*

Die 17. Julii 1683. sacra Congregatio respondit: *Ad primum, favendum, & tertium, Affirmative.*

Neque solum Episcopus prædictos Fratres Cappellanos cogere potest, ut Synodo interveniant, sed liberam præterea potestatem habet, quos administrant Parochiales ecclesias, quoad ea pariter, quæ ad animarum Curam quoquomodo referuntur, ut Delegatus Apostolicæ Sedis, visitandi, juxta Constitutionem 187. S. Pii V. (*part. 3. tom. 4. Bullar. pag. 180.*). Quia porro S. Pius V. expressè ait, se per hanc Constitutionem nullum voluisse aïsonne detrimentum juri visitandi easdem ecclesias, quod antea Religionis, ejusque Militibus competebar; inde fit, ut facultas il-

las

las visitandi, in his, quæ Curam spectant animarum, censeatur, cumulative inesse Episcopo, & Prioribus Hierosolymitanis; illi quidem jure delegato; istis autem jure ordinario; ita tamen, ut si Episcopi, & Priorum decreta inter se discrepent, illa prævaleant, quæ ab Episcopo sunt edita, juxta plures sacrarum Urbis Congregationum sententias, relatas a Monacello in *formular. tom. 1. tit. 5. formul. 2. num. 2.*

5 Quæ autem diximus de Fratribus Cappellanis, potiori jure locum sibi vindicant in Sacerdotibus Sæcularibus, qui aliquando præficiuntur ecclesiis Parochialibus, annexis Hierosolymitanæ Religioni; Hi siquidem, cum Religiosi non sunt, nullam omnino possunt prætexere causam, cur a Synodo se excusent, aut in aliis, parocæ administrationem respicientibus, Episcopi jurisdictionem declinent. Hinc, cum in celebri causa Pragen. Jurisdictionis, de his Sacerdotibus quæsitum fuisset a sacra Congregatione Concilii: *An nominati, seu deputati in dictis ecclesiis, postquam reportaverint ab Archiepiscopo licentiam pro exercenda Cura animarum, teneantur se conformare Constitutionibus Synodalibus, & ordinationibus Confessorialibus quoad omnia, in ordine ad Sacramentorum administrationem, & Curam animarum.* Die 14. Januarii 1708. responsum fuit *Affirmative*, sicuti habetur *tom. 9. Theauri resolutionum pag. 170.*

6 At, quoniam alii etiam Sacerdotes reperiuntur, Sæculares quidem, nec Religiosis vocis devincti, qui non Curæ animarum, sed aliis Hierosolymitanæ Religionis sunt servitiis addicti; de his quoque videndum remanet, an, & quando ad Episcopalem Synodum adigi queant. Concilium Tridentinum *sess. 24. cap. 11. de reform.* decrevit, inservientes Ordinibus Militaribus, & nominatim Religioni Hierosolymitanæ, subiectos esse jurisdictioni Ordinarii, tanquam Sedis Apostolicæ Delegati, nisi vel Religiosam professionem emisseriat, vel intra Militaris Claustrî, seu Domus lepta degentes. Religioni actu inserviant, & sub Ordinis Prælati obedientia vivant. Idem Tridentini decretum instauravit, & distinctius explicavit Gregorius XIII. *cit. Constit. 125. Bullar. part. 3. tom. 4.* in qua prædictos inservientes, quocumque nomine nuncupentur, iterum subjecit delegatæ jurisdictioni Episcoporum, tam in visitatione, quam extra visitationem §. 2. pag. 455. : *Exceptis tamen his, qui ecclesiis, aliisque locis dictorum Militum actu servant, & intra eorum septa, & Domos resident, ac sub eorum obedientia vicunt, qua omnia debere simul concurrere intelligantur; firmo his, qui legitime, & secundum Regulam prædictæ Religionis professionem fecerint, de qua loci Ordinarius constare debeat.* Quam explicationem & prosequuntur, & illustrant Fagnanus in *cap. Qui Presbyterum, num. 86. 91. & 99. de Penit. & remissi. Monacellus tom. 4. in supplemento ad 3. tom. num. 59. pag. 105. Pignatell. consuls. 22. tom. 2. Rota decis. 120. num. 16. & seq. part. 18. recen.*, atque eandem semper respexit, suasque decisiones ad illam conformavit sacra Congregatio Concilii, præcipue in Materanen. Jurisdictionis, 8. Februar. 1659. (lib. 21. decretor. pag. 533. & seqq.) & novissime in Caputaquen. Jurisdictionis, 19. Novembris 1735.

7 Eidem

7 Eidem itaque distinctioni inhærentes, nullo labore rem nostram conficiemus. In primis enim nihil de illis Sacerdotibus peculiariter dicendum occurrit, qui religiosa vota nuncuparunt, hi quippe inter veros recensentur Religiosos, de quibus satis abunde disseruimus. Ad alios vero quod attinet; Aut Hierosolymitanæ Religionis obsequiis sunt ita participati, ut simul omnes servant & impleant conditiones, quas Concilium Tridentinum, & Gregoriana Constitutio exposcunt, & tunc, cum exemptione fruantur ab Episcopi jurisdictione, in illis dumtaxat eventibus coguntur Synodo interesse, in quibus eodem onere gravantur ceteri exempti, ac ipsimet Regulares: Aut ab aliqua ex præscriptis conditionibus deficiunt; & tunc, cum omnino subdantur jurisdictioni Ordinarii, tanquam Sedis Apostolicæ Delegati, debent ad Synodum accedere, perinde ac alii Dioecesani.

8 Quæ hætenus de Hierosolymitano dicta sunt, ad amussim congruunt Militari Ordini SS. Mauriti, & Lazari, qui a S. Pio V. in *Constitutione* 43. §. 12. *Bullar. tom. 4. part. 2. pag. 339.*, in omnibus exæquatus est Ordini Hierosolymitano. Hinc, cum nonnulli Sacerdotes dioecesis Uritanæ litteras, quas *Patentales* vocant, obtinuisent a Vicario Commendæ SS. Mauriti, & Lazari, iisdemque muniti, se immunes jactarent a jurisdictione Ordinarii; causa proposita, in sacra Congregatione Concilii, & disputato, quod sequitur, dubio: *An Officiales Patentati SS. Mauriti, & Lazari sint exempti a jurisdictione Ordinarii.* Die 7. Septembris 1726. responsum fuit *Negative*.

## C A P U T V I I I.

*De Beneficariis, Cappellanis, aliisque aggregatis ecclesiæ in solo Lateranensi fundatæ; De Protonotariis, & Subcollectoribus Spoliorum.*

1 **P**riusquam de istorum omnium accessu ad Synodum instituat sermo, aliqua necesse est de singulorum exemptionibus delibare.

2 Privilegia, a summis Pontificibus Lateranensi Capitulo concessa, atque a Pio IV. postea revocata, denuo a Sixto V. restituta, & confirmata luerunt in *Constitutione* 29. (*Bullar. tom. 4. part. 4. pag. 183.*) Quocirca ad normam Sixtinæ, quæ hodie viget Constitutionis, ecclesiæ fundatæ in solo Lateranensi, sunt exemptæ a jurisdictione ordinaria Episcopi, etsi subdantur ejusdem jurisdictioni delegatæ, juxta *dec. 115. num. 7. & 9. dec. 313. num. 9. in fin. & num. 12. cum duob. seqq. par. 9. recent. & decis. 185. par. 15. decis. 375. num. 17. & seqq. & decis. 383. num. 5. & 6. par. 18. recent.*; Aliqua tamen, circa sensum Sixtinæ Constitutionis, remanebat difficultas, a Doct. tribus excitata; num scilicet, ut ecclesiæ dicatur fundata in solo Lateranensi, necesse sit, ut solum reapse fuerit, sub vero, proprio, sincero, ac stabili dominio basilicæ Lateranensis, quod profecto exigere videntur

dentur verba privilegiorum, eidem basilicæ competentium, quæ instaurata fuere a Sixto V., quemadmodum adnotavit Monacell. in *formul. legal. tom. 2. tit. 13. formul. 1. num. 85.*, an potius satis sit, ut solum, paulo ante ecclesiæ constructionem, fuerit, data opera, Capitulo Lateranensi donatum, ut nimirum ecclesia in eo ædificanda subtraheretur ab ordinaria jurisdictione Episcopi: hoc posterius satis esse censuit olim Rota *decis. 185. part. 15. recent.*; Verum oppositum decisum est a peculiari Congregatione, hac super re a fan. mem. Benedicto XIII. deputata, die 20. Decembris 1726., uti videre est in voto decisivo, quod circumfertur, exarato a Cardinali Aldrovando, tunc Rotæ Decano, eidemque Congregationi adscripto. Ceterum, quidquid sit de qualitate soli, necessaria ad assequendam exemptionem, de qua differimus, cum in citata Constitutione prohibuerit Sixtus V. Lateranensi Capitulo, ne novas ecclesias, vel Beneficia erigeret, sine licentia Ordinarii, in cujus diocesi essent erigenda, & præterea sanciverit, ut quicumque eidem Capitulo annexas, seu addictas ecclesias regeret, aut Beneficia obtinerent, nullius exemptionis prætextu, ab Ordinarii jurisdictione censerentur subtrahiti, sed exacte servanda edixerit Concilii Tridentini decreta, idcirco sacra Congregatio, ejusdem Concilii Interpres, in causa Pennen. Jurisdictionis, die 7. Septembris 1680. (*lib. 31. decretor. pag. 226.*) discussio articulo: *An Clerici, seu Presbyteri aggregati ecclesiæ, in solo Lateranensi fundata, excepto Vicario, sint exempti a jurisdictione Episcopi.* Respondit: *Negative, ad formam Constitutionis Sixtine*; Et nuperrime anno scilicet 1735. ab Episcopo Caputaquen. iterum interrogata: *An Beneficiatis Cappellanis, & Patentatis Capituli Lateranensis, existentibus in Caputaquensis diocesi, competat exemptio ab Ordinarii jurisdictione*; die 17. Decembris denuo respondit: *Negative.*

3 Transitum inde facientes ad Protonotarios; cuique exploratum est, eos originem duxisse a Notariis, qui a S. Clemente I. deputati perhibentur, ad perquirenda, & conscribenda Acta SS. Martyrum, quemadmodum affirmavit Leo X. in sua Constitutione, quæ incipit *Regimini universalis Ecclesiæ* 11. (*Bullar. tom. 3. part. 3. pag. 406.*) edita in Concilio Lateranensi, quorum sane Notariorum mentio etiam occurrit in *Causæ*, seu *Constituto* S. Silvestri *cap. 1.*, quod etsi supposititium habeatur, non esse tamen medio sæculo v1. posterius, Eruditi consentiunt, apud Petrum Constant in *appendic. ad epistolas Decretales, tom. 1. pag. 43.* Ob eorumdem autem muneris excellentiam, dicti sunt Protonotarii, hoc est primi inter Notarios, qui subsequenti etiam ætate, post restitutam scilicet Ecclesiæ pacem, adhuc in Ecclesia Romana perseverarunt, & loco conscribendi Acta SS. Martyrum, aliis, in obsequium Apostolicæ Sedis, gravissimis disenti sunt curis: Quanti porro a Romanis Pontificibus suorum Notariorum dignitas haberetur, vel ex hoc colligitur, quod graviora Ecclesiæ negotia illis gerenda demandarent: siquidem S. Leo Magnus, & Synodus Romana, ad sedandas turbas, ab Hæreticis Constantinopoli excitatas, duos statim

statim illuc ablegarunt Romanæ Ecclesiæ Notarios, *epist. 48. cl. 23. ejusdem Leonis* : & Gregorius Magnus, cum graves accepisset accusationes adversum Archiepiscopum Calaritanum, misit in Sardiniam Joannem Notarium Apostolicæ Sedis, qui Archiepiscopum cogeret, certis documentis innocentiam suam prodere *lib. 2. indict. 10. epist. 49. cl. 34.* narratque Joannes Diaconus in Gregorii vita *lib. 2. cap. 53.* ab eodem Notarios in provincias longinquas abigi solitos, ad disciplinam Canonum tuendam, aut restituendam : Similiter ab Innocentio III. (*lib. 15. epist. 153.*) *Magistro Maximo Notario nostro* ea Constantinopoli peragenda, legimus commissâ, quæ summam quamdam auctoritatem, rerumque experientiam desiderarent. Hinc autem evenisse opinamur, ut Protonotarii, utpote præcipui Papæ Administri, olim in Romana aula, supra Episcopos sederent, eamque prærogativam obtinuerint, usque ad Pium II., qui eos deinceps Episcopis cedere jussit, *sua Constitutione 4.* cui totum orbem plausisse, legitur in ejusdem commentariis *lib. 3. pag. 64.* Qui plura de Protonotariorum origine, & præstantia scire desiderat, legat Thomassinum *de vet. & nov. Eccles. discipl. par. 1. lib. 2. cap. 104. & duobus seqq.* Cohell. in *notitia Cardinalatus cap. 19.* Barbofam *jur. Eccles. univ. lib. 1. cap. 33.* Andreuccium in *tract. de Protonotariis Apostolicis. part. 1. cap. 2.* Quod nostra interest, est animadvertere, ex iis, qui nunc ad Protonotariorum officium assumuntur, alios dici *Participantes*, alios *non Participantes, sed extraordinarios, supernumerarios, sive honorarios. & titulares* de quibus Scarfontonius ad Cæcoper. *par. 1. lib. 1. tit. 9. num. 14.* Participantium Collegium ante Sixtum V. ex septem constituebatur, sed Sixtus V. *sua Constit. 19.* alios quinque illis adjecit; quare hodie ex duodecim constatur veris Protonotariis, qui absque ulla dubitatione, & controversia, tam in civilibus, quam in criminalibus, sunt plene exempti a jurisdictione Ordinariorum, quibus dumtaxat subduntur, quoad Beneficia, quæ in eorum possideant, dioecesis, juxta allegatas Leonis X., & Sixti V. Constitutiones, & late deducta per Fabrum *de Protonotariis cap. 11.* Aliud tamen est de Protonotariis non Participantibus, hos quippe, de quibus in præfens solum agimus, Concilium Tridentinum *sess. 24. cap. 11.* locorum Ordinariis supposuit, tanquam Apostolicæ Sedis Delegatis; ex quo inferri putavit Chochier *de jurisdict. in exemptos part. 1. quest. 18. num. 8.* omnem prorsus, qua antea truebantur, exemptionem esse illis ademptam; Sed verius Barbofa *juris Eccles. lib. 1. cap. 23. num. 35.* & Faber *de Protonotariis cap. 11. num. 13.* existimant, decreti Conciliaris virtute, unice ablatam illis esse exemptionem, quoad causas criminales, non autem quoad civiles, in quibus vigere adhuc arbitrantur; privilegium, iisdem concessum a Concilio Lateranensi *sess. 10.* atque a Leone X. confirmatum *Constit. 11. §. 4. Bullar. rom. 3. part. 3. pag. 406.* quo immunes fiunt a potestate Ordinarii in causis excidentibus lummam viginti quinque ducatorum.

- 4 Quod si quis istius privilegii nudum verborum corticem consideret, facile

facile sibi in animum inducet, enuntiata restrictionem exemptionis, ad solas causas civiles, excedentes summam viginti quinque ducatorum, intelligendam esse de Protonotariis, habitum, & Rochetum non gestantibus, non autem de illis, qui hisce insignibus induti continuo incedunt, quos propterea credit in qualibet, etiam minimi momenti civili causa, esse ab Ordinarii jurisdictione substractos. At, qui mentem Constitutionis penitus investigaverit, & contextum perpenderit, rectius existimabit, solum voluisse Pontificem, ut Protonotarii, proprium habitum deferentes, conveniri nequeant coram Ordinario, in causis, prædictam summam excedentibus; ceteros vero, habitum non gestantes, in omnibus, etiam levissimis causis, reliquisse sub jurisdictione Ordinariorum, quibus alias de jure subduntur. Ita enim, paulo post Concilium Lateranense, Leonis Constitutionem interpretatus est Antonius de Pretis de *jurisdic. Episc. cap. 8. per tot. inter tractat. magnos tom. 13. part. 2. fol. 368.*, cui subscripsit Faber in *cit. tractat. de Protonotariis, cap. 11. num. 8. & seqq.*; Et, quod caput est, eandem interpretationem sequitur sacra Congregatio Concilii, uti videre licet in una Papien. 14. Decembris 1630. (*lib. 14. decretor. fol. 360.*) In Placentina 20. Augusti 1633. (*lib. 14. decretor. fol. 760.*) & in Nullius 19. Januarii 1641. (*lib. 16. pag. 520.*)

5 Quinimmo eadem sacra Congregatio, ad arcendas frequentes Ordinariorum eonquestiones, de excessivo Protonotariorum numero, ex quo Episcoporum auctoritas in dies minuebatur, sæpius consulendum censuit Sanctissimo, ut deinceps in Apostolicis litteris, quibus ejusmodi Protonotarii creantur, expresse adderetur, ne in causis civilibus ulla gauderent exemptione a jurisdictione Ordinarii, quemadmodum, sacre Congregationis consilium sequutus, addendum præcepit Urbanus VIII. anno 1633. quod legitur in *dicta Placentina lib. 14. fol. 760.* Et coherenter ad hæc bon. mem. Altovitus, sacre Congregationis Secretarius, in suo suffragio, exarato in quadam causa, cui titulus: *Dubia exemptionis*; hæc scripsit: *Credere, expresse declarandum, Protonotarios, non Participantes, etiam si immediate creatos a Papa; sive habitum, & Rochetum gestantes, sive non, tam ratione personarum, quam Beneficiorum, subiacere in criminalibus omnimoda jurisdictioni Ordinarii. In civilibus vero causis, cujuscunque summa, ejusdem Ordinarii jurisdictioni, in prima instantia, subiacere Protonotarios, habitum, & Rochetum continuo non deferentes; illum autem continuo deferentes prædicta jurisdictioni subiacere in prima instantia, in causis, summam ducatorum viginti quinque non excedentibus, & quoad istos agendum denuo cum Sanctissimo, ut in Brevis apponatur clausula, quod in civilibus omnino subiaceant jurisdictioni Ordinarii. Quocirca Apostolicis litteris, quibus aliquis in numerum refertur Protonotariorum non Participantium, semper hæc inferitur clausula: Citra exemptiones a sacro Concilio Tridentino sublatis, isant nedom quoad criminalia, sed etiam quoad civilia, subiaceat Ordinarii, uti habetur apud cit. Fabrum cap. 2. num. 7.; Et Nos ipsi, qui, amplissimo diplomate, Dignitates,*

tates, & Canonicos Cathedralis ecclesiæ Patavinæ, inter honorarios adscriptissimos Apostolicæ Sedis Protonotarios, diserte simul declaravimus, per privilegia illis concessa, nihil esse detractum Episcopali jurisdictioni, quod legitur in *nostra Constit. 91. Bullar. tom. 1.*

6 Jam quod attinet ad Subcollectores spoliatorum, ad Cameram Apostolicam pertinentium, est in primis animadvertendum, optimo jure, summum Pontificem potuisse sibi reservare spolia Clericorum, in pauperes, aliosque pios usus distribuenda, uti bene, post Redoanum, probat Azorius *instit. moral. part. 2. lib. 8. cap. 1. quest. 4.* & in provinciis, in quibus prædicta spolia colliguntur, potuisse Exactores, & Collectores constituere, quorum importunam, quam exaggerant, exactiorem facile Clerici eludere queunt, si scilicet bona Ecclesiæ, quæ supersunt, pauperibus erogent, neque in commodum congregent cognatorum, uti bene perpendit Cardinalis Baronius *ad an. 397. num. 64.* ubi loquens de his Collectoribus inquit: *De quorum imper una exactiōe cum multi querantur, his facile vitantur, & prudenter arte deludent, qui bona Ecclesiæ, quæ supersunt, non congregant, sed in pauperes erogant.* Et adhæret Thomassinus *de Beneficiis pari. 3. lib. 2. cap. 57. sub num. 9.* Horum Collectorum exemptio a jurisdictione Ordinarii certa est, & liquet ex Constitutione 40. Gregorii XIII. *tom. 4. part. 3. Bullar. nov. pag. 293. & Constitut. 47. Urbani VIII. Bullar. tom. 4.*; sed, cum in sacra Congregatione Concilii disceptatam fuisset, quanta ea esset, & quibus limitibus circumscriberetur, tandem die 27. Februarii 1677., approbante san. mem. Innocentio XI., decretum fuit, Subcollectorum privilegia non impedire, quominus iidem subdantur jurisdictioni Ordinarii, in rebus, respicientibus aut Curam animarum, si quam exercent, aut servitium ecclesiæ, si Canonicatum, aliudve Beneficium possideant, aliisque pluribus nominatim expressis in eodem decreto, edito in *appendic. ad Concilium Romanum anni 1725. pag. 157.*

7 Eluxit præterea sacra Congregatio, ut nonnisi unus pro qualibet diocesi deputari possit Subcollector, & si plures deputentur, quamvis unus dicatur deputatus pro diocesi, alter pro loco exempto, intra diocesim existente, hunc postremum nulla gaudere exemptione, decrevit. Quare, cum in diocesi Bituntina tres olim reperirentur Subcollectores, unus videlicet pro ipsa civitate, & diocesi Bituntina, alter pro abbazia Nullius Fasani, tertius pro loco Nullius Rutiliani, & Episcopus Bituntinus die 4. Maji 1697. a sacra Congregatione Concilii quaesivisset: *An Subcollectores, deputati pro jurisdictione Fasani, & Rutiliani, & commo- naves Bituntini, aliqua in dicto loco gauderent exemptione.* Respondum fuit: *Nō gaudere, & Episcopum procedere posse in futurum, uti habetur lib. 47. decret. ar. fl. 185.* Atque Episcopo Caputaquensi, similem quaestionem proponenti, in Congregatione, habita die 14. Martii 1722., cui Nos tunc temporis a Secretis eramus, rescriptum fuit, ut servaretur prædictum decretum, editum in Bituntina.



8 Jactabant olim tam Protonotarii, non Participantes, quam spoli-  
 orum Subcollectores, se illis adnumerari Sedis Apostolicæ Officialibus,  
 de quibus loquitur Textus in cap. Cum Mattheus, de Hæreticis, & in cap.  
 Divina in eminenti, de privilegiis, inter Extravag. comm., ac propterea con-  
 tendebant, se non posse ab Ordinariis ulla irretiri censura, neque Digni-  
 tates, & Beneficia non Curata, quæ obtinerent, illorum jurisdictioni  
 subesse; atque hæc opinio tantum eorum menti infederat, ut ipsimet cu-  
 raverint, ut a sacra Congregatione Concilii examinarentur quædam exem-  
 ptionis dubia, quorum primum fuit: *An Protonotarii, non Participantes,  
 immediate creati a Papa, connumerari debeant inter illos Officiales, de quibus  
 loquuntur Extravagantes Cum Mattheus, de Hæreticis, & Divina in eminenti,  
 de privilegiis, ita ut Ordinarii locorum non possint in illos ferre censuras, & in  
 illorum Dignitatibus, & Beneficiis non Curatis se intromittere, aut quocumque  
 immiscere, & judicare, sub penis, in dicta Extravaganti contentis.* Secun-  
 dum: *An Subcollectores spoliiorum pro Rev. Camera Apostolica recenseri debeant  
 inter Officiales, de quibus loquuntur ipsæ Extravagantes ad effectum præmissum.*  
 Et sacra Congregatio, re sedulo, de more, discussa, die 16. Maji 1682.  
 ad utrumque Negative respondit; & perstitit in decisio die 20. Junii ejus-  
 dem anni. Etenim veri Officiales Sedis Apostolicæ, de quibus citati Tex-  
 tus, altioris sunt gradus, atque ad graviora procuranda negotia destinati,  
 quod egregie explicat Penia comment. 75. vers. Rursus, in addit. ad Eimeric.  
 in decret. Inquisit. part. 3. quest. 26., ad quem lectorem remittit Glossator  
 marginalis in eadem Extravag. Cum Mattheus, unde audiendus non est Gon-  
 zalez, qui, unico citato Eimerico, oppositum asseruit ad regul. 8. Cancell.  
 gloss. 51. num. 82.

9 Quibus adnotatis, indubitanter concludimus, nullam ex iis, de  
 quibus in præfens differimus, posse a Synodo se excusare, si huic alias in-  
 teresse deberet. Quod profecto de Beneficiariis, & Cappellanis, addictis  
 servitio ecclesiæ Capituli Lateranensis, atque insuper de Protonotariis,  
 non Participantibus, est luce meridiana clarius; Illi quippe nulla fruun-  
 tur immunitate a jurisdictione Ordinarii, & istorum exemptio, etiam si  
 habitum, & Rochetum continuo gestent, restricta est ad solas causas ci-  
 viles, excedentes summam ducatorum viginti quinque, uti ex iis patet,  
 quæ præmissimus. De Subcollectoribus autem spoliiorum, omnem dubi-  
 tationem, si qua antea subesse poterat, abstulit sacra Congregatio Con-  
 cilio in præfato decreto anni 1677., cujus verba sunt: *Et quod majoris mo-  
 menti est, ne prætextu hujusmodi officii, Cura animarum, servitium ecclesiæ,  
 ac Divini cultus, morumque honestas detrimentum patiantur, declaravit ... mi-  
 nime gaudere exemptione in concernentibus Curam animarum, & respectivo adim-  
 plementum onerum ipsarum Præbendarum, & eadem ratione non gaudere Canoni-  
 cos, & alios Beneficiarios Subcollectores in concernentibus servitium ecclesiæ, &  
 adimplementum onerum ipsorum Canoniarum, & Beneficiorum, nec lucrari dis-  
 tributiones quotidianas, si non inserviant. Insuper teneri ratione Beneficiorum*

*que obtinent, ad publicas Processiones accedere, solvere Cathedralium, & subsidium charitativum, & interesse Synodo, ac visitationi, non tamen pluries, quam semel in anno.*

10 Neque sacra Congregatio ejusmodi decreto novum obligationis vinculum in Subcollectores iniecit, sed libertatem, quam affectabant, iterum compescuit; liquidem jam antea anno nimirum 1654. die 21. Martii Episcopo Cajacen., sciscitanti: *An in casibus, in quibus Clerici Beneficarii tenentur interesse Synodis Dioecesanis, & ad publicas Processiones accedere, possit Episcopus cogere etiam pœnis censurarum Clericos Subcollectores, præsertim actus in Subcollectoria non intervenientes, ut Synodis intersint, & ad publicas Processiones accedant ut.* Eadem sacra Congregatio responderat: *Episcopum cogere posse etiam Clericos Subcollectores, ut Synodis intersint, & ad publicas Processiones accedant.* (lib. 19. decretor. pag. 329.)

## C A P U T I X.

### De Laicis.

1 **V**Iros Principes, ac præsertim Romanorum Imperatores, vel per se, vel per suos Legatos assistisse Conciliis Generalibus, exploratissima res est, quam nemo unquam inficiabitur. Nullus quippe est, qui neiciat, Constantinum Magnum Nicæno I., Marcianum Chalcedonenſi, Philippum Francorum Regem Viennensi, Sigismundum Imperatorem Constantienſi interfuisse Conciliis; ut alios multos prætereamus Reges, & Principes, qui suos Oratores ad OEcumenicas Synodos, & speciatim ad omnium novissimam Tridentinam miserunt. Non adfuerunt tamen Conciliis tanquam Judices, ut vel de Fidei dogmatibus sententiam ferrent, aut de rebus Ecclesiasticis judicarent: *Nefas est enim* (ajebat Theodosius junior in epistola ad Ephesinam Synodum) *qui sanctissimorum Episcoporum consilio subscribitur non est, illum Ecclesiasticis negotiis & consultationibus sese immiscere.* (tom. 1. collect. Hard. col. 1346.) Sed ut Patrum securitati prospicerent, tumultuantes compescerent, & quæ definienda, atque decernenda forent, sua auctoritate foverent, & tuerentur, sicuti egregie scribebat Petrus de Alliaco Cardinalis Cameracensis in tractatu de reformatione Ecclesiæ tit. de reform. Laicorum, & Principum, inquit: *Propter præmissa expedit, quod Reges, & Principes mittantur ad Generalia Concilia, non ad onerandum, & confundendum, sed ad honorandam, & confortandam Ecclesiam, & ad ea, quæ ibi decreta fuerint, quantum in eis est, exequendum; quod etiam adnotarunt Bellarm. lib. 1. de Conciliis cap. 15., & Thomassinus de Concilio differt. 3. & 10.* Neque difficultatem facit, quod in Actis Concilii Chalcedonenſis, Anatolius Magister militum, Palladius Præfectus Prætorio, Tatianus Præfectus Urbis, alique nobiles Laici, qui Imperatorem comitabantur, & veluti ejusdem ecclesiæ Concilio interfuerant, vocentur glorioſi-

*gloriosissimi Judices*: ita quippe vocantur, non quod haberent munus iudicandi in Concilio, sed quod ita extra Concilium, honoris causa, communiter appellarentur; nam, uti bene animadvertit Du-Cangius, nomen Judicis, & Comitum sæpe legitur promiscue usurpatum; quoniam ex numero Comitum, qui Imperatoris, sive Regis latus assidue tegebant, eumque comitabantur, Judices eligebantur, qui ad provincias regendas mitterentur.

2 At, quamvis propter indicatas rationes maxime deceat, ut Principes sui, vel Legatorum præsentia OEcumenica Concilia cohonestent, nihil tamen proinde Conciliorum auctoritati detrahatur, si ab illis & se, & suos Legatos abducant: Unde audaciam Vigorii, qui non veritus est scribere, Concilium Tridentinum non fuisse legitimum, eo quod ab eo recesserint Legati Regis Galliarum, jure meritoque retundit Duvallius de potestate suprema Romani Pontificis part. 3. quest. 7. (tom. 2. commentar. in 2. 2. S. Thom. pag. 803.) ita illum redarguens: *Quod autem Legati Regis Christianissimi a Concilio secesserint, quia honor illis debitus servatus non fuerat, nihil quicquam Vigorii intentio facit: sicut enim eorum præsentia majorem vim decretis Fidei non conferebat, cum solis Prelatis, non autem Principibus, minusque eorum Vicariis, & Legatis, jus decernendi de Fide, & moribus Ecclesie, conveniat, ita nihil quoque eorum absentia de robore eorumdem decretorum quidquam detraxerit. Legati enim, Concilio præsentem, discere debent, non docere; audire, non loqui; decreta servare, & non condere.*

3 Non ita porro res se habet, cum non de OEcumenicis, sed Provincialibus Synodis agitur; His siquidem intervenire non consuevisse Laicos, quantacumque, etiam si Imperiali, præfulgerent dignitate, testantur Nicolaus I., & octava Synodus, quæ est Constantinopolitana IV. Ille quippe epistola ad Michaellem Imperatorem, qui adfuerat pseudosynodo Constantinopolitanae, contra sanctissimum Præfulem Ignatium coactæ, ita eundem alloquitur (tom. 5. collect. Hard. col. 158.): *Dicite, quesumus, ubi nam legistis, Imperatores antecessores vestros in Synodalibus conventibus interfuisse? Nisi forsitan in quibus de Fide tractatum est, quæ universalis est, quæ omnium communis est, quæ non solum ad Clericos, verum etiam ad Laicos, & ad omnes omnino pertinet Christianos; Et octava Synodus, Nicolaus consentiens cap. 17. (in collect. Hard. tom. 5. col. 907.) hæc ait: Illud autem tanquam peresum quiddam ab auribus nostris repulimus, quod a quibusdam imperiis dicitur, non posse Synodum absque Principali præsentia celebrari, cum nusquam sacri Canonis, conventive saculares Principes in Conciliis, sanxerint, sed solos Antistes. Unde nec interfuisse illos Synodis, exceptis Conciliis Universalibus, invenimus; neque enim jus est, saculares Principes spectatores fieri rerum, quæ Sacerdotibus Dei nonnunquam eveniunt.*

4 Enimvero non ignorabant sapientissimi illi Concilii Patres, Dionysium Exconfularem, a Constantino Magno delegatum, interfuisse Synodo Tyriæ anni 335., sed simul sciebant, hac ipsa de causa fuisse illam reproba-

reprobata a Concilio Alexandrino, in sua epistola Synodica, apud S. Athanasium *apolog.* 2. ita loquente: *Quomodo Synodum vocare audent, in qua Comes praesidebat?* (tom. 1. part. 1. oper. pag. 131.) Neque eisdem latebat, alias similes Synodos, contra Athanasium congregatas, ob eandem rationem, quod scilicet illis potentes Laici interfuisent, illegitimas reputatas fuisse a Liberio Papa, qui nomine Imperatoris Constatintii, ab Eusebio Spadone rogatus, ut in Athanasii damnationem, a pluribus pseu-Jo-synodis factam, subscriberet, inter cetera reposuit: *Ecclesiastica Synodus procul palatio exigatur, ubi nec Imperator compareat, nec Comes accedat, nec Index commineatur*, quod refert Athanasius *epist. ad Solitarios, seu hyst. Ariaror. ad Monachos* num. 36. (tom. 1. part. 1. oper. pag. 365.)

§ Non ideo tamen negamus, posse quandoque Reges, & Principes, aliosque Laicos particularibus Episcoporum conventibus adesse, si nimirum ita ferat consuetudo, aut ab Episcopis, ex aliqua rationabili causa, libere & sponte invitentur, aut illorum praesentiam rerum circumstantiæ exposcant, puta, si de rebus politicis, Principem & populum respicientibus, tractandum sit: Etenim Concilio Toletano VIII. anni 653. plures subscripsisse, legimus, Comites Palatinos, quos, antiqua consuetudo, ad illam introducendos, suaferat, quemadmodum in allocutione ad Synodum aiebat Reccevinthus Rex: *Vos etiam illustres viros, quos ex officio Palatino huic sanctae Synodo interesse, primatus obtinuit* (tom. 3. collect. Hard. col. 955.); Concilium vero Toletanum IV. anni 633. cap. 4. Laicos arbitrio Concilii admitti permisit: *Post ingressum omnium Episcoporum, atque confestim, vocentur deinde Presbyteri, quos causa probaverit intrare .... deinde ingrediantur Laici, qui, electione Concilii, interesse meruerunt*. (tom. 3. collect. Hard. col. 580.). Ad Concilium autem Epaoense anni 517. Viventius Episcopus Lugdunensis, in convocationis epistola etiam Laicos invitavit: *Præsenti protestatione denuntio conventum Episcoporum omnium sortis nostra circa Septembris mensis initium, in Epaoensi parocia moriturum: ubi Clericos, prout expedit, convenire compellimus; Laicos, permittimus, interesse: ut, quia a solis Pontificibus ordinanda sunt, & populus possit agnoscere*. (c. lect. Harduin. tom. 2. col. 1046.). Ac tandem Carolus Magnus, & Ludovicus Pius pluribus interfuerunt Episcoporum coetibus, in quibus, non de solis rebus Ecclesiasticis, sed de alijs, ad politicum regni regimen spectantibus, actum, & deliberatum fuisse, ex eorundem Actis apparet: Iisdem vero urgentibus circumstantiis, & accedente Patrum assensu, posse etiam Laicos ad Concilium Provinciale admitti, tradidit Guillelmus Durandi Episcopus Mimatensis in tractatu *de modo Generalis Concilii celebrandi*, quem iussu Clementis V. summi Pontificis edidit, & Concilio Viennensi obtulit, ubi part. 2. tit. 11. agens de Concilio Provinciali, & de modo in eo retinendo, inquit: *Post ingressum omnium Episcoporum, atque confestim, vocentur deinde Presbyteri, quos causa probaverit intrare, nullus se inter illos ingerat Diaconorum. Post hos ingrediantur Diacones probabiles, quos ordo popo-*  
*ferus*

*fecerit interesse; & corona facta de sedibus Episcoporum, Presbyteri a tergo eorum resident; Diaconi in conspectu eorum stent; deinde ingreditur Laici, qui electione Concilii, interesse meruerunt.*

6 Sed, præter recensitas circumstantias, nullum jus sibi arrogare possunt Principes, eorumve Administri, interveniendi Synodis Provincialibus. Hinc summi Pontifices Pius IV., & S. Pius V. vetuerunt, ne quispiam nomine Regio admitteretur, ad Synodum Provinciale Toletanam, ea tempestate indictam, sed Synodi acceleratio prævertit Pontificum mandata, quæ, per Apostolicum Nuntium, fuissent Archiepiscopo significanda; Cumque subinde aliud simile Concilium, præsentè Legato Regio, anno 1582., fuisset Toleti celebratum, sacra Congregatio Concilii noluit illius decreta approbare, nisi prius Legati nomen ex Concilii Actis expungeretur; Et, quanquam Cardinalis Quiroga, Archiepiscopus Toletanus, pluribus ab antiquitate petitis exemplis, ostendere conatus sit, inusitum non esse, ut Ministri Regii in Conciliorum Provincialium Actis nominentur, ea tamen visa sunt non congruere præsentì disciplinæ, præsertim post Tridentinum vigenti, cum, paucis exceptis, in Hispania habitis, non facile sit aliud Provinciale Concilium reperire, cui Regii Administri intersuerint, sicuti scite ad eundem Cardinalem Quiroga anno 1584. rescripsit Cardinalis Philippus Boncompagnus: *Nunquam invenitur, sæculares Principes, eorumve Nuntius interfuisse Conciliis, nisi Universalibus, ubi agitur de Fide, reformatione, & de pace.* Quocirca, post longas, hac super re habitas, disceptationes, tandem Gregorius XIII. suis Apostolicis litteris, in forma Brevis datis die 26. Januarii 1585. nomen Regii Legati ex præfato Concilio omnino deleri, mandavit. Tota hujus rei series descripta reperitur lib. 4. decretor. sacra Congregationis Concilii pag. 18. & 19., & narratur a Cardinali de Aguirre tom. 4. Concilior. Hispania pag. 224. & seqq.

7 Non exinde tamen fas est inferre, integrum nunc amplius non esse Episcopis, Laicis ad Synodum invitare, non quidem, ut intersint tanquam Judices, quod nunquam licuit, sed tanquam meri auditores, seu testes eorum, quæ decernuntur, quod olim a Viventiolo factum, paulo ante audivimus; quoniam etiam nunc tales circumstantiæ occurrere possunt, quæ Laicorum præsentiam Synodo valde utilem, & fructuosam reddant. Quamobrem eadem sacra Congregatio Concilii post præfatum decretum editum in causa Toletana, die 22. Aprilis 1598. in alia causa Turritana dixit: *Gubernatorem, aliosque Laicos non debere Concilio Provinciali interesse, nisi a Synodo fuerint invitati* (lib. 9. decretor. pag. 66. a tergo); Idque certum ponit Cæremoniale Episcoporum lib. 1. cap. 31. ubi loquens de Concilii Provincialibus, etiam Laicis locum assignat: *Sedilia in ecclesia disponuntur, in Provincialibus quidem æquasia pro numero Episcoporum, Abbatum, aliorumque Ecclesiastica dignitate fulgentium, item pro Canonicis, ac pro Laicis, si qui interfuturi sunt.* Recte nihilominus, & opportune Pignatellus consuls. 70. tom. 1. Episcopos monet, ut caute in hoc se gerant, neque nimis

mis faciles se præbeant in Laicis ad Synodum invitandis, ne, quod ab initio meræ voluntatis, & urbanitatis fuit, tractu temporis fiat necessitatis.

8 Ut jam a Provincialibus ad Dioecesanas Synodos progrediamur, non prorsus ab antiquis moribus alienum fuisse, arbitramur, ut ad istas pariter quandoque Laici introducerentur; quoniam in Concilio Tarraconensi anni 516. edit. a Garzia Loaisa, & relato ab Ivone *part. 8. cap. 155.* statutum reperimus, Synodos ab Episcopis esse per litteras indicendas: *Ut non solum a Cathedralibus ecclesiis Presbyteros, verum etiam de diocesis ad Concilium trahant, & alios de filiis Ecclesie secularibus secum adducere debeant.* At hic mos ita postea obsolevit, ut disputent Doctores, an in ullo rerum eventu liceat nunc Episcopo, Laicos ad suam Synodum admittere. Monacellus *cit. tom. 1. tit. 5. formul. 3. num. 6.* & Dominus de Alste in *methodo visitationis Apostolice part. 5. §. 3. num. 23.* id arbitrio Episcopi plene permittunt. Sed his refragatur sacra Congregatio Concilii, quæ, in causa Ortolen. Synodi, interrogata: *An Episcopus possit ad Synodum vocare Laicos, si eorum consilio nil velit.* Respondit: *Episcopum non posse (lib. 14. decretor. pag. 600. & 601.)* Bortus in *tract. de Synodo part. 2. num. 38.* Laicos admittendos, affirmat, cum de communibus Clericorum, & Laicorum negotiis est deliberandum. At Malfobrius in *tract. de Synodo cap. 3. dub. 3.* & Romiguer. *ad Constit. Synod. Gerunden. lib. 1. tit. 1. cap. 2. num. 20.* Borti assertionem ita temperandam, existimant, ut tunc Laici admitti quidem possint, sed non necessario debeant. Nos vero coherentem ad ea, quæ de Synodo Provinciali diximus, hæc statuimus: Primò, jus commune obistere Laicis, ne Synodo se interesse debere contendant: Secundò, non obstante hac juris severitate, aliquid nihilominus esse deferendum contrariæ consuetudini, si alicubi jam invaluerit: Tertiò, etiam si ejusmodi consuetudo nondum sit inducta, posse Episcopum ex aliqua gravi urgentique causa ad suam Synodum Laicos admittere, dummodo tamen suffragium non ferant: Quartò, inter sufficientes causas illos admittendi, non posse eam annumerari, quam sacra Congregatio jam rejecit, quod scilicet Episcopus Laicorum consilio indigeat; commode quippe potest eos extra Synodum consulere: Quintò demum, cavendum esse Episcopis, ne sine vera & gravi necessitate, Laicos ad Synodum arcessant; paulatim enim possent illi, consuetudinis obtentu, jus interveniendi sibi deinceps arrogare, quod jam nuper de Synodo Provinciali cum Pignatello animadvertimus.

9 Hinc Odo, Episcopus Parisiensis, in suis Constitutionibus Synodalibus, quas anno 1198. condidit, quamvis Laicos a prævio ad Synodum apparatu non excluderet, districte tamen præcepit, ut ante sessionis initium e Synodi loco repellerentur: *Finito sermone (inquit) licentiaabit Episcopus Laicos, & Scholares, & alios Clericos, qui non debent Synodo interesse (collect. Hard. tom. 6. part. 2. col. 1938.)* Idemque anno 1289. faciendum, decrevit Raymundus, Episcopus Ruthenensis, in supracitata epistola Synodica:

nodica: *In utraque vero die, completo sermone, Laici a loco, ubi tenebatur Synodus, expellantur; quod pariter præscribunt sæpius laudata statuta Ecclesiæ Meldensis, anni 1244. & 1363. (tom. 4. cit. anecdot. Martene, & Durand. col. 891.)* At S. Carolus Borromæus in suis Synodis, quo liberius posset Clericorum vitia redarguere, Laicos, ante sermonem, ab ecclesiâ exire, iussit, teste Giussano in ejus vita lib. 2. cap. 16.

## CAPUT X.

*De ordine sedendi in Synodo.*

I Extra omnem controversiam est, primum, & spectabiliorem locum deberi Episcopo, juxta Textum in *can. Episcopus in ecclesia, d. st. 95.*, & decretum Tridentini sess. 25. cap. 6. *de reform.*: *Episcopis præterea ubique is honor tribuatur, qui eorum dignitati par est, eisque in Choro, & in Capitulo, in Processionibus, & aliis actibus publicis, sit prima sedes, & locus, quem ipsi elegerint, & præcipua omnium rerum agendarum auctoritas.* Aliud tamen est de Synodis, sive Generalibus, sive Nationalibus, quibus, una cum Episcopis, simul inter sint S. R. E. Cardinales: hi siquidem, etsi Episcopali careant charactere, ob eorum tamen officii, ac dignitatis præstantiam, Episcopis præferuntur, supra quos sedisse legimus in Concilio Lugdunensi I. sub Innocentio IV., in cujus Actis habetur (*collekt. Harduin. tom. 7. col. 378.*) *Ad dexteram, & in eminentioribus locis sederunt Episcopi Cardinales, ex altera vero Presbyteri Cardinales, Archiepiscopi, & Episcopi post eos;* in Concilio quoque Lugdunensi II., anni 1274. sub Gregorio X., Cardinales omnibus antelatos Episcopis, & Metropolitanis, legitur apud Raynaldum *ad eund. annum num. 3.*: eandemque loci prærogativam Cardinalibus delatam, in Concilio Florentino, ex ejusdem Actis liquet. In Concilio pariter Romano anni 1059. sub Nicolao II., quod ex antiquo codice Vaticano transcriptum, publici juris fecit Petrus Possinus, Cardinales, ante Episcopos, Conciliaribus decretis subscripserunt (*collekt. Hard. tom. 6. par. 1. col. 1066.*); nec mirum est, Cardinalibus, qui supremi Ecclesiæ Moderatoris consilarii sunt, eique, tanquam membra suo capiti, adherent, hanc attribui præminentiam, cum in Ecclesia Constantinopolitana, eandem obtinuerint septem Diaconi Cruciferi, quinimmo etiam Synelli, hoc est simplices Clerici, aut Monachi, familiares, & commensales Patriarchæ, qui loco superiore in Synodis sedebant, quemadmodum ad rem observat Christianus Lupus in *schol. & not. ad can. Concil. tom. 2. pag. 1474. & tom. 3. pag. 441.* Durum nihilominus visum est Henrico Archiepiscopo Cantuariensi, sibi Regni Primati, atque Apostolicæ Sedis Legato nato, juxta Text. in *cap. 1. de offic. Legat.*, anteponi Joannem Kemp. Archiepiscopum Eboracensem, ab Eugenio IV. purpura decoratum, cui propterea cedere recusavit; verum cum excitatam ab Henrico, de præcedentia questione.

tionem resciverit Pontifex, litteris ad eundem datis, primum in sedendo locum, honoremque, supra quosvis Episcopos, & Archiepiscopos, Cardinali adjudicavit, quæ quidem Eugenii litteræ, in quibus Cardinalitæ dignitatis eminentia summo opere celebratur, referuntur a Raynaldo ad an. 1439. num. 40., a Cardinali Jacobatio de Conciliis lib. 1., extantque Bullar. Rom. pag. 21. tom. 3. part. 3. Latæ tamen ab Eugenio sententiæ, non acquievit Archiepiscopus Gnesnensis, Regni Poloniæ Primas, qui paucis postea annis, idest anno 1449. in Comitibus Petricovienfibus, de loci prærogativa contendit, cum Cardinali Sbigneo, Episcopo Cracoviensi, quam tamen Nicolaus V. iterum Cardinali asseruit, uti narrat cit. Raynaldus ad an. 1449. num. 9., cumque Archiepiscopus ad Regem provocasset, negavit Rex, se posse causam pertractare, quam summus Pontifex, sua sententiâ terminaverat, sicuti prosequuntur Spondanus ad eundem annum num. 14., & Cromerus lib. 22. Hæc, de quibus plura Jacobus Antonius Crusius tract. de præcedentiâ, cap. 3., incidenter & cursim: scimus quippe nullam, de hujusmodi præcedentiâ quæstionem moveri posse in nostra Synodo Dioecæsana, cui unicus præest Episcopus, eique propterea principem locum deberi, nemo unquam dubitavit.

2. Post Episcopum, ante ceteros assidere debet Vicarius Generalis, qui ratione jurisdictionis, quam in omnes exercet Dioecæsanos, omnibus dignitate antecellit, sicuti late ostendunt Sbrozzius de Vicario Episcopi lib. 2. quæst. 25. Leo in Thesauri Forti Ecclesiastici part. 1. cap. 10. num. 10. & 11., atque a sacra Congregatione Concilii decusum, testatur Jacobus Gallus consil. 62. num. 13., referens decisionis verba, quæ sic sonant: Vicarium Generalem, tam præsentem, quam absentem Episcopo, præcedere debere Canonicos, & Dignitates ecclesiæ Cathedralis, etiam in Synodo; Gallo adtipulatur Scarfantonius in addit. ad Cœcoper. lib. 4. tit. 3. sub num. 21., aliam adducens ejusdem sacre Congregationis decisionem, hisce verbis conceptam: Vicarium in Synodo locum habere, ante Dignitates, & Canonicos ecclesiæ Cathedralis. Quapropter Robutterius, Rotæ Auditor, in suo voto, impresso apud Gratianum discept. 3. num. 23. egregie confutatis duobus contrariis consiliis § 1. & § 2. Jacobi Menochii, universim & generatim astruit Vicario Generali præcedentiâ tam in Synodo, quam extra Synodum, supra ecclesiæ Cathedralis Capitulum, ejusque Dignitates, quod etiam affirmant Fagnanus in cap. Ad hæc, num. 29. de Præbendis, Panimoll. decis. 1. adnotat. §. 4. num. 2. ad num. 46., & adnotat. 16. num. 1. & seqq. Ricc. in praxi part. 4. resolut. 190. num. 8. Monacell. in formular. legal. part. 2. tit. 13. formul. 2. num. 18. quorum Doctorum sententiæ favet Textus in can. Præcipimus, dist. 93. ubi legitur: Præcipimus, ne Diaconus, quamvis etiam in dignitate, hoc est in officio quilibet Ecclesiastico sit, ante Presbyterum sedeat, nisi cum locum, habueris propriæ Patriarchæ, aut Metropolitani sui, pro aliquo Capitulo; tunc enim scitis illius locum tenens honorabitur. Hinc liquidem, quidquid in contrarium opinetur Janus a Costa ad tit. de majoris. & obed. pag. 216. evidenter desumitur. Vicarium



carium Generalem, absente Episcopo, cujus locum tenet, ac jurisdictionem exercet, in Synodo, & extra Synodum, etiam Canonicis, ac Dignitatibus præire debere.

3 De loci, post Episcopum, honorabilioris prerogativa, cum Vicario Generali Patavino contendit olim Abbas Sanctæ Nicæ, habens usum Mitræ, & Baculi, cum jurisdictione, intra suam ecclesiam, & in suos Canonicos, sed illam pluribus Vicario vindicavit Massobrius *de Synodo Diocæs.* cap. 3. dub. 6., ubi validis argumentis conclusit, tam præsentem, quam absentem Episcopo, debere Vicarium Generalem Abbati præcedere. Hodie tamen, post supra allegatum Gregorii XIV. decretum, neminem reperiri, putamus, qui audeat jus sibi arrogare præcedendi Vicario, nisi illud acquirerit ex legitima consuetudine, cui Pontifex in eodem decreto non derogavit. Ejusmodi consuetudine se fulciri, jactabant Canonici Hispalenses, ut locum, supra Vicarium, sibi in Synodo compararent; sed, cum illam non probaverint, in sacræ Rotæ Auditorio die 21. Junii 1697. coram Muto, succubuerunt, quemadmodum etiam superius fuit indicatum. Secus accidit Archidiacono, Dignitatibus, & Canonicis ecclesiæ Cathedralis Melitensis; hi quippe, cum rite ostenderit, se ex antiqua consuetudine esse in quasi possessione præcedendi Vicario Generali, tam in Rotæ Auditorio, quam in sacra Congregatione causam obtinuerunt, uti narrat Auctor *Siciliæ sacræ tom. 2. edit. Panorm. an. 1733. pag. 920. num. 49.*

4 Præter consuetudinem, alia quoque potest esse ratio, ob quam Dignitates, & Canonici sibi in Synodo præferendos Vicario Generali, jure meritoque postulare queant, si nimirum sacris vestibus induti ipsi Synodo assistant, quod censuit sacra Congregatio Concilii in Petragoricensi, die 16. Septembris 1649. (*lib. 18. decretor. pag. 678.*) *Sacra &c. respondit, Vicarium Generalem in Diocæsana Synodo habere debere locum, ante Canonicos, & Dignitates ecclesiæ Cathedralis, si non sint Parati.* Quæ tamen decisio est ita intelligenda, nisi Vicario assistat consuetudo, etiam tunc præcedendi, aut nisi ipse pariter sit indutus habitu Prælaritio, Rochetto videlicet, & Mantelletta, juxta alias ejusdem sacræ Congregationis declarationes, relatæ a Massobrio cap. 4. dub. 6. num. 37. & 47. quem sequitur Panimoll. *decis. 1. adnotat. 5. num. 53.*

5 Tertium in Synodo locum occupant Dignitates, & Canonici ecclesiæ Cathedralis, eo inter se sedendi ordine retento, quem in Choro, aliisque actibus servare solent. Post Canonicos sedent eorumdem Coadjutores, uti tradit Pignatelli *consult. 185. num. 3. & 4. tom. 4.*; Beneficariis vero, seu Mansionariis ecclesiæ Cathedralis, sedilia aptantur, statim post Canonicos, non quia digniores sint Canonicis ecclesiarum Collegiatarum, sed ne se jungantur a Capitulo ecclesiæ Cathedralis, cujus sunt addicti servitio, quod bene notavit Gaventus in *praxi Synodi Diocæsane cap. 13. num. 7.* Eam autem post Episcopum, & Vicarium sedendi præeminentiam obtinent Canonici ecclesiæ Cathedralis, cum simul uniti, & constituentes

unum corpus, seu capitulariter, ut dicitur, Synodo interveniunt; nam, si separatim & singillatim adsint, debent locum cedere Abbatibus, habentibus jus Mitræ, & Baculi, etiam Titularibus, & Commendatariis, tam Sæcularibus, quam Regularibus, sicuti præscribitur in Cæremoniali Episcoporum lib. 1. cap. 31. ubi de ordine sedendi in Synodo, sive Provinciali, sive Dioecesana, hæc habentur: *Dignitates, & Canonici Cathedralis ecclesie cum capitulariter procedunt, aut sunt, præferuntur ceteris omnibus; alias Abbates Titulares, & habentes usum Mitræ, præcedunt, & post eos Commendatarii, deinde Dignitates, mox Procuratores Capitulorum ecclesiarum Cathedralium, deinde ceteri, pro cuiusque dignitate, & gradu.* Additque Leo For. Ecclesiastic. part. 1. cap. 9. num. 4., etiam Protonotarios, non Participantes, indutos Mantelletta, & Rochetto anteponi Canonicis, non capitulariter, sed divisim incedentibus, aut adstantibus, & sequitur Scartantionius in notis ad Ceccoperium lib. 3. tit. 8. num. 38. & seqq.

6 Inter Abbates autem ille censetur alteri honore antecellere, qui prius abbatiam est assequutus, nulla habita ratione antiquitatis, seu dignitatis Ordinum, aut ecclesiarum, quibus sunt addicti, ad normam sententiæ latæ a Pio IV. in causa Præcedentiæ inter Canonicos Regulares Lateranenses, & Monachos Cassinenses, quam quidem sententiæ idem summus Pontifex suis corroboravit Apostolicis litteris, quæ habentur in Bullario Lateranensi pag. 275. Generatim enim, in quæstionibus de præeminentia, receptum est, ut, ceteris paribus, ille alteri præponatur, qui prius ad dignitatem est promotus, quod ex verbis in can. final. dist. 17. & in cap. 1., cap. 15. & cap. 16. de majoris. & obed. bene deducunt Cassan. in cas. glor. mund. part. 4. Manriquez de precedencia quæst. 1. num. 17. Peralta eod. tract. de precedencia cap. 3. num. 4.

7 Quartus in Synodo locus, ecclesiarum Collegiatarum, intra civitatem; quintus, earumdem in dioecesi existentium, Canonicis assignatur; ita tamen, ut antiquior & dignior Collegiata civitatis anteponatur aliis Collegiatis, ejusdem civitatis, idemque ordo servetur inter Collegiatas dioeceseos. Contigit autem aliquando, ex insignibus Collegiatis, unam, quamquam recentiore, ex Apostolico privilegio, usum habuisse Cappæ magnæ, quam gestare non poterant Canonici Collegiatae antiquioris, cui simile indultum non fuerat concessum; quamobrem prioris Collegiatae Canonici, una cum spectabiliori, magisque honorifico Cappæ ornamento, se jus pariter assequutos, contendebant præcedendi alterius antiquioris Collegiatae Canonicis, sola Almutia indutis. Verum sacra rituum Congregatio, ad quam causa est delata, censuit, ejusmodi honoris insignia nullam denotare præeminentiam, neque alterius juribus præjudicium ullum inferre; quocirca, etiam in prædicto rerum eventu, præcedentiam competere, decrevit insigni Collegiatae, quæ esset antiquior. Controversiæ seriem exponit Ursaya part. 1. disp. 6., in cujus sine laudatum refert sacre rituum Congregationis decretum. Canonicos, nisi obfist

obstet contraria consuetudo, subsequuntur Vicarii Foranei, quos forte contingat, inter Parochos non cooptari; Etenim ob illam qualemcumque jurisdictionem, quam exercent, maxime decet, eos Plebanis præferri, & præferendos statuit Joannes Franciscus Bonhomius in *supraalleg. decretis reformationis Ecclesiasticae* pag. 122. ubi, loquens de Vicariis Foraneis, ait: *Parochi, reliquæ omnes, quicumque illi sint, & Archipresbyteri, aut Praepositi, Vicariis ipsis pareant, ac loco cedant, non in Divinis Officiis tamen, in quibus, si Canonici fuerint, suo loco eos sedere, convenit; Ideo autem locum digniorem cedunt Canonicis ecclesiarum Collegiatarum, quia isti (ut putamus) Synodo adsunt collegialiter uniti, seu ut constituentes unum corpus. Infra Vicarios Foraneos sedere debent Plebani, seu Archipresbyteri rurales, nisi usus obtinuerit, ut promiscue affideant cum Parochis, & Curatis, qui in sedendi ordine statim succedunt, & e quibus ille alteri præire debet, qui prius parocciæ præfectus fuit.*

8 Post omnes hucusque enumeratos, subsellia parantur: primò pro obtinentibus simplicia Beneficia: secundò pro ceteris e Clero: tertio pro Religiosis, & Monachis, si qui forte ad Synodum venire jussi fuerint: postremo pro Laicis, si casus evenierit, ut ad Synodum admittantur. Inter Clericos porro ille alteri præcedit, qui in majori Ordine est constitutus, Presbyter scilicet Diacono, Diaconus Subdiacono, & sic deinceps, per Textum in *cap. Statuimus, de majorit. & obed.* Quod si plures fuerint Ordine pares, spectatur tempus Ordinationis, & ille alteri antepositur, qui prius est inauguratus; & si etiam in Ordinationis die convenient, habenda est ratio ætatis. Ab hac tamen regula est ille excipiendus, cui Ordo collatus est a Romano Pontifice; Is quippe, propter supremam dignitatem Ordinantis, inter alias, quibus gaudet prærogativas, quas recenset Hallier de *saecris electionibus* part. 5. cap. 3. art. 9. §. 1. etiam hac potitur, ut ceteris præferatur, in eodem Ordine constitutis, per Textum in *can. ultim. dist. 17. can. fin. dist. 75. & cap. Per tuas, de majorit. & obed.* ubi Gonzalez num. 3. Barbosa num. 2. Valenz. *consil.* 1. num. 16. & fusius Hallier *cit. loc.*; Siquidem, uti observat Glossa in *ead. cap. Per tuas*, etiam lege civili sancitum est, primò eorum nomina esse scribenda, qui dignitatem, judicio Principis, sunt consecuti.

9 Plurima de ordine sedendi in Synodo videri possunt apud Bottum de *Synodo* part. 1. num. 10., Massobrium *cap. 4. dub. 6.*, Ursayam *discept.* 29. tom. 2. part. 1., & *discept.* 9. *cod. tom. 2. part. 2.*; quamvis revera difficile sit, in hac præcedentiæ materia, certam regulam definire; cum potissimum inherendum sit consuetudini, quæ pro locorum diversitate, diversa est. Ad amputandas autem lites, & cujusque jura facta tecta servanda, prudenter se geret Episcopus, si, in Synodi initio, decretum promulgaverit, quo declaretur, ex ordine inibi sedendi nihil detractum iri juri habendi præstantiorem locum, quod quispiam sibi competere credat; quod faciendum statuit S. Carolus Borromæus in Concilio Provinciali Mediolanensi.

nenſi V. part. 3., ubi inter decreta, initio Dioceſane Synodi, legenda. hoc quarto loco commemorat (*Aſſ. Eccl. Mediol. part. 1. pag. 278.*) *Si cui in ea Synodo contigerit ſuo loco non ſedere, aut incedere, aut aliud quidquam agere, id præterea nemini juſ acquiri, acquiſitumve eſſe; neque quidquam de cuiuſquam jure, poſſeſſioneve detrahi, ſed omnia in eo ſtatu permanere, quo antea fuiſſe compertum erit; idemque cautum legimus in Synodo Diamperitana, habita anno 1599., quam notis a ſe illuſtratam an. 1745. typis Romanis edi curavit Pater Franciſcus Raulin; neque ulli diſplicere poteſt ejuſmodi temperamentum, quod adhibitum ſcimus, etiam ab Oecumenica Tridentina Synodo, quæ in fine ſeſſ. 2. ait: Inſuper ipſa ſacra Synodus ſtatuit ac decrevit, quod ſi ſorte contigerit, aliquis debito in loco non ſedere. . . nulli propterea præjudiciuſ generetur, nullique novum juſ acquiratur, quod denuo in fine ſeſſ. 25. de loco ſtatuit, aſſignato Oratoribus, tam Eccleſiaſticis, quam ſæcularibus, in ſedendo, incedendo, aut quibuſcumque aliis actibus, per quem nulli juſ de novo acquiſitum, nulli ablatum, declaravit.*

## CAPUT XI.

*De Indumentis Episcoporum, aliorumque, qui Synodo Dioceſane interſunt.*

**U**T Sacerdotalis conſeſſus majeſtas ſplendidior foret, ſuique venerationem omnia ingereret, pluribus, & antiquis Conciliorum ſanctionibus, decretum fuit, ut quotquot Synodo intereſſent Clerici, aliquod induerent ſacrum ornamentum, cujuſque dignitatis, ſeu Ordinis proprium. Ex innumeris, quæ præſto ſunt, particularium Eccleſiarum, hac de re, ſtatutis, pauca quædam ſeligimus. Inter Conſtitutiones Eccleſiæ Claromontenſis, anni 1268. (*collect. Harduin. tom. 7. col. 587.*) legimus: *Diſtrictè præcipientes Sacerdotibus, ut jejunii intrent Synodum: in jejunio enim, & oratione debet fieri. Inſungimus iterum diſtrictè Sacerdotibus Curam animarum habentibus, ut induti Albis & Stolis intrent Synodum æſtivalem; in Superpelliceis tantum, & Stolis, Synodum hiemalem; Abbates autem Cappis ſericis ſint induti. His concinunt ſæpius laudata ſtatuta Synodalia Eccleſiæ Meldenſis, anni 1245., & 1363. (*cit. tom. 4. anecdot. col. 891.*) cap. 2. Diſtrictè præcipitur Sacerdotibus, ut rasi coronam, & jejunii intrent Synodum, ſub poenis a jure ſtatutis. Diſtrictè etiam præcipitur, ut induti Albis, & Stolis intrent Decani Synodum. Sacerdotes vero in Superpelliceis. Conſtitutiones Eccleſiæ Nicolienſis (*collect. Harduin. tom. 7. col. 1697.*) cap. 3. decernunt: *Intrent autem omnes in honeſto habitu, videlicet in hieme in Superpellicio, vel Capa claſſa, aut Choral; In æſtate vero in Superpellicio tantum. Statuta Synodalia Eccleſiæ Nannetenſis cap. 2. (*cit. tom. 4. anecdot. col. 931.*) ajunt: Præcipitur Sacerdotibus, ut jejunii, & induti Superpelliceis, & Stolis mane intrent in Synodum; ceteri autem, Perſonatus, ſeu Vicarias habentes eccleſiarum, Superpelliceis tantum albis; Abbates autem Cappis ſericis ſint induti.**

2. Majorem, & splendidiorem sacrarum vestium apparatus præscripsit Concilium Budense a Philippo, Episcopo Firmano, Sedis Apostolicæ per Hungariam, & Poloniam Legato, anno 1279. celebrato, quod ex ms. codicibus Vaticano, & Vallicelliano edidit Odoricus Raynaldus ad calcem tom. 14. *annal. Ecclesiast.* In hujus quippe cap. 20. hæc leguntur: *Statuimus etiam, & præcipimus, ut omnes tam Regulares, quam Saculares in Dignitatibus, seu Personatibus constituti illius Metropolitanæ, in qua Provincialis, & illius diocesis, in qua Episcopalis Synodus fuerit celebranda, veniant . . . , præterea statuimus, quod Archiepiscopi, Episcopi, Abbates, & quilibet alii, qui ex privilegio Mitris utuntur, mitrati cum Superpellicis, Stolis, & Cappis, seu Pluvialibus; Præpositi vero, Priores, & alii inferiores Prelati cum Superpellicis, & Stolis, si Diaconi saltem sint, & si volint, Pluvialibus, seu Cappis; Restores vero, & simplices Sacerdotes cum Cottis, seu Superpellicis, & Stolis tantum; Inferiores vero status, vel Ordinis Clerici cum Cottis Synodum intrent . . . Religiosos quoque, nullam Prelaturam, vel administrationem habentes perpetuam, permittimus, in habitu suo cum Stolis in Synodo posse stare.*

3. Licet porro hæc peculiarium Ecclesiarum statuta omnes non obstringant, ritum tamen & solemnitatem demonstrant, quæ decet, Synodum celebrari. Adde, quod non multum discrepant ab usitato, & communiori hujus temporis more, quem, ut ex Cæremoniali Episcoporum lib. 1. cap. 21., & Gavanto in cit. *praxi* cap. 13. describamus, ab Episcopo initium ducimus. Ante Synodum, aliquot congregationes, pro ejusdem directione fieri solent in ædibus Episcopalibus, quibus Episcopus præsidet, indutus habitu Prælatitio, Rochetto scilicet, & Mozetta: cum ad ecclesiam accedit, Synodum incepturus, vel profecturus, incedit indutus Cappa: priusquam preces recitet, quæ cujusque sessionis initio dicendæ sunt, præter Superpellicium, Amictum, & Stolum, induit Pluviale rubeum: in solemnî Supplicatione, quæ cum universo Clero in Synodi initio, & fine per urbem institui solet, pergit indutus Alba, Stola, Pluviali rubri coloris, Mitram pretiosam, & Pastorale baculum deferens; easdemque vestes in sessionibus Synodalibus retinet. Hisce ornatum insignibus suam Synodum auspiciatum fuisse S. Franciscum Salesium, narrat Carolus Augustus Salesius in ejus *vita* lib. 5. pag. 250.: *Supplicatio per totam urbem instituta, in qua videre erat, præter Canonicos, centum Carriones Supparis indutos, ibat nobilissimus Salesius Mitra, & Trabes insignis, quem plurimi etiam Sacerdotes sequebantur.*

4. At una hic nobis occurrit quæstio: nimirum, an Archiepiscopus, Missam in sua Dioecesana Synodo solemniter celebraturus, inter cetera Pontificalia ornamenta, etiam Pallium induere queat. Idemque quaeritur de Episcopo, cui ex privilegio usus Pallii sit concessus. Certum in primis est, neutri licere, extra ecclesiam, & extra Missarum solemnia Pallium gestare, cum id a jure universim & generatim sit omnibus interdictum, juxta celebre responsum S. Gregorii Magni ad Joannem, Episcopum

pum Ravennatem *epist. 56. lib. 3. indict. x1. (tom. 2. col. 666.)* relata a Gratiano *can. Contra morem, dist. 100.* : Tibi non putavimus ignotum, quod pene de nullo *Metropolitano*, in quibuslibet mundi partibus sit auditum, extra Missarum tempus, usum sibi Pallii vendicasse. Et quod bene hanc consuetudinem generalis Ecclesie noveritis, vestris Nobis manifestissime significastis *epistolis*; Et infra, eumdem Joannem redarguens, quod in solemnibus extra ecclesiam, supplicationibus Pallium gestare præsumpsisset, pergit Gregorius (*col. 667.*) *Admoneo*, quatenus nisi Decessorum meorum munificentia tibi hac per privilegium attributa docueris, ut in plateis Pallium ulterius ferre non præsumas, ne non habere & ad Missas incipias, quod audacter, & in plateis usurpas. In eandem sententiam iterum scripsit Gregorius ad Marinianum, Joannis Successorem *epist. 56. lib. 5. indict. 13. (tom. 2. oper. col. 787.)* Quo (Pallio) non aliter te uti, memineris, nisi in propria tue civitatis, dimissis jam Filiis, ecclesia, procedas ad Salvatorio ad sacra Missarum solemnia celebranda: peractis vero Missis, idem in Salvatorio rursus curabis deponere; Salutatorium autem, cujus Gregorius meminit, quod etiam Diaconicum magnum, Secretarium, Receptorium, & Vestiarium appellabatur, erat Exedra ecclesie adjuncta, ubi Episcopi sacras vestes induebant, & priusquam ecclesiam ingrederentur, Fidelium salutaciones excipiebant, sicuti videri potest apud Du-Cange in descriptione adis *Sophiana num. 88. (ad calcem Cinnami)* & in glossario verb. *Saluatorium*, & *Bingamum origin. & antiquit. Ecclesiastic. tom. 3. lib. 8. cap. 7. §. 7. & 8.*

5 Certum præterea est, non in omnibus Missarum solemnibus posse ab Archiepiscopo, aut Episcopo, Pallii usum habente, illud adhiberi; Ut enim (ait Innocentius III. in *cap. Ad honorem, de auctoritate & usu Pallii*) solus Romanus Pontifex in Missarum solemnibus Pallio semper utitur, & ubique: Quoniam assumptus est in plenitudinem Ecclesiastica potestatis, quæ per Pallium significatur. Alii autem eo nec semper, nec ubique, sed in ecclesia sua, in qua jurisdictionem Ecclesiasticam acceperunt, certis debent uti diebus: Dies porro, quibus illis permittitur Pallium deferre, recenset Glossa in *cod. cap. verb. Ad honorem*, quibus posse alias, ex speciali privilegio addi, certum ponit Gregorius Magnus in *cit. epist. ad Joannem Ravennatem*, inquit: Aut enim mos omnium Metropolitanorum, etiam a tua Fraternitate servandus, aut, si tua Ecclesia aliquid speciale dicis esse concessum . . . , a vobis oportet ostendi. Et profecto illis diebus, a Glossa enumeratis, sive ab antiquo, sive a recentiori jure adjectum, scimus, diem, qua Archiepiscopus, Synodum celebrans Provinciale, sacra Mysteria solemniter agit, cum in Ceremoniali Episcoporum *lib. 1. cap. 31.* expresse dicatur: *Cantabitur Missa de Spiritu Sancto solemniter per Archiepiscopum, qui in ea utetur Pallio*; Quod quidem fuisse in usum deductum a S. Carolo Borromæo, atque a san. mem. Benedicto XIII., cum ille Mediolani, hic Beneventi Provinciales Synodos haberent, narrat Cardinalis Petra ad *Constit. Apost. tom. 5. pag. 31. & 32.*

6 Quare propoſita quæſtio unice verſatur circa Miſſam, ſolemniter cele-

celebrandam in Synodo Dioecessana. Ad quam indubitanter respondemus, neque Archiepiscopo, neque Episcopo, habenti Pallii privilegium, fas esse in ea Pallium gestare. Ratio ex iis, quæ præmissimus, obvia & perspicua sit: etenim Pallii usus pro die, de qua agimus, nusquam reperitur Archiepiscopo, aut Episcopo, Pallii privilegio ceteroquin exornato, concessus; unde Gavaneus in *praxi Dioecessana Synodi cap. 13.* satis apposite scripsit: *Habitus Episcopi in Missa Synodali erit Pontificalis, & coloris rubel. Si celebrat solemniter, assumit omnia Paramenta Pontificalia, usque ad Pallium exclusivè, quod etiam notavit Pax Jordan. tom. 2. lib. 8. tit. 2. num. 92.*

7 Quod attinet ad indumenta Vicarii Generalis: Aut is est Protonotarius Apostolicus, & tunc vestes induit, hujus muneris proprias, Rochetum videlicet, & Mantellettam: aut ea prærogativa caret, & vestes desert, quibus per urbem incedere solet. Quod si inter Canonicos coopeetur; in Missa, & solemnì Supplicatione, vestes adhibet Canonicorum; in sessionibus vero Synodalibus, illis depositis, proprias assumit; Gavaneus *cit. cap. 13. num. 111. & 12.*

8 Dignitates, & Canonici ecclesiæ Cathedralis Episcopo, rem Divinam solemnì ritu perficienti, assistunt, induti vestibus sacris, hoc est Dignitates Pluviali, Canonici ex ordine Sacerdotali, Casula, seu Planeta, Canonici ex ordine Diaconali, vel Subdiaconali, Dalmaticis; Quam distinctionem ideo servandam dicimus, quia factam credimus, divisionem Præbendarum, ad normam decreti, editi a Tridentino *session. 24. cap. 12. de reformatione*; Ubi enim ea divisio nondum facta fuit, omnes Canonicos uti solere Pluviali, affirmat Gavaneus *cit. loc. num. 2.* Coadjutores Canonicorum ecclesiæ Cathedralis, & Canonici ecclesiarum Collegiatarum vestes adhibent, quas in Choro ferre consueverunt. Vicarii Foranei, & Archipresbyteri rurales, in aliquibus dioecesebus, aut Pluviale, aut aliud ornamentum assumunt, quo a ceteris distinguantur; in aliis autem nullum obtinent speciale Insigne. Rectores quoque ecclesiarum Parochialium, alicubi, præter Superpellicium, seu Cottam, gestant Caputium, alibi Stolam. Ceteri de Clero solum induunt Superpellicium. Quæ omnia didicimus a Gavaneus *cit. cap. 13.*, rectè tamen concludente, standum esse locorum consuetudini.

9 Quod diximus de sacris indumentis, a Canonicis ecclesiæ Cathedralis adhibendis, locum dumtaxat habent, cum ipsemet Episcopus Sacris operatur, solemnì ritu; Nam, si vel privatim Missam faciat, vel Missæ, quam alter celebrat, assistat, quod tamen improbandum esse, ex iis patebit, quæ inferius *lib. 5. cap. 1. num. 3.* dicentur, Canonici sacra indumenta non assumunt, sed illa adhibent, quæ in Choro deferunt, quæ etiam retinent, cum sessionibus Synodalibus adsunt. Secus est de Episcopo, qui, etsi non celebret, debet tamen Synodo interesse, omnibus ornatus Pontificiis insignibus, quod monet Gavaneus *ed. cap. 131. num. 1.* eique assistunt Diaconus, & Subdiaconus cum Dalmaticis, perinde ac

de ac si Missam celebranti inservirent, quemadmodum præscribitur in Pontificali Romano, notatque Pax Jordan. *loc. cit.*

10 At una adhuc, quoad Canonicorum vestes, enodanda remanet difficultas. Nonnulla reperiuntur Cathedralium ecclesiarum Capitula, a Romanis Pontificibus hoc singulari exornata privilegio, ut Dignitates, & Canonici usum habeant Pontificalium. Jamdiu Dignitates, & Canonici ecclesiæ Cathedralis Lucensis a Lucio III., Alexandro III., Martino V., & Julio III. potestatem acceperant gestandi Mitram albam sericam, ad instar S. R. E. Cardinalium; Cumque Benedictus XIII. Lucensem Ecclesiam in Metropolitanam erexisset, aliud illis addidit privilegium, deferendi Pastorale baculum, instar Abbatum. Clemens XI. Dignitatibus, & Canonicis ecclesiæ Metropolitanæ Beneventanæ, & ecclesiæ Metropolitanæ Mediolanensi, præter Mitram, omnia indumenta concessit, quibus utuntur Abbates, usum Mitræ habentes. Ac tandem, ut cetera prætereamus exempla, Benedictus XIII. usum Pontificalium permittit Dignitatibus, & Canonicis ecclesiæ Cathedralis Viterbiensis.

11 Quibus positis, dubitatur, an Canonici, ejusmodi privilegiis decorati, possint in Dioecessana Synodo Pontificalia insignia adhibere. Et respondendum, censemus, posse, sepositis ceteris Pontificalibus ornamentis, atque assumptis sacris vestibus, quæ communes sunt aliis Canonicis, uti sola Mitra, cum Episcopus Missam solemniter ritu celebrat; cumque, una cum eodem Episcopo, & universo Clero ad publicas incedunt Supplicationes: Mitram pariter gestare poterunt in Synodalibus sessionibus, modo tamen aliis sacris, non vero Pontificalibus, vestibus, adsint induti; incongruum quippe esset, sine aliis sacris indumentis, Mitram deferre. Quod possint in prædictis actibus Mitram adhibere, ex verbis colligitur privilegiorum, quibus potiuntur; In illis siquidem, vel usus Mitræ ipsis tribuitur, etiam expresse & nominatim in Synodo, quemadmodum sonant verba privilegii, concessi Canonicis Viterbiensibus, vel saltem generalis facultas datur, Mitram gestandi in omnibus functionibus Ecclesiasticis, quibus etiam Synodales comprehenduntur.

12 Quod vero nequeant alia Pontificalia indumenta adhibere, censuit sacra Congregatio Concilii: Etenim cum Præpositus ecclesiæ Collegiæ S. Agathæ civitatis Cremonæ, cujus *lib. 3. cap. 1. num. 4.* meminimus, vellet Cremonensi Synodo interesse, indutus Pontificalibus ornamentis, quorum usum illi ceteroquin competere, nullus dubitabat, eique se opposeret Episcopus, quaesitum fuit a sacra Congregatione Concilii: An Præpositus S. Agathæ possit, ultra usum Mitræ in Cathedrali, & actionibus Synodalibus, uti Baculo, aliisque Pontificalibus ex laminis aureis, cum seposito genuflexorio, & sede, occasione celebrationis Missæ in Synodo. Et die 5. Aprilis 1732. responsum fuit: *Negative, excepto usu Mitræ simplicis, in actibus Synodalibus tantum;* Iterumque causa proposita, die 9. Augusti 1733. sacra Congregatio fuit in eadem sententia quoad omnia, excepta qualitate Mitræ,



Mitræ, quam, dixit, posse a Præposito gestari auriphrygiatam. Credere autem fas est, ideo, quoad hoc sacram Congregationem sententiam mutasse, quia deprehensum fuit, Præpositum exemptum esse ab Episcopi jurisdictione; ceteri quippe, Mitræ usu a Sede Apostolica donati, si Episcopi jurisdictioni subjaceant, in Episcopali Synodo Mitram simplicem dumtaxat, & non auriphrygiatam ferre permittuntur, juxta apertam decisionem Clementis IV. in cap. *Ut Apostolica*, de privilegiis in 6., cujus verba sunt: *De Fratrum nostrorum consilio; presenti decreto statuimus, ut Abbates, & alii, quibus Mitra usus est ab eadem Sede concessus: Exempti quidem in Provincialibus Conciliis, & Episcopalibus Synodis (quibus nonnulli eorum interesse tenentur) Mitris tantummodo aurifrisiatis, non tamen aureas, vel argenteas laminas, aut gemmas habentibus, uti possint: non Exempti vero simplicibus, & albis, ac planis utantur. In aliis vero locis exemptis, & non exemptis, Mitris licet illis uti, prout concessa eis ab eodem Sede Indulta permittunt. Quamobrem Canonici, & alii, qui nobiliori Mitra in aliis actibus & functionibus Ecclesiasticis, ex privilegio utuntur, si eandem in Synodo deferre gestiant, concludenter probare debent, id etiam honoris sibi specialiter & expresse, & quidem post Clementem IV., fuisse a Sede Apostolica tributum.*

## CAPUT XU.

*De poenis, quibus sunt obnoxii, non accedentes ad Synodum, nisi legitimo decineantur impedimento.*

**I**nutiles essent leges, & contemptui expolitæ, nisi simul in contumacem animadvertent; Eadem propterea jura, quæ Sacerdotes, ad Synodum ire jubent, aut poenâs irrogant, aut irrogandas illis decernunt, qui parere recusant: Memorata statuta Ecclesiæ Biterrensis ejusmodi refractarios ab ingressu ecclesiæ interdicunt: Synodus Catalaunensis anni 1393, & statuta Synodalia Ecclesiæ Nanbetensis anni 1499., eodem excommunicatione statim innodatos declarant: (cit. tom. 4. *Thesaur. nov. anecdot.* col. 627., 687., & 1018.); Jus vero commune in cap. *Quod super his, de majorit. & obed.* Episcoporum arbitrio permittit, sibi subditos Abbates, & Sacerdotes per Ecclesiasticam censuram ad Synodum venire compellere. Unde quamvis Concilium Tridentinum cit. cap. 2. sess. 24. de reform. ubi omnes Exemptos, & multis in casibus jam a Nobis expolitâ, etiam Regulares, ad Episcopalem Synodum ire debere, statuit, nullam mentionem fecerit poenæ, inobedientibus inferendæ, merito tamen sacra Congregatio, ejusdem Interpres, censuit, posse Episcopum illorum pariter contumaciam censuris, aliisque poenis coercere, sicuti lib. 3. cap. 1. num. 5. retulimus; Siquidem quandocumque Exempti, etiam si Regulares sint, ad Synodum accedere tenentur, cessat quoad hoc eorum exemptio, & sub-

de ac si Missam celebranti inservirent, quemadmodum præscribitur in Pontificali Romano, notatque Pax Jordan. *loc. cit.*

10 At una adhuc, quoad Canonicorum vestes, enodanda remanet difficultas. Nonnulla reperiuntur Cathedralium ecclesiarum Capitula, a Romanis Pontificibus hoc singulari exornata privilegio, ut Dignitates, & Canonici usum habeant Pontificalium. Jamdiu Dignitates, & Canonici ecclesiæ Cathedralis Lucensis & Lucio III., Alexandro III., Martino V., & Julio III. potestatem acceperant gestandi Mitram albam sericam, ad instar S. R. E. Cardinalium; Cumque Benedictus XIII. Lucensem Ecclesiam in Metropolitanam erexisset, aliud illis addidit privilegium, deferendi Pastorale baculum, instar Abbatum. Clemens XI. Dignitatibus, & Canonicis ecclesiæ Metropolitanæ Beneventanæ, & ecclesiæ Metropolitanæ Mediolanensi, præter Mitram, omnia indumenta concessit, quibus utuntur Abbates, usum Mitræ habentes. Ac tandem, ut cetera prætereamus exempla, Benedictus XIII. usum Pontificalium permisit Dignitatibus, & Canonicis ecclesiæ Cathedralis Viterbiensis.

11 Quibus positis, dubitatur, an Canonici, ejusmodi privilegiis decorati, possint in Dioecesana Synodo Pontificalia insignia adhibere. Et respondendum, censemus, posse, sepositis ceteris Pontificalibus ornamentis, atque assumptis sacris vestibus, quæ communes sunt aliis Canonicis, uti sola Mitra, cum Episcopus Missam solemnè ritu celebrat; cumque, una cum eodem Episcopo, & universo Clero ad publicas incedunt Supplicationes: Mitram pariter gestare poterunt in Synodalibus sessionibus, modo tamen aliis sacris, non vero Pontificalibus, vestibus, addunt induti; incongruum quippe esset, sine aliis sacris indumentis, Mitram deferre. Quod possint in prædictis actibus Mitram adhibere, ex verbis colligitur privilegiorum, quibus potiuntur; In illis liquidem, vel usus Mitræ ipsis tribuitur, etiam expresse & nominatim in Synodo, quemadmodum sonant verba privilegii, concessi Canonicis Viterbiensibus, vel saltem generalis facultas datur, Mitram gestandi in omnibus functionibus Ecclesiasticis, quibus etiam Synodales comprehenduntur.

12 Quod vero nequeant alia Pontificalia indumenta adhibere, censuit sacra Congregatio Concilii: Etenim cum Præpositus ecclesiæ Collegiæ S. Agathæ civitatis Cremonæ, cujus *lib. 3. cap. 1. num. 4.* meminimus, vellet Cremonensi Synodo interesse, indutus Pontificalibus ornamentis, quorum usum illi ceteroquin competere, nullus dubitabat, eique se opponeret Episcopus, quaesitum fuit a sacra Congregatione Concilii: *An Præpositus S. Agathæ possit, ultra usum Mitræ in Cathedrali, & actibus Synodalibus, uti Baculo, aliisque Pontificalibus ex laminis aureis, cum separato genuflexorio, & sede, occasione celebrationis Missæ in Synodo.* Et die 5. Aprilis 1732. responsum fuit: *Negative, excepto usu Mitræ simplicis, in actibus Synodalibus tantum;* Iterumque causa proposita, die 9. Augusti 1733, sacra Congregatio fuit in eadem sententia quoad omnia, excepta qualitate Mitræ,

Mitræ, quam, dixit, posse a Præposito gestari auriphrygiatam. Credere autem fas est, ideo, quoad hoc sacram Congregationem sententiam mutasse, quia deprehensum fuit, Præpositum exemptum esse ab Episcopi jurisdictione; ceteri quippe, Mitræ usu a Sede Apostolica donati, si Episcopi jurisdictioni subiaceant, in Episcopali Synodo Mitram simplicem dumtaxat, & non auriphrygiatam ferre permittuntur, juxta apertam decisionem Clementis IV. in cap. *De Apostolica, de privilegiis* in 6., cujus verba sunt: *De Fratrum nostrorum consilio, presenti decreto statuimus, ut Abbates, & alii, quibus Mitre usus est ab eadem Sede concessus: Exempti quidem in Provincialibus Conciliis, & Episcopalibus Synodis (quibus nonnulli eorum interesse tenentur) Mitris tantummodo auriphrygiis, non tamen aureas, vel argenteas laminas, aut gemmas habentibus, uti possint: non Exempti vero simplicibus, & albis, ac planis utantur.* In aliis vero locis exemptis, & non exemptis, Mitris liceat illis uti, prout concessa eis ab eadem Sede Indulta permittunt. Quamobrem Canonici, & alii, qui nobiliori Mitra in aliis actibus & functionibus Ecclesiasticis, ex privilegio utuntur, si eandem in Synodo deferre gestiant, concludenter probare debent, id etiam honoris sibi specialiter & expresse, & quidem post Clementem IV., fuisse a Sede Apostolica tributum.

## CAPUT XU.

*De poenis, quibus sunt obnoxii, non accedentes ad Synodum, nisi legitimo desistantur impedimento.*

**I** Nutiles essent leges, & contemptui expolitæ, nisi simul in contumaces animadverterent; Eadem propterea jura, quæ Sacerdotes ad Synodum ire jubent, aut poenas irrogant, aut irrogandas illis decernunt, qui parere recusant: Memorata statuta Ecclesiæ Biterrensis ejusmodi refractarios ab ingressu ecclesiæ interdicunt: Synodus Catalaunensis anni 1393., & statuta Synodalia Ecclesiæ Nanbeterrensis anni 1499., eisdem excommunicatione statim innodatos declarant: (cit. tom. 4. *Theaur. nov. anecdot.* col. 627., 667., & 1018.); Jus vero commune in cap. *Quod super his, de majoris. & obed.* Episcoporum arbitrio permittit, libi subditos Abbates, & Sacerdotes per Ecclesiasticam censuram ad Synodum venire compellere. Unde quatuordecim Concilium Tridentinum cit. cap. 2. sess. 24. de reform., ubi omnes Exemptos, & multis in casibus jam a Nobis expósitos, etiam Regulares, ad Episcopalem Synodum ire debere, statuit, nullam mentionem fecerit poenæ, inobedientibus inferendæ, merito tamen sacra Congregatio, ejusdem Interpres, censuit, posse Episcopum illorum pariter contumaciam censuris, aliisque poenis coercere, sicuti lib. 3. cap. 1. num. 5. retulimus; Siquidem quandocumque Exempti, etiam Regulares sint, ad Synodum accedere tenentur, cessat quoad hoc eorum exemptio, & sub-

duntur Episcopo, perinde ac ceteri Dioecesani. Quia vero, cum is qui ad Synodum, ita cunctanter se confert, ut cum jam absoluta est, ad eam perveniat, tum qui priusquam absolvatur, a Synodo recedit, legi potius illudere, quam obedire videtur; idcirco iisdem poenis se obnoxium facit, quæ in illos latæ, aut ferendæ sunt, qui nullo modo accedunt, quemadmodum advertunt Massobrius de *Synodo Dioec.* cap. 3. dub. 7. & Marefcotus *variar. resolut. lib. 1. cap. 52. num. 32.*

2 Nec solum potest Episcopus suam Synodum pervicaciter evitantes, Ecclesiasticis censuris irretire, sed etiam pecunia multare, quod adnotavit Pax Jordan. *lib. 8. tit. 2. num. 70.*, non enim defunt homines adeo rudes & crassi, rebusque his terrenis tam perditæ addicti, ut plus a poena pecuniaria, quam a censuris deterreantur. Ita Synodus Avenionensis, anni 1337. cap. 8., viginti solidis, usualis monetæ, in ecclesiæ fabricam erogandis, illos multavit, qui ad Synodum arcessiti non advenerant; Et Synodus Meldensis, anni 1363. cap. 4., similis inobedientiæ reos, suorum Beneficiorum fructibus privavit (*cir. tom. 4. anecdotor. col. 563. & 918.*). Ex mente tamen sacræ Congregationis Concilii, explicata in causa Pientina Synodi, quam *lib. 3. cap. 2. num. 8.* allegavimus, non debet Episcopus pecuniariam poenam imponere Regularibus; li quippe viritum accepti, rerum temporalium proprietatem non habent, nec æquum videtur, ut pro unius, vel alterius Religiosi contumacia, Communitas, seu Monasterium poenam subire debeat.

3 Verum, quia omnes leges, sed præcipue Ecclesiasticæ, sanctissimæ sunt, & ne latum quidem unguem a iustitia, & æquitate defleunt, propterea a culpa, & poena eum absolunt, qui ex rationabili causa ad Synodum non venit. Concilium Tridentinum *cir. cap. 2. sess. 24. de reform.* ab obligatione accedendi ad Synodum Provinciale eximit Episcopos, *quibus cum evidenti periculo transfretandum sit*; Eodem igitur jure a Dioecesana Synodo sunt excusandi, qui illam, aut omnino, aut sine gravi periculo, adire nequeunt, sive ejusmodi periculum ipsis imminet ab extrinseca causa, puta a flumine, quod sit trajiciendum, aut a latronibus, viam obsidentibus; sive a causa intrinseca, puta ab adversa valetudine. Multoque magis excusandi sunt Parochi, quos, non propria, sed suorum ovium necessitas remoratur; Etenim non solum non reprehendendi, sed plurimum commendandi sunt, si ideo dumtaxat ad Synodum non accedant, quia alium non habent Sacerdotem, quem sibi in animarum Cura substituant; idque præsertim, cum in parocchia reperiuntur infirmi, tam gravi morbo laborantes, ut prudenter timeatur, ne sint cito decessuri: Quanta enim ratio a Parochis, priusquam ad Synodum se accingant, habenda sit de ægrotis, quos in parocchia relinquunt, satis aperte edissernat sanctissimi Ecclesiarum Antistites, Andreas de Albalato, Episcopus Valentinus, in sua Synodo, habita anno 1255., cujus Acta evulgavit Cardinalis de Aguirre; ait *num. 152. (tom. 3. pag. 511.)*: *Item mandamus Sacerdotibus, vel ha-*  
*benstibus*

bentibus Curam, quod nullus renuntiet, nisi in manibus Episcopi; Et cum venerint ad Synodum, perquirant parochias, & visitent infirmos, & dent poenitentias, eisdem exponendo, qualiter tenentur ire ad Synodum, & si interim morerentur, sine poenitentia non decedant. A qua Synodo cum venerint, non requisiti, visitent infirmos, & faciant quod salutis animarum noverint expedire. Constitutiones Ecclesie Claromontensis, anni 1268., quarum supra meminimus, in principio, hæc habent: Item injungimus Sacerdotibus Parochialibus, qui Vicarios non habent, quod die Dominica, præcedente Synodum, diligenter inquirent publice in ecclesiis suis, si aliqui sunt infirmi in parochiis suis: Feria vero sequenti, sive antequam iter arripiant, eos visitent, etiam non requisiti, & faciant, quidquid necesse fuerit ad salutem animarum: Præcipientes in Christo, eorum visitationem fieri per Presbyteros vicinos in eadem, vel aliis ecclesiis remanentes. Statuta Synodalia Ecclesie Constantiensis cap. 17. (tom. 4. cit. anecdotorum col. 305.) præcipiunt: Quando vos Presbyteri ad Synodum venire debetis, die Dominica præcedente, publice inquiretis in parochia, si qui sint infirmi, & ea die, vel sequenti feria, vel antequam iter arripiatis, & non requisiti visitetis eos. Ex his, aliisque sexcentis hujus generis monumentis, addiscere debent Parochi, quam sollicitos eos esse, oporteat, de æterna salute suarum ovium, quæ in extremo versantur temporalis vitæ discrimine; cui propterea cum per alium consulere nequeunt, licite, & sancte se a Synodo subtrahunt.

4. Non idcirco tamen, quod quispiam legitimo detineatur impedimento, potest sua auctoritate, se ab accedendi obligatione absolvere, sed causam, cur non accedit, debet Episcopo significare, a Judicibus, ad id deputatis, absoluta Synodo, examinandam; & quo validius suam absentiam excuset, poterit ad Synodum mittere Procuratorem, qui omnes impedimenti, quo detinetur, circumstantias, melius, quam per litteras fieret, Synodo aperiat, quod scribit Fagnanus in suis commentariis ms. ad cap. 2. sess. 24. de reform., inquit: Qui vero verentur accedere, ex sententia Congregationis, poterunt mittere Procuratorem ad excusandum se. Idemque de Conciliis Provincialibus sancitum invenimus in Concilio Parisiensi anno 1346. celebrato, Præside Guillelmo Archiepiscopo Senonensi, in cuius cap. 6. habetur: Illi, qui ad Provinciale Concilium venire tenentur, si propter impedimentum canonicum remaneant, se excusent per idoneum Nuntium litteratorie designatum, qui possit facere fidem per juramentum, de impedimento canonico, super quo etiam debet habere mandatum. (tom. 7. collect. Hard. col. 1681.) Opinatur præterea Bottus cit. part. 2. num. 42. legitime impedimentum posse constituere Procuratorem, non solum, ut ejus absentiam excuset, sed ut Synodo ejus nomine interfit. At hæc opinio, quæ ceteroquin arripit Massobrio cap. 3. dub. 6., a Nobis improbat & rejicitur; an autem id jure fiat, mox patebit. In electionibus Ecclesiasticis jus esse absentis, legitimo detento impedimento, constituere Procuratorem, qui ejus nomine suffragium ferat, constat ex cap. Quia propter §. Illud autem, de elect. Et cap. Si

*cap. Si quis iusto, in princ. eod. in 6.*; Est tamen necesse, ut Procurator sit de gremio Capituli, ne secus Capituli secreta pandantur extraneo, quod in citatis textibus pariter decernitur; Sed, quia hæc Constitutio emanavit in favorem Capitularium, est in eorumdem facultate, favori suo renunciare, & extraneum Procuratorem admittere, sicuti in *cit. cap. Si quis iusto, verb. Nolens Capitulo observat* Glossa, docentque Panormitanus in *cap. Quia propter §. Illud, num. 2* Layman num. 1. Pirhing. ad lib. 1. *Decretal. cit. de elect. num. 148.*; Et generatim loquendo, nunquam adstringi posse Universitatem, seu Collegium ad admittendum Procuratorem extraneum, tradit Joannes Andreas in *cap. Quod alicui, 67. num. 17. de R. J. in 6.*, quia non potest unquam compelli, ad aperiendum Collegii negotia iis, qui de Collegii gremio non sunt *l. Mercatores 4. C. de commerc. & mercator.*; Quod si nullus de Collegio velit pro absente Procuratoris munus suscipere, & extraneus a Collegio non admittatur, sibi, & suæ absentiæ causæ imputare debet absens, si pro ea vice, suffragio careat, quemadmodum citati Doctores perpendunt. Procurator autem de gremio Capituli, ad eligendum constitutus, si habeat speciale mandatum ad eligendam certam personam, illam, nomine absentis, tenetur eligere, etiam si proprio nomine, aliam duxerit eligendam; si vero constitutus sit cum generali mandato eligendi, quem digniorem existimaverit, non potest unum suo, alterum procuratorio nomine eligere, sed utrumque suffragium debet in unam eandemque personam conferre, sicuti diserte statuitur in *cit. cap. Si quis iusto, §. Porro, de elect. in 6.*

§ Quibus præmissis; Cum Episcopi in Conciliis Generalibus votum habeant decisivum, & præterea solemniter iurejurando, in sua consecratione præstito, promiserint, se Concilium adituros, nisi prædicti fuerint canonica prædicatione, juxta juramenti formam, statutam in *cap. Ego N., de iurejur.*, disputant Doctores: an Episcopus, legitime impeditus, possit ad Concilium mittere Procuratorem: an necesse sit, ut ejusmodi Procurator assumatur e costa Episcoporum: an vocem decisivam, an autem mere consultivam habeat: an saltem locum obtineat in sessionibus: an demum Episcopus, alterius Episcopi Procurator, duo ferre valeat suffragia. De hisce questionibus, quas uberrime tractat Cardinalis Jacobatus in *Conciliis lib. 2. decretatum fuit in Concilio Tridentino, quemadmodum narrant Cardinalis Pallavicinus in Concilii hist. lib. 21. cap. 1. & Joannes Stoz in succincta relatione historica, de Gestis in Concilio Tridentino, sessio. 4. art. 23. §. 10. punct. 2. a num. 328. ad 333.* Sed cum, jubentibus Apostolicis Legatis, singulæ discusse fuerint a selectis sacrorum Canonum Peritis, hi fere unanimiter censuerunt, integrum quidem esse Episcopis, legitime absentibus, suos Procuratores ad Concilium mittere, sed Procuratoribus neque decisivam, neque consultivam vocem, neque locum in sessionibus, de jure competere; omnem demum controversiam composuit Pius IV., concedendo absentium Episcoporum Procuratoribus votum mere consultivum.

6 Secus

6 Secus est de Conciliis Provincialibus, in his quippe Procuratores Episcoporum absentium votum habent consultivum, & annuente Concilio, habere possunt etiam decisivum, sicuti respondit sacra Congregatio Concilii in *Salernitana* 19. Aprilis 1596. (*lib. 8. decretor. pag. 174.*) his verbis: *Episcoporum Procuratores posse etiam decisivam vocem habere, si Concilio Provinciali placuerit.* Quam responsionem vetustissima Provincialium Conciliorum comprobatur consuetudo: Etenim Concilium Arelatense II., circa annum 452. coactum, ita Episcopos vocatos ad Concilium venire iussit, ut legitime impeditis, alium, loco sui, mittere permiserit: Si quis, ait can. 18., *commonitus, infirmitatis causa defuerit, personam vice sua dirigat:* (*tom. 2. collect. Hard. col. 774.*) Et Avitus Episcopus Viennensis in epistola *trattoria*, qua scilicet Viennensis provincie Episcopos ad Concilium Epao-nense anni 517. invitavit, atque precepti vinculo quodammodo traxit, inquit: *Sed si forte, quod Deus avertat, tanta cuicumque acerbitas corporea infirmitas ingruerit, ut spirituale desiderium carnali vincatur incommodo, duos Presbyteros magne, ac probabilis vite, mandati instructione firmatos, Fratribus pro se presentare procures. Sed tales dignetur eligere, quos Episcoporum Concilio, non minus scientia, quam reverentia jure faciat interesse, cum quibus delectet summos Pontifices conferre sermonem; quos ad definitiones pro Episcopo suo sciendas, subscribendasque, cum fuerit solertia eligi, sit auctoritas legi: sed istud non extorqueat, nisi summa necessitas.* (*collect. Harduin. tom. 2. col. 1045.*) Discriminis hac in re rationem, inter Concilium Generale, & Provinciale attingunt juris canonici Periti, qui prefatos articulos in Concilio Tridentino examinarunt; Illi siquidem, si vera narrat citatus Stoz, ideo absentium Episcoporum Procuratores a jure suffragandi repulerunt, quia, in-  
 quiebant, canones, & decreta, quae a Concilio OEcumenico conduntur, propter eorum infallibilem auctoritatem, censentur quodammodo pro-  
 dire a Spiritu Sancto, & Spiritus Sanctus eloquitur per os Pastorum, quos posuit regere Ecclesiam Dei, & non per alios, nullam Dominici gregis custodiam habentes, nisi etiam istis loquendi prerogativam concefferit lu-  
 premus Ecclesiae Pastor, ac totius gregis Moderator, idest Romanus Pon-  
 tificex. Haec autem ratio non urget, cum sermo est de Conciliis Provincia-  
 libus, quorum decreta nec obstringunt universam Ecclesiam, neque in-  
 fallibilem auctoritatem habent, & plerumque nihil de rebus, Fide Divina  
 credendis, definiunt.

7 Eodem modo, quo de Provinciali, ratiocinatur Bottus de Synodo Dioecessana; at longe diversa est utriusque ratio: Etenim in Synodo Dioe-  
 cessana solus Episcopus est Judex, & Legislatur, ipse suo nomine decreta  
 facit & promulgat, & quamvis assistantium consilium expolcat, non ta-  
 men cogitur illud sequi; ex quo fit, ut admisso Procuratorum nihil pror-  
 sus ad Synodi utilitatem conferre valeat. Ad haec aut in Procuratorem eli-  
 gitur, qui alias non esset Synodo interfuturus, & hic potest repelli tan-  
 quam extraneus; aut eligitur, qui jam suo jure Synodo intervenit, &  
 hinc

hic certe non potest unum consilium, suo, aliud absentis nomine, Episcopo præbere; Eaque propter inutile & supervacaneum est, ut absentis quoque personam in Synodo repræsentet. Quare concludendum, existimamus, absentium Procuratoribus nullum patere aditum ad Diœcesanam Synodum, nisi illum iisdem aperiat, quæ jamdiu ita in diœcesi inoleverit, consuetudo.





## LIBER IV.

DE OFFICIALIBUS, SEU MINISTRIS SYNODI, SUAM  
NIMIRUM OPERAM SYNODO PRÆSTANTIBUS,  
ALIISQUE, QUI PRO FUTURIS EVENTIBUS  
IN SYNODO ELIGUNTUR.

## CAPUT I.

*De Officialibus primi generis.*

**I**N Cæremoniali Episcoporum lib. 1. cap. 31. ubi sermo fit de Synodo Diocesana habetur: *Officiales quoque, & ministri necessarij deputandi sunt in huiusmodi Concilijs, veluti Notarii, Ostiarii, Magistri cæremoniarum, & alij, ut habetur in Concilio Toletano IV. can. 4.* Ejusmodi Officiales sigillatim enumerat Gavantus in præxi Dioces. Synodi cap. 18. & plurib. seqq., quorum aliquos eligendos, affirmat, ab Episcopo ante Synodum, alios in congregatione Consultorum, priusquam incipiant Synodales sessiones, in prima sessione postea promulgandos, quemadmodum idem Gavantus part. 2. sess. 1. tradit; singulos & Nos recensuimus, sed qui minoris momenti sunt, cursim indicabimus. Ante Synodum destinare debet Episcopus Præfectum hospitiorum, cum sociis, de quibus idem Gavantus cap. 8.; Eorum interest omnem adhibere diligentiam, ut Clerici, ad Synodum venientes, honestis excipiantur hospitij, aut diversoria in civitate inveniant, eorum statui congruentia.

2 In congregatione Consultorum unus pariter, vel duo destinantur Promotores, unus Urbanus, Foraneus alter, quorum munus est urgere actiones Synodales, seu insistere, ut omnia, quæ in Synodo facienda sunt, celeriter, & fructuose perficiantur. Eligitur Synodi Secretarius, quem, monente Gavanto cap. 20., decet, esse aliquem ex Canonicis ecclesiæ Cathedralis, isque alium, quem maluerit, sibi socium, seu coadjutorem adsciscet; qui quidem Secretarii socius, etiam *Leſſer* appellatur, eo quod ei onus incumbat, alta voce legendi Synodi decreta. Ad Secretarium autem spectat: primò, curare, ut pridie, quam Synodus inchoetur, futuræ sessionis edictum affigatur valvis ecclesiæ: secundo, ante primam sessionem, nominationem, ut moris est, vocare Canonicos ecclesiæ Cathedralis, & insigniorum Collegiarum; & ne nimium defatigetur, potest committere suo Coadjutori, ut ceteros de Clero vocet: tertio, præparare schedulas pro scrutinio, de quo mox, aliaque peragere, quæ a Gavanto cit. loc. describuntur.

*Tom. XII.*

Q

3 De-

3 Deputatur insuper Notarius Synodi, qui solet esse Episcopi Cancellarius: hic absentes notat, ut, nisi postea a Judicibus excusentur, puniantur: singulorum, qui Fidei professionem emittunt, nomina scribit: atque in fine cujuscunque sessionis, rogatus a Promotore, ut de iis, quæ gesta sunt, instrumentum conficiat, respondet, se facturum, simulque aliquos de Clero vocat in testes, quorum nomina in tabulas refert. Designantur præterea Præfecti Synodaliſ discipline, & scrutinii, hoc est aliquot Sacerdotes maturæ ætatis, prudentia & pietatē conspicui, quorum officium sit, omnes Clericos singulatim ad se arceſſere, ac cujuscunque mores, & vivendi rationem inveſtigare; utque facilius huic muneri faciant ſatis, ſolet unicuique Præfecto certa pars Cleri, in ſchedula deſcripta, committi examinanda, aliaque ſchedula tradi, in qua quædam adnotantur, de quibus, Episcopus vult, ſpecialius inquire. Abſoluto autem ſcrutinio, omnia ad Episcopum referuntur, ac quilibet ex Præfectis, peracti a ſe ſcrutini Acta, propria manu ſubſcripta, Episcopo tradet, ſicuti præſcribit Gavantus cap. 23.

4 Ad evitandas turbas, & præcavendos tumultus, qui certe ſæpe ſunt, ſi ſingulis de Clero venia daretur reclamandi, adverſus decreta, quæ in Synodo promulgantur, ſolet Episcopus aliquem conſtituere totius Cleri Procuratorem, qui omnium nomine, ea tamen, qua decet modestia, & reverentia, dicat in Synodo, quæ Clero diſplicant, quæque ex iis, quæ aut ſtatuta, aut ſtatueda ſunt, difficiliora, & aſpera videantur; ſimulque modum ſuggerat, quo illa emolliantur, Clerus optaret; omnia porro, quæ nomine Cleri petierit, ſcripta tradat Synodi Secretario; Gavantus cap. 25.

5 Inter Synodi Officiales enumerat Gavantus Conſeſſarios, ab Episcopo pro Synodo deſtinatos, quibus valde congruum eſſe, ait, ut Episcopus, præſertim in ſua prima Synodo, totam deleget poteſtatem, qua ipſe potitur, ne ea quidem ſibi retenta, quam habet a Tridentino ſeſſ. 24. cap. 6. de reſorm., abſolvendi videlicet a caſibus occultis, Sedi Apoſtolicæ reſervatis, & diſpenſandi in irregularitatibus, provenientibus ex delicto occulto, illa excepta, quæ oriuntur ex homicidio voluntario. Caveat tamen Episcopus, ne præſatis Conſeſſariis poteſtatem faciat abſolvendi ab hæreſi eterna, quantumvis occulta; ſiquidem non ſolum, virtute Tridentini, non poſſet ejuſmodi facultatem alteri delegare, ſed hodie per bullam; in Coena Domini legi conſuetam, poteſtas abſolvendi ab hæreſi eſt ipſimet Episcopo omnino adempta, quemadmodum a S. Pio V. Gregorio XIII. & Clemente VIII. declaratum fuiſſe, teſtantur Toletus, Guenerez, Ugolinius, & alii apud Sanchez lib. 2. in Decalog. cap. 11. num. 26. & Suarez de cenſuris diſput. 21. ſeſſ. 3. num. 5. & conſtat ex tertia propoſitione, proſcripta ab Alexandro VII. in qua, ſaltem indirecte, damnari ſententiam, adſtruentem Episcopo facultatem abſolvendi ab hæreſi occulta, notat ibidem Dominicus Viva; de qua re plenius ſuo loco.

6 Conſeſſariis adduntur Concionatores, ad hoc electi, ut totius diocesis

cessu Clerum, simul coadunatum, opportune instruant, redarguant, hortentur, ac pabulo Divini verbi reficiant, nisi ipsemet Episcopus velit id muneris in se suscipere, quod profecto, & maxime utile, & summpere laudabile foret.

7. Officiales itidem, Synodo necessarii, sunt Magistri cæremoniarum, ut omnia, quæ in Synodo fiunt, debito ritu, cultu, & majestate peragantur. Necessarii quoque reputantur Ostiarii, qui præsent ecclesiæ januis, & Laicis, sine strepitu, ingressum prohibeant, & cum incipienda est Synodus, ecclesiæ fores obferent; ejusmodi Ostiarios esse debere viros graves, notat Gavantus *cap. 29.*, quia ad ipsos spectat, sessionum tempore, Clericos, quos fortè videant ecclesiam pervagantes, aut secum invicem colloquentes, admonere.

8. Officialibus Synodi attexit idem Gavantus Oeconomum, qui solet esse Præfectus domus Episcopi, cujus est exigere Cathedriticum, quod in plerisque locis, Synodi tempore, est Episcopo solvendum. Ac tandem mentionem facit de Judicibus querelarum, & excusationum, quorum officium est peculiariter considerandum.

## CAPUT II.

*De Judicibus querelarum, & excusationum.*

1. **I**Nter ceteras Episcopalis muneris curas, ab Ecclesiæ incunabulis, una, & non infima, fuit Clericorum, Laicorumque jurgia audire, & componere, subortasque inter eos lites, sine forensi strepitu, dirimere. Quo vero sanctiora Episcoporum judicia forent, in ecclesiis, & Synodis, adstante Sacerdotum senatu, plerumque exercebantur; quocirca non immerito Thomassinus *de vet. & nov. Eccles. discipl. part. 2. lib. 3. cap. 75. num. 4.*, speciem quamdam, & imaginem Curie, seu Tribunalis Ecclesiastici, Dioecesanas Synodos præfetulisse, asserit. Neque solum civiles controversiæ, sed etiam causæ criminales ad Episcopales Synodos deferrebantur, ut perpetrati delicti rei, Synodali sententia debitum subirent poenam, cujus rei indubiam fidem facit Cyprianus *epist. 12. & 49.* Inter Dioecesanas Synodos Landavenses, quinque reperimus, hanc unicam ob causam coactas, ut sententiam ferrent in quosdam, qui homicidium, perjurium, & incestum commiserant; & insuper alias duas, in quibus poena decreta est, in alios, qui Ecclesiæ patrimonium invaserant, & Episcopi familiam injuriis lacessiverant, sicuti legi potest in eorundem Actis, collectis ab Henrico Spelman. *Concil. Britann. tom. 1. a pag. 381. ad 386.* & VVilkins *tom. 1. pag. 17.* Neque poenæ, a Synodis irrogatæ, erant mere spirituales censurarum, quemadmodum garriunt, qui Ecclesiasticam jurisdictionem impugnant, sed quandoque erant mere temporales, quod factum præcipue legimus in postrema ex citatis Landavenibus Synodis,

nodis, ubi Rex Brochvail, cujus familia læserat familiam Episcopi, nulla irretitus fuit censura, sed damnatus dumtaxat ad erogandum pretium faciei suae longitudine, & latitudine in puro auro.

2 Hanc, quam exponimus, disciplinam maxime viguisse sæculo XI., colligimus ex formula celebrandi Dioecesanam Synodum, a Burchardo relata, & Concilio Saleguntstad iensi anni 1022. adscripta, cujus supra lib. 3. cap. 5. num. 1. meminimus; In ea quippe præscribitur, ut Episcopus, suæ Synodi initio, ita Presbyteros alloquatur: *Deinde vos simili obsecratione conjuro, ut nullus vestrum in judicando, aut personam accipiat, aut quolibet favore, aut munere pulsatus, a veritate discedat. Sed cum tanta pietate, quidquid exui se judicandum intuleris, retractate, ut nec discordans contentio ad subversionem justitiæ inter nos locum inveniat, nec iterum in perquirenda æquitate rigor nostri ordinis, vel sollicitudo sepefcat. Statimque ordo subnectitur, in causis audiendis servandus, qui erat ejusmodi: Prima die expediebantur causæ Clericorum, & ideo post Episcopi admonitionem subditur: Post hanc exhortationem quisquis Clericorum velit, querelam conferat: Secunda die propositæ a Laicis quæstiones dirimebantur, unde post preces, secundæ sessioni præmittendas, ibidem legitur: Tunc si Clerici querelam non habent conferendam, Laici intromittantur... quisquis ex Laicis habet querelam, proferat. Quod si non omnes, secunda die absolvi potuerant, proponebantur tertia die: Si qua sint quæstiones, vel querela, conferantur, & sic Synodus tertia diei solvatur; Hæc autem omnia evidentè evincunt, plurimas tunc temporis fuisse Clericorum, Laicorumque controversias, ad Synodum definiendas delatas.*

3 Ex hac antiqua disciplina ortum habuit, ut Episcopus in Synodo duos, vel tres, una cum suo Vicario Generali, deputer Judices, qui criminales querelas excipiant, & civiles lites audiant, ac summario judicio, de utrisque causis sententiam proferant; Ad eosdem Judices pertinet, quæstiones, circa ordinem sedendi, seu præcedendi, inter Congregatos forte excitatas, brevi manu (ut dici solet) ita componere, ut nulli præjudicium inferatur; ad eos pariter deferendæ sunt excusationes eorum, qui ad Synodum non accesserunt, finita Synodo, deinde examinandæ.

4 Licet autem hodie primum, & potissimum manus prædictorum Judicum fere conquiescat, quia fere impossibile est, ut Clericorum, aut Laicorum causæ in Synodo terminentur; Adeo enim mutati sunt hominum mores, ut contententes inter se Partes summarium judicium effugiant, omnemque telam, seu ordinem judicarium exacte, atque ad unguem servari exoptent, ex quo fit, ut Vicarii Generalis tribunal libentius adeant; non idcirco tamen eorundem Judicum electio est censenda superflua; tum quia, uti animadvertunt Bottus part. 3. art. 7. & Masfobrius cap. 4. dub. 19. adhuc possent, si qui vellent, litis sumptibus parcere, suasque causas celeriter expedire, Judices Synodales adire, eorumque

rumque judicio acquiescere: tum quia necessarii reputantur ad servandam antiquæ disciplinæ memoriam, atque ad alia duo explenda munia, quæ illis pariter diximus demandata.

## CAPUT III.

*De Testibus Synodaliibus.*

**I** Differuimus hætenus de Officialibus, Synodo inservientibus, uberius nunc est de aliis agendum, qui in Synodo eliguntur, ut in posterum adhibeantur. Præcipuum inter istos locum obtinent Testes Synodales, homines scilicet probatæ fidei, ab Episcopo in Synodo designati, ut custodes quodammodo sint decretorum, quæ a Synodo eduntur; Eorum quippe officium est dioecesim subinde perlustrare, atque animadvertere, an quidquam alicubi contra Synodi decreta fiat, & omnia in futura Synodo Episcopo referre, sicuti recte tradunt Du-Cange in glossario, verb. *Testes Synodales*, Cironius observat. jur. Canon. lib. 1. cap. 18. Thomassin. de ver. & nov. Eccles. discipl. part. 2. lib. 3. cap. 76. n. 8. & cap. 79. num. 9. & seq. Janus a Costa ad cap. 1. tit. 31. Decretal. pag. 156. Altaferri de jurisdict. Ecclesiast. lib. 2. cap. 19.

2 Sunt, qui Synodaliū Testium originem referant ad *Periodentas*, de quibus in can. 57. Concilii Laodicensi (tom. 1. collect. Harduin. col. 792.) Verum *Periodenta* dicebantur, qui, Episcopi vice dioecesim circummeantes visitabant; ejusque vicario nomine, non sine profecto jurisdictionis exercitio, decreta condebant; quocirca dioecesis Visitatores, qui græce *Periodenta*, latine *Circuitores* dicti sunt, quemadmodum & Episcoporum Visitaciones, *Circuitiones* passim appellatæ, præsertim in capitular. Caroli Calvi tit. 5. cap. 4. (ex recens. Baluz. tom. 2. capitular. col. 23.) Ac propterea procuratio, quæ visitanti Episcopo jam tum debebatur, *Circada* est vocata, quod observavit Du-Cangius in glossario verb. *Circuitores*; nostri vero Testes Synodales dioecesim perlustrant quidem, sed absque ullius prorsus jurisdictionis exercitio, sicuti mox audiemus. Vera Synodaliū Testium lineamenta nobis exhibet Hincmarus Archiepiscopus Remensis, qui medio sæculo IX. florebat; is quippe oper. tom. 1. pag. 716. nonnullis præmissis, a suo Clero custodiendis, statim subjungit: *Hæc omni anno investiganda sunt a Magistris, & Decanis Presbyteris per singulas matrices ecclesias, & per Capellas parochia nostra, & nobis kalendis Julis renuntianda; similiter etiam investigandum, & renuntiandum est nobis, qualiter observentur, & custodiantur illa, qua capitulatum observanda Presbyteris dedimus.*

3 Adumbrata ab Hincmaro Synodaliū Testium lineamenta clarius explicavit Regino, Abbas Prumiensis, qui, habente eodem sæculo IX. scripsit: Modum, & formam describens Regino lib. 2. de Eccl. disc. cap. 2. visitandæ ab Episcopo dioecesis, illud inter cetera faciendum monet, ut in qua-

in qualibet rurali parochia quædam veluti particularis Synodus congregetur, ex omnibus ejusdem parocciæ Sacerdotibus, Clericis, aliisque gravibus & prudentibus viris, e quibus septem ab Episcopo, ait, seligendos Testes Synodales, qui juramento constricti ad renuntiandum quidquid explorati habeant, sigillatim ab eodem Episcopo interrogentur de criminibus, & abusibus, in ea parocchia grassantibus. Secundum hanc formulam suas visitationes instituisse Uldaricum, Episcopum Augustanum, narrat Gerardus, Scriptor sæculi x. in *ejus vita*, apud Mabillon. *Alt. Benedict. pag. 432.* & Baluzius ad *Reginonem pag. 533.* se opinari, asserit, eandem formulam, per omnes Occidentis regiones fuisse receptam; atque inde factum est, ut Burchardus, & Gratianus, suo quisque Decreto, hunc canonem inseruerint: *Episcopus, in Synodo residens, post congruam allocutionem, septem ex plebe ipsius parochia, vel ex amplius, prout videris expedire, maturiores, honestiores, atque veraciores viros in medium debes evocare, & allatis Sanctorum pignoribus renunquemque illorum tali sacramento constringat. A modo in antea quidquid nosti, aut audisti, aut postmodum inquisiturus es, quod contra Dei voluntatem, & rectam Christianitatem in ista parochia factum sit, aut futurum erit, . . . , nec propter amorem, nec propter timorem, nec propter pretium, nec propter parentalam ullatenus coles Episcopum;* Burchardus lib. 1. cap. 91. & 92. Gratian. can. 7. caus. 35. q. 6.

4 Ne vero hæc salubris disciplina, quæ fortasse sæculo xii. remitti coeperat, obsolesceret, Innocentius III. in Concilio Lateranensi cap. 6. (tom. 7. collect. Harduin. col. 23.) mandavit, ut in Synodis Provincialibus, quotannis celebrandis, Synodales Testes pro qualibet e provinciæ diocesis constituerentur, ut unusquisque sibi commissam perlustraret, quodque corrigendum deprehenderet, ad futuram Provinciam Synodum dederet: *Per singulas dioceses (ait) statuunt idoneas personas, providas videlicet, & honestas, quæ per totum annum, simpliciter, & de plano, absque ulla jurisdictione, sollicitè investigent, quæ correctione, vel reformatione sint digna; & ea fideliter perferant ad Metropolitanum, & Suffraganeum, & alios in Concilio subsequenti: ut super his, & aliis, prout utilitati, & honestati congruerit, provida deliberatione, procedant; & quæ statuerint, faciant observari.*

5 Quamquam autem Innocentius III. de solis meminerit Testibus, a Provinciali Synodo designandis, non propterea tamen antiquum morem abrogavit, ut a quolibet etiam Episcopo in sua Dioecessana Synodo deputarentur; quare posteriora Concilia, se ad Innocentii instituta, ut par erat, componentia, in utriusque sacris Comitibus Testes designandos, aut expresse edicunt, aut certum & usitatum jam ponunt. Concilium Saltzburgense, habitum anno 1420. cap. 2. (collect. Harduini tom. 8. col. 960.) fancivit: *Sacro approbante Concilio, ordinamus, ut omnes & singuli nostri Suffraganei, in proximis ipsorum Synodis, prout & nos in nostra proxima Synodo Saltzburgenfi ordinabimus, sub pena suspensionis a Pontificali officio,*

ficio, studeant personas idoneas, probas videlicet, & honestas, in Testes publicos, five Synodales ordinare, qui per totum annum simpliciter, & de plano, absque ulla Jurisdictione, sollicitè investigent, quæ correctionis & reformatione sint digna; & ea fideliter referant ad Provinciale Concilium, aut Synodum Episcopalem, ut correctione digna, animadversione congrua puniantur. S. Carolus Borromæus in Concilio Provinciali Mediolanensi IV. anni 1576. part. 3. cap. 6. decrevit: Ut Testium Synodaliū munus, sicuti intermissum est, restituatur; atque non nomine solum, sed certis officii partibus recte per eos geratur, quibus in Synodo, vel Provinciali, vel Diocesana, committitur. Concilium Avenionense anni 1594. cap. 4. (collect. Harduini tom. 10. col. 1838.) Idem, ac fere totidem verbis repetit, quod S. Carolus sanciverat.

6 Ut porro sine mendacio & dolo munus suum expleant, antequam illud assumant, jurisjurandi religione electi Testes obstringuntur, ad omnia, quæ resciverint, & emendanda existimaverint, ingenue & sincero Episcopo renuntianda, juxta juramenti formam, statutam in Synodo Diocesana Saltzburghensi, habita post prædictam Provinciale, eodem anno 1420, quæ extat *ead. tom. 4. Harduini col. 981.* aliamque similem, præscriptam a S. Carolo Borromæo *ead. cit. cap. 6. Concilii Provincialis Mediolanensis IV.* de qua etiam Gonzalez in *cap. Peruenit, litt. C., de Testibus cogendis*, quæque non multum discrepant ab ea; quæ habetur in alleg. cæn. Episcopus in Synodo.

7 Sæpius laudatus Franciscus Bonhomius, in suis decretis generalibus reformationis Ecclesiasticæ *edit. Colon. ann. 1585.* postquam plurimum commendavit Synodaliū Testium utilitatem, pag. 119. formam & ipse exhibet juramenti, ab illis præstandi. Ratione autem emissi juramenti Testes Synodales recensentur quodammodo inter publicos Officiales, quibus in iis, quæ pertinent ad munus, ad quod sunt à Republica destinati, plena fides habetur; quod tamen ita limitandum, docet Massobrius de *Synodo Dioces. cap. 4. dub. 26. & tribus seqq.* ut non procedat, cum, aut agitur de crimine, gravi poena coercendo, aut, cum de crimine denunciatus, se alias infontem probat, quo in eventu puniendus est Testis, tanquam perjurus.

8 Verum ea est rerum humanarum conditio, ut non omnia, quæ optimâ sunt, semper in praxim deducti valeant: Synodaliū Testium utilitatem jure meritoque extollunt sanctissimi Ecclesiæ Canones, eamque optime cognovit S. Thuribius in sexta Synodo Diocesana Limensi, habita anno 1590. cap. 13. (*tom. 4. collect. Cardinalis de Aguirre. pag. 453.*) inquiriens: Ratio, ob quam sancti Patres iuste & sanctè insisterunt, ut Synodi singulis annis fierent, erat, ut in eis tractetur correctio & emendatio malorum morum, atque bonorum reformatio, & ut in eis constituantur, quod expedit ad bonum regimen animarum, & de rebus, ad Episcopatus pertinentibus, & quod, ut ordinaretur, & fieret in eisdem Synodis, cum majori efficacia adimpleretur, ac desi-

ac desideratum sortiretur effectum, statuerunt, ut singulis Episcopatibus constituerentur, & nominarentur Testes Synodales persone idonee, & bone; quæ, per totum Archiepiscopatum, quisque in districtu, sibi assignato, magna diligentia inquiras, qualiter servetur & adimpleatur, quod in Synodo statutum, & præceptum est; & nemo profecto est adeo hebetis ingenii, qui non videat, quantum illorum opera ad rectam conferret diœcesis administrationem; multis siquidem malis obviam iretur, si Episcopus ex relatione hominum integerrimæ fidei illi præciret. Et nihilominus difficile, ne impossibile dicam, est, hujusmodi homines invenire, qui velint id muneris capeffere; Enimvero quanquam, ut omnem ab illis arcerent invidiam, jamdiu coeperint Episcopi Testium nomina in Synodo non publicare, eorumque juramentum secreto excipere, quod & fieri permisit citatus Bonhomius, & a multis Episcopis factum, asserit Gavantus in sua praxi in annot. ad cap. 33. Non propterea tamen, quos exoptassent, allicere potuerunt ad prædictum munus acceptandum; Præsto siquidem ii essent, qui illud assectarent, ut charitatis, & zeli prætextu possent pro libito huic, aut illi sibi invito falsum crimen appingere; sed viri vere probi & integerrimi, qui, omni seposito humano affectu, veritatem investigent, eamque sincere Episcopo, solo Charitatis studio, aperiant, desiderari quidem possunt, sperari tamen non possunt. Quare, ut ait Piafecus in praxi Episcopali part. 2. cap. 2. num. 9. Sinodales Testes fere ubique defuerunt, in eorumque locum suscepti sunt Fiscales Episcoporum, & Decani, hoc est Vicarii Foranei, qui utique, quemadmodum bene animadvertit Van-Espen jur. Eccles. univ. tom. 1. part. 1. tit. 18. cap. 3. num. 14. si doctrina, pietate, prudentia, & zelo præstarent, ac munus suum diligenter obirent, Synodaliū Testium defectum supplerent & compensarent.

## CAPUT IV.

## De Functionibus.

I Compertum est omnibus, in historia Ecclesiastica vel mediocriter versatis, nomina Beneficiorum, & Præbendarum incognita fuisse prioribus Ecclesiæ sæculis, cum bonorum, & reddituum omnium Ecclesiasticorum cura & administratio ad solos pertinebat Episcopos, a quibus, statim temporibus, juxta præscriptam a sacris Canonibus mensuram, inter Clericos dividebantur; Quia vero hujusmodi divisio singulis mensibus fiebat, ideo *mensuræ* appellata est a S. Cypriano *epist.* 28. Ercetis deinde Beneficii, & cuique Clericorum sua assignata Præbenda, ex cujus fructibus, quoad viveret, aleretur, ne Præbendam assequuti ab Ecclesiæ servitio se impune subtraherent, loco divisionum mensurarum, institutæ sunt distributiones quotidianæ, certæ videlicet reddituum portiones, ex singulorum Præbendis plerumque detractæ, illis dumtaxat erogan-



erogandæ, qui Divinis interfunt. Et ne hæc ipsa disciplina pedetentim relaxaretur, Bonifacius VIII. in cap. unico, de Clericis non residentibus, in 6. omnem illi contrariam consuetudinem, quæ jam alicubi coeperat inolescere, tanquam abusum & corruptelam improbavit, statuitque, ut in nullo rerum eventu quotidianas distributiones lucretur, qui reipsa Horis Canonicis, ceterisque Ecclesiasticis functionibus non adest, iis solum exceptis, quos infirmitas, seu iuxta & rationabilis corporalis necessitas, aut evidens ecclesiæ utilitas excusaret; ubi nomine iuxta, & rationabilis corporalis necessitatis, Doctores intelligunt injustam detentionem in carcere, injustam excommunicationem, aliamve censuram, & grave periculum, ab insidiante inimico imminens Beneficiario, si domo egrediatur; quemadmodum nomine utilitatis ecclesiæ solam venire utilitatem ejus particularis ecclesiæ, ubi quis Beneficium possidet, & verosimilius etiam Ecclesiæ universalis, iidem Doctores communiter tradunt; recte simul notantes, neminem, ab infirmitate, aliave ex indicatis causis impeditum a suo ministerio, ecclesiæ præstando, lucrari quotidianas distributiones, nisi antea consueverit eidem inservire, ac Divinis Officiis interesse; quæ omnia enucleatè explicantur a Covarr. lib. 3. var. cap. 13. Moneta de distribut. quotidian. part. 2. a quest. 5. usque ad 18. Vasquez episcul. de Benefic. cap. 4. Garcia de Benefic. part. 7. cap. 13. Pirhing ad tit. 4. lib. 3. Decretal. sect. 2. per tot. Bonifacii Constitutionem instauravit Tridentinum sess. 24. cap. 12. de reform.; & quo religiosius custodiretur, omnem prohibuit inter Beneficiarios collusionem, seu remissionem, vetuit nimirum; ne Beneficarii aut amissas ab absentibus distributiones, quæ præsentibus accrescunt, ullo pacto condonent; aut de illis condonandis, seu postquam præsentibus traditæ sunt, restituendis, quoquo modo inter se paciscantur, de qua re iidem citati Doctores, alique apud Barbofam in collectan. ad idem Tridentini cap. num. 108. & seqq.

2 Verum facile eluderentur tot salutares Constitutiones, nisi in singulis Cathedralibus, & Collegiatis ecclesiis certi & designati forent Canonici, seu alio quocumque nomine nuncupentur, Beneficarii, quibus onus incumberet accurate adnotandi, quotquot in Choro, aliisque sacris functionibus desiderantur, & quibus nominatim diebus, aut a qua speciatim Divini Officii parte hic, aut ille se subducatur. Qui vero ad ejusmodi munus destinantur, olim dictos fuisse *Obedientiales*, quasi ex mera obedientia, invisum munus subirent, inquirendi in aliorum negligentiam, ex quodam diplomate Innocentii III. colligi autumat Petrus Moirettus in suo opere de ritu dandi Presbyterium part. 1. sect. 5. num. 3. Nunc autem communiter vulgo dicuntur *Punctatores*; atque ad id muneris, in singulis ecclesiis duo plerumque deliguntur, tum ut uno impedito, alter non desit, tum potissimum, ut alicujus a Choro absentiam ambo uniformiter testantes, omnem a se removeant suspensionem fraudis; Ex his duobus, unum deputandum a Capitulo, alterum ab Episcopo, decrevit

R

S. Ca-

S. Carolus Borromæus in primo Concilio Provinciali Mediolanensi, tit. de officio Punctatoris (part. 1. *At. Eccl. Mediol. pag. 29.*): *Ut autem hoc officium melius exerceatur, neminique aliquid injuste aut remitti, aut adimi possit, præter deletum a Capitulo, aliter Punctator ab Episcopo creetur; quibus vestigiis laudabiliter & sancte plures alii Episcopi inhæserunt.*

3 Neque hac sola diligentia contentus S. Carolus, in Concilio Provinciali Mediolanensi IV. par. 2. (*At. Eccl. Mediolan. par. 1. pag. 160.*) juramentum ab iisdem præstari, voluit, hisce verbis conceptum: *Ego N. Punctatoris officium, quod suscepi, per hæc sancta Dei Evangelia juro, sancte promitto ac spondeo; me fideliter & sincere, quantum in me est, exerciturum. Sic me Deus adjuvet, & hæc sancta Dei Evangelia; Vel si juret super sacras Reliquias: & hæc Sanctorum pignora.* Atque universum loquendo, electos in Punctatores, priusquam officium assumant, esse jurejurando obstringendos ad illud fideliter obeundum, edixit sacra Congregatio Concilii in Maceraten. Visitationis sacrorum liminum, 26. Aprilis 1664. ad sextum dubium (*lib. 24. decretor. pag. 130.*), & in Corzolen. Jurisdictionis, 16. Novembris (*lib. 26. decretor. pag. 328.*) Cumque postea dubitatum fuisset, coram quo prædictum juramentum præstandum esset, sacra Congregatio præstandum censuit coram illo, a quo Punctator esset electus; in causa enim Senen. Officiorum, die 13. Julii 1686. proposito sequenti dubio: *An qui Punctatoris munere fungi debet, teneatur, & cogi possit ad præstandum juramentum in manibus Archiepiscopi, & in Capitulo, vel saltem alterutro modo, de fideliter exercendo dictum munus, Sacra &c. respondit: Punctatorem teneri jurare coram Disputante.*

4 Præterea S. Carolus Borromæus, quo magis magisque securus fieret de Punctatorum diligentia & fidelitate, non solum eos jurare, voluit, cum Punctatoris officium capessunt, sed & idem juramentum renovandum, statuit, in prima Synodo Dioecæsana, quam, contingat, celebrari, dum ipsi idem officium gerunt: *Quod de Punctatorum* (ait loc. cit. pag. 160.) *in quarta Synodo Dioecæsana Mediolanensi decreto 26. jurejurando per nos primo Provinciali Concilio sancitum est, id ab unoquoque Punctatore, qui vel festi diei, vel Anniversarii, vel Processionum, vel aliorum denique Divinorum Officiorum causa, etiam in Collegiatis constitutus sit, in publico Synodi Dioecæsana conventu quotannis præstari decernimus, quo religiosius adstrictus debitam in munere suo obeundo diligentiam, cum fidelitate consensam, adhibeat.*

5 Hæc consuetudo jurandi in Synodo, quæ a Mediolanensi in plures alias pariter Ecclesias est propagata, unica causa fuit, cur Doctores, de Synodo tractantes, etiam Punctatorum meminerint. Ceterum, ubi ea consuetudo non viget, nullo jure, tenentur Punctatores juramentum, quod semel præstiterunt, iterum in Synodo emittere, ac proinde non recensentur inter veros Synodi Officiales, neque alia ratione ad Synodum pertinere queant, nisi fortasse, quia de illis aut restituendis, sicubi non depr-

deputarentur, aut corrigendis, si officium suum negligenter, in Synodo agendum foret. De Punctatoribus, de distributionibus, de causis ob quas absentes possunt eas lucrari, de collusionibus aut remissione illarum vitandis, fuisse a Nobis actum est in nostra Notificatione, sive Instituto. 107.

## CAPUT V.

*De Iudicibus Synodalibus.*

1 **C**uncta per mundum novis Ecclesia, quoniam quorumlibet sententiis ligata Pontificum, Sedes Beati Petri Apostoli jus habeat resolvendi: ut patet quod de omni Ecclesia fas habeat judicandi, neque cuiquam de ejus liceat judicare judicio: siquidem ad illam de qualibet mundi parte Canones appellari voluerint, ab illa autem nemo sit appellare permissus. Ita epist. 7. ad Episcopos Dardaniæ anno 495. scripsit Gelasius Papa ( tom. 2. collect. Hard. col. 909. ), cujus auctoritatē Nicolaus I. allegavit epist. 8. ad Michaelē Imperatorem ( tom. 5. collect. Hard. col. 167. ) inquit: Pates profecto, Sedes Apostolica, cujus auctoritate major non est, judicium a nemine fore retractandum, neque cuiquam de ejus liceat judicare judicio. Siquidem ad illam de qualibet mundi parte Canones appellari voluerint, ab illa autem nemo sit appellare permissus. Est autem ejusmodi appellationum jus adeo necessario connexum cum Romani Pontificis, in universam Ecclesiam jurisdictionis primatu, ut nemo possit illud in controversiam adducere, nisi & hunc velit perfractē inficiari: Etenim cum primatus prerogativa, Romanus Pontifex sit supremus in Ecclesia iudex, cuique datur per appellationem ipse implorare tuitionem: Ab inferioris quippe sententia Superioris tribunal adire, omnibus concessum esse, ipsa naturalis æquitas dicat & persuadet; Quocirca Stephanus Tornacensis epist. 162. ( tom. 25. Biblioth. PP. pag. 34. ) in hoc appellationis communi refugio ait, *consistere dignitatem Ecclesie Romanae*; Et S. Bernardus epist. 193., quæ est ad Innocentium II. ( volum. 1. oper. col. 190. ) in eodem sitam, affirmat, pretiosorem gemmam, quæ in Pontificia emicet Thiaia: *Hic inveniet cetera vestri singularis primatus insignia, specialius, nobilissima nobilitat vestrum, & inclusum reddit Apostolicum, si eripitis passerem de manu fortiorum ejus*. Nulla, meo iudicio, in corona vestra pretiosior gemma zelo illo vestro, qua amulani consuevistis oppressis, nec relinquitis virgam peccatorum super furem infernum.

2 Appellationibus, quæ undequaque ad Sedem Apostolicam semper delatæ sunt, alia insuper Romanis Pontificibus accessit cura, audiendi nimirum, etiam in prima instantis, causas eorum, qui ab Episcoporum jurisdictione subtracti, Apostolicæ Sedi immediate subduntur. Verum optime perpendentes iidem summi Pontifices, non facile esse de rebus, in longinquis regionibus emergentibus, rectum Romæ institui judicium: *Ad quod testium necessaria persona, vel propter sæcus, vel propter senectutis infirmitatem,*

firmitatem, vel multis aliis impediementis adduci non poterunt, sicuti ad Cælestinum I. scripserant olim Africani Episcopi (*epist. 2. num. 3.* inter epistolas Cælestini *ex recens. Constant. col. 1061.*); gravioribus proinde causis tantum suo iudicio reservatis, alias levioris momenti Iudicibus in partibus delegare consueverunt: cujus delegationis multa, & præclara exempla nobis suppeditant epistolæ Alexandri III. ad Petrum Abbatem Sancti Remigii, & alios, editæ a Jacobo Sirmondo post epistolas Petri Abbatis Cellensis *oper. varior. tom. 3. in fin.* Cum autem Innocentius III. experientia didicisset, quod nonnulli gratia Sedis Apostolicæ abutentes, litteras ejus ad remotos Iudices impetrare niterentur, ut Reus fatigatus laboribus & expensis, liti cedere, vel importunitatem Actoris rediret & compelleretur, ut huic dolo aditum occluderet, in Concilio Lateranensi statuit: *Ne quis, ultra duas dietas extra suam dioecesim per litteras Apostolicas, ad iudicium trahi possit, nisi de assensu Partium fuerint impetrata, uti habetur in cap. Nonnulli, 28. de rescriptis.*

3 Magis adhuc quam Innocentius litigantium commodo prospexit Bonifacius VIII. in cap. Statutum, de rescriptis in 6., decernens, ut si Actor, & Reus ejusdem civitatis, seu dioecesis fuerint, extra ipsas, causa a Sede Apostolica non committatur, nisi in duobus casibus, ibidem nominatim expressis, in quibus extra dictas civitatem, & dioecesim ita causam committi permittit, ut nullus eorum ultra unam dietam a fine suæ dioecesis valeat conveniri; statimque subjungit: *Cum autem Actor, & Reus civitatum, & dioecesium fuerint diversarum, si Actor in civitate, vel dioecesi Rei Iudicem habere recuset; ipsum non in sua, sed in alia civitate, vel dioecesi libere impetrare valeat: dummodo locus, ad quem eum traxerit, ultra unam dietam, sicut in casu alio præmittitur, minime sit remotus.* Ad hæc ne Apostolicæ delegationes vilescerent, non aliis causis committi, voluit idem Bonifacius, nisi personis, in dignitate Ecclesiastica constitutis, aut Personatum, vel saltem Canonica-tum in ecclesiis Cathedralibus obtinentibus, a quibus præterea non alibi causas audiri & definiri, mandavit, nisi in civitatibus, aut locis insignibus, ubi Litigantibus juris Periti adesse queant: *Sancimus igitur, (ait in eod. cap. Statutum) ut nullis, nisi Dignitate præditis, aut Personatum obtinentibus, seu ecclesiarum Cathedralium Canonicis, cause, auctoritate litterarum Sedis Apostolicæ, vel Legatorum ejusdem, de cetero committantur, nec audiantur alibi, quam in civitatibus, vel locis insignibus, ubi possit commode copia Peritorum haberi.*

4 Bonifacii Constitutionem renovavit Concilium Tridentinum *sess. 25. cap. 10. de reform.*, utque magis adhuc Sedes Apostolica secura foret de scientia, prudentia, & probitate personarum, quibus causas extra Urbem judicandas, committit, eidem Constitutioni nonnulla sapientissime adjecit: *Quoniam (verba sunt Tridentini) ob malitiosam petentium suggestionem, & quandoque ob locorum longinquitatem, personarum notitia, quibus cause mandantur, usque adeo haberi non potest, hincque interdum Iudicibus, non unde- quaque idoneis, cause in partibus delegantur; statuit sancta Synodus, in singulis Conciliis*

*Conciliis Provincialibus, aut Diocesanis aliquot personas, quæ qualitates habeant, juxta Constitutionem Bonifacii VIII., quæ incipit: Statutum; & alioquin ad id aptas designari; ut præter Ordinarios locorum, iis etiam posthac causis Ecclesiasticis, ac spirituales, & ad forum Ecclesiasticum pertinentes, in partibus deleganda committantur. Et, si aliquem interim ex designatis mori contigerit, substituat Ordinarius loci, cum consilio Capituli, alium in ejus locum, usque ad futuram Provinciale, aut Diocesanam Synodum, itaut habeat quæque diocesis quatuor saltem, aut etiam plures probatas personas, ac, ut supra, qualificatas, quibus hujusmodi causa a qualibet Legato, vel Nuntio, atque etiam a Sede Apostolica committantur; alioquin post designationem factam, quam statim Episcopi ad summum Romanum Pontificem transmittant, delegationes quacunque aliorum Judicum aliis, quam his facta, subreptitia censeantur.*

5 Itaque inter graviora negotia, in Diocesana Synodo ab Episcopo tractanda & expedienda, recenseri debet deputatio Judicum Synodaliū, quorum nomina ad Sedem Apostolicam subinde transmittantur. Non est tamen necesse, ut in præfatos Judices, ab Episcopo in Synodo deputatos, ipsa Synodus consentiat, quoniam non dixit Tridentinum, eos designandos a Synodo, sed in Synodo, quapropter Tridentini decreto satis faciet Episcopus, si Synodi consilium exposcat, etsi, ex causis sibi notis, illud amplecti postea noluerit; quemadmodum, cum aliquem ex deputatis in Synodo mori contingit, debet quidem Episcopus, priusquam alium in ejus locum substituat, exquirere Capituli consilium, sed non tenetur illud sequi, quia non consensum, sed consilium dumtaxat Capituli Tridentinum exigit, quod bene probat Fagnanus in cap. Cum olim II., num. 13. & seqq., de privilegiis, atque a sacra Congregatione Concilii declaratum refert Gallemart ad cit. cap. 10. sess. 25. num. 3. generatim enim loquendo: Quibus in actionibus, aut deliberationibus OEcumenica Synodo Tridentina, aut Provincialibus Conciliis constitutum est, de Capituli, Clerici consilio aliquid agendum esse; Non propterea tamen illud sequendi necessitatem sibi impositam esse, Episcopus existimet, nisi iis tantum, in quibus id speciatim, nominatimque cautum est, dixere Patres Concilii Mediolanensis V. pars. 3. cap. 11. (Actur. Eccl. Mediol. part. 1. pag. 276.)

6 Præfati Tridentini decreti executionem, quam certe & litigantium indemnitati consulere, & ad rectam conferre justitiæ administrationem, nemo est qui non videat, præ ceteris, summo opere inculcarunt Joannes Franciscus Bonhomius in citatis decretis generalibus reformationis Ecclesiasticæ edit. Colon. ann. 1585. pag. 115. & Cardinalis Gabriel Palæotus Archiepiscopus Bononiensis in suo Provinciali Concilio habito anno 1586., ubi simul monuit, ut factæ in Synodo Judicum electiones, illico summo Pontifici notificarentur. Hujusmodi autem denominationes, sive electiones, in singulis ecclesiis factas, unusquisque Episcopus ad summum Pontificem statim transmittere curabit, ut eisdem, auctoritate Apostolica, causa delegentur, & delegationes quacunque aliorum Judicum, aliis, quam his, facta, subreptitia cen-

seantur,

*fontur*. Et nihilominus in sacra Congregationis Concilii archivo nullus extat catalogus Judicum Synodaliū, qui ab Episcopis fuerit ad Sedem Apostolicam unquam transmissus, neque aliud hujus rei invenimus exemplum, præter unicum, adnotatum a Cardinali Bellarmino ad cap. 10. sess. 25. Concil. Triden. Ex hac porro Episcoporum incuria fit, ut Sedes Apostolica causas in partibus personis committat, in dignitate constitutis, ad solam normam cit. cap. Statutum, nulla habita ratione Judicum Synodaliū; quorum nomina ignorat, sicuti ad rem perpendit Barbola ad dictum cap. 10. Triden. num. 25., scribens: *Decretum hoc de commissendis causis solis Judicibus Synodalibus respectu Papæ in usu non est, cum adeo frequenter ipse committere solent causas aliis personis, tam in dignitate Ecclesiastica constitutis, quam deputatis in Synodo: sed id rarisimiliter ex eo procedit, scilicet, quia sit supra Concilium, sive, quod Dioecesi Episcopi ex sua parte etiam non curent, ad summum Pontificem transmissi nominationes, et designationes Judicum, a Synodo factas, quod tamen juxta hoc decretum sacre reneatur. Et sic Papæ ex quadam quasi necessitate justitie administranda, decretum non observat*. Et tamen sæpius Episcopi conqueſti sunt, apud sacram Congregationem Concilii, quod a Sede Apostolica delegationes fierent personis minus idoneis; perinde ac si ipsi met. non essent hujus abusus præcipua causa; Id autem dissimulavit sacra Congregatio, & ne munori suo deesset, monuit Officiales, ad quos pertinet, ut in causis, in partibus committendis, omnino morem gererent Tridentino; Ita a sacra Congregatione rescriptum fuisse ad Turrictanum Antistitem die 3. Februarii 1635. legimus (*lib. 15. decretor. pag. 162. verso*). *Significatum est Ministris hujus sanctæ Sedis pro commissione causarum in partibus, ut eas non nisi ab Archiepiscopo in Synodo ad præscriptum cap. 10. sess. 25. de reform. designatis, et notificandis committant*; Idemque & Nos fieri curavimus, dum ejusdem sacra Congregationis Secretarii munereungebamur; Etenim, cum Episcopus Portuallegren. postulasset, ut causæ solis committerentur Judicibus, in Synodo electis, nequaquam autem, ut antea fieri solebat, Protonotariis Apostolicis, inter quos multi reperiebantur indocti & imperiti, & hanc instantiam Nos retulerimos ad sacram Congregationem, hæc die 17. Novembris 1725. rescripsit, a Domino Cardinali Præfecto serio agendum esse cum Cardinali Pro-Datario, ut a suis Administris ad amissum servari, mandaret, Tridentino sanctionem. Sed si Episcopi admina Judicum, in Synodo deputatorum, Sedi Apostolicæ non manifestant, sibi imputare debent, quod commissiones ad minus peritos quandoque dirigantur; Officiales enim sanctæ Sedis divinitate non possunt, quinam in hac, aut illa diœcesi idonei sint ad Apostolicas commissiones rite subeundas, ac propterea Apostolicas litteras ad eos dirigunt, quos audiunt, aliquo specioso titulo condecoratos, quamvis non ignorent, sub specioso tituli cortice homines aliquando latere facis rudes & crassos.

7. Neque a Judicibus Synodalibus eligendis Episcopos remorari debet timor, ne illi quoddam quasi tribunal erigant, quasi aliquam jurisdictionem

non statim adepti essent: Nam sacra Congregatio Concilii in causa Januensi, die 15. Martii 1601. (*lib. 9. decretor. pag. 134.*) jam statuit: *Personas designandas in Synodo ex cap. 10. sess. 25., ante delegationem, nullam habere jurisdictionem; quinimmo, ut omnem ab illis arceret ambitionem, ostentandi tribunal proprium, cum propriis Administris, eadem sacra Congregatio in causa Alben. die 15. Januarii 1656. (lib. 19. decretor. pag. 554. a tergo) dixit: In hujusmodi appellationum causis, ad Iudices Synodales delatis, adhibendos esse Notarios Curie Episcopalis.* Unum dumtaxat impedimento esse potest Episcopis, ne Synodaliud Judicum nomina ad Sedem Apostolicam mittant, prætermisso scilicet tam Provincialium, quam Episcopaliud Synodorum, in quibus essent illi designandi; quamvis enim a Tridentino facultas Episcopis data sit, Judicibus in Synodo electis, & mox degedentibus, alios cum consilio Capituli, subititendi, duraturos usque ad novam Synodum, quæ ceteroquin, tempore a Tridentino statuto, sit habenda, nulla tamen iisdem potestas facta est novos Iudices deputandi, cum aut nulli in Synodo deputati sunt, aut nulla habita est Synodus, in qua deputari potuerint, aut effluxit jam tempus, intra quod, juxta Tridentini decretum, nova Synodus fuisset habenda. Verum ne diœceses suis Synodalibus Judicibus diu careant, etiam in his eventibus modus suppetit Episcopis illos nominandi: si enim potestatem, quam ceteroquin non haberent, a sacra Congregatione Concilii petant, eique simul causas exponant, propter quas Synodum celebrare nequeant, hæc facultatem iisdem impertietur, Iudices Synodales, cum consilio Capituli, designandi, sicuti factum cum Archiepiscopo Januensi, constat ex Actis sacre Congregationis (*lib. 19. decretor. pag. 171.*) ubi hæc leguntur. *Januensi. Dubium Judicum Synodaliud. Sacrum Concilium Tridentinum cap. 10. sess. 25. de reform. statuit: In singulis Conciliis Provincialibus, aut Diœcesanis &c. Et si aliquem interim ex designatis mori contigerit, substituat Ordinarius loci cum consilio Capituli alium in ejus locum, usque ad futuram Provinciale, aut Diœcesanam Synodum.*

8 Occurrit in his terminis casus in diœcesi Januensi, in qua per plures annos non fuit celebrata Synodus Provincialis, aut Diœcesana. Propterea Eminentissimus Archiepiscopus dubius de facultate, si aliquis interim mori contigerit, substituit alium in ejus locum, reverenter recurrit ad hanc sacram Congregationem pro declaratione; an valeat uti dicta facultate substituit alium, nisi Synodus tam Provincialis, quam Diœcesana non fuerit intra tempus, a Concilio præscriptum (*sess. 24. cap. 2. de reform., celebrata.* Unde expectitur sapientissimum oraculum E.E. VV., ut declaretur; An, & quomodo valeat Eminentissimus Archiepiscopus procedere ad substitutionem Iudicum Synodaliud in casu &c.

Die prima Junii 1609. Sacra &c. in casu, de quo agitur, petiram facultatem substituit cum consilio Capituli Eminentissimo Archiepiscopo Oratori impertita est.

9 Quæ hæctenus enarravimus, omnia a Nobis indicata fuere in nostra epistola encyclica, quam, post supremam Ecclesiæ clavum susceptum, die 26.

die 26. Augusti 1741. dedimus ad Patriarchas, Archiepiscopos, & Episcopos, ubi methodum illis præscripsimus designandi Judices Synodales, tam in Synodo, quam extra Synodum, & modum simul ostendimus, quorum nomina Seeli Apostolicæ notificare debeant, ut hæc viris probis, & doctis causarum cognitionem in partibus deinceps committere valeat, uti videri potest in citata nostra epistola, quæ est 28. in *nostro Bullario tom. 1.*

## CAPUT VI.

*De Judicibus Conservatoribus.*

**R**egularium Ordines, pleræque Universitates, ac nonnulla quoque Canoniorum Collegia, inter cetera privilegia, quibus a Sede Apostolica sunt exornata, hoc etiam gaudent, ut Judices eligant eorumdem privilegiorum Conservatores. Non deputantur ejusmodi Judices in Synodo, & nihilominus connexionem habent cum Synodo, quia defumendi sunt e coetu Judicum Synodali, de quibus in *præcedenti capite* actum est, juxta Constitutionem IX. Gregorii XV. *Bullar. tom. 4. pag. 80.* cujus verba sunt §. 2. *In futurum vero Sanctitas sua hac generali, & perpetuo valitura Constitutione, statuit & decrevit, ut Judices Conservatores hujusmodi, sive principales, sive subrogati, eligi, nominari, aut deputari non possint, nisi non solum habeant qualitates requisitas, & descriptas in Constitutione similis recordationis Bonifacii Papa VIII. etiam Prædecessoris sui, qua incipit: Statutum; ita ut vel dignitate Ecclesiastica præditi, vel Personatum obtinentes, vel ecclesiarum Cathedralium Canonici existant; sed etiam in Conciliis Provincialibus, aut Dioecesanis, juxta decretum Concilii prædicti, Judices electi, seu designati sint: & §. 5. subdit: Ceterum, ut latius pateat Conservatorum hujusmodi deligendorum facultas, Sanctitas sua admonitis voluit omnes locorum Ordinarios, ut in Synodis Provincialibus, aut Dioecesanis, quamplures personas ex habentibus qualitates in prædicta Constitutione ejusdem Bonifacii Prædecessoris contentas, & alioquin ad id aptas designari procurent; & si aliquem interim ex designatis mori contigerit, substituatur Ordinarius loci, cum consilio Capituli, alium in ejus locum, usque ad futuram Provinciale, aut Dioecesanam Synodum; Et postquam sequenti §. 6. iterum Pontifex edixit, ne quispiam in Conservatorem eligatur, qui inter Judices Synodales non numeretur, præcipit, ut nomina Conservatorum, quos Regulares selegerunt, Curie Episcopali exhibeantur: Ejusmodi electionis, seu assumptionis documentum intra tempus hujusmodi, videlicet sex mensium, penes Acta Curie Ordinariorum exhibere & dimittere teneantur; alioquin eo ipso termino elapso, quamdiu Conservatores, secundum formam præsentis Constitutionis non elegerint, coram eisdem Ordinariis conveniantur.*

2 Neque hac Constitutione quidquam de novo Gregorius sancivit, sed sanctiones, quæ jam antea emanaverant, confirmavit: Etenim, ante Gre-



te Gregorii XV. Pontificatum, hoc est anno 1614., sacra Congregatio Concilii, apud Gavantum in *append. ad prax. dioec. Synod. pag. 141.*, etiam hac de causa oportere, dixerat, ut in Synodis Dioecesanis, celebrandis ab Episcopis Mediolanensis provinciae, ad quos suas litteras direxit, plures deputarentur Judices Synodales, ut nimirum liceret Regularibus, quos vellent ex illis seligere, suorumque privilegiorum Conservatores constituere. Quae autem a Conservatoribus, qui inter Judices Synodales non recensebantur, antea gesta fuerant, eadem sacra Congregatio, ad cautelam convalidavit, *perinde ac si a Conservatoribus, legitime deputatis, processissent*; Quod profecto indicio est, illa jam tum minus firma, & nutantia sacrae Congregationi visa fuisse.

3 Si autem in dioecesi nulli reperiantur Judices Synodales, tunc, ne Regulares (quod de Regularibus dicimus, de aliis eodem privilegio fruentibus, est semper intelligendum) suo, sine culpa, priventur jure, poterunt, quem maluerint, in Conservatorem assumere, modo tamen qualitativus praestet, quas Bonifacius VIII. in *cit. cap. Statutum* exposcit, atque in reliquis omnia servantur, quae a Gregorio XV. praescribuntur, uti docent Fagnanus in *cap. Sane II. num. 33. de offic. Judicis delegati*, & in *cap. Si Clericus, num. 57. de foro competenti*, Nidus de *Conservatoribus cap. 3. part. 7. num. 7.*: At si postea Synodus celebretur, in qua Synodales Judices constituentur, statim cessat jurisdictio praedictorum Conservatorum, iterumque a Gregoriana Constitutione adiguntur Regulares, ad aliquem eligendum ex designatis in Synodo, quod, teste Monacello *tom. 4. pag. 21. n. 221.* Saepius declaravit sacra Congregatio Concilii, & praesertim in Vladislavien. 16. Januarii 1694. (*lib. 18. decretor. pag. 574.*) & in alia causa Ordinis Minorum Observantium, die 10. Decembris 1661. (*lib. 22. decretor. pag. 777. a tergo.*)

4 Dubitatur autem, an, extra Judicum Synodaliū coetum, facultatem habeant Regulares, aliquem in Conservatorem sibi eligendi, qui majori praesulgeat Ecclesiastica dignitate, puta Episcopum, Archiepiscopum, aut aliquem ex S. R. E. Cardinalibus. Affirmant plerique Doctores, innixi perspicuo textu in *cap. fin. de officio Delegati in 6.*, ubi Bonifacius VIII. non solum permittit, sed diserte praecipit: *Ne de cetero Conservatores deputari possint, nisi Episcopi, vel eorum Superiores, aut Abbates &c.* eandemque olim fuisse sententiam sacrae Congregationis Concilii, liquet ex citato decreto anni 1614., relato a Gavanto, ubi expresse ait, praeter Judices Synodales, posse in Conservatores assumi, *Episcopos, atque illis Superiores, eorumque Generales Vicarios.* At rectius opinantur alii, ejusmodi sanctionibus derogatum esse a posteriori Constitutione Gregorii XV., qua Regularium libertas ita, quoad hoc, est coarctata, ut neminem in Conservatorem eligere valeant, qui Judicibus Synodalibus non annumeretur, & omnis electio Conservatorum, facta contra formam ibidem statutam, nullius roboris esse decernitur. Non immerito tamen ad

hæc reponere possent Regulares, facultatem sibi datam a Bonifacio VIII., quæ saltem reviviscere, cum in diocesi nullus adest Iudex, in Synodo deputatus, aut ab Episcopo necessaria facultate instructo, in Synodo alium locum susceperit. Verum quidquid sit, an possint Regulares in Conservatorem assumere Episcopum, aliumve, majori prædium dignitate, qui forte in diocesi commoretur, certum esse videtur, ab iisdem, in una diocesi existentibus, in Conservatorem eligi non posse alterius diocesis Episcopum; Ejusmodi enim electiones sæpius improbatas fuisse a sacra Congregatione Concilii, testatur Monacellus tom. 4. pag. 22. num. 232. Cumque donus alieni Episcopi electio a Regularibus attentata fuerit, eadem sacra Congregatio die 3. Augusti 1715. in *Nullius Alramura* iterum dixit, illam non sustineri, uti videre est in *Thesaur. resolut. pag. 222. inter selectas ab anno 1700. ad 1718.* Iam tunc hæc sacre Congregationis responsa citata Constitutioni Gregorii XV., in qua decernitur, nullum a Conservatore jus exerceri posse, extra diocesim, pro qua fuit deputatus; Conservator enim, sicuti ait Nidus de Conservator. part. 2. num. 7., præsto esse debet, ad Partes audiendas, & Regularium privilegia tuenda, eo ipso in loco, ubi in discrimen vocantur; Ex quo fit, ut nequeat unus, & idem pro diversis diocesibus constitui, sed suus cuilibet diocesi adeste debeat, quod late ostendunt Monacellus cit. loc. num. 222. Passerinus in cap. *Hæc Constitutio* num. 164. in fine, de officio Delegati in 6., Barbosa de offic. & potest. Episcop. allegat. 106. num. 7. in fin.; Aut igitur alterius diocesis Episcopus, in Conservatorem electus, commissum sibi munus exercere vult, in propria diocesi, & hoc facere prohibetur a citata Gregorii Constitutione; Aut quodcumque Regulares ejus opera indigent, accursere vult ad aliam diocesim, pro qua fuit Conservator designatus, & hoc multis nominibus de decere quilibet videt.

5. Plurima nunc superessent dicenda de Conservatorum jurisdictione, ejusque abusu, quæ, quoniam præsentis instituti non sunt, summam indicabimus. Innocentius IV. in cap. 2. de offic. & potest. Iudicis delegati in 6. statuit, Conservatores solum posse illos, quibus dati sunt, defendere a manifestis injuriis & violentiis: nec ad alia, quæ judicalem indaginem exigunt, suam posse extendere potestatem. Bonifacius VIII. in cap. *Hæc Constitutio*, eod. tit. addidit, quod, si de aliis, quam de manifestis injuriis & violentiis se intraviserint; seu ad alia, quæ judicalem indaginem exigunt, suam extenderint potestatem; eo ipso per annum annuum ab officio sint suspensi. Pars vero, quæ hoc fuit procurator, sententiam excommunicationis incurrat. Concilium Tridentinum sess. 24. cap. 5. de reform. decrevit, causas criminales, & mixtas ad locorum Ordinarios, & non ad Conservatores pertinere; civiles vero a Conservatoribus posse cognosci, cum ii, quorum privilegia tuentur, Rei sunt, non autem si sint Actores. Clemens VIII. in sua Constitut. 3. Bullar. tom. 3. & Gregorius XV. cit. Constitut. 9. prælatas juris sanctiones renovaverunt, omnesque litteras Apostolicas, quas Conservatorias vocant, contra earum-

earumdem sanctionum formam concessas, revocarunt, & intra illarum terminos coarctarunt; Cumque Patres Societatis Jesu contenderent, litteras Apostolicas, quibus ipsi potiuntur, obtentas a S. Pio V., & sub consueta formula *Rationi congruit* postea expeditas a Gregorio XIII., propter speciales, & amplissimas clausulas, quibus sunt roboratæ, non esse revocatas, neque restrictas, intra limites Gregorianæ Constitutionis, in celebri causa Angelopolitana succubuerunt; In responsione enim ad quintum dubium, decisum fuit, illas clausulas minime obstat, quominus comprehensæ dicantur in Gregorii XV. Constitutione, quemadmodum habetur in Bulla 32. Innocentii X. *Bullar. tom. 5.*

6 Cohærenter ad enuntiata jura, plura postmodum prodierunt a sacra Congregatione Concilii decreta: die 28. Julii 1657. proposito dubio: *An Regulares, habentes Conservatorem, si rei sint, in causis requirentibus judicalem discussionem & indaginem, conveniri queant coram eodem Conservatore.* Sacra Congregatio respondit *Negative*, addiditque, in eo rerum statu provocandos esse ad loci Ordinarium *lib. 21. decretor. pag. 31.*; Idemque responsum dedit in causa Papien. die 30. Martii 1680. *lib. 31. decretor. pag. 73.* In causa Januen. Jurisdictionis, quæ versabatur inter Patres Societatis Jesu, & Patres Carmelitas Excalceatos die 20. Februarii 1723., quo tempore Nos sacre Congregationi eramus a Secretis, declaratum fuit, Conservatori, a Patribus Societatis in civitate Januensi deputato, jus tantum esse, illos defendendi a manifestis injuriis & violentiis, eorumque causas cognoscendi, quando iidem rei sunt, ad normam Gregorianæ Constitutionis, quæ uberius videri possunt in *Theaur. Resolut. tom. 2. pag. 274.* Quod vero attinet ad Ministros, quos Conservatores deputare se posse, arbitrabantur, in causa Faventina 17. Septembris 1667. *lib. 25. decretor. pag. 443.* & iterum, in dubiis generalibus de Conservatoribus die 28. Januarii 1679. *lib. 30. decretor. pag. 249. & seqq.* ac denique in particulari Congregatione, a san. mem. Clemente XI. deputata, cui Nos, tanquam ejusdem Secretarius, interfuimus, die 20. Martii 1720. decisum fuit, alios Ministros a Conservatoribus assumi non posse, præter unum Notarium. De Judice Conservatore Regularium integrum tractatum concinnavit Petrus Maria Forti, Societatis Jesu, natione Siculus, quem, typis Mutinensibus impressum, evulgavit anno 1743.; non multum tamen huic Auctori fidentum est, quoniam multis in locis, sed præsertim art. xxi. Judicium Conservatorum jurisdictionem, ultra limites protendit, a sacris Urbis Congregationibus eidem præscriptos. De Judicibus Conservatoribus Universitatis Studii Generalis Avenionensis, & eorum jurisdictione nonnulla a Nobis constituta sunt in *Constit. 142. Bullarii tom. 1.*

## CAPUT VII.

## De Synodalibus Examinatoribus.

1 **S**acrofancta Tridentina Synodus, sess. 23. cap. 7. de reſorm. decrevit, ut Episcopis, priusquam Ordines conſerat, aliquot ſibi aſcitis Sacerdotibus, aliſque prudentibus viris, Divina Legis peritis, & in Eccleſiaſticis ſanctionibus exercitatis, Ordinandorum genus, perſonam, ætatem, inſtitutionem, mores, doctrinam, & fidem diligenter inveſtiget, & examinet; Et cap. 15. ſtatuit, nullum Sacerdotem, etiam Regularem, poſſe Confeſſiones Sacularium, etiam Sacerdotum, audire; Nec ad id idoneum reputari, niſi aut Parochiale Beneficium, aut ab Episcopis per examen, ſi illis videbitur, eſſe neceſſarium, aut alias idoneus iudicetur, & approbationem obtineat. Sess. autem 24. cap. 18. poſtquam præmiſerat, animarum ſaluti maxime expedire, a dignis, & idoneis Parochis gubernari, ut id diligentius ac rectius perſiciatur, edixit, vacantes eccleſias Parochiales illiſ dumtaxat eſſe ab Episcopo conſeſcendas, qui in experimento, ſeu examine, coram eodem Episcopo, aut ejus Vicario Generali, aliſque Examinatoribus non paucioribus, quam tribus, inſtituendo, fuerint approbati, & idonei renutiati: juſſit præterea, ſex ad minus Examinatores ab Episcopo, vel ejus Vicario, in Dioceſana Synodo, ſingulis annis, proponi, qui Synodo ſatisfaciant, & ab ea probentur, e quibus, adveniente Parochialis eccleſiæ vacatione, tres ab Episcopo ſeſſigi voluit, qui una cum eo examen perſiciant, addiditque: *Sins vero bi Examinatores Magiſtri, ſeu Doctores, aut Licentiati in Theologia, aut jure Canonico, vel alii Clerici, ſeu Regulares, etiam ex Ordine Mendicantium, aut etiam Seculares, qui ad id videbuntur magis idonei; jurentque omnes ad ſancta Dei Evangelia, ſe, quacumque humana affectione poſtpoſita, fideliter munus executuros. Caveantque, ne quidquam prorsus, occaſione hujus examinis, nec ante, nec poſt accipiant, alioquin Simonia vitium tam ipſi, quam alii dantes incurrant, a qua abſolvi nequeant, niſi dimiſſis Beneficiis, qua quomodocumque etiam antea obtinebant, & ad alia in poſterum inhærentes reddantur.* Hæc quoque ad eccleſias Parochiales, quæ ad liberam ſpectant collationem Episcopi; aut joris patronatus Eccleſiaſtici ſunt, omnino ſervari juſſit Tridentinum, omnesque earundem eccleſiarum provisiones, ſeu inſtitutiones, contra formam iſtius decreti factas, irritas & inanes fore pronuntiavit.

2 Quamobrem examen, ſeu conſcurſus ad eccleſias Parochiales neceſſario inſtitui debet coram tribus ſaltem Examinatoribus, a Synodo approbatis; ſecus autem eſt de examine, ab aliis ſubeundo; qui aut Ordines petunt, aut ad excipiendas Confeſſiones approbati cupiunt; In hoc quippe poterit Episcopus Examinatoribus uti, quos maluerit, quod opportune advertit Gavantus in *praxi Dioceſ. Synod. cap. 31. num. 2.* Quoniam Tridentinum Synodales Examinatores exigit tantum in conſcurſibus ad Parochiales,

chiales, cumque agatur de sanctione, restringente facultatem, alias Episcopo a jure communi concessam, non debet extendi ultra casum expresse; quocirca merum consilium præbere voluisse, opinamur, septem illos Episcopos, Auctores articulorum reformationis Parisiensis anni 1586., cum articulo 58. (*Thesaur. nov. anecdot. Martene, & Durand. col. 1599.*) dixere: *In Dioecesana Synodo, ubi commode fieri poterit, juxta decreta Tridentini, deputentur Examinatores, quorum opera utatur Episcopus, tum pro examine illorum, quibus Beneficia, præsertim Curata conferenda erunt, tum etiam eorum, qui promovendi erunt ad Ordines; aut si legem condiderunt, Episcopos extra Galliam non obstrinxere.* Enimvero quod in examine non causa conferendi Beneficium Parochiale, sed alio nomine faciendo, liceat Episcopo Examinatores adhibere, quos voluerit, pro certo posuit S. Carolus Borromæus, in Concilio Provinciali Mediolanensi V., anni 1579., cum *part. 3. (Astor. Eccl. Mediol. part. 1. pag. 259.)* præceptum, a Tridentino Synodalibus latum, ne examinis occasione quidquam accipiant, etiam ad alios Examinatores extendit, inquit: *Ne vero item, qui Examinatores libere, pro arbitratu Episcopi, ad alios quocumque nomine, causave examinandos adsciuntur, examinis occasione quidquam, ne esculenta quidem, poculentave capiant.* Præterea, etsi Benedictus XIII. in sua Constitutione, quæ incipit *Pastoralis*, & habetur in appendice ad Synodum Romanam, edixerit, ut Præbendæ, Theologalis, & Pœnitentiaria, in Italia, eique adjacentibus Insulis, conferantur, prævio examine & concursu, eo plane modo, quo conferuntur ecclesiæ Parochiales, expresse tamen declaravit, concursus ad illas non necessario institui oportere, coram Examinatoribus Synodalibus, sed coram Episcopo, & quatuor Examinatoribus, etiam si Synodales non sint.

3 Quibus adnotatis, accuratius sunt singula explicanda, quæ in Examinatoribus Synodalibus Tridentinum exposcit: Sex ad minus ab Episcopo, aut ejus Vicario, in Synodo proponi voluit; non tamen vetuit, ne plures proponantur; quinimmo ex tali loquendi modo, & plures proponi posse, & ut plures proponantur, se exoptare, satis aperte Tridentinum innuit, quemadmodum observat Barbosa in *collectan. ad cap. 18. sess. 24. num. 85.* ubi tamen a sacra Congregatione Concilii decusum refert, non esse ultra viginti proponendos, fortasse ob periculum, ne nimium aucto eorumdem numero, minus diligens sit personarum, quæ proponuntur, selectus. Propositi ab Episcopo officium non assequuntur, nisi approbentur a Synodo, unde necesse est, ut major pars eorum, qui Synodo inter sunt, in illos consentiat: Secus, alii ab Episcopo erunt proponendi, qui a majori parte acceptentur: posse autem hanc acceptationem fieri per suffragia tum publica, tum secreta, respondit sacra Congregatio Concilii ad Patriarcham Venetiarum die 11. Julii 1592.: *Amplitudini tue super Examinatoribus, in Synodo approbandis, sic respondit Congregatio sacri Concilii Interpretum, nempe Examinatores, qui ab Amplitudine tua propositi fuerint Synodo,*

do, tam per vota secreta, quam aperta posse probari. Itaque Amplitudo tua eum modum in probatione servari faciat, quem magis expedire judicaverit.

4. Quod spectat ad Examinatorum qualitates, quamvis Tridentinum desideret, ut deputandi ad ejusmodi munus gradum aliquem, in sacra Theologia, vel in jure Canonico sint consecuti, attamen arbitrio Episcopi permittit, etiam, qui nullo gradu est condecoratus, proponere; ex quo fit, ut, etiam si plures in dioecesi reperiantur Doctoratus laurea insigniti, si nihilominus Episcopus eos minus peritos existimet, poterit, cum Synodi approbatione, aliis, sive Sæcularibus, sive Regularibus, qui sine Doctoratu doctiores reputantur, Examinatoris officium committere, quod a sacra Congregatione Concilii decusum, refert Fagnands in cap. Inter ceteras, num. 35. de rescriptis.

5. Designantur quandoque Examinatores, sub nomine tantum dignitatum, seu officiorum, quæ obtinent; dicendo ex. gr.: Examinatores erunt Vicarius Generalis, Archidiaconus, Decanus, Prior Conventus S. Domini &c., statimque oritur quaestio, an, decedentibus, vel dignitatem, seu officium dimittentibus electis, Examinatoris munus transeat ad eorum, in dignitate, vel officio. Successores. De hac controversia, teste Garcia de Beneficiis part. 9. cap. 2. in responsione ad dub. 22. num. 339. & seqq. actum fuit in sacra Congregatione Concilii, in una Toletana anno 1594., & decusum, sub generali deputatione Auditorum consilii Archiepiscopalis, in Synodales Examinatores, illos solum fuisse comprehensos, qui Auditorum officium tunc temporis gerebant, non vero eorumdem Successores; eidemque decisioni aditipulatam fuisse Romanam Rotam, idem Garcias num. 341. & seqq. refert. Eadem quaestio fuit nuperrime instaurata in sacra Congregatione Concilii: Etenim cum in Synodo Dioecæsana Policastroensi, inter Examinatores Synodales deputatus fuisset etiam Vicarius Generalis Episcopi, sub solo appellativo nomine dignitatis Vicariatus, atque hic una cum aliis duobus Examinatoribus Synodalibus, interfuisset concursui, habito ad quamdam Parochialem, sacra Congregatio die 19. Septembris 1745., concursum convalidavit, ad cautelam, sed simul scribendum dixit Episcopo, Vicarium Generalem non posse deinceps Synodalis Examinatoris munus exercere, nisi proprio expresso nomine ad illud iterum deputaretur. Ideo autem concursus fuit ad cautelam convalidatus, quia non desunt Doctores, qui opinantur, Examinatorum electionem, factam sub solo appellativo nomine dignitatis, seu officii, ne quoad illos quidem sustineri, qui electionis tempore dignitatem, seu officium obtinent; & licet sacra Congregatio in prædicta Toletana oppositum censuerit, noluit tamen hanc quaestionem resiccare, iterumque decidere. Gavantus in praxi Dioec. Synod. annot. 5. ad cap. 31., non improbabile opinatur, Examinatoris munus transire ad Successorem in dignitate, seu officio, cum electio hoc modo fit: Deputetur Prior S. Domini, qui pro tempore fuerit. At hæc opinio, cui solum dubitanter Gavantus adhæret, Nobis non arridet; ad

munus

munus quippe, ad quod eligitur industria personæ, non potest designari persona incerta, cujus doctrina, prudentia, & probitas ignorantur. Ad hoc itaque præcavendas, & oberuncandas controversias, consultius erit, ut Synodales Examinatores, sub proprio & expresse cujusque nominis, & cognomine ab Episcopo proponantur, atque a Synodo approbentur.

6. Electi Examinatores jurare debent, sc. omni postposita humana affectione, munus suum fideliter executuros, sicut Tridentinum præcipit; Ejusmodi autem juramentum in ipsa Synodo est emittendum, si illi Synodo adsint; sin minus, coram Episcopo, aut ejus Vicario. Quamvis porro Tridentinum juramentum, ab illis præstandum, dixerit, ad sancta Dei Evangelia; attamen Gavantus sit. cap. 31. anm. 7. nihil referre, affirmat, an super Evangelia, vel sacras Sanctorum Reliquias præstetur. Motum jurandi ad Sanctorum Lipsana antiquum esse constat ex S. Augustino epist. 78. (tom. 2. oper. col. 184.) in qua refert imperasse se, ut Bonifacii Presbyteri accusatores pergerent, ubi B. Felici Nolanus corpus conditum est, ut ibi juramentum præstarent; subditque, Nam & nos novimus Mediolani apud memoriam Sanctorum, ubi mirabiliter & terribiliter Demones confitentur, fierem quendam, qui ad eum locum venerat ut falsum jurando deciperet, compulsum fuisse confiteri furtum, & quod abstulisset reddere. Gregorius M. lib. 6. epist. 61. (tom. 2. oper. col. 837.) jussit Archidiaconum Ravennæ &c. seniores personas venire ante corpus S. Apollinaris, & tacto ejus sepulcro jurare, qua consuetudo ante Joannis tempora fuit; Formulam vero juramenti ibidem addit: Juro ego per Patrem, & Filium, & Spiritum Sanctum, inseparabilem Divina potentia Trinitatem, & hoc corpus B. Apollinaris Martyris, me pro nullius favore persone, neque commodo aliquo interveniente, testari. Cum vero Episcopus quidam fuisset accusatus, idem S. Gregorius lib. 2. epist. 33. (ibid. col. 597.) narrat, præter inquisitionem factam; ne quid videretur omissum, aut nostro potuisset dubium cordi remanere, ad B. Petri sacratissimum corpus, distractis eum ex abundantia facinus sacramenta præbere. Singularia hæc exempla non esse demonstrant infrequentissima, quæ narrat Gregorius Turonensis, ut lib. 5. histor. Franc. cap. 33. & 49., lib. 1. de glor. MM. cap. 58., lib. 2. cap. 19. lib. de glor. Confessorum cap. 33. cap. 94. &c. Quin ex eodem constat, plurimum SS. Martyrum sepulcra ob id ipsum insignia fuisse, quod perjuros, qui falso jurarent ad sua corpora, punirent; Est etiam (inquit lib. 1. de glor. MM. cap. 39. col. 765.) haud procul ab hujus Urbis muro & Pancratius Martyr valde in perjuris ultor. Ad cuius sepulcrum si cujusquam mens infans juramentum inane præferre voluerit, . . statim, aut arripitur a Domino, aut cadens in pavimentum amittit spiritum. Ex hoc enim quisque fidem cujusvisque rei ab alio voluerit elicere, ut verum cognoscat, nisi aliter, nisi ad hujus Episcopum destinat. Nam servit plerique sancta basilica Apostolorum, sive aliorum MM. commentos non alibi pro hac necessitate, nisi templum expectare B. Pancratii, ut ejus ferventis cæsura publice discernere, aut veritatem audientes credant, aut pro fallacia iudicium Martyris boni experiantur. Hæc demum

sermo

ferme narrat de sepulcro S. Genesii Martyris lib. 1. de glor. M.M. cap. 74. de S. Juliano lib. 2. cap. 39. col. 878. de S. Nicetio Treverorum Episcopo de glor. Confess. cap. 94. col. 976. Ad cuius nunc tumulum (ait) vincitorum caena franguntur &c. Jam de perjuris quid dicam? Si quis enim ibi falsum juramentum proferre ausus fuerit, illico Divina ultione corrigitur. De S. Eligio pariter Noviomenſi Episcopo similia exempla narrat S. Audoenus lib. 2. cap. 56. cap. 59. & 75. (tom. 5. spicilegii Dacheriani pag. 285. 287. 297.) Hic vetq; Romæ ad S. Petri sepulcrum idem aliquando factum & juramentum præstitum, testis est Vigilius epist. 15. tom. 5. collect. Labbeana col. 330., ubi legitur: Et dum sapientiſſi Iudices posito indiculo super altare, & cavacilla B. Petri Apostoli, præstitissent corporale iurjurandum &c. Hæc omnia exempla VIII. sæculum præcedunt, atque initium hæresis Iconoclastarum. Nam post eam exortam, maxime præpagatum hunc morem arbitramur, ut sacra Pignora, quibus illi omnem cultum denegabant, hoc etiam specialis religionis actu Catholici prosequerentur: præsertim cum Sanctorum corpora tunc maxime dilatare atque in partes secare & in diversa loca transferre, Fidelium pietas coeperit: quod adnotavit Mabillonius præfat. in fac. II. Bened. Hinc ergo iuramenti hujus consuetudo maxime invaluit & in Concilio Francofordiensi, anni 794. postquam scilicet Iconomacorum in Sanctorum Imagines, & Reliquias furor eruperat. Can. 9. (tom. 4. collect. Hard. col. 906.) mos innuitur jurandi, aut tactis Evangelii, aut coram propositis Reliquiis; initio vero sequentis sæculi IX. lege insuper cautum invenimus, ut omne juramentum supra Reliquias præstaretur: ita quippe jurandum edixere Capitularia, edita anno 803. (cap. 4. ex recens. Baluzii tom. 1. col. 398.) Et inter Capitula ex variis Synodis, & publicis conventibus, post adeptum a Carolo Magno Imperium, celebratis, excerpta, & evulgata a Sirmondo tom. 2. Concil. Gall. pag. 246., hoc etiam cap. 13. adnotatur: Omne sacramentum in ecclesia, aut supra Reliquias juretur . . . , & sic juret: Sic illum Deus adjuvet, & illi Sancti, quorum iste Reliquia sunt, ut veritatem dicat. De hoc jurandi modo Martene tom. 3. lib. 3. de antiq. Eccl. rit. cap. 7. num. 1. Ferrandus disquisit. Reliq. lib. 2. part. 1. cap. 3. art. 3. Postquam vero Lutherus, & Calvinus, qui nullam antiquam hæresim non iterum excitaverunt, etiam Iconoclastarum impia dogmata renovaverunt, quo magis illis contraireret S. Carolus Borromæus, voluit, ut Teites, Iudices, & Examinatores Synodales, super Sanctorum Reliquias jurarent: de quo ritu, a S. Carolo Borromæo in Mediolanensem provinciam inducto, pluribus differunt Piaſec. in praxi Episcopali part. 2. cap. 1. art. 1. num. 10. Barbosa de offic. & potest. Episc. part. 3. allegat. 93. num. 17. & 18. Pax Jordan. tom. 2. lib. 8. tit. 2. num. 104. & seqq. Ventriglia in praxi rer. Ecclesiast. part. 2. annot. 5. §. 1. num. 30. & seqq.

7 Synodali Examinatorum officium durat usque ad novam Synodum, quæ intra unius anni spatium ad Tridentini normam, esset celebranda, & in qua aut iidem, aut alii de novo deputandi forent; sicuti idem Tridenti-



Tridentinum præcepit: *Examinatores autem singulis annis in Dioecæsana Synodo ab Episcopo, vel ejus Vicario ad minus sex proponantur*; si autem, aut omnes, aut aliqui ex designatis, in ultima Synodo, decurrente anno, moriantur, aut e dioecesi se subducant; tunc si sex saltem, ex designatis remaneant, (quoniam longe plures eligi posse, jam diximus) cum adhuc tunc numerum exæquent, a Tridentino statutum, istorum opera Episcopus utetur, nec alios in demortuorum, aut longe absentium locum substitutere poterit: si vero sex non supersint, tunc Clementis VIII. decreto, relato a Garcia *cit. part. 9. cap. 2. num. 72.*, & Fagnano *in cap. Cum sit ars, num. 54. de aetate, & qualitate*, facultas data est Episcopis alios subrogandi, modo iis qualitatibus præstent, quas Tridentinum requirit; a Capitulo approbentur; & una simul cum superstitibus ex electis in Synodo, senos non excedant.

8 Verum hæc annuum dumtaxat respiciunt, a postrema Synodo ad aliam, quæ post annum habenda esset, defluentem: quid autem fiet, si annus elabatur, & nova Synodus non celebretur? Certum est, statim ac effluxit annus, ab ultima Synodo, cessare officium Examinatorum, qui, intra ejusdem anni intervallum, in demortuorum, seu absentium locum forte fuerint ab Episcopo suspecti, ita enim diserte statuit Clemens VIII. in cit. decreto: *Officium autem omnium prædictorum Examinatorum Synodaliū subrogatorum expiraret, cum primum advenisset tempus novæ Synodi, juxta cap. 2. sess. 24. celebrandæ*. Quoad alios porro non subrogatos, sed in ultima Synodo electos, hoc censuit sacra Congregatio Concilii: quamdiu sex illorum superstites sunt, omnes perseverant in munere, & Episcopus in concursibus ad ecclesias Parochiales illis uti poterit: sed si vel unus ex illis decesserit, itaut, ex electis in Synodo, sex non remaneant, omnium officium expirat, & nullus adhiberi poterit in concursibus ad Parochiales: neque post annum datum est Episcopo in demortui locum quemquam sufficere, quæ videri possunt apud Garciam *cit. cap. 2. num. 73. Fagnanum in cit. cap. Cum sit ars, eod. num. 54. & Massobrium in praxi habendi concursum requisit. 12. dub. 4.*

9 Quapropter ut, elapso anno, & non existentibus sex Examinatoribus, in Synodo electis, institui valeat validum experimentum concurrentium ad vacantes ecclesias Parochiales, necesse est, ut Episcopus vel novam Synodum cogat, vel facultatem petat a sacra Congregatione Concilii novos Examinatores, extra Synodum deputandi: etenim, si concursus fiat coram Examinatoribus, extra Synodum designatis ab Episcopo, nulla ad hoc instructo speciali facultate, Parochialium collationes, institutiones, seu provisiones erunt irritæ: hinc, cum in dioecesi Bracharensi, plures Parochiales, iis collatæ fuissent, qui approbati fuerant ab Examinatoribus, extra Synodum deputatis, ab Archiepiscopo, cum consensu Capituli, opus deinde fuit, ut qui illas obtinuerant, preces porrigerent summo Pontifici, ut suprema sua auctoritate earundem collationes convalidaret.

& sacra Congregatio Concilii, ad quam preces remissæ fuerant, die 12. Januarii 1715. illas convalidandas censuit, quia supplicantes, bona fide Parochiales acceptaverant, atque ex Archiepiscopi attestatione constabat, multa exoritura scandala, si novus concursus ad illas foret indicendus, quod refertur *Theaur. Resolut. tom. 9. pag. 219.*

10 Nec sacra Congregatio facultatem, de qua loquimur, renuit unquam petentibus concedere: quoniam, cum probe noverit, non facile esse Episcopis, singulis prorsus annis, suas Synodos cogere, ne ideoque legitimis careant Examinatoribus, ex quorum defectu initi ad ecclesias Parochiales concursus sint irriti, statim ac Episcopus eidem exponit, sex ex electis, in postrema Synodo, amplius non extare, potestatem ei facit novos eligendi, a majori parte Capituli approbandos, quorum tamen officium duraturum, decernit, tantum ad annum, quo elapso, iterum ad preces Episcopi illos in munere confirmat, quod & deinceps semper in annum isdem prorogat. Ea facultate a sacra Congregatione accepta, Episcopus sex Examinatores seliget, omnibus præditos qualitatibus, a Tridentino requisitis, eosque Capitulo proponet; quod si Capitulum illos, quamvis ceteroquin idoneos, approbare recusaverit, existimant Pignatellus *consult. 119. tom. 1.* & P. Andrenccius Societatis Jesu in suo tractatu *de tuenda concordia inter Episcopum, & Capitulum part. 4. tit. 1. §. 1. num. 198.* habendos nihilominus esse, pro approbatis: Semel enim posito, quod propositi ab Episcopo tales sint, quales Tridentinum exigit, Capitulum tenetur, ex iustitia, illos approbare, & consensus ex iustitia præstandus, cum injuste denegatur, habetur pro præstito, sicuti docent *Sardus dec. 220. num. 54. Mantica decis. 226. tract. 9. Valenz. consil. 113. num. 27.* Sed quidquid sit de veritate hujus opinionis, de qua non vacat hic disputare, certum est, quod, qui illam in praxi sectatur, obnoxium se facit innumeris litibus & controversiis: cum enim hominum doctrina, & mores evidentes non sint, nec unquam obtrectantium linguas evadant, semper excitabitur quæstio, an Capitulum juste, vel injuste consentire recusaverit, in Examinatores, ab Episcopo propositos, & durante hac quæstione, firmi non erunt concursus, ad ecclesias Parochiales, coram illis, instituti. Tutius propterea erit, ut, in eo eventu, Episcopus a sacra Congregatione Concilii petat supplementum consensus, quem Capitulum, sine causa denegavit: ita se gessit Episcopus Averfanus, qui cum potestate, antea sibi facta a sacra Congregatione Concilii, quemdam Sacerdotem proposuisset suo Capitulo, in Synodalem Examinatorem approbandum, quem tamen Capitulum approbare noluit, iterum supplex adiit eandem sacram Congregationem, exposcens, ut consensum, a suo Capitulo irrationabiliter denegatum, ipsa suppleret: Episcopi instantia examinanda erat in Congregatione, habita die 2. Martii 1739. sed cum perpensum fuerit, jam tum elapsum fuisse annum, quo præfatus Sacerdos exercere potuisset Examinatoris munus, juxta ea quæ supra diximus, sacra Congregatio supervacaneum

neum duxit causam definire, ejusque propterea discussione superfluit.

II Aliquid nunc dicendum superesset de præcepto, Examinatores obstringente, ne quidquam prorsus occasione examinis recipere valeant: ac Tridentinum adeo perspicuis verbis suam mentem, quoad hoc explicuit, ut expolitione non indigeant. Unum tamen, notatione dignum, referimus, quod statutum reperimus, in Concilio Provinciali Toletano, habito anno 1566. act. 2. cap. 24. (tom. 10. collect. Harduini col. 1155.) his verbis: *Horum vero Examinatorum cullibet pro muneris suscepti labore, Ordinarius, post Beneficii collationem, ex redditibus ecclesie vacantis, qui aliqui Rectori debeantur, justam aliquam mercedem, ejus arbitrio, reddi curabit; cum & dignus sit mercenarius mercede sua.* Licet autem, quod a præfati Concilii Patribus gestum est, non improbemus, non tamen absolute approbamus, multoque minus imitandum proponimus: Siquidem cum reditus vacantis ecclesie debeantur futuro Rectori, aut aliis, quibus forte fuerint ab Apostolica Sede assignati, si Examinatores quidquam ex illis lucrarentur, viderentur quodammodo aliquid, occasione examinis, ab illo percipere, quem ad Parochialem approbarunt; quod profecto quamdam Simonie suspicionem posset indoctis ingerere, cujus, vel solam speciem, ab Examinatoribus arcere Tridentinum voluit: quapropter, cum de simili statuto, edito a Concilio Provinciali Compostellano, relatum olim fuisset ad sacram Congregationem Concilii, hæc illud adversari censuit menti Tridentini: *Proposito enim ab Episcopo Abulensi sequenti dubio: In Episcopatu Abulensi, & tota provincia Compostellana, ex decreto Concilii Provincialis Compostellani, post Concilium Tridentinum facti, datur stipendium Examinatoribus Synodalibus ex fructibus Parochialium, ad quas fit examen: dubitatur, an possit hoc dari, stante decreto sancti Concilii Tridentini sess. 24. de reform. cap. 18.* Sacra Congregatio respondit: *Non possit.* Quod narrat Garcias de Beneficiis pars. 5. cap. 7. num. 11.

## CAPUT VIII.

*Expenduntur alia, ad Synodaliū Examinatorum officium spectantia.*

I Quamquam Examinatorum officium sit extra Synodum exercendum, quia tamen eorum electio in Synodo fieri debet, non abs re esse, ducimus, nonnulla, ad illud spectantia, subnectere; inde enim clarius patebit, quanti momenti sit, in Examinatorum selectu non errare.

2 Vacante igitur Parochiali ecclesia, quæ sit per concursum conferenda, Episcopus, indicta ad concursum die, ex Examinatoribus, in Synodo electis, tres ad minimum vocabit, qui coram se, vel suo Vicario, concurrentes ad Parochialem examinent; quod si examen fieret coram Examinatoribus Synodalibus paucioribus, quam tribus; vel si præter tres, aut etiam plures Examinatores Synodales, alii adhiberentur non Synoda-

les, ab Episcopo deputati, concursus esset illegitimus, & collatio Parochialis, utpote facta contra formam, a Tridentino præscriptam, nullius esset roboris, sed ad Sedem Apostolicam devolveretur, juxta Constitutionem 51. S. Pii V., quæ incipit: *In conferendis* (Bullar. rom. 4. part. 2. pag. 362.); quemadmodum Episcopo Carthaginienſi a sacra Congregatione Concilii reſcriptum fuiſſe, aſſerit Fagnanus in eap. Cum ſit ars, de erat. diſ. qualis. num. 55.

3 Examinatores autem, priuſquam concurrentes approbent, ſequi idoneos renuntient, ad animarum Curam, non ſolum experiri debent eorumdem ſcientiam, ſed & præcipuam rationem habere probitatis morum, prudentiæ, ætatis, & ceterarum qualitatũ, quibus præditum eſſe, oportet, cui animarum regimen committitur: Hanc enim eſſe Tridentini mentem, ſatis maniſeſte ex eius verbis liquet: *Peracto, deinde, examine, renuntientur quicumque ab his idonei iudicati fuerint, ætate, moribus, doctrina, prudentia, & aliis rebus, ad vacantem eccleſiam gubernandam opportunitis; & adhuc clariuſ Tridentini mentem explicavit ſacra Congregatio, ejuſdem Interpreter: præſato enim Abulenſi Episcopo, ſciſcitanti, An præſiſſi Parochialis nulla ſit, ſi Examinatores relationem, fecerint, ſolum quoad litteraturam, examen vera circa mores, ætatem, & reliqua Episcopo relinquatur; vel ſi, non fecerint relationem Episcopo de omnibus idoneis reperiit, ſed tantum de eo, qui ipſis magis idoneus videtur. Reſpondit: Teneri facere relationem etiam circa mores, ætatem, & reliqua, & Examinatores debere renuntiare, quotquot idonei iudicati fuerint, Episcopum vera debere ex his, qui renuntiat fuerint, magis idoneum eligere; cuius quidem reſponſionis authenticas litteras ſe vidiſſe, teſtatur, laudatus Garcias cit. part. 5. cap. 7. num. 11., eaſque reſert etiam Maſſobrius in praxi habendi concurſum, requiſit. 4. dub. 1. Quinimpo eadem Congregatio adeo neceſſarium reputavit, ut Examinatores non ſolam reſpiciant ſcientiam, ſed & ceteras expendant animi dotes eorum, quorum habitatis, ad exercendam animarum Curam periculum faciunt, ut aliter latum ab illis iudicium, clariuſ adhuc, & expreſſius, quam in prædicta cauſa, Abulenſi fecerat, nullius eſſe roboris, poſtea dixerit, & inde conſecutam eccleſiæ Parochialis collationem irritam atque inanem decreverit, ſicuti aſſerit Fagnanus in eap. Eam re, de erat. & qualis. num. 5. inquit: *Orta dubitatione, an ſicut Episcopo, & Examinatpribus ſimul junctis Concilium Tridentinum cap. 18. ſeſſ. 24. commiſſit examen ſcientiæ, ſic etiam commiſſat eiſdem ſimul examen morum, & prudentiæ, itaq. ſi examen ætatis, morum, & prudentiæ ſaltum fuerit a ſolo Episcopo, concurſus ſit nullus. Dic. 2. Auguſti 1607. ſacra Congregatio cenſuit, ſi Examinatores, non reſpulerint idoneos, quoad omnes qualitates, prout Concilium requirit, nullum eſſe concurſum. De qua re videri etiam poſſunt Ventriglia in praxi Eccleſ. part. 2. annot. 5. §. 1. num. 46. & ſeqq. Lotter de re Benefic. lib. 2. quaſt. 31. num. 98. Rota deciſ. 299. num. 1. & ſeqq. coram Cavalerio. Cumque, de his jamdũ antea Nobis compertum eſſet, idcirco, poſtquam ſupremi Pontificatus ſolum conſendimus,**

mus, in nostris litteris encyclicis, die 14. Decembris 1742, quæ editæ sunt in nostro Bullario tom. 1. & sunt 68., juxta ordinem editionis, ad universos Ecclesiarum Antistites datis, reprobavimus abusum, alicubi, inolefcentem, quod in concursibus ad Parochiales, Synodales Examinatores de sola litterarum peritia, suffragium ferant, nec cetera considerent, quæ ad animarum regimen rite obeundum sunt necessaria, ac memoratas sacre Congregationis Concilii sanctiones commendantes, diximus: *Idque probe noscens sacra Congregatio, Concilii Interpres, pluries edixit, Examinatores, sua, deesse muneri, si doctrina tantum Judices essent, nec inquirerent, qui præ aliis prohibere morum, laboribus, præstato antea Ecclesiæ servitio, ceterisque dotibus, ad officium Parochi cumulate obeundum necessariis, essent idonei & commendabiles.*

4. Porro Examinatores, sua suffragia ferre debent, priusquam a loco examinis discedant, & ab Episcopo, ejusve Vicario sejungantur, quod recte notat Barbosa ad cit. cap. 18. sess. 24. mem. 113.: Nec quidquam refert, an suffragia secreto, vel palam ferantur, cum nihil de hac re sugit a Tridentino sancitum, quod ad Cardinalem Gabrielem Palæotum, primum Bononiensem Archiepiscopum rescriptis sacra Congregatio Concilii, addens tamen, congruentius sibi videri, ut Examinatores secum invicem suffragia communicent, & deinde jubeant Notario, ut in Acta referat, Titium, ex gr. esse approbatum, Sejum reprobatum; quæ omnia discimus a Esgoano in cap. *Eam re*, num. 16. & 17. de a. a. & qual. At nihilominus Bononiæ antiqua viget consuetudo, ut vota ab Examinatoribus dentur secreto per albos, & nigros lapillos, in urnam conjectos, teste Francisco Leone *Thesauri For. Eccles. part. 2. cap. 18. num. 35.*

5. In hoc Examinatorum judicio nullæ sunt partes Episcoporum, vel Vicariorum, qui Episcopi loco examini assistat, nisi forte Examinatorum vota sint paria, aut singularia: Tunc enim integrum erit Episcopo, vel Vicario, cui voluerit, accedere, juxta Tridentinum eodem cap. 18. Omnes, qui descripti fuerint, examinentur ab Episcopo, sive, eo impedito, ab ejus Vicario Generali, atque ab aliis Examinatoribus, non paucioribus quam tribus, quorum votis, si pares, aut singulares fuerint, accedere possit Episcopus, vel Vicarius, quibus magis videbitur; Quocirca, cum a sacra Congregatione Concilii anno 1573. quæsitum fuisset: *Utrum Episcopus, vel Vicarius haberent votum decisivum in approbando Examinatos ab Examinatoribus, in Synodo deputatis. Eadem censuit habere, si Examinatores fuerint pares, aut singulares in votis suis* (lib. 1. decretor. pag. 159.) At, sicuti ab Examinatoribus suffragia ferenda sunt, statim peracto examine, ita etiam in eventum, quod Episcopus, aut ejus Vicarius alicui accedere possit, coram iisdem Examinatoribus explicare debet, cuiusmodi accedat, cum id pertineat ad examinis complementum, *Garcias part. 9. cap. 2. num. 58.*

6. Prolato ab Examinatoribus judicio, Parochialem ecclesiam uni ex approbatis esse conferendam, dilerte Tridentinum edixit: *Nem cuiquam alieri, quam uni ex prædictis Examinatis, & ab Examinatoribus approbatis de ecclesia*

*ecclesiis providentur*: Verum, cum idem Tridentinum simul definiverit, ex pluribus approbatis illi esse conferendam, qui magis idoneus reputatur, statim oritur quæstio, an ejusmodi judicium de majori habilitate, seu, supra ceteros approbatos, præstantia, ad solum spectet Episcopum, an etiam ad Synodales Examinatores. Sed adeo luculenta sunt verba, quibus Tridentinum renuntiare digniorem, inter approbatos, solius Episcopi judicio committit, ut mirum Nobis videatur, aliquos reperiri Doctores, qui id juris adscripserint Examinatoribus: *Peraçto deinde examine*, ait Tridentinum, *renuntientur*, quicumque ab his idonei judicati fuerint, *etate, moribus, prudentia, & aliis rebus*, ad vacantem ecclesiam gubernandam opportunitis; *Ex hisque Episcopus eum eligat, quem ceteris magis idoneum judicaverit*. Tridentino adhæsit sacra Congregatio, ejusdem Interpres, quæ anno 1573. ab Episcopo Patavino ad hunc modum interrogata: *Licet clare Concilium Tridentinum cap. 18. sess. 24. loquatur, nihilominus Examinatores Patavini prætendunt, ad eos etiam spectare eligere magis idoneum ex illis, qui fuerint approbati in examine concursus ad Parochiales, vacantes, & non ad Episcopum, contra clara verba ipsius Concilii. Quare nomine Ordinarii Patavini Dominationibus vestris Illustrissimis humiliter supplicatur, ut suis litteris ipsi Vicario Generali, & Examinatoribus explicite declarent, quam in casu supradicti fuerit Concilii sententia*. Respondit: *Id ad eos non spectare* (lib. 1. decretor. pag. 110.) Quod iterum Nos declaravimus, & confirmavimus in præfata nostra epistola encyclica, in qua diximus: *Absoluto examine, ut cuique satis compertum est, sit tantummodo potestas Examinatoribus renuntiandi, quotquot regenda ecclesie idoneos judicaverint, reservata uni Episcopo electione dignioris*. Non negamus tamen, posse Episcopum, si velit, antequam digniorem, ex approbatis renuntiet, quo cautius agat, Examinatorum consilium exquirere, quod recte perpendit Ventriglia in *prax. rer. Eccles. par. 2. annot. 5. §. 1. n. 49. & 50.*

7 Hæc de Parochialibus, quarum collatio ad Episcopum pertinet: sed cum Tridentinum eod. cap. 18. sanciverit, etiam ad vacantes ecclesias Parochiales, juris patronatus Ecclesiastici, indicendum esse concursum, & digniorem, ex approbatis, a Patrono præsentandum Episcopo, alia hinc suboritur quæstio, cujus nimirum tunc sit judicare, quinam ex approbatis ab Examinatoribus sit dignior. Verum hanc quoque quæstionem dirimunt verba Tridentini, aperte concedentia Patrono jus designandi magis idoneum: *Si vero juris patronatus Ecclesiastici erit; ac institutio ad Episcopum, & non ad alium pertineat, is, quem Patronus digniorem, inter probatos ab Examinatoribus judicabit, Episcopo præsentare teneatur, ut ab eo instituat*. Sed quamvis Tridentini verba adeo perspicua sint, ut nullum dubitationis locum relinquant, attamen Abbas Sancti Cucufati diocesis Barchinonensis anno 1573. conquestus est apud sacram Congregationem Concilii, quod in concursibus ad ecclesias Parochiales sui juris patronatus Ecclesiastici, Examinatores sibi jus usurparent renuntiandi digniorem, inter eos, quos approbaverant: Abbatis querelas, & sacre Congregationis sententiam

lib. 1.

lib. 1. decretor. pag. 167. ita descriptas legimus: *Examinatores Synodales non ferebant tantum iudicium super idoneitate concurrentium, sed apertum iudicium ferebant super majori idoneitate inter eos, quos approbaverant, ut idoneos; Supplicavitque (Abbas) Cardinalibus Congregationis, ut dignarentur, sua indemnitati providendo, ordinare Episcopo, ut faceret & curaret, quod Examinatores in huiusmodi Beneficii patronatus Ecclesiastici approbarent tantum idoneos, & relinquere locus Patrono eligendi digniorem, quem ipse Episcopus instituire debet, & tenetur.* Et sacra Congregatio censuit, non pertinere ad Examinatores iudicare, quis magis idoneus sit, & si Parochialis sit juris patronatus Ecclesiastici, & institutio ad Episcopum pertineat, facultatem iudicandi digniorem inter idoneos, approbatus ab Examinatoribus, spectare ad Patronum Ecclesiasticum, & Episcopum teneri instituire eum, quem dictus Patronus digniorem iudicaverit, & ipsi Episcopo presentaverit.

8. Consulto autem adjecta fuit illa limitatio: *Si Parochialis sit juris patronatus Ecclesiastici, & institutio ad Episcopum pertineat: nam, cum institutio non ad Episcopum, sed ad alium pertinet, electionem dignioris non ad Patronum, sed ad Episcopum spectare voluit Tridentinum: Cum vero institutio ab alio, quam ab Episcopo erit facienda, tunc Episcopus solus ex dignis eligit digniorem, quem Patronus ei presentet, ad quem institutio spectat; Quod quidem decretum adeo religiose custodiendum censuit sacra Congregatio Concilii, ut etiam quando institutio pertinet ad Papam, eo quod ecclesia Parochialis vacaverit, in mensibus, Sedi Apostolicæ reservatis, facultatem designandi digniorem ex approbatis, non Patrono Ecclesiastico, sed Episcopo competere, dixerit, apud Garciam cit. par. 9. cap. 2. num. 272. & segg. & Barbosa de offic. & potest. Parochi pars. 1. cap. 2. num. 127. ubi insuper ab eadem sacra Congregatione decusum refert, quod, si ecclesiam Parochialem juris patronatus Ecclesiastici vacare, contingat, In mensibus, Papæ reservatis, ad solum Ordinarium pertineat indicere concursum, renuntiare magis idoneum; atque hæc omnia ad summi Pontificis Datarium referre; nulla prorsus habita ratione Patroni Ecclesiastici; Quocirca jure ac merito dixit Navarrus consil. 5. & 6. de jure patronatus, Patroni Ecclesiastici jura multum post Tridentinum imminuta esse, & limitata. Hoc ipso anno 1746. quo hæc nostras de Synodo lucubrationes, plures ante annos exaratas, expolimus, tres, quæ huc pertinent, questiones, Nobis decidendas proposuit Archiepiscopus Florentinus. Primò, an Patronus Ecclesiasticus, etiam in Foro externo, teneatur ad vacantem ecclesiam Parochialem præsentare magis idoneum, seu digniorem, ex approbatis ab Examinatoribus. Ad quod indubitanter, teneri respondimus, utrumque enim Forum respiciunt enunciata Tridentini verba cap. 18. sess. 24. *Quem Patronus digniorem, inter probatos ab Examinatoribus iudicabit, Episcopo presentare teneatur.* Secundò quæsit, an Episcopus acquiescere debeat Ecclesiastici Patroni iudicio, & quem iste, tanquam digniorem præsentaverit, instituire; an potius investigare, num Patroni iudicium fuerit rectum,*

rectum, & rationabile: Cui interrogationi satisfecimus, hac adhibita distinctione: Aut ex approbatis ab Examinatoribus, nullus est, qui de Patroni judicio conqueratur, suamque querelam ad Episcopum delectat; aut inter eos reperitur, qui illud injustum fuisse contendat, & hac de causa ad Episcopum provocet: in primo casu, non debet Episcopus indagare, an revera, inter approbatos, dignior ille sit, quem Patronus præsenterat, cum Concilium Tridentinum hanc indaginem Episcopo non commiserit, sed instituendum edixerit, quem Patronus, tanquam digniorem præsenterat: in altero autem rerum eventu, debet Episcopus, Judicis partes assumere, & diligenter disquirere, an rectum fuerit judicium a Patrono latum, de sui præsentati meritorum, supra reliquos ex approbatis, præstantia. Tertio loco sciscitabatur, an ab Episcopi, in hujus generis causis sententia, qua ex litigantibus unum digniorem pronuntiat, appellatio ab alio interposita, qui in judicio succubuit, admittenda sit tantum in devolutivo, an etiam in suspensivo. Ad quod, cum distinctione pariter duximus respondendum: aut enim judicium Episcopi est conforme judicio Patroni, ita scilicet, ut ille idem ab Episcopo magis idoneus pronuntietur, quem, tanquam digniorem, Patronus antea præsenterat; & tunc appellatio, admittenda est solum in devolutivo: aut judicium Episcopi discrepat a judicio Patroni; Siquidem, non illum, quem Patronus præsenterat, sed alium ex approbatis digniorem declarat; & interposita ab hac Episcopi sententia appellatio, admittenda est etiam in suspensivo; neque ullus est de Beneficio instituendus, nisi post aliam sententiam proferendam a Judice, ad quem appellatur; atque interim vacans ecclesia Parochialis erit ab OEconomo administranda; quæ uberius explanata leguntur in nostris litteris ad præfatum Archiepiscopum datis, hoc ipso anno 1746. typis Florentinis impressis, ex in secundum tomum nostri Bularii propediem edendum inferendis.

9 Hæc quoad ecclesias Parochiales juris patronatus Ecclesiastici. At si sermo sit de ecclesiis Parochialibus juris patronatus Laicorum, ad eas non requiritur examen per concursum, sed sat est, ut præsentatus a Patrono, idoneus reperiatur ab iisdem Examinatoribus, in Synodo deputatis: *Quod si juris patronatus Laicorum fuerit (pergit Tridentinum) debeat, qui a Patrono præsentatus erit, ab iisdem deputatis, ut supra, examinari, & non nisi idoneus repertus fuerit, admitti.* Dubitabant olim Doctores, an idem statuendum foret de ecclesia Parochiali, quæ sit juris patronatus mixti, hoc est partim Ecclesiastici, partim Laicalis; Et sacra Congregatio Concilii die 5. Februarii 1628., ne jura Laici, ob consortium cum Ecclesiastico, ulla ex parte læderentur, declaravit, neque ad ejusmodi ecclesie collationem, necessarium esse examen, per concursum, ac proinde etiam jus patronatus mixtum hac postrema parte Tridentini decreti comprehensum censuit, sicuti testatur Barbosa *cit. loc. num. 126.* Potest nihilominus evenire, ut concursus institui debeat, etiam ad ecclesias Parochiales juris patro-



patronatus Laicorum: nam si ab uno, aut pluribus Patronis Laicis, gaudentibus æquali jure, plures ad vacantem ecclesiam sint nominati, & Episcopo præsentati; neque ullus ex præsentatis retulerit a Patronis plures voces, quam ceteri, tenetur Episcopus indicare concursus, inter eosdem præsentatos, atque illum eligere, quem, ex approbatis ab Examinatoribus, judicaverit magis idoneum, quod pariter a sacra Congregatione Concilii decisum refert idem Barbosa *num. 130.*

10 Jus eligendi digniorem in singulis enumeratis casibus, competens Episcopo, vacante Sede Episcopali, transit ad Capitulum ecclesiæ Cathedralis, ad quod tota Episcopi jurisdictio devolvitur, sed a Capitulo transfertur in Vicarium Capitularem, quem ex Tridentini decreto *sess. 24. cap. 16. de reform.*, intra octo dies ab habita notitia vacationis ecclesiæ, tenetur eligere. Vigebat olim opinio, permittens Capitulo aliquam jurisditionis partem sibi reservare; Eapropter, cum olim institutus fuisset concursus ad quamdam ecclesiam Parochialem, & lis excitata fuerit, inter Capitulum, & Vicarium Capitularem, cuinam jus competere renuntiandi magis idoneum; sacra Congregatio Concilii die 18. Novembris 1651. (*lib. 10. decretor. pag. 155. & 156.*) censuit, spectare ad Capitulum, quia in deputatione Vicarii id juris sibi expresse reservaverat. Verum cum postea prævaluerit sententia opposita, & jam communiter Doctores sentiant, integrum non esse Capitulo, ne minimam partem quidem jurisditionis sibi reservare, sed totam, quam habet, conferre debere Vicario Capitulari, quod Nos insinuavimus *lib. 2. cap. 9.*, & pluribus probant Fagnanus in *cap. His qua, num. 71. de majorit. & obed. & Marchett. de Vicario Capitulari part. 2. tit. 12. num. 27.*, etiam sacra Congregatio e priori sententia recessit, aliudque judicium tulit in alia simili controversia: Vacante ecclesia Cathedrali Elven., indictus fuit concursus ad quamdam ecclesiam Parochialem; concursus, ut moris est in regno Lusitanæ, habitus fuit coram Capitulo: Lis subinde vertebatur, inter Capitulum, & Vicarium Capitularem, super jure eligendi digniorem, ex approbatis, quod Capitulum, ea potissimum ratione, sibi astruebat, quod scilicet in Vicarii deputatione, ejusdem jurisditionem coarctasset: re delata ad sacram Congregationem Concilii, hæc die 1. Decembris 1736. jus, de quo disceptabatur, asseruit Vicario, cujus jurisditionem, censuit, nequaquam potuisse a Capitulo limitari.



## LIBER V.

## DE GERENDIS IN SYNODO.

## CAPUT I.

*De publicis Supplicationibus, Missis, Allocutionibus, Sermonibus,  
& Acclamacionibus.*

**C**onstitutam ab Episcopo diem, qua suam Synodum celebrare, vult, die Epiphaniarum, vel Kalendarum Januarii, Cathedra in ecclesia, e suggestu indici & promulgari, atque Calendario, quod in singulos annos confici solet, adscribi, statuit S. Carolus Borromeus, in Concilio Provinciali Mediolanensi IV. *part. 3. (pag. 177. part. 1. AT. Eccl. Mediol.)*. Et in Concilio Provinciali V. *part. 3. (ibid. pag. 276.)* Parochiis precipit, ut per mensem ante statam Synodi diem, quinq; quaque feria, Missam celebrent de Spiritu Sancto, aut, pro diversitate temporum, Orationem saltem de Spiritu Sancto in Missæ sacrificio recitent; populumque hortentur, ut die Dominico, Synodi diem antecedente, vere poenitentes & confessi sacram Communionem sumant, hoc præcipue precantes, ut, quæ, ad eorum salutem pertinent, Dei auxiliante misericordia, per Episcopum in Synodo diligenter sancteque agantur. Hæc, aliaque ante Synodum, tam in civitate, quam in dioecesi facienda, magis adhuc accurate & minutim descripta leguntur in appendice ad Synodum Amerinam, anno 1595. habitam a celebri ejus urbis Episcopo, Antonio Maria Gratiano *cap. 171. & 172.*

**2** Synodali celebritati triduum, veteri ritu, præstitutum esse, idem S. Carolus *cit. loc.* affirmat, & Pontificale Romanum *tit. de ordine ad Synodum*; tribus sessionibus illam absolvi solere, ait; quamvis utrobique addatur, fas esse Episcopo, pro rerum gerendarum ratione, Synodum, ultra triduum protrahere. Quid autem singulis diebus agendum sit, nostrum erit hic exponere. *Prima die Synodi Pontifex summo mæsti, Cappam indutus, ab universo Clero cum Superpellicii comitatus, ad ecclesiam pergit; paratur in sede, celebrat Missam de Spiritu Sancto, & præbet Clero sacram Communionem, verba sunt Pontificalis Romani cit. loc.* Eodemque ritu, post ultimam sessionem, esse Episcopum a Clero associandum, cum ab ecclesia se domum recipit, in eodem Pontificali inferius præscribitur: *Tunc omnes pariter surgentes, Pontifcem, Cappa indutum, cum Superpellicii ad domum reduciunt.* Hic porro Clericorum, Episcopum associantium, comitatus speciem quamdam præfert Processionis, nec alicubi, ut in dioecesi Neapolitana, alia fieri solet sollemnis Supplicatio, seu Processio, cum nulla reapse descripta appareat

apparet in Actis Synodi Dioecesanæ, anno 1694. celebratæ a Jacobo Cardinali Cantelmo, neque in Actis alterius Synodi anno 1736. habitæ a Cardinali Francisco Pignatello, Neapolitanis Archiepiscopis; nisi forte ideo non reperiatur descripta in Actis Synodalibus, quia pridie habita fuerit, quemadmodum, sua ætate, Neapoli fieri consuevisse, asserit Gavantus in *praxi part. 2. sess. 1. annot. 1.* Ceterum, quidquid sit, de contraria consuetudine, in hac, aut illa peculiari dioecesi vigente, communi usu receptum est, ut prima Synodi die, ab Episcopo, & universo Clero publica instituat Supplicatio, seu Processio per urbem, quod & faciendum præscripsit S. Carolus Borromæus *cir. loc.*, & factum a S. Francisco Salezio *lib. 3. cap. 10. num. 3.* narravimus, quorum exempla satis superque sunt ad firmandam regulam, ad quam omnes conformare se debeant. Ejusmodi Processionem instituendam, post celebratam ab Episcopo Missam, ut, dum ea celebratur, commodius possit Clerus in ecclesia congregari, ait Gavantus *cir. loc.*; sed S. Carolus Borromæus illam, ante Missam peragendam dicit: *Primo Synodi die Episcopus, Processione solemniter peracta, Missæ sacrificium celebret.* Quilibet, quoad hoc suæ ecclesiæ consuetudinem sectetur, modo Missa non omittatur, quam Synodalibus actionibus semper præmitti consuevisse, vel ex ipsis colligitur, quæ sæculo vi. confecta creditur, Gestis, de Xysti Romani Pontificis purgatione, & Polycronii Hierosolymitani Episcopi accusatione, ubi *cap. 8.*, cum Synodus Hierosolymis, certe, prout moris erat, celebrata fingatur, dicitur: *Feria prima celebrata fuit Missa a Castro Episcopo, qui directus fuerat a Xysto Episcopo, & Coepiscopis suis, vel a Synodo* (apud Constant. in *appendic. ad tom. 1. epistol. decretal. col. 121.*)

3 Itaque, sive ante, sive post Processionem, debet Episcopus Missam facere de Spiritu Sancto, & porrigere Clero sacram Communionem, quam, acceptis Stolis rubeis, etiam Sacerdotes sument, qui forte ea die non celebraverint. In Pontificalibus, editis ante Clementem VIII., uti observat Joseph Catalanus in *notis ad Pontificale Romanum tit. 5. §. 2. num. 5.* non legimus, Missam celebrandam, sed audiendam ab Episcopo: *Prima autem die Concilii, seu Synodi, mane conveniunt Sacerdotes, & Clerici universi in ecclesia, in qua debet Concilium, seu Synodus celebrari, ubi Pontifex Missam audit;* sed quod ita olim fieret, non absolvit Episcopos ab obligatione, per se ipsos celebrandi, quam illis imponit recens Pontificale, quod prodit, auctoritate Clementis VIII., ubi Episcopo, & non alteri dicitur: *Paratur in sede, celebrat Missam de Spiritu Sancto.* Nec satis est, ut Episcopus Missam privatim faciat, sed omnino decet, ut solemniter, & Pontificali ritu celebret: Siquidem S. Carolus Borromæus, in Concilio Provinciali Mediolanensi IV. *part. 2. tit. Quæ pertinent ad sanctissimum Missæ sacrificium pag. 152.* dies enumerans, quibus Episcopus, *Patrum monumentis, & veteri, eoque comprobato, ritum, caeremoniarumque Romanarum Codice, sacra Mytheria solemniter celebritate, & Pontificio apparatu perficere debet, primam quoque Dioecesanæ Synodi diem inter illas recenset.*

4 Secunda Synodi die, mos est, inquit Gavantius *cit. praef. pag. 63.*, ut unus ex Canonicis Missam solemniter faciat, pro Defunctis, cui Episcopus assistit, eaque peracta, Stola, & Pluviale nigri coloris assumit, & consuetae Orationes recitat pro Defunctis, post quas, vestes nigras in rubeas mutat, & accepto Pastoralis baculo, ad sedem Synodalem ascendit. Tertia demum die, unus pariter ex Canonicis Missam celebrat de Sanctissima Trinitate, addita Collecta in gratiarum actionem: Episcopus astat indutus Stola, & Pluviali albi coloris: Missa absoluta, rubea accipit indumenta; ad consueta sedem se confert; ultimae sessioni praesidet; & Synodo finem imponit.

5 Post ultimam sessionem, alia fieri solet Supplicatio, seu Processio, minus tamen sollemnis, intra, vel circa ecclesiam, quod Gavantius *pag. 70.* monet, qua absoluta, Episcopus consueto ritu, Clero & populo benedicit, & quadraginta dierum Indulgentiam impertitur; quo tamen uberius fructum e Synodi celebritate singuli capiant, solent Episcopi, saltem primam agunt Synodum, Indulgentiam plenariam a summo Pontifice, sub consueta formula, illis impetrare, qui una, ex tribus Synodi diebus, ecclesiam Cathedralis visitaverint. Cetera, quae ad preces in Synodo recitandas, aliasque functiones peragendas pertinent, legenda sunt in Ponticali Romano; & antiquiora quaedam monumenta, hanc eandem materiam respicientia, videri possunt in appendice ad Concilium Salsburgiensiensi *tom. 9. collect. Concil. Labbei col. 848.*, apud Martene *de antiquis Ecclesiae ritibus tom. 3. lib. 4. cap. 34. num. 39.*, & apud Catalanum *ad Pontificale Romanum, in append. ad ordinem celebrandi Synodum.*

6 Vetus institutum est, ut Episcopus in Synodo, brevi gravique sermone Clerum alloquatur, & de iis admoneat, quae in illo corrigendaprehenderit; quod saltem in postrema sessione omnino fieri, voluere Patres Concilii Mediolanensis V. *cit. part. 3. pag. 279.*: *Episcopus, antequam Synodum dimittat, sermonem habeat, paternis monitionibus plenum, ac dimissioni accommodatum*: Hujus admonitionis antiqua formula, sub nomine *Inquisitionis*, extat apud Reginonem, Abbatem Prumensem, aliaque occurrit in Ponticali Romano, ex variis Conciliorum decretis, Pontificiis sanctionibus, & SS. Patrum sententiis concinnata. S. Carolus Borromeus ad sublevandos Episcopos, qui concionibus habendis assueti non sunt, quasdam elucubravir, atque a suo quarto Concilio Provinciali approbatas, edidit admonitiones, in qualibet Dioecesana Synodo legendas, quae compendiosam atque exactam Clericalis vitae disciplinam, & vivendi rationem continent, *Quibus (ait) quisque Episcopus addat, & detrahat, prout Ecclesia sua Clero, pro temporum ratione utile esse viderit*. Alias insuper, & uberiores admonitiones, idem S. Carolus evulgavit in sua tertia Synodo Dioecesana, quae insertae sunt Actis Ecclesiae Mediolanensis *part. 2. pag. 299.* Ex his quilibet Episcopus ea seligere poterit, quae suae Ecclesiae, pro loco, & tempore, magis accommodata judicaverit, aliaque addet, quae Spiritus Sanctus dabit ei loqui.

7 Mira-

7 Mirabitur fortasse quispiam, in præfata admonitionum formula, quæ habetur in Pontificali Romano *tit. de ordine ad Synodum ad fin. 3. sess.*, hoc inter cetera, ab Episcopo Clero injungendum, adnotari: *Tribus temporibus in anno, idest Nativitate Domini, Pascha, & Pentecoste, omnes Fideles accedere ad Communionem Corporis Domini nostri Jesu Christi admonete, & ne omittat, quin saltem in Pascha communicet*; sed meminisse oportet, legem, olim ab Ecclesia latam fuisse, ut omnes Christiani, adultæ ætatis, iis diebus, quibus præcipua nostræ religionis mysteria recoluntur, idest Paschæ, Pentecostes, & Nativitatis Domini, Eucharistiam sumerent, uti constat ex decreto, quod refertur, & Fabiano Papæ tribuitur ab Ivone *part. 2. cap. 27. Burchardo lib. 5. cap. 17. & Gratiano de consecrat. dist. 2. can. 16.*: *Esti non frequentius, saltem in anno ter laici homines communicent, ( nisi forte quis majoribus quibusdibet criminibus impediatur ), in Pascha videlicet, & Pentecoste, & Natali Domini*: Ex Concilio Agathensi anni 506. *can. 18. ( tom. 2. collect. Hard. col. 1000. )*: *Seculares, qui Natale Domini, Pascha, & Pentecoste non communicaverint, Catholici non credantur, nec inter Catholicos habeantur*; Ex Concilio Turonensi III., aliisque; sed magis, magisque in dies frigescente Fidelium pietate, Innocentius III. in Concilio Lateranensi IV. *can. 22.*, relato in *cap. Omnis utriusque sexus, de Penit. & remiss.* statuit, ut omnes Fideles semel saltem in anno sua peccata, sacramentali Confessione expiarent, & ad minus in Pascha Eucharistiam susceperent. Totam, quæ in Ecclesia viguit, quoad obligationem accedendi ad Eucharistiam, disciplinam, ejusque pedetentim, & veluti per gradus, remissionem describit Petrus Blesensis *sermone 16. ( ex recens. Joannis Busei )*, inquit: *In prima Ecclesia quotquot intererant consecrationi Eucharistie, communicabant eidem ..... postquam autem crevit numerus Fidelium, nec omnes accedere ad Eucharistiam visum est; statutum est, ut saltem diebus Dominicis Fideles communicarent. Cum vero palea supercreverent, ceperunt cooperire grana, & multum refriguit Charitas ..... decretum est, ut saltem per tres solemnitates in anno Fideles communicarent, in Paschate, Pentecoste, & Natali. Nunc autem, quoniam dies mali sunt, & omnes fere declinaverunt, & inutiles facti sunt, non audeo dicere, ex præcepto Ecclesie, sed ex tacita permissione introductum est, ut semel in anno congregentur in ecclesia ad communicandum: quod præterire fas non est. Jam vero cum formula, de qua loquimur, antiquissima sit, & ante Concilium Lateranense IV. exarata, nemini mirum videri debet, quod in ea Fideles admoneantur, ut ter in anno ad sacram Communionem accedant; postquam autem præceptum communicandi ter in anno in Concilio Lateranensi temperatum fuit, addita sunt eidem formulæ ea verba, & ne omittant, quin saltem in Pascha communicent, quæ quidem in antiquioribus formulis desiderantur, & satis aperte indicant, Communionis præceptum nunc obligare, solum in Paschate; quamvis expediat, ut Episcopus, & Parochi populum hortentur ad sæpius, sed præsertim in celebrioribus festivitibus, sacra Mysteria participanda.*

8 Antiquam pariter disciplinam respiciunt verba, quæ in eadem formula sequuntur: *Certis temporibus Conjugatos ab uxoribus abstinere, exhortamini*. Olim enim in solemnioribus festiuitatibus, ac jejunii diebus, quibus peculiariter erat orationi vacandum, vetitum fuisse conjugibus matrimonii usum, ex pluribus colligitur Ecclesiæ sanctionibus, collectis a Gratiano *causa 33. quæst. 4.* Ratherius, Episcopus Veronenfis in sua epistola Synodica, quæ habetur *tom. 2. spicilegii Dacherii pag. 264.* conjuges se abstinere jubet, in Natali Domini viginti diebus ac noctibus; in octavis Pasche, & Pentecostes, Litaniarum, & omnium festiuitatum vigiliis, sextis etiam feriis, præcipue autem omnibus diebus, vel noctibus Dominicis. Inter Capitularia Theodori, Archiepiscopi Cantuariensis, ab eodem Dacherio *spicilegii tom. 9. euulgata, cap. 33. pag. 55.* legitur: *Vir abstineat se ab uxore sua quadraginta dies ante Pascha, & in prima hebdomada post Pascha; post Pentecosten una hebdomada; In Quadagesima pariter, in qua, non solum illicita, verum etiam multa a nobis licita merito refecimus, esse a conjugibus omni voluptati renuntiandum, & ut licenter orationi vacetur, castitati mentis, & corporis incumbendum*, respondit Nicolaus I. ad consulta *Bulgarorum cap. 9. (tom. 5. collect. Harduin. col. 358.)*. Canone 111. (*tom. 1. noviss. collect. Concilior. Britann. pag. 107.*) ex iis, quos Egbertus, Archiepiscopus Eboracensis, ex pluribus excerptis Concilii, hæc habet: *Qui in matrimonio sunt, abstineant se tres noctes, antequam communicent, & unam postquam communicaverint*. Hæc fortasse, aliaque hujus generis multa, ignota fuerunt nonnullis Theologis moralibus, qui antiquam disciplinam ex hodierna merentes, atque illam huic accommodantes, quod sæpe ab iisdem fieri, notavit Cardinalis Bona *rer. liturgic. lib. 1. cap. 18. num. 1.*, non dubitarunt affirmare, nunquam ab Ecclesia fuisse usum conjugii, certis diebus interdictum; cum potius asserere debuerint, nunc intra meri consilii limites contineri, quod olim seuera lege erat prohibitum, sicuti scite ponderat Catalanus in *comment. ad Pontificale Romanum, tit. de ordine ad Synodum §. 22.*

9 In fine Synodi fieri solent Acclamationes, quibus Diaconus, ceteris respondentibus, omnem laudem, honorem, & gloriam refert Deo Patri misericordiarum, qui Spiritus Sancti invisibili gratia, Synodum dirigere, atque ad felicem exitum perducere dignatus est; summo Pontifici, universalem Ecclesiam gubernanti, veram & diuturnam prosperitatem; Episcopo, Synodo prædenti, ejusque Ministris, salutarem vigilantiam, & Divinorum miserationum abundantiam; civitati, & oppidis dioceseos, pacem, animorumque concordiam, omniaque frustra precatur; supplicatque Deo, ut uberem opem elargiatur, qua singuli adjuti, edita in Synodo decreta sancte inviolateque custodiant & exequantur.

10 Faustæ Acclamationes frequenter occurrunt in Conciliis OEcumenicis: eas quippe in Concilio Chalcedonensi *act. 1., act. 4., & bis act. 6.* factas legimus; In Concilio vero Constantinopolitano IV., ad finem cujusque actionis, acclamatum deprehendimus Hadriano Romano Pontifici, Basilio,

Basilio, & Constantino Imperatoribus, Eudoxiæ Augustæ, Ignatio, ceterisque Patriarchis Orientalibus, omniumque Episcoporum Orthodoxo senatui. Quæ autem in Concilio Tridentino, auspicante Cardinali a Lotharingia, aliisque Patribus prosequentibus, factæ sunt, extant *tom. 10. collect. Hard. col. 192.* Rarius occurrunt in antiquioribus Conciliis Provincialibus, etsi in Synodo Romana anni 853. *cap. 42. ab Episcopis, Presbyteris, Diaconibus, & cuncto Clero* Leoni IV. summo Pontifici (*tom. 5. collect. Harduin. vol. 75.*), & in Concilio Toletano IV. anni 633. ad finem, Sisenando Regi, acclamatum legamus *tom. 3. collect. Hard. col. 595.* Inter Concilia vero Provincialia, post Tridentinum habita, Acclamationes reperimus in fine Cameracensis, anni 1586. *tom. 9. collect. Harduin. vol. 2182.*, Burdigalensis anni 1624. *tom. 11. collect. Hard. col. 139.* & aliis. Post Acclamationes in Conciliis Provincialibus, omnes Episcopi accedunt ad osculum pacis, a Metropolitano accipiendum, quod deinde sibi invicem pariter dant, & accipiunt, ut mutuam charitatem, animorumque conjunctionem ostendant.

11 Quod vero attinet ad nostras Diocesanas Synodos, in Cæremoniali Episcoporum *cap. 31. in fin.* habetur: *In Synodis Diocesanis magis exprobrabit, ut Acclamationes, & oscula pacis omitterentur; sed nihilominus Gavandus in præsent. Synodi Dioces. pag. 71.*, ait: *Acclamationes fiunt, saltem in prima Synodo, ut aliquando fiunt: & Cæremoniale non eas prohibet, sed parcius adhiberi censee in Diocesana Synodis; & reipsa Acclamationes factas composrimus, in Synodo Diocesana Sutrina, anno 1671. habita a Julio Cardinali Spinola; in Synodo Diocesana Farsensi, anno 1685. habita a Carolo Cardinali Barberino; in Synodo Diocesana Montis Falisci, habita ab Episcopo Bonaventura, aliisque non paucis. De osculo pacis hæc habentur in Concilio Provinciali Mediolanensi V. *tit. part. 3. (Aët. Eccl. Mediol. part. 1, pag. 279.)*: *Acclamationibus factis, omnes Sacerdotes, & Clerici, surgentes, cum reverentia osculum pacis ab Episcopo accipiant, & sibi invicem dent, cum timore, & amore Dei. Si vero Cleri, qui conveniunt, numerus is est, ut longius hic osculi ritus ducatur, ea ratio ineatur, ut Præpositi, & Archipresbyteri solum ab Episcopo illud accipiant; deinceps suo quique Clero dent, isque inter se mutuo item. Verum, cum hæc in Cæremoniali Episcoporum nec præcipiantur, nec prohibeantur, liberum erit Episcopis ea vel facere, vel omittere; sicuti fert cujuslibet diocesis consuetudo.**



## CAPUT II.

*De legendis in Synodo, & Fidei professione,  
in ea emittenda.*

1 **C**oncilia Generalia, Provincialia, & Dioecesana olim fuisse ita inter se colligata, & unum alterum consequeretur, diximus lib. 1. cap. 6. num. 2. In Provincialibus enim, Universalium, in Dioecesanis, Provincialium Synodorum definitiones, & decreta promulgabantur: quocirca Concilium Toletanum XVI. anni 693. cap. 7. ( tom. 3. collect. Hard. col. 1797. ) sancivit, ut unusquisque Episcopus, intra sex menses, post peractum Provinciale Concilium, suæ dioecesis Clerum ad Synodum arcesse- ret: *Quatenus coram eis publice omnia referata, de his, quæ eodem anno in Con- cilio acta, vel definita extiterint, plenissime notiores efficiantur*: Priscæ disci- plinæ non ignarus S. Carolus Borromæus, in Concilio Provinciali Medio- lanensi IV. illam renovare studuit, decernens ( part. 1. Aft. Eccl. Mediol. pag. 179. ) *In prima quoque Dioecesana Synodo decreta, in Provinciali proximo Concilio edita, promulgentur*; Ad eundem pariter morem alludere voluit, & retinendum duxit sacra Congregatio Concilii, cum rescripsit, posse ab Episcopo omnes, & singulos dioecesis Clericos ad Synodum evocari, si Concilii Provincialis decreta sint in ea publicanda, sicuti lib. 3. cap. 6. num. 2. retulimus. Præterea Concilium Tridentinum, ne eorum, quæ de Episcoporum, & Parochorum residentia, tum sess. 6. cap. 1. de reform. sub Paulo III., tum sess. 23. cap. 1. sub Pio IV. sanctissime constituerat, ullo unquam tempore memoria oblitteraretur, in Provincialibus, & Episcopa- libus Synodis illa semper in posterum legenda, & promulganda præcepit: *Postremo (ait) tam decretum illud sub Paulo III., quam hoc ipsum in Conciliis Provincialibus, & Episcopalibus publicari, sancta Synodus præcipit; cupit enim, quæ adeo ex Pastorum munere, animarumque salute sunt, frequenter omnium au- ribus, mentibusque infigi, ut in posterum, Deo juvante, nulla temporum injuria, aut hominum oblivione, aut desuetudine aboleantur.*

2 Ad hæc S. Carolus Borromæus in sæpius citato Concilio Provinciali Mediolanensi V. part. 3. ( Aft. Eccl. Mediol. part. 1. pag. 278. ) in qualibet Dioecesana Synodo, semper legendas, edixit, Constitutiones Pii II. de Clericis, illegitime promotis, S. Pii V. de confidentiis Beneficialibus, & de Horis Canonici recitandis, quibus adjungi permisit alias, vel Pon- tificias sanctiones, vel Provinciales Constitutiones, vel decreta Dioecesana, quæ Episcopus legenda censuerit: Nec incongruum esse, ait Gavantus in praxi pag. 67., ut Episcopus promulgari jubeat etiam sacrarum Urbis Congre- gationum decreta, si quæ de novo prodierint, ad universum Clerum spe- ctantia, simulque expedire, monet, ut iis, quæ leguntur, aliqua Epi- scopus vulgari sermone interferat, quibus causam, & rationes exponat, propter



propter quas emanarunt, & accuratam omnium observationem inculcet. Verum, ne tot Constitutionum, & decretorum farrago confusionem pariat, & audientium mentes obruat, jamdiu mos inolevit, ut Episcopus in suis Synodalibus Constitutionibus, summorum Pontificum, sacrarumque Urbis Congregationum recentia decreta, quæ speciatim suo Clero notificanda judicaverit, breviter innuat, eademque postea, vel per extensum, vel in compendium redacta, ac notis insuper quandoque illustrata, in appendice ad Synodum edat, & evulget.

3 Quod attinet ad Fidei professionem, semper in Ecclesia hæc disciplina vigit, ut Patres, ad sacra Comitia cocuntes, se Catholicam Fidem profiteri, & præcedentia OEcumenica Concilia recipere, ac admittere, publice protestarentur: ita præsertim in Concilio Chalcedonensi, atque aliis deinceps Conciliis Nicæna, ac CPolitana Fidei formula recitata: Quibus vestigiis inhærens Tridentina Synodus *sess. 25. cap. 2.* præcepit Patriarchis, Primatibus, Archiepiscopis, Episcopis aliisque omnibus, qui de jure, vel consuetudine Synodo Provinciali interesse debent, ut in ipsa Synodo Provinciali, post finem præsentis Concilii habenda, ea omnia & singula, quæ ab hac sancta Synodo definita & statuta sunt, palam recipiant, necnon veram obedientiam summo Romano Pontifici spondeant & profiteantur, simulque hæreses omnes, a sacris Canonibus, & Generalibus Conciliis, præsertimque ab hac eadem Synodo damnatas, publice detestentur & anathematizent; Eandemque Fidei professionem semper deinceps a novis Ecclesiarum Præsulibus emittendam, statuit, in prima Synodo Provinciali, cui intervernerint: Idemque in posterum quicumque in Patriarchas, Prælates, Archiepiscopos Episcoposque promovendi, in prima Synodo Provinciali, in qua ipsi interfuerint, omnino observent; Huic vero sanctioni Episcopos, ut par erat, morem gessisse, probant omnium Provincialium Conciliorum, quæ Tridentinum sunt conlocuta, Acta, quorum pleraque, ad rem allegantur a Natali Alexandro *hist. Eccles. sæculi xv. & xvi. dissert. 12. art. 16.*

4 Inspecto igitur Tridentini decreto, non tenetur Episcopus Fidei professionem emittere in prima Synodo Dioecæsana, sed in prima Provinciali: Attamen maxime decet, ut in hoc religionis actu præstando, etiam in sua Dioecæsana Synodo, ceteris exemplo præeat, & Fidem Catholicam, sub consueta formula, coram assistantium Sacerdotum coetu, palam profiteatur, quod docet Gavantus in *praxi pag. 251.*, rationem simul adducens, cur id fieri expediat, inquit: *Notandum est, non teneri Episcopum emittere professionem Fidei in prima Synodo Dioecæsana, quia non habet ibi majorem, sed in prima Synodo Provinciali. Quia tamen Provincialis Synodus fere nunquam hodie celebratur, laudandi sunt ii Episcopi, qui in prima sua Synodo coram Deo, genuflexi ante altare, Fidei professionem emittunt; Est enim actus summa religionis; Quo casu stabit totus Clerus, ob reverentiam genuflexi Episcopi, qui breviori formula, ut infra, eam emittet &c.* Gavanto obsecuti sunt duo Cardinales, Archiepiscopi Neapolitani, Cantelmus, & Pignatellus, Fi-

dei professionem, in sua quisque Synodo, emittentes, quod ideo se facere declararunt, quia nulli Provinciali Concilio, usque ad eam diem, intervenerant:

5 Severius egit Tridentinum *sess. 24. cap. 12. de reform.* cum Parochis, a quibus Fidei professionem emitti voluit, intra duos menses, numerandos, a die, qua Beneficii Parochialis possessionem consecuti sunt: *Provisi etiam de Beneficiis quibuscumque, Curam animarum habentibus, teneantur a die adeptæ possessionis intra duos menses in manibus ipsius Episcopi, vel, eo impedito, coram Generali ejus Vicario, seu Officiali, Orthodoxæ suæ Fidei publicam facere professionem, & in Romanæ Ecclesiæ obedientia se permansuros, spondeant ac jurent; eidemque obligationi obnoxios fecit Canonicos ecclesiarum Cathedralium; Quinimmo istos non solum coram Episcopo, aut ejus Officiali, sed etiam coram Capitulo, Fidei professionem edere debere statuit: Provisi autem de Canonicis, & Dignitatibus in Cathedralibus ecclesiis, non solum coram Episcopo, seu ejus Officiali, sed etiam in Capitulo idem facere teneantur; porro tam Canonicos, quam Parochos, huic sanctioni non obtemperantes, jure privavit percipiendi suorum Beneficiorum fructus: Alioquin predicti omnes Provisi, ut supra, fructus non faciant suos, nec illis possessio suffragetur: ubi tamen, nomine fructuum, non venire quotidianas distributiones, sæpius censuit sacra Congregatio Concilii, & præcipue die 9. Februarii 1726., cum interrogata, Quibus poenis subiaceant non emittentes, vel debito modo non emittentes professionem Fidei. Respondit: Non facere fructus suos, sed distributiones lucrari, pro Horis, quibus intersunt, juxta ea, quæ de hac materia tractantes plene deduximus in nostra Notific. sive Institut. 60.*

6 Præfatum Tridentini decretum *sess. 24.* solos attingit Curatos, & Canonicos Cathedralium, non autem Canonicos Collegiatarum ecclesiarum, ceterosque Beneficiarios: sed idem Tridentinum *cit. cap. 2. sess. 25.*, postquam ad Fidei professionem, in primo Provinciali Concilio emittendam, adegit Episcopos, addidit: *Ceteri vero omnes, sive in presenti, sive in futurum Beneficia Ecclesiastica habituri, & qui in Synodo Dioecæsana continere debent, idem ut supra, in ea Synodo, quæ primo quæque tempore celebrabitur, faciant, & observent; alias secundum formam sacrorum Canonum puniantur:* dubitarunt quidem nonnulli, an ejusmodi decretum *sess. 25.* referendum sit ad decretum *sess. 24.*, & de illis dumtaxat Beneficiariis accipiendum, de quibus *cap. 12. sess. 24.* fuerat sermo; sed unde hæc dubitatio oriri queat, plane non videmus: in priori quippe decreto soli nominantur Curati, & Cathedralium ecclesiarum Canonici; posterioris vero decreti verba generalia sunt, & omnes omnino Beneficiarios complectuntur, nec ullam involvunt particulam, quæ vel leviter innuat, hæc, intra limites prioris decreti, esse restringenda: Quapropter, sine ulla hæsitacione, concludendum est, postremi decreti virtute, omnes & singulos, qui Beneficium Ecclesiasticum possident, in prima Synodo Dioecæsana,

fana, cui alias obstringantur adesse, debere Fidei professionem emittere.

7 Verum, etsi Concilium Tridentinum prædicta statuerit, nullam tamen specialem Fidei formulam, certis verbis conceptam, adornavit, in quam ii jurare debeant, quos ceteroquin ad Fidei professionem faciendam severa lege astrinxit: eam tamen formulam postea concinnavit Pius IV. & sua *Constitut.* 103. *Bullar. tom. 4. par. 2. pag. 204.* in eam jurare iussit, quicumque Cathedralibus, aut superioribus ecclesiis essent in posterum præficiendi, vel Canonicatus Cathedralium ecclesiarum, aut Beneficium, animarum Curam annexam habens, forent consecuturi; quia autem de ceteris Beneficiariis nihil Pius IV. decrevit, inde exorta est dubitatio, an isti, Fidei professionem, in prima Synodo Dioecessana, ad Tridentini normam edituri, teneantur illam conceptis verbis emittere, juxta formam a Pio IV. præscriptam; sed cum in Piana formula, revera alia non contineantur, præter illa, quæ Tridentinum speciatim exprimenda præcepit, merito decisum fuit, illam ab omniibus esse adhibendam, qui Tridentini decreto obstringuntur, ad Fidei professionem, sive in Synodo, sive extra Synodum edendam, quemadmodum refert Fagnanus in suis *manuscriptis ad cap. 2. sess. 25. de reform. Advertendum, quod, licet hæc formula professionis Fidei, edita a Pio IV., non fuerit edita tempore hujus decreti, cum tamen præcipitur Concilio Provinciali interessentibus professionem eorum, qua in dicta formula continentur, bene fuit judicatum, secundum eam formulam quemcumque debere profiteri.*

8 Non est tamen necesse, ut singuli Pianam formulam separatim recitent, sed sat est, ut Synodi Secretarius illam e suggestu, alta voce legat, omnesque Fidem professuri eandem totidem verbis simul repetant; Qua absoluta, bini, terni, vel quaterni ad Episcopum accedent, & coram eo genuflexi, super expolita sacrosancta Evangelia, jusjurandum singulatim in hunc modum proferent: *Ego idem N. N. spondeo, voveo, ac juro. Sic me Deus adjuvet, & hæc sancta Dei Evangelia.*

9 Displicet hoc jusjurandum plerisque Heterodoxis, ideo dumtaxat illud improbantibus, quia unicuique fas esse, vellent, religionem, & Fidem, quasi indusium, pro libito mutare, ac proinde Fidei professionem, conceptis verbis faciendam, *Fidem formulariam*, per ludibrium appellant: nostrum hic non est, eorum infaniam refellere, obiter tamen, & veluti per transennam advertimus, Fidei formulas non recenter adinventas, sicuti illi oblatrant, sed Ecclesiæ cœvas esse, quod & cordatiores, inter eosdem Hæreticos ultro fatentur: Nullus siquidem adultæ ætatis, primis Ecclesiæ sæculis, Baptismate donabatur, qui Catholicam Fidem, conceptis verbis, antea non profiteretur, & grassantes tunc temporis hæreses publice non detestaretur, de qua re luculentum testimonium perhibent Cyprianus *epist. 76. ad Magnum*, Tertullianus *de Baptismo. cap. 6.* Eusebius *epistol. ad Cesar. ap. Socratem lib. 1. cap. 8.* Augustinus *lib. 8. Confess. cap. 2.* Specialem quoque Fidei professionem, sub certa formula, semper Ecclesiam exegisse

a suspectis Catholicis; redeuntibus ad Ecclesiam Hæreticis; ac novis Episcopis, tradit Cyrillus Alexandrinus *epist. ad Acacium* (tom. 5. part. 2. oper. pag. 109.) & pluribus probat Christianus Lupus in *scholiis*, & *notis ad canones Ephesinos* pag. 360.

10 Nec præterea recens institutum est, ut Catholicam Fidem, quam quis exterius profitetur, se constanter retenturum juratus promittat: Etenim Patres Concilii Toletani XI., anni 675. *can. 10.* statuere: *Placuit huic sacro Concilio, ut unusquisque, qui ad Ecclesiasticos gradus est accessurus, non ante honoris consecrationem accipiat, quam placiti sui immolatione promittat, ut Fidem Catholicam sincera cordis devotione custodiens, iuste & pie vivere debeat* (*collect. Harduin. tom. 3. col. 1028.*) ubi placiti immolatione aliud designari non posse, quam juramenti vinculum, nemo non videt. Gregorius II. a Bonifacio Germanorum Apostolo, quem pridie kalendas Decembris anno 723. Episcopum inauguravit, juratam Fidei professionem, ab omnibus Episcopis, in eorum ordinatione præstari solitam, accepit, in hanc formam conceptam: *Promitto ego Bonifacius &c. tibi, Beate Petre, Apostolorum Princeps, Vicarioque tuo beato Gregorio Papa, & Successoribus ejus per Patrem, & Filium, & Spiritum Sanctum, Trinitatem inseparabilem, & hoc sacratissimum Corpus tuum, me omnem Fidem, & puritatem sancta Fidei Catholica exhibere, & in unitate ejusdem Fidei, Deo operante persistere, in qua omnis Christianorum salus esse sine dubio comprobatur &c.* apud Baron. *ad eundem ann. 723. num. 4.* Berengarius in Concilio Romano sub Sancto Gregorio VII. anni 1079., post ejuratam hæresim, Fidei professionem, juramento super sancta Dei Evangelia obsignavit, ut narrat Baronius *ad dictum annum num. 3.* Et Concilium Tolosanum anni 1129. *can. 10.* sancivit: *Universi tam mares, quam femina, masculi a XIV. anno, & supra, femina XII. abjurent omnem hæresim, extollentem se adversus sanctam, & Catholicam Romanam Ecclesiam .... juret etiam, quod Fidem Catholicam, quam Romana Ecclesia tenet & prædicat, servabunt.* (*tom. 6. collect. Harduin. part. 2. col. 1151.*) Hæc, aliaque hujus generis innumera, vetustate veneranda exempla, & decreta satis superque essent ad obstruendum os Hæreticorum, obloquentium de Fidei professione, ex Pii IV. Constitutione, conceptis verbis edenda, & juramento confirmanda, quæ tamen Nos prætermittimus, quia præsentis instituti non est cum Heterodoxis dimicare.

### C A P U T III.

#### *De Scrutinio.*

1 **S**crutinium, ita dictum a scrutando, duplex esse potest; speciale, cum scilicet singularis personæ mores investigantur; & generale, cum in totius Cleri vivendi rationem inquiritur. Accuratissimum & minutissimum Scrutinium semper in Ecclesia fieri consuevit de probitate, doctrina

doctrina, ceterisque animi dotibus eorum, qui ad Ordines, præsertim Sacerdotium, & Episcopatum, essent promovendi; quamvis nec semper, nec ubique idem fuerit modus illud instituendi: In Constitutionibus Apostolicis *lib. 8. cap. 4. (tom. 1. PP. Apostolic. Caselerit pag. 391.)* ab ipsis Apostolis statutum dicitur, ut Episcopum ordinaturi cum populo stant, petatque qui inter reliquos præcipuus est, *an ab omnibus testimonium habeat quod dignus sit magna hac & illustri præfectura.* Ex eadem Apostolica traditione promanasse, ut idem fieret in Sacerdotum, & Diaconorum Ordinatione, asserit Cyprianus *epist. 68.* quæ est ad Clerum, & plebem in Hispania consistentes: *Ordinationes Sacerdotales nonnisi sub populi assistentis conscientia fieri oportere, ut plebe presente, vel detegantur malorum crimina, vel bonorum merita prædicentur. . . . Nec hoc in Episcoporum tantum, & Sacerdotum, sed in Diaconorum Ordinationibus observasse Apostolos, animadvertimus.* At in fine sæculi IV. hanc disciplinam, in Africa mutari cœpisse, colligitur ex Concilio Carthaginienſi 111. anni 397. *can. 22.* relato a Gratiano *dist. 24.*, ubi Episcoporum arbitrio relinquitur, vel populi testimonium exquirere, vel aliter Ordinandorum merita examinare: *Nullus ordinetur Clericus, nisi probatus, vel Episcoporum examine, vel populi testimonio.* Enimvero cum ablonum visum fuerit, cuilibet, etiam ex infima plebe permittere, illos publice accusare, quos ipsamet, ad Episcopatum, Sacerdotium, aliudve sacrum ministerium, electio fecerat honorandos, usus postea invaluit, ut Ordinandi vitia non palam & publice, sed secreto, Episcopo denuntiarentur; Episcopi autem erat, primo loco, in denuntiantium vitam inquirere, ut inde liqueret, an, & quanta fides esset illis habenda; cujus consuetudinis plurima exempla adducit Cironius *ad tit. de Scrutinio in ordine faciendo*: Ne autem, in hac ipsa secreta denuntiatione, aditus pateret calumniæ, accusatorem, crimen non probantem, quod Ordinis candidato affinxerat, exilio plectendum, statuit Justinianus Imperator *novella 123. cap. 2.* *Accusator autem, si non probaverit, si ve etiam fugit, propositam a se accusationem, a provincia, in qua habitat, abjiciatur; Et novel. 6. cap. 2. eum in perpetuum a sacra Communione segregandum constituit.*

2 Quia porro Episcopi, pluribus curis dillenti, non poterant singulorum, quibus essent manus imposituri, vitam & mores diligenter, sicuti oportebat, examinare, inde factum est, ut Ordinandorum Scrutinium commiserint Archidiaconis, quod quidem consilium jam a quarto sæculo captum fuisse a Romanis Pontificibus, qui totius Ecclesiæ regendæ onere gravantur, constat ex Hieronymo, *ad Evangelum epist. 146. (tom. 1. oper. col. 1077.)* scribente: *Sed dicis, quomodo Roma ad testimonium Diaconi Presbiter ordinetur?*

3 Posteriori ævo diversus, magisque exactus peragendi Scrutinii modus inductus est, quem primo præscriptum invenimus a Concilio Nannetenſi, incertæ ætatis, quod tamen Eruditi consentiunt, non esse sæculo IX. posterius, sed vel anno 658., vel 900., celebratum; in ejus quippe cap.

pe cap. 11. decernitur : *Episcopus quando Ordinationem facere disponit, omnes, qui ad sacrum ministerium accedere volunt, feria quarta, ante ipsam Ordinationem, evocandi sunt ad civitatem, una cum Archipresbyteris, qui eos representare debent. Et tunc Episcopus e latere suo dirigere debet Sacerdotes, & alios prudentes viros, gnaros Legis Divinae, & exercitatos in Ecclesiasticis sanctionibus : qui Ordinandorum vitam, genus, patriam, etatem, institutionem, locum, ubi sunt educati, si sint bene litterati, si in Lege Domini instructi, diligenter investigent* (Concil. Gall. edit. a Sirmondo tom. 3. pag. 604., & collect. Harduin. tom. 6. part. 1. col. 456.). Sed quoniam salutaris hæc institutio, temporum malitia, atque Episcoporum incuria defuerat; sapienter propterea ad hoc delecti a Paulo III. Cardinales, & Præfules, ut nimirum collato studio ea ipsi suggererent, quæ ad reformandam Ecclesiam necessaria reputarent, in celebri consilio, anno 1538. eidem Pontifici, in scriptis exhibitæ, inter ceteros corrigendos abusus, hunc, tanquam gravissimum, primo loco recensuere : *Primus abusus in hac parte est Ordinatio Clericorum, & præsertim Presbyterorum, in qua nulla adhibetur cura, nulla adhibetur diligentia, quod passim quicumque sint, imperitissimi sint, vilissimo genere orti sint, malis moribus ornati sint, adulescentes admittantur ad Ordines sacros, & maxime ad Presbyteratum, ad characterem inquam Christum maxime exprimentem; hinc innumera sunt, hinc contemptus Ordinis Ecclesiastici, hinc Divini cultus veneratio non tantum diminuta, sed etiam prope jam extincta; Ad hæc autem præcidenda scandala, iidem delecti Cardinales, & Præfules modum Pontifici indicarunt, quo in posterum exactum, de promovendis ad Ordines, Scrutinium efformaretur. Quod vero illi tantopere exoptaverant, Concilii Tridentini Patres postea præstiterunt sess. 23. cap. 7. de reform., ubi allegatum Nannetensem canonem, totidem fere verbis instaurarunt, eamque Tridentini sanctionem, adhuc luculentius explicatam, inculcarunt, religioseque custodiri præceperunt Clemens VIII. Constit. 61. §. 7. tom. 3., Alexander VII. Constit. 129. tom. 5., Innocentius XIII. Constit. 34. §. 5. novæ Bullar. tom. 10., & Nos ipsi in epistola comminatoria ad omnes Episcopos, quæ est secunda §. 1. nostri Bullar. tom. 1.*

4 Quanquam autem nunc in ipso Ordinationis actu Scrutinium non fiat, attamen, ut antiquissimæ illius disciplinæ, quam commemoravimus, memoria extet, & saltem vestigia remaneant, Episcopus, Diaconatum, aut Sacerdotium collaturus, populi testimonium exquirat dicens : *Quid de eorum actibus, aut moribus noveritis; quid de merito sentiat, libera voce pandatis ..... Si quis habet aliquid contra illos, pro Deo, & propter Deum, cum fiducia exeat, & dicat; Et Archidiaconum postea interrogat, an sciat, esse dignum, quem ordinandum exhibet, cui Archidiaconus respondet : Quantum humana fragilitas nosse sinit, & scio, & testificor, ipsum dignum esse ad hujus onus officii. Similem attestationis formulam adhibitam vidimus, in nonnullis antiquis litteris, quibus Episcopus Clericum, e sua in alienam dioecesim commeantem, in hunc modum commendabat : Qui, in quantum humana fragilitas scire potest, administratione sacrorum ministeriorum non sit indi-*

*indignus*, apud Pithæum in *glossario Juliani Antecessoris*. Quia porro prædicta Archidiaconi attestatio, nunc merus ritus, & cæremonia est, cum jam aliunde Ordinandi vitam & mores Episcopus antea exploraverit, idcirco Innocentius III. in *cap. unico de Scrutinio, in ordine faciundo*, culpa vacare, dixit, Archidiaconum, illum dignum affirmantem, quem indignum esse, non novit, quamvis ignoret, an revera dignus existat.

5 Hæc de Scrutinio particulari. Scrutinium generale totius Cleri fieri deberet in Dioecesana Synodo, ubi totus Clerus Episcopi oculis, & censuræ subiacet: Forma istud peragendi jam indicata fuit *lib. 4. cap. 2. num. 2.* Synodi initio eliguntur Scrutatores, seu Scrutinii Præfecti, ex Urbano, & Dioecesano Clero, qui Sacerdotes sint, ætate, prudentia, & probitate præstantes; tot numero, quot necessarii reputantur ad universi Cleri Scrutinium, intra tempus Synodaliū sessionum, absolvendum; utque id commodius expleri valeat, singulis Scrutatoribus certus scrutandorum numerus assignatur; & unusquisque Scrutator unum sibi adsciscit Scribam, cujus sit, eorum, qui Scrutinio subjiciuntur, responsiones notare, quamvis ea, quæ graviora sunt, & arctius secretum exigunt, ipsemet Scrutator scribere debeat: omnia vero, quæ explorantur, ante Synodi finem, in compendium redacta, & scriptis consignata, Episcopo referant, ut si quid omnibus in communi injungendum sit, fiat, ac opportuno Synodi decreto irrepetentes abusus coerceantur.

6 Singulis Scrutatoribus traditur tabella, seu scheda Scrutinii, ubi certa capita adnotantur rerum; de quibus Episcopus vult, esse speciatim inquirendum: A Burchardo, VVormatiensis Episcopo, *lib. 1. decretor. cap. 91. & pluribus seqq.* octo supra octoginta proponuntur interrogationes, in Synodo faciendæ, accuratum certe, sed nimis prolixum Scrutinium continentes; eodemque prolixitatis vitio laborat Scrutinium, exhibitum ab Antonio Maria Gratiano in *Synodo Amerina cap. 1096. & seqq.*; in Actis Ecclesiæ Mediolanensis *part. 6. pag. 997.* diligens reperitur catalogus eorum, quæ Scrutatores indagare debent, quibus tamen permittitur, alia superaddere, quæ iidem Scrutatores p̄vi sua prudentia, in Clericis, & potissimum Canonicis, peculiariter perscrutanda judicaverint: Pax Jordan. *tom. 2. lib. 8. tit. 2. de Synodo Dioec. num. 110.* plurima Scrutatoribus suggerit quæsitæ, quæ ad exactum Scrutinium perficiendum existimat opportuna: præfiores & breviores sunt interrogationes, quæ proponuntur in Archiepiscopali Bononiæ Cardinalis Palæotti *pag. 213. & seqq.*, ad quarum calcem, idem prudentissimus Archiepiscopus inquit, non esse omnia & singula, quæ in interrogationibus proponuntur, ab unoquoque inquirenda, sed ea tantum, quæ ad cujusque conditionem, statum, & necessitatem magis accommodata videbuntur.

7 Maximam Scrutinii utilitatem nullus inficiatur, sed difficile videtur, intra triduum, vel quadriiduum, cum ulterius Synodus protrahi non soleat, omnium Clericorum Scrutinium rite expleri posse: hac fore  
tasse

tasse difficultate perterriti Episcopi, etſi ceteroqui in ſuo Paſtorali manere obeundo diligentiffimi, Scrutinium in Synodis jamdiu omiferunt, & paſſim omittunt: quamplurimas quippe Nos Synodorum Acta, tam typis edita, quam manuſcripta pervolvimus, & in aliquibus Scrutatores quidem designatos vidimus, Scrutinium tamen factum non legimus; in aliis vero nec Scrutinii, nec Scrutatorum ullam mentionem deprehendimus. Pax Jordan. *cit. lib. 8. tit. 2. num. 102.* Scrutinium inventum exiſtimat, ad ſupplendum defectum viſitationis; cumque dioceſis viſitatio, juxta rectam diſciplinam, Synodum præcedere debeat, inde eveniſſe arbitratur, quod Epilcopi Synodale Scrutinium, veluti inutile & ſuperfluum prætermiſerint: At hæc Jordani ratiocinatio aliquid efficacitatis unice habere poteſt apud antiquæ diſciplinæ ignaros; qui enim vetuſtos Eccleſiæ canones, vel leviter pertractarunt, optime norunt, onus perluſtrandæ dioceſis, non eſſe de novo Epilcopis impoſitum, ſed ſemper illis incubuiſſe, & nihilominus poſt dioceſim perluſtratam, Scrutinium in Synodo fieri curarunt; atque, ut cetera prætereamus ſanctiſſimorum Epilcoporum exempla, S. Carolus Borromæus nunquam proſecto ſuam dioceſim viſitare neglexit, nec propterea Scrutinium in ſuis Synodis omiſit. Alia igitur erit cauſa, cur hodie Synodalia Scrutinia fere deſueverint, eaque eſſe poteſt, vel quia Epilcopus, per ſuos Adminiſtros, quotidie audit, quid a ſingulis dioceſeos Clericis fiat, & hac ratione omnium mores jam perfectos & cognitos habet; vel quia homines tantæ experienciæ, atque integritatis non invenit, quibus Scrutatoris munus tuto credere queat; vel quia deum Clerici cupiunt, ſe a proprio Paſtorè, non ab alio examinari. Mutantur in dies hominum mores, mutantur rerum circumſtantiz, & quod uno tempore utile erat, poſtea inutile, & quandoque pernicioſum evadit; Prudentis autem Prælati eſt, in iis, ad quæ Superioris lege non adigitur, ſe loco, & tempori accomodare, & quædam, quæ olim in uſu erant, prætermittere, ſicuti, ad rectum ſux dioceſis regimen, magis expedire in Domino judicaverit. Superius diximus, Nos interfuſiſſe Concilio Romano ſub Benediçto XIII.: Jam vero, integro fere anno, qui Concilium præceſſit, plures habitæ ſunt Congregationes Præſynodales, quibus pariter præſentes fuimus, una cum aliis, ab eodem Pontifice deſelectis viris; cumque aliquot ex iis nonnulla judicarent, eſſe Concilio poſtmodum proponenda, quæ ibidem, ad ſervandam quodammodo formam Scrutinii, diſcuterentur, & deciderentur; Nos ingenuè diximus, id nequaquam fieri poſſe: negotia etenim, quæ Concilio proponenda ſuggererantur, juſ alterius lædebant; atque ideo, licet viderentur Concilii diſcuſſione digna, nihilominus ii, de quorum jure agebatur, erant prius neceſſario audiendi, quod ſane in Concilio, per modum Scrutinii, rite peragi, ob modo adductam rationem, impoſſibile foret: Quocirca Auctores fuimus, ut prædicta negotia, quæ judicialem quamdam requirebant indaginem, a ſummo Pontifice, extra Concilium terminarentur; conſilioque noſtro ceteri acquieverunt.

CAPUT



## CAPUT IV.

*De auctoritate reservandi casus, eorumque reservatione in Synodo facienda.*

**P**Offe summos Ecclesiarum Antistites, multoque magis omnium supremum, Romanum Pontificem, inferiorum Sacerdotum jurisdictionem ita coarctare, ut a quibusdam gravioribus culpis, quas sibi, suoque judicio relaxandas, reservant, ne in Foro conscientie quidem, & coram Deo, illi absolvere valeant, Catholicum dogma est, quod contra VViclefum strenue propugnavit VValdensis tom.2. *de Sacram. cap. 149.* Etenim ad relaxanda, etiam in Foro interno, peccata, præter potestatem Ordinis, necessaria est potestas jurisdictionis, quæ a Superiore potest ad plures personas, & causas extendi, atque ad pauciores restringi, prout ei visum fuerit. Hanc Catholicam veritatem, iterum a Luthero impetitam, non solum validis argumentis fulserunt Theologi, e quibus videri possunt Sotus in 4. dist. 18. *quest. 2. artic. 5.* Vasquez in 3. part. Div. Thom. tom. 4. *quest. 91. art. 3.* & Cardinalis Rossensis in suis assertionibus adversus Lutherum art. 3. pag. 66. & seq., sed Henricus VIII., Angliæ Rex, priusquam ab Orthodoxa Fide descisceret, agnovit, & explicavit in sua assertionem septem Sacramentorum adversus Martinum Lutherum, Romæ edita anno 1543., iniquens: *Sacerdos quilibet Ordinem quidem habet, sed auctoritatem judicandi non habet, (qua res ad absolventem pertinet) priusquam ei gregis alienius cura committatur, idoneus tamen ante reputatur; cui cura tuto possit committi.* Episcopus ergo, qui curam habet totius diocesis, si cui Sacerdoti partem quampiam sua cura commiserit, an non ipsa ratio docet, hunc non amplius aut ligare posse, aut solvere, nisi quatenus ille permiserit, sine cujus mandato nihil omnino in illius populo, vel ligare quemquam, vel solvere potuisset? Quippe quod nec ipsi licebat Episcopo in aliena diocesi. Quid ergo miri est, si quadam sibi reservat Episcopus, quorum curam, putat, esse majorem, quam ut cuilibet possit, etiam non imperito, committi.

2. Validius autem idem Ecclesiæ dogma, contra Lutheri conatus, stabilivit Tridentinum sess. 14. *de Sacram. Poenit.*, ubi cap. 7. Catholicam doctrinam exposuit, & can. 11. contrarium sentientes anathemate percussit: *Magnopere vero (ait, cit. cap. 7.) ad Christiani populi disciplinam pertinere, sanctissimis Patribus nostris visum est, ut atrociora quadam, & graviora crimina, non a quibusvis, sed a summis dumtaxat Sacerdotibus absolverentur; unde merito Pontifices Maximi pro suprema potestate, sibi in Ecclesia universa tradita, causas aliquas criminum graviiores suo potuerunt peculiari judicio reservare. Neque dubitandum est, quando omnia, quæ a Deo sunt, ordinata sunt, quin hoc idem Episcopis omnibus in sua cuique diocesi, in adificationem tamen, non in destructionem, liceat, pro illis in subditos tradita supra reliquos inferiores Sacerdotes auctoritate, præsertim quoad illa, quibus excommunicationis censura annexa*

est. Hanc autem delictorum reservationem, consonum est Divina auctoritati, non tantum in externa politia, sed etiam coram Deo, vim habere. Et cit. can. 11. Si quis dixerit, Episcopos non habere jus reservandi sibi casus, nisi quoad externam poenitentiam, atque ideo casuum reservationem non prohibere, quominus Sacerdos a reservatis vere absolvat, anathema sit. Plurima, quæ ad rem faciunt, & traditam a Tridentino doctrinam illustrent, occurrunt in libro, cui titulus: *Tres epistolæ Pastorales Episcopi Atrebatensis, cap. 7. de reservatione casuum*, pag. 193. Licet autem Tridentinum potestatem reservandi peccata tantum summo Pontifici, & Episcopis nominatim adstruxerit, nomine tamen Episcopi, etiam inferiores Prælatos, habentes jurisdictionem quasi Episcopalem, cum territorio separato, comprehendisse, censuit sacra Congregatio, ejusdem Interpretes, in *Salernitana* anno 1585. (*lib. 4. decretor. pag. 36.*) rescribens: *Prælatos Saculares Episcopis inferiores, qui habent jurisdictionem quasi Episcopalem in loco, & nulli Diocesano, nec ipsi, nec eorum subditi subsunt, habere facultatem reservandi sibi casus*; Et in *Marlicana* anno 1587. idem, totidemque verbis respondit *lib. 4. decretor. pag. 250. a tergo*. Eadem insuper potestate gaudere Parochos, quoad simplices Sacerdotes, seu Cappellanos, in Curæ exercitio iisdem inservientes, docuerunt *Silvius in 3. part. D. Thom., tom. 4. quest. 1. pag. 551. edit. Antwerp. an. 1714. Suarez tom. 4. in 3. part. dispnt. 29. sect. 1. num. 4. Cardinalis de Lugo de Pœnit. dispnt. 20. sect. 1. num. 2. Neelsen tom. 2. tract. 5. de Sacram. Pœnit. dub. 10. quia & ipsi jurisdictionem ordinariam habent in Foro interno, quam delegant suis Cappellanis: simul tamen iisdem Doctores notant, non esse usu receptum, ut Parochi ea facultate utantur, additque de Lugo, inutilem insuper fore reservationem, si quæ a Parochis fieret, quoniam ea non ligarentur excipientes Confessiones, auctoritate, & jurisdictione, accepta ab Episcopo, cujus imperio tota Parochorum jurisdictio subest. Dedita opera diximus, Parochos jurisdictionem ordinariam habere in Foro interno: scimus quippe dissertationem Petri Mengonii *de eminenti Parochorum dignitate supra Canonicos*, anno 1732. Florentinis typis excusam, in qua Auctor innixus Decretali Alexandri III. in cap. *Cum ab ecclesiarum, de offic. Judic. ordin.* asserere conatur Parochis jurisdictionem ordinariam, etiam in Foro externo, fuisse valide confutatam a Joanne Dominico Lario, in alia dissertatione, insequenti anno 1733. Pisis impressa: & merito; siquidem ex communiori, atque in praxi recepta sententia, quam cum *Supplem. 6. Thomæ in 3. part. quest. 22. art. 1. Suarez de censuris disp. 2. sect. 2. num. 10. Valquez in opusc. de excomm. dub. 17. num. 1. aliisque propagant*, pluribusque exornat Gonzalez ad cit. cap. *Cum ab ecclesiarum, num. 2.* non potest Parochus, jure ordinario, sententiam ferre excommunicationis: neque contrarium evincit Textus objecti cap. *Cum ab ecclesiarum*; quanquam enim ibi Pontifex observari præcipiat, excommunicationem in suis Clericis, vel Laicos latam a Plebano S. Pancrati de Lucar, hanc tamen Plebanum eam non tulisse, jure ordinario, sibi, ratione solius Parochialis ecclesiæ, competente,*

petente, sed jure extraordinario, videlicet ex speciali privilegio, vel ex præscripta consuetudine, vel alio legitimo titulo, acquisito, idem Gonzalez ostendit. Sat tamen est id obiter adnotasse: ad propositum regredimur.

3. Quamvis prædicta facultate reservandi casus, possit Episcopus semper, & quodcumque voluerit, uti, multis tamen nominibus decet, ut illam potius in Synodo, quam extra Synodum exerceat: primò, quia, ut in hoc negotio cautius se gerat, uti opportune monent Homobonus *tract. 15. cap. 6. quest. 12.* & Lælius Zecchius *de munere Episcopi cap. 7. expedit*, ut prius probos, atque longa experientia edoctos Sacerdotes in consilium adhibeat, quos profecto nusquam melius & commodius, quam in Synodo habere potest; attamen curandum est, ut hoc ipsum consilium maxima circumspectione, & cautela petatur, atque præstetur, ne artificum sacramentalis Confessionis sigillum, ulla ex parte videatur violari; qua de causa, cum olim Vicarius Generalis Tridentinus rogaverit Regulares oppidi Bulgansenis, ut sibi, adjecta ceteroquin severa lege secreti, quod se religiose servaturum, promittebat, manifestarent, quamnam in genere essent graviora peccata, quæ eo in loco magis communiter committerentur, & Regulares Vicario morem gerere abnuerint, quos tamen Vicarius urgere non desinebat; re delata ad sacram Congregationem Concilii, hæc, die 19. Augusti 1673., dixit, Regulares ad id cogi non posse, & monendum Vicarium, ut ab ejusmodi interrogationibus abstineret *lib. 28. decretor. pag. 150.* Secundò, congruum est, ut reservatio fiat in Synodo, ne secus Parochi conquerantur, suam ordinariam potestatem, ipsis prorsus inficis, nimis admodum coarctari; ut enim notat Cardinalis de Lugo *de Sacram. Pœnit. disp. 20. scilicet. 3. num. 11.*, quamvis Episcopus possit jurisdictionem absolvendi, quam aliis Sacerdotibus delegat, omnino prohibito limitare, & ad paucissimas causas restringere, tanta tamen potestate non potitur, quomodo Parochos, quorum jurisdictio, etsi ab Episcopo pendeat, eique subiaceat, non est tamen delegata, sed ordinaria, nec potest, sine legitima causa, aut prorsus auferri; aut adeo imminui, ut sere inanis remaneat; omnis autem querelarum occasio præciditur, cum reservatio fit in Synodo, ubi si ea plus æquo aucta, & extensa videatur, statim possunt Parochi reclamare, & causas Episcopo exponere, cur exoptent, hoc, aut illud peccatum e reservatorum albo expungi; quibus auditis, aut Episcopus sententiam mutabit, aut alias urgentiores rationes adducet, propter quas peccata illa reservanda, existimat, quibus Parochi acquiescent. Tertiò, denique convenit, reservationem fieri in Synodo: quia in Synodo facta induit naturam legis, quæ, nullo contradicente, perpetua est, & quamdiu non revocatur, perseverat; facta autem extra Synodum non ab omnibus reputatur perpetua, opinantibus plerisque Theologis, quos sequuntur Gavantus in *manuali Episcoporum, verb. Casus reservati num. 16.* & Roncaglia in *Theolog. moral. lib. 2. quest. 7. quest. 2.* illam, de-

ecedente Episcopo, a quo est facta, illico expirare; aliis exadverso, cum Cæpevil. *de casib. refero. part. 1. cap. 5. in fin.* contententibus, etiam tum perpetuam esse, & durare, donec a Successore vel expresse, vel tacito revocetur; ex quo fiet, ut, mortuo Episcopo, aliqui, prima sententia imbuti, a reservatis absolverent; alii vero, secundam sectantes, talem absolutionem invalidam pronuntiabant, atque exinde multa scandala exortiebantur, quæ præcaventur, si reservatio in Synodo fiat. Quocirca communis usu receptum est, ut Episcopus in Synodo statuatur, quænam peccata, velit, esse sibi reservata; nec solum in Diocesani, sed in pluribus Provincialibus Synodis casuum reservationes factas legimus, ut in Iboracensi anni 1195. cap. 11. Lambethensi anni 1281. cap. 6. Avenionensi a tribus provincialium Episcopis anno 1326. celebrato cap. 22. (*collect. Harduin. tom. 6. part. 1. col. 1932. & tom. 7. col. 868. & 1503.*) aliisque adductis a Thomassino *de vet. & nov. Eccl. discipl. part. 1. lib. 2. cap. 14. num. 4. & 5.* Non idcirco tamen, quod casuum reservatio a Provinciali Concilio facta esset, potestas adempta erat Episcopis ab istis absolvendi, sicuti contingit in legibus, a Superioribus laicis, quæ a nullis inferiorum relaxari possunt: Etenim eadem Concilia non sibi, aut Metropolitani, sed ipsismet Episcopis illorum absolutionem reservabant, quod præfatos canones legenti patebit. Aliud erat de gravioribus criminibus, Papæ reservatis; ab his quippe, sicuti nunc, ita & olim, nullus, sine auctoritate Papæ, unquam absolvere audebat: sic in Concilio Londinensi, anni 1142. statutum, narrat Matheus Parisiensis *ad ennd. an. : Ne aliquis, qui ecclesiam, cum ceterisque violaveris, vel in Clerico, aut viro religioso manus intenderit violentas, ab alio, quam a Papa, possit absolvi*, quod decretum ex Rogerio quoque refert Harduinus in collectione sua *tom. 6. part. 2. col. 1233. ad an. 1143.* & Concilium Salzburgense anni 1386. cap. 2. *sub interminatione maledictionis aterna districte prohibet, ne quispiam a casibus, Sedi Apostolicæ reservatis, absolvere presumat* (*collect. Harduin. tom. 7. col. 1901.*) Nec verum est, quod asserit Van-Espen *factis Eccl. univers. tom. 1. part. 2. tit. 6. cap. 7. num. 9.*, non ante seculum XI. coepisse Episcopos graviorum quorundam criminum reos ad Sedem Apostolicam mittere, ut a Pontifice reconciliarentur: siquidem *ex lib. 3. de Gestis Sanctorum Rotonenſium cap. 1. sæculo IV. Benedictino*, constat, ante annos circiter nongentos, homicidas ad Papam fuisse remissos, quod opportune notavit Martene *de antiquis Ecclesia viribus tom. 1. lib. 1. cap. 6. art. 6. num. 6.* Enimvero cum homicidium, inter illa enumeretur enormia facinora, quorum reis, saltem in plerisque Ecclesiis, nunquam olim concessam fuisse absolutionem, contendunt Petavius in notis ad S. Epiphanium, *heresi 59.* Albalpinæus in notis ad Concilium Eliberitanum, Morinus *lib. 9. de Pont. cap. 19.* & elc. Martene, alique non pauci, credere fas est, quod cum nimia hæc discipline austeritas emolliri coepit, id retentum fuerit, ut qui ea perpetraverant, a sola Sede Apostolica veniam consequerentur. Sedes autem Apostolica tanta semper lenitate usa est.

est, ut etiam cum prisca illa vigeat severitas, iustis, quandoque de causis, a peccatis absolveret, quæ ceteroqui, ordinaria lege, non solebant ab Ecclesia remitti, sed uni Dei iudicio relinqui, quemadmodum colligitur ex Tertulliano, qui Hæreticus Montanista jam factus lib. de pudicit. cap. 5. Zephyrinum Papam carpit, quod moechis veniam daret, quibus, aut ipsam, met. Ecclesia Romana, ut existimat Martene, aut saltem pleræque aliæ Ecclesiæ, sicuti opinatur Morinus, antea consueverant omnem indulgentiam denegare.

## CAPUT V.

*Quenam sint atrociora & graviora crimina reservanda, una cum aliis ad materiam pertinentibus, & signanter quoad Regulares.*

**P**OST assertam Episcopis facultatem casus reservandi, & designatum tempus, quod magis congruum videtur ad reservationem faciendam, operæ pretium est examinare, quanam sint illa atrociora & graviora crimina, quæ sanctissimorum Patrum iudicio, reservari consuevisse, dixit Tridentinum: inde enim normam sumunt Episcopi, ad quam in reservandis peccatis, se tuto conformare queant: Non aliunde autem illa melius scire possumus, quam ex Conciliis, in quibus, modo hæc, modo illa peccata, tanquam graviora suæ reservata: nuper laudatum Concilium Londinense, a solo Episcopo absolvendos, decrevit, incendiarios, pejerantes in alicujus dispendium, & fures atrociores: Concilium Lambethense cit. cap. 6. Episcopo reservavit homicidia voluntaria, tam publica, quam occulta: in Dioecetana Synodo Santonensi, habita anno 1280. cap. 14. (collect. Harduin. tom. 7. col. 348.) longus contextitur catalogus casuum reservatorum, inter quos numerantur homicidium, mutilatio, lapsus carnis, tam sacrilegus cum Moniali, quam contra naturam, perjurium, incestus, abortus studiose procuratus, litterarum falsificatio, sortilegium cum abusu Sacramentorum, violatio ecclesiarum, alique non pauci: Concilium Provinciale Ravennas anni 1286. (eod. tom. 7. Hard. col. 948.) cap. 8. ad Episcopum remittendum iussit: Cum quis petis, absolvi ab excommunicatione majori, lata vel indulta ab homine, vel a iure: Item incendio, & crimine publico: in blasphemante Deum, vel Sanctos: item in voto, qualitercumque amisso, & cum illis, qui filios oppresserunt ex proposito, sive casu, & cum quolibet homicida, & sacrilego, falsario, violatoribus ecclesiarum, & immunitatum Ecclesiasticæ libertatis, & sortilegio: item cum illis, qui cum bruta libidine possuntur: item cum incestibus, & coërcitoribus Sanctimonialium, & in omni occasione, usurpatione, & detentione rei alienæ, ubi, cui restitutio fieri debeat, non inveniri possit: item cum perjuria, & clandestine matrimoniorum contrabentionibus, ex quo matrimonio dubitatio oritur, vel oriri possit, & in omnibus aliis criminibus, delictis, & excessibus, in quibus de consuetudine generali, vel speciali Episcopis reservatur confessio.

2 Verum, cum sæculi xv. initio nimium excreverit casuum reservatio; & præterea Abbates Carthusienses eousque devenerint, ut omnia suorum subditorum peccata gravia sibi reservaverint, in ejusmodi effrenes reservationes censoriam virgam strinxit Joannes Gersonius tam in opusculo *super absolvendi potestate, & qualiter expediat, fieri reservationem peccatorum*, quam in epistola ad quemdam Episcopum *de moderatione casuum reservandorum* (tom. 2. part. 3. oper. col. 413. & 415.) quibus in locis reservari quidem permittit pauca quædam peccata atrociora, sed non approbat, ut hæc ipsa reserventur, quando sunt occulta, exinde enim periculum subesse, inquit, ne, quod occultum est, publicetur. Gersoni adhæsisse videntur Concilium Senonense anni 1524. & Synodus Dioecæsana Carnotensis anni 1526., quæ nulla reservatione, quoad crimina occulta, affici voluerunt mulieres, ne istæ cum propriæ famæ dispendio, Episcopum, vel Pœnitentiarium, ad quem alias accedere non consueverant, cogerentur adire: Alia tamen post Gersonis ætatem in Gallia celebrata Concilia, sicuti animadvertit Thomassinus *cit. part. 1. lib. 2. cap. 14. num. 8.* in priori sententia, & praxi perstiterunt, pluraque, quantumvis occulta peccata, Episcopis reservant: Quinimmo Concilium Sueffionense anni 1456. (*collect. Harduin. tom. 9. col. 1385.*) hortabatur Episcopos, ne facultatem absolvendi a reservatis passim concederent Regularibus.

3 Sed quod in Gallia non est assequutus Gerson, præstitit in Germania Laurentius Cardinalis Campegius, ubi Legatum agens Apostolicum, & sedulam operam navans Ecclesiarum reformationi, inter suas Constitutiones, Ratisbonæ promulgatas anno 1523., quæ habentur in *fasciculis rerum expendarum & fugiendarum edito Londini an. 1690. pag. 425.*, omnibus Confessariis concedendam in posterum, edixit, facultatem absolvendi Laicos a quibuscumque occultis criminibus, etsi alias reservatis, exceptis dumtaxat Hæreticis, Homicidis, & Excommunicatis, quos ad Episcopos, vel Vicarios remittendos, constituit; Clericis vero etiam postmodum, eo loco futuris, quo prius erant: Campegio obsequens Archiepiscopus Colonienfis in suo Concilio Provinciali anni 1536. *part. 7. cap. 17.* potestatem fecit omnibus Parochis remittendi quælibet crimina occulta: Et Synodus Dioecæsana Augustensis anni 1548. (*collect. Harduin. tom. 9. col. 2045.*) statutum Cardinalis Campegii instauravit, & confirmavit.

4 Non propterea tamen, quod ita aliquibus visum fuerit statuendum, restricta censenda est auctoritas Episcoporum, ad sola sibi reservanda peccata notoria: Quoniam, uti recte perpendit citatus Thomassinus *cod. num. 8.*, Concilium Tridentinum, novis præfidiis muniens Episcoporum jurisdictionem, ad casus reservandos, illam non coarctavit ad publica, sed ad atrociora, & graviora crimina, qualia esse, & dici possunt etiam occulta. Quia autem idem Tridentinum simul Episcopos monuit, ne ea potestate in destructionem, sed ædificationem utantur, idcirco nimium faciles esse non debent, ad reservationes multiplicandas; Quoniam ve-

ro non

ro non possit, quoad hoc certa regula, ubique custodienda præscribi, neque in specie designari queant peccata, quæ reservari oporteat; alicubi enim sola proclivitas populi ad aliquod crimen frequenter perpetrandum, ut difficultate obtinendæ absolutionis, veluti quodam freno cohibeatur, sufficientem causam præbet Episcopo, illud reservandi, quæ causa urgere definit, ubi populus non est ad illud proclivis; attamen instar regulæ esse possunt quædam generalia monita, & decreta, quæ a sacris Urbis Congregationibus, hac super re, emanarunt. Sacra Congregatio, Episcoporum, & Regularium negotiis præposita, die 9. Januarii 1601. locorum Ordinarios ita monendos, statuit: *Ne locorum Ordinarii, quibus juxta hoc reservandorum casuum competit, pluribus, quam opus sit, reservationibus, subditis, aut Confessoribus, in animarum salute procuranda, cooperantibus, sint onerosi, monentur omnes, ut paucos, eosque tantum, quos ad Christianam disciplinam retinendam, animarumque sibi creditarum salutem, pro cujusvis diocesis statu, & qualitate necessario reservandos esse, judicaverint, reservent. Idemque monitum replicandum decrevit die 26. Novembris 1602. Sed ne locorum Ordinarii, ad quos casuum reservatio spectat, ea in rem dum excedant, eadem sacra Congregatio illos rursus magnopere admonendos censet, ut non passim, sed cum id videbitur communi bono expedire, atrociorum tantum, & graviorum criminum absolutionem sibi reservent, quorum reservatio ad Christianam disciplinam retinendam conferat, & in adificationem, non autem in destructionem cedat, ne aliquin Sacramenti Pœnitentiæ Ministrorum esarçitata potestate, sanctæ matris Ecclesiæ pia menti contrarius effectus subsequatur. Prohibet etiam, ne sibi superflue reservent casus, in bulla, die Cæne Domini legi consueti, contentos, neque alios, Sedi Apostolicæ specialiter reservatos. Encyclicæ quoque litteræ ab eadem sacra Congregatione eadem die 26. Novembris 1602. ad Episcopos, in hunc modum, datæ sunt: *Præcipue vero hac monenda censei sacra Congregatio, ut videant ipsi Ordinarii, ne illos casus promiscue reservent, quibus annexa est excommunicatio major, a jure imposita, cujus absolutio nemini reservata sit, nisi forte propter frequentem scandalum, aut aliam necessariam causam, aliqui hujusmodi casus nominatim reservandi viderentur, neque casus, in quibus absolutio, nisi cum restitutione, vel executione eorum, ad quæ Pœnitentes tenentur, non confertur, neque illos, qui etsi mortale peccatum inducant, circa res tamen parvi momenti versantur, & frequenter inter idiotas evenire solent, uti damni dati, & similia. In peccatis etiam carnalibus reservandis multa nitantur circumspeditione, propter periculum scandalorum in iis maxime personis, in quas ob accessum ad Confessarios extraordinarios, vel frequentem reditum ad Ordinarios, suspitionis aliquid cadere potest. Postremo eam potissimum inquant ad sequantur rationem, qua consideratis diligenter cujusque provincia, ac populorum moribus, natura, ac propensione, magis in Domino expedire videbitur. Sacræ Congregationis Episcoporum, & Regularium decretis legendis apud Quarantam in verb. Casus, num. 14., & apud de Lamet & Fromageu in dictionario casuum conscientia tom. 1. cap. 1. consentiunt decisiones sacræ Congregationis**

nis Concilii: Etenim, cum ad hanc delatum fuerit, quod Episcopus Bellicastrensis supra modum auxisset catalogum casuum reservatorum, die 29. Januarii 1661. decem, aut ad summum duodecim gravioribus exceptis, Episcopi arbitrio designandis, ceteros e catalogo deleri, jussit *lib. 22. decretor. pag. 415.*

5 At illud, præ ceteris, cavere debet Episcopus, ne peccata, quantumvis gravia, sed mere interna sibi reservet: licet enim etiam hæc reservari queant, sicuti docent Vasquez *supracit. quest. 91. art. 3. dub. 4.* Cardinalis de Lugo *disp. 20. sect. 2. n. 13.* & Suarez *de Fide disp. 21. sect. 4. n. 2.* ubi hæc habet: *Solent aliqui Episcopi etiam hæc solum mentalem reservare, quod quidem in summo rigore juris facere possunt, quia reservatio, non est usus jurisdictionis externi Fori, sed est ablatio jurisdictionis pro Foro Sacramentali, quam Episcopus sicut dare potest, ita etiam auferre: non est tamen in praxi receptum, ut unquam referventur, veluti prosequitur Suarez loc. cit. Nihilominus Doctores communiter non consueverunt, neque laudant talem reservationem, propter animarum periculum; nam actus interiores frequentes & molesti sunt, & difficile cognoscuntur; & ita etiam ego credo regulariter non expedire: quinimmo Sotus in 4. dist. 18. quest. 2. art. 5. actus mere interni reservationem acriter reprehendendam, existimat; & revera, uti bene de Lugo observavit, solos, scimus, Prælatos Regulares, quædam peccata sive externa, sive interna, sibi olim indiscretè reservasse; Ceterum nec Episcopi, nec summi Pontifices actus mere internos suis reservationibus complecti unquam consueverunt: Unde, etsi peccatum hæresis gravissimum sit, & cum in externum prodit, summo Pontifici referretur, quandiu tamen intra animum consistit, reservationem effugit. Et quoniam de Regularibus sermo incidit, ad coercendam nimiam libertatem, quam sibi Religionum Prælati usurpabant, augendi, in dies casuum reservationes, Clemens VIII. die 26. Maji 1593. undecim casus designavit, quos referunt Suarez *de Pœnitentia disp. 29. sect. 3. num. 11.* & Layman *Theolog. moral. lib. 5. tract. 6. cap. 12. num. 6.* vetuitque Regularibus, ne alios, præter illos, sibi reservare præsumerent, nisi *Generalis Capituli in toto Ordine, aut Provincialis in provincia, matura discussione, & consensu*; Quamvis non propterea, ad omnes ibidem descriptos sibi reservandos, eosdem astrinxerit. Et nihilominus contendebant Prælati Regulares, sibi ablatam non esse facultatem alicui gravi peccato, in Clementino decreto ceteroquin non expresse, annectendi censuram, quam sibi reservare possent; nec deerant graves Doctores, qui huic eorum opinioni adstriperentur, inter quos Suarez, Filliuccius, Villalobos, alique, quos adducit Diana *tom. 2. tract. 2. de dubiis Regular. resol. 49.*; Sed cum hac ratione Clementis decretum prorsus eluderetur, sacra Congregatio Episcoporum, & Regularium die 7. Julii 1617. prædictam opinionem improbavit: Cum a nonnullis Regularibus dubitaretur, an in decreto felix. record. Clementis Papæ VIII. anno 1593. 26. Maji, *super qualitate casuum, ab eorumdem Regularium Superioribus reservandorum, edito, censura etiam comprehenderetur**



derentur, itant iisdem Superioribus, absque Capituli Generalis, aut Provincia-  
lis consensu, aliquibus peccatis in decreto huiusmodi non contentis excommunicatio-  
nem auferre, ejusdemque absolutionem sibi reservare liceat. Sacra Congregatio  
Cardinalium, negotiis Regularium prepositorum, Illustrissimo Bandino referente,  
censuras in supradicto decreto comprehendi, censuit.

6 Verum, quia homines quantum propriam jurisdictionem dilatare  
gestiunt, tantum alienam, cui subsunt, restringere tentant, illi iidem,  
qui reservationis vinculum in subditos, plusquam par erat, injicere vo-  
luerant, reservationes, ab Episcopis factas, pro viribus conati sunt effu-  
gere, & nisi eorum conatibus Apostolica Sedes obstitisset, Episcoporum  
jurisdictionem fere labefactassent. Jampridem Benedictus XI. in cap. 1. de  
privilegiis, inter Extravag. comm. & Clemens V. in Clementina, Dudum §. Per  
huiusmodi, de sepulturis, & in Clementina, Religiosi, §. Quibus, de privileg. &  
excess. Privilegiator. declaraverant, non licere Fratribus Prædicatoribus,  
& Minoribus quempiam absolvere a casibus, Episcopis reservatis; & ni-  
hilominus iidem, ceterique Regulares, obtentu privilegiorum, quorum  
confirmationem, post Concilium Tridentinum, impetraverant, & præ-  
sertim illius, quod contineri, jactabant in bulla, quam vocant *Mare*  
*magnum*, jus sibi arrogabant, crimina relaxandi, Episcopis reservata: ut  
Regularium ausus reprimeret, suæque, & Corpiscoporum jura tueretur,  
S. Carolus Borromæus Sedem Apostolicam adiit, petiitque, An Regulares,  
ex privilegiis, a Sede Apostolica impetratis, & præsertim ex eo, quod nominant  
*Mare magnum*, possint absolvere Pœnitentes in casibus, quos sibi Episcopus re-  
servatis. Et sacra Congregatio Concilii die 10. Septembris 1572., appro-  
bante Gregorio XIII., respondit: Ex facultatibus per hoc *Mare magnum*,  
aliave privilegia, Regularibus concessa, factam eis non esse potestatem absolven-  
di in casibus, Episcopis reservatis, cujus rei fidem faciunt ejusdem sacre  
Congregationis litteræ, de quibus in notis Cardinalis Augustini Valerii,  
Episcopi Veronenfis, ad Constitutiones, editas per Joannem Matthæum  
Gibbertum, Antecessorem pag. 100. edit. anni 1740. Hoc responso fretus  
S. Carolus in sup. Concilio Provinciali Mediolanensi III. anni 1573. sub tit.  
De iis, quæ ad Sacramentum Pœnitentiæ pertinent, edixit, Ne Confessarii Re-  
gulares eorum peccatorum, quorum absolutio Episcopo reservata est, vinculis ir-  
regulis Pœnitentes absolvant, quemadmodum a sancta Sede Apostolica declaratum  
est, id eis non licere, quatenus privilegiorum suorum auctoritate; utque efficacius  
Regulares in officio contineret, in alio Concilio Provinciali Mediola-  
nensi V. anni 1579. part. 1. pag. 222. absolvere præsumentes a casibus,  
Episcopis reservatis, excommunicatione innodavit: Ab iis casibus, proxi-  
me promulgatis, si quis Confessarius cujusvis Ordinis, sine facultate scripta, ab  
Episcopo data, aliquem absolvere attentaris, excommunicationis poenam ipso facto  
subeat.

7 At non propterea Regulares sunt in ordinem redacti, sed alias in-  
diez necebant inanes rationes, quibus sibi assererent jurisdictionem, quam

semel affectaverant ; quare a sacra Congregatione Episcoporum ; & Regularium die 9. Januarii 1601. novum promulgandum fuit decretum , Clementis VIII. auctoritate roboratum , quo iterum decisum est , nullam illis facultatem competere absolvendi a casibus , quos *locorum Ordinarii habent reservatos* , vel in posterum sibi reservabunt ; Et quoniam etiam hanc novam decisionem variis tricis eludere iidem tentarunt , ut his obviam iret , eadem sacra Congregatio , jubente Paulo V. , die 7. Januarii 1617. , aliud edidit decretum , quo priora confirmavit , atque ad unguem servari præcepit . Tot , ac toties repetitis functionibus minime perterriti Regulares , illas , si non profusus evertere , saltem debilitare , novo molimine studuerunt , dictantes nimirum , robur non habere extra Italiam : Quocirca , ad hanc quoque cavillationem amputandam , eadem sacra Congregatio , præcipiente Urbano VIII. die 18. Novembris 1628. omnia hucusque relata decreta , jam tertio renovavit , ac Regulares tam intra , quam extra Italiam degentes afficere , & complecti , expresse edixit , & declaravit . Ad hæc Alexander VII. die 24. Septembris 1665. , inter alias , hanc etiam propositionem damnavit : *Mendicantes possunt absolvere a casibus , Episcopo reservatis , non obtenta ad id Episcoporum facultate* ; Et Clemens X. , ut adiutum observeret innumeris effugiis , a Regularibus adinventis , anno 1670. sua Constitutione , quæ incipit : *Superna magni Patrisfamilias* , tom. 7. Bullar. pag. 32. non solum denuo definivit , per *Mare magnum* , aliave privilegia , nulli Regularium , cujuscunque Ordinis , Instituti , seu Societatis , etiam Jesu , factam esse potestatem absolvendi a casibus , Episcopo reservatis , sed insuper sancivit , *Habentes facultatem absolvendi ab omnibus casibus , Sedi Apostolica reservatis , non ideo posse absolvere a casibus , quos Episcopi sibi reservaverint* . Cumque demum Nos sacre Congregationis Concilii Secretarium ageremus , instante Archiepiscopo , & Electore Colonienfi , ejusdem sacre Congregationis examini subjecimus sequens dubium : *An Confessarii Regulares possint Sæculares , extra mortis periculum , absolvere a casibus , Ordinario reservatis* . Ad quod die 16. Novembris 1720. responsum fuit *Negative* . Ne porro præfatæ decisiones ullo unquam tempore e Regularium memoria exciderent , utque continuo præ oculis iidem haberent culpas , quas nequeunt relaxare , eadem sacra Congregatio Concilii in *Sublacen. Jurisdictionis* die 10. Octobris 1676. dixit , eos teneri affigere propriis sedibus Confessionalibus notulas casuum , Episcopo reservatorum , & renuentes , opportunis juris remediis , ad id cogi posse , uti habetur *lib. 29. decretor. pag. 284. a tergo , & 285.*

8 Præter Regulares , alii quoque Episcoporum reservationes declinare tentarunt , quibus itidem sacre Congregationes obstituerunt . Confratres quarundam Confraternitatum , & signanter sanctissimi Rosarii , suorum privilegiorum virtute , sibi fas esse , arbitrabantur , in quibusdam anni solemnitatibus Confessarium eligere , a quo possent a casibus absolvere , Episcopo reservatis ; sed sacra Congregatio statimac illorum falsam persuasio-

suasionem detexit, eam radicitus evellere studuit, pluribus decretis, quibus oppositum definivit, præcipue in Neritonen. anni 1573. (*lib. 1. decretor. pag. 143.*) in Mediolanen. eodem anno (*ead. lib. pag. 162.*) Unde S. Carolus Borromæus in *cit. Concilio Provinciali Mediolanensi V. anni 1579. ead. part. 1. pag. 222.* statuit: *Ne facultatum, privilegiorumque jure, quæ cuiusque etiam Rosarii, & Cruce Signatorum, Schola, Confratriæ, Collegiove etiam Laicorum, quæve Collegis, Confratribusque in eo adscriptis ante, vel post Concilii Tridentini confirmationem, concessa sunt, Confessarius cujusvis Ordinis sit, ab iis casibus, quos sibi Episcopus in sua diœcesi reservaverit, Pœnitentes, sine illius facultate, absolvat. Si contrafecerit, suspensionem a Divinis ipso facto incurrat.* Canonicus Pœnitentiarius quandoque credidit, sola sui muneris assecutione, se facultatem nancisci, relaxandi peccata, Episcopo reservata; sed sacra Congregatio Concilii sancivit, ejusmodi facultatem, sine speciali Episcopi concessione, illi neutiquam competere (*lib. 15. decretor. pag. 621.*) Demum hæc olim opinio multorum mentes invalerat, liberum cuique esse ex propria diœcesi, ubi in casum reservatum incidere, ad aliam, in qua reservatus non esset, ad hunc finem commeari, ut inibi a simplici Confessario absolveretur; sed sacra Congregatio probe noscens, per hanc opinionem factas ab Episcopo reservationes penitus eludi, atque inutiles reddi, in causa Compfana die 16. Septembris 1649. (*lib. 18. decretor. pag. 677.*) declaravit: *Absolutionem Pœnitentibus indultam, qui fraudulenter, & sub eo fine, in aliam diœcesim se transfulerunt, non sustineri.* Quam declarationem postmodum confirmavit, & roboravit Clemens X. in laudata Constitutione, decernens: *Posse Regularem Confessorem in ea diœcesi, in qua est approbatus, confluentes ex alia diœcesi a peccatis, in ipsa reservatis, non autem in illa, ubi idem Confessor est approbatus, absolvere, nisi eosdem Pœnitentes noverit in fraudem reservationis ad alienam diœcesim, pro absolutione obtinenda, migrasse.*

## CAPUT VI.

*De jure exigendi Cathedralicum in Synodo ut plurimum solvendum.*

**I** A Busus quondam in Ecclesiam irrepererat, ut Archiepiscopus Patriarchæ, Episcopus Metropolitæ, & Sacerdos Episcopo, in sua quisque Ordinatione, aliquod penderent, veluti in honoris, & subjectionis significationem, sed quod fortasse ab initio modicum quid fuerat, adeo postea auctum est, ut Eusebius, Ancyræ Episcopus, & primæ Galatiæ Metropolitæ, in Concilio Chalcædonensi *act. 16. (tom. 2. collect. Hard. col. 642.)* conquestus fuerit, se invenisse suam Ecclesiam nimio ære alieno gravatam, ob debita, quæ Theodotus Decessor contraxerat ad solvenda Patriarchæ Constantinopolitano Ordinationis jura. Ad pestiferum hunc abusum ex Ecclesia Latina, ubi non minus, quam in Græca, invaluerat,

eliminandum, Concilium Bracharense II. anni 572. *can. 3.* Statuit: *Placuit, ut de Ordinationibus Clericorum Episcopi munera nulla suscipiant, sed, sicuti scriptum est, quod gratis, donante Deo, accipiant, gratis dent (collect. Harduin. tom. 3. col. 386.)*; voluerunt quippe hujus Concilii sapientissimi Patres, exempla sectari antiquioris Synodi Eliberitanæ, quæ *can. 48.* idem in Baptismo servandum edixerat: *Emendari placuit, ut qui baptizantur, ut fieri solebat, nummos in concham non immittant; ne Sacerdos, quod gratis accepit, pretio distrabere videatur (collect. Harduin. tom. 1. col. 255.)* Sed Concilii Bracharensis salutare decretum efficax non fuit, ad serpentem morbum compescendum: tempore enim Gregorii Magni adhuc idem abusus vigebat, aliquid pensandi Episcopo, Ordinanti, quod novo vocabulo, a simulatione invento, uti Gregorius ait, a Romanis dicebatur *Pastellum*, quasi, instar modici pastus, esset quid modicum, & vile; sed quantulumcumque esset, illud severe prohibuit idem Gregorius Magnus in Synodo Romana, decernens (*tom. 3. collect. Hard. col. 497.*): *Antiquam Patrum regulam sequens, nihil unquam de Ordinationibus accipiendum esse, constituo .... Pro Ordinatione ergo, vel Pallii, seu chartis, atque Pastello, eundem, qui ordinandus, vel ordinatus est, omnino aliquid dare, prohibeo: Quam Gregorii Magni sanctionem instauravit Tridentinum sess. 21. cap. 1. de reform.: Quoniam ab Ecclesiastico Ordine omnis avaritiæ suspicio abesse debet; nihil pro collatione quorumcumque Ordinum, etiam Clericalis Tonsuræ, nec pro litteris dimissoriis, aut testimonialibus, nec pro sigillo, nec alia quacumque de causa, etiam sponte oblatum, Episcopi, & alii Ordinum Collatores, aut eorum Ministri, quovis prætextu, accipiant.*

2 Jam vero, quia prædictum munus, tributum, seu Pastellum, olim in Ordinatione dari solitum, quandoque appellabatur etiam *Cathedraticum*, quod recte observavit Gonzalez in *cap. Conquerente, de offic. Ordinar. l. 1. in fine*, & Christianus Lupus in *scholiis & notis ad canon. Concilior. tom. 1. pag. 467.* inde factum est, ut nonnulli, nominis æquivocatione decepti, scribere non dubitaverint, Cathedraticum, generatim, atque universim, a sacris Canonibus improbari, & prohiberi. At quantum isti a veritate aberrant, ex sequentibus patebit: verum Cathedraticum, de quo in præfens, est certa pensio, non occasione Ordinationis, sed singulis annis Episcopo solvi consueta in signum subjectionis, & honorem Cathedræ Episcopalis, ad ejusdem Cathedræ, seu Episcopalis officii onera sustentanda. Huic pensioni solvendæ, pro locorum, & temporum diversitate, duplex erat præfixum tempus: alicubi præstabatur Episcopo, cum diocesim visitabat, quod ex mox referendis Conciliis, Bracharensi, & Toletano VII. colligitur: alibi, & magis communiter, pendebatur tempore Synodi; & quoniam Synodus plerumque post Pascha cogebatur, idcirco ejusmodi pensio quandoque *Paschalis* est nuncupata, sicuti post Textum in *cap. 15. de Simonia*, in prima collect. notavit Cironius ad tit. de censibus, & prosequitur Gonzalez in *cit. cap. Conquerente, eadem l. 1.* frequentius tamen a Synodo

Synodo dicta est *Synodatica*, quod constat tum ex cit. cap. *Conquerente*, ubi Honorius III. ait: *Synodatici*, seu *Cathedratici* nomine, tum ex cap. *Olim*, de censibus, ubi Innocentius III. causam definit inter Episcopum Spoletanum, & Clericos Plebis Rupinæ super quantitate *Synodatici* exagitata. Dicta etiam *Synodus*, ut constat ex Concilio Tolosano cap. 10. (tom. 6. part. 1. collect. Hard. col. 1045.) Statutus etiam, ut Ecclesia ad Sedem pertinentes, quæ solvunt tertium, aut Paratam, vel Synodum, solita more persolvant Episcopis vel Clericis. Item ex epist. 58. Fulberti Carnotensis (tom. 18. Bibl. PP. pag. 18.) &c. Quamquam a *Synodatico* distingui *Synodus* videtur in indice *Beneficiorum Eccles. Constant.* apud Du-Cangium: Archidiaconi habebunt coactionem extra visitationem pro deportationibus, & pensionibus sibi debitis, ac ratione Circata, qua debetur in Synodis, ac ratione tertia partis, qua debetur in *Synodatico*. Cujus nominis ea ratio esse videtur; quod ad averterendam fortasse omnem fraudis suspicionem penderetur in Synodo. Quare in vetere charta apud Joannem Columbium lib. 4. de Episc. Sistaric. num. 36. concessit tertiam partem juris, seu servitii *Synodatici*, quod solvi consuevit in Synodo, qua tenetur ad *Sistaricum* &c.

3 Cathedriticum in hac acceptione nunquam Ecclesiæ Canones vetuere, sed dumtaxat illud taxarunt, jubentes, ne duos solidos excederet: Laudatum Concilium Bracharense II. can. 2. (tom. 3. collect. Hard. col. 386.) ait: Placuit, ut nullus Episcoporum per dioceses suas ambulans, præter honorem Cathedrae suæ, id est duos solidos, aliquid aliud per ecclesias tollat: Concilium Toletanum VII. anni 646. cap. 4. (tom. 3. collect. Hard. col. 622.) Non amplius quam duos solidos unusquisque Episcoporum præfata provincia, per singulas dioceses suæ basilicas, juxta Synodum Bracharensem, annua illatione sibi expetere conferri; & ne quispiam Cathedriticum, cum procuracione Episcopo, diocesim visitanti, alio nomine, debita, confunderet, de hac, veluti de re diversa idem Concilium subjunxit: Cum vero Episcopus diocesim visitat, nulli præ multitudinem onerosus existat. Alexander III. in cap. 9. de censibus permittit Episcopo, ab ecclesiis, quas de novo acquirit, Cathedriticum exigere: Ecclesiis, inquit, quas de novo Episcopi de manibus Laicorum eripiunt, præter Cathedriticum, & jura omnia, quæ aliis ecclesiis imponuntur, exactionem prohibemus imponi. Honorius III. in cit. cap. *Conquerente*, inter jura Episcopalia recenset jus exigendi *Synodatici*, seu *Cathedratici* nomine, duos solidos Lucensis moneta; sicuti legitur in integra Decretali, apud Gonzalez; enimvero nullum Episcopale jus, Cathedritico antiquius, comperimus: siquidem Arnoldus, Abbas Lubecensis, in chronico Sclavorum, narrat, Hartuinum, Archiepiscopum Bremensem, deductum ad inopiam, ex solo Cathedritico victitasse: in Concilio Ravennati anni 997. can. 2. constitutum est, ut quotannis, die Sancto Vitali sacro, omnes Archipresbyteri censum Episcopo penderent, duorum solidorum, quos non alio, quam Cathedritici nomine solutos, ostendit Thomassinus de vet. & nov. Eccles. discipl. part. 3. lib. 2. cap. 34. num. 5. Geraldus Episcopus Cadurcensis, cum anno

anno 1090. Canonicorum Regularium Collegium instituisse, illi in dotem assignavit jus exigendi tertiam partem Paratarum, idest procuratorium, & Cathedralici: *Tertiam partem Paratarum, & quod in Synodis exierit, ipsum usui deputavi tertiam partem* (spicileg. rom. 8. pag. 162.) Gualterus, Episcopus Pictaviensis, in sua Synodo, habita anno 1280. can. 11., inter Episcopalia jura, Synodaticum recensuit: *Monemus in generali, quod de Bifexto, & aliis juribus Episcopalibus reddant nobis, vel mandato nostro: item de Synodo, Parata, & aliis juribus Archidiaconorum* [collect. Harduin. tom. 7. col. 854.] ubi Bifexti nomine intelligi quartam Decimarum, & oblationum, suspicatur Thomassinus. Synodus Avenionensis, anni 1366. cap. 11., neminem e Synodo recedere, jussit, nisi prius Cathedralicum solvisset: *Quilibet vestrum, antequam recedat, solvat Synodalem, & Cathedralicum . . . , si voluerit excommunicationis sententiam, & expensarum gravamina evitare*: Idemque decrevit Synodus Biterrensis, anni 1368. cap. 26. [Thesaur. nov. anecdot. Martene, & Durand. tom. 4. col. 576., & 632.] Humbertus de Romanis, quintus Generalis Magister Ordinis Prædicatorum, in suo opere *de eruditione Religiosorum Prædicatorum* lib. 2. cap. 2. de Synodis agens, dicit, Sacerdotes, ad eam accedentes, ut suam subjectionem Episcopo testentur, solvere eidem didrachma Cathedralicum exemplo illorum, de quibus ait Evangelista Lucas 2. *Ibant omnes, ut profiterentur singuli in suam civitatem*. Hæc, aliaque hujus generis multa, quæ congruunt a Christiano Lupo in scholiis, & notis ad canones Conciliorum cit. tom. 1. pag. 469. tom. 2. pag. 1123. tom. 3. pag. 209. prima edit., atque a Thomassino cit. part. 3. lib. 2. cap. 5. plane evincunt, Synodaticum semper fuisse Episcopis debitum.

4 Non tamen negamus, potuisse Episcopos in Cathedralico exigendo, aut contra justitiam, aut contra æquitatem, aliamve virtutem peccare, & quandoque peccasse: vel quia ultra duos solidos, a jure statutos; vel quia nimis violenter, a pauperibus Clericis illud exigebant; vel demum, quia nimiam aviditatem, aurique sacram famem, in Cathedralici exactiōne, non sine profecto aliorum offensione, & scandalo, manifestabant; contra quos julte invehitur S. Petrus Damianus lib. 2. epist. 2. ad Cardinales Episcopos S. R. E. iniquiens: *Vidi quendam de Fratribus nostris, qui sic subsultabat, atque gliscebatur, dum præfixum Synodalis Concilii tempus infisteret, ac si tritura, seu vindemiales proventus articulus immineret. Accingebat enim se muneribus colligendis, ad quos utique non aciem ferri, sed aciem exacuere eloqui. Quamobrem alii sancti Antistites, ut omnem a se avaritiæ suspicionem quam procul arcerent, suis Presbyteris, ad Synodum evocatis, onus solvendi Synodatici liberaliter remisissent, inter quos emicuit Sanctus Rudolphus, Eugubinus Episcopus, quem idem Petrus Damianus scribens ad Alexandrum II. lib. 1. epist. 14., hoc nomine laudat: Quod congregans annualiter Synodum, nullum adfectu oblationis, vel Xeniorum canonem a Clericis exigere permittebat: absis, inquit, ut vendam Synodum: Eademque de causa* Hincma-

Hincmarus, Archiepiscopus Remensis *epist.* 46. omnibus sibi subjectis Episcopis mandavit, *Synodos Presbyterorum secundum sacros Canones sine venalitate habere*. Non idcirco vero, quod priores contra leges deliquerint, & posteriores juri cesserint, quod eis competeat, jus aliis ademptum est, quod a sacris Canonibus, & legitima consuetudine fuit singulis Episcopis concessum, sicuti egregie ratiocinatur Lupus *cit. loc.*

5 Hinc quamvis Concilium Tridentinum *sess.* 24. *cap.* 3. *de reform.* novis exactionibus Episcopis interdixerit, non proinde expunxisse jus Cathedralitici, modo non in visitatione, ubi quidvis exigi, idem Concilium vetuit, sed vel in Synodo, vel alio tempore, pendatur, censuit Congregatio, ejusdem Interpres: *Sacra Congregatio Concilii censuit, Concilium Tridentinum nequaquam sustulisse Cathedraliticum, non illud tamen solvendum in visitatione, sed extra, & in Synodi celebratione, quam decisionem pluribus argumentis roborat Fagnanus in cap. Conquerente, num. 48. & seqq., de offic. Ordinar., & in cap. Venerabili, num. 16. & seqq. de censibus*. De hac Tridentini mente nihil dubitavit S. Carolus Bortomæus, qui et si sacrosancta illius decreta religiose custodierit, & ne minimum quidem eorum apicem neglexerit, nihilominus in sua secunda Synodo, Cathedralitici legem removavit (*Act. Eccles. Mediol. part. 2. pag. 346.*) Illud sacris Canonibus constitutum est, ut a singulis Parochis in Diocesana Synodo Cathedralitici nomine solidi duo exigantur, idque argumento honoris, qui Cathedrali ecclesie tanquam matri a ceteris Parochialibus ecclesiis tribui debet. S. Carolo consenserunt Concilii Bituricensis anni 1584. Præsules, sub anathematis interminatione, Synodaticum, seu Cathedraliticum solvi, jubentes, *tit. 33. can. 7. Jura Synodalia, Cathedralitica, Episcopalia, & quævis alia . . . integre persolvantur, sub pena excommunicationis* (*collect. Harduin. tom. 10. col. 1492.*).

## CAPUT VII.

*De nonnullis questionibus Cathedraliticum respicientibus.*

1 **F**irmato jure Cathedralitici, aliquot statim occurrunt enodandæ difficultates, & dirimendæ quæstiones. Et primò quidem, non facile est determinare quantitatem pecuniæ, Cathedralitici nomine, Episcopo erogandæ: scimus quippe, a jure præscriptos duos solidos; sed quænam pecuniæ species, & quantitas, *solidi* nomine, sit intelligenda, ignoramus: Siquidem, uti observant Covarruvias *de veter. numism. cap. 3. & 6. num. 5.*, & Gonzalez *in cit. cap. Conquerente, lit. M.*, nec solidus, nec solidi valor, semper, & ubique unus fuit, sed, pro temporum, & regionum diversitate, diversus. Apud Romanos solidus erat sexta pars uncie auri, & ideo, alio nomine, dicebatur *sestula*, uti tradit Isidorus *de origin. lib. 16. cap. 24.*, quod tamen Budæus *de asse lib. 5.* intelligendum putat, non de solidis aureis antiquis, qui quaterni in uncias signabantur, & sin-

& singuli binas drachmas pendebant; sed de posterioribus, cum, pondere imminuto, sex aurei solidi ex uncia cudi coeperunt: Apud Gallos, aureus solidus quadraginta, argenteus duodecim tantum denariis aestimabatur; non enim ejusdem aurei solidi valor, a quadraginta, ad duodecim denarios, a Rege Pipino, est adductus, uti putarunt Lindebrogius, Du-Cangius, & alii, quos refellunt le Blanc in *tract. histor. pecun. Gallie. pag. 8.* & Maurini in *addit. ad gloss. Du-Cangii*; sed ad similitudinem antiqui solidi aurei percusum a Francis solidum argenteum, & duodecim denariis aestimatum, iidem Auctores narrant, quibus etiam suffragatur Gronovius *lib. 3. de pecun. veter. cap. 6.* Apud Longobardos quilibet solidus quadraginta pariter denarios continebat, sicuti cit. Gozalez notat. Verum non latius liquet, aureus ne, an argenteus esset, & quanti aestimaretur solidus ille Lucensis, in cujus moneta duos solidos pendendos, statuit Honorius III. in *cit. cap. Conquerente*, Concilium Romanum anni 1724. singulis solidis valorem attribuit unius auri monetæ Romanæ, ac proinde duos solidos, titulo Cathedralitici, persolvendos, continere ait viginti julios ejusdem monetæ: Quanquam non integros solidos, a singulis Beneficiariis pendendos decreverit, sed pro quantitate reddituum Beneficiorum, quæ obtinent, secundum mensuram, ibidem definitam; Verum, cum præfatum Concilium mere Provinciale fuerit (quod alibi diximus) legem non constituit, extra Romanam provinciam servandam. Quocirca cum nihil certi, hac de re, a jure communi colligere possimus, concludendum est, certam & universalem regulam quoad quantitatem Cathedralitici præscribi non posse, sed illam delinendam esse a particularibus locorum statutis, & recepta in qualibet dioecesi consuetudine, quemadmodum docuerunt Abbas in *cap. Olim, de censibus*, & Barbosa de *offic. & potest. Episc. alleg. 86. num. 84.*

2 Facilius, quam census, Episcopo pensandi, quantitas, determinatur personæ, a quibus sit quotannis persolvendus: Certum enim est, Cathedraliticum solvi debere ab omnibus ecclesiis Sæcularibus, & quibuscumque Parochis, & Beneficiariis; Equum quippe est, ut qui ab ecclesia stipendia recipit, ecclesiæ Moderatori, ejusque Cathedræ, in subjectionis signum, aliquod tributum pendat: nec ad rem præsentem quidquam relet, cujus ritus Parochi, & Beneficarii sint, modo in dioecesi degant, & unius Episcopi jurisdictioni subint: Quare cum quidam Parochi, & Beneficarii dioecesis Cassanensis, hac ratione se exemptos crederent, ab obligatione solvendi Cathedraliticum Episcopo Latino, quod ipsi addicti essent Græco ritui, in sacra Congregatione Concilii, ad quam ejusmodi controversia delata fuerat, die 8. Februarii 1738. causa ceciderunt, uti habetur *tom. 8. Theaur. Resolut. part. 2. pag. 23. & duabus seq.*

3 Consulto diximus ab ecclesiis Sæcularibus: quoniam ecclesiæ Regularum, monasteriis contiguae, in quibus iidem Regulares Divina peragunt Officia, gaudent exemptione a Synodatico solvendo, per Textus in *can.*



can. *Inter cetera, caus. 10. quæst. 3. & can. Quam sit, caus. 18. quæst. 2.*, aliaque jura allegata a Barbosa *jur. Eccles. lib. 3. cap. 20. num. 2. & seqq.* Engel. *ad tit. de censib. num. 2.* Aliud est de ecclesiis, Capellis, & Parochialibus Sæcularibus, Regularium monasteriis pleno jure unitis, a quibus Cathedraliticum Episcopo loci esse pensitandum, communiter Doctores tradunt; quia ejusmodi ecclesiæ nusquam reperiuntur subtractæ a lege diocesana, quinimmo huic diserte subjiciuntur in cap. *Conquerente, de offic. Ordinar.* ubi Honorius III. ait: *Episcopus jura Episcopalia in ecclesiis, seu Capellis monasterii debeat habere*; ac propterea cum inter jura Episcopalia annumeretur Cathedraliticum, etiam hoc Episcopo ab illis deberi, merito infert Fagnanus in eod. cap. *Conquerente*, num. 10. & 43.

4 De Confraternitatibus Laicorum, auctoritate ordinaria erectis, disputatum est, an tenerentur ad Cathedralitici solutionem: & responsum fuit, teneri, si habeant propriam ecclesiam; secus autem, si simplicem tantum Capellam, seu altare habeant, in aliena ecclesia situm: In causa enim Firmana Cathedralitici die 24. Julii 1734. examinatis sequentibus dubiis: *An Confraternitates, erectæ auctoritate ordinaria, & habentes propriam ecclesiam, teneantur solvere Cathedraliticum in casu &c.* Item: *An ad solutionem Cathedralitici teneantur etiam Confraternitates, non habentes propriam ecclesiam, sed simplicem tantum Capellam in honorem Sanctorum, sub quorum titulo sunt erectæ, in casu &c.*; sacra Congregatio Concilii ad primum respondit *Affirmative*; ad secundum *Negative*; Idemque responsum dedit in Urbeveta Cathedralitici die 20. Martii 1745.

5 Diximus etiam, Cathedraliticum solvendum, a quibuscumque Parochiis, & Beneficiariis: quoniam autem qui civitatem incolunt, unum quasi corpus simul constituunt, aliudque corpus constant ceteri Parochi, & Beneficarii, in suburbiis degentes, dubitatum fuit, an satis sit, ut unicum Cathedraliticum solvatur a corpore Parochorum, & Beneficiorum civitatis; alterum a corpore aliorum, extra civitatem commorantium; an potius ab unoquoque singulatim suum Cathedraliticum sit pensitandum. Quæstio discussa, & decisa fuit in sacra Congregatione Concilii die 19. Novembris 1735. 30. Perusina Cathedralitici, in qua proposito dubio: *An Cathedraliticum sit solvendum a Rectoribus ecclesiarum Parochialium civitatis, & suburbiarum Perusie, uti asserto uno corpore, seu potius ab unoquoque ex eis.* Responsum fuit: *Negative quoad primam partem; & affirmative quoad secundam.* Secus est cum nullus Clericorum, uni, eidemque ecclesiæ inservientium, suam possidet specialem Præbendam, sed singuli sustentantur ex massa communi, ex qua unusquisque suam accipit portionem; tunc enim unicum Cathedraliticum esse ab omnibus, ex eadem massa perfolvendum, sancitum est in Concilio Romano anni 1725. *sir. 8. cap. 4.*: *Ab ecclesiis vero, ubi plures de massa participant, ab omnibus in communi, julii viginti, salvis tamen consuetudinibus, ecclesiis, & Episcopis magis favorabilibus*: Et quod specialiter attinet ad Beneficia simplicia, sacra Congregatio

Concilii in Maceraten. Cathedralici die 29. Aprilis 1731. dixit, ex omnibus Beneficiis Cathedralicum deberi Episcopo, solis exceptis Capellanis laicalibus, & ad nulum amovibilibus.

6 Alia succedit controversia, an ex privilegio, vel consuetudine tanti temporis, cujus initii non sit memoria, acquiri possit exemptio ab onere solvendi Cathedralicum. Atque ut prius de privilegio loquamur, cum Romanus Pontifex possit quamlibet ecclesiam, & Beneficium, ab Episcopi jurisdictione totaliter subtrahere, multo magis poterit a solutione Cathedralici eximere, quod ex Textu in *cap. Constitutus, de religiosis domibus* bene probat Bottus *de Synodo* 3. part. num. 90. ; non tamen praesumitur, quod Pontifex id privilegii alicui concesserit, nisi illius expressam mentionem fecerit, juxta Textum in *cap. Pastoralis, de donationibus* ; quin immo docet Piafec. in *prax. Episcop. part. 2. cap. 2. num. 13.* non censi ecclesiae remissum Cathedralicum, etsi generatim fuerit ab Episcopi jurisdictione subtrahita, nisi speciali privilegio ab illius pensitatione deprehendatur nominatim liberata. Quod vero consuetudinem spectat, in eam olim sententiam nonnihil propenderat sacra Congregatio Concilii, quod posset, immemorabili consuetudine, quilibet libertatem nancisci, ab obligatione praestandi Cathedralicum ; sed causae articulo ad novam trutinam revocato, cum consideraverit, Episcopalia jura a subditis adversus Episcopos nunquam praescribi posse, juxta sanctionem Innocentii III. in *cap. 16. de praescript.*, e priori sententia recessit, & oppositum definivit in Lavellens. Cathedralici 6. Junii 1693. ( *lib. 43. decretor. pag. 261.* ), disceptato enim sequenti dubio : *An Cathedralicum Episcopo debeatur, non obstante immemorabili in contrarium* ; Responsum fuit : *Affirmative, ad formam juris, ab ecclesiis, & Beneficiis* ; quam decisionem postea roboravit saepius laudatum Concilium Romanum anni 1725. tit. 8. cap. 4., decernens : *Census, Cathedrali ecclesiae solvendus in signum honoris, & subjectionis Cathedrae Pontificali. Ius sane, inter cetera Episcopalia, ita privilegiarium, ut neque ab Episcopis in totum remitti, nec a quocumque valeat, quocumque titulo, vel immemorabili consuetudine, praescribi* ; Atque hac definitione freta sacra Congregatio Concilii, in nuper allegata causa Perusina, interrogata, *An Cathedralicum debeatur Episcopo ab ecclesiis existentibus in asserta quasi centenaria, vel immemorabili illud non solvendi* ; fidentius respondit *Affirmative*. Nimirum itaque a sacris Ecclesiae Canonibus deviarunt, qui asseruerunt, non licere Episcopo a suis Clericis Cathedralicum exigere, nisi prematur inopia, aut ininitur praescriptione longioris temporis, quod moribus Galliae receptum affirmat Feuret *lib. 3. cap. 3. num. 23.* addens, quod si exigatur, interponitur appellatio tanquam ab abusu : Etenim, uti contra eundem Feuret, egregie ratiocinatur Altaferri in *vindic. jurisdict. Ecclesiast. lib. 2. cap. 19.* gravis Episcopi necessitas requiritur, ut exposcere queat subsidium charitativum, quod in paupertatis levamen illi concessit Concilium Lateranense III. anni 1179. sub Alexandro III., *can. 4.* inquit : *Sustinent*  
pro

pro multis necessitatibus, qua aliquoties superveniunt, ut si manifesta & rationabilis causa extiterit, cum charitate moderatum ab eis valeant auxilium postulare, quam sanctionem commemorat Honorius III. in cit. cap. *Conquerente*, de offic. Ordinar. scribens Episcopo Assisienti, ut aliis juribus contentus, subsidium charitativum ab ecclesiis, præsertim exemptis, non exigat, nisi gravi urgeatur necessitate: Tu autem, his juribus contentus existens, non amplius ab eis exigas, præter moderatum auxilium, quod juxta formam Lateranensis Concilii, si manifesta & rationabilis causa extiterit, cum charitate postulandum, sicut ab aliis ecclesiis ejusdem diocesis, pro necessitate temporis, sustinemus; Sed neque paupertas, neque alia causa requiritur ad exigendum Cathedratium, quod inter Episcopalia jura recensetur, & cuilibet Episcopo, sine ulla limitatione, conceditur: nec profecto necesse est, ut Episcopus a præscriptione fortiatur illud jus, quod adeo est sui muneris proprium, ut ne contraria præscriptione quidem possit illud amittere; ut enim dicebamus, nullus unquam potest præscribere adversus subjectionem, & reverentiam debitam Episcopo, in cujus significationem Cathedratium pensatur.

7 Postremo dubitatur, an Cathedratium, quod pensandum esset in Synodo, debeatur Episcopo, pro tempore, quo Synodum non celebravit; quod idem est ac querere, an posito, quod Episcopus decem ex. gr. annorum spatio Synodum non coegerit, in prima Synodo, quam habet, unicuique tantum, an potius decem Cathedratia exigere valeat. Sæpius de hac questione disceptatum est, in sacra Congregatione Concilii; eaque semper fuit in sententia, quod Cathedratium singulis annis sit Episcopo solvendum, etiam si Synodus quotannis non cogatur: quamvis enim in Synodo solvi consueverit, & hac de causa Synodaticum sit appellatum (ut diximus); non idcirco tamen est ita affixum Synodo, ut, hac non habita, cesset obligatio illud præstandi; semper quippe urget ratio reverentiæ, & subjectionis, erga Cathedram Episcopalem, propter quam Synodatici pensionem jura imperarunt: quocirca in citata Synodo Avenionensi anni 1366. cap. 11., & in alia Synodo pariter Avenionensi sub Alano Episcopo cap. 15. ( *vid. cit. tom. 4. anecdot. col. 580.* ) decretum fuit, ut non solum Synodaticum anni, tunc decurrentis, sed etiam *Arretragia temporis, jam lapsi*, ante Synodi dimissionem, integre Episcopo persolverentur; & sacra Congregatio Concilii, nullo habito respectu ad Synodum, Cathedratium Episcopo deberi, a die adeptæ possessionis suæ Ecclesiæ, dixit in Amalphitana Cathedrali 5. Septembris 1705., & 26. Februarii 1707., & in Cassanensi 21. Martii 1735. ( *lib. 55. decretor. pag. 326., & lib. 57. pag. 68., & lib. 85. pag. 188.* )

8 Quod tamen est intelligendum, nisi addit longeva, & legitime præscripta consuetudo non solvendi Cathedratium, nisi in Synodo: quoniam, etsi consuetudo non possit prorsus delere obligationem illud pensandi, potest nihilominus minuere solutionis onus, & facere, ut non ur-

geat singulis annis; siquidem eo ipso, quod aliquando, & in aliqua, etiam minima quantitate, est solvendum, jam servatur honor debitus Cathedralæ Episcopali, contra quem dumtaxat præscribi non potest, sicuti recte perpendunt Bottus *de Synodo part. 3. num. 89. & seqq.*, & Massobrius *cod. tract. cap. 4. dub. 33. & 34.*

9 Porro ut quam celeriter, & prompte sibi debitum Cathedraliticum Episcopus assequatur, in particulari Congregatione a san. mem. Clemente XII. deputata die 5. Octobris 1731. hæc methodus, in illius exactione servanda, præscripta fuit: *Ut solutione Cathedralitici consultum sit, nec tamen judicarius ordo prætermittatur, sacra Congregatio, a Sanctissimo Domino nostro deputata, censuit, rem sic esse temperandam, ut adversus eos, qui illud solvere tenentur, si in mora fuerint, unica sufficiat citatio, cum præfixione termini quinque dierum, antequam decernatur executio mandati executivi; præmissa autem illa citatione, possit etiam deinde in contumaces ad ejusdem mandati executionem procedi, absque alia nova citatione.* Cohærenter ad hujusmodi decretum datæ sunt litteræ, quæ extant in appendice ad Constitutiones Synodales Sabinenfes Hannibalis Cardinalis Sancti Clementis pag. 30.

10 Duo his superaddimus, quæ ad Cathedraliticum referri possunt. Primum est, ab Antiocheno Patriarcha Maronitarum, cum sacra olea distribueret, aliquam exigi consuevisse pecuniæ oblationem, qua uteretur ad sui alimoniam, atque ad onera sustinenda, quæ Patriarchali incumbunt officio, ac dignitati; quamquam autem constitisset, pecuniam, neque dari, neque recipi, animo nundinandi sacra olea, attamen ad omnem propellendam Simonie suspicionem, prædicta consuetudo fuit improbata a Congregatione particulari, cui demandata est cognitio rerum, ad Maronitas pertinentium, ejusque sententia fuit a Nobis confirmata; ut vero Patriarchæ indigentis prospiceremus, jussimus, ut in posterum eadem pecuniarum oblationes, nomine subsidii charitativi, fierent Patriarchæ, die Dominica, infra octavam solemnitatis Assumptionis Deiparæ Virginis Mariæ, quod videre est in *nostra Constit. 43. Bullar. tom. 1.* Alterum est, quod canonica portio, seu Quarta Episcopalis, debita Episcopo, ex iis, quæ relinquuntur ecclesiis, juxta Textum in *cap. Requisisti, de testam.*, de qua copiose Nos, in minoribus tunc constituti, disserimus, in quadam causa Aretina, & plura etiam adducta fuerunt a Ferdinando de Valentibus, in suo voto, in eadem causa exarato, *quod est 19. oper. tom. 3.*, Cathedralitici naturam imitatur, iisdemque prorsus subjacet juris regulis, quæ in Cathedralitici solutione servantur, quemadmodum demonstrat Scarfantoni in dissertatione, quam concinnavit, pro quadam causa *Piscien. Quarta*, edita Luce anno 1746., ad cujus calcem impressa pariter reperitur prædicta nostra elucubratio, in simili causa Aretina.

## CAPUT VIII.

*De elemosyna Missarum, & ejus taxatione in Synodo  
ut plurimum facienda.*

1 **M**OS fuit in Ecclesia, plurium sæculorum intervallo, sancte retentus, ut quotquot ad Missarum solemniam convenirent Fideles, suam unusquisque sacrificii partem, hoc est panem, & vinum consecrandum, offerrent: ad quem alludens Cyprianus *lib. de oper. & elemosyn.*, divitem feminam hoc nomine increpat, quod nihil offerens, alienæ oblationis partem sumeret: *Locuples (inquit) & dives es, & dominicum celebrare te credis, quæ in dominicum sine sacrificio venis, quæ partem de sacrificio, quod pauper obtulit, sumis*: eundemque respexit Augustinus (seu quisquis est Auctor sermonis olim 215. de tempore nunc 265. in append. tom. 5. num. 2.) dicens: *Erubescere debet homo idoneus, si de aliena oblatione communicaverit*: atque inde etiam factum est, ut Tertullianus *lib. de exhort. castitat. cap. 7.* Omnes Christianos, Sacerdotes dixerit, non quod omnes potestatem haberent consecrandi, sed quia omnes panem, & vinum ad Dei altare offerebant, sicuti egregie explicat Petavius in *diatriba de potestate consecrandi cap. 1. (tom. 4. Theologic. dogmat.)* Tanta porro illius ritus fuit, apud Majores nostros religio, ut, cum Patres Concilii Matisconensis II., anni 585. deprehendissent, eum pedetentim obsolescere, statim restitui curaverint, *can. 4.* decernentes: *Residentibus nobis in sancto Concilio, cognovimus quosdam Christianos, relicto Fratrum cœtu, a mandato Dei aliquibus locis deviasse; ita ut nullus eorum legitimo obsecundationis parere velis officio Deitatis, dum sacris altaribus nullam admovent hostiam. Propterea decernimus, ut omnibus Dominicis diebus altaris oblatio ab omnibus viris, & mulieribus offeratur, tam panis, quam vini: ut per has immolationes, & peccatorum suorum fascibus careant, & cum Abel, vel ceteris, juste offerentibus, promereantur esse consortes. Omnes autem, qui definitiones nostras per inobedientiam evacuare contendunt, anathemate percussantur* (*collect. Harduin. tom. 3. col. 461.*) Neque vero quod a singulis Fidelibus offerebatur, modicum quid erat panis, & vini, quæ postea per Sacerdotem consecrata, atque in Christi corpus, & sanguinem conversa, ipsimet offerentes perciperent, sed quilibet, pro sua facultate, plures offerebat panes, cum larga vini amphora, quorum exigua pars consecraretur, & reliqua massa Sacerdotibus, & Clericis cederet, quemadmodum, pluribus allatis monumentis, ostendit Christianus Lupus *dissert. 2. proœm. ad decret. & canon Concil. tom. 3. prima edit. pag. 183.*

2 Præter panem, & vinum, quæ sacrificio usui erant, aliud ad altare offerre prohibuit canon 3. Apostolorum: *Si quis Episcopus, aut Presbyter, præter ordinationem Domini, alia quadam in sacrificio offerat super altare, id est mel, aut lac, aut pro vino ficeram, aut confecta quadam, aut volatilia, aut animalia*

malia aliqua, aut legumina, contra Constitutionem Domini faciens, congruo tempore deponatur; Et quamvis sequens canon 4. ejusmodi prohibitionem temperans, offerri etiam permittat oleum, incensum, novas spicas, & uvas; ceteros tamen fructus non ad altare offerri, sed ad Episcopum mitti jubet, Presbyteris, Diaconis, & Clericis distribuendos: Ne liceat autem aliquid aliud ad altare offerre, præter novas spicas, & uvas, & oleum ad luminaria, & thymiam, tempore, quo sancta celebratur oblatio. Omnis autem alius fructus demum miscetur primitiis Episcopo, & Presbyteris. Clarum autem est, quod Episcopus, & Presbyteri Diaconis, & Clericis distribuant. Concilium vero Carthaginense III. anni 397. can. 24., qui est 37. in codice canonum Ecclesie Africanae (tom. 1. collect. Hard. col. 883.) mel, & lac offerri permittit in die Paschalis sollemnitate, quo solemne Baptisma celebrari, & egressus e sacro fonte mel, & lac dari consueverat, de quo ritu plura Cardinalis Bona rer. liturg. lib. 1. cap. 16. num. 3.: "Ut in Sacramentis (ait hic Concilium) corporis, & sanguinis Domini nihil amplius offeratur, quam quod ipse Dominus tradidit, hoc est panis, & vinum aqua mixtum. Primitia vero, seu lac, & mel, quod uno die sollemnissimo in infantum mysterio solet offerri, quamvis in altari offerantur, suam tamen habeant propriam benedictionem, ut a Sacramento Domini corporis, & sanguinis distinguantur: nec amplius in primitiis offeratur, quam de uvis, & frumentis. Verum posteriori ætate, usus obtinuit, ut nihil quidem, præter panem, & vinum, juxta prisca Patrum decreta, Offertorii tempore exhiberetur, sed vel ante Missam, aut ante Evangelium, sive statim post Evangelium, liceret Fidelibus, quidquid vellent, in Sacerdotum commodum, ad altare offerre, quod ex Reginone lib. 1. de Ecclesiast. discipl. recte colligit Martene de antiquis Eccles. ritib. tom. 1. lib. 1. cap. 4. art. 6. Duo pariter oblationum genera commemorant Capitularia Caroli Magni lib. 6. cap. 305., & magis aperte antiquissima Liturgia Æthiopum, quam ad hunc ritum comprobandum, adducit Honoratus a Sancta Maria in suis animadvers. in regulas, & ipsum Critices tom. 2. lib. 4. dissert. 4. art. 6., oblationes factas ante Offertorium, ab illis distinguit, quæ fiebant, dum Offertorium canebatur.

3 Sed num, inter cetera, etiam pecunia, sive ante Missam, sive ante Offertorium, prioribus sæculis, ad altare offerri soleret, ignoramus. Scimus enim, vero, ab Ecclesie incunabulis, in singulis Christianorum ecclesiis expositam fuisse arcam, quam Batoniæ ad an. 44. num. 69. Gazophylacium appellat, in quam pecunie à Fidelibus inferebantur: ejusmodi arcæ meminuit Tertullianus apol. cap. 39., inquit: Si quid arca genus est, num de ordinaria (al. honoraria) summa quasi redempta religionis congruatur, modicam unusquisque sumpsum, mensurata die, vel cum velit, & si modo velit, & si modo possit, apponit: nam nemo compellitur, sed sponte confert; & Justinus apol. 1. ad Antoninum Pium num. 67. quasi rationem reddens pecuniarum, quæ in Ecclesie Gazophylacium conjiciebatur, ait: Qui abundant, & volunt, suo arbitrio quod quisque vult largiuntur, & quod colligitur apud eum qui præest deponitur, ac ipse subvenit pupillis & viduis, & iis qui vel ob mortuum vel aliam ob causam egent

*egent, tum etiam iis qui in vinculis sunt, & adveniensibus peregre hospitibus; uno verbo, omnium indigentium curam suscipit. Ubi indigentium nomine, etiam Ecclesie Ministros Iustinum comprehensisse, minime dubitamus: Illi siquidem ex Fidelium oblationibus alebantur, & incredibile videtur, quod ex solo pane, & vino, ad altare oblati, potuerint omnia sibi, ad vite sustentationem, necessaria comparare. Eundem morem deponendi pecuniam in gazophylacio commemorant Augustinus *serm. 356. (tom. 5. oper.) num. 13.* & Paulinus *epist. 34. sive sermone de gazophylacio*, quorum proinde testimonio constat, labente seculo IV. & decurrente V., illum perseverasse.*

4 Sed quandonam non in gazophylacium immitti, sed ad ipsum altare coeperit pecunia offerri, certo definire non possumus. Habemus quippe ex Augustino *epist. 22. num. 6. (tom. 2. oper.)* quæ est ad Aurelium Prinatem, tempore oblationis, seu Missæ pro Defunctis, fuisse simul denarios oblatos; sed cum istos ab ipsismet offerentibus in pauperes erogari, idem præcipiat, non videtur approbare, ut in Diaconorum manibus ad altare deponerentur: Oblationes pro spiritibus Dormientium, quas vere aliquid adjuvare credendum est, super ipsas memorias non sint sumptuose, atque omnibus petentibus, sine typo, & cum alacritate præbeantur, neque vendantur. Sed si quis pro religione aliquid pecunia offerre voluerit, in præsentem pauperibus eroget. Honorius Augustodunensis Scriptor XII. sæculi, in *gemma anime lib. 1. cap. 58.* tunc in Ecclesiam morem invecum asserit, pecuniam, loco panis, ad altare offerendi, cum deserunt Fideles, Sacrificio assilentes, sacra participare mysteria, quod ceteroquin antea fas non erat prætermittere: Postquam autem Ecclesia numero quidem augebatur, sed sanctitate minuebatur, propter carnales, statutum est, ut qui possent, singulis Dominicis, vel tertia Dominica, vel summis festivitibus, vel ter in anno communicarent; ne ante Confessionem, & poenitentiam pro aliquo crimine iudicium sibi sumerent. Et quia, populo non communicante, non erat necesse tam magnum panem fieri, statutum est, eum in modum denarii formari, ut populus pro oblatione farina denarii offerret; tempus tamen, quo id acciderit, Honorius non designat.

5 Verum, utut hæc res se habeat, & quidquid sit de initio usus offerendi ad altare pecuniam, indubitatum est, quod asserit Thomassinus *de vet. & nov. Eccles. discipl. part. 3. lib. 1. cap. 7. num. 8.*, juxta primigeniam nascentis, & adolescentis Ecclesie disciplinam, sive panem, sive denarium oblatum fuisse ecclesie, & Clericis in commune, non vero datum cuiuspiam peculiari Sacerdoti, ut Missam privatim faceret, quæ uni elemosynam offerenti proderet. Morem autem stipem elargiendi Sacerdoti, ut exuberantem Sacrificii fructum stipis largitor in se, proximos, aut amicos, sive vite compotes, sive defunctos, derivaret, non ante sæculum VIII. inductum, neque passim ubique, ante XII. receptum, asserit Mabillonius in *præfat. ad part. 1. sæculi XII. Benedictini num. 62.*, cui tamen contradicit Pater Franciscus Berlandi Clericus Regularis Theatinus in *differt. hi-*  
*storice*

*Historico-Theologica de oblationibus* part. 2. §. 2. illum longe antiquiorem affirmans: Enimvero, quod in fine sæculi VIII. jam invaluisse, fidem facit Chrodegangus, Episcopus Metensis, in Regula, quam, eo sæculo labente, vel nono ineunte, suis Canonicis præscripsit: in ea quippe cap. 32. de *elemosynis* cuique Canonico liberam potestatem fecit accipiendi, & in quos vellet usus expendendi, elemosynam, quæ pro sua sibi Missa offerebatur: De elemosynis accipiendis (inquit) ita constituimus, ut si aliquis uni Sacerdoti pro Missa sua, vel pro Confessione, aut infirmitate, seu pro quolibet caro suo, aut vivente, aut mortuo, aliquid in elemosyna dare voluerit, hoc Sacerdos a tribuente accipiat, & exinde, quod voluerit, faciat (collect. Harduin. tom. 4. col. 1196.); Sæculo vero XI. eundem morem adeo longe lateque propagatum scimus, ut etiam pueris notus esset: Etenim Joannes Monachus in vita S. Petri Damiani cap. 2. de eo adhuc puerulo narrat: Petrus quadam die nummum reperit, & tanquam subito dives effectus, gratulabundus quid eo mercari aptus posset, diu mente revolvere cepit, divinitus tandem inspiratus, ait: melius est, ut tradam Presbytero, qui Deo Sacrificium offerat pro patre meo defuncto.

6 Specialem hanc Sacrificii applicationem illi, qui elemosynam largitus fuerat, visus est improbare VValafridus Strabo, qui sæculo IX. floruit, existimans, illud non plus prodesse uni, pro quo speciatim offeratur, quam universo cœtui Fidelium; libro enim de reb. Ecclesiæ, cap. 22. ait: Sed & in hoc error non medicus videtur, quod quidam se non posse aliter plenam commemorationem eorum facere, pro quibus offerunt, nisi singulas oblationes pro singulis offerant, vel pro vivis, & defunctis non simul æstimant immolandum, cum vere sciamus, unum pro omnibus mortuorum, & unum panem esse, & sanguinem, quem universalis Ecclesia offert. Quod si cui placet, pro singulis singularim offerre: pro solius devotionis amplitudine, & Orationum augendarum declaratione id faciat, non autem pro stultis opinatiōe, qua putet, unum Dei Sacramentum non esse generale medicamentum; At non animadvertit VValafridus, quod, etsi Sacrificium ex parte rei oblata, & principalis offerentis, scilicet Christi, sit infinitæ virtutis, non tamen, ita ejus institutore Christo volente, infinitos producit effectus: fecus, si finem excipies colendi Deum, & supremum patriæ actum, qui sane ex qualibet, quantumvis crebro repetita Divinæ Victimæ immolatione, semper Deo exhibetur, quoad cetera, quæ ex Sacrificio reportare intendimus, superflua esset ejusdem iteratio; semel autem posito, quod effectus Sacrificii finitus sit, perspicuum jam est, illud plus ei prodesse, cui applicatur, quam aliis; uti enim ratiocinatur Suarez tom. 3. in 3. part. disput. 78. sect. 1., & disput. 79. sect. 12.: aut consideratur tanquam propitiatorium, seu satisfactorium, & certe pro illo speciatim satisfacit, in cujus debiti solutionem Deo exhibetur; aut consideratur tanquam impetratorium, & profecto ad beneficia, illi uberius elargienda, Deum mover, pro quo nominatim Sacerdos Divinam Hostiam immolans, Deum exorat. Rem totam explicat D. Thomas in 4. dist. 45. art. 4. quæstiunc. 1. & quæstiunc. 2.

7 Quod



7 Quod visus est improbare VValafridas, alio nomine sunt aperte infectati VViclefistæ, hodieque infectantur Lutherani, & Calvinistæ, dictitantes, pecuniam, Sacerdoti celebraturo, in Missæ pretium dari, eamque propterea, veluti aperte Simoniacam damnantes: At in primis, ad eorum fallaciam refellendam, satis abunde foret illud adducere, quod ad rem aiebat Gerson in *opusculo de sollicitudine Ecclesiasticorum* (tom.2. part. 3.) *partie. 19.* inquit: *Sufficere in primis debet ad consensum hujus veritatis usus totius communis Ecclesia, qui sic habet, & recipit; Cui si quis detrahit, imprudenter se decipit.* Et *partie. 6.* Nihil aequius, secundum omnem legem esse, deducit Apostolus prima ad Corinth. 9. *Quam qui altario servit, de altaris & vivat; Præstat nihilominus audire D. Thomam, qui hanc ipsam Hæreticorum calumniam jampridem antevererat, & diluerat 2. 2. quest. 100. art. 2. ad 2. inquit: Sacerdos non accipit pecuniam, quasi pretium consecrationis Eucharistia; hoc enim esset Simoniacum, sed quasi stipendium sua sustentationis; Et in 4. dist. 25. quest. 3. art. 2. questione. 1. ad 4. Facere portionem de Missa celebranda est Simonia. . . . Si tamen non habet alios sumptus, & non tenetur ex officio Missam cantare, potest accipere denarios, sicuti conducti Sacerdotes faciunt, non quasi pretium Missæ, sed quasi sustentamentum vite.*

8 At, quamvis res ita se habeat, nihilominus fatendum est, quorundam improborum Sacerdotum sordidam avaritiam quandoque dehonestasse quod ceteroquæ in se licitum, & sanctum erat: nonnulli quippe visi sunt Missas quodammodo venditare, ac turpissimum quæstum de illis facere. Et primo quidem, cum nondum Missæ eadem die iteratio erat severa lege prohibita, nonnulli ad solum finem plures elemosynas captandi, sæpius in die Sacris operabantur, quos acriter perstringit Auctor vitæ S. Thomæ Cantuariensis *cap. 11.* his verbis: *Illos autem in presentiarum nec memoratu dignos, non Christi, sed mammona Sacerdotes prætereo, qui, propter oblationum quæstum, unam Christi, & semel oblatam Hostiam quotidie, non semel, sed libentius iterum, non tam consecrant, quam dilaniant, Filium Dei quæstui habentes.* Postquam vero, & Alexander II. *can. 53. de consecratione, dist. 1.*, & Innocentius III. in *cap. Consulisti, de celebrat. Missar.*, & Honorius III. in *cap. Te referente, eod. tit.* districte vetuerunt Sacrificium eadem die, sola excepta solemnitate Nativitatis Domini, ab eodem Sacerdote iterari, alias nequiores artes excogitarunt, quibus plures elemosynas, unius Missæ celebratione, lucrarentur: Aliqui enim tot Hostias in eadem Missa consecrabant, quot illi fuerant, a quibus elemosynam acceperant, autumantes se hac ratione omnibus satisfacere; Alii plures Missas in unam congerebant: Missam quippe diei, usque ad Offertorium legebant; cum aliam incipiebant, usque ad eundem locum; deinde tertiam, & quartam, eodem modo: postea tot Secretas dicebant, quot Missas inceperant: Demum sub uno Canone Sacrum perficiebant, totidem additis in fine Collectis, quot initio recitaverant; Has autem Missas *bisfactas*, & *trifactas* nuncupabant, quasi duplicem, & triplicem

Tom. XII.

B b

habe-

haberet faciem, quæ solæ satis illis esse videbantur ad plures eleemosynas, pro earum numero, assequendas. Hæc, aliaque hujus generis Missarum monstra recensent Petrus Cantor in Opere, quod inscripsit: *Verbum abbreviatum* cap. 29., & Cardinalis Bona *rer. liturgic. lib. 1. cap. 15.*

9 Quibus ab Ecclesia eliminatis, non idcirco improba Sacerdotum cupiditas fuit radicitus evulsa; adhuc enim iidem ingens lucrum ex Missa aucupantes, de unica eleemosyna, quam accipere poterant, quasi de mercis cujuspiam pretio paciscebantur, & nisi ad eorum votum augeretur, Missam facere renuebant, quos proinde Robertus Cardinalis Pullus, natione Anglus, in Summa Theologicæ, quam medio sæculo XII. concinnavit *part. 7. cap. 17.*, ita objurgavit: *Quid est Missarum sollemnia continui temporalis commodi celebrare, nisi cum Inda Christum vendere, tanto nequius, quanto resurgendo est sublimatus. Quamobrem, ut gliscentem hanc pestem, tandem ab Ecclesia prorsus propellerent, & insatiabilem Sacerdotum aviditatem perpetuo freno coercerent, Patres Concilii Toletani anni 1324. cap. 6. veterunt, ne ullus Sacerdos quidquam, vel minimum, pro Missa, ex pacto exigeret, sed eleemosyna contentus esset, quæ ei sponte daretur: Multa mentis amaritudine concitatur, gravisque doloris aculeus perfodit mentem nostram, intelligentes, quod aliqui Presbyteri, detestanda, & abominabili ambitione cecati, pro Missis per eos celebrandis pecuniam exigunt, & super hoc, ac si vellent vendere rem profanam, impudenter mercantur. . . . Verum cum dictum Sacramentum super omnia pretiosum sit, liberaliter, sicut cetera Sacramenta, celebrandum: districtius prohibemus, ne aliquis Presbyter pro Missis celebrandis pecuniam exigat, vel rem aliam temporalem, sed grate accipias, si aliquid per facientem, Missas celebrari, oblatum sibi charitative fuerit, absque pacto, & conventionem quacunque. (collect. Harduin. tom. 7. col. 1489.)*

10 Ac demum Concilium Tridentinum cum animadverterit, nondum Sacerdotes a profano illo mercimonio cessasse, quod Patres Toletani fuerant detestati, *sess. 22. in decreto de observandis, & evitandis in celebratione Missæ*, injunxit Episcopis, ut de medio tollant quidquid avaritia, contra reverentiam sacrificii Missæ induxit, utque in primis Crisostomus generis mercedum, conditiones, pacta, & quidquid pro Missis novis celebrandis datur, nec non importunas, atque illiberales eleemosynarum exactiones potius, quam postulationes, aliaque hujusmodi, quæ a Simoniacæ labe, vel certe a turpi questu non longe absunt, omnino prohibeant. Ut itaque Episcopi Tridentino obtemperant, atque importunas, & immoderatas eleemosynarum pro Missis exactiones impediant, debent, in sua quisque diocesi, Missarum stipem taxare, ultra quam, nemo quidquam exigere valeat, quod etiam ante Tridentinum factum legimus a VVillelmo Archiepiscopo Eboracensi, cujus Constitutionem renovavit Joannes ejusdem Successor in Concilio Provinciali Eboracensi anni 1367., *cap. 3. Universis Rectoribus, & singulis ecclesiarum Prelatis, Vicariis, & aliis quibuscunque personis ecclesiæ, Capellis, Cantariis, oratoria, hospitalia, seu Beneficia Ecclesiastica quacunque, infra*

*infra nostram diocesim, obtinentibus, in virtute sanctæ obedientie, et sub pena quadraginta solidorum, elemosyna nostra applicandorum, similiter inhibemus, ne in ecclesiis, Capellis, Cantariis, hospitalibus, seu aliis Beneficiis suis, huiusmodi, quemquam Capellanum stipendiarium Divina celebrare permittant, nisi, nomine stipendii sui annuatis, de summa sex marcarum sit consensus (Concilior. Britannia tom. 3. pag. 69.)*

II Quamvis autem elemosynæ taxatio, & a consuetudine induci, & ab Episcopo, extra Synodum fieri queat, attamen, ut stabilior sit, ac Sacerdotibus commodius significetur, & innotescat, plerumque in Synodo fieri consuevit, ac proinde *Taxa Synodalis* communiter appellatur: quocirca sacra Congregatio Concilii interrogata, Primò, *Quanta debeat esse elemosyna Missarum manualium.* Secundo, *Quanta esse debeat pro perpetuis, non taxatis a Fundatore.* Die 15. Novembris 1698. respondit: *Ad primum, et secundum censuit, attendendam esse consuetudinem loci, vel legem Synodalem, quatenus adsit; sin minus statuendam esse per Episcopum elemosynam competentem ejus arbitrio (lib. 48. decretor. pag. 584.)*

## CAPUT IX.

*De advertendis ab Episcopo in statuenda Missæ elemosyna, evellendisque abusus adversus eam gliscitibus.*

I Sapienti sane consilio sacra Congregatio Concilii Episcoporum arbitrio commisit præfinire quantitatem elemosynæ, pro singulis Millis, Sacerdotibus erogandæ; quia non potest hac in re, certa & universalis regula, ubique custodienda, statui, cum alicubi majorem, alibi minorem eam esse deceat, habito respectu ad locorum, & temporum circumstantias, & præcipue ad annonæ penuriam, vel copiam. Unum tamen advertendum existimamus, nimirum necesse non esse, ut elemosyna tanta sit, quæ integram sustentationem Sacerdoti ea die, qua celebrat, suppeditet: etenim, sicuti optime perpendit Suarez tom. 3. in 3. part. disput. 83. artic. 6. sect. 2. conclus. 3., actio sacrificandi non requirit integrum diem; neque majorem ejus partem, unde non est, cur Sacerdos propter hoc solum ministerium integre alatur ab eo, pro quo Sacrificium offert. Accedit, neminem Sæcularem ad sacros Ordines promovet, qui sufficiens Beneficium, aut patrimonium non habeat; nec ullum ad Religionem admitti, qui ex monasterii redditibus, aut consuetis elemosynis ali nequeat, ex quo fit, ut nullus cogatur victum sibi comparare ex solo Missarum stipendio, quemadmodum argumentatur Gibalinus de *sermonia* quest. 18. sect. 7. num. 4., Diana in edit. coordin. tom. 2. tract. 1. resolut. 22. num. 17., & Juvenin de Sacram. dissert. 5. quest. 7. artic. 5. ubi ait: *Sed monitum velim lectorem, rationi consonum non esse consuetudinem, qua illud stipendium*

*diū definit ex summa, qua satis fit Sacerdotis in unam diem sustentationi. Ratio est, quia stipendia non conferuntur ad integram Presbyteri sustentationem, sed ad illius adminiculum; nec mirum; quippe quod Sæculares Sacerdotes fruuntur aut titulis patrimonialibus, aut Beneficiis, quæ teneant eorum locum; videntur nempe Canones, ne Sæculares ordinentur, quin suffulsi ad vitam titulo; Mendicantes vero a populo Fidei supponuntur recipere elemosynas, quibus vestiantur, nec enim ad monasterium admitti debent plures, quam consueta elemosyna sustentare valeant.*

2. Porro si ultra elemosynam, ab Episcopo taxatam, plus Sacerdos celebraturus exigit, non solum delinquit contra legem Ecclesiæ, verum etiam iustitiam commutativam lædit: etenim, uti argumentatur Suarez *cit. loc. conclus. 1.*, quamvis Missæ stipendium non habeat rationem pretii, nihilominus exposcit iustitia, ut aliqua proportio servetur inter illud, & opus, ad quod subeundum subministratur, eamque proportionem definire, inspecta natura rei, de qua agitur, ad solum spectat Episcopum. Ob eandem rationem, iudicio Episcopi, Missarum elemosynam taxantis, stare debent etiam Regulares, quibus, suorum privilegiorum obtentu, neutiquam licet stipem exigere illa maiorem, quam Episcopus præscripsit: quemadmodum enim ipsi, veluti membra Communitatis, obstringuntur, in contractibus servare æqualitatem, statutam a legibus loci, ubi degunt, ita, & in hoc quasi contractu, non possunt proportionem prætergredi, quam loci Ordinarius determinavit: quocirca sacra Congregatio Concilii in una Romana 15. Januarii 1639. (*lib. 16. decretor. pag. 138.*) dixit: *Elemosynam pro qualibet Missa, per Regulares celebranda in eorum ecclesiis, esse taxandam arbitrio Ordinarii, juxta morem regionis.* Nec Regulares tamen, nec Sæculares prohibentur uberiores stipem a sponse dantibus accipere, dummodo abut dolus, & quodcumque pactum, etiam implicitum, quod docuerunt Suarez *cit. conclus. 1.* Cardinalis de Lugo *respons. moral. lib. 5. dub. 18.*, ac censuit sacra Congregatio Concilii 16. Januarii 1649. (*lib. 18. decretor. pag. 575. a tergo*), quæ interrogata, *An possit Episcopus prohibere sub pena censurarum Laici, ne pinguius stipendium taxe solvant Sacerdotibus, tam Sæcularibus, quam Regularibus, Missam celebrantibus, & quod iidem Sacerdotes illud acceptare non possint, etiam a sponse dantibus.* Respondit: *Prohiberi non posse;* Si tamen qui manuaelem elemosynam, consueta pinguiorem accepit, alteri Sacerdoti Missam celebrandam committat, non potest illius partem sibi retinere, sed totam, quam accepit, erogare debet Sacerdoti celebranti, quod ab Urbano VIII. statutum, & opposita opinio ab Alexandro VII. die 24. Septembris 1665. proscripta fuit; inter propositiones enim, ab eodem Pontifice damnatas, una, quæ est nona, sic sonat: *Post decretum Urbani potest Sacerdos, cui Missa celebranda traduntur, per alium satisfacere, collato illi minore stipendio, alia parte stipendii sibi retenta.* Neque, solo jure spectato, prohiberentur Sacerdotes, minori accepta elemosyna, ad Missam celebrandam, se obligare: Siqui-

Siquidem quilibet potest cedere juri suo, & etiam, sine ullo stipendio celebrandi onus in se suscipere; quia tamen aliquando illa consuetæ eleemosynæ remissio deprehensa est noxia aliis Sacerdotibus, qui, ob fraudulentam aliorum liberalitatem, debita sibi stipe privabantur, idcirco sacra Congregatio Concilii prædictam remissionem quandoque fieri vetuit, quemadmodum contigit in una Sancti Severini, in qua Episcopo, ad hunc modum interroganti; *Sacerdotes quotidie se offerunt celebrare ad rationem tenuis eleemosynæ dimidii julii, pro qualibet Missa; unde supplicas declarari, an ipse statuere possit eleemosynam manualement unius integri julii, pro qualibet Missa, imponendo poenam celebrantibus pro minori quantitate: die 16. Julii 1689. eadem respondit Affirmative, quoad eleemosynam manualement.*

3 Quia vero recta ratio non patitur, ex eleemosyna, ab Episcopo taxata, quæ exigua esse solet, aliquid detrahi in commodum ecclesiæ, subministrantis Sacerdoti sacra indumenta, aliaque utensilia, ad Missæ celebrationem necessaria, hac de causa Urbanus VIII. decrevit, nihil ex eleemosynis manualibus esse, eo nomine detrahendum; Ex stipendiis vero, pro Missis perpetuis relictis, tunc solum ecclesias, ubi sunt celebrandæ, aliquid percipere permisit, cum alios reditus non habent, quibus onus sustineant sacra utensilia præstandi: quæ omnia a Nobis adducta, & fuse pertractata fuere *nostra Instit. Eccles. 56.*, & in dissertatione, quam, dum munus obiremus Secretarii sacre Congregationis Concilii, exaravimus, qui extat in *Theaur. Resolut. tom. 3. pag. 307.*

4 Quis non crederet, tot salubres Constitutiones, Sacerdotum avaritiam refrenasse? Et nihilominus scimus, sufficientes haud fuisse ad eam cohibendam: aliqui enim suffulti plurium Theologorum opinione, qui, etsi Sacrificii fructum, quoad effectum, & in actu secundo, uti ajunt, finitum esse fateantur, attamen opinantur, illud pluribus applicatum, æque singulis prodesse, ac si uni tantum applicaretur, instar radii solaris, qui quamvis finitus sit, æque tamen in unum, ac in multos se effundit, post acceptam a pluribus consuetam eleemosynam, se omnibus satisfacere arbitrabantur, unicum Sacrificium singulis, qui sibi stipem contulerant, nominatim, & expresse applicando. Alii considerantes, tres esse Sacrificii fructus, generalem videlicet, qui in universam Ecclesiam redundat; specialem, seu medium, quem ille solus participat, pro quo nominatim a Sacerdote Sacrificium offertur; & specialissimum, quem ipsemet celebrans in se derivat, putarunt, se posse hunc tertium fructum, qui ceteroquin est veluti actio immanens, quæ nequit ab agente in alium transire, alteri cedere, æque hac ratione novam eleemosynam accipere. Ejusmodi opiniones, & subdolæ artes, unice ab avaritia excogitatæ, jam a sæculo XIII. in Ecclesiam irreperant, illisque obviam ierat Concilium Lambethense, celebratum anno 1282, cap. 2. decernens: *Nec credat Celebrans, se dicendo Missam unam posse satisfacere pro duobus, pro quo utraque promissa specialiter, & in solidum celebrare .... Absit enim, ne a quoquam Catholicis credatur,*

TANTUM

tantum intentione prodesse Missam unam, devote celebratam mille hominibus, pro quibus *serjan* dicitur, quantum si mille Missa pro eis devotione simili canerentur. licet ipsum Sacrificium, quod est Christus, sit infinita virtutis, non tamen in Sacrificio sua immensitatis summam plenitudinem operatur: Alioquin pro uno mortuo nunquam oporteret nisi unam Missam dicere. Operatur enim in huiusmodi mysteriis distributione certa sua plenitudinis, quam ipse eisdem lege infallibilis alligavit. (collect. Harduin. tom. 7. col. 862.) Et nihilominus saeculi XVI. initio nondum abolitæ fuerant: Siquidem Norimbergensis Germanorum Principum conventus, apud Hadrianum VI. summum Pontificem, de hoc eodem abusu conquestus est: *Sacerdotes unius dei Missas, ad quas fundationis, seu annua recordationis iure celebrandas obligantur, non semel, sed quater, quinque, pluries vendunt, unaque Missa duobus, tribus, aut pluribus Ecclesiasticis Beneficiis satisfacere præsumunt; Quamobrem eam pestilentem corruptelam iterum totis viribus eradicare studuerunt, cum Urbanus VIII., in suis decretis anno 1625. promulgatis, tum sacra Congregatio Concilii, aliis decretis editis die 25. Januarii 1659., & 13. Decembris ejusdem anni, quæ referuntur a Fagnano in cap. *Fraternitatem, de sepulchris, num. 96. & 97.*, ac postremo illam omnino profligavit Alexander VII., cum anno 1665. has damnavit propositiones: *Duplicatum stipendium potest Sacerdos pro eadem Missa licite accipere, applicando petenti partem, etiam specialissimam fructus, ipsius Celebrantis correspondentem, idque post decretum Urbani VIII.: Non est contra iustitiam pro pluribus Sacrificiis stipendium accipere, & Sacrificium unum offerre; neque etiam est contra fidelitatem, etiam si promittam, promissione etiam iuramento firmata, danti stipendium, quod pro nullo alio offeram.**

5. Quæ hucusque sunt in medium prolata, adhuc uberius exposita a Nobis fuere in *nostra Instit. Eccl. § 6.*, ubi de Missarum elemosyna; de titulo eam percipiendi; de abusibus in illius perceptione præcavendis; de proscriptis ab Apostolica Sede propositionibus, hanc materiam respicientibus: Et rursus in *Instit. Eccl. 36.*, ubi quæstionem agitavimus, an suffragia uni Defunctorum specialiter applicata, plus ei proficiant, quam ceteris Fidelium animabus in Purgatorio detentis: In *Instit. Eccl. 92.*, ubi an Sacerdotes Missæ sacrificium pro eo offerre valeant, qui postea erit elemosynam oblaturus, ut Sacrificium pro se peragatur, quamvis ante Missæ celebrationem, nec elemosynam dederit, nec Missam pro se celebrari petierit: Et in *nostro tractatu de sacrificio Missæ, sect. 2. §. 19. & 20.*, ubi agitur de Sacerdote, qui tenetur per se celebrare, & queritur, an iusta de causa possit interdum a celebrando se abstinere, & an tunc teneatur celebrare per alium: Atque in *nostra Constit. 22. Bullar. tom. 1.*, quæ turpe damnavimus quorundam mercimonium, qui Missarum elemosynas ibi quarant, & colligunt, ubi taxa Synodalis largiorem stipem Sacerdotibus, Sacrum peragentibus assignat, Missas vero alibi celebrari curant, ubi, sive consuetudine, sive Synodali lege, minor elemosyna pro singulis Missis, est celebrantibus attributa; ut hac ratione prædicti præiudicatores partem lucrentur acceptæ stipis.

CAPUT

## CAPUT X.

*De Missarum oneribus minuendis.*

**C**UM sapientissimi Concilii Tridentini Patres probe animadverterint, adeo ingentem esse numerum Missarum, ex piorum Defunctorum legatis, in perpetuum celebrandarum, ut illum explere, & exæquare impossibile jam foret; cumque insuper perpenderint, ob decrementum reddituum, quos illi reliquerant, adeo tenuem superesse eleemosynam, singulis Missis respondentem, ut nullus reperiretur Sacerdos, qui onus subire vellet, eas celebrandi, hisce de causis *sess. 25. cap. 4. de reform.* facultatem dederunt Episcopis, & Superioribus Generalibus Ordinum Regularium, ut illi, in sua quisque Dioecesana Synodo, hi vero in Capitulis generalibus, pro ipsorum arbitrio, & conscientia, Missarum onera contrahere, seu eorum numerum minuere possent.

2 Verum hanc facultatem, qua plerique Antistites, præsertim Archiepiscopus Valentinus in sua Dioecesana Synodo anni 1577., & in Synodo Provinciali anni 1584., atque in alia Synodo Dioecesana, habitata anno 1590., apud Cardinalem de Aguirre *tom. 4. Conciliorum Hispania pag. 289. & pag. 459.*, uli fuerant, revocavit, & ad Sedem Apostolicam advocavit Urbanus VIII. in sua Constitutione 45. *Bullar. tom. 5.* cujus verba sunt: *Districte prohibet, atque interdicit, ne Episcopi in Dioecesana Synodo, aut Generales in Capitulis generalibus, vel alias quoquomodo reducant onera ulla Missarum celebrandarum, aut post idem Concilium imposita, aut in limine foundationis; sed pro his omnibus reducendis, aut moderandis, vel commutandis ad Apostolicam Sedem recurratur, qua, re diligenter perspecta, id statuet, quod magis in Domino expedire arbitrabitur: Alioquin reductiones, moderationes, & commutationes hujusmodi, si quas, contra hujus prohibitionis formam, fieri contigerit, omnino nullas, atque inanes decernis: Quare hodie integrum amplius non est Episcopis in suis Dioecesanis Synodis, virtute facultatis, sibi olim a Tridentino concessæ, Missarum onera minuere, & moderari; ac proinde rescisse hodie sunt pleræque quæziones, quæ antea a Doctoribus versabantur, puta an solus Episcopus, etiam extra Synodum, possit Missarum onera minuere, an potius Synodi consensus ad id requiratur, aliæque similes, de quibus Hurtadus *resolut. moral. tom. 2. lib. 6. num. 2125.* Solumque disputari potest, an per prædictam Urbani VIII. Constitutionem adempta quoque eis sit potestas moderandi numerum Missarum, quarum celebrandarum obligationem nemo adhuc in se suscepit, & fortasse, ob tenuitatem eleemosynæ, illarum numero respondendis, nemo reperitur, qui illam acceptare velit; Non esse ademptam, opinati sunt Pasqualigo *de Sacrificio novæ Legis quest. 1168.* Passerini *de statu hominum tom. 2. quest. 187. num. 1055.*, & alii: Quoniam Urba-*

nus VIII.

nus VIII. solum interdixit Episcopis, ne Missarum onera, a Fundatoribus imposita, imminuant; Onus autem, inquit, a Fundatore quidem relictum, sed nondum acceptatum, non potest dici ulli impositum, cum, ante acceptationem, nullus sit, qui eo gravetur; sed hac subtili ceteroquin ratiocinatione posthabita, praevaluit sententia opposita, quam tuetur Diana in edit. coord. tom. 2. tract. 1. refut. 14. num. 3. & 4., eique semper adstipulata est sacra Congregatio Concilii, a qua cum quaesitum fuisset, An prohibitio facta Episcopis reducendi onera Missarum habeat locum etiam in casu, quo legatum sit ita tenue, ut non sit, qui velit onus illi iniunctum subire, & si recurrentum sit ad Sedem Apostolicam pro moderatione oneris, totum, aut fere totum infundendum sit pro expensis ad id necessariis. Quamvis verba illa, Ut non sit, qui velit onus illi iniunctum subire, manifeste indicarent celebrationis onus nondum fuisse ab ullo acceptatum, nihilominus eadem sacra Congregatio respondit; Etsi legatum sit adeo tenue, nihilominus pro reductione oneris, ut supra impositi, ab illis, ad quos pertinet, Sedem Apostolicam esse adeundam, quod adnotatum legitur post praedictam Constitutionem Urbani VIII. Bullar. tom. 5. Idemque iterum sacra Congregatio declaravit in causa Lucen. Onerum Missarum, in qua disceptato sequenti articulo: An Episcopus possit onera Missarum nondum acceptata reducere, absque beneplacito Sedis Apostolicae, sive huius sacrae Congregationis, quoties reductionem necessariam esse iudicaverit, ex eo quod locus pius legatum acceptare recuset, non diminuat onera. Die 20. Junii 1682. respondit Negative. Secus vero esset, si is, qui legatum reliquit, expressam facultatem dedisset Episcopo, Missarum designatarum numerum minuendi; tunc enim licere Episcopo, inconsulta Sede Apostolica, ea facultate uti, censuit eadem sacra Congregatio, uti habetur cit. tom. 5. Bullar. post laudatam Urbani VIII. Constitutionem.

3 Attamen, post Urbanum VIII., alii Romani Pontifices, videlicet Alexander VII., Clemens X., Clemens XI., Innocentius XIII., & Benedictus XIII. fere omnibus Religiosis Institutis privilegium concesserunt, ut Superiores Generales, adhibito maturo consilio, ac nonnullis servatis regulis, in eorundem privilegiorum litteris expressis, possent, in sua quisque Religione, onera Missarum, antea relictia, & acceptata moderari: eademque facultas a san. mem. Benedicto XIII. facta fuit omnibus Episcopis, qui, vel per se, vel per suos Procuratores, interfuerant Concilio Romano, habito anno 1725., uti videre est in eodem Concilio tit. 15. cap. 8. Huic Concilio nos quoque interfuimus, tanquam Doctor in Decretis, non vero tanquam Archiepiscopus Theodosiae, licet huius Ecclesiae titulo essemus exornati; Episcopis quippe mere Titularibus aditus ad illud non patuit; & nihilominus, postquam ab Ecclesia Anconitana ab eodem Benedicto XIII. nobis commissa, ad Bononiensem Metropolitanam, auctoritate Clementis XII., translata fuimus, ab eodem Clemente potestatem impetravimus, Missarum in perpetuum celebrandarum numerum, iustis



justis exigentibus causis, in nostra Bononiensi civitate, & dioecesi contra-  
hendi; Qua tamen, summa cum moderatione, & cautela usi sumus, iis-  
que in primis adhibitis regulis, quas semper præ oculis habuimus, cum  
sacre Congregationis Concilii Secretarii munus obeuntes, de Missarum  
numero, a Fundatoribus præscripto minuendo, in eadem sacra Congre-  
gatione agendum erat.

## CAPUT XL

*De ratione reddituum Seminarii a Deputatis in Synodo reddenda,  
& de nonnullis ad eosdem Deputatos pertinentibus.*

**N**ihil est, quod magis conferat ad reipublicæ felicitatem, quam  
quod puerilis ætas ad omnem informetur sapientiam: Cum enim  
sit Spiritus Sancti effatum: *Adolescens juxta viam suam, etiam cum senueris,  
non recedes ab ea, Proverb. 22.*, inde poterit respublica optimos Rectores,  
& Administratos sperare, ac jure sibi polliceri. Hæc scite perpendentes  
Majores nostri, ubi primum turbulentis priorum seculorum temporibus  
successit tranquillitas, Episcopalia Seminaria institui curarunt, in qui-  
bus, sub Episcopi oculis, instruerentur & perpolirentur juniores Clerici,  
qui ad majores Ordines crescerent. Nisi suspecta esset fides illorum Ni-  
cænorum canonum, quos ex Arabico in Latinum sermonem verfos, pri-  
mo Franciscus Turianus, deinde Abrahamus Ecchellenfis evulgarunt, me-  
rito affirmari posset, ejusmodi Seminariorum vestigia fuisse a Concilio Ni-  
cæno delineata: Etenim in *can. qui est 55. apud Turianum, & 59. apud  
Ecchellensem*, jubentur Chorepiscopi, *instituere Ministros, eosque distri-  
buere per ecclesias, & monasteria, & providere, ut disant: ut reddantur apti,  
& idonei ad adificationem monasteriorum, & ecclesiarum, & aliorum locorum,  
qua horum opera indigebunt*; Quæ quidem verba expendens, qui notas huic  
canoni adjecit in *collect. Labbeana tom. 2. pag. 307. ait: Cernitur in hoc canone  
ratio quedam Seminarii Ministrorum ecclesie, seu vestigium quoddam Semina-  
riorum, qua nuper, secundum decretum Synodi Tridentina, instituta sunt.*  
Verum, quod jam Nos animadvertimus nostra *Instit. Eccles. 59. ubi de Se-  
minariis disseruimus*, cum allegatus canon Nicænus non accenseatur nu-  
mero illorum viginti, quos, tanquam Indubios Concilii Nicæni socius,  
universa recipit Ecclesia, nihil certi ex eo colligere possumus. Aliud cer-  
tissimum, & manifestum Seminarii Clericorum vestigium Nobis suppedit-  
tat Concillum Toletanum *II. habitum anno 565. cum cap. 1. decernat: De his,  
quos voluntas parentum a primis infantia annis Clericatus officio manci-  
patis, statim observandum, ut mox cum deonfi, vel ministerio Lectorum  
contraditi fuerint, in domo ecclesie, sub Episcopali presentia, a Pæposito sibi  
debeant erudiri (collect. Harduini tom. 2. col. 1139.) Idem, quod Toleta-  
num *II. constituit Toletanum IV., celebratum anno 633. cap. 4., & rela-  
tum XII.**

tum a Gratiano *can. 1. , 12. , quest. 1.* præcipiens, ut in ædibus ecclesiæ proximis, juniores Clerici educerentur sub cura sanctissimi senis, cujus oculos nec ad momentum effugiant: *Præma est omnis ætas ab adolescentia in malum: nihil enim incertius, quam vita adolescentium: Ob hoc constituendum oportuit, ut si qui in Clero puberes, aut adolescentes existunt, omnes in uno conclave atrii commorentur, ut lubrica ætatis annos, non in luxuria, sed in disciplinis Ecclesiasticis agent, deputati probatissimo seniori, quem & magistrum disciplina, & testem vita habeant.* Concilium vero Vasense 11. anni 529. *cap. 1.*, non unum tantum, in qualibet dioecesi, sed in cujuslibet Parochi domo, Clericorum Seminarium esse jubet, asseritque idem in totius Italix moribus positum: *Placuit, ut omnes Presbyteri, qui sunt in parochiis constituti, secundum consuetudinem, quam per totam Italiam satis salubriter teneri cognovimus, juniores Lectores, quantoscumque sine uxore habuerint, secum in domo, ubi ipsi habitare videntur, recipiant: & eos quomodo boni patres spirituales nutriendos, & salmos parare, divinis lectionibus insistere, & in Lege Domini erudire contendant: ut & filii dignos successores provideant, & a Domino præmia æterna recipiant;* (*collect. Harduin. tom. 2. col. 1105.*)

2 Posterioribus tamen sæculis infrequens est mentio ejusmodi Episcopali Seminariorum, quod ideo evenisse, plerique arbitrantur, quod, illorum loco, passim erecta fuerint Clericorum collegia, intra monasteriorum claustra. At licet Monachi scholas ubique aperuerint, in quibus pueri erudirentur, sicuti narrat Mabillonius in *prefat. ad sæcul. 111. in Act. S. S. Ord. S. Benedicti §. 4.*, & colligitur ex Concilio Aquisgranensi anni 789. *cap. 72.* ubi adolescentes, vel in episcopis, vel in monasteriis, pro ipsorum, vel parentum libito, litteris, atque Ecclesiasticis disciplinis institui, jussit: *Ut schola legentium puerorum fiant, Psalms, notas, cantus, computum, grammaticam, per singula monasteria, vel episcopia discant;* (*tom. 4. collect. Harduin. col. 842.*), attamen, ut idem Mabillonius ibidem *num. 40.* probat, nunquam Sæculares Clerici, intra monasterii septa educandi, bonisque artibus imbuendi, excepti fuere, sed dux diversæ in quolibet monasterio constitutæ erant puerorum scholæ: aliæ interiores, seu claustrales pro Monachis, & pueris, monasterio oblati; aliæ exteriores, & canonice pro Clericis Sæcularibus; Clerici enim vocabantur, quotquot litteris operam dabant, quod testatur Ordericus Vitalis *hist. lib. 3.* inquires: *Rodulphus autem quintus frater, Clericus cognominatus est, quia peritia litterarum, aliarumque artium optime imbutus.* Ejusdem etiam discriminis inter Sæcularium Clericorum, aliorumque, qui se Religioni devoverant, scholas, præter Mabillonium, fidem facit Gerardus Du-Bois in *hist. Eccl. Paris. lib. 11. cap. 7.* ubi *pag. 776.* ait: *Schola illa in primis cepta sunt ad Clericorum institutionem: unde Scholares, Clerici vulgo dicebantur, & eam ob causam scholas erigi, jubent, & Constitutiones Regia, & decreta Conciliorum, locus, & episcopatum, & monasterium designatur, hoc Monachis, illud Clericis.* Quinimo in conventu, ab Abbatibus Franciæ habito, Aquisgrani anno 817. *cap. 42.* expresse

preſſe ſtatutum legimus, ut nullus *Plebejus, ſeu Clericus Secularis* in monaſterio ad habitandum recipiatur, niſi voluerit fieri *Monachus*; Et cap. 45., ut ſchola in monaſterio non habeatur, niſi eorum, qui oblaci ſunt; (tom. 4. collect. Harduin. col. 1231.

3 Quamquam itaque verum ſit, quod aſſerit Thomassinus *de vet. & nov. Eccleſ. diſcipl. part. 2. lib. 1. cap. 102. num. 1.* nimirum, circa annum Chriſti milleſimum, neglecta prout fuiſſe *Episcopalia Clericorum Seminaria*, id tamen non inde contigit, quod Clerici intra monaſteria educarentur, ſed quia ſatius viſum eſt *Episcopis*, ut *Monachorum*, aut *Univerſitatum*, quæ jam ea tempeſtate auctæ & propagatæ erant, ſcholas illi frequentarent; ſed cum poſtea, quod idem Thomassinus ibidem *num. 4.* obſervat, in *Univerſitatibus*, litterarum ſervore, & ſcholarum pompa, pæne oppreſſa langueretur pietas; *Regulares vero Congregationes* ſubalienatæ eſſent ab illa ſtriſtiſſima cum *Episcopis* conjunctione, qua olim ab ipsis totæ pendebant, & quam Clericis omnibus inſpirari avebant *Episcopi*, idcirco de antiquis *Seminariis* reſtituendis cogitatum eſt. *Reginaldus Cardinalis Polus*, cum anno 1556. *Anglicani Cleri reformationem* meditaretur, inter cetera reformationis capita, quæ extant in *collect. Concil. Harduini tom. 10. col. 408.*, juniores Clericos educari juſſit in *Seminariis*, quorum formam cap. 11. expreſſit; uti etiam a Nobis fuit adnotatum in citata noſtra *Inſtit. Eccl. 59.* Formæ autem, quam *Polus* delineaverat, ſummam manum adjecere *Patres Tridentini ſeſſ. 23. cap. 18. de reform.* decernentes, ut a quolibet *Episcopo* prope ſuam *Cathedralem eccleſiam*, aut alio convenienti loco *Collegium, ſeu Seminarium* inſtituatur, ubi Clerici, omnibus liberalibus artibus, & *Eccleſiaſticis* excolantur inſtitutis, cujus quidem decreti executionem urgere non omiſimus in noſtra *epiſtola* *commonitoria* ad omnes *Episcopos*, quæ eſt ſecunda §. 2. *Bullarii noſtri tom. 1.* Ne vero ejusmodi *Seminaria* ex *redituum* defectu, ullo unquam tempore pereant, ſtatuit ibidem *Tridentinum*, ut ex *reditibus Menſæ Episcopalis*, & *Capituli*, & quorumlibet *Beneficiorum* diœceſis, certa pecuniæ ſumma detrahatur, quotannis *Seminario* penſitanda, juxta menſuram, ſeu *taxam*, ab ipſomet *Episcopo* præſcribendam, cum conſilio duorum de *Capitulo*, quorum alter ab ipſomet *Episcopo*, alter a *Capitulo* eligatur, ac duorum item de *Clero civitatis*, quorum quidem alterius electio ſimiliter ad *Episcopum*, alterius vero ad eundem *Clerum* pertineat. Mandavit præterea ibidem *Tridentinum*, ut *Episcopus*, ſingulis annis, rationem *redituum* *Seminarii* ab *Adminiſtratoribus* accipiat, præſentibus duobus a *Capitulo*, ac totidem a *Clero civitatis* deputatis.

4 Hanc porro *redituum* rationem accipiendam in *Synodo* docuerunt *Piaſecci. in prax. Episcop. part. 1. cap. 2. art. 1. num. 11.*, & *Barboſa de offi. & poteſt. Episcop. part. 3. alleg. 93. num. 22.*, ſed cum neque a *Tridentino*, neque ab ulla *Apoſtolica Conſtitutione*, id cautum reperiatur, verius exiſtimamus, liberum eſſe *Episcopo* prædictæ *adminiſtrationis* rationem,

extra Synodum exposcere, nisi peculiaris cujusque dioecesis consuetudo ferat, ut illa in Synodo reddatur. Quoniam autem prædicatorum Auctorum opinio occasionem Nobis præbuit, de Episcoporum Seminariorum, eorumque curæ deputatis hic loquendi, inopportunum non erit nonnulla sacre Congregationis Concilii decreta, præfatos Deputatos respicientia, simul conglomerata hic referre.

5 In Oſcen. anni 1585. lib. 4. decretor. pag. 84. hæc habentur: *Alias sacra Congregatio ad interpretationem decreti cap. 18. sess. 23. censuit; Episcopum Oſcen. cum consilio Deputatorum teneri tam circa institutionem, disciplinam, & mores Clericorum, quam circa temporalium rerum administrationem providere: sufficere tamen, quod Episcopus hujusmodi consilium requirat, eorumque consilio adhibito, posse Episcopum statuere & deliberare, quæ pro prudentia sua magis expedire judicaverit; exactionem vero, quæ fit pro Seminario, ad solum Episcopum pertinere.*

6 In Nullius, anni 1595. lib. 8. decretor. pag. 97. ita legitur: *Sacra Congregatio censuit, omnes quatuor Deputatos, de quibus agitur in cap. 18. sess. 23. adhibendas esse in consilio, in administratione rerum ipsius Seminarii, præterquam in compulsionibus ad portionem Seminario debitam, cujus facultas ad solum Episcopum spectat.*

7 Instante Capitulo Salernitano, plures quæstiones discussæ, & decise fuerunt in eadem sacra Congregatione, quæ habentur lib. 6. decretor., pag. 22. & seqq.: *Primo, an duo Canonici, electi ab Archiepiscopo ad constituendam educationem puerorum Seminario, possint pro libito Archiepiscopi mutari. Secundo, an eorum consilium adhibendum tam in constituendis regulis universaliibus Seminario, electione singulorum puerorum introducendorum, electione Magistrorum, librorum legendorum, Confessoris, punitione discolorum, expulsiōe, visitatione, & similibus. Tertiò, an alii quatuor sint deputandi in consilio tantummodo in taxatione, contributione fructuum ex unione Beneficiorum, ut in aliis difficultatibus, ob quas Seminario instructio, vel conservatio impediretur, aut perturbaretur, an etiam in exactione, & temporalium administratione tam dicti Seminarii, ut puta, deputatione, vel expulsiōe Ministrorum, & famulorum temporalium, expensis quotidianis provisionis bladorum, quam etiam Bonorum quorumcumque, & reddituum ipsius Seminarii, etiam ex Beneficiis unitis, ut puta locutionibus, concessionibus, aliisque contractibus, litibus. Quarto, an hi quatuor Deputati sint perpetui, vel etiam amovibiles, servata in eorum electione ratione Concilii, & dicta electio spectet ad Capitulum. Et quæsitæ. Sequuntur responsiones: Ad primum, non posse amoveri, nisi ex legitima causa. Ad secundum in omnibus his esse adhibendum. Ad tertium, teneri Episcopum adhibere Deputatorum consilium, tam circa institutionem, disciplinam, & mores, quam temporalium rerum administrationem. Ad quartum, esse perpetuos.*

8 In causa Fundana Deputationis Officialium Seminarii, 26. Martii 1689. disceptato sequenti articulo: *An Episcopus patuerit, & possit deputare Rectorem, aliosque Officiales Seminarii, absque consilio Deputatorum a Capitulo.* Responsum

Responsum fuit *Negative*; & examinato subinde altero dubio: *An Episcopus in revisione, & solidatione computorum dicti Rectoris debuerit sequi consilium Deputatorum*. Responsum fuit: *Teneri adhibere consilium, sed non sequi* (lib. 39. decretor. pag. 129. & seqq.) His coherent responsa ab eadem sacra Congregatione data in Tricaricen. Administrationis Seminarii 24. Martii 1736.

9 Verum, quod diximus, Seminarii Rectorem esse ab Episcopo constitutendum, cum Deputatorum consilio, limitationem patitur, quoad Seminarium, quæ legitima auctoritate, tradita sint curæ, & regimini alij, cujus Ordinis Regularis, sub expressâ conditione, ut ejusdem Ordinis Prælato integrum sit, quem maluerit, sui Instituti Religiosum in Seminarii Rectorem eligere, & deputare. Ita accidit Romæ, ubi cum, juxta Tridentinæ statuta, Clericorum Seminarium a Pio IV. erectum fuerit, & suppositum jurisdictioni, ac tutelæ Cardinalis, in Urbe Vicarii, ejus cura, & actualis administratio commissâ est Præposito Generali, & Presbyteris Societatis Jesu, quod legere est in *Constit. 134. Urbani VIII. §. 4. Bullar. rom. 5.* Dubitaverant nonnulli ex iisdem Religiosis, an, sine violatione proprii Instituti, sua sibi esset, curam acceptare Seminarii, quod Episcopi subit jurisdictioni; sed pervolutis S. Ignatii Regulis, perpenisquæ suarum generalium Congregationum decretis, nihil inventum est, quod prædicto regimini suscipiendo adversaretur, modo tamen deputatio Rectoris, aliorumque Religiosorum, qui Seminarii præsent regimini, & discipline ad Præpositum Generalem pertinent, quod a Congregationibus generalibus, secunda scilicet sub S. Francisco Borgia, quarta sub P. Claudio Aquaviva, & duodecima sub P. Carolo de Nojelles fuit declaratum: *Omnes Nos movere fugebamur Secretarii sacre Congregationis Concilii, Episcopus civitatis Conceptionis, in America Meridionali, se plurimum adlaborasse, retulit, ut Clericorum Seminarium, ad Tridentinæ normam, in sua erigeret dioecesi, sed vel nullum, vel exiguum sane fructum, ex illius jam prosopiedem absolvenda erectione sperare, nisi ejus cura demandaretur Patribus Societatis Jesu; cum difficile esset, homines sæculares inibi invenire, ad Clericos, in doctrina, & pietate, imbuendos, & Seminarium rite administrandum idoneos: actum fuit de hac re in Congregatione habita die 13. Junii 1722., & deliberatum, dandum esse Episcopo, quam poscebat, facultatem, ita tamen, ut Seminarium sit sub patrocinio, protectione, & subjectione Episcopi, ejusque alumnus nominentur ab Episcopo, quemadmodum habetur tom. 2. *Theſaur. Resolut. pag. 191.* Sub iisdem legibus, alia quoque Episcoporum Seminarium, aliorum Regularium gubernio reperiuntur commissâ: Cura siquidem Seminariorum civitatis Albani, & Senogallie tradita est Clericis Regularibus, Scholarum Pharus nuncupatis; & Nos ipsi Seminarii nostri Bononiensis regimen dedimus Clericis Regularibus S. Pauli, vulgo *Barnabitis*, non amotis quidem Deputatis, qui, juxta enunciatas Tridentinæ sanctiones, Seminarii disciplinæ, atque administrationi invigilent, sed eorundem auctoritate, intra certos limites coercita.*

## CAPUT XII.

*De nonnullis monitionibus, in Synodo faciendis.*

1 **C**lerici constituti in Minoribus, nullum possidentes Ecclesiasticum Beneficium, nisi Clericalem habitum, & Tonsuram deferant, aualique adimpleant conditiones, quas Tridentinum *sess. 23. cap. 6. de reform.* exposcit, Fori privilegio non gaudent, quemadmodum idem Tridentinum ibidem sancivit. Possunt tamen iidem Clericales vestes, quas dimilerant, resumere, & amissum Fori privilegium, hac ratione recuperare; modo tamen id non fiat in fraudem, & nisi ab Episcopo fuerint illo, per sententiam, privati: potest quippe Episcopus Clericum, qui habitum deseruit, ut illum resumat, monere, & si ter monitus non paruerit, potest per sententiam declarare, eum excidisse Clericalibus privilegiis, neque ad ea, quibus jam sponte, per habitus dimissionem, se abdicavit, esse deinceps admittendum; qua sententia prolata, etiamsi Clericales vestes iterum induere, propria auctoritate, præsumat, ad Fori privilegium non restituitur.

2 His positis, quæ summatim hic indicata, uberius a Nobis inferius exponuntur, putarunt nonnulli, posse Episcopum in sua Synodo universim edicere, ut Clerici, qui Clericalem habitum dimittunt, nisi intra trimestre, numerandum a die, quo illum deponunt, iterum eundem resumant, statim, & illico Clericalibus excidant privilegiis; neque illis profuturum, si trimestri elapso, denuo habitum suscipiant: trinæ enim monitioni, quam privationis sententiam præcedere debere diximus, hanc unicam declarationem, in Synodo factam, æquivalere, autumant Panimoll. *decis. 41. num. 18. & seqq.* Monacell. *in formul. legal. pract. tom. 2. tit. 15. formul. 5. num. 3.*

3 Verum, quamvis hæc monitio, seu declaratio in Synodo laudabiliter fiat, ad incutiendum terrorem Clericis contumacibus, sicuti reipsa in pluribus Synodis eam factam vidimus, inutilis tamen est ad inducendam statim privationem, quam comminatur: quoniam, etiam hac generali monitione præmissa, in singularibus casibus necessario conficiendus erit judicialis processus, super transgressione, & contumacia ejus, qui Synodali decreto non obtemperavit, ac propterea fieri nequit, ut, alio ordine judiciario non servato, illa sola declaratio vires habeat, quempiam privandi jure resumendi habitum, quo ceteroquin potiretur.

4 Præterea juxta Constitutionem 18. san. mem. Gregorii XV. Episcopus, una cum Prælati Regularibus, intercessit, & præsidere potest electionibus Abbatisfarum, quæ præficiendæ sunt monasteriis iisdem Regularibus subiectis, in cujus Constitutionis sequelam, a sacris Urbis Congregationibus decisum est, debere Regulares futuram electionem Abbatissæ Episcopo denun-

denuntiare, & si Episcopus dixerit, se velle per se, vel per alium eidem electioni interesse, teneri Episcopi adventum, usque ad præfinitum tempus, expectare. Jam vero, ne Episcopus gravetur onere, suam voluntatem, singulis vicibus, manifestandi, eidem consulunt Doctores, ut semel in Synodo generatim declaret, se uti velle facultate, a Gregorio XV. sibi facta, & quarumcumque Abbatissarum, quantumvis exemptarum, electionibus semper, & quodocumque interesse: hac enim declaratione semel in Synodo emissâ, ligari Regulares, ne, Episcopo inconsulto, Abbatissarum electionibus præsidere valeant, perinde ac si in singulis specialibus casibus, fuisset Episcopi voluntas expresse iisdem significata, recte probat Monacell. in *formul. legal. tom. 3. pag. 187.*

5 Multa, quæ controversias spectant inter Episcopos, & Prælatos Regulares, quoad electiones Abbatissarum, his subjectarum, sæpius excitatas, legi possunt in folio sacræ Congregationis Concilii, habitæ die 26. Aprilis 1727., a Nobis, ejusdem Congregationis Secretarii munus tunc obeuntibus, exarato, & edito a Bartholomæo Liverzani *Theaur. Resolut. tom. 4. pag. 47.*



## L I B E R V I.

DE CONSTITUTIONIBUS IN DIOECESANA  
SYNODO EDENDIS, EARUMQUE  
CONSCRIBENDARUM METHODO.

## C A P U T I.

*Summa statuendorum in Dioecesis Synodis.*

**R**EM nedum difficilem, sed plane impossibilem aggredieremur, si in animo Nobis esset, cuncta sigillatim exponere, quæ in Dioecesis Synodis constitui possint: innumera quippe sunt mala, quæ in hanc, aut illam dioecesim irrepere queunt, quibus, opportunis Constitutionibus, sit occurrendum: cumque non eadem sit omnium locorum indoles, non iidem ubique hominum mores, non eadem in omni loco simul inolefcent morum corruptelæ, nequeunt omnes leges cuicumque loco, & tempori congruere, sed quod unius dioecesis status hic, & nunc decernendum suadet, alteri dioecesi, si ibidem statueretur, inopportunist, inutile, & quandoque etiam noxium accideret, quod, inferius afferendis exemplis, ostendemus. Solum itaque generatim asserimus, debere Episcopum in sua Synodo constituere, quæ ad vitia coercenda, virtutem promovendam, depravatos populi mores reformandos, & Ecclesiasticam disciplinam, aut restituendam, aut fovendam, necessaria & utilia esse judicaverit. Ut autem facilius remedia parare valeat, quæ ingravescentibus in dioecesi morbis medendis sint apta, expedire videtur, ut ante Synodum, a Vicariis Forancis, Parochis civitatis, Monialium Confessariis, aliisque probis, & prudentibus viris sciscitetur, quænam, eorumdem judicio, in dioecesi, præcipue quoad administrationem Sacramentorum, verbi Divini prædicationem, dierum festorum cultum & observationem, videantur corrigenda, & emendanda; in Congregationibus vero, quæ Synodo præmitti solent, Theologos, & Canonistas, doctrina, pietate, ac prudentia præditos, de modo consulat, quo inolefcentes abusus suaviter simul, & efficaciter eradicari possint. Has omnes diligentias a Præsule Bonaventura, Episcopo Montis Falisci, & Corneti, præmissas suæ Synodo Dioecesanæ, ut uberem ex illa fructum commissæ sibi dioecesis perciperet, deprehendimus ex ordine ejusdem Synodi, a Francisco Gervasio typis edito anno 1719. Eisdemque in omni Dioecesanæ Synodo adhibendas, sancitum est in celeberrima Synodo Provinciali Coloniensi, habita anno 1536. ab Archiepiscopo Hermannno, annoque 1544. typis Venetis excusa, & evulgata;



gata; in ea liquidem *part. 14. cap. 18. (collect. Harduin. tom. 9. col. 2028.)* ubi sermo est de Synodo Episcopali, hæc habentur: *In his ergo Conciliis... apud Metropolitana, Cathedralium, Collegiatarum, monasteriorumque Prælatos, Et præsertim Archidiaconos, ac quos vocamus Decanos rurales, qui vocati sunt in partem sollicitudinis Episcopalis, per Vicarium nostrum in Pontificalibus, ac Officiale disquisitio diligens fiat: Et qua ex illorum iudicio reformatione opus habere comperientur, communi consilio emendentur:* Hanc Coloniensem Synodum, saluberrimis sane, atque utilissimis Constitutionibus refertam, cum laudis significatione commemoramus, at non eandem laudem attribuere possumus ejusdem Præsidi Hermannò, qui turpiter postea ad Lutheranos defecit, eaque de causa suit a Paulo III., per judicalem sententiam, Coloniensi Archiepiscopatu exturbatus, uti narrat Cardinalis Pallavicinus in *hystor. Concil. Trident. lib. 5. cap. 14. num. 2. Et 3. lib. 7. cap. 1. num. 1. Et 2. Et lib. 9. cap. 13. num. 1.*

2 Opus est etiam, ut Episcopus sanctissima Concilii Tridentini decreta, summorumque Pontificum Constitutiones, sacrarum Urbis Congregationum sanctiones, suorumque Prædecessorum statuta diligenter expendat, cum ut eorum inhæreat vestigiis, tum ut videat, an illa excitata, iterumque inculcata satis sint ad compescendos abusus, quibus oblitescere exoptat: non enim necesse est, ut, in qualibet Synodo, novæ semper condantur leges, sed quandoque expedit, antiquas tantum instaurare, earumque insisterè observationi, quod, inter ceteras, fecisse comperimus Joannem Episcopum Trecorensem, in sua Synodo, quam habuit anno 1423. relata in sæpius cit. *Thesaur. nov. anecdot. Martene, & Durand tom. 4. col. 1129.* ubi ait: *Communi utilitati, Et grato regimini gregis nobis commissi intendere cupientes, nihil de novo, præter unum inferius descriptum ad præsens statuentes sed potius laudabilibus statutis Prædecessorum nostrorum, infra designatis, Et per nos mature advisatis inherentes, ipsa statuta dictorum Prædecessorum nostrorum, inferius per rubricas adnotata, Et per nos ex multis aliis extracta, Et alia, quæ de jure procedunt, laudamus, Et approbamus, ipsaque, juxta eorum formas, Et tenores, volumus, Et precipimus, a subditis nostris inviolabiliter observari.*

3 Quoniam igitur specialia decreta, quæ fieri oporteat, Episcopis suggerere non possumus, eosdem monemus, ut scopum, ad quem Synodi colliment, studiose perpendant; inde enim facili negotio assequantur, quæ hic, & nunc specialiter sanciri debeant. Ut porro finis, quem Synodi respiciunt, magis magisque eorum menti infideat, & oculis observetur, præter ea, quæ libro 1. capit. 2. retulimus, alia subnectimus, illustrium Antistitum alloquutiones, & monita, eorum Synodis plerumque præmissa, quibus diserte causas explicarunt, propter quas illas coegerunt.

4 In Constitutione edita a Leone X. in Concilio Lateranensi dicitur, Synodos cogi, ut depravata corrigantur, quæ verba expendens Erasmus Chokier in tract. de *jurisdictione in exemptis, tom. 2. part. 1. §. 18. num. 206.*

ait: *Episcopalis Synodus instituta est quatuor ex causis, & quibus unam hic designat Pontifex: primo, ut depravata corrigantur: secundo, ut ignorantibus instruantur: tertio, ut regula morum, statutaque formentur: quarto, ut quæ in Provinciali Synodo decreta sunt, in Episcopali publicentur.*

5 In Pontificali Romano sub tit. de ordine ad Synodum ita Episcopus præsentibus alloquitur: *Venerabiles Consecratos, & Fratres nostri carissimi, præmissis Deo precibus, oportet, ut ea, quæ de Divinis Officiis, vel sacris Ordinibus, aut etiam de nostris moribus, & necessitatibus Ecclesiasticis a nobis conferenda sunt; cum charitate, & benignitate unusquisque vestrum suscipiat, summaque reverentia, quantum valet, Dominum adjuvante, percipiat, vel quæ emendatione digna sunt, omni devotione, unusquisque fideliter studeat emendare.*

6 Initio statutorum Synodaliū Ecclesiæ Aduensis anni 1299., quæ referuntur tom. 4. *Thesaur. nov. anecdot. Martene, & Durand. col. 480.* hæc leguntur: *Quia humana natura de facili prolabitur ad delicta, expedit, ut homini mox appetitus fruetur, & tigeat legalibus Confirmationibus, & præceptis, ut declinet prohibita, & permissa sequatur. Eod. tom. 4. col. 522. & seqq. extant Synodalia statuta Ecclesiæ, & diocesis Andegavenſis, ab Episcopo Harduino anno 1423. edita, in quorum præfatione hæc Episcopus loquitur: Cura Pastoralis officii, & suscepti regiminis nos instanti pressat aculeo, tanto velocius ad subditorum nostrorum culpas, & morum correctionem assurgere, quanto eas damnabilis deferemus in correctas. Et postquam diocesis sue vitia, & corruptelas, longa oratione est prolecutus, lic tandem præfationem absolvit: Hinc est, quod nos præmissorum consideratione debitum officii nobis commissi exaquentes, vitia extirpare, virtutesque inferere, ac saluti, & periculis animarum subditorum nostrorum, & nostra providere cupientes, ne sanguis eorum de manibus nostris in districti Iudicis examine requiratur, plurimorum scientificorum, pravorum, & honestorum virorum docti consilio, prohibitiones, monitiones, ordinationes, & statuta, quæ sequuntur, fecimus, constitimus etc.*

7 In amplissima collectione veterum Scriptorum, & monumentorum, edita a citatis Martene, & Durand tom. 7. col. 1225. referuntur statuta Synodalia Ecclesiæ Ambianensis, condita anno 1464., in quorum initio, hæc leguntur: *Cum solum illud bene actum censeatur, quo vitia hominum corriguntur, nullique dubium existat, quin ex decretis, & legibus, statutis, consuetudinibus humana coercantur audacia, & appetitus nocuus ad juris tramitem reducat; ideo nos subditorum nostrorum mores in melius reformare cupientes, nonnulla statuta decrevimus promulganda.*

8 Episcopus Audomarensis, in Synodo Dioecesana, anni 1583. causam allegans, cur Synodus quotannis cogatur, ait: *Quadam sunt ita communia mala, ut diocesim unam integram obsideant, nec facile possint, nisi communi consilio, & auxilio eorum omnium, qui in diocesi sunt, extirpari. Ad hæc congruis, & una eadem diocesis, eodem modo, & eisdem unis legibus unitur sa regatur. Quare recte a Patribus, & nominatim a Tridentinis statutum est, ut præter particulares Ecclesiarum visitationes, quotannis citra Synodi Dioecesanæ celebrationem*

celebrentur, in quibus congregatis totius diocesis capitibus omnibus, statuatur ea, qua pro communi totius diocesis bono statuenda videri possint, & caveatur, ne qua bene constituta sunt, temerentur.

9 Sanctus Carolus Borromæus in præfatione ad Synodum Dioecesanam Mediolanensem undecimam, quam habuit anno 1584. (part. 2. *Act. Eccl. Mediol.* pag. 399.) Quoniam, inquit, præcipua quadam capita sunt, in quibus exequendis longe languidiori studio actum, aut fortasse crebrius peccatum est (id quod ex speculatione nostra Archiepiscopali, quam in visitatione, aliisque munere præstare debemus, hoc ipso præsertim anno, animadvertimus), ideo, ut prospiciamus, atque adeo caveamus, ne quid ex eo detrimenti jam instituta disciplina ratio, progressuque patiat, volumus his nostris monitis assiduam eorum executionem excitare, eandemque explicationibus augere, atque adeo ob oculos ponere, quo distinctius, & clarius, ob eamque rem facilius, & commodius in executionis usum ab iis ipsis, quorum interest, inducantur.

10 Similia passim occurrunt in aliorum Episcoporum Dioecesanis Synodis, quæ scopum indigitant, ad quem Synodales Constitutiones collinere debeant. Hunc præ oculis habeat Episcopus, ad illum suas dirigat Constitutiones, & rem totam conficiet, quam ex crebra Synodorum celebratione Ecclesia intendit.

## CAPUT II.

*Qua methodo, quoque sermonis stylo conscribenda sint  
Synodales Constitutiones.*

1 Nil peculiare dicendum occurrit de methodo, qua sint exarandæ Synodales Constitutiones, nisi quod in memoriam revocetur monitum Isidori *lib. 2. etymolog. cap. 10. relatum cau. 2. dist. 4.*, ubi inter ceteras conditiones, quas in lege requirit, has etiam exposcit, nimirum, ut sit necessaria, utilis, loco, temporique conveniens; Haud enim imitatione dignos putamus illos Episcopos, qui ut methodum retineant, quam a suis Prædecessoribus servatam vident, innumeras confarcinant, neque necessarias, neque utiles, neque temporis accommodatas Constitutiones; non animadvertentes, sapienter utique eas conditas fuisse a suis Prædecessoribus, utpote maxime convenientes ætati, qua suas celebrarunt Synodos; hodie vero, mutatis rerum circumstantiis, esse prorsus supervacaneas. Inter quamplurimas Dioecesanæ Synodos, quas pervolvimus, Synodum etiam percurramus, anno 1609. habitam ab Anastasio Germonio, Archiepiscopo Tarantasiensi, cujus Constitutiones distributæ sunt, juxta ordinem titularum Decretalium: ideo autem hanc methodum Germonius elegit, ut suo Clero aliquod saltem specimen daret juris Pontificii, cujus plerisque prorsus jejunos, & ignaros deprehenderat: At si quis vellet eandem methodum sectari, ubi juris Canonici studium viget, & scientia

emicat, superfluis certe, atque inutilibus Constitutionibus suam replet Synodum, & potius quam statuta suæ dioecesis indigentis congruentia, novam videretur conficere collectionem juris communis.

2 Synodus coacta ab Antonio Maria Gratiano, Episcopo Amerino, anno 1595., referta est decretis Concilii Tridentini; & laudabiliter sane: Etenim celebrata cum fuerit triginta circiter annis, post absolutum, & confirmatum Tridentinum, necesse fuit, istius saluberrimis functionibus Clerum, & populum imbui; quod ob eandem rationem a S. Carolo Borromæo, in suis tam Provincialibus, quam Dioecesanis Synodis præstitum, ex earumdem discimus lectione. At cum hodie Tridentini decreta vulgæissima sint, frustraneum profecto videretur illa transcribere, atque in Dioecesanæ Synodi Acta intrudere; sed sat erit, eadem innuere, novis functionibus fulcire, earumque observationem urgere. Eadem præterea Amerina Synodus quamplurimis abundat adhortationibus, monitis, & statutis, quæ prudens Episcopus necessaria putavit ad radicis evellendum vitiorum lolium, quod, ob diu intermissam Synodorum coactionem, in suæ curæ concredito Domini agro nimum supercrevisse, compererat. Hanc methodum illis commendamus Episcopis, qui dioecesi præsunt, in qua abusus, & corruptelæ, una cum rerum Divinarum inscitia, adeo altas egerunt radices, ut non facile extirpari queant: oportet enim tunc Synodo inferere congruas instructiones, ad erudiendos indoctos, & Synodales Constitutiones crebris conspergere adhortationibus, quibus earum jugo serendo inuetus populus, ad collum eidem submittendum suaviter inducatur: quinimmo, generatim loquendo, hanc methodum illis etiam Ecclesiarum Præsulibus summopere convenire arbitramur, qui sere nunquam suum Clerum, & populum encyclicis litteris alloquuntur, nec alias Synodos se facile deinceps habituros prævident: ita quippe, in unius saltem Synodi lectione, omnes oves sui Pastoris vocem quodammodo audient, quæque facere, quæque declinare debeant, addiscent. Qui vero sæpius Synodos celebrant, aut frequenter, prout scilicet se obtulerit occasio, encyclicis litteris, commissum sibi gregem pascunt, hortantur, & edocent, satius erit, ut a prolixis instructionibus, in suam Synodum inferendis abstineant, ne secus inutiliter repetant, quæ jam alias edixerunt, rerumque frustra repetitarum multitudine, legentium mentes obruant. Verum cum etiam hæc res ab innumeris pondeat circumstantiis, quas prævidere, & considerare, est impossibile, idcirco liberum relinquitur Episcopo eam methodum, in suis conscribendis Synodaliibus Constitutionibus, seligere, quæ magis ei arriserit, modo nunquam a proposito deviet, prospiciendi salutis animarum,

3 Quod attinet ad sermonis stylum in componendis Constitutionibus servandum, meminisse etiam oportet, quod laudatus Isidorus inculcat, nempe: *Erit autem lex .... manifesta, ne aliquid per obscuritatem in captionem contineat*; ac proinde talibus verbis est concinnanda, quæ omnem excludant

dant ambiguitatem, Conditorisque mentem, ac voluntatem subditis perspicue exhibeant. Estque hæc conditio adeo necessaria, ut quamvis, juxta Suarez *lib. 1. de LL. cap. 11. num. 1.* ad solam pertineat legis perfectionem, non itidem ad substantiam: attamen, si lex verbis ita obscuris sit concepta, ut multiplicem sensum reddat, nec qualem Legislator intenderit, potuerint Interpretes, & Doctores determinare, vim, & efficaciam obligandi eam non obtinere, docent Baldus in *l. Data opera, 11. cod. de his, qui accusare non possunt*, & Everard. *Arg. legal. loco a rubro ad nigrum, num. 7.*; & certe qui in praxi unum ex multis sensibus, quos lex obscura præferret, sequitur, legis violatæ reus, & poenæ obnoxius esse nequit; etiamsi postea, eo rejecto, alius sensus, legitima auctoritate, usuve approbatus sit, vel receptus, *Arg. cap. Cappellanus, 4. de feriis*, ubi Panorm. *num. 6.* Imola *num. 3.* Barbof. *num. 4.* Tanti igitur interest, claris ac manifestis verbis legem adornare, quanti exactam ejusdem executionem obtinere, aditumque occludere tergiversationibus, quibus subditi se valeant excusare a legis observatione. Ceterum dummodo obscuritas, & dubietas in lege evitetur, nihil refert, quo sit exarata stylo. Synodi habitæ annis 1680., 1686., 1692., & 1697. a Guidone de Seve de Rochechovart, Episcopo Atrebatensi, qui, annis amplius quadraginta, eidem Ecclesiæ præfuit, gregemque suum, assidua præsentia fovit, atque a noxiis erroribus, morumque corruptelis, indelessa cura, tutatus est, uti legitur *tom. 3.* Gallix Christianæ Dionysii Sammarthani *rel. 353.*, scriptæ sunt brevi, conciso, & laconico sermone; eundemque styllum imitantur Synodi habitæ a Cardinali Lansfredino, Episcopo Auximano, & Cingulano annis 1734., 1735., & 1736. Exadverso alias multas invenimus Synodos, longo, & asiatico, ut vocant, elucubratas stylo; qui utique rudiorum captui videtur magis accommodatus. Sed etiam in hoc, quilibet abundet in sensu suo, & styllum adhibeat, quem maluerit.

## CAPUT III.

*Quæ utiliter in una, inutiliter in alia Synodo decernuntur, ubi nonnulla de Oblatis, Eremitis, & Gracis degentibus in diocesis Episcoporum Latinorum.*

**A**Udivimus nuper ab Isidoro legem convenire debere loco, & tempore; ex hoc vero illud consequitur, quod jam superius animadvertimus, non posse videlicet certam regulam præscribi, quæ Constitutiones indigitet, in qualibet Synodo edendas; quæ enim uno tempore, atque in uno loco saluberrimæ sunt, alio tempore, alioque in loco incassum renovantur. Rem, uti nos facturos promissimus, nonnullis exemplis illustrabimus.

**a** Pluribus Ecclesiæ sæculis, liberum fuit parentibus, impuberes filios

lios Deo, & monasterio deferre, iisque semel a parentibus oblatis, integrum deinceps non erat, monasterium deferere, atque ad seculum regredi, sine Apostasie nota; quocirca communis adagii loco habebatur canon 49. Concilii Toletani IV.: *Monachum, aut paterna devotio, aut propria professio facit* (tom. 3. collect. Hard. col. 589.): Tantam parentum in filios potestatem, aliqui profluxisse opinantur a veteri Testamento, ubi i. *Regum* cap. 24. legitur, Samuelem, trium annorum puerum, fuisse a matre templo oblatum: alii eam referendam autumant ad antiquas Romanorum leges, per quas tantum parentibus in suos liberos adstruebatur dominium, ut jus vitæ, ac necis in istos haberent, summaque urgente necessitate, possent eosdem in servitium vendere, sine redemptione, quemadmodum constat ex l. 1. tit. 3. lib. 3. cod. Theodof., & ex l. 10. tit. 47. lib. 8. cod. Justinian. Quamquam autem Christianorum Imperatorum leges ejusmodi enormem parentum in filios potestatem multum coercuerint, facultatem nihilominus illis reliquerunt, de suis liberis, quamdiu essent impuberes, pro arbitrio disponendi, excepto dumtaxat mortis, & servitutis negotio, uti habetur in l. unie. tit. 15. lib. 9. cod. Theodof. Verum, quæcumque fuerit origo prædictæ consuetudinis, quam usque ad seculum XII. perseverasse, ex epistola i. S. Bernardi ad Robertum nepotem, atque ex epistola Siberti ad Rodolphum, Abbatem S. Trudonis, colligit Coultant in *epist. decretal. Regn. Pontif.* tom. 1. col. 317., certum est, quod quamdiu ea in Ecclesia vixit, fere omnia Concilia aliquid decrevere, de pueris, & puellis, a parentibus monasterio oblatis, uti, inter cetera, Aurelianense V. anni 549. can. 19. (tom. 2. collect. Hard. col. 1447.), Matisconense l. anni 581. can. 12. (tom. 3. collect. Hard. col. 452.), Toletanum X. anni 656. can. 6. (ibid. col. 980.); At postquam ea disciplina obsolevit, ineptum plane foret, de iisdem Oblatis in Synodis verba fieri.

3 Quemadmodum porro diversitas temporum facit, ut in hodiernis Synodis, nihil statuendum occurrat, de impuberibus filiis, a parentibus monasterio oblatis, ita locorum diversitas efficit, ut in aliqua Synodo prudenter, atque utiliter, in alia vero imprudenter, & inutiliter de alio agatur, adhuc extante, Oblatorum genere. Alii quondam fuerunt, & alicubi etiam nunc sunt, monasteriorum Oblati, de quibus Mabillonius in *præfat. ad sec. vi. in Act. SS. Ord. S. Benedicti* num. 92., & Carolus Du-Cangius in *glossar. verb. Oblati monasteriorum*, homines scilicet, qui se, suaque omnia in monasterii usum conferunt, ejusdemque monasterii Prælati, ad omnia obediunt: Ejusmodi autem Oblati, qui etiam *Denati* appellantur, habitum quidem assumunt a Sæcularibus paululum diversum, seque monasterio tradunt, sub certa verborum formula, nulla tamen sole-mni professione se obstringunt; quocirca Religiosi vere non sunt, nec matrimonii valide contrahendi incapaces: simplex quippe castitatis votum, si quod forte in prædicta oblationis formula, quæ, pro monasteriorum diversitate, est diversa, contineatur, impedit utique matrimonium contrahen-

trahendum, sed contractum non dirimit, uti ad rem ponderant Regens Tapia in *Auth. Ingressi*, v. *Sua*, cap. 10. num. 6. Covarr. in cap. *Alma mater*, part. 2. relect. §. 2. cap. 8., Navarrus consil. 81. l. edit. num. 15. de *Regular.*, Fagnanus in cap. *De privilegiis*, de *privilegiis*, num. 30., Lezana oper. *moral.* tom. 1. part. 2. cap. 8. & 9., ubi formulam refert, quam recitant Oblati, Ordinis S. Hieronymi, Rocca tom. 2. disput. jur. cap. 140., ubi expendit formulam oblationis mulierum, sacras ingredientium redes, nuncupatas S. S. *Virginis Dolorum* de Urbe, Donatus tom. 1. rer. *Regular.* part. 2. tract. 13. de *Oblatis Religiosorum*, quest. 6. per tot. Rota in *Romana Majoratus*, & *primogenitura de Casaritis* 16. Junii 1698. §. *Siquidem electis*, coram *Lancesta*.

4. Quamvis vero prædicti Oblati Religiosi non sint, attamen si omnia Bona sua, ne minima quidem eorum parte, neque quoad proprietatem, neque quoad usumfructum, sibi reservata, absque fraude, & dolo, in monasterium contulerint, & habitum aliquammodo mutaverint, censentur persone Ecclesiasticæ, gaudentque privilegio Fori, atque immunitate, ab exactionibus secularibus, uti colligitur ex cap. *Per exemptionem*, de *privileg.* in 6., ubi Bonifacius VIII. statuit: *Per exemptionem ecclesie concessam, ipsa ecclesia, & ipsius Monachi, vel Canonici, Clerici etiam, & Conuersi, perpetuoque Oblati ..... intelliguntur exempti*; atque ex Clem. 1. de *Decimis*, in qua Clemens V., postquam declaravit, teneri Regulares, Decimas persolvere de animalibus familiarium, & pastorum suorum, addit: *Ceterum premissa extendi volumus ad animalia, quæ per Religiosorum ipsorum Donatos, seu Oblatos tenentur, dum tamen illi Religiosis eisdem cum effectu donaverint, aut obtulerint se, & sua*, quas Constitutiones recte perpendunt Fagnanus in cit. cap. *De privilegiis*, num. 25. & seqq. & Barbosa in eod. cap. num. 43. Ut vero subtrahantur etiam ab Episcopi jurisdictione, solique subdantur Prælato Regulari, non solum necesse est, ut prædictas impleant conditiones, juxta apertam decisionem Alexandri III. in cap. *Cum & plantare*, §. de *privileg.* De *Confratribus* (hoc nomine Oblatos appellat) hoc constitimus, ut si non se prædictis Fratribus omnino reddiderint, sed in suis proprietatibus duxerint remanendum, propter hoc ab Episcoporum sententia nullatenus eximantur, sed potestatem suam in eos, sicut in alios Parochianos suos exerceant, cum pro suis fuerint excessibus corrigendi, verum etiam, jure novissimo Tridentini sess. 24. cap. 11. de *reform.* requiritur, ut actû Religionis inserviant, cujus sunt Oblati, secus, etiamsi ab aliis conditionibus non deficiant, Episcopali Foro remanent obnoxii. Ad arcendas autem dissensiones, super prædicta Oblatorum exemptione, sæpe inter Potestatem secularem, & Episcopos excitatas, accuratissimum decretum olim editum fuit a sacra Congregatione Concilii, in quo singule enumerantur qualitates, quibus præstare debent Oblati, ut habeantur pro personis Ecclesiasticis, atque ad istius decreti normam, omnes deciduntur quæstiones Oblatorum immunitatem spectantes; alia præterea ab eadem sacra Congregatione emanarunt decreta, quibus definitum est, quando nam iidem Oblati, etiam a Foro Episcopali prorsus subtrahantur,

trahantur, & quando-nam tam Episcopi, quam Prælati Regularis coercionis subjaceant. Primum decretum refertur a Cobell. *ad bullam Boni Regiminis cap. 50. num. 142.* Passerino *de hominum statu tom. 2. quest. 187. art. 4. num. 225.* Barbof. *cit. loc.*, & suse explicatur a laudato Fagnano. Alia decreta sunt a Nobis indicata, & expensa, in quadam causa Anglonen., sa cræ Congregationi propofita, 15. & 29. Januarii 1724., de qua *tom. 3. Theſaur. Refolut. pag. 5. & 11.*

5 Jam autem Episcopus dioecesim administrans, ubi plures degunt Oblati, sapienter sane enuntiata decreta in suam Synodum inferet, aut illis conformes novas promulgabit Constitutiones; At, si in dioecesi ejusmodi Oblati non reperiantur, Constitutiones ad eosdem pertinentes Synodi paginas inutiliter replerent. Idemque judicium ferendum est, de Synodalibus statutis feminas respicientibus, quæ vulgo *Beata, Beguina, Tertiaria, & Bizocha* appellantur; ubi enim ejusmodi seminarum copia invenitur, prudenti certe consilio, aliquid de iis, earumque vivendi ratione, in Synodo decernitur; laudabiliter quoque poterunt certæ regulæ designari, in earumdem admiffione ad *Beguiinarum* habitum, servandæ, quæ jampridem a sacra Congregatione Concilii præscriptæ suere, & interius a Nobis referentur: Ast ubi, aut nullæ, aut raræ sunt semine, quæ *Beguiinarum* amplectantur Institutum, nemo non videt, supervacaneum esse, de illis in Synodo pertractari.

6 A Religionum Oblatis ad Eremitas progredientes, aliud ad rem nostram appositum, ab istis desumimus exemplum. Quatuor sunt Eremitarum genera: Alii tria substantialia nuncupant Religionis vota, in aliqua ex Religionibus, a Sede Apostolica approbatis, quales sunt Eremitæ Camaldulenses, qui propterea sunt veri Religiosi: Alii a votorum nexu soluti, in aliqua Congregatione degunt, ab Episcopo approbata, modumque vivendi ibidem tenent, ab eodem Episcopo præscriptum; & isti, licet Religiosi vere non sint, interdum tamen, cum aliqua impropriate sermonis, *Religiosi* vocantur: Alii sunt Eremitæ, qui nec Religionem professi, neque ulli adscripti Congregationi, habitum Eremiticum ab Episcopo accipiunt, ejusdemque auctoritate, alicujus ecclesiæ addiuntur servitio: Alii demum sunt, qui pro suo libito, Eremiticas vestes induunt, neque ullius ecclesiæ, legitima auctoritate, alligati servitio, solitariam vitam eligunt. Ex his quatuor Eremitarum speciebus, de quibus a Nobis actum est in *nostro Opere de Canonizat. Sanctor. lib. 3. cap. 35. num. 15.* secunda, & tertia ordinariæ subsunt Episcopi potestati; Eremitæ vero quartæ speciei, utpote qui inter personas Ecclesiasticas non numerantur, Fori privilegio non gaudent; absolum quippe videretur, ut quis pro suo arbitrio, se a laicali eximeret jurisdictione, cui erat antea obnoxius, quemadmodum recte considerant Fermosinus in *cap. Nullus, de Foro competent. quest. 15. num. 1. & 2.* Fagnanus *ibid. num. 63.* Corziada *decis. Catal. tom. 3. decis. 137. num. 61.* Diana in *oper. coordinat. tom. 9. tract. 2. refolut. 174.* alique



aliique passim; licet tamen Episcopo eos compellere, ad habitum dimittendum, vivendique rationem deferendam, quam propria auctoritate suscepunt. Hanc potestatem in sua Synodo exeruit Episcopus Gerundensis, prohibens, sub poena excommunicationis, ne quis, sine Episcopi decreto, audeat Eremiticas vestes assumere, uti legitur apud Romaguer. *lib. 3. tit. 15. cap. 1. 2. 4. & 5.*; Severiores etiam leges, adversus eosdem Eremitas, tanquam apes sine Rege, uti Doctores loquuntur, huc illuc discurrentes, tulit clar. mem. Cardinalis Portocarrero, Archiepiscopus Toletanus, in sua Toletana Synodo, *lib. 3. tit. 13. Constitut. 4.* Nihil igitur est, quod a similibus Constitutionibus condendis alios detineat Episcopos, qui ejusdem generis vagos Eremitas, in sua habent dioecesi. Jure pariter poterunt leges sancire, alios complectentes, secundæ, & tertie speciei Eremiticolas; puta edicere, se nulli in posterum veniam daturum solitarie vivendi, cujus mores sibi non fuerint antea bene perspecti, aliorumque testimonio comprobati, quod laudabiliter sancitum legitur a Cardinali Carolo Barberini, in sua Synodo Farfensi, atque a Cardinali Cybo, in Synodo Ostiensi, & Veliterna, habita anno 1699. *tit. 35.*; ea siquidem solitarie vivendi ratio, adeo periculosa est, ut Hieronymus in *Threnorum comment. cap. 3.* eligendam asserat *a solis vere, & non ex parte perfectis*, & Synodus Venetica anni 1665. *can. 7. (tom. 2. coll. 7. Harduin. col. 797.)* ne Monachis quidem illam permittendam censuerit, *nisi forte probatis, post emeritos labores*: multoque magis decet, ut Episcopus in Synodo regulas præscribat, ab Eremitis religiose servandas, quod itidem a præfatis Cardinalibus diligenter præstitum vidimus. Ex pluribus autem, quæ circumferuntur Eremitarum regulis, optimæ sunt, quæ habentur in appendice ad Concilium Romanum *pag. 257.*, a san. mem. Benedicto XIII. concinnatæ, atque in eodem Concilio *tit. 22. cap. 2.* singulis Episcopis propositæ, & commendatæ, ut ad earum normam suos dioecesanos Eremitas vivere cogant. Has igitur recte Episcopus suæ Synodo adjunget, earumque observationem, ut in eodem Concilio Romano cautum est, *præfice promovebit*. Verum hæc, ut quilibet videt, solis aptantur dioecesibus, quas aliquot incolunt Eremitæ, neutriquam vero aliis, a quibus absunt; quamobrem qui istarum regimini præficiuntur Antistites, oleum & operam perderent, si vano pruritu voluminosam conficiendi Synodum, Constitutiones, & regulas in illam ingererent custodiendas ab Eremitis, qui ceteroquin in nullo suæ dioecesis angulo existunt.

7 In aliquibus dioecesibus, uti etiam superius dictum est, una cum Latinis, commorantur Catholici, Græci ritus, eidem Latino Episcopo omnes subiecti, cui propterea laudi adscribetur, si in sua Synodo proscribat errores, & insectetur abusus, si qui forte in prædictos Græcos irrepperint: Ita se gessit Cardinalis de Torres, Archiepiscopus Monris Regalis in Sicilia, qui in Dioecesana Synodo interdixit Italogræcis, suam habitantibus dioecesim, usum *Synaxarii*, quod recitare

solebant, post lectionem sextam Sabbati, ante Dominicam Sexagesimæ, eo quod in eo contineretur error, a Catholica Ecclesia jamdiu damnatus, de animabus in cælum non recipiendis, neque ad æternas ablegandis poenas, ante diem Judicii: Vetuit præterea, ne iidem recitarent Officium impii Gregorii Palamæ, Archiepiscopi Thessalonicensis: censuraque perstrinxit quasdam acclamationes, quibus plaudebant eidem Palamæ, ac scelestissimo Photio Pseudo-patriarchæ Constantinopolitano, Auctori Schismatis Græcorum; Quæ quidem Synodalia Cardinalis de Torres decreta referuntur a Joanne de Joanne *in tract. de Divinis Officiis Sæculorum* cap. 11.: Neque idcirco Cardinalis ordinariæ suæ potestatis limites est prætergressus; quamvis enim nequeat Episcopus quæstiones definire, ad Fidei doctrinam pertinentes, non tamen prohibetur, ne aut in Synodo, aut extra Synodum, cavendos jubeat errores, jam ab Ecclesia proscriptos, quod colligitur *ex cap. Ad abolendam, de Hereticis*, notatque Gonzalez *in cap. Vestra*, num. 3. *de locato, et conducto*. Commendandi igitur erunt etiam alii similium Ecclesiarum Præsules, si suam curam & studium impendant, ut Græcorum, quibus præsumt, præcidant errores, depravatosque mores corrigant: At ubi nulli sunt homines Græci ritus, wideretur aerem verberare Episcopus, qui in sua Synodo de illis sana doctrina, informandis, se valde sollicitum ostentaret.

## CAPUT IV.

*Aliis exemplis demonstratur, non omnes Constitutiones omni Synodo aequè congruere, ubi multa de Judeis degentibus in terris Christianorum.*

I **A** Multis Christiani orbis regionibus, uti in Hispania, & Lusitania, Judei coguntur perpetuo exulare; in aliis autem libere habitare permittuntur: ab omni temporali ditione Romanæ Ecclesiæ jussi sunt abesse, excepta Roma, & Ancona, per Constitutionem 110. S. Pii V., quæ incipit *Hebræorum* (tom. 4. part. 3. Bullar. pag. 57.) & quamquam Sixtus V. per alias litteras in forma Brevis, datas die 22. Octobris 1586., inter cetera privilegia Hebræis concessa, potestatem eisdem secerit, domicilium figendi, in quolibet loco temporali Ecclesiæ dominio subiecto, hæ tamen Sixti V. litteræ revocatæ postea fuere a Clemente VIII. Constitutione quæ incipit *Ceca, et obdurata*, qua iterum Hebræi expulsi sunt e terris Ecclesiæ, exceptis dumtaxat Roma, Ancona, & Avenione: cumque, sub eodem Clemente VIII. ad Ecclesiam Romanam devolutus fuerit Ducatus Ferrariensis; & subinde, sub Urbano VIII. Ducatus Urbinatenus, venia data est Hebræis domicilium retinendi, quod antea habebant, in aliquot istorum Principatuum locis.

2 Quibus præmissis, facile erit cuilibet dijudicare, quibusnam locis statuta convenient, certum Christianis præsinentia modum, cum Hebræis

con-

conversandi: illis quippe in regionibus, in quibus Hebræi stabilem sedem habent, omnino expedit, ut Episcopi in suis Synodis nimiam coerceant Christianorum cum illis consuetudinem, jurisque communis sanctiones, summorumque Pontificum instaurent, huc respicientia decreta, quæ ad eorumdem Episcoporum commodum, conglomerata proferimus. *In cap. Judæi, 5. de Judæis* prohibentur Christiani cum Hebræis cohabitare, & contravenientes subjiuntur excommunicationi: quo vero exactius huic præcepto fieret satis, atque nimia evitaretur familiaritas Christianorum cum protervis Hebræis, quam omnes antiqui Ecclesiæ Canones detestantur, præcipue *can. 50. Concilii Eliberitani (tom. 1. collect. Hard. col. 255.)*, *can. 40. Concilii Agathensis (tom. 2. collect. ejusd. col. 1002.)*, *can. 15. Concilii Epauensis (ibid. col. 1049.)*, *can. 15. Concilii Matisconensis I. (tom. 3. ejusd. collect. col. 453.)*, jussit Paulus IV. *in sua Constit. 4. §. 1. (tom. 4. part. 1. Bullar. pag. 321.)*, ut in locis ditionis Ecclesiasticæ, in quibus degere permittuntur Judæi, habitare debeant in loco separato, & clauso, atque a Christianorum ædibus penitus sejuncto. Ne vero cum Christianis confundantur, decrevit Innocentius III. *in cap. In nonnullis, 15. de Judæis*, ut in qualibet Christianorum provincia, habitum deserant a Christianis diversum; in cujus decreti executionem Concilium Ravennatense anni 1311. *rub. 23. (tom. 7. collect. Hard. col. 1370.)* Judæos portare statuit in pannis superioribus certum signum, scilicet rotam panni crocei coloris: & mulieres eorum in capite; Eodemque fere signo eosdem, a Christianis distingui, voluerunt Patres Concilii Albienensis, anni 1254. *can. 65. (tom. cit. ejusd. collect. col. 468.)*, Nemaufensis anni 1284. *tit. de perfidis Judæis (ibid. col. 936.)*, & Avenionensis anni 1326. *can. 57. (ibid. col. 1514.)*; Paulus vero IV. *in laudata. Constit. §. 3.* ab Hebræis masculis semper deferendum constituit biretum glauci coloris, a feminis vero aliud signum potens, ita ut nullo modo celari, aut abscondi possit; & licet ab illius signi delatione Pius IV. *in Constit. 57. (tom. 4. part. 2. Bullar. pag. 105.)*, iter facientes absolverit Hebræos, ejus tamen Constitutio rescissa fuit a S. Pio V. *in sua Constit. 10. §. 3. (tom. 4. part. 2. Bullar. pag. 286.)*, atque a Clemente VIII. *in cit. Constit. 19.* Ne porro Judæi publicis præstentur officiis, vetitum est ab Innocentio III. *in cap. Cum sit 16.*, atque a Gregorio IX. *in cap. 18. de Judæis*: ne iidem Fiscalia, ac vectigalia conducant, atque a Christianis exigant, interdictum jam fuerat a Synodo Regiaticina anni 850. *can. 20. (tom. 5. collect. Hard. col. 30.)* iterumque sancitum a Gregorio IX. *cit. loc.*: ne ad suos lactandos filios Christianas nutrices adhibeant, cautum est *in cit. cap. 8. & cap. 13. de Judæis*, atque a Gregorio XIII. *in sua Constit. 131. §. 11. (tom. 4. part. 4. Bullar. pag. 6.)*: Christianis autem non licere, aut, accepta mercede, servitium suum Judæis assidue impendere, habetur *in cit. cap. 5., 8., & 13.*, aut ad suas curandas infirmitates, Judæum Medicum arcessere, liquet *ex cit. Constitutione 3. Pauli IV., & Constit. 129. Gregorii XIII. (tom. 4. part. 4. Bullar. pag. 1.)*; quinimmo a Synodo quinisexta *can. 11. relato a Gratiano*

quest. 1., XVIII., can. 13. anathemate percelluntur Laici, & depositionis poena decernitur in Clericos, qui ad suam, sive tuendam, sive recuperandam valetudinem, Judei Medici opera uruntur. Aliæ plurimæ Ecclesiæ functiones, hanc materiam spectantes, congestæ sunt a Cardinali Sanctorio in suo *Rituale Sacramentorum*, tit. de *Infidelium conversione procuranda*, quibus addenda est Constitutio Clementis XI. incipiens *Propaganda*, in ordine 61. (rem. 10. *Bullar. nov. pag. 64.*), ubi prospicitur indemnitati Hebræorum Christi Fidem complectentium, caveturque, ne Bonis priventur, quæ antea possidebant, neque excludantur a successione, ad parentum hereditatem. In iis itaque diocesis, in quibus licet Hebræis impune commorari, licebit etiam Episcopo prædictas Constitutiones, ne e Fidelium memoria excidant, renovare. Legere etiam idem poterit nostram Epistolam, nuper datam ad Archiepiscopum Tarfensem nostrum in Urbe Vicegerentem, in *secundum totum nostri Bullarii prædium edendum insere-dam*, in qua ex communi Theologorum doctrina, probavimus, Hebræorum infantes baptizandos non esse, invitis parentibus, nisi ex occurrant peculiares circumstantiæ, quas recenset S. Thomas 2. 2. *quest. 10. art. 12. Et 3. part. quest. 68. art. 10.*, eaque occasione, non pauca allegavimus sacrarum Urbis Congregationum decreta, ad eandem rem pertinentia, e quibus excerpere poterit Episcopus, suæque Synodo attexere, quæ opportuna judicaverit, ad suum edocendum gregem, si quem habeat Hebræis permixtum.

3 Verum, quod plus negotii interdum facessit Episcopis, est matrimonium ab Hebræis in Infidelitate contractum, & consummatum, de quo disputatur, an & quando, per conversionem alterutrius conjugis ad Christianam Fidem, dirimatur. Certum est Infidelium conjugium, ex privilegio in Fidei favorem, a Christo Domino concessio, & per Apostolum Paulum 1. ad *Corinth. cap. 7.* promulgato, dissolvi, cum conjugum alter Christianam Fidem amplectitur, renuente altero, in sua Infidelitate obdurato, cohabitare cum converso, aut cohabitare quidem volente, sed non sine contumelia Creatoris, hoc est non sine periculo subversionis conjugis Fidelis, vel non sine execratione sanctissimi nominis Christi, & Christianæ religionis desipientia; ex hoc vero fit, integrum non esse conjugii converso, transire ad alia vota, prius quam Infidelis interpellatus, aut absolute recusaverit cum eo cohabitare, aut animum sibi esse ostenderit, cum illo quidem cohabitandi, sed non sine Creatoris contumelia, uti colligitur ex celeberrima Decretali Innocentii III. in *cap. Quanto, de divortii*, notantque Sanchez de *matrim. lib. 7. disp. 74. num. 12.*, Salmaticenses tract. 9. de *matrim. cap. 4. num. 48.*, Cardinalis de Lauræa de *matrim. disp. 16. num. 198.*, Clericatus de *Sacram. matrim. decis. 11. num. 24.*; At quandoque evenit, conjugem Infidelem in longinquas abiisse regiones, aut ita latitare, ut interpellari nequeat, & tunc dubitatur, an interpellatione omiffa, fas sit converso alias inire nuptias. Affirmant plerique, quibus addi-pulantur

pulantur Sanchez *cit. loc. num.* 14., Genuensis *in prax. Cur. Archiep. Neapolit. cap.* 27. *num.* 20., Riccius *in prax. part. 1. resolut.* 241.; alii exadverso, inter quos Pontius *lib. 7. de matrim. cap.* 48. *num.* 22., in eo rerum statu, necessariam putant dispensationem summi Pontificis, cujus est declarare, in quibus nam circumstantiis debnat obligare præceptum Divinum, quo prædicta interpellatio, ante resolutionem matrimonii, videtur injuncta; atque huic posteriori sententiæ in quadam causa Florentina discussa 17. Januarii 1722., adhæsit sacra Congregatio Concilii, cujus judicio Nos omnia subjecimus rationum momenta, quæ a dissidentibus inter se Doctoribus, in utramque partem afferuntur, uti legere est *tom. 2. Thesaur. Resolut. par. 117. & seqq.* Nec Sedes Apostolica difficilem se præbet eam petentibus dispensationem, quam urgens causa suadeat concedendam: etenim, sicuti in præfata causa Florentina animadvertimus, Gregorius XIII. locorum Ordinariis, Parochis, & Presbyteris Missionariis Societatis Jesu, in Angola, Æthiopia, & Brasilia degentibus, potestatem fecit dispensandi cum quolibet conjuge, qui Christianæ religioni nomen dedit, ut novum possit matrimonium inire, omissa interpellatione alterius conjugis Infidelis, quem constat legitime interpellari non posse; & Nos ipsi, ad Petri Cathedram evecti, facultatem concessimus Apostolico Nuntio, Venetiis commoranti, ut in simili rerum eventu, possit ab ejusdem interpellationis onere relevare conjuges conversos, existentes in loco pio Cathæcumenorum, ejusdem civitatis Venetiarum, quod habetur *in nostra Constit. 111. nostri Bullar. tom. 1.*

4 Sed alia hinc oritur controversia, de temporis momento, quo rescindatur fœdus connubii, de quo est sermo: plerique Doctores sentiunt, interpellato conjuge Infideli, eoque, aut expresse abnuente legitime cohabitare cum Fidei, aut intra terminum, sibi in interpellatione præfixum, nihil respondente, dissolutum statim censi vinculum conjugii, quo erant ambo constricti: alii arbitrantur, tunc primum dirimi, cum conjux conversus alteras nuptias contrahit; ab istius autem controversiæ decisione, alterius pendet enodatio difficultatis, de qua non semel contingit, in Ecclesiasticis Foris disputari. Fingite, Titium Hebræum Christianam Fidem amplecti; postquam fuit Baptismate ablatus, uxorem suam Næviam, quam in Judaismo pertinacem reliquit, interpellat, an velit secum cohabitare, sine Creatoris contumelia; Næviam aut expresse renuat, aut intra præfixum sibi temporis intervallum, nihil respondeat: aliud deinde matrimonium cum Hebræo viro contrahat Næviam, Titius autem Christianus celibem statum eligat: Fingite rursus, post aliquot annos, Næviam, cum suo secundo viro, ad Christianam Fidem converti, colente adhuc Titio celibaturo; gravis statim excitatur quæstio, an Næviam redire debeat ad Titium suum primum virum, an potius permanere cum secundo. Hujus autem quæstionis decisio ab alia pendet, quam antea proponebamus: Etenim si matrimonium Titii cum Næviam rescissum fuit, statim ac Næviam

Nævia interpellata rennit cum Titio legitime cohabitare, uti opinantur Doctores primæ sententiæ, valide profecto potuit eadem Nævia alteri se copulare viro, cum quo propterea perseverare debet, etiam cum ambo Christianorum Sacris sunt initiati; at si matrimonium, in Infidelitate contractum, tunc solum dissolvitur, quando conjux conversus aliud conjugium init, uti existimant Doctores secundæ sententiæ, cum Titius, in casu, aliam non duxerit uxorem, illegitimum certe fuit novum matrimonium a Nævia, nondum a priori vinculo soluta, contractum, atque idcirco cum Christianam Fidem amplectitur, tenetur ad primum virum redire. Verum cum res contigerit Florentiæ anno 1726., & de ea disceptaretur in sacra Congregatione Concilii, Nos, pro nostro, quod tunc gerebamus, Secretarii munere, dissertationem elucubravimus, qua luculenter offendimus, ex enuntiatis sententiis, posteriorem esse, tam inter antiquos, quam inter recentiores Theologos, & Canonistas, fere communiter receptam, ex quo conclusimus, virum Hebræum, de quo res erat, quique cum secunda uxore, quam, juxta præmonstratum casum, duxerat, Baptismum petebat, post illud susceptum teneri redire ad primam, jampridem Christianam factam, & adhuc perseverantem inuaptam; & sacra Congregatio ne latum quidem unguem a nostra sententia recessit, eoque libentius eam est amplexata, quod, Nobis pariter suggerentibus, compererit, ita, consentientibus Theologis, in consilium adhibitis, fuisse ab eadem definitum anno 1679., & 1680., in simili casu, qui Florentiæ quoque evenerat; quæ omnia legenda sunt in *Thesaur. Resolut. tom. 3. pag. 346. & 352. ac seqq.*

5 Alter ejusdem causæ articulus, sacre Congregationis discussioni tunc quoque propositus, indecisus remansit: querebatur itidem, an saltem jus esset summo Pontifici, primum matrimonium, in Infidelitate contractum, & consummatum, suprema sua auctoritate relaxandi, veniamque concedendi conjugii, tardius ad Fidem converso, ut, in prædictis rerum circumstantiis, posset cum secunda uxore permanere. Opportuna etiam de hac, longe utique graviori, questione, fuit a Nobis exarata dissertatio, quæ extat *tom. 4. cit. Thesaur. Resolut. pag. 30. & seqq.*, in qua plures allegavimus Doctores, hanc potestatem Pontifici asserentes, simulque contententes, eam reipsa exercuisse, S. Pium V., & Gregorium XIII., sicut in cit. dissertatione fuisse habetur, sed sacra Congregatio satius duxit, a sententia ferenda se abstinere, quoniam, etiam data Pontifici potestate rescindendi prius vinculum conjugii, in Infidelitate contracti, nihilominus, quod Nos sacre Congregationi insinuare non prætermisimus, merito dubitabatur; num ex adessent gravissimæ causæ, quæ necessariæ sunt, ut per Apostolicam dispensationem dirimatur.

6 Itaque Episcopus diocesis præsidens, in qua, ob admixtionem Christianorum cum Hebræis, interdum casus occurrant, de quibus differuimus, utiliter de iisdem sermonem instituet in sua Synodo: salubriter in ea formam

nam inferet interpellationis a conjuge converso, alteri faciendæ, in sua persistenti perfidia, quam formulam integram refert Clericatus *cit. loc.*; prudenter denique suis Parochis doctrinam tradet, a sacra Congregatione Concilii approbatam, secundum quam dijudicare debeant, an, & quando, per conversionem alterutrius conjugis ad Christianam Fidem, alter in Infidelitate relictus libertatem nanciscatur a vinculo matrimonii, quo erat obstrictus. Severe autem prohibebit, ne maritus Hebræus ad Fidem conversus mittat ad uxorem in sua persistentem Infidelitate libellum repudiij, juxta ritum Judaicum, ut hac ratione det illi libertatem transeundi ad alia vota: Hunc enim detestabilem abusum, Judaica utique superstitione infectum, Nos proscripsimus, nostra Constitutione, quæ incipit *Apostolici ministerij*, edita die 16. Septembris 1747. in 2. tomum nostri Bullarii inferenda. Frustra vero, & incassum hæc constituerentur, aut pertractarentur in Synodo diocesis, a qua Hebræi coguntur perpetuo exulare, nec proinde unquam in ea casus eveniunt, de quibus hæctenus.

## CAPUT V.

*Quæ in præcedenti capite dicta sunt, novo confirmantur exemplo, communicationis videlicet Catholicorum cum Hæreticis in Divinis.*

**Q**UANTUM Ecclesia abominata fuerit Catholicorum cum Hæreticis consortia, plane liquet ex epistola secunda Apostoli Joannis, in qua *vers. 10.* discipulos suos in hunc modum admonuit: *Si quis venit ad vos, & hanc doctrinam non affert, nolite recipere eum in domum, nec Ave ei dixeritis; qui enim dicit illi Ave, communicat operibus ejus malignis; & insuper ex epistola Apostoli Pauli ad Titum cap. 3. vers. 10. Hæreticum hominem, post unam, & secundam correptionem devota. Quocirca idem Apostolus Joannes, ut ceteris suo præiret exemplo, noluit cum Cerintho Hæretico, in eodem balneo lavari, sed dixit ad Collegas: Fugiamus ocius, ne balneum, in quo est Cerinthus veritatis adversarius, exemplo corrumpat, uti Irenæus, Hieronymus, atque Epiphanius testantur; sui que Magistri exemplo edoctus S. Polycarpus, Smyrnenfis Episcopus, obvium, & salutantem Marcionem, nec resalutare ausus, reposuit: Cognosce primogenitum Diaboli; hujus autem disciplinæ adeo tenax fuit Magnus Antonius, ut de eo scribat Athanasius in *vita num. 68. (tom. 1. part. 2. oper. pag. 847.)* Cum Meletianus schismaticis nunquam communicavit, compertam habens eorum ab initio malitiam atque defectionem. Nec cum Manicheis unquam, aut aliis quibuscumque Hæreticis amice collocutus est, nisi admonendi causa; ut mutata sententia *piam* sectarentur Fidem, ratus eorum amicitiam & colloquia animi damnare atque perniciosum esse: quod item alios monebat; eandem prohibitionem instaurarunt innumeri Ecclesiæ Canones, sed potissimum insistere, ne Catholici cum Hæreticis communicarent in rebus sacris, neve eorumdem frequentarent con-*

conventus : inter Apostolicos Canones, XLV. al. XXVII. statuit : *Episcopus, Presbyter, & Diaconus, qui cum Hæreticis oraveris tantummodo, communionem privatur, & LXV. al. LXIV. vel LVII. Si quis Clericus, aut Laicus, ingressus fuerit in synagogam Judæorum, vel Hæreticorum, ad orandum, deponatur, & segregetur* : Similem in modum Synodus Laodicensis, can. IX. ex versione Dionysii Exigui ( tom. I. collect. Hard. col. 782. ) decrevit : *Quod non permittantur Ecclesiastici ad Hæreticorum cœmeteria, vel ad ea quæ ab eis martyria appellantur, orationis causa vel sanitatis, accedere : sed hujusmodi, si Fideles fuerint, certo tempore communionem privari* : & rursus can. XXXIII. *Quod non oporteat cum Hæreticis, aut Schismaticis pariter orare*. Et Concilium Carthaginense IV. can. LXXXI. ( tom. I. collect. Hard. col. 983. ) quem laudat Augustinus, in sermone ad populum Cæsariensem, ait : *Cum Hæreticis nec orandum, nec psallendum*. Hinc Cyrillus Hierosolymitanus catech. IV. num. 37. Catecumenum suum præcipue odisse jubet omnia perfidorum Hæreticorum conventicula ; idemque monent ceteri Patres, quos adducit Christianus Lupus in *sebol. & not. ad can. Concil. tom. 4. pag. 129. & seqq.*

2 Et nihilominus ea est misera nostrorum temporum conditio, ut multis in provinciis, in quibus hæreses, aut dominantur, aut grassantur impune, duram Catholici subeant necessitatem, cum Hæreticis conversandi, & familiariter agendi ; verum quamvis, juxta præsentem disciplinam, inductam a Martino V. in celebri Extravag. *Ad evitanda* ( de qua nonnulla inferius ) liceat Catholicis cum Hæreticis, modo non sint expresse, & nominatim denunciati, libere conversari, & cum iisdem communicare, in rebus mere profanis, & civilibus ; non idcirco tamen arbitrari debent Catholici, fas quoque sibi esse cum iisdem Hæreticis consortium habere, etiam in rebus sacris, & divinis : siquidem Paulus V., post maturam rei discussionem, nequitquam licere definivit Catholicis Regni Angliæ, Hæreticorum templa adire, ritibusque interesse, quos inibi exercent, uti legere est in duobus decretis, ab eodem Pontifice editis, uno scilicet anni 1606., altero anni 1607., quæ referuntur a Cardinali de Lauræa in 3. sent. part. 2. tom. 3. disp. 11. art. 9. §. 4. num. 292. Haud equidem ignoramus, non deesse Theologos, ab omni culpa absolventes Catholicos, qui cum Hæreticis, & Schismaticis, nominatim non denunciatis, communicant in Divinis, atque etiam Sacramenta ab iisdem recipiunt, dummodo hæc simul concurrant rerum circumstantiæ : primò, scilicet ut ad prædictam communicationem Catholicos adigat gravissima, & urgentissima causa : secundò, ut Hæretici, aut Schismatici, a quibus Sacramenta exposcunt, sint valide ordinati, ut Sacra administrent, ritu Catholico, absque ulla admixtione ritus damnati : tertio, ut communicatio cum iisdem in Divinis non sit externa protestatio falsi dogmatis, qualis erat ingressus in Protestantium ecclesias, cum Catholicis Angliæ illum inhibuit Paulus V. : ideo quippe Regis edicta omnes adire jusserant Hæreticorum templa, ut tali pacto se cum Protestantibus sentire faterentur ; quarto, demum,



demum, ut Catholicorum cum Hæreticis communicatio in Divinis, nulli scandalum ingerat; verum in primis prædicta Theologorum sententia suos habet adversarios, neque ab omnibus admittitur, tanquam in praxi secura: deinde, ea etiam admissa, cum omnes enumeratæ circumstantiæ, simul & conjunctim adesse debeant, ut Catholicorum cum Heterodoxis, in rebus sacris societas omni vacet culpa, quemadmodum docent Silvius in 3. part. S. Thomæ, tom. 4. quest. 64. art. 6. *quæsit. 3. conclus. 3.* Cardinalis de Lugo de Fide diff. 22. sect. 1. num. 111., Thomas a Jesu tract. de omnium gentium salute procuranda, lib. 8. part. 2. §. 4. *vers. Sed major est difficultas* pag. 556. Cardinalis Albitius de inconstantia in Fide cap. 18. num. 30. & seqq. Cardinalis Gottus in 2. 2. S. Thomæ quest. 4. dub. 6. §. 3. num. 2. & quest. 3. de Infidelibus comparare ad Fideles, dub. 3. §. 2., idcirco fere impossibile est usvenire, ut a flagitio excusari valeant Catholici, sese in rebus sacris, cum Hæreticis, vel Schismaticis admiscentes; quamobrem sacræ Urbis Congregationes, sancti Officii videlicet, & de Propaganda Fide, illicitam semper reputarunt communicationem, de qua est sermo, doctamque concinnarunt instructionem, Nobis in minoribus tunc degentibus qualemcumque nostram operam navantibus, ad Missionarios, cum opus fuerit, transmittendam, ubi rationes expenduntur, propter quas, vix unquam accidere potest, ut in praxi sit innoxia Catholicorum cum Hæreticis communicatio in Divinis.

3 In Divinis porro cum Hæreticis communicant Catholici, qui cum iisdem sese matrimonio jungere non dubitant: Etenim cum matrimonium unum sit, ex septem Ecclesiæ Sacramentis, a Christo Domino institutis, idem est matrimonium cum Hæretico contrahere, ac unum, idemque Sacramentum, una cum eodem, vel conficere, si nimirum ipsimet contrahentes sint talis Sacramenti ministri, quod magis communiter opinantur Scholastici, vel saltem percipere, si scilicet, quod alii, præsertim ex recentioribus Theologis autumant, illius minister sit solus Sacerdos: utrumque autem, & illicitum, & sacrilegum esse, nemo dubitat: Quare Ecclesia iisdem fere legibus, quibus Christianis interdixit, ne connubia inirent cum Infidelibus, Catholicos pariter a sacrilegis nuptiis cum Hæreticis contrahendis, deterruit: Concilium Laodicenum can. 10. ( tom. 1. collect. Hard. col. 784. ) ait: *Quod non oporteat indifferenter Ecclesiasticos fudere nuptiarum Hæreticis suis filios filiasque conjungere;* Agathense can. 67., relato a Gratiano XXVIII. q. 1. can. 16.: *Non oportet cum Hæreticis miscere connubia, & vel filios, vel filias dare, sed potius accipere, si tamen proficiantur Christianos futuros esse se, & Catholicos;* Concilium Chalcedonense can. 14. Lectoribus, & Cantoribus, inter inferiores Clericos interdicit: *Hæretico, vel Pagano, vel Judæo se conjungere, nisi forte promittas se ad orthodoxam Fidem persona Orthodoxa copulanda transferre;* hæc vero sanctiones roboravit Bonifacius VIII. in cap. *Decretis, de Hæreticis* in 6., ubi dote privandum statuit mulierem, quæ scienter viro hæretico nupserit. Iis igitur in provinciis,

Tom XII.

Ff

in qui-

in quibus ejusmodi conjugia, non sine sacrorum Canonum contemptu, passim celebrantur, debet Episcopus, in sua præsertim Synodo, ab illis, in propriarum animarum perniciem contrahendis Catholicos absterre, quod Nos faciendum ediximus in *nostra Constitutione* 34. §. 3. *nostri Bullar. tom. 1.* : præcipue quoque Episcopalis muneris partes erunt, maxima Catholicis denuntiare pericula, quæ tam ipsis, quam nascituræ soboli, ex præfatis imminent nuptiis, quæ propterea cohonestari nequeunt, obtentu folius consuetudinis (verius corruptelam dicerent) nisi ea amoveantur pericula, quod tamen vix evenire posse, recte notant Layman *Theolog. moral. lib. 5. tract. 10. part. 4. cap. 14. num. 2.* Piringh *ad tit. de sponsal. & matrim. num. 166.* Reiffenstuell *ibid. num. 360.* Engel *ad tit. de matrim. contract. contra interdict. Eccles. §. 2. num. 2.* Gobat *Theolog. experim. tract. 9. cap. 11. num. 216.* Nicolaus Serarius *in opus. de Catholicorum cum Hæreticis matrimoniis*, Van-Espen *J. E. p. 2. tit. 13. cap. 8. num. 9.* alique passim.

4 Curam insuper idem subibit Episcopus ritus nuptiarum, quæ a Catholicis celebrantur, in locis Hæretico Principi subjectis; ut enim legibus pareant, ab eodem Principe latis, poenalque evadant transgressoribus inflicta, coguntur alicubi Catholici, matrimonium inter se contracturi, a Catholicum Ministellum adire, suumque in conjugium consensum, coram eo præstare; dubitatur autem an id, sine piaculo fieri queat. Certum utique est, ita initum matrimonium, viribus carere, si inibi publicatum fuerit Tridentini decretum *cap. 1. sess. 24. de reform. matrim.*, nec consentientes, veros conjuges fieri, nisi, sive antea, sive postea, juxta præscriptam a Tridentino normam, matrimonium celebraverint, coram alterutrius contrahentium legitimo Parocho, aliove Sacerdote, Parochi vices gerente, & duobus testibus: Sed difficultas tantum est, an postquam Tridentini sanctioni sunt obsequuti, aut ad eadem postea obsequendum sunt parati, licite possint etiam legibus Patriæ obtemperare, & coram Heterodoxo Ministello se sistere. Negat Lessius *in arch. cas. 24. V. Hæreticorum conversatio*, ejusque opinio verisimilis esset, si Hæreticus Ministellus adhiberetur, tanquam persona sacra, quæ sacram caeremoniam intenderet exercere, ac per eam sanctitatem tribuere contractui matrimoniali; tunc siquidem viderentur Catholici eum agnoscere tanquam legitimum Christi Ministellum, ritumque hæreticum approbare, & profiteri: Verum, cum plerumque res aliter se habeat, illeque Catholicorum matrimoniis solum assistat, tanquam Minister mere politicus, neque virtute verborum, quibus conjugibus bene apprecatur, ullam credat sanctitatem accedere eorum conjugio, quod Sacramentum esse, nostri temporis Hæretici communiter inficiantur, rectius idcirco se eidem sistentes Catholicos, ut patriæ legibus morem gerant, graviaque evitent incommoda, quæ secus sibi imminerent, a culpa excusant Joannes Veriuy *in suo Pastoral. tract. 13. art. 7.*, Ardekin *Theolog. tripartita tom. 2. p. 2. tract. 4. de matrim. cap. 8. §. 2. num. 17.*, La Croix *lib. 6. p. 3. de matrim. num. 775.*

Piette

*Pietæ quæstion. Theologiar. p. 6. pag. 441.* In hac quoque sententia fuit sacra Congregatio sancti Officii, quæ hanc quæstionem diligenter, uti solet, examinavit, & die 29. Novembris anni 1672. in eum qui sequitur modum, definivit: *Catholici qui matrimonio juncti sunt coram Parocho, & testibus Catholicis in pluribus locis (ita invaluit consuetudo) silent coram Ministro Hæretico, seu Protestante rursus conjungi, ad evitanda gravia damna; neque potest consuetudo hac a Clero corrigi. Peccant ne? Et qui peccato Catholici, sic denno conjuncti, coram Ministro Hæretico? Et quomodo se gerere debeat erga illos O. dinarius loci? Sacra Congregatio respondit: Quatenus Minister assistat matrimonio Catholicorum, uti Minister politicus, non peccare contrahentes. Si vero assistat, ut Minister adductus Sacris, non licere, & tunc contrahentes peccare mortaliter, & esse monendos.*

5 Huic sacre Congregationis sententiæ nostram Nos auctoritatem adjecimus, in nostra Constit. 89. §. 10. nostri Bullar. tom. 1., ubi Fidelibus degentibus in regno Servix, finitimisque regionibus, interdiximus, ne, matrimonio inter se, Catholico ritu, celebrato, illud renovare præsumant coram Caddi; nostram tamen interdictionem, hac temperavimus limitatione, nisi scilicet nuptiarum cæremonia explenda, coram Caddi, actus sit mere civilis, nullamque contineat Mahumetis invocationem, aliudve superstitionis genus includat. Hujuscemodi decreta in unum collecta, & disertius explicata juste ac sancte, præcipuum locum occupabunt in Synodo, si quæ fiat ab Antistite, seu Vicario Apostolico, cui concredita sit cura Fidelium, loca incolentium, Hæretico Principi subiecta; quinimmo oportebit eidem Synodo adjungere instructionem, qua solerter edoceantur Fideles, prædictam civilem cæremoniam, coram Hæretico Ministello explendam, vires, & firmitatem non tribuere conjugii Catholicorum, quibus propterea abstinendum erit ab omni conjugali consuetudine, nisi suas nuptias coram Ministro Catholico, & duobus testibus rite celebraverint. Inepte autem similes instructiones intruderentur in Synodum Diocesis, ab Hæreticorum regionibus quam longe distant.

## CAPUT VI.

*Recens subortus in diocesi abusus necessariam interdum reddit Constitutionem, qua in alia forte Synodo redundaret: ubi de obligatione imposita Pœnitenti nomen aperiendi Complicis in peccato.*

1 **N**E improba usurpatione dissimulatio in deterius convalescat, & fiat de consuetudine regula, quæ non veniat ab ipsa, quæ literis mandata est disceptata, uti ad Episcopos, in Toletana Synodo constitutos appositè scripsit Innocentius I. epist. 23. num. 2. (tom. 1. collect. Hard. col. 1023.) quantocius sane præcidendus est abusus, qui sub specie severioris, & sanctioris disci-

discipline. eam labefactat, quæ ab Ecclesia est tradita, veramque Sacramentorum sanctitatem contaminat. Rem enarrabimus, quæ non diu antea contigit. Concilium Tridentinum *sess. 14. can. 7.* anathematè perstringit asserentes, non esse in sacramentali Confessione necessario aperiendas circumstantias, mutantes speciem peccati; an autem etiam sint necessario aperiendæ, quæ inter eandem speciem, notabiliter aggravant peccatum, litigant quidem Theologi, sed Cathecismus S. Pii V. *tit. de conditionibus, & circumstantiis ad Confessionem requisitis*, S. Carolus Borromeus in *instrucl. Sacerdotum Affor. Eccles. Mediol. part. 4.*, pluresque Synodi Episcopales, quas profert Genettus *Theolog. moral. tom. 4. tract. 6. de sacram. Pœnit. cap. 6. q. 3.*, etiam istas manifestandi gravem obligationem in Pœnitente agnoscunt, quod etiam inter Theologos docent Suarez *de Fœnit. diff. 22. sect. 3.* Henriquez *de Pœnit. lib. 2. cap. 7. num. 6.* Thomas Sanchez in *Summ. lib. 2. cap. 32. num. 39.*, & *lib. 4. cap. 11. num. 24.* Gonet. *diff. 10. art. 3.* Salamant. *tract. 6. cap. 8. punct. 2.* Baron. *contra Amad. disp. 2. sect. 3.*, aliique ab his citati: Cavere nihilominus debet Confessarius, ne occasione, seu prætextu exquirendi a Pœnitente peccati, quod confitetur, circumstantias, eundem inducat ad pandendum nomen Complicis, hoc est personæ, cum qua peccatum illud perpetravit: Etenim, quidquid sit; quando liceat Pœnitenti sui criminis socium libere & sponte Confessario revelare; certum tamen est, raro evenire posse, ut liceat Confessario Complicis nomen a Pœnitente sciscitari, multoque minus ad illud sibi patefaciendum eundem obligare. Et nihilominus haud ita pridem rumor ad Nos pervenit, aliquot sacramenti Pœnitentiæ Ministros, sussultos quorundam Theologorum, aut falsa, aut male intellecta doctrina, coepisse, non solum a Pœnitentibus Complicis nomen exquirere, sed ad illud sibi aperendum, locumque insuper designandum, ubi is habitaret, eosdem adigere, denegata renuentibus alterutrum manifestare Sacramentali absolutione; hujus vero perniciosæ praxis, hanc præferebant causam, videlicet, ut ipsi Complicem postea corripere, atque ita in ejus tantum utilitatem hujusmodi uterentur revelatione. Verum Nos gravia considerantes mala, quæ inde necessario consequebantur; Proximi enim lædebatur fama; arcum sacramentalis Confessionis sigillum periclitabatur; absterrebantur Fideles a suis culpis Confessario, integre, prout ceteroquin opus est, manifestandis; rixæ, & discordiæ diffeminabantur, & tota demum perturbabatur Communitas; idcirco, pro nostro supremi Apostolatus munere, prædictum, tunc primo pullulantem abusum, priusquam inolescere, præfocandum duximus, nostris Apostolicis litteris, quæ habentur *nostri Bullarii tom. 1. pag. 535.*, aliisque duabus posterioribus Constitutionibus *tom. 2. ejusdem Bullarii* propediem edendis.

2 Quod autem faciendum fuit a Nobis, qui omnium Ecclesiarum gerimus curam, non illico fieri decuisset a quolibet Antistite, cui unius particularis Ecclesiæ commissum est regimen; is liquidem sollicitus esse debet

debet de sua excolenda dioecesi, non de infectandis abusibus, quos audit in aliena inolescere, nisi prudenter prævideat, eisdem, si non statim reundantur, suam pariter esse mox subituros: ubi enim abusus non est, quando novæ Constitutionis freno vitium cohibetur, quod nunquam dioecesi invaluisset, injuriam sibi fieri credunt Dioecesani, putantes nimirum, se quodammodo infamari, quasi reos criminis, quod ipsi non admisissent. Ad Præsules vero, si sorte eorum dioeceses exitiosus ille morbus inficeret, spectabat sane opportunis sanctionibus eum quantocius propulsare; quod sanctissime factum legimus in pluribus antiquis Synodis. In Synodo enim Bajocensi anni 300. cap. 82. (tom. 7. collect. Hard. col. 1238.) habetur: *In Confessione sibi caveant Sacerdotes, ne inquirent nomina personarum, sed circumstantias tantum, quæ possunt aggravare peccatum*: In Synodo Lingonienſi anni 1404: *Caveant Sacerdotes, ne in Confessione inquirent ab his, quorum audiunt Confessiones, ut nominent eis expresse personas, cum quibus ipsi confiteres peccaverint; nisi esset tale peccatum, quod oporteat exprimi aliquid de persona, puta, peccavi cum filia mea naturali, vel spiritali, vel nepte; & hoc casu non debes dici nomen proprium, aut cognomen persona*. In Synodo Leodiensi anni 1405: *Inhibemus Sacerdotibus, statuendo, & omnibus Confessoribus, ne a Confitentibus nomina illorum, cum quibus peccaverunt, inquirent, vel circumstantias, per quas possint nomina eorum designari. Quod si fecerint, ab officio audiendi Confessiones noverint se ipso facto esse suspensos*. In Synodo Senonenſi anni 1524: *In audiendis Confessionibus caveant Sacerdotes, ne inquirent loca mansionum, & nomina personarum, cum quibus peccaverunt confiteres*. His concinunt Synodus Carnotensis anni 1526., Synodus Parisiensis anni 1557., Statuta Synodalia Ecclesiæ Trecentis, & Sifridi Archiepiscopi Colonienſis, quæ videri possunt in tractatu hitorico, & dogmatico de secreto inviolabili Confessionis, edito anno 1708. a Langlet Du-Fresnoy, pag. 223. & seqq. In aliis autem innumeris Synodis, quanquam speciatim agatur de sacramento Poenitentiae, nulla tamen occurrit peculiaris Constitutio, quæ expresse prohibeantur Confessarii, ne a Poenitentibus Complicum nomina exquirant; quia scilicet ejusmodi detestandus abusus, non in omnes irrepererat dioeceses, ac proinde non ab omnibus erat, speciali Constitutione, repellendus.

3 Quare iterum concludendum est, quod satis abunde demonstratum arbitramur, nimirum non omnes Synodales Constitutiones omni loco, & tempori convenire, sed prudentis Præsulis esse, eas tantum suæ Synodo inferre, quas ad obstitendum serpentibus corruptelis, atque Ecclesiasticæ disciplinæ nitorem restituendum, pro locorum, & temporum diversitate, utiles reputaverit, & necessarias.

## LIBER VII

DE HIS QUÆ CAVENDA SUNT IN CONSTITUTIONIBUS  
SYNDICALIBUS.

**N**E factæ ab Episcopo Synodales Constitutiones viribus careant, aut interpositæ ab illis appellationes earundem executionem retardent, plurima detegemus vitia, ob quæ sæpius illas, aut rescissas, aut saltem impugnatas vidimus, cum in minoribus constitutioni sacris Urbis Congregationibus studium, operamque nostram navavimus; & quoniam hæc præcipua causa fuit, cur huic nostræ Lucubrationi manus admoveremus, nimirum ut Episcopos de iis moneremus, a quibus in suis Constitutionibus cavere debeant, idcirco in hac re elucidanda diutius immorabimur.

## CAPUT I.

*De cavendis quoad quæstiones nondum definitas, ubi de quæstione, au sit de jure Divino residentia quoad habentes Curam animarum.*

**S** Apienter monet Fagnanus in cap. Sicut olim, num. 82. de accusat., ne in Provincialibus Synodis facile quæstiones decendantur, inter Catholicos Doctores controversæ, & a Sede Apostolica hæctenus non definitæ: In rebus dubiis, & de jure controversis, non facile definitiones fiant, præsertim ubi grave aliquod præjudicium parari potest, velut in materia Sacramentorum emendanda, aut explicandis casibus usurariorum, & aliorum vitiorum, quibus timorata conscientia irretiri possunt. Minus itaque erunt illæ definiendæ in Synodis Diœcesanis, aut quidquam in hujus Constitutionibus dicendum, quo statui videatur, quid de illis sentiendum sit.

**2** Cum sacræ Congregationis Concilii Secretarii munereungebamur, quidam Episcopus, prudentia, ac doctrina præclarus, atque amicitie necessitudine Nobis conjunctus, suas ad Nos misit Constitutiones, quas paraverat, in sua futura Synodo mox promulgandas: In his animadvertimus, Parochis, aliisque animarum Rectoribus continuam inter suas oves residentiam præcipi, & commendari, utpote quæ iis injuncta esset, jure naturali, & Divino; quod insuper, dicebatur, a Concilio Tridentino jam definitum. Præfulem amice admonuimus, ut suos Parochos quidem ad assiduam residentiam, pro viribus excitaret, sed abstineret a jure determinando, e quo residentie obligatio oriatur: Quale enim hoc sit, Divinum ne, an mere Ecclesiasticum, disputant Theologi, & adhuc sub Judice lis est. Nostris monitis morem gessit Episcopus, e sua Constitutione

tione verba expungens, quæ Nobis displicuerant; sed simul Nobis significavit, sibi innotuisse controversiam, jam pridem inter Theologos exagitatam, sed eam existimasse a Concilio Tridentino decisam *sess. 23. cap. 1. de reform.*, iis verbis: *Cum præcepto Divino mandatum sit omnibus, quibus animarum Cura commissa est, oves suas agnoscere, pro his sacrificium offerre; verbi-que Divini predicatione, Sacramentorum administratione, ac bonorum omnium operum exemplo pascere . . . quæ omnia nequaquam ab iis præstari, & impleri possunt, qui gregi suo non invigilant, neque assunt, sed mercenariorum more deserunt &c.*

3 Ut amico Præfuli plene satisfaceremus, hæc Nos illi reposuimus. Indubitatum est, assiduæ residentię onus cunctis animarum Pastoribus incumbere, illudque a Conciliis, & Patribus frequenter inculcari, quod, longa contexta canonum serie, suse ostendunt Bartholomæus Caranza *opuscul. de resid. Episcop. cap. 7.* & Thomassinus *de vet. & nov. Eccles. disciplin. part. 2. lib. 3. a cap. 30. usque ad 36.*, sed non ita certum est jus, a quo illud promanet; Contententibus plerisque, residentiam a jure Divino esse Episcopis, & Parochis imperatam; aliis exadverso ejus obligationem ad jus mere Ecclesiasticum referentibus. De hac controversia acriter disceptatum fuit in Concilio Tridentino ante *sess. 6.* sub Paulo III., sed ea vehementius recruduit sub Pio IV. in conventibus habitis, ante *sess. 19. & 23.*, ac tanto studio, in utramque partem versata est, ut plura pro utraque sententia exarata fuerint opuscula, quæ prodierunt Venetiis anno 1562. impressa typis Jordani Zileti; Cumque dissidentes inter se Patres haudquaquam invicem conciliari potuerint, tandem deliberatum est, ut, novo quidem decreto, cuncti animarum Pastores ad residentiam adigerentur, ac severæ poenæ contumacibus infligerentur; nihil tamen definiretur de jure, quo iidem continuo, inter suas oves versari tenerent: Quinimmo ita decretum concinnandum, Patres duxere, ut nihil inde alterutri sententiæ detraheretur, quæ omnia enarrantur a Cardinali Pallavicino in *hist. Concil. Trident. lib. 7. cap. 6. lib. 16. cap. 4. lib. 21. cap. 12.* Hanc Tridentini mentem cum perspectam habuerit Pius IV. in allocutione, habita ad Cardinales, & Episcopos kalendis Martii 1564., quæ extat in Actis Consistorialibus, agens de residentia, a Concilio Lateranensi, sub Innocentio III., atque a Tridentino, animarum Pastoribus, novis functionibus adjuncta, hæc ad rem subdidit: *Licet vero neque in illo, neque in isto Concilio clare definitum sit, an residentia de jure Divino esse censetur, quod neque etiam nos nunc ex improvviso definire audemus.*

4 Non ignoramus, quosdam præstantissimos Doctores contendere, quæstionem, de qua est sermo, etiam clare & expresse definita non fuerit, esse nihilominus virtualiter, & implicite, ut ajunt, a Concilio Tridentino decisam, quod hac argumentatione manifeste confici arbitrantur: Quo quisque jure obligatur ad finem, ad ea pariter obligatur, quæ ad assequendum finem sunt necessaria; Atqui Episcopi, ceterique animarum Recto-

Rectores, juxta Tridentinum, jure Divino obligantur ad pascendum sibi commissum gregem, atque ad pascendum, uti decet, & oportet, est necessaria residentia, quemadmodum idem Tridentinum declarat; Igitur jure Divino iidem ad residentiam obligantur. Sed difficultas est in altera parte secundæ propositionis, quam minorem vocant; Etenim non dixit Tridentinum, non posse oves pascere, qui non resident, *sed qui gregi suo non invigilant, neque assunt, sed mercenariorum more deserunt*; hæc autem verba commode referri queunt ad animum, cum vere intelligatur gregi suo invigilare, assistere, eumque non deserere, qui etsi absens sit corpore, illius tamen regimini, & tutelæ sedulo excubat animo, juxta illud Apostoli 2. ad Corinth. 11. : *Instantia mea quotidiana sollicitudo omnium Ecclesiarum*; Quamobrem aliquot ex Tridentinis Patribus, qui prædictis doctri verbis obstitant, metuentes, ne illis controversia decideret, & residentię præceptum juri Divino adscribi videretur, eorumdem verborum sensu penitus inspecto, postea acquieverunt, quod pariter refert laudatus Pallavicinus *ctr. lib. 21. cap. 12. num. 5.* Ad hæc docet S. Thomas 2. 2. *quest. 185. art. 5. in corp.* in qualibet obligatione præcipue spectandum esse obligationis finem; Cum autem finis, propter quem animarum Pastoribus residentia præcipitur, sit spirituale bonum animarum, quibus præsumunt, exinde concludit Angelicus, quod si eundem finem assequi possint in absentia, tunc licite se, a suis ovibus lidem subducere queant. Et profecto si residentię præcepto non satisfacit; qui ita inter suas oves versatur, ut animo ab illis absit, nullam gerens earumdem curam; quia tali pacto finem contemnit, propter quem residentia ei imperatur, sicuti sapientissime perpenderunt Patres Concilii Aquilejensis anni 1596. *cap. 5. Quod de Episcoporum residentia a sacro Concilio Tridentino, & summorum Pontificum Constitutionibus cautum est, hoc non est intelligendum, ut presentia assideant, nihil præterea agant, cum ex sacris Canonibus residentia sit accipienda in anim sensum, ut sit laboriosa, non otiosa, id, quod duobus præsertim Tridentina Synodi verbis egregie exprimitur, ut pascant, & regant &c. (collect. Harduin. tom. 10. col. 1886.)* Ob oppositam rationem, censetur residentię præceptum adimplere, qui, etsi a suis ovibus corpus subducatur; animo tamen iidem adest, & finem obtinet, illas pascendi, & regendi, ad quem localis Pastoris presentia dirigitur.

5 Hanc eandem S. Thomæ ratiocinationem prosequentes illi Tridentini Patres, qui residentię onus, a solo jure Ecclesiastico impositum affirmabant, adhuc clarius eam expoliverunt, atque exemplo illustrarunt, apud eundem Pallavicinum *lib. 16. cap. 4. num. 15.* : Contingit aliquando, ajebant, adeo exiguam esse diocesim, cui Episcopus præest, tamque angustis limitibus coarctari, ut a loco suæ diocesis finitimo, melius ipse, & commodius suas oves pascere, & regere queat, quam possit alius residents in amplissima diocesis centro; si itaque in residentię obligatione, juxta doctrinam Angelici, spectandus est obligationis finis, non potest dici, quod



quod residentiz præcepto non obtemperet, qui in prædicto loco degit, unde pusillo suo gregi æque imminere, ac prospicere potest, ac alter, qui in amplissima suæ diocesis præcipua urbe commoratur.

6 Hæc nos amico Præuli scripsimus, eo dumtaxat consilio, ut sibi persuasum haberet, non esse a Tridentino definitam questionem, de qua loquimur, sicuti ipse opinabatur, non autem, ut illum distraheremus a sententia, quæ residentiz obligationem jure naturali, & Divino, animarum Pastoribus injunctam defendit: ultro enim fatemur, hanc sententiam communioem esse, eique fere omnes calculum adjecisse, qui post Tridentinum scripserunt, tam Theologos, quam Canonistas, inter quos Sotus lib. 10. de *justitia quest. 3. art. 1.* Bellarminus *epist. ad Theanensem Episcopum nepotem suum*, post editionem Coloniensem an. 1619. aliasque rursus vulgata, post *Aïta Legationis Helvetice Cardinalis Passionei*, Valquez *opusc. de Benefic. cap. 4. §. 2. num. 121.* Lessius lib. 2. de *just. & jur. cap. 34. num. 153.* Azorius *instit. moral. part. 2. lib. 7. cap. 4. quest. 1.* Caranza *cit. tract. de resid. Episcop. cap. 2.* Navarrus *manual. cap. 25. num. 121.* Gonzalez *in cap. Relatum, de Cleric. non residen. num. 6. & seqq.* Fagnanus *in cap. Ex parte, eod. tit. num. 21. & seqq.* Zoësius *ad eumd. tit. num. 2.* Zypeus *num. 7.* Piringh *num. 11.* alique innumeri..

## CAPUT II.

*Iterum de cavendis quoad questiones nondum definitas, ubi, de ea, an Clerici Beneficarii sint domini, vel administratores fructuum suorum Beneficiorum.*

1 **M**inus Nobis arrisit, quod in alia offendimus Synodo, ubi, illata mentione gravis obligationis, quam habent Clerici Beneficarii, Beneficiorum quæ possident fructus, suæ honestæ, decentique sustentationi superfluos, erogandi in pauperes, aliasve pias causas, ejusmodi obligationis hæc ibidem asseriebatur ratio, nimirum, quia Clerici Beneficarii, non sunt prædictorum fructuum domini, sed meri dispensatores: quamquam enim commendaverimus consilium Episcopi, renovandi, seu verius inculcandi observationem præcepti, quo singuli obstringuntur Beneficarii, nentiquam tamen visa est approbanda adjecta præcepti ratio, qua videbatur assumi, quasi decisa controversia, etiamnum inter Doctores agitata, de qua statim.

2 Quidquid sit, an, juxta priorum Ecclesiæ sæculorum disciplinam, Ecclesiasticis Beneficiis gaudere possent, quibus opulentum suppetebat patrimonium, quod negare videntur Hieronymus *epist. ad Nepasianum*, Julianus Pomerius *de vit. contemplat. lib. 2. cap. 9.* alique Patres, congesti a Thomassino *de vet. & nov. Eccles. discipl. part. 3. lib. 3. cap. 4.* certum est, hac nostra tempestate, etiam Clericis, divitiis affluentibus Ecclesiastica

Tom. XII.

G g

Bene-

Beneficia conferri: neque est, qui dubitet, quin iidem verum dominium habeant redditum, quos ex proprio percipiunt patrimonio; in quorum proinde mala distributione, aut etiam pravo usu, possunt utique contra alias virtutes, perinde ac Laici, non vero contra strictam iustitiam peccare.

3. Certum pariter est, ante factam divisionem Bonorum Ecclesiasticorum, debuisse Episcopum, ad quem pertinebat eorundem administratio, partem singulis assignatam fideliter elargiri, nec potuisse, absque violatione iustitiae commutative, pauperes fraudare ea quarta parte proventuum, quae, juxta ejus aevi disciplinam, erat pauperum indigentis sublevandis destinata; quod quidem onus ex eadem profuens iustitiae virtute, iis in locis, in quibus nondum facta est praedicta divisio, etiamnum incumbit Episcopis, Abbatibus, aliisque Beneficiariis, quorum Ecclesiasticis redditibus sunt illi admixti, pauperibus, ac ecclesiae fabricae, juxta priscam institutionem, attributi; ex quibus propterea si aliquid sibi usurpent, sunt injusti rei alienae detentores, & tementur ad restitutionem.

4. Certum denique est, etiam postea Ecclesiasticorum Bonorum divisione, & assignata jam pridem pauperibus quarta parte fundorum, ad Ecclesiam pertinentium, ex quibus, putant Doctores, coenae, & doctae fuisse hospitalia, aliae instituta opera pia, ad eorundem pauperum commodum, adhuc nihilominus teneri Clericos Beneficiarios, redditus, quos ultra sui honestam sustentationem, ab ecclesia percipiunt, distribuere in pauperes, aliave pia opera erogare, nec posse, absque gravi peccato, in convivia, ludos, venationes, & similes profanos usus impendere, aut consanguineis elargiri, nisi tanquam pauperibus, si vere pauperes sint, & tunc, ut minus egeant, non ut ditescant.

5. Hanc obligationem omnes Ecclesiae Canones, aut imponunt, aut omnibus impositam agnoscunt, qui Ecclesiae militant stipendiis: Canon 37. (tom. 1. collect. Hard. col. 18.) inter Apostolicos, decernit: *Omnium rerum Ecclesiasticarum Episcopus curam gerat, & eas administret, tanquam Deo incommittente. Non liceat autem ex eis aliquid sibi vendicare, vel propriis cognatis, quia Dei sunt largiri. Sin autem sint pauperes, ut pauperibus suppeditet: sed non verum praeceptum, vendat, quae sunt Ecclesiae; huic innumeri consentiunt canones collecti a Gratiano, XII. quesi. 1., aliique, quos profert Theophilus Raynaudus in opusculo, cui titulus: *Mala & Bonis Ecclesiae*, num. 12. op. 1. tom. 12. Et ne quis hasce Ecclesiae functiones ad solum tempus referri credat, quo nondum facta erat praedictorum, aliorumque fundorum, ad ecclesias spectantium, divisio, audiatur Tridentinum sess. 25. cap. 1. de reform., ubi postquam Episcopos monuit, ut modesta suppellectili, mensa, ac frugali victu sine contenti, iisdem interdicit, *Ne ex redditibus Ecclesiae consanguineos, familiaresve suos augere studeant, nec & Apostolorum Canones prohibent, ut res Ecclesiasticas, quae Dei sunt, consanguinei donent; sed si pauperes sint, iis, uti pauperibus distribuant, eas autem non distrabant, nec dissipent illorum causa,* immo*

inimò quam maxime potest, eos sancta Synodus monet, ut omnem humanum hunc erga fratres, nepotes, propinquesque carnis affectum; unde multorum malorum in Ecclesia seminarium extat, penitus deponant. Quia vero de Episcopis dicta sint, eadem non solum in quibuscumque Beneficiis Ecclesiastica, tam Sæcularia, quam Regularia obtinentibus, pro gradus sui conditione observare, sed & ad sanctam Romanam Ecclesiam Cardinales pertinere decernit. Scimus utique Magistrum Lorcam hunc Tridentini locum intellexisse, non de Beneficiorum fructibus, seu eorundem portione, Ecclesiæ Prælati, aliisque Clericis attributa, sed de Bonis immobilibus Mensæ Episcopalis, aliorumque Beneficiorum, quorum dominium est penes Ecclesiam. At ipsamet allegata Tridentini verba turpiter deceptum Lorcam evincunt: etenim Tridentinum loquitur de illis Bonis, quibus fas est Beneficiariis sublevare suorum sanguineorum, si qua vere premantur, inopiam; nemo autem dicit unquam posse in istos conferri Bona immobilia Præbendarum, quemadmodum scite ponderat Silvius in 2. 2. D. Thom. quest. 185. art. 7. conclus. 4. Quocirca nullus omnino Doctor, præter unicum Lorcam, ausus fuit unquam eximere Beneficiarios, a gravi obligatione, distribuendi redditus Ecclesiasticos, suæ honestæ sustentationi superfluos, in pauperes, aliave pia, & religiosa opera, quod eruditissimus Raynaudus; quo fortasse nullus accuratius, Doctorum placita hac de re perquisierat, testatum reliquit, cit. lrc. inquiens: Denique nemo plane Doctorum dissentit, siue inter Theologos scholasticos, siue morales, siue inter Iurisperitos, itant quamvis jampridem lites, & dissidia efferverint inter Doctores, quoad dominium fructuum superfluum, sit ne penes Beneficiarios, an penes alios, tamen quoad peccatum grave in dispensatione superfluum aliter, quam ad pios usus, nemo plane, plane inquam nemo dissentiat.

6 Hæc, ut diximus, certissima sunt; verum, quod modo a Raynaudo audivimus, accriter decertatur de titulo, seu causa, e qua prædicta gravis oriatur obligatio: plerique, præcipue ex antiquioribus, eam oriri arbitrantur ex stricta iustitia: docent siquidem, Clericos meros esse administratores, non autem dominos Ecclesiasticorum proventuum, qui honestæ ipsorum sustentationi superflui; ac proinde eos impendentes in usus profanos, tanquam reos violatæ iustitiæ, obligant ad restitutionem, aut Ecclesiæ, aut pauperibus faciendam; idemque restitutionis onus imponunt lutoribus, consanguineis, ceterisque pecuniam a Clericis recipientibus, quam certo sciunt ex Ecclesiastico Beneficio illis obvenisse. Ita, præter antiquiores, sentiunt Navarrus de Ecclesiast. reddit. quest. 1. num. 21. num. 1., Azor. instit. par. 1. lib. 7. cap. 8. §. Prima igitur, & §. Quod arinet. Comitolus respons. moral. lib. 1. quest. 70. & 71. Moneta de distribut. part. 3. quest. 1. num. 14., Natalis Alexander Theolog. dogmat. & moral. de sacram. Ord. lib. 2. regul. 9. & regul. 10. Genetrus Theolog. moral. tom. 2. tract. 1. de Benefic. cap. 11. Continuator prælect. Honorati Tournely, tract. de Benefic. cap. 4. art. 3. conclus. 1., Cardinalis Capisuechius in suis controvers. Theolog.

*controv. 30. per tot.*, sed speciatim §. 5. & seqq. quorum opinioni præcipuum fundamentum præbent, cum Canones asserentes, Bona Ecclesiastica, esse patrimonium Christi, sicuti habetur in cap. Cum secundum, de Præben. & Dignit. Res Ecclesiæ, & patrimonium pauperum, uti dicitur in can. final. 16. quest. 1. tum Ecclesiæ Patres, qui furti, & rapinæ reos faciunt Clericos, expendentes redditus Ecclesiasticos in profanos usus, inter quos Hieronymus in cap. 3. Isaia, ubi ait: Rapina pauperum in domibus Sacerdotum, qui Ecclesiæ opes sibi thesaurizant, & in deliciis abutuntur, quæ ad sustentationem pauperum dantur, & sibi reservant, vel propinquis distribuunt, & aliorum inopiam, suas, vel suorum divitias faciunt: Bernardus in epist. ad Falcon. Canonic. Lugd.: Quidquid præter necessarium victum, ac simplicem vestitum de altari retines; tuum non est, rapina est, sacrilegium est, aliique relati a Thomassino de vet. & nov. Eccles. discipl. part. 3. lib. 3. a cap. 26. usque ad 33.

7 Alii exadverso, attribuentes Clericis verum dominium, etiam superfluum reddituum, quos ab Ecclesiâ percipiunt, existimant, gravem obligationem illos erogandi in pauperes, aliiive piis operibus applicandi, non oriri ex stricta iustitia, sed vel ex lege charitatis, & misericordiæ, Clericos Beneficiarios, præ aliis adstringente; vel cum Cardinali de Lugo de iustit. & iur. tom. 1. disp. 4. num. 16. ex virtute religionis; vel cum Lessio lib. 2. de iust. & iur. tom. 4. num. 47. & Haunoldo de iustit. & iur. tom. 1. tract. 4. num. 82. ex positivo præcepto Ecclesiæ; quamobrem prædictos redditus elargientes consanguineis, aliave ratione dissipantes, a gravi quidem culpa non excusant, sed a restitutionis onere absolviunt. Hanc sententiam, inter ceteros, propugnant Bannez a. 2. quest. 32. art. 6. Dominicus Soto de iust. & iur. lib. 10. quest. 4. art. 3. Silvius in 2. a. D. Thomæ quest. 185. art. 7. conclus. 4. Molina tract. 2. de iust. & iur. disp. 143. Vasquez de redditib. cap. 1. §. 2. dub. 1. Covarr. in cap. Cum officiis, de testam. num. 7. Sarmiento de redditib. Eccles. part. 4. cap. 6. num. 2. Marfilus eod. tract. part. 2. cap. 1. 15. & 35. Gonzalez in cap. Si quis sane, de peculio Clericorum, a num. 6. usque ad fin. Fagnanus in eod. cap. a num. 1. usque ad 6. Barbosa iur. Eccles. lib. 3. cap. 17. aliique ab his allegati, qui suam opinionem duobus potissimum sustentant argumentis: Primum desumunt ex Beneficiorum origine, quod in hunc modum exponunt: cum Ecclesiæ proven-tus, inquit, in communi administrabantur, & quarta illorum pars, statim temporibus, in Clericos, distribuebatur Ecclesiæ obsequiis addictos, nemo facile credet, alterum ex his evenisse, nimirum, vel singulos Clericos adeo exiguum reddituum portionem, ubique locorum, atque e qua-libet ecclesiâ participasse, quæ tantum necessariam sustentationem iisdem sufficeret; vel, si aliquid ultra sui honestam sustentationem perciperent, istius portionis dominium non fuisse penes illos, quibus ceteroquin datur, in pretium, & mercedem laboris; jam vero, pergunt, cum post factam Bonorum divisionem, quarta parti, inter Clericos olim dividenda,

dæ, subrogatæ sint Præbendæ, & subrogatum induat naturam ejus, cui subrogatur, necessario inde consequi videtur, ut una cum possessione Præbendæ, omnium ejusdem Præbendæ fructuum dominium Beneficiarii consequantur.

8 Alterum argumentum eidem opinioni suppeditat Tridentinum *sess. 23. cap. 1. & sess. 24. cap. 12. de reform.*, quibus in locis decernit, ut Beneficiarii, qui e Beneficii loco, sine legitima causa diu absunt, aut Fidei professionem, intra præscriptum tempus emitte negligunt, suorum Beneficiorum fructus non faciant suos; hinc enim, per argumentum a contrario, inferitur, quod si in loco Beneficii resideant, & Fidei professionem, debito tempore, emittant, eisdem fructus faciant suos: facere autem fructus suos idem omnino esse, ac eorumdem dominium acquirere, patet ex *cap. ante. de Clericis non residen. in 6.*, ubi Bonifacius VIII. loquens de distributionibus quotidianis, iis dumtaxat erogandis, qui Divinis interfunt, ait: *Qui vero aliter de distributionibus ipsis quidquam receperis . . . rerum sic receptarum dominium non acquirat, nec faciat eos suos.*

9 Neque hujus sententiæ Patroni aliquid roboris inesse putant argumentis in contrarium allatis: ad primum enim reponunt, Bona Ecclesiastica recte dici *Patrimonium Christi*, quia scilicet Christi intuitu, ejusque amore sunt in Ecclesiam collata: nuncupantur etiam *Res Ecclesiæ*, quia Beneficialium fundorum dominium, penes Ecclesiam est: ac denique appellantur *Patrimonium pauperum*, tum quia Clericis dantur, qui solis Ecclesiæ stipendiis olim victitabant, eorumque plerique etiamnum, præter id, quod ab Ecclesiâ percipiunt, aliud non habent, unde valeant sustentari: tum quia singuli Beneficiarii gravi obstringuntur præcepto, elargiendâ pauperibus quidquid, ultra propriam sustentationem, ex Ecclesiâ Bonis acquirunt. Ad allegata autem Patrum testimonia, eos ita loquutos, respondent, oratoria quadam exaggeratione, qua etiam in divites haec, pauperum indigentis non subvenientes, interdum invehi consueverunt: Hieronymus enim, relatus a Gratiano, *sub initium distinctionis 42.*, ait: *Aliena rapere convincitur, qui ultra necessaria sibi retinere probatur: & Ambrosius, seu quicumque sit Auctor sermonis 81., qui inter Ambrosii opera circumfertur, relatus in can. Sicut, dist. 47. omnes divitiis affluentes ita alloquitur: Quis tam injustus, tam avidus, tam avarus, quam qui multorum alio menta, suum non usum, sed abundantiam, & delicias facit? Neque enim minus est criminis habenti tollere, quam, cum possis, & abundas, indigentibus denegare. Esurientium panis est, quem tu detinas, nudorum indumentum est, quod tu recludis, miserorum redemptio est, & absolutio, quam tu in terram desidis.*

10 Porro tam Auctores primæ, quam secundæ sententiæ, sibi suffragari, contendunt, Angelicum Doctorem. Duplici in loco S. Doctor hanc versavit questionem, in Quodlibetis nimirum, & in Summa: In Quodlibetis, quæ circa annum 1257. ab eo scripta, testantur Echarde de Scripturis Ord. S. Dominici, tom. 1. pag. 272., & Touron in vita S. Thomæ pag. 177.

pag. 177. aperte adhæret posteriori sententiæ : Etenim Quodlibeto 6. quæst. 7. art. 12. ad 3. hæc habet : *Aliter dicendum est de illis Ecclesiasticis Bonis . . . quæ principaliter sunt attribuenda necessitatibus pauperum , & ex consequenti necessitatibus Ministrorum , sicuti sunt Bona hospitalium , & aliorum hujusmodi , & aliter de illis Bonis , quæ sunt principaliter attributa usibus Ministrorum , sicuti sunt Præbende Clericorum , & alia hujusmodi ; nam in primis Bonis peccatum committitur , non solum ex abusu , sed etiam ex ipsa rerum conditione , dum aliquis in suos usus assumit , quod est alterius : & ideo tenetur ad restitutionem , tanquam defraudator rei alienæ . In secundis vero Bonis non committitur peccatum , nisi per abusum , sicut & de Bonis patrimonialibus dictum est : unde non tenetur quis ad restitutionem , sed solum ad poenitentiam , peragendam .*

11 Post exarata Quodlibeta , suadente Clemente IV. , qui die 5. Februarii 1265. fuerat Pontifex renuntiatus , operam dare cœpit Angelicus suæ conscribendæ Summæ Theologicæ , & secundam Secundæ , circa annum 1269. absolvit , uti prosequuntur Echard. cit. loc. , & Tournon pag. 236. In hoc autem postremo opere , nempe 2. 2. quæst. 185. art. 7. sententiam retractasse , quam in Quodlibetis docuerat , contendunt plerique , ex iis qui primam opinionem propugnant : verum , ut ingenue loquamur , in hoc ipso Theologicæ Summæ loco , quem isti Doctores sibi sâvere ajunt , videtur Angelicus doctrinam confirmare , quam in citato Quodlibeto 6. tradiderat : præmissa siquidem distinctione Bonorum , & differens de Ecclesiasticis proventibus , Episcopi sustentationi assignatis , inquit : *De his autem , quæ sunt specialiter sui usus deputata , videtur esse eadem ratio , quæ est de Bonis propriis ; nihilominus tamen , quia hic S. Thomas non ita peripicue , sicuti alias solet , mentem suam explicuit , ideo Genettus , ne sibi contrarium fateatur Angelicum , cujus doctrinæ est addictissimus , de ejusdem , hac in re sententia , ita cit. loc. concludit : Licet autem Angelicus Doctor singulari quadam perspicuitate mentem suam ut plurimum aperire solcat , nullumque relinquat de veritate opinionis , & mentis suæ dubitandi locum ; fatendum tamen , illum , in hac quæstione resolvenda , verbis ita in speciem ambiguis usum esse , ut etiam si inferiores illius discipuli significaverint , docuerintque , quod juxta ejusdem Sancti Doctoris mentem , Beneficiati non possunt esse domini reddituum Beneficiorum suorum , atamen nonnulli reperti sunt , qui contrario plane modo illius mentem interpretati sunt , & fundamentum suæ sententiæ hauserunt ex Quodlibeto sexto .*

12 Aliud suæ opinioni præsidium comparare studuit Natalis Alexander , ab auctoritate S. Caroli Borromæi , in ejus Concilio Mediolanensi I. definitum affirmat , Beneficiarios non esse dominos Ecclesiasticorum reddituum ; qui suæ honestæ sustentationi superant , eosque in profanos usus impendentes , ad restitutionem ab eodem adactos . Verum nos , qui nullius partis studio abrepti sumus , nihil ejusmodi a S. Carolo decisum comperimus : Etenim in primo Concilio Provinciali Mediolanensi , ad restitutionem

nem

nem obligantur Beneficarii, non satisfaciētes oneribus, suis Beneficij impositis, quique redditus ad certos usus, puta ad templorum ornatum, vel ad dotandas Virgines, a Fundatore designatos, sibi usurpant, aut, propria auctoritate, in alios vertunt usus, de quibus docemur ( *Act. Eccl. Mediol. part. 1. pag. 39.* ) : *Si facere amiserint, sed eis fructus sibi vindicare, vel ad alios transferre ausi fuerint, vel in quem debent usum non imponderint, se ex sacris Canonibus, & sanctorum Patrum sententia, sacrilegii reos esse intelligant, & eorum omnium necessaria restitutione teneri, neque ulla omnino, etiam innumerablem consuetudine excusari.* Sermonem postea inlicitur Concilium de Ecclesiasticis proventibus, quos interdum Beneficarii uberius percipiunt, quam ad vitam honeste traducendam, propria cujuslibet requirat conditio; & de hisce, eisdem Beneficiarios in hunc modum alloquitur : *Dubitare non debent ad eum finem hunc copiam illis esse attributam, ut præter ea, quæ ad vitam, & cultum eorum satis essent, suppeterent etiam, quibus Divini cultus ornatus, & splendor conservaretur, & pauperum inopia, atque indigentia sublegetur;* Monet deinde, ac per viscera misericordie Jesu Christi, obtestatur Clericos, quibus annui redditus redundant, ne hisce abutantur, in augendis consanguineis, aut in nutrienda vanitate, & luxu sordendo, sed ut memores propriæ obligationis, illos pauperibus distribuant, nulla tamen sacra mentione justitiæ, immo potius sola indicata lege Charitatis, quæ ad id faciendum obstringantur: ait quippe: *Ex eo vero quod supererit, si necessaria pauperibus alimenta denegarint, intelligant, se quos non pauperes occidisse, atque ob violatam sanctissime Charitatis legem, mortale peccatum commisisse, quo sibi iram in die ira thesaurizarunt.*

13. Quod tamen a S. Carolo decisum negamus, ultro concedimus, in nonnullis Dioecesibus, aliorum Episcoporum Synodis affirmari, & veluti certum assumi: In Synodo quippe Nonantulana, anno 1688. habita a Cardinali de Angelis legimus, *Superfluis Ecclesiæ redditus in pios usus expendant, memores, illorum non esse dominos, sed tantum commendatarios, & administratores;* & in Synodo Veliterna, habita a Cardinali Cybo, anno 1693. *Quicumque redditus Ecclesiasticos possident, noverint, res Ecclesiæ nihil aliud esse, quam vota Fidelium, pretia peccatorum, & patrimonia pauperum, eorumque propterea ministros se esse, non dominos, ut quod illis superest, in pauperum necessitatibus erigent.* Licet autem Nos ejusmodi Episcoporum, effata haud quaquam reprehendamus, cum liberum illis fuerit, sententiam amplecti, quam innumeri Theologi laudabiliter propugnant, & tuiorem esse, apque in praxi consulendam, etiam alii, qui pro contraria stant, Doctores fatentur, inter quos Lessius de just. & jur. lib. 2. cap. 4. num. 42. & Duvalius 2. 2. Div. Thom. p. 2. tract. de Charitate, & elemosyna, q. 8. art. 6.; Attamen consultius existimamus, ut Episcopus in Synodo abstineat a questione decidenda, sueque calculo adjiciendo alteri ex controversis, inter Catholicos opinionibus; In hoc autem proposito nos obfirmant Patres Concilii Tridentini; scimus etenim, enuntiatum decretum sess. 25. cap. 1. de re-

*de reform.*, quo interdicatur Episcopis, ne, ex redditibus Ecclesiæ, con- sanguineos, familiaresque suos augere studeant, ita prius fuisse efforma- tum, ut ejusmodi prohibitionis, hæc ibidem adduceretur ratio, videli- cet, quia *Ecclesiasticorum proventuum dispensatores tantum sunt*, & tamen hæc postrema verba, in generali Congregatione, habita die 23. Novem- bris 1563., visa sunt Patribus expungenda, & reipsa expuncta sunt; quo- niam Cardinalis a Lotharingia, Archiepiscopus Remensis, Petrus Guer- rerus, Archiepiscopus Granatensis, aliique Præfules illis intercessere, ne detrimentum afferrent sententiæ, ut ipsi aiebant valde communi, quæ Ecclesiasticorum, etiam superfluatorum proventuum dominium Beneficiariis attribuit. Reim totidem fere verbis narrat Cardinalis Pallavicinus *hist. Concil. Trident. lib. 24. cap. 3. num. 4.*, neque inficiatur Paulus Sarpi *ejusdem Concil. hist. lib. 8.*, quamvis, ut indulgear suo genio, aut impugnandi, aut saltem obscurandi veritatem, decreto obstitisse asserat, non Cardinalem a Lotharingia, neque Archiepiscopum Guerrierum, sed Episcopum Sulmo- nensem; quod tamen falsum esse fatetur etiam modernus Auctor, qui Sar- pi historiam in Gallicum sermonem vertit; eodemque, quo Sarpus, infe- ctus veneno, lividis notis asperfit, uti legere est *rom. 2. pag. 724. num. 22.* Quocirca, si Concilii Tridentini Patres noluerunt quæstionem attingere, inter Catholicos exagitata, jure meritoque Nos consulendum duximus Episcopis, ne illam in suis Synodis definiant, aut tanquam definitam assumant.

14 Urgeant ipsi, & inculcent suis Clericis, ex Ecclesiæ stipendiis vi- sitantibus gravem obligationem, quam habent, elargiendi pauperibus, aliisve piis usibus applicandi, sibi redundantes Ecclesiasticos redditus, sed adhuc latentem hujus obligationis originem non investigant; ut enim aje- bat Cardinalis Bellarminus in epistola ad Theanensem Episcopum nepo- tem suum, *controv. 8. & ult.* parum refert determinare, unde illud proveniat gravis obligationis vinculum, quo ceteroquin omnes Benefi- ciarios obstringi, indubitanter scimus: *Non dispero* ( inquit Bellarmi- nus ) *quæstionem illam, an Prelati sint vere domini reddituum Ecclesiasticorum, & an teneantur restituere, quæ male expenderunt. Parum enim refert, utrum Prelatus damnetur ad inferos, quia peccavit contra justitiam, an quia pec- cavit contra Charitatem, non bene distribuendo facultates suas. Solum qua- ro, in quos usus debeat expendere suas Ecclesiasticas facultates, ut non amittat vitam æternam.*





## CAPUT III.

*Regula in præcedentibus Capp. tradita imitatur.*

**A**ccidit interdum, rem aliquam in quæstionem adduci, nondum ab Ecclesia definitam, & nihilominus integrum esse Episcopo, aliquid de illa decernere, citra violationem regulæ, quam modo tradidimus; Etenim aliquando totius controversiæ cardo unice vertitur circa jus commune, quo solum inspecto, disputant Theologi, utrum aliquid fieri liceat, necne, ceterum nullus eorum abjudicat Episcopo potestatem, illud, suo peculiari statuto inhibendi, quod plerique contendunt, esse a jure communi permissum. Rem pandunt, quæ subnectimus, exempla. Percurrenti Dioecesanam Synodum Neapolitanam, celebratam a Cardinali Pignatello, poterit, primo aspectu, decisa videri controversia, magnis animorum motibus, inter Doctores agitata, de qua Nos egimus in nostra *N. tific.* 15. num. 20. & seqq.; In ea quippe Synodo *part. 1. cap. 9. num. 4.*, sancitum legitur, Ecclesiastici jejunii sanctitatem ab iis quoque servandam, quibus, valetudinis causa, esus carnum, in Quadagesima, aliisque esurialibus feriis, indulgetur, quod tamen apud Theologos est in quæstione positum: verum, re sedulo examinata, controversiæ decisionem, ex ejusdem Synodi verbis minime inferri, animadvertimus: in ea siquidem non dicitur, Ecclesiasticum jejunium cum carnum esu rite componi, quod plures negarunt Theologi, qui res morales, per analogiam ad physicas explicantes, sibi animo finxerunt Ecclesiasticum jejunium, instar compositi physici, quod destrui necesse est, si vel una corruat ex partibus, ejusdem essentiam constituentibus; sed, abstrahendo ab hac quæstione, jejunium, etsi non integre, ac sicuti ab Ecclesia præcipitur, suo tamen modo, servare, in ea Synodo jubentur, quos a carnibus abstinere ægra valetudo non permittit; quod & ab aliis Dioecesanis Synodis, Lucana videlicet, Adiacensi, & Alerienti, sanctissime constitutum, ibidem asseritur; in quarum præsidium adduci etiam potuissent Acta Ecclesiæ Tarantasiensis, edita ab Anastasio Germonio, ejusdem urbis Archiepiscopo, in sua Dioecesana Synodo, ubi ad tit. *de abstinentia jejuni.* lib. 3. cap. 2. hæc habentur: Nos autem, qui dispensationem huc solum spectare intelligimus, ut quantum fieri potest a male affectis corporibus pericula, ex noxiorum ciborum usu imminuta avertantur, non videmus, cur dispensatus (quantvis carnes edere licite possit), ab hoc tamen saluberrimo Ecclesiæ præcepto excusari possit, immo cum ex robustiore alimento valentior factus, facilius jejunaturus præsumatur, nihil obflare putamus, quin & ipse, sicuti ceteri Christiani, tempore jejunii semel tantum in die, horaque ab Ecclesia præscripta, cibum sumere debeat, cum & inter celeberrimos Theologos non desint, qui se idem sentire scriptis mandaverint. Neque vero quempiam inficiari arbi-

Tom. XII.

H h

tratur.

tramur, posse Episcopum ad unicam saltem comestionem præcepto obstringere, quos adversa valetudo ab alia jejunii parte, quæ est abstinencia a carnibus, absolvit; præsertim cum summi Pontifices Clemens XI., Innocentius XIII., & Benedictus XIII. in edictis, quæ tanquam Episcopi Romani, per Cardinalem suum in Urbe Vicarium super observatione quadragesimalis jejunii, singulis annis, ut moris est, promulgarunt, id ipsum Romæ fieri præceperint; ad quæ edicta allusit laudatus Cardinalis Pignatellus, præfatam Synodalem Constitutionem ita exorditus: *Quia vero Apostolica Sedis, magisterio Spiritus Sancti edicte, præceptionibus, & institutis saluberrimis admonemur &c.* Sed supervacaneum est, de hac re pluribus differere, quoniam Nos, postquam supremum Petri solum conscendimus, finentes, Theologos in suis speculationibus tempus terere, Ecclesiastici jejunii, hominum intemperantia, satiscentem disciplinam, quantum fert conditio temporum, pro viribus sustentare curavimus, injungentes Episcopis, ne ulli permittant diebus Quadragesimæ, valetudinis causa, carnibus vesci, nisi adjecta lege religiose servandi alteram jejunii partem, quæ consistit in unica comestione, quod patet ex nostris Apostolicis litteris, quæ extant in tomo primo nostri Bullarii, & sunt 19. 27. 56. 99.

2. Simile judicium ferendum est, de aliis Synodalibus Constitutionibus, quibus severe interdicitur, ne Dominicis, aliisque festis diebus, exercentur negotiationes, neve fiant publicæ nundinæ, sive annuæ, sive hebdomadariæ, quemadmodum non solum cautum reperimus in Synodo Provinciali Cameracensi 11. tit. 4. cap. 2.; & Mechliniensi 1. tit. de festis, cap. 3., verum etiam, teste Van-Espen *J. E. U. par. 2. tit. 17. cap. 4. num. 15. & 16.*, statutum legitur, in aliis pluribus Synodis Dioecesanis Belgii, nimirum Boscoducensi tit. 12. cap. 2., Tornacensi anni 1643. tit. 3. cap. 7., & Iprensi anni 1609. tit. 6. cap. 1., quibus ex Italicis addimus Synodum Lauretanam, habitam a Cardinali Roma anno 1626., Senogallienfem, habitam a Cardinali Antonio Barberino 1627., Sutrinam, celebratam a Cardinali Julio Spinola 1671., Farsensem, coactam a Cardinali Carolo Barberino 1684., Cefenatenfem, habitam a Cardinali Denhoff 1693., aliasque non paucas. Etenim quamquam plures reperiantur, nimium fortasse benigni Theologi, qui negotiationem, etiam si publice, & cum strepitu exerceatur, non accensendam, opinentur, operibus servilibus, festis diebus vetitis, atque aliquot præterea ex iis, cum inficiari nequeant, nundinas, seu mercatus, ne Deo sacratis diebus fiant, expresse saltem prohiberi in cap. 1. de feriis, huic tamen præcepto derogatum afferant, per contrariam consuetudinem, uti videre est apud Cajetanum in *Summ. V. in festo prohibita*, Silvestrum in *Summ. V. negotium* §. 2. Navarrum *manual. cap. 13. num. 8.*, & Layman *Theol. g. moral. lib. 4. tract. 7. cap. 2. num. 6. versic. dico octavo*; Nihilominus nullus unquam ausus fuit negare Episcopo potestatem, ejusmodi consuetudinem abrogandi, suæque peculiari sanctione, inter-

interdicendi, ne prædicti profani actus, per quos certe Fideles summopere distrahantur a Divinis, exerceantur diebus festis, quod bene observant Ventrigl. in *prax. rer. Eccles.* tom. 1. annot. 16. §. 1. num. 19., Zaul. ad *Stat. Favent.* tom. 1. lib. 7. observat. ad rubric. 2. num. 24., Nicol. in *prax. Canon.* tom. 1. lit. C §. 1. num. 44.

3 Quamobrem Episcopus removens a diebus, Dei cultui specialiter deputatis, aut solemnes nundinas, aut etiam hebdomadarias, nullam definit quæstionem, inter Theologos controversam, sed suo muneri indubitanter adnexam auctoritatem exerit, ad tuendam dierum festorum sanctitatem, quæ per prædictos actus profanatur. De hac materia uberime a Nobis tractatum est, in nostris Apostolicis litteris, ad Ordinarios ditionis Ecclesiasticæ datis 5. Novembris 1745., impressis in tomo primo nostri Bullarii 144. in ordine, in quibus præmissa distinctione nundinarum annuarum, ab hebdomadariis, quas *mercaturum* vocant, mercaturum diebus festis haberi omnino prohibuimus, annuas vero nundinas, non tam permittendas, quam, ad evitanda populorum incommoda, ex quadam conniventia, tolerandas duximus, modo non exerceantur iis matutinis, & vespertinis horis, quibus Divina Officia in ecclesiis celebrantur, quod in iisdem litteris copiosius explicatur.

## CAPUT IV.

*Præcipue abstinendum a definiendis quæstionibus, respicientibus Sacramenta: ubi de intentione Ministri requisita ad validitatem Sacramenti.*

1 **A**Udivimus a Fagnano, illas potissimum quæstiones in particularibus Synodis, esse relinquendas intactas, quæ circa Sacramenta versantur; Quoniam autem impossibile foret, eas omnes hic recensere, nonnullas delibabimus, quæ frequentius occurrunt.

2 Utque, id ordinatim conficiamus, a quæstione exordimur, omnia Sacramenta complectente, alias subinde indicaturi ad singula pertinentes. Quæstio est inter Theologos, sæpius a Parochis reficari solita, an, & qualis intentio sit necessaria in Ministro, ut validum Sacramentum conficiat. Aliquam intentionem, saltem faciendi, quod facit Ecclesia, in eo requiri, Fidei dogma est: Etenim Eugenius IV. in suo decreto, post Concilium Florentinum, (tom. 9. collect. Harduin. col. 438.) septem novæ Legis Sacramentis singulatim enumeratis, ait: *Hæc omnia Sacramenta tribus perficiuntur, videlicet rebus tanquam materia, verbis tanquam forma, & persona Ministri, conferentis Sacramentum, cum intentione faciendi, quod facit Ecclesia; & Concilium Tridentinum sess. 7. can. 11. contrarium sentientes anathemate perstrinxit: Si quis dixerit, in Ministris, dum Sacramenta conficiunt, & conferunt, non requiri intentionem, saltem faciendi, quod facit Ecclesia; anathema sit.*

3 Nec vero pauca, nec levia sunt rationum momenta, quibus hoc Fidei dogma fulcitur: Nam in primis Christus Dominus, Sacramentorum novæ Legis Auctor, & Institutor, eorundem administrationem esse voluit actionem humanam; Actio autem humana esse non potest, nisi sit libera, nec libera, nisi fiat ex rationis judicio, & cum intentione voluntatis. Præterea actio Sacramentalis referri potest ad varios fines: infans quippe potest e. g. aqua ablui, vel ad munditiam corporis, vel ad sanitatem; quamobrem, ut ablutio sit Sacramentalis, necesse est, ut ad finem Baptismi determinetur, per intentionem abluentis. Demum, ut Sacramentum valide conferatur, qui illud administrat, gerere se debet, ut Christi, & Ecclesiæ Ministrum, ad quod profecto necessarium est, ut illud animo intendat, quod Christus instituit, aut facit Ecclesia.

4 Ex his porro, quæ late exornant Theologi, præcipue Gregorius de Valentia *tom. 4. commentarior. Theologicor. disput. 3. quest. 5. punct. 3.* colligitur, eum, qui joco ac scurriliter Sacramenti ritum celebrat, Sacramentum non conficere, neque valide administrare. Is quippe animum illudendi sibi adesse ostendit, non vero ponendi religiosam actionem, a Christo Domino institutam, ejusque virtute sacratam: quare Lutheri, & Calvinii error, Sacramenta, per jocum administrata, nihilominus rata esse, asserentium, primo confixus est a Leone X. anno 1520., cum inter ceteras, hanc quoque Lutheri propositionem proseripsit: *Si per impossibile confessus non esset contritus, aut Sacerdos non serio, sed joco absolveret, si tamen credat se absolutum, verissime est absolutus*; & deinde expresse damnatus a Concilio Tridentino, cum *cir. sess. 7. tum sess. 14. cap. 6. & can. 9. de sacrament. Pœnit.*

5 Nec quemquam movere debet, quod Socrates *lib. 1. hist. Eccles. cap. 15.*, Sozomenus *lib. 2. cap. 17.*, aliique ex Rufino scribunt, de Alexandro Patriarcha Alexandrino; ei nempe, aliisque Episcopis ad Concilium congregatis, ratum fuisse, ac validum Baptisma, ab Athanasio, nonnullum ex puerili ætate emerfo cum sociis ludente, collatum: primo enim, uti Nos animadvertimus *Notificat. 8.*, multi Auctores factum illud, non modo revocant in dubium, sed plane inficiantur: Quoniam, si Hieronymi Chronico fidem adhibeamus, Alexander ad Sedem Alexandrinam non est electus, ante annum 321., & Athanasius, eodem Sozomeno referente, anno 325. Concilio Nicæno, jam Diaconus, interfuit, atque insequenti anno, Alexandro vita functo successit; Quocirca explicari non potest, quomodo puer luserit, Ecclesiam Alexandrinam regente Alexandro; & quamvis Alexandrum anno 313. Episcopum inauguratum dicamus, uti tradunt Pagius *ad an. 311. num. 25.*, & PP. Mauro-Benedictini *in vit. Athanasii. (tom. 1. oper. part. 1. pag. 111.)* tunc tamen Athanasium suæ ætatis annum duodevigesimalum egisse oportuit: quoniam annorum saltem triginta, prædicto anno 326. Alexandrinum Episcopum eundem renuntiatum, sepe communiter Eruditi consentiunt: nunquam enim ei ab Arianis ob-

etum

atque legimus, quod junior Episcopatum arripuisset, ut de Paulino, Hieronymi fratre narratur: Ætas vero duodeviginti annorum ab illis puerilibus nugis jam abhorret, quibus Socrates, & Sozomenus Athanasium dissentientem scribunt. Deinde, etsi res ita se habuerit, nihil tamen exinde ad adstruendum Hæreticorum errorem, conficitur; Athanasius quippe non irrisorie, sed serio Baptisma contulisse, eo ritu, quem ab Alexandro Episcopo adhiberi viderat, ex eo colligitur, quod iidem Historici narrant, eum scilicet, non omnes promiscue socios, sed solum Cathecumenos baptizasse; Cum autem Athanasium tunc lusisse iidem asserunt, nihil aliud sibi voluisse videntur, quam eundem, in re serio peracta, oblectamentam animi, tanquam extrinsecum finem sibi proposuisse.

6 Verum, quanquam apud Catholicos certissimum sit, in Sacramenti Ministro aliquam intentionem requiri, saltem faciendi quod facit Ecclesia, valde tamen inter eosdem disputatur, de huius intentionis objecto, seu quid illud sit, ad quod ferri debeat ejusmodi intentio, quam omnes necessariam fatentur. Ambrosius Catharinus, e Dominicanorum familia, Episcopus Minorensis, & postea Archiepiscopus Compfanus in *opusculi de intentione Ministri* contendit, ad Sacramentum valide administrandum, satis esse, ut Minister intentionem habeat serio perficiendi ritum externum, qui ab Ecclesia adhibetur; Atque ideo, etiamsi suam intentionem retineat, aut intèrius dicat, se nolle facere, quod facit Ecclesia, dummodo exterius serio agat, nulloque signo pravam suam voluntatem prodatur, ratum, perfectumque Sacramentum ab eo perfici, Catharinus propugnat. Catharino præiverant Petrus Cantor, Robertus Cardinalis Pullus, Paludanus, Silvester, eumque postea sunt sectati Salmeron lib. 1. *comment. in epistol. D. Pauli*, 3. par. *disp. 2.*, Joannes Marius Scribonius in *Summ. Theolog. de Sacram. in genere quest. 6. & 7.*, Vincentius Contempsonius in *suo tract. de Sacram. in genere*, Hyacinthus Serry in *Vind. vind.*, Natalis Alexander, Gaspar Juenin, alique recentiores.

7 Hæc tamen opinio visa est aliis coincidere cum Lutheri, & Calvini doctrina, a Concilio Tridentino expresse damnata, ac propterea non dubitarunt hæresis notam eidem inurere; Verum hujusmodi Censores Concilii Tridentini historiæ se prorsus jejunos ostendunt: Etenim sessio septima, ubi primo impium Hæreticorum dogma anathemate confossum fuit, habita est die 3. Maji 1547., & laudatum Catharini opusculum, Romæ typis impressum prodiiit anno 1552., quin opusculi Auctor, ea occasione, in aliquam erroris suspensionem venerit: Quapropter Cardinalis Palavicinus, cui Tridentini canones, & decreta, eorumque genuinus sensus, ignota profecto non erant, in ejusdem Concilii historia lib. 9. cap. 6. num. 2. loquens de sententia, a Catharino in eodem Concilio propugnata, hæc habet: *Equidem existimo, Catharini sententiam falsam esse, sed non ideo per Tridentinos canones diserte damnatam: Quapropter fas illi fuit affirmare, eam Concilio non contradicere; & lib. 12. cap. 10. exponens decreta, Pœnitentia*

tiz sacramentum spectantia, a Concilii Patribus formata, num. 34. ait : *Ex hisce postremis verbis conijcere potest quisquis ea legerit, haud esse expunctam sententiam Catharini, aliorumque Theologorum, opinantium, Sacramento, quo ratum sit, sufficere in Ministro voluntatem serio agendi, & obesse tantummodo jocum, quem Sacramentum suscipiens cognoscere possit.*

8 Quamobrem melioris judicii Theologi, Catharini opinionem ab hæresis censura vindicant, latumque inter illam, ac Lutheri, & Calvini doctrinam discrimen intercedere demonstrant, præsertim Vasquez in 3. par. tom. 2. disput. 138. cap. 2. & 3., Cardinalis de Lugo de Sacrament. disput. 8. sect. 2. num. 15. Natalis Alexander Theolog. dogmat. & moral. tom. 2. cap. 1. art. 3. reg. 1., Juenin de Sacram. dissert. 1. quest. 5. art. 3. §. 1.; Quinimmo Marcus Antonius de Dominis lib. 5. de republic. Eccles. cap. 12. §. 12. & 13., ubi perversum Hæreticorum errorem adtruit, Catharinum a sua sententia prorsus alienum agnoscit, & fatetur. Negari tamen haud potest, grave vulnus præfatæ opinioni inflictum ab Alexandro VIII., a quo die 7. Decembris 1690. hæc inter alias, propositio damnata fuit : *Valet Baptismus, collatus a Ministro, qui omnem ritum externum, firmamque baptizandi observat, intus vero in corde suo apud se resolvit : non intendo facere, quod facit Ecclesia* ; Sed nihilominus a damnationis telo, illam defendere conantur Juenin cit. loc., Serry in Vind. vind. pag. 109., Auctor op. de re Sacram. pag. 113., alique, confixam propositionem intelligendam rati, cum ritus externus, aut non serio, sed joco, & mimice peragitur, aut ab illo exercetur, qui aliunde, hoc est, ab aliqua exteriori circumstantia, puta a Sacramenti postulatione, non determinatur ad agendum nomine Ecclesiæ, seu tanquam Ecclesiæ Minister : ultro enim admittit Juenin, non valide baptizare, qui a nemine postulatus domi infantem abluit, cum expressa Sanctissimæ Trinitatis invocatione, si intra se deliberet id, quod lert propositio damnata : *Non intendo facere, quod facit Ecclesia.*

9 Verum, utut hæc res coram Deo se habeat, nulla usque adhuc de ea emanavit expressa Apostolicæ Sedis definitio. Quamvis igitur communior sit sententia exigens in Ministro intentionem, vel actuale, vel virtuale faciendi, non solum ritum externum, sed id, quod Christus instituit, seu quod facit Ecclesia, & hæc, veluti tutior, sit omnino servanda in praxi; non est tamen Episcopi, priorem opinionem reprobare, atque ad hanc posteriorem, etiam theoricè tuendam, suos Dioecesanos adigere : causas quippe majores, difficilioreque quæstiones, Fidem, aut disciplinam spectantes, ad Apostolicam Sedem deferendas, statuit perpetua Ecclesiæ consuetudo, ab Innocentio III. in cap. Majores de Baptismo confirmata. Quare, si constet, quempiam, aut Baptismum contulisse, aut aliud Sacramentum, ex iis, quæ iterari nequeunt, administrasse, omni adhibito externo ritu, sed intentione retenta, aut cum deliberata voluntate non faciendi, quod facit Ecclesia, urgente quidem necessitate, erit Sacramentum iterum sub conditione perficiendum; si tamen res moram

moram pariat, Sedis Apostolicæ oraculum erit exquirendum, quemadmodum ad Severum Scholasticum Constantinopolitanum faciendum scriptis Ferrandus Ecclesiæ Carthaginiensis Diaconus, in difficili quæstione, qua tunc Ecclesia fatigabatur, doctis, indoctisque in varias partes scissis, inquit: *Interroga, vir prudentissime, si quid veritatis cupis audire, principaliter, Apostolica Sedis Antistitem, cujus sana doctrina constat judicio veritatis, et fulcitur munimine auctoritatis* (tom. 9. Biblioth. PP. pag. 509.). Quod semel monitum volumus, ut regula sit, etiam pro aliis controversiis, quas mox commemorabimus.

## CAPUT V.

*Nonnulla recensentur quæstiones, spectantes sacramentum Baptismi, a quibus in Synodo definiendis, est abstinendum: ubi de Baptismo collato infanti in matris utero latitanti, necnon infanti, qui aliquam sui partem ex utero matris emisit.*

**N**emo sit qui putet, Nos extra propositum vagari, cum de singulis Sacramentis, atque interdum etiam prolixius, disserimus: etenim quanquam Nobis in animo non fuerit, tractatum de Sacramentis elucubrare, attamen quia plerumque Episcopi in suis Synodis, de quolibet Sacramento specialem sermonem instituunt, nostri instituti esse arbitramur, difficultatum scopulos, in singulis latentes, iisdem detegere, per quos medii incedere debeant, neque in unam, alteramve partem deflectere, ne secus in legem delinquant, quam a Fagnano didicimus, suamque Synodum eruditorum hominum dictis exponant.

2 Post indicatam igitur controversiam, omnibus Sacramentis communem, nonnullas statim offendimus quæstiones, ad sacramentum Baptismi peculiariter pertinentes, quas in Synodalibus Constitutionibus præstat potius præterire, quam enodare. Certum est, infantem in matris utero ita latitantem, ut nulla ejus pars aqua perfundi queat, baptizari non posse, nec ei quidquam prodesse, quod nonnulli Hæretici olim sunt arbitrati, si ejus loco, matris corpus abluatur, quemadmodum lib. 6. contra Julianum cap. 14. diserte tradit Augustinus, relatus in can. 14. de consecrat., distinct. 4. Si ad matris corpus id, quod in ea concipitur, pertineret, ita ut ejus pars depuraretur, non baptizaretur infans, cujus mater baptizata est, aliquo mortis urgente periculo, cum eum gestaret in utero. Nunc vero cum etiam ipse baptizatur, non unius bis baptizatus habebitur. Non itaque ad maternum corpus, cum esset in utero, pertinebat; & prosequitur D. Thomas 3. part. quæst. 68. art. 11. At quæstio est, an, referato materni uteri ostio, quod puerperii initio contingit, valide baptizetur infans, cujus corpusculum, etsi nulla sui parte in lucem prodierit, aqua nihilominus, saltem per siphunculum tingi potest. Mirum est, quantum in hac quæstione variant Doctores. Valide

lide eum baptizari affirmant Victoria in *Summ. de Sacram. quest.* 32. Suarez in 3. part. *disput.* 2. *quest.* 68. *sect.* 6. art. 11. in comment. Gregorius de Valentia tom. 4. *disput.* 4. *quest.* 1. *punct.* 2. §. Tercio sequitur, Capeville de casibus in peste, cap. 2. *quest.* 10. sub fin. quibus ex recentioribus adherent Peguletus in tract. probabilis. cap. 41. & seqq. Piette in elucidat. difficilior. The 1. 2. *quest.* 10. part. 5. de Baptismo *quest.* 8. Florentius Cocq de Baptismo *sect.* 7. Franciscus Henno *disput.* 3. *quest.* 1. *conclus.* 2. Holzman *Theolog. moral. tom.* 2. tract. 2. cap. 2. art. 2. §. 1. num. 137. Sbogar in *Theologia radicali tract.* 13. de Baptismo cap. 5. num. 43. & Gabriel Gualdus in opusculo de hac re accurate conscripto, Patavii impresso anno 1710., & denuo anno 1712., quorum sententiam Theophilus Raynaudus, etsi contrariam sequatur, dicit communissimam. Negant exadverso idem Raynaudus *opuscul. de ortu infantium per sectionem Cesaream*, cap. 6. num. 14. *oper. tom.* 14. Cardinalis de Laureæ in 4. sent. tom. 1. de Baptismo *disput.* 14. art. 4. Martinus Orelli in peculiari de hoc argumento dissertatione, Nicolaus! Herminier de Baptismo. cap. 10. Natalis Alexander *Theolog. dogmat. & moral. tom.* 2. lib. 2. cap. 7. *prop.* 2. in fin. Juenin de Sacram. *dissert.* 2. *quest.* 7. cap. 1. art. 2. in fin. Gibert. *consultat. Canoniar. tom.* 2. *consult.* 22. de Baptismo per tot. & præsertim pag. 242. & seqq. Cardinalis Gotti tom. 13. pag. 260. & novissime Joannes Laurentius Berti in sua *Theologia tom.* 6. lib. 31. cap. 18. Sed non omnes hujus posterioris sententiæ Patroni eidem fidunt argumento: Theophilus Raynaudus validum fatetur Baptismum, collatum infanti e matris utero nondum egresso, si ad ejus corpus aqua quomodocumque pertingat; sed hoc nequaquam evenire posse putat, Quia (inquit) ipse nterius est admodum abditus, & exquisitus oculus a momento conceptionis, usque ad tempus partus, & intra ipsius uteri latebras, foetus tot undique secundinis circumspicitur, ut nesciam, qua ratione dici possit, aquam esse applicabilem, & ad foetum immediate perferri, neque ad rem facere autumat Raynaudus, quod aqua maderiant secundinæ, quibus infantis corpus involvitur: nemo quippe, ait, censebit, vere baptizatum iri puerum, sacco coriaceo inclusum, si aqua soli corio affunderetur, per quod ad pueri corpus non pervaderet.

3 Sed ex duobus, quæ Raynaudus, tanquam certa sumit, primum est evidenter falsum; siquidem ex Medicorum, & obstetricum testimonio, satis constat, infantem, puerperii initio, secundinarum involucri jam spoliatum, posse intra matris uterum tangi, & tractari: alterum vero est in questione positum; quamvis enim sere communiter Doctores concedant, validum non fore Baptismum, si aqua solæ persunderentur vestes, quibus baptizandus obtegitur, non omnes tamen idem sentiunt de secundinis, quibus infans a natura circumvestitur; hæ quippe consentent quodammodo parti infantilis corporis, quod propterea videtur immediate abluī, cum illæ maderiunt, uti præ ceteris ratiocinantur Silveiter v. Baptismus 4. *quest.* 1. & Valquez in 3. part. *sem.* 2. *disput.* 145. cap. 4. *nom.* 31.

4 Quamobrem aliud alii argumentum instaurant, ad evercendum Baptisma,



ptisima, de quo est sermo: Baptismus (inquiunt isti) est Sacramentum regenerationis, & secundæ nativitatis spiritalis, cui necesse est, ut prima corporis nativitas præcedat; dixit enim Christus Dominus Jc. 3. *Nisi quis renatus fuerit denuo; & rursum: oportet eos nasci denuo, non potest autem denuo nasci, qui nunquam antea natus fuit.* Eo autem fidentius huic argumento insistant, quia ab Augustino se illud accepisse glorianur: enimvero non semel S. Doctor hæc ratiocinatione utitur, ad probandum, natum esse oportere, qui regenerationis lavaero, ab Originali culpa est expiandus; libro enim 2. *de peccat. merit. & remission. cap. 27. (tom. 10. oper. col. 63.)* inquit: *Sacramentum Baptismi profecto Sacramentum regenerationis est: quocirca sicut homo, qui non vixerit, mori non potest; & qui mortuus non fuerit, resurgere non potest; ita qui natus non fuerit, renasci non potest; & epistola 187., olim 57. ad Dardanum num. 31. (tom. 2. oper. col. 688.)* Nec renasci quisquam potest, antequam natus sit; & infra: *Non video quomodo edificentur homines in domum Dei, ad habendum in se inhabitantem Deum, nisi cum fuerint renati, quod non possunt esse, antequam nati; ac tandem: Si igitur homo regenerari, per gratiam Spiritus Sancti, in utero potest, quoniam restat illi adhuc nasci, renascitur ergo, antequam nascatur, quod fieri nullo modo potest.* Idem, quod Augustinus, docet Ilidorus lib. 1. *sentent. cap. 24. relatus in can. 115. de consecrat. dist. 4. Qui in maternis uteris stent, ideo cum matre baptizari non possunt: quia qui natus adhuc, secundum Adam non est, renasci, secundum Christum non potest.*

§ Verum has, & similes Patrum locutiones facile evadunt Auctores primæ sententiæ, contententes, unicum illarum scopum esse, improbare Baptismum, collatum matri pro puero, quem in utero gestat, quod quidem Baptisma Augustinus, loco paulo ante producto, contra Julianum rejecit. Neque urgeri se arbitrantur a ratione petita, ex allegatis Christi Domini verbis: vere enim, quantum ad rem attinet, natum ajunt, qui ex abditioribus maternæ alvi penetralibus ad uteri ostium decedit, atque obstetricis manibus pertractatur. Hanc porro responsionem confirmant auctoritate D. Thomæ, qui *cit. quest. 68. art. 11. in corp.*, nuper citatis Patrum testimoniis rite expensis, ideo dumtaxat infantem intra matris uterum latitantem baptizari posse, inficiatur, quia salutari aqua immediate lustrari nequit, ex quo apparet, oppositum ab Angelico statui, cum infantis corpus potest aliquo modo immediate ablui: *Dicendum (verba sunt Angeliei) quod de necessitate Baptismi est, quod corpus Baptizandi aliquo modo aqua ablatur, cum Baptismus sit quedam ablutio, ut supradictum est; corpus autem infantis, antequam nascatur ex utero, non potest aliquo modo ablui aqua, nisi forte dicatur, quod ablutio baptismalis, qua corpus matris lavatur, ad filium in ventre existentem perveniat. Sed hoc esse non potest &c.*

6 Hæc argumentis nimium confusus Gualdus in *cit. opus. cap. 12. num. 216.*, Episcopos hortatur, ut parvulos, intra matris uterum adhuc oclusos, cum in vitæ discrimine versantur, & obstetricis manibus tractari

queunt, omnino baptizari præcipiant, atque edicant; verum, quoniam ipsemet fatetur, ultimum controversiæ iudicium a Sede Apostolica esse proferendum, tutius erit, ut Episcopus istud expectet, nec interim quidquam suis Constitutionibus inserat, quo implexæ istius quæstionis decisionem sibi arrogasse videatur. Ad Parochos vero pertinebit obstetrices instruere, ut cum casus evenierit, in quo infantem, nulla adhuc sui parte editum, mox decessurum prudenter timeant, illum baptizent sub conditione, sub qua pariter erit iterum baptizandus, si periculum evadat, & foras prodeat, quemadmodum, post alios, faciendum monet, Tournely in suis prælection. de sacram. Baptism. quæst. 3. art. 3.

7. Hæc de infante, intra matris uterum totaliter addito; quid autem de illo dicendum, qui aliquam sui partem ex utero emisit? Huic, instante mortis periculo, in ea parte esse Baptismum conferendum, quæ ex utero emerit, statuit Rituale Romanum tit. de baptizand. parvulis, additque, non esse Baptismum ullo pacto repetendum, si salutari aqua infantis caput tinctum fuerit; secus vero faciendum decernit, cum non caput, sed alia quælibet corporis pars aqua persunditur, tunc quippe puerulum, si vivus evaserit, iterum sub conditione baptizandum præcipit. Rituali Romano consentit Rituale Sacramentorum, a Cardinali Julio Antonio Sanctorio, jussu Gregorii XIII., Romæ evulgato, anno 1584., atque utrique respondent instructiones S. Caroli Borromæi, inter Acta Ecclesiæ Mediolanensis pag. 497. §. Si vero fœtus. Hanc eandem doctrinam diserte tradit D. Thomas 3. part. quæst. 68. art. 11. ubi hæc habet: *Ad quartum dicendum, quod expectanda est totalis egressio pueri ex utero ad Baptismum, nisi mors immineat, si tamen primò caput egrediatur, in quo fundantur omnes sensus, debet baptizari, periculo imminente, & non est postea rebaptizandus, si eum perfecte nasci contingat. Et videtur idem faciendum, quacumque alia pars egrediatur, periculo imminente: quia tamen in nulla exteriorum partium integritas viæ ita consistit, sicut in capite, videtur quibusdam, quod propter dubium, quacumque alia parte corporis abluta, puer post perfectam natiuitatem sit baptizandus, sub hac forma: Si non es baptizatus, ego te baptizo &c.*

8. At nihilominus, licet Doctores satis communiter admittant, sub conditione esse repetendum Baptismum, cum abluta fuit exigua pars corporis, puta digitus, & juxta alios, etiam sola manus, aut pes, quæ ex matris utero erupit, attamen inter se disputant, an repetendus sit, cum abluta fuit alia pars æque principalis, ac caput, puta humeri, petus, scapulæ, brachia &c. existimantibus plerisque, tam a D. Thoma, quam a Rituali Romano caput nominatum esse, non restrictive, sed mere demonstrative, ut ajunt, seu exempli causa, ac propterea idem iudicium esse ferendum, de aliis partibus, æque principalibus, sicuti ratiocinantur Sotus in 4. distict. 3. quæst. unic. art. 7. circa medium, Suarez tom. 3. in 3. part. disp. 2. quæst. 66. art. 4. sect. 2., ubi explicans mentem D. Thomæ, ait: *Si Baptismus fieri possit in capite, illa est certissima, & sufficientissima*

*cientissima materia, quia illa pars precipua est, & ab ea maxime potest totus homo denominari. Quid si hoc commode fieri non potest, propter aliquod gravis nocuum periculum, si fiat ablutio in scapulis, aut in pectore, vel in humeris, erit satis certa, & indubitata materia. Interdum vero soles occurrere necessitas baptizandi puerum in pede, propter periculum mortis, & tunc etiam licite id fit; tamen quia res est dubia, si infans evadat periculum, & perfecte nascatur, iterum abluendus est sub conditione, prout in Ritualibus Ecclesiasticis Parochi admonentur. Et hæc est communis doctrina Theologorum cum D. Thoma; & prosequuntur Gregorius de Valentia tom. 4. disp. 4. quest. 1. punct. 2. §. Quamquam recte Sotus, Coninch de Sacram. quest. 66. art. 2. dub. 2. num. 79., Gonzalez in cap. 5. de Baptismo, num. 3. & alii.*

9 Idem diffidium, quod viget inter Theologos, vixisse olim, deprehendimus, inter Ecclesiarum Antistites. Etenim statuta Synodalia Ecclesie Biterrensis, a Guillelmo Episcopo anno 1342. condita num. 10. (tom. 4. *Thesaur. nov. anecdot.* Martene col. 644.) validum statuunt Baptismum, quæcumque sit pars corporis, quæ aqua luitur: *Præcipimus moveri populum, quod si in ipso partu mulieris imminet grande periculum, ipsa muliere multo tempore laborante in editione partus, & caput, & manus, vel alia pars infantis appareat, quod illa baptizetur, & censeatur baptizatus: At antiqua statuta Ecclesie Rutenensis, in Aquitania ratum duntaxat habent Baptismum, in capite, non vero in alio quovis membro collatum; cap. enim 6. (tom. 4. *Thes. anecdot.* Martene col. 686.) ita decernunt: Si vero muliere in partu laborante, infans extra ventrem matris caput tantum emiserit, & in tanto periculo infans positus, commode haberi nequiverit, infundat aliquis, vel aliqua de astantibus aquam super caput infantis, dicens: Creatura Dei ego te baptizo &c., & erit baptizatus. Si vero non caput, sed aliud membrum emiserit, & super illud membrum aquam effundendo, prædicto m. d. fuerit baptizatus, & postea vivens natus fuerit, non judicamus talem baptizatum. Concilium vero Treverense anni 1310. discrimen faciens, inter membra principalia, & minus principalia, idem statuit, quod nuper laudati Theologi opinantur; cap. enim 114. hæc habet (eodem tom. 4. *Thes. anecdot.* col. 263.): Si autem muliere in partu laborante, infans in ventre matris tantum caput emiserit, & nasci nequeat, mox aliqua de obstetricibus aquam super caput infantis infundat, dicens: Ego baptizo te &c., & erit baptizatus. Idemque dicendum est, prout quidam asserunt, si major pars corporis, præter caput appareat, baptizatur: scilicet si minor, solus pes, vel sola manus appareat, baptizari non debet; quod si fiat, nihil agitur. Cum enim partus tunc non nascatur, nec tunc etiam potest renasci.*

10 Cum itaque hæc controversia hæcenus indecisa remaneat, uti scite animadvertit Cardinalis de Rohan in suo Rituali Argentinensi ad tit. de Baptismo §. 5., inquit: *Utrum ratum sit Baptismus, non in capite, sed in aliqua alia corporis parte collatus, multi non immerito dubitant, idcirco cavere debet Episcopus, ne in sua Synodo aliquid, quoad eam, decernat; sed*

id solum curabit, ut Parochi, ceterique, quorum interest, illud exacte exequantur, quod in Romano Rituali præscribitur, sicuti optime animadvertit citatus Gibertus in *consultat. Canonic. de sacramento Baptismi, consult. 22.*, ubi Synodos affert, Rituali Romano conformes, ejusque vestigiis inhærentes.

## CAPUT VI.

*De forma conditionata Baptismatis, alteriusve Sacramenti characterem imprimentis.*

**Q**Uoniam in præcedenti capite sæpius facta est mentio formæ conditionatæ Baptismatis, necessarium ducimus, de eadem hic ex professo agere, ne deinceps Episcopales Synodi, de illa loquentes, errent; sicuti reipsa non paucas hac in re errasse, comperimus. Eam a Scholasticis esse adinventam, & in Ecclesiam invecram, plerique viri eruditi existimarunt; sed eos toto cælo aberrasse, ait Martene de antiquis *Eccles. ritib. tom. 1. lib. 1. cap. 1. art. 16. num. 10.*; Siquidem, longe ante Scholasticos, S. Bonifacius Archiepiscopus Moguntinus, in suis statutis, circa annum 745. conditis, & *tom. 9. Spicilegii*, a Luca Dachærio editis, *cap. 28.*, hæc habet: *Si de aliquibus dubium sit, utrum sint baptizati, absque ullo scrupulo baptizentur; his tamen verbis præmissis: Non te rebaptizo, sed si nondum es baptizatus, Ego te baptizo;* Idemque, ac totidem fere verbis, statutum legimus *Capitular. lib. 6. cap. 184.*, apud Balutium *tom. 1. pag. 954.*, e quibus idem decretum excerptit, ac suæ canonum collectioni, *sub tit. 11. cap. 17.* inseruit Isaac Episcopus Lingonensis, apud Harduinum *collect. Concil. tom. 5. col. 447.* Licet porro, ante sæculum VIII., prædictæ conditionatæ formulæ expressam mentionem in Conciliis, & Patribus non inveniamus, quemadmodum, præter laudatum Martene, observant Juvenius de *Sacram. dissert. 1. quasi. 3. cap. 5. art. 1.*, & Tournely *prælect. tom. 6. de Sacram. in genere quasi. 1. art. 6. edit. Venet. pag. 38. & 39.*, non recte tamen inde intulit Natalis Alexander *hist. Eccles. sæc. IV. cap. 4. art. 12.*, illam non fuisse in usu; quinimmo ex antiqua, & constanti Ecclesiæ praxi oppositum colligi, putamus, quod hac ratiocinatione ostendimus. Perpetuum Catholicæ Fidei dogma fuit, unicum esse Baptisma, juxta illud Apostoli ad *Ephes. 4. Unus Dominus, una Fides, unum Baptisma*, quod propterea semel rite collatum, sine gravi piaculo, iterari posse, semper Ecclesia negavit, uti constat *ex can. 47. Apostolor.*, juxta versionem Dionysii, *ex can. 3. Concilii Valentini anni 374.*, & *can. 38. Concilii Carthaginienfis III. anni 397.*, quibus in locis temere rebaptizantes gravibus subduntur poenis, & Ecclesiastica communione privantur. At eadem Ecclesia, quæ ita docuit, eos nihilominus, de quibus dubitabatur, an essent in Christo regenerati, incunctanter baptizandos,

dos, præcepit, quod innumeris testimoniis comprobatur: sæculo 111. disputatum fuit de Baptismo Clinicorum, num scilicet validum esset Baptisma, per asperisionem datum ægrotis, in lecto decumbentibus: consultur Cyprianus: respondet Sanctus Doctor *epist. 76. ad Magnum*, validum quidem sibi illud videri; iis autem, qui dubitabant, auctorem se esse, ut illud iterum conferrent: *Si aliquis existimat* (ait Cyprianus) *eos nihil consequutos, esquod aqua salutarî tantum persufsi sunt, sed inanes, & vacui sunt, non decipiantur, ut, si incommodum languoris evaserint, & convalescerint, baptizentur*. Sæculo v. a Legatis Maurorum interrogantur Patres Concilii Carthaginienfis V. (aliis VI.) anni 401. quid agendum foret, de pueris, quos an baptizati essent, nemo certo sciret; ad quod responderunt Patres *can. 6. (collect. Hard. tom. 1. col. 987.)* *Placuit de infansibus, quoties non inveniuntur certissimi testes, qui, eos baptizatos esse, sine dubitatione testentur, neque ipsi sunt idonei de traditis sibi Sacramentis respondere absque ullo scrupulo, eos esse baptizandos, ne ista trepidatio eos faciat Sacramentorum purgatione privari; eundemque canonem renovarunt Synodus Africana anni 401., & alia Synodus Carthaginienfis sub Bonifacio Episcopo anno 525. Idem ad Rulticum Narbonensem, atque iterum ad Neonam Episcopum Raveanatem rescriptit Leo Magnus; ad hæc autem præcedentium Conciliorum, & Patrum decreta allusit Gregorius II., cum de eadem re interrogatus a Bonifacio Episcopo, *epist. 2. num. 9. (tom. 3. collect. Hard. col. 1859.)* respondit: *De parvulis, qui a parentibus subtrahiti sunt, & an baptizati, an non, ignorant, quia interrogasti: hos ut baptizare debeas, secundum Patrum traditionem, si non fuerit, qui testificetur, ratio expiscit. Jam vero cum ex his, aliisque similibus testimoniis, a laudato Martene prolatis, luculenter pateat, antiquum, atque ipsi Ecclesiæ cœvum usum fuisse, eos baptizare, de quibus dubitabatur, num, per regenerationis lavacrum, ab originali culpa essent expiati, ne dicamus, Ecclesiam in eundem incidisse Rebaptizantium errorem, quem toties detestata erat, & damnaverat, necesse est existimare, non aliter in ea dubietate Baptismum conferri, voluisse, quam sub tacita, & mente concepta conditione: Si nondum es legitime baptizatus. Hæc autem conditio, quæ prius mente tantum concipiebatur, cœpit sæculo v111. in ipsâ Baptismi forma exprimi, & pronuntiarî; quam quidem disciplinam multis jam in locis receptam, Alexander III., sæculo x11., non solum approbavit, sed ubique servandam edixit in cap. 2. de Baptismo, inquit: De quibus dubium est, an baptizati fuerint, baptizantur, his verbis præmissis: Si baptizatus es, non te baptizo, sed si nondum baptizatus es, ego te baptizo &c.; eandemque sanctionem confirmavit Joannes XXII., apud Oðoricum Rainaldum ad an. 1333. num. 42.**

2 Non ideo tamen, quod per præfatam conditionem, periculum evitetur rebaptizandi, qui jam semel fuerit legitime baptizatus, est illa passim, & temere adhibenda, sed tunc solum ea uti licebit, cum prudens, & probabilis subest dubitatio, an quis fuerit rite baptizatus, nec diligenter præmis

præmissa indagatione, potuit rei veritas innotescere, quemadmodum scilicet perpendit Sotus in 4. dist. 3. *quæst. unic. art. 9. §. Circa hanc solutionem*, ubi a sacrilegio non excusat, neque ab irregularitate absolvit Sacerdotem, sub conditione rebaptizantem, quem, scilicet, domi baptizatum, & nihil est, quod collatum ei Baptisma rationabiliter suspectum reddat. Quare minime sectanda sunt exempla, quæ congesserunt Gobat tom. 1. *tract. 2. sect. 3.*, & Marin. *Theolog. tom. 3. tract. 19. disput. 1. sect. 8. num. 140.*, ubi plures sub conditione baptizatos narrant, qui, ob merum scrupulum, non tam dubitabant, quam imprudenter suspicabantur, se non esse rite baptizatos, quam quidem conditionatam Sacramenti iterationem, ob consequutos, seu potius apprehensos effectus, quietis conscientiarum, iidem Auctores videntur approbare; sed potius aures præbendæ sunt Estio in 4. dist. 4. §. 15. hæc ad rem adnotanti: *Sciendum est non quancumque lex em in contrarium suspicionem, vel scrupulum debere sufficere ad hoc, ut sub conditione quis hoc pacto baptizetur, sed requiri dubitationem probabilem . . . Ea autem, probabilis dubitatio est, qua facta etiam diligenti indagine, discuti non potest, itaut nec moralis certitudo facti haberi queat; Immo verius obtemperandum est Cathéchismo Romano par. 2. de sacram. Baptism. num. 57. ubi de forma conditionata ait: Ea Baptismi forma ex Alexandri Papa auctoritate in illis tantum permittitur, de quibus, re diligenter discussa, dubium relinquitur, an Baptismum susceperint; aliter vero nunquam fas est, etiam cum adjunctione, Baptismum alicui iterum administrare.*

3 Quæ hucusque diximus, copiosius adhuc, & clarius a Nobis exposita, pluribusque sacræ Congregationis Concilii responsis confirmata fuere in *nostra Notific. 84.*, ubi non solum ex ejusdem sacræ Congregationis sententia ostendimus, non esse Baptismum, ne sub conditione quidem, iterandum, cum nulla occurrat prudens ratio dubitandi, de prioris Baptismi validitate, sed etiam ab irregularitate iterantibus Baptisma inflicta ab Alexandro III. in *cap. Ex litterarum, de Apstatis, & iterantibus Baptisma*, non eximi probavimus, qui, ob solum apprehensum prioris Baptismi vitium, nullaque præmissa veritatis indagatione, illud denovo, sub conditione conferunt, quibus certo sciunt jam semel antea fuisse collatum; Etenim quamquam plures Doctores istiusmodi, sub conditione rebaptizantes a gravi culpa, atque ab irregularitate absolvant, eo quod, per adjectam conditionem, satis consultum existiment reverentiæ debitæ Sacramento, ad quod conficiendum, non aliter fertur intentio Ministri, nisi si rite confectum non fuerit aliud, antea administratum; hæc tamen sententia rejicitur a Cathéchismo Romano *cir. loc.*, ubi reprobantur asserentes, nullum scelus admitti, si quisquis, sine dolo, cum adjunctione illa (videlicet conditionis) baptizent; eidemque opinioni refragatur auctoritas S. Caroli, in cujus instructionibus, inter Acta Ecclesiæ Mediolanensis pag. 497. hæc de forma conditionata habentur: *Qua forma utitur, cum infans, aliusve, qui Baptismo offertur, re diligenter perquisitis, dubium*

dubium relinquitur, aut certe non apparet, eum baptizatum esse, ut de expositis inventisque parvulis dubitari, atque ignorari sæpenumero solet. Quid si; re accurate investigata, exploratum habueris, illum, forma servata, baptizatum esse, caveas omnino, ne hanc sub conditione baptizandi formam adhibeat, cum sacrilegium committas, si contrafecerit, & illud impedimentum contrahat, quod sacri Canones Irregularitatem vocant.

4. In alia itidem nostra Notific. 8., hanc eamdem materiam tractantes, diximus, cum Cardinali Albitio de inconstantia in Fide cap. 33. à num. 14. usque ad 16., improbandas esse Synodos, in quibus generatim, atque indistincte, iterum sub conditione, in Ecclesia baptizari jubentur, quicumque privatim fuere ab obstetricibus domi baptizati. De hisce Synodis, ac Ritualibus idem decernentibus, agit Holzman in sua Theologia moralis tom. 2. tract. 2. cap. 2. art. 2., qui, licet eorumdem Auctores, hoc nomine excuset, quod scilicet dubium illis visum fuerit Baptisma ab obstetrice collatum, satetur nihilominus, minus caute, ac nimium indefinite eos loquutos, cum debuerint potius rerum circumstantias distinguere, easque determinare, quæ incertam reddunt validitatem collati Baptismi, quem propterea tunc oporteat sub conditione iterari. Enimvero si obstetrices de Sacramenti materia, forma, & necessaria in Ministro intentione, sine legitime edoctæ, sicuti Nos in cit. Notific. 8. eas, per Parochos, solenter edoceri iussimus, priusquam ad obstetricum officium exercendum admittantur, exque in speciali eventu, quo Baptisma periclitanti infanti privatim contulerint, ab eodem Parochò interrogatæ, omnia rite a se adhibita, testentur, quæ ad Sacramentum valide conficiendum, requiruntur, nulla sane subest probabilis ratio, cur Baptismus debeat, aut licite possit, sub conditione repeti. Scimus utique in aliis Synodis relatis a Giberro, cit. tom. 2. consult. Canonicar., consult. 16. cautum reperiri, ne plena fides habeatur solius obstetricis testimonio, nisi comprobetur assertione aliorum, qui Baptismo præsentés fuerint; Verum, quanquam, ex plurium attestazione, major prospecto hauriatur rei gestæ certitudo, attamen sacri Canones sufficienter probatam habent collationem Baptismatis, per unicum testem, præcipue si is testificetur de facto proprio, hoc est si asseruerit illud fuisse a se legitime administratum, nec quidquam in contrarium occurrat, quod illius testimonio fidem detrahat, uti diserte decernitur in can. 110. & 112. de consecrat. dist. 4., & cap. Nuper, de testibus, ubi Interpretes omnes.

5. Aliud est, cum collati Baptismi testimonium præbetur a persona incerta: Etenim cum, juxta rescriptum Imperatoris Hadriani ad Junium Rufinum, Proconsulem Macedoniæ, relatum a Callistrato in l. Testium 3. ff. de Testib.: Testibus non testimonio sit credendum, non debemus rem adeo gravem committere fidei personæ ignotæ, cujus qualitates, uti Callistratus in cit. leg. faciendum monet, explorare non possumus. Quare sacra Congregatio Concilii interrogata, an iterum baptizandi essent infantes, vulgo

vulgo *expositi*, ad hospitale S. Spiritus in Saxia de Urbe, delati, etiam si habeant collo appensam schedulam, attestantem, eos fuisse Baptismate ablutos, die 15. Januarii 1724. respondit, esse denuo baptizandos, sub conditione, nisi certa habeatur noticia personæ, a qua schedula sit exarata, aut aliunde indubitatum desumatur indicium Baptismatis, rite eidem collati, quod Nos in *cit. nostra Notific.* 8. animadvertimus, & videre est in *Thesaur. Resolut. tom. 2. pag. 412.*, & *tom. 3. pag. 2.*

6 In eadem sententia fuerant Patres Concilii Provincialis Tolosani, habiti a Cardinali Francisco de Joyosa anno 1590., in cujus *part. 2. cap. 2.* decernitur: *Cum projectis expositisque puerulis, licet affixa reperitur schedula, quæ eos baptizatos esse testetur, in id tamen, an vere factum sit Parochi diligenter inquirent: si certi nihil compereverint in scripto chartula nomine, eos sub conditione baptizabunt* (*tom. 10. collect. Hard. col. 1798.*) Cumque minorem fidem collati Baptismatis, quam schedula incerti Auctoris, faciant alia signa exposito infanti apposita, puta sal, ideo rectissime a Richardo Poor, Episcopo Sarum, cautum legitur: *Si vero pueros cum sale, vel sine sale expositos contingat inveniri, baptizentur, sub conditione tamen, ut statim ibidem explicatur tom. 2. Concil. Britan. Henric. Spelman. pag. 143.*

7 Itaque si Episcopus in sua Synodo loqui velit de Sacramentorum forma conditionata, quod profecto nedum utile, sed quandoque etiam necessarium reputamus, omnia præ oculis habeat, quæ hæcenus enarravimus, atque ad eorum normam congruam formet instructionem, ad quam Parochi, in illa adhibenda, se debeant conformare. Quod si diocesi præsit, in qua sæpe contingat, baptizatos ab Hæreticis, ejurata hæresi, qua erant imbuti, in Catholicæ Ecclesiæ gremium sese recipere, & dubitetur, uti alicubi dubitatum scimus, an ii iterum sint, sub conditione, baptizandi, antequam, in re admodum sane gravi & ardua, quidquam decernat, diligenter investiget, oportet, num in illa Hæreticorum secta, de qua agitur, aliquid innovatum fuerit, circa Baptismi materiam, & formam a Christo Domino institutas. Si enim utramque ab ejusdem sectæ Pseudo-Ministris rite adhiberi deprehenderit, non potest permittere, ut Baptismus ullo pacto iteretur, quin veniat in suspensionem erroris Rebaptizantium, a S. Stephano I., atque uti affirmat Augustinus (*lib. 2. cap. 8. de Baptismo contra Donatistas*) a Concilio plenario proscripti; si ejusmodi Concilium fuerit Arelatense I., siue magnum Nicænum, de quo litigant Eruditi; si autem certo compererit, aut baptizandi corpus ab illis non perfundi aqua naturali, aut formam pronuntiari, sine expressa invocatione Sanctissimæ Trinitatis, siue, alia ratione, ab illa diversam, quam Christus instituit, Baptismum absolute renovari jubeat: Ob non adhibitum quippe legitimam formam, *can. 8. Concilii Laodicensi* (*tom. 1. collect. Hard. col. 781.*), rebaptizandos decrevit: Hæreticos Montanistas; & Gregorius Magnus *lib. 11. indict. 4. epist. 67.* (*tom. 2. oper. col. 1167.*) scribens ad Episcopos Hiberos, universum statuit: *Hi vero Hæretici, qui in Trin-*



*Trinitatis nomine minime baptizantur .... cum ad sanctam Ecclesiam veniunt, baptizantur, quia Baptismus non fuit, quod in errore posui in Sancta Trinitatis nomine minime susceperunt.* Hæc sapienter respexit Cardinalis de Rohan in suo Rituali Argentinensi, ad tit. de Baptismo, cum ait: Baptizati ab iis Hæreticis, qui rectam baptizandi formam non retinent, denuo absolute baptizari debent; Quod si denique diligenti præmissa perquisitione, rei veritatem certo assequi nequiverit. & dubia sibi atque incerta remaneat validitas Baptismatis, ab hæretico Ministro suscepti, illud utique erit sub conditione repetendum, quod in cit. nostra Notific. 84. declaratum, diximus a sacra Congregatione Concilii, quæ interrogata, An, & in quibus casibus baptizati ab Hæreticis debeant sub conditione rebaptizari, si ad Fidem Catholicam convertantur. Die 27. Martii 1683. respondit non esse rebaptizandos, nisi adsit dubium probabile invaliditatis Baptismi.

8 Rationabiliter porro Patribus Concilii Provincialis Mechliniensis anni 1607. incertum saltem, & dubium visum est Baptisma collatum ab Hæreticis Hollandiæ, finitimarumque regionum, apud quos mos invaluerat, ut uno aquam fundente, alter Sacramenti formam pronuntiaret, ac propterea iuste illud iterandum decrevere tit. 3. cap. 6.: Et quia frequens experientia docet, modernos Hæreticos sæpe contra receptam Ecclesiæ consuetudinem, & antiquissimam traditionem baptizare, uno aquam fundente, alio formam ipsam pronuntiante: ab Hæreticis (qui non sunt ad baptizandum admittendi, ubi aliquis Catholicus preest) baptizati similiter sub conditione baptizentur (collect. Harduin. tom. 10. col. 1943.), ejus quidem Concilii sanctionem tuto sectari possunt, & debent aliarum Ecclesiarum Præfules, a quibus sint Ecclesiæ reconciliandi Hæretici, iis in locis baptizati, ubi eundem erroneum baptismi ritum plerumque adhiberi non ex incerto rumore, sed ex fide dignis testimoniis acceperint, atque ideo merito suspicentur, eodem modo fuisse etiam illos baptizatos, qui in Catholicorum numerum petunt aggregari, quod eam ob causam, cum Hæreticis Angliæ faciendum, docuere Silvius in 3. part. q. 66. art. 9., Cardinalis de Lugo in respons. moral. lib. 1. dub. 2. num. 3., Gobat tract. 2. num. 392., Laurentius Neelsen tract. 2. de Baptismo dub. 5., Ludovicus Michon in casibus de Sacram. cas. 8., & Lacroix lib. 6. part. 1. num. 322.

9 Caveat tamen Episcopus, ne incertam & dubiam pronuntiet Baptismi validitatem, hoc tantum nomine, quod hæreticus Minister, a quo fuit collatus, cum non credat, per regenerationis lavacrum, deleri peccata, illud non contulerit in remissionem peccatorum, atque ideo non habuerit intentionem illud conficiendi, prout a Christo Domino est institutum: Siquidem cum in Galliis disputatum olim fuerit, an, ob prædictam rationem, rebaptizandi essent baptizati a Calvinistis, S. Pius V., ad quem controversia delata est, minime rebaptizandos definivit: Sacramenti enim validitati non officit privatus Ministri error, cui prævalet generalis ejusdem Ministri intentio, faciendi quod Christus instituit, seu

Tom. XII.

K k

quod

quod fit in vera Christi Ecclesia, quemadmodum testantur Acta Concilii Ebroicensis anni 1576., ubi hæc ad rem adnotantur: *Ante decisionem Apostolicæ Sedis Romanæ, licuit fortasse cuique in suo sensu abundare. Verum quoniam post habitam de hac facultate disputationem, felic. record. Pius V. definivit, verum esse Baptisma, quo uterentur Calvinistæ, adhibentes formam, & materiam a Christo institutam, cum intentione generali faciendi, quod Christus instituit, licet errarent in particulari interpretatione, & singulari intentione, ut alii fere omnes Heretici errarunt, vel circa intelligentiam forme baptismalis, vel circa aliquem ejus effectum, ob id baptizatos ab ipsis Calvinistis, non iterum tingendos sub conditione &c.* Hinc interdicimus omnibus Caratis, & Presbyteris, sub pena suspensionis ipso facto a Divinis, ne allatos ad se pueros, jam baptizatos a Calvinistis, audeant iterum tingere sub illa conditione. Alia similia Synodorum statuta legi possunt apud Græcolas in antiquo Sacramentario Ecclesiæ part. 2. pag. 153. & seqq.

## CAPUT VII.

*De sacramento Confirmationis relative ad Presbyteros Græcos, qui illud pueris post Baptismum administrant; & primò de Ministro hujus Sacramenti.*

1 CUM vetusta apud Græcos consuetudo obtinuerit, ut simplices Sacerdotes sacramentum Confirmationis administrent, puerosque statim post Baptismum, sacro Chrismate liniant, Episcopi Latini, in quorum dioecesibus Græci habitant, suorumque Majorum institutis utuntur, per sepe dubitarunt, de ejusmodi Confirmationis robore; hanc autem questionem potissimum movere, & reficere solent in eorum Synodis, in quibus, juxta salutare monitum Fagnani in cit. cap. Sicut olim, num. 91. de accusat., ea sunt accuratius enucleanda, quæ in singulis Sacramentis, ut rata sint, dignoscuntur necessaria: Quapropter in hac nostra Lucubratione, quam ad omnium Ecclesiarum Antistitem utilitatem, & commodum exaramus, operæ pretium est, præfatis mixti ritus diocesium Præsulibus, viam sternere, quam tuto calcare queant, quin impediuntur innumeris molibus difficultatum, quæ a Doctoribus excitantur, circa legitimum sacramenti Confirmationis Ministrum, nullique incertæ, & controuersæ inter Catholicos opinioni adherentes, veram sectentur doctrinam, ab Apostolica Sede approbatam, quidque de Confirmatione, a simplici Sacerdote administrata, sentiendum sit, pro locorum diversitate, absque errandi periculo, in suis Synodis, statuunt; quo vero clarius id fiat, nonnulla sunt præmittenda.

2 Ordinarium Ministrum sacramenti Confirmationis esse solum Episcopum, definitum est a Concilio Constantiensi, in damnatione errorum VViclefi; ab Eugenio IV., in decreto instructionis ad Armenos; atque a Tridentino sess. 7. de Confirmatione can. 7.: *Si quis dixerit sancta Confirmationis ordina-*

ordinarium Ministrum non esse solum Episcopum, sed quemvis simplicem Sacerdotem, anathema sit. Hanc veritatem didicit Catholica Ecclesia ab Apostolis, qui cum *Aff. 8.* audivissent, Samaritanos recepisse verbum Dei, miserunt illuc Petrum, & Joannem Apostolos, ideoque Episcopali charactere insignitos, qui recens a Philippo Diacono baptizatis, manus imponerent, ac Spiritum Sanctum traderent; hinc Innocentius I. in epistola ad Decentium, Eugubinum Episcopum, *cap. 3. num. 6. (ex recens. Constant. tom. 1. epist. RR. PP. col. 858.)* scripsit: *De consignandis vero infantibus manifestum est, non ab alio, quam ab Episcopo fieri licere. Nam Presbyteri licet secundi sint Sacerdotes, Pontificatus tamen apicem non habent. Hoc autem Pontificium solis deberi Episcopis, ut vel consignent, vel Paracletum Spiritum tradant, non solum consuetudo Ecclesiastica demonstrat, verum & illa lectio Altiuum Apostolorum, quæ asserit, Petrum, & Joannem esse directos, qui jam baptizatis traderent Spiritum Sanctum; nam Presbyteris, sive extra Episcopum, sive presente Episcopo, cum baptizant, Chrismate baptizatos ungere licet, sed quod ab Episcopo fuerit consecratum, non tamen frontem ex eodem oleo signare, quod solis debetur Episcopis, cum tradunt Spiritum Paracletum.*

3 Neque huic Catholico dogmati illud contrariatur, quod adnotavit Lucas Holstenius in *dissert. 1. de Ministro Confirmationis cap. 1.*, nimirum ab Anania, non utique Apostolo, sed discipulo, manus fuisse impositas Saulo, uti legitur *Aff. 9. versic. 17.*: Etenim ea manuum impositio, utpote quæ Baptismum præcessit, non fuit confirmatoria, sed curatoria, hoc est adhibita ad restituendam Paulo visus sanitatem, quod ex ejusdem capituli *9. versic. 18.* liquet. De simili manuum impositione, adhibenda nimirum ad curandos energumenos, loquitur Innocentius I. in *cit. epist. ad Decentium cap. 6. num. 9.*, ubi eam, ex Episcopi delegatione fieri permittit, etiam a Diacono, inquires: *De his vero baptizatis, qui postea a Demonio, vitio aliquo, aut peccato interveniente, arripiuntur, est sollicita dilectio tua, si a Presbytero, vel Diacono, possint, aut debeant designari. Quod hoc, nisi Episcopus præceperit, non licet. Nam manus eis imponenda omnino non est, nisi Episcopus auctoritatem dederit id efficiendi, quem Innocentii locum non recte considerarunt Morinus in *dissertat. de sacramento Confirmationis cap. 16.*, & citatus Lucas Holstenius, qui inde erui affirmarunt, potestatem confirmandi quondam fuisse Diaconis delegatam: Nam, uti melius observavit Morini Editor Moretus, & pluribus confirmat Petrus Coustant, *ad cit. epist.*; nullus hic est sermo de sacramento Confirmationis, quod, tunc temporis statim post Baptismum conferebatur, quemadmodum, in sequenti capite ostendemus, sed de ritu, quo eis succurrebatur, qui a Demonio, post susceptum Baptismum, essent arrepti.*

4 At gravis olim exarsit, inter Doctores controversia, an, ex speciali delegatione Romani Pontificis, possit simplex Sacerdos, saltem Chrismate, ab Episcopo jam consecrato, sacramentum Confirmationis administrare. Negabant quamplurimi, non infimæ notæ Theologi, inter quos

Robertus Cardinalis Pullus *par. 5. sentent. cap. 23.*, Hugo Victorinus *lib. 2. de Sacram. part. 7. cap. 2.*, Hadrianus in *4. distinct. 7. art. 3.* Durandus ibidem *quest. 3. & 4.*, quibus ex recentioribus adhæserunt Eltius in *4. dist. 7. §. 21. & 22.*, Sambovius *tract. de sacram. Confirm. Du-Hamel tom. 6. Theolog. tract. de sacram. Confirmat. cap. 4.*, Herminier *eod. tract. cap. 7.* Affirmant ex adverso Jacobus Cardinalis a Vitriaco *serm. in vigilia Pentecostes*, D. Thomas in *4. dist. 7. quest. 3. & 3. part. quest. 72. art. 11.*, Sotus in *4. distinct. 7. quest. 1. art. 11.* Bellarminus *de sacram. Confirmat. lib. unic. cap. 12.*, Suarez *tom. 3. in 3. part. dispnt. 36. sect. 2.*, Gregorius de Valentia *tom. 4. dispnt. 5. quest. 2. punct. 1.*, Covarruvias *lib. 1. var. cap. 10.*, Navarrus *manual. cap. 22. num. 8.*, Cardinalis de Lugo in *respons. moral. lib. 1. dub. 6.*, Cardinalis de Laurea in *4. tom. 3. dispnt. 2. art. 2.*, Cardinalis Gottus *tom. 2. in 3. part. quest. 2. de Ministro Confirmat. dub. 2. §. 1.*, Juenin *de Sacram. diff. 3. quest. 5. cap. 2. art. 2. §. 3.*, Tournely *de sacram. Confirm. quest. 3. art. 2.*, Drovett *de re Sacramentaria lib. 3. quest. 7.*, Boucat *diff. 2. de Confirm. art. unic. sect. 2. tom. 6.*, Simonnet *tract. 13. dispnt. 2. art. 2.*, Berti *Theolog. tom. 7. lib. 32. cap. 7.*, quorum sententia, et si neque a Concilio Florentino, neque a Tridentino fuerit definita, sicuti contra Gregorium de Valentia observant Tournely *cit. loc.*, & VVitasse *de Ministr. extraord. sacram. Confirm. tom. 2. quest. 2. art. 5. sect. 5.*, attamen non videtur posse amplius, in controversiam, & dubitationem revocari.

5 Etenim S. Gregorius Magnus, cum *epist. 9. lib. 4. indict. 12. (tom. 2. oper. c. 1. 689.)* Presbyteris Calaritanis interdixisset; *Ne baptizatos infantes signare in fronte præsumerent, sed eos ungerent in pectore*, ut Episcopi postmodum ungerent in fronte, audiens postmodum, hac sua prohibitione multos offensos *epist. 26. ead. indict. (col. 705. tom. cit.)* relata in *can. Pervenit, dist. 95.* facultatem, quam illis denegaverat, concessit; hæc ad Januarium, Calaritanum Episcopum scribens: *Pervenit quoque ad nos, quosdam scandalizatos fuisse, quod Presbyteros Chrismate tangere in fronte eos qui baptizati sunt, prohibuimus. Et nos quidem secundum usum veterem Ecclesia nostra fecimus, sed feminino hac de re aliqui contristantur, ubi Episcopi desunt, ut Presbyteri etiam in frontibus, baptizatos Chrismate tangere debeant, concedimus.* Sunt quidem, qui Gregorium loquutum putant, non de unctione Confirmatoria, sed de mera cæremonia, seu Sacramentali quadam unctione, illi simili, quæ fit in vertice baptizati, quam Presbyteri Calaritani, contra usum ceteroquin Romanæ Ecclesiæ, aut ante, aut post Baptismum, faciebant in fronte: Ita Gregorium intelligendum affirmat Hadrianus *cit. loc.*; cuius interpretationem approbat etiam Petrus de Marca *differt. ad can. 28. Concilii Claramontani, anni 1095.*, licet enim hic Auctor non neget, posse a summo Pontifice potestatem confirmandi delegari simplicii Sacerdoti, id tamen ex eo Gregorii loco, & facto, minime confici autumat. Verum hanc interpretationem validissimis argumentis refellit Suarez *cit. sect. 2.*: Quoniam in primis Gregorius Magnus *epist. 26. eam ipsam facultatem*

tatem Episcopis Calaritanis elargitur, quam *epist.* 9. denegaverat; in hac autem de sacramento Confirmationis sermonem fuisse, videtur manifestum; solius enim ceremoniæ abolendæ tantam curam, & sollicitudinem Pontifex non suscepisset: deinde si de mera ceremoniâ quæstio fuisset, illius usum non limitasset Gregorius ad solam circumstantiam temporis, quo Episcopus abest: ac tandem Eugenius IV. in laudato decreto, præfatam sane respiciens Gregorii epistolam, certum ponit, in ea potestatem fieri simplici Sacerdoti, non solius ritus exercendi, sed verum sacramentum Confirmationis administrandi, inquit: *Legitur tamen aliquando per Sedis Apostolicæ dispensationem, ex rationabili, & urgenti admodum causa, simplicem Sacerdotem Chrismate per Episcopum confecto, hoc administrasse Confirmationis sacramentum.*

6 Idem privilegium, quod Calaritanis Gregorius Magnus, plures posteriores Pontifices aliis Presbyteris sunt elargiti. Refert siquidem Lucas VVadingus in *anal. Minorum tom. 11. ad an. 1444. & 1447. & tom. 16 ad an. 1521. & 1522.*, nonnullos Fratres Minores hoc privilegio donatos fuisse a Nicolao IV., Joanne XXII., Urbano V., Eugenio IV., Leone X., atque Hadriano VI., cujus diploma in coenobio Franciscanorum, Hispali asservari, idem VVadingus asserit, ex quo colligere licet, Hadrianum ad Petri Sedem evectum, e sententia recessisse, quam antea docuerat. Narrat pariter Arcudius *concord. lib. 2. cap. 15.* se accepisse a Patre Ludovico Fonseca, Societatis Jesu, paucis quibusdam ejusdem Societatis Religiosis a Sede Apostolica indultum, ut Christianos Brasiliæ sacro Chrismate inungerent. Eamdem facultatem Abbati Montis Casini concessit Sixtus V., confirmavitque Benedictus XIII. in *sua Constitut. 8. post Concilium Romanum*. Recens pariter est exemplum san. mem. Clementis XI., qui eodem anno 1721., quo summum diem obiit, Patri Custodi Terræ sanctæ Ordinis Minorum permisit, Confirmationis sacramentum, Chrismate ab Episcopo confecto, conferre. Hæc, aliaque ejusdem generis exempla Nos congessimus, in quadam causâ Americana, sacræ Congregationi Concilii, cui tum eramus a secretis, proposita, die 13. Julii 1722. *tom. 2. Theaur. Resolut. pag. 187.*, eademque repetita fuere a bon. mem. Cardinali Lanfredino, idem munus obeunte, in alia causâ pariter Americana, eidem Congregationi proposita, die 24. Januarii 1733., *tom. 6. Theaur. pag. 14.*, evectique ad Petri Cathedram, etiam Nos potestatem secimus Patri Custodi, & Guardiano sancti Sepulcri D. N. Jesu Christi, Ordinis Minorum de Observantia, idem conferendi sacramentum Confirmationis, in locis Terræ sanctæ, in quibus actu non degunt Episcopi Latini, &c., quoad Fideles Græci ritus, ubi desit Episcopus Græcus Catholicus, qui in propria resideat diœcesi, aut ubi istius ibidem residentis, accesserit consensus, uti habetur in *nostra Constit. 10.*, & in alia *Constit. 87. §. 14. nostri Bullar. tom. 1. pag. 28. & pag. 294.*

7 Quare non videtur hodie fas esse, potestatem, de qua olim discipaba-

ptabatur, summo Pontifici abjudicare: Quoniam, ut ait Veracrux in specul. part. 2. art. 27.: De Pontificis potestate postquam dispensavit dubitare, instar sacrilegii est. Esset enim Christo, quasi exprobrare, quod non satis Ecclesie sua providisset; & magis ad rem Sotus cit. dist. 7. quest. unic. art. 11.: Non est dubitandum quin simplex Sacerdos ex commissione Papa possit sacramentum Confirmationis exhibere. Et qui de hoc jam modo hæsiteret, Ecclesiasticis sanctionibus adversaretur. Etenim quamvis hæc conclusio ex sacris Litteris non plane colligatur, sufficere tamen debet Orthodoxis, quod Gregorius (addimus Nos, & alii Pontifices) illam fecerit dispensationem.

## C A P U T VIII.

*De adhibendo Chrismate ab Episcopo benedicto, si Presbyter uti Minister extraordinarius Confirmationis sacramentum administret; & an ad solum summum Pontificem, excluso Episcopo, pertineat jus delegandi simplici Sacerdoti dicti Sacramenti administrationem.*

**H** Actenus exposte questioni, quam Romanorum Pontificum facta enodarunt, alia succedit nondum dirempta controversia. Privilegium a laudatis Pontificibus inferioris ordinis Presbyteris concessum, Chrismate consignandi baptizatos, semper limitatum audivimus, hac lege, modo scilicet Chrismate uterentur ab Episcopo sacrato; Quærent autem Doctores, an potuisset iisdem fieri etiam potestas conficiendi Chrisma, in sacra unctione adhibendum. Nemo est qui dubitet Chrismatis benedictionem annumeratam semper fuisse inter propria & præcipua Episcopalis Ordinis munera: In Concilio enim Charthaginiensi 11. anni 390. (tom. 1. collect. Harduin. col. 952.) cap. 3.: *Ab universis Episcopis dictum est: Chrismatis confectio, & puellarum consecratio a Presbyteris non fiant*; Carthaginiense 111. anni 397. cap. 36. (ibid. col. 964.) edixit: *Ut Presbyter, inconsulto Episcopo, Virgines non consecret, Chrisma vero nunquam conficiat*; Concilium Bracharense anni 561. cap. 19. (tom. 3. collect. Harduin. col. 372.) deponi iussit Presbyteros, Chrisma conficere præsumentes: In Actis pariter Concilii Toletani 11. anni 531. editis a Cardinali de Aguirre (tom. 2. pag. 271.) refertur epistola Montani Episcopi Toletani, ad Theoribium, in qua Montanus sacrilegam increpat quorundam Presbyterorum audaciam, qui contra antiquissimum, ipsique religioni Christianæ cœvum morem, jus sibi arrogabant consecrandi Chrisma: *Quidam, (ait) ut ad Nos perlatum, Presbyteri, ausu temerario, res sacras, non tam consecrare, quam violare præsumunt; & cunctis ab initio Fidei Catholica sæculis inusitatum, summis sui Ordinis hominibus, nisi tantum Pontificibus debitum, jus consecrationis Chrisma, nescio quo typo, an dementia dicam, indubitanter assument: quod quam sacrilegum sis, conscientiam tuam latere non credo. At cum illi, aliique similes canones de sola loquantur potestate ordinaria, quam nul-*

Ius unquam simplici Presbytero asseruit, non adimunt questionem, quæ versatur circa potestatem extraordinariam: Solum enim disputatur, an sicuti summus Pontifex potest simplici Sacerdoti facultatem impertiri, administrandi sacramentum Confirmationis, ita eidem committere etiam valeat potestatem conficiendi Chrisma. Affirmant Cajetanus in 3. part. quest. 72. art. 3., Gregorius de Valentia tom. 4. disp. 5. punct. 2. §. At hoc in primis, Cardinalis de Lauræa in 4., tom. 3. disp. 2. art. 3., Berti in sua Theolog. tom. 7. lib. 32. cap. 5. prop. fit. 4., quorum sententiam valde probabilem existimant Suarez tom. 3. in 3. part. quest. 72. disp. 33. sect. 2. §. Tertia sententia, Bonacina de Sacram. disp. 7. quest. unic. punct. 2. num. 3.: Etenim, si summus Pontifex, suprema sua auctoritate potest simplici Sacerdoti munus demandare conficiendi sacramentum Confirmationis, de se ceteroquin annexum Ordini Episcopali, eo magis poterit facultatem eidem elargiri præparandi ejusdem Sacramenti materiam. Neque desiderantur ejusmodi concessæ facultatis exempla: nam, si qua fides VVadingo in annal. Minor. tom. 9. ad an. 1400., Eugenius IV. Fabiano de Bachia Ord. Minor. ad Indos proficiscenti, veniam dedit, non solum Chrysimate consignandi Fideles, sed etiam ipsum Chrisma conficiendi: Apud Mabilonium itidem, tom. 1. part. 2. musæi Italici, extat epistola Joannis Diaconi, hæc ad Senarium scribentis num 8. pag. 73. Sed nec illud tangat animum, quod sibi aliquando quadam vii necessitatis assumis, veluti (quod nunc per Africam fieri dicitur) ut Presbyteri sanctum Chrisma conficiant, quod merito moveret, si istam Pontificalis auctoritas licentiam non dedisset, unde constat a Pontificibus quodammodo fieri, quod in tantâ rerum necessitate, ut a Presbyteris perfici possit, superior Ordo constituit.

2. Ultero tamen fatemur ejusmodi exempla, si vera sint, paucissima tamen esse, atque ut plurimum non aliter consuevisse a summis Pontificibus simplices Sacerdotes insigniri potestate administrandi sacramentum Confirmationis, nisi sub expressa conditione adhibendi Chrisma, non a se, sed ab Episcopo consecratum, quemadmodum perpendit Auctor Theologiæ moralis ad usum Seminarii Petrocorienfis tom. 3. lib. 1. tract. 3. quest. 5., quare insuetum foret, hac etiam prærogativa Episcopalis Ordinis propria, inferiorem Presbyterum exornare. Accedit nullam adesse necessitatem hanc potestatem faciendi simplici Presbytero: is quippe quocumque se conferat, potest secum deferre Chrisma ab Episcopo acceptum: & siquidem a sacris Canonibus, præcipue can. Litteris, de consecrat., dist. 3., & can. Si quis de alio, de consecrat. dist. 4., vetitus est usus Chrysmatis, ante annum benedicti, satis erit, ut ab hoc positivo Ecclesiæ præcepto, summi Pontificis auctoritate, eximatur, sicuti Nos in cit. nostra Const. 10. ab eodem absolvimus prædictum Custodem sancti Sepulcri, si in loco degat, ubi novi Chrysmatis ei non suppetat copia.

3. Sed omnium in hac materia gravissima controversia versatur, circa auctoritatem Episcoporum: adeo enim diversa sunt hominum ingenia, ut

CAM

eam ipsam potestatem, quam plerique summo Pontifici abjudicaverunt, alii cunctiliter Episcopo asserere non dubitent. Cardinalis Pallavicinus *bist. Concil. Trident.* lib. 9. cap. 7. num. 16., Christianus Lupus *in notis ad canones octava Synodi* cap. 5. tom. 2. pag. 1423. & seqq., Thomassinus *de vet. & nov. Eccles. discipl.* par. 1. lib. 2. cap. 23. num. 6., Franciscus Farvacquius *de sacram. Confirm.* cap. 4. quest. 4. & 5., Van-Elpen *Jur. Ecclesiast.* par. 2. tit. 3. cap. 2. num. 5. & seqq., Juvenin *cir. differt.* 3. quest. 5. cap. 2. art. 1. §. 3. in fin., Petrus Cointant *in epistolas Decretales Roman. Pontific.* tom. 1. col. 857., alii-que recentiores opinantur, sola inspecta institutione Divina, & seclusa Ecclesiæ prohibitione, posse Episcopum simplici Sacerdoti committere, ut Chrismate a se confecto, Fideles consignet, ne secus degentes in locis, ad quæ ipse accedere nequit, sacramento Confirmationis perpetuo careant. Nec vero pauca, nec levia sunt rationum momenta, quibus hæc opinio innititur; nam, ceteris prætermisiss, quæ videri possunt apud laudatum Lupum, Concilium Toletanum I. celebratum anno 400., cui Patres undeviginti subscribere can. 20. (collect. Harduin. tom. 1. col. 989.) ita statuit: *Quantvis pæne ubique custodiasur, ut absque Episcopo Chrisma nemo conficiat, tamen quia in aliquibus locis, vel provinciis Presbyteri dicuntur Chrisma conficere, placuit ex hoc die nullum alium, nisi Episcopum Chrisma facere, & per diocesim destinare . . . statutum est Diaconum non chrismare, sed Presbyterum, absente Episcopo; præsertim vero, si ab ipso fuerit præceptum.* Toletano concinunt Concilium Arausicanum anni 441., & Epaoense anni 517. (tom. 1. collect. Hard. col. 1783. & tom. 2. col. 1049.), quorum primum can. 1. ait: *Hæreticos in mortis discrimine positos, si Catholici esse desiderant, si desit Episcopus, a Presbyteris cum Chrismate, & benedictione consignari placuit;* alterum autem can. 16. inquit: *Presbyteros, propter salutem animarum, quam in cunctis optamus, desperatis, & decumbentibus Hæreticis, si conversionem subitam petant, Chrismate permittimus subvenire. Quod omnes conversuri, si sani sunt, ab Episcopo noverint expectandum.* Ad hæc Martinus Archiepiscopus Bracarensis in sua canonum collect. cap. 51., non de hac, aut illa regione, sed veluti de consuetudine, ubique recepta, ait: *Presbyter, præsertim Episcopo, non signat infantes, nisi forte illi ab Episcopo fuerit præceptum.*

4. Sed licet hæc momentosa sint, non tamen leviora sunt, quæ in contrarium proferuntur: etenim Innocentius I., qui statim, post allegatam Synodum Toletanam, hoc est anno 402., fuit Pontifex reannuntiatus, *cir. epist. ad Decentium Eugubinum Episcopum*, ex Actis Apostolorum colligi asseruit, solius Episcopi esse baptizatorum frontem inungere, eaque unctione Spiritum Paracletum tradere; non potuisset autem Pontifex, sine ulla hæsitacione, hæc affirmare, si eadem ætate viguisset alicubi consuetudo, ut baptizati infantes a simplici Presbytero confirmarentur: quare, etsi Thomassinus dixerit, se non videre, nec suspicari posse, quidam aliud, quam sacramentum Confirmationis, Patres Toletani simplici Sacerdoti permiserint; attamen alii, ex hac ipsa Innocentii I. Decretali manifeste confici



confici arbitrantur, eos de sola loquutos unctione, fieri solita, post Baptismum, ex mera cæremonia, a qua facienda iusserunt, Presbyterum abstinere, si Episcopus astaret. Ita Toletanum canonem interpretatur Binius in notis ad eundem, apud Cardinalem de Aguirre tom. 2. Concilior. Hispania pag. 148., inquit: *Hæc verba canonis intelligenda sunt, non de sacramentali unctione Chriftianis in fronte, sed de unctione cæremoniali, quæ in solemnè Baptismo in vertice baptizandi adhibetur. Hanc cæremonialem unctionem olim Presbyteris interdicitam, nonnisi cum licentia Episcopi ab iisdem usurpatam fuisse recensuimus. Hanc vero fuisse mentem prælati Concilii Toletani, suadent etiam Acta Concilii Hispanensis II., habiti anno 619. adversum Agapinum, Cordubensem quondam Episcopum, cui, inter cetera, crimini datum est, quod meris Sacerdotibus potestatem delegasset conficiendi Chriftma, & Chriftmate baptizatorum frontem signandi. Hæc enim omnia (dixerunt Hispanenses Patres cap. 7.) illicita esse Presbyteris, vel Chorepiscopis, quia Pontificatus apicem non habent, quem solis debere Episcopis, auctoritate canonum præcipitur; (tom. 3. collect. Hard. col. 560.). Minime autem reprehendus fuisset Agapius, si rem gessisset a Patribus Toletanis Episcoporum arbitrio permissam.*

5 Minus porro hujus sententiæ Patroni, se urgeri opinantur ab allegatis Arauscani, & Epauensis Conciliorum locis: incertum quippe esse ajunt, num in illis sermo sit de Confirmatione, an potius de unctione, per quam Hæretici ad Ecclesiam redeunt, ritu valde affini ritui Confirmationis, olim recipiebantur; & verosimilior credunt, ad hanc solam illa referri: ea siquidem tempestate, qua Confirmatio, statim post Baptismum conferebatur, vix evenire poterat, ut Hæretici in Ecclesiæ Catholicæ gremium se recipi exoptantes, nondum essent confirmati, ac propterea in mortis articulo sacro Chriftmate signandi forent. Ad hæc Theodulfus Aurelianensis Episcopus, cui certe Gallicæ Conciliorum canones ignoti non erant, lib. de Baptismo. cap. 17. absolute ait: *Quod ergo Presbyteris baptizatos Chriftmate ungere licet, Spiritum vero Sanctum, per manus impositionem tradere non licet, antiquus iste mos ab Apostolis est traditus; Nulla autem ratione potuisset Theodulfus id ab Apostolis traditum asserere, si opus sit scivisset Gallicæ moribus olim usitatum.*

6 Ita ratiocinantur Doctores, jus, de quo agimus, uni vindicantes Romano Pontifici, quorum longum catalogum contexit Verricellus de Apostol. Mission. quest. 130. sect. 1. & duabus seqq., eorumque agmen ducit D. Thomas cit. quest. 72. art. 11. ubi hæc habet: *Dicendum, quod Papa in Ecclesia habet plenitudinem potestatis, ex qua potest quadam, quæ sunt superiorum Ordinum, committere quibusdam inferioribus, sicut quibusdam Presbyteris concedit conferre minores Ordines, quod pertinet ad potestatem Episcopalem. Et ex hac plenitudine potestatis concessis Beatus Gregorius Papa, quod simplices Sacerdotes hoc Sacramentum conferrent, quandiu scandalum tolleretur.*

7 Ceterum, quidquid sit de hac difficili, & valde implexa controversia.  
Tom. XII. L 1 versu.

versia, omnibus in confesso est, irritam nunc fore Confirmationem a simplici Presbytero Latino, ex sola Episcopi delegatione, collatam, quam Sedes Apostolica id juris sibi unice reservavit; quam quidem reservationem, non tantum a consuetudine in tota Ecclesia Latina jamdiu recepta, tacite inductam arbitramur, sicuti opinantur Juenin *cit. loc.*, & Tournely *de sacram. Confirmat. quest. 3. art. 2.*, sed jam ante IX. sæculum expresse factam colligimus ex Flodoardo *lib. 3. bist. Eccles. Romanus cap. 17.*, ubi narrat Nicolaum I. ad Hincmarum, & ceteros Archiepiscopos, atque Episcopos, in Regno Caroli constitutos scripsisse, *Græcorum Imperatores, & Orientales Episcopi calumniari sanctam Romanam Ecclesiam, immo omnem Ecclesiam, quæ Latina uatur lingua . . . quia Presbyteros fortiri conjuges prohibemus, & quoniam eosdem Presbyteros Chrismate linire baptizatorum frontes inhibemus.* Posita autem reservatione facultatis, de qua est sermo, a summo Pontifice sibi facta, nec licite, nec valide, potest Episcopus Latinus illa uti; nam quamvis confirmare sit actus Ordinis Episcopalis, cujus firmitas, & validitas, a Pontificis nutu non pendet, delegare tamen simplici Presbytero potestatem exercendi ejusmodi actum, potius ad jurisdictionem, quam ad Ordinem pertinet; Episcoporum vero jurisdictio, siue sit immediate a Christo Domino, siue a summo Pontifice, ita semper huic subest, ut, consentientibus omnibus Catholicis, ejusdem auctoritate, & imperio limitari, atque, ex legitima causa, omnino auferri possit. Huc etiam ad rem facit, quod modo audivimus a D. Thoma, nempe delegationem, de qua est sermo, esse actum potestatis, & jurisdictionis supæmæ, a Christo Domino soli suo in terris Vicario commissæ. Quamobrem Clemens VII., priusquam ad Catholicam communionem reciperet Consolatorem, Armenorum Patriarcham, certior fieri voluit, an cum Ecclesia Romana fentiret, etiam in hisce articulis, expressis in Apostolicis litteris, ad eundem Patriarcham datis, quæ habentur apud Raynaldum ad an. 1351. num. 22. nimirum: *Primò de consecratione Chrismatis, si credis, quod per nullum Sacerdotem, qui non est Episcopus, potest Chrisma rite, & debite consecrari. Secundò, si credis, quod sacramentum Confirmationis per alium, quàm per Episcopum, non potest ex officio ordinarie ministrari. Tertiò, si credis, quod filium per Romanum Pontificem plenitudinem potestatis habentem, possis dispensatio sacramenti Confirmationis Presbyteris, qui non sunt Episcopi, committere. Quartò, si credis, quod Chrismati per quoscumque Sacerdotes, qui non sunt Episcopi, neque a Romano Pontifice super hoc commissum, seu concessum aliquam receperunt, iterum per Episcopum, vel Episcopos sint chrismandi.* Quæ verba perpendant, oportet, qui potestatem, de qua differimus, Episcopis attribuent.

## CAPUT IX.

*In quo finis imponitur propofita quæftioni de pueris, qui poft Baptifmum a Presbytero baptizante confirmantur.*

**I** Dicendum nunc reſtat de Græcorum conſuetudine, quæ Nos ad hanc materiam tractandam induxit. Longe ante Photianum Schiſma fuiſſe Græcorum moribus receptum, ut ſimplices Sacerdotes baptizatos infantes ſtatim ſacro Chriſmate inungerent, demonſtrant Morinus *cit. diſſert. 2. de ſacram. Confirmat.*, & Lucas Holſtenius *diſſert. 1. de Miniſtro Confirmationis apud Græcos*: eundemque uſum invaluiſſe apud alias Orientales Eccleſias, teſtantur Ambroſiaſter *in comment. in epiſt. Pauli, ad cap. 4. epiſt. ad Ephes. v. 12. (tom. 2. oper. in append. col. 241.)* inquiring: *Apud Ægyptum Presbyteri conſignant, ſi præſens non ſit Episcopos*; & Auctor *Q. Q. vet. & nov. Teſtam. queſt. 101. in append. ad 1. part. tom. 3. oper. S. Auguſtini col. 93. In Alexandria, & per totum Ægyptum, ſi deſit Episcopos, conſignant Presbyter*; quibus in locis verbum *conſignat* non merum ritum, ſed veram Confirmationem denotare, tanquam indubitatum ponit Chriſtianus Lupus *cit. tom. 2. pag. 1424.* Sunt qui hanc Græcorum conſuetudinem ſemper ab Eccleſia Latina improbatam affirmant. Etenim, inquiunt, Nicolaus I., vix exorto Photiano Schiſmate, cum audierit Græcos Presbyteros, auctoritate, & ſuaſionibus Photii, ſacramentum Confirmationis, per Bulgariam adminiſtraſſe, miſit illuc Paulum Populonienſem, & Formoſum Portuenſem Episcopos, Legatos ſuos, qui omnes Bulgaros a prædictis Presbyteris inaniter confirmatos, iterum ſacro Chriſmate rite ſignarent, quod conſtat, tum ex epiſtola Photii ad omnes Episcopos Orientales, ubi de hoc facto acerbè conqueritur, tum ex epiſtola Metrophanis Metropolitæ Smyrnenſis ad Manuelem Patritium (*tom. 5. collect. Hard. col. 1114.*) teſtanturque Patres octavæ Synodi in ſua epiſtola Synodali ad Hadrianum II. (*collect. Harduin. tom. 5. col. 1114.*), ac ipſemet Nicolaus I. ſcribit ad Hincmarum, apud Baronium ad annum 867. num. 50. Adhuc etiam expreſſius præſatam conſuetudinem damnatam ajunt ab Innoc. III. *in cap. Quanto 4. de conſuet.*, ubi Lucio Vicario ſuo, in Conſtantinopolitana urbe conſtituto ſcripſit: *Pervenit ad audientiam noſtram, quod quidam ſimplices Sacerdotes, apud Conſtantinopolim ea Sacramenta præſumunt Fidelibus exhibere, quæ ab Apoſtolorum tempore fuerunt ſolis Pontificibus reſervata, ut eſt ſacramentum Confirmationis . . . conferre; ad excuſandas excuſationes in peccatis ſolam conſuetudinem præſequentes &c.*; Quam quidem Innocentii III. Decretalem, corroboratam, dicunt ab Innocentio IV., qui de pluribus interrogatus quæſtionibus, inter Archiepiſcopum Nicolienſem, ejusque Suffraganeos Latinos, ex una parte, atque Episcopos Græcos, regni Cypri ex alia, ſubortis, hæc ad Ottonem Cardinalem Tuſculanum, Apoſtolicæ Sedis

Legatum, inter alia rescripfit: *Soli autem Episcopi consignent Chrismate in fœnistris baptizatos; quia hujus unctio non debet, nisi per Episcopos, exhiberi.* (collect. Harduin. tom. 7. col. 364.)

2 At si Doctoribus hæc nobis obtrudentibus assentiremur, cogeremur quoque cum iisdem admittere, vacuum, inanem, atque irritam esse Confirmationem Græcorum: hæc enim a simplici Presbytero administrata, non potest aliunde vires fortiri, quam a delegatione, sive expresse, sive tacite, eidem Sacerdoti facta a Romano Pontifice: hujus autem delegationis nullum haberemus indicium, si Græcorum consuetudini, de qua est sermo, semper Romani Pontifices obstitissent. Afferere vero, cum præfatis Doctoribus, quos citant, & sequuntur Sambovius cit. disput. 7. de sacram. Confirmat., & Du-Hamel cit. tom. 6. tract. de sacram. Confirm. cap. 4. in fin. sacramentum Confirmationis ab Ecclesia Græca nunc penitus exulare, multis nominibus absurdissimum, recte ostendit Goarius, in suis notis ad Euchologium Græcorum pag. 367.: equidem ex Concilio Florentino certo conjiçimus, Græcorum Confirmationem, etsi a simplici Sacerdote administratam, a Latinis Patribus ratam habitam: cum enim Græci, inter undecim quæstiones, sibi a Latinis, post unionem, propositas, ad hanc quoque jussu sint respondere: *Quare Episcopi non imungunt sacro Chrismate, sed Sacerdotes; cum hoc Pontificibus sit datum?* (tom. 9. collect. Hard. col. 430.) Plene, quoad hanc, per Mitylinensem Præfulem, Latinis satisfecisse, ex eadem historia colligimus, in qua, post undecim illas quæstiones, habetur: *Hæc a Latinis objecta Mitylenensis canonice omnia legitimeque dissolvit, præterquam duo; de quibus Papa significavit Imperatori; cur scilicet matrimonia dirimantur, & Patriarcha non eligatur.* Magis autem diserte ejusdem rei testimonium nobis præbet Gregorius Protosyncellus, qui eidem Concilio interfuit, tanquam Legatus Patriarchæ Alexandrini, & postea creatus est Patriarcha Constantinopolitanus: is quippe scribens adversum epistolam Marci Ephesini, apud Harduinum tom. 9. col. 641., ait: *Verum Latini etiam nostros consignabant, & Chrsimatos appellabant. Sed hæc non fuisse in ex æquo, & bono facta, constat ex eo, quod in nostra unione nihil habuerunt, quod nobis objicerent, sed cum essemus orthodoxi, habui sumus ab orthodoxis orthodoxi.*

3 Neque Confirmationem Græcorum irritam evincunt facta Romanorum Pontificum, in contrarium adducta. Etenim Nicolaus I. iterum Bulgargos consignari voluit, cum quia Confirmationem receperant a Sacerdotibus, qui Photii errore imbuti, eam contulerant, jure ordinario, existimantes nimirum, potestatem, eam conferendi, & Episcopis, & Sacerdotibus, pari jure competere: tum quia iisdem Sacerdotes delegati fuerant a Photio *macho, & invasore*, uti loquebantur Apostolici Legati, hoc est Pseudo-Patriarcha, cui propterea legitimi Patriarchæ jura non conveniebant: tum denique, & præcipue, quia Bulgaria pertinebat ad Patriarchatum Occidentalem, quod pluribus ostendit Christianus Lupus cit. tom. 2.

tom. 2. pag. 1404. & seqq. atque ideo delegatio, de qua est sermo, a Romano Pontifice Occidentalibus Presbyteris, sive expresse, sive tacite facta, Bulgaros Sacerdotes nequaquam complectebatur. Decretalis autem Innocentii III. solos respicit Sacerdotes Latinos: Etenim cum tunc temporis urbs Constantinopolitana subiecta esset imperio Francorum, ejusque Patriarcha esset Venetus, ex Francis, & Venetis incolis, magna ex parte, conflabatur; cum autem audierit Innocentius, Sacerdotes Latinos, inibi degentes, Græcorum ritus adoptasse, Græcorumque more, Confirmationem aulos conferre, hunc Latinorum abusum compescuit, scribens ad Lucium: *Volentes igitur hæc, & alia, quæ oculos Divina majestatis offendunt, de agro Dominico extirpari, discretioni tuæ per Apostolica scripta mandamus, quatenus omnibus Latinis Presbyteris, apud Constantinopolim constitutis, d. strictè prohibeas, ne talia de cetero sua veneratione presumant.* Ita quippe habet integra Decretalis apud Balutium tom. 1. *epistol. Innoc. III. pag. 480.* & Gonzalez; sed quia in compilatione Decretalium, qua in scholis, & Foro utimur, omisum est verbum illud *Latinis*, hinc Auctores contrarii ansam acceperunt allerendi, Innocentium, irritam pronuntiasse Confirmationem, a Græcis etiam Sacerdotibus collatam, sicuti scite animadvertunt Morinus *cit. dissert. cap. 22.* & Van-Elsen *7. E. V. part. 2. tit. 3. cap. 2. num. 4.* Innocentius IV. viribus carere voluit Confirmationem administratam a simplici Sacerdote, sed unice quoad regnum Cypri, in quo prævalere inceperat ritus Latinus, ob multitudinem Latinorum Antistitum, ibidem degentium; ut enim idem ritus per totum regnum propagaretur, & foret perpetuus, necessarium duxit Innocentius IV. revocare delegationem a Romanis Pontificibus, tacite saltem factam Sacerdotibus Græcis, conferendi sacramentum Chrismatis. Ceterum in aliis locis, in quibus Chrismatio, data a Sacerdotibus Græcis, non est a Sede Apostolica expresse improbata, ea pro valida est habenda, ob tacitum saltem privilegium a Sede Apostolica illis concessum, cujus quidem privilegii præsumptionem inducit ipsamet conniventia, & tolerantia Romanorum Pontificum, qui prædictum Græcorum morem scientes, non contradixerunt, nec unquam illum damnarunt, sicuti post Goarium, & alios, recte ratiocinatur Arcudius *de concord. Eccles. Occident. & Orient. lib. 2. de Confirm. cap. 15. pag. 96.*, inquit: *Tutissimum est dicere, Græcorum Presbyteros, per suos Patriarchas, & Antistites, ejusmodi facultatem a summo Pontifice obtinuisse, a quo omnis jurisdictio, quasi a capite, in alios, veluti membra, immediate, vel mediate derivatur, & diffunditur.*

4 Sed quoniam omnis præsumptio cedit veritati, eadem Confirmatio est irrita reputanda, in locis, in quibus certo novimus talem facultatem Græcis, alteriusve Orientalis ritus Sacerdotibus, esse ab Apostolica Sede expresse adeptam: Præter autem Sacerdotes Bulgaros, quibus eam adeptam audivimus a Nicolao I., & Sacerdotes Cypri, quibus eandem abstulit Innocentius IV. scimus a Clemente VIII. severe interdictum Sacerdotibus

dotibus Italo-Græcis, ne baptizatos Chrismate consignare præsumant, cujus decretum Nos confirmavimus in *nostra Constit. 57. nostri Bullar. tom. 1. pag. 167.*, in cujus §. 3. hæc ad rem ediximus: *Episcopi Latini, infantes, seu alios in suis diocesis baptizatos a Presbyteris Græcis absolute Chrismate in fronte consignatos confirmant: cum neque per Prædecessores nostros, neque per Nos Græcis Presbyteris in Italia, & Insulis adjacentibus, ut infantibus baptizatis sacramentum Confirmationis conferant, facultas concessa sit, aut concedatur; quin immo usque ab anno 1595. a fel. rec. Clemente VIII. Prædecessore nostro suis Presbyteris Italo Græcis expresse interdictum, ne baptizatos Chrismate consignent. Secus sub conditione, & cum cautela eos confirmare debent, de quibus verosimiliter dubitari potest, utrum ab Episcopis Græcis ordinem Baptismi, juxta eorum Euchologium servantibus, fuerint baptizati. In alia pariter nostra Constitutione 129. §. 4. ejusd. Bullar. pag. 512. illata mentione ejusdem Græcorum consuetudinis, hæc addidimus: Quenadmodum enim Græcis in ecclis Italia expresse vetita est administratio utriusque Sacramenti, ab eodem Ministro contemporanee faciendæ; ita patientia quadam, & facilitate Sedes Apostolica factum est, ut unum, & alterum Sacramentum ab eodem Sacerdote in Oriente Græcis conferretur; & §. 5. permittendum duximus Coptis, perseverare in eodem ritu, jamdiu ab ipsis recepto, atque ab Apostolica Sede tolerato.*

5 Hæc non incassum sunt prænotata; ex omnibus quippe simul consideratis, optima, & secuta constatur regula, ad quam dirigi debeat judicium Episcopi, in cujus Synodo accidit disputari, de robore Confirmationis, a simplici Sacerdote, Græci ritus administratæ. Antequam is quidquam definiat, diligenter inquirat, oportet, num in tali loco, ejusmodi Græcorum mos fuerit unquam ab Apostolica Sede expresse improbat; an potius ex ejusdem Sedis conniventia, & lenitate, toleratus; si primum, Confirmationem irritam pronuntiabit, atque a Sacerdote Græco inaniter confirmatos, absque scrupulo iterandi Sacramentum, iterum sacro Chrismate inunget: Si alterum, Confirmationem ratam habebit. Quod si res dubia sit, nec possit certo dijudicari, num ejus regionis Sacerdotibus, aut expresse, aut saltem tacite data sit ab Apostolica Sede facultas, conferendi sacramentum Confirmationis, se abtinebit a proferenda sententia, eamque expectabit a Romano Pontifice, cui decet adeo grave negotium significari. Omnes ejusmodi circumstantias prudenter examinatas invenimus a pluribus Synodis, & pro earundem diversitate, diversum ab illis prolatam deprehendimus de Confirmatione, Græco ritu, administrata, sententiam. In Synodo Maronitarum, habita tempore Gregorii XIII., eodem Pontifice jubente, Synodi Præses, liberum esse, declaravit, confirmatis a simplici Sacerdote, denuo idem Sacramentum recipere ab Episcopo; quia non satis constabat, an Presbyteris Ecclesiæ Hierosolymitanæ, cui subduntur Maronitæ, concessum fuerit unquam ab Apostolica Sede tacitum saltem privilegium, Sacramentum illud administrandi;

strandis, quemadmodum referunt Verricellus *de Apostol. Missiō. tit. 7. de Confirmat. quest. 131. num. 1.* & Thomas a Jesu *de conversione omnium Gentium lib. 3. cap. 5. pag. 484. & pag. 508.* In Synodo Provinciali, seu Nationali Albana, habita anno 1703., atque a summo Pontifice confirmata, decusum videtur, folius Episcopi esse baptizatorum frontes Chrismate lin-  
 gnire; *cap. enim 3., ubi de Confirmatione est sermo, hæc habentur: Tanti*  
*torro Sacramenti, quod sola Episcopalis persona sua vindica dignantur &c.* Con-  
 tra in Synodo Provinciali Ruthenorum, celebrata Zamoscizæ, anno 1720.  
 cujus Acta, a Nobis, qui Congregationis Concilii Secretarii munere tunc  
 fungebamur, diligenter antea recognita, fuere pariter ab Apostolica Sede  
 approbata, sancitum est, validam habendam fore, neque idcirco, sine sa-  
 crilegio, posse iterari Confirmationem, receptam a simplici Sacerdote,  
 quia scilicet compertum est, ad ea quoque loca extendi tacitam delega-  
 tionem, Græcis Sacerdotibus factam a Romano Pontifice: *Sacramentum*  
*Confirmationis (verba sunt præfatæ Synodi) a Christo Domino institutum, quod*  
*Parochi in Orientali Ecclesia extraordinario jura, & delegata ab Episcopo facul-*  
*tate, ex Apostolica Sedis dispensatione, statim post Baptismum administrare so-*  
*lent in genere visibilibus signaculorum, sacrosanctum est, ut ipse Baptismus,*  
*illudque nefas est iterare, propterea quod indelebilem characterem imprimis.* De-  
 nique in nupera Synodo Nationali Maronitarum, coacta in Monte Libano  
 anno 1736. atque a Nobis confirmata anno 1741., ut in nostra Constitutio-  
 ne 32. Bullar. tom. 1. pag. 74. hæc ad rem edita sunt decreta, videlicet  
*cap. 2. de sacramento Baptismi can. 15.: Majores nostri, sicut & ceteri Orientalium*  
*Ecclesiarum filii, statim post Baptismum tam infantes, quam adultos consueve-*  
*runt sacro Chrismate perungere, atque adeo sacramentum Confirmationis illis*  
*conferre; idque per simplices etiam Sacerdotes, quibus Patriarcha, & Episcopi*  
*hanc facultatem concesserant, quemadmodum ex Ritualibus apparet. Quia vero*  
*Patriarcha nostri, ut eo, quo par est, obsequio Romanis Pontificibus, qui fre-*  
*quentes ad illos hac de re litteras dederant, morem gererent, Latino ritui consen-*  
*tientes, decreverunt, ut deinceps nemo, nisi Episcopali dignitate præditus, sa-*  
*cramentum Confirmationis administraret; ideo mandamus, ac precipimus omni-*  
*bus Parochis, Archipresbyteris, Chorepiscopis, ceterisque dignitate Episcopali ca-*  
*rentibus, ne audeant in posterum Baptizati frontem sacro Chrismate perungere,*  
*& verba illa, quæ ad Confirmationis sacramentum, adeoque ad Episcopum tan-*  
*quam ordinarium illius Ministrum spectant, recitare; sed illis omisso, intin-*  
*gant pollicem in sacro Chrismate, & ungant baptizatum in summitate capitis,*  
*in modum Crucis, dicentes Orationem ex Rituali Romano desumptam, quæ sequi-*  
*tur: Deus omnipotens, Pater Domini nostri Jesu Christi &c. si pervaduerit Epi-*  
*scopus, & ipse, vel simplex Presbyter, adultum quempiam baptizaverit, poterit*  
*idem Episcopus post Baptismum, si velit (ac præcipue cum contigerit ab illo bap-*  
*tizari adultum, seu infansem in mortis periculo constitutum) prosequi cetera, quæ*  
*ad collationem sacramenti Confirmationis in Rituali pertinent; ita tamen, ut Pa-*  
*trinus, vel Matrina adhibeatur, & nomen Confirmati in libro ad id destinato a*  
*Parocho,*

*Paracho, vel Episcopo adnotetur. Hinc in Rituali, quod auctoritate Reverendissimi Domini Patriarche propediem est edendum, ante illa verba, quibus, juxta ritum nostrum, Confirmationis sacramentum confertur, apponenda est admonitio ad simplices Sacerdotes, cum supradicta Oratione Deus omnipotens &c. & altera adnotatio ad Episcopos cum ritu conferendi sacramentum Confirmationis, quem omnino a ritu Baptismi distingui, & separari precipimus.*

6 Et cap. 3. de sacram. Confirm. can. 2. : *Quia vero tam in nostra, quam in reliquis Orientalibus Ecclesiis, antiquus mos obtinuerat, ut statim post Baptismum etiam sacramentum Confirmationis conferretur, quemadmodum & in Ritualibus continetur, & a Concilio Laodicensi his verbis praescribitur : Quod oportet eos, qui illuminantur, post Baptismum inungi supercraleschi Chrismate, & esse regni Christi participes. Has tamen in re servandum precipimus, ac mandamus, quod datum a Reverendissimis Dominis Patriarchis insinatum est, nosque supra de Baptismo monuimus, ne simplices Sacerdotes de cetero presumant hoc Sacramentum administrare; sed illud Episcopi demtaxat conferant, illum sacrosancta Tridentina Synodi canonem praeculis habentes : Si quis dixerit, sancta Confirmationis ordinarius Minister non esse solum Episcopum, sed quemvis simplicem Sacerdotem, anathema sit.*

## C A P U T X.

*Rursus de sacramento Confirmationis, de quo in quadam Constitutione Synodali cautum est, ut pueris mox decessuris administraretur.*

**N**ON multis antea annis dubitatum, & disceptatum fuit, an sustineretur quaedam Synodalis Constitutio, in qua Episcopus declaraverat, paratum se esse ad sacramentum Confirmationis administrandum pueris, mox decessuris, ne privarentur incremento gratiae, & gloriae, quod certo forent ab eodem consecuturi; quapropter operæ pretium erit, hanc controversiam, utpote quæ ad Synodum pertinet, hic elucidare.

2 Catechismus Concilii Tridentini, jussu S. Pii V. editus *part. 2. NUM. 15.* observandum statuit, ut omnibus, post Baptismum, Confirmationis sacramentum administraretur, sed minus expedire, addit, hoc fieri, priusquam pueri usum rationis adepti fuerint, atque ideo decere, ut saepo Chrismate non inungantur, nisi eum ad septimum suæ ætatis annum pervenerint. Contra Pontificale Romanum, Clementis VIII. primum, deinde Urbani VIII. auctoritate recognitum, *tit. de Confirmandis*, tanquam certum ponit, sacramentum Confirmationis, etiam infantibus ab Episcopo administrari, ait enim : *Infantes per Paternos ante Pontificem confirmare volentem, teneantur in brachiis dextris.* Pugnare proinde inter se videntur Catechismus, & Pontificale; sed omnis cessabit antinomia, si res accuratius, uti decet, expendatur.



3 Extra omnem controversiam est, sacramentum Confirmationis valide conferri omnibus baptizatis, absque ulla ætatis differentia, quod colligitur ex can. *De his, de consecrat. dist. 5.*, notatque Sorus *in 4. dist. 7. q. nñc. art. 8.* Certum insuper est, olim, tam adultos, quam pueros statim post Baptismum fuisse confirmatos. Diserte id testantur Tertullianus lib. *de Baptismo cap. 7. & 8.* ubi ait: *Egressi de lavacro perungimur benedicta unctione. . . . dehinc manus imponitur per benedictionem, advocans, & invitans Spiritum Sanctum.* Cyprianus *epist. 73. ad Iubasanum*: *Quod nunc quisque apud nos geritur, ut qui in ecclesia baptizantur, Præpositis ecclesie offerantur, & per nostram orationem, ac manus impositionem, Spiritum Sanctum consequantur, & signaculo Dominico consummentur.* Cyrillus Hierosolymitanus *catechesi mystag. 3. num. 1.* *Vobis quoque similiter, postquam ex sacrorum laticum piscina ascendistis, datum est Chrisma.* Geonadius *de dogmat. Eccles. cap. 52.*: *Si parvuli sunt, vel hebêtes; respondeant pro illis, qui eos offerunt, juxta morem baptizandi, & sic manus impositione, & Chrismate communis, Eucharistia mysteriis admittantur.* Balutius *in suis notis in Regimonem lib. 1. cap. 19.* duos exhibet antiquos codices manuscriptos Pontificales, ex sæculo ix., in quibus ordo confirmandi infantes, statim post Baptismum, continetur: in eorum enim altero sic legitur: *Statim autem confirmetur infans;* in altero vero: *Si Episcopus adest, statim confirmari eum oportet Chrismate.* Hæc eadem disciplina sæculo xiii., licet in Ecclesia Latina nonnihil remitti cœpisset, nondum tamen penitus obsoleverat, quod pluribus monumentis demonstrat Martene *de antiq. Eccles. ritib. tom. 1. lib. 1. cap. 2. art. 1. num. 3.* sed subsequenti ætate congruentius visum est, expectare, ut Confirmandus rationis usum adeptus fuerit. Concilium Provinciale Mediolanense I., a S. Carolo Borromeo anno 1565. celebratum, *part. 2. (Añ. Mediol. Eccl. part. 1. pag. 7.)* decrevit: *Minori septennio Confirmationis sacramentum nemini præbeatur.* Concilium Turonense anni 1583. *cap. 7. (tom. 10. collect. Hard. col. 1403.)*, loquens de eodem Sacramento: *Quod ut decenius conferatur, statuit, ne ad illud facile minores septennio . . . admittantur.* Concilium Cameracense anni 1586. *tit. 7. cap. 2. (tom. 9. ejusd. collect. col. 2160.)*: *Non infra septimum, aut octavum annum pueri confirmantur.* Concilium Tolosanum anni 1590. *part. 2. cap. 3. (collect. ejusd. col. 1799.)*: *Ni summa quædam impellat necessitas, septennio minores pueri nequaquam veniant ad Confirmationem admittendi.* Tandem Catechismus Romanus *loc. cit.* hæc habet: *Illud observandum est, omnibus quidem post Baptismum Confirmationis sacramentum posse administrari, sed minus tamen expedire hoc fieri, antequam pueri rationis usum habuerint. Quare si duodecimus annus non expectandus videatur, usque ad septimum certe hoc Sacramentum differri maxime convenit.*

4 Hanc tamen disciplinæ mutationem, iustis de causis in Ecclesiam Latinam inductam, non est amplexa Ecclesia Orientalis; Ea, quippe retinet etiam nunc veterem morem sacramentum Confirmationis statim post Baptismum ministrandi, sicuti ex iis colligitur, quæ in præcedenti cap.

diximus, testanturque Allatius de *perpet. consens. Eccles. Occid. & Orient. lib. 3. cap. 18.*, Thomas a Jesu de *conversion. Gent. lib. 7. cap. 7.*, ac Joseph Vicecomes in *observat. Ecclesiast. de antiquis Baptismi ritibus lib. 5. cap. 32.*, atque de Maronitis, & Syris asserit Naironus in *Euphris Catholica Fidei part. 2. cap. 3.* Diversam utriusque Ecclesie hac in re consuetudinem considerans Pater Drovot *tom. 2. de re Sacramentaria q. 8.* inquit: *Habent sua consuetudinis idoneas causas Græci, habent & sua Latini. Illi Subjecti magis, quam Sacramenti respectum habentes, voluerunt, Confirmationem statim post Baptismum conferri, ut nimirum quicquid gratia poterant, promptius Neophytis procurarent: isti decori magis, ac dignitati Sacramenti, quam exigentia Fidelium consulentes, consue differendum statuerunt, donec instructionis capaces essent, & possent Divini benefici pretium pro meritis asstimare.* Hanc eandem rationem respexerunt Patres Concilii Colonienſis anni 1536. *p. 7. cap. 9.* agentes: *Cum enim hoc Sacramentum [Confirmationis] non sit necessitatis absoluta, convenientius, & utilius dabitur, si addatur admonitiuncula. At antequam infans supra septimum ætatis annum progressus fuerit, parum, aut nihil horum, quæ aguntur intelligit, ne dicamus meminere (collect. Hard. tom. 9. col. 2004.).* Prædictas diversas utriusque Ecclesie diversi ritus causas, Nos præ oculis habuimus, cum in *cis. nostris Constit. 129.* relinquendos diximus Coptos, in sua antiqua consuetudine, recipiendi Confirmationem, statim post Baptismum, sed simul summopere reprehendendos, quod a Baptismo, ritu Latino collato, hoc potissimum nomine abhorreant, quod scilicet seorsum a Confirmatione administraretur; quod in ejusdem *Constit. §. 5. & 6.* legitur.

5 Verum, ut ad propositum redeamus, quamvis Catechismus Romanus, non expedire, dicat, ut sacramentum Confirmationis pueris, ante septennium conferatur, non tamen prohibet, ne ullo unquam eventu iisdem conferri queat, quod scite perpendentes Suarez in *3. part. tom. 3. disp. 35. sect. 2.*, Silvius in *3. part. Divo. Thoma q. 72. art. 8.*, Layman *Theolog. moral. lib. 5. tract. 3. cap. 5. num. 2.*, Diana *part. 3. tract. 4. resolut. 19.*, Cotonius *lib. 2. de Sacram. contro. 3. cap. 3.*, Juenin. *de Sacram. dissert. 3. q. 8. cap. 1.*, Silvester Maurus *tom. 3. Theolog. lib. 11. q. 119. num. 4.*, Roncaglia *de Sacram. tract. 3. cap. 3. num. 5.*, bon. mem. Cardinalis Gottus *tom. 13. Theolog. pag. 336. num. 6.*, alique plurimi, affirmant, sancte, ac licite, etiam juxta præsentem disciplinam, sacro Chrismate inungi pueros, ante septennium, cum aut prævidetur futura diutina absentia Episcopi, aut iisdem versantur in discrimine vitæ, aut alia urget necessitas, seu iusta causa.

6 Et profecto, quod Confirmatio non sit deneganda pueris, ante septennium, si tali morbo laborent, ut decessuri prævideantur, aperte deducitur ex *D. Thoma 3. part. q. 73. art. 8. ad 4.*, ubi docet, etiam pueris morituris hoc Sacramentum dandum esse: *Ut confirmati decedentes, majorem gloriam consequantur, sicut & hic majorem obtinent gratiam,* quod Nos ipsi advertimus, & cum eodem Angelico Præceptore tradidimus *nostra Notific. 6.*,  
ac plu-

ac pluribus prosequitur recens Auctor Catalanus *tom. 3. in Pontificale Romanum pag. 227. num. 22.* Licet enim Confirmatio non sit pueris ante usum rationis necessaria, ad pugnam, tunc subeundam, pro Fide Christi, non est tamen inutilis: tum quia auget illis gratiam; tum quia eos roborat ad sustinendam pugnam pro casu, quo ex morbo convalescant; Quamobrem Du-Hamel *tom. 5. Theolog. tract. de Sacram. dissert. 3. cap. 1.* postquam docuit, expedire, ut sacramentum Confirmationis conferatur habentibus usum rationis, id limitat in infantibus, constitutis in mortis articulo, quibus laudabiliter conferri affirmat.

7 Quod vero, præter periculum mortis, alia insuper adesse possit justa causa, ob quam Confirmatio pueris, ante usum rationis ministretur, asserunt Patres Concilii Mediolanensis V. *part. 1. (Act. Eccl. Mediol. part. 1. pag. 220.)*, ubi explicantes decretum, editum in Concilio I. Mediolanensi, quod Nos supra retulimus, hæc habent: *Alio decreto, quod in Concilio Provinciali primo sancivimus, cautum est, ne Confirmationis sacramentum iis præberetur, qui annis septem minores natum sunt: si tamen Episcopus, ob aliquam causam justam, atque adeo necessariam, parvo, & infanti, qui non modo eam ætatem non expleat, sed ne attingat quidem, ministrandum aliquando censuerit, ne sit vetitum.* Idemque ab aliis Synodis sancitum esse, refert VVitalis in *tract. de sacram. Confirmat. tom. 2. q. 4. art. 1.*

8 Ex his porro plane conficitur, nullam esse contrarietatem, nullam antilogiam, inter Catechismum, & Pontificale Romanum. Catechismus prohibet, ne regulariter sacramentum Confirmationis conferatur pueris, ante septennium; Pontificale supponit, quod in aliquo extraordinario casu, iustaque urgente causa, possit idem conferri. Quæ traduntur in Catechismo, constituunt regulam: quæ adduntur in Ponticali, constituunt limitationem regulæ. Quibus positis: si Episcopus in suis Constitutionibus diceret, paratum se esse ad conferendum sacramentum Confirmationis pueris, & infantibus baptizatis, sed constitutis in mortis periculo; aut juberet, ut sibi, sacramentum Confirmationis ministraturo, in hoc, aut illo loco suæ diocesis, exhibeantur pueri, & infantes, cum facilis ad eos in posterum sibi non sit futurus accessus, vel propter sui ingravescentem ætatem, vel propter eorum distantiam a civitate, aut propter itineris difficultatem, nihil profecto in hujusmodi Constitutionibus Synodalibus videretur reprehendendum; cum in præfatis circumstantiis non sit locus regulæ, traditæ in Catechismo, sed potius limitationi ejusdem regulæ, de qua in Ponticali. Cujus quidem limitationis exemplum præbuit Concilium Parisiense anni 829. *can. 33. (tom. 4. collect. Hard. col. 1318.)*, ubi a lege decernente, ut Baptismus, & Confirmatio dumtaxat conferrentur tempore Paschatis, & Pentecostes, exceptis infirmos, & periclitantes, quibus, ait, *sicut Baptismi gratia succurrendum, ita incunctanter donum Spiritus Sancti est tradendum*, de qua re plura Gibert. *consultat. Canoniar. tom. 2. consult. 2. de sacramento Confirmationis.*

9 Tria tamen advertere debet Episcopus : Primò, ne in sua Constitutione quidquam dicat, quo insinuare videatur necessitatem, seu præceptum suscipiendi sacramentum Confirmationis in ea ætate, & statu. Secundo, ut Sacramentum administret ea dignitate, cui consulere voluit Ecclesia, cum illud denegavit infantibus, ante adeptum usum rationis, quemadmodum supra audivimus a Droveto. Tertiò tandem, ne postquam paratum se dixit ad Confirmationem conferendam omnibus pueris, positus in vitæ discrimine, libenter accurrat ad nobiliores, sibi que bene visos, & ire detrectet ad pauperes, aliosve de infima plebe; hoc siquidem fieret cum acceptione personarum, & multorum scandalo? a qua quidem personarum acceptione, quantum sit abhorrendum, præcipue in Sacramentorum administratione, ex iis colligitur, quæ habentur in *nostra Constit.* 107. pag. 410. & pag. 417. Bullar. tom. 1.

## CAPUT XI.

*De evitandis in Synodo Theologicis questionibus, quæ a Theologis moventur circa sacrosanctum Eucharistia sacramentum, ubi de Viatico exhibendo, vel non exhibendo ei, qui post perceptam mane sanctissimam Eucharistiam eadem die prudenter timetur moriturus.*

1 **N** Eminem Episcoporum adeo desipere putamus, ut velit in sua Synodo, ne leviter quidem quæstiones attingere, quæ de sanctissimæ Eucharistiæ effectibus, moventur a Scholasticis, atque in utramque partem versantur; Ejusmodi esset illa e. g. Utrum Eucharistia æquale non conferat gratiam, ex opere operato, eam sumentibus, sub utraque specie, quæ sub una tantum accipientibus. Hanc quippe controversiam, teste Francisco Blanco, Archiepiscopo Compostellano, qui Concilio Tridentino interfuit, & cujus, tacito nomine, meminit Henriquez de Sacram. lib. 8. cap. 44. §. 5. in margine, declinare voluere PP. Tridentini, cum sess. 21. cap. 3. differentes de fructu, quem Fideles e sanctissima Eucharistia percipiunt, caute dixerent: *Nulla gratia necessaria ad salutem eos defraudari, qui unam speciem solum accipiunt*, noluerunt siquidem definire, an isti participes fierent tota ubertate gratiæ, qua donantur illam, sub utraque specie degustantes: non solum autem inutile, sed incongruum esset in Dioecessana Synodo quæstionem tractari, quam Tridentini Patres reliquerunt intactam. Similis naturæ, & adhuc sub opinione posita, est alia controversia, quam Theologi examinant: num scilicet sanctissima Eucharistia causet per accidens primam gratiam; hoc est, an Fidelis prudenter existimans, se esse in gratia, si ad Eucharistiam, saltem attritus accedat, consequatur remissionem lethalium, quorum est invincibiliter oblitus. Enimvero irrisoribus se exponeret Episcopus, qui inter hæc Scholasticorum tricas sese implicaret, præsertim cum de rebus agatur, quæ unice pend-

dent a Divina institutione, nobis hactenus, per Ecclesiam non manifestata. Satiùs igitur erit, ejusmodi inutilibus questionibus prætermittis, unice insilire, ut Parochi, ceterique animarum Rectores crebro in Fide-  
lium memoriam revocent præceptum Apostoli 1. ad Corinib. 11. : *Probet autem se ipsum homo, & sic de Pane illo edat, & de Calice bibat. Qui enim manducat, & bibit indigne, judicium sibi manducat, & bibit, non disjucans Corpus Domini; simulque declarent, eam probationem necessariam esse, ut nullus sibi conscius peccati mortalis, quantumvis sibi contritus videatur, absque præmissa sacramentali Confessione ad sacram Eucharistiam accedere debeat; quemadmodum definivit Tridentinum sess. 13. cap. 7.*

2 Verum aliqua interdum occurrunt, de administratione sanctissimæ Eucharistiæ, in Synodo statuenda, quæ ceteroquin summam exigunt circumspeditionem, ne secus Synodale statutum ad difficultatis scopulum al-  
lidat, quem in præsens suademus evitandum. Rem, ne ab instituto de-  
spectamus, quod hucusque servavimus, exemplis patefacimus. Recte, ac sancte in plerisque Synodis commonitos legimus Parochos, ut solliciti sint de sanctissimo Viatico, iis statim porrigendo, quos vita periclitari deprehenderint: in aliis gravem insuper poenam iisdem inflictam inveni-  
mus, si, ipsorum inertia, evenerit, ut aliquis, sine sanctissimi Christi Corporis Viatico, ex hac vita decesserit. At fingamus Sacerdotem, cor-  
pore sanum, mane Missam celebrasse, aut Laicum, ex mera devotione, sanctissimam Eucharistiam percipisse: corripitur eadem die subito mor-  
bo, aut lethali percutitur vulnere, ita ut, Medicorum judicio, pruden-  
ter timeatur, ne ea ipsa die intereat: cupit ægrotus resciri sanctissimo Via-  
tico, illudque a Parocho instantèr exposcit, quod tamen Parochus, ad eum deferre renuit; non tamen idcirco damnandus erit Parochus, tan-  
quam transgressor Synodalis statuti; nec quidquam de hac re, quæ forte sæpius in dioecesi acciderit, erit in Synodo deliberandum, nisi maxima adhibita circumspectione, & cautela. Etenim licet communiter Theo-  
logi cum S. Thoma 3. part. quest. 80. art. 11. in illis Christi Domini verbis Joav. 6. : *Nisi manducaveritis carnem Filii Homini, & biberitis ejus sangui-  
nem, non habebitis vitam in vobis*; contineri existiment præceptum, obli-  
gans omnes Fideles ad Eucharistiam percipiendam, aliquoties in vita, at-  
que imminente mortis periculo, neque ulli fas sit, sine temeritatis nota, contrarium opinari, uti probant Valentia disp. 6. quest. 3. punct. 4. & Vin-  
centius Baronius 2. par. introductionis, pag. 258., atque ex iis liquet, quæ ad prædictum præceptum comprobandum adducunt Suarez de Eucharist. disp. 69. sect. 1., Valquez disp. 213. cap. 2., & Cardinalis de Lugo de Eu-  
charist. disp. 16. sect. 1. & sect. 2. num. 17. & num. 33., nihilominus tamen iidem Theologi dissident inter se, num adveniente repentino mortis pericu-  
lo, sanctissimi Christi Corporis Viatico, sit etiam illi succurrendum, qui eadem die, cum ceteroquin nondum ulla laboraret corporis infirmi-  
tate, Eucharistiam accepit. Docent plerique etiam hunc, inopinato in-  
cidentem

cidentem in mortis periculum, teneri denuo se reficere Eucharistico cibo, quo fiat validior, ad ultimam sustinendam cum Diemone luctam; neque enim, inquit, per Communionem, ante vulnus, vel morbum, peractam, potuit satisfieri præcepto, quod nondum urgebat, Eucharistiam sumendi in mortis articulo. Ita Hurradas de *Eucharist. disput. 11. diff. 2.*, Pellizzarius, Dicassillo, Quintanaduenas, aliique relati a Diana *par. 10. tract. 11. resol. 40.* Alii exadverso cum Suarez *cit. disp. 69. sect. 3. §. Rogabis*, Coninc. *quest. 80. art. 11. dub. 3. num. 100.* Cardinali de Lugo *cit. loc. num. 52.* aliisque, a Nobis allegatis in nostro *Opere de Canonizat. SS. lib. 3. cap. 38. num. 22.*, ubi aliquid de hac quæstione delibavimus, sentiunt, in prædicto rerum eventu, non solum non urgere præceptum sumendi Viaticum, sed recipi non posse, sine piaculo: Siquidem ex una parte, Divinæ Legi, qua jubentur Fideles, sanctissimam Eucharistiam percipere, cum in ultimo versantur vitæ discrimine, veluti prævia quadam solutione, jam satisfactum autumant, per Communionem mane peractam; ex alia vero parte, nemini licet bis, eadem die Christi Corporis participare mysteria; solumque id permittitur Parocho, in aliquo extraordinario eventu, de quo Nos pariter egimus *cit. cap. 38.*, cum scilicet duas administrat parochias, & in utraque debet, eadem die, celebrare. Inter has duas, e diametro oppositas, opiniones, mediam viam ineuntes alii, quos tacito nomine, citat de Lugo *ead. cit. loc. num. 50.*, & sequuntur Gobat *Theolog. experim. tract. 8. num. 175.*, & Marin. *tom. 3. disp. 9. sect. 1. num. 13.* dicunt, prædictum hominem, qui mane bene valens ad Eucharistiam accessit, & deinde in periculosum incidit morbum, posse, si velit, denuo Eucharistiam sumere, per modum Viatici, nullo tamen præcepto ad id faciendum obstringi; Atque huic sententiæ adstipulatur praxis quorundam Religiosorum, a quibus, uti referunt Diana *part. 8. tract. 2. resol. 87.*, Gaspar Hurtado de *Sacram. disp. 10. de Eucharist. difficult. 2.*, & Cardinalis de Lugo *cit. loc. num. 51.*, in prædicto eventu, sanctissimum Viaticum porrigi consuevit Sacerdotibus, qui ea ipsa die celebrarunt.

3 In tanta opinionum varietate, Doctorumque discrepantia, integrum erit Parocho, eam sententiam amplecti, quæ sibi magis arripserit, quin fiat reus violati statuti Synodalis, quod certe non potuit casum istum extraordinarium respicere; neque fas erit Episcopo, aut in Parochum animadvertere, qui præfato ægotanti Viaticum denegavit, aut quidquam de ejusmodi controversia, in sua Synodo decernere, ne videatur sibi arrogare partes Judicis, inter gravissimos, hac super re secum contententes Theologos.

## CAPUT XII.

*In quo agitur de Viatico pueris exhibendis; item iis qui, perseverante eodem morbi periculo, instans Viaticum sibi exhiberi: & aliqua de frequenti, aut quotidiana Communione.*

**R**ecte tamen, & sine reprehensione poterit Synodali Constitutione, Parochos compellere, ad administrandum sanctissimum Viaticum pueris, mox decessuris, si eos compererint tantam assequutos iudicii maturitatem, ut cibum istum celestem, & supernum, a communi, & materiali discernant: haud enim leviter delinquere, credimus, qui pueros etiam duodennes, & perspicacis ingenii, sinunt ex hac vita migrare, sine Viatico, hanc unam ob causam, quia scilicet nunquam antea, Parochorum certe incuria, & olicitantia, Eucharisticum panem degustarunt. Ad radicis autem ejusmodi gravem abusum extirpandum, quem nulla profecto cohonestare valet probabilis Theologorum opinio, ad quam Parochi confugiunt, ut suam aut proorsu excusent, aut ad minus elevent culpam, nonnulla sunt breviter præmittenda. Cuilibet antiquitatis studioso notissimum est, antiquam Ecclesiæ consuetudinem obtrivisse, ut sanctissimæ Eucharistiæ participes fierent infantes, statim post Baptismum, quod pluribus monumentis demonstrat Martene de antiquis Ecclesiæ ritibus tom. 1. lib. 1. cap. 1. art. 15. §. 11.; iisdemque infantibus, perinde ac adultis, consuevisse frequenter sacra mysteria ministrari, testantur Cyprianus tract. de lapsis, Auctor Constit. lib. 8. cap. 12. & 13., Dionysius, seu quicumque sit Auctor Ecclesiæ Hierarch. cap. 2. & 7., Augustinus serm. 8. de verbis Apostoli, & epist. 106. ad Bonifac., & constat ex Sacramentario, quod inscribitur nomine Sancti Gregorii rit. de Sabbato sancto, aliisque testimoniis adductis a Cardinali Bona rer. liturgic. lib. 2. cap. 19. num. 11., a Martene cit. lib. 1. cap. 4. art. 10. §. 14., & Juenin de Sacram. diss. 4. quæst. 6. cap. 2., atque etiam ab Hæretico Binghamo origin. Ecclesiæ tom. 4. lib. 12. cap. 1. §. 3. & tom. 6. lib. 1. §. 4. cap. 4. §. 7. & cap. 7. §. 4. Hic mos, quem a Græcis, sua ætate, retentum, observat D. Thomas 3. part. quæst. 90. art. 9. ad 3., & etiamnum apud eodem perseverare, tradit Arcudius lib. 3. de sacram. Euch. cap. 11., quandonam in Ecclesia Latina obsoleverit, incertum est: hoc unum certo scimus, ejusdem ritus vestigia inveniri, apud Hugonem a Sancto Victore, qui sæculo XI. scripsit, de Sacram. lib. 1. cap. 20., & apud Guibertum Abbatem, Auctorem XII. sæculi lib. 1. de Pignoribus Sanctorum., cap. 2. §. 1. Sed subsequenti ætate ea deprehendimus omnino deleta, nec quadringentis ab hinc annis usquam legimus, fuisse infantibus sanctissimam Eucharistiam, in Ecclesia Latina, administratam. Utramque disciplinam, habita ratione diversitatis temporum, commendavit Tridentinum sess. 21. cap. 4., ubi hæc habentur: Denique S. Synodus docet, parvulos usu rationis

caren-

carentes, nulla obligari necessitate ad sacramentalem Eucharistia Communionem . . . . Neque ideo tamen damnanda est antiquitas, si eum morem in quibusdam locis aliquando servavit: ut enim sanctissimi illi Patres sui Facti probabilem causam, pro illius temporis ratione, habuerunt; ita certe, eos nulla salutis necessitate id fecisse, sine controversia credendum est.

2 Facta posro prædicta disciplinæ mutatione, Innocentius III. in cap. Omnis utriusque sexus, de Poenit. & remiss., omnes Christifideles, postquam ad annos discretionis pervenerint, obligavit ad Eucharistiam ad minus in Paschate, reverenter percipiendam. Hinc vero orta est inter Scholasticos dissensio, in determinando tempore, quo ejusmodi præcepto urgeri incipiant pueri. Plerique Doctores non improbabiler docent, omnes pueros, statim ac sunt doli capaces, sicuti obstringuntur sacramentalis Confessionis præcepto, ita obligari ad communicandum in Paschate, nisi forte, ut decernitur in cit. cap. Omnis utriusque sexus, de proprii Sacerdotis consilio, ob aliquam rationabilem causam, ad tempus ab hujusmodi perceptione duxerit abstinendum; Allegata enim Decretalis Innocentii III. utrumque præceptum conjungit, & absque ullo, inter unum, & alterum discrimine, utrumque onus imponit, omnibus ntriusque sexus Fidelibus, postquam ad annos discretionis pervenerint; Ita Paludanus, S. Antoninus, Tabiena, quos refert, & sequitur Joannes Sanchez in selectis disp. 26., quibus adde Castropalaum tract. 21. disp. unic. punct. 10. num. 11., & Philip-pum de la Crux in Thesaur. Eccles. tract. 1. §. 11. num. 3., atque huic sententiae patrocinatur Manuale Henrici Episcopi Sistaricensis, a Synodo Sistaricensi approbatum, in cujus can. 16. habetur: *Moneant autem Sacerdotes parochianos suos, ut pueros a septennio, & supra Pater noster, & Credo doceant, ac in die sancto Parasceven ad ecclesiam adducant ad osculandum Crucem, & in die sancto Pascha, ut Corpus Christi, prius tamen confessi, recipiant* (tom. 4. anecdot. Martene, & Durand col. 1082.) At alii, quos citant, & sequuntur Suarez tom. 3. in 3. part. quest. 80. disp. 70. sect. 1., Vasquez disp. 214. cap. 4., Dicastillo tract. 4. disp. 10. dubit. 5. num. 110. perfectionem usum rationis expectandum censent, ut pueri ad annuam Communionem constringantur: non omnis quippe discretio, quæ sufficiens habetur, ad se expiandum sacramentali Confessione, satis est, ad rite percipiendam Eucharistiam, cujus excellentia majorem exigit in suscipiente judicii maturitatem, ut debita religione, ac reverentia ad eam accedat; quo vero ætatis anno, eam maturitatem advenisse, sit præsumendum, non potest certa regula definiri; cum alii tardius, alii citius perfectum rationis usum, rerumque spiritualium intelligentiam, assequantur; id autem intra decimum, & decimum quartum ætatis annum, communiter evanire, notat citatus Suarez.

3 Verum, etsi Doctores ita inter se dissentiant, sere tamen communiter fatentur, tantam non desiderari ætatem, ut quis in mortis articulo, & possit, & debeat sanctissimo Viatico muniri; quinimmo Judatus Suarez



Suarez expresse docet, omnibus, qui sunt doli capaces, positis in vite discrimine, illud esse, ex Divino præcepto, porrigendum, citatam quippe sectionem in hunc modum absolvit: *At vero de Communionis facienda in articulo mortis non est eadem ratio . . . Unde existimo in illo articulo dandam esse Communionem cuicumque homini habenti usum rationis ad peccandum, & capaci Confessionis, & extremae Unctionis. Quod Navarrus quidem fatetur esse omnibus consulendum: ego vero existimo esse obligationem, tam ex parte petentium, quam dispensantium &c.* Suarezii sententiam pluribus comprobatur Cardinalis de Lugo de *Euch. disp. 13. sect. 4. num. 37.* eidemque suffragatur Auctor Anonymus, in carmine MS. prolato a Martene de *antiq. Eccles. ritib. cit. tom. 1. lib. 1. cap. 4. art. 10. §. 14.* inquiens:

*Non pueris infra bis quinque manentibus annos  
Des Corpus Domini, quamvis sint corpore puri:  
Quid fiant, cum ignorent, ergo prohibentur.  
Excipe quos urget fera mors, anni licet his sint  
Octo, sive novem, vel septem, dum sibi constet  
Scire Pater noster & eorum vita probata.*

Quare nulli controversæ opinioni calculum adjicit Episcopus, qui in sua Synodo, Parochos serio adhortatur, & monet, ne patiantur omnes pueros, indiscriminatim interire, sine Christi Corporis Viatico, illudque iis præbendum præcipit, quos iidem Parochi, diligenti præmissis examine, tanta compererint pollere ingenii perspicacia, ut latentem sub speciebus Sacramentalibus Christum, & firmiter credant, & reverenter adorent: tunc vero securius id in Synodo decernitur, cum non determinatur certa ætas, in qua decessurus puer sit Christi Corpore reficiendus, circa quam unice vertitur Theologorum dissensio, sed ipsiusmet prudentis Parochi judicio permittitur definire, an moriturus puer, spectata ejus indole, sit tanti Sacramenti capax; hoc siquidem adhibito temperamento, nemo facile contradicet Synodali Constitutioni, cui pæne omnes Theologi suffragantur.

4 Similiter, absque formidine, se aliqua involvendi controversia, & potest, & interdum debet Episcopus constituere, ne Parochi renuant sanctissimam Eucharistiam iterato deferre ad ægrotos, qui, etiam perseverante eodem morbi periculo, illam sæpius, per modum Viatici, cum naturale jejunium servare nequeant, percipere cupiunt. Quamvis enim Vasquez in 3. p. *disp. 214. cap. 2. in fine* doceat, Divino præcepto satisfieri, per unicam perceptionem sanctissimi Viatici, in eadem ægritudine, nullum tamen invenimus, alicujus nominis Theologum, qui neget, & licitum, & pium, ac laudabile esse, illud sæpius repetere; ita quippe expresse tradunt Silvester V. *Eucharistia*, 3. §. 6. Tabiena V. *Communicare*, num. 48. Sotus in 4. *dist. 12. q. 1. art. 8.* Toletus in *Summa* lib. 10. cap. 15. Henricus lib. 8. cap. 4. num. 1. & cap. 50. num. 1. Suarez *disp. 68. sect. 5.* Layman lib. 5. *Sum. tract. 4. cap. 6. q. 6. num. 20.* Diana tom. 1. *resoluit. 75.*

Tom. XII.

N n

Cardi-

Cardinalis de Lugo *disp. 15. sect. 3. num. 64.* qui male tradit Vasquez, quasi Auctorem contrariæ sententiæ, cum hic de sola loquatur obligatione, ut diximus, & legenti patebit.

5 Aliqua dumtaxat dissensio est, in præfatiendo temporis spatio, quod debeat intercedere, ut, intra eandem infirmitatem, possit iterum non jejuno dari Eucharistia. Aliqui enim, cum Navarro, multum temporis interfluere debere existimant, inter unam, & alteram Communionem; quam indefinitam Navarræ assertionem, de spatio triginta dierum, explicat Villalobos in *Summ. 1. part. tract. 7. dub. 38.* Alii cum Suarez *cit. loc. decem*, aut octo dies exposcunt. Alii cum Ludovico a Sancto Joanne in *Summ. Hispano sermone edita tom. 1. quest. 7. art. 10. difficult. 4. de sacram. Euch.* post elapsos tres dies, Viaticum iterari concedunt. Alii demum cum Layman *cit. cap. 6. num. 20.* etiam insequenti die, illud repeti permittunt, si videatur instare mortis periculum, & ægrotus, qui cum sanus esset, frequenter consueverat Eucharisticum panem degustare, eo denuo nutrirî, & roborari cupiat. Abstrahat igitur Episcopus ab hisce questionibus, solumque Parochis insinuet, posse, & debere sanctissimum Viaticum in eadem infirmitate iterum, & tertio administrari, præsertim si ipsi ægrotantes iterum celestem illum panem esuriant: & si velit, potest etiam in Parochos decernat, qui post plurimum temporis, Eucharistiam ad eundem infirmum, eam devote efflagitantem, falsis quibusdam, & emendicatis prætextibus, denuo deferre obkinate detrahant; nihil quippe in hac saluberrima Constitutione invenietur censuræ, & castigationis dignum.

6 Quod si in Synodo aliquid etiam dicendum occurrat, de sacramentalis Communionis frequentia, caveat Episcopus, ne, aut universim improbet, aut omnibus indiscriminatim fundeat, quotidianum ad sacram Mensam accessum. Etsi enim præsci Fideles, consueverint quotidie Eucharisticum panem degustare, quod discimus ex S. Justino in *apologia 1.*, quam pro Christianis obtulit Imperatori Antonino, ex S. Cypriano in *expositione orationis Dominicæ*, ex S. Hieronymo *epistol. 50. ex can.* Omnes Fideles, *de consecrat. dist. 1.*, & can. *Petracta ibid. dist. 2.*, quidquid sit, an ad quotidianam Communionem, ex Ecclesiæ præcepto adigerentur, quemadmodum opinatur Vasquez *3. part. disp. 214.*, an potius ex mera devoctione, & charitatis ardore quotidianus ejusdem usus fuerit a Fidelibus receptus, quod existimant Suarez *cit. disp. 69. sect. 3.* & Juenin de *Sacram. differt. 4. quest. 9. cap. 3. art. 1. in fin.*, indubitatum est, posterioribus seculis, postquam scilicet elanguit Fidelium charitas, non solum intermissam fuisse Communionis frequentiam, sed jamdudum, hoc est a sæculo XII. inter pios, & doctos vehementer dubitatum, an consulendus esset Fidelibus quotidianus Christi Corporis usus: siquidem apud Innocentium III. de *myster. Miss. lib. 4. cap. 42.* legimus: *Dicit ergo quisquam communicandum esse quotidie, dicitur alius quotidie communicandum non esse: quæ certe verba indi-*

indicant rem positam in questione, quam Innocentius non solvit, subiungens: *Faciatis unusquisque quod pie credideris faciendum*; atque ad id comprobandum affert Augustinum, relatum in can. *Quotidie*, de consecrat. dist. 2. ubi ait: *Dixerit quispiam non quotidie accipiendam Eucharistiam*; alius affirmet *quotidie*: *faciatis unusquisque quod secundum fidem suam pie credit esse faciendum*. Eandem questionem distincte & perspicue, suo more, pertractavit D. Thomas 3. part. quest. 80. art. 10. in qua docet, eum quidem Eucharistici panis, in se spectatum, semper esse salutarem, & nihilominus non semper cuicumque expedire, illum sumere, quia non semper reperitur in fumento dispositio requisita, ad dignam illius comestionem, ex quo concludit: *Et ideo si aliquis se quotidie ad hoc paratum inveniat, laudabile est, quod quotidie sumat*. Unde Augustinus cum dixisset: *Accipe quod quotidie tibi prodest*; subiungit: *Sic vive, ut quotidie merearis accipere*; sed quia multis in pluribus hominum multa impedimenta huius devotionis occurrunt, propter corporis indispositionem, vel anime, non est utile omnibus hominibus, quotidie ad hoc Sacramentum accedere.

7 Hæc perpenderunt sapientissimi Tridentini Patres, duobus a se editis decretis, Fideles hortati sunt, ad sanctissimæ Communionis frequentiam, ubique in votis esse demonstrarunt, ut quilibet tanta emineat morum integritate, ut digne possit etiam quotidie Christi carnibus pasci; consulto tamen abstinuerunt ab universali regula, hac de re tradenda, cum satis exploratum habuerint, eam unice desumi posse a cujuscunque peculiari statu, devotione, & charitate. Primum decretum habetur sess. 13. cap. 3. estque huiusmodi: *Paterno affectu admonet S. Synodus, hortatur, rogat, & obsecrat per viscera misericordie Dei nostri, ut omnes, & singuli, qui Christiano nomine censentur .... hac sacra mysteria Corporis, & Sanguinis ejus, ea Fidei constantia, & firmitate, ea animi devotione, ea pietate, & cultu credant, & venerentur, ut panem illum supersubstantialem frequenter suscipere possint*. Alterum extat sess. 22. cap. 6. de sacrific. Missæ: *Operari quidem sacrosanctæ Synodus, ut in singulis Missis Fideles adstantes non solum spirituali affectu, sed Sacramentali etiam Eucharistia perceptione communicarent, quoad eos sanctissimi huius Sacrificii fructus uberius proveniret*.

8 Sed nihilominus hæc saluberrima Tridentini decreta non extinxerunt antiquam, quam innuimus, controversiam, quinimmo hæc, sæculo elapso, acrius inter Theologos recruduit; plures quippe quotidianæ Communioni plus æquo patrocinantes, eam omnibus, sine ullo personarum delectu, suadendam dictitarunt, e quorum numero fuit, qui hanc etiam propositionem non est veritus asserere, quam die 2. Martii 1679. Apostolicæ damnationis telo confixit Innocentius XI.: *Frequens Confessio, & Communio, etiam in his, qui gentiliter vivunt, est nota prædestinationis*; alii contra frequentiore, multoque magis quotidianum ad sacram Mensam accessum, nimium imprudenter, universum damnarunt. Utriusque classis Auctores referunt Rhodes disp. 1. quest. 4. sect. 1. §. 2. & 3. Joannes Sanchez

disp. 22. Cardinalis de Lugo de Euch. disp. 17. & Cardenas crisis Theolog. tom. 3. disp. 66. Ad hanc verò litem præcidendam, jubente, atque approbante Innocentio XI. die 12. Februarii 1679. promulgatum est decretum, quod integrum legitur apud citatum Cardenas cap. 1., & Lacroix lib. 6. part. 1. num. 665. e quo hæc verba, ad Episcopos maxime pertinentia, transcribimus: *In hoc igitur Pastorum diligentia potissimum invigilabit, non ut a frequenti, aut quotidiana sacra Communionis sumptione, unica præcepti formula aliqui deterreantur, aut sumendi dies generaliter constituentur, sed magis quid singulis permittendum per se, aut Parochos, seu Confessarios sibi discernendum putet, illudque omnino provideat, ut nemo a sacro Convivio, seu frequenter, seu quotidie accesserit, repellatur; & nihilominus det operam, ut unusquisque digne, pro devotionis, & præparationis modo, rarius, aut crebrius Domini Corporis suavitatem degustet. . . . Proderit etiam præter Parochorum, & Confessariorum diligentiam, opera quoque Concionatorum uti, & cum eis constitutum haberi, ut cum Fideles ad sanctissimi Sacramenti frequentiam (quod facere debent) accenderint, statim de magna ad illud sumendum præparatione orationem habeant; generatimque ostendant, eos, qui ad frequentiorē, aut quotidianam saluiferi cibi sumptionem, devoto studio excitantur, debere, sive laici negotiatores sint, sive conjugati, sive quicumque alii, suam agnoscere infirmitatem, ut dignitate Sacramenti, ac Divini iudicii formidine, discant caelestem Mensam, in qua Christus est, revereri; & si quando se minus paratos senserint, ab ea abstinere, seque ad majorem præparationem accingere.*

9 Si itaque in Synodo instituat sermo, de frequenti, aut etiam quotidiano sanctissimæ Eucharistiæ usu, non est devianandum ab hujus decreti semita, sed si qua Parochis tradenda sit instructio, curandum est, ut hæc illi ad amissum respondeat: præcipue vero monendi sunt Confessarii, ne frequentem ad Eucharistiam accessum iis aut suadeant, aut permittant, qui in gravia peccata sæpe labuntur, nec de poenitentia peragenda, suæque vitæ emendanda sunt solliciti; sicuti nec illis, qui, etsi gravia evitent crimina, voluntatem tamen habent venialibus inhaerentem; qua de re legendi sunt S. Franciscus Salesius *Philotea* part. 2. cap. 20. & Joannes Taulerus *serm. 4. in festo Ven. Sacramenti*.



## CAPUT XIII.

*De pertinentibus ad sacramentum Pœnitentia, & signanter de quæstione, ejusque usu in Synodalibus Constitutionibus quo ad necessitatem aliqualis dilectionis Dei in Attritione ex metu gehenna concepta, aut dicta necessitatis exclusionem.*

1 **S**ancta Tridentina Synodus *sess. 14. cap. 4. de reform.* duplicem distinguens Contritionem, utriusque virtutem, & efficaciam, in hunc modum explicat: *Dicitur præterea, etsi Contritionem hanc aliquando Charitate perfectam esse contingat, hominemque Deo reconciliare, primumque hoc Sacramentum actu suscipiatur; ipsam nihilominus reconciliationem ipsi Contritioni, sine Sacramenti voto, quod in illa includitur, non esse adscribendam. Illam vero Contritionem imperfectam, qua Attritio dicitur, quoniam, vel ex turpitudinis peccati consideratione, vel ex gehenna, & poenarum metu communiter concipitur, si voluntatem peccandi excludat cum spe venia, declarat, non solum non facere hominem hypocritam, & magis peccatorem, verum etiam donum Dei esse, & Spiritus Sancti impulsus, non adhuc quidem inhabitantis, sed tantum moventis, quo Pœnitens adjutus viam sibi ad justitiam parat. Et quamvis sine Sacramento Pœnitentia per se ad justificationem perducere peccatorem nequeat; tamen eum ad Dei gratiam in Sacramento Pœnitentia impetrandam disponit.*

2 Ex his Concilii Tridentini verbis celebris orta est quæstio, qualis sit illa Attritio, quæ ad Dei gratiam, in Sacramento Pœnitentiæ impetrandam, disponit. Atque ut in primis, de ipso Attritionis vocabulo aliquid dicamus, illud non esse antiquissimum, neque ante annum 1220. in scholis vulgari ceptum, Eruditi omnes optime norunt, cum Morino *de Pœnit. lib. 8. cap. 2. num. 14.*, quod tamen per nomen significatur, & Patribus, & Theologis semper perspectum fuisse, nemo dubitat: omnes quippe duplicem semper agnoverunt Contritionem, unam perfectam, quæ, ex se, justitiam, & sanctitatem affert; alteram imperfectam, quæ sola homini justificando impar est; hanc vero Contritionem imperfectam, visum est Scholasticis, congruo vocabulo, appellare Attritionem: *Sicut enim (inquit Estius in 4., distinct. 16. §. 9.) in corporalibus Attritum dicitur, quod aliquo modo, nempe forisfectus tantum, laesum est, aut exanimatum; Contritum vero quod totum intus, & foris fractione in minima resolutum est, ita in spiritualibus Attritio ab illis dicta est, imperfecta quedam, & aliquo usque tantum progressa Pœnitentia; Contritio vero Pœnitentia intima, & perfecta.*

3 Porro ex multiplici capite potest hæc Contritionis imperfectio dinoscere: & primo loco valde imperfecta est Contritio, quæ non est supernaturalis, sed unice movetur ab objecto naturali, aut non elicitur viribus Gratiæ. Hanc sufficientem non esse ad justificationis gratiam, tam extra, quam intra Sacramentum, consequendam, omnes fatentur; est enim si-

milis

milis poenitentiae Antiochi, qui peccatum desiebat, non quod esset offensa Dei, sed propter gravissimum morbum, quo cruciabatur; qua de causa veniam a Deo non est consequutus 2. *Maccab. c. 9.* & quamvis aliquot ex veteribus Scholasticis visi sint huic naturali Attritioni vires tribuere, ad hominem Deo reconciliandum, eorum tamen opinio proscripita est ab Innocentio XI., qui anno 1679. hanc propositionem *num. 57.* damnavit: *Probabile est, sufficere Attritionem naturalem, modo honestam.* Advertendum tamen, ne quis confundat motivum Poenitentiae, cum occasione, qua ad Poenitentiam excitatur; etenim multi, morbo, aliove temporali malo vexati, perpetrata crimina mente revolvunt, & Dei gratia auxiliante, illa ex motivo superno, serio detestantur, sicuti accidit Ninivitis, qui, timore mortis temporalis, ac subversionis urbis, quam Jonas praenuntiabat, commoti, per veram, sinceram, & supernaturalem Contritionem, ad Deum conversi sunt.

4 Imperfecta pariter est Contritio, quae ab aliquo dumtaxat peccatorum genere, non ab omnibus, voluntatem avertit: evenire enim potest, ut quis, ex speciali affectione erga aliquam virtutem, peccata eidem opposita detestetur, quin tamen propositum habeat, cetera praecavendi, quae aliis virtutibus adversantur. Ac demum imperfectissima erit, nec Contritionis nomen ea merebitur, quae non procedat, ex deliberata voluntate, sed potius sit quaedam velleitas, seu sterilis, atque inefficax displicentia de peccato, absque absoluto proposito in posterum non peccandi. Evidens porro est, neutram ex his posterioribus Contritionibus, ad justificationem prodesse, quia neutra excludit voluntatem peccandi, sicuti Tridentinum exposcit, neque ad illam pertinet Poenitentiam, quam a nobis exigit Dominus. *Isaie 18. : Convertimini, & agite poenitentiam ab omnibus iniquitatibus vestris, & non eris vobis in ruinam iniquitas. Projicite a vobis omnes praevaricationes vestras, in quibus praevaricati estis, & facite vobis cor novum, & spiritum novum.*

5 Alia est Contritio supernaturalis, & efficax, omnem excludens voluntatem peccandi, quae nihilominus, aliis nominibus, dicitur imperfecta, & in quam unice cadit controversia, quam proposuimus. Et primo quidem potest Contritio esse imperfecta, imperfectione *mere negativa*, quia scilicet, etsi concipiatur, ex eodem motivo Charitatis, seu amoris Dei, super omnia, ex quo concipitur Contritio perfecta, ad istius tamen intensiōis gradum non pertingit, sed est debilis, tenuis, & remissa. Secundo, dicitur imperfecta, quia peccata detestatur, propter Deum dilectum, non tamen amore amicitiae, sed concupiscentiae, hoc est dilectum non quatenus est in se summe bonus, sed quatenus est bonum nobis, seu quatenus nostra felicitas, beatitudo, & finis ultimus. Tertiò, & plerumque, nomine Contritionis imperfectae, intelligitur dolor de peccatis, unice conceptus, atque elicitus, propter eorundem turpitudinem, aut solum metum poenarum, & gehennae, absque ulla Dei dilectione. Verum

hæc

hæc eadem Contritio imperfecta potest ita moveri ex timore gehennæ, ut simul conjungatur, cum aliquo Dei amore initiali, quatenus scilicet voluntas, quæ peccata odit propter supplicia, simul fertur quodammodo in Deum, ut objectum diligibile, eumque incipit amare, quævis nondum amet, amore perfecto Charitatis. Difficile tamen est explicare hunc amorem initialem, nisi dicamus, eum esse verum actum amoris, sed debilem, tenuissimum, atque in minimo gradu; ac proinde hæc quarta species Contritionis imperfectæ videtur fere coincidere cum prima, ex nuper enumeratis, neque in alio ab ea differre, nisi quod illa sit ex solo Charitatis motivo, hæc vero admixtum etiam habeat timorem poenarum.

6 His positis, quamvis ante Tridentinum communiter Theologi docuerint, ad Dei gratiam in sacramento Poenitentiae obtinendam, satis esse Contritionem imperfectam, quam jam tum *Attritionem* nuncupabant, Attritionis tamen nomine, nunquam dolorem intellexerunt de peccatis, aliunde excitatum, quam ex motivo Charitatis, seu omnino se junctum ab aliquo saltem remisso, tenui, debili, seu initiali amore benevolæ Dei, sicuti testatur doctissimus Morinus *cit. lib. 8. cap. 4. num. 2.*; omnium autem primi Franciscus Victoria, & Dominicus Soto, ambo ex Ordine Dominicanorum, docuerunt, ad peccatorum remissionem, virtute Clavium, assequendam, satis esse Attritionem mere servilem, seu conceptam ex solo metu gehennæ; modo tamen hæc a Poenitente, bona fide reputetur Contritio; ad quam ceteroquin elicendam eum pro viribus conari debere asfirmarunt. At Melchior Canus, Victoriz, & Soti sententiam sequutus, eam præterea extendit ad Attritionem mere servilem, sic cognitam, hoc est, quæ a Poenitente non existimetur vera Contritio, sed talis esse cognoscatur, qualis revera est. Enimvero, si materia proxima sacramenti Poenitentiae esset vera Contritio, error Poenitentis, bona fide, se contritum reputantis, cum revera contritus non sit, eum quidem excusaret a culpa, sed non disponderet ad gratiam assequendam in Sacramento, quod ex defectu materiae proximæ, esset irritum; eo pacto, quo, qui, solo elicito actu doloris mere naturalis, quem tamen credit supernaturalem, ad sacramentum Poenitentiae accedit, non sit utique sacrilegii reus, sed Sacramenti effectu privatur, quemadmodum recte ratiocinatur Suarez *tom. 4. in 3. part. disp. 20. sect. 4. num. 15. & seqq.* Quamobrem, si ad sacramentum Poenitentiae sufficit Attritio servilis, quæ reputetur Contritio, ut voluit Sotus, necessario inde consequitur, sufficientem etiam esse Attritionem, mere servilem, ut docuit Melchior Canus.

7 Melchioris Cani sententia vix nata, Scholas omnes pervasit, & tanto plausu excepta est, ut plurimos, ac magni nominis statim invenerit Patronos: *Sed præ ceteris* (inquit Morinus *cit. loc.*) *hanc opinionem celebrem reddiderunt duo Theologiae scholasticae clarissima & famosissima lumina, Franciscus Suarez, & Gabriel Vasquez, quos innumeri nunc sequuntur Theologi.* Verum qui inter istos doctores, & sapientiores habentur, pavidi quodammodo, & meti-

& meticulosi; ac magna cum cautela, illi recenti opinioni subscripserunt, quam ipsemet Canus nonnisi dubitantes astruxerat *part. 5. relect. de Pœnit.*, inquires: *Ponitur Contritio pars Sacramenti, quia est certa & indubitata materia. Quid autem Attritio sufficiat, quamvis verum sit, non est adeo certum & indubitatum, & ideo Concilium Florentinum, communisque sententia tenens certum, dimittens incertum, ponit Contritionem partem hujus Sacramenti.* Hac eadem moderatione loquitur Suarez *tom. 4. in 3. part. quasi. 90. art. 4. disp. 15. sect. 4. num. 17.*, ubi obligans Fideles, qui lethalem culpam admiserunt, ad habendam Contritionem Charitate perfectam, in articulo mortis, hanc affert rationem: *Nam, licet sit probabilis opinio, Attritionem cognitam cum Sacramento sufficere ad justificationem, tamen non est certa; & potest esse falsa. Quod si fortasse in re ita est, probabilis ista existimatio non sufficit, ut homo salvetur. Ergo qui sciens, & videns, ita se mori permittit, voluntarie exponit se periculo morali eterne damnationis. Nam ubi est morale dubium, est morale periculum, præsertim in re tam gravi. Hic autem est morale dubium, cum illa opinio nec valde antiqua sit, nec multum communis. Suarelii monitum confirmat Philippus Gamachæus *Symm. Theolog. cap. 8. de Pœnit.*, inquires: *Etiamsi agnoscamus, sacramentum Pœnitentie revera facere ex attritis contritos, non tamen id omnino indubitatum. . . . Ergo debet tunc conari ad veram Contritionem, ut hoc modo Attritio saltem evadat certior.* Et Paulus Comitulus in *respns. moral. lib. 1. quasi. 32.*, licet absolvi posse doceat, qui, ex sola formidine æternæ poenæ, de peccatis dolet, hæc tamen prudenter addit: *Plures, magnique Theologi, in Pœnitente, antequam absolvatur, Contritionem veram Charitate formatam requirunt, neque usque adeo certum est, Attritionem Pœnitenti esse satis. Quæcirca Sacerdotis partes præcipua esse debent vera Contritionis motum in corde Pœnitentis, auxiliante Deo, elicere, ardentique eum cohortatione urgere, ut propter Deum peccata admissa excretur omnia.* Sed quod isti, tanta adhibita circumspectione, asseverarunt, posteriores Doctores, ob auctum sibi consentientium numerum, animosiores facti, non solum absque ulla dubitatione, & limitatione asseruerunt, sed contrariam sententiam, requirentem in Pœnitente aliquem Charitatis amorem, saltem initialem, carpere, & censura afficere non dubitarunt, eam omnino improbabilem, periculosam, Tridentini menti contrariam, atque implicite, & virtualiter quodammodo ab eodem Tridentino proscriptam, dicentes. Verum istos redarguit Cardinalis Pallavicinus, diserte affirmans, unicum Tridentini scopum fuisse damnare Hæreticos, improbanes timorem fervilem, tanquam inhonestum, neutiquam vero definire controversiam, jam tum inter Doctores Catholicos agitam; *lib. enim 12. hyst. Tridentini cap. 10. num. 25.* hæc ad rem apposite scribit: *Quantum ex Actis conficio, Theologorum mens erat, ut error Hæreticorum damnetur, tanquam inhonestum improbandum poena timorem; non item ut ferret sententiam de scholastica questione, an hujusmodi timor non solum absque contritione animi perfecta (de quo controversia vix fuit, sicut patet), sed etiam absque eo, quod**

nullus



allus excitetur amor imperfectus, sufficias ad peccatorum remissionem in Sacramento. Id vero clare liquet ex ipsa probatione Concilii, qua hujus articuli doctrinam sumat cap. 4., nimirum Nivivitarum poenitentiam ex timore profectam ipsis praevisse, cum certum esset, eo tempore, quo sacramentum Poenitentiae adhuc non exstabat, eam formidolosam poenitentiam minime sufficere, per se ipsam, ad peccatum delendum, sed vim tantummodo habuisse ad impetrandam novam gratiam, cujus ope adjiceretur Charitas. Testatur deinde idem probatissimus Historicus, supracitatum decretum cap. 4. sess. 14., fuisse prius ita concinnatum, ut in eo diceretur, Attritionem ex metu gehennae, & poenarum sufficere ad Dei gratiam in Sacramento impetrandam, sed intercedente Joanne Emiliano, Tudetano Episcopo, ablatum fuisse verbum illud *sufficere*, ejusque loco subrogatum verbum *disponit*, quod profecto equivocum est, & referri potest, cum ad dispositionem proximam, tum ad remotam, sicuti opportune observant Petrus Lambertus le Drou in *tract. de Contrit.*, & *Attrit. differt.* 1. §. 1. & *seqq.*, Natalis Alexander Theolog. *dogmat. & moral. lib. 2. de sacram. Poenit. art. 3. proposc.* 5., Juenin de *Sacram. differt.* 6. *quest.* 4. §. 3., Tournely *tract. de Poenit. quest.* 5. art. 2., VVitalle *eod. tract. quest.* 3.

8 Ad hæc, ut observant Launojus in *differt. de mente Concilii Tridentini*, circa Contritionem, & Attritionem *part. 2. cap. 2.* & cit. le Drou §. 3., ex ipsismet Patribus, & Theologis, qui Concilio Tridentino interfuerant, eodem Concilio absoluto, aliqui propugnarunt necessitatem inchoatae Contritionis, seu amoris initialis, ad sacramentum Poenitentiae, inter quos Fredericus Nausa, Episcopus Viennensis in Austria, in suo Catechismo, & Franciscus Sonnius Episcopus Antuerpiensis *tract. 4. de Poenit. cap. 6.*, alii pro sufficientia Attritionis mere servilis dimicarunt, uti Andreas Vega, & citati Dominicus Soto, & Melchior Canus. Non autem fuissent Praefules, & Theologi in has oppositas sententias distracti, si quid a Concilio Tridentino, de hac re definitum, scivissent.

9 Cum itaque verseretur in quaestione, ab Ecclesia hactenus non definita, jure ac merito Alexander VII. die 5. Maji 1667. sub poena excommunicationis latae sententiae, Sedi Apostolicae reservatae, praecepit: *Cum illis, & singulis Fidelibus . . . . ut si deinceps de materia Attritionis scribent, vel libros, aut scripturas edent, vel doceant, vel predicabunt, vel alio quovis modo Poenitentes, aut Scholares, ceterosque erudiant, non audeant alienius Theologica censura, alteriusve injuria, aut contumelia nota, taxare alterutram sententiam, siue negantem necessitatem aliqualem dilectionis Dei, in praefata Attritione, ex metu gehennae concepta, qua hodie inter Scholasticos communior videatur, siue assertentem dictae dilectionis necessitatem; donec a sancta Sede fuerit aliquid, hac in re definitum. Caveant proinde Episcopi, ne in suis Synodis, aut in instructione Sacerdotum, quatenus Synodis quandoque attreunt, aliquid decernant, aut de Attritionis mere servilis ad sacramentum Poenitentiae sufficientia, aut de amoris saltem initialis necessitate. Adhuc quip-*

pe sub Judice lis est: adhuc impune pro una, & altera sententia dimicatur. Paucis antea annis Cardinalis Gottus *Theolog. tom. 3. in 3. part. D. Thoma, quæst. 4. de Contritione, dub. 4. §. 1.* sententiam propugnavit non requirentem in Pœnitente amorem Dei, ne initialem quidem, ad justificationis gratiam in sacramento Pœnitentiæ assequendam: Hac ipsa in Urbe, opera, & cura P. Caroli Jacobi Romilli, Ord. Min. Convent. Generalis Magistri, typis recusum est opus Claudii Frassen inscriptum: *Scotus Academicus*; cujus Auctor *tom. 10. pag. 563.* strenue defendit Attritionem ex solo metu poenarum, & gehennæ, atque ex amore concupiscentiæ, seu affectu spei, conceptam, modo supernaturalis sit, omnemque excludat voluntatem peccandi, esse sufficientem dispositionem, ad sacramenti Pœnitentiæ fructum in se derivandum. Contra vero Cardinalis Denhoff Episcopus Cefenatenlis, in *sua instructione Pastoralis, de Pœnit. sacram. pag. 33.*, aliqualem amorem in Attritione requirit, ut sit sufficiens sacramenti Pœnitentiæ materia: Franciscus Maria Campioni anno 1698. doctam elucubravit dissertationem Theologico-Scholasticam, in qua totis viribus conatus est demonstrare necessitatem aliqualis amoris Dei, saltem imperfecti, & initialis, ad impetrandam gratiam in Sacramentis, quæ dicuntur *Morsuorum*: & laudatus Petrus Lambertus le Drou, Episcopus Porphyriensis, Apostolici sacrarii Præfectus, cum per Urbem evulgatam vidisset dissertationem, a Bartholomæo Rivio, ejusdem sui Augustiniani Instituti Theologo, exaratam, in qua Auctor decernat pro sufficientia Attritionis, omnis Charitatis expertis, ad valide, & cum fructu recipiendum sacramenta Baptismi, & Pœnitentiæ, eidem statim contradicentem se præbuit, aliisque editis dissertationibus, san. mem. Clementi XI. nuncupatis, nullum non adhibuit argumentum, quod aptum putaverit ad prædictam opinionem refellendam; contendens, Attritionem mere servilem, ne a Sacramento quidem vires fortiri, quibus valeat hominem proxime disponere, ad Dei gratiam, vel primò obtinendam, vel amissam recuperandam. Hinc recte intulit Berti *Theolog. tom. 7. lib. 34. cap. 5.* nihil hactenus a Sede Apostolica, de hac quæstione decisum, sed libertatem cuique datam, ex præfatis opinionibus eam eligendi, & docendi, quam maluerit.

10 Sed non ideo prohibentur Episcopi Confessarios monere, ut Pœnitentes ad veram, & perfectam Contritionem hortentur, & excitent: id siquidem faciendum suadent, etiam præcipui Auctores, qui pro sufficientia doloris, ex solo metu gehennæ, iteterunt, uti Suarez, Gamachæus, Comitulus, quorum testimonia supra retulimus. Et quod magis est, ita fieri præcipit Rituale Romanum, jussu Pauli V. editum, Confessario injungens, ut audita Pœnitentis sacramentali Confessione, ejusque peccatis diligenter expensis, *Opportunas correptiones, ac monitiones, prout opus esse viderit, paterna charitate adhibeat, & ad dolorem, & Contritionem efficacibus verbis adducere conetur*; cui consonat Rituale Argentinense, editum a Cardinali de Rohan *tit. de Pœnit. §. 1.*, ubi hæc habentur: *Ceterum Pœnitentes*

*nitentes suos admovere non essent Confessarii, ne se putent securos in sacramenti Pœnitentia perceptione, si præter Fidei, & Spei actus, non incipiant diligere Deum, tanquam omnis iustitia fontem, ut loquitur sacrosancta Tridentina Synodus.*

## CAPUT XIV.

*De Confessione, quam nonnulla Synodi excipiendam prohibent Confessario, qui est in opere carnali complex criminis cum Pœnitente peracti.*

**I**UT jam, post dispositionem requisitam in Pœnitente, aliquid de Confessarii jurisdictione, quod ad propositum pertineat, dicamus, unum animadversione dignum censemus. Quamvis sacramentum Pœnitentiæ sit a Christo Domino institutum per modum iudicii, & nemo esse queat Iudex, in causa propria; nihilominus communiter existimant Theologi, duce D. Thoma, sola spectata natura Sacramenti, posse Confessarium sui criminis socium, a secum perpetrato peccato, cujuscunque speciei illud sit, in foro Sacramentali absolvere: Siquidem tunc, non de propria, sed de aliena culpa iudicium profert; neque, seclusa legum prohibitione, repugnat, ut quis Iudicis personam assumens, de commissio ab altero delicto sententiam dicat, licet ejusdem delicti ipse, tanquam privatus, particeps fuerit. Ita D. Thomas in *supplem.* 3. *part. quest.* 20. *art.* 1. *ad 1.* *Ad primum ergo dicendum, quod in tali casu nec Sacerdos debet audire Confessionem mulieris, cum qua peccavit, de illo peccato, sed debet ad alium mittere, nec illa debet ei confiteri, sed debet petere licentiam ad alium eundi, vel ad Superiorem recurrere, si ille licentiam denegaret, tum propter periculum, tum quia est minor verecundia; si tamen absolveret, absoluta esset. Quod enim Augustinus dicit, quod non debet esse in eodem crimine, intelligendum est, secundum congruitatem, non secundum necessitatem Sacramenti.* An vero non solum valide, sed etiam licite id fiat, non consentiunt Auctores. Aliquam certe labem in ea Confessione D. Thomas agnovisse, ex citatis ejusdem verbis palam est; & S. Petrus Damiani *opus.* 7. *cap.* 7. adeo vehementer in eandem Confessionem invehitur, ut certe videatur, illam non solum illicitam reputare, sed tanquam irritam rejicere; Ait enim: *Legis præceptum est, ut cum quis lepra perfunditur, Sacerdotibus ostendatur: tunc autem non Sacerdotibus, sed leproso potius ostenditur, cum immundus immundo peractum commune nequitiam confitetur. Sed cum Confessio utique manifestatio sit; quid, obsecro, manifestat, qui audienti cognitum narrat? Aut quo pacto Confessio illa dicenda est, cui nihil a confiteute manifestatur, nisi quod jam pridem ab audiente cognoscitur? Et qui sociali vinculo peracta iniquitatis adstringitur, qua lege, quo jure, alterum poterit ligare, vel solvere? Frustra enim alium quis solvere nititur, qui & ipse vinculus irretitur.* His, ex Theologis moralibus assentitur Stephanus Fagundez in *secundum præceptum Ecclesiæ lib.* 4. *cap.* 3.

num. 35., ubi gravis culpæ reum facit Sacerdotem, excipientem Confessionem suæ concubinæ. At exadverso Silvester in *Summ.* p. 1. *V. Confessio* 1. num. 17., Joannes Sanchez *disp.* 10. *select.* num. 16., Theophilus Raynaudus tom. 16. in *opere*, cui titulus *Heteroclitia spiritualia*, pag. 128., La-Croix tom. 2. pag. 227., aliique affirmant, Confessionem factam Complici, tam ex parte Pœnitentis, quam ex parte Confessarii, culpa vacare, modo uterque a perpetrato crimine abhorreat, & longe absit periculum novi consensus in illud.

2 Et tamen in multis Synodis decretum est, nedum illicitam, sed inanem pariter, nullam, atque irritam fore absolutionem, datam a Sacerdote socio sui criminis, adversus sextum Decalogi præceptum: ita quippe statutum legimus in Synodo Leodiensi anno 1662. pag. 74., in Veliterna sub Cardinali Cybo anno 1698. pag. 36., in Synodo Fulginatensi, sub Episcopo Baptistello anno 1722. pag. 76., in Bononienfi, sub Cardinali Jacobo Boncompagno lib. 2. cap. 6., in Anconitana sub Cardinali Maffejo anno 1738. pag. 11., atque in Synodo Lucana, quam refert Roncaglia in *sua morali Theologia* tom. 2. tract. 19. cap. 3. Numquid igitur prædicti Episcopi peccarunt contra regulam, quam hucusque inculcavimus, & elucidavimus, nihil in Synodo decernendi, de rebus dubiis, atque inter Theologos controversis, materiam præcipue Sacramentorum respicientibus?

3 Nihil illos peccasse ex eorumdem statutis deprehendimus: illi siquidem non deciderunt quæstionem, an Confessarius, generali ceteroquin jurisdictione instructus, valide, & licite Pœnitentem absolvat, a crimine secum perpetrato; sed eundem privarunt jurisdictione seu facultate absolvendi sui socium, seu complicem in peccato impudicitiae. Quam vero sapienter & sancte id præstiterint, ex iis fas est judicare, quæ Doctores de hac re agentes mature ponderarunt. Atque, ut ea prætermittamus, quæ a S. Petro Damiani, & D. Thoma nuper audivimus, Basilii Pontius de *matrim.* lib. 7. cap. 38. n. 3., illata mentione Confessionis, de qua agimus, gravia mala describit, atque exaggerat, quæ ex ea proveniunt, præcipue cum Confessarius, in Sacramentali foro, feminam audit, cum qua non semel tantum, & diu antea peccavit, sed in turpi contubernio perseverat. Verjuvys tom. 9. art. 5. affirmat, longa experientia compertum, ejusmodi Confessiones plerumque sacrilegas esse, novisque peccatis fœdatas; Theophilus Raynaudus, quamvis *cir. loc.* eandem Confessionem in se licitam dixerit, periculosam tamen saretur; & Natalis Alexander *Theolog. dogmat. & moral.* tom. 4. cap. 5. art. 9. regul. 67., hæc ad rem adnotavit: *Vix contingit, ut peccatores, qui apud ipsos hujusmodi crimen deponunt, sinceram illius penitentiam agant; Vix contingit, ut criminis illi Sacerdotes salutaria dent consilia, & convenientem satisfactionis modum præscribant: & si peccata sint impudicitia, periculum est, ne nova cum Pœniti, tum Sacerdoti in ipsa Confessione, peccati nascatur occasio.* Quare S. Carolus Borromæus, ne sordidis hæc macula illud fœdaretur Sacramentum, quo Christi sanguine perfundimur,

dimur, ut a peccatorum lepra mundemur, in sua Synodo Dioecesana XI. (*Aff. Eccl. Mediol. part. 2. pag. 409.*) Confessariis generatim, atque universim facultate interdixit, sui cujuscumque criminis socium, seu quomodo participem, absolvendi: Confessario (inquit) qui cujuscunque criminis, etiam minimi socius, particepsve ullo modo fuit, munere interdictionis sit Confessionis eorum audienda, quas illius socios habueris . . . . Nec vero absolutio, si quam impartieris, ullius roboris sit, sed irrita plane, ac rescissa, nullaque omnino, tanquam ab eo impartita, qui jurisdictionis, & facultatis expertus est. Et vero si quis Confessarius culpa socius, particepsve aliquid contra ausus fuerit, excommunicationis sententiam statim subeat: cujus vinculo irretitus, ab alio Sacerdote, nisi a nobis, absolvi non possit.

4. Quamquam autem hæc sanctissimi Præfatus statuta, etiam generatim, uti sonant, sine summo opere commendanda, & quilibet Antistitem sancte queat eorumdem vestigiis insistere, negari tamen haud potest, majorem quamdam, & graviolem inhonestatem in eo adesse, ut Sacerdos illius personæ Confessionem excipiat, cum qua impudicitæ scelus admittit, ac proinde statim ac Nos ad Petri Cathedram erecti, totius Domini gregis curam suscepimus, universali lege ediximus, ne ullus Confessarius, extra casum extremae necessitatis, nimirum in ipsius mortis articulo, & deficiente tunc quocumque alio Sacerdote, qui Confessarii munus obire possit, Confessionem sacramentalem personæ complicit in peccato turpi, atque inobesto, contra sextum Decalogi præceptum commissæ, excipere audeat, sublata propterea illi, ipso jure, quacumque auctoritate, & jurisdictione ad qualemcunque personam ab hujusmodi culpa absolvendam, ut legi potest in nostris Apostolicis litteris datis kalendis Junii 1741., quæ extant in nostrarum Constitutionum volum. I. Constit. 20. Ut porro conscientiarum tranquillitati consulereemus, aliis similibus litteris datis die 8. Februarii 1745., quæ habentur in eod. volum. Constit. 120., declaravimus, ad rem, de qua agimus, perinde esse, nullum adesse Sacerdotem, præter illum, cum quo Pœnitens inhoneste peccavit, aut eum tantum adesse, quem idem Pœnitens, constitutus in mortis articulo eligere nequit, sine periculo se ipsum infamandi, aliiisque malam sui suspicionem ingerendi; atque ideo, in eo rerum statu, non prohiberi, diximus, Sacerdotem, suæ impudicitæ complicem absolvere; eundem tamen simul monuimus, ne prædictæ intamæ, aut scandali pericula sibi costringat, quæ revera absint; quinimmo volumus, ut ea, cum potest, antevertat, & removeat, secus enim pœnas non effugiet, in nostra prima Constitutione, inobedientibus inflictas.



*De reprobatione doctrinae, qua in nonnullis Synodis legitur, Confessionis videlicet factae in mortis articulo Laico, aut etiam mulieri, deficiente Sacerdote, aut Diacono, vel Subdiacono.*

**B**ernardus Lemovicensis anno 1374. factus Bononiensis Episcopus suam Synodum coegit, pluresque edidit Constitutiones, quas etiam Bernardi Successores religiose ac sancte custodiri, & servari iusserunt, uti testatur Sigonius *lib. 3. de Episcopis Bononiensibus, in dicto Bernardo*. Illas easdem Constitutiones in posterioribus Bononiensibus Synodis iterum, iterumque publicatas, Augustinus Zannettus Episcopus Sebastenus, Laurentii Cardinalis Campegii, Episcopi Bononiensis, Vicarius Generalis, & Suffraganeus, anno 1535. typis editas vulgavit. In harum Constitutionum tit. 5. de Poenit. haec habentur: *Nullus alieno Sacerdoti peccata sua confiteatur, nisi prius a proprio petita licentia, & obrenia, quam, nullus requisitus, dolose, vel malitiose denegare praesumat. In quibusdam tamen casibus potest quis alieno Sacerdoti confiteri, a suo non petita licentia: primo, si Episcopus alius specialiter delegaverit; secundo, si peccans in aliena parochia iterum vult de peccato, illi Sacerdoti illius parochiae confiteri; tertio, si suum domicilium ad aliam transtulit parochiam; quarto, quando quis est vagabundus; quinto, si periculum mortis sibi imminet, nec habere potest proprium Sacerdotem, quo casu, deficiente alio Sacerdote, confiteri potest Laico, ac etiam femine*. Id ipsum dictum, comperimus in Dioecetana Synodo Sabinensi, habita anno 1312. ab Arnaldo de Faugerio S. R. E. Cardinali, Episcopo Sabinensi, quam, ex codice bibliothecae Othobonianae, publici juris fecit Hannibal Cardinalis Albanus, in appendice ad suam Synodum pariter Sabinensem, habitam anno 1736. ; Andreas quoque Minorita Episcopus Megarensis, in *lumine Confessorum*, quod anno 1429. obtulit Jordano Ursino, Episcopo Albanensi S. R. E. Cardinali Poenitentiario, eandem tradidit doctrinam, uti videri potest in dissertatione, quam Constantinus Ruggèrii attexit citatae Synodo Sabinensi, Cardinalis Albani *pag. 324.* Quomodo autem intelligenda sit ejusmodi doctrina, operæ pretium est hic breviter explicare.

2 Plerique ex Haeticis dixerunt, non solum Sacerdotem, sed quemcumque Fidelem, etiam Laicum, posse esse Ministrum sacramenti Poenitentiae, praesertim si probus sit, & iustus. Hoc errore imbuti fuerunt Flagellantes, qui, spreto Sacerdotum tribunali, peccata sua Laicis confitebantur, & ab eis absolvebantur, uti videre est in *lib. 3. de gestis Baldevvini de Luczenburch; miscellaneor. Baluz. tom. 1.* Eundem docuit VViclefusus, teste VValdensi *tom. 2. cap. 135. & 145.*, a quibus illum hausit, iterumque excitavit Lutherus, apud Rosenfem *art. 13.* Quare Henricus VIII. Angliae Rex in suo opere *de septem Sacramentis adversus Lutherum*, postquam necessi-

necessitatem adstruxit, peccata sua aperiendi Sacerdotibus, quam non solum ex pluribus sacre Scripturæ textibus, sanctorumque Patrum testimoniis, sed ex ipsa Fidelium antiqua, & constanti praxi evidenter ostendit, inquit: *Verum si de Confessione verbum nullum neque nominatim, neque in figura legeretur, neque quidquam a sanctis Patribus diceretur, tamen cum videam totum populum, tot sæculis peccata sua patefacere Sacerdotibus, cum ex ea re tam assidue videam tantum boni proventum, tam nihil enatum mali, aliud neque credere, neque cogitare possem, quam eam rem, non humano consilio, sed Divino plane mandato, & constitutam esse, & conservatam.* Neque enim ulla humana auctoritate populus unquam potuisset adduci, ut occultissima scelera, quorum tacitam conscientiam horrebant, qua ne prodirent in lucem tanti referebat ipsorum, in alienas aures (qui posset, cum vellet, prodere) tanto cum pudore, tanto cum periculo, tam incunctanter effunderent: neque fieri potuisse, cum tam numerosi Presbyteri, boni, malique, qui promiscue Confessiones audiant, ut audita continerent, etiam hi, qui alias nihil continent, nisi Deus ipse, qui Sacramentum instituit, rem tam salubrem speciali gratia defenderet. *Mihi ergo, quidquid ait Lutherus, non ex aliqua populi consuetudine, nec ex institutione Patrum, sed ab ipso Deo videtur instituta, & preservata Confessio:* Postquam, inquam, de sacramentalis Confessionis institutione, hæc contra Lutherum scripserat, eundem, alio etiam nomine exagitat, quod nimirum Confessionem cuicumque Laico, immo etiam feminæ fieri permetteret, addens: *Nunc igitur iudices quisque, quam vere sentit Lutherus, qui, contra Sanctorum omnium sententiam, claves Ecclesiæ trahit ad Laicos, trahit ad mulieres, & ait, verba Christi Quæcumque ligaveritis &c. non Sacerdotibus tantum, sed omnibus dicta Fidelibus.*

3 Ecclesiæ itaque Catholicæ certissimum dogma est, solos Sacerdotes posse Poenitentiae sacramentum administrare, & a peccatis absolvere: quoniam ad Sacramentalem absolutionem, qua anima solvatur a culpæ nexu, necessaria est potestas Clavium, quam Christus Dominus solis contulit Sacerdotibus, cum Joann. 20. solis Apostolis, eorumque Successoribus, riteque ab his ordinatis dixerit: *Accipite Spiritum Sanctum, quorum remiseritis peccata, remittuntur eis.* Quamobrem S. Ambrosius lib. 1. de Poenit. cap. 2. num. 7. (tom. 2. oper. col. 392.) loquens de potestate absolvendi a peccatis: *Hic hoc (inquit) solis permixtum Sacerdotibus est;* & S. Basilii in regulis brevius tractatis ad interrogat. 283. *Qui confiteri vult peccata sua, debet confiteri omnibus & quibuscumque, aut quibus?* respondet (oper. tom. 2. pag. 516.): *Peccata ista confiteri necesse est, quibus mysterium Dei concredita dispensatio est;* ac S. Leo Magnus epist. olim 91. nunc 83. cap. 2. ait, divinitus esse ordinatum, ut indulgentia Dei, nisi supplicationibus Sacerdotum nequeat obtineri. Atque ut missa faciamus alia plurima sanctorum Patrum testimonia, quæ congerunt Suarez tom. 4. in 3. p. disp. 21. sect. 1., Vaquez tom. 4. in 3. p. 4. 93. art. 1., Gregorius de Valentia tom. 4. disput. 7. q. 10. punct. 1., Natalis Alexander hist. Eccles. tom. 3. ad sec. 111. dissert. 4., Juvenin

de Sa-

de Sacram. differt. 6. q. 5. art. 2. , & alii; Eugenius IV. in decreto unionis Armenorum ( tom. 9. collect. Hard. col. 440. ) definivit: *Minister hujus Sacramenti est Sacerdos, habens auctoritatem ad absolvendum, vel ordinariam, vel ex commissione Superioris; Et in bulla 44. ( Bullar. tom. 3. part. 3. pag. 489. ) Leonis Papæ X. , inter ceteros errores Lutheri, hic etiam proscribitur: Quod, videlicet, in sacramento Pœnitentia, ac remissione culpe non plus faciat Papa, aut Episcopus, quam infimus Sacerdos, & quando non esset Sacerdos, quam faceret quilibet Christianus, etiam si mulier, aut puer esset. Ac demum sancta Tridentina Synodus sess. 14. cap. 6. hæc habet: Declarat sancta Synodus, falsas esse, & a veritate Evangelii penitus alienas doctrinas omnes, quæ ad alios quosvis homines, præter Episcopos, & Sacerdotes, Clavium ministerium perniciosè extendunt, putantes, verba illa Domini quæcumque alligaveritis &c., & quorum remisieritis &c. ad omnes Christianos indifferenter, & promiscue, contra institutionem hujus Sacramenti, ita fuisse dicta, ut quivis potestatem habeat remittendi peccata; & can. 10. ejusdem sessionis, anathema profert adversus eum, qui asserit, non solum Sacerdotes, sed omnes Christianos esse Ministros Absolutionis.*

4 At primo aspectu, oppositum sensisse videtur S. Cyprianus *epist. 12.*, ubi permittit, Confessionem fieri Diacono, cum Sacerdos abest, ait enim: *Occurrendum puto Fratribus nostris, ut qui libellos a Martyribus acceperunt, & prærogativa eorum apud Deum adjuvari possint, si incommodo aliquo, & infirmitatis periculo occupati fuerint, non expectata præsentia nostra, apud Presbyterum quemcumque præsentem, vel, si Presbyter repertus non fuerit, & iurgere exitus coeperit, apud Diaconum quoque Exomologesim facere delicti sui possint, ut, manu ejus in poenitentiam imposita, veniant ad Dominum cum pace, quam dari Martyres litteris ad nos factis desideraverunt.* Cypriano adstipulantur, tum antiquissima Synodus Eliberitana *can. 32. ( collect. Hard. tom. 1. col. 252. ),* inquit: *Apud Presbyterum, si quis gravi lapsu in ruinam mortis inciderit, placuit agere poenitentiam non debere, sed potius apud Episcopum: cogente tamen infirmitate, necesse est, Presbyterum Communionem præstare debere, & Diaconum, si ei jusserit Sacerdos; tum Concilium Triburienſe anni 895., relatum in cap. Fures, de furtis, ubi sic legitur: Fures, & latrones, si in furando, & depredando occiduntur, visum est pro eis non orandum; si comprehensi, aut vulnerati Presbytero, vel Diacono confessi fuerint, Communionem eis non negamus; tum demum alia plurima Veterum testimonia, congesta a Martene de antiq. Eccles. ritib. tom. 1. lib. 1. cap. 6. art. 6. num. 7.*

5 Attamen hæc, quæ fucum faciunt, rite expensa minime pugnant cum veritate Catholica. Etenim, prætermisſis ceteris responſionibus, quæ videri possunt, apud nuper laudatos Doctores, & Du-Hamel *tom. 7. Theolog. tract. 7. de Pœnit.*, hæc sola, quam subnectimus, sufficere posse videtur, ad omnem eluendam difficultatem. Nomen *Exomologesim* non semper apud Patres significat Confessionem arcanam, auricularem, & sacramentalem, sed frequenter usurpatur pro ultimo illo ritu, seu actu externo, qui



no, qui totius publicæ poenitentiae clausula erat, & complementum; cum nimirum publice Poenitentes humi subletrati, stentes, atque ingemiscen-  
tes, se ipsos inculcabant, veniam exposcebant, & Ecclesiae tandem recon-  
ciliati, atque iterum ad Sacramenta admitti, petebant, quemadmodum  
fuse demonstrant Albaspinæus *lib. 2. observationum observat. 26.*, Morinus  
*lib. 2. de Poenit. cap. 2. num. 4. & seqq.*, Petavius *suus in Sanctum Epiphanium*  
*animadvertimus*, ad *hæresim 59.*, quæ est Novatianorum; & plane con-  
stat cum ex Tertulliano *lib. de Poenit. cap. 9.*, ubi ait: *Exomologesis prosterne-  
di, & humiliificandi disciplina est; & lib. de oratione cap. 7. Exomologesis est pe-  
nitentia, quia qui petit veniam, delictum confitetur*; tum ex eodem laudato  
Cypriano *epist. 55. ad Cornelium Papam*, ubi de lapsis agens, qui publi-  
cam poenitentiam subire detrectabant, hanc pariter Exomologesim appel-  
lat, inquit: *Sublata poenitentia, nec Exomologesi criminis facta, despectus  
Episcopis, atque calcatis, pax a Presbyteris verbis fallacibus predicatur*, atque  
in eodem sensu *epist. 11. ait: Cum in minoribus delictis, quæ non in Domino  
committuntur, poenitentia agatur, iusto tempore, & Exomologesis fiat*. Hanc  
porro publicam Exomologesim, deficiente Sacerdote, & urgente necessi-  
tate, excipere poterat Diaconus, isque potestatem habebat, publicum  
Poenitentem Ecclesiae reconciliandi, eo pacto, quo, etiam nunc posset  
facultate ab Episcopo accepta, Excommunicatum absolvere, & Ecclesiae  
communioni restituere.

6 De hac Exomologesi loquitur Cyprianus *in cit. epist.*, & de ea intel-  
liguntur ceteri Patres, & Concilia, cum idem, quod Cyprianus affir-  
mat. Quodque hic sit proprius & genuinus Cypriani, aliorumque Pa-  
trum sensus, aperte insinuant posteriores Ecclesiarum Constitutiones, quæ  
eamdem potestatem faciunt Diacono, excipiendi scilicet Poenitentium  
Confessiones, absente Sacerdote, sed simul aperte denegant eidem pote-  
statem Clavium, & auctoritatem absolvendi a peccatis: Concilium Ebo-  
racense anni 1195. (*tom. 6. part. 2. collect. Hard. col. 1931.*) *Decrevimus etiam,  
ut non nisi summa & gravi urgente necessitate Diaconus poenitentiam consenti im-  
ponat, ut juxta paternorum tenorem canonum huic ordini Sacerd. tali pro-  
prie convenire decernat antiquitas*. Constitutiones Odonis Parisiensis Episco-  
pi, circa annum 1198. *cap. 56. (tom. 6. part. 2. collect. Hard. col. 1946.) in-  
quunt: Prohibemus districte, ne Diaconi, nullo modo audiant Confessiones, nisi  
in arctissima necessitate: Claves enim non habent, nec possunt absolvere*; Consti-  
tutiones VValteri, Episcopi Dunelmensis anni 1255. (*tom. 7. collect. ejusd.  
col. 492.*) *ajunt: Et quia solis Sacerdotibus est potestas ligandi, atque solvendi  
commissa; prohibemus, ne Diaconi Confessiones audiant, aut admittant, poe-  
nitentias injungant....., nisi necessitas urgeat, aut compellat, ut in casu mortis,  
per absentiam Sacerdotis. Videri poterunt de hac re differentes Estitius in 4.  
distinct. 17. §. 13. in fin. Natalis Alexander cit. distinct. 4. ad sec. 111., & Car-  
dinalis de Aguirre tom. 1. Concilior. Hispania pag. 729.; ubi loca, quæ in con-  
trarium obijci possunt, ita explicanda censet, ut sensus sit; Absente Sa-  
cerdote,*

Tom. XII.

P p

cerdote,

cerdote, & urgente extrema necessitate, Diaconos olim interdum, & aliquibus locis solitos, ex delegatione Episcoporum, audire Confessiones lapsorum Pœnitentium, non quidem ad absolvendum illos, non enim unquam id facere potuerunt, aut possunt adhuc per delegationem Episcopi, immo, nec Romani Pontificis, sed ad explorandum illorum statum, & veram Contritionem, sive plenam conversionem ad Deum.

7 Quod autem specialiter attinet ad Concilium Eliberitanum, illud, nomine *Communienis*, vel intellexit communionem Eucharisticam, vel Canonica reconciliationem, cum Ecclesia, uti prosequitur Cardinalis de Aguirre *loc. cit.* Similiter, & textum in *cap. Fures*, nonnulli intelligendum existimant, de absolutione ab excommunicatione, qua irretiti erant publici latrones; Alii vero eum interpretantes de Eucharistia, dicunt, allegatum textum id unice permittere, nimirum, ut Diaconus præbeat sibi vulnerato Eucharistiam, si ei constet de illius Contritione; cum inter ceteros casus, in quibus sufficit Contritio, sine sacramentali Confessione, ad percipiendam Eucharistiam, enumeretur etiam ille hominis, constituti in mortis articulo, cui deest Sacerdos, a quo Sacramentalem absolutionem obtineat. At Antonius Augustinus, in notis ad primam collectionem Decretalium ad *cap. Fures*, de furtis contendit verba illa *vel Diacono* non esse authentica; & revera in antiquis manuscriptis codicibus, illorum loco, legitur, *vel Deo*. Quod si hoc secundo modo legendum sit, tunc allatus textus Concilii Triburiensis concordat cum Capitularibus Theodori Cantuariensis. *cap. 35.* (*spicilegii tom. 9.*) & cum *can. 30.* inter eos, quos Gregorius III. ex variis Patrum sententiis excerptis (apud Harduinum *tom. 3. col. 1876.*) quibus in locis dicitur, in casu necessitatis, cum scilicet Sacerdos deest, Confessionem faciendam esse *sibi Deo*.

8 Majorem difficultatem faciunt, quæ apud antiquos Patres, & Theologos legimus, de Confessione facienda Laico, urgente necessitate: *Tanta itaque vis Confessionis est, ut si deest Sacerdos, confiteatur proximo*, verba sunt textus in *can. Qui vult, de Pœnit. dist. 6.* excerpto ex libro de vera, & falsa Pœnitentia, inter opera Augullini, ex quibus Petrus Cantor in *Summa de Sacram. fol. 203.* concludit: *Ecce ex hac auctoritate habemus, quod in necessitate confitendum sit Laico, si Sacerdos deest, & non solum venialia, sed etiam mortalia.* Idem docuere antiquiores Theologi, inter quos Divus Thomas in *4. dist. 17. quæst. 3. art. 3. quæstionem. 2.*, ubi ait: *Minister Pœnitentie, cui Confessio est facienda, ex officio est Sacerdos, sed in necessitate etiam Laicus vicem Sacerdotis supplet, ut ei Confessio fieri possit.* Hæc, aliorumque testimonia collecta sunt a Morino de Pœnit. *lib. 8. cap. 24.*, Juenin de Sacram. *differt. 6. quæst. 5. art. 2.* Martene *cit. lib. 1. cap. 6. art. 6. num. 8.*, quibus addi potest, ex Canonistis, Ostiensis *lib. 5. Summa, tit. de Pœnit. & remiss. num. 14.*, ubi casus explicans, in quibus licet alieno, & non proprio Sacerdoti, seu Parocho, peccata sua, sacramentali Confessione aperire, ait: *Tanta est vis Confessionis, quod si imminet necessitatis articulus, ut quia* *infr-*

*infirmatur ad mortem is, qui vult confiteri, vel oportet eum intrare bellum, & deest Sacerdos, non solum proprius, sed & quilibet; in tali articulo, potest etiam Laico, vel etiam mulieri, si non adsit alius, confiteri.*

9 Verum hæc omnia facile explicantur: Duobus modis Confessio fieri potest homini Laico, primò, ut ab eo, tanquam a Judice, & Christi Ministro, habente potestatem Clavium, obineatur Sacramentalis absolutio, & sic esset inutilis, perniciofa, & conjuncta cum errore contra Fidem. Altero modo posset quis confiteri Laico, ut ipsa animi demissione, seu humilitate, atque erubescencia Confessionis, magis flectatur Deus ad ei elargiendum uberem gratiam, qua excitetur ad perfectam Contritionem, & iustificetur; atque ejulmodi Confessio esset in se proficua, eaque multo tempore in usu fuit. De hac loquuntur Textus, & Doctores supra allegati, quemadmodum se, aliosque explicando, tradit D. Thomas, qui postquam dixerat, posse, deficiente Sacerdote, Confessionem fieri Laico, statim addit, ejulmodi Confessionem esse quidem, aliquo modo, sacramentalem, quia est conjuncta cum voto Sacramenti, non tamen esse perfectum Sacramentum, nec gratiam caufare, ex opere operato, ac propterea reiterandam, docet, coram Sacerdote. En Angelici verba in responsione ad primum: *Confessio Laico ex desiderio Sacerdotis facta, sacramentalis est quodammodo, quamvis non sit Sacramentum perfectum, quia deest ei id, quod est ex parte Sacerdotis.* Et clarius, in responsione ad tertium: *Quamvis ille, qui Laico confessus est in articulo necessitatis, consecutus sit veniam a Deo, eo quod propositum confitendi, secundum mandatum Dei, quod concepit, sicut potuit, implevit, non tamen adhuc Ecclesia reconciliatus est, ut ad Sacramenta Ecclesia admitti debeat, nisi prius a Sacerdote absolvatur, sicut ille, qui Baptismo fluminis baptizatus est, ad Eucharistiam non admittitur: & ideo oportet, quod iterum confiteatur Sacerdoti, cum copiam habere potuerit, & precipue quia, ut dictum est, sacramentum Pœnitentie perfectum non est.* Hanc D. Thomæ explicationem confirmat, ac præterea quænam fuerit, ea in re, Ecclesiæ doctrina, nobis patefacit D. Thomæ cœvus, ejusdemque condiscipulus, Thomas Cantipratenfis; hic siquidem lib. 2. de apibus cap. 53. postquam narravit, Ludovicum Comitem Leodiensem, in extremis constitutum, Christianam Virginem arcelsivisse, eique omnia peccata sua, maximis cum lacrymis recitasse, statim addit; *& hoc quidem, non pro indulgentia, quam dare non potuit, sed ut magis ad orandum pro se, tali piaculo moveretur.* Morem istum pandendi peccata sua Laico, cum instabat mortis periculum, & degerat Sacerdos, perdurasse usque ad sæculi xv. initium, discimus ex Guilhelmo Lindevvode, qui per idem fere tempus, uti ex operis præfatione desumitur, glossemata adjecit ad Constitutiones Angliæ: is quippe Glossator ad tit. de Sacramentis iterandis, vel non, V. Pœnit. pag. 32. hæc habet: *Laico posset quis confiteri in necessitate, ut per hoc appareat Ecclesiæ de sua Contritione. Non potest tamen Laicus absolvere, vel ligare, cum non habeat Claves Ecclesiæ.*

10 Sed posteriori ætate hæc consuetudo iustis de causis, cœpit pedetentim remitti, donec tandem penitus obsoleverit. Nam Dominicus Soto, celeberrimus Theologus Ordinis Prædicatorum, in sua relectione de ratione tegendi, *de Regendi secretum*, edita Romæ anno 1574. pag. 159. & seqq., agens de Confessione, quæ in necessitate fit Laico, inquit: *At Confessionem fieri Laico, ubi non est copia Sacerdotis, multo minus necessarium est, in quacunque necessitate: nam, quanquam Augustinus dicat, tantam esse vim Confessionis, ut ubi non est copia Sacerdotis, facienda sit proximo, de Poenit. distinct. 1. cap. Quem puniet; Non tamen insinuat, esse præceptum, sed solum id consulit, ut merito reverentia majorem gratiam consequatur apud Deum. Immo vero jam non est tanta consuetudo hujusmodi Confessionis, quanta in primitiva Ecclesia, nec forsitan est consilium, tamen si tam non animaverim, mansit enim consuetudo solum inter nautas. At quidquid sit de assertionem tanti viri, hodie neque quoad nautas, ejus doctrina videtur recipienda; multa siquidem ex ejusmodi Confessione imminuent damna, multa timentur pericula, quæ ponderat Clericatus de Poenitentia decis. 18. sub num. 13., neque ea evitantur, aut ideo contemni possunt, quod Laicus Confessionem audiat, ut illam, ex Confitentis mandato, referat Sacerdoti; quoniam a summo Pontifice Clemente VIII. nedum illicita, sed invalida declarata fuit Confessio, facta Sacerdoti, per Interdictum, ut videri potest in ejus Constitutione 87. Bullar. tom. 3. Merito propterea Navarrus manual. cap. 21. num. 41., Gregorius de Valentia supradict. disput. 7. quest. 10. præc. 1., alique, ab hoc allegati, concludunt, nisi excusetur ab ignorantia, in præsentem rerum statum, graviter eum peccare, qui etiam in casu necessitatis peccata sua confitetur Laico: quia sine ulla causa semetipsum infamat, & fortasse præbet aliis occasionem, de se suspicandi, quod adhæreat Lutheranorum hæresi.*

11 Quibus stantibus, ut illuc redeamus, unde digressi sumus, etsi in supra relatis Constitutionibus Synodalibus, tam Bononiensibus, quam Sabidensibus insinuata fuerit Confessio facienda Laico, deficiente Sacerdote, quia nondum hæc consuetudo extincta erat, tempore, quo illæ conditæ sunt, attamen merito in subsequentibus utriusque Ecclesiæ Constitutionibus, neque ad titulum de Poenitentia, neque in ullo alio loco, facta est mentio necessitatis, aut utilitatis prædictæ Confessionis: sed communis doctrina tradita est, de actu Contritionis, in eo rerum eventu eliciendo.



## CAPUT XVI.

*De Sacramento extreme Unctionis: ubi de materia hujus Sacramenti,  
de Olei benedictione ab Episcopo peragenda, nulla tamen in Synodo  
facta prohibitione Presbyteris Gracis illud benedicens,  
& Catholicos Gracis ritus inungendi, si in Latinorum  
diocesisbus Graci inhabitent.*

**Q**UAMVIS immemores haud sumus nostri propositi, quod jam semel, atque iterum significavimus, nequiquam scilicet Nobis in animo esse, tractatum de Sacramentis hic exhibere; attamen innúmeræ difficultatès, quibus hoc Sacramentum scatet, Nos, vel invitum cogunt aliquantulum prolixius de eo differere, quo securius possit Episcopus, e tot sentietis pedem subducere, suamque, de Sacramentis administrandis, Synodalem instructionem ita adornare, ut communem, receptamque ab universa Ecclesia doctrinam contineat, nullamque adoptet inter Catholicos controversam opinionem.

2. Extremam Unctionem verum esse novæ Legis Sacramentum, à Christo Domino institutum, apud Marcum quidem insinuatum, sed per Apostolum Jacobum, Fidelibus commendatum, & promulgatum, definivit Tridentinum sess. 14. cap. 1., inquit: *Instituta est autem sacra hac Unctio infirmorum, tanquam vere, & propriè Sacramentum novi Testamenti, à Christo Domino nostro, apud Marcum quidem insinuatum, per Jacobum autem Apostolum, ac Domini Fratrem, Fidelibus commendatum, ac promulgatum. Infirmus, inquit (epist. cap. 5.) quis in vobis? Inducat Presbyteros Ecclesie, & orent super eum, ungentes eum oleo in nomine Domini; & oratio fidei salvabit infirmum, & alleviabit eum Dominus; & si in peccatis sit, dimittentur ei.* Consulto autem dixerè Tridentini Patres ejusmodi Sacramentum fuisse apud Marcum insinuatum; quamvis enim Marci cap. 6., de Apostolis à Christo ad prædicandum missis dicatur: *Et exeuntes predicabant, ut poenitentiam agerent, & Dæmonia multa ejiciebant, & ungebant oleo multos egros, & sanabant,* secum tamen contendunt Theologi, num talis unctio esset illa Sacramentalis, de qua est sermo, an potius tantum adhibita ad restituendam corporum sanitatem; quod posterius, non sine gravi fundamento, post Hugonem a S. Victore, Alensem, S. Bonaventuram, aliosque antiquiores, opinantur Dominicus Soto in 4. dist. 23. quest. 1. art. 1., & Bellarminus de sacram. exirem. Unct. lib. iiii. cap. 2., tunc quippe Apostoli nondum erant Sacerdotes; omnesque ægros, promiscue inungebant, qui ceteroquin, cum nondum Baptismum suscepissent, non erant aliorum Sacramentorum capaces: quia vero Tridentini Patres tanta semper circumspectione, sua concinnarunt decreta, ut nullam vulnerarent Catholicorum opinionem; ideo adhibuerunt verbum illud *insinuatum*, quod sine referi

referri potest, tam ad institutionem, quam ad figuram, typum, & symbolum sacramenti extremæ Unctionis, quod Christus Dominus in ea unctione, de qua Marcus loquitur, voluerit præmonstrare, quemadmodum ex iis constat, quæ Pallavicinus narrat *hist. Concil. Trident. lib. 12. cap. 12.* ac recte expendunt Bellarminus *cit. loc.*, Suarez *tom. 4. in 3. part. disput. 39. sect. 2. num. 4. & 5.*, Etlus *in loca difficiliora sacre Scripture ad cap. 6. S. Marci, & in 4. sent. dist. 23. §. 2.*, Tournely *de sacram. extrem. Unct. quest. 1. art. 2.*

3 Pergunt deinde Tridentini Patres, atque ex allegatis S. Jacobi verbis colligunt, nobisque pandunt hujus Sacramenti materiam, formam, Ministrum, & effectus, agentes: *Quibus verbis, ut ex Apostolica traditione, per manus accepta, Ecclesia didicit, docet materiam, formam, proprium Ministrum, & effectum hujus salutaris Sacramenti: intellexit enim Ecclesia, materiam esse oleum ab Episcopo benedictum; nam unctio apertissime Spiritus Sancti gratiam, qua invisibiliter anima egrotantis inungitur, representat; formam deinde esse illa verba: Per istam unctionem &c.* Quibus Tridentini vestigiis inhaerentes, singula disertius explicabimus. Itaque sacramenti extremæ Unctionis materia remota est oleum, liquor videlicet ex baccis olivarum, expressus, qui solum in communi modo loquendi, absolute, & sine addito, Oleum nuncupatur, quemadmodum cum communi ponderat Suarez *tom. 4. in 3. part. disp. 40. sect. 1. num. 1.* Debet autem ejusmodi oleum, saltem ex Ecclesie præcepto, esse simplex, hoc est, absque ulla alterius liquoris admixtione. Diximus saltem ex Ecclesie præcepto, quoniam Suarez *cit. loc. num. 10.* defendit, non solum non esse contra Christi Domini institutionem, alium liquorem huic oleo admiscere, sed insuper opinatur, aliquando fuisse illi balsamum admixtum: Siquidem Innocentius I. *epist. ad Decentium* allegata exponens Apostoli Jacobi verba, infirmorum oleo Chris-matis nomen attribuit, inquit: *Quod non est dubium de Fidelibus egrotantibus accipi, vel intelligi debere, qui sancto oles Chris-matis perungi possunt*, ac sub eadem Chris-matis nomenclatura, idem infirmorum oleum a pluribus designatur Conciliis VVormatiensi præsertim, atque Aquisgranensi, ex quibus conjicit Suarez, aliquid balsami tunc consuevisse illi admisceri. At melius alii, quos sequuntur Juenin *de Sacram. dissert. 7. quest. 3. cap. 1.*, & Tournely *cit. quest. 2. art. 1.*, hanc admixtionem, ex Chris-matis nomenclatura, nequaquam colligi arbitrantur: Chrisma quippe frequenter appellatum, advertunt, omne unguentum seu liquorem, quo corpus inungitur; omnes tamen Suarezio concedunt, nihil detractum iri Sacramenti validitati, si, contra communem ceteroquin, & perpetuam Ecclesie praxim, infirmorum oleo admisceatur aliquid balsami, modo admixtio tanta non sit, ut destruat exteriorem olei speciem, itaut non amplius oleum, sed potius unguentum, aut alterius generis mixtum artificiale, censetur.

4 Debet præterea oleum, in extrema Unctione adhibendum, esse Episcopi

scopi benedictione antea sacramentum, quod ab antiquissima Patrum traditione accepimus: Etenim Innocentius I. in *cir. epist. ad Decentium*; ægros inungendos dixit, *oleo Chrismatis ab Episcopo confecto*; Beda quoque in *comment. ad cap. 6. Marci* affirmat, ab Apostolis hunc sanctæ Ecclesiæ morem traditum, ut ægroti ungantur oleo, Pontificali benedictione consecrato; & Concilium Cabilonenſe anni 813., cap. 48. ait: *Secundum Beati Apostoli Jacobi documentum, cui etiam documenta Patrum consonant, Infirmi, oleo, quod ab Episcopis benedicitur, a Presbyteris ungi debent* (collect. Harduin. tom. 4. col. 1040.); ac denique, ut cetera prætermittamus antiquiorum Patrum testimonia, ita nos docuerunt Eugenius IV. in *decreto, pro instructione Armenorum*, & Tridentinum *cir. loc.* Sed quæstio est, num Episcopi benedictio, sit necessaria, ex Christi Domini institutione, an solum ex Ecclesiæ præcepto. Diverſæ sunt, hac in re, Theologorum sententiæ. Victoria in *Summ. de Sacram. num. 216.*, Emanuel Sà V. *Extrema Unctio*, Sambovius *tract. de extrem. Unct.*, Juenin. de *Sacram. dissert. 7. cap. 1. conclus. 3.* putant, benedictionem fuisse oleo superadditam ab Ecclesia, non vero institutam a Christo Domino, ac proinde illicitum quidem, sed validum pronuntiant Sacramentum, oleo non consecrato administratum; quinimmo urgente necessitate, etiam absque culpa, ita administrari posse, tradit *cir. Victoria. litis e diametro opponuntur Suarez cir. disp. 40. sect. 1. num. 3. & 4.*, Ektius in *4. disp. 23. §. 9.*, docentes olei consecrationem, non tantum præcepti, sed etiam Sacramenti necessitate requiri; eamque præterea consecrationem ita a Christo Domino Ordini Episcopali annexam ajunt, ut simul afseverent, ne a summo Pontifice quidem, eam posse secundi ordinis Presbyteris delegari. Inter hæc duas extremas sententias, mediæ quodammodo incidentes Cajetanus *3. part. quest. 72. art. 3.*, Sotus in *4. disp. 23. quest. 1. art. 3. §. De oleo ergo*, aliique, quos citant, & sequuntur Gregorius de Valentia *tom. 4. disp. 8. quest. 1. punct. 2.*, & Tannerus *tom. 4. disp. 7. quest. 1. dub. 1. num. 10.*, tria statunt: nimirum primò, aliquam consecrationem, ex Christi institutione, requiri, ut oleum fiat apta materia sacramenti extremæ Unctionis: secundò, nunquam in Ecclesia Latina fuisse ægrotantes oleo inunctos, ab Episcopo, antea non consecrato: terciò denique ad Sacramenti validitatem satis esse affirmant, oleum a simplici Sacerdote benedictum. Et profecto posse, saltem ex commissione, sive expressa, sive tacita, Romani Pontificis, a simplici Sacerdote præparari materiam, aptam ad conficiendum sacramentum extremæ Unctionis, res videtur exploratissima, quam nemini liceat in quæstionem adducere: siquidem in Ecclesia Orientali mos viget, a mille & amplius annis in ea receptus, ut ipsimet Presbyteri, cum se accingunt ad infirmum inungendum, oleum, in ea Sacramentali unctione adhibendum, benedicant; uti testantur Joannes Natanail in *epist. ad Episcopum Anagninum*, (apud Arcudium), Arcudius *lib. 5. cap. 2.*, Allatius de *consensu utriusque Ecclesiæ cap. 16.*, & legitur in Græcorum Euchologio, a Goario notis illustrato, pag. 436. ;

Eum-

Eundemque morem ab Armenis retineri, asserit Joannes XXII. *frat.* XX. epistola ad Offinium Armenorum Regem scribens, in hæc verba: *Ipsi etiam Sacerdotes oleum, quod Infirmorum dicitur, consecrant, cum tamen apud nos ad Episcopos solos spectet.* Hanc autem Orientalium consuetudinem Ecclesia Latina, non solum non improbavit, sed ratam habuit: refert quippe cit. Goarius, a sacra Congregatione de Propaganda Fide approbatam, ejusque impensis Romæ editam *Synopsin vernaculam* Neophiti Rodini, in qua hæc habentur: *Materia sacramenti extrema Unctionis est oleum olivæ expressum, a Pontifice, vel a Sacerdotibus, qui præsentibus fuerint, juxta Ecclesiæ morem, benedictum*: consulto ait, a Pontifice, vel a Sacerdotibus, quia, uti narrat Arcudius, etiam Episcopi Græci, perinde ac Latini, feria v. majoris hebdomadæ, solemnè pompa, & apparatu, oleum infirmorum consecrant, quamvis postea suis Sacerdotibus non distribuunt, sed iisdem curam relinquunt, illud consecrandi, quo mox, in Sacramenti administratione, utantur, de qua re, jure miratur laudatus Auctor *Theolog. moral. ad usum Sem. Petrocoriens.*; sed quod adhuc clarius ostendit, ab Ecclesia Latina validum haberi sacramentum extremæ Unctionis, a Sacerdotibus Græcis, oleo tunc a semetipsis benedicto, administratum, est decretum editum a Clemente VIII., in quo permittuntur Italo-Græci, in prædicto ritu perseverare: *Circa oleum sanctum infirmorum (sunt verba decreti) non sunt cogendi Presbyteri Græci, olea sancta, præter Chrisma, ab Episcopis Latinis dioecesanis accipere: cum ejusmodi olea ab eis, in ipsa oleorum, & Sacramentorum exhibitione, ex veteri ritu conficiantur, & benedicantur, quod Clementis decretum fuit a Nobis, totidem fere verbis renovatum, & confirmatum in nostra Constit. 57. §. 4. nostri Bullar. tom. 1. pag. 172. neutiquam autem id tolerandum fuisset, si oleum, simplicis Sacerdotis benedictione sacratum, ne per potestatem quidem a Romano Pontifice, sive expresse, sive tacite eidem Sacerdoti factam, esset materia idonea, ad conficiendum sacramentum extremæ Unctionis. Quare Episcopi Latini partem populi Græci ritus sibi subjectam habentes, et si teneantur feria v. sacrationis hebdomadæ, una cum ceteris sacris oleis, etiam illud infirmorum, Latino ritu consecrare, Latinisque Parochis distribuere, ceteraque implere, quæ Nos ediximus in nostra Notific. 81., ubi de infirmorum oleo, ejusque benedictione ex professo egimus, quo ad Sacerdotes Græci ritus nihil innovent, sed ea exequantur, quæ a Clemente VIII., iterumque a nobis decreta sunt. Legi etiam potest dissertatio Benedicti de Gaetanis de *suprema Unctione*, post hæc jam scripta, a Nobis visa, cap. 7.*



## CAPUT XVII.

*De forma sacramenti extremæ Unctionis, de qua multa in Synodis  
& instructionibus Episcopalibus.*

**I**N supracitata dissertatione Benedicti de Gaetanis plura erudite collecta legi possunt de forma hujus Sacramenti, desumpta ex variis Ecclesiarum Ritualibus tum Latinis, tum Græcis. Lectorem ad eum allegamus; & nunc tantum animus est ea subdere, quæ Episcopi in suas Synodos inferere possunt, si in eis de forma Sacramenti loqui velint.

2 Formam sacramenti extremæ Unctionis, non esse a Christo Domino institutam in specie infima, ut ajunt, hoc est certis verbis præscriptam, Theologi omnes admittunt; atque ex mox referendis diversis formulis, etiam in Ecclesia Latina, in illius administratione usurpatis, evidenter demonstratur. Quæ nunc in Ecclesia Latina sit adhibenda, jam a Tridentino accepimus, & clarius in Rituali Romano explicatur; neque est, qui non intelligat, eam esse deprecativam; quemadmodum deprecativam pariter esse, quæ adhibetur a Græcis, liquet ex eorumdem Euchologio in Officio Olei sancti, testanturque Gabriel Philadelphiz Metropolitæ in suo de Sacramentis opere, Arcudius lib. 5. cap. 5., & Neophytus Rhodinus in cit. synopsi vernacula; Sed quæstio est, an necessario debeat esse deprecativa, itaut indicativo modo pronuntiata, irritum reddat Sacramentum. Deprecationem pertinere ad Sacramenti essentiam docent S. Thom. in 4. dist. 23. quest. 1. art. 4. questiuic. 2. & in supplem. quest. 29. art. 8., S. Bonaventura ead. dist. artic. 1. quest. 4., Suarez cit. disp. 40. sect. 3., Valentia cit. disp. 8. quest. 1. punct. 2., Henriquez de Sacram. lib. 3. cap. 9., alique plurimi, præsertim ex antiquioribus; id manifeste confici existimantes, ex allegatis S. Jacobi verbis: *Infirmatur quis in vobis? Inducat Presbyteros Ecclesie, & orent super eum. . . . Et oratio fidei salvabit infirmum &c.* quibus certe tota Sacramenti efficacia Sacerdotis orationi tribuitur. Nihilominus Albertus Magnus ead. dist. 23. art. 4., atque ibidem Richardus, Durandus, Paludanus, quibus ex recentioribus adhærent Tannerus cit. disput. 7. dub. 1. num. 22., Estius in 4. dist. 23. §. 10., Menardus in notis ad lib. Sacramentorum S. Gregorii, Juenin cit. dissert. 7. quest. 4., Tournely de sacram. extrem. Unct. quest. 2. art. 2., Martene de antiq. Eccles. ritib. lib. 1. cap. 7. art. 3. §. 9., nihil Sacramenti substantiæ detrahi arbitrantur, per formam, modo absoluto, non deprecativo prolatam, dummodo per eam significetur, Unctionem fieri in nomine Domini. Ad hanc autem sententiam comprobendam innumeras exhibent formas absolutas, & non deprecativas in variis Ecclesiis Latinis olim usurpatas, quin Majores nostri eas, tanquam insufficientes respuerint. Non ignoramus quid ad hoc, efficax certe argumentum, reposuerit Cardinalis Sanctorius in suo Rituali, pag. 324., ubi ad illud refel-

Tom. XII.

Q q

lendum,

lendum, hæc scripsit: Sciat autem Sacerdos, formam hujus Sacramenti esse verba illa deprecatoria, qua in unctionibus proferuntur, veluti, secundum usum Romana Ecclesia: *Per istam sacram unctionem, & suam piissimam misericordiam, indulgeat tibi Dominus quidquid per visum deliquisti. Tum etiam novetur, formam non servari, & nihil agi, per verba indicativa tantum, puta, Ungo oculos tuos, vel manus tuas, & similia, sine verbis deprecativis, cujusmodi hactenus ego non reperi. Et quantvis ea occasione aliqui Theologi referant, quod multa Ecclesia habens pro forma verba indicativa, ut *Ungo oculos tuos &c.* Et ideo quesierint, an valeat, & de ea re plura, extra rem, dixerint, cum nunquam reperitur talis forma per verba indicativa tantum, seu per orationem indicativam tantum, sine verbis deprecativis hoc Sacramentum conferri: Sed & libri, & ritus Ecclesiarum, qui pro ea parte citantur, quod habeant verba indicativa, paulo post habent etiam verba deprecativa &c. Quare questio inanis, & frustranea est. Quoniam autem hujusmodi forma variis verbis traditur in diversis Ecclesiis, etiam promittendo verba indicativa, & subjungendo deprecativa, unaquaque Ecclesia suam potest retinere formam, modo semper adhibeantur verba deprecativa &c. Ceterum apud sanctam Romanam Ecclesiam, unam tantum in hoc Sacramento deprecandi formulam traditam, & passim in Italia, & toto orbe receptam esse, cernitissimum, & exploratissimum est. Verum, et si sanctorio concedamus, aliquam deprecationem posse deprehendi, cum in antiquissima illa forma Ambrosiana, quam refert S. Bonaventura *cit. loc. quest. 4.* *Ungo te oleo sanctificato, in nomine Patris, & Filii, & Spiritus Sancti, ut more militis uncti preparatus ad certamen, aereas possis superare potestates, tum in alia, desumpta ex libro Sacramentali Venetorum a Leone X., ut fertur, approbato: Ungo te Oleo sancto, ut hac unctione protectus, fortiter stare valeas adversus aereas catervas, in nomine Patris &c.*, tum denum in ea, quæ, ex vetustissimo libro Sacramentorum Ecclesiæ Catalaunensis, profertur a Martene *cit. loc.*: *In nomine Patris &c. sit tibi hac porrectio Olei sanctificati, ad purificationem mentis, & corporis; Etenim verba illa ut, & sit optativa cum sint, non incongrue referre possunt proferentis votum, orationem, & preces; At nescimus, quo pacto possit deprecatio inveniri in aliis formis, ex pluribus antiquis Ritualibus, a Menardo, & Martene productis, in quibus solum adhibetur verbum Ungo, absque alio adjectamento, & quo deprecatio colligi, aut fingi queat; nec facile erit ad deprecativum sensum hanc detorquere, quæ extat in antiquo Pontificali Narbonensi: In nomine Patris, & Filii, & Spiritus Sancti regnantis in sæcula sæculorum, accipe sanitatem corporis, & remissionem peccatorum tuorum. Sed utcumque hæc res se habeat, cum nihil de ea ab Ecclesia definitum habeamus, non decet in Synodo, seu Synodali instructione, ejusmodi questionem commemorare, sed dumtaxat injungendum est Parochis, ut formam adhibeant, in Rituali præscriptam, quæ certe, sine gravi flagitio, non potest, privata auctoritate immutari.**

## CAPUT XVIII.

*De corporis partibus inungendis, de quo multa in nonnullis  
Synodis & Ritualibus habentur.*

**S**ED quoniam in decreto Eugenii, pro instructione Armenorum, in hujusce Sacramenti administratione septem unctiones fieri jubentur, videlicet: *In oculis propter visum, in auribus propter auditum, in naribus propter odoratum, in ore propter gustum, vel loquutionem, in manibus propter tactum, in pedibus propter gressum, in renibus propter delectationem ibidem vigentem*; earumque singulis respondere debeat forma, tunc a Ministro pronuntianda, hoc est: *Per istam sanctam unctionem, & suam piissimam misericordiam, indulgeat tibi Dominus quidquid per visum deliquisti, cum inunguntur oculi; quidquid per auditum deliquisti, cum inunguntur aures, & sic deinceps, quemadmodum fuse exponitur in Rituali Romano, hinc alia gravis suboritur controversia; utrum omnes prædictæ unctiones, & formæ prolationes sint de Sacramenti substantia, de qua controversia multa habentur in citata dissertatione de suprema unctione Benedicti de Gaetanis cap. 8.*

2. Ultero Doctores omnes fatentur cum Suarez tom. 4. in 3. par. disp. 40. sect. 2. num. 6., duas postremas unctiones, pedum scilicet, & renum, necessarias non esse, ad validam Sacramenti consecutionem: tum quia non sunt in usu, apud omnes Ecclesias: tum quia illa renum, honestatis, & pudoris causa, semper omittitur in feminis, & interdum etiam in viris, qui propter labefactatas corporis vires, morbiq; languores, dimoveri nequeunt, sine gravi incommodo, quod adnotatur a Rituali Romano, atque a Cardinali Sanctorio in suo *Rituali pag. 325.* Haud difficulter quoque iidem admittunt, ceteras quinque sensuum unctiones, necessarias esse, necessitate præcepti, sed dissentiunt, & disputant, num etiam necessariæ sint, necessitate Sacramenti. Antiquiores Scholastici existimant, omnes pertinere ad substantiam, & integritatem Sacramenti, quod ex singulis, tanquam ex sui partibus essentialibus constitui, atque integrari, sunt opinati. Ita in 4. disp. 23. docuerunt S. Bonaventura, Richardus, Paludanus, Sotus, quibus subscribere Bellarminus in *extrem. Unct. lib. unic. cap. 10.*, Gregorius de Valentia tom. 4. disp. 4. quest. 2. punct. 2. §. *Secundo asserimus*, Gonetus tom. 5. pag. 466., alique plurimi, præcipue ex Theologis moralibus: Citatur etiam pro hac sententia S. Thomas, sed Auctor Supplem. 3. part. quest. 32. art. 6. exponens Angelici Præceptoris mentem, dubitanter loquitur, inquit: *illa unctio ab omnibus observatur, quia fit ad quinque sensus, quasi de necessitate Sacramenti, & dubitanter quoque loquitur Suarez cit. disp. 40. sect. 3. num. 16., quamvis sequenti disp. 41. sect. 2. in fin. videatur in sententiam propendere, tunc temporis fere communiter a Scholasticis receptam.*

3 Alii exadverso validum censent extremæ Unctionis sacramentum, si vel una tantum inungatur corporis pars, unica prolata, mox referenda, forma universali, omnes sensus complectente; ita Silvius in *supplem. quest.* 32. art. 6. *quest.* 2., Nicolaus Serarius *traît. de extrem. Unct.* cap. 7., Becanus in *Summ. Theolog. de Sacram. in specie cap.* 27. *quest.* 7., Estius in 4. *dist.* 23. §. 15., Natalis Alexander *Theolog. dogmat. & moral. tom.* 5. lib. 2. *cap.* 5. *regul.* 6., Juenin *cit. dissert.* 7. *quest.* 3. *cap.* 2., Tournely *cit. quest.* 2. art. 1. in fin., Vanroy in *sua Theolog. moral. part.* 4. *tom.* 2. *de Sacram. traît. de extrem. Unct. quest.* 3. Piette *quest. Theolog. part.* 6. *quest.* 3. *vers.* Dico septimò, aliique recentiores passim. Huic opinioni validissimum fundamentum præbet, diversa, in unctionum numero disciplina, quam in diversis Ecclesiis, sua ætate viguisse affirmat Albertus Magnus in 4. *dist.* 23. art. 16., inquires: *Diversarum Ecclesiarum, & Ordinum, diversus est usus, quia in quibusdam Ecclesiis unguuntur loca plura, in quibusdam pauciora.* Atque, exordiendo ab Ecclesia Orientali, licet Græci, teste Arcudio *concord. lib.* 5. *cap.* 7., nunc inungant frontem, mentum, ambas genas, pectus, manus, & pedes: attamen incunte sæculo 1x., tres tantum unctiones, ab iisdem fieri consuevisse, asserit Theodulphus Aurelianensis Episcopus, *Capitular.* 2. *apud Baluzium tom.* 7. *miscellan.*; in Ecclesia vero Occidentali, invenimus quidem in S. Gregorii Sacramentario, edito a Menardo, præscriptas unctiones quinque sensuum; at in codice Abbatis Rotaldi, illis additas legimus, unctionem colli, pectoris, & scapularum; in veteri Pontificali Prudentii, Episcopi Tricassini, imperatam insuper reperimus *unctionem umbilici, seu loci, ubi plus dolor imminet*; antiquus codex Turorensis, unctionem fieri mandat *in genibus quoque, & in cruribus, suris, pedibus, ac plantis, & pene in omnibus membris, seu in loco, ubi plus dolor imminet*; quæ omnia videri possunt apud Morinum in *append. ad traît. de Pœnit.*, & Martene de *antiqu. Eccles. ritib. tom.* 1. lib. 1. *cap.* 7. art. 8. num. 8. Tanta autem in unctionum numero difformitas, non fuisset singularum Ecclesiarum arbitrio permixta, si certum earundem numerum Sacramenti validitas exposceret.

4 Majus adhuc argumentum huic eidem opinioni suppeditant recentiora peculiarium Ecclesiarum Ritualia, unicam unctionem fieri permittentia, si omnes perfici nequeant: Siquidem Pastorale Mechliniense, cuius non levis est auctoritas, tum quia ab Academia Lovaniensi, anno 1588. approbatum, tum quia ab Octavio Frangipanio, Episcopo Tricariensi, per Germaniam, ac Belgium Nuntio Apostolico, ad diocesis quoque Coloniensis usum, protractum, hæc de extrema Unctione statuit: *In morbis contagiosis, & peste grassante, ut periculum vitetur, sufficit inungi sensus organum magis ad unctionem expostum, ac detestum, dicendo: Per istam sanctam unctionem, & piissimam suam misericordiam, indulgeat tibi Deus quicquid deliquisti per visum, auditum, odoratum, gustum, & tactum*: In antiquo codice Remigio-Remensi a Sambovio laudato, legitur ritus abbreviatus consue-

rendi

rendi hujus Sacramenti, ubi unius pariter unctionis fit mentio: In Rituali Parisiensi, prolato a Tournely *cir. art. 1.* dicitur: *Si non possit super infirmum fieri, nisi unica unctio, ungatur oculus, vel aliud sensuum organum, & ceteris precibus præmissis, dicatur: Per istam sacri Olei unctionem, & suam piissimam misericordiam, indulgeat tibi Deus quidquid peccasti per sensus; eandemque praxim approbant Cameracensis, Atrebatensis, aliarumque Ecclesiarum Manualia, apud citatum Natalem Alexandrum.*

§ Sed quoniam neque de hac questione, quæ sane gravissima est, ulla hæcenus ab Apostolica Sede prodiit sententia, non debet Episcopus in sua Synodo, aliquid de illa decernere, sed dumtaxat Parochos monebit, ut cum prudenter timent, ægrotum decessurum, priusquam omnes absolvantur quinque sensuum unctiones, unicum sensum inungant, formam universalem pronuntiantio, quam ab allegatis Ritualibus audivimus: Quin immo in prædicto eventu consultius esse, ut caput, e quo omnium sensuum nervi descendunt, sub eadem forma universali, inungatur, non immerito advertit Coninch *de Sacram. disp. 19. dub. 3. num. 2.* Ne vero Parochi hac libertate abutantur, expedit, ut Episcopus simul serio eosdem admoneat, a gravi culpæ reatu non excusari, qui extra casum vere necessitatis, vel unam ex quinque sensuum unctionibus prætermittit.

## CAPUT XIX.

*De sacramenti extremae Unctionis Ministro tum quo ad Ecclesiam Latinam, tum quo ad Ecclesiam Græcam: quidvis Episcopi Latini, in quarum diocesis Græci inhabitant, statuere valeant de eorum ritu hac in re.*

§ Sacramenti extremæ Unctionis Ministros, solos esse Sacerdotes, contra Novatores, definivit Tridentinum *cir. sess. 14. can. 4.*: *Si quis dixerit Presbyterus Ecclesiæ, quos beatus Jacobus adducendos esse ad infirmum inungendum hortatur, non esse Sacerdotes, ab Episcopo ordinatos, sed ætate seniores in quavis Communitate, ob idque proprium extremae Unctionis Ministrum, non esse solum Sacerdotem, anathematis sit.* Neque ullam difficultatem facit, quod de hujus Sacramenti administrandi ritu legitur apud Guidonem, in disciplina Farsensi, nempe: *Tunc sint quatuor Conversi, quorum unus accipias aquam sanctam, alius Crucem, tertius thuribulum, quartus Oleum sacrum;* hic quippe *Conversus* Oleum deferrebat, quo Infirmus non a se, sed a Sacerdote inungeretur, sicuti ibidem poltea adnotatur, & scite animadvertit Monachus Benedictinus Congregationis Sancti Blasii in Silva nigra, *cap. 127.* prælationis ad opus, inscriptum *Vetus disciplina Monastica*, quod anno 1726. evulgavit. Aliquid tamen negotii facessit Innocentius I., in sæpè laudata epistola, ad Decentium, in qua videtur omnibus Christianis facultatem asserere, se ipsos, aliosque infirmos inungendi; loquens quippe

quippe de sacro Oleo, ait : *Quod ab Episcopo confectum, non solum Sacerdotibus, sed & omnibus uti Christianis licet, in sua, aut in suorum necessitate, ungerendum, seu, ut melius alii legunt, unguendo, aut ad unguendum; Verum ab Innocentii mente, perquam longe aberrare, qui eum hoc loco, omnes Christianos, sacramenti extremæ Unctionis ministros facere, arbitrantur, optime advertit Petrus Coustant in notis ad eand. epist. tom. 1. col. 863. Siquidem ibidem ad aliam statim progrediens quæstionem, de qua fuerat a Decentio interrogatus, an scilicet ita Presbyterorum proprium sit, sacramentum extremæ Unctionis administrare, ut illud conferre Episcopis non liceat; hanc opinionem, quæ plurimorum mentes invalsarat, confutat Pontifex, respondens: Ceterum illud superfluum esse videmus adjecitum, ut de Episcopo ambigatur, quod Presbyteris licere non est dubium. Nam idcirco Presbyteris dictum est, quia Episcopi occupationibus aliis impediti, ad omnes languidas ire non possint; Cui nam autem in mentem veniat, potuisse Innocentium, omnibus Christianis potestatem tribuere, quam plerique, per eam ætatem, ex verbis Apostoli Jacobi inferebant, adeo propriam esse Presbyterorum, ut eam, etiam Episcopis abjudicarent?*

2 Quocirca allegatum Innocentii textum, quem totidem verbis repetitum legitimus a Beda, in cit. epist. Jacobi, atque ab Anonymo Scriptore, qui Canonicoarum regulam, e Crodogango, atque ex Capitularibus Aquigranensibus, anni 816. confarcinavit (collect. Harduini tom. 4. col. 1207.) plerique intelligendum censent, de Unctione, non sacramentali, sed quæ unico fieret, ad medeandos corporis languores, ideoque non de Unctione Jacobi, sed de alia, cum illa magis comparanda, de qua Marci 6.: Etenim cum viderent Fideles, extremæ Unctionis beneficio, plures infirmos in pristinam restitui sanitatem, ceperunt eodem sacro Oleo uti, ad sui, aliorumque curandas infirmitates, cujus rei fidem faciunt Rufinus lib. 11. hist. Eccles. cap. 4., Palladius hist. Lausiaca cap. 20., Severus Sulpicius in vita S. Martini cap. 21., Gregorius Turonensis in vitis Patrum cap. 4., & clarior constat ex vita S. Gothardi Episcopi, apud Surium die 4. Maji tom. 7., qui Presbytero jussit, ut cujusdam mulieris oculorum morbo laborantis, sacro Oleo, quod infirmorum dicitur, ejus ungeret oculos, quæ quidem unctio, & sancti viri preces, ab illo dolore, usque ad finem vite, eam innumum conservavit. Hunc autem morem, sua ætate maxime vigentem, voluisse Innocentium, cit. loc. approbare, interpretantur Alphonsus de Castro lib. de hæres. V. Exrema Unctio, Sotus in 4. dist. 23. q. 2. art. 1., Gregorius de Valentia cit. tom. 4. disp. 8. q. 2. punct. 1., quorum explicationem probabilem putant Etkius in 4. dist. 23. §. 12., & Tournely cit. q. 2. art. 4.

3 At melius sortasse Jansenius Gandavensis in cap. 6. Marci, Maldonatus ibidem, Bellarminus cit. lib. 1. cap. 9., Baronius ad an. 63. num. 14., Suarez cit. tom. 4. disp. 43. sect. 1. num. 6. in fin., Estius cit. §. 12. vers. Potest & aliter, quos sequitur laudatus Coustant, Innocentium loquutum arbitrantur, de unctione non activa, sed passiva, hoc est non de collatione, sed

fed de receptione Sacramenti : Cum enim aliquibus perfuafum fortè fuerit, Oleo fancto folos inungi poffe Sacerdotes, a quibus conficitur, eo pacto, quo in veteri, atque etiam in nova Lege, quædam aliz sacræ Unctiones funt Regum, & Sacerdotum propriæ, ad hunc refellendum errorem, docet ibidem Innocentius, Oleum fanctum confici quidem ab Epifcopo, aliis adjuvantibus inferioris ordinis Sacerdotibus, non tamen ut fubinde ipfi foli, verum etiam, ut omnes Chriftiani, pofiti in vitæ difcrimine ungantur.

4 Polito jam, hujus Sacramenti adminiftrationem folis effe commiffam Sacerdotibus, dubitare quis poffet, num ad illud valide conficiendum, unus fufficiat, vel plures requirantur Presbyteri. Rationem dubitandi præbent sæpius allegata verba Apoftoli Jacobi, agentis : *Infirmatur quis in vobis ? Inducat Presbyteros Ecclefia, & orent fuper eum, ungentes eum oleo in nomine Domini.* At nihilominus firmiter tenendum eft, per unum tantum Sacerdotem valide Sacramentum confici, quod & definivit Alexander III. in cap. *Quæfuit*, de verbor. fignificat. : Nos itaque tibi duximus respondendum, quod Sacerdos, uno præfente Clerico, & etiam folus, poteft infirmum ungere, hodieque vigens in Ecclefia Latina ufus confirmat. Neque refragantur verba S. Jacobi, qui cum dixit *Presbyteros Ecclefia*, fignificavit, aliquem ex Presbyteris Ecclefiz; novum quippe non eft, in facris Litteris numerum pluralem poni pro fingulari, quemadmodum advertit Auguftinus lib. 3. de confenf. Evangelift. cap. 16., cujus auctoritate fretus S. Thomas lib. 4. contra Gentes cap. 73. fcripfit : *Jacobus dicit : Inducat Presbyteros Ecclefia, & oratio fidei fanabit infirmum. Si tamen unus folus Presbyter adfit, intelligitur hoc Sacramentum perficere in virtute totius Ecclefia, cujus minifter exiftis, & cujus perfonam gerit.*

5 Sed quamquam unus certe fufficiat, plures nihilominus Sacerdotes fuiſſe olim, in Ecclefia Latina adhibitos, ex pluribus antiquis Ritualibus colligit Menardus nota 909. ad Sacramentarium S. Gregorii, quibus alia ejufdem generis, præcipue Cadurcenſe, Rutenenſe, & Tutelenſe, addidit Martene de antiq. Ecclef. ritib. lib. 1. cap. 7. art. 3. §. 3., eundemque morem nobis exhibent Conſtitutiones Angliz, collectæ a Guillelmo Lindvode, in quibus ad tit. de extrema Unctione pag. 27. legimus : *Cum magna reverentia deferatur Oleum infirmorum ad infirmos, & ipſos inungant Sacerdotes, cum magna devotione, & orationum celebritate, qua ad hoc funt ordinata, ubi adnotavit Gloſſator verb. Orationum, a fingulis Sacerdotibus pronuntiatam fuiſſe formam deprecativam, cuilibet unctioni accommodatam; cumque eandem Conſtitutionem, totidem proſus verbis, repetitam inveniamus, inter Conſtitutiones Ojonis Epifcopi Pariſienſis (collect. Harduin. tom. 6. p. 2. col. 194.), inde conjicimus, eam diſciplinam in Galliis adhuc perduraſſe ſæculo XII., quo illæ funt editæ. Recte tamen obſervat laudatus Martene ibid. §. 5., hanc ipsam Ecclefiz Latinæ conſuetudinem, non fuiſſe firmam, conſtantem, atque univerſalem, cum ex aliis, æque antiquis*

antiquis monumentis, ab eodem productis, constat, sæpius Infirmos ab unico Sacerdote inunctos: Nam Attemum sebre correptum, ab unico sancto *Nepotiano visitatum*, atque oleo perunctum, narrat S. Gregorius Turonensis lib. 1. *hist. cap. 41.*; & S. Eugendum ab uno de Fratribus pariter inunctum legimus, in ejus vita *apud Bolland. 1. Januarii*. Hic vero ritus sacræ Unctionis, ab unico recipiendæ Sacerdote, a paucis tunc, nec fortasse, extra casum necessitatis, usurpatus, adeo postea in Ecclesia Latina invaluit, ut Theologi scholastici, cum Suarez *cit. disp. 43. sect. 2. in fin.*, & Cardinali de Lauræa *in 4. sent. tom. 3. disp. 11. art. 9. num. 114.* illicitum nunc reputent, seclusa necessitate, ejusmodi Sacramentum a pluribus simul administrari: quoniam nemini integrum est, in Sacramentis administrandis, a norma recedere, in Rituali præscripta; si autem plures simul Sacerdotes reipsa Sacramentum hoc conficiant, nemo ambigit, illud esse ratum, modo singuli diversos inungant Infirmi sensus, & quilibet congruentem inuncto sensui formam pronuntiet, quemadmodum iidem Auctores scite animadvertunt. Præterea, etiam spectata hodierna Ecclesiæ disciplina, nedum licitum, sed valde laudabile est, ut uni Sacramentum administranti, alii plures assistant Sacerdotes, ob rationem, quam adducit S. Thomas *cit. cap. 73. lib. 4. contra Gentes*, ubi ait: *Quia hoc Sacramentum perfecta curationis effectum habet, & in eo requiritur copia gratiæ, competit huic Sacramento, ut multi Sacerdotes intersint; & ut oratio totius Ecclesiæ ad effectum hujus Sacramenti coadjuvet*. Et, si plures Sacerdotes interesse nequeant, alios arcessendos probos viros, qui commode haberi valeant, ob eandem rationem, adnotavit Cardinalis Sanctorius *in sepe cit. Rituali Sacramentorum pag. 324.*, inquit: *Sacerdos, ubi commode fieri potest, ut in ecclesiis Collegiatis, plures secum adhibeat Presbyteros, cum unguis infirmum; in aliis vere ecclesiis, saltem uno Clerico præsentem, aut aliis pluribus Scholaribus, vel Confratribus ecclesiæ.*

6 Si porro causam investigemus, cur Ecclesia Latina, quamvis etiamnum plures adesse cupiat, per unicum tamen Sacerdotem, velit Sacramentum administrari, quantum ex conjecturis assequi licet, non aliam, nisi hanc fuisse suspicamur. Cum plures simul Sacerdotes ad infirmum inungendum advocabantur, quilibet pro sua opera haud exiguam exposcebat mercedem; cui solvendæ, cum pauperum vires non sufficerent, ii sine extrema Unctione decedebant: Quamobrem Hæretici Valdenses, seu Pauperes de Lugduno, uti narrat Reinerus Ord. Prædic. in opere contra eosdem, circa annum 1254. exarato, inter ceteras falsas rationes, propter quas sacramentum extremæ Unctionis reprobabant, hanc etiam adducebant, *quia tantum divitibus datur*: Curaverant fane Ecclesiarum Præfules prædictam turpem Sacerdotum avaritiam reprimere, severisque sanctionibus interdixerant, pro sacramentali Unctione, quidquam exigere; quod potissimum statutum reperimus ab Odone Episcopo Parisiensi, *in cit. cap. 8. suarum Constitutionum*, atque in Synodis, Andegavensi, anni 1283.,



ni 1283., Remensi, & Trecenti, habitis initio sæculi xv.; Verum cum hæc repagula haud sufficientia comperta sint, ad compescendam Sacerdotum petulantiam, visum est deliberandum, ut deinceps extrema Unctio, nulla petita mercede, a solo conferretur ægrotantis Parocho.

7 Enimvero, etsi quilibet Sacerdos possit illam valide conferre, solus tamen Parochus est ordinarius ejusdem Minister, nec ulli fis est, extra necessitatis eventum, sine ejusdem Parochi licentia, sacro Oleo ægrotantes inungere, uti diserte statuitur in Catechismo Romano *part. 2. de sacram. extrem.* *Unct. §. 21.* Quinimmo Religiosi, qui nulla petita a Parocho venia, sacramentum extremæ Unctionis administrare præsumunt, præter gravis culpæ reatum, in excommunicationem incidunt, Sedi Apostolicæ reservatam, uti habetur in *Clementina I. de privilegiis*: Quam quidem Clementinam, cum tanta severitate, post Archidiaconum, accipit Navarrus *manual. cap. 27. num. 102.*, ut asserat, eadem censura irretiri Regulares, extremam Unctionem ministrantes ægroto, etiam constituto in mortis articulo, cumque Parochus abest; sed jure ac merito Navarri opinionem refellunt Sorus in *4. dist. 23. q. 2. art. 1.*, Saintebeuve *de sacram. extrem. Unct. disp. 6. art. 2.*, Natalis Alexander *cod. tract. lib. 2. cap. 5. regul. 10.*, Tournely *cit. q. 2. art. 4.*, Juenin *cit. dissert. 7. q. 6. cap. 2.*, alique passim: Etenim cum Ecclesia, urgente mortis periculo, cuilibet Sacerdoti potestatem secerit absolvendi a quibuslibet censuris, & peccatis, verosimile certe non est, quod cuiquam Sacerdoti interdixerit, ne in eodem statu, ac vitæ discrimine constituto, cum Parochus abest, administret extremam Unctionem, quæ est perfectio, & complementum Pœnitentiæ, neque ad sui validitatem requirit in Ministro potestatem jurisdictionis, sicuti sacramentum Pœnitentiæ. Quare S. Carolus Borromæus, etsi Parochorum jura studiose semper tutatus fuerit, nihilominus in Concilio Mediolanensi V. *part. 1. (Act. Eccl. Mediolan. part. 1. pag. 223.)* deficiente Parocho, cuilibet Sacerdoti integrum esse voluit, sacro Oleo inungere infirmum, in mortis periculo constitutum, inquit: *Ne alius Sacerdos, nisi Parochus, hoc Sacramentum ministret: si porro is impeditus, aut alias in mora est, mortisque periculum instat; tunc Sacerdos alius ministret, licet.*

8 Quæ autem diximus de extrema Unctione, per unicum Sacerdotem administranda, locum tantum habent in Ecclesia Latina, non vero in Græca, in qua antiqua retinetur consuetudo, septem adhibendi Sacerdotes, in hujusce Sacramenti collatione, uti legitur in eorundem Euchologio, testanturque Simeon Thessalonicensis apud Saintebeuve *cit. tract. de sacram. extrem. Unct.* & Arcudius *concord. lib. 5. cap. 3.*, qui insuper ejus numeri rationes, & causas adducunt. Quod, si septem Sacerdotes præsto non sint, tres saltem ad Sacramentum conficiendum, ab ipsis adhiberi, iidem Arcudius, & Thessalonicensis enarrant, neque Ecclesia Latina hanc Græcorum disciplinam, quam & ipsa pluribus sæculis religiose servavit, unquam improbavit, modo Græci nobiscum credant, & fateantur, valide

posse idem Sacramentum ab unico Sacerdote administrari, quemadmodum adnotarunt Goriarius in *comment. ad Græcorum Euchologium*, Leo Allatius de *consens. Eccles. Occid. & Orient. lib. 3. cap. 16.*, Arcudius *cit. cap. 3.*, & Auctor *Theolog. moral. ad usum Semin. Petrocoriensis tom. 4. lib. 2. tract. 2. cap. 2.* Quamobrem, si Episcopus Latinus dioecesi præpositus, quam Catholici Græci ritus inhabitant, velit aliquid de hac re, in sua Synodo delibare, vestigia sectetur superius citatæ Synodi Provincialis Ruthenorum, habitæ Zamosciæ anno 1720., atque a Benedicto XIII. anno 1724. confirmatæ, in qua hæc habentur: *Quamquam in Græca Ecclesia receptum fuerit, prout aliquando etiam in Latina, ut septem Sacerdotes, hisque deficientibus, tres saltem adtulerentur, ad ministrandum hoc Sacramentum, hinc omnes & materiam, subministrarent, & formam præferrent, sciant autem Pastores, plures ea de causa adhiberi solitos Sacerdotes, tum ob reverentiam ejusdem, ac Gratia copiam, quam confert, tum ut plurimum Sacerdotum præest effectum Sacramenti eoadjuvent: qua de causa sancta Synodus statuendum censet, ut, si septem, aut tres Sacerdotes haberi commode non possint, unus, qui totius Ecclesie personam gerit, & cujus virtute hoc Sacramentum perficit, illud conferat, ac infirmo ministret. Poterit etiam Synodo inferere §. 5. cit. nostra Constitutionis 57. ubi hæc ad rem ediximus: Nec refert, utrum eadem extrema Unctio per unum, vel plures Presbyteros fiat, ubi ejusmodi viget consuetudo, dummodo credant, & asserant, illud Sacramentum, servata debita materia, & forma, ab uno Presbytero valide, & licite confici. Idem Sacerdos materiam adhibere, formamque pronuntiare respectivo debet, ac præterea qui ungit, idem dicat formam respondentem, nec alius ungat, & alius formam pronuntiet.*

## CAPUT XX.

*De subiecto hujus Sacramenti, & præsertim de more Græcorum sanos Oleo inungendi: & quid de eo Episcopi Latini, in quorum dioecibus Græci inhabitant, in Synodo differere possint.*

**A** Sacramenti Ministro ad Subiectum progredientibus, statuendum primo loco occurrit, quibusnam personis illud conferri valeat. Ecclesiæ Latinæ perpetua, & constans traditio fuit, extremam Unctionem solis infirmis esse exhibendam, & quidem tali morbo laborantibus; unde, Peritorum judicio, mors sequutura prudenter timeatur; eamque traditionem, ex sæpius allegatis Apostoli Jacobi verbis deductam, omniumque Theologorum consensione firmatam, cum D. Thoma in 4. dist. 23. quæst. 2. art. 2. quæstione. 2., explicarunt, & inculcarunt Eugenius IV. in decreto (tom. 9. collect. Hard. col. 440.) inquit: *Hæc Sacramentum, nisi infirmis, de cujus morte timeatur, dari non debet: Concilium Tridentinum cit. sess. 14. cap. 3. Declaratur etiam, esse hanc Unctionem infirmis adhibendam, illis*

*terro*

vero præstetim, qui tam periculose decumbunt., ut in exitu vite constitui videantur; unde & Sacramentum Exeuntium nuncupatur, ac demum Cathecismus ejusdem Concilii §. 18. de extrema Unctione. Hinc vero fit, ut extrema Unctio illis denegetur, qui cum sano sint corpore, probabile, aut etiam certum adeunt vite periculum, puta quia mare transgressuri, prælium commissuri, aut ultimo supplicio plectendi sunt, sicuti statuunt Concilium Mediolanense 14. anni 1576. sub S. Carolo *part. 2. tit. 6.*, & Cameracense anni 1586. *tit. 12. cap. 3.*, & docuerat S. Thomas *cit. lib. 4. contra Gentes, cap. 73.*, inquit: *Hoc Sacramentum non debet dari propinquis ad mortem, absque infirmitate, puta damnatis ad mortem, quibus tamen postremis, etiam alio nomine denegari, perpendunt Suarez cit. tom. 4. in 3. part. disp. 39. sect. 1. num. 1.*, & Martene de antiq. Eccles. ritib. *tom. 1. lib. 1. cap. 7. art. 1. num. 1.*, quia nimirum damnati ad ultimum supplicium recensentur quodammodo inter publicos peccatores, quos, ante reconciliationem, sicuti a ceteris Sacramentis, ita & ab hoc arceri, respondit Innocentius I. in *cit. epist. ad Decentium: Penitentibus istud infundi non potest. Nam quibus cetera Sacramenta negantur, quomodo unum genus putatur posse concedi?* Hinc etiam extrema Unctione muniri nequeunt semine partui propinque, nisi alia insuper iisdem accesserit extraordinaria, & lethalis corporis ægritudo; quod bene ponderant Doctores, apud Clericatum de *extrem. Unct. decis. 79. num. 22.*

2 Neque huic Ecclesiæ Latinæ doctrinæ, & praxi adversantur exempla, ex probatis Historicis prolata a Martene *cit. loc.*, videlicet Odiliæ, filiæ Comitis Herimanni, & Mathildis, quæ a Ricardo Abbate monasterii S. Vitoni, de futura, sequenti die, ejus morte præmonita, licet corpore sana, nullam gravædinem pateretur, attamen liquore sancti Olei inuncta. . . inter verba orationis leta spiritum efflavit, sicuti narrat Hugo Flaviniacensis, in chronico Virdunensi; & cujusdam Monachi, apud Mabillonium *fac. vi. Benedict. part. 2.*, qui, post Nocturnos festi S. Martini, divinitus admonitus, de proxima sua, ex hoc sæculo migratione, revelationem Abbati manifestavit, cujus venia sacro Oleo unctus, & Dominicis munitus mysteriis, sanus & incolumis; cum ceteris in Conventu versatus, sequenti die obiit; nec non cujusdam Cinguriani Fratris Laici, qui similiter corpore sanus, Oleo sancto, uti rogaverat, unctus, mox decessit, quod habetur in vita S. Gildasii *sec. 1. Benedict. pag. 151.*; neque demum adversatur exemplum, quod allatis a Martene adjicimus, videlicet S. Heduvigis, quæ referente ejus vitæ Scriptore *cap. 8.*, priusquam ægrotare cœpisset, voluit extremæ Unctionis sacramento muniri; Hæc, inquam, & si qua sunt alia, hujus generis exempla, communi Latinæ Ecclesiæ doctrinæ, & praxi non adversantur; nam præterquam quod extraordinaria sunt, & derivata e speciali afflatu Spiritus Sancti, qui interdum homines solvit ab ordinariæ providentiæ legibus, quod opportune adnotavit laudatus Auctor vitæ S. Heduvigis, scribens: *Hæc tamen, quod hic diximus, admirandum potius est, quam imitandum, cui Spi-*

*ritus Domini per revelationem tribuit efficaciam, & in quo, ut pie creditur, sancta devotio dispensavit*, atque ad rem prosequitur Thiers tom. 2. de *superstitione circa sacramentum extremae Unctionis*, pag. 377. & seqq., possumus prudenter existimare, in prædictis rerum circumstantiis, eos, qui sunt divinitus admoniti de sibi instante vitæ interitu, jam tum cœpisse lethali morbo interius laborare, quo cito perducerentur ad mortem, quamquam exterius viderentur sani & incolumes: quamobrem fuit illis administranda extrema Unctio, ob eandem rationem, propter quam a cit. Concilio Mediolanensi IV. part. 2., & Aquisani anni 1585. tit. *Quæ pertinent ad sacramentum extremae Unctionis* (tom. 10. collect. Hard. col. 1535.) atque a Theologis cum Suarez cit. disp. 43. sect. 2. num. 11. in fin. conceditur senibus, qui, præ decrepita ætate, licet nulla alia speciali afficiantur ægritudine, in dies morituri creduntur; ipsa enim gravis, & annosa senectus infirmitas est, quæ interiora vitæ organa labefactat, & mox ducit ad interitum.

3 Verum ab exposita Latinæ Ecclesiæ traditione deviarunt Græci: hi siquidem etiam sanos, & bene valentes solent sacro Oleo inungere, in remissionem peccatorum, quod liquet ex eorumdem Euchologio, asseruntque Hieremias Patriarcha Constantinopolitanus in sua censura adversus Augustanæ Lutheranorum confessionem lib. 1. cap. 7. Leo Allarius de consens. Eccles. Occid. & Orient. lib. 9. cap. 16. & Arcudius concord. lib. 5. cap. 4. & cap. ult.: Quinimmo ipsemet Episcopus, postquam feria v. majoris hebdomadæ Infirmorum Oleum, solemnî ritu consecravit, non jubet illud asservari, ad ægrotos, suo tempore deferendum, sed totum statim infumit, omnes inungendo adstantes, quod accepimus a Goario in suis ad Euchologium notis: ac denique Joannes Nathanael Presbyter, ac magnus Oeconomus Cretensis, apud cit. Arcudium lib. 5. cap. 4. respondens ad quæsitâ sibi factâ a Viviano, Episcopo Anagnino, circa mores Græcorum, inter cetera, narrat, Græcos Sacerdotes, loco satisfactionis, in sacramentali Confessione Pœnitentibus imponendæ, solere interdum, haud exigua tamen accepta mercede, eisdem sancto Oleo inungere, ut tali pacto a peccatorum reliquiis, pœnisque pro iis subeundis, absolvantur, quem abusum ipse Nathanael, & cum eo Arcudius cit. cap. 4. acriter reprehendunt, & damnant.

4 Hæc certissima & exploratissima sunt, sed non æque certum, an ejusmodi Unctio sanis adhibita, habeatur a Græcis pro vero Sacramento: Goarius in cit. comment. pag. 432. illam fieri contendit, tanquam meram cæremoniam sacram, seu Sacramentalem quamdam benedictionem, per quam Sacerdotes unice intendunt inunctos sublevare, ab aliqua levi corporis infirmitate, aut etiam a graviori morbo præservare, quod etiam in Ecclesia Latina olim factissimum, in præcedentis capituli initio prænotavimus. Arcudius contra affirmat, sanos ac vegetos corpore a Græcis Sacerdotibus, perinde ac infirmos, sancto Oleo perungi, animo verum conficiendi Sacramentum; in cujus rei confirmationem, plures assert Græcorum Auctores, docentes, etiam sanos esse capaces sacramenti extremæ Unctionis.

ctionis. Quodque magis mirandum est, hæc doctrina, quam Arcudius exagitat, nec defendere ausus Goarius, negavit, unquam Græcorum menti infedisse, suos invenit, inter nostros Latinos, defensores, nempe Juenin *cit. dissert. 7. quest. 7. cap. 3.* & Saintebeuve *de sacram. extrem. Unct. disp. 7. art. 1.*, qui triplici argumento illam defendere conantur: Etenim, ajunt, de prædicta consuetudine, quam antiquissimam esse, nemo ambigit, nulla lis fuit Græcis intentata, in Concilio Florentino, in quo ceteroquin jussi sunt, de omnibus rationem reddere, in quibus a Latinis differrent: secundo, etsi ex Apostolo Jacobo habeamus, extremæ Unctionis sacramento, esse infirmis succurrendum, non tamen inde legitime inferitur, solos infirmos esse illius capaces: quocirca Eugenius IV. *in ult. decreto*, non dixit: *Hoc Sacramentum, nisi infirmo dari non potest; sed dari non debet*, quod sane verbum merum præceptum denotat, cui contraria consuetudine potest derogari, non absolutam importat necessitatem: similiter Concilium Tridentinum decrevit, extremam Unctionem, *esse infirmis exhibendam*, de quo nullus dubitat, sed non dixit *solis infirmis*, de quo est questio: tertio demum, pergunt iidem Doctores, cum a Græcis Sacerdotibus sancto Oleo inunguntur homines, perfecta fruenter valetudine, nihil profus desideratur, ad veram Sacramenti confectionem: liquidem a legitimo Ministro idonea, & apta adhibetur materia; debita simul pronuntiatur Sacramenti forma, nec illi deest necessaria intentio, cum eam unctionem facere intendat ad detergendas animæ sordes, quemadmodum testatur Hieremias Patriarcha Constantinopolitanus *in cis. censura lib. 1. cap. 7.*, scribens: *Illis vero qui post Baptisma peccaverunt, Pœnitentia, consecra-tique Olei unctio conducunt: quæ Sacramenta aut remissionem præteritorum peccatorum largiuntur, aut sordes animæ inherentes expurgant.*

5 At ejusmodi argumenta trivola sunt, nulloque labore evertuntur: Ad hoc quippe postremum, ut singula, in verso ordine expendamus, responderetur, ad validam Sacramenti confectionem, satis non esse, a legitimo Ministro debitas adhiberi materiam, & formam, cum intentione illud administrandi, si desit subjectum illius recipiendi capax, quod inter Sacramenti causas merito annumeratur a Suarez *cit. tom. 4. disp. 42. in princ.*; id autem in re nostra evenire perspicuum est, nisi illud ipsum, tanquam certum, assumatur, quod esset probandum, nimirum hoc Sacramentum, etiam pro sanis fuisse institutum; sicuti assumere videntur citati Juenin, & Saintebeuve, qui cetera recensentes, ad Sacramentum perficiendum requisita, subjecti capacitatem silentio prætereunt. Quod autem soli infirmi sint extremæ Unctionis capaces, licet clare & expresse non sit a Conciliis definitum, ex eorumdem tamen definitionibus legitime inferitur: quoniam Eugenius IV. definiens, eam, *nisi infirmis, de quorum morte timeatur, dari non debere*, sanos profecto excludit: quamvis enim verbum *non debet* possit de se merum præceptum inducere, plerumque tamen absolutam denotat necessitatem, uti observant Doctores allegati a Barbosa *tract.*

de

*de usu frequens. Dict., dict. 77. num. 1.*, atque in decretis dogmaticis, in quibus Sacramentorum doctrina ab Ecclesia explicatur, ut plurimum denotare necessitatem, non tantum præcepti, sed etiam Sacramenti, observat Suarez *cit. disp. 43. sect. 2.* Idem vero, quod Eugenius, sibi voluit Tridentinum, cum dixit, *esse hanc Unctionem infirmis adhibendam*, integram quippe hujusce Sacramenti credendam, & tenendam doctrinam nequaquam nobis tradidisset, quod ceteroquin in fine ejusdem capituli, se fecisse protestatur, si etiam non infirmis posset illa adhiberi. Accedit consensus omnium Theologorum, qui verba S. Jacobi, ita sunt interpretati, ut inde plane confici existimaverint, solum infirmum esse subjectum capax extreme Unctionis: unanimem quippe Theologorum consensum efficax esse argumentum, ad Catholicum dogma stabiliendum, docet Melchior Canus *de locis Theologicis lib. 8. cap. 2. & seqq.* A silentio denique Concilii Florentini rectius deducimus, sapientissimis illis Patribus fuisse persuasum, sanctam Unctionem a Græcis Sacerdotibus non adhiberi hominibus bene valentibus, tanquam Sacramentum, sed veluti meram cæremoniā, & Sacramentalem quamdam benedictionem: Græci enim, qui de singulis suis ritibus coacti sunt rationem reddere, gravem utique reprehensionem non evasisent, si comperti fuissent, hac in re, a communi, & constanti Ecclesiæ Latinæ traditione, & praxi aberrare.

6 Jure itaque Græcorum morem, ita explicatum, uti voluit Arcudius, gravis erroris insimulant, & damnant Theophilus Raynaudus *in heteroclitis sect. 1. punct. 12. oper. tom. 16. pag. 164.*, Gonzalez *in cap. Quæstis, de verb. signific. num. 2.* Tournely *de sacram. extrem. Unct. cit. quest. 3.* Benedictus de Gaetanis *in sæpe citata dissertatione cap. 13. §. Ex adverso*, alii quibus, post quæstionem sedulo examinatam, tandem adhæret Herminier *de Sacram. tom. 3. cap. 5.* Quocirca Episcopi Latini, in quorum potissimum commodum hanc materiam prolixius tractavimus dioecesisbus præsidentes, quas Fideles incolunt Græci ritus, diligenter invigilent, ne iidem in eo versentur errore, ut credant, per unctionem, de qua loquimur, Sacramentum conferri; & severe interdican, ne ea unctio, loco satisfactionis per Confessarios imponendæ, Pœnitentibus injungatur; id illis votum est a Nobis *in cit. nostra Constit. 57. §. 5.*, ubi decrevimus: *Nulli per Sacerdotes, vel Confessarios, pro satisfactione Pœnitentia unctio aliqua solummodo injungatur; infirmis vero, juxta verbum Jacobi Apostoli, Unctio exhibeatur extrema.*



## CAPUT XXI.

*De eodem subiecto extrema Unctionis, & signanter de ætate, in qua eadem pueris exhiberi potest: ubi etiam de amentibus & furiosis: ac nonnulla de Synodis, in quibus de prædictis rebus differtur.*

1 **Q**UOD autem diximus, hoc Sacramentum esse pro infirmis institutum, non est ita accipiendum; quasi omnes omnino Fideles, graviter decumbentes, sint illius recipiendi capaces: Illud siquidem, alio nomine denegatur pueris, ante usum rationis, etiam si in gravi versentur vitæ discrimine, quia nimirum cum nondum potuerint ulla, vel levi culpa scedari, illis non congruit Sacramenti forma, *Indulgeat tibi Deus quicquid deliquisti &c.* quod bene perpenderit D. Thomas in 4. dist. 23. quest. 2. art. 2. inquit: *Nulli dari debet Sacramentum, cui non competit forma Sacramenti: sed forma huius Sacramenti non competit pueris, qui non potuerunt, per visum, & auditum, ut in forma exprimitur: ergo eis non debet dari Sacramentum;* recte propterea S. Carolus Borromæus, in suis instructionibus, communem sequutus Theologorum doctrinam, statuit: (part. 4. Act. Eccl. Mediol. pag. 543.) *Ministratur hoc Sacramentum (extremæ Unctionis) Adultis periculose ægrotantibus . . . , at non infantibus, puerisque, qui nullum adhuc rationis usum habent, neque peccata admittunt: Neque aliam unquam fuisse Ecclesiæ doctrinam, & praxim, ostendit Martene cit. lib. 1. de antiquis Eccles. ritib. cap. 7. art. 1. §. 2.; Quamvis enim Nicolaus Cusanus epist. 3. ad Bohemos, & Maldonatus de Sacram. tom. 2. pag. 215., asserant, olim consuevisse etiam infantes infirmorum Oleo inungi, eos tamen sine fundamento loquutos, affirmat Cornelius a Lapide in comment. ad epist. S. Jacobi cap. 5. v. 14., atque ex iis liquet, vetustis monumentis, quæ cit. Martene adducit; nisi forte Cusanus, & Maldonatus sint intelligendi de unctione, absque forma Sacramentali, quam olim fuisse in usu, præmonuimus.*

2 At quæ ætas erit in pueris expectanda, ut conseantur huius Sacramenti capaces? Certe non est expectanda ætas quatuordecim annorum, quam videtur exigere plures Synodales Constitutiones, relatæ ab eodem Martene, ac Provinciale Anglicanum, editum a Lindervode lib. 1. de sacra Unctione, quamquam revera, si rite expendantur, tantam ætatem non absolute requirant, sed eos maxime inungendos statuunt, qui ad eam perlegerunt; in hunc quippe modum loquuntur Constitutiones Odonis Episcopi Parisiensis cap. 8., Synodalia statuta Ecclesiæ Meldensis cap. 28., Nannetensis cap. 50., & citatum Provinciale Anglicanum §. Cum magna. Multo quæ minus expectanda est ætas octodecim annorum, quam expresse expossunt, cum antiquus codex manuscriptus S. Martini Turorensis, a Martene

tene pariter prolatus, tum Fredericus Naufen Episcopus Viennensis in suo *Catechismo* lib. 3. cap. 107., sed statim ac pueri rationis compotes, judicantur doli, & culpæ capaces, si in gravem incidant morbum, poterunt infirmorum Oleo liniri, quod rectius sancitum legimus inter Synodalia statuta Ecclesiarum, Cadurcensis, Ruthenenfis, & Tutelenfis cap. 17. tom. 4. *anecdotor. Martene, & Durand* col. 714., & nuper a Cardinali de Rohan in Rituali Argentinenfi tit. de extrem. *Unct.* §. 2. pag. 174., ubi edicatur: *Non denegetur etiam pueris, si septimum attigerint annum, nec illis, in quibus malitia supplet aetatem, etiamsi septenarii non sint; Quamobrem minime approbandam censemus Synodalem Constitutionem, a Germano Valente Guellio, Episcopo Aurelianensi, anno 1587. promulgatam, in qua decernitur: Non datur hoc Sacramentum pueris, qui nondum communicaverint; Etenim quodcumque censetur capaces sacramenti Pœnitentiæ, sunt pariter idonei reputandi, ad extremam Unctionem, quæ est illius complementum, quamvis nondum tanta polleant judicii maturitate, ut videantur apti ad rite participandam Eucharistiam, de cujus ineffabili excellentia, & sanctitate, non ita facile edoceri queunt. Quare scite, & apposite Pastorale Mechliniense, apud Van-Espen part. 1. tit. 8. cap. 2. num. 9., postquam retulit hæc Ritualis Romani verba: Non ministratur pueris, usum rationis non habentibus, addit Secus de pueris periculose aegrotantibus, qui peccati mortalis, ac Confessionis capaces sunt, licet sint solum octo, aut novem annorum, & quamvis nunquam communicaverint.*

3 Ob eandem rationem, propter quam ab ejusmodi Sacramento arcentur pueri, quibus nondum rationis lumen effulsit, illud pariter denegatur perpetuo amentibus, & furiosis, qui nullum, ab ortu lucidum intervallum obtinuerunt, quod expresse cautum est a S. Carolo Borromæo in *Actis Eccles. Mediolanen. part. 2. pag. 270.*, atque a Concilio Cameracensi, anni 1586. tit. 12. num. 3. (tom. 9. collect. *Hard.* col. 2164.) & communiter tradunt Doctores apud Henriquez de *Sacram. lib. 3. cap. 11. num. 9.*, quia nec isti potuerunt ulla gravi, aut levi culpa se contaminare, ad cujus abstergendas reliquias, institutum est hoc Sacramentum; quamvis enim Suarez cit. *disp. 43. sect. 2. num. 8.* opinetur, extremam Unctionem etiam illi posse conferri, qui nullum unquam actuale peccatum admisit, atque idcirco ea non caruisse, censeat Beatissimam Virginem, id tamen de iis dumtaxat intelligendum, ait Tannerus tom. 4. *disp. 7. quest. 1. dub. 3.*, qui quantum est, ex parte sui status, & adepti usus rationis, peccare poterunt, etsi per accidens, atque ex speciali Dei privilegio, nunquam ipsis peccarint; secus nulla esset ratio, cur eodem Sacramento fraudenter infantes, quibus certe, contra S. Thomæ doctrinam, & communem Ecclesiæ praxim, illud ministrari non permittet Suarez. Quod vero speciatim attinet ad Beatissimam Virginem, res valde dubia, & controversa est, an ea, utpote omnis peccati experta, fuerit capax, & particeps sacramenti extremæ Unctionis. Affirmant S. Antoninus 3. part. tit. 14. cap. 8. & 13., Canisus



Canisius lib. 1. de Beata Virgine cap. 9., Henriquez de Sacram. lib. 3. cap. 17. num. 7., & modo laudatus Suarez, quia habebat potentiam, quam vocant antecedentem ad peccandum; et si, ob singularem Dei erga ipsam providentiam, illa potentia nec prodierit, nec proxime posset prodire in actum, eo planè modo, quod dicimus impossibile fore, ut prædestinatus ex hac vita decedat, cum lethalis culpæ reatu: Contra Victoriam in Summ. num. 222., Vasquez in 3. part. disp. 119. cap. 8., & cit. Tannerus, Beatissimam Virginem extremæ Unctionis incapacem, pronuntiant: licet enim, inquit Tannerus, absolute loquendo, potuerit peccare, attamen ex privilegio, non utrumque eidem concessio, sed veluti consentaneo, & quasi debito excellentiæ, & dignitati, qua præstabat, Divinæ maternitatis, fuit ab omni peccato præservanda, ac proinde non potuit, ullo pacto, eidem aptari extremæ Unctionis forma: *Indulgeat tibi Deus quidquid deliquisti &c.* Sed quidquid sit de hac questione; quam Scholasticis relinquimus:

4 Indubitatum sit, extremam Unctionem exhiberi non posse perpetuo amentibus, & furiosis: Aliud vero est de Adultis, qui aliquando usum rationis habuerunt, & postea in phrenesim, aut amentiam inciderunt, his quippe Unctionem tribuendam, juxta illud Concilii Arausiaci can. 13. (tom. 1. collect. Hard. col. 1785.) *Amentibus quacumque sunt pietatis conserantur*, declaravit Theodulphus Episcopus Aurelianensis in secundo Capitulari, apud Baluzium miscell. tom. 7., docetque S. Thomas in 4. dist. 23. quest. 2. art. 2. questiuinc. 3., cui teste Suarez cit. disp. 42. sect. 1. num. 6., omnes Theologi consentiunt. Necesse tamen est, ut cetera adint, quæ requirit Navarrus in man. cap. 22. num. 13., inquit: *Cuiuslibet tamen ejusmodi infirmo est ministrandum, etiamsi jam sit amentis, & phreneticus, si, absque irreverentia Sacramenti, id fieri possit, & potuerit ante peccare, & antequam insaniret, expresse, aut tacite petierit illud, aut si meminisset petiturus fuisse, nec in peccato mortali notario insanierit.*

5 Porro de quolibet Fideli, de quo contrarium non constat, præsumendum est, fuisse hoc Sacramentum petiturum, si potuisset: passim siquidem videmus, extrema Unctione muniri, qui subita vi morbi oppressi, sensibus delituuntur, nec ullum Sacramenti desiderium significare valent; eorum quippe perspecta pietas, ac fides non obscurum præbet argumentum desiderii, quod, si possent, demonstrarent: hanc vero praxim approbat S. Thomas loc. cit., inquit: *Infirmis, qui, sana mente dum erant, illud petierant, aut verosimile est quod petissent, etiamsi postea in amentiam inciderint, vel ratione sermoneve uti desierint, ministrabitur item, cui Concilium Parisiense anni 1557., & S. Carolus Borromæus in suis instructionibus, apud Natalem Alexandrum Theolog. dogmat. & moral. tom. 5. lib. 2. regul. 12., ac Ritualia omnia suffragantur; quinimmo observat Suarez cit. disp. 42. sect. 1. num. 6., maxime oportere, ut prædicto ægroto, sensibus delituito, quæ aliorum Sacramentorum est incapax, subveniat remedium extremæ Un-*

ctionis, *Quia* (ait) *inter fines precipuos hujus Sacramenti est supplere vices sacramenti Pœnitentiæ, quando vel illud applicari non potest, vel de facto non satis utiliter applicatum est; quamobrem plerique Theologi, inter quos Chapeville de Ministr. Sacram. tempore pestis cap. 1. quæst. 12., Layman Theolog. moral. lib. 5. tract. 5. cap. 7., Thomas Tamburinus in methodo celebranda Missa lib. 2. cap. 7. §. 7. permittunt Sacerdoti, Missam interrompere, ut extremam Unctionem administret infirmo, morti propinquo, cui nullum aliud Sacramentum potuit conferri; quoniam in hoc eventu, ab unica extrema Unctione potest ille, si sit sufficienter attritus, obtinere primam gratiam justificantem, qua forte indigeat, atque in prædictis circumstantiis, sive primario, & per se, sive secundo, & per accedens, ab extrema Unctione causari, docent Theologi in sequenti capite referendi.*

## CAPUT XXII.

*De tempore, quo infirmis extrema Unctio est exhibenda: & quid in Synodis & instructionibus Episcopi de dicto tempore statuere debeant.*

**Q**UAMQUAM demonstratum jam sit, extremam Unctionem solis infirmis esse conferendam, qui decessuri prudenter timentur, attamen dubitare quis potest, quoniam infirmitatis tempore sit administranda; statimne, detecto gravi, in quo versantur vitæ discrimine, an potius cum iisdem mox imminet interitus? Abusus olim in plerisque irrepserat regiones, ut sancto Oleo tunc tantum linirentur infirmi, cum prorsus desperata salute, jamjam essent extremum spiritum exhalaturi. Haic abusus animum præbuit falsa persuasio, quæ sæculo XIII. plurimorum invaserat animos, nempe post semel receptam extremam Unctionem, non amplius licere conjugatis, si convalescerent, ad conjugale opus reverti, nullique fas esse carnes deinceps comedere, nudisque pedibus incedere, quod narrant Martene *supra* cit. lib. 1. cap. 7. art. 2. §. 2., & Thiers in suo tract. de *superstitione* tom. 2. cap. 7., Quocirca plures Synodi, eodem sæculo XIII. celebratæ populum de hoc errore, quo a Sacramento percipiendi deterrebatur, solerter dedoceri curarunt, inter quas Synodus VVigornienfis anni 1240. cap. 19. (tom. 7. collect. Harduin. col. 337.) ubi statuit: *Sunt quidam, ut audivimus, qui post perceptionem hujus Sacramenti, sanitati pristina restituti, nefas reputant vel uxores suas cognoscere, vel carnes comedere, vel aliqua ratione, nudis pedibus ambulare. Horum autem errorem, utpote doctrina sana contrarium exsecramur, & eos excommunicationibus, & monitionibus duratius corrigendas; Et Synodus Exoniensis anni 1287. cap. 6. (tom. 7. ejusdem collect. col. 1081.) inquit: Quoniam quidam Laici imperiti de hoc Sacramento nequiter sentientes, illud abhorrent, in tantum quod viæ velint illud suscipere, etiam in extremis, fasce existimantes, post ipsius susceptionem, carnis esum, nudis pedibus incessum, copulam carnalem, etiam cum uxore legitima, sibi fore penitus*

penitus interdicta. Præcipimus parochialibus Presbyteris, ut ubi novimus tantam hæresim pullulare, contrarium prædicent; quibus præverat Richardus Episcopus Sarum, in Anglia, qui in suis Constitutionibus anni 1217. cap. 68., relato in citato Provinciali Anglicano cap. Cum Magna, de sacra Unctione, infirmum secreto moneri iusserat, quod post Sacramentum susceptum licite posset reverti ad opus conjugale. Prædicto errore eliminato, alia, insequenti ætate, alicubi invaluit opinio, quæ Fideles pariter remorabatur ab extrema Unctione recipienda, nisi jam essent in ultimo agone constituti: putabant quippe, per sacram Unctionem sibi adimi testamenti factionem, hoc est potestatem condendi testamenti: hunc vero errorem, præcedentis sæculi initio, in Belgio perseverantem proscripsit Concilium Mechliniense anni 1607. tit. 8. cap. 2. (tom. 10. collect. Harduin. col. 1946.) inquit: Falluntur qui existimant, suscepto hoc Sacramento, vel testamentum condi non posse, vel spem convalescendi, ob id imminui. Idemque Pastores contrarium subinde populum doceant. Et, si forte alicubi usu introductum sit, ut testamentum a susceptione hujus Sacramenti conditum non subsistat, declarat hæc Synodus, ejusmodi consuetudinem pro corruptela habendam esse.

2. Hac nostra ætate, liberi profecto sunt Fideles ab enarratis præjudiciis, & nihilominus humani generis hostis hanc plerisque rudibus, & ignavis mentem injecit, ut credant, actum esse de vita illius, qui sancto Oleo est inunctus, & solum ei superesse sepulcrum; ex quo fit, ut a sacra Unctione, perinde ac ab ipsa morte, abhorreant. Opportunum idcirco, & perutile erit, ut Episcopus in sua Synodo, aut Synodali instructione, hunc detestandum errorem e rudium hominum mente evellere satagat, quod Nos, pro nostro Pastoralis munere, præstare curavimus in nostra Notific. 22. Quo vero facilius propositum sibi finem assequatur, suæ Synodali instructioni rationes inferat, propter quas non decet ejusmodi Sacramentum ad tempus differri, quo jamjam anima in primoribus labris laborat, sicuti nobis exprobrabat impius Calvinus lib. 4. instit. cap. 19., occasionem inde arripiens, nobis illudendi, quia non infirmos, ut ipse calumniabatur, sed semimortua cadavera pinguedine inficimus. Prima autem ratio illa est, quam, ad rem, de qua agimus, Fidelibus insinuari voluit, Synodus Burdigalensis anni 1583. tit. 13. (collect. Hædwin. tom. 10. c. 12347.) Parochis præcipiens: Curet etiam crebris monitionibus imperitum vulgus ab illa inani, & impia opinione abducere, qua plerique sinistre de hujus Sacramenti virtute sensimus, perinde ac si mortem agri acceleret; cum certum sit, ex Apostoli doctrina, Deum non anima tantum, verum etiam corpori, si expieris, virtute hujus Sacramenti, salutem conferre; & nuper Cardinalis de Rohan in suo Rituali Argentinensi, §. 2. inquit: Solantur Sacramenta, non occidunt; hoc sæpe sæpius Pastor mentibus Fidelium inculcet. Enimvero cum inter ceteros, quos extrema Unctio producit effectus, causet etiam corporis valetudinem, si hæc conferat ad animæ salutem, quod non solum eruitur ex sæpius allegatis verbis Apostoli Jacobi, sed liquido constat ex Sacramen-

rio S. Gregorii Magni, ubi ad Olei infirmorum consecrationem, hæc præscribitur Oratio: *Ut tua benedictione fit omni hoc unguentum, tangenti tutamentum mentis, & corporis, ad evacuandos omnes dolores, omnesque infirmitates; omnem agilitatem corporis; ac diserte declararunt, tam Eugenius IV. in cit. decreto, inquit: Effectus est mentis sanatio; in quantum autem expedit, etiam corporis, quam Tridentinum cit. sess. 14. cap. 2., ubi de effectibus huius Sacramenti disserens, ait: Sanitatem corporis interdum, ubi saluti animæ expedit (infirmus) consequitur. Idcirco, ad inungendum infirmum expectanda non est ultima ejus vitæ periodus, qua extremum agat spiritum: hunc enim effectum non operatur Sacramentum per modum miraculi, quod in illis circumstantiis esset necessarium, sed virtute quadam, supernaturali quidem, sed quodammodo ordinaria, quæ causas naturales adjuvat, sicuti ratiocinatur Suarez cit. tom. 4. disp. 41. sect. 3. num. 5.*

3 Altera ratio, qua efficacius alliciendi sunt Fideles ad extremam Unctionem celeriter petendam, & recipiendam, priusquam sensibus, & mente destituantur, desumenda est ex aliis nobilioribus effectibus, quos eadem in decumbentium anima operatur, quorum haud faciliter particeps esse potest ægrotus, jam sensibus, & rationis usu carens. Concilium Tridentinum loco modo cit. extremæ Unctionis sacramento, non solum attribuit virtutem causandi corporis sanitatem, sed ceteros ejusdem effectus singulatim enumerans, hæc habet: *Resporro, & effectus hujus Sacramenti illis verbis explicatur: Et oratio fidei salvabit infirmum, & alleviabit eum Dominus; & si in peccatis sit, dimittentur ei. Res etenim hæc gratia est Spiritus Sancti; cujus unctio delicta, si qua sint adhuc expianda, ac peccati reliquias abstergit, & aegroti animam alleviat, & confirmat, magnam in eo Divina misericordie fiduciam excitando, qua infirmus sublevaris, & morbi incommoda, ac labores levius fert, & tentationibus Demonis, calcaneo insidiantis, facilius resistit, & sanitatem corporis interdum, ubi saluti animæ expedit, consequitur. Porro inter hos extremæ Unctionis effectus, a Tridentino enumeratos, curiose magis, quam utiliter, investigant Scholastici, quinam sit dicendus hujus Sacramenti proprius, & primarius, & in diversas scinduntur opiniones, quas supervacaneum esset hic recensere; sed legi possunt apud Suarez cit. tom. 4. disp. 41., Gregorium de Valentia cit. disp. 8. q. 1. punct. 3., Estium in 4. dist. 23. §. 4., Juenin cit. dissert. 7. quest. 8., & Tourmely cit. tract. quest. ultim. art. 1., apud omnes tamen indubitatum esse, per ejusmodi Sacramentum deleri peccata venialia testantur Navarrus man. cap. 22. n. 13., & Suarez cit. loc. cit. 1. n. 1. & 3.: fere etiam communiter admittunt, ejusdem virtute, interdum remitti peccata lethalia; cum scilicet peccator, sufficienter ceteroquin attritus, alia Sacramenta recipere nequit, aut post illa suscepta, peccato irretitur, quod invincibiliter ignorat; quidquid sit, an in hujusmodi eventu, illa remittat directe, & per se, sicuti opinantur Bellarminus de extrem. Unct. lib. unic. cap. 8. §. Dicit aliquis, Maldonatus de sacram. extrem. Unct. quest. 2., & Saintebeuve de extre-*

trem. *Quæst. disp. 5. art. 1.* sive indirecte, & per accidens, uti arbitrantur Suarez *cit. loc. num. 16.*, Cardinalis de Lugo de *Sacram. disp. 9. sect. 1. num. 7.*, & Coninch *disp. 19. de extrem. Unct. dub. 5. num. 19. & 20.* Utramque virtutem extremæ Unctioni attribuit S. Thomas *cit. lib. 4. contra Gentes cap. 73.*, ubi ait: *Contingit, quod homo omnium peccatorum, quæ commisit, notitiam, vel memoriam non habet, ut possit per Pœnitentiam singula expurgare, a quibus oportet hominem, per hoc Sacramentum emundari; & clarius in supplem. 3. par. quæst. 30. art. 1.*: Si invenit peccatum aliquod, vel mortale, vel veniale, quoad culpam tollit ipsum, dummodo non ponatur obex ex parte recipientis; Cui S. Thomas doctrinæ adhæsit S. Carolus Borromæus in *Actis Eccles. Mediolanen. par. 4. pag. 541.* ubi, loquens de extrema Unctione, ait: Prima igitur utilitas, & effectus hujus Sacramenti est, quod peccati reliquias tollit, tanquam complementum sacramenti Pœnitentiæ, quæ reliquæ peccata esse intelliguntur, sive mortalia, sive venialia, quæ post alia Sacramenta remanent: potest enim fieri, ut, ignorante eo, qui commisit, vel non valente confiteri, peccatum mortale remaneat, in quo delendo, ita hoc Sacramento juvatur, ut fieri possit, cum per hoc Sacramentum salvari, qui aliquando fuisset damnatus. Jam vero neutrum effectum potest extrema Unctio operari, sine pio aliquo ipsius suscipientis actu: nec enim peccata venialia remittit, absque aliqua eorumdem displicentia, nec lethalia delere valet, sine eorumdem detestatione, eaque saltem imperfecta Contritione, quæ est necessaria ad veniam, & justificationem assequendam, in sacramento Pœnitentiæ, quod cum communi advertit idem Suarez *num. 22.* Ejusmodi autem actus, cum certe elicere nequeat, qui est sensibus, & mente jam destitutus, nisi forte eos jam antea elicerit, utroque sane Sacramenti effectum fraudatur. Quocirca Catechismus Concilii Tridentini §. 18. de *extrem. Unct.* graviter objurgat animarum Pastores, qui se falsæ vulgi persuasioni accommodantes, tunc primum infirmum sacro Oleo linire curant, cum vita, & sensibus carere incipit: In quo tamen (sunt verba Catechismi) gravissime peccant, qui illud tempus ægroti unguendi observare solent, cum jam omni salutis spe amissa, vita, & sensibus carere incipiat. Constat enim ad uberiores Sacramenti gratiam percipiendam plurimum valere, si ægrotus cum in eo adhuc integra mens, & ratio viget, fidemque, & religiosam animi voluntatem asserere potest, sacro Oleo liniatur. Idemque decernunt Concilium Mediolanense I. anni 1565., Burdigalense, & Remense ejusdem anni 1583., Bituricensis anni 1584., & S. Carolus Borromæus in suis instructionibus, apud citatum Natalem Alexandrum *reg. xiv.*

4. Hæc exempla imitetur Episcopus, & in sua Synodo omnem operam conferat, ut sui Dioecesani, omni, si quo sint imbuti, errore abjecto, sacram Unctionem exposcant, statim ac ex morbi violentia, se ad interitum vergere sentiunt, tempusque præoccupent, quo, emota jam mente, nec Sacramenti efficaciam agnoscere, nec illud, eo devotionis affectu, percipere valent, quem ad uberem ejusdem gratiam participandam, requirit S. Thomas *cit. disp. 23. quæst. 2. art. 2. quæstiunc. 3. & 4.*, & in *supplem. 3. part.*

3. *part. quest. 32. art. 4.* Cum tamen celerem commendat hujus Sacramenti administrationem, absteineat a verbis, quæ videantur significare ejusdem recipiendi absolutam necessitatem, ne secus videatur ipse questionem dirimere, hactenus indecisam; Adhuc quippe litigant Theologi, num Fideles periculoso morbo laborantes, quique jam Poenitentiae sacramento sua peccata expiarunt, & Eucharistico pane sunt relecti, teneantur insuper, aut Divino, aut saltem Ecclesiastico præcepto, extremam Unctionem suscipere. Negant quamplurimi magni nominis Theologi, quos citant, & sequuntur Suarez *disp. 44. sect. 1.*, Henriquez *de Sacram. lib. 3. cap. 10. num. 3.*, Estius in *4. dist. 23. §. 15.*, Caballutius in *theor. & prax. juris Canonici lib. 3. cap. 15. num. 8.*, & Sambovius *cit. tract. pag. 352.*, qui tamen hanc addit limitationem, nisi ægrotus gravibus prematur tentationibus, ad quas superandas, novo indigeat hujus Sacramenti munimine. Contra, quemlibet, in eo statu, jure tam Divino, quam Ecclesiastico, obstringi ad sacram recipiendam Unctionem, sentire videntur Magister Senten. & S. Bonaventura in *4. dist. 23. circa textum*, Petrus Sotus *lect. 2. de extrem. Unct.*, & expresse defendant Juenin *cit. diffet. 7. quest. 9. cap. 2.*, ac Tournely *cit. quest. ult. art. 2.*, quibus non obscure favet Concilium Colonienſe anni 1536. *par. 7. cap. 50. (tom. 9. collect. Harduin. col. 2011.)* ubi cum dixerit: *Est autem Unctio impendenda, cum expositione Unctionis, & mandati Apostolici, quod sic habet: Infirmatur quis in vobis? Inducat Presbyteros Ecclesie &c.* indicavit profecto, se in hisce Apostoli verbis verum præceptum agnosce-re. Verum, eth expediat, ut Episcopus hanc controversiam declinet, indubitanter tamen asserere poterit, non posse, sine gravi culpa ejusmo-di Sacramentum, aut contemni, aut cum aliorum offensione, & scandalo negligi, & pratermitti; id siquidem a nemine negari, fatetur Suarez *cit. loc. num. 5. & 6.*, nec præterea incongruum esset addere, facile Sacra-menti contemptum præsumi, in infirmo, qui cum vita periclitetur, ex-tremam Unctionem sciens, & volens petere negligit, multoque magis, si eam sibi a Párocho exhibitam recipere remuat; propterea Synodus Co-lonienſis anni 1549. *cap. 38. (tom. 9. collect. Harduin. vol. 2110.)* idem esse rata, Sacramentum respuere, ac contempnere: *Relatum nobis in Concilio est, impios quosdam homines, infirmitatis sue tempore, sacram Unctionem respuisse, ac contempniffe: hujuscemodi homines Ecclesiastica sepultura privandos decrevit, quod recte ponderant Natalis Alexander cit. loc. reg. 38.*, ac modo laudati Juenin, & Tournely.



## CAPUT XXIII.

*De ordine, quo extrema Unctio infirmis administranda est; & de reiteratione administrationis ejusdem Sacramenti.*

**S**ED & illud quoque edoceri cupiunt Parochi, quonam ordine debeant extremam Unctionem infirmis administrare, ante ne, an post sanctissimi Christi Corporis Viaticum? Nemo, qui Ecclesiasticæ historiæ non sit omnino imperitus, insiciabitur, usum quondam fuisse, ut sacro Oleo linirentur infirmi, post peractam quidem sacramentalem Confessionem, sed priusquam Christi Corporis rescicerentur Viatico, quod multis exemplis probat Suarez *disp. 44. sect. 1. num. 8.*, atque ex pluribus Ritualibus, ac Synodorum statuta demonstrant Launojus *obseruat. 8. tom. 1. oper. pag. 608.* Hugo Menardus nota 915. in *Sacrament. S. Gregorii*, Van-Elpen *jur. Eccles. univ. p. 2. tit. 8. cap. 2. num. 22. & seqq.*, Martene *de antiq. Eccles. ritib. lib. 1. cap. 7. art. 2. num. 3.* Saintebeuve *cit. tract. disp. 8. art. 3.*, & fufè Pouget *institutionum Catholicarum tom. 2. part. 3. sect. 1. cap. 6. §. 4.* Neque ad hanc inducendam consuetudinem, legitimam defuisse causam, ait citatus Suarez: Cum enim extrema Unctio sit perfectio, & confirmatio Penitentia, uti communiter appellatur a Patribus, quæ peccatorum reliquias abstergit, uti a Tridentino edocemur, non sine rationabili causa, Pœnitentiæ conjugebatur, ut per utrumque Sacramentum homo perfecte expiatus, sine ulla animæ sordē cælestem panem degustaret. At nihilominus prædicta consuetudo, ne priscis quidem temporibus fuit ubique, atque apud omnes inviolate servata: alia quippe præsto sunt, æque vetusta, Ecclesiarum statuta, sacram Unctionem post Viaticum exhiberi præcipientia; nec desiderantur exempla sanctorum virorum, qui Viaticum extremæ Unctioni præmiserunt, quæ pari diligentia congesta, atque ingenue producta sunt a cit. Martene *ed. art. 2. num. 4.* Hæc vero posterior praxis adeo postea prævaluit, ut Catechismus Concilii Tridentini, S. Carolus Borromæus in suis instructionibus, ac innumera Ritualia, extremam Unctionem, post Viaticum, præberi decreverint, quemadmodum animadvertit Cardinalis Sanctorius in *suo Rituali pag. 323*: *Quamvis apud Veteres aliquando consuetudo fuerit, ut post Pœnitentiam, & reconciliationem infirmorum, extrema prius eis Unctio, & deinde sacra Communio exhiberetur, ut ex diversis sacris Canonibus, ac vetustis codicibus, Pontificalibus, & Ordinibus administrandorum Sacramentorum manifeste liquet, postea tamen ex generali consuetudine, quæ, & hodie universaliter in Latina, & Occidentali Ecclesia viget, factum est, ut prius sacra Communio, postmodum vero extrema Unctionis sacramentum infirmis exhibeatur. Atque ideo & hunc ordinem hic servare oportet.* Hujus porro disciplinæ mutationis aliam, æque rationabilem causam affert idem Suarez, quia scilicet (sunt ejus verba) Eucharistia, ut citus ad con-

fortan-

fortandum in via præbatur, & ideo, ut detur, non est expectandum ultimum vite periculum: hoc verò Sacramentum eucharisticum est, quasi in ultimum substitutum institutum.

2 Sed licet res ita se habeat, aliqua nihilominus Ritualia collecta a Pouget cit. Catholice instit. loc. cit., extremam Unctionem, ante Viaticum, conferri permittunt, si ægrotus, ex pio desiderio, se melius ad Eucharistiam præparandi, ita securum fieri exposulât. Idem indulget etiam Cardinalis de Rohan in suo cit. Rituali Argentinenſi §. 2. ubi hæc habet: Si eodem tempore ægrotus detur Eucharistia, & extrema Unctio, hæc ante illam dari poterit, si ita fieri possint ægratus, & pia illa ægrotorum postulatio, hisce fulciatur momentis, quod nempe quia effectus Unctionis extrema absterſio est reliquiarum peccati, ipsa Unctio extrema spectari potest, quasi amplius ad Eucharistiam præparatio, & quod aliunde eam ante Viaticum conferendi usus antiquus est & probatus, licet non ubique admissus. Facias autem super eam Parochus, & magis expedire videbitur pro adstantium edificazione, maxime autem pro temporis opportunitate; si enim vis morbi urgeret, Viaticum primò detur, & postea extrema Unctio ministretur. Verum Nos, quamquam hanc permissionem nequaquam improbemus, siquidem a laudato Suarez discipulis, contrariam consuetudinem Ecclesiæ Romanæ, a Concilii Tridentini Catechismo pariter approbatam, non esse, sub gravi, saltem obligatione, ab omnibus Christiani orbis regionibus receptam, ac præterea a Natali Alexandro cit. loc., reg. xxi. accipimus, apud Cistercienses, etiam hodie perseverare antiquum morem, sacram Unctionem præmittendi Viatico: nihilominus in locis, in quibus hic mos obsolevit, vigetque disciplina a Concilii Tridentini Catechismo præscripta, non facile permittemus, ab hac recedi, solum ad indulgendum privatæ, & peculiari infirmi devotioni, sed potius Parochis injungeremus, ut extremam Unctionem petentibus, ante Viaticum, suaderent, tutius, & utilius fore, Ecclesiæ Romanæ ritui, ac usui, a majori parte Ecclesiæ Catholicæ jam recepto, se accommodare.

3 Dicendum nunc restat de hujus Sacramenti iteratione. Labente sæculo xi., & ineunte xii., hac nonnulli imbuti erant opinione, ut illucum reputarent, Fidelem sancto Oleo semel inunctum, unquam deinceps eodem linire: & si vera narrarent Ciacconius, & Ughellius, eadem opinio, saltem apud aliquos, etiam sæculo xv. perseverasset: Ambo enim referunt, ille tom. 2. in vita Pii II. pag. 1005., hic vero Italia sacra tom. 2. pag. 553., disputatum fuisse, an summo Pontifici Pio II., graviter ægro-tanti, administrari posset extrema Unctio, eo quod, pluribus antea annis, eam recepisset Basilæ, cum peste laboraret, quæ in ea urbe grassabatur: Verum cum hujus, memorandi certe facti, nulla mentio occurrat, neque in vita ejusdem Pii II., a Jo. Antonio Campano, Episcopo Aprutino accurate descripta, neque in commentariis Cardinalis Papiensis, qui ceteroquin quam minutissime scribit, quæ in Pii II. morte contigerunt, illud propterea, aut fabulosis, aut saltem suspectis narrationibus accen-semus.



femus. Opinabantur alii, extremam Unctionem posse iterum eidem conferri, modo tamen a die, qua semel inunctus fuerat, tres integri anni effluxissent: hanc falsam per suasionem sibi induxisse Monachos Hirsaugienses, refert supramemoratus Auctor veteris disciplinæ Monasticæ, in *præfat. cap. 128.*, ubi postquam antiquum exhibuit eorumdem Monachorum usum, ponendi infirmum, extrema Unctione jam munitum, & cui mortis momentum instaret, *super sagittam ciliicium cinere aspersum*, & cui mortis momentum instaret, *super sagittam ciliicium cinere aspersum*, hæc ex Guidone Farfensi addit: *Ceterum Hirsaugienses existimabant Unctionis sacramentum ab eodem iterari non posse, nisi effluxo triennio: hinc statuerunt, eundem Fratrem, si mortem evaserit, post tres annos iterum perungi posse.* Censuerunt denique alii, apud Petrum Cantorem in *Summ. cap. 132.*, & Durandum *lib. 1. rational. Divin. Offic. cap. 8. num. 25.*, non licere, extremam Unctionem, intra ejusdem anni spatium, repetere, etiamsi contingeret, quempiam in periculosum morbum iterato incidere. In hac sententia fuit ille idem Anonymus Auctor codicis Turonensis, cujus supra meminimus, ait quippe: *Nemisi mense semel tantum communicet æger: Hic idem solo non bis ungatur in anno; neque eam, sæculo XVI., ab omnium mente deletam, colligimus ex Synodo Iprensi, eodem sæculo labente, habita ab Episcopo Rithovio, in qua tit. 17. cap. 3., postquam declaratum fuit, posse extremam Unctionem, quandocumque opus fuerit, eidem denuo administrari, additum legimus: Proinde consuetudinem, secundum quam, non consuevit hoc Sacramentum, intra annum secundo suscipi; etiamsi altera gravis obveniat infirmitas, tanquam noxiæ abrogemus.* Equidem jamdiu antea prævaluerat, & communi usu recepta, atque approbata fuerat sententia, hujus Sacramenti iterationem permittens, quotiescumque Fidelis in novum incidit morbum, & in diversum adducitur vitæ discrimen: Ideo enim, uti ratiocinatur S. Thomas in *supplem. 3. p. 4. q. 33. art. 1.* sacramenta Baptismi, Confirmationis, & Ordinis, nequeunt, sine sacrilegio, iterari, quia imprimunt characterem, & producunt effectum perpetuum: *Sacramentum autem, quod non habet effectum perpetuum, potest iterari sine injuria, ut effectus perditus iterato recuperetur; Et quia sanitas corporis, & mentis, quæ sunt effectus hujusmodi Sacramenti possunt amitti, postquam fuerit per Sacramentum effecta, ideo hoc Sacramentum, sine sui injuria, potest iterari.* Idem quod S. Thomas, docuere Magister Sent. in *4. dist. 23.*, Guillelmus Altissiodorensis *lib. 4. Summ. tract. 7. cap. 2.*, S. Bonaventura in *4. dist. 23. art. 2. q. 4.*, ceterique Scholastici, quorum sententiam, sua tandem infallibili auctoritate firmavit Tridentini Patres *sess. 14. cap. 3.*, definientes: *Quod si infirmi post susceptam hanc Unctionem convalescerint, iterum hujus Sacramenti subsidio juvari poterunt, cum in aliud simile vitæ discrimen inciderint.*

4 Verum, adeo diversa sunt hominum ingenia, illud idem Sacramentum, quod plerique nunquam iterari posse, asserunt, alii, etiam in eadem infirmitate, sæpius repeti voluere: Et enim in antiquo codice manuscriptorum S. Remigii, circa annum Milleimum exarato, & prolato ab

Hugone Menardo in *notis ad Sacrament. S. Gregorii* statuitur, infirmos vitam periclitantes, per septem continuos dies, & Christi Corporis Viatico recreandos, & sancto Oleo esse perungendos; eundemque ritum, clarius adhuc, & magis aperte præscribunt Theodulfus Aurelianensis in suo secundo Capitulari apud Baluzium tom. 7. *miscell.*, alique multi antiqui libri rituales, apud Martene *cit. lib. 1. cap. 7. art. 2. num. 5.* Sed usus postea ab universa Ecclesia receptus, a Theologis communi calculo approbatus, & Synodorum, ac Ritualium auctoritate roboratus, obtinuit, ut semel dumtaxat, in eadem infirmitate, extrema Unctio adhibeatur: una siquidem necessarias suppeditat vires, ad illa incommoda evitanda, quæ morbus affert, quo actu æger laborat; atque, ut Theologos prætermittamus, qui innumeri sunt, ita servandum decernunt statuta Synodalia Danielis Nanterensis, Stephani Parisiensis Episcopi, Synodus Cameracensis anni 1506. *tit. 12. cap. 4.*, Pastorale Mechliniense, Viennense, Lemovicense, aliasque quamplurima congesta a Launojo tom. 1. *pag. 552.*, & Van-Espen *cit. p. 2. tit. 8. cap. 3. num. 32. & seqq.* Durante autem eadem infirmitate, si post susceptam extremam Unctionem, morbus ita remittat, ut ægrotus moris periculum evasisse videatur, sed antequam convalescat, iterum in vitæ discrimen relabatur, etiam juxta præsentem disciplinam, poterit absque scrupulo, denuo sacra Unctione muniri, quemadmodum discrete tradit D. Thomas in 4. *dist. 23. art. 4. q. 2. §. Ad secundam questionem*, inquires: *Hoc Sacramentum non respicit tantum infirmitatem, sed etiam infirmitatis statum; quia non debet dari, nisi infirmis, qui secundum humanam estimationem videntur morti appropinquare.* Quædam ergo infirmitates non sunt diuturnæ: unde si in eis datur hoc Sacramentum, tunc cum homo ad illum statum perveniat, ut sit in periculo mortis, non recedit a statu illo, nisi infirmitate curata: Et ita iterum non debet inungi, sed si recidivum patiatur, erit alia infirmitas; & poterit fieri alia inunctio. Quædam vero sunt aggritudines diuturnæ, ut hæctica, & hydropsis, & hujusmodi: Et in talibus non debet fieri inunctio, nisi quando videntur perducere ad periculum mortis: Et si homo illum articulum evadas, eadem infirmitate durante, & iterum ad similem statum per illam infirmitatem redeatur, iterum potest inungi; quia jam est quasi alius infirmitatis status, quamvis non sit alia infirmitas simpliciter. Idem quod a D. Thoma audivimus, decernunt Synodus Lingonensis anni 1404., Senonensis anni 1524., Carnotensis anni 1526., apud Natalem Alexandrum *supra cit. lib. 2. cap. 5. regul. 19.*, quibus consentiunt Rituale Romanum *tit. de extrema Unctione*, Rituale Cardinalis Sanctorii *pag. 324.*, ubi legitur: *In eadem infirmitate hoc Sacramentum iterari non debet, nisi diuturna sit, & infirmus, cum visus esset melius se habere, iterum in periculum mortis incidit, Rituale Argentinenſe tit. de extrema Unctione §. 4.*, ac omnia Pastoralia modo commemorata, uti videre est apud citatum Van-Espen, qui non inopportune Parochos monet, ne nimium scrupulose in hoc se gerant; sed si dubitent, an revera morbi status sit mutatus, seu num idem, vel diversum sit vitæ periculum, in quo ægrotus

negrotus versatur, expedire ait, ut ad Sacramenti iterationem propendeant, eo quod hæc iteratio conformior sit veteri Ecclesiæ consuetudini, & per eam novum spirituale subsidium, & levamen infirmo obveniat.

## CAPUT XXIV.

*De cautela in Constitutionibus Synodalibus adhibenda, cum in eis agitur de sacramento Ordinis. Plura de questione, utrum in ejuslibet Ordinis minoris collatione verum conficiatur Sacramentum, quam nonnulli Episcopi in suis Constitutionibus Synodalibus aut decidisse, aut ignorasse visi sunt.*

I **V**idimus multis in Synodis, cum de sacris Ordinationibus habetur sermo, graviter increpati, qui ad Ordines suscipiendos accedere audent, cum conscientia peccati lethalis, eosdemque sacrilegii reos denuntiare; eo quod Ordinationis sacramentum, quod vivorum cum sit, exigit in suscipiente statum Gratiae, mortali culpa foedati participare præsumunt. Equidem ejusmodi reprehensionem summopere commendamus, multis quippe nominibus illicitum, & turpe credimus, quempiam, ullo, etiam minori Ordine, initiari, qui gravis culpæ reatu se non ignorat obstrictum; cui enim nefas non videatur, inter Ecclesiæ Ministros cooptari, sacrisque addici ministeriis, qui actu est Dæmonis servituti obligatus? Fatemur præterea, ejusmodi hominem vix eximi posse a sacrilegii reatu; tum quia plerumque, post susceptum etiam minorem Ordinem, sanctissimæ Eucharistiæ sit particeps; tum quia, quamvis ab hac percipienda abstineat, adhuc se exponit periculo sacrilegii, quod recte notavit Juevin *differt.* 8. *quest.* 7. *cap.* 2. *in princ.*, & ex mox dicendis patebit; sed non itidem approbamus adjectam objurgationis causam, quæ displicet etiam Navarro *man. cap.* 22. *num.* 18. v. *Quare probabilis*; per eam siquidem videtur affirmari, & pro certo haberi, in cujllibet, etiam minoris Ordinis collatione, verum confici Sacramentum, quod tamen esse in questione positum, ad rem monuit idem Navarrus, & hic paucis exponemus.

2. Ordinem, seu verius sacram illam cæremoniam, qua inaugurantur Ecclesiæ Ministri, cujus effectus est ipse Ordo, esse verum, & proprium novæ Legis Sacramentum, perfractæ quidem negarunt Lutherus in *lib. de captivitat. Babylon.*, *cap. de Ordine*, Illyricus in *confess. Antwerpensi cap.* 11. Kemnicus in 2. *part. examinis Concilii Tridentini, disp. de sacram. Ordinis*, aliique Novatores; sed omnes Orthodoxi constanter asserunt, & definitum est a Tridentino *sess.* 23. *cap.* 3. : *Cum Scriptura testimonio, Apostolica traditione, & Patrum unanimi consensu perspicuum sit, per sacram Ordinationem, quæ verbis, & signis exterioribus perficitur, Gratiâ conferri; dubitare nemo debet, Ordinem esse verum, & proprium unum ex septem sanctæ Ecclesiæ Sacramentis;*

*mentis*; & *can. 3.* Novatorum perstringens audaciam: *Si quis dixerit, Ordinem, sive sacram Ordinationem non esse vere, & proprie Sacramentum, a Christo Domino institutum, vel esse figmentum quoddam humanum, excogitatum a viris, rerum Ecclesiasticarum imperitis; aut esse tantum ritum quemdam eligendi Ministros verbi Dei, & Sacramentorum; anathema sit.* Hinc omnes Theologi inserunt, Fide Divina tenendum, saltem Ordinationem Sacerdotum, esse verum, & proprium Sacramentum: ad veritatem enim prædictæ definitionis universalis, necesse est, ut ea ad minimum complectatur Ordinum præstantissimum, quale est Sacerdotium: inter eosdem etiam communiter convenit, veram Sacramenti rationem participare Episcopatum, & Diaconatum; Quinimmo de Episcopatu, etiamsi ab aliquibus non censeatur Ordo diversus a Sacerdotio, cuius tamen, juxta omnes, est extensio, perfectio, & complementum, id esse pariter de Fide, affirmat Petrus Soto in *instit. Sacerdotum lect. 4. de sacram. Ord.*, aut saltem non posse, sine periculo, & gravis erroris nota, hoc tempore, negari, asserunt Medina *lib. 1. de sacrorum hominum continentia, cap. 15.* & Valquez *tom. 3. in 3. part. S. Thom. disp. 240. cap. 4. in princ.*: De Diaconatu vero, quamvis Bellarminus *controver. tom. 3. de sacram. Ord., cap. 6. in princ.* existimet id non esse de Fide; Quia non potest evidenter deduci ex verbo Dei scripto, vel tradito; neque extat ulla Ecclesia, de hac re, expressa determinatio; idemque asserant Dominicus Soto in *4. dist. 24. quest. 1. art. 4.*, & Estius *eadem dist., §. 8. v.* Ad questionem porro; attamen ex Tridentini definitione liquido inferri, autumat Valquez *eodem tom. 3. disp. 238. cap. 2.*, inquit: *Ego tamen valde miror, viros non vulgariter doctos, aut decretum Concilii Tridentini sess. 23. cap. 6. non legisse, aut plane non intellexisse, ubi definitur in hunc modum: Si quis dixerit, in Ecclesia Catholica non esse Hierarchiam, Divina ordinatione institutam, qua constas ex Episcopis, Presbyteris, & Ministris; anathema sit. Ex quo canone expresse liquet, Hierarchiam jure Divino institutam, non solum constare Episcopis, & Presbyteris, seu Sacerdotibus, sed etiam Ministris; per Ministros autem, ut minimum Diaconos intelligere oportet, cumque de ceteris inferioribus Ordinibus nemo, etiam probabilis conjectura ductus, asserere possit, canonem esse intelligendum, si preest, ut dicamus, de Diaconis non posse non intelligi.*

3. Consulto autem, pergit Valquez, Concilium eam vocem *Ministros* adhibuit, ut Diaconos denotaret: *De reliquis autem nihil definiret, sed Scholæ disputationi relinqueret; siquidem questio valde admodum difficilis, & implexa est; an reliqui Ordines, Diaconatu inferiores, verum sint Sacramentum. Omnes veram Sacramenti rationem participare, docent S. Thomas in 4. dist. 24. quest. 2. art. 1. quest. unc. 3., & in supplem. 3. part. quest. 37. art. 2., S. Bonaventura in 4. dist. 24. art. 2. quest. 4., Franciscus Victoria in Summ. de Sacram. quest. 226., Petrus Soto de instit. Sacerdotum lect. 4. circa medium, Silvester in Summ. V. Ordo 1. quest. 1. in fin. & quest. 2. in princ. Melchior Canus de loc. Theolog. lib. 3. cap. 4., Bellarminus cit. lib. 1. de sacram. Ord. cap. 7. & 8., quorum sententiam, & communio rem, & probabilio rem*

rem vocant Gregorius de Valentia tom. 4. *diffus.* 9. *quest.* 1. *punct.* 4. §. Tertia opinio, Hallier de sacris Eleſt. & Ordinatis. part. 2. ſect. 2. cap. 1. art. 2. §. 6. & 7. Caballutius in theor. & prax. jur. Canonice. lib. 3. cap. 16. num. 3. Auctor Theologiæ moralis ad uſum Seminarîi Petrocorienſis tom. 4. lib. 2. tract. 3. cap. 2. *quaſt.* 4. & 5., & Eſtius in 4. diſt. 24. §. 8. v. Alii denique, qui etiam paulo inferius v. Ad *quaſtionem* porro, ſibi videri addit, in hanc ſententiam propendere Concilium Florentinum, ac Tridentinum. Nec præterea deſuere aliquot juris Canonici Periti, quos refert Vaſquez diſp. 237. cap. 1., qui etiam primæ Clericali Tonſuræ veram Sacramenti rationem adſcripſerint.

4 Conſent alii, ex Ordinibus, infra Diaconatum, ſolum Subdiaconatum pertinere ad ſacramentum Ordinis, ceteros vero, quamvis certum Miniſtrorum ordinem in Eccleſia conſtituant, ad Sacramenti tamen dignitatem non aſſurgere, opinantur. Ita ſentiunt Michael Medina lib. 1. de Continent. cap. 46., Vaſquez cit. diſp. 237. cap. 2. & diſp. 238. per tot., & Navarrus man. cap. 22. num. 18. v. Quare probabilis videtur, in quorum ſententiam videtur nonnihil inclinare Cardinalis Bona rer. liturgic. lib. 1. cap. 25. ubi ſub num. 16. de Subdiaconis dubitat, an fuerint a Chriſto Domino inſtituti: Secundus Miniſtrantium locus Subdiaconorum eſt, quorum licet expreſſa mentio in ſacris Liſteris non reperiatur, eorum tamen inſtitutio, vel ad Chriſtum, ut recentiores Scholaſtici exſtimant, vel ad Apoſtolos eſt referenda; ceteros vero inferiores Ordines, recentioris eſſe inſtituti, non obſcure affirmat, inſiciens ſeq. num. 17.: Tertia claſſis Miniſtrantium Clericos minorum Ordinum complectitur; Acolytos ſcilicet, Exorcistas, Leitores, & Oſtarios, quos antiquiſſimos eſſe, & ab Apoſtolis, vel ab immediatis eorum Succeſſoribus inſtitutos, Doctores ſcholaſtici aſſerunt, ſed non probant.

5 Alii denique omnibus Ordinibus, exceptis Presbyteratu & Diaconatu, veram Sacramenti rationem, virtutem, & excellentiam adimunt. Hanc ſententiam tenuit Scholaſticorum princeps Petrus Lombardus lib. 4. diſt. 24., quem a ſuis diſcipulis pæne relictum, lectati poſtea ſunt, Habertus in notis ad Pontificale Grecorum pag. 48., Goarius in notis ad Euchologium pag. 247., Morinus de ſac. Ordinatis. exercit. 11. cap. 1., ubi tanta firmitate huic ſententiæ inhæret, ut eidem neminem facile contraire poſſe, arbitretur: Cum ego examino, & perpendo (ait Morinus) antiquiorum Patrum de Subdiaconatu, & minoribus Ordinibus teſtimonia, propoſitionem illam, qua aſſeritur, & Subdiaconatum, & quatuor minores Ordines non eſſe Sacramenta, iudico tam eſſe certam, & evidentem, ut, qui ea conſideraveris, ire contra vix poſſis; Morino conſentiunt Juenin de Sacram. diſſert. 9. *quaſt.* 6. cap. 1. Tournely de ſacram. Ord. *quaſt.* 6. art. 4. & art. 5., alique plurimi recentiores, Boucat in Theologia Patrum tom. 5. diſſert. 6. de Ordinis inſtitutione art. 8. ubi late offendere conatur, opinionem hanc eſſe valde probabilem, VViſſe in tract. de ſacram. Ordinis part. 2. *quaſt.* 4. art. 2. Habert in Theologia dogmatica & morali tom. 7. de Ordine part. 1. cap. 6. per tot. l' Herminier in tract. de Sacramentis tom. 3. cap. 3. conſcluſ. 3. & 4.

6 Ideo

6 Ideo autem Doctores in tot diversas scissi sunt opiniones, quia obscura, & incerta est Ordinum, infra Diaconatum, origo, a qua unice pendet quaestionis decisio: Etenim, si ea referenda sit ad Christi Domini institutionem, nemo audebit illis detrachere Sacramenti dignitatem, cujus cetera habere requisita, facile demonstrabunt: si vero adinventi, & constituti sint ab Ecclesia, non poterunt sane veram participare rationem Sacramenti, ad quod de novo instituendum, sola Ecclesiae auctoritas non protrahitur. At hanc originem indagare est operosum, assequi vero fere impossibile. Fatentur omnes, in sacris Litteris nullam fieri mentionem de Ordinibus Diaconatu inferioribus; sed non exinde recte inferri, eos non esse a Christo Domino institutos, ajunt Auctores primae sententiae; potuit quippe evenire, eorumdem institutionem fuisse a Christo Domino Apostolis ore traditam; atque ita reapse evenisse, hac ratiocinatione, plane ostendi opinantur: *Quod universa tenet Ecclesia, nec Concilium institutum, sed semper retentum est, non nisi auctoritate Apostolica traditum rectissime creditur*: Firmissima regula est, quam nobis praebet Augustinus lib. 4. contra *Donatistas*, cap. 24. num. 31. (tom. 9. oper. col. 140.) Hanc autem regulam rei nostrae convenire, est manifestum: Etenim, quin ullum reperitur Concilium, in quo instituti fuerint Ordines, Diaconatu inferiores, eos nihilominus semper, ab Ecclesiae primordiis, in Ecclesia fuisse, semperque constanter retentos, scimus. Equidem, quod speciatim attinet ad Subdiaconatum, expressam illius mentionem faciunt, Cyprianus *epist.* 42., Synodus Eliberitana *can.* 30. (tom. 1. collect. Hard. col. 253.), Laodicensis *can.* 21. & 22. (*ibid.* col. 785.), Athanasius *epist.* ad *Solitarios*, & Synodus Carthaginensis 14. anni 398. *cap.* 5. (tom. 1. collect. Hard. col. 979.): quod vero ad alios pertinet minores Ordines, idem Cyprianus in eadem epistola, praeter Hypodiaconum, nominat Acolytum, cujus pariter meminit Augustinus *epist.* 194. alias 105. quam se, per Albinum Acolytum, Sixto misisse significat; Cyprianus itidem *epist.* 33. affirmat, Aurelium Confessorem, fuisse a se in Lectorem ordinatum; & Confessores ad eundem Cyprianum scribentes, *epist.* 17, & Lectorem, & Exorcistam commemorant: *Prasente* (inquiunt) *de Clero, & Exorcista, & Lectore*; Lectoris quoque sit mentio in Concilio Sardicensi *an.* 347. *can.* 13. (tom. 1. collect. Hard. col. 645.) & Chalcedonenſi *can.* 13. (tom. 2. ejusd. collect. col. 607.) Narrant praeterea Theodoretus lib. 3. *cap.* 2., Socrates lib. 3. *cap.* 1. Julianum, ante apostasiam, fuisse Lectorem in ecclesia, & post apostasiam jussisse, ut, ad instar Ecclesiae Catholicae, in templis Gentilium essent Lectores. Sed, quod magis est, Cornelius Papa epistola ad Fabium, Episcopum Antiochenum, circa annum 251. exarata, Romanum Clerum enumerans, omnes nominatim, & majores, & minores Ordines recenset, Romae adesse affirmans, num. 3. (ex recens. Constant. col. 150.) *Presbyteros quadraginta sex, Diaconos septem, Subdiaconos septem, Acolytos duos, & quadraginta, Exorcistas autem, & Lectores, cum Ostiariis quinquaginta duos*, & citata Synodus Carthaginien-

ſis 37.

sis IV. can. 5. 6. 7. 8. & 9., non solum singulos prædictos Ordines nominat, sed modum designat, quo eorum quilibet ab Episcopo conferretur. Porro recentiores hujus sententiæ Patroni missæ faciunt antiquioris testimonis, quæ ad eandem roborandam assertionem, olim proferebantur, ex Canone Apostol. LXIX., ex Constitut. Apostol. lib. 3. cap. 11., ex Epistola Ignatii ad Antiochenos, ex Dionysio cap. 3. *Eccles. Hierarchy*, atque ex Synodo Romana, sub Silvestro, in quibus iidem Ordines singillatim pariter enumerantur, quia seivus ab hodiernis Criticis rejici, & suppositicia haberi: neque hisce dubijs monumentis, se indigere autumant, cum ex allatis, certo genuinis, satis luculenter demonstratum credant, omnes Ordines, ab Apostolis ad nos pervenisse: Si enim (concludit Melchior Canus cit. lib. 3. cap. 4., ubi regulam ab Augustino acceptam, rei, quam versum, applicat) consuetudinis cujusquam *divi in tota Ecclesia observata, originem, & principium, nec ad summos Pontifices, nec ad Concilia Episcoporum referre possimus: sed ea consuetudo ad Apostolorum usque tempora retrahitur, censetur plane, illam ab Apostolis esse profectam*.

7 Verum plura ad hæc reponunt Auctores contrarii; atque in primis: Etsi (inquiunt) omnium Ordinum origo ad Apostolos referatur, actamen non inde conficitur, eos esse a Christo Domino, omnium Sacramentorum auctor Legis primo, & unico Auctore institutos, ut enim ibidem fateatur idem citatus Melchior Canus, ipsimet Apostoli pleraque ad Ecclesiæ utilitatem constituisse, potestate quidem a Christo Domino accepta, sed quæ sibi non fuerant ab eodem Christo immediate tradita, quæque propterea obnoxia fuere mutationibus, quibus certe non potuerunt subesse præcepta a Christo data, multoque minus Sacramenta, ab eodem instituta. Hujus autem secundi generis esse Ordines, Diaconatus inferiores, etiam si Apostolis suam deberent institutionem, vel ex hoc evidenter constat, quod nec semper, nec ubique iidem, atque eodem numero sint habiti. Etenim Ecclesia Græca, quidquid sit, an proxima ab Apostolis ætate, omnes habuerit minores Ordines, quod negat quidem Morinus *enarrat. XIV. cap. 1.*, sed affirmat Schellstratus ad *Concil. Antiochen. dissert. 4. cap. 17.*, & pluribus probat Hallier *de sacr. Elect. & Ord. part. 2. sect. 1. cap. 1. art. 3. §. 4. num. 27.*, nunc certe alios Ordines, infra Diaconatum non admisit, nisi Subdiaconatum, & Lectoratum, ceteros vero in suis Euchologiis, a mille, & amplius annis, nunquam recessit. Similem mutationem factam deprædicant in Ecclesia Latina, in qua ultra quatuor minores Ordines, quos retinemus, quondam numerabatur etiam Ordo Cantorum, seu *Psalmistarum*, de quo sit expressa mentio in Concilio Carthaginensi III. anni 397. can. 21. (*tom. 1. collect. Hard. col. 963.*): *Ut Clericum alium, nisi concedente ejus Episcopo, nemo audeat vel retinere, vel promovere in Ecclesia sibi credita. Clericorum autem nomines solum Lectores, & Psalmista, & Organarii ratiunt, & in cit. Concilio Carthaginensi IV. can. 10., ubi specialis ritus præscribitur ordinandi Psalmistam, seu Cantorem; & magis*

magis disertè Isidorus Hispalensis *etymol. lib. 7. cap. 12.*, *relat. in ean. Cleros dist. 21.*, inter Ecclesiæ Ministros, proprium, & distinctum locum assignat Psalmistis. *Generaliter Clerici nuncupantur omnes, qui in Ecclesia Christi deservunt, quorum gradus, & nomina sunt hæc, Officiarius, Psalmista, Lector, Exorcista, Acolytus, Subdiaconus, Diaconus, Presbyter, Episcopus.* Præter Cantores fuisse etiam decantant alios minores Ordines, postea obliteratos, præcipue Fossariorum, qui etiam Laborantes, & Copiata sunt appellati; Custodum Martyrum, & Notariorum. De Fossariis, quorum officium erat, operam impendere, in sepeliendis Fidelium corporibus, meminit Hieronymus, seu quicumque sit Auctor tractatus de septem Ecclesiæ gradibus, ad Rusticum Narbonensem; iidemque Clericis annumerantur in *cod. Theodosiano leg. 15. tit. de Episcopis, lib. 16.* Custodibus Martyrum, ita dictis, quod ipsis concederetur custodia ecclesiarum, ubi sepulta erant Martyrum corpora, peculiarem in Ecclesia gradum attribuit Synodus, quæ dicitur Romana, sub Silvestro Papa, ubi de iis, qui in Ecclesia militare, ac proficere desiderant, decernitur, ut in pluribus gradibus, aliquo temporum intervallo, morentur, ac quinque annis Custodes Martyrum existant, antequam ad Diaconatus, vel Presbyteratus Ordinem ascendant; quamvis enim hæc Synodus spuria habeatur, exhibet tamen disciplinam sexti sæculi, quo creditur conficta. Notarios denique, qui curam habebant instrumentorum, & tabularum ecclesiæ, peculiarem constituisse Clericorum Ordinem, colligunt ex Ennodio Ticinensi, in vita Antonii Monachi Lirinensis, quem refert a Constantino Antistite, inter Ecclesiasticos Exceptores, seu Notarios, cælestem militiam jussu ordini; atque ex libro Pontificali in Hadriano I., quem Notarium Regionarium, postea Subdiaconum, demum Diaconum factum, ad Pontificatum ascendisse, narrat.

8 Sed, ut quod sentimus, aperte dicamus, nunquam Ecclesiam Latinam alios Ordines agnovisse credimus, præter eos, quos singulatim recensuit Cornelius Papa: quia vero Clericis, aliquo ex iis Ordinibus initiatis, diversa committebantur officia, ex istorum diversitate, diversam pariter sortiebantur nomenclaturam, puta Cantoris, Fossarii, Custodis Martyrum &c., quod bene ponderavit Bellarminus *de Clericis lib. 1. cap. 11.*, & suse probat Hallier *de sac. Elec. & Ordinac. par. 2. sect. 1. cap. 1. art. 1. §. 4.* Et profecto, quod Cantores, de quibus videtur esse specialis difficultas, merum haberent officium, sine vero Ordine, a ceteris distincto, eruitur ex ipsomet Concilio Carthaginiensi IV. *capitul. 10. (tom. 1. collect. Hard. col. 979.)* in contrarium allegato; ibi enim omnium Ordinum collatio ab Episcopo dicitur facienda; Cantoris autem munus, sola Presbyteri jussione, suscipi, atque exerceri permittitur: *Psalmista, idest Cantor potest absque scientia Episcopi, sola jussione Presbyteri, officium suscipere cantandi.* Ceterum, si ex diversis officiis, quibus Clerici addicebantur, & diversa, quam inde assequiebantur, nominis appellatione, Ecclesiasticorum Ordinum diversitas inferretur, nimium ingens sane fuisset, apud Majores no-

stros,



ftros, minorum Ordinum numerus: etenim in Ecclesiasticis tabulis recensentur *Catechiste*, veluti specialem gradum in Ecclesia obtinentes, & tamen discimus a Cypriano *epist. 24.* ad hoc munus obeundum, aliquem inferioris Ordinis Clericum seligi consuevisse, quin idcirco ad novi Ordinis gradum promoveretur: *Opertum* (ait Cyprianus) *inter Lectores Doctorem Audientium constituimus*. In l. 42. & l. 43. cit. 2. cit. lib. 16. cod. Theodosiani commemorantur *Parabolani*, hoc est, ut in eadem l. 43. explicatur, homines ad curanda debiliū agra corpora deputati, quos e Clericorum cœtu fuisse, ibidem adnotavit Gothofredus, testaturque Baronius ad. an. 416., quia tamen, eodem Baronio observante, novum, & peculiarem Clericorum Ordinem constituerent. Erant pariter Defensores pauperum, & Defensores ecclesiarum; de illis sermo est in Concilio Carthaginiensi V. anni 401. can. 9. (tom. 1. coll. 7. Harduini col. 938.) ; de istis mentio fit in Concilio Chalcedonensi cap. 23., utroque vero, quamvis Petavius in notis ad Epiphani. *haeres. LXII.* num. 10., inter Laicos collocet, attamen Morinus *exercit. 16. cap. 6. num. 16.*, ex Ecclesiasticis monumentis constare asserit, ea munera, non nisi Clericis consuevisse committi. E Clericorum insuper numero eligebantur ecclesiarum *Oeconomi*, de quibus in Concilio Ephesino *act. 1.*, & in Concilio Chalcedonensi *can. 2.*; & *can. 26.* (tom. 2. *collectio. Hard. col. 601. & 611.*) Ex eodem designabantur *Apocrisarii*, de quibus *Libellatus brevitar. cap. 12.*, *Euagrius lib. 4. cap. 38.*, & *Iulianus Imp. Novell. 6. cap. 2.*, quorum id erat officii, ut tanquam Procuratores, omnes causas Ecclesiasticas, ad eos, a quibus mandatum acceperant, attinentes, in aula Imperatoris agerent. Atque, ut alios hujus generis multos prætereamus, Epiphanius *expofit. Fid. num. 21.* Ecclesiæ Ministris accenset *Hermeneutas*, seu Interpretes, quorum munus erat, ex una in aliam linguam transferre, tam lectiones Scripturarum, quam conciones ab Episcopis ad populum habitas; ejusmodi vero munus fuisse speciale, atque ab aliis distinctum, liquet ex Actis Passionis Procopii Martyris, a Valesio publicatis in not. ad *Euseb. de Martyr. Palaest. cap. 1.*, hæc de Procopio narrantibus: *Ecclesia tria ministeria praebebat. Unum in legendi officio, alterum in Syri interpretatione sermonis, & tertium adversus Demones, manuum impositione; nisi igitur dicamus omnia, quæ retulimus, & quamplurima similia, quæ referri possent, nomina fuisse officiorum, non Ordinum, admittere cogere-mur in antiqua Ecclesia Ordines fere innumeros, quod nemo facile credet. Quamobrem quod ex Morino retulimus, argumentum, suas quidem vires habet, qua parte pervetusta innititur consuetudine Ecclesiæ Græcæ, tres minores Ordines jamdiu respuentis; sed inefficax est, quantum ad variationem, quam factam attruit, in Ecclesia Latina. quoad eorumdem numerum. Majoris ponderis sunt alia, quæ ab eodem Morino, eique adstipulantibus Theologis proferuntur, ad suam sustentandam opinionem.*

9 Verum Sacramentum, ajunt, Gratiam producit ex opere operato;  
Tom. XII. V v eaque

eaquē Gratia, per aliquod signum sensibile, significatur; at in collatione quinque Ordinum inferiorum, nihil sit, quod Gratiaē productionem arguat; non enim conferantur per manus impositionem, sicuti tres Ordines supremi, qua Gratiam significari, & causari docet S. Thomas in 4. dist. 15. quest. 1. art. 1., & 3. part. quest. 84. art. 4.; nec Episcopus eos conferens dicit; *Accipe Spiritum Sanctum*; aut his æquivalentia verba pronuntiat. Neque in hoc ullum intercedit, aut unquam intercessit discrimen, inter Subdiaconatum, aliosque inferiores Ordines: nam laudatum Concilium Carthaginienſe IV., postquam can. 2. 3. & 4. dixerat, Episcopum, Presbyterum, & Diaconum ordinari per manuum impositionem, can. 5. expresse statuit; *Subdiaconus cum ordinatur, quia manus impositionem non accipit, Patenam de Episcopi manu accipiat vacuam, & Calicem vacuum*; Sacramentarium pariter S. Gregorii, vetus Ordo Romanus, & hodiernum Pontificale Romanum Subdiacono denegant manus impositionem; quinimmo idem Subdiaconatus olim in Ecclesia Latina accensebatur minoribus Ordinibus, in quorum classem etiam num a Græcis rejicitur; tum vero primum apud nos coepit sacris annumerari, cum Urbanus II. in Concilio Beneventano anni 1091. can. 1. (tom. 6. part. 2. collect. Hard. col. 1696.) permisit, ut interdum, *sed rarissime, opportunitate exigente, & non sine Romani Pontificis, vel Metropolitani licentia*, Subdiaconus eligi posset in Episcopum, quem ex solo coetu eorum, qui sunt in Sacris constituti, assumendum, veteres Canonες sanciverant, quod testatur Innocentius III. in cap. *A multis, de etat. & qualis. & ordin. presbiterorum*. Cum hodie Subdiaconatus, inter sacros Ordines computetur, sicuti Urbanus Papa Secundus sub his verbis expressit . . . . *Qui in sacris Ordinibus, Presbyteratu, Diaconatu, & Subdiaconatu sunt positi; immo observat Thomassinus de vet. & nov. Eccles. discipl. par. 1. lib. 2. cap. 33.*, non ab Urbano II., sed ab ipsomet Innocentio III. fuisse Subdiaconatum in sacros, & majores Ordines relatum, cum scilicet ipse, in cit. Decretali statuit, ut, absque ulla dispensatione *Subdiaconus in Episcopum valeat libere eligi, sicut Diaconus, vel Sacerdos*; hanc vero sanctionem adscribit Urbano II., quia is illi præhuserat, ejusque jecerat fundamenta, permitrens ex venia, & indulgentia fieri, quod, ne ex venia quidem, antea fiebat, & postmodum Innocentius libere fieri permisit. Sed siue Innocentius, siue Urbanus Subdiaconatum e minorum in majorum Ordinum classem evererit, sat est, eum quondam locum habuisse inter minores Ordines, ne, in re, de qua agimus, ulla inter eundem, & minores Ordines ponenda sit differentia.

10 Sed quid aliunde argumenta querimus (pergit Morinus) ad probandum Subdiaconatum, eoque inferiores Ordines, non pertinere ad Hierarchiam, Divina ordinatione institutam, cum id clare, & expresse asseruerit idem Urbanus II. in cit. can. 1. hisce verbis: *Nullus deinceps in Episcopum eligatur, nisi qui in sacris Ordinibus religioſe vivens inventus est. Sacros autem Ordines dicimus Diaconatum, ac Presbyteratum. Hos siquidem solos pri-*  
mitiva

*mitiva legitur Ecclesia habuisse, super his solum preceptum habemus Apostoli &c. Urbano concinit Gratianus, qui, medio seculo XII., suum compilavit Decretum, scribens initio dist. 21: Levitas ab Apostolis ordinatos legimus .... Subdiaconos, & Acolytos, precedente tempore, Ecclesia sibi constituit. Ante Gratianum, & Urbanum II., seculi IX. initio, id ipsum aperte tradiderat Amalarius lib. 2. de Divinis Officiis, cap. 6., inquit: 'Primo notandum, eos Ordines, qui potissimum necessarii sunt in Ecclesia, Apostolum Paulum denominasse, & eorum mores depinxisse, sine quibus non potest rite immolatio altaris celebrari, scilicet sine Sacerdote, & Diacono . . . Ceteri Ordines his adjecti sunt. Crescente Ecclesia, crevit Officium Ecclesiasticum, ut multitudini Ecclesia subveniri posset, adjiuntur inferiores in adjutorio Præpositorum. Unde Ambrosius in tractatu epistole ad Timotheum: Illud vero dictis nostris adjecti dignum est, quoniam non convenit demirari, si neque Subdiaconorum, neque Lectorum memoriam Apostolus fecisse videtur: Illis enim gradibus functionum, qui in Ecclesia necessario habentur, isti postea magis sunt adjecti, propter utilitatem ministerii.*

11 Idem affirmavit Magister sententiarum cit. l. 4. dist. 24.: *Canones duos tantum sacros Ordines appellari censent, Diaconatus scilicet, & Presbyteratus: quia hoc solum primitiva Ecclesia legitur habuisse . . . Subdiaconos vero, & Acolytos, precedente tempore, Ecclesia sibi constituit. Et quod magis est, S. Thomas, qui aliis in locis singulis Ordinibus veri Sacramenti, a Christo Domino instituti, excellentiam asserit, in cap. 3. epist. 1. ad Timoth. lect. 2., Magistrum sequutus, ait: In primitiva Ecclesia solum erant tres Ordines . . . Episcoporum, Presbyterorum, & Ministrorum; & non dividebantur per diversos gradus; sed omnes erant in uno Ordine, propter paucitatem Ministrorum, & propter novitatem Ecclesie, ex quo colligitur, dubiam saltem fuisse, hac in re, Angelici Præceptoris mentem.*

12 Dubii pariter & Nos hæremus, nec ullam, in hac difficillima controversia, sententiam serimus, ideo autem rationes attigimus, quæ in utramque partem adducuntur, & paulo prolixius illas expolvimus, quæ postremæ favent opinioni, ut videant Episcopi, non posse indubitanter sacrilegii damnari, qui cum conscientia peccati lethalis, Ordines, Diaconatu inferiores, suscipere non reformidant: *Durum quippe videtur (ad rem inquit Navarrus cit. cap. 22. man. num. 18. loquens de Ordinibus minoribus) damnare omnes, qui accipiunt eos, non præmissa Confessione, vel saltem Contritione sufficienti, quorum infinitus videtur esse numerus, quod tamen necesse esset facere, si essent Sacramenta vera, Gratiam conferentia ex opere operato. Loquitur vero Navarrus in eventu, quo conlerantur extra Missarum solemniam, nec subinde debeant illis initiati, sanctissimam Eucharistiam percipere, quod tamen regulariter fieri non solet, nec fortasse sine rationabili causa licet, ut paulo inferius dicitur. Quocirca Episcopus in sua Synodali instructione, seu edicto tunc poterit prædictos temerarios, & pervicaces homines, hoc nomine, sacrilegos declarare, quod peccati forde contaminati, non vereantur immaculatis Christi carnibus vesci, & solum*

cavere debent ab alia adducenda sacrilegii causa, quod scilicet ad sacramentum Ordinis accedere præsumant, ne tali pacto, aut controversiam ignorare, aut illam videantur decidere.

## CAPUT XXV.

*Quod nihil in Synodo sit decernendum de trium hierarchicorum Ordinum materia, & forma insinuat, exemplo, desumpto ex quadam questione Congregationi Concilii proposita.*

**S**I Episcopus velit in sua Synodo peculiariter differere de singulis Ordinibus, quod a plerisque, ad Ordinandum instructionem prudenter factitatum, comperimus, diligenter curet, ut omnia ad amussim iis respondeant, quæ de iisdem Ordinibus a Catechismo Romano traduntur, atque omnino declinet quæstiones in scholis agitata, maxime circa materiam, & formam trium hierarchicorum Ordinum: Ne secus in ea se conjiciat difficultatum dumeta, a quibus vix possit explicari; quod ne perperam a Nobis monitum videatur, ad rem facientem, quæstionem subnectimus, de qua, priusquam huic Operi extremam manum admoveremus, fuit in sacra Congregatione Concilii disceptatum. Quidam Sacerdotio initiandus, etsi omnes consueta manuum impositiones ab Episcopo accepisset, ad Episcopum tamen, solita Patenæ cum Hostia, & Calicis cum vino, instrumenta porrigentem, ad alia tunc temporis distractus, non accessit. Re postea detecta, quid facto opus esset, dubitatum, atque a sacra Congregatione petum est. Difficultatis decisio ab illa pendebat gravissima controversia, inter Theologos agitata, circa materiam, & formam Ordinis Presbyteratus.

2 Antiquiores Scholastici, quos Socus in 4. dist. 24. quest. 1. artic. 4., & teste Goneto in clypeo disp. 2. art. 3., plerique alii Thomistæ sectantur, aliam non agnoverunt Ordinationis materiam, quam porrectionem instrumentorum, neque aliam formam, quam verba huic porrectioni adjuncta. Eorum præcipuum fundamentum situm est in decreto, ab Eugenio IV. edito, in Concilio Florentino, ad Armenorum instructionem, ubi cum singulorum Ordinum materiam, & formam singillatim Eugenius recenscat, solam porrectionem instrumentorum, & quæ eam comitantur verba, commemorat, inquit enim (tom. 9. collect. Harduin. col. 440.) *Sextum Sacramentum est Ordinis, cujus materia est illud, per cujus traditionem confertur Ordo: sicut Presbyteratus traditur per Calicis cum vino, & Patenæ cum pane porrectionem. Diaconatus vero per libri Evangeliorum dationem. Subdiaconus vero per Calicis vacui, cum Patenæ vacua superposita traditionem: & similiter de aliis, per verum, ad ministeria sua pertinentium, assignationem. Forma Sacerdotis talis est; Accipe potestatem offerendi Sacrificium in Ecclesia pro vivis, & mortuis, in nomine Patris, & Filii, & Spiritus Sancti; & sic de aliorum*

aliorum Ordinum formis, prout in Pontificali Romano late continetur, cujus quidem decreti auctoritate suffulti præfati Auctores, adeo tenaciter suæ opinioni adhæserunt, ut interrogati, cujusnam instrumenti traditione, Evangelicæ prædicationis initio, ab Apostolis ordinarentur Diaconi, cum nondum Evangeliorum liber esset conscriptus, sine hæsitatione responderunt, ejus loco, porrectam fuisse Ordinando chartam, in qua Fidei nostræ mysteria erant conscripta, quam sane ridiculam, & plane absurdam responsum explodit Isambertus de sacram. Ordinis disp. 3. art. 6.

3 Alii, cum ex una parte prædictum Eugenii decretum præ oculis habuerint, atque ex alia animadverterint, in sacris Litteris, ubicumque de sacra Ordinatione fit mentio, non aliter eam explicari, quam per manuum impositionem; Alii enim 6., cum de constituendis Diaconis, Apostoli deliberassent, eorumque electionem Discipulorum multitudini permisissent, septem ab his designatis, orantes manus imposuerunt, & cap. 13. de Ordinatione Pauli, & Barnabæ, dicitur: Tunc jejunantes, & orantes, imponentesque eis manus, dimiserunt illos; Paulus itidem 1. ad Timoth. 4. scribit: Non te negligere gratiam, quæ data est tibi, cum impositione manuum Presbyterii, & epist. 2. ad eum. id. cap. 1. Admonet te, ut resuscites gratiam Dei, quæ est in te, per impositionem manuum mearum; Ut hæc testimonia, cum prædicto decreto simul conciliarent, docuerunt, tam porrectionem instrumentorum, quam manuum impositionem, esse Episcopatus, Presbyteratus, & Diaconatus adæquatam materiam; formam vero esse verba, quæ in utraque actione ab Ordinate proferuntur. Ex tribus autem mox referendis, manuum impositionibus, quæ adhibentur in Ordinatione Presbyteri, tertiam dumtaxat, quæ fit sub hac formula, Accipe Spiritum Sanctum, quorum remisistis peccata &c. ad Sacramenti essentiam pertinere, illi Auctores autumant. Ita Bellarminus de sacram. Ordin. lib. unie. cap. 9., Maldonatus tract. de sacram. Ordin. quest. 3. part. 2. prop. 1. & 4., ubi hanc assertionem, quoad manuum impositionem esse de Fide, quoad porrectionem instrumentorum, proxime ad Fidem accedere, ait, Vasquez in 3. part. disp. 239. cap. 2. 3. & 4., Hallier de sacris Elect. & Ordin. par. 2. sect. 2. cap. 2. art. 1. §. 10. & seqq., Estius in 4. dist. 24. §. 24., Isambertus cit. loc., Piette de sacram. Ord. quest. 9., Van-Roy eod. tract. cap. 3. quest. 1., Simonnet. tract. 17. de Ord. disp. 3. art. 1., aliique innumeri.

4 Alii demum existimant, trium Ordinum hierarchicorum, Episcopatus videlicet, Presbyteratus, & Diaconatus, adæquatam materiam, & formam, solam esse manuum impositionem, cum ei respondentibus verbis; porrectionem autem instrumentorum ritum censent mere accessorium, & integrantem, ab Ecclesia adjunctum, ad majorum dumtaxat significationem, & expressionem collatæ potestatis. Quoniam vero in Ordinatione Presbyteri ter Episcopus manus imponit Ordinando: primò, absoluit litanis, una cum sibi assistantibus Presbyteris, nihil dicens: secundò, immediate post primam, invocans in Electum gratiam, & dona Spiritus

tus

tus Sancti: tertiò, post Communionem, proferens illa verba, *Accipe Spiritum Sanctum &c.*; non primam, neque tertiam, sed tantum secundam, cum adjunctis precibus, totam Sacramenti essentiam perficere, hujus sententiæ Patroni contendunt: non immerito tamen advertit mox citandus Martene, secundam manuum impositionem non differre a prima, sed esse illius continuationem, quod revera utramque inspicienti est manifestum. Ultro porro iidem concedunt, ceteros Ordines, Diaconatu inferiores, per solam instrumentorum traditionem conferri: quoniam, ut ipsi opinantur, non sunt a Christo Domino instituti, sed ab Ecclesia adinventi, ac proinde, cum non participent veram rationem Sacramenti, neque conferant Gratiâ ex opere operato, potuerunt quocumque alio modo, ad Ecclesiæ placitum, institui, & conferri. Hanc sententiam propugnant Hugo Menardus in *notis ad lib. Sacramentor. S. Gregorii*, Joannes Morinus de *sacris Ordinibus part. 3. exercit. 7. cap. 1.*, Martinus Becanus de *sacram. Ordin. cap. 26. q. 4. conclus. 3.*, Goarius in *not. ad Euchologium Grecorum pag. 256. num. 11.*, Arcudius *concord. lib. 6. cap. 7.*, quibus in locis hi duo posteriores Doctores, non de sola Ecclesia Græca, sed etiam de Latina expresse loquuntur, Juenin de *Sacram. dissert. 9. q. 3. cap. 2. & quest. 4. cap. 2. & 3.*, Van-Espen *J. E. U. part. 2. tit. 9. cap. 1. num. 9. & seqq.*, Martene de *antiqu. Ecclesiæ ritib. lib. 1. cap. 8. art. 9. num. 11. 16. & 18.*, Tournely de *sacram. Ordin. q. 3. conclus. 1. & 2.*, alique recentiores, quibus faciem prætulerant S. Bonaventura in *4. dist. 24. part. 2. art. 1. q. 4.*, & Petrus Sotus *lib. de instit. Sacram. lect. 5.*, quorum primum hanc sententiam expresse docuisse, alterum vero maxime in eam inclinasse, fatetur Vasquez *cis. disp. 239. cap. 2. num. 5.*

5 Duo autem sunt argumenta, quibus hanc assertionem, nedum probari, sed evidenter demonstrari, putat Morinus. Primum ex eo defumitur, quod per annos, ad minimum nongentos, Ordines hierarchici, in universa Ecclesia collati fuerint, per solam manuum impositionem, absque ullius instrumenti traditione; quod etiam Doctores contrariæ sententiæ, cum Bellarmino, & Hallier *cit. loc.*, coguntur admittere: nulla quippe traditionis instrumentorum occurrit mentio, in antiquis Ritualibus, & Sacramentariis, a Menardo, Morino, & Martene diligenter perquisitis, & prolatis; quinimmo in supracitato Concilio Carthaginienſi IV., anni 398., cui Episcopi 214., inter quos Augustinus, interfuere, per hoc, Subdiaconatus, ab hierarchicis Ordinibus distinguitur, quod isti manuum impositione, ille vero instrumentorum porrectione conferretur, sicuti animadvertimus; eandemque differentiam fieri, legimus in antiquo Sacramentario Romano, edito a Cardinali Thomasio *pag. 229.*; nullam etiam instrumentorum traditionem commemorant Amalarius Fortunatus, Rabanus Maurus, & Valafridus Strabo, etsi de ritibus conferendi sacros Ordines, fufe, atque ex professo agant. Altum similiter, apud eosdem Scriptores, atque in vetustissimis libris ritualibus, est silentium, de tertia impositione manuum, nunc fieri solita, in Ordinatione Presbyteri, cum illis

illis verbis, *Accipe Spiritum Sanctum &c.*, cujus nullum inveniri monumentum, illo antiquius, quod extat in vita Lietberti, Episcopi Cameracensis, qui vixit sæculo x., testatur Martene *cit. art. 9. num. 12.*, unde infert idem Martene, hunc ritum, saltem, quoad totam Ecclesiam Latinam, esse adhuc recentiorum altero, porrigendi instrumenta, quem ceteroquin non ante annos 700., aut ad summum 800. in Ecclesiam Latinam inductum, ex iisdem Ritualibus plane constat. Quare, inquirunt laudati Doctores, ne alterum ex his dicamus, nimirum, aut mutatam fuisse Sacramentorum substantiam, quod erroneum; aut antiquam Ecclesiam caruisse vero Sacerdotio, & legitimis Ministris, quod aperte hæreticum foret, necessario dicendum est, etiam nunc Ordines hierarchicos, sola manu impositione, & quidem distincta ab illa tertia, quæ est recentioris ævi, conferri.

6 Porro non aliud Ecclesiam sibi voluisse, credendum est, cum prædicta additamenta sacræ Ordinationi fieri præcepit (pergunt iidem Doctores) quam magis diserte explicare potestatem, quæ secunda manu impositione, est abunde Ordinato collata, quemadmodum, priusquam Scholasticorum opinio omnium menti altius infunderet, falsi sunt Hugo a Sancto Victore lib. 2. de Sacram. part. 3. cap. 12., iniquens: *Accipiunt Calicem cum vino, & Patenam cum Hostiis de manu Episcopi, quatenus his instrumentis potestatem se accepisse agnoscant, placabiles Deo hostias offerendi, ac totidem fere verbis Petrus Lombardus lib. 4. dist. 24.: Accipiunt etiam Calicem cum Hostiis, ut per hec sciant, se accepisse potestatem, placabiles Deo hostias offerendi;* quibus consentit antiquum Pontificale Romanum MS. bibliothecæ Colbertinæ, ubi legitur: *Accipiat Patenam cum Oblatis, & Calicem cum vino, & ponat simul in manibus Ordinati cujuslibet per se:* Etenim cum dicat Ordinari, & non Ordinandi aperte denotat, ante instrumenti traditionem, absolutam, & perfectam jam esse Ordinationem.

7 Alterum, nec minus validum argumentum huic sententiæ astruendæ, suppeditat Ecclesia Græca, quæ in sacris Ordinationibus perficiendis, aliam non adhibuit, neque adhibet materiam, præter manuum impositionem, uti legere est in Græcorum Euchologio, & testatur Arcudius *cit. lib. 6. cap. 2.*, quin tamen Ecclesia Romana ejusmodi Græcorum Ordinationes unquam irritas habuerit, aut ullo pacto improbaverit; immo de illarum validitate, non solum nihil dubitarum fuit in Conciliis Lugdunensi, & Florentino, quibus Græci cum Latinis adfuere, sed nihil præterea dubitavit Clemens VIII., qui Russorum Episcopos, Presbyteros, & Diaconos, ad Catholicam unitatem admisit, cum Ordinibus, quibus secundum ritum Græcorum, insigniti fuerant, in suo schismate, qui late prosequuntur Natalis Alexander in *Theolog. dogmat. & moral. lib. 2. de sacram. Ordin. art. 7. §. 2.*, Morinus de *sacr. Ordination. par. 3. exercit. 7. cap. 1. num. 8.*, Caballut. in *notis. Ecclesiast. sæculi 14. in appendic. ad can. Concilii 14. Carthaginensis, num. 4. & 5.*, Tournely in *prælection. Theolog. de sacram. Ordin.*, Cardinalis

dinalis de Lugo de Sacram. disp. 2. sect. 5. num. 85., Cardinalis Albitius de incenslant. in Fide cap. 30. sub num. 374. §. Diverso autem ritu, Verricell. de Apostol. Missio. tit. 11. quest. 168. sect. 3. num. 22.

8 Hoc autem eodem argumento, e Græcorum more petito, Auctores, quorum sententiam in præsens exponimus, anteverrunt fundamentum contrariæ opinionis, Eugenii decreto subnixum: qua enim ratione, inquirunt, potuisset Eugenius IV. definire, in instrumentorum porrectione, eique respondentibus verbis, consistere essentiam sacræ Ordinationis, postquam in eodem Concilio ad communionem admiserat Episcopos, Sacerdotes, & Diaconos Græcos, sola manuum impositione ordinatos? Necessè est igitur sateri, Eugenium loquutum de materia, & forma integrante, & accessoria, quam optavit ab Armenis superaddi manuum impositioni, jamdiu ab illis adhibitæ, ut Ecclesiæ Latinæ moribus se prorsus accommodarent, ac, rituum uniformitate, firmitus eidem adhærent, quod bene ponderant Menardus, Becanus, & Morinus. Neque hanc explicationem respuere possunt Auctores contrarii: Siquidem in eo decreto nulla fit mentio tertix impositionis manuum, quam nihilominus ad Ordinationis Presbyteri essentiam pertinere, iidem affirmant, atque idcirco sateri coguntur, non fuisse mentem Pontificis, ibidem explicare, quæ Ordinationis substantiam perficiunt.

9 Ut hæc argumenta, quibus profecto nimium se premi sentiunt, declinent, varia prædicti Doctores tentarunt effugia. Dixerunt plerique, etiam nunc in Ecclesia Latina Ordines hierarchicos sola conferri manuum impositione, quia Episcopus suis manibus instrumenta exhibet Ordinando. At in primis, si porrectio instrumentorum, vera esset manuum impositio, etiam inferiores Ordines dicerentur conferri per manuum impositionem, contra id, quod a Concilio Carthaginensi IV. audivimus: per manus etiam impositionem perficerentur Baptismus, & extrema Unctio, quia Ministri manibus, baptizandi corpus abluitur, & sancto Oleo perungitur infirmus; quod tamen nemo unquam dixit. Deinde hac responsione difficultatis nodus non solvitur: nam neque hodie Græci, neque olim Latini, in conferendis Ordinibus hierarchicis, instrumenta adhibere, ac propterea alia diversa est impositio manuum, in quam cadit præsens controversia.

10 Dicunt alii, revera olim Latinos, sicuti nunc Græci, Ordines hierarchicos sola contulisse manuum impositione, & nihilominus hodie, in Ecclesia Latina necessariam esse traditionem instrumentorum: quia Christus Dominus non instituit, neque determinavit materiam, & formam Ordinationis, in specie infima, seu atoma, uti ajunt, sed permisit Ecclesiæ, illas pro suo libito determinare, justisque de causis mutare, modo & res, & verba semper usurpet, quæ apta sint ad significandum sacræ Ordinationis effectum; Ecclesia autem, quæ solam olim designaverat manuum impositionem, cum verbis, eam comitantibus, mutatis postea

rerum



rerum circumstantiis, illa Græcis relicta, aliam materiam adhibendam statuit à Latinis. Verum hæc doctrina duas gravissimas offendit difficultates: primò quippe non satis probatur; quod Christus Dominus prædictam potestatem fecerit Ecclesiæ; Immo oppositum videtur evinci ex Tridentino *sess. 21. cap. 2.*, ubi declarat, a Christo relictam esse Ecclesiæ potestatem, mutandi, quæ Sacramentorum dispensationem respiciunt; *salva illorum substantia*; mutatio vero materię, & formę non ad ritum, & dispensationem, sed ad substantiam pertinet. Deinde, data Ecclesiæ facultate, de qua est sermo, gratis omnino, & arbitrario fingitur, quod Ecclesia ea usa fuerit: Dicant enim, ubi, & quando, quo sæculo, in quo Concilio, à quo Pontifice facta sit ejusmodi mutatio? Enimvero si Ecclesia ab Ordinationis ritu ea ablegasset, quæ antiquitus fiebant, cogeremur utique affirmare, Ordinationis materiam; & formam fuisse, Ecclesiæ auctoritate, mutatas, novasque antiquis subrogatas; sed cum omnia, quæ habentur in antiquis Ritualibus, perseverent intacta, ac sancte & integre etiam nunc peragantur, nemo facile credet, illa eadem, quæ jampridem satis erant, nunc, ad Ordinis sacramentum perficiendum, amplius non sufficere.

11 Hæc omnia placuit hic exponere, non ut hunc postremam sententiæ calculeum adjiceremus, sed eo tantum consilio, ut perspicuum fieret, eam, quamvis habeat contra se universam setæ æciem Scholasticorum; ab istorum tamen ictibus nihil sibi metuere, immo & sua jacula habere, quæ in eos intorqueat.

12 Quare, ut ad propositum redeamus; eum valdè incertum sit, an is, de quo in casu, per secundam manuum impositionem, esset rite ordinatus, id utique faciendum erat, quod præferibit Gregorius IX. in cap. *Presbyter; de Sacram. non iteran.*; ubi in casu; haud ablimili; decevit: *Nihil esse iterandum, sed caute supplendum, quod per errorem extitit prætermisissum*; quod præcipue in illo rerum statu servandum erat, ne Sacramentum, quod, in multorum sententiâ, censebatur undique perfectum, iterationis periculo subijceretur, quemadmodum optime, atque ad rem omnino apposite; adnotavit Natalis Alexander Theolog. dogmat., & moral. de sacram. Ordin. cap. 1. art. 7. §. 2. in fin., inquit: *Vnde si quis horum rituum, qui ad materiam, vel formam pertinent, secundum varias Theologorum opiniones, in Ordinatione fuisset omisissus, v. g.; manuum impositio prima, vel adjuncta Oratio; aut Calicis cum vino, & aqua, & Patenæ cum Hostia traditio; aut unctio, aut denique manuum impositio postrema; vel hæc verba ipsam concomitantia, Accipite Spiritum Sanctum &c.; supplere debet Episcopus, quod in Ordinatione fuisset incutit prætermisissum, ut colligitur ex cap. *Pastoralis*, & ex cap. *Presbyter; de Sacramentis non iterandis*.*

13 Quia autem nonnulli; non infimi Theologi dixerunt; impositionem manuum præambulam porrectioni instrumentorum; situi cum hæc, in unam conlecere materiam; quæ, una cum verbis, ab Episcopo instru-

menta exhibente prolatis, prima confertur Sacerdotalis potestatis pars, efficiendi nimirum Corpus Christi, idcirco sacra Congregatio, scire animadvertens, præviam illam manuum impositionem, jamdiu antea peractam, non posse moraliter conjungi cum traditione instrumentorum, quæ postmodum fieret, ut etiam hujus opinionis, in re tanti momenti, rationem aliquam haberet, totam Ordinationem, sub conditione iterandam, rescipit.

## C A P U T XXVI.

*De Protestatione in aliquas Synodos inserta, & per Archidiaconum, Episcopi nomine, ante Ordinationem repetita, per quam Episcopus Ordines collaturus protestatur, se intentionem non habere ordinandi irregulares, aut canonico impedimento irretitos: & de Ordinatis ad majores Ordines, ab Episcopo in Missa, non ab ipso celebrata, sed a Sacerdote; de qua re, in Synodo Episcopali aliquando disceptatum est.*

**I**N Pontificali Romano habetur edictum, quo Episcopus Ordines collaturus, sub poena excommunicationis præcipit, ne quisquam canonico impedimento irretitus, ad Ordines suscipiendos accedere audeat. Idem solent Episcopi in suis Synodis clarius adhuc edicere, & explicare, ac præcipue solent illorum audaciam censuris compescere, qui, emendicato, & ficto patrimonii titulo, quo revera carent, ad sacros Ordines promoveri præsumunt. Hæc omnia laudabiliter fiunt, neque ulli sunt reprehensioni obnoxia. At plerique Episcopi, his diligentis nequaquam contenti, alias ultiores adhibent, quæ non omnibus probantur: Solent quippe, priusquam sacræ Ordinationis cæremonias incipiant, per Archidiaconum, aliumve publice denuntiare, se intentionem non habere ordinandi irregulares, censuris innodatos, carentes legitimo patrimonio, aut Beneficio, vel litteris dimissorialibus proprii Ordinarii &c. Quamquam autem præsumendum sit, unicuique ejusmodi protestationis scopum esse, detertere, qui aliquo ex enuntiatis vitiis laborans, ad Ordines sacrilege suscipiendos se accingit; ne enim gravis peccati reus fiat, tenetur Episcopus absolutam intentionem habere, Ordinem conferendi homini præsentanti, cui manus imponit, & consueta porrigit instrumenta, quemadmodum recte animadvertunt Navarrus *consil. 5. de tempor. Ordinariis*, Gobat *Theolog. experim. tract. 8. num. 316.*, & Cardinalis de Lugo *de Sacram. disp. 8. sect. 7. num. 119.*; Nihilominus tamen, cum prædictam protestationem Ordinationi præmittit, innumeris scrupulis, & animi anxietatibus occasionem præbet, & quandoque etiam probabilis, & prudens dubitatio exinde excitatur, num revera quis fuerit legitime ordinatus, eo quod aliquo ex enuntiatis impedimentis esset obstrictus. Quare, ne, cum

maximo

maximo totius Christianæ reipublicæ detrimento, & perturbatione, dubii, atque incerti Ministri sacris ministeriis addicantur, præstat omnino, ut Episcopus ab illa generali protestatione ablineat; quod opportune monet citatus de Lugo his verbis: *Ego quidem usum talis protestationis nullo modo probo; tum quia in ritibus Ecclesiasticis fundamentum non habet: nam licet in Pontificalibus antiquis, & modernis apponatur formula, qua Ordinandi moneantur ex parte Episcopi, ne ullus accedat irregularis, absque ætate, vel facultate legitima &c., in nullo tamen Pontificali invenitur talis protestatio, de defectu intentionis ..... tum etiam, quia licet existente gravissima causa, posset aliquando Episcopus habere intentionem sub conditione ..... Ceterum hujusmodi voluntas conditionata universalis cum omnibus haberi non potest, absque gravissimis inconvenientiis, propter dubia, quæ inde oriuntur circa valorem Ordinis. Minus itaque decet, aliquid Synodo inferi, quod prædictam protestationem contineat, aut eidem æquivalet: Etenim cum Synodales functiones sint de se stabiles, & perpetuæ, simile edictum in Synodo promulgatum incertos redderet etiam Ordines, ab Episcopis Successoribus conferendos: Quamvis enim illi nihil fortasse dicant, quo significant, se non habere intentionem, quemquam initiandi, qui canonico decineatur impedimento, semper nihilominus dubitari poterit, an suam intentionem conformaverint Synodali statuto, nondum revocato.*

2 At quid faciendum, si reipsa contingat, aliquem canonico impedimento ligatum Ordines recepisse ab Episcopo, qui eam solemnem protestationem sacræ cærimonie præmisit? Fulse de hac questione a Nobis actum est in nostro tractatu de sacrificio Missæ sect. 2. §. 70., ubi, ex sacræ Congregationis Concilii sententia diximus, interrogandum Episcopum, si sit superstes, a quo Ordines sunt collati; & si is asserat, suam intentionem vere alligasse præmissæ protestationi, Ordinationem diximus absolute iterandam; si vero dubia, & incerta remaneat Episcopi intentio, eo quod non satis constet, quæ mente eam protestationem emiseric, & an illi revera suam aptaverit intentionem, Ordinatio erit sub conditione repetenda. Quare ad consulendum conscientiarum securitati, & quieti, omnemque dubitationem de re sane gravissima, removendam, cavere utique debet Episcopus, ne ullus ad Ordines suscipiendos admittatur, qui, diligenti præhabita inquisitione, non fuerit dignus, & idoneus repertus, omnibusque ornatu qualitatibus, quæ a sacris Canonibus requiruntur; at in ipso actu collationis Ordinum opus est, ut absolutam habeat intentionem initiandi omnes, & singulos, sive a se antea approbatos, sive quoquo modo intrusos, qui ad illos suscipiendos accedunt, & per consuetam materię exhibitionem, formæque prolationem, voti compotes fiunt: Neque expedit, ut aliquid, ne ad terrorem quidem tunc dicat, unde fas sit ejus intentionis defectum conjicere, aut leviter suspicari.

3 Aliam ob causam, non semel dubitatum fuit de collatorum Ordinum validitate: Quidam Episcopus Græci ritus, cui, ob ingravescentem

ætatem, & adversam corporis valetudinem, laboriosum erat, Missam celebrare, cum esset Ordines collaturus, eam, per alium Sacerdotem fieri curabat, eoque Sacrum peragente, ipse, consueto ritu, Ordines conferebat. Dubitatum fuit de Ordinationis, ita peractæ validitate, & quid de ea sentiendum, ab Apostolica Sede quæsitum. Rei examen commissum fuit sacræ Congregationi sancti Officii, Nobisque, qui ejusdem Consultoris officium tunc gerebamus, demandatum, ut in scriptis sensum nostrum panderemus: mandato obsequentes dissertationem elucubravimus, qua prædictam Ordinationem, illicitam quidem, sed validam offendimus. Illicita quod fuerit, saltem quoad Ordines sacros, nullo labore demonstravimus: Etenim, si antiquam Ecclesiæ disciplinam respicimus, indubitatum est, primis dumtaxat exceptis temporibus, quibus ob ferventes persecutiones, integrum non erat Fidelibus in unum locum congregari, Ordinationes non alibi, nisi intra ecclesiam fuisse celebratas: quocirca S. Gregorius Nazianzenus *carm. de vita sua* Maximo Cynico, Constantino-politanæ Sedis inavatori exprobravit, quod ecclesia exclusus, in ædibus cujusdam Auloedi fuerit ordinatus: & teste Socrate *lib. 4. cap. 29.*, Ursino pariter, seu Ursicino, contra legitimam Damasi electionem, a factiosis quibusdam, in Antipapam electo, inter cetera objectabatur, quod non in ecclesia, sed in obscuro quodam basilicæ Sicinii loco ordinatus esset. Intra ecclesiam vero, non alio unquam tempore, fuisse Ordines, saltem sacros, collatos, nisi cum inibi Divina celebrarentur mysteria, pluribus probat Hallier *de sac. Elest. & Ordin. part. 2. sect. 3. cap. 5. art. 1.*, cui assentitur etiam hæreticus Binghamus *origin. Ecclesiast. tom. 2. lib. 4. cap. 6. §. 8.*; eumque morem, ex Apostolica traditione derivatum, colligit idem Hallier *ex Act. cap. 13.*, ubi Ordinatio Sauli, & Barnabæ, cum Sacrificio perfecta describitur: *Ministrantibus illis Domino, & jesumantibus, dixit illis Spiritus Sanctus, segregate mihi Saulum, & Barnabam: Per ministerium enim denotari Sacrificium, per segregationem, collationem Episcopatus, Interpretes omnes adnotarunt. Eandem disciplinam nobis exhibent antiqui Patres, qui Ordinationes, quas referunt, semper Sacrificii tempore peractas asserunt: Theodoretus *hyst. relig. cap. 13.*, loquens de Ordinatione Macedonii Anachoretæ, eam sacram, dicit, tempore *myfici Sacrificii*: Epiphanius *epist. ad Joannem Hierosolymitanum* (inter Hieronymianos 31. olim 60. tom. 1. oper. col. 241.) Paulinianum fratrem Hieronymi invitum & reluctantem a se, sacris mysteriis operam dante, primum in Diaconum, deinde in Presbyterum ordinatum, narrat: Synodus verò Laodicena paulo etiam accuratius tempus definit peragendæ sacræ cæremoniæ: cum enim *can. 4. (collect. Hard. tom. 1. col. 781.)* dixerit, *Quod non oporteat Ordinationes sub conspectu Audientium celebrari, uti legit Dionysius, vel Non licere manus impositionem super Ordinandos, præsentibus Cathecumenis, fieri, juxta versionem Isidori, significavit profecto, Ordinationes fieri debere tempore Oblationis, cui adesse prohibebantur Catechumeni, & Audientes; quo**

nomine

nomine denotari potuit, tam certus ordo Catechumenorum, qui ad sermone, in ecclesia audiendos, admittebantur, quam coetus Pœnitentium, quibus privilegium erat, ingrediendi ecclesiam; utrosque enim *Audientes* appellatos, norunt Eruditi.

4 Nec solum Ordines factos, quibus (ut superius diximus), nondum annumerabatur Subdiaconatus, sed etiam istum, ceterosque minores Ordines, intra Missarum solemnias collatos, affirmat Auctor *Constit. Apost. lib. 9.*, ubi omnes exhibens ritus, quibus, tempore Collectæ, sacri ecclesiæ Ministri inaugurabantur, modum etiam recenset ordinandi Lectorem. Neque inter majores, & minores Ordines, aliud, quoad hoc, intercedebat discrimen, nisi quod illi in sanctuario, ante altare, isti vero, extra sanctuarium, & longe ab altari, conferrentur, quod testatur Amalaricus *cit. lib. 2. de Divinis Officiis cap. 6.*, eandemque consuetudinem etiam nunc a Græcis retineri, post Morinum, observat Martene *de antiq. Eccles. ritib. tom. 2. lib. 1. cap. 8. art. 4. §. 10.* Ex hac autem consuetudine conferendi Ordines minores, extra sanctuarium, & altare, evenisse arbitramur, ut vetus Ordo Romanus, & Pontificale Romanum, severe quidem interdixerint, ne Ordines sacri, inter quos etiam Subdiaconatus fuit postea coopertus, extra Missarum solemnias conferantur: *Minores vero Ordines conferendos* (uti loquitur citatus Hallier) *etiam extra ipsa, favorabiliter indulserint.* Negari tamen non potest, congruum esse, magisque conforme ritui, in eodem Pontificali præscripto, ut, quantum fieri potest, etiam hodie omnes Ordines, in Missa conferantur: *Quia omnes* (ut eodem *cit. cap. 5. art. 1. num. 3.* prosequitur Hallier) *ad sacrificium Missæ, tanquam ad finem suum, & scopum referuntur; omnium Ordinum ipsum consummatio, & perfectio est .... consentaneum est itaque, ut coram Divinis symbolis, quæ Jesum in sacro altari præsentem continent, Ordinationes perficiantur.*

5 Sed quod de Ordinibus minoribus congruum diximus, de sacris est, ex gravi præcepto servandum: nullus quippe a gravi culpa eximeret Episcopum, qui, contra communem Ecclesiæ morem, ritumque, in Romano Pontificali præscriptum, sacrum Ordinem, extra Missarum solemnias, conferret. Ad sacram vero cæremoniam licite explendam, Missa non ab alio, *sed ab eo celebrari debet* (inquit Hallier *cit. cap. 5. art. 3.*), a quo Ordines sunt conferendi, idemque adnotaverat Glossa in *cap. Quod sicut, de elect. v. Dividatur*: & merito; tum quia, ut eadem Glossa ibidem advertit, ita obtinuit constans, & perpetua Latinæ Ecclesiæ consuetudo, cui consonat etiam Græcorum praxis, de qua Arcudius *lib. 6. concord. cap. 2.*, Goar in *notis ad Eutholog. Græcor. pag. 292.*, & Morinus *de sac. Ordinib. p. 3. exercit. 11. cap. 6.*: tum quia, nisi Missa ab eo fiat, a quo Ordines conferuntur, *dividitur mysterium Unitatis*, uti loquitur Innoc. III. in *cit. cap. Quod sicut, de elect.*; cum enim omnes Ordinati debeant sanctissimam Eucharistiam percipere e manibus Ordinantis, quod, ab Ecclesiæ primordiis, usitatum, ac severa lege præscriptum, ostendit sæpius citatus Hallier *sect. 8.*

sect. 8. cap. 11. art. 6., asseritque Auctor Eccles. Hierarch. cap. 6.: *In fine sacratissimarum ipsarum consecrationum, SS. Eucharistia communio conceditur ab eo, qui ipsas perficit, Pontifice, nisi Eucharistia ab illo eodem conficiatur, a quo initiatis porrigitur, non adeo perfecte representatur unio ipsorum cum suo Præsule, quemadmodum exhibetur, cum caelestem panem ab eodem paratum, suaeque consecratione, in Christi Corpus conversum, omnes simul accipiunt; quæ quidem ratio fortius adhuc urget, si agatur de Ordinatione Episcopi, vel Presbyteri, qui, ad eandem Ecclesiae unionem representandam, debent idem Sacrificium cum Ordinate conficere, seu simul concelebrare: Denique tenetur sacrorum Ordinum collator Missam facere, per se ipsum, ut obtemperet Pontificali Romano, Clementis VIII., & Urbani VIII. auctoritate roborato; ibi enim alius non apparet descriptus ritus conferendi sacros Ordines, nisi in Missa Conscientis.*

6 Quare, hæc, quæ adduximus ad propositam referentes quaestionem, jure, indubitatum diximus, prædictum Præsulem, qui Ordines etiam sacros contulerat, cum non ipse, sed alter Sacrificium offerret, multis nominibus graviter deliquisse; sed, quod attinebat ad collatorum Ordinum validitatem, hanc sustineri, neque ulla probabili ratione, posse in dubitationem adduci, affirmavimus. Quamvis enim inventi sint pauci aliqui Auctores, quos commemorat Hallier cit. cap. 5. art. 2., qui opinati sunt, sacrificium Missæ esse de substantia consecrationis, seu promotionis ad sacros Ordines; attamen, in primis nemo unquam dixit, esse de Ordinationis substantia Missam Pontificis Ordinantis: Deinde ea ipsa paucorum opinio jamdiu rejecta, & explosa fuit ab omnibus Theologis, & Canonistis, quos congerit Sanchez *consil. moral. lib. 7. cap. 1. dub. 4.*; Quocirca Hallier cit. loc. indubitanter ratam habendam, ait, Ordinationem, extra Missarum solemniam factam: *Adeo ut hocce tempore de ea re dubitare, frivolum videatur: nec cum conditione repetendam eam esse sacram Ordinationem censere, in qua sacrificium Missæ defuisset; nullus enim canon legitur, qui ad substantiam promotionis ad sacros Ordines sacrificium Missæ pertinere ostendat.* Minus itaque dubitandum erit de validitate Ordinis collati, non absolute extra Missarum solemniam, sed non intra Missam ab Episcopo celebratam, a quo fuit collatus.

7 Hæc Nos pro veritate tunc scripsimus, nostrumque suffragium approbatum fuit a Congregatione generali, anno 1715. habita, coram sel. rec. Clemente XI. Cumque postea ad Sedem Apostolicam delatum fuerit, quemdam Episcopum in Hibernia sacros Ordines contulisse, cum sacra mysteria, non a se, sed ab alio Sacerdote, conficerentur, eadem controversia iterum excitata, atque ad novum examen, in eadem Congregatione est adducta; & Cardinalis Petra tunc ejusdem Consultor, jussus pariter sententiam suam proferre, a nostro sensu non recessit, Ordinumque collationem illicitam, & ipse pronuntiavit, validamque sustinuit, ejusque sententiam confirmavit sel. rec. Innocentius XIII. in Congregatione generali,

nerali, habita die 5. Februarii 1722., qui simul prædictum Episcopum, per Bruxellensem Internuntium, serio moneri iussit, ut conscientie suæ consulere, cum certe graviter in canones peccasset, quemadmodum legere est in ejusdem Cardinalis Petra *comment. ad Constitut. Apostolic. tom. 5. pag. 283.*

8 Neque hæc, extra propositum, dicta censeantur: Scimus quippe, non multis antea annis, in quadam Synodo disceptatum, an a sacrorum Ordinum exercitio forent arcendi, qui a finitimo Episcopo illos receperant, tempore Sacrificii, ab alio Sacerdote oblati; quapropter a nostro instituto minime alienum judicavimus, hujus controversiæ decisionem referre, ut si, in posterum contingat, in aliqua Synodo eandem refricari, sciat Episcopus, quid sit deliberandum.

## CAPUT XXVII.

*Ad demonstrandum quam circumspecte sit, in Synodo loquendum de Ministro sacramenti Matrimonii, nonnulla præmittuntur, respicientia Concilii Tridentini decretum, quo irrita sunt Matrimonia clandestina.*

1 **H** Audquaquam satis explicare possumus, quantum intersit, ne in Episcopales Synodos ullum obrepat verbum, quo videatur aliqua approbari opinio, inter Catholicos controversa; quamvis enim illud fortasse ex Episcopi, seu potius Scriptoris calamo, oscitanter excidat, statim nihilominus Auctores stantes pro ea sententia, sibi aditipulari, decantant, Synodorum auctoritatem, quam omnes, jure, meritoque plurimi faciunt, privatorumque Doctorum placitis anteponunt. Rem enarrabimus, e qua, vel sola apparebit, quanta circumspectione opus sit, in concinnandis Synodalibus decretis, ne in ullam defecti valeant, de re aliqua dissidentium Theologorum, partem.

2 Concilium Tridentinum *sess. 24. de reform. Matrimonii cap. 1.* irrita esse decrevit Matrimonia, quæ aliter deinceps contraherentur, *quam præsentente Parocho, vel alio Sacerdote, de ipsius Parochi, seu Ordinarii licentia, & duobus, vel tribus testibus, simulque statuit, ut hujusmodi decretum in unaquaque parochia suum robur, post triginta dies habere incipiat, a die primæ publicationis, in eadem parochia factæ, numerandis.* Absoluto, atque ab Apostolica Sede confirmato Concilio Tridentino, quamplurimi Episcopi suas coegerunt Synodos, in quibus prædicti decreti promulgationem, uti par erat, urgentes, per singulas parochias, populo denunciari jusserunt, firmitate caritura quælibet conjugia, in posterum contrahenda, nisi fuerint celebrata *coram legitimo Ministro.* Equidem Nobis persuasum est, hanc unam ob causam, ab hisce Synodis, Parochum appellari, legitimum Matrimonii Ministrum, quia scilicet ipse est publicus Minister, cui soli Ecclesia aucto-

auctoritatem tribuit, sua præsentia roborandi Matrimonii contractum, eique vires, & firmitatem adjiciendi; At nihilominus plures Doctores, præcipue Serry in *presat. ad nov. edit. operum Melchioris Cani cap. 7. §. Novam*, ejusmodi loquutionibus a Synodis, inconsideratè, ut Nos opinamur, usurpatis, atque a se diligenter collectis, usi sunt, ad probandum, etiam ex Synodorum sententia, Sacerdotem, esse verum, & proprium sacramenti Matrimonii Ministrum, quod proinde nisi fuerit Sacerdotali benedictione sacratum, neque Gratiam conferre, neque, ulla ratione, ad Sacramenti dignitatem pertingere, iidem Auctores defendunt. Verum quot, & quantis difficultatibus hæc opinio sit obnoxia, quotque habeat contradictores, necessarium ducimus hic exponere, ut deinceps cautiore sint Episcopi, in suis conscribendis decretis, atque, ut acturi de Matrimonio, a prædicta, plerisque Theologis invisa, loquendi formula, abstineant.

3 Fidelium Matrimonium a Deo, in officium naturæ, ab initio institutum, fuisse postea a Christo Domino elevatum ad dignitatem veri, & proprii Sacramenti novæ Legis, causantis Gratiam, ex opere operato, veritas Catholica est, definita ab Eugenio IV. in decreto pro Armenis *§. Septimum*, atque a Tridentino *edit. sess. 24. de reform. Matrim. cap. 1.*, quam a Lutheri, Calvini, aliorumque Hæreticorum telis vindicat Bellarminus de *sacram. Matrim. lib. unic.* Quamobrem quo religiosius Fideles Matrimonium celebrarent, quod *magnum esse Sacramentum, in Christo, & Ecclesia*, prædicaverat Apostolus *ad Ephef. 5.*, ab Ecclesiæ primordiis cautum est, ne aliter illud inirent, quam coram Sacerdote, cujus benedictione quodammodo obsignaretur. Hujus disciplinæ testimonium nobis perhibent antiquissimi Patres: Etenim S. Ignatius epist. ad Polycarpum *num. 5.* (*ex recensione Cotelerii tom. 2. pag. 42.*) ait: *Decet vero, ut Sponsi & Sponsæ de sententia Episcopi conjugium faciant, quo nuptiæ sint secundum Dominum, & non secundum cupiditatem. Omnia ad honorem Dei fiant; & juxta aliam editionem: Decet vero, ut Mariti, & Maritæ, cum Episcopi arbitrio conjugium faciant, quo nuptiæ juxta Dominum sint, non autem juxta cupiditatem*; Tertullianus *lib. 2. ad Uxorem* (*edit. Paris. an. 1634. pag. 191.*) scribit: *Unde sufficiam ad enarrandam felicitatem ejus Matrimonii, quod Ecclesia conciliat, & confirmat Oblatio, & obsignat benedictio*; & *lib. de pudicitia* (*eiusdem edit. pag. 718.*) *& in Pamelii edit. cap. 4.*) *Ideo penes nos oculis quoque conjunctiones, idest non prius apud Ecclesiam professa, juxta moechiam, & fornicationem judicari periculatur &c.*; Ad quem locum, Rigaltius in *notis pag. 114.*, animadvertit, iis verbis a Tertulliano prolatis, *Non prius apud Ecclesiam professe*, indicari conjugia, in quibus non fuerat servata consuetudo, qua solebant, Fideles conjugandi per Presbyteros Ecclesiæ offerri, ut communibus votis conjugia benedicerentur; Quam quidem consuetudinem firmavit Concilium Carthaginienſe IV. *can. 13.*, relato a Gratiano *can. 5. xxx. q. 5.*: *Sponsus, & Sponsa cum benedicendi sunt a Sacerdotibus, a parentibus suis, vel paranympis offerantur.* Ad eundem vero morem alludit Synellus Cyrenensis, qui floruit initio sæcu-



seculi v. *epist.* 105. ad Evoprium, fratrem & successorem suum, in Metro- politana Sede Ptolemaidis, in Lybia Pentanopolitana, cum scripsit *pag.* 248. *Mihi, & Deus ipse, & lex, & sacra Theophili* ( Patriarchæ Alexandrini ) *manus uxorem dedit:* ut enim opportune observavit Christianus Lupus in *schol. & not. ad canones cëlæ Synodi tom.* 2. *pag.* 1421., hæc S. Synesi verba, *Mihi sacra Theophyli &c.* ostendunt Fidelium nuptias palam in Ecclesia fuisse semper ab Episcopo, aut Presbytero benedictas, & sanctificatas. Denum in Capitularibus Regum Francorum *lib.* 7. *cap.* 179., hæc in nuptiis præscribuntur servanda: *Prius conveniendus est Sacerdos, in cujus parochia nuptie fieri debent, in ecclesia, coram populo; & ibi inquirere una cum populo ipse Sacerdos debet, si ejus propinqua sit, an non, aut alterius uxor, vel sponsa, vel adultera: & si licita, & honesta omnia pariter invenerit, tunc per consilium, & benedictionem Sacerdotis, & consulti aliorum bonorum hominum, eam sponsare, & legitime ducere debet.*

4 Hæc, aliaque hujus generis multa, a viris eruditis congesta, probant quidem, semper ab Ecclesia vetita clandestina conjugia, sed num, ante Tridentinum, fuerint insuper, ullo unquam tempore, etiam irrita, quæstio est, de qua secum contenderunt ejusdem Concilii Tridentini Patres, uti videre est apud Cardinalem Pallavicinum in *hyst. Triden. lib.* 22. *cap.* 4. Etenim cum plerique Patrum abnuerent enuntiato decreto *cap.* 1. *sess.* 24., eo quod absolum reputarent, tunc primum irrita decerni Matrimonia, aliter quam coram Parocho celebrata, quæ, etsi semper Ecclesia esset detectata, nunquam tamen antea firmitate carere voluerat; alii, qui pro decreto stabant, illis opposuerunt modo a Nobis allegatas vetustissimas Ecclesiæ sanctiones, quibus Sacerdotalem benedictionem præscriptam contendebant, non solum ad eohonestanda, verum etiam ad firmanda Christianorum conjugia; idque adhuc clarius colligi, aiebant ex decreto, Evaristo Papæ adscripto, & relato in *ean. Aliter*, 30. q. 5., ubi habetur: *Aliter legitimum non fit conjugium, nisi ab his, qui super ipsam feminam dominationem habere videntur ..... uxor petatur ..... & suo tempore sacerdotaliter, ut mos est, cum precibus, & oblationibus a Sacerdote benedicatur .... Ita poracta, legitima scitote esse connubia: aliter vero præsumpta, non conjugia, sed adulteria, vel contubernia, vel stupra, aut fornicationes.* Aliud addere poterant, & fortasse addiderunt, indubitatum testimonium Nicolai I., qui, cum rescivisset Lotharium, Imperatoris Lotharii filium, & Caroli Calvi, Regis Francorum nepotem, repudiata priore uxore Teuthbergæ, cui perpetrati incestus cum Huberto fratre suo crimen affinxerat, aliam duxisse nomine Valdradam, seu Gualdradam, quam tamen, ad suum excusandum flagitium, ante Teuthbergam, a se ductam affirmabat, Concilium Metis celebrandum indixit, suisque Apostolicis Legatis, Radoaldo Portuensi, & Joanni Ficolensi, Episcopis, illuc missis, ut de hac causa judicarent, præcepit, ut diligenter investigarent, an revera Lotharius, priusquam conjugali foedere se devinccret Teuthbergæ, Matrimonium cele-

Tom. XII.

Y y

brasset

brasset cum Gualdrada, *coram testibus secundum legem, & ritum, quo nuptiæ celebrari solent*; Si vero (ait in can. Lotharius, 31. q. 2.) minime probatum fuerit, Gualdradam fuisse uxorem legitimam, neque nuptiis secundum morem celebratis, per benedictionem scilicet Sacerdotis, filio nostro Lothario existisse conjugatam; suggerite illi, ut non moleste ferat legitimam sibi, (si innocens ipsa apparuerit) reconciliari uxorem. Hinc enim videtur evidenter inferri, medio sæculo IX., quo Nicolaus I. universalem regebat Ecclesiam, ratas non fuisse Christianorum nuptias, nisi essent secundum morem celebrata per Sacerdotalem benedictionem, uti agebat Nicolaus; Ex quibus omnibus prædicti Tridentini Patres, qui decretum urgebant, quo irrita fierent Matrimonia clandestina, nihil, per illud novi decerni, concludebant, sed antiquas tantum Ecclesiæ leges inhaerari, quas, aliquot dumtaxat ante Tridentinum sæculis, sola contraria consuetudo abrogaverat.

5. Verum alii Theologi, & Patres, qui decreto obstitabant, non satis constare, affirmabant, Sacerdotalem benedictionem fuisse, ullo unquam tempore, necessariam ad vires impertiendas Christianorum communibus. Ad Tertullianum enim quod attinet, aliosque Patres, & Canones, eundem in modum loquentes, eos commode intelligi, agebant, de sola necessitate præcepti, quo cogebantur Fideles, suas nuptias celebrare, coram sacro Ecclesiæ Ministro, cujus benedictione, uberiorem assequerentur sanctitatem: Siquidem Siricius Papa *epist. ad Himerium, Episcopum Tarracensem, cap. 4.* Sacerdotali benedictione obsignari voluit etiam sponsalia de futuro, scribens: *De conjugali autem relatione requisisti, si desponsatam alii puellam, aliter possit in Matrimonium accipere. Hic ne fiat, modis omnibus inhibemus: quia illa benedictio, quam nuptura Sacerdos imponit, apud Fideles cuiusdam sacrilegii instar est, si ulla transgressione violetur*; hic quippe sermonem esse de sponsalibus de futuro, non dubitat Constant in notis ad *epist. Decretali. tom. 1. col. 628.*, inquit: *Obvius verborum Siricii sensus postulat, ut ea potius de prima desponsationis fide, qua etiam Virginem conjugem vocari, Patres ex Evangelio probant, interpretemur*; nec tamen inde conficitur, etiam promissionem Matrimonii inanem fuisse, sine Sacerdotis benedictione. Ad canonem porro Evaristi, de quo specialis erat, & nunc quoque est difficultas, non quod genuinus credatur Evaristi foetus, sed quia (ut alias diximus de similibus epistolis Decretalibus ab Ilidoro productis) presumitur fabricatus ad normam disciplinæ, quæ in Ecclesia vigeat in fine octavi, aut initio noni sæculi. Ad canonem inquam Evaristi reponebant, si ille accipiendus esset, sicuti verba sonant, non sola Sacerdotis benedictio, verum etiam alia quamplurima ibidem enumerata, fuissent de forma conjugalis contractus, quod tamen nemo unus asseruit; ait quippe Pseudo-Evaristus: *Aliter legitimum non fit conjugium, nisi ab his, qui super ipsam feminam dominationem habere videntur, & a quibus custoditur, uxor petatur, & a parentibus, & propinquis sponsetur, & legibus docetur, & suo tempore, ut nunc est, cum precibus; & oblationibus a Sacerdote benedicatur, & a paranympis, ut consue-*

tudo

rudo docet, custodita, & sociata, a proximis congruo tempore petita, legibus datur, ac solemniter accipitur. & biduo, vel triduo orationibus vacent, & castitatem custodiant. Ita peracta, legitima scitote esse connubia; aliter vero presumpta, non conjugia, sed adulteria &c. : Ne itaque tot conditiones ad Matrimonii validitatem, unquam ab Ecclesia requisitas putemus, necesse est, ita Pseudo-Evaristum explicare, ut illis verbis *Aliter non fit legitimum conjugium*, solum significare voluerit, aliter non fieri licite, omnibusque servatis ritibus, atque solemnitatibus, a legibus præscriptis: aliter porro facta conjugia, appellanda dixit *Adulteria*, & *Contubernia*, quia, uti ibidem adnotavit Glossa verb. *Contubernia*, Matrimonia clandestina occasionem, & securitatem præbent, alia postea ineundi, in foro quidem externo legitima, sed quæ verè, & coram Deo, sunt adulteria, & contubernia. Ceterum ipsemet canonis Auctor ratas, etsi legitimæ non essent, reputavit nuptias, sine prædictis solemnitatibus celebratas: postquam enim dixerat, aliter inita conjugia esse adulteria, contubernia &c. hanc statim limitationem apposuit; nisi voluntas propria suffragaverit, & vota succurrerint legitima: quam limitationem opportune ponderavit, ac Tridentinis Patribus, de allegati canonis sensu, inter se disputantibus, considerandam proposuit Didacus Laynez, uti idem Pallavicinus refert cit. cap. 22. num. 25. Et sane quanquam hodie nomine Matrimonii legitimi, & non rati, communiter intelligamus Matrimonium Infidelium, olim tamen a juris Canonici Peritis, etiam inter Matrimonia Fidelium, fuisse hanc adhibitam distinctionem, ut alia dicerentur legitima, & rata, alia rata dumtaxat, sed non legitima, testis est Gratianus, qui in fine quæst. 1. caus. xxvii., loquens de conjugii Fidelium, hæc scripsit: *Horum quedam sunt legitima. veluti cum uxor a parentibus traditur, a sponso dotatur, & a Sacerdote benedicitur. Hæc talia conjugia legitima, & rata appellantur. Illorum vero conjugia, qui, contemptis omnibus illis solemnitatibus, solo affectu, aliquam sibi in conjugem copulant; hujusmodi conjugium non legitimum, sed ratum tantummodo esse creditur.*

6 Facilius fuit Nicolai I. epistolæ genuinum sensum aperire: Siquidem Lotharius, minime sibi constans, nunc unam, nunc alteram obtendebat sui repudii causam, quod ex pluribus constat ejusdem Nicolai epistolis, præsertim 22. 23. 32. 49. 52. & 58., hæc super causa datis, quæ extant in collect. Harduini tom. 5. col. 236. & seq., & fusc enarrant Natalis Alexander dissert. 9. in hist. Eccles. sæc. ix. & x., & Pagi junior in vitis Nic. I. I., & Hadriani II.; ad Pontificem autem scripserat, se Teuthbergam repudiassè, quia priusquam ei nuberet, jam erat obstrictus vinculo alterius connubii, initi cum Gualdrada; Videns porro Pontifex quam parum fiendum esset assertionibus, parum sibi cohererentis Lotharii, nullam, quoad hoc, ei fidem habendam rescripsit, nisi probaret, se legitime, omnibusque adhibitis juris solemnitatibus, nupsisse Gualdradæ, quam ceteroquin aliunde notum erat, habuisse loco pellicis, sicuti iidem citati Auctores testantur. Ceterum a Nicolao validum habitum Matrimonium, clanculum, solo

Contrahentium consensu, celebratum, liquet ex ejusdem responsi ad consulta Bulgarorum, ubi, postquam omnes descripsit nuptiales ritus, in Romana Ecclesia usitatos, illis prorsus respondentes, quos nuper a Pseudo-Evaristo audivimus, inquit ( tom. 5. collect. Hard. cap. 3. col. 355. ) : Peccatum autem esse, si hæc cuncta in nuptiali fodere non interveniant, non dicimus, quemadmodum Græcos vos adstruere dicitis : præsertim cum tanta soleat arctare quædam rerum inopia, ut ad hæc præparanda nullum his suffragetur auxilium ; ac per hoc sufficiat, secundum leges, solus eorum consensus, de quorum conjunctionibus agitur. Qui consensus, si solus in nuptiis forte defuerit, cetera omnia, etiam cum ipso coitu, celebrata frustrantur. Jure autem Bulgari ad Nicolaum scripserant, se a Græcis accepisse, non posse recentitas nuptiarum solemnitates, sine peccato omitti : quoniam Leo Imperator Novell. 89. publica lege sanciverat : *Ut sacra benedictionis testimonio Matrimonia confirmarentur, adeant, si citra hanc Matrimonium incant, id ne ab initio quidem, ita dici, neque illos in vitæ illa consuetudine Matrimonii, jure potiri debeant.* Verum hæc Constitutio, cum a Principe laico prodierit, non potuit Matrimonii validitatem, quoad forum conscientiae, infringere.

7 Hæc in utramque partem a Tridentinis Theologis, & Patribus versata sunt, & tandem deliberatum, ut Matrimonia clandestina, sive ullo unquam tempore fuerint antea invalida, sive non, quod dubium profecto, atque incertum remansit, ad ea nihilominus præcavenda gravissima mala, quæ in animarum perniciem, ac totius Christianæ reipublicæ perturbationem, ex illis obveniebant, & quibus, experientia docente, haud satis occurrere poterat, sola eorumdem prohibitio, a Concilio Lateranensi IV. sub Innocentio III. in cap. *Cum inhibitis, de clandest. desponsat.*, renovata, deliberatum inquam est, ut invalida in posterum decerneretur, quod re ipsa factum legimus, per sæpius laudatum saluberrimum decretum sess. 24. cap. 1. de reform. Matrim.

## CAPUT XXVIII.

*Ex eo quod præsentia Parochi necessaria nunc sit, ad vires tribuendas Christianorum connubiis, recruditur questio, jam antea a nonnullis excitata, an scilicet ille sit sacramenti Matrimonii minister. Secum invicem, hæc in re pugnantium Doctorum præcipua argumenta proferuntur ; conclusiturque, non esse, in Synodalibus Constitutionibus, de hujusmodi controversia ferendum judicium, nec aliquid asserendum, quod uni, aut alteri opinioni refragetur.*

1 CUM prædicta controversia, inter Tridentinos Patres serveret, aliquot Theologi Parisienses, duce Simone Vigorio, in medium protulere sententiam Guillelmi Parisiensis, qua rem totam facile componi,

ni, arbitrabantur. In unoquoque Matrimonio, etiam Fidelium, distinguendam voluit Guillelmus in suo tract. de sacram. Matrim. cap. 9. rationem contractus, a dignitate Sacramenti, docuitque illam quandoque ab hac separari: Etenim (ajebat) minister sacramenti Matrimonii est Sacerdos, qui solus potest contractum conjugii, de se mere civilem, & profanum, sua benedictione consecrare, & efficere, ut per eam, tanquam formam, elevetur ad causandam Gratiā, ex opere operato; Eo pacto, quo, aqua elementaris, quæ est materia sacramenti Baptismi, per verba a Ministro prolata, quæ sunt ejusdem Sacramenti forma, virtutem acquirit abluendi interiores animi sordes, producendique Gratiā: Quare, pergebat Guillelmus, si contingat, Matrimonium, sine Sacerdotis præsentia iniri, validum & firmum utique erit, in ratione contractus, nequaquam autem Sacramenti naturam, ac virtutem participabit. Posita porro hac opinione, omnem explanatam difficultatem, deprædicabant Parisienses: præjactis quippe Guillelmi principiis, perspicuum fit, Matrimonia clandestina, quamvis semper ab Ecclesia vetita, semper nihilominus firmitatem habuisse insolubilis contractus, sed Sacramenti natura, dignitate, ac virtute caruisse: Canones proinde, & Patres validitatem illis attribuentes, solum respexerunt civilem contractum; quibus vero eadem visa sunt minus rata, considerarunt in illis rationem Sacramenti, quam, sine Sacerdotis benedictione, minime assequi, existimarent.

2 Hæc Parisiensium doctrina, a Vigorio proposita, si vera narrat Pallavicinus cit. hist. lib. 20. cap. 4. num. 1., paucos quidem habuit sectatores; attamen non erat adeo singularis, uti dicitavit Sotus in 4. dist. 26. q. 2. art. 3.: Siquidem, præter Guillelmum, eandem tradiderat Paludanus in 4. dist. 5. q. 2., eidemque adstipulati fuerant Patres Concilii Provincialis Colonienfis anni 1536. part. 7. cap. 40. (tom. 9. collect. Hard. ecl. 2010) ubi non obscure insinuarunt, contractum Matrimonii, nonnisi per Sacerdotis benedictionem Sacramentum effici, agentes: *Quid Sacramentum, si quis, sicut decet, acceperit, accedente Sacerdotali præcatione, confert donum Spiritus, quo vir diligit uxorem, amore casto, sicut Christus dilexit Ecclesiam; & clarius id ipsum expressit, qui eidem Concilio præfuit, & postea ad Lutheranos defecit, Hermannus, Archiepiscopus Colonienfis, in suo Catechismo, ubi pag. 273., agens de sacramento Matrimonii, hæc habet: De Ministro hujus Sacramenti postremo videndum est. Ut forsitan quidam non improbanda ratione dicant; Matrimonium, certum Ministrum non exigere, quod conjuges in se casto amore, ac religiose consentientes Deus ipse conjungat, tamen videmus, & in veteri Lege quosdam fuisse, qui Dei vice conjuges conjungerent: quanto ergo magis putandum est, in nova Lege, Sacerdotes, qui legatione pro Deo funguntur, legitimis hujus Sacramenti ministros esse. Præterea paulo ante, quam Vigorius Guillelmi opinionem Tridentinis Patribus exponeret, anno nimirum 1562. publici juris factum fuerat, etsi fortasse nondum omnibus innotuisset, celeberrimum opus Melchioris Cani, de locis Theologicis,*

logicis, ubi *lib. 8. cap. 5.* doctissimus Auctor Guillelmi sententiam Inflaurat, & validissimis sustentat argumentis; Nam, præterquam quod, (inquit Canus) nunquam Patres Christianorum Matrimonium verum Sacramentum nominarunt, nisi simul meminerint Sacerdotalis, in illo intervenientis ministerii, quod percurrenti, quos jam præmisimus, textus, patet, certum est, quodlibet Sacramentum esse opus Divini cultus, & religionis; Matrimonium autem, solis verbis viri, & feminae contractum, sine ullo ministerio Sacerdotis, aliquam ponentis sacram cæremoniam, licet rei sacræ signaculum sit, non potest tamen dici opus Divini cultus, & religionis. Ad hæc Augustinus in *epist. ad Bonifacium* tradit, oportere res ipsas corporeas, quibus Sacramenta constant, imaginem, & similitudinem gerere, ejus sanctificationis, cujus sunt signa, & causæ; cum autem conjugiale socius, sine ullo sacro ritu, & Sacerdotis ministerio, contractum, nullam exterius exhibeat speciem interioris sanctificationis, consequens est, ut proprie Sacramentum non sit. Deinde Concilium Florentinum docet, omnia Sacramenta constare rebus tanquam materia, & verbis tanquam forma; nemo autem sibi facile suadebit, formam sacramenti Matrimonii esse verba, quibus Contrahentes suum exprimunt consensum, quæ mere profana sunt, atque etiam ab Ethnicis usurpata. Insuper verba, quæ sunt alicujus Sacramenti forma, non possunt suppleri per nutus, scripturam, aliudve signum, eorum loco substitutum, quod consideranti alia Sacramenta est manifestum; At Contrahentes, si, verborum loco, nutus, scripturam, aliudve signum supponant, æque Matrimonium perficiunt, ac si verbis uterentur; non igitur eorum verba sunt sacramenti Matrimonii forma. Tandem Auctores, qui tenent, Contrahentes esse sacramenti Matrimonii ministros, multum inter se dissentiunt in determinanda ejusdem Sacramenti materia, ac forma; Aliqui enim, cum Catharino de *Matrim. q. 1.*, docuere, consensum Contrahentium, exterioribus signis expressum, esse materiam; verba vero a Christo Domino semel prolata *Matth. 19.*: *Propter hanc relinques homo patrem, & matrem, & adherabis uxori suæ* esse formam, pro omnibus Fidelium Matrimoniis: Alii cum Victoria in *Summ. de Matrim. num. 245.*, opinantur, verba unius Contrahentis, qui primo suum præstat consensum esse materiam, & verba secundo proferentis esse formam, per quam prima determinantur ad constituendum contractum, & Sacramentum; quam quidem opinionem probabilem putat Henriquez de *Sacram. lib. 11. cap. 2.* Alii cum Covarr. 2. p. de *Matrim. cap. 1. num. 8.*, Vasquez in 3. p. tom. 2. *disp. 129. cap. 3. & disp. 3. de Matrim. cap. 5.*, & Basilio Pontio de *Matrim. lib. 1. cap. 7. num. 12.* existimant, consensus utriusque Contrahentis, verbis, seu signis manifestatos, esse formam, corpora esse materiam remotam, eorumque traditionem, & acceptionem (quam nescimus quo pacto a consensu distinguant) esse materiam proximam. Alii cum Cardinali de Lugo *disp. 2. de Sacram. num. 29.* dicunt, Contrahentium verba, seu signa, prout sunt traditio

corporum, esse materiam, ut vero significant, & causant personalem obligationem, in utroque Contrahente, esse formam. Alii demum, magisque communiter, cum Soto in 4. dist. 26. q. 2. art. 1., Bellarmino lib. 1. de Matrim. cap. 6., Suarez tom. 3. in 3. p. de Sacram. disp. 2. sect. 1., Sanchez de Matrim. lib. 2. disp. 5. num. 6., & Gonet disp. 2. art. 5. defendunt, utriusque Contrahentis consensum, verbis, seu signis expressum, esse materiam simul, & formam, sed sub diversa consideratione; est enim materia, quatenus significat corporum traditionem; est forma, quatenus mutuam exhibet eorumdem acceptationem. Jam vero, clamat Melchior Canus, nonne tanta, in re gravissima, varietas, & dissonantia haud leve indicium est, falsitatis opinionis, ad quam adstruendam, coguntur illius Assertores tot diversas assignare unius Sacramenti materiam, & formam; quarum pleræque Hæreticis nugatoriz, ipsiusque Catholicis, aut commentitiz, aut certe parum solidæ videntur? Ad tot igitur evitandas ineptias, concludit Canus, a junioribus Theologis excogitatas, teneamus, oportet, sacramenti Matrimonii ministrum esse Sacerdotem; formam esse benedictionem, seu sacra verba, quibus ille conjugibus bene precatur; materiam vero esse contractum civilem, ab ipsismet Contrahentibus, mutuo consensu perfectum.

3 Hactenus Melchior Canus, cujus argumenta, etiam totis viribus convellere studuerit Bellarminus cit. lib. 1. cap. 7., non ideo tamen a Cani opinione omnes retraxit: siquidem eandem sunt postea sectati Silvius in 3. par. D. Thom. tom. 4. dist. 42. art. 1. quest. 1., Estius in 4. sent. dist. 26. §. 10., Juvenin de Sacram. dissert. 11. quest. 3., Serry cit. prefat. ad opera Melchioris Cani cap. 7., Du-Hamel Theolog. tom. 7. tract. de Matrim. cap. 6., Tournely de sacram. Matrim. pag. 120. & seqq. edit. Parisiensis, l' Herminier tract. de Sacram. tom. 3. cap. 5., Piette par. 6. question. Theologicar. quest. 13., Gibertus consult. Canon. de Matrim. tom. 1. consult. 55. & alii.

4 Verum quamquam hucusque explicata Melchioris Cani sententia, tot Doctorum suffragiis communita, sit valde probabilis, ac cuique liberum, absque ulla erroris nota, eam amplecti, uti fatentur Habert in Theolog. dogmatic. & moral. tract. de Matrim. cap. 4., Natalis Alexander Theolog. dogmat. & moral. de sacram. Matrim. art. 5. §. 2., & Genett. Theolog. moral. tom. 5. tract. 9. cap. 4., attamen nullus inficiabitur, communiorum esse contrariam aliorum opinionem, qui constanter defendunt, solos Contrahentes esse ministros sacramenti Matrimonii, quod proinde necessario ab illis confici docent, simulac validum inter se ineunt conjugii contractum, Hanc quippe sententiam propugnarunt sere omnes antiqui Theologi, juriſque Canonici Interpretes, quos citant, & sequuntur Vasquez cit. disp. 3. de sacram. Matrim. dub. 3., Sanchez lib. 2. de Matrim. disp. 5. & 6., Theophilus Raynaudus in heteroclitis spiritual. punct. 14. oper. tom. 16., Frassen in suo Soto Academico tom. 12. tract. 3. disput. 2. art. 1. quest. 3. conclus. 2., Cardinalis de Laurea in 4. tom. 3. de Matrim. disp. 13. art. 6., Clericatus decis. 6.

*cif. 6. de Matrim.*, Cardinalis Gottus *tom. 4. in 3. part. dub. 5. §. 1. quest. 2.* Nec verum est, quod nonnulli jactitant, hanc opinionem, ultra Montes esse jam sere antiquatam: ex illis quippe, qui ultra Montes, non diu antea scripserunt, eandem tuentur Van-Espen J. E. U. *tom. 1. part. 2. tit. 12. cap. 5. num. 4.*, Simonnet *instit. Theologicar. tom. 3. tract. 18. disp. 1. & 2.*, Boucat *in Theologia Patrum tom. 5. disp. 7. de institutione Matrimonii, art. 5. sect. 1. & sect. 2.*, Auctor Theologiæ moralis, ad usum Seminarii Petrocorienlis *tom. 4. cap. 4.*, Merbesius *in Summa Christiana, tom. 2. de sacram. Matrim. differt. 7. quest. 5.*, Pontas *in suo opere, verb. Matrimonium tertio, cas. 1.*, alique non pauci; quocirca Tournely, quanquam Melchiori Cano adhæserit, nihilominus ingenue fassus est, *cit. loc.*; *Si ex auctoritate, & numero Scholasticorum pugnandum hic foret, vinceret haud dubie opposita sententia.*

5 Neque tam ingens Theologorum numerus, tanta animi fortitudine pro hac sententia dimicaret, nisi & ipsi validissima haberent argumenta, quæ suis adversariis opponant, inter quæ non contemnendum utique est, quod in hunc modum instaurant. Quidquid sit, an Matrimonia clanculum celebrata fuerint unquam, ante Tridentinum, irrita, apud omnes tamen indubitatum est, ea, aliquot ante Tridentinum sæculis, firmitate non caruisse, id quippe diserte declararunt ipsimet Tridentini Patres *cit. cap. 1.* hisce verbis: *Tametsi dubitandum non est, clandestina Matrimonia, libero Contrahentium consensu facta, rata, & vera esse Matrimonia, quamdiu Ecclesia ea irrita non fecit, & proinde, jure damnandi sint illi, ut eos sancta Synodus anathemate damnet, qui ea vera, ac rata esse negant: & siquidem idem Tridentinum, suum decretum, quo irrita illa fecit, robur habere noluit, nisi post triginta dies, a die primæ ejusdem publicationis in unaquaque parochia factæ numerandos, certum pariter est, etiam nunc Matrimonia claudelina vera, ac rata esse, in locis, in quibus prædictum decretum nunquam fuit promulgatum; jam autem nunquam Tridentini Patres illa vera, ac rata conjugia dixissent, & declarassent, nisi credidissent, ea esse vera Sacramenta; uti enim perpendit Bellarminus *cit. cap. 7.*, sapientissimis illis Patribus notum erat, a sacris Canonibus, quibus suum loquendi modum conformasse, est præsumendum, ea tantum Matrimonia dici vera, ac rata, quæ non solum sunt contractus civiles, sed etiam Sacramenta religionis, quod potissimum discimus ab Innocentio III. *in cap. Quanto, de divortiiis*, ubi ait: *Etsi Matrimonium verum inter Infideles existat, non tamen est ratum; inter Fideles autem verum, & ratum existit: quia Sacramentum Fidei, quod semel est admissum, nunquam amittitur, sed ratum efficit conjugii Sacramentum.* Porro si semel evincitur, Matrimonium, sine Sacerdotis præsentia, clanculum contractum, aliquando fuisse, & alicubi nunc quoque esse Sacramentum, necessario inde conficitur, illius ministros esse Contrahentes, & non Sacerdotem.*

6 Præterea, si Sacerdos esset minister sacramenti Matrimonii, verba ab eodem prolata, *Ego vos conjungo &c.*; essent ejusdem Sacramenti forma, quod



quod ultro concedunt Doctores, Cano adstipulantes. At, inquit Adversarii, nec ea verba, nec alia illis æquivalentia, semper, atque ubique adhibita fuere, neque eadem, aut illis similia inveniuntur in omnibus Ritualibus, quemadmodum testatur Martene de *antiq. Eccles. ritib. tom. 2. lib. 1. cap. 9. art. 3. num. 6.*, inquit: *Inaudita apud eos (Majores nostros) erant illa verba: Ego vos conjungo &c.*, in quibus aliqui ex recentioribus Scholasticis formam hujus Sacramenti constituunt, quæ tamen desiderantur in duobus antiquis Ritualibus *Mss. Becensis monasterii, in Pontificali Senonensi, annorum 300.*, in antiquo Rituali *Bituricensi, & in aliis pene omnibus, quæ a nobis postea exhibebuntur*; additque Simonnet *cit. tra. 7. 18. disp. 2. art. unic. §. 3.*, alicubi, hæc tantum verba, a Sacerdote fuisse pronuntiata: *Quod Deus conjunxit homo non separet*, quæ certe nihil commune habent cum illis, *Ego vos conjungo &c.* Et quamvis Tridentinum *cit. loc.* hanc posteriorem formulam indicaverit, quamcumque tamen aliam, juxta cujuslibet regionis usum adhiberi permittit, *vel aliis natus verbis, juxta receptum uniuscujusque provincie ritum*. Tantam porro varietatem Ecclesia non tolerasset, multoque minus cujuslibet provincie arbitrio permisisset, si existimasset, per verba a Sacerdote prolata, confici sacramentum Matrimonii.

7 Sunt qui insuper hoc idem argumentum confirmant exemplo secundarum nuptiarum, quæ quanquam valide, & licite contrahantur, quidquid in contrarium sentiant aliquot Orientales, quos, hac in re errantes Nos redarguimus in *nostra Constitut. 57. §. 8. num. 3.*, & in *alia nostra Constitut. 129. §. 29.*, attamen prohibentur benedici, tam apud Latinos, ut habetur in *cap. 1. de secundis nuptiis*, quam apud Græcos, ut in *cit. nostra Constitut. 57. §. 8. num. 4.*; hinc quippe iterum inferri autumant, Sacerdotis benedictionem necessariam non esse, ad perficiendum Matrimonii sacramentum. Verum ejusmodi argumentum inane, & fallax est: Etenim secundæ nuptiæ non sunt quidem benedicendæ ea solemnî benedictione, quæ continetur in speciali Missa, pro Sponso, & Sponsa, de qua Nos egimus in *nostra Nostific. 80.*, quamque nullus unquam dixit pertinere ad essentiam sacramenti Matrimonii; sed ut validæ sint, contrahi debent, coram Parocho, qui, eodem plane ritu, eademque verborum formula, in quam unice cadit præfens controversia, illis bene precatur. Non ignoramus Glossam Canonicam adnotasse, ideo secundas nuptias non esse benedicendas, ne Sacramenta iterentur, sed nomine Sacramenti intellexisse arbitramur *Sacramentale*, quod licet in se spectatum, semper iterari queat, hic tamen obstat specialis ratio, ne iterari permittatur: Siquidem, uti scite, atque ad rem ponderat S. Thomas in *4. dist. 42. quest. 3. art. 1.* quamvis secundum Matrimonium verum Sacramentum sit, deficit tamen ab illa perfecta significatione unionis Christi cum Ecclesia, quæ cum fuerit, & sic unus cum una, melius, & perfectius repræsentatur per primum; propter hunc autem significationis defectum, Ecclesia denegat secundis nuptiis eam sollemnior benedictionem, quam primis impertitur.

8 Melius, & solidius fulciri potest eadem opinio alia ratiocinatione, quam a suis Auctoribus prætermiffam advertimus. In locis, in quibus Tridentinum jam est promulgatum, non raro contingit, virum, & feminam, Matrimonium inter se contracturos, inopinantem Parochum adire, & coram eo, quamvis invito, & reluctante, ac duobus testibus, ibidem fortuito astantibus, mutuum in conjugium consensum exprimere, atque inde statim se subducere, quin Parochus ullum, nisi fortasse objurgationis, verbum protulerit; ejusmodi Matrimonium, in sententia Melchioris Cani, est validum in ratione contractus, sed ob defectum Sacerdotalis benedictionis, non est Sacramentum: ne itaque sic copulati Fideles perpetuo careant Gratia, quæ ex sacramento Matrimonii in Contrahentes derivatur, deberet Ecclesia illos compellere, aut saltem hortari, atque inducere ad suum contractum legitime, consuetisque adhibitis sacris ritibus, iterum renovandum, coram eodem Parocho, cujus verbis fiat Sacramentum. Atque ob eandem rationem, coram Sacerdote, aut præciperet, aut saltem instaurari curaret, clandestina conjugia, in locis inita, ubi Tridentini decretum non est receptum. Cum autem in neutro casu conjugii renovationem ab Ecclesia urgeri videamus, non temere inde conjiemus, utrumque contractum, quamquam Sacerdotis benedictione non obfignatum, jam ab Ecclesia haberi pro Sacramento. Ad hanc excutendam difficultatem, respondere possunt Cani Affectæ, ideo Ecclesiam nequaquam sollicitam esse de prædictis conjugiiis, debito ritu, instaurandis, quia contractus conjugii semel valide initus, nisi cum iniretur Sacramenti naturam induerit, nunquam deinceps poterit Sacramentum effici, quod docent Durandus in 4. dist. 26. quest. 3. num. 14., Vasquez tom. 2. in 3. part. disp. 138. cap. 5., & tom. 4. disp. 2. de Matrim. cap. 10., aliique, quos citat, & sequitur Basilius Pontius de Matrim. lib. 1. cap. 9. num. 8. Verum hac responsione difficultatem non evadunt; siquidem alii longe plures Doctores, quos recenset, & sequitur Sanchez lib. 2. de Matrim. disp. 9. existimant, Matrimonium, quod fuit validum, solum in ratione contractus, posse deinde renovari, & assequi virtutem Sacramenti, qua prius caruit; In hac porro dubietate, non negligeret Ecclesia Fideles urgere, ut in prædictis rerum eventibus, sua connubia, debito modo renovarent, ne frustrarentur, ad minimum spe consequendæ Gratiæ, quæ saltem in multorum, probabili, & communiore sententia, ex contractus iteratione ipsis obveniret.

9 Utriusque opinionis solidiora fundamenta innuimus, non animo quemquam inducendi ad unam, aut alteram amplectendam, sed ut Episcopis sit persuasum, utramque esse probabilem, suorumque habere magnæ auctoritatis Patronos; atque inde non decere discant, ut ipsi Judicis partes assumant, quæstionemque definiant, de qua, Ecclesia, nihil hæcenus pronuntiavit, sed Theologorum disputationi permittit. Quare acturi in Synodis de Matrimonio, proponant quidem, explicentque doctrinam, a

Con-

Concilio Florentino, & Tridentino, de ejusmodi Sacramento diserte traditam, sed caveant, ne aut Parochum, aut ipsos Contrahentes, ejusdem miniitros appellent; suorum vero Prædecessorum Synodos, in quibus Miniistri nomen vel istis, vel illi inditum reperiunt, intactas relinquunt, ne eas corrigendo, aut approbando, in idem incidant vitium, alterutri suffragandi, ex controversis inter Theologos opinionibus, a quo Dioecesanas Synodos prorsus immunes esse debere, hucusque inculcavimus.

## CAPUT XXIX.

*Corrigatur falsa doctrina, qua in quasdam Synodos irrepsit, quoad idem Matrimonii sacramentum.*

I N Synodo Bononiensi, habita anno 1634., dicitur, non posse viros, & feminas a Matrimoniis contrahendis, hoc nomine prohiberi, quod doctrinam Christianam ignorent, quamvis deceat, ut Parochus ejusmodi prohibitionem illis comminetur, quo facilius eosdem inducat, ad Fidei rudimenta addiscenda. Idem sentit Romaguera, in notis ad Constitutiones Synodales Gerundenses lib. 4. tit. 1. cap. 2., ubi cum in hanc offenderit Synodalem sanctionem: *Renovantes Constitutionem, in ultima Synodo editam, circa doctrinam Christianam, statuimus, & ordinamus, quod de cetero ad sponsalia, per verba de presenti, non admittantur, qui doctrinam Christianam nescierint, & Confirmati non fuerint*, loco eam illustrandi, uti alias solet, tacite impugnat, docens, fas non esse Episcopo, quemquam a Matrimonio arcere, hanc solam ob causam, quod doctrinam Christianam ignoret; sed dumtaxat posse blandis verbis, atque adhortationibus, eum inducere, ad Matrimonium differendum, donec Christianis imbuetur institutis; nec dissimilia sunt, quæ in hanc rem adduxit Marcellus Severoli in suo voto, impresso part. 14. Recent. decif. 535. num. 52. & 53.

2 Fulcitur hæc opinio quorundam Theologorum auctoritate, qui cum ignorantiam doctrinæ Christianæ non invenerint, in vulgatis versiculis, in quibus enumerantur impedimenta, Matrimonium impediencia, asserere proinde non dubitarunt, neminem posse, ob illam solam, a Matrimonio celebrando cohiberi: ita docuit Thomas Sanchez lib. 3. de Matrim. dispnt. 15. num. 9., inquit: *Nescio tamen, qua ratione possit (Episcopus) ob hanc ignorantiam arcere aliquos a Matrimonio contrahendo, cum ipsius non sit impedimenta Matrimonii statuere; nec hoc impedimentum ab Ecclesia statutum sit, & sequitur Diana in edit. coord. tract. 6. tom. 2. resolut. 95.*

3 Verum huic doctrinæ, & Rituale Romanum, & S. Carolus Borromæus, & quamplurimæ Episcopales Synodi, ac summorum Pontificum edicta adversantur: Etenim Rituale Romanum tit. de Matrim. de iis loquens, qui Matrimonio sunt jungendi, ait: *Uterque sciat rudimenta Fidei cum ea deinde filius suos docere debeat*: Sanctus Carolus in Concilio Provinciali

*Mediolanensi V. part. 3. (Alt. Eccl. Mediol. part. 1. pag. 286.)* hæc statuit. *Parochus, quos Sponfos, experiundo videris doctrina Christiana rudimenta plane ignorare, ne Matrimonio illos ante jungat, quam ea item ratione cognovit didicisse, qua eo de genere illos plane scire oportet: Quæ verba advertens Franciscus Amatus Pouget instit. Catholic. tom. 2. (part. 3. sect. 1. cap. 8. §. 5. num. 6.)* inquit: *Non accedendum prius ad connubii legem, quam teneantur præcipua, religionis mysteria, Christianaque vita ratio, & conjugatorum officia probe nesciantur:* In Archiepiscopali Bononiensi Cardinalis Gabrielis Palæoti *part. 3. pag. 157.* cavetur, ne Parochus ad tertiam deveniat Matrimonii denuntiationem, nisi certo noverit, Sponfos principalia Fidei nostræ mysteria didicisse, & saltem *Orationem Dominicam, Salutationem Angelicam, Symbolum Apostolicum, & Præcepta Decalogi memoria mandasse:* Idem edixere innumeræ Synodi, collectæ a Genetto *Theolog. moral. tom. 5. tract. 9. cap. 2. quest. 17.,* quibus addimus Synodum Fartensem, habitam anno 1685. a Cardinali Barberino; Celsenensem, habitam anno 1693. a Cardinali Denhoff; Neapolitanam, habitam anno 1694. a Cardinali Cantelmo; Ariminensem, habitam anno 1724. a Cardinali De Via; Neapolitanam, habitam anno 1726. a Cardinali Pignatello; Sabinensem, habitam anno 1736. a Cardinali Albano, omnes ad titulum de Matrimonio: ac demum in Congregatione, habita coram san. mem. Innocentio XII. anno 1697. decretum est, non esse a Parochis Matrimonium in ecclesia proclamandum, nisi antea Sponfos repererint in Christianæ religionis rudimentis sufficienter instructos; quod quidem decretum confirmatum fuit a fel. rec. Clemente XI. in suo Bullario pag. 326. Idem edixit Cardinalis de Rohan in suo *Rituali Argentinenfi, ad tit. de Matrimonio pag. 254.,* ubi Parochos diligenter investigare iussit, an Matrimonio jungendi teneant rudimenta Fidei. Ac denique Nos ipsi in nostra encyclica epistola, ad universos Episcopos (quæ est 42. in nostro Bullario §. 11.) hæc scripsimus: *Verum, cum Matrimonio jungendi non sint, si Parochus, ut debet, prius interrogando, deprehenderit, marem, seu feminam, quæ ad salutem necessaria sunt, ignorare; vix tanta, ac tam luctuosa ignorantia locum relinquet Episcopus, qui Pastores animarum admoveat officii sui, & huic si desint, negligentia repetant poenas.*

4 Quamobrem cum doctrina tradita in citata Synodo Bononiensi anni 1634. a communi Ecclesiæ sensu, & praxi discordet, est omnino reformanda, & corrigenda, sicuti reapse correctæ fuit in alia Synodo Dioecessana Bononiensi, celebrata a Cardinali Boncompagno anno 1699. *lib. 2. cap. 9.,* atque iterum a Nobis *Notific. 9. & Notific. 46.,* ubi ad Matrimonium contrahendum, neminem admitti, præcepimus, Christianis institutis nondum satis edoctum.

5 Neque in contrarium facit, quod ajebat Sanchez, nimirum, non posse Episcopum, nova impedimenta, Matrimonium impediencia statuere: huic enim difficultati in primis reponimus; ab Episcopo, repellente a Matrimonio contrahendo, ignorantem Christianæ religionis necessaria

saria rudimenta, nullum de novo poni impedimentum, sed illud explicari, & inculcari quo iidem jam detinentur: Enimvero cum Matrimonium, inter Fideles, unum sit ex septem novæ Legis Sacramentis, a Christo Domino institutis, atque e numero eorum, quæ dicuntur *vivorum*, nemo, sine gravi sacrilegio, illud celebrare potest, in statu peccati mortalis, quod optime perpendit Didacus Covarruvias *super 4. Decret. part. 2. de Matrim. cap. 6. in princ.*, iniquis: *Existens in mortali crimine, non potest, absque novo peccato, Matrimonium contrahere; tractat enim indecenter Sacramentum hoc maximum: nec Parochus licite eidem Matrimonio assistit; Quamvis enim, juxta communioem, magisque receptam sententiam, non sit sacramenti Matrimonii minister, ut in præcedenti capite diximus, nihilominus in multis comparatur ministro, nec licite sua præsentia, & auctoritate firmare potest contractum, quem, scit, a Contrahentibus sacrilege iniri, quemadmodum prosequitur Cardinalis Lauræa in 4. sentent. tom. 3. disput. 22. art. 22. num. 549., & pluribus Franciscus Maria Mulcetola, Archiepiscopus Rossanensis in sua dissert. de Sponsalibus, & Matrimoniiis, quæ extat, post secundam impressionem observat. bon. mem. Zauli ad statuta Faventina, iterumque edita est Neapoli anno 1742.; Qui autem Fidei rudimenta ignorat, quæ ex gravi præcepto scire tenetur, quamdiu illa non addiscit, cum potest, versatur in statu peccati mortalis, ac propterea jure, ac merito a Matrimonio contrahendo arcetur. Deinde idem Sanchez cit. disput. 15. num. 3., & lib. 7. disput. 6. num. 6., Basilius Pontius de Matrim. lib. 6. cap. 7., Gaspar Hurtado disput. 25. difficult. 1. num. 1., & Perez de Matrim. disput. 23. sect. 1. num. 1., non solum in Episcopo, sed etiam in Parocho facultatem agnoscunt, impediendi ad tempus Matrimonium, ex aliqua rationabili causa, puta ad sedandum scandalum, vel ad detegendam alicujus objecti impedimenti veritatem, nec tamen inde confici, autumant, verum, & proprium impedimentum, eorum auctoritate, Matrimonio apponi: Siquidem illa prohibitio temporaria est, atque, ablato scandalo, & detecta falsitate objecti obstaculi, sine ulla dispensatione, cessat, & extinguitur; Idem autem contingit in re nostra; Episcopus enim ignorantibus Christianæ religionis instituta, & præcepta, Matrimonium interdicat, solum ad tempus, donec scilicet illa addiscant: quod si hæc prohibitio diuturna sit, & perseveret, id per accidens est, atque unice oritur ex culpa eorum, qui illis erudiri, aut recusant, aut negligunt.*

6 Unum tamen advertendum addimus, quod recte consideravit Giribaldus de sacram. Matrim. tract. 10. cap. 3. dnb. 13. num. 111., nimirum quandoque evenire, ut quis præcipua Fidei nostræ mysteria, & sciat, & credat, cetera pariter, quæ necessitate præcepti sunt addiscenda, aliquo saltem rudi modo, perceperit, sed quia hebetis est ingenii, & exilis memoriæ, post omnem adhibitam diligentiam, illa memoria retinere, & recitare non valeat: in hoc autem rerum statu, non debet perpetuo arceri

arceri a Matrimonio, quod est institutum in officium naturæ, & propterea nemini, sine propria culpa, est denegandum, sed curabit Parochus, ut qui eo memoriæ defectu laborat, frequenter audiat, quæ semel crasse didicit, ne ab ejus mente penitus elabantur. Inter celeberrimas Constitutiones Gibertinas, editas a Joanne Matthæo Giberto, Episcopo Veronensi, quas alibi commendavimus, tit. 5. cap. 23. legitur: *Cum autem quilibet Christianus Orationem Dominicam, Symbolum Apostolorum, & Præcepta Dei, atque Ecclesia scire debeat, retinendo saltem sensum; & Sacerdotibus, ac Predicatoribus innere sibi imposto, prout tenentur, fungentibus, nullus se in veritate excusare poteris, quod, a quo necessaria ad salutem addiscere possit, non habeat. Ideo præmissa nescientes, ut magis confundatur &c. in faciem Ecclesia ad Matrimonium contrahendum non admittantur, ubi Cardinalis Augustinus Valerius in notis ad rem subdit: Adverte, non esse arcendus &c. qui ut necessaria ad salutem perdiscant, faciunt quod in se est, sicut qui scholas doctrina Christiana frequentant; quia non ob incuriam, aut negligentiam, sed ob ingenii, memoriæ imbecillitatem, ea non addiscunt.*

## CAPUT XXX.

*Nihil in Synodo decernendum, quod præjudicium inferat auctoritati, & juribus Apostolicæ Sedis: Ubi de falsitate assertionis, tribuentis Episcopo potestatem statuendi in sua diocesi, iis dumtaxat exceptis, quæ totius Ecclesiæ statum respiciunt, quidquid Papa sibi specialiter non reservavit.*

**N**ihil, quod juribus Apostolicæ Sedis præjudicium afferat, aut ejusdem auctoritati sit injuriosum, inveniri debet in Constitutionibus, five Provincialium, five Episcopaliurn Synodorum, & si quid ejusmodi in eas forte irrepperit, statim erit a Romano Pontifice rescindendum.

<sup>2</sup> Urbanus VI., sub quo Schisma omnium teterrimum, & diuturnissimum exortum est, ut læ obedientiæ Prælatos, novis sibi devinceret beneficiis, & magis, magisque a partibus retraheret Roberti Gebennensis, qui a nonnullis Cardinalibus, adversum eundem Urbanum, in Pontificem electus, Clementis VII. nomen assumpserat, & in Galliam secesserat, inter cetera privilegia, hoc etiam est illis elargitus, ut in eorum civitatibus, & diocesebus Apostolicæ litteræ executione carerent, nisi ab ipsismet Prælati, vel eorum Officialibus essent antea examinatæ, atque approbatæ; idque statim in consuetudinem, & veluti in legem deductum est, pluribusque Synodalibus statutis firmatum, ac roboratum. E vivis erepto Urbano VI., ejusdem Successor Bonifacius IX., prædictam concessionem ab Urbano factam, revocavit, & peculiararia locorum statuta, quæ ad illam fulciendam, & stabiliendam emanaverant, nullius esse roboris, decrevit. Cum verò anno 1417. in Concilio Constantiensi, ad

Petri

Petri Cathedram evectus fuerit Martinus V., ejus electione, sublatum est Schisma, quod, quadraginta fere annos, Christi Ecclesiam dire lacera-  
verat: nam, etsi Petrus de Luna, dictus Benedictus XIII., a Concilio  
exauctoratus, Pontificiæ dignitatis insignia, invicta perversicia, retine-  
rit, attamen pæne ab omnibus, qui ei obedientiam præstiterant, post  
Concilii sententiam, & Martini electionem, desertus est. Jam vero pro-  
be animadvertens indubitatus Pontifex Martinus V., rationi congruum  
esse, ut quæ Schismatis calamitas, in detrimentum Apostolicæ Sedis con-  
cedenda fuaserat, restituta Ecclesiæ pace, & tranquillitate, rescinderen-  
tur, sacro approbante Concilio, eamdem Urbani VI. Constitutionem  
denuo abolevit.

3 Et nihilominus in Toletana, & Carthaginensi Ecclesiis, obtentu  
obviandi falsitatibus, conditæ postea fuerunt Synodales Constitutiones,  
quibus edicebatur, ne Tabelliones, & Notarii, etiam ab iis, quorum  
intererat, requisiti, Apostolicas litteras reciperent, a loci Ordinario,  
ejusve Officialibus prius non examinatas. Petita est hujusmodi Consti-  
tutionum confirmatio a Leone X., supremum Ecclesiæ clavum, tunc tem-  
poris tenente; sed hic, indecens, absolum, quinimmo, & temera-  
rium reputans, quod quæ erant a summo Pontifice gesta, ea inferiorum  
examine, & judicio subessent, nedum porrectam sibi supplicationem re-  
jecit; sed, nova insuper edita Apostolica Constitutione, memoratas Bo-  
nifacii IX., & Martini V. sanctiones approbavit, & restauravit, & que-  
cumque illi contraria statuta, tam in præfatis Toletana, & Carthagi-  
nensi, quam in aliis quibuslibet Synodis facta & attentata, irrita esse vo-  
luit; & ne ulla eorundem memoria, ullo unquam tempore extaret, ea-  
dem e libris, seu codicibus, in quibus scripta, atque adnotata reperie-  
bantur, ita obliterari, & radi præcepit, ut amplius legi non possent.

4 Bonifacii IX., Martini V., & Leonis X. vestigia sectatus Clemens VII.  
*in sua Constitutione 47. Bullar. tom. 4. part. 1. pag. 105.*, id ipsum sancivit,  
quod illi hac de re edixerant, addiditque, se in suis litteris, in die Coe-  
næ Domini lectis, & promulgatis anathemate perculisse, & iterum per-  
cellere, quicumque litterarum Apostolicarum executionem, quovis præ-  
textu, impedirent, aut impediendis consilium, auxilium, & favorem  
præberent. Hoc unicum exemplum satis esse existimamus ad cautos red-  
dendos Episcopos, ne in suas Constitutiones aliquid obrepere sinant, quod  
ulla ratione, Apostolicæ Sedis, aut auctoritati injuriam irroget, aut jura  
imminuat; ob eam quippe conjunctionem, & necessitudinem, quam  
membra cum suo capite habere oportet, maxime decet, ut ipsi primæ  
Sedis prærogativas, quæ hac præsertim tempestate, multorum invidia,  
in discrimen vocantur, sedulo defendant, & pro viribus promoveant;  
suam enim causam agunt, cum supremi Pastoris auctoritatem propugnant,  
& sustinent, quoniam, si hujus jura evertantur, paulatim pariter infe-  
riorum Præsulum jurisdictio nutabit, & corruet. Hæc optime confide-  
rarunt

rarunt Patres Concilii Duziacensis I. habiti anno 871., cui Episcopi unus, & viginti, per se, octo per suos Procuratores subscribere, cum ad Hadrianum II. Papam, in Synodali epistola, quæ extat in collect. Harduini tom. 5. col. 1321. ad rem apposite, atque ad posterorum exemplum maxime opportune, ita scribere: *Quia ergo nos, quantum scimus, & possumus, privilegium sanctæ, ac primæ Sedis Romanæ, & conservare, & obaudire, & extollere cupimus, atque satagimus, pro suo scilicet principatu, quem Beatus Petrus Apostolus, Domini voce perceptum, Ecclesia nihilominus subsequente, & tenuit semper, & retinet: servet vestra Paternitas, & a Deo in prima Sede constituta auctoritas, nobis filiis, & subjectis sibi Episcopis Ecclesiastica privilegia, a sacris Canonibus, & vestris Decessoribus, & Prædecessoribus, nostris Decessoribus, ac Prædecessoribus conservata. Quatenus, & Apostolica Sedes proprium vigorem retineat, & a se concessa aliis sua jura non minuat.*

5 Verum accidit interdum, aliquot Episcopos, ceteroquin erga Apostolicam Sedem obsequentissimos, ejusdem auctoritatem non consulto, sed potius incogitanter sibi usurpare, deceptos nimirum a quibusdam Doctoribus, qui potestatem uni Romano Pontifici competentem, quarumcumque Ecclesiarum Præsulibus adjudicant. Atruunt scilicet ejusmodi Auctores, & veluti indubitatum axioma venditant, hanc propositionem: *Quidquid potest Pontifex in universo orbe, si ea excipias, quæ totius Ecclesiæ statum respiciunt, uti Fidei articulum definire, potest Episcopus in sua diocesi, nisi specialiter Papa sibi illud reservaverit*, eoque fundamento præjacto, Episcopalem jurisdictionem, mirum in modum extollunt, ac ultra præscriptos ei limites protendunt. Hanc porro opinionem, plurium, & non infimæ notæ Doctorum, quos referunt Fagnanus in cap. *Dilectus, de tempor. Ordin. num. 16.*, & in cap. *Perniciosam, de offic. Ord. num. 28.*, atque Arcudius concord. lib. 2. de *Confirmat. pag. 110.*, auctoritate munitam facile hauriunt Episcopi, eaque imbuti, sibi licere autumant, nonnulla in suis Synodis statuere, quæ ad solam pertinent Apostolicam Sedem. Quamobrem laudatus Fagnanus cit. locc. operæ pretium existimavit, prælatam propositionem totis viribus convellere, ejusque falsitatem, & ratione, & auctoritate, demonstrare.

6 Ratione quidem: Etenim, uti pariter argumentatur Suarez lib. 6. de legibus, cap. 14. num. 4. & 6., etiam seclusa Superioris prohibitione, nequit Inferior legem, ab eodem Superiore latam, aut abrogare, aut relaxare: Superior quippe, statim ac aliquid, per suam legem præscribit, aut prohibet, illud subtrahit ab ordinaria potestate Inferioris, cui propterea non licet, in illam falcem immittere, nisi velit suam voluntatem anteponeere voluntati Superioris, per legem manifestatæ, quod profecto esset suæ subjectionis jugum excutere: *Et qui majoris potestatis est, judicii sui addicere, aut propriis definitionibus subjungere, quam intolerabilem insolentiam reprehendit Nicolaus I., in epist. ad Michaelen Imperatorem, relata, in can. Inferior, dist. 21.* Præterea, si integrum esset Episcopo, legem relaxare a

Con-



Concilio Generali, aut a summo Pontifice rogatam, tota everteretur Ecclesie disciplina, caput subiceretur membris, & proinde actum jam esset de Ecclesiastica Hierarchia, divinitus instituta, quod bene ponderavit idem Fagnanus, in cap. Nimis, de filiis Presbyterorum, inquit: Unde etiam apparet, longe minus admittendum esse, jure ordinario Episcopum dispensare, contra legem Concilii Generalis, vel summi Pontificis, quoties dispensandi facultas illi non admittitur: hæc enim doctrina, nisi temperetur, secundum ea, quæ dicta sunt, falsa, & periculosa est, & nullatenus ad praxim deducenda; nam Inferiorem posse contra legem Superioris absolute dispensare, nihil est aliud, quam caput membris, & superiora inferioribus subicere, & ordinem naturalem invertere, & Ecclesiasticam Hierarchiam confundere, Dei ordinatione institutam. Præsertim vero quia mos sacrorum Canonum, & Conciliorum est fere ubique simpliciter præcipere, aut prohibere, quid faciendum sit, vel non faciendum; raro autem defendunt ad prohibitionem dispensationis. Unde, si liceret Episcopis dispensare, quæviscumque dispensatio in specie non prohibetur, consequenter esset in eorum facultate, totum jus commune, & Concilia Universalia subvertere, in singulis casibus dispensando, quod est erroneum asserere.

7 Ad auctoritatem quod attinet, Fagnanus in cit. cap. Dilectus, de tempor. Ordinac., ex hoc ipso textu inferri, autumat, falsitatem propositionis, quam impugnatur: cum enim Episcopus Rossensis in Hibernia tres sacros Ordines, eadem die contulisset cuidam Canonico Ymlicensi, in hujus Ecclesie Episcopum electo, obtentu mandati sibi facti, ab Archiepiscopo Castiliensi, suo Metropolitano, rem gestam improbavit, & Rossensis excusationem respuit Innocentius III., rescribens, etiam si constitisset de mandato Archiepiscopi, adhuc illi non fuisse obtemperandum, eo quod talis dispensatio nulli sit a canone permessa: Tum quia (sunt verba vulgatæ Decretalis, quæ habentur in compilatione, qua utimur) si de mandato Archiepiscopi constaret, cum illi hujusmodi dispensatio a canone non sit permessa, ipsi obtemperare non debuit in hac parte; Ad ligandos igitur Inferioris manus, ejusque jurisdictionem coercendam, non est necesse (inquit Fagnanus) ut sit illi expresse interdictum, ne quidquam, contra Superioris legem, audeat intentare, sed sat est, id ei non esse ab ipsa lege permissum, sicuti ab Innocentio audivimus; verum, cum in integra Innocentii III. Decretali, quæ refertur a Gonzalez, post verbum permessa, hæc alia subdantur, Quam ad solum Romanum Pontificem, non est dubium pertinere, ex quibus potest quis coniecere, potestatem relaxandi legem, de qua agebatur, fuisse a jure Episcopis ademptam, unique Romano Pontifici reservatam, jam corruit argumentum, quod ex ea Decretali Fagnanus instaurat. Clariores, nullique cavillationi obnoxii sunt alii textus, qui ad Fagnani opinionem roborandam, & contrarium axioma consolidandum, producuntur: Primus est in Clem. Ne Romani, de elect., in qua Clemens V. ait: Nos, inter cetera, præcipue attendentes, quod lex Superioris, per Inferiorem tolli non potest, idque ita intelligendum declararet, ut nequeat

ab Inferiori corrigi, vel immutari, aut quidquam ei detrahi, sive addi, vel dispensari quomodolibet, circa ipsam, seu aliquam ejus partem. Alter textus est in cap. Sancta Romana, de religiosis domibus, inter Extravag. Joannis XXII., ubi legitur: *Quidam autem eorum dictum habitum, & vivendi ritum, a quibusdam Episcopis, seu eorum Superioribus, vel aliis Ecclesiarum Prælatibus, habuisse profuturum, quod nec eis concedere licuit, contra firmam Concilii Generalis, ad quem locum opportune notat Glossa l. et. O. : Non licet igitur Episcopis, contra inhibitionem Generalis Concilii facere, cum sint adstricti ad observantiam Canonum, idemque late ostendunt Innocentius in cit. cap. Cum dilectus, de tempor. Ordinas. num. 2. & 3., & in cap. 2. De eo, qui furivus Ordinem suscipit, Panorm. in cap. Tam litteris, num. 3. de testibus, Covarr. in 4. p. 2. cap. 6. num. 15., Guttierrez CC. QQ. lib. 1. cap. 5. num. 10., Suarez cit. cap. 14., Vasquez tom. 2. in 1. 2. disp. 178. cap. 2., Sanchez de Matrim. lib. 8. disp. 5. num. 9., & lib. 2. Summ. cap. 40. num. 1., Pontius de Matrim. lib. 8. cap. 6. num. 1., Caballutius in theor. & prax. juris Canon. lib. 3. cap. 27. num. 3., Diana in edit. coord. tom. 3. tract. 2. resolut. 25. per tot., aliique innumeri, ab his allegati. Et quamvis adversus hæc asseratur textus in cap. Nuper, de sententia excommunicationis, ubi dicitur ab Inferiore concedi posse censuræ relaxationem, si conditor canonis eam sibi non reservaverit, sapienter tamen Gonzalez ad dictum cap. Nuper, num. 3. animadvertit, id esse speciale in absolutione a censuris, nec esse extendendum ad alias materias, in quibus ex eo dumtaxat, quod aliquid non sit expresse Episcopis prohibitum, non licet inferre, illud esse iisdem positive concessum.*

## CAPUT XXXI.

*Ex iis, quæ dicta sunt, decernitur, quibus in casibus fas sit, aut non sit Episcopo, relaxare impedimenta dirimentia Matrimonium. Agitur etiam de consuetudine, ac nonnullis Synodis Gallicanis, eandem Episcoporum facultatem spectantibus.*

**E**X iis, quæ hucusque stabilita sunt, sequitur, fas non esse Episcopis, removere impedimenta dirimentia Matrimonium, seu quemquam solvere ab impedimento, quo detinetur, veniamque eidem concedere, ut, impedimento non obstante, Matrimonium contrahat; quoniam ejusmodi impedimenta ortum habent, aut a Concilio Generali, aut a summis Pontificibus, quorum decreta nequit Inferior infringere, iisque, ulla ratione, contraire, quod ex modo dictis liquet, & ad rem perpendunt Sanchez cit. lib. 8. disp. 6. num. 14., & Pontius de Matrim. lib. 8. cap. 13. num. 1. Ne autem hac doctrina, quam communem esse citati Auctores asseverant, suam jurisdictionem nimium coarctari conquerantur Episcopi; priusquam ea uberius explanetur, plura sunt prænotanda. Et primo animadvertendum est, sermonem hic non esse de impedimentis mere impedi-

pedientibus, quæ nullus dubitat posse ab Episcopo relaxari, si excipias impedimentum, ortum ex sponsalibus cum altero initis, quod isto invito, sine ejusdem injuria remitti nequit, & illud quod provenit ex voto, aut ingrediendæ Religionis, aut perpetuæ castitatis, quæ vota, nisi fuerint conditionata, summo Pontifici reservantur, Sotus in 4. *dist.* 37. q. unic. art. 1., Navarrus *man. cap.* 22. num. 85., Sanchez *lib.* 7. de *Matrim. disp.* 17. num. 15., Salmanticenses in *curso morali Theologico tom.* 2. *traçt.* 9. de *Matrim. cap.* 13. *punct.* unic. num. 16. & 17., Perez de *Matrim. disp.* 23. *sect.* 8. num. 5., Caballutius in *theor. & prax. jur. Canon. lib.* 3. *cap.* 27. num. 7., Natalis Alexander *Theolog. dogmat. & moral. de Matrim. lib.* 2. *art.* 13. *reg.* 14., alique communiter; neque res est, de impedimento, quod irritum reddit Matrimonium, jam publice contractum; Ultro enim concedimus Episcopo, illud relaxandi facultatem, quam eidem adscribunt Silvester V. *Dispensatio*, §. 9., Sotus *cit. dist.* 37. q. unic. art. 2., Navarrus *cit. cap.* 22. num. 85., Sanchez *lib.* 2. *disp.* 40. num. 3. Pontius *lib.* 8. *cap.* 13. num. 2., Zerola 1. p., V. *Dispensatio*, §. *Ad quintum*, Caballutius *cit. cap.* 27. num. 3. Silvius *operum tom.* 5. *inter resolutiones in verb. Dispensatio secundò*, Fagnanus in *cap. Nimis*, num. 33. de *filii Presbyterorum*, Natalis Alexander *cit. loc.*, *reg.* 10.; qui tamen unanimiter movent, non posse Episcopum eam potestatem sibi usurpare, nisi simul concurrant sex circumstantiæ. Primò scilicet, ut jam Matrimonium fuerit contractum in faciem Ecclesiæ, omnibusque adhibitis solemnitatibus; secundò, ut contractum fuerit, bona fide, ex juris, aut facti ignorantia; tertio, ut sit consummatum: quartò, ut impedimentum sit occultum: quintò, ut non possit facile adiri prima Sedes, seu dispensatio a Papa obtineri, ob conjugum paupertatem, rusticitatem, locorum distantiam, aliasque similes causas: sextò denique, ut non possit separatio fieri sine scandalo: Si verò (ait Caballutius *loc. cit.*) aliqua absit ex præfatis circumstantiis, & persona sint pauperes, aut rudes, ac rustici, officium erit Ordinarii prosequi hanc dispensationem, in forma pauperum, apud Sedem Apostolicam, ut plane gratis, & sine compositione obtineatur. Notant itidem iidem Doctores, dispensationem ab Episcopo, in prædictis circumstantiis, obtentam, prodesse dumtaxat, pro foro conscientie, non autem pro foro externo: non enim plus potestatis tribuendum est Episcopo, quam habeat Major Pœnitentiarius Papæ, qui, in prædicto rerum eventu, impedimentum aufert, ut Matrimonium convalescat, solum in foro interno: Quocirca si impedimentum antea occultum, postea detegatur, & deducatur ad forum contentiosum, opus erit nova dispensatione, a summo Pontifice impetranda.

2 Tandem advertendum est, nec quæstionem hic esse, de impedimento dirimente occulto, quod obstat Matrimonio nondum contracto, sed proxime contrahendo; Scimus quippe non deesse Doctores, qui Episcopo facultatem aserant, illud auferendi, cum tales urgent rerum circumstantiæ, ut nec summus Pontifex consuli, nec Matrimonii con-

tractus, ad quem omnia sunt disposita, differri possit, sine scandalo, & paratorum ad nuptias infamia: Ad præcavenda enim prædicta gravia mala, si alius non suppetat modus, illis occurrendi, præsumendum est, summum Pontificem delegare Episcopo potestatem dispensandi, quam certe requisitus, non esset ei denegaturus. Hanc facultatem, nullius præcedentis Doctoris patrocinio fretum, se omnium primum Episcopis vindicasse, gloriatur Sanchez *cit. lib. 2. disp. 40. num. 7.*, sed eum postea sequuti sunt Pontius *cit. lib. 8. cap. 13. num. 6.*, Hurtadus *disp. 26. de Matrim. num. 7.*, Perez de Matrim. *disp. 44. sect. 6. num. 12.*, Bonacina de Matrim. *disp. 3. punct. 15. num. 5.*, v. Rursus addo, Barbosa de offic. & potest. Episcopi p. 2. *allegat. 35. num. 5.*, Cabassutius *cit. cap. 37. num. 4.*, De Iustis de dispensationibus Matrimonialibus, lib. 2. *cap. 2. num. 129. & pluribus seqq.*, Wiestner ad tit. 16. lib. 4. *Decretal. num. 66. & seqq.* Anacletus in *jus Canonic. tom. 4. in append. de dispensat. super impedimentis num. 62.*, & 63. Sed quamvis hæc opinio, teste cit. Bonacina, hodie sit fere communis, eam tamen acriter reprehendit, & exagitat Fagnanus in *cit. cap. Nimis, de filiis Presbyter. num. 34. & 35.*, fortasse, quia, uti adnotavit Perez *cit. sect. 6. num. 13.*, est moraliter impossibile, eas omnes concurrere rerum circumstantias, quas sibi fingit Sanchez, in quibus nequeat Matrimonium retardari, absque scandalo, cum alii plurimi semper præsto sint modi, ab eodem Perez indicati, protrahendi tempus nuptiis, absque ulla suspitione criminis, & infamia eorum, qui jam erant ad eas celebrandas accincti.

3 Sed quidquid sit, de ea extraordinaria potestate, quæ, ex præsumpta summi Pontificis voluntate, in aliquo eventu urgentissime videlicet necessitatis, & impedimenti occulti, competat Episcopis, nullum in præsens de ea serimus iudicium; sed tantum differimus de ordinaria potestate dispensandi, in quibusdam impedimentis dirimentibus publicis. Hanc potestatem, communi fere calculo, Doctores denegant Episcopo: quinimmo sacræ Urbis Congregationes, Concilii videlicet, ac supremæ Inquisitionis, non semel prolcripserunt, tanquam falsam, & temerariam, propositionem, asserentem Episcopo jus dispensandi, super impedimento dirimente publico, quod obstat Matrimonio contrahendo, etiam si gravis urgeat illud contrahendi necessitas, uti videre est, apud Joannem Baptistam Rigantium, virum apprimè doctum *tom. 4. commentarior. in regul. Cancellar. in notis ad regul. 49. num. 1.*, & 2., ubi sacram Congregationum responsa, summa diligentia congesta, per extensum, ut dicitur, referuntur, & Doctorum in hanc rem placita, copiose allegantur. Et nihilominus aliquot Episcopi eandem potestatem etiam nunc libimet ipsi adscribunt, & contra juris communis principia, ac communem Doctorum sensum, etiam in suis Synodalibus Constitutionibus, sibi asserere, quandoque non dubitant; & quod magis dolendum est, non desunt aliqui, licet pauci Doctores, hac in re Episcopis blandientes.

dientes, quorum aliqui innituntur prædicto axiomate, cujus falsitatem deteximus; alii vero innituntur diuturna consuetudine, per quam, a quibuscumque Episcopis, potestatem relaxandi aliqua impedimenta dirimentia, qua, spectato jure communi, carerent, acquisitam decantant. Hinc Gibertus suarum consultationum tom. 12., consult. 59. de Matrim. absolute docet, Episcopos, in hoc negotio, unice spectare debere suorum Prædecessorum praxim, libereque posse, legitima exigente causa, eas dispensationes indulgere, quas a suis Prædecessoribus concessas deprehenderint. Hinc pariter Natalis Alexander Theolog. dogmat. & moral. cit. lib. 2. de Matrim. art. 13., postquam reg. 11., auctoritatem dispensandi, super impedimentis, Matrimonium dirimentibus, publicis & notoriis, uni vindicavit Romano Pontifici, inquit: *Hodierna Ecclesiæ disciplina, secundum quam dispensationes in gradibus prohibitis consanguinitatis, vel affinitatis, aliisque impedimentis dirimentibus, Romano Pontifici reservate sunt, cum publicum impedimentum est, & de Matrimonio contrahendo agitur, non permittit, ut Episcopi, his in circumstantiis, dispensent. Cum enim ab Ecclesiâ universali, sive illius capite Romano Pontifice sint instituta impedimenta Matrimonium dirimentia, dispensationes super eis, communi jure, ad caput universali Ecclesiæ Romanum Pontificem, non ad Episcopum pertinent, ut colligitur ex cap. Cum inferior, de majorit., & obed., Conciliique Provincialia plurima, Ritualia Ecclesiarum, Auctores omnes id confirmant, & auctoritatem dispensandi competere negant Episcopis, cum publicum impedimentum est, vel de contrahendo Matrimonio agitur; postquam inquam hanc communem doctrinam diuerse tradidit, & insinuavit, in sequenti reg. 12., eandem in hunc modum limitat: Si tamen antiqua sit, & legitime præscripta diocesis consuetudo, ut Episcopus in quarto gradu, etiam de contrahendo, certis in casibus dispense, quia ejus Decessores hac usi sunt ab antiquo, ad hanc usque diem facultate, qua a Sede Apostolica concessa creditur, (quod in quibusdam Galliarum diocesis fieri novimus) de his dispensationibus haud movenda lis est: Si quidem consuetudo legitime præscripta juri positivo præjudicat, usque longævi non levis est auctoritas, ut dicitur in cap. Consuetudinis, & cap. Cum tanto, de consuet. Hinc denique nonnulli Gallicani Episcopi, uti narrant Pontas in verb. Dispensatio Matrimonii, cas. 35. l' Herminier de Sacramentis tom. 3. cap. 17. Auctor collationum Ecclesiasticarum Parisiensium sub Cardinali de Noailles tom. 3. lib. 5. collat. 2. cap. 2. Gerbesius in tractatu, quem edidit, de potestate Ecclesiæ, & Principum super impedimentis Matrimonii, & Saintebeuve tom. 1. resolut. casuum conscientie, cas. 66. & 67., usum prætexentes suorum Decessorum, dispensant in impedimento quarti, & aliqui etiam tertii gradus consanguinitatis, seu affinitatis; Et alii jus sibi vindicant relaxandi insuper impedimenta cognationis spiritualis, criminis, & publicæ honestatis, licet alii ejusdem Regni Antistites, observante eodem Saintebeuve, sibi integrum non esse arbitrentur, ab ullo, cuiuscumque generis canonico impedimento, Matrimonium dirimente, quem-*

quemquam solvere, prout scilicet, sicuti idem Auctor prosequitur, fert diversa, quæ in qualibet diœcesi inolevit consuetudo. Ab eadem quoque consuetudine, quæ ex privilegio, & indulto Apostolico initium sumpsisse censenda sit, contendunt similiter Episcopi Leodienses, se potestatem adeptos, dispensandi in quarto, & in tertio, hinc, inde, consanguinitatis gradu: *Si imminens appareat periculum defectionis partium ad vicinos Fidei hostes, mutua internecionis, parentum, & amicorum inter se, ob corruptam puellam, & Partes non habeant media recurrendi ad Urbem, quemadmodum referunt Lessius in auctar. V. Matrimonium, cas. 9., Gobat Theolog. experim. tract. 9. num. 596., & Van - Espen I. E. U. r. m. 1. p. 2. tit. 14. cap. 1. num. 11., quod tamen jus sibi non arrogare alios Belgii Episcopos, ne eos quidem, quorum diœceses, auctoritate Pauli IV., a Leodiensi divulsæ sunt, opportune animadvertit Zipæus ad tit. De eo, qui cognovit consanguineam uxoris, num. 3.*

4 Verum, sicuti graviter errant qui potestatem, de qua agitur, Episcopis adjudicant, unice freti illo axiomate, cujus falsitatem plurima Concilia Provincialia, Ritualia Ecclesiarum, Auctoresque omnes agnoscere, fatetur etiam cit. Natalis Alexander, in allegata reg. 11., ita periculum est, ne se, aliosque decipiant, qui eam a consuetudine mutantur. In primis enim prudenter dubitari potest, an ejusmodi consuetudo, in florentissimo Galliarum Regno, Apostolicæ Sedi obsequentiissimo, & sacrosanctum Canonum religiosissimo custode, ullo unquam tempore vigerit; cum non solum contingere potuerit, hunc, illumve Episcopum, in hoc, aut illo impedimento dispensasse, ex privilegio, sibi a prima Sede specialiter concessio; sed etiam ita rem se habuisse, constet ex regestis sacræ Congregationis de Propaganda Fide, & sancti Officii, in quibus frequentes adnotatæ reperiuntur concessionibus Episcopis Gallicanis indultæ, dispensandi super impedimentis tertii, & quarti gradus: unde Ducasse Auctor Gallicanus in sua præfata jurisdictionis Ecclesiasticæ cap. 10. sess. 7. scribit, timoratae conscientiæ, & excellentis doctrinæ Gallicanos Episcopos dispensasse, post indultum sibi a Sede Apostolica concessum, & a dispensatione abstinuisse, postquam cessaverat, nec fuerat renovatum indultum, quod, ad certum tempus obtinuerant. In hac autem dubietate, non licere Successori similes dispensationes elargiri, recte adnotavit idem Natalis Alexander in fine cit. regulæ 12., scribens: *At si dubitet, vel merito dubitare debeat Episcopus, an dispensationes, a suis Decessoribus concessæ, sint ex privilegio reali, & perpetuo. a: ex privilegio personali, dispensare non potest, nisi & ipse dispensandi privilegium a summo Pontifice obtineat. In re enim Sacramenta spectante, non licet minus probabilem, ac nimis tuam opinionem sequi, relicta probabiliore, atque tutiore.*

5 Quod autem aliquot Galliarum Episcopi, ex privilegio mere personali, non vero ex consuetudine, nacti sint facultatem, super aliquo impedimento dispensandi, inde etiam conjicimus, quod ex una parte incredi-

bile

bile videatur, talem consuetudinem, intra unius, aut alterius dioecesis limites constituisse, nec conterminas permeasse: id quippe evenire vix potuit, in re Episcopis favorabili, atque in Regno, servandæ inter Pastores, disciplinæ, morumque concordie, & unitatis studiosissimo; ex alia vero scimus, quamplurimos Galliarum Antistites diserte declarasse, sibi tas non esse, ullum auferre, seu relaxare impedimentum, Matrimonium dirimens: Siquidem Concilium Turonense anni 1583. tit. 9. de *Matrim.*, (tom. 10. collect. Harduin. col. 1405.) definivit: In quarto consanguinitatis & affinitatis, nec non cognationis spiritalis, prohibitis gradibus, Episcopis dispensare, non licere declaravit; In Concilio Tolosano anni 1590., cap. 8. legimus: Quos cognationis gradus impedit, licet jam legibus solutos, & dispensatos, nisi visa prius summi Pontificis dispensatione, in Matrimonii conjunctionem Parochi non recipiant; Synodus Lingonensis, apud Natalem Alexandrum cit. reg. 12., post enumeratas personas, in aliquo, usque ad quartum, consanguinitatis gradum inter se conjunctos, ait: Inter istas non est legitimum Matrimonium, nisi cum eis sit per Sedem Apostolicam dispensatum, idemque sancitum, declaratumque reperiri in Synodo Trecenti, item Natali Alexandro testatur. Additque Diot in opere, cui titulus *Sacramentarium Pastorum*, tract. 13. de dispensationibus Matrimonialibus cap. 8. pag. 213. edit. Parisien. an. 1709. in generali Congregatione Episcoporum & universi Cleri Gallicani declaratum esse, dispensationes omnes Matrimoniales ad solum Papam pertinere, & Parlamentis esse obstitendum, si aliquando Episcoporum dispensationes admittant. Quis autem credat tot Gallicanos Episcopos, suæ jurisdictionis tenacissimos, sibi sponte abdicasse eam auctoritatem, quam passim viderent ab aliis, finitimarum dioecesium Præfibus, jure ordinario, & non mere delegato exerceri?

6 At etiam dato, in aliquam dioecesim irrepsisse consuetudinem, de qua contenditur, ut per eam collatum dicamus Episcopo legitimum jus auferendi impedimenta, a Conciliis Oecumenicis, aut a summis Pontificibus inducta, diligenter prius examinandum est, an ea consuetudo, omnes habuerit conditiones necessarias, ut potuerit prævalere legi, Episcopo inhibenti, ne Superioris statutum infringere, aut quoquo modo relaxare præsumat. Quinimmo cum talis consuetudo, non solum tendat ad abrogandam legem, verum etiam ad tollenda, & minuenda jura, uni competentia Romano Pontifici, præter ceteras conditiones, necesse est, ut centum ad minus annorum spatium, sine ulla interruptione, perseveraverit. Quocirca citatus Van-Elpen *jur. Eccles. univers.* part. 2. tit. 14. cap. 1. num. 11., ut Episcopo Leodiensi auctoritatem alitruat dispensandi in tertio, & quarto, & in tertio, hinc inde consanguinitatis, seu affinitatis gradu, eamque ex legitima consuetudine ab eo acquisitam evincat, ejusmodi consuetudinem contendit esse immemorabilem. Ad consuetudinem quoque, cujus initii memoria non extet, confugit Auctor cit. collationum Parisiensium tom. 3. collat. 2. §. 2. Verum postremo, & potissimum,

mum , considerandum est , an per eam consuetudinem , si qua inoleverit , *dirumpatur nervus Ecclesiastica disciplina* , in quo eventu nunquam , per eam adversus legem præscribi , declaravit Innocentius III. in *cap. Cum inter , de consuet.* Num porro prædicta consuetudo ejusmodi inficiatur vitio , potius quam a Nobis , præstat audire a Gallicano Auctore Cabassutius , qui *est. lib. 3. cap. 27. num. 6.* loquens de auctoritate dispensandi , quam sibi vindicant nonnulli suæ nationis Præfules , hæc habet : *Si in oppositum reclamantibus Conciliis OEcumenicis , qua hanc potestatem uni summo Pontifici , Legasque reservant , sibi astringit vindicare ducenti circiter , & quadraginta Episcopi , cum suis Vicariis , seorsum in suis diocesiis , singuli pro suis arbitrio , hujusmodi licentiam , ingruet profecto tota Gallicana ditione admodum exuberantior , & inordinatior inter tot , tamque diversa sibi , aliisque indulgentiam Prælatorum capita , in dispensandis Matrimoniiis licentia. Quia etiam , si per universum Regnum ista invalesceret consuetudo ( quod malum Deus avertat ) contingeret demum , ut quilibet laici , etiam subalternorum tribunalium Judices , per captionem , & distractionem Bonorum Episcopatum , ipsosmet Episcopos coegerent , pro suo peditari , aut amicorum , aut Partium postulantium affectu , ad sic dispensandum , sicut jamdudum compellunt invites , ad monitoria , & excommunicationes decernendas ; sicque simile quid illis obveniret Divina huic , apud Isaiam comminationi : Pro eo quod abjecit populus iste aquas Siloe , quæ vadunt cum silentio , propter hoc ecce adducet Dominus super eos aquas fluminis fortes ; & multas : Sic enim venientes hac in parte summo universalis Ecclesie Pontifici subijci , compelluntur indignissime laicorum Judicium infimorum decretis obtemperare , aut priorum fructuum , ni pareant , interceptionem , ac privationem pati . Et post adducta modo a Nobis relata loca Conciliorum Turonensis , & Tolosani , inanem decernentia , hac in re dispensationem , quæ a summo Pontifice non dimanavit , concludit Cabassutius : Sane ista ab Episcopis concessa dispensationes pro contrahendis conjugis , aut nullitatem , aut incertitudinem causant Sacramenti . At vero in re Sacramentaria unanimes d'cent Theologi , non esse licitum , quidquam incerti adhibere , eo certo medio prætermisso , quod adhiberi possit . Atque ita licentia ista vel nefariam inducit Sacramenti nullitatem , aut ad summum tutiore simul , & probabiliore opinione rejecta , minus probabilem , nec tutam , in tanti momenti Sacramento , consecratur opinionem .*

7 Huic Cabassutii monito morem gerant Episcopi , & nullius consuetudinis prætextu , eam exerceant facultatem , quam dubiam saltem , atque incertam esse , dissimulare non possunt : Quod si quis eam sibi certo competere obdinate contendat , adhuc abstineat , oportet ab illa in sua Synodo ostentanda , & Synodali statuto libimet ipsi afferenda : Etiam ( uti inferius , suo loco demonstrabitur ) ne ea quidem , quæ Episcopis certo licent , ex tacita permissione , & conniventia Apostolica Sedis , possunt ab iisdem per edictum , aut Synodalem Constitutionem decerni , & juri suo ordinario quodammodo attribui ; Id quippe manifestam sape-  
ret



ret ambitionem , qua viderentur se quodammodo æquiparare summo Pontifici , ejusque affectare supremam jurisdictionem .

8 Quare , si aliquis Antistes , ob nimiam suæ dioecesis ab Urbe distantiam , aliæque legitimæ causæ , necessariam sibi reputet auctoritatem , dispensandi in uno , aut pluribus impedimentis , Matrimonium dirimentibus , eam exposcat a Romano Pontifice , qui eam petentibus , impertiri non renuit , nunc magis , nunc minus amplam , pro temporum , & locorum varietate .

## CAPUT XXXII.

*Aliud offertur exemplum Synodalis Constitutionis , adscribentis Episcopo facultatem absolvendi ab hæresi , quæ , nisi congrue explicetur , jura deturbat Apostolica Sedis .*

1 IN nonnullis antiquis Synodis indubitanter adjudicatur Episcopo facultas absolvendi ab hæresi : Ita quippe diserte statutum legimus , in Synodis Andegavensibus , annorum 1216. & 1493. , atque in Synodo Ambianensi , anno 1411. apud Pontas *verb. Cas. reservat. , cas. 4. s* Eamque facultatem , nullo posteriori jure , esse Episcopis ademptam , declarasse Cardinalem Gasparem Quirogam , Archiepiscopum Toletanum , atque in Hispaniarum Regno supremum Inquisitorem in sua Synodo Toletana anni 1583. , referunt Hurtadus *de Fide , disp. 84. sect. 2. §. 11. ,* Cardinalis de Lugo *de virtute Fidei , disp. 23. sect. 3. §. 1. num. 44. ,* & novissime Milante *exercitat. 3. in 3. propositionem , damnatam ab Alexandro VII. pag. 20.*

2 Verum , ne hisce , aliarumque plurium Synodorum , vetustis exemplis se abduci patiantur Episcopi , eamque sibi vindicent jurisdictionem , qua carent , priusquam quidquam , de hac re , in suis Synodis statuunt , oportet , ut certa ab incertis secernant , rerumque , ac temporum varietatem accurate dispiciant : potestas quippe absolvendi a crimine hæreseos , quæ olim indiscriminatim omnibus competeat Ecclesiarum Pastoribus , neque hodie illis denegatur in aliquibus circumstantiis , in aliis tamen communiter censetur summo Pontifici nunc reservata . Omnia singulariter expendamus .

3 Inter præcipuas Pastoralis muneris curas , est , solerter invigilare , ne ullus contra orthodoxam doctrinam error , in suam dioecesim irrepat , quod luculenter expressit Apostolus 1. *ad Timotheum cap. 3. , & ad Titum cap. 1.* Hinc nemo dubitat , quin ad Episcopum potissimum pertineat , in Hæreticos inquirere , atque in illos , quos in suis erroribus pertinaces compererit , canonicis poenis severe animadvertere : Hanc Episcoporum obligationem agnovit , & inculcavit Auctor epistolæ , ad Episcopos in Galliis , atque in Hispaniis consistentes , quam Lucio Papæ adscripsit Mi-

Tom. XII.

B b b

dorus ,

dorus, ita Episcopos alloquens: *Ideo Fratres hortor dilectionem vestram, obtestor, & moneo, ut qua debetis, & potestis sollicitudine, vigilatis ad inveſtigandos Hæreticos, & inimicos sanctæ Ecclesiæ, & a sanis mentibus, ne pestis hæc latius divulgetur, severitate, qua potestis, pro viribus exiirpetis* (collect. Harduini tom. 1. col. 140.); Quamquam porro hoc Lucii testimonium credatur adulterinum, adulterinum certe non est decretum Concilii Remensis anni 625., vel 630., quod can. 4. (collect. Hard. tom. 3. col. 572.) ab Ecclesiarum Pastoribus Hæreticos diligenter perquiri, & ad Fidem Catholicam, pro viribus, revocari mandavit; Et ne inutiliter tempus teramus, in re exornanda, apud omnes indubitata, satis abunde erit, unam allegare sanctionem Innocentii III. in Concilio Generali Lateranensi IV., anni 1215., in cujus cap. 3. *de Hæreticis*, jubentur Episcopi, singulis annis, vel per se, vel per Archidiaconos suos circumire dioceses, & sedulo indagare, an nullus in ea latitet hæretica contagione infectus: Socordes vero, & negligentes, in expurganda concedita sibi diocesi ab hæretica lue, veluti gravis flagitii reos; & Pastoralis ministerio indignos, e gradu dejici, ibidem decernitur (collect. Harduin. tom. 7. col. 22.): *Volumus igitur, & mandamus, & in virtute obediencia districte precipimus, ut ad hæc efficaciter exequenda Episcopi per dioceses suas diligenter invigilent, si canonicam effugere voluerint ultionem. Si quis enim Episcopus super expurgando de sua diocesi hæretica pravitate fermento, negligens fuerit, vel remissus: cum id certis indiciiis apparuerit, & ab Episcopali officio deponatur, & in locum ipsius aliter substituantur idoneus, qui velit, & possit hæreticam confundere pravitatem. Neque per hoc, quod a Sede Apostolica institutum fuerit Inquisitionis tribunal, cujus initium ad ejusdem sæculi XI. initium, post tamen absolutum Concilium Lateranense IV., in quo certe nulla, de Inquisitionibus a Sede Apostolica delegatis, occurrit mentio, refert Ludovicus a Paramo de origine sacrae Inquisitionis lib. 2. tit. 1. cap. 2. non est Episcopis subductum onus, aut adempta facultas in Hæreticos inquirendi, sicuti diserte declaravit Bonifacius VIII. in cap. 17. de Hæreticis, in 6.: Per hoc quod negotium hæreticae pravittatis alicui, vel aliquibus, ab Apostolica Sede generaliter in aliqua provincia, civitate, vel diocesi delegatur, diocesani Episcopi, quin & ipsi, auctoritate ordinaria, vel delegata (si habent) in eodem procedere valeant, nolumus derogari; sed possunt, & debent, perinde ac antea, omnem suam operam impendere, ut eandem pestem, e sua quilibet diocesi, eliminent; solumque cavere, ne delegatos ab Apostolica Sede Fidei Quæsitores, ubi sunt constituti, a suo munere obeundo impedian, sed pari studio, animorumque concordia, debent in opus adeo salutare incumbere, juxta modum præscriptum in eodem cap. Per hoc, atque in Clementina 1., eodem tit., & in Extravag. Benedicti XI., cap. 1. de Hæreticis. Jam vero tam Inquisitor, quam Episcopus potest relapscentem Hæreticum, aut sponte coram se comparentem, aut ad suum forum, quoquomodo deductum Ecclesiæ reconciliare, &*

re, & pro utroque foro absolvere a censura, in quam, propter hæresim incidit, quod pluribus ostendunt Cardinalis Albitius de *inconflantia in Fide*, cap. 25. num. 35. & seqq. Farinaccius de *hæresi*, q. 92. §. 4. num. 52., Cardinalis De Lugo de *virtute Fidei*, disp. 23. sect. 3. §. 1. num. 52., Thomas Del Bene de *offic. S. Inquisitionis*, p. 1. dubitat. 57., & Cardinalis Petra tom. 3. ad *Constit.* 18. Innocentii IV. num. 27. & seqq. Quinimmo uterque potest poenitentem Hæreticum, postquam suos ejuravit errores, ad simplicem Confessarium remittere, ut ab eo absolvatur; eamque absolutionem; licet a Confessario datam in foro Sacramentali, prodesse etiam pro foro externo a cujus jurisdictione promanat, recte observat idem Del Bene. Plura de ordinaria potestate Episcoporum inquirendi in Hæreticos, eosque Ecclesie reconciliandi, congesta sunt ab Altaferra de *jurisdic. Ecclesiast.* lib. 4. cap. 3., & novissime a P. Jo. Antonio Bianchi de *potestate Ecclesie* tom. 3. lib. 1. §. 10. num. 2. & 3.; plura itidem ad rem facientia legi possunt in colloquiis Andegavensibus, mensis Maji 1713., q. 4. pag. 110.

4 Hæc certa sunt: communiter quoque Doctores, non tantum Episcopo, verum etiam cuilibet simplici Confessario facultatem concedunt absolvendi ab hæresi, pure interna, & mentali, nullo exteriori signo manifestata: absolutio quippe ab hæresi est summo Pontifici reservata, solum ratione censuræ, eidem hæresi annexæ; Ecclesia autem, sicuti non potest, per se, directe, & immediate præcipere, aut prohibere actum mere internum, juxta communem Theologorum sententiam, quam cum S. Thoma 1. 2. q. 91. art. 4., & q. 100. art. 9. docet Suarez lib. 4. de *legibus*, cap. 12. per tot. ita non potest hæresim, quæ in exteriorem actum non prodit, censura perstringere, uti ad rem tradunt Navarrus *man. cap.* 27. num. 56., Suarez de *censuris*, disp. 4. sect. 2., & disp. 21. sect. 2., Sanchez lib. 2. in *Decalogum* cap. 8. num. 1. & seqq., Bonacina de *censuris*, in *bullâ Coena consentis*, disp. 1. q. 2. punct. 2. num. 2. & 3., Barbolâ de *offic. & potest. Episcopi* p. 2. alleg. 40. num. 6. & num. 9., & in *collectan. ad cap. 6. sess. 24. Concil. Trident.*, num. 50. & 51., censuram parriter evaderet, possetque pro foro conscientiz ab Episcopo, aliove simplici Confessario absolvi, qui exterius verbo, vel facto, aliquem negaret Fidei articulum, retento tamen interiori assensu, circa illum; nam iste, etsi graviter contra Fidem peccaret, non tamen esset formaliter hæreticus, ac propterea non irretiretur censuris in Hæreticos inflctis, quod bene perpendunt Lessius de *just. & jur.* cap. 43. dub. 2. num. 11., Suarez de *Fide*, disp. 14. sect. ult., num. 3., & Sanchez *cit. lib. 2. cap. 7. num. 8.* In foro autem externo esset puniendus tanquam hæreticus, nec ei credere afferenti, se, interiori assensu, firmiter adhæsisse veritati, cui visus est exterius dissentire, uti prosequuntur Simanca de *Catholic. instit.* tit. 13. num. 15., Roias tract. de *Hæret.*, 1. p., num. 304. & seqq., & Farinaccius de *hæresi*, q. 179. num. 55.

5 Sed difficultas unice circa eum versatur, qui interius Fidei articulo

B b b 2

dissen-

diffentitur, suumque diffensum, aliquo exteriori signo pandit, quin tamen idcirco fuerit ad forum judiciale deductus; De hoc quippe, quem hæreticum esse, censurisque in Hæreticos latis, innodatum, nemo dubitat, controversitur, an quandiu ejus delictum occultum est, possit ab Episcopo, pro foro conscientie, absolvi. Difficultatem faciunt Tridentinum, & Constitutio Apostolica, quæ singulis annis, in die Coenæ Domini, promulgatur: Etenim ex una parte Tridentinum *sess. 24. cap. 6. de reform.* facultatem tribuit Episcopis, dispensandi, in qualibet irregularitate, proveniente ex delicto occulto, ea tantum excepta, quæ oritur ex homicidio voluntario, & insuper absolvendi in foro conscientie, a quibuscumque casibus occultis, etiam Sedi Apostolicæ reservatis, non solum non excepto, sed nominatim expresso etiam crimine hæresis: *Licet Episcopus . . . . in quibuscumque casibus (sunt verba Tridentini) etiam Sedi Apostolicæ reservatis, Delinquentes quoscumque sibi subditos, in dioecesi sua, per se ipsos, aut Vicarium, ad id specialiter deputandum, in foro conscientie gratis absolvere, impoſita poenitentia salutari. Idem & in hæresis crimine, in eodem foro conscientie, eis tantum, non eorum Vicariis, sit permisſum;* Ex alia vero parte summus Pontifex in prædicta Constitutione, postquam anathemate perculit omnes Hæreticos, sibi uni facultatem reservat, eos absolvendi; hinc vero oritur controversia, an per hujusmodi Constitutionem, quotannis renovatam, censetur derogari præſato decreto Tridentini. Enimvero extra controversiam est, per illam, a lempum esse Regularibus, aliisve, privilegium, si quod antea habuerint, quempiam absolvendi ab hæresis crimine: quinimmo quamvis ab ipsomet summo Pontifice, tempore Jubilæi, cuilibet Confessario, ex approbata a locorum Ordinariis, amplissima concedatur potestas, omnia remittendi facinora, atque, in foro Sacramentali, quilibet relaxandi censuras, sibi, quomodocumque, etiam virtute bullæ Coenæ, reservatas, per eam tamen, aliasve similes concessiones, nunquam collatam censeferi auctoritatem, absolvendi a crimine hæresis, nisi hoc fuerit specialiter, & nominatim expressum, declaravit Alexander VII. in suo decreto, a Nobis relato, & accurate expenso, in *noſtra Noſſific. 4.* quod est hujusmodi: *Sanctiſſimus Dominus noſter Alexander Papa VII., ſub die 23. Martii 1656. inherendo declarationibus alias a Prædeceſſoribus ſuis factas, ad removendam omnem dubitandi occaſionem, & ne circa id in poſterum ullo tempore haſitari contingat, cum crimen hæreſis, præ ceteris graviſſimum, ſpeciali nota dignum ſit, decrevit, facultatem absolvendi ab hæreſi, in Jubilæis, vel aliis ſimilibus conceſſionibus, non cenſeri comprehenſam, niſi expreſſis verbis concedatur facultas absolvendi ab hæreſi, & ſiquidem hæc facultas non exprimitur in bulla Cruciatæ, idcirco Gregorius XIII. jam antea edixerat, neminem poſſe, illius tantum obtentu, ſolvi a cenſura, in quam, propter hæreſim, incidit, quod videre eſt apud Manuel. Roder. in addit. ad bullam Cruciatæ §. 9. num. 66.*

6 Sed nihilominus specialis est ratio dubitandi, num per eamdem bullam Cœnæ, sit ablata etiam Episcopis potestas absolvendi ab hæresi occulta, iisdem tributa a Concilio Tridentino: huic quippe, existimant plerique cum Sanchez *de matrim. lib. 3. disp. 26. n. 7. circa medium*, non derogari, sine expressa ejusdem mentione, qualis in bulla Cœnæ non occurrit. Accedit incredibile videri, Pium IV., qui decreta Concilii Tridentini approbavit, omnemque adhibuit operam, ut per omnes orbis Christiani provincias, promulgarentur, eodem ipso anno, quo hoc negotium urgebat, atque eorumdem decretorum acceptionem, & religiosam observationem impense commendabat in bulla Cœnæ, quam, consueto more, evulgavit, voluisse derogare præfato decreto, Episcopis favorabili; indignati enim fuissent Episcopi, si audivissent, se compelli ad subeunda onera, sibi a Tridentino imposta, eo ipso tempore, quo privabantur privilegio, sibi ipse ab eodem Tridentino indulto. Cum autem bulla Cœnæ etiam tum munita esset iisdem clausulis derogatoriis, quibus nunc est referta, præsumendum est, per istas voluisse, & velle Pontifices revocare dumtaxat facultates absolvendi ab hæresi, a suis Antecessoribus concessas, non vero illam, qua iustis de causis, sunt Episcopi a Concilio Tridentino donati. Ita ratiocinantur Bannes 2. 2., q. 11. art. 3., Attragonius *ibid. art. 1. col. 10.*, Hurtadus *disp. 84. sect. 2.*, Gutierrez *Canon. car. Q. 2. lib. 1. cap. 13.*, Fagundes *in 2. præceptum Ecclesiæ, lib. 8. cap. 8. num. 33.*, Campegius *in addit. ad Zanchinum, de hæresi, cap. 34.*, Boslius *de Jubilæo, sect. 1. cap. 10. §. 5.*, Leander p. 4. tract. 2. disp. 17. q. 45., aliique, quos referunt Sanchez *lib. 2. in Decalogum, cap. 11. num. ult.*, & Diana 1. p., tract. de absolutione ab hæresi, resolut. 2.

7 Verum utrumque argumentum, nullo labore refellunt Auctores contrarii, quos citant, & sequuntur Sanchez *lib. 2. moral. disp. 3. §. 2. num. 22.*, Garzias *de Benefic. part. 11. cap. 9. num. 121.*, Barbosa *ad dict. cap. 6. sess. 24. de reform.*, & de offic. & potest. Episc., allegat. 40 num. 3., Cardinalis de Lugo *de virtute Fidei, disp. 23. sect. 3. §. 1.*, Rolignolus *de censuris, tom. 1. q. 1. cap. 25. num. 7.*, Duard *in bulla Cœnæ, lib. 3. §. 2. q. 11. num. 43.*, Clericatus *de Pœnit. decis. 45. num. 4. & seqq.*, Anacletus Reiffenstuel *lib. 5. Decretal., tit. 7. §. 7. num. 351. & seqq.*, aliique quamplurimi. Meliori sane, & veriori judicio contendunt illi, facultatem, de qua loquimur, esse Episcopis per bullam Cœnæ adeptam, & Romano Pontifici reservatam, nec multum negotii ipsis ficeffunt argumenta in contrarium adducta. Ad primum quippe ajunt, sufficienter derogari Concilio Tridentino, per illam generalem clausulam, in bulla Cœnæ contentam, *Non obstantibus Constitutionibus Apostolicis, & cujusvis Concilii decretis*: Etenim cum nullum, præter Tridentinum, reperiat Concilium, a quo data sit Episcopis potestas absolvendi ab hæresi, allegata verba, quibus Pontifex eandem potestatem sibi deinceps reservat, unice alludere queunt ad enuntiatum Tridentini decretum, cui in hac parte se dero-

se derogare declarat. Ad hæc ut Papa deroget Concilio Tridentino, non est necesse, ut expressam faciat ejusdem mentionem, sed satis est, ut aliquid statuatur, quod Tridentini decretis adversetur: siquidem cum ipsimet Tridentini Patres *cap. ult. sess. 25. de reform.* sua decreta subiecerint judicio, & voluntati summi Pontificis: *Omnia, & singula, quæ sub quibuscumque clausulis & verbis, in hoc sacro Concilio statuta sunt, sancta Synodus declarat, ita decreta fuisse, ut in his salva semper auctoritas Sedis Apostolica, & sit, & esse intelligatur*; Idcirco Pontifex aliquid edicens, contra aliquam Tridentini sanctionem, non operatur contra mentem ejusdem Concilii, neque illam exerit supremam auctoritatem sibi a Christo Domino collatam, relaxandi, & immutandi, cum opus fuerit, quamcumque legem Ecclesiasticam, sed potius eo utitur arbitrio, a cujus nutu voluit idem Tridentinum suarum sanctionum firmitatem pendere, quod apposite expendunt Garzias de *Benefic. p. 4. cap. 5. num. 32. & 33.*, Gonzalez ad *reg. 8. Cancell. gloss. 6. num. 120.*, Bonacina de *cenfur. in bulla Cœnæ, disp. 1. q. 2. punct. 2. num. 8.*, & Fagnanus in *cap. Nulla, num. 86., de concess. Præbende.*

8 Alterum, quod proferunt argumentum, ut aliquid haberet roboris, in primis probandum esset, quod gratis assumitur, nimirum bullam Cœnæ, a Pio IV., de more promulgatam, iisdem fuisse munitam clausulis, quæ leguntur in similibus Constitutionibus, a posterioribus Pontificibus editis. Enimvero enuntiata verba, *Non obstantibus cujusvis Concilii decretis* non leguntur in bulla Cœnæ promulgata a Martino V., quæ refertur a S. Antonino *3. p., tit. 24. cap. 72.*, neque in bulla Cœnæ, promulgata a Paulo III., quæ est 10. inter Constitutiones ejusdem Pontificis *Bullar. rom. 1.*; quinimmo Cardinalis de Lugo de *virtute Fidei, cit. disp. 23. sect. 3. §. 1. num. 48.* testatur, se ea verba non invenisse in ulla bulla Cœnæ, ante Gregorium XIII., ex quo conjicit, neque a Pio IV. fuisse adhibita, ac proinde corrui potissimum argumentum, cui plurimum fidunt Auctores stantes pro contraria opinione.

9 Deinde, cum hæc controversia non versetur circa jus, sed circa factum; nemo quippe Catholicorum dubitat, potuisse Pontificem, facultatem, de qua agitur, Episcopis adimere, sed solum disputant an re ipsa ademerit, non est ex meris præsumptionibus, & conjecturis colligenda voluntas summorum Pontificum, quam ipsimet discrete explicuerunt: Etenim S. Pius V., & Gregorius XIII. de hac re interrogati, indubitanter responderunt, nulli, præter Papam, hodie integrum esse, quemquam absolvere ab hæresi, etiam occultissima, eo quod Papa per bullam Cœnæ, ejusmodi facultatem sibi reservet, sicuti toridem verbis refert Navarrus *man. cap. 27. num. 275.*, addens ab iisdem Pontificibus, ne Cardinali quidem summo Poenitentiario, fuisse talem facultatem tributam, nisi multis limitationibus circumscriptam. Præterea in vita S. Francisci Saleii, descripta a Petro Hyacintho Gallizia *lib. 2. cap. 32.*, atque

atque in alia, alterius Auctoris, relata a Gobat *Theolog. experim. tract. 7. cap. 8. num. 370.* legitur, cum ad Episcopatum promotum, coram Clemente VIII. examen subiisse, promovendis ad Episcopatum ab eodem Pontifice indictum, atque inter quæstiones eidem propositas, de hac fuisse a Pontifice interrogatum: *Possent ne Episcopi ab hæresi absolvere?* Respondit Salesius: *Posse, virtute facultatis ipsam factæ a Tridentino*; At aliam sibi mentem, aliam esse voluntatem, mox subiecit Pontifex; ad quod Salesius: *Siquidem hæc est mens Sanctitatis vestra, eidem acquiesco, atque e mea sententia recedo.* Idem, nec semel decusum est a sacris Urbis Congregationibus, quarum ministerio, solent Pontifices mentem suam manifestare: ita quippe declaratum a sacra Congregatione S. Officii testantur Poenia, Romanæ Rotæ Auditor, in notis ad Eymericum 3. p., q. 92. comment. 141.; §. *Equidem*, & Cardinalis Albitius, qui ejusdem Congregationis Assessoris munus obierat, in suo tract. de *inconst. in Fide*, cap. 25. num. 4. & seqq.; idemque responsum datum a sacra Congregatione Concilii, narrant Fagnanus in cap. *Quoniam*, num. 29. de *Constitutionibus*, & in cap. *Dilectus*, num. 30. de *tempor. Ordinac.*, ac Cardinalis Petra in comment. ad *Constit. 18. Innocentii IV.*, tom. 3. num. 19. & seqq. Quocirca Suarez, qui in tract. de *cenfuris*, disp. 21. sect. 3. num. 5. probabilem censuerat opinionem, Episcopis favorabilem; cum postea diligentius expenderit allegata summorum Pontificum, sacrarumque Congregationum responsa, & priori sententia recessit, & in tract. de *Fide*, disp. 21. sect. 4. num. 13. aperte docuit, nulla probabili ratione, posse hodie altrui Episcopis potestas absolvendi ab hæresi; Et Cardinalis de Lugo cit. sect. 3. §. 1. num. 46., post quæstionem, in utramque partem veriatam, eadem respiciens decreta concludit: *Mibi moraliter certa est Pontificis mens, & sensus Romana Curia, in qua omnes Pontificis Ministri, pro certo supponunt, singulis annis, denuo eam facultatem Episcopis auferri, & ea solum de causa, ad eamque finem, addita esse in bulla Coena verba illa, quibus revocantur facultates concessæ etiam per cujusvis Concilii decreta.* Ac denique Fagnanus in cit. cap. *Dilectus*, num. 30., postquam indicatam retulit declarationem, editam a sacra Congregatione Concilii, ait: *Unde frustra nonnulli ex recensio-ribus Theologis hunc articulum in controversiam adducunt, cum habeamus claram determinationem sacre Congregationis.*

10 Sed majorem adhuc firmitatem huic sententiæ adjecit Alexander VII., cum die 24. Septembris 1665. hanc, inter ceteras, propositionem proscripsit: *Sententia asserens, nullam Coenæ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629., 18. Julii, in Consistorio sacre Congregationis Eminentissimorum Cardinalium, visa, & tolerata est.* Fatemur equidem damnationis telum non directe contodere opinionem, asserentem Episcopis auctoritatem absolvendi ab hæresi occulta, sed solum directe perfringere quorundam audaciam, & im-

posturam,

posturam, qui, ut eandem opinionem, validissima fulcirent auctoritate, in vulgus jactabant, eam a sacra Congregatione examinatam, omnem evasilem censuram, uti advertunt Salmanticenses *in cursu morali*, tom. 4. tract. 18. *de privilegiis*, cap. 4. §. 11. num. 163., & Milante *exercit.* 3. in 3. *propositionem damnatam ab Alexandro VII.* pag. 19.; At nihilominus nemo facile inficiabitur, damnationis ictum, grave vulnus indirecte inflixisse etiam opinioni, quam sui Auctores prædicta impoſitura tutabantur: parum enim sollicitus fuisse Pontifex, de præcipuo evertendo argumento, quo ea fulciebatur opinio, si illam quoquo modo probabilem, ac tolerabilem reputasset, quemadmodum ratiocinatur Dominicus Viva in *eandem tertiam propositionem Alexandri VII.*, recte inde inferens, præfatam opinionem, e sua probabilitate, si quam antea haberet, plurimum saltem fuisse deturbatam.

## CAPUT XXXIII.

*Alia evertuntur argumenta, quibus speciatim suffulti nonnulli Auctores Gallicani, facultatem absolviendi ab hæresi, quam aliis ablatam haud difficulter admittunt, in sua nationis Episcopis intactam perseverare asseverant.*

**P**otestatem, de qua hæctenus differuimus, aliis innixi argumentis, suæ gentis Episcopis vindicare conantur plures Auctores Galli, quos sequuntur Tournely, seu verius Continuator Theolog. *moralis ejusdem*, tom. 2. tract. 3. *de censuris*, part. 1. pag. 471. edit. Venet., & Pontas *V. Casus reservati*, cas. 4.: Aliqui enim, teste Thomassino *de vet. & nov. Eccles. discipl.*, par. 1. lib. 2. cap. 13. num. 8. §. *Accessit*, eam in Galliarum Præsules derivatam, volunt a consuetudine, tacito Romani Pontificis consensu roborata, quæ jamdiu obtinuit, ut Episcopi occultos Hæreticos, in foro Sacramentali absolvant: *Absolvunt tamen* (ait Thomassinus) *Episcopi Galliarum, non contradicente, adeoque, ut ex regulis juris ipsi interpretantur, consentiente Pontifice*: Alii vero, cum Gibert in suo tract. *de usu Ecclesiæ Gallicana in materia censurarum*, tit. 17., ideo, per bullam Coenæ, non revocatam defendunt Gallicanis Episcopis auctoritatem absolviendi ab hæresi occulta, iisdem concessam a Tridentino, quia præfata bulla, ut ipsi ajunt, & pluribus suadere conatur Gibert, nunquam fuit in Galliis recepta.

2 Verum neque ejusmodi argumenta tantæ sunt efficacitatis, ut illud evincant, quod prædicti Auctores contendunt: Etenim quod spectat ad non acceptionem bullæ Coenæ, mirum est, non vidisse Gibertum, ejusmodi argumentum in ipsum retorqueri: nam sicuti in Galliis, uti Gibertus, ejusque Affectu ajunt, neque promulgata, neque usu recepta unquam



unquam fuit bulla Coenæ, ita pariter, iisdem asserentibus, nec publicatum, nec receptum ibidem fuit Concilium Tridentinum, quoad decreta, respicientia disciplinam: *Episcopi autem illarum regionum, in quibus Concilium Tridentinum adhuc receptum non est, non possunt uti facultate concessa in hoc decreto, scilicet cap. 6., sess. 24., de quo disputabatur, rescripsit sacra Congregatio Concilii, apud Cardinalem de Lugo cit. disp. 23. sect. 3. §. 1. num. 54.* Equidem cum facultas absolvendi ab hæresi occulta, unice ex Concilio Tridentino, in Episcopos dimanaverit, non potuit illam participare, qui Tridentino aditum, in suam diocesim occlusit: neque æquum est, ut id commodi ex Concilio reportent, qui ejus onera subire detrectant, quemadmodum cum eodem De Lugo, ad rem prosequuntur Doctores congesti a Sanchez cit. lib. 2. in *Decalogum*, cap. 11., atque a Barbosa ad cit. cap. 6. sess. 24. num. 3.

3 Quod vero attinet ad consuetudinem, tacito Romani Pontificis consensu approbatam, quam in plerisque Galliarum diocesisibus jamdudum obtinuisse, aiebat Thomassinus, ut earumdem Præfules passim ab hæresis crimine suos subditos absolvant; Thomassinum confundere suspicamur hæresim occultam, de qua est questio, cum hæresi ad Episcopi forum jam deducta, a qua jam præmonuimus jus esse cuilibet Episcopo, respicientem reum in utroque foro absolvendi; hanc porro suspensionem Nobis injiciunt Comitia Cleri Gallicani, anni 1585., ab eodem Thomassinio indicata, quæ, teste Du Taix, communi suffragio rogandum statuerunt Pontificem, ut Episcopis, eorumque Officialibus veniam daret absolvendi Hæreticos, ad Ecclesiæ Catholicæ gremium redeuntes; necessarium etenim non fuisset, hanc facultatem, pro omnibus Regni Episcopis a Pontifice efflagitare, si jam plerique illam, consuetudine, aliove modo, a se acquisitam ibidem exercuissent. Idem privilegium, quod omnibus concedi exoptarunt Cleri Comitia, non diu antea sibi fieri, curaverant Patres Conciliorum Provincialium, Rothomagensis, anni 1581., & Turonensis, anni 1583.: prius siquidem, postquam decretum ediderant, quo astruebatur Episcopis potestas absolvendi ab hæresi, iisdem a Tridentino tributa; re melius considerata, eam potestatem, post bullam Coenæ, dubiam saltem, atque incertam agnoverunt, ac proinde sibi fieri a Pontifice postularunt, ita ad Gregorium XIII. scribentes: *Circa decretum de casibus reservatis, ubi dicitur ex Concilio Tridentino Episcopos absolvere ab hæresi, videtur contra bullam de Coena Domini, & reservationem factam per Dominos Pios Quartum, & Quintum. Sed plures potius mactabunt in hæresi, quam propter eam mistant ad Sedem Apostolicam; & interea diu mittitur, & expectatur absolutio, multa incidere possunt tentationes, & mutationes. Ideo humillime supplicant Episcopi, ut dignetur sua Sanctitas illis potestatem ex decreto Tridentino concedere; hisce vero precibus indulgentium censuit Pontifex, sed solum ad tempus, rescribens: Pro necessitate provincie conceditur ad tempus hæc facultas absolvendi, juxta decretum Concilii Triden-*

mini, cui magis visum fueris (collect. Harduin. tom. 10., col. 1266.). Patres autem Turonenses (eodem tom. 10., col. 1393.) in Synodi proemio cap. 2. sanxere: *A sua Sanctitate, eiusus iudicio, & censura omnia in presenti Concilio sancita, & diffinita subsiciuntur, supplex Synodus, quam po. est efflagitat ebrix, ut Episcopis provincia, eorumque Vicariis, Officialibus, & Pœnitentiariis, facultatem ab hæresi absolvendi, ac Hæreticos Ecclesiæ restituendi iis interdissim, concedere dignetur: quo facilius hæresis labe infecti, eadem ejurata, ad Ecclesiæ Catholice gremium revertantur.* Habemus igitur viginti Patres Gallos, septem videlicet, qui Concilio Rothomagensi, & tredecim, qui Turonensi, vel per se, vel per suos Procuratores interfuere, præter plures Abbates, & Procuratores Capitulorum, qui eorundem Conciliorum decretis subscribere, quibus persuasum fuit, virtute bullæ Coenæ, veritum sibi esse uti facultate Episcopis facta a Tridentino, & occultos Hæreticos, sine speciali Pontificis venia, Ecclesiæ restituere. Idem universum sentiunt aliarum nationum Episcopi, qui non audent Hæreticos a censurarum nexu absolvere, sine speciali privilegio summi Pontificis, a quo illud & petere, & impetrare solent, quod de Episcopis Germaniæ testatur Gobat *Theolog. experim. tract. 7. cap. 8. num. 371.*, & Reiffenstuel ad cit. tit. 7. lib. 5. *Decretal. num. 397.* De Episcopis vero degentibus in Anglia, Hibernia, & Hollandia, refert Arsjekin *Theolog. tripartita tom. 2. p. 2. tract. 2. cap. 5. §. 1. §. 5. & 6.*

4. Judicent nunc alii Antislites, an ipsi valeant, sine temeritatis nota, tot illustrium, & amplissimorum Præfulum exemplis contraire, eamque auctoritatem sibi arrogare, atque etiam in Synodo ostentare, quam primæ Sedi reservatam sacræ Urbis Congregationes, ac ipsimet summi Pontifices, non semel declararunt, omnesque fere Theologi, sacrorum Canonum Periti, paucis quibusdam exceptis, Episcopis, per bullam Coenæ ablatam docent. Neque quoad hoc postpositos se credant Inquisitoribus, sicuti nonnullos Episcopos conqueri audivimus, quasi Inquisitoribus illa detur facultas, quæ ipsis denegatur. Etenim (uti jam prænotavimus) aut sermo est de Hæretico, ad forum judiciale deducto, sive sponte suum delictum ad idem forum deferente; & tam Episcopus, quam Inquisitor potest illum, pro utroque foro absolvere, & in Ecclesiæ gremium recipere; aut sermo est de Hæretico occulto; & istum neque Episcopus, neque Inquisitor potest solvere a vinculo excommunicationis, qua coram Deo, atque in foro conscientie est innodatus, ac propterea Cardinalis Albitius cit. cap. 25. num. 16. opportune, & fortasse ad prædictam præoccupandam Episcoporum querimoniam, scripsit: *Quod dictum est de Episcopis, idem dicendum est de Inquisitoribus, qui nullo modo habent facultatem absolvendi Hæreticos in foro conscientie; idemque animadvertit Cardinalis Petra loc. cit., num. 28., inquit: Quamvis autem Inquisitores ab hæresi, in foro judiciali absolvere possint, & talis absolutio pro utraque foro suffragetur, uti dixi, in foro tamen conscientie ejusmodi facultatem*

*non habent, nec expedit, ut habeant* : Equidem non ignoramus, quod refert Pallavicinus in *hyst. Concil. Trident. lib. 23. cap. 10. num. 4.*, optasse nimirum Oratores Hispanos, & Lusitanos, ut in eo ipso decreto *cap. 6. sess. 24.*, quo data est Episcopis potestas absolvendi ab hæresi occulta, prohiberentur iidem, hac potestate uti, in Regnis, & locis, ubi est tribunal Inquisitionis; ex quo plerique conjiciunt, Inquisitoribus Hispaniæ, & Lusitanæ idem jus, jam antea fuisse, quod a Tridentino fuit etiam Episcopis concessum; Secus quippe (sunt) nulla fuisset ratio, cur præfati Oratores vellent, a decreto excipi, loca, in quibus viget tribunal Inquisitionis; Scimus præterea nonnullos Doctores, congestos a Diana in *edit. coord. tom. 5. tract. 8. resolut. 19. & 20.*, opinari eandem facultatem in iisdem Inquisitoribus etiamnum perseverare. Verum quidquid sit, an Inquisitores, præsertim Hispaniæ, & Lusitanæ auctoritatem unquam habuerint absolvendi, in foro Sacramentali ab hæresi occulta, quod probabilius negat Thomas Del Bene *de offic. S. Inquisit. p. 1. dub. 57. num. 11. & seqq.*, certum est eam per bullam Coenæ esse revocatam, nec posse ab iisdem usurpari, nisi speciale privilegium obtineant a Sede Apostolica, quemadmodum ex iis, quæ de Episcopis diximus plane deducitur, aliisque allegatis docent Barbosa *de offic. & poss. Episc. allegat. 40. num. 28.*, Del Bene *num. 13. & seqq.*, ac Cardinalis Petra *cit. loc. num. 29.*

## CAPUT XXXIV.

*Eadem jura Romani Pontificis leduntur etiam per Synodalem Constitutionem, infligentem degradationis poenam Clericis, quorundam atrociorum criminum reis.*

**T**AM in antiquis, quam in nuperis Synodis, quo magis Clerici a delictis deterreantur, recensentur poenæ canonicæ, in Delinquentes infligendæ, & fit specialis mentio *degradationis*, cui fiunt obnoxii quorundam atrociorum criminum rei. Hæc prudenter sane, & laudabiliter in Synodos inferuntur, sed iterum periculum hic est, ne Episcopus, cum degradationem Clericis hujus, aut illius delicti fontibus comminatur, suæ potestatis terminos prætergrediatur, & jura invadat Romani Pontificis; quod, qua ratione contingere queat, paucis ostendimus.

2 Adeo indecens semper, & probrosum visum est, sacris addici ministeriis, hominem non integræ famæ, ut qui grave scelus admisit, in ceterorum Fidelium offensionem incurrens, si laicus adhuc sit, juxta vetustissimas, & sanctissimas Ecclesiæ leges, in perpetuum arceri debent, a sacris suscipiendis Ordinibus; si vero jam fuerit inter Clericos cooptatus, sit e Clericali gradu dejiciendus. Primum ex Apostolo Paulo, tra-

dit Augustinus *tract. 41. in Evang. Joann.* ubi præmissa distinctione; inter leviores culpas, quas Peccata vocat, & graviora flagitia, quæ Crimina appellat, ea singulatim enumerat, quorum Apostolus, prorsus infontes esse voluit sacris initiandos Ordinibus *num. 10. (tom. 3. oper. col. 575.)*; Apostolus Paulus, quando elegit Ordinandos, vel Presbyteros, vel Diacones, & quicumque ordinandus est ad præposituram Ecclesiæ, non ait, Si quis sine PECCATO est; hoc enim si diceret, omnis homo reprobaretur, nullus ordinaretur; sed ait, Si quis sine CRIMINE est, sicuti est homicidium, adulterium, aliqua immunditia fornicationis, furtum, fraus, sacrilegium, & cetera hujusmodi. Alterum præscribunt innumeri Canones, e quibus paucos exhibemus. Canon 25. ex recens. Catelarii ex Apostolicis statuit: Episcopus, aut Presbyter, aut Diaconus, qui in fornicatione, aut perjurio, aut furto captus est, deponatur, non tamen communione privetur, & Canon. 30.: Si quis Episcopus, aut Presbyter, aut Diaconus per pecunias hanc obtinuerit dignitatem; deiciatur & ipse, & ordinator ejus, & a communione modis omnibus abscindatur. S. Basilius *epist. ad Amphilochoium de Canonibus, can. 3. (tom. 3. oper. pag. 271.)*: Diaconus post Diaconatum fornicatus, Diaconatu ejicietur quidem, sed, in Laicorum detrigis locum, a communione non arcebitur. Concilium Aurelianense III., anni 538. *can. 7.*: Si quis adulterasse, aut confessus fuerit, vel convictus; deponatur ab officio, communione concessa, in monasterio toto vitæ suæ tempore retrudatur (*tom. 2. collect. Harduin. col. 1425.*); Et ibidem *can. 8.*: Si quis Clericus furtum, aut falsitatem admisit, quia capitalia etiam ipsa sunt crimina; communione concessa, ab Ordine degradetur. Ex his, aliisque hujus generis multis, quæ in antiquis Synodis passim occurrunt, non solum crimina addiscimus, propter quæ Clerici e gradu deturbabantur, sed etiam colligimus ejectionem e Clericali gradu minorem fuisse poenam, quam esset Segregatio et consortio Fidelium, seu excommunicatio: Aliquos enim audivimus e gradu deponendos, quin tamen idcirco essent communione privandi; quod adhuc clarius liquet ex *can. 29. Apostolorum*, ubi Clericus Ordinis ministerium exercere præsumens, a quo esset depositus, veluti gravius criminis reus, severiori anathematis poena plecti jubetur: Si quis Episcopus, aut Presbyter, aut Diaconus depositus juste super certis criminibus, ausus fuerit attrectare ministerium dudum sibi commissum, hic ab Ecclesiâ penitus abscindatur. Placuit autem id obiter animadvertere, ut vel ex hoc appareat, quam gravis poena sit excommunicatio, qua Majores nostri longe leviorē exilimarunt ejectionem e gradu, atque hanc regulariter illi præmiserunt, ut delinquentes Clericos corrigerent, neque faciles fuerunt in serenda anathematis sententiâ, quam plerique nostri temporis Antistites, in Synodaliū decretorum transgressores, immoderate quandoque decernunt, de quo abusu plura suo loco.

3 Quamquam porro, insequenti ætate nonnihil remissa fuerit antiquæ disciplinæ severitas, non tamen exolevit degradationis poena; sed etiam-

etiamnum viget, & fertur in Clericos, aut cujusdam atrocioris criminis reos, aut inemendabiles. Hanc poenam Theologi morales, & Canonistæ sæpe confundunt, cum simplici depositione; sed revera, licet fortasse antiquioribus Ecclesiæ sæculis, nullum intercederet inter utramque discrimen, artamen illud, aut induxit, aut jam inductum agnovit Clemens III., sive (uti habetur in collectione, qua utimur) Cælestinus III. in cap. *Cum non ab homine*, 10. de *judiciis*, ubi Clericum, homicidii, furti, perjurii, seu alterius gravis criminis legitime convictum, primò jubet deponi, deinde excommunicari, & crescente contumacia, anathematis, (hoc est solemnioris excommunicationis, cum execratione) mucrone feriri; ac demum, si in profundum malorum venerit, degradari, seu Curie seculari, puniendum tradi, præcipit. Differentia vero, inter simplicem depositionem, & degradationem, in hoc sita est, ut scilicet per simplicem depositionem, Clericus perpetuo quidem removeatur, aut a suscepti Ordinis exercitio, aut ab officio, & Ecclesiasticæ jurisdictionis usu, aut a Beneficio, aut denique ab Ordine simul, officio, & Beneficio; non tamen spoliatur privilegio canonis, & fori, sed remaneat subiectus foro Ecclesiastico, neque ulla ratione subjiçiatur jurisdictioni laicali, quod ex modo cit. cap. *Cum non ab homine*, inferunt Abbas in cap. *At si Clerici*, 4., §. de *adulteris*, num. 2. de *judiciis*, Suarez de *cenfuris*, disp. 30. sect. 1. num. 8., Engel ad tit. 37. lib. v. *Decretal.*, num. 11., Wiestner *ibidem* num. 73., Schmalzgrueber num. 135.; nec obscure etiam inde colligitur; quod Clerici depositi, plerumque a sacris Canonibus jubentur detrudi in arcum monasterium, sicuti de Sacerdote revelante peccatum, sibi in sacramentali Confessione manifestatum, statuit Innocentius III. in cap. *Omni utriusque sexus*, de *Pœnit. & remis.*; nemo enim facile credit, Sacerdotem in monasterium detrusum esse extra forum Ecclesiasticum, & laicali jurisdictioni obnoxium. At per veram degradationem Clericus non solum arcetur in perpetuum ab omni Ecclesiastico ministerio, omnique privatur Ecclesiastico officio, & Beneficio, verum etiam exiit privilegio fori, & subjiçitur Potestati seculari, a qua, post degradationem judicari, in carceres detrudi, secundum leges civiles puniri, & condemnari potest, perinde ac si esset huius: Ante degradationem tamen *realem*, & *actualem* retinet privilegium canonis, ita ut injiciens violentas manus in Clericum, solum *verbaliter* degradatum, & nondum *actu* traditum Curie seculari, incidat in excommunicationem can. *Si quis suadente*, XVII., q. 4., quod docent Glossa in cap. *Degradatio*, V. *Privilegio*, de *pœnit* in 6., Panorm. in cap. *Ad abolendam*, num. 11. de *Hæreticis*, Barbosa in cit. cap. *Degradatio*, num. 9., Wiestner ad cit. tit. XXXVII., lib. 5. *Decretal.*, num. 78.

4 Enimvero duplicem degradationem distinguit Bonifacius VIII. in cit. cap. *Degradatio*, unam vocat *verbalem*, & est ipsa prolatio sententiæ, per quam Juxda Ecclesiasticus Clericum ejicit e gradu, & foro laicali  
addi-

addicit; aliam nominat *actualem*, seu realem, & est actus ipse, seu solemnitis cæremonia, qua Episcopus Clericum, verbali sententia antea degradatum, sacris spoliis insignibus, & reipsa tradit Curie seculari. Degradatio verbalis olim fiebat, in Provincialibus Episcoporum Synodis, ad quas Presbyterorum, aliorumque Ecclesiæ Ministrorum criminales causæ referebantur, ut ibidem discuterentur, & deciderentur, juxta canonem quintum Nicænum; Verum cum haud faciliter, & quotiescumque opus erat, ejusmodi Synodi congregarentur, propterea ne Clericorum enormia facinora diu manerent impunita, in Concilio Carthaginiensi II., anni 390., *can. x.* relato a Gratiano *can. 4.*, xv., q. 7., statutum est, ut in posterum quæcumque Clericorum causæ, etiam extra Synodum agitari, & terminari possent, hac tamen adjecta limitatione, ut, si ageretur de delicto exauktionis sententiam merente, hæc in Episcopum, nonnisi a duodecim, in Presbyterum a sex, in Diaconum a tribus, simul congregatis Episcopis, ferri posset, quem canonem renovavit Concilium Carthaginense III., anni 397., *can. 8.*, relato, eadem causa, & q., *can. 5.*, ac proinde Concilium Hispalense II., anni 619., *can. 6.* relato pariter a Gratiano *cit. loc.*, *can. 7.*, ait: *Episcopus Sacerdotibus, ac Ministris solus honorem dare potest, auferre solus non potest.* Statutum a priscis Canonibus Episcoporum numerum, ad verbalem degradationem Clericorum majorum Ordinum, præscripsit etiam Bonifacius VIII. in *cit. cap. Degradatio*, solumque permisit, ut Clerici minorum Ordinum possent, sola proprii Episcopi sententia, exauktionari. At quoniam nonnulli maledici Ecclesiam calumniabantur, quasi tot Episcopos, ad degradationis sententiam requireret, quot haud facile possent congregari, ut, tali pacto, majoribus Clericis, quocumque enormi flagitio conspurcatis impunitatem daret; quod videre est apud Boehmerum *jur. Eccl. Prot. tantum*, tom. 5. tit. 37. de poenis, num. 118., cumque insuper ea de re conquesti essent etiam Principes Germaniæ, qui inter centum gravamina, quibus levamen, & remedium afferri, ab Hadriano VI. summo Pontifice, postulaverant, hoc art. 12. exposuerant: *Et tandem ut in precatis, maleficiisque perpetrandis magis adhuc frueantur, præter omnem aquitatis rationem, aliquatenus interdictum est Archiepiscopis, & Episcopis, ne maledictores his publice, criminali judicio reos agere possint, nisi prius degradatos: id quod tantis sumptibus, tantaque pompa, celebrari oportet, ut propterea perquam rarissimum Uncti illi malefactores merita plebantur poena: idcirco Tridentini Patres sess. 13. cap. 4. de reform. ad obstruendum os malignantium, sanxere, ut deinceps liceret Episcopo, per se, vel per suum Vicarium Generalem, ad verbalem Clerici degradationem in casibus, in quibus aliorum Episcoporum præsentia, in numero a Canonibus debito requiritur, etiam absque illis procedere; adhibitis tamen, & in hoc sibi assistentibus totidem Abbasibus, usum Mitra, & Raculi ex privilegio Apostolico habentibus, si in civitate, aut dioecesi reperiri, & commode interesse possint; alioquin aliis personis*

in Ec-

in Ecclesiastica dignitate constitutis, quæ atque graves, ac juris scientia commendabiles existant: Ejusmodi porro, sive Abbates, sive alias personas in Ecclesiastica dignitate constitutas, non adhiberi tanquam meros Consiliarios, sed esse Judices assessores, quibus competit suffragium decisivum, recte docent Suarez *de censuris disp. 30. sect. 1. num. 20.* & Barbosa *ad cit. cap. Tridentini, num. 8.* ; sunt enim suffecti in locum Episcoporum, quos veros fuisse Judices, constat ex allegatis juribus, & adhuc clarius ex *cap. 3. de sententia, & re judicata*, ubi dicitur: *Non potest quemquam a Sacerdotali gradu (nisi iustis ex causis) concors Sacerdotum sententia submovere*: quinimmo ex hoc textu inferri arbitrantur, Maranta *de ordin. judic. p. 4. dist. 11. num. 71.*, Barbosa *de offic. & potest. Episc., allegat. 110. num. 28.* Reiffensuel *ad cit. tit. de poenis, num. 44.*, Schmalzgrueber *ibidem, num. 146.* alique ab his citati, necesse esse, ut in degradationem Presbyteri, Diaconi, vel Subdiaconi, omnes prædicti, Episcopo assidentes unanimiter consentiant.

5 Post degradationem verbalem, si procedendum sit ad realem, Clericus degradandus, sacris vestibus indutus, ac si celebrare, vel, si infra Sacerdotium sit constitutus, alium sui Ordinis actum exercere debet, adducitur ad Episcopum, præsentibus aliis Episcopis, seu Abbatibus, aliisve, qui degradationis sententiam protulerunt, atque adstante etiam Judice sæculari; Episcopus vero eum gradatim exuit singulis Ordinum insignibus, incipiens ab illo, quod eidem in Ordinatione, ultimo loco traditum est, ceterisque adhibitis ceremoniis, quæ præscribuntur *in cit. cap. Degradatio*, & habentur in Pontificali Romano, quibus expletis degradatum tradit Judici sæculari, secundum Laicorum leges puniendum; sed simul eundem Judicem serio, atque ex animo, rogat, ut sententiam moderari, atque a poena sanguinis abstinere velit, sicuti habetur *in cap. Novimus, 27. de V. S.* Eadem ceremoniæ, & solemnitates, juxta laudatam Decretalem Bonifacii VIII., & Pontificale Romanum, essent adhibendæ in actuali degradatione Clerici minorum Ordinum, aut etiam primæ Tonfuræ; sed multis saltem in locis, teste Van-Espen *I. E. U. part. 3. tit. 11. cap. 2. num. 61. & seq.*, quoad Clericos ejusmodi, non sunt in usu.

6 Actualis degradationis, per quam Clericus Sacerdotali, & Clericali dignitate quodammodo denudatur, & quasi redigitur ad laicalem conditionem, rudimenta habemus in Novella 83., ubi Justinianus Imperator ait: *Illud palam est, si reum esse putaveris eum, qui convenitur, provincia Preses, & poena judicaveris dignum; prius hunc spoliari a Deo amabili Episcopo Sacerdotali dignitate, & ita sub legum fieri manu.* Verum Gothofredus *ad leg. XXXIX., tit. 2., cod. Theodosiani* observat, Clericos exautoratos non semper tum fuisse traditos Curiae sæculari, ut afficerentur morte, vel alia capitali poena, uti nunc fit, sed ut jam dejecti ab Ecclesiastici gradus honore, ac Clericalibus exuti prærogativis, addicerentur Curiae, idest Collegio alicujus civitatis, in quo perinde ac laici subire coge-

cogerentur officia, ad quæ ceteri cives tenebantur: ipsi autem, utpote qui se indignos præbuerant Clericatu, & ob morum improbitatem, fuerant ex Ecclesiæ Ministrorum albo expuncti, plerumque demandabantur humiliora, magisque abjecta Curix ministeria, iisque in perpetuum addicebantur, ut, tali pacto omnem amitterent spem, priusquam recuperandi in Ecclesia gradum; Quare Honorius Imperator eam tulit legem, quam Gothofredus exornat, ubi de Clericis ab officio depositis, in hunc modum statuit: *Quemcumque Clericum, indignum officio suo Episcopus indicaverit, & ab Ecclesiæ ministerio segregaverit: aut si qui professum sacra Religionis sponte dereliquerit, continuo sibi eum Curia vindicet: ut liber illi ultra ad Ecclesiam recursus esse non possit: & pro hominum qualitate, & quantitate patrimonii, vel Ordini suo, vel Collegio civitatis adjungatur, unde ut quibuscumque apti erunt publicis necessitatibus obligentur.*

7 Sed ut ut res tunc se habuerit, hodie nullus Clericorum solemniter degradatus, reipsa traditur Curix seculari, nisi qui ob grandia delicta meretur poenam capitalem. Quinimmo non ob quodlibet crimen, cui est a legibus inflicta poena ultimi supplicii, potest Clericus exactorari, & seculari foro subijci; sed debet esse crimen, cui a iure communi Ecclesiastico, aut a Pontificiis sanctionibus, sit expresse, & nominatim annexa degradationis poena; Ejusmodi autem crimina sunt. Primo hæresis, & multo magis apostasia a Fide, saltem cum quis in illam relapsus, aut in ea pertinax est, *cap. Ad abolendam, §. Prasenti; cap. Excommunicamus, 1., §. Dammati, de Hæreticis; cap. Quoniam; & cap. Super eo, eodem in 6.* Inter Hæreticos vero magis adhuc specialiter, actuali degradatione puniendi decernuntur, negantes mysterium Sanctissimæ Trinitatis, vel Christi Domini conceptionem, opera solius Spiritus Sancti, seu intactam Delparæ virginitatem, aut ejusdem Christi Domini mortem, juxta Constitutionem Pauli IV., innovatam a Clemente VIII. *Constit. 97. Bullar. tom. 3.* Secundo, falsificatio litterarum Apostolicarum *cap. Ad falsarium, 7. de crimine falsi, & cap. Novimus, 27. de V.S.* Tertio, gravis contumelia, vel calumnia, proprio Episcopo illata, seu structæ eidem insidiæ, & in ejus necem conspiratio *can. Si quis, XI. q. 1., quia tamen plerique Auctores, ac præsertim Glossa in cit. cap. Novimus, V. Tradatur, Panormitanus in cap. At si Clerici, de judiciis, num. 37., & Silvester V. Degradatio, num. 4. docent, non posse Clericum, ob ejusmodi crimen degradari, nisi fuerit incorrigibilis, si eorum doctrina admittatur, non poterit illud recenser, inter specialia delicta, quæ in præsens enumeramus; nam, ut ad rem advertit Oliva de foro Ecclesiastico p. 2. q. 12. num. 14., quæcumque alia enormia Clericorum flagitia poterunt, actuali degradatione animadverti, si in illis Clerici obstinate perseverent, quod paulo inferius declarabitur. Quartum est, quod vulgari nomine dicimus, *Affassinium, cap. 1. de homicidio in 6.* Quintum est nefandum Crimen, frequentatum, hoc est non semel tantum commissum, *ex Constit. 95. S. Pii V., quæ incipit**



pit : Horrendum ( *tom. 4. part. 3. Bullar. pag. 33.* ) Sextum est sollicitatio ad rursus in Confessione sacramentali ; si enim eam aggravent peculiare quædam circumstantiæ, Sacerdos illius reus degradari permittitur in *Constit. 34. Gregorii XV. Bullar. tom. 3.* Septimum est celebratio Missæ, aut exceptio Confessionis sacramentalis, temere præsumpta ab eo, qui sacro Presbyteratus Ordine non est initiatus, ex Constitutionibus Clementis VIII., atque Urbani VIII. a Nobis innovatis in *nostra Constit. 97. nostri Bullar. tom. 1. pag. 342.* Octavum est fabricatio, tonsio, aut adulteratio monetæ aureæ, vel argentæ, ejusque adulteratæ erogatio, vel expositio, in regnis, provinciis, & civitatibus Italix, ex *Constit. Urbani VIII.*, quæ incipit *In suprema, Bullar. tom. 4.* Nonum est sacrilegium, & execrabile furtum sanctissimæ Eucharistiæ : sive cum sacra Pixide, sive sine illa, quis sacram Hostiam surripiat, & apud se retinere, aut alio transferre præsumat, juxta Constitutiones Innocentii XI., & Alexandri VIII., a Nobis confirmatas in *nostra Constit. 93. ; nostri Bullar. tom. 1. pag. 314.*

8 Præter hæc nominatim excepta, alia, etsi æque gravia, aut etiam graviora Clericorum scelera, tum demum actuali degradatione animadverti, permittit Cælestinus III. in cit. cap. *Cum non ab homine, de judiciis*, eum Clericus depositionis, & excommunicationis poenis, antea coercitus, non respiciit, sed in profundum malorum veniens contemnit, tunc quippe ( uti textus loquitur ) cum Ecclesia non habeat ultra quid faciat, ne possit esse perditio plurimorum, per sacularem comprimendus est Potestatem. Ac nihilominus plures Doctores ita hanc Decretalem interpretantur, ut per eam minime prohiberi opinentur, ne Clericus parricidii, homicidii insidiosus, aut sacrilegi, vel alterius atrocissimi criminis reus, prædictis poenarum gradibus, non servatis, statim tradi possit Curix seculari. Ita ad *præd. cap. docuere Ancharanus num. 10., Alciatus num. 22., Martinus Del Rio disquisit. magicar. lib. 5. sect. 16., §. Si quas quid Judici liceat, alii que relati a Farinaccio prax. crim. q. 8. num. 81.*

9 Verum communis Doctorum sententia ; indubitanter affirmat, ad actuale Clerici, cujuscunque criminis rei, degradationem, præter enumeratos casus, a jure speciatim expressos, non posse procedi, nisi ille sit incorrigibilis, hoc est, uti a Cælestino audivimus, nisi Ecclesiam monita, sibi que gradatim inflictas canonicas depositionis, & excommunicationis poenas, perveraciter contempserit ; superfluum quippe fuisset, in quædam peculiaria Clericorum flagitia degradationis poenam nominatim decernere, si hæc potuisset cuicumque Clerico flagitioso statim irrogari. Neque ad rem facit, immanius scelus esse parricidium, quam forte sit aliquod ex iis exceptis, ob quod Clericus, nulla præmissa canonicarum poenarum gradatione, permittitur statim tradi Curix seculari : Etenim leges poenales non complectuntur delicta, quæ non exprimunt, etiamsi sint expressis graviora, quod *arg. cap. In poenis, de R. I. in 6., probant Castro de lege poenali lib. 1. cap. 7. docim. 3., & Suarez lib. 6. de LL., Tom. XII.*

D d d

cap. 3.

*cap. 3. num. 5.*, quare Innocentius III., qui statim post Celestinum III. Pontificatum tenuit, interrogatus ab Episcopo Londinensi, quid agendum foret, de Clericis, in latrocinis, aliisque magnis sceleribus deprehensis, eos deponendos quidem, seu verbaliter tantum degradandos, non tamen Curiae seculari tradendos, rescripsit in *cap. Tua, 6. de poenis*: *Ad illud, quod a Nobis tertio requisisti, qualiter Clerici in latrocinis, vel aliis magnis sceleribus deprehensi puniri debeant: respondimus, quod a suis Ordinibus degradari, detrudi debeant in archis monasteriis, ad penitentiam peragendam*; Et Bonifacius VIII. in *cap. Felici, eod. tit. in 6.*, etiam hostiliter insistentes, aut percutientes S. R. E. Cardinalem, reos declaret criminis laesae majestatis, & veluti tales infames, atque intestabiles pronuntiet, variisque poenis addicat, non tamen, si fuerint Clerici, actuali degradatione plectendos statuit.

10 Instat igitur regulæ sit, neminem Clericorum, quantumvis flagitiosum, posse ab Episcopo actu degradari, & Curiae seculari tradi, nisi post ei inflictae alias poenas sit cit: *cap. Cum ab homine praescriptas, deprehensus fuerit inemendabilis prout nisi sit reus alicujus ex enumeratis criminibus, a jure communi, vel a Pontificis sanctionibus nominatim expressis, quemadmodum docent Ostiensis in cap. 1. num. 2. de homicid., Berojas in cap. An si Clerici, num. 181. de judiciis V. Mibi autem, Covarr. lib. 2. var., cap. 20. num. 7., Farinaccius citat. prax. criminal., q. 8. num. 81., Eragmus in cit. cap. Cum non ab homine, num. 6., Pignatellus tom. 7. consult. 33. num. 25. & seqq.* alique apud Raynaldum, ad Bannimenta Bonon. *cap. 5. §. 1. a num. 154.* Ab hac regula, communi usu recepta, non recedat Episcopus, neque ad compescenda scelera, quae frequenter a sua dioecesis Clericis forte perpetrantur, fas sibi esse putet, in sua Synodo, sollemnis, & actualis degradationis poenam in illorum fontes decernere: id quippe cum sit contra Canones, unice pertinet ad Romanum Pontificem, cujus certe supremam jurisdictionem invadit, qui sua auctoritate maleficus Clericis eandem poenam irrogare praesumit. Quod si alicubi tanta sit alicujus enormis criminis frequentia, & experientia compertum jam sit, alias poenas haud sufficientes esse, ad Clericos ab illo deterrendos, poterit Episcopus summum Pontificem rogare, ut in Clericos, vel semel illud deinceps perpetrantes, decernat actualis degradationis sententiam, eamque a summo Pontifice latam, in sua Synodo, ad omnium terrorem, promulgare, sicuti faciendum monent Farinaccius cit. *quest. 8., & Panimoll. decis. 14. adnot. 1. num. 25.*



## CAPUT XXXV.

*Nulla in Synodo decidatur controversia, qua in materia jurisdictionis  
vertatur inter Potestatem Ecclesiasticam, & sacularem:  
ubi multa de causis nunc, & olim pertinentibus  
ad Ecclesiasticam Potestatem.*

**Q**uem supra laudavimus, Fagnanus in cap. Sicut olim, de accusat. num. 86. ea pergens enumerare, quæ in particularibus Synodis, non sint statuenda, ait: *In materia jurisdictionis Ecclesiastica, & sacularis, consultius erit, nihil statuere, quam, ut appareat ex juribus Ecclesia, aliquid esse imminutum, vel usurpatum; prudenter, suo more, id monuit Fagnanus, sed æque sapienter eam adjecit limitationem, nisi appareat, aliquid esse imminutum, vel usurpatum, ex juribus Ecclesia; aliud quippe est jus controversum sibi asserere; aliud, jus sibi certo competens tueri, atque ab injusto usurpatore vindicare: a primo omnino abstinendum, alterum est, Sacerdotali fortitudine præstandum; quod a pluribus Synodis laudabiliter factum comperimus.* In Dioecæsana Synodo Meldensi anni 1365. cap. 8., districtè Parochis præcipitur, ut diebus Dominicis, & festivis, inter Missarum solemnias denuntient, *quod omnes, qui jurisdictionem Ecclesiasticam impediunt, manifeste, vel occulte, directe, vel indirecte, & qui impediuntibus impediunt auxilium, consilium, & favorem, declarantur excommunicari.* In Synodo incerti loci, sed in Hispania, anno 1215. habita, cap. 11. decernitur, ut Clericus in flagitio deprehensus, atque a seculari fori Administris detentus, Ecclesiastico Judici illico tradatur. In Synodo Trecorensi cap. 60., excommunicatione innodati declarantur *Saculares, qui per se, vel per alios, a personis Ecclesiasticis exigunt, & extorquent pedagia, quidagia, vel cistumpas; pro rebus suis, quas, non causa negociandi, vel mercandi deferunt, aut transmittunt,* (Thesaur. nov. anecdot. collect. a Martene, & Durand. tom. 4. col. 926. 171. & 1106.) Hæc, aliaque sexcenta hujus generis statuta, quæ cum in antiquis, tum in recentioribus Synodis passim occurrunt, plurimum sunt commendanda; quoniam alienam jurisdictionem non invadunt, sed quæ foro Ecclesiastico est a jure communi indubitanter adscripta, firmanant magis, & sustentant.

**2** Verum, ne Episcopus in hoc difficili, & arduo negotio erret, ac nimio, atque indiscreto zelo abreptus, graves inter Sacerdotum, & Imperium discordias imprudenter excitet, priusquam quidquam in hac materia faciendum aggrediatur, temporum, & locorum circumstantias, sed & potissimum rerum, causarumque naturam diligenter consideret, oportet. Ex causis Ecclesiasticis, aliquas ratione sui, alias ratione personarum, ad forum Ecclesiasticum pertinere, dicitur in cap. 4. de immunit.

*Eccles. in 6.* Inter primas, principem locum obtinent causæ, quæ versantur, circa res mere spirituales, puta circa Fidem, Sacramenta, religionem, seu cultum Divinum; quas in solo foro Ecclesiastico, esse pertractandas, nullus Catholicorum ambigit, potestas quippe illas cognoscendi pendet a jure Clavium, quod solis Sacerdotibus est a Christo conceditum. Quamobrem Joannes VIII. relatus in *can. 11. dist. 96.* scripsit: *Si Imperator Catholicus est, filius est, non Præsul Ecclesie: quod ad religionem competeit, discere ei convenit, non docere . . . . Ad Sacerdotes enim Deus voluit, quæ Ecclesie disponenda sunt, pertinere, non ad sæculi Potestates; quas, si fideles sunt, Ecclesie suæ Sacerdotibus voluit esse subiectas; & Innocentius III. in cap. 8. de Arbitris severe prohibuit, ne in causis hujusmodi compromittatur in Laicum, qui, ex defectu potestatis Clavium, incapax est, judicium de illis ferendi. Huic doctrinæ constanter adhærent etiam Doctores Galli, quos proinde immerito aliqui traducunt, quasi, hac in re, Potestati Ecclesiasticæ adversentur: In primis quippe Regni Optimates, in illa ipsa solemni protestatione, relata a Matthæo Parisio, ad ann. 1247. qua jurisdictionem Ecclesiasticam plurimum coarctare tentarunt, nequaquam ausi sunt ab ea subducere causas Fidei, matrimonii, & usurarum, quas ultro admisertunt, ad solum forum Ecclesiasticum pertinere: *Nos enim* (ajebant pag. 720.) *Regni Majores attento animo percipientes, quod Regnum, non per jus scriptum, nec per Clericorum arrogantiam, sed per sudores bellicos fuerit adquisitum, præfenti decreto, omnium juramento statuimus & sancimus, ut nullus Clericus, vel Laicus alium de cetero trahat in causam, coram ordinario Judice, vel delegato, nisi super hæresi, matrimonio, vel usuris. Deinde eandem Ecclesiasticam jurisdictionem, cui nimium angustos limites præscribi voluerant Regni Optimates, ad omnes alias causas, aut spirituales, aut spirituali annexas, protendi, declararunt Christianissimi Reges, Franciscus I., Henricus II., & Carolus IX. in suis Constitutionibus relatis in codice Henrico, & in collatione Regiarum Constitutionum, atque insuper Henricus IV. in edicto anni 1606. art. 12. Idemque pronuntiatum fuit a Parlamento Parisiensi, die 29. Decembris 1562., præfidente Thuano, quæ omnia collecta sunt a Cabassutio in theor. & prax. jur. Canon. lib. 1. cap. 9. num. 15. & 16.**

3 Quia porro matrimonium Fidelium, etsi contractus civilis sit, est tamen a Christo Domino elevatum, ad dignitatem Sacramenti, idcirco causas matrimoniales, ad Judices Ecclesiasticos spectare, pronuntiato anathemate, in contradicentes, definivit Tridentinum *sess. 24. can. 12. de matrim.*; ex Judicibus vero Ecclesiasticis, nullum, Episcopo inferiorem, posse illas cognoscere, idem Concilium decrevit *ead. sess. 24. cap. 20. de reform.*, inquit: *Causæ matrimoniales, non Decani, Archidiaconi, aut aliorum inferiorum judicio, etiam visitando, sed Episcopi tantum examini, & jurisdictioni relinquantur.* Non exinde tamen, quod causæ matrimoniales fori sint Ecclesiastici, sas erit Episcopo, quidquid matrimonium tangit, sibi, suoque tri-

tribunali adjudicare, sed causarum naturam attente inspicere, & distinguere debet. Tria sunt causarum matrimonialium genera: aliquæ versantur, circa initii conjugalis foederis firmitatem; & hæc, nullo Catholicorum contradicente, in solo Ecclesiæ foro, sunt pertractandæ: Quinimmo quæstiones ejusmodi in Episcoporum Concilio, fuisse olim decisas, colligitur ex fragmento epistolæ, ab Alexandro II. ad quemdam Guillelmum de Monasterio, scriptæ, atque ab Ivone *part. 9. cap. 32.*, & Gratiano *can. 10.*, xxxv. *quest. 6.* relatæ, in qua Pontifex eidem Guillelmo interdicat, ne propriam uxorem, consanguinitatis prætextu, *presumat dimittere, vel aliam ducere, donec Episcoporum religiosorum Concilium causam istam examinaverit.* Audivimus etiam superius, litem, quæ vertebatur inter Lotharium, & Teurbergam, super validitate connubii, inter eos antea contracti, discussam fuisse, in Synodo Aquisgranensi; cumque ab istius sententia Teurberga appellasset ad Nicolaum I., eodem Pontifice jubente, fuisse iterum examinatum, in Synodo Metensi. In Actis itidem Concilii Remensis habiti anno 1119., cui præfuit Callixtus II., relatis ab Orderico Virale *lib. 12. pag. 859.* legimus, Comitissam Hildergardem, uxorem Wilhelmi, Comitris Pictavorum, ad Synodum accessisse, & alta, claraque voce querimoniam eloquenter emodasse, quam omne Concilium diligenter auscultavit. *Se siquidem dixit, a marito suo esse derelictam, sibi que Malbergionem, Vicecomitis de Castello Aivaldi conjugem, in throno ( seu verius toro ) surrogatam.* Pontifex vero cum non posset causam definire, inaudito Comite, qui infirmitate præpeditus, non potuerat se Synodo sistere, ad quam fuerat a Papa vocatus, *inducias ei dedit, certumque terminum constituit, quo Consul ad placitum in Curiam Papæ veniret, ac ut legitimam uxorem reciperet, aut pro illicito repudio sententiam anathematis subiret.*

4. Aliæ sunt causæ excitæ, aut super validitate sponsalium, aut super jure instituendi divortium, quoad torum, & cohabitationem; & istæ pariter, ob illum respectum, quem habent ad matrimonii Sacramentum, ad solum Judicem Ecclesiasticum deferuntur, quod deducitur ex *cap. 10. Ex litteris, de sponsalibus, & ex cap. Porro, de divortiiis.* Sponsalia quippe prævia sunt ad matrimonium celebrandum obligatio; & per divortium, jura relaxantur, utrique conjugum, ex matrimonio quæsitæ. Aliæ demum sunt causæ, quæ connexionem quidem habent cum matrimonio, sed res mere politicas, & temporales, directe, atque immediate respiciunt: uti sunt lites, quæ frequenter moventur, super dote, donatione propter nuptias, hereditaria successione, alimentis, & similibus; & istas ad Judices sæculares pertinere, ex communi Doctorum sensu, recte docent Bel-larminus *lib. unic. de matrim. cap. 32.*, & Tannerus *tom. 4. disp. 8. num. 166.*

5. Verum, si, cum de hujusmodi controversiis, in foro laicali disceptatur, quæstio incidat de jure connubii, puta de præcedenti ad nuptias impedimento, Judex sæcularis superfedere debet, atque incidentem causæ articulum, ad Judicem Ecclesiasticum examinandum remittere, quod

NON

non solum a jure communi sancitum est, sed & in Senatu Neapolitano, post maturam rei discussionem conclusum, refert Matthæus *decis. Neapol. 219.* ac religiose servari in Gallia, testantur Annæus Robertus *lib. 3. rerum judic. cap. 5. & lib. 4. cap. 10.*, ac Renatus Choppinus *de sacr. polit. lib. 2. tit. 1. num. 16.*, notatque Altaferra *de jurisdict. Ecclesiast. lib. 6. cap. 3. §. Superest.* Non idem tamen locum vicissim habet, in Judice Ecclesiastico: Etenim hic, cum causam cognoscit, aut de matrimonii validitate, aut de jure ad divortium, incidentem etiam questionem dirimit, de alimentis, aut dote, quod plane eruitur *ex cap. 1. Qui filii sint legitimi; ex cap. De prudentia, 3. & cap. Per tuas, 7. de donat. inter vir. & uxor.*, ubi id notant omnes Interpretes. Sed quamquam, jure communi spectato, ita res se habeat, attamen, si vera narrat Feuretius *de abusu, lib. 5. cap. 5.*, in Gallia usus invaluit, ut ejusmodi accessorie controversiæ, de re mere temporali, a Judice Ecclesiastico ad laicum, illico remittantur.

6 Idem accidit in aliis plerisque causis, quæ licet vere, & proprie spirituales non sint, ob connexionem tamen, quam habent cum re spirituali, a jure communi foro Ecclesiastico addicuntur; & nihilominus alicubi, sive ex privilegio, sive ex consuetudine inductum est, ut in tribunali sæculari discutiantur: ejusmodi e. g. est causa juris patronatus, de qua Alexander III. in *cap. 3. de judic. generatim* edixit: *Causa vero juris patronatus, ita conjuncta est, & connexa spiritualibus causis, quod non nisi Ecclesiastico judicio valeat definiri;* & nihilominus in Gallia receptum esse, ut de jure patronatus mere laicali, in judicio tam possessorio, quam petitorio, non Ecclesiasticus, sed sæcularis Judex sententiam serat, narrant Franciscus de Roy in *proleg. de jur. patron. cap. 29.*, Van-Elpen *Jur. Eccles. part. 2. tit. 25. cap. 4. num. 16.*, & cit. Altaferra *jurisdict. Eccles. lib. 6. cap. 11.*, ubi hæc habet: *Moribus nostris, causa juris patronatus spectat ad Judicem laicum, quia, depravato fere rerum omnium sensu, jus patronatus, ratione personarum, quæ hujusmodi sive usuntur, vel pradiorum quibus coheret, magis spectatur ut temporale, quam ut spirituale.*

7 Haud ab simile infortunium obvenit aliis causis fori Ecclesiastici, quas paulatim Judices laici sibi usurparunt. Communis Doctorum doctrina, jure communi subnixæ, fert, ut lites mortuæ, super possessione, seu quasi possessione juris, annexi rei spirituali, atque ab hoc profluentis, puta super possessione exigendi Decimas Ecclesiasticas, non minus, quam causas proprietatis, verlandas, & dirimendas esse in tribunali Ecclesiastico, quod pluribus argumentis demonstrarunt Antonius de Butrio in *cap. final. de judic. num. 20.*, Ripa in *cap. Decernimus, cod., num. 17.*, Gutierrez CC. *lib. 1. cap. 34. a num. 26.*, Garcias de Benefic. *part. 1. cap. 2. a num. 50.*, Martæ *de jurisdict. part. 4. c. 1. cas. 24.*, alique congesti a Rambech, *pamphila immunit., disput. 2. cap. 5. a num. 9.*, & tamen plerisque in locis, enumeratis a Barbosa *Jur. Eccles. lib. 1. cap. 39. num. 161. & seqq.*, sive expresso privilegio Apostolico, sive diuturna consuetudine,

ab Ecclesia tolerata, inductum est, ut causæ Beneficiales, Decimarum, & similes, in judicio petitorio, remittantur quidem ad Judicem Ecclesiasticum, sed in judicio possessionis, in foro seculari audiantur. & definiantur, quod etiam in Belgio servari, præsertim cum agitur, de quasi possessione juris percipiendi Decimas, affirmat citatus Van-Elpen *part. 2. tit. 33. cap. 9. num. 14.* Diximus, sive *ex privilegio*, sive *ex consuetudine*: fertur quippe, Carolum VII. Francorum Regem, privilegium impetrasse a Martino V., ut causæ possessoriae Beneficiorum agitari possent, apud Regias Curias, solo reservato petitorii judicio Ecclesiasticæ cognitioni. Pontificium diploma refertur a Guidone Papæ in *decisionibus Parlamenti Delphinatus*, *quæst. 1.*, atque a Joanne Feralto *de juribus & privilegiis Francie Regum*, *privileg. 11.*; Verum cit. Altaferra *de jurisdict. Eccles. lib. 3. cap. 8.*, ejusdem diplomatis verbis diligenter perpenſis, contendit Martinum V. non concessisse de novo Regibus Francorum, eorumque tribunalibus jura cognoscendi, & terminandi causas Beneficiales, super possessorio, sed tantum declarasse, suæ mentis nequitiam fuisse, per alias suas præcedentes Constitutiones, derogare juri, quod iidem Reges, ex antiqua consuetudine, cujus initii non extaret memoria, a se, suisque Judicibus acquisitum, assererant, cognoscendi de ejusmodi possessorio. Et certe, si privilegium genuinum sit, ejusdem verba id aperte denotant, quod Altaferra assernat: verum tam Altaferra, quam Cabassutius in *ibid.*, & *prax. jur. Canon.*, *lib. 4. cap. 7. num. 3.*, alique J. C. Galli ab hoc allegati, docent, non astringi Judicem Ecclesiasticum eidem Parti petitorium decernere, cui Regius Judex possessorium antea adjudicaverit; testanturque, eam ipsam Galliarum consuetudinem limitari, ad interdicta retinendæ, aut recuperandæ, nec complecti interdicta acquirendæ possessionis.

8 Ob adjecti quoque jurisjurandi religionem, causas reales, quæcumque forent, & quæcumque respicerent personas, ad Judicem Ecclesiasticum spectasse, constat *ex cap. 13. de judicis*, ubi Innocentius III. ait: *Numquid non poterimus de juramenti religione cognoscere, quod ad judicium Ecclesia, non est dubium, pertinere*; ac tanquam certum ponit Bonifacius VIII. in *cap. 3. de for. competen. in 6.*, ubi respondet, potuisse Clericum, Laicum, pro quo fidejussorat, quique, juramento interposito, promiserat, fidejussorem servare indemnem, convenire coram Judice Ecclesiastico, *ad cujus forum, ratione juramenti, causa hujusmodi cognitio necesse pertinetur*. Hoc porro titulo, omnes fere quæstiones, super civilibus contractibus, ad Judicem Ecclesiasticum olim devolvebantur: Quoniam (inquit Mornacius *ad leg. 8. Cod. de Episcopali audientia*) *Nunquam fore committant Tabelliones adicere præstitum a Contrahentibus sacramentum, de servandis, quæ pepigissent*; Et nihilominus, tam sanctæ hæc disciplina, pluribus sæculis, retenta est, ut Principes laici non ausi sint illam infringere, nec alium sibi modum suppotere, existimaverint, impediendi, ne  
hac

hac ratione, omnes causæ a suis foris ablegarentur, quam prohibere, ne deinceps contractus, pacta, aliaque negotia firmarentur juramento, quod in Lusitania, aliisque in locis, legibus cautum, refert Felicianus de Oliva *fir. Eccles. part. 1. q. 30.*, ubi simul has leges irritas contendit: In Gallia tamen, si vera narrat sæpius cit. Altaferra *de Eccles. jurisdict. lib. 6. cap. 10.*, non solum interdictum fuit, ne deinceps juramentum apponeretur contractibus, sed simul sancitum, ut contra legum prohibitionem appositum, vires amplius non haberet causam pertrahendi ad forum Ecclesiasticum: Olim tanta erat (scribit Altaferra) *jurisjurandi religio, ut jusjurandum omnibus contractibus apponeretur, quo fides contractus religione jurisjurandi tutior esset. Hac occasione usque venit, si fides secularibus, ut Episcopi cognoscerent de contractibus, & de feudis, propter juramenti vinculum in his interposuimus, cap. Novit, de judiciis. Hac de causa vetitum, ne jusjurandum contractibus apponeretur, neve ulla ejus ratio in judiciis haberetur, nec hoc obtentu, secularis jurisdictio evacuaretur, quoniam jusjurandum non debet esse vinculum iniquitatis; Hæc de causis, ratione sui, Ecclesiastico foro destinatis: aliz sunt causæ eidem foro addictæ, ratione personarum, quas tangunt. Non vacat hic, illam examinare quæstionem, quo jure, Divino ne, an humano, Clerici in causis mere temporalibus, exempti sint a jurisdictione seculari: Superfluum quippe videtur, indagare primigeniam originem ejus exemptionis, qua ceteroquin certo scimus, Clericos potitos, ubi primum Ecclesia, sedatis persecutionum procellis, Christianos Principes nata est: Enimvero narrat Nicephorus *lib. 1. hist. Eccles. cap. 46. Constantinum Magnum, Clericos omnes, Constitutione lata, immunes, liberosque esse, permisisse, judiciumque, & jurisdictionem in eos, Episcopis, siquidem civilium Judicum cognitionem declinare vellent, mandasse; cujus quidem exemptionis tuendæ adeo Episcopi solliciti fuere, ut Patres Concilii Carthaginensis III., habiti anno 397. can. 9., relatæ a Gratiano in can. 43., II., q. 1. statuerint, Clericos, judicia secularia, in causa criminali adeuntes, ejiciendos e gradu; in causa vero civili, illud amittere debere, quod evicerunt, si pristinum locum in Ecclesia obtinere vellent: Item placuit (dixerunt Patres) ut quisquis Episcoporum, Presbyterorum, & Diaconorum, seu Clericorum, cum in Ecclesia ei crimen fuerit intentatum, vel civilis causa fuerit commota, si, derelicto Ecclesiastico judicio, publicis judiciis purgari voluerit, etiamsi pro ipso fuerit prolata sententia, locum suum amittat. Et hoc in criminali actione; In civili vero perdat, quod evicit, si locum suum obtinere voluerit. Eandem immunitatem, atque exemptionem, insequentibus sæculis, & summos Pontifices, & Principes, summa inter se consensione, Clericis confirmasse, liquet ex Auth. Hodie, Authent. Clericus, Authent. Stamus, cod. de Episcop., & Cleric., atque ex Decretalium rubricis, de judiciis, & de for. competen.**

9 Neque dumtaxat, si jus commune inspiciamus, solus Episcopus est Judex competens, in quibuslibet Clericorum causis, sed ejusdem tribunal adire



adire permittuntur etiam Laici, in controversiis, cujuscumque generis sint, inter eosdem exortis: idque non tantum de communi litigantium consensu, uti statutum legimus ab Arcadio Imperatore in *leg. 7. cod. de Episcopali audientia*, sed etiam, altero eorum refragante, quemadmodum expresse decernitur in *Extravag. 1. de Episcopali judicio*, in *append. ad cod. Theodosianum*: Etsi enim demus Gothofredo, eam legem non esse Constantini Magni, cujus nomen præferebat; nemo tamen inficiabitur, editam saltem esse a Theodosio, sub cujus nomine citatur a Carolo Magno, a quo est renovata, suisque Capitularibus inserta *lib. 6. cap. 366.* eidemque Theodosio adscribitur ab Innocentio III. eam approbante in *cit. cap. 13. de judic.*, ubi hæc habet: *Nec illud humillimum omittamus, quod Theodosius statuit Imperator, & Carolus innovavit ..... Quicumque videlicet litem habens, sive petitor fuerit, sive reus, sive in initio litis, vel decursu temporum curriculum, sive cum negotium peroratur, sive cum jam ceperit promi sententia: si judicium elegerit sacratissima Sedis Antistitis, illico, sine aliqua dubitatione (etiam si pars alia refragetur) ad Episcoporum judicium, cum sermone litigantium dirigatur.* Hæc autem facultas, ab utroque jure Laicis facta, deferendi suas causas temporales, ad judicium Episcoporum, intacta perseverabat in fine sæculi XIII., seu verius ineunte XIV.: Scribit enim Mayerus *annalium Flandria lib. 10.*, a Synodo Provinciali, per Archiepiscopum Remorum, apud Compendium anno 1301., coacta, Fulminatos fuisse Magistratus laicos, qui non patiebantur, ut Laici in foro Ecclesiastico convenirentur; quod reapse legimus in ejusdem Concilii Actis, quæ ex MS. codice Sanctæ Genovevæ Parisiensis, post Labbæum, publici juris fecit Harduinus *tom. 7. col. 1250.*

10 Potiori jure ad tribunalia Ecclesiastica provocare permittuntur viduæ, orphanæ, pupilli, aliæque miserabiles personæ, quibus opitulari, ab Ecclesiæ incunabulis, non ultimam fuisse Episcoporum curam, ostendit Thomassinus de *vet. & nov. Eccles. discipl. part. 2. lib. 3. cap. 87. & pluribus seqq.*, & aperte constat ex *can. 1. & 2. dist. 87.*, in quorum 1. habetur: *Licet omnibus de nobis (id est summis Sacerdotibus) sperantibus, non debeamus, in quantum possumus, nos negare; plus tamen viduarum, & orphanorum causas, & impensis ducimus exequendas: quas tueri a nobis, vel ab omnibus Divina manifestat assertio; & in altero dicitur: Defensionis propria desolatis auxilio, & qui suis actibus adesse, pro atatis infirmitate non possunt, exoratum Pontificem decet subvenire: quia pupillis tuitionem etiam Divinitus fuisse impendi: Scimus utique istorum canonum fidem nutare, cum non reperiantur inter genuinas epistolas Gelasii Papæ, cui a Gratiano tribuuntur, at non propterea sunt contemnendi, uti enim alias observavimus, exhibent saltem disciplinam usu receptam, ea ætate, qua creduntur exarati. Præterquamquod certus, & indubitatus est canon 12. Concilii Maticensis II., habiti anno 585. (*collect. Hard. tom. 3. col. 463.*) ubi idem, quod a Pseudo-Gelasio audivimus, hisce verbis decernitur: *Quoniam provocationi nostra, Deo auctore, causa principaliter viduarum, & pupillorum sunt commissa, per-**

venis

venit ad Nos, quod a Judicibus crudelius, pro levissimis causis, veluti Defensore earentes, irremediabiliter affligantur. Ob quam causam, decernimus, ut Judices non prius viduas, & pupillos conveniant, quam Episcopo nuntiarint, cujus sub velamine degunt. Quod si Episcopus praesens non fuerit, Archidiacono, vel Presbytero cuidam ejusque pariter sedentes, communi deliberatione causis eorum terminos figant, ita juste, & recte, ut deinceps de talibus, antedicta persona non conquassentur. Perperam autem ejusmodi Canones in eum sensum nonnulli detorquent, ut meram significant tuitionem & protectionem viduarum, ac pupillorum, Episcopis specialiter commissam, & commendatam: nam in primis, tuitio, & defensio, ne sit inefficax, debet esse conjuncta cum jurisdictione: quomobrem cum Patres Concilii Carthaginienſis V. can. ix., relato a Gratiano, xxiii. quæst. 3. can. x., Imperatores rogarunt, ut Ecclesiis darent Defensores, adversum potentiam divitum, nomine *Defensarum*, veros intellexerunt Judices, cum potestate coercitiva, quorum munus esset Ecclesiam defendere, a divitum violentiis: eademque de causa, ne scilicet inutiles essent Conservatores, quibus Sedes Apostolica munus committit, tuendi jura, & privilegia, alicui personarum coetui, a se specialiter concessa, necessarium reputarunt summi Pontifices, veram jurisdictionem iisdem conferre, exercendam in aliquibus casibus, de quibus in cap. 1. & cap. 2. de offic. Jud. deleg. in 6. Deinde nonnisi violenter, ad meram significandam tuitionem detorquebantur allegata verba Concilii Matifconensis; siquidem Patres non hortantur, non rogant, quod proprium est meri Defensoris, & Protectoris, sed districte præcipiunt, ne Judices sæculares viduas, & pupillos conveniant, sine Episcopi scientia, iisdemque Judicibus, absente Episcopo, per Archidiaconum, vel Presbyterum, terminos constitui decernunt, ad earundem personarum causas finiendas; contravenientes vero Judices anathemati subjiciunt. Hæc autem omnia veram redolent jurisdictionem, videnturque manifeste innuere, viduarum, ac pupillorum causas pertinuisse ad iudicium Episcoporum, a quibus quodammodo delegarentur Judicibus sæcularibus, certis tamen adjunctis legibus, & conditionibus. Eandem jurisdictionem Episcopis viudicarunt posteriores Canones, quibus libertas data est prædictis miserabilibus personis, declinandi forum sæculare; vetitumque sæcularibus Judicibus, ne illas coram se sistere cogerent: quare Innocentius III. in cap. Super quibusdam, de verb. signific. Comiti Tolosano rescripsit, ut si quid litium ipsi esset, adversus viduas, orphanos, & misellos quosvis coram Judice Ecclesiastico, ad quem illi provocassent, stare deberet: Item viduis (ait) pupillis, orphanis, & personis miserabilibus, tenearis in iudicio Ecclesiastico respondere. Tanta præterea fuit hujus rei, apud Majores nostros persuasio, ut quædam Regina Angliæ, hoc solum nomine, quod vidua esset, sibi fas esse putaverit, in causa feudali, declinare iudicium Domini directi feudi, & ad Papam provocare, uti habetur in cap. Ex parte, de for. compet., ubi Honorius III., totam enarrans hujus rei gestæ seriem, inquit: Fuit ex parte ipsius

*ipſius Regina reſponſum, quod vidua ſpoliata, irrequiſito ſendi Domino, ſpoliatiorem, ſeu detentorem rei, coram Eccleſiaſtico Iudice poterat conuenire, cuius intereſt viduas deſenſare.*

11 Hæc ſimul collecta, & adnotata Epiſcoporum oculis ſubjecimus, ut priora tempora, cum hodiernis conferentes, videant, & doleant gravia vulnera, ſuæ antiquæ juridiſtioni inſicta: ſiquidem ſæculares Potentes, ait Guillelmus Durandus junior *de modo Generalis Concilii* rub. 70. *quæſi per quamdam alluvionem, fruſtati ad ſe omnia trahunt. Et ſicut fruſtati lupus agnum comedit; ita & per ipſos juridiſtio Eccleſiaſtica fruſtati quodammodo devoratur. Quidquid ad Eccleſiaſticam juridiſtione, perſiſſime quoad temporalia, pertinet, ſibi competere putantes. Et pauci ſunt caſus, in quibus directo, vel indirecte, per eos, Eccleſiaſtica juridiſtio non turbetur, in diverſis mundi partibus. Hæc jam conſtituta remedia proſicere poſſunt, ſicut experientia docet.* Hiſce iudicum ſæcularium auſibus, ab initio obſtiterunt Pontifices maximi, & ſanctiſſimi Eccleſiarum Antiquiſſimi, ſed cum illos a propoſito dimovere nequiverint, ad evitanda maiora mala, inoleſcentes in dies, contra Eccleſiaſticam juridiſtione, conſuetudines diſſimularunt, & tolerarunt; & quandoque ſummi Pontifices conſultius duxere, id ipſum privilegio Principibus concedere, quod propria auctoritate jampridem ſibi uſurpaverant.

12 Jam vero, cum deſperandum jam ſit, ut Potestas ſæcularis, intra conſtitutos ſibi ab antiquo limites, contineri patiatur, imprudenter ageret Epiſcopus, ſi in ſua Synodo aliquid decerneret, quo juridiſtione ſibi olim, jure communi attributam, recuperare tentaret; rem ſiquidem impoſſibilem aggrediretur, & ſine ulla Eccleſiæ utilitate, graviter apud Principem offenderet. Quare ſuo muneri ſatis abunde ſacturum ſe credat, ſi ad hæc tria animum diligenter intendat: primo, ne Princeps ſæcularis, ſibi unquam arroget jus Sacrorum, hoc eſt, ne, in ullo rerum eventu, ſe immiſceat in cauſis primi generis, mere ſcilicet ſpiritualibus, & Eccleſiaſticis: ſecundo, ne Iudex laicus eam quoque partem Eccleſiaſticæ juridiſtione invadat, quæ hæcenus perſeverat intacta; niſi enim Epiſcopus ejus vindicem ſtatim ſe præbeat, hanc pariter pedetentim amittet: quia tamen plerumque privati Iudices, ſupremi Principis auctoritate ſuffulti ſunt, etiam in hoc negotio, ſumma prudentia, circumſpectione, & dexterritate opus eſt; atque in primis, priuſquam Epiſcopus conſueſta exerat cenſurarum arma, debet accurate perpendere, quod monet Auguſtinus *lib. 3. contra epiſtolam Parmeniani* num. 13. (*tom. 9. oper. ed. 64.*) hæc, quæ ad rem optime quadrant, ſcribens: *Cum quiſque Fratrum, ideſt Chriſtianorum intus in Eccleſia ſocietate conſtitutorum, in aliquo tali peccato fuerit deprehenſus, ut anathemata dignus habeatur, fiat hoc, ubi periculum ſchiſmatis nulum eſt; atque id cum ea dilectione, de qua ipſe alibi præcipit, dicens, ut in inimicum non eum exiſtimetis, ſed corripite ut fratrem. . . . . Quando ita cujuſque crimen notum eſt, & omnibus execrabile apparet, ut vel nullos prorsus, vel non*

*tales habeat Defensores, per quos possit schisma contingere, non dormiat severitas disciplina.*

13 Tertiò denique, ubi aut privilegio, aut legitima consuetudine, fori Ecclesiastici limites, ultra juris communis sanctiones, ampliati sunt, quod ceteroquin perquam raro contingere scimus, curabit Episcopus, ne sua incuria, aut conniventia contrahantur. Rem unico explicamus exemplo. Jure communi sancitum est, ut actor sequatur forum rei, ac proinde Clericus, conveniens Laicum, in causa mere civili, & profana, illum convenire debeat, coram Judice sæculari, per Textum in *cap. Si Clericus Laicum, de foro competentis*; attamen alicubi usus inolevit, ut Clericus, etiam in prædictis causis, Laicum conveniat, coram Judice Ecclesiastico: ejusmodi consuetudo viget in nostra diœcesi Bononiensi, quam approbavit, & servari præcepit Gregorius XV., cujus Apostolicas litteras Nos retulimus *nostræ. Notific. notific. 40. in fin.* Ubi ergo hæc, aut similis consuetudo invaluit, ea utique erit sarta tecta custodienda: neque conqueri poterunt Laici, quod Episcopus hoc sæcularis jurisdictionis minimum frustulum, consuetudine acquisitum, sibi vindicet, cum ipsi, sicuti a Guillelmo Durando supra audivimus, sola consuetudine, quæ ab initio dici potuit abusus, & corruptela, fere integram devoraverint jurisdictionem Ecclesiasticam.

## C A P U T XXXVI.

*Leges civiles cum moderatione, & delectu, in Synodo allegande.*

1 **V**Idetur etiam abstinendum a mentione legum sæcularium, præsertim si affines sint illis, quæ a Sede Apostolica improbatæ fuerunt; verba sunt Fagnani in *ead. cit. cap.* Sicur olim, num. 86., ad quorum rectam intelligentiam, meminisse oportet, ex legibus civilibus, aliquas esse a jure Canonico expresse approbatas, aliquas expresse correctas, atque abrogatas, aliquas vero, neque approbatas, neque improbatas, sed silentio prætermittas. Leges primi generis, & possunt, & quandoque debent, in Synodalibus Constitutionibus allegari: a legibus secundi generis commemorandis, est abstinendum: legum tertii generis mentionem fieri, perutile aliquando, & laudabile; quæ omnia congruis exemplis exornabimus.

2 Atque, ut a primis initium ducamus, aliquas ex iis delibabimus, matrimonium respicientes. Impotentia perpetua, recensetur inter impedimenta matrimonium dirimentia, de quo in *cap. Fraternitatis, ac toto tit. De frigidis, & maleficiatis*: At quoniam post contractum conjugium, frequenter contingit, constare quidem de alterutrius conjugis impotentia, sed valde dubitari, num ea sit perpetua, vel potius temporaria, seu an sit insanabilis, vel possit naturali arte superari, idcirco leges civiles, quando impotentiae signa, aut evidentiæ, aut indubitata non sunt, certum conju-

conjugibus præscribere tempus, intra quod, operam dare possint rei conjugali, suæque vires experiri: adhibitis etiam opportunis remediis, quæ Peritorum iudicio, apta sint ad illas reficiendas, & roborandas, si adhiberi queant, citra grave vitæ periculum, & valetudinis detrimentum. Ad ejusmodi experimentum Justinianus Imperator *in l. In causis, cod. de repudiis*, præfinit biennium, sed postea ratus, non posse intra biennium, certum ferri iudicium, de impotentiae perpetuitate, *in Novella 22. §. Per occasionem* illud prorogavit ad triennium: Hanc autem Justiniani sanctionem expresse approbavit Cælestinus III. *in cap. Laudabilem. §. de frigid. & malefic.*, ac proinde in foris Ecclesiasticis, tanquam lex Canonica allegatur, & ubique religiose custoditur; neque enim fides habenda est quibusdam Doctoribus Gallicanis, asserentibus, prædictam triennem cohabitationem, non esse hodie, in Galliis usu receptam; eorum siquidem assertionem falsitatis redarguit, & valide consultavit Boucchier, Præses Parliamenti Divionis *in suo tract. edito anno 1735. de matrimonii dissolutione ex capite impotentia pag. 67. & seqq.*

3 In solatium orbitatis filiorum adinventum est figmentum adoptionis, per quam filios suscepisse videatur, qui illos non procreavit, uti habetur *in l. 1. & in l. Is qui filium ff. de adoptionibus*. Ad hoc fingendum naturæ simulacrum, cujus delineamenta expressa reperimus in sacris Litteris, nempe Genesis 48. Exodi 2. & Either. 1., varios, & diversos ritus, pro temporum, & locorum diversitate, legimus adhibitos. Atque, ut prætereamus modum illum adoptandi, Barbaris usitatum, quem describit Diodorus Siculus, *Biblioth. IV. 40.*, inquit: *Illam adoptionem (Herculis) hoc mod. factam perhibent. Juno lectum ingressa, Herculem corpori suo admotum, ut verum imitaretur partum, subter vestes ad terram demisit, quem in hoc usque tempus adoptionis ritum Barbari observant*; apud Romanos peragenda erat coram Prætorē, aut Magistratu, penes quem esset legis actio, trina illa imaginaria venditione, per æs, & libram, qua apud ipsos, ceteri perficiebantur actus legitimi; & si ageretur de adoptione perfecta, de qua mox, hæc explenda erat, in Comitiiis Curiatis, accersitis etiam Pontificibus, aliisque adhibitis solemnitatibus, quas referunt Vincentius Gravina *origin. jur. civil. tom. 1. pag. 208. & seq.*, Heineccius *antiquit. Roman. lib. 1. tit. 11. num. 15.*, sed posteriori ævo, alij a Romanis adinventi sunt adoptandi ritus, quos iidem Auctores prosequuntur. Aliæ itidem adoptionis formulæ, apud alias invaluerunt nationes: A Gothis quippe filios adoptatos, per tactum barbæ, narrat Aimoinus *de gestis Francorum lib. 1. cap. 20.* A Francis per barbæ præcisionem, testatur idem Auctor *lib. 4. cap. 25.* sed magis communiter, apud Christianos, recepta fuit quædam spiritalis adoptionis species, quæ fiebat, per incisionem capillorum: Siquidem de Pipino misso a Carolo Martello ad Luitprandum, Longobardorum Regem, hæc scribit Paulus Diaconus *lib. 6. cap. 53.*: *Circa hæc tempora Carolus Princeps Francorum Pipinum filium suum ad Luitprandum*

*prandum direxit, ut ejus, juxta morem, capillum susciperet, qui ejus casarium incidens, ei pater effectus est: & de Pontifice Benedicto II., scribit Anastasius Bibliothec.: Hic una cum Clero, & Exercitu, suscepit mallones capillorum Dominorum Justiniani, & Heraclii, filiorum clementissimi Principis, finibus & ejus jussionem, per quam significabat, eosdem capillos direxisse; quem Anastasii locum explicans Baronius ad ann. 684. num. 7., ait: Sic igitur pius Imperator voluit, ut filii sui scirent, se Romanum Pontificem peculiarem habere parentem, cujus monitis impensus parere deberent, eundemque ut patrem diligere, ac revereri. De hoc peculiari Christianorum adoptandi ritu differit Balsamon ad cap. 53. Synodi Trullanae, eundemque pluribus illustrent Merillus lib. 3. observat. cap. 40., & Binius in notis ad vitam Benedicti II.*

4 Sed omnibus hisce, aliisque plurimis adoptionis ritibus, quos recensent Cironius ad tit. de cognat. legali, & Gonzalez ad cap. 1. cod. tit., delectis, alium modum adoptioni faciendae praescribere leges civiles, quibus utimur. Distinguunt istae, sicut & etiam olim fuerat apud Romanos, duas species adoptionis: unam *perfectam*, quae dicitur *Adregatio*; alteram *imperfectam*, quae *Adoptio simplex*, & in specie, etiam appellatur. Prima fit, cum persona extranea, sui juris, ex Principis rescripto, ita transit in potestatem, & familiam adoptantis, ut perinde ac filius legitimus, & naturalis, fiat ejus heres necessarius, tam ab intestato, quam ex testamento §. *Cum autem* 3. *Instit. de adoption.*, l. *Impuberem* 2. *cod. cod.* Imperfecta fieri dicitur, cum persona extranea, constituta sub sui naturalis patris, seu avi potestate, solius Magistratus, alteriusve Judicis competentis auctoritate, in filium, aut nepotem adsciscitur, quin tamen transeat in familiam, & potestatem adoptantis, cujus propterea non fit heres necessarius, ex testamento, quo praeteriri potest, licet eidem succedat ab intestato §. 1. *vers. Sed & hodie*, *Instit. de adoption.* Eadem porro civiles leges, turpe, atque inhonestum reputantes, matrimonium inter eos iniri, qui etiam imaginaria, & ficta ista cognationis specie conjunguntur, irritas decrevere nuptias: Primò inter adoptantem, & adoptatum, atque ab isto descendentes leg. *Quin etiam* 55. ff. de rit. nuptiar.: Secundò inter adoptatum, & filios naturales adoptantis leg. *Per adoptionem* 17. ff. *cod. §. Inter eas*, *Instit. de nupt.*: Tertio inter adoptantem, & uxorem adoptati; ac vicissim inter adoptatum, & uxorem adoptantis, leg. *Adoptivus* 14. ff. *cit.* At id discriminis, inter enumeratas personas, adoptione conjunctas, intercedere, leges voluere, ut inter primas, quae sunt quodammodo in linea recta ascendentium, & descendentium, nunquam, ne soluta quidem adoptione, matrimonium consistere valeat; ut enim dicitur in *cit. leg. Quin etiam*, semper nefas reputatur, eam uxorem ducere, quae per adoptionem filia, aut neptis fuit; idemque servandum edixere, inter personas tertii generis, inter quas semel ortam, ex adoptione affinitatis speciem, quae matrimonio contrahendo obicem ponit, perpetuam esse decernunt: Quocirca adoptivus filius, si emancipetur, eam, qua patris adop-

*ptus*

privi uxor est, ducere non potest, quia noverca locum habet, inquit Textus in cit. leg. *Adoptivus*, ff. de rit. nuptiar. Sed inter personas secundi generis, quæ, adoptione interveniente, sibi e latere juncti videntur, impedimentum durat, quamdiu durat adoptio, seu quamdiu filii permanent sub patria potestate, sicuti habetur in cit. leg. *Per adoptionem* 17. de rit. nuptiar.; soluta vero patria potestate, vel per mortem adoptantis, vel per emancipationem filii, sive adoptivi, sive naturalis, cessat impedimentum, & potest filius adoptivus in uxorem ducere filiam naturalem ejus, a quo fuerat adoptatus, juxta apertum textum in cit. §. *Inter eas*, Instit. de nupt.

§ Jam vero & cognationem legalem, & quæ ex ea ad nuptias profuunt obstacula, eo prorsus modo, quo a jure civili statuta fuerant, univrsim recepit, approbavitque Nicolans I. in *responsione ad consulta Bulgarorum* cap. 2., cujus responsionis fragmenta referuntur in can. *Ita diligere*, xxx. q. 3. „ & in cap. *unic. de cognat. legal.* Quamobrem, si quæstio incidat, sive in tribunali Ecclesiastico, sive etiam in Synodo, an in hoc, vel illo casu addit impedimentum cognationis legalis, necessario recurrendum erit ad leges civiles, atque, ad earundem normam, controversia decidenda. Disputant ex. gr. Doctores, num præfata ad matrimonium obstacula a sola inducantur adrogatione, an etiam ab adoptione simplici, & imperfecta. Ex utraque oriri affirmant Glossa fin. in cit. cap. *unic. de cognat. legal.* atque ibidem Panormitanus num. 5., Ancharanus num. 8., Alex. de Nevo num. 12., Gonzalez num. 10. in fin., Covarr. part. 2. de sponsal. cap. 6. §. 5. num. 2., Pontius de matrim. lib. 7. cap. 41., Hurtadus eod. tract. disp. 19. d. 2. §. 2. num. 3. Contra, illa ex sola adrogatione promanare, contendunt Innocen. in eod. cap. *unic.*, Silvester verb. *Matrimonium* 8. quæst. 8. disput. 4., Henriquez de Sacram. lib. 12. cap. 12. num. 3., Sanchez de matrim. lib. 7. disp. 63. num. 9., Canisius ad tit. de cognat. legal. num. 3., Piringh num. 4., Engel num. 3., Vincentius De justis de dispensat. matrim. lib. 2. cap. 6. n. 198. & seqq. Tam prioris, quam posterioris sententiæ Patroni, unice insistant juris civilis Textibus, quos de qualibet adoptione indiscriminatim loqui, Defensores primæ sententiæ autumant; aliis exadverso opinantibus, eos de sola adrogatione intelligendos. De hac quæstione actum fuit in sacra Congregatione Concilii die 25. Septembris 1734., uti videre est in *Theaur. Resolut. tom. 6. pag. 364.*; nihil tamen ex decisione, quæ tunc prodiit, potest concludenter, ad rem evinci. Adoptio siquidem, de qua tum disceptabatur, respiciebat puerum duodennum, expositum hospitali Sancti Spiritus in Saxia, sub nullius patria potestate existentem, & adoptatum, auctoritate Commendatarii ejusdem hospitalis, cui id juris a summo Pontifice concessum est; atque ideo talis adoptio non immerito videri potuit vera adrogatio, quam impedimentum ad matrimonium, inter recentitas personas præstare, nullus dubitat. Itaque cum indecisâ adhuc remaneat controversia, si de ea in Synodo agendum foret, ex folis juris civilis functionibus posset definiri.

## CAPUT XXXVII.

*Exempla legum secundi generis, quæ scilicet sunt a jure Canonico correctæ,  
& improbatæ, ubi de matrimonio filiorumfamilias sine consensu  
parentum, & servorum sine consensu dominorum.*

**H**Actenus de legibus civilibus, a jure Canonico expresse receptis, & approbatis. Longe plura proferre possumus exempla legum abrogatarum. Ac primo loco occurrunt leges Cæsareæ permittentes usuras, dummodo non sint immoderatæ, nec modum excedant præscriptum a Constantino Magno in celeberrima lege 1. tit. ult. lib.2. cod. Theodosiani, renovata a Justiniano l. 26. cod. de usuris: In trajectitiis contractibus, vel specierum feneratori dationibus, usque ad centesimam tantummodo licere stipulari, nec eam excedere, licet veteribus legibus hoc erat concessum; quibus tamen, sanctioribus Ecclesiæ legibus est derogatum, ac severe vetitum, seu verius jure naturali, & Divino vetitum, declaratum, quidquam lucri, etiam si minimum sit, ex mutuo reportare, quod ex can.43., inter Apostolicos, ex can.2. Concilii Illiberitani, ex can.12. Concilii Arelatenfis l., ex can.16. Concilii Carthaginienfis III., aliisque pluribus Ecclesiæ sanctionibus, atque ex communi SS. Patrum sensu, aperte constare, inferius demonstrabimus.

**2** Jure communi Cæsareo, irrita sunt matrimonia, inita a filiisfamilias, sine consensu parentum, uti probant textus in princip. Instit. de nuptiis, & in l. Nuptia 2., ff. de ritu nuptiar., in quorum primo habetur: Si filii familiarum sint, consensum habeant parentum, quorum sunt in potestate; nam hoc fieri debere, & civilis, & naturalis ratio suadet, in tantum ut jussus parentum præcedere debeat; & infra: Si adversus ea, quæ diximus, aliquid coierint, nec vir, nec uxor, nec nuptia, nec matrimonium, nec dis intelligitur; in altero dicitur: Nuptia consistere non possunt, nisi consentiant omnes, idest qui coeunt, quorumque in potestate sunt. Equidem non ignoramus, Cujacium in lib.35. Pauli ad edictum, ad l. 2. & 10. de ritu nuptiar., & Dionysium Godefridum in l. Filius, ff. de ritu nuptiar., contendere, per præfatas leges, non irritas, sed solum illicitas decerni nuptias, quas filiisfamilias contrahunt, invitis, aut infcâis, nec consentientibus parentibus, sub quorum sunt potestate; Neque Nos præterit, hæc opinionem fulciri auctoritate Pauli J. C., qui lib.2. sent. tit. 14. scripsit: Eorum, qui in potestate patris sunt, sine voluntate ejus, matrimonia jure non contrahuntur, sed contracta non subsunt: contemplatio enim publica utilitatis privatorum commondis præfertur. Verum non ita sentiunt alii eruditi viri, quibus prædictorum juris textuum verba, adeo perspicua videntur, ut indubitanter asserant, per illa, infirmari conjugia filiorumfamilias, quibus paternus consensus non adjecerit vires: Quinimmo Vinnius ad lib.1. Instit. tit. x. perpendens



dens verba illa Justiniani, *ut iussus parentis præcedere debeat*, hæc insuper adnotavit: *Iussus, idest consensus, aut potius assensus parentis in nuptiis filiorum adeo necessarius est, ut etiam præcedere debeat, neque ratihabitione patris retro legitime fiant, nimirum cum ratihabito in iis tantum locum habeat, quæ non statim, ipso jure nulla sunt, sed aliquo modo consistunt, aut pendent.* Quod vero attinet ad locum ex Paulo J. C. allegatum, hæc ipsa de causa, quod scilicet aperte contradicat citatis legibus, quas certissimum est, Imperatorem Justinianum ex ejusdem Pauli J. C. sententia, inseruisse corpori juris, a se promulgati, non immerito suspicantur plerique, quos sequitur Juenin *tract. de Sacram. differ. x. q. 5. art. 2.*, illum non esse Pauli, sed Aniani cujusdam, qui Theodosianum codicem, tempore Alarici, Gothorum Regis, notis illustravit. Nec mirum, tantam ab Imperatoribus tributam potestatem parentibus, in filiorum nuptias; adhuc enim remanebant rudera illius immoderate potestatis patris, quæ, Auctore Romulo, diu viguerat apud Romanos, cujus ratione, licebat parentibus loris cadere filios, carcere coercere, in agros ad opera rustica victos amandare, vendicare, denique interficere, quod totidem verbis refert Dionysius Halicarnassæus *lib. 2. pag. 46.*; hinc teste Lactantio *instit. lib. 4. cap. 3.* filii dicebantur *servire patri*; quinimo liberorum conditionem, in quibusdam, fuisse duriorē, conditione servili, observant idem Lactantius, & Servius ad *Virgil. Æneid. xi. v. 143.* Quamvis porro hæc parentum in filios immoderata jura, quæ certe barbariem sapiebant, cultioribus Romanæ Reipublicæ temporibus, fuerint valde imminuta; nihilominus tamen Justiniani ætate, tantam parentes retinebant, in filios potestatem, ut idem Imperator *§. 2. Instit. de patria potestate* affirmaverit, *nulli alii sunt homines, qui talem in liberos habeant potestatem, qualem nos habemus.* Quocirca cum leges Cæsareæ viribus carere voluerint, matrimonia a servis contracta, non consentientibus dominis, quorum subsunt dominio; mirum non est, earumdem edicto, fuisse robur ademptum conjugii, a filiisfamilias celebratis, sine consensu parentum, sub quorum potestate existunt.

3 Utrasque civiles leges, tam videlicet, quæ servorum, tam quæ filiorumfamilias, solo Contrahentium consensu, inita matrimonia infringebant, quondam ratas habuit Ecclesia: Etenim S. Basilus *epist. 199. Canonica 2. ad Amphilochoium, can. 42. (tom. 3. oper. pag. 296.)* ait: *Matrimonia sine iis, qui potestatem habent, fornicationes sunt. Neque ergo, vivente patre, neque hero, qui conveniens extra reprehensionem sunt, quemadmodum si annuant cohabitationi, quos penes hujus rei est arbitrium, tunc firmitatem conjugii accipit cohabitatio.* Et Concilium Aurelianense *IV. anni 541. can. 22. (tom. 2. collect. Hard. col. 1439.)*: *Ut nullus per imperium potestatis filiam competere audeat alienam, ne conjugium, quod contra parentum voluntatem impie copulatur, velut captivitas judicetur: sed sicut est prohibitum, non admittatur.* In his qui perpetraverint, excommunicationis severitas, pro modo piaculi, imponatur; & *can. 24.* loquens de conjugio servorum, decrevit: *Quamvisque mancipia, sub specie*  
Tom. XII. F f i

*conjugii, ad ecclesiam septa confugerint, ut per hoc credant, posse fieri conjugium; minime eis licentia tribuatur, nec talis conjunctio a Clericis defenferur, & paucis interjectis, complectens tam servorum, quam filiorumfamilias, matrimonia clanculum, & propria auctoritate, inita, addit: De qua re decernimus, ut parentibus, aut propriis dominis, prout ratio poscit personarum, accepta file excusati, sub separationis promissione, reddantur; postmodum tamen parentibus, aut dominis libertate concessa, si eos voluerint, propria voluntate conjugare; Concilium Cabillonense 11. anni 813. can. 30., relato a Gratiano in can. ult., xxix. q. 2. postquam dixit, Nobis visum est, ut conjugia servorum non dirimantur, hanc statim limitationem adjecit: Ubi legalis conjunctio fuit, & per voluntatem dominorum. Ac denique, ut alia prætereamus, quæ ad rem concessit Gonzalez in cap. fin. de conjugio servorum, num. 3. & seqq., Ahyto Episcopus Basileensis in suis Capitularibus, sacro 1x. editis (apud Harduin. tom. 4. col. 1244.) can. 21. edixit: Ubi vero mancipia, non unius, sed diverse potestatis juncta fuerint, nisi consentientibus utrique dominis, hujusmodi copulatio rata non erit.*

4 Verum postea consultius visum est Ecclesiæ, præfatas civiles leges, pluribus sæculis a se, aut approbatas, aut toleratas corrigere, & abrogare, statuitque, ut deinceps nuptiarum validitas a solo penderet Contrahentium consensu, nequaquam autem a nutu eorum, sub quorum dominio, vel potestate Contrahentes existunt, quod generatim sancitum legimus in cap. Cum locum, de sponsal. & matrim.; in cap. Licet; & in cap. Tua, de sponsa duorum; speciatim vero de servis, rescripsit Hadrianus Papa ad Archiepiscopum Salisburgensem in cap. Dignum, de conjugio servorum: Nec inter servos matrimonia debent nullatenus prohiberi, & si dominis contradicentibus, & inivitis contracta fuerint, nulla ratione sunt, propter hoc, Ecclesiastico judicio dissolvenda; ac tandem de filiisfamilias, post alias sanctiones indicatas ab Juenin cit. dissert. x. quest. 5. cap. 3. art. 1., definivit Tridentinum sess. 24. cap. 1. de reform. matrim., ubi anathemate perculit, qui falso affirmant, matrimonia a filiisfamilias, sine consensu parentum contracta; irrita esse, & parentes ea rata, vel irrita facere posse.

5 Quamobrem non licet hodie easdem civiles leges, jamdiu ab Ecclesia rescissas, excitare, earumque obtentu, firmitatem adimere, aut servorum, aut filiorumfamilias connubiis, quibus domini, vel parentes non annuerunt. Quod autem affirmat Boehmerus jur. Eccles. Protestantum, lib. 4. tit. 9. §. 6., nempe in Pomerania, Westphalia, & Boemia, ubi adhuc remanent vestigia antiquæ servitutis, & etiam hodie reperiuntur homines proprii, hoc est existentes sub dominorum proprietate, istorum connubia non aliter esse valida, quam ex dominorum consensu, aut est accipiendum de servorum conjugiiis, quoad effectus civiles, aut non est admittendum a Catholicis, illis in regionibus degentibus, qui sanctioribus Ecclesiæ legibus reguntur. Intra fines pariter poenarum civilium concluditur edictum, a Christianissimo Rege Henrico III., in Comitibus Ble-

senli-

senſibus anni 1579. art. 40. promulgatum, atque a Ludovico XIII. an. 1629. & 1639. renovatum, quo nulla, & invalida declarantur matrimonia, a filiisfamilias contracta, ſine conſenſu parentum; illud ſiquidem verbum *invalida non eſſe aliter explicandum, quam per ſolam relationem ad contractum civilem*, ejusdem Ludovici nomine, Clero Gallicano reſponderunt Regii Commiſſarii, uti habetur tom. 1. c. l. rerum, & decretorum Cleri Franciæ; teſtaturque Lovetus, in Pariſienſi Senatu Conſiliarius tit. 6. litt. M. ſcribens: Nullitas matrimonii proveniens ex defectu conditionum, quas requirit articulus 40. Bleſenſis Conſtitutionis, nullatenus attingit ipſum Sacramentum, quod nihilominus in iſto matrimonio exiſtit: non agitur de Sacramento matrimonii, aut ejus eſſentialibus ceremoniis; ſed de validitate conventionum matrimonialium, de acceſſoriis matrimonii, de dotis validitate, & communitate inter virum, & uxorem, qua conditiones non dependent ex Theologicis deciſionibus, ſed ex ediſtis in Parlamento verſicatis: Idem oſtendit Iſaacus Habertus Epicoſopus Vabrenſis in libro de juſtitia connubialis ediſti a Ludovico XIII. conditi, ubi hæc habet: Non multum laborandum eſt, de conciliandis Regiis ediſtis cum Eccleſiæ ſententiæ: nullo ſiquidem ediſto, matrimonia filiorumfamilias invalida, ac nulla eſſe, abſque conſenſu parentum, tutorumve, conſtitutum eſt, eſſi hic error multis impoſuerit. Prohibita quidem ſunt, ſed invalida, & nulla eſſe, haudquaquam deſinitum. Unde etiam Deceſſorum ſuorum veſtigiiſ inſiſtens Rex Chriſtianiſſimus Ludovicus, ea iterum prohibuit, ac aſtutius interdixit: invalida tamen, ac nulla eſſe, contra Tridentina Synodi decretum, ac Theologorum unanimem in Regno ſuo ſententiæ, minime ſanxit. Idem tradit Caballutius in theor. & prax. jur. Canon. lib. 3. cap. 26. num. 6. & 7., ubi Brodeum carpit, quod Regium ediſtum, ad ipſam etiam Sacramenti rationem protraxerit. Idem docet Gerbaſius in libro, quem inſcripſit *Tractatus pacificus &c.* pag. 504. Idem Natalis Alexander Theolog. dogmat. & moral. tom. 6. lib. 2. de Sacram. matrim. cap. 2. art. 3. prop. 1. Quocirca neſcimus, qua ratione Juenin *cir. diſſert. x. cap. 3. art. 2.* metuerit, ſuum calculum adjicere tot Doctorum Gallicanorum ſententiæ, Regia etiam declaratione firmate, & decidere noluerit, an revera in Gallia, matrimonia inita a filiisfamilias, ſine conſenſu parentum, ſint valida quoad ſubſtantiam, eſſi civilibus effectibus deſtitui, nemo dubitet. Neque extra inſtitutum vagati ſumus, dum hæc prolixius enarravimus: Siquidem verebatur, ne Epicoſopi, prædicti Juenin, aliorumque, contra communem ſapientiorum Gallix Doctorum ſenſum, idem ſcriptitantium, auctoritate decepti, non audeant, in ſuis Synodis declarare, matrimonia a filiisfamilias, invitis, ac inſciis parentibus contracta, eſſi illicita, valida tamen eſſe, ac proinde integrum non eſſe Contrahentibus, quamdiu eorum alter ſuperſtes eſt, alias nuptias iniire; quam proſecto Synodalem declarationem, ad conſulendum animarum ſaluti, non ſolum utilem, ſed maxime neceſſariam, reputamus.

## CAPUT XXXVIII.

*Exempla alia legum civilium a jure Canonico correctarum, ubi  
præcipue de adulteriis, & concubinatibus.*

**I**uxta leges civiles Conjugatus cognoscens Solutam, adulterii judicio non tenetur l.6. §.1. ff. de adulteriis, & l.2. Cod. eod. tit., quamvis adulterii crimine damnetur Conjugata, Solutum admittens. Aliud statutum est a jure Canonico, quod tam virum, quam uxorem, eadem lege teneri, voluit, quia utrobique idem ligat fidei conjugalis vinculum: Quare Ambrosius lib.1. de Abraham, relatus in can. Nemo, xxxii. quest. 4. ait: Nemo blandiatur sibi de legibus hominum. Omne stuprum adulterium est, nec viro licet, quod mulieri non licet. Eadem a viro, quæ ab uxore debetur castimonia. Quidquid in ea, quæ non sit legitima uxor, commissum fuerit, adulterii crimine damnatur; ubi Glossa V. De legibus notat: Quæ dicunt, quod adulterium non committitur cum Soluta, sed cum Nupta. Acrius eas Romanorum leges reprehendit Hieronymus in epist. ad Oceanum, de morte Fabiola, cujus fragmentum refert Gratianus in can.20. eadem caus. xxxii. quest.5., ait quippe Hieronymus: Alia sunt leges Cæsarium, alia Christi. Aliud Papinianus, aliud Paulus nos præcipit. Apud illos viris impudicitie frena laxantur, & solo stupro, atque adulterio condemnato, passim per lupanaria, & ancillulas libido permittitur, quasi culpam dignitas faciat, non voluntas. Apud nos, quod non licet feminis, æque non licet viris, & eadem servitus pari conditione censetur (tom.1 pag.455.) Ad eandem, inter leges Cæsareas, & Ecclesiasticas, hæc in re, discrepantiam alludit Augustinus lib.2. de adulterinis coniugiis, cap. 8. n. 7. (tom.6. oper. col.407.) ubi quosdam inducit adulteros, ita secum invicem loquentes: An vero sexus nostri dignitas hæc sustinebit injuriam, ut cum aliis feminis præter uxores nostras, si quid admittimus, in luendis pœnis, mulieribus comparemur? Eoque in hunc modum conqueri (addit Augustinus) confisos juribus forensibus, discrimen ponentibus, inter viri, & uxoris conditionem: Sed isti (ait) quibus displicet, ut inter virum, & uxorem par pudicitie forma fervetur, & potius eligunt, maximeque in hac causa, mundi legibus subditi esse, quam Christi; quoniam jura forensia non eisdem, quibus feminas, pudicitie nexibus, viros videntur obstringere &c. Abrogatis autem prædictis legibus civilibus, nimium indulgentibus virorum impudicitie, consequens fuit, ut eadem actio ad divortium daretur uxori, contra virum adulterum, quæ huic competit adversus adulteram uxorem, quemadmodum perpendit Hieronymus cit. epist. ad Oceanum relat. in can. Præcipit, xxxii. q.5.; Præcipit Dominus, uxorem non debere dimitti, excepta causa fornicationis, & si dimissa fuerit, manere inuictam, quidquid viri jubetur, hoc consequenter re-dundat in feminas. Neque enim adultera uxor dimittenda est, & vir moechus retinendus; cui consonant Augustinus, relatus in can. Idololatria, xxvi. q.1., & Inno-

& Innocentius I. *epist.* 3. ad Exuperium Episcopum Tolosanum *cap.* 4. relat. pariter *cir. causa* XXXI. *q.* 5. *can. fin.* ubi rationem insuper expendit, propter quam rarius contingit, maritum adulterum ab uxore dimitti: *Et illud desideratum est sciri* (scribit Innocentius) *cur communicantes viri cum adulteris uxoribus non conveniant, cum contra uxores, in consorzio adulterorum virorum, manere videantur?* Super hoc Christiana religio adulterium in utroque sexu, pari ratione condemnat. Sed viros suos, mulieres non facile, de adulterio accusant, & non habent latentia peccata vindictam. Viri autem liberius uxores adulteras, apud Sacerdotes deferre consueverunt, & ideo mulieribus, prodito eorum crimine, communicatio denegatur ..... Cum ergo par causa sit, interdum, probatione cessante, vindicta ratio conquiescit.

2 A legibus civilibus, permittum esse concubinatum cum una, uxoris loco, domi retenta, asserit Cujacius; quod si verum sit, nemini dubium est, eas leges, utpote juri naturali, & Divino contrarias, esse ab Ecclesia reprobatas, præsertim a Tridentino *sess.* 24. *cap.* 8. *de reform. matrim.* ubi concubinariorum, tam solutos, quam uxoratos, si ter ab Ordinario moniti, concubinas non egerint, sequæ ab earum consuetudine non sejunxerint, excommunicatione feriendos esse, decrevit. Diximus, si verum sit, quod sibi persuasit Cujacius: alii enim æque docti, ac eruditi juris civilis Interpretes, præsertim Merillus *observat. lib.* 3. *cap.* 15. hallucinatum existimant Cujacium, qui concubinam confudit cum pellice; concubina quippe a legibus civilibus permissa, erat vera uxor, ducta tamen sine dote, & nuptiali solemnitate, uti colligitur *ex l.* 144. *ff. de V.S., l. Donationes* 32. *ff. de donationibus*, & Justiniani *Novella* 18., a legitima vero uxore differebat, sola dignitate, quia scilicet concubina, etsi & ipsa uxor esset, non transibat in familiam mariti, neque illius participabat jura, privilegia, & honores, quorum consors fiebat uxor legitima, quod constat *ex cit. l. Donationes*, & pluribus exornant Merillus *cit. loc.*, Antonius Augustinus *de emendatione Gratiani, lib.* 1. *dialog.* xv., & Ducangius *in glossario, V. Dos*. In hoc eodem sensu, sanctissimos antiqui Testamenti Patriarchas, quibus permissa erat polygamia, præter uxores, habuisse legimus concubinas, hoc est aliud uxorum genus, quæ unice ad procreandos liberos, non ad familiam regendam, relique familiares administrandas, essent admixtæ; Etenim Cethura *in eod. cap.* 25. *Genesis*, dicitur Abraham concubina, & uxor; & Agar, quæ ibidem appellatur pariter ejusdem concubina, *in cap.* 16. vocata fuerat vera uxor, quod bene animadvertit Bellarminus *de Conciliis. auctorit. lib.* 2. *cap.* 8. *proposuit.* x1.

3 De ejusmodi concubinis, & non de pellicibus, loquuntur antiqui Canones, concubinas ad Baptismum, & concubinariorum ad communionem admittentes: *Concubina cuiuspiam Infidelis mancipii* (ait Auctor Constitutionum, loquens de Baptismo, *lib.* 8. *cap.* 32.) *illi soli dedita, admittatur; si autem etiam cum aliis perulenter agit, rejiciatur;* & Patres Concilii Tolotani I. habiti anno 400. *can.* 17., relato a Gratiano *in can. Is qui, dist.* 34.;

Si quis

*Si quis habens uxorem fidelem, concubinam habeat, non communicet. Ceterum is, qui non habet uxorem, & pro uxore concubinam habet, a communione non repellatur, tantum ut unius mulieris, aut uxoris, aut concubinae, ut ei placuerit, sit conjunctione contentus; alias vero vivens abjiciatur, donec desinat, & per poenitentiam revertatur.* Ac denique Isidorus, relatus in can. 5., ead. dist. 34.: *Christiano non dicam plurimas, sed nec duas simul habere licitum est, nisi unam tantum, aut uxorem, aut certe, loco uxoris, si conjux defuit, concubinam.* Omnes inquam ejusmodi Canones non loquuntur de pellice, sed de uxore, non adhibitis dotalium tabularum solemnitatibus ducta, quam, vocabulo, a Cæsareis legibus usurpato, & communiter tunc usitato, nominarunt concubinam. Ita canonem Toletanum interpretatur Gratianus cit. dist. 34., ubi ait: *Concubina hic ea intelligitur, quæ, cessantibus legalibus instrumentis, unita est, & conjugal affectu adfiscitur. Hanc conjugem facit affectus: concubinam vero lex nominat; Gratiani vero interpretationem amplectuntur, & illustrent Correctores Romani in ead. cit. can. Is qui, Antonius Augustinus, & Bellarminus citatis locis, Hurtadus resoluit. moral. tom. 1: tract. 1. de absolutione Sacramentali, cap. 6. per totum, Binus in notis ad eundem canonem 17. Toletanum, tom. 2. Conciliorum Hispania, collecturum a Cardinali De Aguirre pag. 148., num. 22., Natalis Alexander differt. 29. ad sec. 1. Atque in eundem sensum, tam canonem Toletanum, quam locum ex Apostolicis Constitutionibus allegatum, accipiendum, asserit etiam hæreticus Binghamus origin. Ecclesiast. tom. 4. lib. 11. cap. 5. §. 11., & tom 7. lib. 16. cap. 11. §. 5.*

4 Quod si quis Patres Toletanos loquutos, velit de vera pellice, hoc est muliere, nullo conjugal i foedere, viro juncta, sed unice ad explendam libidinem, ab eodem domi retenta, tunc dicendum esset, eos nomine *Communione*, quam concubinariis, non censuerunt denegandam, non intellexisse *Communione* Eucharisticam, sed solam *Communione* civilem, a qua, depravatis ejus sæculi moribus, quantum fas erat, indulgentes, illos non judicarunt repellendos, uti, post Ferdinandum Mendoza, eundem canonem explicat Cardinalis De Aguirre cit. loc., num. 23. & seqq. . Ecquis etenim credat, novendecim sapientissimos Patres, qui Toletano Concilio interfuerunt, potuisse permittere, ut Divinæ mensæ participes fierent fornicarii, non solum nulla peracta poenitentia, verum etiam in suo crimine infordescetes, quos Apostolus Paulus, 1. ad Corinthios 5., e regno cælorum excludit, & ad Ephesios 5. non habere hereditatem in regno Christi, & Dei, prædicavit.

5 In sensu, a nuper exposito, diverso, *Concubina* nomen accepit S. Leo Magnus, in responsione ad inquisitiones Rustici Narbonensis, relata in can. 12., xxxii., q. 2., ubi postquam dixerat, *Non omnis mulier juncta viro uxor est viri, quia nec omnis filius heres est patris*, addit: *Igitur cuiuslibet loci Clericus, si filiam suam viro habenti concubinam, in matrimonium dederit, non ita accipiendum est, quasi eam Conjugato dederit, nisi forte illa mulier,*

*mulier, & ingenua facta, & dotata legitime, & publicis nuptiis honestata videatur*; loquitur nimirum Pontifex, de concubina, quam vir sibi devinxerat, non solum sine nuptialibus tabulis, sed nexu solubili, seu quam ad individuum quidem vitæ sibi asciverat societatem, sed ad sui arbitrium duraturam. Ejusmodi concubinarum genus, quas alio nomine, *Ancillas* etiam appellabant, quæque nulla ratione esse poterant veræ uxores, a Paganis inventum, podetentim fluxisse in Christianos, constat *ex l. 1. cod. Theod. tit. de naturalibus liberis*, ubi durior sit conditio naturalium liberorum, ut metu poenæ hominum animi avocarentur a concubipatu, *gentili, & admodum solubili*, more Romano inito; ea nihilominus lex, ab Imperatoribus lata, non valuit eundem detestandum abusum, e Christiana republica eliminare; insequentri quippe ætate adhuc plures inventi sunt, qui licere putaverint, unam feminam sibi jungere, quam possent, pro libito a se abjicere, quod discimus *ex Marculi formul. lib. 2. cap. 30.*, & *ex Mabillon. tom. 4. analect.* Jam vero has concubinas, quæ vere erant pellices, respexit Leo, cum Clericis permisit, filias suas nuptui tradere viris, habentibus concubinas, cum his quippe, ad tempus dumtaxat acceptis, haud consistere poterat insolubile vinculum matrimonii; hanc sibi mentem esse, aperte significavit idem Pontifex, iniquens: *Aliud est Nupta, aliud concubina*; & paulo inferius: *Ancillam a toro abjicere, & uxorem certa ingenuitatis accipere, non duplicatio conjugii, sed profectus est honestatis*. In easdem temporarias concubinas pluribus in locis invehitur Augustinus, & præcipue, de Bono conjugali *cap. 14.*, *relat. in can. 5.*, *xxxii. q. 2.*: *Concubinae ad tempus adhibite, nec etiam si causa filiorum concumbant, justum faciunt concubinatum*. De illis pariter expresse loquitur Egbertus, Episcopus Eboracensis, in suis excerptiionibus, ex sacris Canonibus, sanctorumque Patrum dictis, *concinatis cap. 127.* (*tom. 1. collection. Concil. Britann. pag. 109.*) ubi hæc habet: *Augustinus dicit: Quale est, quod multi virorum, ante nuptias, concubinas sibi adhibere non erubescunt, quas post annos dimittunt; & sic postea legitimas uxores accipiant: Unde coram Domino, & coram Angelis ejus testor, atque denuntio, Deum ista conjugia semper prohibuisse, & nunquam placuisse, & præcipue temporibus Christianis: Concubinas habere nunquam licuit, nunquam licet, nunquam licebit*.

6 Infiniti essemus, si ceteras percurrere vellemus leges a jure Canonico deletas. Duas alias tantum indicabimus. De jure civili, vidua nubens intra annum luctus, & multis sit obnoxia poenis, de quibus Cironius *ad tit. Decretalium, de secundis nuptiis*, & inter ceteras notatur infamia *l. Liberorum 81. ff. de his, qui notantur infamia*; iidemque viduis, intra annum, nubere vetitum etiam legimus, a Concilio Anhamensi, habito, circa annum 1009., in cujus *can. 16.* præcipitur: *Et sit qualibet vidua, qua se ipsam recte continuerit sub præsidio Dei, & Regis, & sedeat 12. menses marito orba; deinde eligat, quem ipsa voluerit* (*tom. 1. Concilior. Britannia pag. 289.*) Verum ejusmodi leges abrogarunt, Urbanus III. *in cap. 4.*

& In-

& Innocentius III. in cap. 5. de secundis nuptiis, quorum postremus ait : *Cam secundum Apostolum, mulier, marito viro suo, ab ejus sit lege soluta, & nubendi cui vult, tantum in Domino, liberam habeat facultatem; non debeat legalis infamia sustinere jacturam, qua licet post viri obitum, infra tempus luctus, scilicet unius anni spatium, nubat, concessa sibi tamen ab Apostolo, utitur potestate.*

7 Juxta antiquiores leges, jus erat marito occidendi uxorem in adulterio deprehensam, quod videre est apud Covarr. in 4. Decretal. part. 2. cap. 7. §. 7. num. 1.; posteriori vero jure Digestorum, & Codicis Justiniani, facultas quoque data est marito, occidendi adulterum turpiter cum uxore agentem, in propria domo deprehensum, nti liquet ex l. Marito, ff. ad leg. Juliam, de adulteriis, & ex l. Gracchus C. cod. tit. ; Patri quoque facta est potestas, interficiendi filiam, in sua potestate existentem, in sua domo, vel in domo Generi, in adulterio deprehensam, dummodo tamen una cum ipsa adulterum quoque occidat l. Quod ait, l. Nihil interest, l. Nec in ea, l. Patri, & tribus seqq., ff. ad legem Juliam, de adulteriis. At omnes ejusmodi leges, utpote quæ impunitatem dabant delinquentibus, adversus quantum Decalogi præceptum quo cuilibet interdicitur, ne quemquam, privata auctoritate interficiat, sunt a jure Canonico rescissæ, uti habetur in can. Inter hac, xxxiii. , quest. 2.; Quare ab Alexandro VII. die 7. Septembris 1665. Apostolicæ damnationis telo, confixa fuit etiam hæc propositio, in ordine 19. : *Non peccat maritus, occidendo propria auctoritate uxorem, in adulterio deprehensam* : Quinimmo adeo jus Canonicum abhorret ab occisione uxoris, etiam in adulterio repertæ, ut virum, id scelus perpetrantem, non solvat ab impedimento, quo in can. Interfectores, & in can. Admonere, xxxiii. , quest. 2. ceteros ligavit, propriæ uxoris interfectores, ne deinceps possint cum alia matrimonium contrahere, uti perpendit Perez de matrim. disp. 23. sect. 6. num. 2. a quod tamen impedimentum, esse tantum impediens, & non dirimens, docet cum communi S. Thomas in 4. dist. 38. quest. 1. art. 2. Ad aliquid vero indulgendum humanæ imbecillitati, & subitæ iræ, qua homines exardescunt, cum suæ, suæque familiæ honori illatam injuriam, propriis oculis conspiciunt, statuit Alexander III. in cap. Si vero, de sens. excomm., ut excommunicationi, Pape reservatæ, non subjaceat, qui in Clericum cum uxore, matre, sorore, vel filia propria turpiter inventum, manus infecerit violentas.

8 Quas hucusque enumeravimus, aliasque similes leges, a jure Canonico correctas, frustra Episcopus, in sua Synodo commemoraret, nisi forte ab illis aliquod argumentum desumere vellet, ad magis roborandas suas Synodales sanctiones: sic si in Synodo agendum foret de adulteriis, posset hujus criminis gravitas vel inde colligi, & ponderanda proponi, quod leges civiles interdum permiserint occasionem adulteri, in flagitio deprehensi : Ita pariter ad compescendam effrenatam licentiam filiorumfamilias, nuptias contrahere præsumptum, inficis, aut juste, ac rationaliter



biliter renuentibus parentibus, merito diceretur, ejusmodi connubia; non solum esse a naturali; & Divina lege graviter prohibita, sed & insuper legibus civilibus adeo exosa, ut si istis standum foret, validitate carerent. Sed de legum civilium usu, plura inferius, ubi de legibus a jure Canonico silentio præteritis.

## CAPUT XXXIX.

*Gravis dubitatio olim exorta, an quædam lex civilis esset a jure Canonico recepta, an potius abrogata; atque ideo, an valide contrahi possit matrimonium inter vitricum, & uxorem privigni.*

1 CUM sacræ Congregationis Concilii Secretarii munereungebamur, acriter in ea disputatum fuit, an textus juris civilis in l. *Uxorem*, ff. de ritu nuptiarum esset correctus, & abrogatus a jure Canonico, in cap. *Non debet, de consanguinit. & affinit.*; Disputationi autem causam dedit quædam Synodalis Constitutio, cujus firmitas, a prædictæ legis civilis pendebat firmitate. Quidam Episcopus, in suis Constitutionibus Synodalibus, explicans impedimenta, matrimonium dirimentia, & speciatim impedimentum affinitatis; provenientis ex copula licita, dixit, matrimonium valide contrahi non posse, inter vitricum, & uxorem privigni, juxta cit. textum jur. civil. in l. *Uxorem* 15. ff. de rit. nuptiar., ubi Papinianus ait: *Uxorem quondam privigni conjugii matrimonio vitrii non oportet, nec in matrimonium convenire novercam ejus, qui privigna maritus fuit*; Qui quidem textui minime derogatum, addebat ab Innocentio III. in cit. cap. *Non debet, de consanguinit. & affinit.*: Quoniam, ut ipse agebat, Innocentius dumtaxat revocavit, & abolevit impedimentum secundi, & tertii generis affinitatis, in linea Collateralium, non autem in linea Ascendentium, & Descendentium, sicuti utrumque textum, Canonicum scilicet, & Civilem perpendentes, docuerunt Oinotomus ad lib. 1. *Instit. tit. de nupt. n. 14.*, Arnoldus Vinnius ad eund. tit. num. 2., Joannes Schneideunitus in comment. ad *Instit. civil. lib. 1. de nupt. tit. 10. pag. 50.*, Bruneman in comment. ad *Pandectas*, ad cit. leg. *Uxorem* 15., ff. de rit. nuptiar., quorum Auctorum judicium non ideo parvi faciendum est, quod ii sint Heterodoxi; quoniam & ipsi, quoad matrimonii impedimenta, jus Canonicum sectantur: Quare cit. Schneideunitus affirmat, hanc unicam ob causam, matrimonium inter vitricum, & uxorem privigni, ab eorum consistoriis irritum pronuntiari: *Quia (ait) in hoc casu jus civile expresse non reperitur correctum a jure Canonico*. Idemque in tribunalibus Galliæ, sæpius judicatum, refert Antonius Mornaccius in observat. ad 24. primos libros *Digestorum*, lib. 23. ad leg. 42. de rit. nuptiar. pag. 862. Et dato etiam, pergebat Episcopus, quod in casu, matrimonio non obstat impedimentum affinitatis, obstat fal-

Tom. XII.

G g g

tem

tem impedimentum publicæ honestatis, quod consideravit Modestinus J.C. Cum in leg. Non facile 4. ff. de gradibus, & affinibus ait: *Hos itaque inter se, qui affinitatis causa, parentum loco, liberarumque habentur, matrimonio copulari nefas est: & profecto matrimonium, de quo est sermo, ob maximam, quam redolet inhonestatem, a jure civili improbatum, censuit Faber in sua jurisprudentia Papiniana, tit. 11. de nuptiis, princ. 6. illat. 12.*, inquires: *Inhonestum autem palam est, eam, qua aliquando uxor fuerit illius, qui mihi, aut filii, aut parentis loco fuerit, uxorem a me duci; cui adstipulatur Carpozovius lib. 2. jurisprudent. consilii, tit. 7. de dispensat. matrimon. in gradu prohibito, definit. 119. pag. 182.*, ubi ait: *Privignus a vitrici, & hic rursus a privigni Vidua abstinere debet, non solum ob rationem honestatis, qua in matrimonio multum attenditur, sed etiam propter expressam juris civilis dispositionem.*

2 Nihilominus tamen hujus questionis articulo, in sacra Congregatione Concilii mature discussio, expensisque rationum momentis, a Nobis, qui (ut diximus) ejusdem a Secretis eramus, in utramque partem adductis, quæ legi possunt in *Thesaur. Resolut. tom. 2. pag. 26.*, eadem sacra Congregatio die 8. Martii 1721. validum pronuntiavit matrimonium, inter vitricum, & uxorem privigni contractum. Neque enim ulla habenda fuit ratio prædictarum Constitutionum Synodaliū, utpote quæ unice innitebantur juris civilis sanctionibus, jamdiu correctis, atque abrogatis ab Innocentio III. in cit. cap. *Non debet, de consanguinit. & affin.*; ad cuius textus expositionem, præmittendum est, triplex olim fuisse affinitatis genus, juxta can. 3. & can. fin. xxxv. quæst. 3., & cap. 1. de sobole, ex secundis nuptiis suscepta; in prima collect. Decretal. Primum, una dumtaxat media persona; alterum duabus; tertium tribus personis mediis, contrahabatur; quæ omnia exemplis melius, quam ulla alia ratione explicantur. Si Titius, frater Caji matrimonium iniisset, & consummasset cum Berta, hæc Caji affinis erat, sicuti nunc est, in primo genere affinitatis: Si mortuo Titio, Berta matrimonio jungebatur cum Sempronio, Sempronius alter Bertæ maritus, & Cajum, & omnes defuncti Titii consanguineos, secundo affinitatis genere contingebat: Si demum, mortua Berta, Sempronius aliud conjugium celebrasset cum Nævia, etiam cum hac, & Cajus, & omnes Consanguinei Titii, tertio affinitatis genere, conjungebantur. Ex his porro affinitatis speciebus, quælibet matrimonio valide contrahendo obstat, quod ex cit. can. 3. & final. liquet, & explicant Petrus Blesensis epist. 115., ac fusc Sanchez lib. 7. de matrim. dispur. 67., ac Basilius Pontius lib. 7. cap. 34. Sed Innocentius III. in laudato cap. *Non debet*, secundam, & tertiam affinitatis speciem abolevit, & abrogavit, statuitque, ut deinceps sola affinitas primi generis, usque ad quartum gradum, matrimonium impediret, & dirimeret. Adeo autem indefinite Innocentius loquitur, ut gratis omnino, atque arbitrario quis sibi fingere valeat, per præfatam Decretalem, abrogatas, & deletas non esse secundam, & tertiam speciem affinitatis, in linea recta Ascendentium, & Descendentium,

tium, quemadmodum *ad tit. de consanguinit. & affinit.*, optime ponderarunt Zoësius num. 9., Engel num. 6., König num. 22., Schmalzgrueber n. 77. & Auctor *Theolog. dogmat. & moral. ad usum Seminarii Catalaunenfis*, tom. 7. pag. 853., unde ab omnibus Canonistis, instar regulæ nullam habentis limitationem, usurpatur commune illud effatum: *Affinitas non parit affinitatem*.

3 Jam vero cum vitricus, & uxor privigni, secundo dumtaxat, & non primo affinitatis genere, inter se conjungantur, necessario inde consequitur, nullo nunc detineri canonico impedimento, quo minus possint validum matrimonium, inter se contrahere, sicuti egregie ratiocinatur Cujacius *ad tit. 14. de consanguinis. & affinit.* (*oper. posthumor. tom. 3. edit. Paris. anni 1658. pag. 316.*) inquires: *At hodie ex cap. penultimo, sive Concilio Lateranensi, sub Innocentio III., in secundo genere affinitatis nuptia verita non sunt, & abrogata est lex 15. ff. de rit. nuptiar., & in comment. ad eandem legem, Uxorem 15. (oper. tom. 1. pag. 153.) ubi ait: At hac Papiniani sententia hodie abrogata est, decreto Innocentii in cap. Non debet, de consanguinit. & affinit., quo in primo tantum genere affinitatis nuptia prohibentur, non in secundo, vel tertio, & persona, de quibus in hac lege agitur, sunt in secundo genere affinitatis, non in primo.*

4 Remoto impedimento affinitatis, illico corruiſit aliud, quod ex publica honestate oriri fingitur: Etenim impedimentum publicæ honestatis unice emergit, aut ex sponsalibus validis; juxta textus in *cap. 1. de sponsal. & matrim. in 6., & cap. 3. sess. 24. Concil. Trident. de reform. matrim.*, aut ex matrimonio dumtaxat rato, ad normam Constitut. S. Pii V. incipien. *Ad Romanum*: Matrimonium autem consummatum, aut veram producit affinitatem, aut certe aliud impedimentum non parit. Præterea publicæ honestatis impedimentum, ex matrimonio rato ortum, solum contrahitur inter maritum, & consanguineos uxoris, ac vicissim inter uxorem, & consanguineos mariti; non autem inter maritum, & affines uxoris; neque inter uxorem, & affines mariti; vitricus vero non est consanguineus, sed affinis sui privigni, ac proinde neque affinitate, neque publica honestate impeditur, ne matrimonium contrahere valeat cum ejusdem sui privigni uxore. Itaque concludendum est, male fuisse in præfatis Constitutionibus Synodalibus allegatas leges civiles, quæ a jure Canonico jamdiu fuerant expresse abrogatæ. In Synodo Limana decretum est, ut Indi Peruani, qui matrimonium contraxerunt cum noverca, vel nuru, non admittantur ad Baptismum, nisi prius conjugium præfatum veluti jure naturæ irritum solvant, uti refert Acoſt. *de procuranda Indorum salute, tit. 16. cap. 21.* Synodus hæc certum ponit, affinitatem, quæ ex matrimonio causatur, jure naturæ dirimere matrimonium in primo gradu lineæ rectæ; id autem certum non est, cum probatissimi Auctores doceant, nullam affinitatem, ne eam quidem, quæ est in primo gradu lineæ rectæ, dirimere matrimonium jure naturæ, sed jure tantum Ecclesiastico, & consequenter super eo im-

pedimento, gravissimis urgentibus causis posse a summo Pontifice dispensari: Silvius *oper. tom. 5. in verb. Dispensatio tertio*. At, quidquid sit de potestate, a simili dispensatione Romani Pontifices, etsi pluries rogati, abstinuerunt. Legi potest Rigantius *civ. tom. 4. ad regul. 49. Cancellaria*, a num. 18. & *segg.*, ubi etiam mentionem facit nostri consilii reverenter exhibiti, dum in minoribus essemus, Benedicto XIII. nostro Benefactori, ut a simili dispensatione, pro qua rogabatur, abstineret, prout abstinuit.

## CAPUT XL.

*De legibus civilibus a jure Canonico, neque correctis, neque expresse approbatis, & proinde aliquando opportune in Synodo memorandis.*

**A** Liquid nunc dicendum remanet, de legibus sæcularibus, a jure Canonico silentio prætermisissis. Ejusmodi leges, si rem spectent mere profanam, neque ulla ex parte sacris Canonibus adversentur, tacite approbatæ videntur in *cap. 1. de novi oper. nuntiat.*, in quo legitur: *Sicuti leges non dedignantur sacros Canones imitari, ita & sacrorum statuta Canonum Principum Constitutionibus adjuvantur*; atque iterum in *cap. Super specula, de privileg.*, ubi habetur: *Sancta Ecclesia legum sæcularium non respuit famularum, quæ equitatis, & justitiæ vestigia imitantur*; unde fit, ut Judex Ecclesiasticus sententiam prolaturus, de quaestione, super re mere temporalis, de qua nihil a jure Canonico reperitur decisum, non solum possit, sed debeat juri civili se conformare, quod in *civ. cap. 1. de novi oper. nuntiat.* tradunt Abb. antiq. num. 2., Joannes Andreas num. 5., & cum communi prosequuntur Menoch. *de Arbitrar. lib. 2. cas. 285. num. 12.*, & Fagnanus in *cap. Cum esset, de testament. num. 18.* Hinc Gregorius Magnus in suis ex regesto decretis sæpe numero præcipit, ut secundum *leges, & canones Ecclesiasticos judicia serventur*; & Gelasius Papa *epist. 4. ad Anathasium Imperatorem* (num. 2. collect. Hard. col. 893.) scripsit: *Quantum ad ordinem pertinet publicæ disciplinæ, cognoscences Imperium tibi superna dispositione collatum, legibus tuis ipsi quoque parent religionis Antiquitates, ne vel in rebus mundanis exclusa videantur obviare sententiæ*. Hinc pariter Hincmarus Archiepiscopus Remensis, in schedula, seu libello expostulationis adversus Hincmarum, Episcopum Laudunensem, quem obtulit Synodo Duziacensi, sæpius, sed præcipue *cap. 23. ad leges civiles provocavit.* (tom. 5. collect. Hard. col. 1257.). Quamobrem si Episcopus in sua Synodo causam pertractaret, de qua in sacris Ecclesiæ Canonibus nihil inveniret statutum, & posset, & deberet leges civiles allegare, eisque adhzrere.

2 Plures etiam leges civiles Ecclesiasticis Constitutionibus robor, & firmitatem adjiciunt, puta quia in illarum contemptores, & refractarios severis poenis animadvertunt; & ex pariter utpote foventes Ecclesiasticam disciplinam, perutiliter allegantur: ita Leo Magnus *epist. olim 93. nunc 15.*

ad Tur-

ad Terribilium, Asturicensem Episcopum adducit, & summo opere commendat leges, a Principibus latis, contra hæreticos Priscillianistas, inquiens: *Etiā Mundi Principes ita hanc sacrilegam amentiam detestati sunt, ut Auctorem ejus, cum plerisque discipulis, legum publicarum ense prosternebant . . . . Profuit ista districtio Ecclesiastica lenitati, quæ etsi Sacerdotali contenta iudicio, cruentas refugit ultiones, severis tamen Christianorum Principum Constitutionibus adjuvatur; dum ad spirituale nonnunquam recurrunt remedium, qui timent corporale supplicium.* Ob eandem rationem, quod nimirum sint Ecclesiæ favorabiles, sine ulla difficultate, in medium proferri possunt leges civiles, concedentes privilegia, atque exemptiones Ecclesiis, earumque Administris ex. g. *Auth. Item nulla, eod. de sacrosanctis Ecclesiis*, ubi Ecclesiæ, & personæ Ecclesiasticæ ab exactionibus, & oneribus, per sæculares Magistratus imponendis, liberantur: *Auth. Ingressi, eod. eod.*, ubi Bona ingredientium Religionem, si intestati decedant, monasteriis addicuntur. Et *Auth. Quas actiones, eod. eod.*, ubi Imperator tempus quadraginta annorum exposcit, ut quis ulucapiat res immobiles, ad inferiores Ecclesias pertinentes, ac Romanæ Ecclesiæ, tanquam omnium præstantissimæ, ac cæterarum capiti, privilegium indulget, ne adversus ejusdem Bona, vel jura præferri valeat, nisi centum annorum spatium; eo autem liberius potest prædicta lex civilis allegari, quia utrumque privilegium est in sacros Canones insertum: Privilegium etenim inferiorum Ecclesiarum, legitur in cap. *Isnd;* in cap. *Quia indicante, de prescriptionibus;* & in cap. *Accidentibus, de privilegiis;* & de privilegio Ecclesiæ Romanæ mentio fit in can. *penult.*, & ult., *XVI. quest. 3. in cap. Dilecta, de confirmatione utili, vel inutili;* in cap. *Cum nobis;* in cap. *Ad audientiam;* in cap. *Si diligenti, de prescriptionibus;* & in cap. *Si qui, de prescriptionibus in 6.*

3 Fas etiam erit Episcopo aliquid, ad normam ceteroquin sacrorum Canonum, constituentium, innuere, atque in exemplum asserre leges civiles, quid simile decernentes: ita se gessit Innocentius III. in cap. *Vergensis, de Hæreticis*, ubi Bona Hæreticorum confiscanda edicens, eaque, in terris Imperii, fisco sæculari, in terris Ecclesiæ, fisco Ecclesiæ addicenda, exemplo utitur legum sæcularium, eadem poena afficientium reos lese majestatis: idemque exemplum legum sæcularium in aliis etiam delictis, delinquentium Bona fisco addicentium, adhibuit Bonifacius VIII. in cap. *Cum secundum leges, de Hæreticis in 6.*, ut inde pariter conficeret, potiori jure confiscanda esse Bona Hæreticorum. Idem insuper Pontifex in *Extravag. 1. de electione, inter communes*, prohibens, quemquam in Episcopum recipi, qui antea non exhibuerit Apostolicas litteras, testantes, sibi talis Ecclesiæ regimen fuisse commissum, utitur exemplo legum sæcularium, id ipsum, ab iis fieri præcipientium, qui ad aliquam provinciam gubernandam, se a Principe missos asserunt. Denique idem Bonifacius VIII. in cap. *Si Index, de senten. excomm. in 6.*, ad confirmandum quod ibidem decernit, nimirum reum a Curia sæculari deprehensum, in habitum, & Tor-

fura

fura Clericali, reputandum esse Clericum, donec constet de contrario, ac proinde veluti talem Curiae Ecclesiasticae tradendum, utitur auctoritate legum civilium, idem, in re simili, decernentium: Sicut de illo, qui in possessione ingenuitatis existit; si dicatur ab alio libertinus, legalis sanxisset auctoritas, ut probandi necessitate, non ipse, sed adversarius adstringatur, atque ut magis adhuc insinuet, unumquemque talem praesumi, qualis ex habitu esse dignoscitur, aliud adducit exemplum, a legibus pariter civilibus petitur: Iustum est enim, ut ipse talis, quem gestat ex habitu, quousque aliud appareat, praesumatur, qualis is esse, cujus fert habitum, comprobatur. Ex stigmate namque consueto Fabricensibus imprimi, latitans Fabricensis agnoscitur. Et Custodes aquarum, quos Hydrophilas nominant, quae eis insigi solet, annotatione signati, manifesti sunt, & angarium nomine non tenentur; Fabricenses quippe, hoc est homines deputati, ad arma cudenda, in publicis fabricis, notabantur stigmate, in brachiis, ut si ab opere se subducerent, cui erant perpetuo alligati, ex eo dignosci possent, nullique liceret fugientes receptare, quod habetur in l. *Stigmata*, cod. de Fabricensibus, lib. xi. Similiter Hydrophilas, seu Aquarii, homines scilicet, quibus commissa erat custodia publicorum aquaeductuum, signandi erant Imperatorio stigmate in singulis manibus, l. *Decernimus*, cod. de aquaeductu, cod. lib. xi., ut inde essent omnibus manifesti, nec unquam a proprio munere distraherentur, uti in eadem lege cavetur. Erant nimirum tam Fabricenses, quam Hydrophilas genus quoddam servorum, quibus olim stigma inurebatur in facie, sed Constantinus Augustus in l. 17., cod. de poenis, vetuit, ne ullum signum hominum vultibus deinceps imprimeretur; Ne facies (ait) quae ad similitudinem pulchritudinis est caelestis figurata, maculetur, iussitque, ut deinceps poena criminum reis inflictæ scriberetur in eorumdem furis, vel manibus, ex quo factum est, ut etiam illi, qui sponte se publicis operibus, in perpetuum mancipabant, non in vultu, sed in brachiis, vel manibus signarentur. Jam vero, ratiocinatur Bonifacius, si recensiti homines, ex civilium legum sanctione, tales praesumuntur, quales apparent, ex signo, quod in brachiis, aut manibus habent impressum, ideoque, nulla interjecta mora, sunt ad opus reducendi, ad quod dignoscuntur addicti; ita pariter qui signa gestat Clericalia, habitum videlicet, & Tonfuram, donec contrarium probetur, pro Clerico habendus est, & tanquam talis Ecclesiastico foro illico restitendus.

4. Præterea inopportuno quandoque non erit, commemorare severissimas poenas, a legibus saeculi, in hujus, aut illius delicti fontes inflictas, puta in homicidas, adulteros, usurarios, ut hac ratione, qui ad ea crimina proclives sunt, eorumdem gravitatem magis agnoscant, atque ab illis perpetrandis retrahantur. Denique si cuipiam nimium asperæ videantur leges Ecclesiae, quas propterea nonnihil leniri, & temperari, aut ab illis saltem se absolvi exoptaret, salubre consilium erit, ei in memoriam revocare leges civiles, e quarum conspectu mites, & suavissimæ apparere po-

poterunt Ecclesiasticæ functiones: ita Innocentius III. in cap. *Per venerabilem*, qui filii sunt legitimi, scribens ad Willelmum, Comitem Montis Pessulani, qui suos filios spurios, a Pontifice legitimi petierat, ejus petitioni abnuens, ne hac repulsa Comes offenderetur, opportunum duxit, adducere leges civiles, longe severius, quam Ecclesiasticæ, Spurios insectantes, inquit: *Canone vero utante tales ad sacros Ordines promoveri; secularibus quoque legibus, non solum repellentibus eos a successione paterna, sed negantibus ipsis, etiam alimenta, petitioni tua non duximus annuendum.*

§ Si hæc omnia diligenter consideret Episcopus, intelliget enimvero quid sibi voluerit Fagnanus, cum monuit abstinendum esse, ab allegandis in Synodo legibus civilibus, ab Ecclesia reprobatis, ac satis superque de illis edocebitur, quas tuto commemorare, atque in suas Synodales Constitutiones, inoffenso pede, inserere valeat.

## CAPUT XLI.

*Nihil in Synodo constituendum, quod Regularium privilegia ladat.*

1. **Q**uemadmodum Inferiori non licet legem abrogare a Superiore latam, ita nec privilegiis derogare, cuius a Superiore concessis: Quocirca S. Gregorius Magnus epist. 14. lib. 8. indict. 1. (tom. 2. oper. col. 905.) *Hæc Constitutionis nostræ decreta, quæ pro Defensorum sunt privilegiis, & ordinatione disposita, perpetua stabilitate, & sine aliqua constitutimus refragatione servari: sive quæ scripto decrevimus, seu quæ in eis in nostra presentia videntur esse disposita; nec a quoquam Pontificum, in totum, partemve, qualibet occasione convelli decernimus, vel mutari; & epist. 111. lib. 9. indict. 2.: Cuius est sollicitudinis adhibenda, ut ea, quæ pro quiete Monachorum, religiosæque conversationis fuerint ordinata, nec dissimulatio negligere, nec quadam valeat presumptio perturbare. Sed sicut hoc, quod ratio exigebat utiliter, oportuit definiri: ita quod definitum est, non debet violari; & Innocentius IV. in Concilio Generali Lugdunensi relat. in cap. 1. de privileg. in 6.: Volentes (inquit) libertatem, quam nonnullis Apostolica Sedes privilegio exemptionis indulgit, sic integram observari, ut & illam alii non infringant, & ipsi ejus limites non excedant.*

2. Hæc, aliaque jura id ipsum decernentia Episcoporum oculis subiecit Fagnanus in cap. *Quod super his, de majoris. & obed. a num. 14. ad fin.*, ut sibi persuasum haberent, nihil Synodalibus Constitutionibus esse inferendum, quod præjudicium inferat privilegiis, a Sede Apostolica concessis Regularium Ordinum Institutis: Ad uberiores autem Episcoporum instructionem, in exemplum adduxit idem Fagnanus quamdam Synodum Cracoviensem, e cujus Actis, jubente Paulo V., expuncta fuere nonnulla decreta, quibus Regularium exemptio vulnerabatur. Haud ab simile exemplum Nos adnotatum reperimus in lib. 14. decretor. *sacra Congregationis Concilii*

*Concilii pag. 501.*, ubi Robertus Cardinalis Ubaldini refert, a sacra Congregatione approbata fuisse Acta, & decreta Concilii Provincialis Cameracensis, hac tamen adjecta declaratione, ut per illa nihil censeretur derogatum privilegiis Regularum, quibus propterea denuntiari mandavit, ut sua privilegia, non clausa in corpore juris, quantocius ejusdem provinciae Episcopis exhiberent, ut hac ratione isti cognoscerent, quidnam in Concilii decretis, illis adversaretur, & Idcirco corrigendum foret.

3 Hisce fortasse exemplis nimium perterriti plerique Episcopi, nullum, ne minimum quidem verbum, in suis Synodis, de Regularibus fecere; quod tamen Nos minime probandum censemus: Siquidem quamplurima sunt, in quibus Regulares, quantacumque fruantur exemptione, subsunt Episcopo, tanquam Apostolicæ Sedis Delegato; & ne hujus subjectionis obli- vifcantur, necesse est, eam quandoque illis in memoriam redigere, quod certe nusquam commodius, quam in Synodalibus Constitutionibus, fieri potest. Quare saniori consilio, alii Episcopi, absque ulla Regularium injuria, aut eorumdem exemptionis violatione, plura in suis Synodis, expresse; & nominatim, de illis sanxere. Atque, ut antiquiora hujus rei prætereamus exempla, in Synodo Amerina, habita anno 1695. ab Antonio Maria Gratiano, duo leguntur integra capitula, Regulares respicientia; unum sub num. 959., cui titulus: *Quando puniendi Regulares, Episcopo jus est*; alterum sub num. 960., ubi casus enumerantur, in quibus Episcopi iussis, edictisque Regulares parere debent. De Regularibus pariter multa speciatim statuta, deprehendimus in sæpius a nobis laudatis Synodis, nimirum Cæsenatensi, habita a Cardinali Denhoff *lib. 2. cap. 7.*, Neapolitana, habita a Cardinali Cantelmo *cap. 8.*, altera Neapolitana, sub Cardinali Pignatello *part. 4. cap. 8.*, Imolensi, sub Cardinali Gozzadino *rit. 3. cap. 10.* Sabinensi, coacta a Cardinali Hannibale Albano *cap. 9.*, ac Cingulana, celebrata a Cardinali Lanfredino, anno 1736. *cap. 10.*

4 Verum, ut Episcopus tuto, & sine ullo offendiculo, in hoc negotio procedat, debet omnia bene prænoscere, in quibus Regulares habet suæ jurisdictioni obnoxios. Hæc singulatim recensentur ab Auctoribus, de hac materia tractantibus, præcipue ab Erasmo Chokier *de jurisdictione. Ord. a exempt. part. 2. quest. 45.*, Fagnano in *cap. Grave, de offic. Ord. a num. 37. usque ad fin.*, Natali Alexandro in *appendic. 1. ad tom. 1. Theolog. dogmat. & moral.*, e quibus pauca quædam seligimus. Et primò quidem Regulares, delinquentes contra Decretalem Innocentii III. in *cap. 1. de custod. Eucharist.*, non solum a suo Superiore Regulari, sed etiam ab Episcopo, cui tanti Sacramenti cura debet potissimum incumbere, corrigi, & puniri possunt, sicuti, approbante Innocentio XIII., die 8. Januarii 1724., rescriptum fuit a sacra Congregatione Episcoporum, & Regularium, cujus decretum refertur in *appendic. ad cit. Synodum Neapolitanam, habitam a Cardinali Pignatello num. 20.* Et quoniam ad SS. Eucharistiæ majorem venerationem confert, ne passim, & sine causa, publicæ Fidelium

adora-



adorationi exponatur, propterea sacra Congregatio Concilii, apud cit. Fagnanum num. 77., censuit, non licere Regularibus, illam in propriis ecclesiis, sine velamine, exponere, nisi ex causa publica, a loci Ordinario approbata. *Sacra &c. censuit* (sunt verba decreti, editi die 10. Augusti 1630.) *non licere Regularibus, etiam in eorum propriis ecclesiis, sanctissimum Eucharistia sacramentum, publice adorandum exponere, nisi ex publica causa, qua probata sit ab Ordinario; ex causa autem privata posse, dummodo sanctissimum Sacramentum e tabernaculo non extrahatur, & sit velatum ita, ut ipsa sacra Hostia videri non possit.* De quo argumento plura a Nobis collecta legi possunt *Notificat.* 30.

§ Præterea Concilium Tridentinum in decreto *sess.* 22. *de observandis, & evitandis in celebratione Missæ*, postquam plura statuit, religiose servanda, in celebratione hujus tremendi Sacrificii, addidit: *Hæc igitur omnia, quæ summam enumerata sunt, omnibus locorum Ordinariis ita proponuntur, ut non solum ea ipsa, sed quæcumque alia huic pertinere visa fuerint, ipsi, pro data sibi a sacrosancta Synodo potestate, ac etiam, ut Delegati Sedis Apostolica prohibeant, mandent, corrigant, statuunt, atque ad ea inviolate servanda, censuris Ecclesiasticis, aliisque poenis, quæ illorum arbitrio constituentur, Fidelem populum compellant: non obstantibus privilegiis, exemptionibus, appellationibus, ac consuetudinibus quibuscumque; Ex quibus verbis aperte conficitur, amplam, atque indefinitam auctoritatem, datam esse Episcopis, compellendi Regulares quoscunque, ad plenam, & exactam observationem, non tantum eorum, quæ in præfato decreto continentur, verum etiam aliorum, quæ ipsimet Episcopi, ad majorem illius ineffabilis Mysterii decorem, & cultum, duxerint præcipienda: Quocirca laudatus Cardinalis Lanfredinus in cit. Synodo Cinglana, jure dixit: Cum etiam Regulares, ex nâ decreti sacri Concilii Tridentini, sub sint correctioni, & punitiōi Episcoporum, si eam miserint prohibita, vel indecentia in ecclesiis, etiam suorum Ordinum, circa Missæ sacrificium, prout alias a sacra Congregatione Concilii declaratum fuit, diligenter caveant eorumdem Ordinum Superiores, ne hujusmodi potestate, nobis competente, uti cogamur in sibi subiectos Sacerdotes. Quoniam vero in eodem Tridentini decreto, Episcopis præcipitur, ut singuli in suis diocesis interdicant, ne cui vago, & ignoto Sacerdoti, Missas celebrare liceat; Jure patet Joseph Cardinalis Spinelli, Archiepiscopus Neapolitanus, die 5. Januarii 1743., sub poena suspensionis a Divinis, ipso facto incurrenda, etiam Regularibus injunxit, ne quempiam exterum Sacerdotem, in suis ecclesiis celebrare permittant, sine prævia Ordinarii licentia (quod & a Nobis vetitum fuerat in nostra *Notific.* 34. §. 1.) : pro sua quippe rerum Ecclesiasticarum singulari peritia, probe noverat idem Cardinalis, prædicti decreti virtute, factam esse Episcopis facultatem, etiam censuris animadvertendis, in contumaces, & inobedientes Regulares: Enimvero cum in eodem decreto, cautum reperiatur, ne Episcopus quemquam patiat Missam celebrare extra ecclesiam, in altari portatili, idcirco sacra Congregatio*

gatio Concilii die 4. Junii 1672., licuisse censuit Archiepiscopo Toletano, contravenientes Regulares, etiam censurarum inflictione, coercere, uti habetur *lib. 27. decretor. pag. 406.* : Atque generatim loquendo *in his*, in quibus a jure communi, a sacro Concilio Tridentino, a Constitutionibus Apostolicis tributa est Episcopo jurisdictio in Regulares, potest illos, etiam per censuras Ecclesiasticas compellere, quod totidem verbis, ab eadem sacra Congregatione rescriptum, legimus ad Episcopum Nebiensem die 7. Februarii 1632. *lib. 4. decretor. pag. 571. a tergo.* Ob eandem rationem, quia scilicet Tridentinum *sess. 25. de invocac. & venerat. Sanctorum* decrevit, ne in ulla ecclesia, quomodolibet exempta, ulla exponatur insolita Imago, aut nova Reliquia, ab Episcopo non approbata, minime dubitandum est, quin possit Episcopus, inobedientes Regulares, quibuscumque poenis, etiam censurarum, compescere, quod etiam ex decreto colligitur, edito a sacra Congregatione Concilii 5. Junii 1700., *apud Monacell. in formul. tom. 1. tit. 3. form. 8. num. 49.*

6 Eadem porro sancta Tridentina Synodus *sess. 25. cap. 5. Sanctimonialium clausuræ exactam custodiam* Episcopis committens, iisdem mandavit, *ut in omnibus monasteriis sibi subjectis, ordinaria, in aliis vero, Sedis Apostolicæ auctoritate, clausuram Sanctimonialium, ubi violata fuerit, diligenter restitui, & ubi inviolata est, conservari maxime procurent; inobedientes, atque contraditores, per censuras Ecclesiasticas, aliasque poenas, quacumque appellatione postposita, compescerent;* Hanc vero sanctionem explicavit, ampliavitque Gregorius XV. in sua Constitutione 18., *incipiente: Inscrutabili, Bullar. tom. 3.,* decernens, quoscumque Regulares delinquentes in iis, quæ respiciunt clausuram Monialium, etiam ipsismet Regularibus subiectarum, aut circa personas, intra monasterii septa degentes, corrigi, & puniri posse ab Episcopo loci, tanquam Apostolicæ Sedis Delegato. Quo vero sanctius Monialium clausura custodiretur illæsa, Alexander VII. in sua Constitutione 156., *que incipit Felici, Bullar. tom. 5.,* statuit, Prælato Regulari semel dumtaxat in anno, occasione visitationis, fas esse monasterii sibi subiecti septa ingredi; si autem necessitas urgeat, sæpius in anno, idem monasterium ingrediendi, id non aliter Prælato Regulari licere, voluit, quam, cum præsentia Episcopi dicecesani, aut alterius personæ Ecclesiasticæ ab ipsomet Episcopo specialiter deputandæ.

7 Et quoniam crebræ allocutiones Regularium cum Monialibus, visæ sunt quodammodo adversari fini perfectæ clausuræ, cuius præcipuus scopus fuit, segregare Moniales ab hominum consortio, ut liberius orationi vacent, & Deo unice animum intendant, idcirco pluribus Pontificiis sanctionibus, vetitus fuit Regularibus accessus ad Moniales, etiam sui Ordinis, suisque Prælatis subiectas, sine expressa licentia, non solum ejusdem Prælati Regularis, sed etiam Episcopi. Sancitum id fuerat a Sixto V. anno 1590., cujus decretum Paulus V., Urbanus VIII., alique posteriores Pontifices confirmarunt, & renovarunt; Verum quia Regulares varia  
tenta-

tentarunt effugia, ut ejusmodi decretum eluderent, novis propterea sanctionibus fuit roborandum, & clarius explicandum. Dictabant plerique, gravis culpa reos non fieri Regulares, alloquentes Moniales, ex rationabili causa, atque ad honestum finem. Alii subtilius ratiocinantes opinabantur, horæ quadrantem, cum dimidio, respectu spatii viginti quatuor horarum, quibus dies naturalis absolvitur, exiguum esse materiam, quæ Ecclesiastici præcepti transgressionem plerumque excusat, a gravi noxa, ac proinde, per tanti temporis intervallum, quod clepsidra metiebantur, putabant, se posse, sine periculo lethalis peccati, cum Monialibus loqui, nulla petita ab Episcopo licentia. Arbitrabantur alii, saltem prædicto decreto, non comprehendi Regulares, prædicationis munus obeuntes, in Monialium monasteriis, quibus idcirco, docebant licere, post expletam concionem, sermonem cum illis habere, præsertim de rebus spiritualibus, in ipsa prævia concione tractatis. Sed itas omnes cavillationes amputavit sacra Congregatio Concilii, quæ die 11. Maji 1669., approbante Clemente IX., declaravit, Regulares quoscumque, absque legitima facultate accedentes ad colligendum, etiam per quicumque modum temporis spatium, cum Monialibus, aut aliis intra clausuram degentibus, peccare mortaliter, eosque sub excommunicationis, præparationis vicis activa, & passiva, aliisque contra Regulares, accedentes, sine licentia, ad monasteria Monialium, statutis poenis, posse ab Ordinario, tanquam Sedis Apostolica Delegato coerceri; Et die 26. Novembris 1672. respondit, nullam, quantumvis honestam, & rationabilem causam, eximere a gravi culpa Regulares, accedentes ad Moniales, sine Episcopi licentia; Ac die 21. Maji 1678. iidem poenis affici, dixit Regulares, qui post habitam ad Moniales concionem, de quibuscumque rebus, cum iisdem loquuntur, nisi specialem, quoad hoc facultatem, ab Episcopo antea impetraverint. Hæc, aliæque sacræ Congregationis decreta, eandem materiam respicientia, simul collecta habentur, post Dioecesanam Synodum Pisanam anni 1708., & in appendic. ad Synodum Lucanam, habitam ab Archiepiscopo Colloredo anno 1736.

8 Neque vero prædictis tantum limitibus circumscribitur delegata jurisdictio Episcopi, in Regulares, sed longe ulterius protenditur; Etenim coercionem Episcopi sunt obnoxii Regulares, excipientes Confessiones Sæcularium, sine accepta ab Episcopo facultate, contra decretum Tridentini sess. 23. cap. 15. de Regular. Excipientes Confessiones Monialium, etiam suo Ordini subjectarum, sine prævia Episcopi approbatione, juxta Constit. 18. Gregorii XV. Bullar. tom. 3., & juxta Constit. 10. Clementis X. §. 4. Bullar. tom. 7. pag. 30. : Renuentes accedere ad publicas Processiones, contra cap. 13. ejusdem sess. 25. : Prædicantes in ecclesiis suorum Ordinum, Episcopo contradicente, vel non petita ab eo benedictione, aut in alienis ecclesiis, sine ejusdem Episcopi licentia, contra decreta Tridentini sess. 5. cap. 2. de reform., & sess. 24. cap. 4., ac citatam Constitutionem Inscrutabili

H h b 2

Grego-

Gregorii XV.: Non servantes interdictum, ab Episcopo latum, aut dies festos ab Episcopo indictos, vel recusantes promulgare censuras, jussu Episcopi, denuntiandas, contra decretum *sess. 25. cap. 12. de Regular.* Conferentes litteras dimissoriales, aut Ordines suis Subditis Sæcularibus, contra decretum *sess. 23. cap. 10.*: Publice docentes, non emissi prius Fidei professione, coram Episcopo loci, ad normam Constitutionis Pii IV., editam anno 1564.: Graviter delinquentes in administratione cujuslibet Sacramenti, quemadmodum expresse sancitum fuit a Gregorio XV. *in eadem Constitutione Inscrutabili §. 4.*: Notorie, & cum scandalo, delinquentes extra Claustra; Hi quippe, juxta Constitutionem Clementis VIII., editam 8. Martii 1596., puniri possunt ab Episcopo, nisi Superior Regularis ab Episcopo admonitus, intra ei præfixum ab eodem Episcopo tempus, illos punierit, & de punitione Episcopum certiore fecerit: Delinquentes in personam ipsius Episcopi, ejusque jurisdictionem impediētes, juxta decretum sacræ Congregationis Concilii, a Gregorio XIII. approbatum, de quo Fagnanus *in cit. cap. Græve, num. 76.*: Transgredientes decretum, ab Alexandro VII. editum die 27. Septembris 1659., quo privilegia concessa Prælati<sup>71</sup> Episcopo Inferioribus; quoad usum Pontificalium; intra certos terminos coarctantur<sup>72</sup>, & locorum Episcopis potestas datur, decreti transgressores, censuris coercendi: Præsumentes dare habitum sui Ordinis mulieribus Tertiariis, non collegialiter viventibus, inconsulto Episcopo; Privilegia enim, quæ ad id faciendum olim Regulares habuerant, ita hodie sunt limitata, ut nulli queant habitum prædictum conferre, sine licentia Episcopi, ad quem pariter pertinet, præmittere examen conditionum, quas sacræ Urbis Congregationes, in mulieribus exigunt, quæ, inter prædictas Tertiarias cooptari, petunt, de qua re, pluribus Nos disseruimus *in nostra Notific. 29.*, ubi ediximus, Regularibus, priusquam a loci Ordinario facultatem obtineant, de qua est sermo, onus incumbere, hæc rite probandi: primò scilicet se privilegium habere, a Sede Apostolica, concedendi sui Ordinis habitum, feminis, non collegialiter viventibus; secundò, feminas habitum actu petentes, esse probatæ vitæ, bonisque moribus præditas: tertio, eas suæ ætatis annum agere quadragessimum: quarto, tot annuos redditus, ex propriis bonis percipere, quot sunt ad earum alimoniam necessarij: quinto denique non cum alijs eas cohabitare, quam cum personis, in primo tantum consanguinitatis, vel affinitatis gradu, sibi conjunctis; Aliqua vero ex his conditionibus deficiente, debet Ordinarius petitam licentiam denegare; quæ omnia in prædicta nostra Notificatione præscripta, jam antea expensa a Nobis pariter fuerant, occasione cujusdam causæ *Mazarien.*, sacræ Congregationi Concilii, cujus Secretarii munere tunc temporisungebamur, propositæ, & decisæ 10. Maji 1727. *Thesaur. Resolur. tom. 4. pag. 55.*

9 Sed tædet jam cetera prosequi, in quibus Regulares delegatæ subjacent Episcopi jurisdictioni. Qui singula exacte, & minutissime descripta videre

videre desiderat, citatos legat Chokier, & Fagnanum, Interim Nos concludimus, integrum esse Episcopo, in Synodalibus Constitutionibus, hanc suam exerere delegatam auctoritatem, in Regulares, & quandoque expedire, ut id faciat, ad illos continendos in officio, & irrepetentes abusus cohibendos.

## CAPUT XLII.

*Modus adhibendus in Constitutionibus respicientibus Regulares.*

1 **E**tsi Regulares non ignorent, se in prædictis casibus Episcoporum subdii jurisdictioni, cum tamen in Synodalibus Constitutionibus se tangi sentiunt, eas multis nominibus impugnare conantur, quod a longa ejusmodi rerum experientia edocti sumus. Synodale decretum quandoque incusant, eo quod ita conceptum sit, ut videatur plus juris Episcopo tribuere, quam ei competat: reclamant aliquando adversus decreti verba, eo quod ordinariam potius, quam delegatam jurisdictionem, videantur Episcopo asserere: conqueruntur interdum, aliquid in Synodo esse universum, & veluti per modum regulæ statutum, quod solum in certis, & peculiaribus Facti circumstantiis poterat ab Episcopo decerni, ne secus Regularium privilegia violaret. Operæ autem pretium erit hæc omnia opportunis exemplis explicare.

2 Episcopus Midentis in sua prima Constitutione Synodali, excommunicationis vinculo, ipso facto innodatum voluit, & pronuntiavit quemcumque, sive Sæcularem, sive Regularem, quovis modo exemptum, qui, sine sui auctoritate, & licentia, quodcumque Sacramentum administraret personis sæcularibus, aut alia ratione, in cujuslibet Sacramenti administratione delinqueret. Conformis profecto videbatur hujusmodi Constitutio superius indicatæ sanctioni Clementis V. in *Clem. 1. de privilegiis*, ubi anathemate percelluntur Regulares, sacramentum Eucharistiæ, aut extremæ Unctionis, sive Clericis, sive Laicis administrantes, vel *Matrimonium solemnizare*, hoc est, ut ibidem explicat Glossa, solemnem benedictionem conjugibus impertiri, præsumentes, sine licentia Parochi. Cohære pariter videbatur laudatæ Constitutioni XVI. Gregorii XV., in cuius §. 4. Episcoporum coercitioni supponuntur Regulares, sine legitima facultate sese ingerentes in iis, quæ pertinent ad animarum Curam, aut quodlibet Sacramentum ministrantes, absque prævia Episcopi approbatione, & licentia.

3 Sed quamquam hæc ita se habeant, attamen prædicta Constitutio, verbis nimium indefinitis concepta, acriter fuit a Regularibus impugnata, ob rationes, quas subnectimus. Summus Pontifex Paulus IV. in sua Constitutione impressa in Bullario Rodriguez, permittit Fratribus Minoribus distribuere sacram Eucharistiam, in suis ecclesiis, omnibus Christi-

deli-

delibus, illam petentibus, sola excepta die Paschatis Resurrectionis Dominicæ: ejusmodi privilegium, confirmatum a S. Pio, V. ad omnes Regulares, per communicationem; ut ajunt, extensum est. Verum, quia Eugenius IV. in sua Constitutione *Fide digna* (29. pag. 318. tom. 3. part. 3. Bullar.) jampridem declaraverat, tempus Paschale, intra quod integrum est Fidelibus, annuæ perceptionis Eucharistiæ præcepto satisfacere, non unius, sed quindecim dierum spatio, hoc est a Dominica Palmarum, ad Dominicam in Albis, intercludi; dubitatum fuit, an sub limitatione præfati privilegii, Regularibus concessi, sola intelligenda esset dies Paschatis, an potius omnes comprehenderentur prædicti quindecim dies. Controversia, de qua plura Diana tom. 2. edit. coord. de Eccles. Commun., resolut. 17., usque ad 24., Lezana oper. tom. 2. V. Eucharistia, quoad Regulares, num. 2., & Tamburin. de jur. Abbat. tom. 2. disput. 3. quest. 3. num. 2., & 3. sæpius discussa fuit, in sacra Congregatione Concilii, quæ censuit, sola die solemnitatis Paschatis, absolute prohiberi Regulares, ne Eucharistiam, in suis ecclesiis porrigant sæcularibus, etiam si illi jam antea annuæ Communionis præceptum, in propria parochia, impleverint: aliis vero diebus impediri non posse, quominus illam distribuunt, modo Sæculares, Eucharistico pane in eorum ecclesiis refectioni; non se solutos arbitrentur ab obligatione, illum percipiendi a proprio Sacerdote. Ex multis, quæ proferri possent, duo feligimus sacræ Congregationis decreta: Primum prodiit in causa Burdigalen. 9. Julii 1644., iterumque confirmatum fuit in una Senonen., 11. Junii 1650., lib. 19. decretor. pag. 54., cujus verba sunt: *Sacra Congregatio Concilii, post maturam discussionem, censuit, Archiepiscopum Burdigalensem non posse prohibere Regularibus, habentibus privilegia Apostolica, ut a Dominica Palmarum, usque ad Dominicam in Albis inclusive, non valeant ministrare personis secularibus sacramentum Communionis; posse tamen iisdem prohibere, ut personis secularibus, die Paschatis, non administrent dictum Eucharistia sacramentum, etiam si dicta persona sæculares satisfecissent præcepto Ecclesiæ, hac de re edicto.* Alterum emanavit in causa Mechlinien., anno 1682., quod in sacræ Congregationis Actis, ita legitur adnotatum: *Parochi loci Lovanii conquerentes, sanctissimum Eucharistia sacramentum personis secularibus ministrari, a Dominica Palmarum usque ad Dominicam in Albis, a Regularibus, & præsertim Societatis Jesu, prætextu privilegiorum, unde arguunt, juribus parochialibus præjudicium inferri, & Ecclesiæ præceptum eludi, cum non desint falso asserentes, se in ecclesiis Regularium illi satisfecisse; libellum porrexerunt, Sanctissimo Domino nostro, ut hisce malis occurreret, vetando Regularibus, ne præfato tempore dictum Sacramentum audeant ministrare. Cum autem Sanctitati sue placuerit, ad sacram Congregationem Concilii remittere hujusmodi preces, Patri Procuratori provincie Belgicæ Societatis Jesu successive communicatas, proponitur dubium; An Patres Societatis Jesu, alique Regulares possint ministrare sanctissimum Eucharistia sacramentum personis secularibus, a Dominica Palmarum, usque & per totam Dominicam in Albis. Cui dubio, die 31. Januarii ejusdem anni 1682.*

respon-

respondum fuit. *Affirmative, excepto die Paschatis, ita tamen, ut in aliis diebus sumentes Eucharistiam a Regularibus, intra duas hebdomadas Palmarum, & Paschatis, non satisfaciant precepto.*

4 Jam verò hisce decretis, sæpius a sacra Congregatione renovatis, etiam, die 14. Januarii 1736. in causa Sueffana, Jurium Parochialium, de qua in *Theaur. Resolut. tom. 7. pag. 161.*, & 181. aperte contraire dicebant Regulares, præfatam Constitutionem Episcopi Midenfis, cujus verba adeo generalia erant, ut viderentur liberam facultatem ipsis auferre, etiam Eucharistiam, in suis ecclesiis, qualibet anni die ministrandi. Et quia, Synodalis Constitutionis verbis rite expensis, iusta deprehensa est Regularium querimonia, ideo sacra Congregatio Concilii, die 24. Augusti 1686., eandem Constitutionem corrigi, & reformari jussit.

5 Nullus autem Regularium querimonie esset locus, si Episcopus illis interdiceret, ne solemnè Dominicæ Resurrectionis die, ulli Sæcularium sacram Eucharistiam audeant ministrare, aut, si severissimis penis, eorum refrenaret insolentiam, qui eam falsam, nec certe tolerandam doctrinam, in vulgus disseminarent, annuæ scilicet Communionis præcepto posse Fideles, in eorum ecclesiis satisfacere: Etenim hæc propositio, non solum est aperte contraria Decretali Innocentii III. in cap. *Omnis utriusque sexus*, ejusdemque Decretalis communi, usuque comprobata, acceptioni, verum etiam contradicit ipsismet Apostolicis, de quibus gloriantur, privilegiis; in his enim facultas sit Regularibus ministrandi in suis ecclesiis sacram Eucharistiam personis sæcularibus, expresse, & nominatim excepta die Paschatis Resurrectionis Domini, uti audivimus. Quare cum circa annum 1630. quidam Patritius Cahil Parochus Dublinensis, inter ceteras propositiones, quas a nonnullis Regularibus in Hibernia degentibus doceri, ac spargi audierat, & quarum judicium a facultate Theologica Academicæ Sorbonensis postulavit, hanc etiam ab iisdem Regularibus prolata, ad eandem facultatem detulisset: *Parochiani non tenentur in propria parochia communicare in Paschate*, etsi Regulares, qui ceteroquin alias propositiones, de quibus accusabantur, unquam a se assertas negabant, hanc unam, consueti suorum privilegiorum obtentu, pro viribus, nisi sint defendere, impedire nihilominus non valuerunt, ne eitem hæc, quam jure merebatur, inureretur censura *propositio falsa, scandalosa, & temeraria*: quemadmodum refertur in opere inscripto, *Collectis judiciorum &c.* edito Parisiis anno 1727. pag. 324., 329., & 356.

6 Idem Episcopus Midenfis, in sua Synodali Constitutione §. expresse denunciaverat, se nulli, siue Sæcularium, siue Regularium, Ordines collaturum, qui non servasset temporum interstitia, a Concilio Tridentino præscripta; a quibus, an quempiam absolvendum, Ecclesiæ necessitas, aut utilitas exposceret, id non a Prælato Regulari, sed a se fore dijudicandum, edixerat. Hæc pariter Constitutio innixa videbatur Tridentino *sess. 23. cap. 11. & 13. de reform.*, quibus in locis, soli Episcopo permitti-

tur,

tur, causam examinare, propter quam sit aliquis, citius, quam jura requirant, ad altiorem Ordinem promovendus: fulciri insuper videbatur pluribus decisionibus sacræ Congregationis Concilii, quæ sæpius censuit, a sacra Tridentina Synodo, soli Episcopo Ordines collaturo, nequaquam autem Prælato Regulari, litteras dimissoriales concedenti suo Subdito Regulari, facultatem fieri, hunc, ex justa causa, ab interdictorum lege eximendi: ita quippe ab eadem responsum comperimus in *Nullius* 31. Januarii 1597. *lib. 9. decretor. pag. 18.*, in Aquen, mense Junii 1589., *lib. 6. decretor. pag. 18.*, & in N. N. 12. Septembris 1609., *lib. 11. decretor. pag. 65.* Attamen, quia Sedes Apostolica, post Tridentinum, nonnullis Regularium Ordinum Institutis privilegium concessit exemptionis, ab interdictis, hac de causa sacra Congregatio, prædictâ die 24. Augusti 1686., rescriptit, etiam hanc Constitutionem Synodalem Midsensem, *esse reformandam, quoad eos Regulares, qui habent privilegium concessum post Tridentinum.*

7 Aliud rei, de qua agimus, exemplum spectat facultatem administrandi sacramentum Pœnitentiæ. Bonifacius VIII. in *cap. Super Cathedralibus, de sepulturis, inter Extravag. commun.* statuit, non posse Regulares Sæcularium Confessiones excipere, *sine licentia, gratia, & beneplacito Episcopi*, in cujus diocesi commorantur; Benedictus vero XI. in *cap. Inter cunctas, de privilegiis, pariter inter Extravag. commun.* decrevit, Superiores Regulares debere quidem significare Episcopo, fuisse a se quosdam sui Ordinis Fratres deputatos ad audiendas Sæcularium Confessiones, non tamen teneri eorumdem Fratrum nomina exprimere, nec certum numerum designare; voluitque insuper, ut nisi Episcopus intra triduum, ad Confessiones excipiendas approbasset, quos Prælatus Regularis, ita confuse eidem significaverat, iidem nihilominus possent sacramentum Pœnitentiæ, auctoritate Apostolica, Sæcularibus administrare. Verum hanc Benedicti XI. functionem abrogavit Clemens V. in *Clement. Dudum, de sepulturis*, restauravitque Constitutionem editam a Bonifacio VIII., quam denuo renovavit Tridentinum *sess. 23. cap. 15. de reform.*, edicens, nulli Regularium fas esse, Sæcularium, etiam Sacerdotum, Confessiones excipere, sine Episcopi approbatione. Hanc porro approbationem, seu licentiam, posse ab Episcopis, Regularibus concedi ad certum tempus, & limitari ad certum dumtaxat genus personarum, diserte declararunt Clemens X. in *sua Constit. 10. §. 4.*, Urbanus VIII. *suis Apostolicis litteris, in forma Brevis* anno 1639. datis in causa moti litigii, inter Cardinalem Sandovalensem, & Regulares illius diocesanos; Innocentius XIII. in *sua Constit. super Ecclesiastica disciplina in Regnis Hispaniarum, edita die 13. Maji 1723.*, & confirmata a Benedicto XIII. die 23. Septembris 1724: alia Constitutione, quæ extat in *appendic. ad Concilium Romanum anni 1725.*; atque, opposita doctrina, quam Regularium plerique vendicabant, præscripta est ab Alexandro VII., qui teste Caballucio in *theor. & præc. juris Canonici, lib. 1. cap. 19. num. 13.*, die 30. Januarii 1659., hanc præpositionem: *Non possunt Episcopi*



*scopi limitare, seu restringere approbationes, quas Regularibus concedunt ad Confessiones audiendas, neque ulla ex parte revocare, declaravit falsam, temerariam, scandalosam, & erroneam; quæ omnia videri possunt in nostra Notific. 86.*

8 Quibus præmissis, sibi licuisse autumabat quidam Episcopus, in suis Synodalibus Constitutionibus prohibere, ne ullus Regularium, etsi ceteroquin a se approbatus, accederet ad domum Sæcularium ægotantium, ut eorundem Confessiones inibi exciperet, sine speciali licentia Parochi proprii ejusdem ægotantis. Displicuit hæc Constitutio Regularibus, eo quod ea, non tam imminui, quam prorsus ipsis auferri videretur facultas audiendi Sæcularium Confessiones: neminem quippe facile reperiri, ajebant, qui velit sanus Confessarium eligere, a quo nequeat ægotans, & mox fortasse decessurus, Sacramentalem absolutionem obtinere; suas proinde, adversus decretum, querelas ad sacram Congregationem Concilii detulerunt; eaque, sive ob prædictam rationem, sive potius, ne ægotantes privarentur solatio peccata sua aperiendi Confessario, quem optarent, die 14. Decembris 1658. Synodalem Constitutionem ita temperandam censuit, ut liberum quidem esset Regularibus, jam ab Episcopo approbatis, accedere ad domos Sæcularium, morbo laborantium, ibique sacramentum Pœnitentiæ iisdem administrare, hac tamen adjecta lege, ut tenerentur exceptæ Confessionis attestationem, in scheda scriptam, in eadem domo relinquere, qua certior fieret Parochus de peracta ab Infirmo sacramentali Confessione, ut tuto deinde posset cetera Sacramenta eidem conferre.

## CAPUT XLIII.

*Alia exponuntur earundem querelarum causæ.*

1 **H**ÆC do prima querelarum causa: alteram, quam non decretum, sed potius decreti verba interdum Regularibus suppeditant, unicum patefaciet exemplum. Sacram Concilium Tridentinum sess. 25. cap. 1. de Regular. præcipit: *Ut omnes Regulares, tam viri, quam mulieres, ad Regulæ, quam professi sunt, præscriptum, vitam instituant, & component*; Hinc autem factum est, ut nonnulli Episcopi non dubitaverint, hanc Tridentini sanctionem, in suis Synodis renovare, idemque, ac totidem fere verbis, iterum decernere. Enimvero cum Episcopi, in sua quilibet dioecesi, sacrorum Canonum custodiam habere, atque in id potissimum incumbere debeant, ut quotquot Deo devincti, atque Ecclesiæ obsequiis sunt specialiter mancipati, Canonum statuta religiose custodiant, ad eos quoque pertinet invigilare, ut Regulares ad Regulam, quam professi sunt, suam vivendi rationem component; atque, ut missa faciamus quamplurima Provincialia Concilia, quæ ante concessam Regularibus

exemptionem ab Episcopi jurisdictione, exactam propriæ Regulæ observationem iisdem & commendarunt, & statutis in transgressores poenis districte præceperunt, Synodus Provincialis Bituricensis, anni 1336. (tom. 7. collect. Hard. col. 1609.) quamvis non minus, quam Dioecesana, jurisdictione careret in Regulares, nihilominus cap. 1. ait: *Statuimus, precipimus, & ordinamus, quod Religiosi, cujuscumque status fuerint, Capitulum.* Ne in Agro, & alias Decretales edictas super Regularibus Institutis, & Constitutiones inviolabiliter custodiant, & observent; Et Synodus Burdigalensis, habita post Tridentinum, anno nimirum 1583. (collect. Hard. tom. 10. col. 1366. cap. 25.) inquit: *Superiores, atque Propositi omnium monasteriorum, & Ordinum, omnem curam, & diligentiam adhibeant, tam in Capitulis provincialibus, quam in monasteriorum, etiam commendatarum, visitationibus, ut ipsorum inferiores, ac subditi, ex præscripto suæ professionis vitam instituant, & paupertatis, castitatis, obedientiæ, ac, si quæ sunt alia, cujusvis monasterii peculiaris vota, & præcepta fideliter, & inviolate observent.* Sed quamquam hæc nemo inficari audeat, attamen sæpius a Regularibus accusatum est verbum illud *precipimus*, seu *statuimus*, in Synodalibus Constitutionibus usurpatum; eo siquidem denotari dicebant, ordinariam Episcopi, in ipsos auctoritatem, & jurisdictionem, & non meram custodiam, atque vigilantiam, super observatione eorum, quæ, aut a jure communi, aut a Pontificiis Constitutionibus, aut a propriis cujusque Ordinis Institutis, sunt Regularibus injuncta; Quapropter sacra Congregatio Concilii jultam agnoscens Regularium querelam, verbum illud *precipimus*, seu *statuimus*, nedom a Dioecesana, verum etiam a Provinciali Synodi Constitutionibus, jussit expungi, & decretum in hunc modum reformari: *Intelligent Regulares, se teneri ad Regula, quam professi sunt, præscriptum, vitam institueri, sicuti testantur Fagnanus in cap. Quod super his, num. 25. de majorit. & obed., & Matthæucc. de Official. cap. ultim. num. 3. & seqq.*

2 Tertiam demum occasionem impugnandi Synodalia statuta, quam a Regularibus inde arripi diximus, quod nimirum generatim, atque instar regulæ tradant, quæ in peculiaribus facti circumstantiis, unice determinari possunt, duo demonstrabunt exempla. Summus Pontifex Clemens VIII., die 15. Martii 1596., prævio consilio sacræ Congregationis Concilii, sancivit, non licere Prælato Regulari, litteras dimissoriales concedere suis Subditis Regularibus, ad Ordines suscipiendos a quocumque Antistite, sed teneri illas dirigere ad Episcopum dioecesanum, in cujus scilicet dioecesi degit Regularis Ordinibus initiandus: si vero Episcopus dioecesanus absuerit, aut non sit Ordinationem habiturus, tunc permisit Prælato Regulari, suos Subditos dimittere ad quemcumque Antistitem, dummodo non in fraudem, hoc est de industria, litteras dimissoriales illis dare distulerit, ad tempus, quo prævidebat, dioecesanum Episcopum abfuturum, aut Ordinationem non habiturum; quod quidem multis de causis quandoque fieri contingit, & præcipue, ut Regularis,  
ad Or-

ad Ordines promovendus, qui juxta ejusdem Clementis VIII. sanctionem, suæ scientiæ experimentum subire debet coram Episcopo, a quo Ordines perit, declinet examen, quod ab Episcopo diocesano; severius institui solere novit.

3 Hoc decreto, de quo Nos prolixè tractavimus in *nostra Notific. 23.*, suffulti, aliquot Episcopi, in suis Constitutionibus, absolute illicitas pronuntiarunt, Ordinationes Regularium, qui cum tempus imminet Ordinationis, e loco recedunt, ubi antea degebant, & ad alteram commeant diocesim, a cujus Episcopo Ordines suscipiunt, & paulo post ad pristinum locum redeunt: Omnes quippe prædictæ circumstantiæ recessus, & reditus vehementem inducunt præsumptionem fraudis, quam abesse voluit Clemens VIII., ut Regulares ab alieno Episcopo, & non a proprio loci, in quo commorantur, licite Ordines suscipere valeant. Enimvero, si minor, aut mulier, e patria recedat, alio se conferat, ibique aliter, quam patriæ leges requirant, contractum ineat, ac stipulatione sequuta, in patriam se recipiat, id in fraudem statuti, in patria vigentis factum præsumitur, juxta ea, quæ allegantur a Rota *decis. 17. num. 17. & seqq. part. 13. recen.*

4 Et nihilominus sacra Congregatio Concilii, ejusmodi Episcoporum Constitutionibus ad trutinam positis, in causa Neapolitana, die 5. Septembris 1682. censuit, non posse in re præsentì universalem regulam constitui, sed judicium eliciendum esse, ex peculiaribus Facti circumstantiis: Quamvis enim ex iis, quæ enarravimus, vehemens oriatur fraudis præsumptio, hæc tamen præsumptio, aliis contrariis præsumptionibus debilitari, & elidi potest: Etenim, quod attinet ad ipsos Subditos Regulares, Ordinibus initiatos, hi facile se excusare valent, prætextu obedientiæ debitz suis Superioribus, a quibus alio se conferre, & paulo post ad priorem Conventum jussi sunt redire, quin rationem sciant, propter quam id fuerit ipsis imperatum: Superiores vero statim obtineant necessitatem monasterii, quod brevem tantum, & non diuturnam exigebat permanentiam illius Religiosi, quem illuc miserunt; Quamvis autem ejusmodi excusationes interdum falsæ sint in oculis Dei, hominum corda perscrutantis, non tamen illico falsæ probari queunt in foro Ecclesiæ. Quamobrem integrum quidem erit Episcopo laudatam Clementis VIII. sanctionem suis Synodalibus Constitutionibus inferere, ejusque exactam observationem Regularibus indicere, atque inculcare, quod in plerisque Diocessibus Synodis, tam Italiæ, quam Galliæ prudenter factum, refert Hallier *de sacris Ordinat. p. 2. sect. 5. cap. 3. art. 8. §. 1.* & eas etiam erit eidem, illicitam quandoque pronuntiare Ordinationem Regularis, quem ex specialibus Facti circumstantiis, cognoscat, vere in fraudem e sua diocesi abiisse, ut alibi Ordines reciperet: licebit præterea universim declarare Regularium e diocesi discessionem, imminente Ordinationis tempore, & subitas ad eandem regressionem, postquam alibi sunt Ordinibus initiati, &

nunquam carituras fraudis suspicione: verum, propter indicatas rationes, cavendum ei erit, ne generatim, & veluti per modum regulæ, illicitas, & fraudulentas statuat habendas omnes omnino Ordinationes Regularium, e sua diœcesi discedentium, &, post susceptos ab altero Episcopo Ordines, iterum in eandem sese recipientium.

5 Alterum ejusdem rei haud ab simile exemplum nobis exhibet facultas prædicandi, in Synodalibus Constitutionibus, nimium quandoque Regularibus limitata. Evangelicæ prædicationis ministerium Episcopis præcipue esse conceditum, nemo dubitat: Apostolis quippe, in quorum vices, & munus Episcopi successerunt, Christum Dominum, cælos conscensurus, peculiarius præcepit: *Enntes in mundum universum prædicare Evangelium omni creatura*, quod illi adeo districte ad se pertinere existimarent, ut cetera potius Apostolatus munia, quam prædicationis officium, aliis committenda duxerint, cum *Act. 6.* agentes de Diaconorum electione, discipulorum multitudini dixerunt: *Non est æquum, nos derelinquere verbum Dei, & ministrare mensis. Considerate ergo, Fratres, viros ex vobis boni testimonii septem, plenos Spiritu Sancto, & sapientia, quos constituamus super hoc opus.* Nos vero orationi, & ministerio verbi instantes erimus. Hinc Apostolus Paulus 1. ad Corinth. 1. de se ait: *Non misit me Dominus baptizare, sed evangelizare;* & ad Timotheum scribens *epist. 2. cap. 2.* eum ad prædicationis opus, tanquam sui muneris præcipuum, hortatur, inquit: *Predica verbum, instat opportune, importune, argue, obsecra, increpa, in omni patientia, & doctrina.* Persuasum id fuit sanctissimis Ecclesiarum Præsulibus, qui non solum prædicationis ministerium per semetipsos religiose explebant, sed illud recensentes inter proprias, & peculiarias Pastoris curas, nullum, ne Presbyterum quidem, coram se, e suggestu prædicare permittebant, nisi raro admodum, atque ex sui jussione, & singulari quadam delegatione. Colligimus hoc ex Possidio, de Augustino, in ejus vita *cap. 5.*, narrantem, eum a Valerio Hipponensi Episcopo deputatum fuisse, ad sui loco concionandum contra *nsu*, & consuetudinem Africanarum Ecclesiarum, ubi solus Episcopus prædicandi officio fungebatur: Chrysostomo itidem, eximie, & singulari laudi vertit Palladius, quod nondum Episcopus factus, *vices Episcopi ageret in prædicatione verbi Dei.* At insequentibus sæculis, Episcopi, sive aliis curis nimium distenti, sive prædicationis muneri rite obsequendo impares, illud etiam coram se peragendum, aliis demandare passim consueverunt: Quocirca Patres Concilii Valentini III. anni 855. *can. 16.* sese mutuo ad verbi ministerium excitantes, novæque lege adstringentes, illud, vel per se, vel per alium ministrare, sibi invicem permiserunt, agentes (*tom. 5. collect. Harduini col. 94.*) : *Ut unusquisque nostrum, sive per se, sive per aliquem ex Ministris Ecclesiæ fideliter doceat, ita verbum prædicationis tam in urbe, quam foris; in plebibus ambulet, ut omnino eis admonitio, & exhortatio salutaris deesse non possit:* Eandemque permissionem prædicandi, per idoneum substitutum Episcopis fecerat Ludovicus Pius

Capi-

*Capitular. lib. 1. cap. 103.*, inquit: *Episcopus monemus, ut frater per se, frater per Vicarios, pabulum verbi Divini sedulo populis adnuntiet*; Non proinde tamen unquam Episcopi penitus subtrahere ab onere, verbum Dei, ore proprio annuntiandi; id siquidem, utpote a Christo Domino eorum humeris impositum, nunquam a se abicere valent, juxta doctrinam D. Thomæ 3. p. *quæst. 67. art. 2.*, ubi hæc habet: *Utrumque officium docendi, & baptizandi Dominus injunxit Apostolis, quorum vicem gerant Episcopi; Aliter tamen, & aliter. Nam officium docendi commisit eis Christus, ut ipsi per se illud exercerent, tanquam principalissimum. Unde & ipsi Apostoli dixerunt: Non est æquum, nos relinquere verbum Dei, & ministrare mensis. Officium autem baptizandi commisit Apostolis, ut per alios exercendum. Unde Apostolus dicit: Non misit me Christus baptizare, sed evangelizare; & hoc ideo, quia in baptizando nihil operatur meritum, & sapientia Ministri, sicut in docendo; sed tunc solum libertas illis data est, aliorum opera, & ministerio uti, cum ipsi, legitimo detenti impedimento, Evangelici verbi panem suis, ovibus frangere nequeunt, quod luculenter explicavit Innocentius III. in Concilio Lateranensi cap. 10., relato in cap. 15. de offic. Ordinar., ubi ait: Cum sæpe contingat, quod Episcopus propter occupationes multiplices, vel involutiones corporales, aut hostiles incursum, seu occasiones alias (ne dicamus defectum scientiæ, quod in eis est reprobandum omnino, nec de cetero tolerandum) per se ipsos non sufficiens ministrare populo verbum Dei, maxime per amplas dioeceses, & diffusas: generali Constitutione sancimus, ut Episcopi viros idoneos, ad sancta prædicationis officium salubriter exequendum, assumant, potentes in opere, & sermone; qui plebes sibi commissas, vice ipsorum, cum præ se idem nequiverint, sollicitè visitantes, eas verbo adificent, & exemplo; & magis digne Tridentinum sess. 5. cap. 2., & sess. 24. cap. 4. de reformatione, quibus in locis definitur: Prædicationis munus esse Episcoporum præcipuum, eosque teneri per se ipsos, si legitime impediti non fuerint, ad prædicandum sanctum Jesu Christi Evangelium; Cui decreto inhærens Sanctus Carolus Borromæus, in sua prima Synodo Provinciali p. 1. (Aët. Eccl. Mediol. part. 1. pag. 2.), ita Episcopos est alloquutus: Nos auctoritatem sacrosancti Tridentini Concilii, & veterum Patrum sequuti, in Domino Episcopos hortamur, ut toto pectore in hanc curam incumbentes, greges sibi commissos ipsimet, præsertim in Ecclesia sua, verbo Dei pascant. Quod si levis de causa, aut quodam animi languore impediti non fuerint, sciant sibi prætermissi necessarij officij Judici Deo præcipue rationem esse reddendam. Sin autem se interdum vere impeditos cognoverint, per viros idoneos, ex præscripto ejusdem Concilii diligendos, hoc munus studiissime populo præstent.*

6 Hanc Episcoporum obligationem præ oculis habentes Bonifacius VIII. Benedictus XI., & Clemens V., certumque simul putantes, eidem, interdum saltem, ab Episcopo satisfieri, cum concesserunt Regularibus privilegiis prædicandi in ecclesiis suorum Ordinum, æque in communibus plateis, omnes unanimiter, primus quidem in cit. cap. *Super Cathedram, de sepulchris,*

*pulturis*, aliter in *cit. cap. Inter cunctas, de privilegiis, inter Extravag. commun.*, & Clemens V. in *Clem. Dudum, de sepulchris*, horam exceperunt, in qua ipsemet Episcopus prædicat, vel *coram se solemniter predicare facit*; tunc enim in eadem civitate, sen oppido, quemlibet inferiorem silere iusserunt, nisi Episcopus ipse aliter iudicaverit. Et recte quidem: Etenim cum solus Episcopus in sua dioecesi sit publicus Doctor, & Magister, indecens profecto est, ut, eo docente, quisquam discipulorum docere præsumat. Porro ad rem præsentem perinde esse videtur, si ipsemet Episcopus magisterii cathedram conscendat, siue alium deputet, qui coram se, e suggestu verba faciat: hic quippe tunc non reputatur merus Coadjutor, & Cooperator Episcopi, in prædicationis officio, sicuti a citato Concilio Lateranensi ceteros nuncupatos, audivimus, qui ad annuntiandum Dei verbum, ab Episcopo destinantur; sed videtur esse speciale instrumentum, quo præiens Episcopus utitur, ad suos animi sensus suo populo manifestandos, eumque ad virtutem, & pietatem informandum.

7 Jam vero nulla unquam in sacra Congregatione Concilii fuit difficultas, circa prohibitionem factam Regularibus, ne ea hora in suis ecclesiis conciones habeant, qua Episcopus, per semetipsum prædicat, sed semper, & firmiter censuit, ejusmodi prohibitionem, in suo robore permanere, atque ad unguem esse servandam: ita quippe respondit in Pacen. 26. Aprilis 1607. *ad 4. dub. lib. 89. Positum pag. 170.* In Bituntina 17. Februarii 1629. *lib. 14. decretorum pag. 32.*, In Brundusina 10. Martii 1645. *lib. 17. pag. 445.*: quinimmo eadem Congregatio semper fuit in sententia, licere Episcopo, concionem habere ad populum, in qualibet suæ dioecesis ecclesia, etiam si ad Regulares pertineat, juxta ea, quæ congesta leguntur *tom. 8. Bullarii Ord. Prædicatorum*, editi ab Antonino Bremond, ejusdem Ordinis Alumno *tir. 5. quest. 1. num. 37.*: sed sæpius questio agitata est, super secunda prohibitionis parte, qua interdicitur Regularibus, ne prædicent, quando Episcopus *coram se solemniter predicare facit*: Quoniam, etsi eadem Congregatio olim respondisset, hanc quoque prohibitionem sustineri, attamen Grægorius XIII. vehementer dubitavit, an id esset usu receptum, sicuti adnotatum reperimus in *cit. lib. 89. Positum pag. 171.* Enimvero, cum soleant Episcopi concionibus in sua Cathedrali interesse, tempore Adventus, & Quadragesimæ, si prædicta prohibitio vigeret, deberent Regulares, ab habendis in suis ecclesiis concionibus abstinere, eo potissimum tempore, quo Fideles illas audire solent, & hac de causa, eorumdem Regularium ecclesias frequentant. Hæc autem ratio tantæ efficacitatis visa est sacræ Congregationi Concilii, ut in allegata causa Pacen. 26. Aprilis 1607. dixerit, nulli quidem fas esse concionari, quando Episcopus ipse, per semetipsum, ad suum populum verba facit, sed nequaquam impediri posse Regulares, ne in propriis ecclesiis conciones habeant, quando Episcopus *coram se solemniter predicare facit*; At postmodum, eandem quæstione novo examini subjecta, in citata causa Brundusina 10. Martii 1645.,

tii 1645. eadem Congregatio mentem suam clarius explicans, declaravit, id esse intelligendum, cum Episcopus, consuetis concionibus interest, quæ per annum fieri solent; sed si idem Episcopus *ex causa publica, convocatis Clero, Magistratu, & populo, coram se prædicare faciat*, tunc illi licere, dixit, præcipere Regularibus, ut a prædicando abstinere, atque inobedientes, poenis, etiam censurarum coercere: Equidem omnes prædictæ rerum circumstantiæ videntur efficere illam solemnitatem, quam jura requirunt, ut non liceat, eodem tempore Regularibus prædicare: secus vero accidit, cum, tempore Adventus, & Quadragesimæ, Episcopus concioni adest: tunc quippe non videtur Episcopus *facere coram se solemniter prædicare*, sed potius concionem audire, quæ, etiam, eo absente, haberetur.

8 Quoniam autem in Synodalibus Constitutionibus, seu Episcoporum edictis, non possunt omnia explicari, quæ necessaria sunt ad discernendum, quandonam, cum veritate, & proprietate sermonis, dici possit, *quod Episcopus faciat coram se solemniter prædicare*, idcirco eadem sacra Congregatio Concilii, ad præcavendas lites, & discordias inter Episcopum, & Regulares, die 12. Julii 1687. censuit, posse quidem Episcopum, in peculiaribus eventibus, in quibus opportunum repeteret, solemnem indicare concionem, coram se ab alio habendam, inhibere Regularibus, ne ea ipsa hora, in suis ecclesiis prædicent; minime tamen expedire, ut Constitutione, seu edicto, illis generatim prædicare prohibeat, quotiescumque ipse *coram se solemniter prædicare faciet*: inde enim innumeræ orirentur lites, an hæc, aut illa concio coram Episcopo habita, iis fuerit prædita qualitatibus, seu comites habuerit conditiones, quas sacra Congregatio Concilii ad ejusdem solemnitatem requiri, declaravit. Fingite, Episcopum, sola motum curiositate, celebrem quemdam Oratorem audiendi, eidem injungere, ut solemniquadam die, in sua ecclesia Cathedrali, pium aliquod argumentum e suggestu exponat, atque ad eundem, Auditorum frequentia, cohonestandum, Clerum convocare, Magistratum, & populum; nulla profecto tunc suberit justa causa, prohibendi, ne in aliis ecclesiis, præsertim Regularium, concio fiat; & tamen hic casus, sub generali Constitutionis prohibitionem, comprehenderetur, a qua ceteroquin fuisset excipiendus.



## CAPUT XLIV.

*Censura, præsertim lata sententia Synodaliū Constitutionum transgressoribus, nonnisi sobrie, & circumspecte instigantur; ubi etiam de potestate dictas censuras ferendi.*

**C**ensura, uel eam describit Suarez de censuris, disput. 1. sect. 1., est poena spiritualis, & medicinalis, qua homini baptizato, delinquenti, ac contumaci, quorundam spiritualium bonorum usus auferitur ab Ecclesia, donec a contumacia recedat. Omnium gravissima, teste Augustino lib. de corrept. & gratia cap. 15., est excommunicatio, per quam Fidelis, non hoc, aut illo spirituali bono privatur, sed, tanquam putridum membrum, ab Ecclesia abscinditur, atque a Fidelium communione, & consortio separatur: Quocirca Cyprianus epist. 62. eam appellat gladium spirituale, quo superbi, & contumaces necantur, dum de Ecclesia ejiciuntur. Naque enim (ait) vivere foris possunt, cum domus Dei una sit, & nemini salus esse, nisi in Ecclesia possit; Cui concinit Hieronymus epist. cl. 1., nunc 14. ad Heliodorum, scribens, num. 8. In veteri quidem lege quicumque Sacerdotibus non obtemperasset, aut, extra castra positus, lapidabatur a populo: aut gladio ceruicæ subiecta, contemptum expiabat cruore; nunc vero inobediens spirituali mucrone truncatur, aut ejectus de Ecclesia rabido Daemonum ore discerpitur.

**2** Quare cum rationis, & æquitatis principia suadeant, poenam esse commensurandam culpæ, & pro culpæ modo imponendam, consequens in se est, non nisi propter graviores culpam esse excommunicationem ferendam: Id jam pridem edixerant Concilium Aurelianense v., anni 594. can. 2., & Arvernense II. paulo post celebratum, can. pariter 2., relato a Gratiano in can. 42., XI., q. 3., iniquens: Nullus Sacerdotum, quemquam recte fidelis hominem, pro parvis, & leuibus causis a communione suspendat; Et Concilium Meldenſe anni 845. can. 56.: Quia anathema est æternæ mortis damnatio, & non nisi pro mortali debet imponi crimine; Sed quoniam hæc saluberrima monita e memoria exciderant quorundam Ecclesiæ Prælatorum, qui frequenter, ob culpas, si non leues, minus tamen graves, anathematis gladio suas oves percellabant, de quo sæpius conquestus est infra allegandus Joannes Gerſon, ideo Concilium Provinciale Colonienſe anni 1536. part. 13. cap. 5. (tom. 9. collect. Hard. col. 2025.) illa renovare, atque in omnium Prælatorum memoriam redigere curauit, ita decernens: Cum excommunicatio poena sit, qua nulla maior est in Ecclesia, nec sit excommunicandus quis, nisi pro peccato lethali, quod anathema sit æternæ mortis damnatio, nec infundendum venia, nisi his, qui aliter corrigi non possunt: debet Index non ante excommunicare quempiam, quam cognoverit, id vel cause gravitatem, vel ejus, qui extra communionem puniendus est, apertam contumaciam, præcepto iusto acquiescere nolentis, exigere; ac demum Tridentina Synodus sess. 25. cap. 3. de reſorm.,



reform., omnes Ecclesiarum Antistites, in hunc modum admonuit: *Quamvis excommunicationis gladius nervus sit Ecclesiastica disciplina, & ad continentem in officio populos valde salutaris; sobrie tamen, magnaque circumspectione exercendus est, cum experientia doceat, si temere, aut levibus ex rebus inveniatur, magis contemni, quam formidari, & perniciem potius parere, quam salutem.*

3 Quæ porro de excommunicatione dicta sunt, intelligi etiam debent de suspensione, & interdicto: quanquam enim pauci quidam Doctores, inter quos Cajetanus in *Summ.*, V. *Suspensio*, & Medina *Summ. lib. 1. cap. 11. §. 8.* affirmant, suspensionem, ob levem culpam ferri posse; idemque de interdicto sentiant Emmanuel Sà V. *Interdictum*, num. 7., & Gaspar Hurtado *tract. de interdicto, difficult. 13.*, rectius tamen Suarez de *cenfuris, disput. 4. sect. 4. num. 7.*, & *disput. 36. sect. 3. num. 2.*, Vasquez in 1. 2., *disput. 158. num. 49.*, Layman *lib. 1. Theolog. moral. tract. 5. part. 3. cap. 3. num. 2.*, & *part. 4. cap. 4. num. 4.* docent, suspensionem a Divinis, seu ab officio, & Beneficio, ad longum tempus, atque Interdictum, etiam personale, nisi partiale sit, sed integrum, & totale, nec valide propter culpam levem, nec prudenter propter lethalem, quæ gravioribus non accenseatur, irrogari. Quamvis igitur Episcopus ordinariam potestatem habeat ferendi censuras, easque in suarum Constitutionum transgressores decernendi; non tamen expedit, ut hunc suæ potestatis gladium exerat, nisi ad coercenda graviora crimina. Scimus profecto, necesse non esse, ut ante Superioris legem, qua aliquid sub censura prohibetur, illud jam esset lethaliter malum, sed quandoque contingens, tunc primum graviter malum fieri, cum a Superiore prohibetur, sub poena censuræ, quæ certe ejusdem intentionem ostendit obligandi sub mortali; At non decere, dicimus, ab Episcopo aliquid sub gravi præcipi, vel prohiberi, statuta in transgressores censura, nisi materia præcepti, sive ratione sui, sive ratione circumstantiarum, quas inferius indicabimus, talis, & tanta sit, ut hanc poenam exposcat: De Prælati hæc ait Gerson *tract. de vita spirituali, lect. 4. coroll. 7. (tom. 3. oper. col. 42.)* loquens de excommunicationibus latæ sententiæ: *Qui pro solis incommodis temporalibus evitandis, aut commodis politicis conservandis, æternam vult infligere mortem, cui queso similis eris? illi nimirum, qui volens abigere muscam a fronte vicini, eam scienr percussit, vicinum stolidus excerebravit; aut ei parem dixerim, qui studens curationem modici vulneris in pede equi sui, pedem confestim abrupit, & scidit, equumque peremit.*

4 In eundem fere sensum, longe ante Gersonem, ad Alexandrum II. scripserat S. Petrus Damiani *epist. 12.*, ubi morem reprehendens, qui tunc temporis inoleverat, ut cunctis fere Constitutionibus Apostolicis subjungeretur anathematis poena, in earundem transgressores, inquit: *Delinquit igitur quisquis ille est, in illud Apostolicæ Constitutionis editum, & aliquando levi quadam, ac perexigua offensione transgreditur; & continus, veluti hæreticus, & tanquam cunctis criminibus teneatur obnoxius, anathematis sententia condemnatur. Et cum, dictante justitia, alia sit ultione plectendus, qui plus*

Tom. XII.

K k k

delm-

delinquit, alia qui minus excedit; hic graviter, leviterque peccantibus aqua cunctis, & indifferens poena, felix scilicet anathematis irrogatur ..... Quamobrem, si sancta prudentia vestra placeat, hunc morem de cetero a Decretalibus paginis amoveri precipiat, & vel damni pecunia, vel alterius cujuslibet ultionis calculum in earum transgressione præfigat; ne quod aliis est ad tuitionis munimenta provisum, aliis ad perniciem proveniat animarum.

§ Quod si omnium Doctorum consensu, grave, & enorme crimen requiritur, ad irrogandam censuram, etiam quam vocant comminatoriam, & ferenda sententia, multo sane gravius, & execrabilius esse oportet delictum, ob quod infligatur censura læ sententiæ, qua nimirum homo, per solam legis transgressionem, nulla prævia monitione, ejusdem legis ministerio, statim perfringitur. Ejusmodi censuras, præcipue vero excommunicationes læ sententiæ, vix sunt improbare nonnulli Doctores. Godscalcus Rosemundus Theologus Lovanientis in suo *Confessionali* cap. 20., eas e medio prorsus auferri vellet, inquit: Valde inconsultum, & periculosum est, quod Episcopi in suis statutis, ceteri quoque Judices tam faciles sint in multiplicando censuras; unde expediens esset, ut etiam inquit Gerson, ut omnes Constitutiones sententiæ excommunicationis, læ sententiæ, in jure, vel statutis contenta, quarum usus nullus est, aut plus obest, quam prodest, expressa revocatione cassarentur, in provinciis, & diocesis, & in Ecclesia universali. Expediens etiam esset, ut nulla excommunicationis sententiæ ferretur de facto a jure, vel Judice, neque pro presenti, neque pro futuro, nisi pro manifesta contumacia, qua quis ostendit, se non paratum audire Ecclesiam; Verum hæc Godscalchi assertio, qua parte omnes excommunicationes læ sententiæ tanquam perniciosas deleri, & abrogari vellet, audax est; communem enim Ecclesiæ usum condemnat, & Concilia, summos Pontifices, omnesque Ecclesiarum Præsules tacite carpit: Neque eidem adstipulatur, quem citat, Gerson: hic siquidem *loc. cit.* totus est in explicando, qua ratione excommunicationis vinculo, ipso facto, irretiatur, qui ex mera ignorantia, quanquam culpabili, aut infirmitate, peccatum committit, etsi ceteroquin contumax non sit, sed paratus sit stare correctioni Ecclesiæ; & postquam multa, ad hanc rem explicandam adduxit, concludit (*col. 49.*) eas excommunicationes læ sententiæ tantundem operari, ut absque processu alio judiciali, aut nova Constitutione, possit Judex a statim, probato facto, vel confessato, ferre juris sententiam, & eandem publicare; non sic ubi Canones essent solum ferenda sententia; quoniam monitiones, & processus, secundum terminos juris prærequirerentur multiplices; Unde apparet, non improbari a Gersone excommunicationes læ sententiæ, sed ad eas requiri sententiam declaratoriam criminis; quæ utique est necessaria pro foro externo, in quo nemo est reputandus censura innodatus, nisi legitime probetur reus criminis, cui est censura, jure ipso alligata: In foro autem interno, & coram Deo, cujus oculis omnia nuda sunt, & aperta, ad incurrendum in censuram læ sententiæ, nulla est necessaria Judicis declaratio, sed fat est, crimen

crimen perpetrare, cui illa est annexa: Suam quippe contumaciam, & Ecclesiæ contemptum satis aperte manifestat; qui in legem delinquit, quam scit in sui transgressores censuræ vinculum statim, & illico incipere, sicuti egregie ratiocinantur Suarez *de censuris, disp. 3. sect. 8. num. 3.*, & González in *cap. 48. de sententia excommunicationis, num. 6.*, sed præ ceteris legendus est, de hac re ex professo differens, Theophilus Raynaudus (*op. tom. 14. pag. 514.*), ubi scribens adversus Ayalam, censuras latæ sententiæ, hoc nomine, reprehendentem, quod illis non præcedat canonica admonitio, egregie ostendit, admonitionis loco esse promulgationem legis, aliquid fieri præcipientis, vel prohibentis, sub pœna censuræ.

6 Godfcalco, & Ayalæ assentiri videtur Van-Espen *jur. Eccles. univ. par. 3. tit. 11. cap. 6. num. 19.*, ubi, etsi non audeat absolute damnare excommunicationes latæ sententiæ, eas tamen recens adinventas, & per decem omnino sæcula, ignotas Ecclesiæ fuisse, affirmat: At Van-Espenium falli, facile demonstrabimus. Atque in primis nullam, putamus fingi posse excommunicationem, illa severiorem, qua homo baptizatus perpetuo arceatur a Sacramentorum perceptione, omnique excidat spe consequendæ ab Ecclesia reconciliationis; & tamen prioribus sæculis, quorundam atrociorum criminum reos, facto ipso, seu sola criminis perpetratione, in hanc pœnam incurrisse, præter alibi laudatos Petavium, Morinum, Albaspinæum, aliosque plures, tradit Cardinalis Bona *rer. liturgic. lib. 1. cap. 17. num. 1.*, inquit: In exordio Christianæ religionis tantum erat pietatis studium, tantum edium improbitatis, ut quibsdam sceleribus, quæ atrociora visa sunt, omnis prorsus venia spes, omnis poenitentia denegaretur; adeo ut qui ea commisisset, quamvis a Divina misericordia eorum remissionem, vera Contritionis subsidio obtineret; nunquam tamen posses cum Ecclesia reconciliari. Erant idolatria, homicidium, & adulterium. Quid, quod, si actu Poenitentes, aut jam semel poenitentia functi, in aliud, cujuscunque generis peccatum, quamvis privatim & occulte, relaberentur, nunquam deinceps veniam & pacem ab Ecclesia impetrarent? Nonne & hæc species erat severissimæ excommunicationis? Et tamen hanc relapsus fuisse, ipso facto, inusitam, & pluribus demonstrat doctissimus Morinus de *Pœnit. lib. 5. cap. 27. 28. & 29.*, & liquet ex plurium Conciliorum decretis, occulte etiam relapsos ab omni, etiam civili, Fidelium consortio segregantibus: Siquidem Concilium Turonense I., anni 461. *can. 8. (collect. Hard. tom. 2. col. 795.)* decrevit: Si quis vero post acceptam poenitentiam, sicut Cavis ad vomitum suum, ita ad faciales illecebras, derelicta, quam professus est poenitentia, fueris reversus; a communione Ecclesiæ, vel a communione Fidelium extraneus habeatur; Concilium Venericum, circa annum 465. celebratum, *can. 3. (collect. Hard. tom. 2. col. 797.)* statuit: Poenitentes quoque, qui susceptam publice poenitentiam intermiserint, & ad prioris erroris consuetudinem revoluti, visa se seculari, conversationique reddiderint, non solum a communione Dominicorum Sacramentorum, sed etiam a convivio Fidelium submo-

*videtur*; Concilium Aurelianense I., anni 511., *can. 11.* (*collect. Hard. tom. 2. col. 1010.*) *De his* (ait) *qui, suscepta penitentia religionem suam profissionis obliu ad secularia relabuntur, placuit, eos & a communione suspendi, & ab omnium Catholicorum consuetudine separari.* Quare, quod Siricius Papa *epist. 1. ad Himerium Tarraconensem Episcopum cap. 5.* (*collect. Hard. tom. 1. col. 848.*) relapsis permisit, ut sola intra ecclesiam Fidelibus oratione iungantur, & sacra mysteriorum celebritati, quamvis non mereantur, intersint: a Dominica autem mense concilio segregentur; id, ex mera indulgentia, & communis legis relaxatione, factum, existimat Morinus *cit. cap. 29.* Ad hæc Auctor operis de vita contemplativa (quem alii Prosperum Aquitanicum, qui medio sæculo v. scripsit, alii Julianum Pomerium, qui, eodem sæculo labente, floruit, fuisse contendunt) *lib. 2. cap. 7.*, diserte affirmat, ea ætate Clericos, grave aliquod facinus occulte admittentes, statim in foro conscientie, & coram Deo, in suspensionem incidisse, quam Albaspinus, *obseruat. lib. 1. cap. 2.*, & Suicer *Theaur. Eccles. tom. 1. pag. 601.* pro quadam excommunicationis specie habitam, non immerito notarunt; Ait quippe Pomerius: *Hi, qui aliquo gradu Ecclesiastico constituti, aliquod occulte crimen admittunt, ipsi se vana persuasione decipiunt, si eis videbitur propterea communicare, & officium suum implere debere, quod homines, occultatione sui criminis, fallunt ..... qui autem ea commiserint, & ideo prodere metuent, ne sententiam iusta excommunicationis accipiant, sine causa communicant: immo vero dupliciter contra se iram Divinam indignationis exaggerant, quod & hominibus innocentiam frugunt, & contempto Dei iudicio, abstinere se ab altari propter homines erubescunt.*

7 Quod si hæc nondum satis esse videantur, ad probandum, Majoribus nostris inusitatum non fuisse morem decernendi censuras, latæ sententiae, alia statim proferemus antiquissima, & certissima ejusdem rei monumenta. Norunt omnes viri docti, tres olim fuisse species excommunicationis majoris, de qua sola in præsens res est: Prima dicebatur *Excommunicatio simplex*: Altera *Anathema*: Tertia *Maranatha*, de qua frequens mentio occurrit in annalibus S. Benedicti, conscriptis a Patre Mabillon *tom. 4. in appendice*, In historia Lotharingæ, Calmet *tom. 1. par. 2. pag. 390.*, Et in nova editione glossarii Caroli Dufresne *tom. 4. in verb. Maranatha*. Simplex excommunicatio, & anathema, in hoc dumtaxat, inter se differant, quod illa, solo verbo proferretur; anathema vero pronuntiaretur, celebri quadam solemnitate, pluribusque adhibitis caeremoniis, quæ aptæ forent ad ostendendam perpetrati sceleris enormitatem: *Maranatha* autem hoc *anathemati* addebat, ut excommunicatus solius Dei iudicio relictus, ab Ecclesiae communione separatus permanere juberetur, usque ad adventum Domini, seu ad diem iudicii; quod ex ipsa nominis etymologia elicit Augustinus (apud Suarez *de censuris disp. 8. sect. 2.*) & explicarunt Patres Concilii Toletani IV., statim allegandi. Jam vero antiquissima Synodus Gangrensis, paulo post Nicænam habita, omnes suorum viginti canonum

canonum transgressores anathemate perculit, his verbis: *Anathema sit* (collect. Hard. tom. 1. col. 533. &c.), quibus sententiam latam importari, nemo facile inficiabitur; Patres autem Concilii Toletani IV., habiti anno 633., cui Episcopi 62. interfuere, cap. 75. (collect. Harduin. tom. 3. col. 594.) *anathema, maranatha* in eos pronuntiaverunt, qui adversus Regnum, vel Regem conjurarent, in quos hanc formidandam sententiam, ter repetitam, protulerunt: *Hoc etiam tertio acclamamus, dicentes: Quicumque amodo ex nobis, vel cunctis Hispania populis, qualibet meditatione, vel studio sacramentum fidei sua, quod pro patria salus, gentisque Gothorum statu, vel incolumitate Regia potestatis pollicitus est, violaverit, aut Regem necesse astroctaverit, aut potestate Regni exuerit, aut presumptione tyrannica Regni fastigium usurpaverit, anathema sit in conspectu Spiritus Sancti, & Martyrum Christi: atque ab Ecclesia Catholica, quam perjurio profanaverit, efficiatur extraneus, & ab omni communione Christianorum alienus, neque partem Justorum habeat, sed cum Diabolo, & Angelis ejus, aeternis suppliciis condemnatur, una cum eis, qui eadem conjuratione nituntur: ne par poena perditionis constringas, quos in perniciem prava scietas copulat. Et ideo, si placet omnibus, qui adestis, hac tertio reiterata sententia vestra vocis eam consensu firmate. Ab universo Clero, vel populo dictum est: Qui contra hanc nostram definitionem presumpserit, Anathema, Maranatha, hoc est, perditio in adventu Domini sit, & cum Juda Scarioth partem habeat, & ipsi, & socii eorum: Amen. Eandemque anathematis sententiam, eodem ritu, ac iisdem fere verbis, in eisdem Regni, & Regis proditores, denuo latam, legimus in Concilio Toletano XIV., anni 693. cap. 10. (cod. tom. 3. collect. Harduin. col. 1802.) Qui autem praedictae sententiae ritum, quo tribus vicibus, veluti trium monitionum loco, fuit repetita, considerat, multoque magis, si illorum verborum *Anathema sit, in conspectu Spiritus Sancti, & Martyrum Christi*, vim, & efficaciam attentius expendat, minime dubitabit, Patrum mentem fuisse, excommunicatione latae sententiae percellere, quotquot in posterum, in patriam, aut Regem, rebellionem intentarent.*

8 Non itaque recenter adinventae, nec primis decem Ecclesiae saeculis, ignotae prorsus fuerunt excommunicationes latae sententiae, sicuti sibi finxit, rerumque Ecclesiasticarum minus peritis imposuit Van-Espen, ut illarum usum improbaret, easque parvi faciendas, suaderet, quod certe alibi non obscure insinuavit.



*Auctoritate, & exemplis improbatum immoderatus usus  
cenſurarum lata ſententia.*

**V** Indicata Eccleſiæ poteſtate infligendi cenſuras latæ ſententiæ, illud affirmamus, quod nemo negabit, nimirum frequentius, quam rectæ diſciplinæ ratio expoſcat, cenſuras ejuſmodi irrogari: Enimvero Navarrus *manual. cap. 27. n. 49.* notat, ante annum 1398., quo promulgatus eſt ſextus Decretalium, vix numeratas fuiſſe triginta ſex excommunicationes latæ ſententiæ, quæ etiam ad viginti ſex poterant commode redigi, eo quod plures unum, eundemque fere caſum reſpicerent: *Per ſolum autem ſextum Decretalium* (pergit Navarrus) *inducta fuerunt 32., & per ſolas Clementinas 50. Poſtea per bullam Coena, per Extravagantes impreſſas, & non impreſſas, per Conſtitutiones Synodales, & Provinciales, per viſitationes, & reſervationes Sacularium, & Religioſorum, pene innumera, additque: Valde utilem, immo & neceſſariam fore aliquam earum limitationem, ſaltem quoad ſorum conſcientia.* A Navarro in hunc modum edocti, ac præſatam Concilii Tridentini decretum præ oculis habentes, cum Nos ſacræ Congregationis Concilii Secretarii munere fungebamur, ſemper Epiſcopis, Nos amice conſulentibus, auctores fuimus, ut parce, & magna cum circumſpectione, cenſuras infligerent, præſertim latæ ſententiæ; ſæpe etiam, cum iidem ſuas Synodales Conſtitutiones, priuſquam promulgarentur, ad Nos tranſmiſerunt, eos hortati fuimus, ut ab illis cenſuras delerent, quibus earundem tranſgreſſores, ipſo facto innotabantur. Hanc eandem fuiſſe mentem comperimus, Præſulis Altoviti, noſtri in eodem munere Prædeceſſoris: ille quippe in cauſa Neapolitana, propoſita die 18. Maji 1686., cum ageretur de edicto, ab Archiepiſcopo edito, quo ſub poena ſuſpenſionis, ipſo facto incurrenda, interdicebatur Parochis, ne, in ſepeliendis pauperum cadaveribus, quædam peragerent, quæ videbantur minus decencia, hæc in ſuo voto adnotavit: *Verum mihi ſemper abſonum viſum eſt imponere poenam ſuſpenſionis, ipſo facto incurrenda, pro qualibet levi culpa, præſertim contra Parochos, non minus in præiudicium animarum, eorum cura commiſſarium, quam ipſorum Parochorum delinquentium.*

2 Item, cum in Congregatione, habita die 20. Decembris 1687. examinanda eſſent Synodalia decreta Epiſcopi Vaſionen., & controverſia præcipue verteretur circa unum decretum, quo ſub poena excommunicationis latæ ſententiæ prohibebantur Sacerdotes ludere aleis, vel taxillis, quocumque modo, & cum quacumque perſona, poſtquam Altovitus in ſuo ſuffragio Doctores retulit aſſerentes licere quandoque Sacerdotibus, animi relaxandi cauſa, aleis, & taxillis ludere, modo id non frequenter, & ſine ſcandalo faciant; attamen quia ludus, qui juxta doctrinam D. Thomæ

2. 2. queſt.

2. 2. *quest.* 168. *art.* 2. ad virtutem pertinet Eutrapeliæ, facile degenerat in vitium, eo quod ludentes, aut nimium illi indulgeant, aut a conditionibus deficiant, quas idem D. Thomas *ibid.* & *art. seq.*, ad ludum cohonestandum requirit, ideo addidit Altovitus, posse Episcopum in sua Synodo edicere, ne Sacerdotes, & Clerici aleis, vel taxillis ludant; sed quantum attinet ad censuras, hæc prudenter animadvertit; *Pœnam excommunicationis lata sententiæ, ut nimis rigidam, etiam nullo reclamante, ex officio tollendam esse, & per consequens, decretum in hac parte reformatione indigere, conferem: licet enim sacrum Tridentinum Concilium cap. 1. sess. 22. de reform. tribuerit Episcopis facultatem procurandi observantiam eorum, quæ per antiquos Canones disposita fuere circa vitam, & honestatem Clericorum, non solum sub poenis, per dictos Canones statutis, sed etiam aliis, eorum arbitrio imponentis, attamen arbitrium huiusmodi regulari debet a jure, juxta cujus dispositionem non est imponenda poena excommunicationis, præsertim lata sententiæ, nisi in casu, quo committitur culpa levis, quæ ex supradictis non contrahitur per Clericos, raro, vel recreationis causa, & citra scandalum ludentes.* Putavit nimirum Altovitus, nullam in casu, de quo res erat, adfuisse circumstantiam, ob quam potuerit ludus prohiberi sub gravi, quod ceteroqui posse aliquando evenire, paulo post demonstrabimus.

3 Sed nunquam magis se a censuris multiplicandis alienum ostendit Altovitus, quam in causa Melitensi, quæ fuit ejusmodi. Episcopus Melitensis in sua Synodo excommunicationi latæ sententiæ subjecerat Clericos, occulte detinentes arma prohibita. De hoc decreto, adversus quod Clerici reclamaverant, disputandum erat in sacra Congregatione Concilii, die 16. Decembris 1684.; at Altovitus in suo suffragio, quod pro suo Secretarii munere, ut moris est, exaravit, acriter decretum impugnavit: ajebat enim, usum armorum vetitum quidem esse Clericis in *cap. Clerici, de vit., & honest. Clericor.*, & propterea recte posse iterum illum ab Episcopo Clericis interdici, sub poenis arbitrariis, etiam pecuniariis, locis piis applicandis, quemadmodum tradunt Antonell. *de regim. Eccles. lib. 6. cap. 5. num. 2.*, & Bellet. *disquisit. Clerical. part. 2. tit. de poenis Clericor. §. 1. num. 2.*, sed, quod attinet ad censuras, eas a jure irrogatas, dicebat, Clericis, arma gestantibus, non autem illa domi retinentibus; & præterea prædictas censuras esse ferendæ, & non latæ sententiæ, quemadmodum bene ponderavit Raynaudus *de Religioso loricato, vers. Jure tamen communi, oper. tom. 17. pag. 193.*; Et quamquam (pergebat Altovitus) in Constitutionibus summorum Pontificum, videlicet 49. *Pii IV.*, & 145. *S. Pii V.* excommunicatio latæ sententiæ feratur adversus Clericos, desertentes, aut domi detinentes arma prohibita, hæc tamen Constitutiones solos complectuntur Clericos, degentes in temporalis ditione Romani Pontificis; cumque versetur in materia odiosa, & pœnali, non sunt extendendæ ad Clericos, alibi commorantes; Etenim, quamvis in Clementina *Ne in agro, §. Quia vero, in fin., de statu Monachorum*, excommunicatio latæ sententiæ

sententiæ decernatur in Monachos, arma detinentes, intra septa monasterii, sine licentia Abbatis, non propterea sub ea comprehensi censentur Canonici Regulares, licet isti sæpius in jure confundantur cum Monachis, & expresse nominentur, in præcedenti Clementinæ periodo, ubi excommunicatione ipso facto declarantur irreveriti, tam Monachi, quam Canonici Regulares, qui, relictis Claustris, per Principum Curias evagantur, quemadmodum post Glossam in ead. Clem. verb. *Monachos*, advertit Suarez de censuris d. spm. 25. scilicet. 5. num. 8.; ex quibus omnibus concludebat Alтовitus, Synodalem Constitutionem Melitensem esse ita temperandam, ut excommunicationem, non latæ, sed ferendæ tantum sententiæ Clericis arma detinentibus inureret. Non fuit causa, præfata die, definita, nec deinceps in sacre Congregationis registis propolita apparet; fortasse quia Constitutionis Defensores, a contrario suffragio Secretarii certum periculum causæ suæ metuentes, Episcopo suaserunt, ut ipsemet Synodale decretum reformaret.

4 Nihil enim vero hoc exemplo efficacius adduci poterat, ad indicandam, & suadendam Episcopis cautelam, & circumspeditionem, quam adhibere debeant, in decernendis censuris latæ sententiæ, ne secus sua decreta reformare, aut etiam prorsus delere cogantur: etenim nihil minus est apud Doctores receptum, quam quod Episcopus queat jus commune adjuvare, poenasque augere ab illo inflictas, quod suse probat Romagueira ad Constitutiones Synodales Gerundenses lib. 1. tit. 1. cap. 1. num. 25.; & nihilominus ex iis, quæ enarravimus, perspicuum fit, non semper congruum reputari, ut quæ a jure communi sunt vetita, atque interdum etiam sub censurarum comminatione interdicta, iterum ab Episcopo prohibeantur, statuta in transgressores censura latæ sententiæ; Sed hæc tanquam extremum remedium, est tantum adhibenda, cum malum gravissimum est, neque aliter præcidi, aliisque poenis cohiberi potest. Hanc pariter fuisse, esseque constantem sententiam sacre Congregationis Concilii, ex eo colligitur, quod paucis antea annis accidit Episcopo Larinensi: Habita ab eo fuerat Dioecæsana Synodus, anno 1728., adversus cujus nimium severas Constitutiones, Clerici-Larinenses appellarunt; Sed san. mem. Benedictus XIII., appellatione rejecta, eas ad unguem servari jussit: Benedicto e vivis erepto, ab ejus Successore Clemente XII. facultas facta est Larinensibus Clericis sua jura deducendi ad sacram Congregationem Concilii, quæ cum in prima ex Synodalibus Constitutionibus, a Clero impugnatis, sancitum deprehenderit, ut omnes indiscriminatim Ecclesiastici tenerentur interesse Congregationi, de quæstionibus, ad forum conscientie spectantibus, haberi consuetis, atque in earum altera injunctum viderit Sacerdotibus, ut quotiescumque prædictæ Congregationi non interessent, insequenti die abstinerent a celebratione Missæ; die 30. Augusti 1732. rescripsit, primam Constitutionem non sustineri, quoad Clericos, nondum Sacris initiatos; ex altera vero deleri jussit præfatam poenam



nam suspensionis; etsi enim hæc levissima esset, & unica tantum die Sacerdotes arceret a sacro altaris ministerio, levior tamen sacræ Congregationi visa est culpa, propter quam infligebatur, quod videri potest in *The-saur. Refut. tom. 5. pag. 387.*

## CAPUT XLVI.

*Interdum decerni potest Censura late sententia ad cohibendam culpam, quæ in se spectata est levis, si ob adjunctas circumstantias fiat gravis.*

**V**erum contingere potest, ut res, quæ in se spectata, levis esse videtur, gravis tamen appareat, si circumstantiæ perpendantur, quibus circumvestitur, & præsertim si consideretur periculum, ne abusus, qui ab uno, vel altero in dioecesim induci coepit, nisi statim præfocetur, totam paulatim Communitatem contamine, quemadmodum notavit Gibalinus *de censuris, discept. 2. quest. 2. consellar. 7.*; in hoc autem rerum eventu, si Episcopo alius non suppetat modus, licebit profecto, etiam censurarum ense illum præcidere: novum quippe non est, ut quod in paucis dissimulandum prudentia dicat, in tota Communitate tolerari non debeat. Plura hujus rei exempla nobis suppeditant Conciliorum Canones: Etenim Concilium Carthaginense IV., anni 398. *can. 24. rel. in can. Sacerdote, de consecrat. dist. 1.*, excommunicandum statuit, qui, *Sacerdote verbum in ecclesia faciente, egressus de auditorio fuerit*: Gregorius II. in Concilio Romano, anni 721., cui Episcopi 32. interfuere, *can. 17. rel. dist. 23. can. 23.*, & in *cap. 4. de vit. & honest. Clericor.*, anathema pronuntiavit adversus Clericos, comam nutriendos, inquit: *Si quis ex Clericis laxaverit comam, anathema sit. Et responderint omnes tertio: Anathema sit*: Bonifacius VIII. in *Extravag. Detestande, de sepulturis, inter comm.*, excommunicatione perculit, quicumque cadavera exenterarent, & conciderent; nulla autem ex his actionibus, si nude inspiciantur, tantam præferebat culpam, ut excommunicationis poena debuerit coerceri: Quin-immo, etiam si assentiamur Suarez *de censuris disput. 24. sect. 1. num. 6. do-centi*, *Interdum in antiquis juribus excommunicationem vocari solam privationem Eucharistiæ, cujus usus per ananomasiam dicitur Communio*; atque in hoc sensu excommunicationis vocabulum usurpatum, intelligamus a citato Concilio Carthaginensi IV., adhuc videri non potuerant tanti criminis rei, qui a concione recedebant, ut propterea debuerint sacra mensa prohiberi. Quare, ne credamus, sacros Canones a justitiæ, & æquitatis tramite deviasse, dubitandum non est, quin illæ actiones gravitatem acceperint ab adjunctis circumstantiis; quod certe de concisione cadaverum, quæ non sine enormi barbarie, & maximo Fidelium horrore fiebat, ex prædictæ Decretalis lectione apparet.

2 Hinc pariter in recentioribus Synodis, præcipue Hispalensi, Tole-tana,

tana, & Abulensi, relatis a Thoma Sanchez *confil. lib. 5. cap. 1. dnb. 14. num. 6.*, Leandro *qq. moral. part. 3. tract. 5. dispus. 2. quest. 30.*, & Sancio in *select. disp. 51.*, excommunicatio lata est adversus eos, qui cum ex legitima causa, jejuniorum diebus, carnibus vescerentur, pisces simul comederant: Quamvis enim ea admixtio, seu carniū una cum piscibus comestio, priusquam a Nobis, nostris Apostolicis litteris, datis die 3. Maji 1741., confirmatis die 22. Augusti ejusdem anni, & luculentius explicatis, in nostra responsione ad quæstiones, Nobis propositas, ab Archiepiscopo Compostellano die 8. Julii 1744., quæ extant *tom. 1. nostri Bullarii Constit. 19. Constit. 27. & Constit. 99.*, severa lege prohiberetur, fortasse secundum se, gravi culpa vacaret, attamen ob adjunctum scandalum, a quo vix sejungi poterat, jure, ac merito, etiam sub poena excommunicationis, fuit in præfatis Synodis interdicta, quemadmodum bene ponderat Daniel Concina Ord. Præd. Theologus in *suo comment. Theologic. in præfatum nostrum Rescriptum ad postulata Archiepiscopi Compostellani §. 1. num. 50.* Levissimam quoque turpitudinem, etiam priusquam a fere communi hominum consuetudine cohonestaretur, præferre potuit usus pulveris Nicotiani, vulgo *Tabaci*, & nihilominus Urbanus VIII. Constitutione, quæ incipit *Cum Ecclesia*, edita die 30. Januarii 1642., sub poena excommunicationis ipso facto incurrenda, *Tabacum* sumere vetuit in ecclesiis civitatis, & diocesis Hispalensis: quia ejusdem diocesis Sacerdotes non verebantur *Tabacum* sumere in altari, ex quo sacra lintea indecenter foedabantur, & Fideles nondum assueti *Tabaci* graveolentiæ, illius foetorem abhorrentes, ab ecclesiis se subducebant; Eademque de causa Innocentius X., & Innocentius XI., sub eadem excommunicationis poena latæ sententiæ, ejusdem *Tabaci* usum interdixere, intra Vaticanam basilicam, pluresque Episcopi hinc permoti exemplis, excommunicatione innodarunt non solum quotquot intra quamlibet suarum diocesium ecclesiam *Tabacum* sumerent, sed etiam Sacerdotes, qui ante Missæ celebrationem, & Laicos, qui ante Eucharisticam Communionem, eodem pulvere extra ecclesiam uterentur, de quibus Constitutionibus plura inferius.

3 Quod si res, quæ in se leves sunt, ob adjunctas interdum circumstantias scandali, prudenter sub censura latæ sententiæ prohibentur; multo magis excommunicatione latæ sententiæ cohiberi poterit peccatum, quod & in se jam grave est, & insuper grave affert scandalum. Sanctus Torribus in *sua prima Synodo Provinciali, habita anno 1582.*, (*tom. 4. CC. Hispanie Card. de Aguirre pag. 244.*) *añ. 3. cap. 4.* ipso jure excommunicatos, decrevit Clericos, operam dantes Mercaturæ: Contra hanc Constitutionem appellavit Clerus ad sacram Congregationem Concilii, ad quam Synodus, de more, missa fuerat examinanda; Sed sacra Congregatio, etsi alias plures censuras, ex ejusdem Synodi Constitutionibus deleri jussit, hanc tamen sustinendam, censuit, non solum quia sciebat, omnem negotiationem, sub *interminatione anathematis* prohibitam esse Clericis, præ-

sertim

sertim Sacris initiatis, in cap.6. *Ne Clerici, vel Monachi*; verum etiam quia audierat, Infideles Indos plurimum offendi, cum Ministros Evangelicos vident, impensam operam dare negotiationi; Inde enim occasionem arripiunt suspicandi, Evangelicæ prædicationis, si non unicum, saltem præcipuum scopum esse, viam aperire Europæis ad negotiationem, illis in regionibus exercendam, atque ingentem auri copiam ex iis in Europam asportandam, quemadmodum narrat idem Cardinalis de Aguirre *loc. cit. pag. 261.*

4 Ad idem præcavendum scandalum, Evangelicæ præconum consulendum famæ, & dignitati, summus Pontifex Clemens IX., sub poena excommunicationis latæ sententiæ, prohibuit quibuscumque Ecclesiasticis, tam Sæcularibus quam Regularibus, degentibus, sive in insulis, provinciis, & regnis Indiarum Orientalium, sive in partibus Americæ, tam australibus, quam septentrionalibus, ne unquam cujusvis causæ, occasionis, & tituli prætextu, quæstuosam exercent negotiationem, sive per se, sive per alios, sive nomine proprio, sive Religiosorum Ordinum, quorum forte sint alumni: Voluitque, statutas a se, in prædictis Negotiatores, poenas, neque eum evadere, qui semel tantum mercaturam facit; quod videre est in Constitutione ejusdem Pontificis, impressa, inter Apostolicas Constitutiones, respicientes Missiones Sinarum, & Tunquini, in unum volumen collectas, editasque Parisiis anno 1676. pag. 73.

5 Ex quibus omnibus conficitur, impossibile esse, ut Episcopis certa præscribatur norma, ad quam tuto, & sine offendiculo, conformare se queant, in decernendis censuris latæ sententiæ, cum res pendeat a rerum, locorum, & temporum conditionibus, quas perpendere ad ipsorum prudentiam pertinet. Neque ex eo, quod Nos sciamus, aliquam censuram, ab aliquo Episcopo latam, etiam Clero contradicente, ratam habitam a sacra Congregatione Concilii, inferre possumus, eandem, si alibi feratur, ratam pariter habendam: Scimus etenim, sacram Congregationem sustinuisse edictum quondam editum ab Episcopo Comensi, quo, sub poena suspensionis, ipso facto incurrenda, prohibebatur Clericis, in Sacris constitutis ingressus in ecclesiam, sine veste nigra oblonga, quam *Talarum* vocant, uti habetur, *lib. 43. decretor. pag. 128.*, sed simul *lib. 58. pag. 288.* adnotatum legimus, eandem sacram Congregationem e simili edicto, promulgato ab Episcopo Rubensi, expungi jussisse poenam censurarum, earumque loco subrogandam poenam solutionis quinque librarum cereæ albæ, & solum in subsidium adjiciendas censuras, ferendæ tamen, non vero latæ sententiæ: quia nimirum in dioecesi Rubensi usus vestis brevioris non adeo apud Ecclesiasticos invaluerat, sicuti in dioecesi Comensi, in qua, uti Episcopus sacre Congregationi significaverat, usus vestis talaris, quam propriam esse Ecclesiasticorum infra dicemus, omnino fere obsoleverat, non sine populi admiratione, & scandalo. Quare

iterum concludimus, non posse certam regulam tradi, in infligendis censuris, ubique servandam, sed rem totam relinqui prudentiæ, & circumspeditioni Episcoporum.

## CAPUT XLVII.

*Quid de usuris, & contractibus in Synodo decerni possit; ubi specialiter de Mutuo.*

1 **O**ptabat Fagnanus in sæpius cit. cap. Sicut olim, num. 82. de accusat. nihil a Synodis Provincialibus quoad usuras decerni, & tamen vix erit Concilium Provinciale invenire, a quo non fuerit usuræ expresse damnatæ, easque exercentes severissimis poenis subiecti, hunc eundem morem imitatæ Dioecesanæ Synodi, præsertim recentiores, ab anno scilicet 1698., usque ad hanc diem habitæ, quas summo studio collectas, attente perlegimus, specialem de usuris sermonem instituerunt, easque iterum, iterumque improbarunt; nec proinde, aut hæ auctoritati Fagnani refragantur, aut Fagnanus communi Synodorum usui, & praxi adversatur; Quod enim Fagnanus voluit, hoc unum est, ne a particularibus Synodis quæstiones dirimantur, in casibus usurarum, aliorumque visiorum, quibus timorata conscientia irretiri possunt, quales sunt quæstiones circa contractus, inter graves Theologos controversiæ, & nondum ab Ecclesiâ definitæ; Non vero prohibuit, ne usura vere, & proprie talis, aut contractus certo sceleratissimi proferbantur, atque e qualibet dioecesi exterminentur. Quæ autem nominatim prioris, aut posterioris generis sint, per summa capita innuemus.

2 Omne lucrum ex mutuo, præcise ratione mutui, uti loquuntur Theologi, hoc est lucri cessantis, damni emergentis, aliove extrinseco titulo remoto, usurarium; atque omni jure, naturali scilicet, Divino, & Ecclesiastico illicitum esse, perpetua fuit, & est Catholicæ Ecclesiæ doctrina, omnium Conciliorum, Patrum, & Theologorum unanimi consensione firmata. Huic contradixere Græci schismatici, qui, teste Guidone Carmelita in catalogo Hereticorum, quodcumque lucrum ex mutuo permittunt: Græcis ex parte consensit Calvinus, qui ad cap. 18. Ezechielis, licere docuit, aliquod moderatum lucrum, non quidem a paupere, sed a divite, præcise ratione mutui, exigere: Errorem a Calvino obiter insinuat, ex professo propugnavit Carolus Molinæus in suo tractat. de usuris, ubi num. 10. aucter affirmat, usuram non esse prohibitam, nisi in quantum est contra Charitatem; distinguit deinde num. 85. tres hominum gradus: Primus complectitur pauperes, emendicata stipe viventes, quibus non mutuo, sed elemosyna succurrendum, ait: Alter indigentes, qui pro tempore indigent, quamvis pares sint, mutuo, postea restituendo; atque his quoque mutuum gratuito dandum, asserit: Tertius gradus complectitur divites, & Mercatores, qui nihil indigent, sed rem suam negotia-

tione

tione amplificare student, & ab his usuram moderatam, ratione mutui, iuste, ac sancte exigi posse, tradit Molinæus. Eandem pravam opinionem amplexatus, alia ratione defendit Claudius Salmasius, in duplici tractatu, altero inscripto *De usuris*, altero *De trapezitico fœnore*, quibus in locis usuram, nisi Charitatem lædat, ab omni culpa absolvit, eo quod sit *merces locata pecunia*. Verum quamquam plurimi Heterodoxi, Calvini, Molinæi, & Salmasii systemati stabiliendo allaboraverint, inter quos Petrus Heinigius lib. 2. *quest.* 1., Gerardus Noodt *de fœnore, & usuris* lib. 1., Gronovius, & Barbeyrac in *notis ad Hugonem Grotium*, lib. 2. *cap.* 12. Boehmerus *jur. Eccles. Protest.* tom. 5. lib. 5. tit. 19., rationem tamen, qua eam Salmasius tutatus est, sere omnes refellerunt, recte arbitantes, mutuæ pecuniæ dominium transferri in mutuatarium, ac propterea, non posse mutuum locationi, ullo pacto comparari, sicuti testatur Gottfridus Malco-  
vius in *notis ad Pufendorf* lib. 5. *cap.* 7. §. 5.

3 Impiæ Calvini, & Molinæi opinioni non veriti sunt subscribere pauci quidam Doctores Catholici: distinguunt & isti duplex genus mutui: unum, quo pecunia, aliæ res, datur ad consumptionem, quod plerumque fit cum indigentibus, pecuniam mutuam accipientibus, ut se, suamque familiam sustentent, debita solvant, filiam nuptui tradant &c.: alterum, quo datur ad negotiationem, ut cum Mercatoribus fieri solet, qui acceptam mutuo pecuniam negotiatione augment, ingensque ex ea lucrum reportant: in primo casu usuram esse fatentur, quidquid exigitur ultra sortem; At a fœnoris labe excusant lucrum, quod in secundo casu ex mutuo percipitur, dummodo sit moderatum, modumque servet, a patris legibus definitum.

4 Novam hanc distinctionem, ab Hæreticis primum excogitatam, præverterant Ecclesiæ Patres, qui uno ore, absolute, atque indefinite fœneratitium pronuntiaverant, quidquid ex mutuo, ultra sortem exigitur: Tertullianus lib. 4. contra Marcionem *cap.* 17. ita explicat Ezechielis locum: *Pecuniam inquit, suam fœnori non dedis, & quod abundaveris, non firmes; fœnoris scilicet redundantiam; quod est usura.* S. Basilus in *Psal.* 14. (tom. 1. *oper.* pag. 107.) allegato pariter Ezechielis loco, ait: *Ezechiel id in maximis malis recenset, si fœnus, & quidpiam ultra sortem, accipiat.* S. Ambrosius lib. unic. de Tobia, *cap.* 14. num. 49. (tom. 1. *oper.* col. 607.): *Et est usura est, & vestis usura est, & quodcumque sorti accedit usura est.* S. Hieronymus in *cap.* 18. Ezechielis (tom. 5. *oper.* col. 210.): *Alii pro pecunia fœnerata solent munuscula accipere diversæ generis, & non intelligunt usuram appellari, & superabundantiam, quicquid illud est, si ab eo quod dederint, plus acceperint.* S. Augustinus in *Psal.* 36. *serm.* 3. num. 6. (tom. 4. *oper.* col. 285.): *Si fœneraveris homini, id est mutuum pecuniam tuam dederis a quo aliquid plusquam dedisti expectes accipere, non pecuniam solam sed aliquid, plusquam dedisti, sive illud triticum sit, sive vinum, sive oleum, sive quodlibet aliud, si plusquam dedisti expectas accipere, fœnerator es:* Concilium Agathense relatum a Burcardo lib. 2. *cap.* 126., Ivone *part.* 6. *cap.* 200., & Gratiano *caus.* 14. *qu.* 3. *can.* 4.

*can. 4. : Usura est, ubi amplius requiritur, quam datur, v. g., si dederis solidas decem, & amplius quaferis; Ex quibus Gratianus ibidem concludit: Ecce evidenter ostenditur, quod quidquid ultra sortem exigitur, usura est. Patribus adhæserunt veteres Theologi, qui, duce D. Thoma 2. 2. q. 78. art. 2., adeo districte omne lucrum ex mutuo, jure naturali, & Divino vetitum asseruere, ut ne munus quidem ab obsequio, aut a lingua, quod certe quid minimum est, nullique onerosum, a mutuatario, solius mutui causa, exigi posse docuerint.*

5 Neque vero Calvinii, & Molinæi Asseclis suffragantur, aut loca sacræ Scripturæ speciatim prohibentia, ne pauperes usuris opprimantur, uti Exodi 22. *versf. 25.*, & Levitici 25. *versf. 35.*; aut sententiæ Patrum, usuras dumtaxat redarguentium immoderatas; aut Canones Conciliorum, puta 36. ex Apostolicis, 17. Nicænis, & 12. Concilii Arelatenfis primi, solos Clericos lœneratores severis poenis subjicientes: Etenim antiqui Testamenti pagina, in ipsismet in contrarium adductis locis, & adhuc clarius Deuteronomii 25. *versf. 19.*, Ezechielis 18. & *Psalms. 14.*, omnem omnino nsuram, absque ullo personarum, a quibus exigatur, discrimine, prohibet, & detestatur; Pauperes autem alicubi expresse nominat, vel tantum exempli causa, quia plerumque contingit, ut illi magis egeant opis alienæ, & necessitate adacti mutuum accipiant, etiam sub obligatione immoderatum sœnus solvendi, quemadmodum ad prædictum Exodi caput adnotavit etiam Hugo Grotius; vel quia usuræ, quæ a pauperibus extorquentur, præter propriam pravitatem, quamdam redolent scævitiæ, & immanitatem, speciali nota, & reprehensione dignam, sicuti ratiocinatur Gibalinus *de usuris, lib. 1. cap. 7. art. 2.*

6 In novo autem Testamento *Luce 6.*, illis Christi Domini verbis, *Mutuum date, nihil inde sperantes*, præceptum tradi, seu verius naturalem legem iterum inculcari, nihil prorsus lucri ex mutuo, ab ullo, sive paupere, sive divite, exigendi non solum docet D. Thomas 2. 2. q. 78. art. 1. ad 4., sed concors fuit Conciliorum, Patrum, summorumque Pontificum sententia, præcipue Urbani III. in *cap. Consiluit, de usuris*, qui præfati Textus auctoritate, omnem quantumvis minimam usuram, universam vitætam pronuntiavit; explicans enim præfata Christi Domini verba, iis prohiberi, ait, *omnem usuram, & superabundantiam*. Dicere autem, summos Pontifices, & Concilia prædicti Textus verum, & genuinum sensum non esse assequuta, quod aliquos mullitare non puduit, & temerarium, & fere hæreticum est: quidquid enim sit, an Ecclesia, non solum infallibili polleat auctoritate, in definiendis quæstionibus, Fidem, aut mores respicientibus, quod nullus Catholicorum negat, sed etiam in delectu rationum, quas ad suas definitiones stabiliendas interdum adducit, de quo nonnulli Catholici dubitarunt, certum, & indubitatum est, eam errare non posse, in interpretanda Divina Scriptura, ejusque genuino sensu Fidelibus aperiendo.

7 Haud abſimilia reponimus ad teſtimonia Patrum : hi ſiquidem, licet vehementius invehantur in uſuras immoderatas, atque a pauperibus extortas, veluti culmen ſcleris, ad quod homines pertrahit fordida, atque inſatiabilis avaritia, non idcirco tamen approbant moderatas, a divitiſus exigendas; quinimmo etiam iſtas aliis in locis expreſſe condemnant: Enimvero Ambroſius *cir. lib. de Tobia, cap. 6. (tom. 1. oper. col. 597.)* de iis agens, qui pecuniam ſuam ſcœnantur non indigenti, ſed diviti, ſed Negotiatori, cui uberes proventus pariat, eos in hunc modum increpat: *Nihil nequius ſueneratoribus, qui aliena damna ſua lucra arbitrantur, & diſpendio ſuo deputant, quidquid ab aliis poſſidentur. Aſcupantur heredes novos, adoleſcentulos divites explorant, per ſuos adiungunt, ſe ſimulantes paternam, & avitam amicitiam, vultus domeſticas eorum cognoscere neceſſitates .... Sin vero nullos laqueos alicujus neceſſitatis offenderint, intexunt tabulas, ajunt, nobile prædium eſſe venale, amplam domum, accumulunt proventus fructuum, annuos redditus exaggerant, hortantur, ut coeant, ſimiliter faciunt pretioſas veſtes & monilia nobilia prædicantes. Neganti ſe habere pecuniam, ingerant ſuam, dicentes: 'Utere, ut tua; de fructibus empta poſſeſſionis pretium multiplicabis, debitum reddes; & cap. 14. (col. 607.)*: Et putas te pie facere, quia a Negotiatore, velut minus ſuſcipis? Inde ille fraudem facit in mercium pretio, unde tibi ſolvit uſuram. Fraudis illius tu auctor, tu particeps, tibi præſcit quidquid ille fraudaverit. Et eſca uſura eſt, & veſtis uſura eſt, & quodcumque forti accedit, uſura eſt. Quod velis ei nomen imponas, uſura eſt. Similiter Hieronymus in *cis. cap. Ezechielis (col. 208. tom. 5. oper.)* perinde ac ſi cum illis iſtis congregaretur, contra quos pugnamus, ſcœnus reprobat, etiam ex re percipiendum, quæ ingentem fructum mutuatorio attulit, inquires: Solet argumentari, ac dicere: Dedi unum modium, qui ſatus fecit decem modios, nonne juſtum eſt, ut modium modium de meo plus accipiam; cum ille mea liberalitate novem, & ſemis de meo habeat? Nolite errare, inquit Apoſtolus, Deus non irridetur. Reſpondeat enim nobis breviter ſuenerator miſericors, utrum habenti dederis, an non habenti. Si habenti, utique dare non debuerat; ſed dedit quaſi non habenti. Ergo quare plus exigit quaſi ab habente &c.

8 Ad Canones quod attinet, ſi argumentum, quod ex illis inſtaurant, quidquam haberet roboris, & efficacitatis, probaret etiam fornicationes, & adulteria eſſe Laicis permiſſa, quia plerique Canones in ſolos Clericos fornicarios, & adulteros, nulla facta Laicorum mentione, animadvertunt, quæ ſane argumentatio inepta, & ridicula foret: novum quippe non eſt, Eccleſiam ſeverius in Clericis punire delicta, quæ etiam in Laicis execratur; ſicuti oportune, & ad rem appoſite monuit Concilium Carthaginienſe 1. can. 13.: *Quod in Laicis reprehenditur, id multo magis in Clericis oportet prædamnari.* Ceterum non deſunt alii innumeri Canones, Clericos æque ac Laicos uſurarios redarguentes; æque ut alios prætereamus, antiquiſſima Synodus Eliberitana can. 20. (*tom. 1. collect. Hard. col. 252.*) hæc habet: *Si quis Clericorum detectus fuerit uſuras accipere, placuit eum degradari, & abſiniri.*

*finiri. Si quis etiam Laicus accepisse probatur usura; & promiserit correctus, jam se cessaturum, nec ulterius exacturum, placuit ei veniam tribui. Si vero in ea iniquitate duraverit, ab Ecclesia esse projiciendum: Ac Leo Magnus epist. ad Episcopos per universam Italiam, relata can. 7., xiv., q. 4., exagitans usuræ peccatum, ait: Quod nos, non dicam in eos, qui sunt in Clericali officio constituti, sed in Laicos cadere, qui Christianos se dici cupiunt, condolemus.*

9 Jure itaque ac merito Auctores permittentes moderatum lucrum ex mutuo, a divite, & Negotiatore exigere, veluti adversantes communi, & perpetuæ Catholicæ Ecclesiæ doctrinæ, inclararunt, & validissimis argumentis consutarunt Navarrus *comment. de usuris*, num. 8. & seqq., Gibalinus, & Leotardus, in suo quilibet *de usuris tractatu*, Cardinalis de Lugo *de just. & jur. tom. 2. dispus. 25.*, Jacobus Gaytte egregio opere, quod concinnavit adversus Molinæum, Salmasium, Auctoremque libelli Gallici *du traité de la pratique des Billets*, Saintbeuve *in resolut. casuum conscientia*, tom. 2. ultim. edit. Paris. anni 1700. *cas. 210. pag. 422. & seqq.*, Aloysius Bulteau, seu Bultellus in *apologia pro Lactantio in materia usurarum*, edita Parisiis anno 1677., Pouget in *suis Canonic. instit. tom. 1. pag. 760.*, Natalis Alexander *Theolog. dogmat. & moral. tom. 8. part. 2. cap. 7.*, Gennett. *Theolog. moral. tom. 1. tract. 4. de mutuo, & usura, quest. 6. & seqq.*, Pontas in *dictionar. cas. conscient. tom. 3. verb. Usura*, Continuator *prælect. Theologic. Honorati Tournely, tract. de contract. part. 2. cap. 3.*, aliique plurimi.

10 Verum, quoniam tot Doctorum auctoritate, & argumentis minime perterriti, prædictam exoticam opinionem nonnulli iterum reficere non dubitarunt, propterea Nos ad Petri Cathedram evecti, ne Catholicæ doctrinæ puritas, cujus depositum Nobis est a Christo conceditum, hac erroris labe scedaretur, datis ad Italix Episcopos encyclicis litteris sub die prima Novembris 1745., hæc inter cetera declaravimus: Primum, omne lucrum ex mutuo, ratione mutui, usurarium, & illicitum esse: secundò, ad usuræ labem purgandam, nullum arcessiri posse subsidium, vel ex eo quod id lucrum non excessivum, & nimium, sed moderatum; non magnum, sed exiguum sit: vel ex eo quod is, a quo id lucrum, solius causa mutui, deposcitur, non pauper, sed dives existat, nec datam sibi mutuo summam relicurus otiosam, sed ad fortunas suas amplificandas, vel novis commendis prædiis, vel quæstuosius agitandis negotiis, utilissime sit impensurus: tertio, quanquam una cum mutui contractu possint quandoque alii tituli, ut ajunt, forte concurrere, ipsi mutuo extrinseci, e quibus iusta oriatur causa, aliquid, ultra sortem ex mutuo debitam, exigendi, atamen falso, & temere affirmari diximus, ejusmodi titulos semper reperiri, ac ubique præsto esse, itaut illorum ratione, quotiescumque pecunia, frumentum, aliudve id generis, alteri cuicumque creditur, toties semper liceat auctarium moderatum, ultra sortem integram, salvamque recipere. Alia præterea ediximus, atque in contractibus servanda commendavimus (quæ in Episcopales Synodos utiliter inferi poterunt)

ne usuræ



ne usuræ macula inficiantur, sicuti videre est in *præfatis nostris litteris impressis tom. 1. nostrar. Constitut., Constit. 143.*, quas nuperrime Theologico commentario illustravit Daniel Concina Ord. Prædicat. Theologus.

11 Quamobrem si jampridem aliquot Episcopi, inter quos Cardinalis de Camus Episcopus Gratianopolitanus, Cardinalis de Bissy tunc Episcopus Tullenis, Jacobus Benignus Bossuet Episcopus Meldensis, & Bragadinus Episcopus Veronenis in suis edictis, & Pastoralibus instructionibus, præfatam proseripserant erroneam opinionem, utpote quam noverant jam a Conciliis, summorumque Pontificum Constitutionibus prædamnatam, multo magis integrum nunc erit Episcopis illam, postquam iterum nominatim, & expresse est ab Apostolica Sede reprobata, novis, si opus fuerit, Constitutionibus, e sua dioecesi exturbare, eamque temere disseminantes, aut usu ipso approbantes severis poenis coercere.

12 Post eliminatum Hæreticorum errorem, qui paucorum fraudulencia, etiam in Catholicam rempublicam irrepere coeperat, abs re non erit obiter detegere falsam doctrinam, qua sunt imbuti Judæi, inter Christianos degentes. Ex illis Deuteronom. verbis *cap. 23.*: *Non fœneraberis fratri tuo ad usuram pecuniam, nec frugem, nec quancumque aliam rem, sed alieno, inferunt Hebræi sibi licere fœnerari Christianis, quos, licet inter eos versentur, pro alienis habent, & extraneis.* Facile quidem esset hanc Judæorum fallaciam retundere, aut dicendo cum Ambrosio *cit. lib. de Tobia cap. 15.*, in allegato textu, permissum dumtaxat fuisse Judæis, usuras exigere ab Amorrhæis, Amalecitis, aliisque vicinioribus populis, a quibus Deus dominium abstulerat rerum omnium, quas possidebant, & Judæis contulerat; aut dicendo cum D. Thoma 2. 2. *cit. quest. 78. art. 1. ad 2.*, non fuisse permissum Hebræis usuras exigere ab extraneis, sed toleratum, tanquam minus malum, eo pacto, quo, propter duritiam cordis eorum, fuit in illis toleratum uxorum repudium; quod etiam ante Divum Thomam senserat Alexander De Hales *part. 3. quest. 86. art. 2.*, ubi ait: *Nunquam fuit Judæis licitum fœnerari alieno, sed permissum fuit illis, sicut dare libellum repudiij, propter duritiam cordis sui. Peccabant tamen mortaliter fœnerando alieno; sed permittebatur eis duplici de causa, scilicet ne facerent pejus, id est ne fœnerarentur fratribus suis; & quia duri erant, & paulatim trabendi ad perfectionem:* At quoniam res est cum Hebræis, qui Theologorum, & SS. Patrum auctoritatem irrident, nec ullus nobis suppetit modus evellendi pravam illam opinionem, quæ in eorundem mentibus altas egit radices; unum faciendum superest, nimirum, ut falsæ illius opinionis usum, qui in detrimentum cedit, & oppressionem pauperum Christianorum, pro viribus impediamus; neque aliter id præstari potest, quam opportunis Constitutionibus Episcoporum, & Christianorum Principum edictis, quibus severe prohibeantur Judæi Christianorum loca incolentes, ne ratione mutui, quidquam a Christianis extorqueant, & certa simul præscribatur quantitas lucri, ultra quam nihil impune exigere possint ex aliis contractibus, cum Christianis initis.

13 Primum statutum fuit in Concilio Albiensi anni 1254., edito a Luca Dacherio *tom. 2. spicilegii*, in cuius *cap. 19. (pag. 643.)* habetur: *Statuimus, & mandamus, in his, qua deinceps mutuaverint Iudei Christianis, Christianorum ipsorum stetur simplici juramento, an quidquam usurarium sit in eis; & in eo quod usurarium esse dixerint, sic iurati absolvantur, quod decretum renovatum legimus in Concilio Montis Pessulani, anni 1258. cap. 5., eod. tom. 2. spicilegii.* Alterum edixit Innocentius III. in Concilio Generali Lateranensi *cap. 67., relat. in cap. Quanto magis, de usuris*, ubi dillicite vetuit, ne Iudei, obtentu cujuslibet contractus, quem ceteroquin licite cum Christianis inire queunt, graves, & immoderatas usuras exigant: *Synodali decreto statuimus, ut si de cetero, quocumque prætenu Iudei a Christianis graves, & immoderatas usuras extorqueant, Christianorum eis participum subtrahatur, donec de immoderato gravamine satisfecerint cemperenter.* Utrumque vero ad compescendos sceneratores Iudeos, in temporali ditione Ecclesiæ commorantes, iterum decernendum consuluit Marcellus Severolus, sacri Consistorii Advocatus, Nobis, dum viveret, singularis amicitia nexu conjunctus, in suo elaborato suffragio, edito apud Passerinum in *cap. Quamquam, 2., post num. 84., de usuris in 6.:* & ne a Synodis recedamus, ita nuperitane statuit Episcopus Pisauriensis in sua *Dioecesana Synod: habita anno 1742. tit. 4. num. 17.,* cujus exemplum poterunt alii Episcopi imitari.

## CAPUT XLVIII.

An, & quando usura suspitione vacent quidam speciales Contractus, de quibus interdum est in Synodo agendum, ubi de lucro, quod ultra sortem recipitur in Montibus Pietatis, de censibus, & de cambiis.

1 **H** Actenus de usuris generatim acceptis: Descendendum nunc est ad speciales contractus, de quibus dubitari potest, an occulta usurae tæbe sordescant. Diu multumque inter Theologos, & Canonistas olim disceptatum fuit, an usurarii essent Montes Pietatis, Perusinae anno 1450. primum erecti, in quibus, recepto pignore, pecunia, aut frumentum mutuo datur pauperibus, ea lege, ut si præfixo tempore debitum non solvant, vendantur pignora, & ex eorum pretio Mons Pietatis sortem creditam, & modicum quid, ultra sortem recipiat, residuum vero reddatur debitori. Ejusmodi Montes, præ ceteris impugnarunt Cajet. in *comment. de Mont. Piet. cap. 1., & Dominicus Soto lib. 6. de just., quest. 2. art. 6.,* quibus videbatur modicum illud lucrum, ultra sortem receptum, usuram sapere; acriter pariter in illos invehitur, cum aliis Acatolicis Carpozovius *pract. crim. quest. 92. num. 4. & seqq.* Verum Leo X. in Concilio Lateranensi V., *sess. 10.,* sacro approbante Concilio, Montes prædictos licitos, atque ab omni usurae tæbe immunes, pronuntiavit: Siquidem quod ultra sortem a mutuatariis exigitur, non causa mutui, sed alio nomine exigi-

exigitur, præcipue, ut sine Montis detrimento, congruâ merces assignetur Ministris, qui, non sine magno labore, pignora custodiunt, excutiant, expendunt, & alia ejusdem generis multa præstant, in gratiam mutuatariorum: Sicut enim si amicus, unius diei intervallo a me distans, mutuum a me petat, quod ad eum mittere cogar, per hominem a me conductum, & mutuum, & mercedem, quam dedi homini, per quem mutuum misi, jure repetere possum; ita Montis Præfecti aliquod ultra sortem creditam exigere valent, erogandam in Montis Ministrorum salarium, quemadmodum ratiocinatur Silvius in 2. 2. *D. Thome, quest. 78. art. 4. quest. 1.*, ubi alia plurima adducit argumenta ad vindicandam justitiam Montium Pietatis.

2 Quoniam vero periculum est, ne quod a Montis Præfectis, ultra mutuatum pecuniæ summam, exigitur, expensas superet, in Ministrorum sustentationem erogandas, ideo sacra Congregatio Concilii, ut omnis usuræ suspicio, quam longe abesset a Montibus Pietatis, quos Tridentinum *sess. 22. cap. 8. de reform.*, inter loca pia enumeravit, & Episcoporum visitationi subjecit, die 7. Februarii 1637. rescribens ad Archiepiscopum Neapolitanum, nihil ultra sortem exigendum statuit, nisi prius consultâ Apostolica Sede: *Loca pia* (verba sunt sacræ Congregationis, quæ repetimus adnotata *lib. 15. decretor. pag. 486.*) & *sacras ades, quæ deposita retinent, dum mutant indigentibus pecunias, accepto pignore, non posse quidquam a mutuariis, nisi ex Sedis Apostolicæ dispensatione accipere.* Idemque responsum datum legimus ad Episcopum Adriensem, die 14. Martii ejusdem anni, *ead. lib. 15. decretor. pag. 501. a tergo.* Multo minus, absque Apostolicæ Sedis placito, erit plus exigendum, quam antea consueverit, etiam si Mons Pietatis eo auctario indigeat ad solvenda debita, quæ in mutuatariorum commodum contraxit: quod probe scientes Præfecti Montis Pietatis civitatis Casalensis, dum Nos sacræ Congregationis Concilii Secretarium agebamus, ab eadem sacra Congregatione facultatem sibi fieri petierunt, & Montem, cujus redditus impares erant sublevandis pauperum indigentis, ære alieno gravandi, & simul exigendi quinque ex singulis centenis nummis ab iis, qui in posterum, dato pignore, pecuniam a Monte reciperent, ut tali pacto possent & consueta sustinere onera, & æs alienum paulatim solvere, quemadmodum videri potest in *Theaur. Resolut. tom. 1. pag. 28.*

3 Quod si contra Episcopus animadverteret, plus a mutuariis solvi, quam necessarium sit, ad Montem servandum indemnem a necessariis impensis, & posset, & deberet usuram moderari, & redigere ad æqualitatem cum quotidianis sumptibus, aliisque oneribus, quibus Mons prægravatur: quamvis etiam in hoc eventu tutius sit, ut priusquam Episcopus moderationem decernat, sacram Congregationem Concilii consulat.

4 Non solum de Montium Pietatis, sed etiam de emptionis censuum illius reddituum justitia plerique dubitarunt: Omnem siquidem censum esse larvatam usuram, putarunt Henric. *quodlib. 1. q. 39.*, & *quodlib. 8. q. 24.*,  
M m m 2 & Sa-

& Salicet. in *Auth. Ea lege, cod. de usuris*, quibus adhæsit Hotomannus lib. 2. *observat. cap. 15.*, quamvis hic non tam indagandæ, & stabilientiæ veritatis studio, quam Apostolica Decreta, statim alleganda, insectandi pruritu, ductus videatur. Sed distinguendum est, inter censum realem, & personalem; censum realem, qui jus est percipiendi annuam pensionem ex prædio, aliove fundo fructifero, absque ulla usuræ labe constitui, vendi, & emi posse, declararunt Martinus V. in *Extravag. 1. de empt. & vendit. inter commun.*, Callistus III. in *Extravag. 2. eod. tit.*, & S. Pius V. in sua *Constitutione incipien.* Cum onus, edita 14. kalen. Februarii 1568., modo ex servantur conditiones in prælati Constitutionibus præscriptæ, quas singulatim enumerat, & explicat Navarrus in *comment. de usuris, num. 45. & seqq.* Sicuti enim potest quis emere rei alicujus usumfructum, remanente dominio directo penes venditorem, ita potest emere jus percipiendi partem fructuum ex alieno fundo, eorumque loco, potest venditor se obligare ad solvendam emptori, singulis annis, certam pecuniæ summam, illorum fructuum æstimationi respondentem; hoc autem, & non aliud fieri per contractum census realis, in quo omnia impleantur, quæ fieri voluit S. Pius V., illum perpendenti evidenter apparet. Controversia tamen adhuc hodie remanet, an licitus, vel potius scœneraticius sit census personalis. Constituitur hic census non super re aliqua fructifera, sed super persona venditoris, qui obligationem sibi, vel suis etiam heredibus, imponit certam pensionem solvendi emptori, ex industria, arte, & labore suo; qui quidem census non transit in realem, quamvis pro ejus securitate quandoque detur hypotheca, quoniam pereunte re hypothecata, non perit census, sicuti contingit cum perit fundus, in quo est constitutus census realis, sed adhuc remanet obligata persona. Jam vero ejusmodi censum, solo spectato jure naturæ, ab usuræ reatu absolunt Sotus lib. 6. *de just. 9. q. art. 1. conclus. 4.*, Covarruvias lib. 3. *variæ. cap. 7. num. 5. vers. Ego sane*, Azorius *instit. part. 3. lib. 10. cap. 5. q. 1.*, Lessius lib. 2. *de just. cap. 22. num. 18.*, Reiffenstuel. *ad tit. de usur. num. 157.*, Continuator prælati. *Henorati Tournely, part. 2. de contract. cap. 6.*, alique non pauci. Illum exadverso merum esse mutuum, census vestæ obiectum, ad occultandam usuram, contendunt Navarrus *cit. comment. de usur. num. 81.*, Molina *de just. tract. 2. disput. 387. num. 7.*, Guttierrez lib. 2. *practicar. q. 177. num. 7.*, Cardinalis De Lugo *de just. & jur. disput. 27. sect. 2. num. 25.*, Facchin. lib. 2. *contrrov. cap. 44.*, alique magni nominis Doctores: quoniam (inquiunt) ejusmodi censu personali non emitur jus ad percipiendam annuam pensionem, sicuti in reali, sed venditur ipsa pensio; quemadmodum enim is, qui, accepto pretio, se obligat ad dandum equum, reipsa vendit equum, & non merum jus ad equum, ita qui accepta certa pecuniæ summa, se, suamque personam obligat ad solvendam quotannis certam pensionem, dicitur vendere ipsam pensionem; Quamobrem censum personalem ementi, aurum ex auro, per se, & immediate nasceretur, in quo tota consistit usu-

stet usurarii contractus nequitia, sicuti dicitur in *can. Sicut*, 8., *vers. Interdum, dist. 47*. Magis autem prædictis Auctoribus usuræ labe sœdatus videtur census personalis utrinque redimibilis, qui, ablato verborum cortice, aliud esse non deprehenditur, quam purum putum mutuum: & profecto, si, teste Fagnano in *cap. In civitate*, num. 16. *de usuris*, fere omnes Canonistæ melioris notæ periculosam latentur emptionem census realis ad certum tempus, & ideo Innocentius omnibus Fidelibus consulendum ait, ut ab hujusmodi contractu abstineant, additque præterea Conradus hortandos esse Magistratus, ut illum prohibeant, eo magis deterrendi erunt Fideles a contrahendis censibus personalibus utrinque redimibilibus, qui certe majorem præferunt usuræ speciem, quam census reales ad certum tempus.

5 Sed superfluum est censum personalem novis argumentis insectari, quem jam proscripsit S. Pius V. in *laudata Constit. Cum onus*, ubi ad census honestatem, inter ceteras condiciones, hanc quoque requirit, ut census constitutur in re fructifera, non qualicumque, sed immobili, certa, ac nominatim designata. Quapropter etiam Auctores, qui censum personalem, ejus natura inspecta, ab usuræ suspitione vindicant, ingenue tamen fatentur, eum licite fieri non posse, ubi præfata Pii V. Constitutio est recepta; quod tamen in Gallia, Belgio, & Germania non contigisse, affirmant Lessius *cit. cap. 22. num. 20.*, Haunoldus *de just. tract. 10. num. 316.*, Pirhing *ad tit. de usur. num. 35.*, Wiestner *ibid. num. 81*. Verum, quamvis Nos sciamus, eundem summum Pontificem, supplicante Catholico Rege Philippo II., indulgisse Hispanis, ne ad usuræ Constitutionis, quoad eas condiciones, quæ juris naturalis, aut Divini non sunt, exactam observationem adstringerentur, sicuti narrant Gutierrez *cit. q. 177. in fin.*, & Felicianus De Solis *lib. 1. de censib. cap. 7. num. 2.*, nec dubitemus, ab eadem obligatione potuisse, contrario usu, seu legitime præscripta consuetudine, ceteras eximi nationes; vehementer tamen suspicamur, in censu mere personali, præsertim utrinque redimibili, eas desiderari condiciones, quas non solum Pontificia Constitutio, verum etiam ipsum jus naturale, & Divinum exposcunt, ne sit larvatus contractus mutui, & præterea coram Deo usurarius.

6 Sed quoniam nulla hæcenus hac de re ab Apostolica Sede prolata est sententia, non decet, ut Episcopus in sua Synodo censum personalem declaret ex natura sua usurarium; sed si præsit diocesi, ubi prædicta viget S. Pii V. Constitutio, urgebit ejusdem observationem, curabitque pro viribus, ne personales census in eam clanculum inducantur; si vero diocesim gubernet, in qua Piana Constitutio non est moribus recepta, serio Fideles monebit, atque hortabitur, ut a censibus personalibus abstineant, eo quod, etiam sola spectata eorumdem indole, usuræ periculo, & suspitione non vacent.

7 Post census, consideranda occurrunt *cambis*; est autem cambium permu-

permutatio pecuniæ, cum moderato Campforis lucro; quod tribus modis fieri potest: vel scilicet permutando pecuniam præsentem cum alia diversæ speciei, puta auream cum argentea: vel numerando Campfori pecuniam in uno loco, puta Romæ, restituendam in alio, puta Parisiis: vel contra accipiendo ab ipso Campfore pecuniam Romæ, ut illa eidem restitatur Parisiis. Primum dicitur cambium *minutum*, & *manuale*; alia duo appellantur *cambia localia*, & *per litteras*, eo quod numeranti pecuniam Romæ, litteræ tradantur directæ ad alterum Campforem, seu Mercatorem commorantem Parisiis, cui restitutio ibidem facienda committitur. Ex quolibet ex his cambiis licere Campfori aliquid lucrari, Doctores omnes consentiunt: quia lucrum, quod percipit, non ex mutuo, sed ex aliis provenit legitimis titulis, quos præ ceteris expendant Sotus *lib. 6. de iust.*, *quest. 10. art. 2.*, Navarrus *manual. cap. 17. a num. 289. usque ad 295.*, Joannes Medina *de cambiis, quest. 4.*, & Molina *de contrahibus, tract. 2. disput. 404.* Necesse tamen est, ut in cambio locali vera fiat pecuniæ translatio, aut saltem, ut qui pecuniam accipit, serium habeat animum, illam alibi restituendi: si enim sciret, eo ipso in loco, ubi accepta est, fore restituendam, quamvis cambii litteræ alio directæ fingerentur, sub cambiis specie, vera lateret usura, quæ hominum quidem iudicium effugere, Deum autem eludere non posset. Et de hoc cambio, quod *fictum*, & *ficum* appellantur, ea sunt intelligenda, quæ adversus cambia statuit clar. mem. Cardinalis Lanfredinus in sua *Dioecessana Synodo Cingulana, habita die 6. Augusti 1736. cap. 14.*

8. Hæc manifesta sunt, & vix ulli obnoxia difficultati: alia captiosa adinventæ est species cambii, quod vocant *obliquum*: Titius indigens mille aureis, mutuos eos petit a Cajo, qui cum consueverit negociari, & negotiatione pecuniam suam augere, renuit indulgere petitioni Titii, a quo ratione mutui, nihil potest exigere: quia vero Titius Cajum urgere non cessat, res inter eos, in hunc modum componitur: Titius mutuos accipit a Cajo prædictos mille aureos, neque, mutui causa, quidquam se Cajo, ultra sortem, soluturum promittit; ut tamen Cajo damnum rependat, quod ex dato mutuo subit, dat ei facultatem, æquivalentem pecuniæ summam, sive a semetipso, sive ab alio, per cambii contractum, accipiendi, eamque ad negotiationem destinandi, simulque Titius se obligat ad solvendum Cajo, donec ei mutuum restituat, quidquid ratione cambii impendit, aut impendere deberet, si prædictos mille aureos a Campfore accepisset. Quandoque etiam ipsemet Titius mutuarius assumit sibi onus, cambiis negociandi tantam pecuniæ summam, quantam mutuum accepit a Cajo, in commodum tamen, & utilitatem ejusdem Caji, cui quotannis solvit quantum ex cambiis lucratur, aut lucrari posset, donec ei mutuum restituat. Si primo modo res peragatur, pertinet ad Cajum mutantem probare, cambii litteras revera a se transmissas, seu mille aureos se fuisse per cambium ab alio consecutum, sed si Titius mutuarius onus in se suscepit,

cepit, summam ei æquivalentem, quam a Cajo mutuam accepit, cambiis activis negotiandi; tunc aut stetit promissis, aut non: Si primum, Cajus creditor iuste percipit fructus, seu pecuniæ accessiones a cambiis productas: Si secundum, quamvis tunc nihil ex cambiis consequatur, eosdem tamen fructus a Titio requirit, titulo *ejus quod interest*, seu damni quod subit, ex eo, quod Titius susceptæ obligationi non satisfecerit, juxta decisionem 829. *Romana Rota coram Dunozzetto jun.* Et quia hic posterior modus securiorem reddit mutuantem, cui duplicem aperit viam ad consequendum auctarium mutuatæ pecuniæ, hac de causa frequentius adhibetur.

9 Præmissa hac cambii obliqui notione, quam præbet Cardinalis De Luca lib. 5. tit. de cambiis, in Sum. par. 2. num. 16., facile est suspicari, prædictas involutas ambages, esse unice excogitatas, ad palliandam usuram, quæ nihilominus non satis occultatur, & magis adhuc aperte se prodit, cum contractus, secundo ex recensitis modis initur: quid enim absurdius, quid incredibilius fingi potest, quam quod Titius indigens mille aureis, quos mutuos accipit a Cajo, totidem statim habeat paratos ad nundinas transmittendos, atque in activa cambia erogandos, in mutuantis Caji utilitatem? Et nihilominus non desunt Auctores, qui pro ejusmodi cambiorum tuenda iustitia decertant, inter quos Cardinalis De Luca de cambiis, disc. 3. num. 5., disc. 5. num. 8., disc. 23. num. 9., Ansal. de commerc. & mercat. disc. 65. num. 46. & seqq., Rota Bononien. apud Urceol. de transact. quest. 40. a num. 23. usque ad fin., & Rota Romana decis. 1. lib. 8. ad Ornat. Card. De Luca, & decis. 323. & 695. cor. Malines.

10 Verum quidquid sit de foro externo, in quo fortasse ita res gesta præsumitur, sicuti in contractus stipulatione describitur, in foro tamen interno, ubi sola spectatur veritas, si pecunia accepto mutuo respondens, neque a mutuantem, neque a mutuatario, juxta prædictas diversis pactiones, fuerit ad nundinas transmissa, seu in cambia activa erogata, nec unquam in alterutrius animo fuit, eam ad nundinas transmittere, seu in cambia erogare, minime dubitandum est, cambium esse illicitum, turpe, & usurarium, ac propterea e Christiana republica prorsus eliminandum. Non enim vero negamus, posse mutuantem, qui solet pecuniam suam negotiatione augere, aliquid percipere a mutuatario, titulo *ejus quod interest*, hoc est lucri cessantis, aut damni emergentis; sed cum hic legitimus adest titulus aliquid ultra mutuatam sortem exigendi, is erit ingenue adducendus, neque recurrendum ad prædictos cambii obliqui anfractus, qui vehementem ingerunt suspicionem fraudis, & doli; quamobrem clar. mem. Cardinalis Marcellus De Aste Episcopus Anconitanus, in suo Pastoralis monito, edito post Constitutiones Synodales Cardinalis Bartholomæi Massei, ejusdem urbis Episcopi, evulgatas anno 1738. pag. 165. & seqq., suas oves serio est dehortatus a cambiis obliquis, quæ mera esse deprehendit tegumenta usuræ; Nec inopportunitum existimamus, ut quilibet Episcopus, ad eradi-

eradicandum e sua dioecesi eorumdem cambiorum abusum, simile moni-  
tum formet, suisque inserat Synodalibus Constitutionibus.

## C A P U T X L I X.

*A Cambiis localibus activis, omnique alia quæstuoſa negotiatione,  
quantumvis in ſe licita, & Laicis permiſſa, per Synodalem  
ſanctionem, cobibeantur Clerici.*

**E**X illicitis cambiis iterum ad localia licita redeuntes, hæc a  
Laicis impune exerceri poterunt, non vero itidem a Clericis,  
quibus vetitum eſſe, cambiis activis operam dare, ſtatim demonſtrabimus.  
Nihil eſt antiquius in Eccleſia, lege, Clericos interdicante, omni ſæcu-  
lari cura, & quæſtuofa negotiatione, quo liberius poſſint orationi vacare,  
& ad Eccleſiaſtica, quibus addiſti ſunt, miniſteria incumbere, quod plu-  
ribus probat Theophilus Raynaudus in diſcept. de Religioſo Negotiatore.  
Quinimmo tam ipſe Raynaudus in ead. diſcept. ſ. 3., quam Franciſcus Do-  
minicus Granulettus in apologia, quam compilavit pro lege Divina probi-  
bente Clericis mercaturam, eam prohibitionem a jure Divino promanſiſſe  
contendunt. Septimus inter Canones, dictos Apoſtolicos, (ex recenſ. Co-  
telerii 7. al. 4.) ſic ſe habet ex verſione Dionyſii Exigui: *Episcopus, aut  
Presbyter, aut Diaconus, nequaquam ſæculares curas adjuſmat: Sin aliter, de-  
ficiatur: Cyprianus epiſt. 66. teſtatur ſuo ævo, Clericos ab omni commer-  
cio civili fuiſſe avocatos: Quæ nunc ratio (ait) & forma in Clero tenetur,  
ut qui in Eccleſia Domini, Ordinatione Clerica promoventur, in nullo ab admi-  
niſtratione Divina avocentur, nec moleſtiis, & negotiis ſæcularibus alligentur;*  
cujus quidem diſciplinæ adeo tenax fuit idem Cyprianus, ut cum audierit,  
a Geminio Viſtore, de ſæculo excedente (quem Pamelius ſuſpicatur  
fuiſſe Episcopum Eccleſiæ Furnitanorum) quemdam Geminium Fauſtinum  
Presbyterum fuiſſe, teſtamento ſuo, tutorem nominatum, in ead. epiſt.  
ad Clerum, & plebem Furnitanorum data, juſſit, ut contra Viſtorem ſen-  
tentiam exquerentur canonis Africani, quæ erat: *Ne pro dormitione  
ejuſ ſeriet Oblatio, aut deprecatio aliqua nomine ejus in eccleſia (pro more tunc  
temporis uſitato) frequentaretur. Neque enim (ait) apud altare Dei mere-  
tur nominari in Sacerdotum prece, qui ab altari Sacerdotes, & Miniſtros voluit  
avocare.* Atque ut propius ad quæſtuofam negotiationem accedamus,  
Concilium Carthaginenſe III., anni 397. can. 15. (tom. 1. collect. Hard.  
col. 963.) ſtatuit: *Placuit, ut Episcopi, & Presbyteri, & Diaconi, vel Cle-  
rici non ſint Conductores, neque Procuratores Privatorum, neque ullo turpi, vel  
inhoneſto negotio victum querant; quia reſpicere debent ſcriptum eſſe: Nemo mili-  
tans Deo implicat ſe negotiis ſæcularibus: Concilium Arelatenſe II., circa  
annum 452. can. 14. (tom. 2. collect. Hard. col. 774.) decrevit: Si quis Cle-  
ricus pecuniam dederit ad uſuram, aut conductor aliena rei voluerit eſſe, aut tur-  
pis lucri*



pis lucri gratia aliquid negotiationis exercueris, depositus a Clero, a communione alienus fiat; Patres vero Concilii Chalcedonenlis can. 3. se molestissime audivisse ajunt. Quod quidam, qui in Clero videntur adlecti, propter lucra, turpia conductores alienarum possessionum fiant, & secularia negotia sub cura sua suscipiant; idque fieri eodem canone vetant. Conciliis consentiunt antiqui Ecclesiae Patres, e quibus Hieronymus *epist. 2. ad Nepotianum relat. in can. 9. dist. 88.*, Clericum negotiationi vacantem, quasi excommunicatum fugiendum suadet: *Negotiatorem Clericum, & ex inope divitem, ex ignobili gloriosum, quasi quamdam pestem fuge*: Auctor quaestionum veteris, & novi Testamenti, inter opera Augustini *cap. 127. relat. ead. dist. can. 10.*: Fornicari (ait) omnibus semper non licet: negotiari vero aliquando licet, aliquando non licet. Antequam enim Ecclesiasticus quis sit, licet ei negotiari; factum jam, non licet. Severus Sulpitius *hist. lib. 1. cap. 23.* Clericos turpi quaestui inhiantes, ita objurgat: *Tanta hoc tempore animas eorum habendi cupido, veluti tabes incessit: imbiant possessionibus, pradia exculant, auro incubant, emunt, venduntque, quasi per omnia student.* Quare Gelasius Papa, ut hanc Clericorum immoderatam aviditatem compesceret, *epist. ad Episcopos per Lucaniam, Brutus, & Siciliam constitutos, cap. 15. relat. in can. 1. XLV. q. 4.* Clericos, qui deinceps negotiationi operam darent, ab omni Ecclesiastico ministerio arcendos, decrevit: *Clerici, aut ab indignis quaestibus moveris abstinendum, & ab omni cujuslibet negotiationis ingenio, vel cupiditate cessandum; aut in quocumque gradu sint positi, si cessare noluerint, mox a Clericibus officiis abstinere cogantur*; Cujus veltigii inhærens Alexander III. (*in cap. 6. Ne Clerici, vel Monachi*) sub interminatione anathematis prohibuit, *ne Monachi, vel Clerici, causa lucri negotentur*, ejusque Constitutionem instauravit Clemens V. in *Clemen. I. §. Adversus vero, de vit. & honest. Clericorum*.

2. Verum quædam sunt species negotiationis improprie talis, Clericis minime interdictæ, quas diligenter expendunt Theophilus Raynaudus in *cit. discept.*, Gonzalez in *cit. cap. 6. Ne Clerici, vel Monachi, num. 6.*, Pannimoll. *decif. 6. annot. §. part. 1.*, & Episcopus Perimezzius in  *suis Canonic. allegat., part. 3. allegat. 3.*: Istarum præcipua est, qua quis manuum suarum labore, & honesto artificio, victum sibi comparare studet: hanc approbavit Apostolus Paulus *Act. 20.*, de se ipso dicens: *Ipsi scitis: quoniam ad ea, qua mihi opus erant, & his, qui mecum sunt, ministraverunt manus istæ*; & 2. ad Thessalonic. 3. scribens: *Neque gratis panem manducavimus ab aliquo, sed in labore, & in fatione, nocte, & die laborantes, ne quem vestrum gravaremus*; Ad sanctissimi porro Apostoli Pauli imitationem, plerique venerabiles Antistites, & Sacerdotes, susceptæ Divini verbi prædicationi, sacrisque Ecclesiae ministeriis externam manuum operam adjungebant, quæ nec a dignitate ipsorum, nec ab Ecclesiae cura, quam perpetuam gerebant, abhorreret, eaque ratione, cum sibi metipsis vitæ subsidia parabant, tum aliis egentibus operis sui quantum impertiebantur, sicuti narrat Epipha-

nus hæresi LXXX. num. 6. Et profecto de Zenone Episcopo Majumæ in Palestina memoriæ prodidit Sozomenus *lib. 7. cap. 28.* eum jam senem, ac centum circiter annos natum, certum tempus, lineas vestes texendi artificio dedisse, eoque & sibi metipsi, & pauperibus necessaria subministrasse tametsi Ecclesiam divitem, & opulentam haberet. De Spyridone Episcopo Trimithuntis in Cypro, referunt Rufinus *lib. 10. cap. 5.*, & Socrates *lib. 1. cap. 12.*, quod cum antea Pastor ovium fuisset, in isthoc vitæ genere, ex singulari animi moderatione, omnem ætatem suam transegerit: Monachos pariter Abbatibus Aphtonii exercuisse omnes artes, atque ex venditis opificiis victitasse: Quod vero supererat, per mulierum monasteria, & carceres distribuisse, scribit Palladius in *Aphthonio, hist. Laus. cap. 39.* Atque, ut innumera ejusdem rei prætereamus exempla, Concilium Carthaginense IV., *can. 52. (tom. 1. collect. Hard. col. 982.)* jubet, Clericos vestitus, & vestitus sibi, artificulo, vel agricultura, absque officii sui detrimto, parare. Altera improprie negotiationis species, Clericis permixta, est vendere res, ex propriis prædiis collectas, suæque sustentationi superfluas, in quo sensu dixit Auctor operis imperfecti in *Matthæum, hom. 38.* omnes homines esse negotiatores, quia omnes coguntur res, quibus abundant, cum aliis, quibus carent, permutare. Licitum quoque esse Ecclesiasticis, e rebus ad propriam, & familiæ sustentationem coemptis, quæ supersunt, etiam carius, quam emerint, vendere, modo iusti pretii non prætergrediantur limites, jure tradunt Gonzalez in *cir. cap. 6. num. 6.*, Rebell. de oblig. just., part. 2. *quest. ultim. num. 2.*, Molina de just., disp. 342. *conclus. 2.*, Gutierrez de gabel. *quest. 39. num. 16.* Cetera, quæ, absque veræ negotiationis nota a Clericis exerceri queunt, iidem Auctores enucleate explicant.

3 Quoniam tamen Clerici quæstui inhiantes facile sibi persuadent, hunc, aut illum contractum, ipsis ceteroquin prohibitum, intra classem contineri negotiationis minus proprie talis, & quod deterius est, facile Theologos inveniunt, falsæ eorum opinioni patrocinantes, necesse propterea est, ut interdum Episcopus eorum immoderatæ aviditati obstitat; sed si res dubia sit, priusquam hunc, aut illum contractum Clericis vetitum declaret, explorare debet, quid de illo senserit sacra Congregatio Concilii, cujus in hanc rem plura decreta simul collecta referunt Fagnanus in *cap. Multa, ne Clerici, vel Monachi*, Natalis Alexander *epist. 23. post tom. 1. Theolog. dogmat. & moral.*, Passerinus de stat. homin. *tom. 2. quest. 187. n. 189.*, & Monacell. in *formul. legal. tom. 3. pag. 149.* Quod vero speciatim ad rem præsentem spectat, tuto, & absque ulla hæsitacione declarare potest, cambiam activam, ad veram, & propriam pertinere negotiationem, Clericis prohibitam, quemadmodum docuerunt Abbas in *cap. 1. num. 12. vers. Ex his nota, Ne Clerici, vel Monachi*, Redoan. de spoliis *quest. 2. num. 6.* & *quest. 15. num. 15.*, Bellet. *disquisit. Cleric. par. 1. tit. de disciplin. Cleric. §. 21. num. 19.*, & sæpius decisum fuit a Rota Romana, præcipue *decis. 173.*

num. 6.

num. 6., *decif. 251. num. 5. & feqq. part. 14. rec. & decif. 209. num. 19. par. 12. recent.* Quapropter, etfi cambium activum a Clerico initum validum fit, neque ex eo quod est illicite egerit, propterea abfolvatur debitor ab obligatione folvendi, quod ftipulatione promifit, ficuti advertit Cardinalis De Luca *de cambiis, difc. 18. num. 7.*, & refpondit Rota *decif. 378. num. 5. & feqq. part. 17. recent.*, & *decif. 353. num. 5. & 6. part. 19. recent.*; Attamen potelt Epifcopus in ipfum tanquam verum negotiatorem, ftatutis, a facris Canonibus, & Apoftolicis Conftitutionibus poenis, animadvertere, fuifque Synodalibus Conftitutionibus edicere, ne ullus in pofterum, in facrorum Canonum contemptum, id facere prefumat.

4 At nihilominus arbitranetur Clerici, nullo negotio fe poffe eas poenas evadere, fi nimirum cambii activi contractum, per interpositam ineant perfonam: Haud enim ignorant plurimos, gravesque Auctores opinari, fas effe Clericis, quamlibet quaeftuofam negotiationem, per alium exercere; tunc quippe, ajunt, non diftrahuntur a Divinis, nec cum proprii ftatus dedecore, implicantur faecularibus curis, qua fuit unica ratio, cur facri Canones omnem illis interdixerint negotiationem. Ita docuere Molina *traetat. 2. difp. 342. mem. 13.*, Leflius *de juft. lib. 2. cap. 21. num. 6. in fin.*, Layman *Theolog. moral. lib. 3. traetat. 4. cap. 17. §. 7. num. 40. verf. Preterea*, Theophilus Raynaudus *cit. difcept. num. 91.*, Cardinalis De Luca *de cambiis difc. 18. num. 8. circa med.*, Lazarus Benedictus Miglioruccius, facrorum Canonum in Fifana Univerfitate Profeflor *inftit. Canon. lib. 2. tit. 29. differt. 7. pag. 497. & feqq.*, alique plures. Huic eidem opinioni adhaerens faepius laudatus Altovitus, facrae Congregationis Concilii olim Secretarius, in quadam caufa Florentina, facrae Congregationi propofita die 29. Novembris 1681., Clericos etiam Sacris initiatos, cenfuit, & poenae & culpa reatum effugere, fi cambia activa contrahant, per interpositam perfonam, quamvis hanc opinionem minus tutam advertens, fuum fuffragium, hifce verbis conclufit: *Verum quidem est hunc negotiandi modum, per interpositam perfonam, licet non prohibitum, nec illivisum, non effe tamen decensem ftatui Clericali, ideoque non effe ad praxim deducendum.* De eodem juris articulo, ejufdem caufe occasione, difseruit Cardinalis De Luca in fuo speciali difcurfu, edito ab Epifcopo Zaulo *ad ftatus. Favent. tom. 1., 2. edit. Roman. anni 1723. pag. 166. & feqq.*, qui cum jam antea docuiffet, licere Clericis, etiam per femetipfos cambia activa contrahere, eo fortius illis permiffum cenfuit, & cambia, & quamlibet aliam negotiationem, per alium exercere; quia tamen optime providebat, hanc doctrinam, fi a facra Congregatione approbaretur, fcandalum parituram, ideo fub ejufdem difcurfus num. 60. facrae Congregationi auctor fuit, ne ullum hac de re refponfum daret; & reafpe neque tunc, neque die 23. Septembris 1686., qua eadem quaefio ejufdem facrae Congregationis examini fuit iterum fubjecta, ullum ab ea prodiit refponfum. Sed praedictam opinionem, quam Cardinalis De Luca, & Altovitus feftati fuerant, iterum poftea in trutina pofi-

tam, validissimis argumentis refutarunt Fatinellus Romanæ Curiae Prælat, morum integritate, & juris scientia præclarus in *ſuo reſponſo*. 6. n. 42. *tom. 2.*, & clar. mem. Cardinalis Acciajuolus, in quodam ſuo ſuffragio, exarato in cauſa Melevitana Synodi num: 26., & ſimiliter Romanæ Rotæ Auditorium, eadem rejecta, contrariam ſententiam eſt amplectatum, uti videre eſt in *deciſ.* 1. num. 9. tit. 43. *tom. 3. eorum bon. mem. Cardinali Falconerio*. Et recte quidem: quoniam juxta regulam 72. *jur. in 6.*: *Qui facit per alium, eſt perinde ac ſi faciat per ſe ipſum*; nec verum eſt, Clericos, per interpoſitam perſonam, cambiis, alteriſve generis negotiationi, vacantes, a curis liberari, quibus Negotiatores implicantur: Scimus quippe, experientia edocente, eos continuo anxios, & ſolicitos eſſe, de lucro, quod ex data alteri pecunia ſint reportaturi, plenoque timoris, ne a ſocio decipiantur. Neque contrariæ opinioni favet *canon. 18. Concilii Eliberitani*, ubi venia data, videtur ſacris Eccleſiæ Miniſtris, aliorum opera, & miniſterio, negotiationem exercendi, cum dixerit (*tom. 1. collect. Hard. col. 252.*): *Epifcopi, Presbyteri, & Diaconos de locis ſuis, negotiandi cauſa, non diſcedant, nec circumvenientes provincias, quaſtuſas nundinas ſeſtentur*. Sane ad victum ſibi conquirendum, aut filium, aut libertum, aut mercenarium, aut amicum, aut quemlibet mittant; & ſi veluerint negotiari, intra provinciam negotientur: Siquidem, ſi vel ſola conſideretur, quæ ea ætate vigeat Eccleſiaſtica diſciplinæ ſanctitas, & præ oculis habeantur, quos indicavimus, vetuſtiſſimi Eccleſiæ Canones, ſacros altaris Miniſtros ab omni turpis quaſtus ſuſpicionem, quam longe abeſſe jubentes, facile eſt conjicere, Eliberitanos Patres de ſola loquutos honeſtiſſima negotiatione, tunc temporis uſitata, qua ſcilicet ſanctiſſimi Antifſiſtes, alique inferioris ordinis Sacerdotes ex artiſciolis, proprio labore conſectis victum ſibi, & pauperibus comparabant, ſimulque edixiſſe, ne ad hanc, licet innoxiam exercendam, iidem extra provinciam vagarentur.

§ Sed ſupervacaneum eſt pluribus de hac quaſtione diſſerere, quam Nos, ſtatim ac ad ſupremum Eccleſiæ Pontificatum eveſti fuimus, defini- vimus: neceſſarium quippe reputantes, novæ legis freno cohibere inſatiabilem Clericorum cupiditatem divitias accumulandi, noſtris Apoſtolicis litteris, datis die 25. Februarii 1741., quæ habentur *tom. 1. noſtrar. Conſtit. Conſtit. 13.*, declaravimus, & ediximus, nullam negotiationem, alias Clericis prohibitam, poſſe ab iſdem, ſub alièni nominis velamine, exerceri, eique, etiam per alios, operam dantes obnoxios fecimus poenis, quæ a ſacris Canonibus, & Conſtitutionibus Apoſtolicis ſtatutæ ſunt, contra Clericos negotiatores. Quocirca cum controverſia Apoſtolicæ Sedis judicio, dirempta jam ſit, tuto poterunt Epifcopi id ipſum in ſuis Synodis iterum decernere, & Clericos, per interpoſitam perſonam, cambia activa contrahere præſumentes, ad ſacrorum Canonum normam, punire.

## CAPUT L.

*Quid sentiendum de Contractu, quem vocant trium Contractuum :  
An a Synodo permitti, an potius proscribi debeat.*

**P**ostquam Clericis ab omni, etiam in se licita negotiatione propriæ tali, omnino abstinendum diximus, indagandum restat, an Laicis inire liceat contractum societatis, cum *assurance* ( ut ajunt ) *Capitalis*, & *fructuum*, quem etiam *Contractum trium* appellant, quidque de illo ab Episcopo decerni queat, est indicandum. Contractus societatis generatim acceptus, est duorum, vel plurium conventio contribuendi ad commune lucrum, & damnum, secundum proportionem rerum contributorum; potest autem contribui, vel pecunia, vel opera, seu industria, vel instrumentum, puta Navis, Equus, Animalia &c., eaque omnia debent ad negotiationem destinari: nulla quippe, nisi ficta, potest esse societas, ubi nulla ex rebus a sociis collatis instituitur negotiatio, ex qua lucrum sperari queat. Ut autem societas justa sit, sicuti lucrum, ita & periculum, ac damnum debet, secundum eandem proportionem, esse singulis sociis commune: Nam, ut ait Ulpianus in leg. 29. ff. pro socio, si alter lucrum tantum, aliter damnum sentiret, societas diceretur *Levina*, ab apologo leonis, qui absque ullo sui periculo, aliarum ferarum venationis particeps esse voluit.

Ad ejusmodi vero periculum evitandum, atque unum ex sociis solius lucri participem, ejusque securum reddendum, hic ineunda societas modus est adinventus: Titius init contractum societatis cum Sempronio Mercatore, cui mille aureos tradit, e quibus probabiliter sperat, se centum, & triginta lucraturum: Sed metuens Titius, ne una cum sperato lucro, etiam Capitale amittat, alium contractum init cum eodem Sempronio, cui condonat sexaginta aureos sperati lucri, ut, qualicumque sit futurus negotiationis exitus, ipsi caveat de securitate Capitalis mille aureorum; rursusque secum reputans Titius, melius sibi fore, aliquod moderatum lucrum, sed certum habere, quam pinguius, sed incertum, expectare, tertium contractum cum eodem Sempronio init, quo eidem remittit alios viginti aureos, sperati lucri, ut quinquaginta residuos ei solvat, sive negotiatio bene, sive male succedat. Obstringitur itaque hisce contractibus Sempronius, ad reddendum Titio, intra certum tempus, integram fortem, idest summam mille aureorum salvam, & quinquaginta insuper aureorum incrementum.

Hic porro est trius ille contractus, quem celebrem fecit, exorta inter Dominicum Sotum, & Martinum Navarrum discordia: putabat nimirum Navarrus, tres prædictos contractus simul, & cum eadem persona, tuto conscientia iniri posse, atque ab usuraria pravitare immunes esse, ob

se, ob rationes, quas adducit in *su manuali*, cap. 17. num. 254. & *segg.*: Sotus exadverso assererebat trium illorum contractuum conjunctionem degenerare in mutuum foeneratium, & societatis leges, quæ lucri, damni-que communionem exposcunt, evertere, suamque assertionem pluribus propugnabat argumentis, quæ videri possunt in *ejus opere de justitia*, lib. 6. *quest.* 6. art. 2. Causa delata est ad Sixtum V. Pont. Max., qui diligenter quæstione discussa, duplicis securitatis pactionem societati adjectam, usurariam pronuntiavit, eamque deinceps fieri prohibuit, sua Constitutione 68., quæ incipit *Detestabilis*, edita anno 1586. (tom. 4. part. 4. *Bullar.* pag. 263.)

4 Et nihilominus nondum causa finita est: Siquidem plures, & non obscuri nominis posteriores Theologi trinum contractum ab omni usuræ reatu absolvent, & licite etiam nunc fieri posse defendunt, inter quos Covarr. 3. var., cap. 2. num. 3., Lessius lib. 2. de just., cap. 25. dub. 3. num. 24., Franciscus Garcia de contract. part. 2. cap. 67., Cardinalis de Lugo de just. & jur., dispnt. 30. sect. 4., Gibalinus de usur., lib. 6. cap. 3. art. 4., Salmanticensis tom. 3. curs. moral., tract. 14. cap. 3. punct. 2. §. 2., Bonacina de contract. dispnt. 3. quest. 3. punct. 11. num. 2., Vanroy part. 3. tract. de contract., cap. 6. quest. 10.: Neque his negotium facessit contraria Constitutio Sixti V.: ajunt enim, Cardinales Toletum, & S. Severinæ, quibus concinnandæ Constitutionis cura fuerat a Pontifice commissæ, testatos esse Patri Stephano Tuccio, Societatis Jesu, Sixti mentem fuisse, damnare dumtaxat conventiones, & pacta, quæ in se injusta, illicita, & usuraria forent, non vero quæ omni usura vacare, probarentur, quod refert Comitulus *responf. moral.*, lib. 3. quest. 12. num. 3. hisce verbis: *Cardinalis Toletus, & Cardinalis S. Severina, quibus munus mandatum fuit a Sixto V. componenda legis, scilicet bullæ, Detestabilis, affirmarunt Patri Stephano Tuccio Theologo Societatis Jesu, ut is daret ad me litteris testatus est, noluisse Sixtum sua lege prohiberi, nisi injustos societatis contractus; quare qui ante legem laram justii erant, post latam quoque licere*: At ante legem a Sixto latam, pergunt præfati Doctores, injusta, & usuraria erat societas, in qua periculum Capitalis, & lucri rejicitur in alium socium, virtute solius contractus societatis; non autem, quæ vi duorum, qui societati superadduntur, contractuum, unum socium securum reddit Capitalis, & alicujus partis lucri: hic quippe hanc securitatem emit ab altero socio, qui libere, & sponte ad eam se obligat, & tanquam præstite cautionis pretium, assequitur illud longe majus lucrum, quod primus, ex collata in negotiationem pecunia probabiliter sperare posset. Ita pariter sensisse addunt celebrem Romanæ Rotæ Auditorem Joannem Baptistam Coccinum in una Romana Societatis 3. Junii 1602., cuius sententiam idem sacræ Rotæ tribunal constanter tenuit, pluribusque confirmavit decisionibus, in quibus ratam habuit contractum trinum.

5 At præfatis Doctoribus contradictores se præbent Genett. *Theolog. moral.* tom. 1. tract. 4. cap. 14., Natalis Alexander *Theolog. dogmat. & moral.* edit

edit. Parif. tom. 8., cap. 7. art. 5., regul. 23., Auctor differt. edit. Lugduni anno 1673. de *ufuraria trium contractuum pravitate*, Aurelius Pietre tom. 4. de *contract.*, quæft. 4. §. 2., Saintebeuve caf. 185. tom. 2. *refolut.*, Auctor *Theolog. moral. ad ufum Seminarii Petrosorianfis*, tom. 2. lib. 4. cap. 8., Gabriel Antoine tom. 3. *tract. de contract.*, cap. 8. quæft. 3., Continuator *praefect. Tournely*, part. 2. de *contract.* cap. 4. art. 1., & nuper Daniel Concina in opere, cui titulus: *Ufura contractus trini differtationibus Hiftorico-Theologicis demonftrata*, aliique, quibus abfonum videtur opinari, Sixtum V. in Conftitutione, quam edidit ad terminandam controverfiam, inter Sotum, & Navarrum, fumma contentione agitatam, circa illum contractum trinum, de quo in præfens eft fermo, verbis uſiſſe; & quæſtionis nodum, non ſolum non ſolviſſe, ſed ne attigſſe quidem. Ex aſſertione autem Cardinalium Toleti, & S. Severinæ, aliud non inferri autumant, niſi quod Sixtus noluerit legem novam rogare, ſed contractum proſcribere, quem deprehenderat jam in ſe turpem, & uſuræ labe ſœdaturum: Equidem cum tempore Clementis VIII. compilandus eſſet liber ſeptimus Decretalium, fuit dubitatum, an illi inferenda foret prædicta Sixtina Conſtitutio, atque in Congregatione habita die 12. Novembris 1593. deliberatum, non eſſe inferendam, eo quod nihil novi in ea decernatur, ſed contractus reproberetur in ſe ſœneratitius, jam a jure communi proſcriptus, ſicuti colligitur ex Actis Congregationum, ea ſuper re habitaram, quæ aſſervantur in archivo Arcis Sancti Angeli. Quod autem contractus trium contractuum ſit in ſe ſœneratitius, evidenter patere, prædicti Auctores arbitrantur: quoniam conferens pecuniam, rejecto periculo in accipientem, cenſetur mutuum dare, & pecuniæ dominium in eundem accipientem transferre, cui reiſpſa perit, ſi pereat. Neque ad rem facere videtur, quod accipiens pecuniam obligetur ex pacto, ad eam erogandam in negotiationem, quod non contingit in vero mutuo, cujus ratione, ita mutuatarius ſit dominus acceptæ pecuniæ, ut eam pro ſuo libito, in quemcumque uſum impendere valeat: Etenim ea pacto, & inde orta obligatio videtur apparens, atque unice appoſita ad obtegendam uſuram, quia revera nihil intereſt ejus, qui pecuniam tradit, habita cautione, & pecuniæ, & lucri, an illa ab accipientem, in negotiationem, vel in alium quemcumque uſum impendatur. Addunt præterea trini contractus obtentu, omnes leges eludi, uſuras prohibentes, cum petenti mutuum quilibet reſpondere poſſit: nolo mutuum dare, ſed ſocietatem tecum inire, ſub pacto, ut me de ſorte ſecurum facias, & ob majus lucrum, quod ex negotiatione probabiliter ſpero eventurum, aliquod minus, ſed certum, mihi tradendum promittas. Sciunt ſane, etiam hunc contrahendi modum approbati a Navarro cit. loc. num. 255., at non ita ſenſiſſe clamitant Gregorium IX. in cap. *Naviganti*, de *uſuris*, cum ait: *Naviganti, vel eunti ad nundinas, certam mutui pecunie quantitatem, pro eo quod ſuſcipis in ſe periculum, recepturus aliquid ultra fortis, uſurarius eſt cenſendus*; Siquidem (inquiunt) ſi Pontifex ſœneratorem pro-

promittantur, qui non aliter pecuniam vult mutuam dare Mercatori maritimo, quam subeundo ejusdem pecuniae periculum, ut hac ratione, aliquid ultra sortem, a mutuuario percipiat, quemadmodum praedictum Textum expedites adnotarunt S. Antoninus 2. p. cap. 7. §. 21. tit. 7., Sylvester V. *Usura* 1., §. 35., Molina de *contract.*, disp. 318. num. 1., & Gonzalez in *cod. cap. Naviganti*, num. 8.; multo magis usurarius erit, qui non aliter vult societatem intrare, nisi rejecto in socium sortis periculo, & accepta insuper ab eo securitate alicujus lucri; Neque vero audiendos volunt Auctores, relatos a Gibalino de *usuris*, lib. 2. cap. 4. art. 3. num. 25., existimantes in allegatum Textum irreplisse mendum, & legendum, *usurarius non est censendus*; huic quippe explicationi, teste eruditissimo Gonzalez *ibid.* num. 7. in *fin.*, repugnat omnium codicum fides, in quorum nullo invenitur particula *Non*, sed Textus legitur, sicuti habetur in vulgata Decretali.

6. Hæc sunt præcipua rationum momenta, quæ in utramque partem adducuntur; Neque Apostolica Sedes priori opinioni, etsi minus congruere videatur Sixtinæ Constitutioni, ullam hæcenus censuram inussit, a qua proxime eidem infligenda debet Episcopus abstinere: Ad usum vero quod attinet, tuto poterit contractum trinum, quem etiam ejusdem Patroni periculosum fatentur, pro viribus impedire, atque ab eo ineundo suos subditos dehortari, quod a plerisque Episcopis, in suis Dioecesanis Synodis sapientissime factum, referunt cit. Genett. tom. 1. traç. 4. cap. 14., & Natal. Alexand. *epist.* 94. in *appendic. ad tom. 2. sua Theolog. moral.*

## CAPUT LI.

*Contractus cujuslibet dioecesis proprii, & peculiares in Synodo examinentur.*

1. **Q**Uoniam impossibile foret, singulos recensere contractus, quos versutorum hominum nequitia in dies excogitat, ad larvandas usuras, Episcopos generatim monemus, ut cum aliquem pecuniarem contractum, alibi mulatum, in commissis sibi dioecesibus, fieri animadvertunt, quem ipsamet impleta, atque involuta illius ineundi formula suspectum reddit, eum, accitis in consilium Theologis, diligenter examinent, & si usurae labe foedatum repererint, statim prohibeant. Prædictum id fuisse a sæpius laudato Præsule Bonaventura, Episcopo Montis Falisei, & Corneti, narrat Franciscus Gervasius in *supra cit. ordine Synodi*, quo teste, vigilantissimus ille Antistes, in Congregationibus suæ Dioecesanæ Synodo præviis, Theologorum judicio subjecit plures contractus, in sua civitate, & dioecesi usuratos, e quibus, qui, aut manifeste sceneratitii, aut occulti sceneris suspecti sunt ab illis renuntiati, Synodali Constitutione interdixit.

2. In nonnullis dioecesibus frequentes sunt contractus, vulgo nuncupati



ti *Collatici*, qui sunt hujusmodi: Pro quolibet bove terram arante, tradito bubulco, seu colono, solvitur domino bovis certa portio frumenti, hac tamen adjecta lege, ut si bos naturaliter moriatur, damnum sit domino, & bubulco commune; si vero pereat culpa ejus, cui traditus est, is totum damnum subeat. Hic contractus, de quo fufe Clericat. in *miscellan.*, *decif.* 30., *per tot.*, invaluerat in dioecesi Amerina, & quia poterat, primo aspectu, aliquam nsuræ suspicionem ingerere, ut eam eluerent providi Episcopi Amerini, illum Theologis sedulo discutiendum commiserant; cumque ab his accepissent, usuræ flagitio vacare, contractum, nri antea consueverat, etiam in posterum fieri permiserunt; sed quo magis dolis, & fraudibus occurrerent, nonnullas conditiones in eo adhiberi jusserunt, quas etiam approbavit sacra Congregatio Concilii die 6. Decembris 1730. *Theaur. Resolut. tom. 5. pag. 86. & 87.*

3 In nostra dioecesi Bononiensi, aliisque finitimis urbibus, frequentissimus est contractus, qui dicitur *Pactum francandi*: Titius vendit domum, seu prædium Sempronio, cum pacto redimendi rem venditam, quam tamen non tradit Sempronio, sed sibi retinet, tanquam ejusdem conductor, solvitque propterea emptori mercedem conventam, donec illam redimat. Contractus ejusmodi, cujus meminit Rota Bononiensis apud Gypsum *decif.* 119., reputatur licitus: Etenim cum illicitum non sit, rem vendere cum pacto redimendi, neque illicitum erit, eidem adjicere alium contractum locationis, & conductionis, qui præcedentem venditionem non destruit, sed confirmat, quemadmodum ratiocinatur Anfaldus *decif.* 463. *num. 4. & seqq.*

4 At nonnulla sunt, quæ contractum venditionis, cum pacto redimendi, vitare possunt: Et primò quidem, si in illius stipulatione facultas, quæ datur venditori, rem venditam, quodcumque voluerit, redimendi, gravetur onere eam redimendi majori pretio, quam ipse vendiderit, contractus erit injustus; quamquam enim Leotardus *de usuris, quest.* 15. *num. 10.*, etiam hanc pactionem licitam tueatur, rectius tamen alii, usurarium præsumendam, contendunt, addentes, quod si hæc præsumptio aliis adjuvetur conjecturis, sine ulla hæsitatione, debeat in foro externo absolute usuraria pronuntiari, ob regulam Textus in *cap. Illa nos, de pignoribus*, quam ad rem exornat Anfaldus *cit. decif. num. 6.* Secundò, si venditio fiat cum pacto redimendi, intra certum tempus, quo elapso, non sit amplius locus retrovenditioni, manifestam pariter redolet usuram: Siquidem ejusmodi pactum efficit, ut contractus induat naturam pignoris, quod observavit Mantica *de tacis, lib. 4. tit. 31. num. 68. & seqq.*; & quamvis non indueret naturam pignoris, adhuc a justitia deficeret, si obtentu pacti redimendi, venditio fieret, infra limites justii pretii, neque haberetur ratio oneris impositi venditori, fundum redimendi, intra certum tempus, quo elapso, nequeat illum pro suo libito, eodemque pretio, recuperare; de qua re legendus est Leotardus *cit. q. 15. a num. 16. usque ad 22.*, ubi pluribus

bus argumentis, præfati contractus injustitiam demonstrat. Tertiò, si pactum redimendi hac lege ineatur, ut non liceat venditori, fundum redimere, nisi post præfiniti temporis, puta duorum, aut decem annorum, intervallum, non carebit præsumptione usuræ: quoniam ex ea temporis præfinitione, fas est conjicere, interim voluisse emptorem lucrari ex mutuo, & usuram, ficta fundi emptione palliare; & quamvis hæc sola conjectura tanta non sit, ut contractum in foro externo statim evincat scœneratitium, si tamen emptor alias fuerit de usura diffamatus, aliud non desiderari, ut etiam prædictum pactum, judiciali sententia declaretur usurarium, docent Mohedan. *dec. 3. de empr. & vendit.*, & Mantica *loc. cit. n. 31.*

5 Jam vero cum *Pactum francandi*, de quo est sermo, intra speciem continetur contractus venditionis, cum pacto redimendi (sicuti præmonuimus) omnes præfatae, alique similes conditiones, quæ hanc turpem, atque illicitam reddunt, etiam illud contaminant. Quare Gabriel Cardinalis Palæotus, primus Archiepiscopus Bononiensis, ne *pactum francandi* in sua dioecesi passim usurpatum, animas, suæ curæ concreditas, usuræ flagitio illaquearet, accuratam instructionem promulgavit, typis Bononiensibus anno 1587. impressam, post quæstiones morales, ejusdem mandato explicatas, a Patre Ludovico de Beja Ord. Erem., in qua, mira prudentia, & solertia, omnes in primis enumerat, & enucleate exponit conditiones, quæ illud in foro externo, aut omnino usurarium, aut saltem usuræ suspectum probant; Confessarios deinde monet, ut, in foro Sacramentali, ab emptore diligenter exquirant, num revera serium animum habuerit fundum emendi, ejusque dominium acquirendi, vel an potius voluerit mutuam dare pecuniam, & usque ad ejusdem restitutionem, consensui fructus ex domo, prædio, aliove fundo, quem cum *pacto francandi* emere simulavit: si enim res hoc posteriori modo se haberet, esset certi, & turpis scœnoris reus; similiter & venditorem interrogandum ait, num ab emente pecuniam mutuam petierit, cum scœnore restituendam, eumque reoquentem induxerit, ad usuram obtegendam pallio *pacti francandi*: In hoc quippe rerum statu, non esset venditor immunis a gravi noxæ reatu, cum neminem liceat ad scœnerandum allicere, qui alias non sit ad scœnerandum paratus: quinimmo vix contingere potest, ut a peccato excusetur, qui, ut consequatur pecuniam, quam ab iniquo scœneratore, sine usura obtinere non potest, se obligat ad eam restituendam cum scœnore, juxta doctrinam D. Thomæ 2. 2. q. 78. art. 4. in corp.: *Dicendum est, quod nullo modo licet inducere aliquem ad mutuandum sub usuris, licet tamen ab eo, qui hoc paratus est facere, & usuras exercet, mutuam accipere sub usuris, propter aliquod bonum, quod est subventio suæ necessitatis, vel alterius, quam sequuntur Innoc. in cap. Super eo, de usuris, Silvester in Sum. V. Usura 7. §. 1. Tabiena V. Usura 8. §. 1. 2. & 3.*

6 Pauca hæc, quæ delibavimus, exempla satis esse videntur, ad edocendos Episcopos, circumspectionem, quam adhibere debent, cum pecuniarem

liarem quempiam contractum, nova, atque infueta veste circumvestitum, in dioecesim irrepere advertunt; hunc quippe, aut illico, aut faltem in Synodo, solerter expendere debent, nec sinere, ut communi usu recipiatur, nisi ab omni usuræ periculo quam longe abesse compererint.

## CAPUT LII.

*De Multis, seu poenis pecuniariis.*

**N**ON est hic sermo de eleemosynis, quibus scimus, integrum olim fuisse Pœnitentibus redimere poenam canonicam, cui, pro modo perpetratæ culpæ, facti fuerant obnoxii: etenim cum, tepescente Charitate, coeperint homines ab illis severis jejuniis, aliisque corporis macerationibus, abhorreere, quibus Pœnitentes afflictabantur, ex singulari quadam Ecclesiæ indulgentia, illis concessum fuit, ut prælietas poenas possent, arbitrio suo, redimere, atque in eleemosynas commutare: hujus disciplinæ, quam non ante sæculum octavum in Ecclesiam investam, neque ante nonum propagatam, putat Morinus de Pœnit. lib. 10. cap. 17., monumentum occurrit in Concilio Triburienſi, anni 895. can. 56. 57. & 58. (tom. 6. part. 1. colle. 7. Hard. col. 457.) quibus in locis venia datur Pœnitentibus, redimendi quorundam dierum jejunium, in plures annos sibi præscriptum, uno denario, vel pretio denarii, sive tres pauperes, pro nomine Domini pascendo; & magis aperte in Concilio Remensi anni 923., ubi post indictum militibus, qui interfuerant bello Sueffionensi, inter Robertum, & Carolum Reges actio, cujuslibet feræ sextæ, & trium Quadragesimarum, per tres annos, jejunium, libera sit iisdem potestas, illud ex parte redimendi eleemosynis: Omnibus his tribus Quadragesimis, secunda, quarta, & sexta feria, in aqua, pane, & sale abstineant, aut redimant (colle. 7. Harduin. tom. 6. part. 1. col. 562.) Neque ea disciplina displicuit Petro Damiano, pristinæ severitatis ceteroquin tenacissimo: Is siquidem commissæ sibi a Romano Pontifice Legatione fungens, Guidoni Archiepiscopo Mediolanensi, simoniâcis Ordinationibus, aliarumque rerum sacrarum nundinationibus implicato, pœnitentiam injunxit centum annorum, sed simul libertatem dedit illius redimendæ, certa pecuniæ eleemosyna, in annos singulos eroganda, quod ipsemet Damianus scripsit ad Hildebrandum tum Romanæ Ecclesiæ Archidiaconum, apud Baronium ad an. 1059. num. 55. Eundem vero morem adhuc perseverasse in fine duodecimi, atque initio decimi tertii sæculi, colligitur ex variis libris Pœnitentialibus, ea ætate exaratis, quos producit laudatus Morinus eodem cap. 17. num. 6. & seqq., & evidenter constat ex epistola Innocentii III. tom. 1. epistolarum ex recens. Stephani Baluzii pag. 517. lib. 2. epist. 270. Archiepiscopo Magdeburgensi, & Suffraganeis ejus, Abbatibus &c. in Magdeburgensi Ecclesia constitutis data, pro bello sacro, in qua, hanc illis, inter ceteras, impertitur facultatem,

nimirum, ut iis, qui de Bonis suis Terra Sancta veluerint subvenire, d. discretorum virorum consilio, qualitate personarum, & rerum facultate pensatis, ac considerato nihilominus devotionis affectu, opus injuncta poenitentia commutare possitis in opus eleemosynæ faciendæ. Sed posteriori ætate, quemadmodum idem Morinus observat, cum obsoleverint Poenitentia canonice, consequens fuit, ut obsolesceret etiam earundem redemptio, de qua nullum verbum fecere antiqui Scholastici, etsi de variis speciebus relaxationum poenentialium multa disputaverint. De hisce eleemosynis fuscè agit Muratorius *tom. 5. dissert. 68. antiquitatum Italicarum mediæ Ævi*, ubi notat eas, quæ juxta sacrorum Canonum normam, erogandæ erant in redemptionem captivorum, aut in alimoniam pauperum, uti habetur apud Reginonem *lib. 2. cap. 440. & seqq.*, aliquando, hominum malitia, fuisse conversas in commodum, & utilitatem Sacerdotum, quorum proinde turpem avaritiam merito exagitat, & perstringit.

2 Neque loquimur de eleemosynis, quæ etiam nunc a Confessariis Poenitentibus imponuntur, tanquam opportunissime ad ablucandas scelerum maculas, juxta illud Danielis 4.: *Peccata tua eleemosynis redime, & iniquitates tuas misericorditis pauperum*; quanquam, uti rectè Thomassinus de *vet. & nov. Eccles. discipl. part. 3. lib. 1. cap. 74. num. 1. & 4.*, consultus sit, ut non sola eleemosyna Poenitentibus præscribatur, sed simul orationes, jejunia, aliaque poenæ corporis afflictivæ, pro criminum gravitate, & numero, accumulentur, quæ aptiores sunt ad medendum intestinalis animæ morbis, eorumque contagia expungenda, cum eleemosyna solam expugnet avaritiam, carnem vero non maceret, nec reliqua vitia directe attingat. Cavendum præterea est Confessario, ne eleemosynam, quam Poenitenti præscribit, suam prætexens paupertatem, sibiimet elargiendam suadeat; id quippe, aut simoniam saperet, aut certe non effugeret turpis quæstus notam, a qua, ut Confessarios omnino immunes servaret, S. Carolus Borromæus, districtè iisdem præcepit, ut si quando eleemosynam, pro Missis celebrandis, Poenitentibus injungunt, eam non sibi, neque ecclesiæ, aut monasterio suo addicant, quod videre est in ejus instructione ad Confessarios *p. 4. Act. Eccles. Mediol.*, a Nobis relata *Notiss. 92.*

3 De hisce eleemosynis (ut diximus) hic non agimus, sed unice res est de Multis, seu poenis pecuniariis, quæ a Judice Ecclesiastico, in vindictam patrati criminis, sæpius in foro externo infliguntur. Enimvero, si sacrorum Canonum statuta perquirimus, a plerisque ejusmodi Multas probari, ab aliis autem improbari, deprehendimus. Concilium Berghamstense in Anglia, sub Bertualdo Archiepiscopo Cantuariensi, anno 697. celebratum, quod habetur in *collectione Spelmanni, tom. 1. pag. 194. & seqq.* & in nova CC. Britannia *tom. 1. pag. 60.* adulteria, latrocinia, aliaque plura enormia delicta, pecuniaria Multa castigat. Leges etiam Ecclesiasticæ Aluredi Regis Anglorum, ab eodem Spelmanno *ibid. pag. 364.* & in nova *collectione cit. pag. 186. tom. 1. relatæ, fere omnia peccata, eadem poena pecunia-*

pecuniaria coercent. At Othobonus Cardinalis Sancti Hadriani, Apostolicæ Sedis ad Regnum Angliæ Legatus, in suis Constitutionibus, in Concilio Anglicano, anni 1248. promulgatis, quæ extant in *ead. collect. Spelmani tom. 2. pag. 276.*, ne facilius crimina admitterentur, a quibus quilibet posset, solius pecuniæ solutione, absolvi, id deinceps fieri, *can. 4. vetuit*; eidemque adhæserunt Concilium Excestrense anni 1287. *cap. 31.*, & Concilium Londinense anni 1342. *cap. 10.*; quamvis enim Thomassinus *cit. cap. 74. num. 7.* has Constitutiones intelligat de commutatione poenitentiae canonicæ, in elemosynam, in foro Sacramentali, de qua paulo ante differuimus, Nobis tamen manifeste loqui videntur, de poena pecuniaria, in foro externo irroganda; etenim Constitutio Cardinalis Othoboni interdicit Archidiaconis, *ne pecuniam a delinquente pro gravi, & nocuo crimine recipiant; sed commissum crimen puniant animadversione condigna*; & Concilium Londinense Archidiaconis pariter, eorumque Officialibus prohibet, *ne a recidivo pecuniam recipiant quovis modo, sub poena restitutionis dupli pecunie, fabricæ Cathedralis ecclesiæ applicandæ*; Archidiaconi autem non in foro interno, & Sacramentali, sed in externo, jurisdictionem exercebant, atque in delicta animadvertebant.

4 Concilium itidem Turonense anni 1294. *can. 3. (apud laudatum Thomassinum part. 3. lib. I. cap. 74.)* Archidiaconos, Archipresbyteros, & Decanos rurales, jurisdictionem contentiosam administrantes, acriter reprehendit, quod a Clericis, & Laicis poenam pecuniariam, contra Canonum prohibitionem exigerent, & extorquerent. Exadverso Episcopus Augustodunensis in celebri illa disputatione, super finibus jurisdictionis Ecclesiasticæ, & laicalis, habita in Conventu Cleri Gallicani anno 1329. indicto a Rege Philippo Valeſio, pluribus argumentis evicit, posse, secundum jura, tam Canonica, quam Civilia, ab Episcoporum Officialibus poenas pecuniarias decerni. Idem dissidium vigere reperimus inter juris communis sanctiones: siquidem Alexander III. in *cap. Licet, 3. de poenis* improbare videtur, *ut pro corrigendis excessibus, & criminibus puniendis, a Clericis, & Laicis poena pecuniaria exigatur*; Sed idem Alexander III. in *cap. In Archiepiscopatu, 4. de raptoribus*, & Honorius III. in *cap. Dilectus, 18. de offic. judic. ordin.*, Emendas, seu Multas imponere, & percipere permittunt.

5 Si porro sanctorum Antistitum exempla investigamus, ea non minus, hac in re, inter se discrepare invenimus. S. Thomas Archiepiscopus Cantuariensis consuevit istiusmodi poenas infligere; sed S. Hugo Episcopus Lincolnienſis Archidiaconos suos, ceterosque Prælatos severe compeſcuit, ne a delinquentibus Multam exigerent pecuniariam; Cumque ei obſectaretur contrarium exemplum S. Thomæ, respondebat: *Credite mihi, non idcirco Sanctus fuit; alia eum virtutum merita Sanctum exhibuerunt, alio meruit nomine Martyris palmam*, quod narratur in ejusdem vita, apud Surium die 17. Novembris. Similiter de B. Joanne Episcopo Teroanenſi refertur in ejusdem Actis, a cœvo Scriptore exaratis, eum nunquam induci potuisse ad

ad Multas recipiendas; Oppositum autem placuisse aliis Episcopis, doctrinae, & sanctitatis fama, neque præclaris, erudite ostendit Franciscus Perez Episcopus Terulensis in sua *defensione canonica*, Hispano sermone conscripta, *potestatis Decretorum Episcoporum* pag. 44. § 1. & 69., quibus fortasse experientia compertum fuit, pecuniarias poenas magis timeri, quam spirituales censurarum, quæ utpote spiritum tangentes, interdum a crassis, & obcæcatis hominibus contemnuntur; quod etiam sensit Petrus Blesensis *epist.* 79., ubi ad Archidiaconum Bathoniensem, de quodam Guidone laico, notorio adultero, & sæpius excommunicato, hæc scribit: *Certis simam emendationem ejus vobis promitto in ablatione pecunie: Sensibilis est illa sententia, non verbalis; nam juxta Ethnicum satyr.* 13.

*Ploratur lacrymis amissa pecunia veris:*

*Non cohibent sacra verba malum: majore tumultu*

*Planguntur nummi, quam funera.*

6 Verum omnem hac de re controversiam diremit Concilium Tridentinum, quod *sess.* 25. *cap.* 3. *de reform.* potestatem decernendi Multas pecuniarias Episcopis vindicavit, inquit: *Liceat eis (Episcopis) si expedire videbitur in causis civilibus, ad forum Ecclesiasticum quomodolibet pertinentibus, contra quoscumque, etiam Laicos, per Multas pecuniarias, quæ locis piis ibi existentibus, eo ipso quod exacte fuerint, assignentur ..... procedere, & causas definire;* Ac ipsummet Concilium *sess.* 6. *cap.* 1. *de reform.* Episcopos, sine legitima causa, a suis diocesium absentes, poena multavit amissionis quarta partis fructuum unius anni, *fabrice ecclesie, & pauperibus loci, per Superiorem Ecclesiasticum applicandorum;* Et *cit. sess.* 25. *cap.* 14. in Clericos concubinos, post monitionem non resipiscentes poena animadvertit privationis tertiæ partis fructuum suorum Beneficiorum, ac Pensionum, *quæ fabricæ ecclesie, aut alteri pio loco, arbitrio Episcopi, applicetur;* Crescente vero contumacia, eosdem omnibus spoliatur Beneficiorum fructibus, ac proventibus, prædictis pariter locis applicandis. Quare nemini fas est dubitare, licere Episcopo Multas pecuniarias delinquentibus indicere, si ad eorum emendationem, aliorumque terrorem, eas conducere existimaverit.

7 Recte tamen monet Fagnanus in *cap. Irrefragabili, §. Ceterum, num.* 13. *de offic. Ordinar.*, ejusmodi poenas exigi solum posse, per judicalem sententiam, & causa cognita, non vero extra judicium a diffamatis de aliquo crimine, ut illius solutione judicalem evitent inquisitionem: ita enim viderentur delicta non puniri, sed tolerari, & pecuniæ solutione impunitas emi delinquendi: *Quod facit* (addit) *contra illos Episcopos, qui diocesim, visitationis titulo peragrantes, diligenter investigant, an in loco reperiantur aliqui de illo crimine suspecti, vel diffamati; eisque arcessitis contestantur, se velle contra eos criminaliter procedere, suadentque, ut se componant in certa pecuniarum summa, quam si recusent solvere, minantur se processuros ad formalem inquisitionem, carcerationem, & condemnationem, & his concessio-*

*mann.*

manu, ingentes pecuniarum summas extorquent. Quod est detestabile, & non semel vidi processus contra Episcopos super hujusmodi extorsionibus fabricatos.

8 Abstinere præterea debet Episcopus a novis Constitutionibus, passim edendis, inflicta in transgressores poena pecuniaria; ne videatur illas ferre pro quaestu, & pecuniæ emungendæ causa: ad quam calumniam prævertendam Concilium Provinciale Aquisense anni 1585. (tom. 10. collect. Hard. col. 1576.) loquens de Synodo Diocesana, statuit: *Censura ibi fiat de singulorum moribus, vestitu, & vita: ac infligatur poena potius personalis, etiam carceris, ubi opus fuerit, quam pecuniaria.* Eandem pariter fuisse mentem sacræ Congregationis Concilii, ex pluribus, quas subnectimus, ejusdem decisionibus edocemur. Jussit Tridentinum sess. 5. cap. 2. de reform., ut Plebani, ceterique animarum Rectores diebus saltem Dominicis, & festis solemnibus, plebes sibi commissas, pro sua, & earum capacitate, pascant salutaribus verbis, voluitque, ut si ab Episcopo monti, trium mensium spatio muneri suo defuerint, per censuras Ecclesiasticas, seu alias ad ipsius Episcopi arbitrium, cogantur; Hinc sibi licuisse putavit Episcopus Novariensis; in suis Constitutionibus Synodalibus, Parochos, huic decreto contravenientes, pecunia multare; Sed sacra Congregatio Concilii die 15. Junii 1658., etsi de potestate Episcopi non dubitaverit, id tamen fieri non decuisse, respondit. Episcopus Assisienis in sua Synodo, excommunicationem, & quinquaginta aureorum poenam decreverat in Parochos, & sua parœcia, duorum dierum spatio, sine Episcopi licentia, absentes; Sed eadem sacra Congregatio delendam censuit & decreto excommunicationem latæ sententiæ, & poenam pecuniariam non imponendam, in certa quantitate, sed relinquendam arbitrio Episcopi, qui, cum casus contingeret, ita illam temperaret, ut responderet tempori absentię, & redditibus, Parocho ex sua ecclesia obvenientibus, uti habetur lib. 153. memorialium pag. 953. In Synodo Brundusina statutum fuerat, ut Sacerdotes, alique inferiores Clerici inservire deberent ecclesiæ, cui, juxta decretum Tridentini cap. 16. sess. 23. de reform. erant adscripti, singulis Dominicis, aliisque festis diebus, & in tota Octava Corporis Christi; atque insuper solemnibus Supplicationibus, per annum fieri consuetis, interesse, sub poena ducatorum quinquaginta, Seminario applicanda; Sed sacra Congregatio die 19. Julii 1618. admonendum censuit Episcopum, ne ad poenæ exactionem procederet, eo quod Tridentinum cit. loc., Clericis Ecclesiam deferentibus, cujus obsequiis, in eorum ordinatione sunt mancipati, interdicendum dumtaxat statuatur exercitium Sacrorum.



## CAPUT LIII.

*De Multarum, seu poenarum applicatione, seu destinatione; & obiter  
nonnulla de Procuratore debita Episcopo visitanti.*

**H**ÆC de potestate imponendi poenas pecuniarias; quod vero attinet ad earundem poenarum destinationem, & usum, sacra Congregatio Concilii, apud Fagnanum in *cap. Presbyteri, de poenis, a num. 4. usque ad fin.*, hæc tria declaravit: Primò, Multas a Tridentino inflictas Clericis non residentibus, aut Concubinariis, & quæ juxta *cit. cap. 3. sess. 25.*, ad retundendam Clericorum, & Laicorum contumaciam, indicuntur, semper locis piis, sicuti idem Tridentinum præcipit, esse assignandas: Secundò, quæ nulla certa lege, vel statuto sunt taxatæ, seu in certa pecuniæ summa præfinitæ, sed Episcopi arbitrio decernuntur, eas similiter non posse, nisi in opera pia expendi; ne secus, ut idem Fagnanus *num. 9.* ponderat, arbitrium Episcopi, propter avaritiam, & quæsitum, sit immoderatum: Tertiò denique, quas in certa mensura delignant Canones, vel Synodice Constitutiones, servari posse integras egenti Episcopo, si vere egeat; quamvis, monente eodem Fagnano *num. 22.*, ad evitandum scandalum, & peccati periculum, tutius sit, ut Episcopus, priusquam prædictas poenas sibi vindicet, consulat sacram Congregationem Concilii, cujus erit judicare, an revera tanta prematur inopia, cui prædictis poenis oporteat subveniri; Universim enim loquendo, arbitrio Superioris committitur, decernere, an quis sit vere pauper, juxta doctrinam, quam tradunt Bartol. in *leg. Si constante 14. ff. solut. matrim.*, aliique congesti a Menoch. de *arbitrar. lib. 2. cent. 1. cas. 65. num. 6.*

**2** Quoniam autem res hæc non levis est momenti, & facile possent Episcopi a nonnullis, quæ circumferuntur sacre Congregationis decretis decipi, necessarium ducimus ejusdem sacre Congregationis Concilii mentem diligentius indagare, & exponere. Sciendum itaque, sacram Congregationem, ante annum 1614., sæpius dixisse, liberum esse Episcopo vere pauperi, & indigenti poenas pecuniarias tertii generis in suæ inopiæ levamen erogare, quemadmodum nuper a Fagnano audivimus: At ab anno 1614., ab ejusmodi declarationibus edendis eadem abstinuit, & mos invaluit, ut Episcopus, qui præfata pecunia suam sublevare cupit inopiam, facultatem, eam sibi addicendi, petat ab eadem sacra Congregatione, quæ illam modo concedit, modo negat, sicuti diversæ exposcunt rerum circumstantiæ, quod in quadam causa Novariensi proposita die 17. Maji 1658. ad rem adnotavit sacre Congregationis Secretarius, hisce verbis: *Sacra Congregatio pro diversitate circumstantiarum, & Episcoporum, prout ipsi, & eorum integritati, & bonitati, magis, aut minus fudit, similia Indulta applicandi poenas pecuniarias concessit; Facultatem vero, quam interdum imper-*



impertiendam existimat, nunquam vult esse perpetuam, sed ad certum limitat tempus, quia interim cessare potest causa, quæ eam, hic & nunc concedendam suadet: ita reapse, in eadem causa Novariensi, permisit quidem Episcopo, ut posset Multis pecuniariis uti, ad prosequendas lites, quas intentaverat, pro indemnitate locorum piorum suæ diocesis, cujus sumptibus subeundis pares non erant suæ Mensæ reditus, sed hanc permissionem duraturam voluit tantum ad sex annos. Episcopo pariter Anglonensis potestatem fecit, easdem Multas in proprium commodum, suæque paupertatis subsidium infundendi, sed dumtaxat ad triennium, uti constat ex ejusdem sacre Congregationis decreto, edito 15. Januarii 1656., & adnotato lib. 19. decretor. pag. 554., quod proderit integrum audire, quoniam in eo & omnia confirmantur, quæ hæcenus diximus, & summa elucet circumspectio, ac cautela, qua sacra Congregatio, in impertiendis ejusmodi facultatibus, se gerit: *Sanctissimus Dominus noster* (verba sunt decreti) *audita sententia sacre Congregationis Concilii, veris existentibus narratis, in quibus gravatur conscientia ipsius oratoris, benigne annuit, ut per triennium percipere possit poenas, & Multas pecuniarias, quæ in sacris Canonibus, seu Statutis Synodalicis pro delictis ad certam summam fuerunt præfixite, non autem poenas, & Multas, quæ, vel ab ejus arbitrio pendent, vel per sententias, nulla præcedente Canonum, vel Statutorum Synodalicum determinatione, imponuntur, nec poenas Clericorum non residentium, vel Concubinariorum, quæ piis locis omnino applicentur. Quare, quicquid olim fuerit, dubitandum non est hodie Apostolicæ Sedis licentiam requiri, ut Episcopus, quantumvis pauper, Emendas, seu Multas pecuniarias sibi addicere, & in proprios usus expendere possit.*

3 Notandum tamen est, interdum contingere, poenam pecuniariam esse quidem inflictam a Synodali statuto, simulque præfixitam, in certa pecuniæ quantitate, & propterea hoc nomine pertinere ad tertium genus poenarum, quas diximus ab Apostolica Sede Episcopo egenti quandoque concedi; sed simul evenire, eam esse ab eodem statuto applicatam certo loco pio, seu ad aliquod determinatum pium opus destinatam, cujus rei exemplum nobis suppeditat Dioecesana Synodus Oriolana habita an. 1600. cap. 71., relata a Cardinali De Aguirre tom. 4. Concilior. Hispan. pag. 741., ubi sic decernitur: *In his Constitutionibus, & Statutis nostris, atque Decretis hujus secundæ Dioecesane Synodi Oriolane, in quibus poena, & Multa pecuniaria in violatores sancita sunt, nec qua ratione distribuenda illa sint, declaratur, eam dimidiam partem sanctæ Cruciatæ applicamus, alteram vero dimidiam partem in opera p. a., nostro arbitrio distribui volumus; Jam vero cum res ita se habet, sciant Episcopi poenas ejusmodi, quoad eam partem, quæ est certo loco, seu pio operi applicata, nunquam sibi, quantumcumque laborent inopia, fore ab Apostolica Sede concedendas, nisi probaverint, locum, seu opus pium ea pecunia non indigere; neque enim Sedes Apostolica, ut uni gratificetur, vult juri quæsito alterius præjudicium inferre.*

Tom. XII.

P p p

4 Tan-

4 Tandem est animadvertendum, quascumque Multas, seu poenas pecuniarias, statim ab Episcopi Administris exactæ sunt, deponendas esse penes probatum virum; Etenim Alexander IV. suis Apostolicis litteris, quæ habentur post Eymericum in decret. Inquisit. pag. 26., decrevit, Hæreticos, eorumque fautores, defensores, & receptatores, in quibuscumque casibus, multandos poena pecuniaria, simulque voluit, hanc integræ fidei homini, arbitrio Ordinarii eligendo, custodiendam tradi, ut, cum deinde opus fuerit, impendatur in prosequenda causa Fidei, adversus Hæreticos; Alexandri vestigiis adhæserunt Patres Concilii Toletani, anni 1565. act. 2. cap. 14. (tom. 10. collect. Hard. col. 1151.) ubi ita edixere: *Pœna pecuniaria, si quando a Judicibus ordinariis, juxta rationem delicti, vel delinquentis qualitatem, eas imponi contigerit, in pios tantum usus & pro executione justitiæ, non pro privata Episcoporum utilitate, expendantur, arbitrio Episcopi, vel ejus Vicarii. Depuaturque ab eodem Episcopo, qui easdem pœnas recipere debeat, earumque rationem reddere teneatur.* Hæc autem praxis, veluti aptissima ad obviandum dolis, fraudibus, & calumniis, placuit Ven. Innocentio XI. Pont. Max., cujus propterea jussu, sacra Congregatio Episcoporum, & Regularium, suis encyclicis litteris ad omnes Episcopos, die 5. Februarii 1678. datis, quæ habentur apud Clericatum de Benef. discord. 100. num. 4., iisdem injunxit, ut quilibet Emendas, Multas, seu poenas pecuniarias statim custodiendas tradant probo, & fidei Depositario, ut hac ratione semper innotescat, quantum a delinquentibus exactum sit, & in quem usum erogatum.

5 Quæ hæcenus diximus, ut quilibet videt, eo omnia collineant, ut scilicet a foro Ecclesiastico omnis arceatur avaritiæ species; quem eundem scopum semper respexit sacra Congregatio Concilii, quotiescumque de pecunia, quocumque nomine, Episcopo penitenda, in ea actum est. Concilium Tridentinum sess. 24. cap. 3. de reform., præcepit, ut Episcopus, singulis annis, suæ dioecesis visitationem instituat, quam, si propter ejusdem dioeceseos latitudinem, intra annum explere nequeat, biennio saltem absolvat; visitanti autem Episcopo permittit, pro se, suoque honesto comitatu, ab iis, quibus de jure id onus incumbit, procuraciones exigere, seu moderata, & frugaliter victualia recipere; relinquendo tamen arbitrio eorum, qui visitantur, aut eadem victualia subministrare, aut pecuniam, quam antea consueverant, exsolvere; Hoc porro decreto non prohibetur Episcopos, ne intra ejusdem anni curriculum, si ita necessarium duxerit, iterum dioeceseos visitando perlustret, quemadmodum recte notant Fagnanus in cap. Cum venerabilis, num. 3. de censibus, Pirhing. in 3. lib. Decretal., tit. 39. sect. 2. num. 94., Cardinalis De Luca in miscell. Eccles. disc. 1. num. 118., et in annotation. ad Concil. Trident. disc. 5. num. 6.; Sed ne quisquam Pastorem visitationem iterantem infimulet, quasi crebrius ad suas oves accurrat, ut eas sæpius tondeat, non autem, ut earumdem morbis novum afferat medicamen, propterea cum sacra Congregatio Episcoporum, & Regularium

rium anno 1586., tum sacra Congregatio Concilii die 19. Septembris 1682. censuerunt, Episcopo, bis eodem anno dioecesim visitanti, unicam tantum deberi procuracionem: Examinato quippe sequenti articulo; *An Episcopus, qui, si commode fieri possit, dioecesim suam quotannis visitare tenetur, possit huiusmodi visitationem facere per mensem, vel circiter, antequam labatur integer annus a die peracta ultima visitationis, vel potius debeat expectare, quod anni circulus integre compleatur, itaut intra singuli cujuslibet anni cursum, una tantum visitatio fiat.* Sacra Congregatio Concilii, prædicta die, & anno, respondit: *Affirmative, sed non posse recipere procuracionem, neque victualia, nisi semel in anno;* Cui quidem responsioni concinit alia, ab eadem sacra Congregatione data, die prima Junii 1737. in causa Policastrin. Procuracionis, in qua proposita questione; *An Episcopus non completo anno ab ultima visitatione, possit iterum eandem ecclesiam visitare, & aliam procuracionem a visitandis exigere.* Respondum fuit: *Affirmative quoad primam partem, & Negative quoad secundam.* (*Theaur. Resolus. tom. 8. pag. 87.*) Huc etiam pertinet, quod ab eadem sacra Congregatione decisum fuit, quoad procuracionem solvendam Vicario Capitulari. Diximus superius lib. 2. cap. 9. num. 5. posse a Vicario Capitulari dioecesim visitari, post annum a die ultimæ visitationis, ab Episcopo peractæ; sed quoniam non decet, ut ipse cum tanto incedat comitatu, quanto indiget Episcopus, qui majori præfulget dignitate, idcirco sacra Congregatio die 7. Julii 1708., in causa Otunen. Procuracionis impressa tom. 9. *Theaur. pag. 180.* rescripit, Vicario Capitulari deberi tantum medietatem procuracionum, quæ Episcopo solvi consueverunt: Tali enim pacto servabitur indemnis ab expensis, quæ visitationis causa occurrunt, sed nihil lucri ex ea percipiet.

## CAPUT LIV.

*De falsa novitatis nota, qua Synodalibus Constitutionibus quandoque inscribitur, ubi multa de Constitutionibus Sancti Caroli Borromæi pro sua Ecclesia Mediolanensi.*

**D**uturna rerum experientia compertum est, Episcoporum Constitutiones, etiam in Synodis promulgatas, hoc nomine ple-  
rumque traduci, quod antiquis, & jamdiu receptis populi moribus adversentur, atque inviam novitatem in dioecesim inducant, qua ejusdem jura infringantur, & publica quies perturbetur. Verum, cum eadem, æqua lance librantur, maxime conformes deprehenduntur sanctissimis Ecclesiæ institutis, quorum fortasse memoriam oblitteravit prava consuetudo, quæ præcedentium Episcoporum socordia, in dioecesim irrepsit, & tam altas egit radices, ut quæ legis prevaricatio est, pro lege haberi cœperit: Nam mala consuetudo (ajebat Nicolaus I. epist. ad Hincmarum Archiepiscopum Remensem, tom. 5. collect. Hard. col. 646.) quæ non minus quam permixta

*corruptela vitanda est, nisi citius radicitus evellatur, in privilegiorum jus ab improbis assumitur; & incipiunt prævaricationes, & varia præsumptiones celerime non compressa, pro legibus venerari, & privilegiorum more perpetuò celebrari. Cum autem res ita se habet, contemnendæ sunt hominum querelæ, totisque viribus enitendum, ut veteri corruptelæ, nova prævaleat Constitutio, qua collapsa disciplina restauretur: opportune siquidem monemur a Cypriano epist. 74. ad Pompejum, relas. in can. 8. dist. 8: Consuetudo, quæ apud quosdam obrepserat, impedire non debet quominus veritas prævaleat, & vincat. Nam consuetudo sine veritate, vetustas erroris est: Propter quod, relicto errore, sequamur veritatem; & rursus ab Augustino lib. 3. de Baptismo contra Donatistas cap. 5. relas. ead. dist. can. 6.: Revelatione facta veritatis, cedas consuetudo veritati: quia & Petrus, qui prius circumcidebat, cessit Paulo veritatem prædicanti.*

2 Haud equidem inficiamur, potuisse antiquas leges contraria consuetudine abrogari, nec quandoque renovari posse, abique populi offensione, quam omni studio præcavendam prudentia suadet: verum hæc locum sibi vindicant, cum consuetudo est rationalis, & legitime præscripta, uti inquit Gregorius IX. in cap. final. de consuetudine; nunquam vero rationabiles esse possunt quædam consuetudines, exque præsertim, quæ præcipuas labefaciunt leges, quibus Ecclesiasticæ disciplinæ nervus continetur; has enim omnes, irritas pronuntiavit Innocentius III. in cap. 5. de consuetudine, inquires: Nos igitur, cognito, quod ex tali consuetudine, si qua foret, disrumperetur nervus Ecclesiastica disciplinæ, ipsam, de consensu Fratrum nostrorum, duximus irritandam: Has porro consuetudines eradicandas dicimus, spreteisque improborum hominum querelis, sustinendas Constitutiones asserimus, quibus illis obstititur: quæ in re plura Nobis proponuntur ad imitandum exempla.

3 In Ecclesia Mediolanensi graves inoleverant abusus, sanctioribus Ecclesiæ institutis e diametro oppositi. Quadragesimale jejunium, etiam quoad abstinentiam ab esu carniû, incipiebat feria secunda post Dominicam primam Quadragesimæ. Præterea singulis Dominicis, aliisque festis diebus, per Quadragesimam, & annum occurrentibus, publica exhibebantur spectacula; ludicræ pugnæ, saltationes, alique ludi, in plateis, etiam iis horis mittebantur, quibus, in Metropolitana ecclesia, Divina persolvebantur Officia: ea in templis desiderabatur modestia, quam, & loci sanctitas, & Divina, quæ inibi celebrantur mysteria, expolcunt. Adeo pestilentes corruptelæ e florentissimo, quem excolebat, Domini agro, propulsare curavit S. Carolus Borromæus, novisque editis sanctionibus, edixit, Dominica prima Quadragesimæ, quæ Antepaschalis jejunii caput est, a vetitis cibis abstinendum: Dierum festorum religionem nullo spectaculorum, saltationum, aut ludorum genere violandam, eo potissimum tempore, quo Fideles in ecclesiam convenire, rebusque Divinis intentius vacare solent: quo vero magis a Deo dicatis locis, omnis irreveren-

reverentiæ, & immodestæ occasio arceretur, diversas stationes in templis parari jussit, in quibus viri a feminis separati orarent. Nihil in his statutis non sanctum, nihil a pristinis Christianorum moribus alienum, nihil quod non vetustissimis, ac ipsi Ecclesiæ cœvis legibus non esset jam antea imperatum.

4 Etenim, ad Quadragesimale jejunium quod attinet, illud sex ad minus integras hebdomadas semper, ac ubique fuisse complexum, testatur Cassianus *cillat. 21. cap. 24.*, ubi Germanus Abbas Theonam interrogat his verbis: *Quid causa est, ut sex hebdomadibus Quadragesima celebretur, licet in quibusdam provinciis, religionis forsitan propensior cura, adjecisset hebdomadam etiam septimam videatur?* Quænam autem fuerint ea loca, in quibus ad septem hebdomadas protraheretur, explicat Sozomenus *lib. 7. cap. 19.*, inquit: *Alii vero septem hebdomadas computant, ut Constantinopoli, & per cunctas in circuitu provincias, usque ad Phœnicem;* Cujus diversitatis ratio inde profecta est, quod hisce in provinciis, non solum dies Dominici, sed etiam omnia Sabbata, uno excepto, a diebus esurialibus subtraherentur, quibus subductis, sex, & triginta dies remanebant jejunio perfolvendi, quemadmodum alibi, ubi soli dies Dominici, sex hebdomadarum jejunio eximebantur. Quod autem Socrates *lib. 5. hist. Eccles. cap. 22.* scribit, moris scilicet fuisse Ecclesiæ Romanæ, tribus tantum hebdomadis, ante Pascha jejunare, id pnrum putum mendacium esse, evincunt contraria Leonis Magni, Petri Chrysologi, aliorumque Patrum, qui Socratis ætate vixerunt, testimonia, congesta a Natali Alexandro *dissert. 4. ad sec. II.*

5 In hunc modum Quadragesimam observatam fuisse, ad tempus usque Gregorii Magni, liquet ex ejusdem homilia 16. in *Evangelia*, ubi S. Doctor rationem etiam adducit, cur sex, & triginta dies jejunio transigerentur, inquit: *A præsentī die, usque ad Paschalis solemnitatis gaudia sex hebdomada veniunt, quarum videlicet dies quadraginta duo sunt, ex quibus dum sex dies Dominici abstinentia subtrahuntur, non plus in abstinentia, quam triginta, & sex dies remanent. Dum vero per trecentos, & sexaginta dies annus ducitur, nos autem per triginta, & sex dies affligimur, quasi anni nostri Decimas Deo damus: ut qui nobismet ipsis, per acceptum annum vivimus, Auctori nostro nos in ejus Decimis per abstinentiam mortificemus.* Prædictis vero triginta sex, alii quatuor dies, Cinerum videlicet, & tres insequentes additi poltea fuere Quadragesimalis jejunii initio, ut ita exactius Christi Domini exemplum imitemur, qui quadraginta diebus, & quadraginta noctibus jejunavit. *Matth. 4.* Quo verò tempore, & quo Auctore id factum fuerit, difficile est definire. Bellarminus *lib. 2. de bon. oper. cap. 15.* censet, jam a quinto sæculo, Romanæ Ecclesiæ usum obtinuisse, ut quatuor dies, Dominicam Quadragesimæ præcedentes, jejunio consecrarentur: Etenim Leo Magnus *serm. 4. de Quadragesima*, quem in Dominica Quinquagesimæ habitum, idem Bellarminus existimat, ait: *Secundis, & quarta, & sexta feria jejunemus; Sabbato autem apud Beatum Petrum vigiliis celebremus; Verum*

rum hanc opinionem jamdiu exploserunt viri eruditi, præcipue Hugo Menardus in *loc. ad Sacram.*: Nam, præterquam quod dies jejunii in *cit. loc.* descripti non sunt illi iidem, quos posterior ætas recepit, ex allegata Gregorii Magni homilia luculenter constat, præfatum additamentum, labente sæculo vi. in Ecclesia Romana nondum fuisse moribus usurpatum; Adduntque Pagius *critic. in Baron. ad an. 57. num. 8.*, & Natalis Alexander *cit. dissert. 4. ad sec. II.*, ea Leonis verba in plerisque antiquis codicibus desiderari, ex quo conjiciunt, genuina non esse, sed Leonis sermoni recentius affuta. Alii apud Azorium *instit. part. 1. lib. 7. cap. 12. quest. 2.*, initiales illos dies additos arbitrantur, ab ipsomet laudato Gregorio Magno; Alii verò a Gregorio II., qui, ineunte sæculo viii., Pontificatum tenuit; sed omnes decepti sunt a Gratiano, qui in *can. 16. de consecrat. dist. 5.*, Gregorio Papæ decretum adscribit, quod, hisce verbis conceptum producit: *Ut sacer numerus quadraginta dierum adimpleatur, quem Salvator noster suo sacro jejunio consecravit, quatuor dies prioris hebdomada, ad supplementum quadraginta dierum tolluntur, idest quarta feria, quæ Caput jejunii subnotatur, & quinta feria sequens, & sexta, & Sabbatum*; Quod tamen neque in paulo ante allegata homilia Gregorii Magni, e qua ceteroquin reliqua ejusdem canonis verba excerpta sunt, neque in Gregorii II. Actis reperimus. Amalarius, Auctor noni sæculi, *lib. 1. de Ecclesiasticis Officiis*, quæ certe, juxta ordinem, & ritum Romanum exponit, *cap. 7.* inquit: *Quarta feria inter Quinquagesimam, & Quadagesimam, jejunium, quod protenditur in Pascha Domini, inchoamus*; At exadverso Ratramnus Monachus Corbejenfis qui, medio eodem sæculo nono, apologiam contexuit pro Ecclesia Latina, adversus criminationes Græcorum, *lib. 4. cap. 4.* asserit, Romanos caput jejunii a Dominica prima Quadagesimæ, non a feria quarta Cinerum inchoasse; quod ad rem advertunt Christianus Lupus in *scholiis, & notis ad Concil. Can. par. 3. pag. 815.*, & Mabillonius *prefat. ad sæcul. iv. cap. 4. num. 162.* In tanta itaque rerum obscuritate, & Auctorum discrepantia, illud videtur affirmandum, quod opinantur *cit. Natalis Alexander, & Thomassinus tract. de jejunio, part. 2. cap. 2.*, nimirum coepisse prius nonnullos Fideles, ex singulari quadam pletate, quatuor dies, Dominicæ Quadagesimæ prævios Antepaschali jejunio adjicere, eorumque morem ab universa Latina Ecclesia paulatim receptum, vim, & robur legis tandem obtinuisse, quam postea in Concilio Beneventano anni 1091. firmavit Urbanus II. *can. 4.*: *Nullus omnino Laicus, post diem Cineris, & ciliicii, qui Caput jejunii dicitur, carnibus vesci audeat*; ubi Laicorum tantum fit mentio, quia, observante laudato Christiano Lupo *ibid. pag. 816.*, Clericorum mos erat jejunium inchoandi Dominica Quinquagesimæ, quod constat ex *can. 4. & 6. apud Gratianum dist. 4.*, & ipsemet Urbanus II. edixit, in Concilio Claramontano, anni 1095., cujus canonem IX. a Guilielmo Malmesburiensi depravatum, ex Matthæo Parisiensi, & Francisco Bellefortio, ita legendum asserunt Lupus *cit. loc.*, & Harduinus in *sua collect.*

tom. 6.

num. 6. part. 2. col. 1737. *Nemo Laicorum a Capite jejuniis, nemo Clericorum a Quingagesima usque in Pascha carnes comedat.*

6 Jam vero prædictam consuetudinem Quadragesimale jejunium a feria quarta Cinerum exordiendi, nunquam amplexatam esse Ecclesiam Mediolanensem, ne ab Ambrosii institutis, quorum fuit semper tenacissima, recederet, testantur Decius, Doctor Mediolanensis, cui profecto suæ Ecclesiæ mores erant perspecti in cap. *Ad audientiam, de rescript. num. 20.*, Fagnanus in cap. *Explicari, de observat. jejun. num. 37.*, & laudatus Thomassinus eod. cap. 2. num. 3.; idque probe sciens S. Carolus Borromæus, non solum nihil, quoad hoc innovavit, sed præcaram disciplinam, in ea suæ diocesis parte, ubi fuerat retenta, intactam reliquit, atque in suo primo Concilio Provinciali anni 1. (*Act. Eccl. Mediolan. part. 1. pag. 12.*) ita statuit: *Edicimus, ut in provincia nostra, proxima quarta feria post Quingagesimam, omnes Quadragesimalis observantia initium faciant, præter civitatem Mediolanensem, easque diocesis partes, ubi, ex Divi Ambrosii instituto; Divina Officia celebrantur.* Longe vero aliud sensit sanctissimus Archiepiscopus, de abusu, in eandem Ecclesiam inducto, comedendi carnes, prima Dominica Quadragesimæ; Hunc etenim, quia primigeniam Ecclesiæ legem evertebat, ex Apostolica traditione derivatam, sancte, & inviolate ubique semper retentam, ac etiam Mediolani, retroactis temporibus, religiose servatam, & qua propterea corruebat, sanctioris discipline fundamentum natabat, non diutius tolerandum, sed extirpandum censuit, in sua quintæ Synodo Dioecesana, in qua ita statuit (*Act. Eccl. Mediol. par. 2. pag. 782.*): *Dominica, quæ a capite Quadragesimæ, more Ambrosiano dicitur, ut reliquæ Dominica Quadragesimales, servetur item, ab eaque abstinencia Quadragesimalis initium plane fiat, cum non solum ex sanctissimo Patrum testimonio, sed ex sermonibus, & doctrina in primis ejusdem Beati Ambrosii, præcisque hujus Ecclesiæ tabulis, atque ex omni rituum certissima ratione, illam in Quadragesima diebus primam Dominicam, & numerari, & esse liquido constet: proinde a cibis, qui Quadragesimali tempore lege jejunii vetiti sunt, abstineat Clerus, & populus omnino eo die, sicut aliis Dominicis Quadragesima diebus.*

7 In altero pariter S. Caroli edicto, quo spectacula, & publici ludi, diebus festis, interdicebantur, nihil profecto novi decernebatur, sed antiquæ excitabantur leges, nedum ab Ecclesia, sed a sæcularibus Principibus latæ. Etenim Theodosius senior leg. 2. tit. 5. lib. 15. C. *Theodosiani*, cuiusque generis spectacula, diebus Dominicis exhiberi vetuit: *Nullus Solis die populo spectaculum præbeat, nec Divinam venerationem confecta solemnitate confundat.* Theodosius junior ibid. leg. 5., non minus Dominicis, quam aliis solemnioribus festis diebus, a theatralibus scænis, & Circensibus ludis abstinendum constituit, etiam si in aliquem ejusmodi diem Natalis incideret Imperatoris, cui tunc maximum honorem deferri, ait, cum omnipotentis Dei majestati debitus præstatur religionis cultus: *Dominico, qui Septimana totius primus est dies, & Natale, & Epiphaniarum Christi, Pascha etiam,*

etiam, & Quinquagesima diebus . . . . omni theatrorum, atque Circensium voluptate, per universas urbes, earumdem populis denegata, tota Christianorum, ac Fidelium mentes Dei cultibus occupantur . . . . Ac ne quis existimet, in honorem numinis nostri, veluti majore quadam Imperialis officii necessitate compelli . . . . nemo ambigat, quod tunc maxime mansuetudini nostra ab humano genere deferretur, cum virtutibus Dei omnipotentis, ac meritis, universi obsequium orbis impenditur. Idem edictum, lata insuper in ejusdem violatores poena amissionis militiæ, & proscriptionis bonorum, renovarunt Leo, & Anthemius leg. 11. C. Justin. de feriis: Nihil eodem die vindicet sibi scena theatralis, aut Circensis certamen, aut ferarum lacrymosa spectacula. Et si in nostrum ortum, aut Naxalem celebranda solemnitas inciderit, differatur. Amissionem militiæ, proscriptionemque patrimonii sustinebit, si quis unquam hoc die festo spectaculis interesse, vel cujuscumque Judicis apparitor, prætextu negotii publici, seu privati, hæc, quæ hac lege statuta sunt, crediderit temeranda. Neque vero dubitandum est, ejusmodi Imperiales Constitutiones, ad Ecclesiæ votum, atque Episcoporum suggestionem, emanasse: Siquidem in cod. canonum Ecclesiæ Africana can. 61., legimus, Patres Africanos in quadam Synodo congregatos, ab Imperatore Honorio petendum decrevisse, ut Dominicis, aliisque Deo sacris diebus, spectacula, & ludos amoveri juberet: Nec non & illud petendum, ut spectacula theatrorum, ceterorumque ludorum, die Dominica, vel ceteris religionis Christiana diebus celeberrimis, amoveantur (collecl. Harduin. tom. 1. col. 898.). Mirum autem non est, Ecclesiæ Antistites tantopere exoptasse, ut saltem diebus, Dei cultui specialiter destinatis, illa removerentur profana oblectamenta, quibus ullo unquam tempore adesse, a Christiana professione, perquam alienum reputarunt, quod constat ex Synodo Carthaginensi III. can. 11., Trullana can. 51., aliisque innumeris Conciliorum sanctionibus, & Patrum sententiis, quas collegit Thomassinus de vet. & nov. Eccles. discipl. par. 3. lib. 3. cap. 42. & 43.

8 Tertium denique 8. Caroli decretum ab iis solum poterat novitatis insinulari, quibus pristini Christianorum mores essent prorsus ignoti: Siquidem statim ac Christianis potestas facta est publica templa construendi, diversa, intra eorumdem ambitum, sunt loca constituta, in quibus viri a mulieribus separati consisterent: quinimmo non desunt rerum Ecclesiasticarum indagatores, qui hanc ipsam divisionem ab Apostolis factam asserunt; & quanquam his refragetur mox allegandus Chrysostomus, negari tamen non potest, paulo post Apostolorum ætatem, eam fuisse in Ecclesia usitatam; Auctor enim Constitut. Apostolic. lib. 2. cap. 57., de hac separatione, tanquam de consuetudine loquitur, in tota Ecclesia vigente, jubetque Diaconissas custodire introitum mulierum, Ostiarios vero januæ præesse, qua viris in ecclesiam patet aditus: Ostiarii stans ad virorum introitus, quos custodians; Diaconissa vero ad mulierum; Eiusdemque divisionis, veluti rei notissimæ, atque ubique usu receptæ, meminere Cyrillus Hierosolym. præfat. in Catech. num. 8., Augustinus de civit. Dei, lib. 2. cap. 28., Socra-



Socrates lib. 1. cap. 17., alique passim. Ut plurimum vero ea divisio facta erat ligneis parietibus, sicuti colligitur ex Chrysostomo homil. 73. al. 74. in *Mattheum* (tom. 7. oper. pag. 712.) ubi de ejusdem separationis origine. hæc habet notatu digna: *Oporteret utique intus esse murum, qui vos a mulieribus sequestraret: quia vero id non vultis, necessarium esse putarunt Patres nostri, ut saltem ligneis tabulis vos separaremus. Ut a senioribus ego audiri, initi hi parietes non fuere: In Christo enim Jezu non est mas, neque semina. Apostolorum quoque tempore una viri & mulieres erant. Nam tunc viri vere viri erant, & mulieres mulieres. Nunc vero contra, mulieres meretricum sibi mores assumpsērunt, viri autem ab equis furentibus nihil differunt.* Aurea hæc Chrysostomi verba forsitan perpendens S. Carolus Borromæus, secumque non immerito reputans, magis in nostram, quam in Chrysostomi ætatem quadrare, eandem virorum a mulieribus separationem, in Mediolanensibus templis fieri voluit; quam & nos Romæ factam vidimus in ecclesia S. Martini ad Montes, ubi, quandiu vixit Ven. Cardinalis Thomasus, ejusdem ecclesiæ Titularis, stationes virorum, & mulierum, interjecto ligneo muro, se-jungebantur, quod etiam narrat Berninus in ejusdem Cardinalis vita cap. 19.

9 Verum, quamquam S. Caroli decreta vetustissimis Ecclesiæ sanctionibus, consuetudinibus, & moribus nulla ex parte non responderent; nihilominus novitatis notam non evasere, cujus obtentu plerique turbulenti homines non dubitarunt, illa acriter impugnare, eorumque auctorem Carolum, veluti Novatorem palam & publice traducere. Ab hac calumnia, ut se vindicaret, sanctissimus Archipræsul Gregorium XIII. universalem Ecclesiam tunc moderantem, adiit, eique causas exposuit, cur necessarium duxerit, gliscentibus in sua dioecesi, adversus præscam disciplinam, abusibus, prædictis salubribus Constitutionibus obviare: quia autem paulo post Legati Romam pervenerunt a Mediolanensi Magistratu, instigante civitatis Gubernatore, missi, ut iisdem decretis apud Pontificem intercederent, Carolus, quo liberius cum Pontifice agere possent, statim ab Urbe discessit. Pontifex, auditis Legatis, negotium examinandum commisit nonnullorum Cardinalium Congregationi, a quibus aliquot Theologi, & Canonistæ fuere in consilium acciti: istorum suffragia Nos præ manibus habuimus, atque ex iis pleraque S. Caroli decretis, hanc unicam ob causam obtitisse, deprehendimus, quod inveteratis dioecesis Mediolanensis moribus contrairerent. At meliori sane consilio Gregorius Caroli edicta, non cum hodiernis corruptelis, sed cum præscis Ecclesiæ Institutis, sacrisque Canonibus, in quibus erat apprimè versatus, contulit, eaque his ad amissim congruere videns, spretis contrariis Theologorum suffragiis, suis Apostolicis litteris confirmavit, & Mediolanenses Legati, qui a Romanis per jocum, appellabantur *Oratores Bacchanalium*, eo quod præcipue illuc accessissent, ut Bacchanalium jura tuerentur, & ampliarent, re infecta, in patriam remearunt. Totam hujus rei historiam, quam leviter tetigerunt sacræ Rotæ Auditores in relatione causæ Canonizationis

zationis S. Caroli *part. 2. argum. 20.*, ex professo referunt Carolus a Basilicapetri *de vita & rebus gestis* (Sancti) Caroli lib. 5. cap. 7. & *segg.*, Joannes Petrus Giuffanus in *vita S. Caroli* lib. 6. cap. 3. & 4., Episcopus Antonius Godeau in *elogiis Episcoporum*, *elog. 98. pag. 640.*, & in *vita ejusdem S. Caroli* cap. 23. 24. & 25. lib. 1., Posservinus *de vit. & action. S. Caroli* cap. 10. 16. 20. & 25.

## CAPUT LV.

*Ab eadem novitatis nota alia vindicantur Synodales Constitutiones, Alatrina videlicet, & Herbipolenses.*

**I**N civitate Alatrina hic inoleverat detestandus abusus, ut in festo Sancti Sixti I. Papæ, præcipui civitatis Patroni, viri, & mulieres ante ecclesiæ fores, choreas ducerent, incompósitos agerent saltus, aliasque ludicras corporis gestulationes, quæ potius Bacchi orgiis, quam Christi Martyris solemnitati conveniebant. Providus Episcopus has ethnice certe superstitionis reliquias edicto suo proscripsit: Contra Episcopi edictum, consueto novitatis obtentu, reclamatum est, ad sacram Congregationem Episcoporum, & Regularium: Marcellus Severolus Romanæ Curie Advocatus multis argumentis conatus est, Alatrinam consuetudinem sumentare, atque ab omni superstitionis macula purgare, innixus potissimum exemplo Regii Prophetæ Davidis, qui Divino afflatus spiritu ante Dei Arcam saltavit; Sed Severoli conatus infregit alter æque doctus Advocatus Fatinnellus de Fatinnellis, qui pro Episcopi edicto stetit. Etenim choreæ, aliasque corporis jactationes, propter sibi insitam turpitudinem, quæ nullo religionis luco obumbrari potest, per plures Conciliorum canones jamdiu explosæ fuerant, & ne in celebritatibus Sanctorum, ad valvas præsertim ecclesiarum, fierent, severe interdictum. Africani Patres, ut legere est *can. 60. in codice canonum Ecclesiæ Africana* (tom. 1. collect. Harduin. c. l. 898.) legem Imperialem postulandam statuerunt ad compescenda tripudia, quibus SS. Martyrum Natalitia profanabantur: *Quibus diebus, quod pudoris est dicere, saltationes sceleratissimas, per vicos, atque plateas exercens, ut matronalis honor, & innumerabilium feminarum pudor, devote venientium ad sacratissimam diem, injuriis lascivientibus appetatur; ut etiam ipsius sanctæ religionis pene fugiatur accessus.* Idem consilium cepere Patres Concilii Toletani III. anni 589. *can. 23. relas. a Gratiano dist. 3. de consecrat. can. 2.*, ubi interponendam pariter decreverunt Reccardi Regis auctoritatem, ut eandem pestem ex Hispania eliminarent: *Exterminanda est omnino irreligiosa consuetudo, quam vulgus per Sanctorum solemnitates agere consuevit, ut populi, qui debent Divina Officia attendere, saltationibus, & turpibus invigilent canonicis, non solum sibi nocentes, sed & Religiosorum Officiis perstreperantes. Hoc etenim, ut ab omni Hispania depellatur, Sacerdotum, & Judicum a Concilio sancto*

sancto cura committitur. Equidem tolerare non potuit Ecclesia, ut veris Christi Sanctis ille videretur præstari, turpis, & obscæus cultus, qui a Paganis falsis exhibebatur naminibus: uti enim ad rem agebat Auctor *sermon. 265. ol. 215. de tempore, inter opera Augustini* (tom. 5. col. 437. in append.): *Isti infelices, & miseri homines, qui balationes, & salrationes ante ipsas basilicas Sanctorum exercere nec metuunt, nec erubescunt, etsi Christiani ad ecclesiam venerint, Pagani de ecclesia revertuntur: Quia ista consuetudo balandi de Paganorum observatione remansit.* Neque porro ad cohonestandas choreas quidquam prodesse exemplum Davidis, jampridem ponderavit Auctor operis *de Poenitentia lib. 2. cap. 6.*, quod Ambrosio adjudicandum, contra Petrum Soto, & Rivetum, omnes Eruditi consentiunt; Quoniam, ut ille ait, per mysticam David ante Arcam salrationem, unice Deus præmonstrare voluit Hebræis, quibus omnia in figura contingebant, ut unusquisque corpus attollat impigrum, nec humi pigra jacere membra, vel tardis sinat torpere vestigiis, & propterea cavendum, ait, ne quis putet nobis saltationis lubrica histronicas motus, & scæna delictamenta mandari (tom. 2. oper. S. Ambrosii. col. 426.) Quibus expensis, sacra Congregatio Episcoporum, & Regularium, Alatrii Episcopi Constitutionem, spreto novitatis argumento, quo impetebatur, approbavit, quemadmodum Nos ipsi retulimus in nostro Opere de Canonizat. Sanctor. lib. 4. part. 2. cap. 30. num. 30. in fin.

2 Fridericus Carolus Episcopus Bambergensis, & Herbipolensis, cum anno 1740. Collegiatam ecclesiam visiteret S. Joannis in Haugis, civitatis Herbipolensis, parvipendens Capituli querimonias, nihilque metuens Novatoris censuram, quam sibi prævidebat irrogandam, antiquam proscriptam consuetudinem, in eadem Ecclesia vigentem, quam referre, atque a sui initio repetere, neque inutile, neque injucundum fore existimamus. Perspectum, & exploratum est omnibus, qui veteres Ecclesiæ annales, vel leviter pertractarunt, jam a sæculo VIII., auctore Crodogango Episcopo Metensi, efformata fuisse Canoniorum Collegia, ad imaginem Monachorum, a quibus Canonici in hoc tantum differebant, quod Regulam quidem ipsi servarent, a sacris Canonibus, atque Ecclesiæ Patribus Clericis præscriptam, religiosa tamen vota non nuncuparent: hoc quippe unicum discrimen, inter utrosque intercessisse, colligitur ex Capitular. Aquisgranens. anni 789. cap. 71. (tom. 1. Capitular. Baluzii col. 237.) ubi ita cautum legimus: *Simul & hoc rogare curavimus, ut omnes ubicunque, qui se voto monachice vite constrinxerunt, monachice, & regulariter omnimodis, secundum votum suum vivant, secundum quod scriptum est: Vota vestra reddite Domino Deo vestro. . . .* Similiter qui ad Clericatum accedunt, quod nos nominamus Canonice vitam, volumus, ut illi canonice, secundum suam Regulam, omnimodis vivant, & Episcopus eorum regat vitam, sicut Abba Monachorum: Inde vero factum arbitramur, ut more Monachorum, quorum vivendi rationem, etsi voto soluti, Canonici in omnibus imitabantur, priusquam Capitulis, sive Cathedralium, sive Collegiarum ecclesiarum in-

zationis S. Caroli *part. 2. argum. 20.*, ex professo referunt Carolus a Basilicapetri *de vita & rebus gestis (Sancti) Caroli lib. 5. cap. 7. & seqq.*, Joannes Petrus Giussanus *in vita S. Caroli lib. 6. cap. 3. & 4.*, Episcopus Antonius Godeau *in elogis. Episcoporum, elog. 98. pag. 640.*, & in vita ejusdem S. Caroli *cap. 23. 24. & 25. lib. 1.*, Possevinus *de vit. & action. S. Caroli cap. 10. 16. 20. & 25.*

## C A P U T L V.

*Ab eadem novitatis nota alia vindicantur Synodales Constitutiones, Alatrina videlicet, & Herbiapolenses.*

**I**N civitate Alatrina hic inoleverat detestandus abusus, ut in festo Sancti Sixti I. Papæ, præcipui civitatis Patroni, viri, & mulieres ante ecclesiæ fores, choreas ducerent, incompositos agerent saltus, aliasque ludicras corporis gestulationes, quæ potius Bacchi orgiis, quam Christi Martyris solemnitati conveniebant. Providus Episcopus has ethnicae certe superstitionis reliquias edicto suo proscripsit: Contra Episcopi edictum, consuetuo novitatis obtentu, reclamatum est, ad sacram Congregationem Episcoporum, & Regularium: Marcellus Severolus Romanæ Curiae Advocatus multis argumentis conatus est, Alatrinam consuetudinem fuisse, atque ab omni superstitionis macula purgare, innixus potissimum exemplo Regii Prophetæ Davidis, qui Divino astitatus spiritu ante Dei Arcam saltavit; Sed Severoli conatus infregit alter æque doctus Advocatus Fatinellus de Fatinellis, qui pro Episcopi edicto stetit. Etenim choreæ, aliaque corporis jactationes, propter sibi insitam turpitudinem, quæ nullo religionis luco obumbrari potest, per plures Conciliorum canones jamdiu explosæ fuerant, & ne in celebratibus Sanctorum, ad valvas præsertim ecclesiarum, fierent, severe interdictum. Africani Patres, ut legere est *can. 60. in codice canonum Ecclesiæ Africana (tom. 1. collect. Harduin. col. 898.)* legem Imperialem postulandam statuerunt ad compescenda tripudia, quibus SS. Martyrum Natalicia profanabantur: *Quibus diebus, quod pudoris est dicere, saltationes sceleratissimas, per vicos, atque plateas exercent, ut matronalis honor, & innumerabilium seminarum pudor, devoto venientium ad sacratissimam diem, injuriis lascivientibus appetatur; ut etiam ipsius sanctæ religionis pæne fugiatur accessus.* Idem consilium cepere Patres Concilii Toletani III. anni 589. *can. 23. relat. a Gratiano dist. 3. de consecrat. can. 2.*, ubi interponendam pariter decreverunt Reccaredi Regis auctoritatem, ut eandem pestem ex Hispania eliminarent: *Exterminanda est omnino irreligiosa consuetudo, quam vulgus per Sanctorum solemnitates agere consuevit, ut populi, qui debent Divina Officia attendere, saltationibus, & turpibus invigilent canticis, non solum sibi nocentes, sed & Religiosorum Officiis perstreperes.* Hoc etenim, ut ab omni Hispania depellatur, Sacerdotum, & Judicum a Concilio sancto

*sancto cura committitur. Equidem tolerare non potuit Ecclesia, ut veris Christi Sanctis ille videretur præstari, turpis, & obscæus cultus, qui a Paganis falsis exhibebatur numinibus: uti enim ad rem aiebat Auctor sermon. 265. ol. 215. de tempore, inter opera Augustini (tom. 5. col. 437. in append.): Isti infelices, & miseri homines, qui balationes, & salrationes ante ipsas basilicas Sanctorum exercere nec metuum, nec erubescunt, nisi Christiani ad ecclesiam venerint, Pagani de ecclesia revertuntur. Quia ista consuetudo balandi de Paganorum observatione remansit. Neque porro ad cohonestandas choreas quidquam prodesse exemplum Davidis, jampridem ponderavit Auctor operis de Penitentia lib. 2. cap. 6., quod Ambrosio adjudicandum, contra Petrum Soto, & Rivetum, omnes Eruditi consentiunt; Quoniam, ut ille ait, per mysticam David ante Arcam saltationem, unice Deus præmonstrare voluit Hebræis, quibus omnia in figura contingebant, ut unusquisque corpus attollat impigrum, nec humi pigra jacere membra, vel tardis finat torpere vestigia, & propterea cavendum, ait, ne quis puer nobis saltationis lubrica histronicus motus, & scena veltramenta mandari (tom. 2. oper. S. Ambrosii. col. 426.) Quibus expensis, sacra Congregatio Episcoporum, & Regularium, Alatri Episcopi Constitutionem, spreto novitatis argumento, quo impetebatur, approbavit, quemadmodum Nos ipsi retulimus in nostro Opere de Canonizat. Sanctor. lib. 4. part. 2. cap. 30. num. 30. in fin.*

2 Fridericus Carolus Episcopus Bambergensis, & Herbipolensis, cum anno 1740. Collegiatam ecclesiam visitaret S. Joannis in Haugis, civitatis Herbipolensis, parvipendens Capituli querimonias, nihilque metuens Novatoris censuram, quam sibi prævidebat irrogandam, antiquam proscriptam consuetudinem, in eadem Ecclesia vigentem, quam referre, atque a sui initio repetere, neque inutile, neque injucundum fore existimamus. Perspectum, & exploratum est omnibus, qui veteres Ecclesiæ annales, vel leviter pertractarunt, jam a sæculo VIII., auctore Crodogango Episcopo Metensi, efformata fuisse Canonicorum Collegia, ad imaginem Monachorum, a quibus Canonici in hoc tantum differebant, quod Regulam quidem ipsi servarent, a sacris Canonibus, atque Ecclesiæ Patribus, Clericis præscriptam, religiosa tamen vota non nuncuparent: hoc quippe unicum discrimen, inter utroque intercessisse, colligitur ex Capitular. Aquisgranens. anni 789. cap. 71. (tom. 1. Capitular. Baluzii col. 237.) ubi ita cautum legimus: *Simul & hoc rogare curavimus, ut omnes ubicumque, qui se voto monachice vita constrinxerunt, monachice, & regulariter omnimodis, secundum votum suum vivant, secundum quod scriptum est: Vota vestra reddite Domino Deo vestro . . . Similiter qui ad Clericatum accedunt, quod nos nominamus Canonicam vitam, volumus, ut illi canonice, secundum suam Regulam omnimodis vivant, & Episcopus eorum regat vitam, sicut Abba Monachorum: Inde vero factum arbitramur, ut more Monachorum, quorum vivendi rationem, etsi voto soluti, Canonici in omnibus imitabantur, priusquam Capitulis, sive Cathedralium, sive Collegiatarum ecclesiarum in-*

sererentur, tyrocinium subirent, sub cura Præpositi, a quo morum disciplina imbuerentur, & sub magisterio Scholastici, cujus munus erat juniores illos, & novitios Canonicos litteris, bonisque artibus informare, quemadmodum observat Antonius Matthæi lib. 2. de nobil. cap. 39., pluribusque exornat Thomassinus de vet. & nov. Eccles. discipl. part. 1. lib. 3. cap. 8. num. 2. & seqq., & cap. 70. num. 8.; Tyrocinii verò tempore, multa ipsi subeunda erant incommoda, molestiæ haud leves tolerandæ, ut per dura, & aspera quæque probati, ad reliquam vitam canonicè transigendam assuescerent: Etenim si jam pridem Gregorius Magnus, *Neminem sacris Ordinibus initiari voluit, nisi post probationem*, teste Jo. Diacono in ejus vita lib. 2. num. 16., apud Mabillon. in *Act. Benedict. sec. I. pag. 417.*, multo magis probandi erant Canonici, qui ad exactam componebantur normam Monachorum, de quibus scribit Petrus Blesensis *epist. 13. : Novitiorum claustralium mentes adhuc desideriorum carnalium humoribus gravida, & timentes, non acceptantur in sacrificio Domini, nisi prius igne tribulationis torreantur, nec paleas prius deponant affectum, nisi per laborem, & abstinentiam confringantur, & ad rem nostram magis appolite.* Fructuosus Episcopus, suæ Regulæ cap. 18. de Novitio loquens (*par. 2. c. d. Regul. Holsteni pag. 274.*) ait: *Monasterium sub Regula introducatur, & animi integrum a cunctis Fratribus, ex industria, convictis comprobetur.*

3 Postquam autem obsoleta est Crodogangi Institutio, & Canonici, abjecta vita communi, ac regulari observantia, in sua quisque domo, secularium more, vivere coeperunt, quod in Germania contigisse, fluente sæculo X., auctor est Trithemius in *chron. Hirsaugiens. anno 977.*, nonnulla prius stinæ disciplinæ remansere rudera, quæ adhuc hodie invisuntur in Canonico Scholastico; in anno residentia, seu claustrali, quem quorundam Capitulorum Germaniæ Canonici, certa anni die, auspicari debent, atque in ecclesiæ servitio integrum transigere, priusquam in Capitulum admittantur, suæque Præbendæ fructus participant: Sed in eo etiam clarius veteris disciplinæ vestigium conspicitur, quod, in aliis ejusdem Germaniæ Capitulis, est in more positum, nimirum, ut qui Canonicatum adepti sunt, non statim, post annum residentiæ, sicuti alibi fit, Capitularibus annuenerentur, sed meram expectativam habeant vacaturæ Præbendæ Canonici, ideoque non appellantur absolute Canonici, sed Domicellares, seu Domicelli, quasi non Domini, sed Dominuli sint, ut hac ipsa nomenclatura differant a veris Canonicis, quos jam a sæculo x. fuisse in Germania appellatos Dominos, testatur Gerardus, ejusdem sæculi Scriptor, in vita Sancti Uldarici Episcopi Augustani, apud Mabillon. in *Act. Benedict. sec. 5. pag. 429.*: Hi quippe Canonici Domicellares speciem quamdam referunt juniorum Clericorum, quos diximus in tyrocinio olim detentos, variisque exercitationibus probatos, ut deinde in Canonicorum Collegium cooptarentur: Equidem Patres Concilii Moguntini, anni 1549. de iis quæ ad mores pertinent cap. 86. de Domicellariis, perinde ac de Novitiis in probatione degenti-

bus,

bus, in hunc modum loquuntur (*tom. 9. collect. Hard. col. 2134*): *Hactenus in ecclesiis Cathedralibus, & in Collegiatis (saltem in ea parte, qua Majores nostri, non sine magna ratione, juniores Canonicos, quos Domicellares vocant, non statim ut Beneficia acceperint, ad Capitula admitti, sed ad tempus sub jugo Prelatorum detineri voluerunt) satis negligenter advigilatum esse, non sine Ecclesiarum perniciē, sentimus; dum hi, quibus ea cura incumbit, ad studia, & mores Domicellarium parum attendentes, si modo Domicellares certum tempus in Beneficiis possessione exegissent, aut pecuniam pro emancipatione constitutam numerassent, sine ampliori delectu, quosvis ad Capitula admiserunt, etiam eos, quos nec vira honestate, nec doctrina satis idoneos, aut ecclesiis utiles futuros norint. . . . Quorum indemnitati consulere volentes, Prelatorum, Capitulorum, & aliorum, quorum interest, conscientias duximus orandas, ut in posterum, non secundum prateritam consuetudinem (qua in hac parte, ut ecclesiis pernicioſa, irrationabilis, aut potius corruptela censenda est) quolibet, sed secundum conscientiam, idoneos tantum, & dignos, ad Capitula, præsertim Metropoliticum, & Cathedralia admittant.*

4. Ejusmodi Canonici Domicellares reperiuntur in præſata ecclesia Sancti Joannis in Haugis, iique, cum essent in Capitulum recipiendi, hoc quasi postremum sui tyrocinii subibant experimentum: Ab humeris ad lumbos denudati transibant per medium agmen Canonicorum Capitularium, a quorum singulis, virga, quam quisque manibus tenebat, cedebantur, eoque experimento peracto, veluti jam per aspera quæque probati, atque e tyrocinio subducti, Capitularibus accensebantur. Hunc autem morem promanasse opinamur ex illo veteri instituto, a Monachis ad Canonicos derivato, Novitium scilicet laceſſendi injuriis, conviciis, & probris, sicuti ab Episcopo Fructuoso audivimus. Alia præterea potuit esse ejus consuetudinis origo. Antiquis Romanorum legibus, emancipatio liberorum e patria potestate fiebat, *cum injuriis, & alapis*, ut dicitur *Novell. 181. præſat.*, & observant Antonius Perez in *cod. tom. 2. lib. 8. tit. 49. num. 2.*, Vincentius Gravina *orig. jur. lib. 2. num. 83.*, Heinec. *instit. instit. lib. 2. tit. 12.*, & antiquit. *Romanar. tom. 1. lib. 1. cap. 12. §. 5. & 9.*; inter ceteros enim ejusdem ritus, quos describit Cajus *instit. cap. 6.*, hic ultimus erat, aliorumque complementum: emancipandus, post tertiam manumissionem, fervorum more, *circumducebatur*, quasi ei libera daretur facultas abundi quo vellet, & *colapso percusiebatur*, quo præſtito, emancipatio ceasebatur omnibus numeris absoluta.

5. Jam vero admissionem Canonici Domicellaris in Capitulum speciem quamdam fuisse emancipationis, per quam ille liberaretur a nexu scholæ, & subtraheretur a jugo Canonici scholastici, colligimus tum ex antiquis statutis Ecclesiæ Ultrajectinæ, relatis ab Antonio Matthæi *de nobil. lib. 2. cap. 39.*, in quibus ita cavetur: *Si Scholaris ad Prabendam assumptus fuerit, vocem tamen in Capitulo non habebit, donec vigesimum ætatis sue annum attigerit, & per Scholasticum nostrum, Decano, & Capitula nostro emancipandus, præſentatus*

*sentatus ut idoneus fuerit; & rursus [ de officio Scholastici ]: Ad ipsum [ pertinet] Scholares examinare tam in scientia, quam in moribus, & aetate, & cum habiles reporti fuerint, Decano, & Capitulo nostro emancipandos presentare, tum ex vetusto diplomate, quod occurrit apud Schaten. lib. xi. annal. Paderbun. ad ann. 1231., ubi circa finem hæc habentur: Nullius Canoniarum de cetero emancipabitur; quin idem iures, ne numerus Canonicorum excedat numerum Præbendarum. Quocirca improbabile non est, præfatum modum, eum in Capitulum introducendi, per convicia, & verbera, ortum habuisse, a veteri ritu emancipationis, quem postea abolevit Justinianus in leg. ultinia, cod. de emancip. liber.*

6 Sed quidquid sit de illius consuetudinis origine, quam Nobis dumtaxat conijcere, certo tamen assequi non licuit, eam prudenti sane consilio extirpandam duxit laudatus Fridericus Carolus Episcopus Herbipolensis, opportuno decreto, hisce verbis concepto: *Sicut quæ laudabiliter olim constituta, vel ab antiquo observata esse noscuntur, retinenda sunt in posterum; ita e contra, quæ honestati, modestiæque Ecclesiasticae, vel bonis moribus adversantur, sacris inimica Canonibus, quantumvis vetusta, quantumvis vulgata, adeo vires non contrahunt ab antiquitate, quin tanquam abusus reformari debeant.* Enimvero, cum hodie inter Canonicos Domicellares non soli adolescentuli, sicuti forsan retroactis temporibus, sed viri numerentur ætate, & prudentia plerumque maturi, & quandoque etiam Episcopali charactere exornati, jure, ac merito indecorum, & turpe illi visum est, ut illi, humeris denudatis, sub secularum ictibus, in Capitulum admitterentur. Obstitere utique Canonici novæ sanctioni, quæ querebantur, antiquum everti Capituli institutum, cujus initii non extabat memoria; sed frustra; quoniam Nos, quibus jam tum universalis Ecclesiæ regimen obtigerat, considerantes, non posse vetustatis argumento abusus sustineri, qui recte rationi, decentiæ, atque honestati adversantur, consilium Episcopi summo petere commendavimus, ejusque decretum confirmavimus.

7 In Synodo Ulyssiponensi vetitum fuerat Tabernariis, ne festis diebus, res, etiam ad victum necessarias, venderent, iis matutinis horis, quibus in ecclesiis solemnia peragebantur Officia: In Constitutionibus Synodalibus Barchinonensibus interdictum pariter fuit Mercatoribus, ne iisdem Deo dicatis diebus ullam exercere negotiationem, omneque, sive Mercatores, sive Artifices jussi sunt, iisdem diebus, suas apothecas obferare, nullique, aliquid emendi causa, aditum in eas permittere. Utraque Constitutio, quamquam nihil de novo decerneret, sed Dei, atque Ecclesiæ legem instauraret, & inculcaret, nihilominus insimulata fuit novitatis, atque acerrime impugnata; sed perperam; nam prima approbata fuit a sacra Rota decis. 1583. num. 8. coram Penia, & decis. 33. coram Du-nozzetti., & decis. 293. coram Ubaldo, altera vero confirmata a sacra Congregatione Concilii die 13. Martii 1679., & die 27. Martii 1683., sicuti legitur in regestis, refertque Nicollus in *prax. Canonic. tom. 1. lit. C. §. 1. num. 44.*



8 Ex hæcenus dictis colliget Episcopus, non esse sibi metuumdum, a Novatoris calumnia, cum Constitutiones edit, quas necessarias agnoscit ad depravatos populi, Clerique mores reformandos, & sanctissimos Ecclesiæ Canones reparandos, temporum injuria, hominumque malitia labefactatos; facile quippe ab improborum dictis se tuebitur decreto Tridentini sess. 22. cap. 1. de reform., ubi postquam omnes innovavit Constitutiones, ad vitam, & honestatem Clericorum pertinentes, Episcopos alloquens, ait: *Si qua vero ex his in defuetudinem abiisse compererint, ea quamprimum in usum revocari, & ab omnibus accurate custodiri studeant, non obstantibus consuetudinibus quibuscumque, ne subditorum neglecta emendationis ipsi condignas, Deo vindice, penas perfolvant.*

## CAPUT LVI.

*Quenam sit novitas in diocesim non inducenda, ubi præter alia agitur de jejuniis Sabbati, & de more in nonnullas regiones introitū descendendi die Sabbati interioribus & extremis partibus animalium.*

1 **Q**uemadmodum prudenter se gerit Episcopus in id incumbens, ut pristina disciplina, quam præfocavit abusus, in sua diocesi revirescat; ita imprudenter agit, qui mores in eam inducere tentat, aut nunquam receptos, aut ex rationabili causa postea obsoletos, præcipue si res respiciant levis momenti, in quibus mutatio fieri potuit, sine ullo Ecclesiæ dispendio, & purioris Ethices jactura. Quoniam autem in hac re, quæ a rerum, temporum, & locorum circumstantiis maxime pendet, impossibile est universalem regulam constituere, in omni eventu, æque ab omnibus, atque ubique servandam; regulæ loco, esse poterunt nonnulla, quæ in medium statim proferemus exempla.

2 Episcopus restituendæ Ecclesiasticæ disciplinæ studiosus, plures saluberrimas paraverat Constitutiones, in sua Dioecæsana Synodo propediem promulgandas: eas Nobis, qui tunc temporis Secretarium agebamus sacræ Congregationis Concilii, pro sua erga Nos humanitate, amice dedit examinandas: earum unam offendimus, in qua prohibebatur Clericis usus fibularum in calceis, adjecta in transgressores hand levi poena; ejusque Constitutionis ratio petebatur ex cap. Clerici, 15., de vis. & honest. Clericor., ubi Innocentius III., inter cetera ornamenta Clericis interdicta, fibulas etiam recenset, iniquiens: *Fibulas omnino non ferant*: At nos amico Episcopo suavisimus, ut hanc Constitutionem deleret; neque his temporibus aptari diximus laudatam Innocentii III. Decretalem, utpote quæ de fibulis loquitur, ab illis diversis, quæ nunc communiter, apud honestos viros sunt in usu; Fibulas enim ad merum olim pertinuisse luxum, & vestium ornamentum, testatur Ulpianus in leg. Argumento 27., ff. de auro, & argento legatis, iniquiens:

inquiens: *Fibulae ornamenta magis, quam vestis sunt*; & prosequuntur Petrus Faber lib. 1. *semestr.*, cap. 16., & Chiffletius in *Anastasi Childerici* cap. 16. & quidem mollia erant ornamenta, mulierum potius, quam virorum propria, quemadmodum in *cit. leg.* notavit Glossa V. *Ornamenta*, traditque Plinius lib. 33. cap. 1. scribens: *Fibulas, & alia muliebris cultus*; Quamvis revera, eodem Plinio teste, non deessent viri, qui mulierum more, aureis, & gemmatis fibulis suas vestes constringerent, quem etiam morem indicat illud Virgilii *Aeneid.* 1.: *Aurea purpuream subnectitis fibula vestem*; quia porro mulieres, calceorum loco, semper utebantur soleis, quas viri domi tantum gestabant, quod deducitur ex Gellio lib. 13. cap. 20., eas pariter pretiosis fibulis revinciebant, quæque ad soleas colligandas erant necessariæ, ad merum luxum, & pompam, fuerunt postea etiam in calceamentis adhibitæ: ad hujus vero generis calceamenta, pretiosis fibulis adornata allusit Concilium Carthaginienſe 1v. anni 398., cum *can. 45. [tom. 1. collect. Hard. col. 982.]* ait: *Clericus nec vestibus, nec calceamentis decorem querat*, eademque respexit Concilium Matifconenſe anni 581., cum *can. 5.* edixit: *Nullus Clericus sagum, aut vestimenta, vel calceamenta secularia, nisi quæ religionem deceant, induere presumat [tom. 3. collect. Hard. col. 452.]*: de præfatis pariter fibulis, vanitati, & pompæ unice infervientibus, loquuntur Innocentium III., liquet ex contextu; ait quippe: *Fibulas omnino non ferant: neque corrigias auri, vel argenti ornamentum habentes*; Fibulæ autem, quæ hodie, ad calceos colligandos sunt in usu, nisi sint gemmis contextæ, nullam præferunt vanitatem, sed solius commoditatis causa adhibentur, etiam ab hominibus infimæ plebis, & pauperrimis; Quocirca illas Clericis interdiceret, esset male teriatorum hominum linguas ad disteria, & scornata incitare, absque ullo Ecclesiasticæ disciplinæ profectu.

3 Episcopus Malacitanus anno 1682. quæſivit a sacra Congregatione Concilii; *An in civitate Malacitana, qua uti portus maritimus abundat piscibus, tolerari possit, ut diebus Sabbati comedantur interiora, & extremitates animalium, prout practicatur in aliis partibus Hispaniarum, propter piscium penuriam, & caritatem*. Videbitur fortasse cuipiam, absque ulla hæſitatione, respondendum statim fuisse *Negative*: Sed alia fuit sententia sacre Congregationis Concilii, quæ probe considerans, non esse, immaturo, & præpropero decreto, præcidendam consuetudinem, alicubi, ex rationabili causa, communiter receptam; die 14. Novembris ejusdem anni Episcopo reſcripſit, ut de moribus vigentibus in Regno Granatæ, in quo sita est civitas Malacitana, sacram Congregationem diligenter edoceret; Si enim in toto pariter Regno usus invaluiſſet, prædictas animalium partes, die Sabbati comedendi, nihil certe eadem cenſuiſſet innovandum; innovationi liquidem tunc obſiſtiſſet illa eadem ratio, propterquam diximus, a S. Carolo Borromæo, non fuiſſe obſtriſtos Mediolanenſes ad adjuiciendum Quadrageſimali jejuniis, Cinerum, tresque inſequentes dies. Etenim, ut rem paulo altius repetamus, de præcepto, ſive jejunandi, ſive abſtinendi a carnibus

a carnibus die Sabbati, non una, sed varia fuit, multisque mutationibus obnoxia, Ecclesiæ disciplina. Orientales unicum Sabbatum post Parasceven consecrabant jejunio, ceteris vero per annum recurrentibus, non solum non jejunabant, sed eodem fere solemnî ritu, quo diebus Dominicis, sacros celebrabant conventus, & synaxes, quod testantur Athanasius *hom. de semete*, Socrates *lib. 5. cap. 22.*, & *lib. 6. cap. 4.*, Cassianus *instit. lib. 3. cap. 2.*, innuitque Augustinus *epist. ol. 118. nunc 54.* quinimmo erat illis persuasum, nequaquam licere Christianis, etiamsi sponte vellent, Sabbato jejunare, quam persuasionem inde ortam plerique Eruditi opinantur, quod Marcion hæreticos partem hæreseos suæ iecisset jejunium Sabbati; Is quippe, referente Epiphanio *hæres. xiv.*, Sabbato jejunandum docebat, in odium Dei Judæorum, Mundi hujus aspectabilis Creatorem, quem malum impie asseribat; Catholici vero Orientales, ne huic Marcionis errori viderentur favere, Sabbatum, festa celebritate colebant. In ejusdem porro erroris abominationem; iidem Eruditi autumant, a Joanne tercio Episcopo Constantinopolitano, excusum fuisse canonem 56. eorum, qui dicti sunt *Apostolici*, ubi deponuntur Clerici, & segregantur Laici, Sabbato jejunantes: Si quis Clericus inventus fuerit die Dominica jejunans, vel Sabbato, præter unum solum, deponatur; si vero Laicus sit, segregetur; Quoniam autem, subsequenti ætate, aliæ in Oriente exortæ sunt hæreses, uti Marcianistarum [ qui distincti erant a Marcionitis, auctoremque habebant Marcianum Trapezitam ] Lampetianorum, Choreutarum, & Adelphianorum, de quibus Cotelierius in *Constit. lib. 5. cap. 15.*, & Combefisius *hist. Monothelit. pag. 461.*, quarum Sectatores, ex vana, & superstitiosa observatione, Sabbato jejunabant, ut ab his fecernerentur Catholici Orientales, magis, magisque a Sabbati jejunio abhorruerunt; & quia Auctor Constitutionum consuetudines Orientalis Ecclesiæ præcipue enarrat, idcirco pluribus in locis, præsertim *lib. 5. cap. 15.*, jejunium Sabbati districte prohibet.

4 At Ecclesia Romana, quanquam Orientalium morem neutiquam improbaverit, quinimmo, si rei veritatem est assequutus Albaspinæus *observat. lib. 1. cap. 13.*, eundem ab initio & ipsa servaverit, attamen jam a sæculo IV. fuisse in ea Sabbati diem esurialibus annumeratum, discimus ex Hieronymo *epist. 78. olim 28. ad Lucinium Baticum*, & Augustino *epist. 82. olim 19. ad Hieronymum, epist. 36. olim 86. ad Casulanum*, aliisque in locis: Neque oppositum quemquam opinari patitur auctoritas Innocentii I., qui sæculi V. initio, ad Docentium Eugubinum Episcopum *cap. 4.*, num. 7. (ex recens. Constant col. 359.) in hunc modum scripsit: Sabbato vero jejunandum esse, ratio evidentissima demonstrat. Nam si diem Dominicum, ob venerabilem Resurrectionem Domini nostri Jesu Christi, non solum in Pascha celebramus, verum etiam per singulos circulos hebdomadarum, ipsius diei imaginem frequentamus, ac sexta feria, propter Passionem Domini jejunamus, Sabbatum prætermittere non debemus, quod inter tristitiam, atque lætitiâ temporis illius videtur inclusum. . . Non ergo nos negamus sexta feria jejunandum; sed dicimus &

Tom. XII.

R r r

Sab-

*Sabbato hoc agendum.* Ejusmodi autem Ecclesiæ Romanæ institutum, cui nonnulli obiectabantur, post maturam discussionem, a Sancto Silvestro Papa, stabili lege firmatum, asserit Nicolaus I. *epist. 70. ad Hincmarum & ceteros Episcopos in Regno Caroli constitutos* (tom. 5. collect. Harduini col. 310.) inquit: *Cum de jejuniis Sabbati, tempore Sancti Silvestri Confessoris Christi, sit satis discussum, & disputatum, atque, ut celebretur, per omnia definitum, nullusque post hæc, ausu temerario, contra istud Statutum venire, aut saltem mutare præsumpseris; Neque enim audiendum putamus nuperum Editorem operum S. Leonis in differt. de jejuniis Sabbati in Ecclesia Romana, cui additipulatur Natalis Alexander differt. 4. ad sac. II. art. 6., contendentem, aut in hanc Nicolai epistolam, Scribarum oscitantia, mendum irreplisse, aut Nicolaum ipsejoria lapsum, Silvestrum pro Innocentio supposuisse: Et enim Innocentius I. loc. cit. jejuniis Sabbati de novo non præcipit, sed jam antea in Ecclesia Romana religiose observatum, tanquam certum assumit, causamque adducit, cur id factum fuerit, uti ex ejusdem verbis liquet: præterea Socrates, qui medio eodem sæculo V. scripsit, diversos referens mores Orientalium, & Occidentalium, Sabbati cultum respicientes, cit. lib. 5., cap. 22., ait: Cum omnes ubique terrarum Ecclesia, per singulas hebdomadas die Sabbati sacra mysteria celebrent, Alexandrini tamen, & Romani vetustam traditionem sequuntur, id facere detrahant; Vetustam autem traditionem nequaquam vocasset, quæ paucis antea annis, ab Innocentio I. esset in Romanam Ecclesiam inducta.*

5 Ecclesiæ Romanæ usum sectæ quidem sunt pleræque, non tamen omnes Occidentales Ecclesiæ: id dilerte asserit Augustinus cit. *epist. 36. ad Casulanum*, additque, in Africa maxime conpigit, ut una Ecclesia, vel unius regionis Ecclesia, alios haberent Sabbato prandentes, alios jejunantes: Atque, ut alias prætereamus, Ecclesiam Mediolanensem, quanquam a Romana non longe distitam, Sabbati jejunium, ne Quadragesimæ quidem tempore, observasse, solo excepto Sabbato Magno ante Pascha, affirmat Ambrosius de Elia, & *jejun. cap. 10. num. 34. (tom. 1. oper. col. 545.)*: *Quadragesima totis, præter Sabbatum, & Dominicam, jejunatur diebus; idemque Ambrosius ab Augustino adhuc cathecumeno interrogatus, quid agendum esset Monicæ matri suæ, Mediolani tunc degenti, respondit: Quando hic sum, non jejuo Sabbato; quando Romæ sum, jejuo Sabbato: Ad quancumque Ecclesiam veneritis, ejus morem servate, si pati scandalum non vultis, aut facere, quod in eadem epistola Augustinus relet. Ex hac porro Ecclesiarum, etiam Occidentalium, hac in re, discrepantia, evenisse putamus, ut idem Nicolaus I., qui scribens ad Episcopos Gallicanos, Sabbati jejunium, contra Græcorum inculcationes, strenue propugnauerat, Bulgaris recens ad Fidem conversis, solius sextæ feriæ, non autem Sabbati, jejunium indixerit: noluit quippe Nicolaus jugum illis imponere, quod multæ, etiam Occidentales Ecclesiæ, subire detrectaverant, quemadmodum ipsemet non obscure indicavit in *respons. ad consult. Bulgar. cap. 4. (tom. 5. collect.**

lect. Hard. col. 355.) : Nos tamen vobis, qui, ut praeulimus, adhuc rudes estis, & lacte, tanquam parvuli nutriendi, non grave posuimus jugum, donec ad solidum cibum veniatis, imponere. Quocirca errasse credimus virum ceteroquin doctissimum Christianum Lupum, cum in scholiis, & notis ad can. Concilior. tom. 5. pag. 167., ex hoc Nicolai loco intulit jam ejus ætate Sabbati jejunium in Romana Ecclesia exolevisse: huic siquidem opinationi expresse contradicit ipsemet Nicolaus, in laudata epistola ad Gallicanos Episcopos, in qua dilerte asserit, Sancti Silvestri Papæ Institutum tunc fuisse Romæ sancte, ac religiose observatum: Nullusque post hac (ait) ausu temerario contra illud statutum, venire, aut saltem mutare præsumpsit: Cum potius e diversa Sedis Apostolica institutio, & Ecclesia Romana sequens observantia, ejusdem salutiferi Constituti exsecutrix fuisse hucusque reperitur.

6 Illud autem probabile fateamur, quod ibidem Lupus contendit, ejusmodi nimirum Romanæ Ecclesiæ disciplinam, nunquam Hispaniam pervasisse; quamvis enim Albaspinxus observat. lib. 1. cap. 13., Natalia Alexander cit. differt. art. 6., Bingamus antiquit. Eccles. lib. 20. cap. 3. §. 6. volum. 9., aliique eam receptam existiment a Patribus Eliberitanis can. 26., ubi sanxere: *Errorem corrigi placuit, ut omni Sabbati die jejuniorum superpositiones celebremus*; attamen aliis videtur hisce verbis, jejunium Sabbati potius corrigi, & respui, tanquam insolitum, & de novo superpositum; Verum etsi legem, de qua est sermo, a PP. Eliberitanis latam dicamus, eam saltem non diu in Hispania perseverasse, sed contrario usu abolitam, colligitur ex epistola Hadriani I. ad Egilam Archiepiscopum Toletanum, in qua, si vera refert Mariana de rebus Hispan., Pontifex acriter illum objurgat, quod Græcorum more, sineret in sua diocesi carnes edi, diebus Sabbati; sed adhuc certius evincitur ex Concilio Coyacensi celebrato, anno 1050. sub Ferdinando Rege Castellæ, in cujus can. 11. (tom. 6. part. 1. collect. Hard. col. 1028.) præcipitur jejunium sextæ seriæ, nulla facta Sabbati mentione.

7 Porro quia nemo libenter diu sustinet jugum, a quo alios passim videt substractos, ex hac disciplinæ varietate tandem effectum est, ut consuetudo sacrandi jejunio diem Sabbati, in toto Occidente pederentim defecerit, atque ita demum obsoleverit, ut S. Gregorius VII. in Concilio Romano anni 1078. can. 7. relat. de consecrat. dist. 5., can. 31., non ausus avitam disciplinam ex integro instaurare, satius duxerit Fideles commonere, ut a carniū esu ea die abstinere: *Quia dies Sabbati apud sanctos Patres nostros, in abstinentia celebris est habitus, Nos eorundem auctoritatem sequentes salubriter admonemus, ut quicumque se Christianæ religionis participem esse desiderat, ab esu carniū, eadem die, nisi majori festivitate interveniente, vel infirmitate impediēte, absteat.* Si hujus Constitutionis verba ad severum vocarentur examen, non facile utique esset definire, an esus carniū, sub gravi præcepto, illis prohibeatur: Etenim ex una parte verbum *admonemus*, non præceptum, sed merum importat consilium, uti bene Barbo-

sa tract. de diffion. , dist. 12. ; at ex alia , verba quæ sequuntur : *Quicumque se Christianæ religionis participem esse desiderat , videntur , aliter facientibus comminari anathema , quod sine gravi culpa ferri sane non potest ; sed quæstioni aditum occlusit Innocentius III. in cap. Consilium , de observat. jejun. , ubi ab Episcopo Bracharensi de illis interrogatus , qui propter debilitatem , in Sabbato carnes sumunt ; respondit : Respondemus , quod super hoc consuetudinem tuæ regionis facias observari ; Si enim solum loci consuetudinem spectandam voluit , non obscure profecto insinnavit Innocentius , nullum ea de re extare Ecclesiæ præceptum . Hinc communiter apud Doctores invaluit opinio , licere diæ Sabbati carnes comedere , ubicumque earum esus a recepta consuetudine non est interdictus , ita Gloss. in cit. can. Quia dies , V. Admonemus , de consecrat. dist. 5. , Gloss. marginalis citans Ostinsem in can. De esu , de consecrat. dist. 3. , S. Antoninus in Sum. Theolog. part. 1. tit. 16. cap. unic. pag. 782. Silvester V. Jejunium , num. 28. , Fagnanus in cit. cap. Consilium , num. 19. & seqq. de observat. jejun. , Pirhing. ad tit. 46. lib. 3. Decretal. num. 2. vers. Ex quo infertur .*

8 At ad propositum regredientes , in pluribus Hispaniarum , præcipue Castellæ , Gallæciæ , & Majoricæ Regnis , ex antiqua consuetudine , cujus originem difficile est divinare , ita in Sabbato carnibus abstinent , ut simul velcantur interioribus , extremisque animalium partibus , sicuti testantur Navarrus in *mannal. , cap. 23. num. 120. vers. Sexto posset* , Covarr. *variar. lib. 4. cap. 20. num. 8. vers. Hispani omnibus Sabbatis* , Rodriguez *quæstion. regular. tom. 3. quæst. 45. art. 3. vers. Castellani Hispani* , Vivald. in *candelab. aur. , cap. 11. de Quadragesima , & jejunio , num. 40.* Si itaque eadem consuetudo viguisset etiam in Regno Granatæ , imprudenter egisset Episcopus Malacitanus , si illam abrogare tentasset , quemadmodum imprudenter se gereret , qui niteretur contra veterem usum in nonnullis Galliarum diocesisibus receptum , comedendi carnes diebus Sabbati , inter solemnitatem Nativitatis Domini , & festum Purificationis Beatissimæ Virginis , intercedentibus : uterque enim consuetudinem insectaretur , nulli Ecclesiæ præcepto contrariam , nullo canone reprobata , sed a pluribus Episcopis in suis Dioecesanis Synodis toleratam , uti animadvertunt Thomassinus tract. de jejun. part. 2. cap. 6. , & De l'Isle in hist. jejun. cap. 5. pag. 187.



## CAPUT LVII.

*Novitatis notam non evadit Synodalis Constitutio, qua renovare nititur antiquos Canones, per alios posteriores mitigatos: Ubi de cohabitatione Clericorum, & mulierum prudenter in Synodo inhibenda.*

**A**B imprudenti quoque novitatis studio abreptus diceretur Episcopus, qui aliquid in sua Synodo ediceret, alicui quidem juris communis sanctioni conforme, cui tamen sit per jus posterius derogatum. Exemplum esse potest in cohabitatione Clericorum, & mulierum, de qua nos pluribus disseruimus in nostra *Notific. 83.* Ne Ecclesie Ministrorum existimatio, ulla foedi criminis probabili suspitione immineretur, Magna Synodus Nicæna *can. 3.* juxta versionem Dionysii Exigui (*tom. 3. collat. Hard. sol. 323.*) ita sancivit: *Interdixit per omnia Magna Synodus, non Episcopo, non Presbytero, non Diacono, nec alicui omnino, qui in Clero est, licere subintroductam habere mulierem: nisi forte, aut matrem, aut sororem, aut amitam, vel eas tantum personas, qua suspitionem effugiant; Quænam porro dicerentur mulieres subintroductæ, litigant Eruditi. Putarunt aliqui cum Turriano lib. 2. de dogmat. character. Verbi Dei pag. 93. eo nomine denotari uxores, quibus Clerici, priusquam Ecclesie militie adscriberentur, essent legitimo connubii foedere copulati; sed istorum opinio explosa fuit a Gothofredo in not. ad cod. Theodof. lib. 16. tit. de Episc. leg. 44. ubi ostendit, Græcum vocabulum a Nicænis Patribus adhibitum, nequaquam conjugem, sed feminam significare omnino extraneam, nulloque parentelæ vinculo Clerico devinctam. Alii cum Christiano Lupo in not. ad præfat. can. tom. 1. pag. 21. & seqq., ea voce designari opinantur *Agapetas*: erant autem *Agapeta* Deo devotæ feminæ, quas Deo pariter sacrati viri, per quamdam spiritualis adoptionis speciem, sibi in matres, sorores, aut filias adsciscebant, & pietatis fovendæ studio, aut certe prætextu, secum domi retinebant; Quia vero hujusmodi contubernium, etsi fortasse, plerumque flagitio careret, flagitii tamen periculo, & suspitione nunquam profecto vacabat, semper fuit ab Ecclesia improbatum: In illud acriter inventus est Cyprianus *epist. 62. ad Pomponium Episcopum*, & Patres Antiocheni scribentes ad Dionysium Papam, *apud Eusebium lib. 7. cap. 30.*, Paulo Samosateno, Synodali sententia e Patriarchatu dejecto, maximo crimini dederunt, quod subintroductas haberet, suisque Clericis permetteret mulieres: *Quid hic referre attinet (ajebant) subintroductas, ut Antiocheni vocant, mulieres, tam ipsius, quam Presbyterorum ejus, ac Diaconorum.* In quibus non hoc solum, sed etiam alia insanabilia crimina, quorum conficius est, & quorum ipsas reas esse convicit, nihilominus tegis, ac dissimulas, ut illos sibi obnoxios habeat; Ut eundem autem scopum propullandi ab Ecclesia *Agapetarum* pestem, ut eas vocat Hieronymus *epist. 22. ad Eustochium*, collineasse Patres*

Patres Nicænos, cum Clericis vetuere, ne subintroductas haberent mulieres, cum aliis senlūt laudatus Lupus; Quamvis revera non statim voti compotes facti fuerint, siquidem eundem abusum vehementer postea in- clamarunt, Gregorius Nazianzenus in *carmine continente præcepta Virginum*, Hieronymus *cl. epist.* 22., & *epist.* 125. ad *Rusticum Monachum*, *epist.* 128. ad *Gaudentium*, Chrysostomus, teste *Palladio in ejus vita*, aliique Patres.

2 Verum, etsi nullus neget mulieris subintroducta voce, etiam *Agape- tas* comprehendi, præter eas tamen quancumque aliam feminam extra- neam designari, evidenter demonstrarunt Gothofredus *cit. loc.*, & Ferdi- nandus Mendoza de *confrmando Concilio Eliberitano*, lib. 2. Equidem Hono- rius, & Theodosius junior Imperatores legem sancientes, canonis Nicæno accommodatam; non tantum cum ieminis, secum sororum nomine assump- tis, sed cum quibuslibet extraneis coasortium habere, Clericis interdi- xere, exceptis matre, filia, & sorore germana, in quibus arctum con- sanguinitatis vinculum omnem removet lævi criminis suspicionem: *Eum, qui probabilem saculo disciplinam agit, decolorari consortio sororia appellationis non docet. Quicumque igitur, cujuscunque gradus Sa. videlicet fulciuntur, vel Clericatus honore censentur, extranearum sub mulierum interdicta consortia cogno- scant: hac eis tantum facultate concessa, ut matres, filias, aut germanas, in- tra domum suam septa contineant.* In his enim ubi solvi criminis existimari fœdus naturale permittit, *leg.* 19. *Cod. de Episc. & Cleric.* In eundem sensum Nicænum canonem expoliare quotquot illum renovarunt posteriora Con- cilia: Carthaginense IV., anni 398. *cap.* 46. (*tom.* 1. *collect.* *Hard.* *col.* 982.) ait: *Clericus cum extraneis mulieribus non habitet; Arelatense II.* anni 452. *can.* 3. (*tom.* 2. *collect.* *Hard.* *col.* 773.): *Si quis Clericus a gradu Diaconatus in solatio suo mulierem, præter aviam, matrem, filiam, nepiem, vel conversam secum uxorem habere præsumpserit, a communione alienus habeatur. Par quo- que, & mulierem, si se separare noluerit, poena percussat; Ilerdense anni 524. can.* 15. (*tom.* 2. *ejusd.* *collect.* *col.* 1066.): *Familiaritatem extranea- rum mulierum licet ex toto sancti Patres antiquis monitionibus præceperint Eccle- siasticis vitandam; id nunc tamen nobis visum est; ut qui talis præbabitur, si post primam, & secundam communionem se emendare neglexerit, donec in vitio perseverat, officii sui dignitate privetur; Atrvernense anni 535. c. 16. (tom. cit. col. 1183.): Episcopi, Presbyteri, atque Diaconi, ita sancta conscientia loco resplendeant, ut effugiant probitate actuum Maledictorum obloquia..... Fugiat his extranearum mulierum culpanda libertas: & tantum cum avia, ma- tre, sorore, vel nepte, si necessitas iuderit, habitent; de quibus nominibus, ut priorum canonum series continet, nefas est aliud, quam natura constituit, suspi- cari; Concilium Romanum congregatum a Zacharia Papa anno 743. can.* 2. (*tom.* 3. *ejusd.* *collect.* *col.* 1927.): *Ut Presbyteri, vel Diaconi subintrodu- ctas mulieres nullo modo secum audeant habitare, nisi forsitan matrem suam, aut proximitatem generis sibi habentes, quæ suspensiones effugiant, sicut in Synodo Ni- cæna continetur; Concilium Moguntinum anni 813. cap.* 49. (*tom.* 4. *ejusd.* *collect.*



collect. col. 1016.): Omnibus Clericis feminas secum in domibus suis habere, ultra licentiam Canonum, firmiter sit contradictum; Remense ejusdem anni 813. can. 22. (ibid. col. 1020.): *Ut a Sacerdotibus omnis suspicio mulierum funditus eradicetur: cum quibus etiam nulla habitatio eis concedatur, præter illam, qua in Nicæna Synodo permittitur, idest matrem, aut sororem, vel eas tantum personas, a quibus omnes suspensiones effugiant.*

3 At veniam, quam Nicæni Patres Clericis dederant cohabitandi cum matribus, filiis, & germanis sororibus, nonnihil amplavit Concilium Cathaginienſe III., anni 397., illam non solum ad feminas extendens, remotioribus, sive consanguinitatis, sive affinitatis gradibus, isdem conjunctas, sed etiam ad eas, quarum indigerent famulatu; aie quippe can. 17., *relat. dist. 81. can. 27.: Ut cum omnibus omnino Clericis extranea femina non cohabitens, sed sola matres, avie, matertera, amice, sorores, & filia fratrum, aut sororum, & quacunque ex familia, domestica necessitate, etiam antequam ordinarentur, jam cum eis habitant: vel si filii eorum, jam ordinatis parentibus, uxores acceperint; aut servos non habentibus in domo quas ducant, aliunde ducere necessitas fuerit.* Ex opposito Concilium Forojuliense anni 791. cap. 4. (tom. 6. part. 1. collect. Hard. col. 406.) ob turpe, & nefarium, quod perpetrari contigerat, facinus, præfatam licentiam revocavit, nec deinceps permittendum statuit, ut Clericus cum ulla prorsus muliere, ne matre quidem excepta, cohabitaret, iniquiens: *Ut juxta Nicæni venerandi definitionem Concilii, nullus patiatur subintroductas mulieres secum in domo propria habere, vel private cum eis cohabitantes conversari; Et quantum de quibusdam inhonestis carentibus suspicione, clementius aliquo modo inibi legatur iudicium, nos tamen omnes omnino nunc necessarium vetare prospeximus: eo quod experimento didicerimus, illarum velamento, alias licentius ad eos aditum veniendi, perditionis causam habuisse.* Forojuliensi consensere Concilium Narnetense incerti anni can. 3. (tom. 6. part. 1. ejusd. collect. col. 457.): *Prohibendum, & modis omnibus interminandum est, ut nullus Sacerdos eas personas seminarum, sicut & in canone insertum continetur, de quibus suspitio esse potest, in domo sua habeat. Sed neque illas, quas Canones concedunt: (quia instigante Diabolo, etiam in illis scelus frequenter perpetratum reperitur, aut etiam in pedissequis illarum) scilicet matrem, amitam, sororem; Moguntiorum anni 838. cap. 10. (tom. 6. part. 1. ejusdem collect. col. 406.): *Ut Clericis interdicatur, mulieres in domo sua habere, omnimodis decernimus. Quicquid enim sacri Canones quasdam personas seminarum simul cum Clericis in una domo habitare permittant: tamen, quod multum dolendum est, sæpi audivimus, per illam concessionem plurima scelera esse commissa.... Et ideo constituit hæc sancta Synodus, ut nullus Presbyter ullam seminarum secum in domo propria permittat, quotiens occasio mala suspensionis, vel facti iniqui penitus asperatur; Et Concilium Metense ejusdem anni 838. cap. 5. (tom. 6. part. 1. col. 411.) Sacerdotes.... nequamquam in sua domo secum aliquam seminarum habeant, nec matrem, nec sororem. Verum Innocentius III. scite perpendens, non esse facile præsumendum**

scelus.

scelus, a cujus turpitudine natura ipsa quodammodo abhorret; neque rationi consentaneum reputans, legem ferri, ad præcavendum periculum, quod rarissimum est, Nicænum canonem restituit, easque feminas Clericorum ædes incolere permittit, quas Nicæni Patres nulla aspergi obliqua suspitione existimarunt; rescribens enim ad Episcopum Pistoriensem in *cap. A nobis*, 9., *de cohabit. Clericor. & mulier.*, ait: *Cum Clericis quoque non permittas mulierculas habitare, nisi forte de illis personis existant, in quibus naturale fœdus nihil permittit sævi criminis suspicari.*

4. Hac posteriori Innocentii III. Decretali, contrariis Synodorum sanctionibus, modo allegatis, nemo dubicaret derogatum, nisi Constitutio Namnetensis inserta foret compilationi Decretalium Gregorii IX., locumque haberet in *cap. 1. de cohabit. Cleric. & mulier.*, etsi falsò ibi adscribatur Concilio Moguntino, in quo etiam legitur, aliis tamen verbis, renovata; sed postquam in codicem juris communis relata est, nedum revixisse, sed vim, ac robur universalis legis videtur insuper adeptæ. Hac ratiocinatione decepti aliquot Episcopi, se juri communi instituisse putarunt, cum Clericis vetuere, ne cum ulla prorsus femina, licet archissimo sibi consanguinitatis nexu obstricta, cohabitarent; Verum aliter sentire peritissimi sacrorum Canonum Interpretes, quibus compertum cum sit, juri contrarietatem esse evitandam, nec facile in eadem Canonum collectione admittendam, ita res visa est componenda: Decretalis (inquiunt) Innocentii III. regulam constituit universalem, communiter observandam; Decretum Namnetense ponit regulæ limitationem, in specialibus quibusdam eventibus adhibendam: priori est inhærendum cum unius diocesis Clericis certa norma præscribitur, ad quam omnes se componere debeant; posteriori insistendum, cum de hoc, aut illo agitur, cujus mores sunt depravati, & cum qualibet prorsus muliere consuetudo suspecta. Quamobrem licet in dioecesi contingat, turpe incæstus flagitium, semel, aut iterum, ab uno, aut altero Clericorum perpetrari, non idcirco fas erit Episcopo a communi regula recedere, & non sine populi admiratione, ac scandalo, quasi omnes haberentur ejusdem enormis criminis, aut rei, aut suspecti, statim edicere, ne ullus in posterum Clericorum cum nepte, amita, sorore, aut matre cohabitaret; sed si quemquam reperiat dubiæ famæ, cujus, cum consanguinea contubernium, etiam apud probos, & prudentes viros, male oleat, illi, cui certe congruit regulæ limitatio, separationem injungat, ea tamen adhibita circumspectione, & cautela, quam rerum circumstantiæ exposcunt, ne delictum quod latet, patefiat: Non propterea tamen Constitutionem improbamus, qua Episcopus omnem cum mulieribus cohabitationem Clericis interdicit, nisi ipse prius, earundem qualitatibus examinatis, illam prava suspitione vacare compererit: hoc quippe aliud non esset, quam sibi decernendum reservare, num hæc, vel illa femina cadat in censuram, an potius in limitationem regulæ Nicæne ab Innocentio III. innovatæ: ita sancitum legimus a S. Carolo Borromeo in suo I. Concilio Provin-

Provinciali Mediolanensi, in cujus *part. 2. (Actor. Eccles. Mediol. part. 1. pag. 19.)* habetur: Quoniam non solum malum cavere, verum etiam omnem mali suspensionem fugere oportet, ne in cujusquam offensionem incurramus: in adibus ad Canonicorum, aliorumve Clericorum domicilium, & usum edificatis, aut aliis, in quibus ipsi habitant, feminas quascunque, etiam quovis sanguinis cognationis, aut affinitatis vinculo conjunctas habitare prohibemus: nisi Episcopus in alicujus urgentis necessitate aliter faciendum esse duxerit, cujus conscientiam in hoc valde oneramus. Ejusmodi S. Caroli edictum, plurimum tamen mitigatum, Nos servari præcepimus a Parochis nostræ Bononiensis diocesis, quibus convivere permisimus cum feminis, usque ad tertium consanguinitatis, & primum, ac interdum etiam secundum, affinitatis gradum, sibi conjunctis, ceterarum vero nomina ad nos deferri jussimus, ut earum conditione inspecta, deliberaremus, an sine ullius offensione possent Parochorum ædes incolere; quia porro hoc nostrum edictum, etsi tanta indulgentia lenitum, pluribus nihilominus visum est asperum, & severum, illud ab obloquientium dictis vindicavimus in *cit. nostra Notific. 83.* ubi plurima ad rem facientia videri possunt accumulata.

## CAPUT LVIII.

*Alia Synodaliū Constitutionum, invisam novitatem inducentium, exempla; ubi de solutione dotis a Sanctimonialibus facienda monasterio, in quo Professionem emittunt, & de proposita institutione nutriendi infantes spurios ac projectos lacte caprino, aut vacca.*

**E**X eodem innovandi pruritu derivari videretur Constitutio, qua Episcopus simoniacum dictitans, quidquam solvere pro ingressu in Religionem, prohiberet Sanctimonialium coenobiis consuetam dotem exigere a puellis, sese Deo devotentibus: Siquidem, quamvis eam dotis penitacionem plerique Doctores improbaverint, usus tamen ubique receptus illam approbat, quodque magis est, sacra Congregatio Concilii die 18. Septembris 1683., a simonia immunem pronuntiavit, uti habetur *lib. 33. decretor. pag. 310. a tergo*, eademque quæstione, in una Bononiensi, iterum examinata, die 14. Aprilis 1725. sacra Congregatio in eadem perstitit sententia *tom. 3. Theaur. Resolut. pag. 153. & seq.* Hanc autem mentem sacre Congregationi injectit S. Thomas, cujus doctrinam in hac potissima causa Bononiensi, pro nostro, quo tuncungebamus, Secretarii munere eidem insinuavimus. Quærit Angelicus Doctor 2. 2. *quæst. 100. art. 3. ad. 4.* An licitum sit, aliquid ab iis exigere, qui in Religionem sese recipiunt. Et distinguendum respondet, quo nomine illud exigatur. Si exigitur pro ipso ingressu, seu admissione in Religionem; tanquam ejusdem pretium, illicitum, & simoniacum esse, ait; Si pro sustentatione

illius,

Sff

Tom. XII.

illius, qui monasterium ingreditur, ut Deo, & Religioni mancipatus, monasterii sumptibus perpetuo victitet; & iterum tunc distinguendum, inquit: Aut enim monasterium aliunde habet, unde necessaria alimenta Religioso subministrat, & non potest illum ad aliquod solvendum adigere; aut necessariis redditibus caret, ad subeundum onus Religiosum alendi; & tunc tantum percipere poterit, quantum ad illius alimoniam, reputabitur necessarium: *Pro ingressu* (inquit) *Monasterii non licet aliquid exigere, vel accipere quasi pretium. Licet tamen, si monasterium sit tenue, quod non sufficiat ad tot personas nutriendas; gratis quidem ingressum monasterii exhibere, sed accipere aliquid pro victu persona, qua in monasterio fuerit recipienda, si ad hoc non sufficiant monasterii opes.*

2. Huic D. Thomæ doctrinæ, cui S. Bonaventura in *apologetic. contra Adversarios* FF. Minor. *quæst.* 18., S. Raymundus *lib. 1. tit. 1. §. 22.*, S. Antoninus *part. 2. cap. 5. §. 18.*, Dionysius Carthusianus *lib. 2. de simonia*, alique communiter aditipulantur, adherens, ut diximus, sacra Congregatio Concilii, eamque semper præ oculis habens, sæpius in primis decrevit, a singulis Sanctimonialium cœnobiis, ad normam decreti Tridentini *sess. 25. cap. 3. de Regular.* tot esse Moniales recipiendas, quot, Episcopi iudicio, ex communibus redditibus, aut consuetis elemosynis sustentari possunt; Censuit deinde a Monialibus, intra præfinitum numerum comprehensis, seu in demortuarum locum subrogandis, nihil esse monasterio pendendum; nisi interim monasterii redditus fuerint imminuti, nec amplius pares sint, consueto Sororum numero sustentando: ab his vero, quæ ultra præfinitum numerum recipiuntur, dotem persolvendam, dixit, cujus fructibus ali queant, quemadmodum refert Fagnanus in *cap. Non amplius, de instit. num. 24.*: *Verum* (prosequitur Fagnanus) *sacra Congregatio super negotiis Episcoporum, & Regularium animadvertens Sanctimonialium monasteria, sine dotum subsidio diu sustineri non posse, & propter ingruentes necessitates, & casus inopinatos, plerumque ad inopiam redigi, summis Pontificibus approbantibus, prudenter sanxit, ut doctales elemosynæ a Monialibus numerariis persolverentur, tametsi numerus esset taxatus ad mensuram reddituum monasterii.* Equidem experientia compertum cum sit, opulentissima Monialium monasteria paulatim ad inopiam vergere, & quæ, paucis antea annis, quadraginta e.g. Monialibus necessaria ad victum large suppeditabant, hodie nihilominus, quamvis novas interim dotes, lucrata fuerint, vix sufficientes proventus habere, ad eundem numerum alendum, quod, qua ratione contingat, plane ignoramus; hinc ne consuetus Deo sacratarum Virginum numerus, in monasteriis decreseat, & de reddituum sufficientia eadem monasteria fiant securiora, prudentissime cautum est, ut omnia indefinite habeantur pro indigentibus, atque indigentiae nomine, ab omnibus omnino puellis, Religioni nomen dantibus præscriptam dotem recipiant.

3. Scimus hanc communem monasteriorum præxim, sacrarum Urbis Congre-

Congregationum responsis corroboratam, non probari Van-Espenio, qui in suo tract. de simonia, circa ingressum in Religionem, cap. 2. carpit in primis Christianum Lupum, eo quod in notis ad can. 19. Concilii Nicani II., illam in Belgio etiam vigentem, a culpa absolverit, & subinde cap. 3. §. 3. absolute asserit, contra jus naturale, & Divinum peccare monasteria, Quorum proventus sunt sufficientes, ut numerum aliquem Religiosorum sustentent, & tamen nullum gratis ad monasterium admittunt; additque, omnia, quæ ad hanc consuetudinem cohonestandam adduci solent, vana esse effugia, jam olim improbata ab Innocentio III. in cap. 40. de simonia, ubi ait: Quoniam simoniaca labe adeo pleraque Moniales infecti, ut vix aliquas sine pretio recipiant Sorores, pretextu paupertatis, volentes hujusmodi virum palliare: Neque ignoramus hanc eandem opinionem, a Van-Espenio hautam, plurimorum menti insedisse, qui illam Episcopis suadere conantur, ut ea tandem imbuti, Sanctimonialium coenobia compellant ad tot saltem puellas, sine dote recipiendas, quæ ad consuetum Sororum numerum explendum, in monasterium admittuntur; quocirca operæ pretium est istorum opinionem, quam auctoritate prævertimus, etiam rationibus refellere.

4. Eximius Suarez tom. 1. de relig. lib. 4. de simon. cap. 17., accurate expendens allegatum D. Thomæ locum, optime animadvertit, illicitum quidem, & simoniacum esse, aliquid recipere ab ingrediente Religionem, si illud recipiatur, tanquam pretium ingressus, si ve recipiatur pro onere, quod sibi monasterium assumit, sustentandi Religiosum, ad quod ceteroquin subeundum sufficiunt monasterii redditus, uti asseruit D. Thomas; hoc tamen interesse, inter utrumque discrimen, quod in primo casu simonia, quæ committitur, est juris naturalis, & Divini; in altero vero est juris tantum Ecclesiastici: Etenim, pergit Suarez, quemadmodum matrimonium carnale considerari potest in ratione Sacramenti, & in ratione contractus civilis, cui annexum est onus alendi conjugem, & familiam, atque hujus intuitu exigitur dos a puella, quam pro ipso Sacramento accipere, simoniacum foret; ita etiam matrimonium spirituale, si ve professio Religiosa, est status quidam spiritualis, & est præterea contractus quidam humanus, inter Religiosum, & Religionem, quæ se obligat ad illum sustentandum; Quare, concludit Suarez, sola spectata rei natura, quamvis nihil possit exigi pro ipso statu Religioso, qui spiritualis est, posset tamen exigi, pro hoc onere alendi personam Religiosam, quod est temporale, & pretio æstimabile. Verum, quoniam jus ad alimenta, e monasterii proventibus percipienda profluit ab ipsa professione Religiosa, idcirco Ecclesia, ne ulla ratione pretium, pro illa accipi videretur, districte vetuit, quidquam ab eo exigi, cui monasterium necessaria ad victum stipendia subministrare potest. Hactenus Suarez. Investigat deinde Thomassinus ejusmodi Ecclesiasticæ prohibitionis initia, & part. 3. de vet. & nov. Eccles. discipl. lib. 1. cap. § 1. num. 8., observat, septem prioribus sæculis, plures quidem latas fuisse leges, ad compescendam Monachorum avaritiam, alimentorum obtentu.

pecuniam ab iis extorquentium, qui sese Dei, ac Religionis obsequiis mancipabant, sed simul notat, unicum earumdem scopum fuisse, arcere a Religiosis immoderatum divitiarum studium, & sœvere monasticam paupertatem, non autem impedire simoniam, quam nulli adhuc in mentem venerat, posse in hoc negotio committi: Omnium prima, septima Synodus, quæ est Nicæna secunda, celebrata anno 787., ejus criminis reos, in Simoniacorum classim retulit, nullum quippe inter ipsos, ac sacrorum Ordinum nundinatores discrimen faciens *can. 19. (tom. 4. collect. Hard. col. 498.)* ita statuit: *In tantum inolevis avaritia facinus in Rectores ecclesiarum, ut etiam quidam eorum, qui dicuntur Religiosi viri, atque mulieres, obliuiscetes mandatorum Domini decipiantur. & per aurum introitus accedentium tam ad sacrum Ordinem, quam ad monasticam vitam efficiant . . . Si quis ergo inventus fuerit hoc faciens, siquidem Episcopus, vel Abbas extiterit, vel quilibet de sacro Collegio, aut designat, aut deponatur, juxta secundam regulam Chalcedonenſis Concilii. Abbatus vero ejiciatur de monasterio, & tradatur in alio monasterio ad subjectionem: At alii canones, per idem fere tempus editi, eandem ceteroquin prohibitionem instaurantes, nullam simoniæ fecere mentionem: Sic Synodus Francfordienſis, anni 794. *can. 16. (ibid. col. 906.)* ait: *Audivimus, quod quidam Abbates cupiditate ducti præmia, pro introeuntibus in monasterium, requirant. Ideo placuit nobis, & sanctæ Synodo, ut pro suscipiendis in sancto Ordine Fratribus, nequaquam pecunia requiratur: neque simoniæ meminit Alexander III. in Concilio Lateranenſi *can. 10. relat. cap. 8. de simonia,* etſi eundem abusum proſcribat, inquires: *Monachi sub pretio non recipiantur in monasterio. Si quis exactus aliquid dederit, ad sacros Ordines non accedat; Is autem, qui eum receperit, efficii privatione multetur; Posteriores tamen Pontifices, præcipue Clemens III. in cap. 25., & Innocentius III. cap. 30. & 40. de simonia, Nicæni Concilii canonis adherentes, simoniæ labe locutæ, pronuntiarunt, quicumque, pro Religionis ingressu, pecuniam ex pacto, aut recipit, aut solvit, in commodum monasterii, quod ceteroquin nulla premitur egestate: Cum enim monasterium potest suis sumptibus Religiosi indigentis prospicere, illa pecunia dari præſumitur tanquam pretium ingressus, & admissionis in Religionem; quando autem lex Ecclesiæ aliquid fieri vetat ob præſumptionem, simoniæ juris Divini, simul efficit, ut ejusdem legis transgressor fiat reus simoniæ juris Ecclesiastici, quemadmodum explicat, atque exemplo Beneficii Ecclesiastici, illustrat Suarez cit. loc.***

5 Cum itaque versemur in simonia, quæ ortum habuit e sola lege Ecclesiæ, mirum esse non debet, hanc potuisse nunc severius accipi, nunc justis de causis aliquantulum emolliri, prout, vel augeat, vel minuit præſumptio venditionis rei spiritualis, seu verius animi illam nundinandi, in qua præſumptione fundatur. Atque, ut missa faciamus antiquiora hac in re particularium Ecclesiarum, inter se discordantia statuta, quæ videri possunt apud citatum Thomassinum, Concilium Cameracenſe anni 1565. cit. 18.

tit. 18. cap. 12. (tom. 10. collect. Hard. col. 599.) nullam pecuniæ pactiōnem, in Monialium ingressu tolerandam statuit, nec prætexendam permittit cœnobii inopiam, ad aliquam recipiendam, quæ in monasterium conferret dotis subsidium: *Abeſſe* (ait) *omnino vult sancta Synodus a Religionis ingressu labem, etiamque speciem detestabilis simonie. Quicirca præcipis serro sacros Canones infecuta, ne Monachi, vel Moniales, aliquem, vel aliquam ad Professionem recipiant, mediante alicujus pecunia, aut muneris pacto: ne ea quidem ex causa, quod plures alere non possint sine aliquo subsidio; ubi tamen notanda sunt illa verba, Abeſſe vult a Religionis ingressu labem, etiamque speciem detestabilis simonie; ex quibus apparet, dotis pensitationem non damari a Concilio tanquam simoniacam, sed prohiberi ad longius avertendam omnem simoniæ speciem.* Contra S. Carolus Borromæus, quo certe non alius solertior sacrorum Canonum custos, purioris disciplinæ tenacior, & Concilii Tridentini fidelior Interpretes, in Concilio Provinciali Mediolanensi I. ejusdem anni 1565. part. 3., veluti jam certum ponit, a singulis Monialibus, in ipso monasterii limine, aliquam pecuniæ summam, penes probum virum deponi, Professionis tempore monasterio tradendam, inquit (par. 1. Act. Eccl. Mediol. pag. 47.): *Quod Professione facta, eleemosyna gratia ad Professam sustentandam monasterio datur, id quo tempore puella Religionis habitum suscipies, apud virum, Monialibus, & eorum Superiorem probatum, deponatur: ut nullo impedimento tum Monialibus præſto esse possit: & in Concilio Mediolanensi II. an. 1569. cap. 2. ex capitulis ad Monialem pertinentibus* (par. 1. Actor. Eccles. Mediol. pag. 75.), ab Episcopo præſcribi voluit eleemosynam dotalem, a singulis Monialibus, alimentorum nomine, monasterio pensitandam, inquit: *Episcopus præterea tum impensas æstimet, quæ & in Religionis ingressu, & tempore Professionis fieri solent pro vestitu, aut pro aliis rebus, ad ipsius puellæ, vel monasterii usum, commoditatemve pertinentibus, tum pecuniæ etiam summam præſcribat, quam puella alimentorum nomine monasterio des; nisi census, aut alia Bona immobilia, quorum annui fructus, ejusdem judicio, ad ea alimenta satis sint, monasterio attribuantur.* Mediam viam iniit Concilium Turonense, habitum eodem anno 1583., quod cap. 17. (tom. 10. collect. Hard. col. 1431.) inſinuat, Moniales, intra præfixum ab Episcopo numerum, gratis omnino admittendas, ultra numerum vero cum iusta dote; sed Concilium Avenionense, an. 1594. tit. 50. de Sanctimonialibus (ibid. col. 1865.) idem prorsus servari jussit, quod S. Carolus sanciverat. In hac opinionum varietate, diu anceps hæserat sacra Congregatio Concilii, & quandoque propenderat in Turonensium Patrum sententiam, sicuti a Fagnano accepimus; sed cum experientia didicerit, nullum reperiri adeo opulentum Sanctimonialium cœnobium, quod, ad reparanda quotidiana suorum reddituum decrementsa, non egeat novarum dotionum accessione, firmiter tandem amplexata est S. Caroli Decreta, eaque religiose observari voluit, quod non solum constat ex allegatis ejusdem decisionibus, sed adhuc clarius ex alia, quæ reſertur in Bibliotheca Præmonstratensis pag. 356., cujus verba sunt: *Non vestiuntur Moniales, nec admit-*

*tantur*

*cautur ad habitum, nisi prius parentes, vel illi, ad quos earum cura spectat, promptam habuerint pecuniam pro dote, vel elemosyna consueta, & illam deposuerint solvendam monasterio post emissam Professionem. Etenim, uti ad rem perpendit Caballutius in theor. & prax. jur. Can. lib. 5. cap. 5. num. 13. non est expectanda, sed præcavenda arcta, & extrema monasteriorum necessitas, ne secus ea sequantur gravissima mala, quæ in animarum dispendium, gravem Monasteriorum inopiam plerumque comitantur: Videmus quippe (inquit Caballutius) in permixtis Virginum monasteriis ad gravem inopiam redactis fuisse eo quandoque reductos Prælatos, ut solius claustræ, Virgines ad proprios parentes transmiserint nutriendas, suasque operas, ne a propriis parentibus repellerentur, famulitia, & officia pro pane apud eos querendo locaturas. Videmus multoties, facile dissipatis monasteriorum exiguis facultatibus, necesse fuisse quasi in communi naufragio, ut singula Moniales privatim suo victui consulerent, suas operas externis pretio ad vitæ subsidium exhiberens, proprietatem rerum, quascumque corrådere possent, sibi ad vitæ privata necessitates afferrent, tempora orationi, vel lectioni destinata, manuum labore insumerent, colloquia cum externis, a quibus subsidium aliquod sperabant, miscerent, ex quibus coningeret, omnem internam, & externam disciplinam prorsus evanescere.*

6 Si hæc secum animo revolvat Episcopus, non statim illicitum, & simoniacum pronuntiabit dotale subsidium, quod a puellis sese in Religionem recipientibus, exigitur, neque faciles aures præbebit suasionibus hominum, qui, ut propriæ parcant pecuniæ, suasque filias, sine ullo sumptu, Religionis alendas tradant, monasteriorum opulentiam exaggerant, novamque pecuniam illis collatam, in inutiles, ac voluptuosos lumpsus erogari, clamitant. Non idcirco tamen negamus, interdum expedire, dotis quantitatem imminui, & quandoque etiam prorsus remitti; sed quod in peculiaribus circumstantiis, & consulta prius sacra Congregatione Concilii, fieri decet, non poterit Synodali Constitutione, generatim, atque universim faciendum decerni. Illud autem curabit Episcopus, ne ultra præfixitam dotem, monasterio pendendam, alia pecuniæ summa a puellis extorqueatur, in Monialium commodum, aliove ulus impendendam, qui ad puellæ sustentationem nequaquam pertinent: Id quippe, cum nulla ratione cohonestari valeat, adhuc remanet sub censura *Extravag. 1. de simonia, inter comm.*, ubi Urbanus V. utriusque sexus Regularibus districte inhibuit, ne ante, aut post cujusquam in Religionem ingressum, *Quoscumque passus, prandia, seu cænas, pecunias, jocalia, aut res alias, etiam ad usum Ecclesiasticum, seu quomvis prius usum alium depiciat, vel deputanda, directe, vel indirecte, petere, vel exigere quocumque modo præsumant.*

7 Modum quoque imponet sumptuosis apparatusibus, musicis concentibus, comestationibus, aliisque ejusmodi, quæ, cum magno familiarum impendio, aliquibi fieri solent, in Monialium ingressu, & Professione: omnem liquidem mundanam pompam, omnem prophanum luxum dedecere spirituales nuptias, quas eligit puella, quæ Deo, & Religioni se devover, fcite



scite ponderat Navarrus in *tract. de redditibus Ecclesiasticis*, in fine quaestionis prima, pag. 150. edit. Romana anni 1584., ubi hæc ad rem scripsit: *Quid quasi dicemus ad prodigas illas expensas, & profanos apparatus fieri solitos, ex pacto tacito, vel expresso, dum puella vel ingreditur in monasterium, vel Professionem emittunt? Quid aliud moderatius, quam, ut hæc vehementer interdiciantur, & culpentur, & puniantur illa, qua taliter faciunt? Et simul etiam doceantur, quam honestior appareat cunctis hæc insipientibus, modesta quadam, humilisque temperantia, spiritali juncta contemplationi, quam pomposa profanitas, mundana cuidam admixta voluptati, in funeralibus ejus, qua per Professionem moritur mundo, & nascitur, vel excrescit Deo.*

8 Unum adhuc restat obiter adnotandum, nimirum, hac tempestate, qua revixisse videntur viri illi Athenienses, de quibus dicitur *Act. 17. Athenienses autem omnes, & advena hospites, ad nihil aliud vacabant, nisi aut dicere, aut audire aliquid novi*, cavendum etiam esse Episcopo, ne istiusmodi hominum suasionibus, ad ea attentanda inducatur, quæ licet Ecclesiasticam disciplinam non respiciant, civilis tamen reipublicæ instituta, communemque vivendi rationem invertunt; Rem enarrabimus, quæ paucis antea annis, nobis contigit. Infantes spurii, quos *profectos* dicimus, ad hospitale domicilium civitatis Bononiensis delati, interdum a nutricibus alebantur, celtica lue, aliisque contagiosis morbis, infectis, ex quo fiebat, ut miseri illi pueruli, luem, unacum lacte sugentes, aut cito interirent, aut perpetuo ægrotarent. Ad prospiciendum tot innocentium infantium indemitati, alium non suppetere modum, fuit Nobis insinuatum, quam illos enutrire, lacte caprino, aut vaccæ, quod maximam analogiam habere cum succo, quo foetus humanus alitur, in utero matris, ostendit egregius *Phyicus Cyrillus in notis ad Etmullerum edit Neapol.*; quo vero magis, ad ejusmodi consilium capessendum Nos inducerent, illius Auctores Nobis exhibuere formam vasis, affabre elaborati, per quod lac infantium ori poterat commode instillari; fuerat autem illud vasculum, jubente supremo Galliæ Senatu, ubi de eadem re erat deliberandum, adinventum, & delinatum a Regio Architecto Du Val. Vidimus præterea libellum, Gallico idiomate conscriptum, cui titulus *Traité de la communication des maladies, & des passions*, cujus Auctor, pluribus argumentis probare conatur, plurimum expedire reipublicæ felicitati, ut omnes prorsus infantes a capra potius, aut vacca enutriantur, quam a matre, aliave muliere, ne pravis animi affectionibus, quibus mulieres plerumque scatent, imbuantur. At qui ita ratiocinantur non animadvertunt, se injurios esse in naturam, ejusque Auctorem, cujus summa providentia, non alia certe de causa, voluit, ut in ipso puerperio matris ubera lacte intumescerent, nisi, ut inde nata proles vitæ caperet alimentum. Haud equidem insciamur, lactis qualitatem, ab infantibus hausti, plurimum conferre ad eorundem mores, in bonam, aut malam partem inclinandos, quod bene advertit Cornelius a Lapide in *cap. 21. Genes. v. v. 11.*; sed hoc eodem argumento conficimus, non esse  
bruto-

brutorum lacte enutriendos, ne brutorum affectiones in se deservent, brutalesque induant mores, ad quod alludit Ovidius, cum ait: *Nec hac bibit ille leone*, & Virgilius: *Hircanaque admorunt ubera tigris*, quæ omnia ad rem ponderavit Maphæus Vegius Laudenſis in ſuo opere *de educatione liberorum*, lib. 1. cap. 4.: Quamobrem ne violaremus inſtinctum, non ſolis hominibus, ſed & ceteris animantibus, a natura inditum, inter quæ nullum ſane erit reperire, a quo genita proles relinquitur, enutrienda alterius ſpeciei bruto, curavimus quidem, ut nutrices perfectæ fruenter valetudine, prædictos infantes lactarent, ſed præſtitum Nobis a novitatum ſtudioſis conſilium, ad tempus rejecimus, quo nutrices inveniri nequeant, & neceſſitas urgeat, in earumdem locum ſubrogandi vaccas, ſeu capras, quod eveniſſe Romæ, cum ſeva ibi graſſaretur peſtilentia, narrat Cardinalis Gaſtaldus in ſuo tract. *de avertenda, & preſtiganda peſte* cap. 5. num. 3. & 4.

9 Plures etiam audivimus, Epifcopo inſinuantes, ut, gravi præcepto compellat matres, ad proprios filios, ſuis uberibus lactandos; neque iſtorum inſinuatio, rite expenſa, deprehenditur prorfus irrationabilis: Etenim non ſolum Eccleſiæ Patribus, ſed etiam ethnicis Philoſophis turpe, & abſonum viſum eſt, ut mater filium, quem in utero aluit, poſtquam peperit, alteri tradat enutriendum: illas certe reprehendit Phavorinus Philoſophus, apud Aulum Gellium, noſt. *Aſticar. lib. 12. cap. 1.* inquit: *Quod eſt enim hoc contra naturam imperſectum, atque dimidiatum matris genus, peperiffe, ac ſtatim ab ſeſe abjeciſſe? Aluiſſe in utero, ſanguine ſuo, nescio quid quod non videres: non alere nunc ſuo lacte, quod videat jam viventem, jam hominem, jam matris officia implorantem?* Eaſdemque impietatis inſimulat Meſſalla apud Tacit. *dialog. de orat.* Ex Patribus vero S. Ambroſius lib. 1. *de Abraham* cap. 7. num. 63. [tom. 1. oper. col. 303.] ex eo, quod Sara lactaverit filium, infer: *Provocantur ſemine meminiffe dignitatis ſuæ, & lactare filios ſuos.* Hac enim matrum gratia, hic honor quo filios propriis commendat viris; & Gregorius Magnus ad interrogationem Auguſtini, Anglorum Epifcopi ad interrog. 10. [tom. 2. oper. S. Gregor. col. 1158.] reſpondit, pravam conſuetudinem eſſe ciſſe, ut mulieres filios, quos genuerunt, nutrire contemnunt, eoſque aliis mulieribus ad nutriendum tradant. *Quid videlicet [addit] ex ſola cauſa incontinentiæ videtur inventum: quia dum ſe continere nolunt, deſpiciunt lactare, quos genuerunt eodem modo loquuntur Clemens Alexandrinus lib. 3. *Paſagog.* Chryſoſtomus hom. *de nativ. Maccab.* alique Patres, quos adducunt citatus Maphæus Vegius Laudenſis *de educat. liberor.* lib. 1. cap. 4. in *Bibliot. maxima Veſt. P. P.* tom. 26., Cornelius a Lapide in cit. cap. 21. *Genef. v. 7.*, & Theophilus Raynaudus *de Agno cereæ* cap. 5. num. 1. oper. tom. 10.*

10 Quamobrem nonnulli Theologi, apud laudatum a Lapide, a gravi culpa non excuſant matrem, quæ abſque legitima cauſa, ſe ſubtrahit ab onere, ſibi a natura impoſito, propriam lactandi prolem, quod, obſervante Magno Baſilio hom. 9. *hexameron*, nulla, quantumvis crudeliſſima ſera ſubire detrectat; ſed melius Navarrus *manual. cap. 14. num. 17.*, cui ſubſcribit

scribit a Lapide, illam solius peccati venialis ream facit, urgente vero legitima causa, ab omni culpa absolvit.

II Cum autem non una, sed multe occurrere queant legitime causæ, propter quas matres licite se a prædicto onere subducunt, ut puta, si lacte careant, si mala afficiantur valetudine, si numerosa indigeant prole, & propterea huic procreandæ, priusquam consenescent, operam dare cupiant, idcirco Episcopus, ne Novatoris notam obtineat, abstinere debet a præfato præcepto serendo; sed potius nobiles, & divites mulieres, a quibus dumtaxat solent filii lacte emutriendi nutricibus tradi, serio monebit, atque hortabitur, ut sanctissimas feminas imitentur, quæ suis uberibus filios lactarunt, uti Sara Isaac, Rebecca Jacob, Anna Samuelem, ac ipsa Dei Genitrix Sanctissima Virgo Maria Filium suum Christum Dominum.

## CAPUT LIX.

*De censoria nota nimia severitatis, Synodalibus Constitutionibus falsè incedum inusta: ubi de prescribenda Veste, oblonga, & nigri coloris Clericis in Sacris constitutis, aut Beneficium Ecclesiasticum possidentibus.*

I Pures Synodales Constitutiones sunt in invidiam adductæ, falsa criminatione nimie severitatis, quæ tamen expensæ ad sacrorum Canonum normam, deprehensæ sunt eorundem rigorem potius temperasse. In nonnullis Synodis, aut Episcoporum Edictis, iussi sunt Clerici, sive in Sacris constituti, sive Ecclesiasticum Beneficium possidentes, veste uti oblonga, nigri coloris, quam *Talarem* appellamus, adjecta poena in contumaces. Adversum has sanctiones, quas nimio rigore conspersas, dictitabant, provocarunt Ecclesiastici ad sacram Congregationem Concilii, sed semper provocantes succubuerunt, quod videre est in nostra *Notific. 71. & in epistul. Pastoral. bon. mem. Cardinalis Lanfredini edit. in civitate Aßina anno 1740. pag. 287. & seqq.* Nihil quippe visum est corrigendum in decretis, quæ sulciebantur auctoritate Tridentini *sess. 14. cap. 6. de reform.*, ubi *Oportet, ait, Clericos vestes proprio Ordini congruentes semper deferre*, subditque: *Omnes Ecclesiastica persona, quantumcumque exempta, quæ, aut in Sacris fuerint, aut Dignitates, personatus, officia, aut Beneficia qualicumque Ecclesiastica obtinnerint, si posteaquam ab Episcopo suo, etiam per Edictum publicum moniti fuerint, honestum habitum Clericalem, illorum Ordini, ac dignitati congruentem, & juxta ipsius Episcopi ordinationem, non detulerint; per suspensionem ab Ordinibus, ac officio, & Beneficio, ac fructibus, redditibus, & proventibus ipsorum Beneficiorum, necnon si semel correpti, denus in hoc deliquerint, etiam per privationem officiorum, & Beneficiorum hujusmodi coerceri possint, & debeant.* Neque Clerici, Episcopi edicto contravenientes, suam idcirco excusare valent contumaciam, quod Tridentinum talaris vestis non memi-

Tom. XII.

T t t

nerit:

nerit: Siquidem non ipsorum, sed Episcopi judicio statuendum a Tridentino permittitur, quænam vestis eorum Ordini, ac dignitati conveniat. Quocirca Synodus Provincialis Mechliniensis, anni 1607. tit. 18. cap. 4. (tom. 10. collect. Hard. col. 1958.), Tridentini mentem sapienter interpretata, decrevit: *Quoniam mundana curiositas quotidianas adveniens levitates, omnis ille habitus quibuslibet Ecclesiasticis personis interdictus sit, a quo Episcopus abstinendum mandavit: Deinde, qui nolit se sacrorum Canonum prorsus imperitum ostendere, fateri cogitur, nullam aliam, nisi talem, esse vestem Clericorum propriam, eorumque statui maxime convenientem.* Equidem, quamquam ultro concedamus Sirmondo apud Labbeum tom. 2. Concilior. pag. 1817., Thomassino de vet. & nov. Eccles. discipl. part. 1. lib. 2. cap. 43., Binghamo orig. Eccles. lib. 6. cap. 4. §. 18. vol. 2., aliisque Eruditis, affirmantibus, quinque prioribus sæculis, civiles Clericorum vestes, modestia tantum, non forma, a communibus Laicorum vestibus discrepasse, quod recte colligi agnoscimus ex epistola Cælestini I. ad Episcopos provinciæ Viennensis, & Narbonensis, anno 428. data, ubi quosdam Sacerdotes reprehendens, qui relicto habitu communi, pallium assumpservant, Philosphorum proprium, ait: *Unde hic habitus in Ecclesiis Gallicanis, ut tot annorum, tantorumque Pontificum in alterum habitum consuetudo vertatur? Discernendi a plebe, vel ceteris sumus doctrina, non veste; conversatione, non habitu; mentis puritate, non cultu; attamen nemo, putamus, inficiabitur, insequentibus sæculis, coepisse Clericos, etiam in exteriori corporis cultu, a Laicis discerni: Etenim S. Gregorius Turonensis, qui vi. sæculo vixit, hist. Franc. lib. 5. cap. 14., eam vestium distinctionem jam inductam innuit, inquiens: *Merovæus conspuratus est, mutataque veste, qua Clericis uti mos est, Presbyter ordinatur; eandemque indumentorum differentiam, ante sæculum VII. receptam in Ecclesia Orientali, constat ex Synodo Trullana, habita anno 687., quæ illam jam ante præceptam asserit, ejusque observationem can. 27. inculcat, inquiens: Nullus eorum, qui in Cleri catalogum relati sunt, vestem sibi non convenientem induat, neque in civitate degens, neque iter ingrediens, sed utatur vestibus, quæ antehac iis, qui in Clerum relati sunt, attributa fuere. Si quis autem tale quid fecerit, una septimana segregetur* (tom. 3. collect. Hard. col. 1671.) Illud porro vestium discrimen, in hoc potissimum situm fuisse, quod vestes Clericorum, licet nondum a laicalibus in colore discrepant, sicuti citatus Thomassinus cap. 46. existimat, essent tamen oblongæ, atque ad talos usque, fere productæ ex pluribus conjicimus Concilii: Concilium Germanicum, auctoritate S. Bonifacii anno 742. celebratum, atque a Synodo Lipinensi insequentis anni 743. receptum, & approbatum, can. 7. (tom. 3. collect. Hard. col. 1921.) Presbyteris, & Diaconis vetuit, ne sagis, ideit breviori veste, Laicorum more, uterentur: *Decrevimus quoque, ut Presbyteri, vel Diaconi, non sagis, Laicorum more, sed Casulis utantur, ritu servorum Dei; & Synodus Romana a Zacharia Papa eodem anno 743. habita can. 3. idem præ-**

præcepit, decernens, ut *Episcopus, Presbyter, vel Diaconus* *seculari indumento minime utantur, nisi, ut concedit, tunica Sacerdotali* (*ibid. col. 1927.*) ; quibus in locis, neminem suspicari credimus, sermonem esse de veste, non civili, sed sacra : Cui enim in mentem veniat, Presbyteros, & Diaconos eo tum sceleris devenisse, ut communibus vestibus induti ad altare accederent, Sacris operaturi ? Omnibus quippe compertum est, nunquam licuisse Christianæ religionis Ministris Divina celebrare mysteria, sine specialibus, atque ad eum tantum usum destinatis sacris indumentis ; five hic ritus ab ipsis Apostolis fuerit traditus, quod existimant Cardinalis Bonner. *liturgic. lib. 1. cap. 24.*, aliique plurimi, quos Nos allegavimus in nostra *Notific. 20.*, five immediate post Apostolos fuerit præscriptus, quod nullus in questionem adducit ; ambo propterea Concilia intelligenda sunt de veste communi Diaconorum, & Sacerdotum, quæ ab uno vocatur *Casula*, ab altero *Tunica*, sed utraque erat *talaris* ; Casula enim, teste Rabano insit. *Clericor. lib. 1. cap. 21.*, dicta est *per diminutionem a casa, eo quod totum hominem tegat, quasi minor casa* ; Quamobrem Joannes Diaconus in vit. *S. Gregorii lib. 2. cap. 25.*, etiam Monachorum vestem appellavit *Casulam* ; & similiter *Tunicam*, vestem fuisse, quæ ad talos usque descenderet, constat ex Tullio, qui orat. 2. in *Catilinam*, milites Catilinæ deridebat, quod *manicatis, & talaribus tunicis essent amicti*, atque ex Hieronymo *Q. Q. Hebr. in Gen. cap. 37.*

2 De posterioribus sæculis res certissima est, nullique obnoxia dubitationi, cum innumeri occurrant Conciliorum canones, congesti a Thomafino *cit. lib. cap. 50. & 51.* vestem talarem Clericis præscribentes : quinimmo adeo ejus usus invaluit, ut opus fuerit præcidere nimiam vestium talarium longitudinem, quæ in luxum, & pompam coeperat degenerare ; quocirca Innocentius III. in Concilio Generali Lateranensi anni 1215. *can. 16. relat. in cap. 15. de vit. & honest. Clericor.*, de Clericis loquens, statuit : *Classa desuper deferant indumenta, nimia brevitate, vel longitudine non nocenda ; & Concilium Toletanum anni 1324. can. 2. Symmata, idest oblongas vestes, humum verrentes Clericis prohibuit : Nullus Clericus Supertunicale, vel Tabardum deferat ita longum, quod si ad pedes contingat, nullatenus tamen per terram trahatur, cum hac non honestas, sed superfluitas sit, & indecentia* (*tom. 7. collect. Hard. col. 1488.*)

3 Ad recentiora porro tempora descendendo, fere omnia, quæ post Tridentinum celebrata sunt Concilia, Clericos adigerunt, ad gestandam vestem talarem, & quidem nigri coloris, ad quem ; uti Thomassinus observat, non erant antea, certa lege, adstricti, sed poterant alio quolibet, modo decenti, & modesto, uti : S. Carolus Borromeus in suo Concilio Provinciali Mediolanensi I. part. 2. de Clericorum vestitu loquens, ait : (*part. 1. Act. Eccles. Mediol. pag. 18.*) : *In omni vestitu color tantum niger adhibeatur . . . externa vestis simplex, & talaris erit*, In Concilio Mechliniensi anni 1570. *tit. de vit. & honest. Cleric. cap. 3. (tom. 10. collect. Hard. col. 1195.)*

jubentur Clerici majorum Ordinum, cum in publicum prodent, gestare vestem talarem; Concilium Remense anni 1583. tit. *De Clericis in genere*, num. 8. [ibid. col. 1292.] Vestis Ecclesiastica, et aque talari, ac decenti utantur omnes Clerici; Concilium Burdigalense ejusdem anni tit. 1. sect. 21. [ibid. col. 1359.] cap. 2. Vestes eorum sint tales; quodque notabilius est, Concilium Provinciale Narbonense anni 1601. cap. 41. [tom. 11. collect. Hard. col. 44.] Clericos etiam noctu incedentes ad deferendam vestem talarum obligavit: Noctu incedentes, ex rationabili causa, togas tales deferant. Provincialibus concinunt innumerae Synodi Dioecesanæ, congestæ a Gennetto Theolog. moral. tom. 2. tract. 1. cap. 9., & in append. ad Synodum Fulgmatensem Episcopi Baptistelli pag. 172. & seqq.

4 Quare sacrorum Canonum rigorem non augent, sed emolliunt Synodales Constitutiones, quæ obligationem deferendi vestem talarum, a pluribus Conciliis omnibus Clericis generatim impositam, ad solos limitant Clericos majorum Ordinum, aut Ecclesiasticum possidentes Beneficium; & majori adhuc indulgentia lenitum reputari debet Episcopale edictum, solos compellens Sacerdotes ad eam saltem induendam, cum ecclesiam ingrediuntur, Sacris operaturi; cujusmodi illud est, quod a Nobis promulgatum fuit, in nostra dioecesi Bononiensi, de quo plura in nostra Notific. 34. & Notific. 71.

## C A P U T L X.

... A severitatis nota vindicatur Synodalis Constitutio, qua Clericis interdicitur usus Comæ supposititiæ, vulgo Parruccæ.

1 C Lericalem modestiam dedecere plerisque Episcopis visa est Coma supposititiæ, vulgo Parruccæ, cujus proinde ulum Clericis in suis Synodis inhibuere: ita quippe statutum comperimus in Dioecesana Synodo Melitenensi anni 1703. sess. 3. cap. 1., Pisana anni 1708. cap. 25., Montis Falisci anni 1710. cap. ultim., Portalegrensi 1714. sess. 3. cap. 1., aliisque allegatis a Thiers in tract. inscripto *Histoire des Perruques*; Licet autem etiam ejusmodi prohibitiones sanctioribus Ecclesiæ legibus essent accommodatæ, ut mox ostendetur, nihilominus Clericorum querelas non evasere, qui nimiam prætexentes earumdem severitatem, eas eludere tentarunt; sed frustra; Quoniam sacra Congregatio Concilii illas sustinuit, suisque corroboravit decretis; & solum aliquando censurarum poenas in prohibitionis transgressores ipso jure illatas, non nihil censuit mitigandas. Sarnellus Episcopus Vigiliensis anno 1697. usum comæ fictitiæ suis Clericis ademit, sub poena excommunicationis, ipso facto incurrenda: Appellarunt Ecclesiastici ad Sedem Apostolicam, sed in Congregatione particulari habita 20. Maji 1699., edictum approbatum fuit, quoad Clericos constitutos in Sacris, aut Beneficium Ecclesiasticum possidentes; Quod vero atti-

attinet ad Clericos minorum Ordinum, nullum obtinentes Ecclesiasticum Beneficium, responsum est, poenam esse moderandam, sed, firma remanente prohibitione, in contumaces aliis poenis animadvertendum, ad normam sacrorum Canonum, & sacri Concilii Tridentini *cap. 6. sess. 23. de reform.*, uti habetur *lib. 49. decretor. pag. 206.*, & referunt memoratus Episcopus Sarnellus *tom. 4. suarum epistolar. discurs. de Perrucchis cap. 13.*, & Monacelli *in formul. legal. in append. tom. 1. fol. 359. num. 19. & 20.* Ab hujus particularis Congregationis sententia, ne latum quidem unguem discedens Episcopus Melphitensis, anno 1721. omnes quidem Clericos a gestanda coma ascititia abstinere iussit, sed idem faciens discrimen, quod prædicta sacra Congregatio duxerat observandum, Clericos majorum Ordinum, aut Ecclesiastico Beneficio donatos, ab ea deferenda compescuit, poena excommunicationis; ceteros vero, aliis poenis, arbitrio suo, irrogandis: de hujusce edicti viribus, quod tanquam nimium severum tradebatur, disputatum fuit in sacra Congregatione Concilii die 8. Augusti 1722.; cumque Nos, qui tunc temporis ejusdem sacre Congregationis Secretarium agebamus, omnia, quæ ad illud fulciendum erant opportuna descripsimus in consueto folio, quod pro nostro munere exaravimus, fuit quoad omnes sui partes approbatum, uti videre est *tom. 2. Thesaur. Resolus. pag. 206. & seq.*

2 Porro, ne quispiam deinceps contra similia decreta, quæ ab Episcopis fiant, mussitare audeat, si sacre Congregationis auctoritati, uti par esset, non acquiescat, rationes audiat, a Nobis in præfata causa Melphitensi indicatas, propter quas coma fictitia jure, ac merito Ecclesiasticis interdicitur. Consuevisse olim feminas alienis capillis caput exornare, eruitur ex Martiali, qui pluribus in locis eas carpit, quæ propriam senectutem, hac ementiti arte obtegebant: sic *lib. 6. epig. 12.*

*Jurat capillos esse, quos emit, suos*

*Fabulla. Numquid illa, Paulle, dejerat?*

Et *lib. 12. epig. 23.*

*Dentibus, atque Comis, nec te pudet, uteris emptis,*

*Quid facies oculo, Lelia? non emitur.*

Ad eundem morem alludit Ovidius *lib. 3. de arte &c.*

*Femina procedit densissima crinibus emptis,*

*Proque suis, alios efficit ære suos.*

In anthologia pariter occurrit epigramma Lucilii in quamdam Nicyltam, quæ emerat galericulum atrum, ut dissimulata senectute, canos suos velare posset, quod Hadrianus Junius *libell. de coma cap. 1. latine* sic reddidit:

*Fingere te perhibens quidam, Nicylla, capillos,*

*Quos mercata atros ipsa foro extuleras.*

Quare Hieronymus scribens ad Marcellam: *Nec numerus annorum potest dicere, quid vetula sis, quæ capillis alienis verticem struunt;* atque epistola ad Demetriadem, muliebrem cultum describens, ait: *Quando eras in-*

*facula,*

*faculo, quæ erant faculi diligebas, polire faciem purpurissæ, & cernissæ ora depingere, ornare crimem, & alienis capillis turritum verticem struere; turritum vero verticem vocat, quia ex alienis capillis tutulus efficiebatur, quem Lucanus nominat turritam frontis coronam, & Prudentius, in psychomachia, semine lascivæ, atque superbæ turritum caput tribuit:*

*Turritum tortis caput accumularet crimibus.*

In hunc vanum mulierum luxum invehitur Tertullianus lib. de cultu femineo, inquit: *Si non pudeat enormitatis, pudeat inquinamenti: ne exetnas alieni capitis, forsau inmundi, forsau nocentis, & gehenna destinatis, sancto, & Christiano capiti supparetis: eundemque reprehendit Clemens Alexandrinus Pedagog. lib. 3. cap. 11. ubi ait: Alienorum capillorum appositiones sunt omnino rejicienda. & externas comas capiti adhibere est maxime impium, quæ mortuis pilis cranium induunt. Cui enim manum imponis Presbyter? Cui autem benedicit? Non mulieri, quæ est ornata, sed alienis capillis, & per ipsos alieno capiti.*

3 Ex hoc vero, quod Patres hanc sceditatem in solis feminis reprehendunt, insert Christianus Lupus in dissert. de S. Leonis IX. Actis cap. 15. in fin. eam tunc omnibus ubique viris fuisse incognitam, ac primum in Anglia, sub Gulielmo II., aut ejus Successore Henrico I., in fine XI., aut initio XII. sæculi, coepisse ab iisdem usurpari; quod tamen monstrum, addit, diu in ea tantum insula latitasse, nec alias permeasse regiones; at Thiers in tract. de Perruchis cap. 1. pluribus probat, jampridem fictum capillitium ab effeminatis viris adhibitum; quod præ ceteris, quæ idem Auctor ibidem adducit, nobis suadet Rufus Festus Avenus, Poeta Christianus, Augutino coævus, qui carmine 10., Equitem manifeste describit, cujus caput erat supposititia coma redimitum, inquit:

*Calvus Eques capiti solitus religare capillos,*

20 11

*Atque alias nitido vertice ferre comas.*

*Hujus ab adverso Boreæ spiramina præstant*

*Ridiculum populo conspiciente caput.*

*Nam mox dejecto nituit frons nuda galero.*

*Discolor apposita, qua fuit ante coma.*

Ceterum quidquid sit de tempore, quo hujus generis tegmen, ab alienis capillis emendicatum, coeperit a viris adhiberi, neminem reperiri putamus, qui credat, illud etiam a Clericis antiquitus usurpatum. Equis sibi animo fingat, licuisse unquam Clericis, extraneam comam suo capiti superinducere, qui sacræ militiæ per comæ abscissionem adscribebantur, ita ut idem esset Clericum fieri, ac deponeri? uti observat Mabillonius in præfat. ad sac. 111. Act. Benedicti. part. 1. num. 18. & 19., quique semel de tonsi nunquam deinceps comam alere, sed semper attonso capite incedere tenebantur, quod constat ex Synodo circa annum 450. sub S. Patricio, in Hibernia celebrata can. 6. (collect. Harduin. tom. 1. col. 1791.); ex cap. 66. Martini Bracharenfis (ejusdem collect. tom. 3. col. 398.); atque ex Concilio Toletano IV. anni 633. can. 41. (eod. tom. 3. col. 588.) Quinimmo nulla ra-

tione



tione fingere possumus, fuisse unquam usum comæ fictitiæ in Clericis toleratum, cum potius quilibet eorum, qui comam laxare præsumeret, etiam invitus, & reluctans, per Archidiaconum jussus sit detonderi a Concilio Agathensi anni 506. *can. 2. relat. dist. 23. can. 22.*, & ab Alexandro III. in *cap. 7. de vit. & honest. Clericor.* : Clerici, qui comam nutriunt ( & barbam ) etiam invitati a suis Archidiaconis sodeantur.

4 Adeo porro verum est, Clericos a ficto capillitio, ad hæc usque postrema tempora abhoeruisse, ut Synodi tam Provinciales, quam Diocesane, a Tridentino ad præcedentis sæculi finem coactæ, illis dumtaxat inhibuerint capillos intortos, cincinnatos, seu calamistratos gestare, nulla supposititiæ comæ facta mentione : sic Synodus Provincialis Mediolanensis prima *part. 2. ( Act. Eccl. Mediol. part. 1. pag. 18. )* : Ita sint abraşi capillo, ut tonsura conspicua sit omnibus. Comam vero, & barbam ne studiose nutriant, capillis simplicem cultum adhibeant; Synodus Provincialis Burgenfis anni 1584. *tit. 25. cap. 3.* : Clerici crines calamistratos, ac retortos non habeant; Diocesana Synodus Ravennatenfis anni 1607. *tit. de vit. & honest. Clericor. cap. 1.* : Capillos ne gerant calamistratos, nec supra frontem eminentiores; Synodus Lucensis anni 1625. *de vit. & honest. Clericor. cap. 2.* : Comas calamistratas, more feminarum ne gestent; Synodus Amalphenfis anni 1639. *ead. tit. cap. 2.* : Cincinnos, & comam ne nutriant; Ex hoc autem, quod tot Synodi de Clericorum honestate sollicitæ, ficticiam comam, quæ certe majorem præferret vanitatem, quam proprii capilli, studiose concinnati, silentio præterierint, utique argumentum elicitur, inquit laudatus Thiers, ad probandum, nondum Clericos ausos fuisse, ab extraneis capillis illum ornatum querere, quem ex propriis, suo capiti aptare prohibebantur. Sed cum postea eodem muliebri cultu, & ipsi delectari cœperint, huic abusui, contra Clericalem honestatem, inolefcenti, oblitere posteriores Synodi, quarum nonnullas indicavimus, ab eodem Thiers accurate collectæ. Et recte quidem : nam per ficti capillitii usum, Tonsura clericalis, a sacris Canonibus tantopere commendata prorsus exolefuit, omnesque Canones eluduntur, quibus a capillis affabre concinnandis Clerici abstinere jubentur. Ad hæc nulla ratio est in Clericis tolerandum, quod etiam Heterodoxus Auctor Martinus Schoockius *exercit. 24. de coma, & barba, in fin.*, in omnibus Christianis improbavit, inquit : Ingenue profitear me non videre, quomodo aliena hæc capitis exuvia excusari possint, cum omni ævo, apud omnes nationes eadem exosa fuerint.

5 Quæ hæctenus diximus rationabilem, & juri conformem ostendunt Synodalem Constitutionem, Clericis interdicentem usum comæ supposititiæ; sed quoniam non potest Legislator singulos prævidere peculiare casus, omnesque sua lege complexi, expedit profecto, ut in ipsamet Constitutione, seu edicto, facultatem, qua ceteroquin pollet, sibi expresse reservet, fictum capillitium illis permittendi, qui, Medicorum judicio, valetudinis causa, eo indigent, quod prudenter factum animadvertimus

in Dico-

in Dioeclefana Synodo Bononiendi anni 1698. *lib. 3. cap. 1.*, ubi fimilis Conftitutio, hac mitigatur limitatione : *Nifi ex caufa nobis, vel Vicario noftro cognita, indulgendum ad tempus arbitrabimur* ; Atque in Synodo Afculana anni 1719. *cap. 20* : *Nifi ex iufta, & rationabili caufa difpenfationem impetruerint*. Caveat tamen Epifcopus, ne hanc veniam elargiatur, nifi, præter caufam, etiam comam ipfam, quam Clerici geftare cupiunt, diligenter prius examinaverit : Non alia liquidem eft iifdem, præcipue fi fint in Sacris conftituti, permittenda, nifi quæ nullam præferat vanitatem ; fed tanta fit moderatione, ac modeltia concinnata, ut omnibus manifefte appareat, eam ob meram neceffitatem, non ad luxum, & pompam, ad capitis, non ornamentum, fed tegumentum, adhiberi. Cavebit præterea, ne ulli Sacerdoti licentiam concedat, Miffæ facrificium celebrandi cum afcitiis coma : Quamvis enim Theophilus Raynaudus *oper. tom. 13. de pileo, & ceteris capitis tegminibus, feft. 2. §. Nunc e contrario, circa finem, & Pafqualig. de Sacrif. nov. Leg. 9.83.* licere opinentur Sacerdoti, Sacris operari, cum ficto capillitio, ita fuo capiti aptato, ut a vera, & naturali coma internofci nequeat, atque infuper, apud fæpeditatum Thiers *cap. 20.*, extet licentia, a Cardinali Hieronymo Grimaldi, Archiepifcopo Aqueñfi, cuidam Sacerdoti conceffa, Miffam celebrandi, cum coma fuppoftitia ; attamen certum eft, Rainaudum, & Pafqualigum falli, ac Cardinalem Grimaldum fuæ poteftatis limites prætergreffum : Etenim, uti bene ratiocinatur Reiffentuel *ad lib. 3. Decretal. tit. 1. num. 91.*, nemo fanæ mentis inficiari poteft, per fictum capillitium, Sacerdotis caput velari, & cooperiri ; in altari autem, cooperto capite miniftrare, ne Epifcopo quidem permittendum, ftatuit Zacharias Papa in Concilio Romano anni 743., *cap. 13. relat. dift. 1. can. 57.* : Nullus Epifcopus, Presbyter, aut Diaconus ad celebrandum Miffarum folemnia præfumat cum baculo intruire, aut velato capite altario Dei affiftere : Quoniam & Apoftolus prohibet viro, velato capite, orare in ecclefia : & fi tamen præfumpferit, Communionem privetur ; Cuilibet vero compertum eft, non poffe Epifcopum relaxare legem, a Superiore latam, neque alteri illam licentiam impertiri, quam fibimetipfi concedere nequit. Quocirca facra rituum Congregatio die 31. Januarii 1626., & 24. Aprilis ejufdem anni apud Gavantum in comment. ad rubr. *Miffal. part. 2. tit. 2.*, decrevit : Nemo andeat uti pileolo in celebratione Miffarum, fine expreffa licentia Sedis Apoftolicæ, non obftante quacumque contraria confuetudine ; Cumque in Congregatione particulari ab Alexandro VIII. anno 1690. deputata, fuerit fpecialim difcuffus articulus, de quo in præfens tractamus, an fcilicet pileoli nomine comprehendatur etiam coma fuppoftitia, itaut neque cum hac fas fit Sacerdoti, fine difpenfatione Papæ, Miffam facere, etiamfi illa fit decens, & modelta, qualem Pafqualigus, & Rainaudus permiferunt ; refponfum fuit, *Comprehendi*, ficut refert Urfaya *inftitut. criminal. lib. 1. tit. 10. §. 4. num. 51.* ; in cujus quidem decreti fequelam Innocentius XII., per fuos Apoftolicos Nuntios, locorum Ordinarios moneri iuffit, ne quem-

quam

quam permetterent, sine Apostolicæ Sedis privilegio, cum adulterino capillitio sacrosanctum peragere Missæ sacrificium, quemadmodum refert citatus Reiffenstuel. Quæ omnia uberius a Nobis expensâ suere in cit. differt. pro sacra Congregatione Concilii exarata, atque in nostra Notificat. 34. & Notificat. 96.

## CAPUT LXI.

*Alia ejusdem Censura, Synodalibus Constitutionibus immerito iniusta, exempla; ubi de ludis, & venationibus, choreis, spectaculisque, quæ Clericis interdiciuntur.*

**P**OST vestes, & fictam comam, earumque sucos, ad quasdam Clericis vetitas actiones sermonem convertimus. In can. 42. & 43. (al. 35.) inter vulgares Apostolicos, sub anathematis poena arcentur Clerici ab alearum lusu: *Episcopus, aut Presbyter, aut Diaconus alea, atque ebrietati deserviens, aut certe damnetur: Subdiaconus, aut Lector, aut Cantor similia faciens, aut desinat, aut communione privetur. Similiter etiam Laici; & Concilium Eliberitanum can. 79. (tom. 1. collect. Hard. col. 258.)* quotquot aleis luderent, a communione separandos, decrevit: *Si quis Fidelis alea, idest tabula luserit, placuit eum abstinere: & si emendatus cessaverit, post annum poterit communioni reconciliari; Putat quidem Albaspinæus observat. ad hunc canonem, ideo Fideles, aleis ludentes, fuisse tam gravi poena punitos, quia tunc temporis, quo nondum extincta erat ethnica superstitio, effigies falforum numinum habebantur pro numeris, eorumque nomen invocari solebat, ut felicissimus eveniret alexæ jactus; At si res ita se habuisset, longe adhuc graviori poena, in ludentes Fideles, tanquam in Idololatrias fuisset animadversum: Quocirca verius putamus, alearum lulum omnibus quidem Christianis, sed speciatim Ecclesiasticis prohibitum, ob eandem rationem, propter quam illum damnarunt Cornelius Tacitus in lib. de moribus Germanor. cap. 24., & Ammianus Marcellinus lib. 14. cap. 19. & lib. 28. cap. 22., quia nimirum per illum homines ad fraudes, fallacias, mendacia, perjuria, furta, aliaque enormia scelera inclinantur: Alea siquidem (ajebat Petrus Blesensis epist. 74.) perjurii, furti, sacrilegii mater est; Qua etiam de causa, vetustæ leges Romanorum, quas laudat Taylor. dicit. dubit. lib. 4. cap. 1., aleatores exilio, aliisque multarunt severis poenis; & Justinianus Imperator leg. 1. Cod. de aleatoribus sancivit, ut victus in alexæ lusu, non posset conveniri: & si solvisset, tam ipse, quam ejus heredes, etiam post triginta annos, haberent repetitionem adversus victorem.*

**2** Sed utcumque prælati canones explicentur, nullo pacto declinari possunt posteriores Ecclesiæ Constitutiones, quæ Clericos ab alearum, taxillorum, aliisque ludis cohibuere. Atque, ut prætereamus antiquiores canones, congellos a Christiano Lupo in notis ad can. 50. Trullanum, tom. 2.

Tom. XII.

V v v

pag. 943.

pag. 948. Synodus Romana sub Eugenio II. anni 853. *can. 11.* ( *tom. 5. collect.* *Hard. col. 66.* ) adeo indecorum putavit, Sacerdotem ludis operam dare, ut ne ludentes quidem spectare fas illi esse, statuerit: *Sacerdos sedulo Divina debet perscrutari, & admonere eloquia . . . . Quamobrem ludis coram se fieri non delectetur. Transgressor quidem inventus admonitione Episcopi ulterius agere desinat: sin autem, canonice judicetur: Eugenii autem prohibitionem instauravit Innocentius III. in Concilio Generali Lateranensi, relat. in. cap. 15., de vit. & honest. Clericor., Clericis præcipiens: Ad aleas, & taxillos ne ludant, nec hujusmodi ludis intersint; Quotquot autem post Innocentium celebratæ sunt Synodi, huic Decretali inhærentes, ab iisdem ludis Clericos quam longe abesse jusserunt; ita quippe sanxere Concilium Biterrense anni 1255. *cap. 24.*, Salisburgense anni 1420. *cap. 4.*, Toletanum an. 1473. *cap. 12.*, aliaque congesta a Thomassino de vit. & nov. Eccl. discipl. *part. 3. lib. 3. cap. 46.**

3 Quamvis porro sacri Canones alearum dumtaxat, & taxillorum ludi plerumque meminerint, omnem tamen lusum prohibere voluisse, a fortuna potius, quam ab industria, & arte pendentem, opportune animadvertunt Vallenf. *ad tit. 1. lib. 3. Decretal. n. 12.*, & S. Antoninus *Summ. par. 2. tit. 1. cap. 23.*: Quinimmo Tuldenus *ad tit. Cod. de aleatoribus*, magis adhuc generatim accipiendam, voluit similem legum civilium prohibitionem, quam ad omnem lusum, lucri causa exercitum extendit, inquit: *Non tantum tesserarum lus, sed quicumque alius, perinde a fortune eventu, immo vel a solertia pendens continetur, & in lucrum exercitus improbat. Quare Concilium Tridentinum sess. 24. cap. 12. de reform.*, non ab hoc, aut ab illo, sed universum ab illicitis ludis Clericis abstinendum edixit; Episcoporum scilicet judicio relinquens, determinare, pro diversis, personarum, locorum, & temporum, conditionibus, quinam essent illiciti reputandi. Tridentino statim obsequens S. Carolus Borromæus, in suo primo Concilio Provinciali Mediolanensi *part. 2. [Act. Eccl. Mediol. par. 1. pag. 19.]* accuratum habuit delectum ludorum, quibus fas, quibus ne fas esset Clericis sese oblectare; eosque potissimum abstinere voluit, a ludo alea, tesserarum, ac salarum, a ludo Folliis, idest pile majoris, atque a globis, qui malleis ligneis impelluntur; Alia vero alibi celebrata Concilia, unanimi pariter consensione, lusum alearum, seu pictarum pagellarum, & taxillorum, Clericis indecentem, atque illicitum declararunt; alios vero ludos plerumque speciatim non nominarunt, sed generatim omnem ludum Clericis vetitum dixere, qui eorum statui indecorus videretur: ita Concilium Burdigalense anni 1583. *tit. 21. de vita & morib. Cleric. [tom. 10. collect. Hard. col. 1359.]*: Ab alea, tesseris, chartis, & quovis alio vetito, & indecoro ludo, tum privatim, tum publice penitus abstineant; Concilium Aquisense anni 1585. *tit. de vit. & honest. Clericor. (ibid. col. 1543.)*: Ne pagellis pictis, aut alea, aliisque hujusmodi ludi genere ludant, aut ludentes spectent; Narbonense anni 1601. *cap. 41. [tom. 11. collect. Hard. col. 44.]*: Non ludant aleis, tesseris, chartis, aut alio ludo prohibito, vel indecoro, præsertim publice.

4 Du-

4 Dubitari autem solet, an inter indecoros, ac proinde illicitos recenseri debeat ludus *scachorum*. Illum certe damnavit S. Petrus Damianus *opusc. 20. cap. 7. [rom. 3. oper.]* graviter objurgans Florentinorum Episcopum, secum iter agentem, quem *scachis*, ad fallendum tempus, semel luisse deprehenderat; Cumque Episcopus, ad se excusandum, *scachos* ab aleis distinguere conaretur, S. Petrus *ibidem*, Episcopi excusationem in hunc modum refellit: *Scachum Scriptura non ponit, sed utriusque ludi genus alea nomine comprehendit. Quapropter dum alea prohibetur, & nominatim de scacho nihil dicitur, constat procul dubio utrumque genus, uno vocabulo comprehensum, unius sententia auctoritate damnatum. Et ne quispiam Damianum nimio zelo abreptum existimet, audiat Cardinalem Baronium ad ann. 1061. num. 42., ita illum, ejusque sententiam defendentem: Quem sciolus quispiam redarguat hallucinatum, dum sub aleis redigit scachos, quos non ut aleas dubia fortuna voluit, sed humani ingenii acumen exercet. Sic utcumque velit, ad Pauli sententiam redigendi proculdubio sunt Sacerdotes, quia ait, Non licere, quia non expediunt, non licere, quia non adificiant. Neque Damiano refragatur Concilium Mexicanum an. 1585., confirmatum a Sixto V. an. 1589., quod lib. 3. tit. 5. [collect. Harduin. tom. 10. col. 1671.] scachorum ludum licitum reputans, Clericis permisit; Damianus quippe Episcopum reprehendit, qui in spatiosa domo cum commeantium turba resedit, iisque altantibus, vestertinum tempus, in scachorum vanitate consumpserat; Concilium autem Mexicanum, Clericos ludere permisit, in occulto tantum, honestæ recreationis causa & adjecta lege, ne multum pecuniæ in eum lusum impenderent: *Scachis [inquit] aut aliis ludis permittis, ne ludant in locis publicis, aut in domibus, quo ad id multitudo hominum convenit, veluti in domibus Aromaticorum, aut Tonsorum. Si autem in occulto ludos licitos hujusmodi exercuerint, numerosa pecunia in eis non intercedat: aliter enim pro qualitate excessus corrigentur.**

5 Hæc, quæ jam diligenter a Nobis expensa sunt in nostra *Nostific. 37.*, non abs re hic duximus repetenda, ad nostrum etenim collineant scopum, absolvendi a nimia severitatis censura Episcopales Constitutiones, arcentes Clericos ab alearum, taxillorum, aliove simili ludo. Non proinde tamen quisquam Nos oblitos existimet doctrinæ Divi Thomæ, quam superius *cap. 45. num. 2.* commemoravimus, posse nimirum ludum non solum culpa vacare, verum etiam ad virtutem Eutrapeliæ pertinere: Nam, ut *ibidem*, duce eodem S. Thoma, insinuavimus, tot ad illum cohonestandum requiruntur conditiones, ut ex earum defectu, facile in vitium degeneret, præsertim in Ecclesiasticis, a quibus vix potest, sine scandalo exerceri; Neque eosdem, nimium ludo indulgentes, a culpa eximit consuetudo, quam veluti manifestam corruptelam jamdiu improbavit Innocentius III. in *cap. Inter dilectos, xi., de excessib. Prelator.*, ubi Clericum alearum lusui addictum, & obtentu consuetudinis Gallicorum Clericorum, quæ fere universi Clerici frequenter sic ludunt, sese excusantem, in hunc modum refellit: *Nos, qui ex officii nostri debito, pestes ejusmodi extirpare propo-*

nimus : atque ludas voluptuosus [ occasione quorum sub quadam curialitatis imagine , ad dissolutionis materiam devenitur ] penitus improbatum , excusationem præditam , quæ per pravam consuetudinem [ qua corruptela dicenda est ] palliatur , frivolam reputantes : cum in illis magis plectibilis sit offensa , per quos ad excusandas excusationes in culpis , delinquendi auctoritas usurpatur &c. Quamobrem licet superius laudatus Altovitus nimium rigidam existimaverit Synodalem Constitutionem Episcopi Vasionensis , in sacra Congregatione Concilii die 20. Decembris 1687. examinatam , qua excommunicatione latæ sententiæ percellabantur Sacerdotes , aleis , vel taxillis ludentes , conclusit tamen , poenam quidem esse mitigandam , sed prohibitionem ratam , ac firmam habendam , sicuti cit. cap. 45. num. 2. hujus libri retulimus .

6 Detecta calumnia impacta Synodali Constitutioni . Clericos deterrenti ab illicitis ludis , eluenda remanet alia , quæ alteri affingitur Synodali statuto , quo iidem cohibentur a venatione : scimus quippe , nullam fortasse Episcoporum sanctionem fuisse unquam majori conatu impetitam , & tanquam nimium severam , per omnium ora traductam , quam ea , quæ Ecclesiasticis prohibet venationis exercitium , quod nedum honestum , sed , ad animum relaxandum , interdum necessarium , plerique disclitant ; & tamen si vera fateri oportet , non facile aliam inveniemus Constitutionem , quæ sit juri communi conformior , & in qua verus Ecclesiæ spiritus magis eluceat : Venationem siquidem Episcopis , Presbyteris , & Diaconis vetuit Synodus Agathensis anni 506. can. 55. , relat. a Gratiano dist. 34. can. 2. , atque a Gregorio IX. suis Decretalibus inserto in cap. 1. de Clerico venatore , et si utrobique talis adscribatur Concilio Aurelianensi : Episcopis , Presbyteris , Diaconibus canes ad venandum , aut accipitres habere non liceat . Quid si quis talium personarum in hac voluntate detectus fuerit ; si Episcopus est , tribus mensibus se a communione suspendat : Presbyter duobus mensibus se abstineat : Diaconus uno ab omni officio , vel communione cessabit ( tom. 2. collect. Hard. col. 1004. ) , quem canonem , totidem sere verbis renovavit Concilium Epaonenle anni 517. can. 4. ( ibid. col. 1048. ) ; Concilium vero Germanicum anni 742. can. 2. , relat. in cap. 2. de Cleric. venat. , & Concilio Aurelianensi pariter attributo , ait : Nec non & illas venationes , & sylvaticas vagationes cum canibus , omnibus servus Dei interdiximus : & ut accipitres , & falcones non habeant ( collect. Harduin. tom. 3. col. 1920. ) : Poenam porro a Concilio Agathensi Episcopis , Presbyteris , & Diaconis , venationi operam dantibus irrogatam , iterum iisdem inflictam reperimus in antiqua collectione canonum Poenitentialium , ab Auctore anonymo conscripta , ante sæculum IX. , quæ extat tom. 11. spicileg. Luca Dacherii pag. 167. . Cumque Subdiaconatus , qui olim minoribus accensebatur Ordinibus , fuerit postea inter sacros cooptatus , quod sæculo XI. evenisse , colligitur ex Micrologo de Ecclesiast. observat. cap. 8. , afferiturque Morinus de sacr. Ordin. part. 3. exercit. 12. , proinde sub eadem poena , etiam Subdiaconos venatores comprehensos , voluit sexta Syno-

Synodus anno 1265., habita a Nicolao Gelant Episcopo *Constaveni cap. 2. (tom. 11. spicileg. pag. 210.)*. Et quia Canones aliquid aut prohibentes, aut præcipientes Clericis, Sacris initiatis, illud idem præcipere, aut prohibere consueverunt etiam Clericis minorum Ordinum, ex Ecclesiæ stipendiis victitantibus, idcirco Concilium Parisiense anni 1212. *part. 1. cap. 3.* statuit: *Prohibemus etiam universis Clericis Beneficiatis, ne canes, aut aves habeant ad venandum, vel aucupandum, aut venationi, sive aucupationi interserviant (tom. 6. part. 2. collect. Hard. col. 2001.)*; & Concilium apud Montem Pessulanum anni 1215. *can. 7. (ibid. 2047.)* addidit, ut si quando Clerici Beneficarii sese venatoribus comites adjicerent, quod tamen rarissimo fieri permisit, nequaquam illis liceret, aves venatorias, propria manu gestare: *Nec Episcopus, nec Clericus Cathedralis, vel Conventualis ecclesiæ, vel alius Clericus de Beneficio Ecclesiastico vivens, aves venatorias habeat in propria domo. Et si aliquando exeat cum Laicis ad venandum, gratia spatiandi, quod raro fieri expedit, propria manu hujusmodi aves non portet*; Cui concinit Concilium Albienſe anno 1254. celebratum a Zoeno Episcopo Avenionensi, Apostolicæ Sedis Legato *cap. 15. (tom. 2. spicileg. pag. 639.)*: *Aves venatorias præterea quisquam Clericus in sacris Ordinibus constitutus, vel alius, qui de Beneficio Ecclesiastico sustentatur, in publico manu propria deferre non præsumat*. Alia plura a venatione Clericos ablegantia Concilia, congesta sunt a Gonzalez in *cap. 1. de Cleric. venat. num. 3.* atque a Thomassino de *vet. & nov. Eccles. discipl. part. 3. lib. 3. cap. 46.*

7 Quare mirum non est, quod Petrus Bleſensis *epist. ad Volterum Episcopum Renssem in Anglia, atque in alia ad Archidiaconum Salisberienſem*, adeo vehementer objurgat Clericum venatorem, ut se valde timere simul affirmet, ne is in ultimo ulticis iræ die, inter hædos, non inter Christi oves, sit numerandus. Nihilominus Cardinalis Papiensis *epist. 48. artis venatoriæ patrocinium quodammodo suscipere non dubitavit*; sed uti bene observat Thomassinus *cit. cap. 46. num. 10.*, tam arctis eam circumscripsit limitibus, ut vel sic damnaſſe magis illam, quam defenſitaſſe videatur: fatetur quippe, nec sibi videri, poſſe Episcopos, & Parochos venationi tuto vacare, sed eam non eſſe improbandam, ait, in Cardinali, cui nulla incumbat animarum cura: ita nimirum Papiensis, propriam potius, quam aliorum causam agens, suum excuſavit nimium venandi ſtudium, de quo fuerat in Conſiſtorio, a Cardinali Atrebatenſi reprehensus. At laudatus Thomassinus, quanquam Papiensis factum excuſet, eo quod valetudinis tantum causa, & Medicorum conſilio, aliquando venationi indulgeret, quod iſtem teſtatur, ejus tamen ſententiam, Cardinales a communi lege univerſum eximentem, pluribus convellit argumentis. Plura pariter in Clericos venatores accumulavit Theophilus Raynaudus in opere, inſcripto *Mala e Bonis Eccleſiæ lib. 2. ſect. 3. cap. 4. num. 26.*, & ſeqq. *oper. tom. 12. pag. 210.*, & in altero opere, cui titulus *Religioſus Iricatus præſuppoſit. 1. tom. 17. pag. 195.*, ubi inter cetera affirmat, venationem, etiam hoc nomine, debuiſſe

debuiffe Clericis interdici, quod ea fit quoddam quasi bellum, aut faltem belli fimulacrum, & præludium, ficuti illam dixere Xenophon *lib. 1. de venat.*, Tullius *lib. 1. de natura Deorum*, Philo *lib. 1. de vita Moyſis*, probatque Mercurialis *lib. 3. de art. gymnafi. cap. 15.*

8 Verum cum duo ſint venationum genera: Alia ſiquidem eſt clamorofa, alia quieta; illa magno armorum, canum, accipitrum apparatu, & tumultu exercetur, ut apri, cervi, & majores feræ capiantur; Altera ſolis laqueis, & retibus, aut etiam arnis, ſed paucis adhibitis canibus, ad occidendum lepores, vulpes, aliasve minores ſeras, ſine ullo ſtrepitu inſtituitur; hinc orta eſt quæſtio inter Doctores, an utraque ſit Clericis interdicta. Solam quidem clamorofam illis vetitam affirmant Gloſſa *in cap. 1. V. Veluptate, de Cleric. venat.*, Silveſter *V. Venatio, v. Quantum vero ad perſonam*, Bellett. *diſquiſit. Clerical. part. 1. tit. de diſcipl. Cleric. §. 19.*, Leſſius *lib. 2. de juſt. & jur. cap. 5. num. 40.*, Barboſa *in cit. cap. 1. num. 2.*, Pirhing *ad tit. de Cleric. venat. num. 3.*, Reiffenhuël *ibid. num. 5. & 6.*; At licet hæc opinio communior ſit, magiſque inter Doctores recepta, oppoſita tamen videtur certe juri contormior: Siquidem allegati canones a venatione Clericos arcent, quæ non armis, ſed ſolis avibus venatoriis, puta falcone, aut accipitre, ac propterea ſine ullo tumultu, & ſtrepitu, exercetur, uti illos legenti eſt manifeſtum. Accedit, quod quanquam in jure receptum ſit, ex homicidio mere caſuali, ab eo perpetrato, qui operam dabat rei licitæ, nullam incurri irregularitatem, quod plane colligitur *ex cap. Lator, 9; cap. Uleſtus, 13; cap. Ex litteris, 14; cap. Ex litteris, 15; & cap. Significasti, 16. de homicidio*, nihilominus ſacra Congregatio Concilii ſæpius irregularem declaravit Clericum, qui cum vacaret venationi, non clamorofæ, ſed quietæ, hominem fortuito interiecerat, quod utique argumento eſt, eam exiſtimaffe, omnem venationem, etiam non clamorofam, eſſe Clericis prohibitam. Verum, cum fortalſe ſacra Congregatio ita declaraverit, eo quod non ſatis compertum habuerit, a Clericis, de quibus agebatur, omnem adhibitam fuiſſe diligentiam, ad evitandum homicidium, quod proſecto necelle eſt, ne ex illo, quanquam ex licito opere, abſque dolo, ſubſequuto, inducatur irregularitas, quod cum communi docent Covarr. *in Clem. Si ſurioſus, 2. part., §. 4., num. 2.*, Ugolinus *de irregul. cap. 18.*, Avila *cod. tract. 7. part., diſp. 6., ſect. 1.*, idcirco controverſia remanet adhuc indeciſa.

9 Ex hac vero opinionum varietate factum eſt, ut Epifcopi in ſuis Synodis, etſi unanimi conſenſione decreto inſtiterint Concilii Tridentini, quod *ſeſſ. 24. cap. 12. de reform.*, Canonicos eccleſiæ Cathedralis *ab illicitis venationibus, & aucupis* abſtinere juſſit, non omnes tamen convenierint in determinando, quænam venatio eſſet Clericis licita, quænam illicita; in aliquibus quippe Synodis quæcumque venatio eſt Eccleſiaſticis interdicta: in aliis ſola clamorofa: in quibuſdam a venatione prohibentur, ſolis diebus ſectis: in aliis nulla die venari permittuntur, ſine Epifcopi licentia: alicubi



alicubi a venatione deterrentur, poena suspensionis: alibi sola poena pecuniaria. S. Carolus Borromæus in suo primo Concilio Provinciali anni 1565. *part. 2.*, (*Ast. Eccl. Mediol. part. 1. pag. 19.*) de Clericis loquens, absolute ait: *A venatione abstinerebunt*; In Synodo vero Dioecesana (*Ast. Eccl. Mediol. part. 2.*, *pag. 414.*) iisdem inhibuit, *alere, & habere canes, vel castellos*: atque in Concilio Provinciali Mediolanensi V., anni 1579., *part. 1.* (*ibid. part. 4. pag. 214.*) etiam Laicos, tempore Quadragesimæ, festisque diebus a venatione compescuit; quod ipsum iterum vetuit in edicto *de observat. Quadrages.* (*Ast. par. 3. pag. 442.*) Equidem Auctor homilia 33. de *Quadrages.* inter opera Ambrosii, *relat. in can. 13. dist. 86.*, jejunium, cum venatione rite componi posse, negavit: *An putatis illum jejunare, qui primo diluculo non ad ecclesiam vigilat, non Beatorum Martyrum loca sancta perquirat: sed surgens congregat servulos, disponit retia, canes producit, saltus, silvasque perlustrat &c.*, & Nicolaus I. respondens ad consulta Bulgarorum, *num. 44.*, nulli fas esse putavit, tempore Quadragesimæ venationi indulgere: *Nulla ratio sit in Quadragesimali tempore venationibus uti: Venantes enim nihil præter carnes captant. Ut ergo nihil carnale sectari videamini, decenter a carnibus capeandis, in Quadragesimali præcipue tempore, vobis est abstinendum. Quanto enim jejunii tempore arctius est Divinis cultibus insistendum, tanto est in cunctis mundi nocivis oblectamentis longius recedendum: præsertim cum neminem, nisi reproborum, venationes exercuisse, sacra designet Historia (tom. 5. collect. Hard. col. 369.). Quibus postremis verbis ad illud idem alludit Nicolaus, quod consideraverat Hieronymus in *Psal. 90.*, *relat. in can. 11. dist. 86.*: *Esau venator erat, quoniam peccator erat. Et penitus non invenimus in Scripturis sanctis, Sanctum aliquem venatorem; piscatores invenimus Sanctos.**

10 Ex quibus omnibus conficitur, non posse nimis severitatis nota aspergi Synodalem Constitutionem, ablegantem Clericos, præcipue majorum Ordinum, aut Ecclesiasticum possidentes Beneficium, a venationis exercitio: Etenim, nonnisi temere reprehenditur Constitutio, cui juris communis sanctiones, & S. Caroli Borromæi auctoritas patrocinantur.

11 Magis autem temere nimii rigoris censura appingitur Synodali statuto, quo Ecclesiastici a choreis, comœdiis, aliisque spectaculis longe abesse jubeantur, & gravioribus adhuc poenis percelluntur, quos choreas ducere, aut personatos incedere, aut comœdiæ actores esse non pudet: quis enim obloqui audeat de hac sanctissima Constitutione, vero Ecclesiæ spiritu referta, omniumque Conciliorum auctoritate munita? Enimvero, sive antiquas, sive recentiores, post Tridentinum coactas Synodos, percurramus, omnes vehementer Clericis succensuisse comperimus, ab hisce sedis oblectamentis sese non continentibus: Synodus Laodicensis circa annum 372. celebrata *can. 54. relat. de consecrat. dist. 5. can. 37.* *Non oportet [ait] Ministris altaris, vel quolibet Clericos spectaculis aliquibus, quæ aut in nuptiis, aut fœanis exhibentur, interesse; sed antequam thymelici ingrediantur, surgere eos de convivio, & abire*: Synodus Venetica anni 465., & Agathensis anni 506.,

506., unum, eundemque canonem formarunt, Gratiani Decreto *dist. 34. can. 19.* inferunt, hisce verbis conceptum: *Presbyteri, Diaconi, atque Subdiaconi, vel deinceps quibus ducendi uxores licentia non est, etiam alienarum nuptiarum evitent convivium, nec iis coetibus admisceantur, ubi amatoria cantantur, & turpia, aut obsceni motus corporum choreis, & saltibus offeruntur, ne auditus, & obtutus sacris mysteriis deputatus, turptum spectaculorum, atque verborum contagio polluat. Has sanctissimas leges renovavit S. Carolus Borromæus in suo 1. Concilio Provinciali part. 2. [Aët. Eccl. Mediol. part. 1. pag. 19.], ita decernens: *Clerici personati non incedent, choreas privatas, aut publicas non agent, nec spectabunt .... Fabulis, comoediis, & hastiludiis, aliisque profanis, & inanibus spectaculis non intererunt, ne aures, & oculi, sacris officiis addicti, ludicris, & impuris actionibus, sermonibusque distracti, polluantur*: Sancti Caroli vestigia calcarunt Patres Concilii Burdigalensis anni 1583. *can. 21.* (tom. 10. collect. Hard. col. 1359.), Bituricensis anni 1584. *tit. 25. can. 6.* (ibid. col. 1486.), Aquisgranensis anni 1585. *tit. de vit. & honest. Clericor.* (ibid. col. 1583.) idem, iisdemque fere verbis edicentes, quod ille statuerat; & S. Franciscus Salesius in suis Synodalibus Constitutionibus part. 3. *tit. 4.* ipso facto a Divinis suspensos voluit Sacerdotes, eo sceleris devenientes, ut choreas nedum spectare, sed & ducere auderent.*

12 Nimis porro laxa, ne dicam aperte erronea, & scandalosa est doctrina, quam tradit Lucius Ferraris in sua *Bibliotheca Canonico-juridica* tom. 2. *V. Clericus, art. 4. num. 17.*, ubi est fateatur, non esse Clericis permittendum, Comicos agere, seu comoediarum actores esse, attamen a gravi culpa eoslem absolvit, comoedias spectantes quantumvis turpes, atque obscenas, dummodo ex illarum auditione, nullum sibi imminere prævideant probabile periculum lapsus, eorumque præsentia nullum in populum ingerat scandalum: *Verum* (ait) *si comœdia audiantur, ob solam vanam curiositatem, absque probabili periculo lapsus, etiam si res turpes represententur, & modus representandi sit turpis, probabilius est, non esse peccatum mortale, cessante scandalo, quod modo videtur cessare, & non esse, quia frequentissimum est Clericis, comoediis interesse; quis enim est, qui non intelligat, rerum obscenarum vel solam narrationem, pravos animi motus, in audientibus excitare, eosque sensim ad interitum disponere, juxta illud, Apostoli effatum 1. ad Corinth. 15. Corrumperunt bonos mores colloquia mala? Quia igitur ratione, quo pacto evenire poterit, ut suæ spiritualis ruinæ periculum declinet, qui earumdem turpium rerum theatri interest representationi, quæ plus certe efficacitatis habent, ad spectatorum mentes perturbandas, animos commovendum, & tandem ad peccatum inducendum. Quocirca etiam mollioris ethices Sectatores, ejusmodi comoedias damnant, & nedum Clericos, sed Laicos quoque eas inspicientes, vix unquam gravem culpam evadere, communi calculo docent, cum D. Thoma in 4. *dist. 16. quæst. 4. art. 2. quæstionc. 2.* *Ad secundam quæstionem dicendum, quod hujusmodi spectacula, si sunt rerum turpinum, & ad peccatum provocantium, studiosa eorum inspectio pec-*  
catum*

*entum est, & quandoque in eis tanta potest libido adhiberi, ut sit etiam mortale; unde a tali inspectione, omnes se arcere debent.*

13 Supervacaneum autem reputamus pluribus prosequi hoc ceteroquin gravissimum argumentum, quoniam jam illud copiose pertractavimus in nostra *Notific. 37.*, & *Notific. 76.*, ubi plura in comoediarum, & chorearum detestationem ex probatis Auctoribus excerpta accumulavimus. De eodem argumento legi etiam potest secunda pars Summæ Theologicæ S. Antonini *lib. 3. cap. 6. & 7.* Theologicis notis illustrata; atque epistola 3. & 30. in *append. ad Theolog. dogmat. & moral. Natalis Alexandri, & Thomassinus cir. part. 3. lib. 3. cap. 45. & 46.*

## CAPUT LXII.

*Inmerito nimia severitatis insinuaturs Constitutio, prescribens Sacerdotibus assiduam lectionem antiquorum canonum Pœnitentialium.*

1 **T**anta diligentia Majores nostri disquirebant, quæ unicuique peccato esset imponenda pœnitentia, ut si enorme aliquod audiretur perpetratum crimen, quod, vel ratione sui, vel ratione adjunctæ circumstantiæ, quamdam peculiarem, & graviolem redoleret nequitiam, & turpitudinem, simul statim convenirent Episcopi ad deliberandum, quo pœnitentiæ genere esset illud expiandum; reque mature discussa, ac tandem deliberata, singuli parœciis suis, quod communi consensu statutum fuerat, significabant: hujus vetustissimæ Ecclesiæ praxis locupletissimus testis est S. Cyprianus multis in epistolis, præcipue *epist. 14. 18. 53. & 62.*, eamque pluribus monumentis comprobatur doctissimus Morinus de *Pœnit. lib. 4. cap. 17. & lib. 6. cap. 14. & 15.* Tanti præterea momenti negotium æstimabatur, ut peccatores dignam, suoque reatui æquam subirent pœnitentiam, ut interdum etiam Romani Pontificis, ea de re exquireretur sententia; & quandoque ad eundem ipse reus remitteretur judicandus, qua, & quanta pœnitentia, a Deo, atque ab Ecclesiâ reconciliationem consequi mereretur: Theodobertus Francorum Rex Vigilium Papam interrogavit, qua pœnitentia plectendus esset, qui fratris sui uxorem duxerat; cui interrogationi Vigilius satisfecit epistola ad Cæsarium Arelatensem Episcopum, quam habemus *rom. 1. Concil. Gallie, pag. 246.* In Concilio Lemovicensi anni 1031. (*collect. Harduin. tom. 6. part. 1. col. 891.*) decretum est: *Si Episcopus Parochianum suum cum reſtibus, vel lictis Apostolicis, ad pœnitentiam accipiendam direxeris, ut multoties pro gravissimis feri solet reatibus, in quibus Episcopi ad dignam hesitant pœnitentiam imponendam, hic talis licenter a Papa remedium sumere potest, ibidemque circa finem, factum narratur cujusdam Militis Vasconis, qui, jubente Vasconum Duce Sancio, seniorelem suum occiderat, sed postea pœnitentia ductus Episcopum adiit, a quo hoc accepit responsum: Nescio tibi consilium, ferre pœnitentia, sed vade quanto-*

*cus ad Papam Romanum. Si tibi ille poenitentiam concedit, & ego gaudeo, Et confirmo: si te ille abjecerit, nec a me, nec ab aliquo invenies poenitentiam.*

2. Quam autem, aut Episcopi, aut Pontifices Maximi certo crimini semel imponendam statuerant, poenitentia, in codicem referebatur, qui *Liber Poenitentialis* est nuncupatus, ut deinceps regula esset, ad quam inferiores Sacerdotes se conformarent: & ne quisquam ab ea recederet, Episcopus in sua Synodo, atque in dioecesis visitatione, id potissimum investigabat, an quilibet Presbyter librum haberet Poenitentialem, suæ dioecesis proprium, & an secundum quod ibi præscriptum erat, pro modo culpæ, poenitentiam injungeret; Discimus id ex Burchardo, apud quem *lib. 1. post cap. 94.* inter ea, quæ Episcopi in Dioecesanis Synodis querere debent, hoc interrogat. § 9. continetur: *Est aliquis, qui modum poenitentia sibi injunctum non custodierit?* Atque ex Reginone, suam canonum collectionem a modo exordiente visitandi ecclesias, ubi *cap. 98.* hæc singulis Presbyteris ab Episcopo, aut Archidiacono facienda proponitur interrogatio: *Si habeas Poenitentiale Romanum, vel a Theodoro Episcopo, vel a Ven. Presbytero Beda editum, ut secundum quod ibi scriptum est, interroges Confiteres, ut Confessio modum poenitentia imponas.*

3. Multi ex hisce libris Poenitentialibus ab Episcopis exaratis perierunt; Atque utinam ille extaret, quem accuratissime conscripserat Cyprianus, ut ipsemet *epist. 52. ad Antonianum* testatur: inde enim exactissimæ priscorum Patrum, in puniendis peccatis diligentia luculentum haberemus testimonium: sed licet plures ex illis desiderentur, plures tamen, sapientissimo Dei consilio, ad nos pervenerunt, ut ex illis discamus, quinam fuerit in Ecclesia Catholica veræ poenitentia spiritus. Antonius Augustinus ad suam juris Canonici epitomam antiquum attexit Poenitentiale Romanum, in novem titulos distributum, in quibus varia recensentur criminum genera, atque ex Conciliis, summorum Pontificum epistolis, ac Patrum sententiis, poenitentia describuntur, pro singulis imponenda: & fortasse hic liber ille idem est, quem Nicolaus I. se misisse scribit ad Bulgaros, in responsione ad eorum quaesita *cap. 75. : Judicium poenitentia, quod postulatis, Episcopi nostri, quos in patriam vestram misimus, in scriptis secum utique deferens; aut certe Episcopus, qui in vobis ordinabitur, hoc, cum oportuerit, exhibebit [ tom. 5. collect. Hard. col. 378. ]*. Post Gratianum Decretum, in editione Romana habentur canones Poenitenciales, desumpti ex Summa Astensi, eosdemque canones, a mendis purgatos, qui Librarium incuria, in eos irreperant, laudatus Antonius Augustinus adject libris Poenitentialibus, Romano, Bedæ, & Rabani, opportunis, & eruditis notis a se exornatis. Alios antiquos libros Poenitenciales in lucem protulit Morinus in *append. ad tract. de Pœnit.* Alios evulgavit Martene *tom. 2. de antiquis Ecclesia ritibus*. Liber de remedio peccatorum Ven. Bedæ, & Capitulare Theodulfi Archiepiscopi Aurelianensis, publici juris fecit Baluzius *tom. 7. miscellaneor. pag. 21.* Muratorius binos Poenitenciales ex Italicis

licis deprompsit bibliothecis, alterum scilicet ex codice Ms. Capituli Canonico Veronensium, alterum ex codicibus Mss. monasterii Bobiensis, atque ambos edidit *tom. 5. antiquit. Ital. med. ævi, dissert. 68.* S. Carolus Borromæus non solum vulgatos canones Pœnitentiales, sed innumeros alios, ex antiquis Conciliis, aliisque libris Pœnitentialibus in unum col- legit, per decem distribuit Decalogi præcepta, eorumque lectionem summo opere Sacerdotibus commendavit; Eandem vero S. Caroli collectionem, ad Sacerdotum Pœnitentiæ sacramentum administrantium instructionem, denuo typis Romanis imprimi iussit Gaspar Cardinalis Carpineus, tempore Pontificatus Innocentii XII., cujus erat in Urbe Vicarius.

4 Jam vero si Episcopus in sua Synodo antiquos canones Pœnitentiales renovaret, suisque Constitutionibus annecteret, animo inducendi Confessarios ad poenitentias imponendas, quæ pro unoquoque criminis sunt in illis præscriptæ, non solum rigidissimæ Ethices sectatorem se ostenderet, sed rem plane impossibilem attentaret: Etenim hac nostra lutulenta ætate, qua Fideles a pristino morum nitore, & sanctitate defecerunt, tot interdum gravissimis sceleribus onerati, ad Sacramentale forum quidam accedunt, ut si iisdem, secundum antiquos canones Pœnitentiales, foret in- iungenda poenitentia, hæc ad tot annos esset protrahenda, qui integrum eorumdem vitæ cursum non exæquarent modo, sed excederent, quod in *cit. dissert.* bene ponderavit Muratorius.

5 At si Episcopus suis Synodalibus Constitutionibus canones inserat Pœnitentiales, vel eorumdem studium, & cognitionem Sacerdotibus sua- deat, aut etiam præcipiat, non ut illos, jam a multis sæculis obsoletos, ad usum revocet, sed dumtaxat, ut eorumdem notitia Confessariis prodesse queat, ad aliqualem proportionem servandam inter diversas peccatorum species, & poenitentiam, pro singulis imponendam; Ac præterea, ut iidem Confessarii inde argumentum desumant ad aperiendum Pœnitentibus admissorum scelerum gravitatem, quæ tam longa, tam aspera, tam- que formidanda vindicta, etiam in hac vita, ab Ecclesia coercerentur; si inquam, hoc tantum consilio, id ab Episcopo fiat, statim Constitutiones Synodales inclamare, turbas ciere, Clerum, & populum adversum eas concitare, quod aliquando factum scimus, res plane intolerabilis est, atque a nullo cordato viro ferenda. Enimvero quam reprehensionem meretur Episcopus, qui plurium & sanctitate, & doctrina præstantium Præ- sulum vettigia premit? Quid a S. Carolo hac in re gestum fuerit, jam au- divimus; Quid alii fecerint Antistites, mox subnectemus.

6 In famigeratis Constitutionibus Matthæi Giberti, Episcopi Vero- nensis, Ecclesiasticæ disciplinæ, ante Tridentinam Synodum, Instaura- toris solertissimi, *cap. 18. tit. 6.*, statuitur: *Confessarii canones Pœnitentiales quasi quasdam regulas ediscant .....*, ut sciant illos *pæne sapienter, & discrete moderari, secundum peccati circumstantias, & Contritionis qualitatem*; Joannes Franciscus Bonhomius Vercellarum Episcopus, qui floruit post Triden-

tinum, in suis generalibus decretis Ecclesiasticæ reformationis pag. 213., loquens de Confessario, ait: *Canonesque item Poenitentiales memoria tenent, ut singulis criminibus congruam satisfactionem injungere valeant, simulque ipsi Poenitentibus, ut promptius, ac libentius, quod jussi erunt, ipsi præstent, diligenter exponat, quam benigne hodie Ecclesia sancta gravissimas antiquorum canonum poenas in mitiores commutandas esse censuerit; Hoc ipsum a Catechismo Romano ad titulum de Poenit. hisce verbis insinuat: Ut Poenitentes suorum scelerum gravitatem magis agnoscant, opera pretium erit eis interdum significare, quæ poena quibusdam delictis, ex veterum canonum præscripto, qui Poenitenciales vocantur, constituta sint.* In Concilio Provinciali Florentino, habito anno 1518., atque a Leone X. confirmato, pag. 120. & seqq. integri referuntur antiqui canones Poenitentiales, quibus hæc præfiguntur verba: *Hi sunt Poenitentiales canones, quos hic in fine subnectendos duximus ad sublevandam simplicium Clericorum imperitiam, ut, cum viderint, certam a jure poenitentiam imponi, ipsi melius arbitrium suum informare possint, quomodo, agentis confessione, fletu, lacrymis, & dolore, dispositione, & facilitate Confitentium, poenitentias salubriter moderari possint; nam qualitas temporum nostrorum, in quibus non solum merita, sed & corpora defecerunt, non patitur rigorem antiquorum canonum permanere, sed necesse est illi a discreto Sacerdotis judicio temperari;* In Synodo Amerina habita anno 1595. ab Episcopo Antonio Maria Gratiano cap. 146. legitur: *Poenitentialium canonum jure impositas singulis sceleribus poenas, poenitentiasque nosse Confessoribus perutile fuerit, cum ut ex his ipsi melius, certiusque statueri valeant, quæ cuique peccato definienda poenitentia sit, tum, ut Poenitentes ipsi ab Confessoribus de præfixi moris severitate edicti, quanto nunc benignius cum illis sancta mater Ecclesia agat, intelligentes, hanc saltem ei gratiam referant, ut peccatorum consuetudine, ob id diligentius abstineant;* In Synodo Pragensi celebrata anno 1605., & jussu Cardinalis Episcopi de Harrac, recusa anno 1650., tit. de Poenit. dicitur: *Confessarii canones Poenitentiales memoria mandant, ut singulis criminibus congruam satisfactionem injungant;* In Synodo Osnabrugensi anni 1628. cap. 17. habetur: *Requiruntur in Sacerdote scientia canonum Poenitentialium.* Similes Episcoporum Italiæ Synodales Constitutiones recensentur a Genetto tom. 4. Theolog. moral. tract. 6. cap. 7., videlicet Cosmæ de Torres, Episcopi Perusini; Cardinalis Jacobi Sabelli, Archiepiscopi Beneventani; Cardinalis Joannis Baptistæ Leonii, Episcopi Ferrariensis; Ven. Servi Dei Cardinalis Pauli de Arelis, Episcopi Placentini; Cardinalis Bonifacii Cajetani, Archiepiscopi Tarentini; Cardinalis Cybo, sacri Collegii Decani, Episcopi Veliterni; Cardinalis Jacobi Boncompagni, Archiepiscopi Bononiensis, Decessoris nostri.

7. Quæ autem hucusque dicta sunt de Poenitentialium canonum utilitate pluribus argumentis confirmat Cardinalis de Aguirre ad can. 12. & 12. Concilii Toletani III. tom. 2. collect. maxim. Concilior. Hispan., eaque nituntur etiam auctoritate D. Thomæ, qui quodlib. 3. quest. 13. artic. 1., docet quidem, non esse nunc poenitentiam præscribendam, ad exactam normam

antiquorum canonum, sed simul expedire ait, ut Confessarius Pœnitenti significet, quanta pœnitentia, pro singulis ab ipso perpetratis flagitiis expiandis, esset olim ab Ecclesiâ definita: *Videtur satis conveniens, quod Sacerdos non oneret Pœnitentem gravi pondere satisfactionis: quia sicut parvus ignis a multis lignis superpositis de facile extinguitur, ita posse contingere, quod parvus affectus Contritionis in Pœnitente nuper excitatus, propter grave onus satisfactionis extingueretur, peccatore totaliter desperante.* Unde melius est, quod Sacerdos Pœnitenti indicet, quanta pœnitentia esset sibi pro peccatis injungenda, & injungat sibi nihilominus aliquid, quod Pœnitens tolerabiliter ferat, ex cujus impletione assuescat, ut majora impleat, quæ etiam Sacerdos sibi injungere non attentasset; & hæc, quæ præter injunctionem facit, accipiens majorem vim expiationis culpa præterita, ex illa generali injunctione, quæ Sacerdos dicit: *Quidquid boni feceris, sit tibi in remissionem peccatorum.*

## CAPUT LXIII.

*Exemplis ostenditur, quam sit severitas in Synodalibus Constitutionibus evitanda; Et singulatim differitur de Constitutione prohibente usum Tabaci ante Eucharisticam Communionem, atque expenditur alia Constitutio, quæ interdictur Clericis, ne Secularium patrocinio, & favore Ecclesiastica Beneficia assequi studeant.*

**I**N superius citato Concilio Provinciali Mexicano habito anno 1585, quod Cardinalis de Aguirre in præfat. tom. 4. num. xvi. a Sede Apostolica approbatum affirmat, lib. 3. tit. 15. §. 13. (tom. 4. Concilior. Hispania ejusd. Card. de Aguirre pag. 356.) ita cautum legitur: *Ob reverentiam, quæ Eucharistia percipienda exhibenda est, præcipitur, ne ullus Sacerdos ante Missæ celebrationem, aut quævis alia persona ante Communionem, quidquam Tabaci, Picciæ, aut similium, medicamenti causa, per modum fumalis evaporationis, aut alio quovis modo percipiat.* Haud abimile edictum anno 1642. promulgavit Cardinalis de Borgia Archiepiscopus Hispalensis, quo sub poena excommunicationis lætæ sententiæ jussi sunt Sacerdotes a tabaci usu abstinere, una ante Missæ celebrationem, altera, post eandem celebratam, hora.

**2** His suffulti auctoritatibus Clericatus de sacram. Eucharist. decis. 54. num. 12. cas. 2., Natalis Alexander in Theolog. dogmat. & moral. tom. 1. in append. 1. variar. epistolar. epist. 45., Sarnellus Episcopus tom. 6. epistol. Ecclesiastic. epist. 30., Hurtado resolut. moral. tom. 2. tract. 11. cap. ultim. docuerunt, oportere, ac decere, ut Episcopi, in suis Synodis edicant, a nemine, ante Missæ celebrationem, aut sanctissimæ Eucharistiæ perceptionem, tabaci solum mandatur, quod a plerisque fit, ad sputa, & phlegmata ex ore projicienda, aut illius fumus attrahatur, vel in pulverem redactum  
nari-

naribus ingeratur, quia valde indecens illis visum est, ut quis ore, & naribus, tabaco confpurcatis, ejusque redolens graveolentiam, ad sanctissimam accedat Eucharistiam. Fuerunt præterea qui tabaci usum, ante accessum ad sacram Communionem, jam omnibus ab Ecclesia vetitum putarunt, eo quod etiam illius fumus in os injectus, & pulvis naribus attractus, jejunium frangat naturale; ita quippe opinati sunt Alphonsus De Leone in *Q. Q. moral. de Chocolate part. 2. §. 4. num. 10. & seqq.*, & Lezana tom. 3. *V. Eucharistia, num. 10.*: sed istorum opinio confutata est a Pasqualigo in *praxi jejunii decis. 438.*, Diana in *edit. coord. tom. 2. tract. 1. resol. 121.*, Hurtado *cit. loc. num. 393.*, & Cardinali De Lugo *respons. moral. lib. 1. dub. 9.* Siquidem nec tabaci fumus, nec pulvis naribus ingestus, est vera comestio, aut potatio, quibus dumtaxat naturale jejunium solvitur. Aliqua tamen difficultas adhuc remanet, de tabaci folii masticatione, qua naturale jejunium violari, si aliquid succi ex illo expressi in stomachum trajiciatur, tanquam certum asserit *cit. De Leone*, cui etiam Pasqualigus, & Diana consentiunt, dummodo non fortuito, & præter intentionem, id contingat. Sed addit Hecquet in *suo tract. de dispensat. Quadragesim. tom. 2. part. 3. cap. 18.*, nunquam fortuito, sed necessario id evenire; Siquidem qui tabaci folium dentibus conterit, id ipsum animo intendit, ut scilicet illius succo stomachus a pituita, & phlegmate abstergatur; exadverso autem Zacchias *quest. medicolegal. lib. 9. tit. 7. q. unica num. 33.*, citatus Cardinalis De Lugo *num. 5. & seqq.*, eoque teste, plures Theologi Neapolitani, ab ipso interrogati, censent, nulla ratione, per tabaci masticationem, frangi jejunium naturale, quia ejus succus, quanquam in stomachum dilabatur, non est aptus ad nutriendum, sed dumtaxat ad stomachi fibras irritandas.

3 Verum quidquid sit de hac questione, quam in medio relinquimus, de solo agentes tabaci fumo, aut pulvere naribus attracto, illud idem hic repetimus, quod jam in hujus libri *cap. 46. num. 2.* prænotavimus, nimirum nequaquam hodie expedire, ut illius usus, sub censurarum poena, interdicatur: Etenim quanquam olim quamdam præferret turpitudinem, atque indecentiam, propter quam Innocentius X., & Innocentius XI. excommunicatione perculerunt quotquot tabacum fumere auderent intra Vaticanam basilicam; atque Urbanus VIII., sub eadem poena, idem antea fieri vetuerat, intra ecclesias diocesis Hispanensis; hodie tamen, cum a communi consuetudine sit adeo cohonestatus, ut nulli prorsus scandalum præbeat, aut admirationem causet, quod bene perpexit Lazarus Benedictus Miglioruccius *instit. jur. Canonic. tom. 1. pag. 187.*, nimirum profecto severum se præberet Episcopus, si Mexicanæ, aliarumque similium Synodorum vestigiis insistens, aut omnibus ante sacræ Eucharistiæ perceptionem, aut solis Sacerdotibus, ante Missæ celebrationem, tabacum interdiceret, adjecta præsertim in transgressores censurarum poena. Quapropter cum Nos in minoribus constituti, sacræ Congregationis Concilii Secretarii



tarii munus obiremus, semper Episcopis auctores fuimus, ut ejusmodi Constitutionem, jam aliquando formatam, a suis Synodis subtraherent, ne nimii rigoris notam incurrerent, aditumque aperirent Subditorum querelis, ad sacram Congregationem Concilii deferendis; quod multo magis iisdem consulendum ducimus, postquam san. taem. Benedictus XIII. exploratum habens, a tabaci usu, omnem nunc abesse inhonestatem, atque indecentiam, illum sumere permisit, intra Vaticanam basilicam.

4. Alia nimii rigoris exempla nobis suppeditant sæpius in hac Lacubratione commemorata Decreta Synodalia Episcopi Midenfis. Inter ea, quod decimum erat in ordine, præter infamiae notam, atque etiam excommunicationem, ipso facto incurrendam, ad officium, aut Beneficium assequendum, statim inhabilem decernebat, quicumque, sive Sæcularis, sive Regularis, pro illo aut obtinendo, aut retinendo, Potestatis sæcularis auxilium, & patrocinium postulasset. Undecimum vero decretum, ad Ordinarii arbitrium suspensum pronuntiabat, qui pro eodem pariter Beneficio retinendo, aut obtinendo, modo illud non esset Jurispatronatus, commendatitiam epistolam, a quocumque Laico ad suum Ordinarium impetraret. De hujusmodi decretorum firmitate, in sacra Congregatione Concilii, ad quam a sacra Congregatione de Propaganda Fide remissa fuerant, examinanda, actum est die 24. Augusti 1686., & decisum, revocanda; eo quod nimio essent rigore conspersa, onusque imponerent intolerabile. Equidem S. Carolus Borromæus, quem nemo certe dicit plus æquo indulgentem, aut Ecclesiasticæ disciplinæ in sua provincia stabilienti minus studiosum, ad eundem eradicandum abusum, cui Midenfis Episcopus obviare voluerat, in suo primo Concilio Provinciali Mediolanensi part. 2. [ *Act. Eccl. Mediol. part. 1. pag. 14.* ] decretum formavit longe suavius, hisce verbis conceptum: *Qui Beneficium Ecclesiasticum vacans multis, & ambitiosis precibus, per se, vel per alios petierit, eo facto ita reddatur indignus, ut per biennium, neque illud, neque aliud Beneficium ei conferri possit*: Nulla hic a S. Carolo irrogatur excommunicatio, nulla iniuritur suspensio: non perpetua, sed temporaria, ad duos tantum annos duratura, inhabilitate, ad Beneficium assequendum, afficitur, qui non una officiosa epistola, sed multis, iteratis, atque ambitiosis precibus, illud ab Episcopo conatur extorquere. Si intra eosdem limites se continuisset Episcopus Midenfis, nimii rigoris notam profecto evasisset.



## CAPUT LXIV.

*Non potest a nimia severitate excusari Synodalis Constitutio, adigens  
Sæculares ad Missam, Deique verbum audiendum in ecclesia  
parochiali, omnibus Dominicis, aliisque festis diebus.*

**I**nter easdem Midenfes Constitutiones, quinta Sæculares omnes adigebat ad audiendam Missam parochialem, Dominicis, aliisque solemnioribus festis diebus, atque inibi Dei verbum auscultandum, Fideique rudimenta addiscenda. Sexta prohibebat Regularibus, ne monitionibus, atque hortationibus plebem a parochiali ad suas evocarent ecclesias, ut prædictis diebus, Missæ sacrificio, ac concioni in illis interessent. Septima denique declarabat, unumquemque teneri, tempore Paschali, atque in mortis articulo, sua peccata confiteri proprio Parocho, vel alteri Sacerdoti, ab eodem Parocho delegato.

2 Etiam ejusmodi Constitutiones discussæ fuere in præfata Congregatione, atque conclusum, septimam esse delendam; quintam autem, & sextam ita mitigandas, ut per eas monerentur quidem, non autem cogerentur Fideles Missæ, & concioni in parochiali ecclesia adesse. Etenim, ad istarum primam quod attinet, diu multumque olim disputatum fuit, quinam sit proprius ille Sacerdos, cui tempore Paschali, ab unoquoque Fidelis peccata aperienda præcepit Innocentius III., in Concilio Generali Lateranensi can. 21., relat. in cap. Omnis utriusque sexus, de Poenit. & remiss., inquit: Omnis utriusque sexus Fidelis, postquam ad annos discretionis pervenerit, omnia sua solus peccata confiteatur fideliter, saltem semel in anno, proprio Sacerdoti; Joannes Launojus in libro, qui inscribitur: Explicata Ecclesiæ traditio circa canonem, Omnis utriusque sexus prolixè hoc argumentum versans, pluribus probat, proprii Sacerdotis nomine Parochum designari. Verum quanquam nemo id audeat inficiari, nemo tamen, salva Fide, negare potest, etiam summum Pontificem in tota Ecclesiâ, & Episcopum in commissa sibi diocesi proprium esse Sacerdotem, qui Fidelium Confessiones excipere, ac facultatem illas excipiendi alteri delegare valeat: Siquidem, uti Nos ipsi in nostra Notific. 18., prænotavimus, qui oppositum sentiret, in errores incideret Joannis de Poliaco proscriptos a Joanne XXII. apud Raynaldum ad an. 1321. a num. 20. usq. ad 38.: temere quippe affirmaverat Poliacus, Quod stante Omnis utriusque sexus Edicto in Concilio Generali, Romanus Pontifex non potest facere, quod Parochiani non teneantur omnia peccata sua semel in anno, proprio Sacerdoti confiteri, quem dicebat esse parochialem Curarum; & rursus: Quod Papa non potest dare potestatem generalem audiendi Confessionem, immo nec Deus, quin confessus habenti licentiam, teneatur eadem confiteri proprio Sacerdoti; Hosce autem errores, auditis prius Theologorum suffragiis, damnavit Joannes XXII., & ne eosdem quicquam deinceps docere,

cere, defendere, & disseminare præsumeret, districte vetuit, Constitutione edita Avenione 8. kalend. Augusti, sui Pontificatus anno V.; eademque assertiones, iterum a nonnullis vindicatas, confixit Alexander V. anno 1409., Constitutione, quæ incipit: *Regnans in excelsis*. Sed nihilominus adhuc remanet controversia, an præfata facultas, quam nullus Catholicorum summo Pontifici, atque Episcopis abjudicat. ita ab illis delegetur aliis Sacerdotibus, ut velint a Fidelibus peccata sua tempore Paschatis, istis aperientibus, satisfieri Canoni, *Omnis utriusque sexus*. Negarunt quamplures ex antiquis, quos tamen strenue confutavit S. Thomas *opusc. contra impugnantes religionem*, S. Bonaventura *tract. Quare Fratres Minores prædicent, & Confessiones audiant*, Joannes Gerson de statu Privilegiatorum, *considerat. 5. 6. & 7.*, Egidius Carlierius in 4. *sent. dist. 17.*, Hadrianus in 4. *quest. 5. de Confessione*; Etenim, aiebat Hadrianus: *Quemadmodum proprii licentia Sacerdotis sufficit, queminus juxta præceptum Concilii Generalis teneatur confiteri proprio Sacerdoti: ita sufficit licentia Episcopi, summi Pontificis, aut eorum, quibus ad hujusmodi negotia commiserunt suam potestatem, ut est Vicarius Episcopi, & Penitentiarius Papa.*

3 Sed tot, tantorumque Doctorum auctoritate, cui etiam totius Christiani orbis suffragatur consuetudo, minime perterriti aliquot recentiores Auctores, non dubitarunt dimicare, pro necessitate Confessionis faciendæ proprio Parocho, inter quos Bonaventura Basseau in suo Theophilo Parochiali *part. 4. art. 15.*, Juenin de *Sacram. dissert. 6. quest. 5. art. 3. §. 1. & 2.* & Van-Espen *jur. Eccl. univ. part. 2. tit. 6. cap. 5.*, quibus in locis præterea contendunt, eam quoque esse Synodorum Galliæ, totiusque Gallicani Cleri sententiam. Verum istorum argumenta prævertit Natalis Alexander *hist. Eccles. dissert. 4. ad sæc. XIII.*, & XIV., ubi insuper, pluribus allatis monumentis evidenter demonstrat, Ecclesiam Gallicanam longe aliud sensisse, quam isti venditent Auctores: Enimvero Concilium Provinciale Rothomagense anni 1581. *cap. 37.*, Concilium Provinciale Aquisense anni 1585. *tit. de Poenit.*, & Cameracense anni 1586., Regulares ab Episcopo approbatos, Sæcularium Confessiones, Paschali tempore audire posse aperte docuere: idemque, perspicuis verbis, declararunt Dioecesanæ Synodi, Tolosana anni 1530., Claromontana anni 1538., Sueffionensis anni 1561., & Lugdunensis anni 1577.: Coetus autem totius Gallicani Cleri satis luculenter mentem suam aperuit, cum 25. Aprilis anni 1683. librum approbavit, quem pro Confessione facta cuilibet Sacerdoti, ab Episcopo approbato scripserat Pater Bagottus, Societatis Jesu Presbyter, aliumque proscripsit contra Bagotti doctrinam evulgatum.

4 Accedunt Constitutiones summorum Pontificum. Clemens VIII. Apostolicis litteris, anno 1592. ad Belgas datis, omnibus Fidelibus, licitum pronuntiavit, Quadragesimæ, Paschatis, & alio quovis tempore, Religiosis Mendicantibus, Presbyteris Societatis Jesu, & aliis Privilegiatis confiteri, dummodo ab Ordinariis fuerint approbati; præcepitque Archie-

chiepiscopo Cameracensi, & Episcopo Atrebatensi, ut Parochos in officio continerent, ne prohiberent plebem sibi subditam, quominus Regularibus, tempore Paschali confiteretur: *Præsenti nostro decreto* (ait) *sancimus, tam dictis Fratribus Mendicantibus, & Presbyteris dictæ Societatis Jesu, quam aliis Privilegiatis prædictis, quibus id a Sede Apostolica indultum est, idoneis tamen, & ab Ordinariis approbatis, peccata sua, etiam Quadragesimali, & Paschali, & quovis alio tempore confiteri licite possent: dummodo tamen iidem sæculares Christiani sacramentum Eucharistiæ, die festo Paschalis Resurrectionis, in propria parochia ab eorum Parochis sumant.* Eadem porro controversia iterum excitata, inter Archiepiscopum Burdigalensem, & Regulares, Innocentius X. Constitutione edita 7. idus Februarii anno 1645. incipiente: *Exponi Nobis, definivit: Non potest Archiepiscopus Burdigalensis prohibere Regularibus habentibus privilegia Apostolica, ne a Dominica Palmarum, usque ad Dominicam in Albis inclusive administrare valeant personis secularibus sacramentum Confessionis.*

5 Utramque Constitutionem eludere tentat citatus Juenin, inquitens, a Clemente VIII., atque Innocentio X. definiri quidem, integrum esse Christianis fidelibus confiteri Regularibus, a locorum Ordinariis legitime approbatis, quovis tempore, etiam Paschali; nequaquam autem decerni, per Confessiones Regularibus factas, fieri satis canonis *Omnis utriusque sexus.* At vanum hoc esse effugium, ad Pontificia declinanda Decreta adinventum, nemo non videt: etenim, quia Sæculares, tempore Paschali, solâ excepta Dominica Resurrectionis, sanctissimam Eucharistiam libere percipere possunt in ecclesiis Regularium, eam tamen inibi percipientes non satisfaciunt præcepto annuæ Communionis, quod in hujus libri cap. 42. n. 3. ostensum est, idcirco Clemens VIII. id in suo Decreto expresse cautum voluit; Idem itaque declarasset, si per Confessionem factam Regularibus, annuæ Confessionis præcepto satisfieri noluisse. Denique nullam similem interpretationem patitur Constitutio Clementis X., incipiens *Suprema*, promulgata xi. kalend. Junii anni 1670., qua conceptis verbis decernitur, qui Paschali tempore Regularibus ab Episcopo approbatis sua peccata aperiat, satisfacere canonis *Omnis utriusque sexus.* Eis [inquit] qui dictis Religiosis simpliciter approbatis, Paschali tempore, confessi fuerint, Constitutioni quæ incipit *Omnis utriusque sexus, quoad Confessionem dumtaxat, satisfecisse censendos esse.* In eadem insuper Constitutione, definivit idem Pontifex, fas esse Fidelibus ægrotantibus, absque alia, aut Episcopi, aut Parochi licentia, sacramentalem Confessionem peragere, apud Regularem, jam semel ab Episcopo approbatum, hac tantum adjecta lege, ut Regularis, qui Infirmi Confessionem excepit, teneatur de illa certiore facere ejusdem Infirmi Parochum: *Regulares simpliciter ab Ordinariis approbatos posse in diocesi Episcopi approbantis, quovis anni tempore, & quorumcumque etiam Infirmorum Confessiones audire, absque ulla Parochorum, vel ipsius Episcopi licentia.* De qua tamen Confessione teneri dictos Religiosos eorundem Infirmo-

*firmiter Parochum illico certiores reddere. Et hoc posse illis ab Episcopo sub poena suspensionis a facultate audiendi Confessiones præcipi; sufficere tamen, ut certioratio hujusmodi fiat saltem per scripturam, apud ipsum Infernum relinquendam.*

6 Quæ cum ita se habeant, non poterat Episcopus Midenfis obligationem, a qua Fideles, saltem per prædictas Constitutiones, soluti jam sunt, illis iterum imponere, eosque præcepto adigere ad sacramentalem Confessionem soli Parocho, aut de solius Parochi licentia, alteri Sacerdoti faciendam, tempore Paschatis, aut instante mortis periculo; quapropter jure meritoque fuit prædicta Constitutio, sacra Congregationis judicio, castiganda.

7 Quod vero alias spectat laudatas Constitutiones Midenfes, vetus pariter controversia est, sub finem præsertim xv. sæculi, in Germania, inter Parochos, & Fratres Mendicantes, summa contentione agitata, num Fideles teneantur, diebus festis, parochiali Missæ interesse. Causa delata est ad Sixtum IV., qui rationibus, utrinque allegatis, serio expensis, tandem die 17. Junii anni 1478., illam definivit, edita Constitutione, quæ incipit: *Vices illius, relata in Extravag. 2. de treuga, & pace*, ubi inter alia præcipit: *Ut Fratres Mendicantes non prædicent, populos Parochianos non teneri audire Missam in eorum parochiis, diebus festis, & Dominicis, cum jure cautum sit, illis diebus Parochianos teneri audire Missam in eorum parochiali ecclesia, nisi forsitan ex honesta causa, ab ipsa ecclesia se absentarent, ex qua Decretali liquido constat, jure communi cautum esse, ut singuli Fideles, diebus festis Missæ adlint parochiali. Inducta autem est ea obligatio, ante Concilium Sardicense, in quo Osius Episcopus can. 14. (tom. 1. collect. Hard. col. 643.) inquit: Memini superiore Concilio Fratres nostros constituisse, ut si quis Laicus in ea, qua commoratur, civitate, tres Dominicas, idest per tres septimanas, non celebrasset convensum, communionem privaretur; Nomine quippe Convensus designari Missam solemnem, in qua populus, cum suo Pastore, unum efficit coetum, unamque representat Ecclesiam, communiter adnotarunt Canonistæ. Sardicensem canonem renovavit Concilium Quinisextum can. 80. decernens (tom. 3. collect. Hard. col. 1690.): ut si quis in civitate agens, tribus diebus Dominicis, in tribus septimanis, una non conveniat, si sit quidem Clericus deponatur; si vero Laicus segregetur; ut huic porro præcepto satisfaceret, in Synodo Nannetenfi can. 1., relata in Decretales Gregorii IX. cap. 2. de parochiis, statutum est, *Ut Dominicis, & festis diebus, Presbyteri antequam Missas celebrent, plebem interrogent, si alterius Parochianus in ecclesia sit, qui proprio consensu Presbytero ibi Missam velit audire. Quem si invenerint, statim ab ecclesia ejiciant, & ad suam parochiam redire compellant* (tom. 6. part. 1. collect. Hard. col. 457.); & in ejusdem Concilii can. 2. additur: *Nullus Presbyter alterius Parochianum, nisi in itinere fueris, vel placitum ibi habuerit, ad Missam recipiat. Eandem legem, atque obligationem plures inculcarunt posteriores Synodi, quas adducit Natalis Alexander tom. 1. Theolog. dogmat., & moral. lib. 2. de sacram. Eucharist. art. 5. regul. 10..**

8 Verum hisce sanctionibus derogatum nunc est, non solum contraria consuetudine, quam jam sua ætate, multis in locis inductam, innuit S. Antoninus *Summ. Theolog. part. 2. tit. 9. cap. 10.*, docens, non peccare, qui die festo Missam audit, extra parochiam, ubi consuetudo viget illam audiendi in qualibet ecclesia; verum etiam posterioribus summorum Pontificum Constitutionibus: Siquidem Leo X. Constitutione edita die 13. Novembris 1517. disertè ait: *Auctoritate Apostolica, tenore presentium notum facimus, omnes Christiani fideles, qui, non contempto proprio Sacerdote parochiali, in ecclesiis Fratrum Ordinum Mendicantium, Dominicis, & festis diebus Missas audiunt, satisfacere præcepto Ecclesiæ de Missa audienda, nec in aliquam labem peccati mortalis, poenamve incurrere*: S. Pius V., suis Apostolicis litteris, datis 17. kalend. Septembris 1567. definivit: *Christiani fideles audiendo Missas in ecclesiis Fratrum hujusmodi, diebus Dominicis, aut festivis, præcepto Ecclesiæ de illis audiendis, satisfecisse censantur*: Clemens VIII. in Brevis, quod incipit *Significatum* dato, anno 1592. hæc statuit: *Præsenti nostro decreto facimus, Sæcularibus universis libere Missas diebus Dominicis, & aliis majoribus festis audire, in ecclesiis tam Fratrum Prædicatorum, quam aliorum Mendicantium, nec non etiam Societatis Jesu, licite posse, dummodo in contemptum parochialium ecclesiarum non faciant*.

9 At nihilominus non desunt Auctores, inter quos Juenin. *de Sacramentis dissert. 5. quæst. 7. art. 2.*, & Van-Elpen *jur. Eccles. part. 2. tit. 5. cap. 2.*, propugnantes, ne hodie quidem, citra grave peccatum, fas esse Fidelibus, solemnioribus saltem diebus festis, rei Divinæ, alibi, quam in propria parochia, interesse: Neque enim juri communi derogatum, ajunt, per præfatas Constitutiones, quibus potestas sit Sæcularibus, Missam audiendi in ecclesiis Regularium, quoniam in illis, hæc adjicitur limitatio nimirum: *Dummodo id non faciant in contemptum parochialium ecclesiarum*, est autem impossibile, pergunt, contemptum abesse, cum iidem, sine ulla rationabili causa, a propria se subducunt parochia. Verum hac explicatione, præfata summorum Pontificum Indulta, penitus evertuntur: nullo etenim opus fuerat privilegio, ad hoc ut Fideles, legitima urgente causa, alienam adirent ecclesiam, ut ibi Missæ assisterent sacrificio, quod ex præfatis juris communis sanctionibus, perspicuum est: Quare ne dicamus, Leonem X., S. Pium V., & Clementem VIII. verbis lusisse, nec quidquam specialis privilegii Regularibus concessisse, necessario fateri debemus, cum Azorio *instit. part. 1. lib. 7. cap. 6. quæst. 4. in fin.*, Fagundez *lib. 2. cap. 3. num. 9.*, aliisque ab his citatis, nomine *Contemptus*, ab illis intelligi actum aliquem distinctum ab ipsa auditione Sacri, extra parochiam, quo quis, sive expresse, sive tacite, se a proprio Pastore aversum ostendat.

10 Sed quæ hæcenus diximus solam adstruunt libertatem, rem Divinam, qualibet anni die, audiendi in ecclesiis Regularium: quid autem dicendum, quoad alias ecclesias, nullo privilegio, hac in re, a Sede Apostolica donatas? Integrum hodie omnibus esse, in qualibet ecclesia, modo

non

non fit Capella, seu Oratorium privatum, sacris mysteriis interesse, quia contraria consuetudine, in toto Christiano orbe recepta, derogatum est præcepto audiendi Missam parochialem, docent Silvester V. *Missæ* 2. q. 5. Navarrus *manual. cap. 21. num. 5.*, Trullench in *præcept. Decalog. tom. 1. lib. 3. cap. 1. dub. 6. num. 5.*, pluribusque allegatis, Barbosa in *collectan. ad Trident. sess. 22. de observand. & evitan. in celebrat. Missæ* num. 21. & de offic. & potest. *Parochi, cap. 11. num. 14. & seqq.*, addentes insuper, non posse hodie Episcopum præcipere suis Subditis, ut se sistant Missæ parochiali, quia non potest delere consuetudinem, quæ cum vigeat in toto orbe, jam induit naturam juris communis. Et sane cum versemur in lege mere Ecclesiastica, etiam Juenin. *cit. loc. in fin. §. 3.* admittit, potuisse legitima præscriptione abrogari; & Van-Espen, quamvis eam in Belgio minime abrogatam contendat, *num. tamen 15.* fatetur, solere Episcopos monere quidem, atque hortari, non vero, ullo judiciali actu, populum compellere ad interveniendum Missæ parochiali. Enimvero non præcepto adigendam, sed hortationibus, ad id alliciendam plebem, statuit Tridentinum *sess. 22. in decreto de observat. & evitan. in sacrific. Missæ*, ubi Episcopos in hunc modum alloquitur: *Maneant eundem populum, ut frequenter ad suas parochias, saltem diebus Dominicis, & majoribus festis accedant.* Tridentino obsequens S. Carolus Borromæus in suo Concilio Provinciali Mediolanensi VI. (*Act. Eccl. Mediol. part. 1. pag. 302.*) ab omni abstinens præcepto, plures adduxit rationes, quibus plebem ad parochialem Missam suaviter adduceret: *Hæc nostra monitione (inquit) eos universis, & singulis cohortamur, ac per viscera misericordie Jesu Christi obsecramus, atque obtestamur, ut quamvis in suis vicinis, oppidis, & suburbis, Oratoria, Capellas, aliasque ecclesias habeant, ubi sanctissimo Missæ sacrificio interesse possint; frequenter tamen Dominicis saltem, aliisque solemnibus festis diebus, ad suam quique parochialem ecclesiam conveniant, ubi a Parocho, cuiusmodi cura commissæ est, verbo Dei pascantur, Fidei Christianæ rudimentis, aliisque animarum salutis necessariis præceptis erudiantur, ad sanctissima Sacramenta religiose percipienda instruantur.* Hortationibus pariter, & suasionibus usi sunt Ven. Dei Servus Joannes de Ribera, Archiepiscopus Valentinus, in sua Diocesana Synodo, habita anno 1584. (*tom. 4. CC. Hispan. pag. 285.*), Sanctus Toribius Archiepiscopus Limanus, in sua Diocesana Synodo VII., coacta anno 1592. (*ibid. pag. 689.*) aliique plures Episcopi, in suis Synodalibus Constitutionibus, apud Genettum *tom. 6. tract. 4. cap. 2. quæst. 5.*

II Si istorum vestigiis in hæsisset Episcopus Midenfis, suamque Constitutionem, verbis formasset, tantum hortatoris, nulli fuisset reprehensionem obnoxius, sed quia præceptum adjecit, hoc fuit expungendum, quemadmodum, jubente eadem sacra Congregatione, sæpius antea expunctum fuerat, ab aliis similibus Synodalibus statutis, uti videre est apud Azorium *cit. cap. 6. quæst. 6. in fin.*, Pasqualigum de *Sacrific. nov. Leg. quæst. 1258.*, Barbolam *loc. cit.*, atque in *declarationibus ejusdem sacre Congregationis, impressis Lugduni anno 1640. num. 11.*

12 Majus negotium facessere poterat obligatio imposita, Dei verbum audiendi, in propria parochia: idem quippe Tridentinum, quod agens de auditione Missæ in ecclesia parochiali, verbis utitur dumtaxat hortatoris, *Moneant populum*, loquens de Divini verbi auscultatione, alia adjecit verba, quæ videntur præceptum, & obligationem inducere: *Moneatque Episcopus* [ait sess.24. cap.4. de reform.] *populum diligenter, teneri unumquemque parochia sua interesse, ubi commode id fieri potest, ad audiendum verbum Dei.* Idem discrimen animadvertit, qui nullum Tridentini verbum non est diligenter rimatus, S. Carolus Borromeus in nuper citato Concilio Mediolanensi VI. (loc. cit. pag. 301.), ubi hæc habet: *Sacra Tridentina Synodus OEcumenica ab Episcopis Fideles non solum hoc moneri voluit, ut frequenter ad proprias parochiales ecclesias, saltem Dominicis diebus, festisque majoribus accedant; sed illud etiam diligenter ostendit, unumquemque teneri, ubi commode fieri potest, parochia sua interesse ad audiendum verbum Dei.*

13 At cum Dei verbum, ex ejusdem Tridentini decreto sess.22. cap.8. a Parochis, vel per se, vel per alios, sit annuntiandum, & explicandum, inter Missarum celebrationem, quod antiquissimi esse instituti, notat Cardinalis Bona rer. liturgicar. lib.2. cap.7. num.6., inquit: *Hic mos nunquam interrupta serie, ab initio Ecclesiæ, usque ad nostra tempora servatus est, ut proxime post Evangelium, sermo, seu homilia, vel tractatus ad populum haberetur; Hinc si Fideles obstringerentur præcepto, illud in propria parochia auscultandi, tenerentur pariter Missæ parochiali adesse, a qua tamen obligatione eos solutos pronuntiavimus. Ad hanc difficultatem evitandam, varias Doctores inire vias: Suarez tom.1. de religione lib.2. cap.16. num.10. opinatur, ideo Tridentinum verbo teneri eam addidisse limitationem, ubi commode id fieri potest, ut tali pacto significaret, sibi in animo non esse, Fideles absoluto præcepto obstringere, sed tantum monere, atque hortari: Ad hæc, ait Suarez, si aliquod urget præceptum, audiendi Dei verbum, illud non ex lege positiva Ecclesiæ, sed ex lege profuit Charitatis, sibi debita, qua quilibet tenetur habere curam animæ suæ, non solum adhibendo media simpliciter necessaria, sed etiam utilia, quale sæpe est concionem audire; licet porro lex Charitatis, pergit Suarez, non obliget ad concionem audientiam in parochia, Tridentinum tamen parochiam nominavit, quia ibidem a Parocho, semper inter Missarum solemnia, concio haberi debet, quod idem Tridentinum alibi decrevit. Eandem doctrinam amplexatus Rodriguez Q. Regul. tom.1. quest.43. art.7. Tridentinum intelligendum, docet, cum urgente Charitatis præcepto, se reficiendi pabulo Divini verbi, hoc nusquam commodius, & utilius audiri potest, quam in ecclesia parochiali. In idem recidit quod tradunt Fagundez lib.2. cap.1. num.10., & Bonacina disput.5. de 3. Decalogi præcepto, quest. unica, punct.2. num.27. & seqq.; nimirum tunc solum teneri Fideles, parochiali concioni interesse, cum necessaria Fidei rudimenta, quæ ceteroquin ignorant, alibi addicere nequeunt; aut cum prævident, alios suo exemplo, pertrahendos*



dos ad concionem, a qua secus, non sine gravi eorumdem animarum dispendio, se subducerent; Quem tamen casum moraliter impossibilem, recte simul advertunt. Sed fortasse melius Zerola in *prax. part. 1. V. Prædicator vers. Ad 4.*, Trullench *cis. tom. 1. lib. 3. cap. 1. dub. 4. num. 11.*, alii que sentiunt, obligationem, si quæ unquam fuit, auscultandi proprium Parochum, verba facientem ad suum populum, ablatam nunc esse per contrariam consuetudinem, cum passim viri pii, & docti alio se conferant, ad sacros audiendos Oratores; ac proinde, inquit Zerola, sacra Congregatio Concilii sæpius declaravit, non posse Ordinarium, Multis, & por-  
nis Subditos adigere ad concionem auscultandam in parochia, quod etiam testatur Barbosa in *collectan. ad Trident. sess. 24. cap. 4. num. 17.* Mirum propterea non est, quod præceptum hac de re latum ab Episcopo Mideni, tanquam nimium severum, fuerit, ex ejusdem sacræ Congregationis sententia, præcidendum.

## CAPUT LXV.

*Firmitate carent Synodales Constitutiones juri communi, & Apostolicis sanctionibus adversantes; multaque ad hanc rem comprobendam afferuntur exempla.*

1 **C**anonum statuta ab omnibus custodienda, dicitur in *cap. 1. de Constitutionibus*, potissimum autem ab Episcopis, qui sunt. cultodes sacrarum regularum, uti habetur in *can. Cum scimus, 1x. quest. 3.*, quique in sui consecratione, se ad id arctissimo obstringunt juramento, ut in *cap. Ego N., de jurejurando*: Quocirca nihil magis vulgatum est, quam quod Synodalis Constitutio, contra jus commune, & Apostolicas sanctiones, nullius sit roboris, & firmitatis, quod manifeste constat ex *cap. Quod super his, de majoris. & obed.*, notatque Fagnanus *ibidem num. 26.*, atque in *cap. Sicut olim, num. 8. & seqq. de accusat.*

2 Plures porro Synodales Constitutiones, juri communi obviantes recenset Bottus in *tract. de Synodo 3. part. ars. 1. concl. 1. & plurib. seqq.*, alias plures Nos simul coacervabimus, eodem vitio infectas, eodemque nomine improbatas. A jure communi sancitum est, Capitulum ecclesiæ Cathedralis præcedere debere Capitulo Collegiatæ; Cum autem in Synodalibus Constitutionibus Cæsaraugustanis decreta fuisset promiscua sessio, inter Canonicos Cathedralis, & Canonicos Collegiatæ, in Romanæ Rotæ Auditorio, decusum est, ejusmodi Constitutioni nihil esse deferendum, *decif. 3. num. 11. part. 5. tom. 1. recent.* Jure communi spectato, Abbates Regulares, nullam gerentes animarum curam, non tenentur accedere ad Diocesanam Synodum, quod *lib. 1. cap. 3. n. 8. & seqq.* ostendimus: in Synodalibus Constitutionibus Pampilonensibus iidem ad Synodum accedere jussi sunt; sed in Rotæ Auditorio fuere ab ejusmodi præcepto absoluti, *decif. 9. post Murgam*  
ad

ad *Constitutiones Apostolicas*. A Capitulis, & Monasteriis deputari solent Vicarii temporarii, ad nutum amovibiles, qui animarum Curam exercent, in parochiis, iisdem Capitulis, seu Monasteriis unitis, a quibus tamen, de jure communi, possunt, etiam sine causa, divelli, ac removeri, modo remotio fiat absque dolo, & non ex odio: In citatis Constitutionibus Pampilonensibus statutum fuit, ne iidem, indicta causa, e Curæ exercitio evocarentur, uti habetur *decif. 121. coram Coccino*; sed cum contigisset, remotionem, sine causa fieri, Rota *decif. 886. num. 29. coram Cerro* illam sustinuit, nulla habita ratione Synodalis Constitutionis.

3 In causis Beneficialibus admittitur appellatio suspensiva ab eo interposita, qui in prima instantia succubuit; & solum post sententiam definitivam, apud Sedem Apostolicam, sive in petitorio, sive in possessorio promulgatam, ad compescendam litigantium malitiam, est locus sequestrationi fructuum, per Textum in *Clementina unica, de sequestrat. possess.* & *fruct.* Nihilominus aliquot Episcopi, fas sibi esse putarunt, hanc appellationem suspensivam in suis Synodis reprobare, nec deinceps admittendam, decernere; neque id perperam se fecisse arbitrabantur: Etenim Lancellotti *de attentis, part. 2. cap. 12. limit. 48.*, Sperelli *decif. 85. num. 4.*, Garzia *de Benefic. part. 9. cap. 4. num. 30.* asserunt, posse Episcopum, in sua Synodo aliquas appellationes suspensivas e medio tollere: Verum hæc assertio tolerari dumtaxat potest, cum appellatio in suspensivo non est expresse admissa, & concessa a jure communi, cui profecto nullus, præter supremum Legislatorem, potest derogare: quare recte Fagnanus in *cit. cap.* Sicut olim, num. 80. & *segg. de accusat.*, ait: *Si circa judicia, illorumque expeditiones fueris decernendum, meminisse oportebit, non posse Episcopos, nec Synodum Provincialem [minus itaque Dioecesanam] causam, qua ex sui natura, aut ex juris dispositione summaria non sit, summariam efficere, neque breviorē reddere instantiam, aut ea, qua de jure communi in causis summariis servanda sunt, præcidere, minusque appellationes, in casibus, in quibus alias permittuntur, prohibere.*

4 In nonnullis Synodis, & quorundam Capitulorum statutis, ab Ordinibus, & Beneficiis arcentur Descendentes ex Judæis: Ejusmodi quoque statuta sacris adversari Canonibus, est manifestum; hi siquidem consentientes Apostolo 1. ad *Timoth. 3.*, ubi in Episcopum ordinari vetuit *Neophytum, ne in superbiam elatus in judicium incidat Diaboli*, solos Neophytos, idest recens ad Fidem conversos, irregulares pronuntiarunt: ita decrevere Concilium Nicænum *can. 2.*, Laodicennum *can. 3.*, Arelatense *II. can. 1.*, Descendentes autem a Judæis nunquam Ordinum, & Beneficiorum dicere incapaces: quinimmo Alexander III. in *cap. Eam te, de rescriptis*, ad Episcopum scribens Tornacensem, in Canonicum recipi jussit, qui ex Judaismo ad Christianam Fidem fuerat conversus: *Mandatum dedimus, & præceptum, ut P., qui de gente Judæorum originem duxit, & Divina gratia Fidem suscepit, in Canonicum reciperent, & Præbendam sibi conferre deberent*; & infra: *Pro eo vero, quod Judæus*

*Judaus exiteris, ipsum designari non debes*: Etenim, quod ibidem notat Glossa: *De Judais conversis Ecclesia fundata fuit, & recte prosequuntur Covar., in Clement. Si furiosus, part. 1. §. 2. num. 8. conclus. 3., Sanchez in Summ. lib. 2. cap. 28. num. 11., Fermosin. tract. 2. criminal., ad cap. Ex speciali, num. 38. de judiciis.* Quamobrem prædictas Synodales Constitutiones, ob juri communis resistentiam, irritas declararunt Abbas in cap. *Ad decorem, num. 4. de Constit., Solorzan. de jure Indiarum, tom. 2. lib. 3. cap. 19. num. 3., Pegas de competentia inter Archiepiscopum, & Nuntium, part. 3. cap. 1. §. 6. num. 16.* Aliter dicendum foret, si in Beneficii erectione a Fundatore cautum esset, ne unquam illud conferatur descendenti a Judæis: quoniam in Beneficii fundatione, permittitur Fundatori leges, & conditiones illi apponere, etiam juri communi adversantes, sicuti ad rem animadvertunt Solorzan. loc. cit. v. *Sed licet, & Fermosin. in cap. Ex speciali, num. 35. de judiciis.* Idem judicium ferendum esset, si summus Pontifex, justis de causis statuisset, ne, in aliqua regione, Descendentes a Judæis promoveantur ad Ordines, quod reapse in Regno Portugalliæ servari jussit Sixtus V., suis Apostolicis litteris, datis die 15. Januarii 1588., & confirmatis a Clemente VIII. die 18. Decembris 1600., quarum executionem iterum inculcavit sacra Congregatio sancti Officii, epistola ad Collectorem ejusdem Regni, data anno 1611.

5 Quod diximus de Judæis, etiam in iis locum sibi vindicant, qui originem ducunt ab aliis Infidelibus. Quocirca, cum in nonnullis regionibus, & speciatim in civitate Carchien., invaluisse consuetudo, ab Ordinibus excludendi Descendentes ab Indis, seu, ut vocant, a *Mulâis*, de illius robore disputatum fuit in sacra Congregatione Concilii, die 13. Februarii 1683., & decisum, Indos, Nigros, omnesque ab illis, sive per paternam, sive per maternam lineam descendentes, ab Ordinibus recipiendis prohiberi non posse, si ceteris polleant qualitatibus, animique doctibus, a sacris Canonibus præscriptis. Cohærenter ad hæc datæ fuerunt litteræ ad Indiarum, aliosque per Hispanias, & Regnum Portugalliæ constitutos, Episcopos: Cumque Archiepiscopus Ulixbonen. renuisset Ordines cuidam conferre, qui a Mauris trahebat originem, suas prætexens Synodales Constitutiones, ab Ordinibus excludentes quotquot a Mauris, Nigris, alteriusve nationis Infidelibus, provenirent; re mature discussa in sacra Congregatione Concilii die 13. Januarii 1685., responsum est, præfatas Synodales Constitutiones, utpote obstitentes juri communi, nullius esse roboris.

6 Non tamen idcirco improbamus Constitutionem, conditam a sapius laudata Provinciali Synodo Mexicana, quæ lib. 1. tit. 4. §. 3. Maurorum, aliorumque Infidelium filios circumspicte admodum Ordinibus initiari præcepit, inquit: *Mexici, tam ab Indis, quam a Mauris, nec non ab illis, qui ex altero parente Aethiops nascuntur, descendentes in primo gradu, ne ad Ordines, sine magno delectu admittantur* [tom. 4. CC. Hispan. pag. 303.]:  
Tom. XII. Z z z Aliud

Aliud quippe est, Descendentes ab Infidelibus, ab Ordinibus prorsus excludere, aliud, cum cautela, & delectu, illos promovere: primum improbavimus: alterum commendamus, ne secus homines suspectæ fidei sacris addicantur ministeriis. Etenim quanquam Ecclesia ex hominibus coa- luerit, ab Infidelitate conversis, nunquam tamen Neophytos inter sacros Ecclesiæ Ministros cooptari permisit, nisi antea probati, certum suæ Fidei dedissent testimonium: *Nam & tempore opus est* (ait Concilium Nicæ- num *chr. can. 2.*, (tom. 1. collect. Harduin. col. 323.) loquens de Ordinatione Neophyti) *ei qui catechizatur, & post Baptismum probatione quamplurima, Et in can. 3. Arabico, ab Ecchellenli edito (ibid. col. 477.): Quicumque recens baptizatus fuit, cujus Fidei adhuc non dignoscitur experimento certitudo, ne Episcopus, aut Presbyter, aut Diaconus ordinetur.* Quantum vero temporis Neophyti probationi sit præmittendum, priusquam eidem aditus aperia- tur ad Ordines, non conveniunt Doctores. Alii unum annum satis esse putant, quia Miles in jure civili, exacto militiæ anno, dicitur *Veteranus*: Alii biennium requirunt, quia Gregorius Magnus *lib. nunc 10. indict. 3. epist. 24. al. lib. 8. epist. 23. relat. in can. 6.*, *XLX.*, *quest. 3.*, conversos ad reli- gionem vetuit ordinari, *priusquam biennium in conversione compleant*: Alii exigunt decennium, quoniam decennium in jure dicitur longum tempus, & intra illud non reputatur *l. Super longi, cod. de prescript. long. temp.*, ubi Interpretes alii demum cum Covarruvia, & Gibalino de *irregul. cap. 3.*, *quest. 3.*, cum nullum, hac de re, sit certum tempus, definitum a jure, id relinqui autumant arbitrio Episcopi, cujus est pendere, an recenter ad Fidem conversi tantæ sint virtutis, atque in Fide constantiæ, ut Eccle- siastica ministeria illis tuto committi valeant. Quod autem diximus de Neophytis, congruere possunt etiam eorumdem filii, si experientia com- pertum sit, eos aliquando in Fide nutasse, nam & istos probare oportebit, priusquam Ordinibus iniciantur, quemadmodum prudenter sancitum fuit in laudata Synodo Mexicana; non exinde tamen licebit inferre, eos posse itidem excludi poterunt Infidelium nepotes, pronepotes, atque abnepo- tes, quod in aliis allegatis Synodis decretum fuerat.

7 Inter ceteras facultates, quas Apostolica Sedes, per bullam Cru- ciatæ Hispaniarum Regnis concedi solitam, elargitur, numeratur etiam potestas absolvendi a censuris. In Constitutionibus Synodalibus Pampilo- nenlibus, & Salamantinis declaratum est, absolutionem, virtute bullæ Cruciatæ impetratam, prodesse in utroque Foro, in quarum Constitutio- num obsequium, eandem opinionem tentati sunt nonnulli Doctores, apud Frances *variæ. resolut. cap. 20. num. 171.*, & *seqq.*; sed cum vera Theolo- gorum sententia doceat, facultatem absolvendi a censuris, in bulla Cru- ciatæ concessam, solum respicere Forum internum, atque hæc Theolo- gorum sententia fulciatur Constitutione Urbani VIII., quam refert, & expendit Wigandt in *tract. 18. append. 2. examin. 2. de sanctæ Cruciatæ bulla*  
num. 48.

num. 48. , idcirco præfatæ Constitutiones , veluti obviantes Constitutioni Apostolicæ , rescissæ fuere a Rota *decis.* 15. *coram Merlino* , & novissime impugnatae a Patre Ludovico Nogueira in *expositione bullæ Cruciatæ diffus.* 15. *sect.* 3.

8 Episcopus Larinenfis in sua Synodo , habita anno 1728. , sibi licere putavit , novam erigere dignitatem Cantoratus , quæ nunquam antea fuerat , in sua ecclesia Cathedrali. De hac Synodali Constitutione , anno 1732. disputatum fuit in sacra Congregatione Concilii , & decisum , eam viribus carere : Jure siquidem communi , permittitur tantum Episcopo , de novo erigere simplex officium , aut etiam , cum consensu Capituli , antiquam reintegrare Dignitatem , quæ olim in sua ecclesia extiterit , & fuerit postea suppressa ; sed illam de novo instituire , ad solam pertinet Apostolicam Sedem , quemadmodum docent Abbates in *cap. Cum accessisset* , num. 4. de *Constitur.* , Fagnanus in *cap. Dilecto* , num. 7. de *Præbend.* , Corrad. in *praxi Beneficiar.* lib. 2. cap. 2. num. 28. , & seq. , Cardinalis Petra de *Constit.* 2. *Eugenii III. sect. senic.* num. 35. , & teste cit. Fagnano , jampridem declaratum fuerat ab eadem sacra Congregatione Concilii .

## CAPUT LXVI.

*Ad tuendam Synodalem Constitutionem , contrariam juri communi , frustra adducitur studium servanda Ecclesiastica disciplina ; sigillatim vero examinantur Constitutiones Clericos omnium Clericalium jurium possessione deturbantes , ob non impletas ab illis conditiones a Concilio Tridentino præscriptas .*

I Nitiatus prima Tonsura , aut etiam constitutus in minoribus Ordinibus , non fruitur privilegio Fori , Nisi Beneficium Ecclesiasticum habeat , aut Clericalem habitum , & Tonsuram deferens , alicui ecclesia ex mandato Episcopi inserviat , vel in Seminario Clericorum , aut in aliqua schola , vel Universitate , de licentia Episcopi , quasi in via ad majores Ordines suscipiendus versetur , verba sunt Tridentini *sess.* 23. cap. 6. de *reform.* ; Clerici quoque conjugati , qui cum unicis & virginibus contraxerunt ; modo alicujus ecclesiæ servitio , vel ministerio ab Episcopo deputati eidem ecclesiæ serviant , vel ministrent ; & Clericali habitu , & Tonsura utantur , eodem gaudent Fori privilegio , juxta textum in *cap. Clerici* , de *Cleric. conjugat.* in 6. , confirmatum a Tridentino *cit. loc.* Qui autem prædictas non implet conditiones , & præcipue si habitum , & tonsuram non deferat Clericalem , etiam nulla præcedente monitione , remanet , ipso jure , spoliatus Fori privilegio , quod cum communi docet Fagnanus in *cap. Si quis* , num. 21. & seqq. , de *Foro competent.* Dubitatum autem fuit , an Clericus non conjugatus , nullumque possidens Ecclesiasticum Beneficium ; si Clericales vestes abiciat , aliis gaudeat Clericalibus

ricialibus privilegiis, puta exemptione reali ab oneribus laicalibus, privilegio capis. Odoardus, de solut., ac similibus: nec defuerunt Doctores, qui docuerint, eum, unacum habitu, quem deponit, omnia simul a se abjicere Clericalia jura, quibus propterea remaneat, facto ipso spoliatus: putarunt quippe solius privilegii Fori expressam mentionem, a Tridentino fieri, quia illud præcipuum est, sub quo cetera comprehenduntur, Cardinalis De Luca in annotat. ad Tridentinum dist. 24. num. 33., Rota coram Priolo decis. 290. num. 14. & 15., & decis. 304. a num. 18. par. 17., & decis. 10. num. 10. & seq., par. 18. recens.

2. Hæc doctrina, utpote magis apta ad Clericos continendos in officio, multum arrisit cuidam Antistiti Theatino, qui proinde ea innixus, in sua Dioecæsana Synodo declaravit, Clericos conditionibus deficientes, in præfato Tridentini decreto præscriptis, ipso jure omnibus exui privilegiis Clericalibus. Eidem porro Synodali Confirmationi insistentes Archiepiscopus Theatinus, Successor illius, qui Synodum celebraverat, ab omnibus Clericorum exemptionibus excidisse pronuntiavit quosdam Clericos, qui in habitu, & tonsura non incesserant. Sed cum quidam eorum ab hac Archiepiscopi sententia appellasset ad sacram Congregationem Concilii, hæc die 10. Junii 1684., nulla habita ratione Synodalis Constitutionis, respondit, illum amisisse dumtaxat privilegium Fori. Etenim solum studium adigendi Clericos ad gestandas vestes Clericales, non potnit Synodo Theatinæ esse sufficiens causa, cur Clericis adimeret privilegia, quæ juxta probabiliorem, & communior sententiam, Tridentinum reliquit intacta: Siquidem cum versetur in materia poenali, odiosa, & restrictiva juris communis, Tridentini verba non esse extendenda, ultra privilegium Fori, quod unice exprimunt, sentiunt Gonzalez ad regul. 8. Cancellaria, gloss. 5. §. 5. num. 71., Garzias de Benefic. part. 2., cap. 3. num. 5. in fin., Comitoli. respons. moral. lib. 6. quest. 20., Scacc. de cambiis part. 3. §. 7. gloss. 5. num. 162. v. Contrarium. Eadem quoque fuit constans, & perpetua sententia sacre Congregationis Concilii, quod ex pluribus evincitur ejusdem decisionibus. In causa Aquen. mense Februarii 1589., lib. 5. decretor. pag. 257., censuit, Clericos, qui decreto Concilii cap. 6. sess. 23. de reform., privilegio Fori non gaudent, non intelligi privatos privilegio Canonis. Et die 3. Decembris 1622., lib. 12. decretor. pag. 115., cum quesitum fuisset, An, ut Clericus uti posses beneficio capituli Odoardus, requirerentur conditiones præscriptæ a sacro Concilio sess. 23. cap. 6., responsum fuit: Decretum Concilii non ademisse Clericis non habentibus qualitates, quæ exprimiuntur cap. 6. sess. 23., nisi privilegium Fori, & cetera firma retinere sub dispositione juris. Idemque deducitur ex aliis responsis ab eadem sacra Congregatione datis, in Nullius 10. Maji 1625. lib. 13. decretor. pag. 291.. In Salutiarum Exemptionis 9. Februarii 1664., lib. 24. decretor. pag. 50., & in Senogallien. 6. Julii 1680. lib. 31. decretor. pag. 117., & videre est apud Fagnanum in cit. cap. Si quis, de For. campes.

3. Ad eundem finem Clericos inducendi ad obtemperandum Triden-

tini

tini decreto, conditionesque servandas ibidem statutas, aliquando Episcopi in suis Synodis protestati sunt, se nunquam ad suum forum revocaturus Clericos delinquentes, qui illarum aliquam non servassent, sed eos relicturum coercitioni Potestatis secularis. Verum cum ejusmodi Constitutiones paratas animadvertimus, in Synodis, ab amicis Episcopis, priusquam promulgarentur, ad Nos transmissis, semper delendas existimavimus: Quid enim sit, an possit Episcopus Clericum alicujus criminis reum, qui Conciliares condiciones non implevit, puniendum relinquere Judici seculari; hoc unum tamen certum est, nunquam scilicet impediri Episcoporum, quominus illum sive sceleris, sive conjugatus sit, semper valeat a Judice seculari repetere, atque ad suum forum revocare, quemadmodum definit sacra Congregatio Concilii in una Murana 21. Januarii 1594., & in una Valentina 27. Martii 1627., & bene prosequitur Pignatell. *confuls. 46. tom. 1.*; allegatum quippe Tridentini decretum solum operatur, ut nequeat a Clerico, qui præscriptas ibidem condiciones implere neglexit, decerni forum seculari, non autem privat Episcopum jurisdictione, & facultate, illum tanquam sibi subditi puniendi: hoc autem posito, perspicuum est, contrariam protestationem ab Episcopo in Synodo factam, aut non coherere juri communi, aut imprudentia notari: vel enim Episcopus id unico animo intendit, significare nimirum, deliberatum sibi esse, nunquam Clericum, de quo est sermo, a foro seculari ad suum, se deinceps evocaturum, & imprudentis utique consilii est, publica protestatione, se obstringere ad nunquam exercendam facultatem, qua ceteroquin potitur: vel intendit se, suosque Successores impedire, ne unquam a Judice seculari repetere valeant Clericum delinquentem, qui ob non servatas Conciliares condiciones, fuit ab eodem comprehensus; & hoc perperam attentat, quia in ipsius arbitrio non est, abdicare, multoque minus Successoribus auferre jura Episcopalia, a jure communi ipsis concessa.

4. Quod vero Ordinarius possit, jure suo Clericos tam cælibes, quam conjugatos, etsi non habeant requisita a Tridentino, sibi vindicare, atque a Judice laico, a quo fuerat comprehensus, repetere, debitique in eundem poenis animadvertere, sæpius definitum est a sacra Congregatione, apud Sperellum *decis. 17. num. 33. & 34.*, quibus addi potest decretum, aliis editum, atque Archiepiscopo Neapolitano, sacra Limina visitanti, datum, cujus verba sunt: *Ad tertium facta relatione Sanctissimo Domino nostro super causa Leodien., die prima ejusdem in sacra Congregatione Concilii præposita, & resoluta, Sanctitas sua approbavit opinionem eorum, qui majores numero fuerunt in voto, Clericos etiam non habentes requisita cap. 6. sess. 23. de reform., licet ipsi tanquam contravenientes ordinationi sacri Concilii, non possint pro se allegare privilegium Forti, nihilominus subesse jurisdictioni Episcoporum, seu Ordinarium, illorumque cognitioni necesse in causis, in quibus iidem Episcopi, seu Ordinarii præveniant, sed illos e manibus Judicis laici reperunt, quando Clerici adhuc Clerici permaneant, videlicet, si neque a jure, neque ab homi-*  
ne,

ne, per declarationem, servatis servandis factam, privilegiis Clericalibus denudati, seu privati sint; die 9. Novembris 1630. (lib. 14. decretor. pag. 346.): Die vero 1. Augusti 1634. occasione propositionis facta relationis status Ecclesia Neapolitanae, Sanctitas sua, ad removendam omnem difficultatem, jussit omnino servari supradictam opinionem. Idipsum fuerat antecederenter conclusum die 18. Decembris 1595. (lib. 8. decretor. pag. 153.), die 12. Junii 1608. (lib. 11. decretor. pag. 35.), & die 14. Martii 1620. (lib. 12. decretor. pag. 37.)

5 Quo, vero speciatim attinet ad Clericos conjugatos, extat responsum ejusdem sacrae Congregationis in Alatrina Jurisdictionis die 27. Martii 1683., cujus verba sunt: In carceribus Frusinonis detinetur nomine Curia Episcopalis Alatrina Dominicus Celacico Clericus conjugatus, ut pratesus homicidii reus. At pratesente Fisco Curia secularis, Carceratum esse ad hanc remittendum, tanquam non habentem requisita sacri Concilii, ad effectum gaudendi privilegio Fori; controversia delata fuit ad sacram Congregationem Immunitatis, ex cujus decreto resolvendum proponitur Dubium: An preveniente Episcopo, vel volente vindicare Clericum, possit, licet non habeat requisita. Sacra &c. respondit: Affirmative. Post hæc a Nobis exarata, typis impressa est Bibliotheca Canonica Lucii Ferraris, cujus supra meminimus, atque in ejus tom. 2., V. Clericus, num. 50. & seqq., plura congesta vidimus, de jure Episcopi in Clericos conjugatos, quæ, cum opus fuerit, legi poterunt.

## CAPUT LXVII.

Ad ea confirmanda, quæ nuper dicta sunt, statuitur, an, & quando liceat Clerico iterum induere Clericales vestes, quas antea dimiserat: An liceat Episcopo Ordines minores, una cum Subdiaconatu, uni eidemque persona, eadem die conferre: Et an irregularitate afficiatur, qui, nulla impetrata absolutione a censura, qua est irretitus, ascendere præsumit ad altioris Ordinis gradum.

1. **N**ihil frequentius, quam quod a Clericis Clericalis habitus dimittatur, & dimissus pro libito resumatur, illum autem resumentes, modo id non faciant in fraudem, sive cælibes sint, sive conjugati, ad pristina restituantur Clericalis ordinis privilegia, quod communiter tradunt Doctores in cap. unico, de Clericis conjugatis in 6., speciatim Passerini: num. 30., & late Panimoll. decis. 6. annot. 6. num. 18., & duobus seqq., decisumque est a sacra Congregatione Concilii, in Meliten. Fori 7. Maji 1672., lib. 27. decretor. pag. 379.: idemque de Clericis, qui dimissa militia, cui nomen dederant, iterum vestes induunt Clericales, docent Carena resol. 11. num. 16., Orill. in observat. ad resol. 4., Campan. num. 4., & Rota decis. 355. num. 9. & 10. part. 14. reten. Hinc porro fit, ut propter delictum ab ipsis, eo tempore perpetratum, quo Laicorum more induti in-

occe-



cedebant, coerceri nequeant a Iudice laico, postquam sine dolo, & fraude, vestem laicalem in Clericalem iterum commutarunt, uti notant Pignatellus *consul. 45. per tot. tom. 1.*, Panimoll. *cit. decis. 6. annot. 6. num. 22.*, & sæpius declaravit sacra Congregatio Concilii, signanter in Nuscana 19. Decembris 1584: *Sacra &c. respondit, Clericum conjugatum, qui post dimissum habitum, & tonsuram Clericalem, deliquit, quamvis pro eo delicto in Curia laicali citatus, & in contumaciam condemnatus fuerit, si deinde, modo non in fraudem, reassumpto habitu, & tonsura, ecclesia inseruiat, juxta decretum sacri Concilii cap. 6. sess. 23.*, non posse a Iudice laico, propter idem delictum in carcerem conjici, aut personaliter distringi. Idemque respondit in Nullius 10. Decembris 1596. Tunc autem præsumitur Clericus, habitum quem deposuerat, in fraudem resumere, cum illum induit, postquam a Potestate sæculari comprehensus, atque in carcerem conjectus, ex eo, se per fugam subtrahit, aut postquam e carceribus, prælitata cautione parendi Judicis sententiæ, dimissus fuit, inquit Fagnanus in *cap. Magnus, num. 73. de oblig. ad ra. iocin.*: in quo tamen rerum eventu, non sæcularis, sed Ecclesiastici Judicis esse inspicere, ac decernere, an revera fraus adfuerit, docet ibidem Fagnanus *num. 74.*, & respondit sacra Congregatio in una Aquilana apud Pignatellum *ead. consult. 45. num. 6.*

2 Disputatur dumtaxat, num de fraude constare debeat, etiam ut Iudex laicus possit contra præfati Clerici Bona *realiter* procedere, vel solum ut in ejusdem personam animadvertere queat. Non enim quoad hoc, semper in eadem sententia, visa est perstitisse sacra Congregatio: ea quippe quandoque propendere visa est in opinionem, quæ fraudem necessariam putat, ut Potestas sæcularis possit manum injicere in personam Clerici, qui post patratum delictum, Clericalem habitum resumpsit; sed de fraude nequaquam inquirendum autumat, ut contra delinquentis Bona libere procedat, ad quod satis esse arbitratur, Clericalem habitum fuisse, post delictum resumptum, quin sit investigandum, quo animo id factum fuerit, uti videre est apud Fagnanum *cit. loc.*, Passerinum in *cap. unic. de Cleric. conjugat. in 6.*, & Orill. in *observ. ad resolut. 4.*, Campan. *num. 18.*: Aliquando autem eadem visa est, fraudem exigere, in utroque casu, itaut, ea seclusa, nequeat Iudex laicus, neque in personam, neque in Bona procedere Clerici, qui habitum resumpsit, ita quippe colligitur ex ejusdem responso, dato in causa Papien. 23. Maji 1626., *lib. 13. decretor. pag. 7.*, quod allegant etiam Del Bene *de immunitate, tom. 1. cap. 4. dub. 25. num. 11.*, & Tondut. *de præventionem, par. 2. cap. 53. num. 5.*: Quamvis, si contra Clericum agatur tantum civiliter, seu ad solam poenam pecuniariam, longe facilius admittatur fraudis probatio: si enim ipse habitum resumat, postquam citatus fuit ad tribunal sæculare, censetur illum resumere in fraudem, & propterea non potest, in eo judicio civili, forum declinare laicale, quod docent Orill. ubi supra *num. 27.*, Fermosin. in *cap. Proposui, q. 7. per tot.*, & signanter *num. 7. de foro competenti*, censuitque sacra Congregatio Concilii in Sabinen. Privilegii Fori 30. Martii 1686.

3 Hæc

3 Hæc præmittenda fuere, ut faciliorem viam sternerent ad ea, quæ statim, ad rem nostram dicturi sumus. Ad præcavenda mala, quæ ex hac libera habitus, & tonsuræ dimissione, & libera potestate utrumque Clericorum insigne, quodcumque resumendi, atque ad evitandas insuper contentiones, inter utramque Potestatem, sæcularem scilicet, & Ecclesiasticam, quæ plerumque, hac de causa excitantur, nonnulli Episcopi, in suis Synodis edixere, ne deinceps ulli Clericorum liceret, absque Ordinarii licentia, Clericales vestes, & tonsuram deponere, depositaque resumere: simulque decrevere, ut Clericalis habitus, sine Episcopi licentia resumptus, nulli suffragaretur, ad iterum assequenda Clericalia jura. Verum cum Clericus, constitutus in Minoribus possit, jure suo, quodcumque voluerit, ad sæcularem statum redire, ac, pro suo pariter libito, ad Ecclesiasticum inde reverti; reversus autem, statim ac habitum Clericalem, quem abjecerat, denuo induit, a jure communi ad omnia restituitur Clericalia privilegia, quæ antea amiserat, ejusmodi Constitutiones contrarium decernentes, omni carent robore, & efficacia, quod bene advertunt, & probant Ricc. *part. 2. decis. Cur. Neapol. decis. 168.*, Donat. Anton. De Marinis *resolut. jur. lib. 1. cap. 49. num. 3. & seqq.*; Et quod magis est, præfatas Synodales Constitutiones, semper irritas pronuntiavit sacra Congregatio Concilii. Etenim in Maricana Clericatus, consultata, *An sustineatur Constitutio Synodalis generaliter prohibens, ne ullus Clericus prima Tonsura dimittat habitum, neque coram Notario seculari, neque sine licentia Episcopi*; Respondit: *Negative*, die 7. Septembris 1677. (lib. 29. decretor. pag. 500.) Jam autem antea in Oppiden. die 10. Maji 1635. (lib. 15. decretor. pag. 176.) id ipsum hisce verbis decreverat: *A prohibitione generali, ne Clerici reassumere possint habitum Clericalem, absque auctoritate ipsius Episcopi, abstinendum.* Et in Mutinen. 14. Decembris 1647. (lib. 18. decretor. pag. 437.) interrogata, *An idem Episcopus constituere possit in eadem Synodo, ut Clerici, qui semel habitum Clericalem deposuerunt, non possint illum reassumere, absque expressa ejusdem Episcopi licentia*; Responderat: *Negative*. In causa vero Nullius, seu Neapolitana 8. Augusti 1654. (lib. 19. decretor. pag. 384.) propolita quæstione, *An Clericus in Minoribus constitutus, qui dimisit habitum Clericalem, possit absque licentia Episcopi illum reassumere, quando adest Constitutio Synodalis prohibitiva, ne reassumatur, absque prædicta licentia.* Sacra &c. censuit, posse, absque licentia Episcopi, non obstante Constitutione Synodali prohibitiva, cum non sit permissa. Et in causa Pennen. die 19. Julii 1692. (lib. 42. decretor. pag. 476.) ad simile quæsitum respondit: *Dandum esse supradictum decretum in causa Neapolitana.*

4 Ad obviandum autem inconveniendis, quibus Episcopi, per præfatas Constitutiones occurrere cupiebant, alia ipsis a jure parata est via, quam sine offendiculo calcare possint. Præcipiant itaque Clericis, vel per publicum edictum, vel per citationem, singulis factam, ut incedant in habitu, & Tonsura, atque alicui inserviant ecclesiæ, præfinito congruo tempo-

tempore, ad utrumque præstandum: hoc autem elapso, ter illos commoneant, ut præcepto obtemperent, ad normam Textus in cap. *Contingit II. de sententia excommunicationis*; advertant tamen, hac in re, non satis esse unicam monitionem, quæ tribus æquivalet, sicuti observat Glossa in *Clementina I., V. Tertio*, sed requiri tres distinctas, ut aliis citatis, docet Fagnanus in eod. cap. *Contingit*, num. 8.: post trinam vero monitionem, adversus inobedientes, in sua persistentes contumacia, sententiam ferant, qua declarent, eos, propria culpa, excidisse Clericalibus juribus, neque deinceps restituendos fore ad privilegia, quorum, sua pervicacia, se præbuerunt indignos. Quod si post hanc sententiam, Clericales vestes iterum induere præsumant, non propterea tamen a seculari foro se subtrahant, sed remanebunt eidem subjecti, perinde ac Laici, quemadmodum tradit Fagnanus *loc. cit.*, atque ex sententia sacre Congregationis Immunitatis, confirmat Monacell. in *formul. legal. practic. tom. 2. tit. 15. formul. 4. cum tribus seqq.*

5 Haud multum a nuper enarratis abfimile erat repagulum, quod prædictæ libertati Clericorum, exuendi, iterumque induendi Clericalem habitum, apponere meditabatur Calaritanus Archiepiscopus. Significaverat is sacre Congregationi Concilii, in sua dioecesi ingentem reperiri numerum Clericorum conjugatorum, quorum plerique in Clericalis Ordinis dedecus, artes viles exercebant, & quandoque enormia perpetrabant facinora, ex quo consequebatur, fere semper ab Archiepiscopo, pro tuenda eorum exemptione, sui que Fori jure propugnando, contendendum esse cum Potestate seculari. Ad hæc autem non levia mala colibenda, potestatem sibi fieri petierat, conferendi eadem die, uni, eidemque personæ minores Ordines, & Subdiaconatum: tali enim pacto Clerici adeo obstricti, & mancipati remanerent Ecclesiæ, ut non amplius integrum illis foret ad sæculum regredi, & vilibus artibus vacare, quod in aliis ejusdem Regni dioecesebus, ad eosdem eradicandos abusus, jam moribus receptum, addidit. Super hisce Archiepiscopi postulatis, Nos, qui tunc temporis ejusdem sacre Congregationis Secretarium agebamus, opportunam elaboravimus dissertationem, quæ extat *tom. 4. Theaur. Resolut. pag. 162.*, in qua post accurate examinatum Textum in cap. 2. de eo qui furtive Ordinem suscipit, & cetera expensa, quæ a Doctores ad rem allegantur, Episcopi precibus abnuendum conclusimus: Sacra vero Congregatio nostro sensui adhærens, die 21. Februarii 1728. Archiepiscopi instantiam rejecit: non enim derogandum, censuit juri communi, ad propulsandos abusus, qui aliis juris remediis poterant coerceri.

6 Ad rem pariter, quam versamus, aliud pertinet decretum, quod alius Episcopus secum deliberaverat publicandum. Cautum est in jure, ut si quis suspensus ab Ordinis exercitio, Ordinem exerceat, fiat statim irregularis, per Textum in cap. *Apostolica 9. de Clerico excommunicato deposito, vel interdito ministrante*; cap. 1. de sententia excommunicationis in 6.; & cap. 1. de

Tem. XII.

A a a a

sen-

*sententia*, & re iudicata pariter in 6.: In nonnullis dioecesebus eoque processerat Clericorum audacia, ut quamvis suspensione irretiti, ab exercitio se abstinere Ordinum, quibus erant initiati, attamen, nulla impetrata absolutione a censura, ad superiorem Ordinem ascendere non dubitarent: Episcopi, in quorum dioecesebus hæc frequentius eveniebant, ad eorum sacrilegam cohibendam temeritatem, cum inutilia experti fuerint alia, quæ jam adhibuerant remedia, quæserunt a Nobis in minoribus tunc constitutis, an sibi fas esset, eos Synodali decreto declarare irregulares.

7 Huic interrogationi indubitanter respondimus, id nequaquam ab Episcopis posse decerni: Apud omnes enim Canonistas, principii loco est, irregularitatem a solo jure, & non ab homine induci posse; a jure autem, irregularitate quidem afficiuntur, qui contempta, qua ligantur censura, in suscepto Ordine solemniter ministrant; nunquam vero irregulares pronuntiantur, qui cum ejusdem censuræ vinculo, ad superiorem Ordinem ascendere præsumunt. Scimus enimvero, non desuisse Doctores, quibus visum cum fuerit, ascensum ad altiorem Ordinem, quoddam esse exercitium inferioris Ordinis, jam suscepti; idcirco docuere, irregularitatem a jure, in primo casu irrogatam, etiam secundum complecti: ita, inter ceteros tenuerunt Angel. in *summ. V. Irregularitas*, §. 22., Silvester *ibid. quest. 2.*, Navarrus *confil. 26. de temporib. Ordinat. lib. 1.*, Covarr. in *cap. Alma mater*, part. 2. §. 3. de excommunicat., Majol. de *irregularit. lib. 4. cap. 34. n. 1. & seqq.*, Pax Jordan. *elucubrat. tom. 1. lib. 3. tit. 6. num. 382.*, Volp. *resolut. moral. resolut. 103. num. 10.*; Sed simul non ignoramus, veriore, & communior esse sententiam oppositam, quæ quanquam sacrilegii reum fateatur, qui sciens se censuræ vinculo obstrictum, superioris Ordinis gradum audacter conscendit, eum tamen ab irregularitate absolvit, quam quidem sententiam amplexata est sacra Congregatio Concilii in Carinolen seu Neapolitana Ordinationis, die 31. Januarii 1688.: Siquidem recipiens altiorem Ordinem, nonnisi improprie dicitur solemniter ministrare, in inferiori Ordine, a cujus exercitio est suspensus; in hac autem materia odiosa, & poenali, non censetur cadere sub legis censuram, quod nonnisi improprie legis verba comprehendunt, uti apposite ratiocinantur Suarez de *censuris*, disput. 42. sect. 3. num. 2. & disput. 31. num. 57. & seqq., Sayr. de *censuris* cap. 16. num. 22., Layman *Theolog. moral. lib. 1. tract. 5. cap. 3. num. 5.*, Sorb. in *compend. privileg. Mendic. vers.* Sed hic advertenda est, Bonacina *oper. moral. tom. 1. de censuris*, disput. 7. quest. 3. punct. 4. num. 2., Diana *oper. moral. tom. 5. tract. 5. resolut. 17. num. 2.*, Antonell. de *regul. Eccles. lib. 2. cap. 11. num. 6.*, Vulp. in *prax. judic. for. Eccles. cap. 8. n. 32.*, Barbosa de *polest. Episc. part. 2. allegat. 16. num. 13. in fin.*, Tambur. *oper. moral. tom. 2. lib. 10. tract. 4. cap. 14. num. 8.*, Fermosin. in *cap. Non est compos. de temporib. Ordinat. quest. 3. num. 13. & 14.*, Bard. in *select. moral. lib. 1. quest. 12. per tot.*, Gibal. de *irregularit. cap. 5. quest. 2. confect. 3.*, Lezana in *Summ. tom. 2. vers. Irregularitas*, num. 4. *vers. Id etiam dicendum de suspensio.*

CAPUT

## CAPUT LXVIII.

*Ne obtentu quidem removendi abusus, a rebus sacris, potest in Synodo. quidquam constitui, contra jus commune: Quamobrem viribus carere quaedam Synodales Constitutiones respicientes Sponsalia, & Matrimonia clandestina, etsi justa, ac sancta, atque ad graves eliminandos abusus viderentur quodammodo necessaria.*

**I**N dioecesi Valentina sæpissime eveniebat, ab uno eodemque cum pluribus sponsalia contrahi, atque inde fiebat, ut graves inter utriusque partis consanguineos orirentur discordiæ, & frequenter in judicio litigandum esset, quænam sponsalia prævalerent, aliisque forent præferenda: ad prospiciendum dioecesis tranquillitati, & tor præcidenda litigia, rogatus fuit Archiepiscopus, ut in sua Synodo statueret, nulla, atque irrita in posterum futura sponsalia, quæ sine præsentia Parochi, duorumque saltem testium contraherentur: sed prudens Archiepiscopus porrectis sibi precibus abnuït; tantam quippe potestatem sibi inesse non existimavit, extendendi ad sponsalia decretum Tridentini sess. 24. cap. 1. de reform. matrim. quo irrita fiunt clandestina conjugia. Actum fuit de hac re, in sacra Congregatione Concilii, quæ Archiepiscopi sententiam approbavit, ejusque commendavit consilium: Siquidem Tridentinum, in citato decreto nihil innovavit, circa sponsalia, eaque reliquit sub dispositione juris communis, juxta quod, etiam remotis arbitris, valide contrahuntur, quod habetur lib. 1. decretor. pag. 99. & pag. 126., legi etiam potest nostra Notific. 46., ubi prolixè de hac materia disseruimus.

2 Alter Archiepiscopus ad eliminandum abusum, nimium in dies in sua dioecesi inolefcentem, ut matrimonium contracturi, nulla præmissa illius denuntiatione, infirmitatis prætextu, Parochum arcefferent, & coram eo, licet invito, & reluctante, ac duobus testibus, matrimonium inirent, Constitutionem promulgavit, qua, adempta Parochis facultate assistendi matrimoniis, quibus non præcessissent debitæ denuntiationes, matrimonia ita contracta, nulla, atque irrita decrevit, & decharavit. Sed re de-lata ad sacram Congregationem Concilii, hæc, teste Cardinali De Lugo respons. moral. lib. 1. dub. 45., Archiepiscopo mandavit, ut quantocius suam revocaret Constitutionem: omisso quippe denuntiationum, sine Episcopi dispensatione, reddit utrique matrimonium illicitum, non tamen efficit invalidum: neque in Episcopi potestate est, novum statuere impedimentum dirimens, quod a solo summo Pontifice potest induci, uti pluribus demonstrant Sanchez de matrim. lib. 7. disp. 1. num. 9., & Pontius lib. 6. de matrim. cap. 1. num. 12.; Quocirca eadem sacra Congregatio Concilii, apud eundem Sanchez lib. 3. disp. 21. num. 12., validum definivit matrimonium,

celebratum coram Parocho, cui ab Episcopo sit generatim interdictum, ne matrimoniis assistat: *Congregatio Cardinalium respondit, valere matrimonium contractum coram Parocho, cui interdictum est ab Episcopo, ne interveniat; Is enim adhuc est vere Parochus, suæque retinet parochiæ titulum, & propterea omnibus præstat qualitatibus, quas Tridentinum exposcit, ad matrimonii validitatem: prohibitio autem Episcopi solum operatur, ne ille licite, non itidem ne valide assistat.*

3 Aliud esset de matrimonio celebrato, contra interdictum Papæ, munitum decreto irritante: Siquidem cum Papa possit, per suam universalem legem, novum impedimentum dirimens matrimonio apponere, potest etiam, in aliquo speciali eventu, prohibere, ne, inter peculiare personas, matrimonium contrahatur, simulque decernere, ut contra suam prohibitionem contractum, sit irritum, quemadmodum adnotarunt Alexander de Nevo, & Calderinus in cap. Tua, de sponsa duorum, docentque Barbosa in cap. Ad dissolvendam, num. 4. de desponsat. impuber., Leander oper. moral. tom. 2. tract. 9. disp. 23. de impedimentis matrimoni, quest. 3., Becan. in Summ. tit. de Sacram. cap. 49. quest. 1. num. 6., Schmalzgrueber ad lib. 4. Decretal. tit. 16. num. 9.: Sola vero prohibitio, sine decreto irritante, producit dumtaxat impedimentum impediens, non autem dirimens matrimonium: Quamobrem Alexander III. in cap. Ex litteris, de matrim. contract. contra interdict. Ecclesie, validum pronuntiavit matrimonium initum, contra Episcopi inhibitionem, & adhuc pendente lite, super præviis sponsalibus a contrahentium altero, cum alia persona stipulatis: quod si idem Pontifex in cap. Tua fraternitas de sponsa duorum irritum declaravit matrimonium, contra Episcopi inhibitionem, contractum, post aliud matrimonium antea initum, sed nondum carnali copula consummatum, non ideo secundum matrimonium irritum dixit, quia esset celebratum, contra Episcopi interdictum, sed quia ei aliud obstabat matrimonium, quod licet dumtaxat ratum, adhuc tamen induxerat impedimentum dirimens alterius matrimonii, postea attentati, quod integram Decretalem legenti manifeste patet, ponderatque Gonzalez in cap. De muliere, de matrim. contracto contra interdictum Ecclesie, num. 2.

4 Non prohibetur tamen Episcopus, severissimis poenis, illorum refrenare proterviam, qui, contra interdictum Ecclesie, matrimonium contrahere præsumunt, quod cum communi tradit Sanchez lib. 3. disp. 46. num. 7., notans insuper, eas poenas non esse a jure præfinitas, sed ejusdem Episcopi permitti arbitrio: Verum etiam in his decernendis, cavere debet, ne sua abutatur libertate, & jus commune infringat, quod alio exponemus exemplo. In Synodo Salmanticensi, edita olim fuerat Constitutio, cujus meminit Covarruvias in 4. Decretal. 2. part. cap. 6. num. 4., qua, excommunicatione latæ sententiæ innodabantur contrahentes matrimonium, non præmissis publicationibus, a Tridentino præscriptis; & præterea decepsnebatur, hac excommunicatione irretitos, statim esse evitan-

dos,

dos, licet non essent publice, ac nominatim denunciati. At ejusmodi Constitutio, quoad secundam sui partem, sustineri minime potuit, quoniam evitandos pronuntiabat, qui, juxta Canonicas sanctiones, evitandi nequaquam sunt: in celebri enim Extravag. Martini V. incipien. *Ad evitanda*, edita in Concilio Constantiensi, evitandi decernuntur solum excommunicati, publice, & nominatim denunciati, ac publici, & notorii Clericorum percussores, uti ponderant Sanchez *de matrim. lib. 3. disp. 46. num. 10.*, & Cardinalis De Lugo *cit. dub. 45. num. 5.*; Quamvis verò Fagnanus in cap. *Quod a Prædecessore*, num. 55. de *Schismaticis* probare conetur, evitandos etiam esse quoscumque, qui Facti notorietate certo dignoscuntur in excommunicationem incidisse, juxta posteriorem sanctionem Concilii Lateranensis V. sess. 11. §. *Statuimus autem*, ejus tamen doctrina fere communiter rejecta est, cum ubique moribus sit recepta laudata Constitutio *Ad evitanda*, quod testantur Suarez *de cens. disp. 9. sect. 25.*, Layman *Theolog. moral. lib. 1. tract. 5. part. 2. cap. 4. num. 1.*, Cabassut. *in theoria, & praxi jur. Canonic. lib. 5. cap. 11. num. 3.*, Cardinalis Albitius *de inconstancia in Fide cap. 18. num. 23.*, Engel. *ad lib. 5. Decretal. tit. 39. num. 56.*, Wiestner *ibid. num. 63.*, Reiffenstuel *num. 138.*

5 In diocesi Kioviensi, atque in tota Ruthena provincia, nunquam promulgatum fuerat sæpius laudatum decretum Tridentini sess. 24. cap. 1. *de reform. matrim.*, ad præcidenda nihilominus scandala, quæ ex clandestinis conjugiiis, in maximam animarum perniciem, proveniebant, in Diocesana Synodo Kioviensi, habita die 11. Octobris 1619., atque in Synodo Provinciali Ruthena, habita die 6. Augusti 1626. Constitutiones sunt editæ, in quibus irrita declarata sunt matrimonia, aliter quam coram Parocho, & duobus, vel tribus testibus celebrata, eodem plane modo, quo a Tridentino statutum fuerat, licet nulla Tridentini fuerit in illis facta mentio; simulque jussi sunt singuli Rutheni Parochi, eas Synodales Constitutiones, per suas ecclesias, quamprimum promulgare, sicuti etiam a Tridentino fuerat præscriptum; his vero, qui, post hanc publicationem, sine Parochi, & duorum saltem testium præsentia, matrimonium contraxerunt, injuncta est separatio, & veluti nullo inter se legitimo connubii societate obstrictis, libera facta est potestas, transeundi ad alia vota.

6 De hisce decretis acriter disceptatum fuit, cum in sacra Congregatione de Propaganda Fide, tum in sacra Congregatione Concilii: Scripserunt in utramque partem Theologi, & Canonistæ, quorum nonnulli existimarunt, nihil esse dubitandum de validitate Constitutionum, quæ ad amissum respondebant, & verbis, & menti Concilii Tridentini, quod ideo non fuit expresse nominatum, ne illius nomine audito, Rutheni schismatici, quibus est infusum, magis magisque ab unionē retraherentur, & ne similiter Græci, ab Orthodoxa Ecclesia separati, occasionem inde arriperent spargendi in vulgus, Latinos, velle suos mores, & ritus in ipsorum Ecclesiam invehere, quam calumniam nobis impingunt, ut plebis animum a Latinis avertant, atque in schismate obduratum detineant.

7 Alii

7 Alii exadverso fuerunt in sententia, præfata Synodalia statuta, quanquam Tridentino omnino conformia, viribus tamen carere, quod hac ratiocinatione manifeste confici sunt arbitrati: Tridentinum noluit suum decretum, quo irrita fecit matrimonia clandestina, quempiam afficere, & ligare, nisi post triginta dies, ab ejusdem decreti publicatione, facta in parochia, in qua ipse degit: *Decernis insuper* (sunt verba Tridentini) *ut hujusmodi decretum, in unaquaque parochia suum robur, post triginta dies habere incipiat, a die prima publicationis in eadem parochia factæ numerandæ*; At in parochialibus ecclesiis Ruthenis nunquam prædictum Conciliare decretum fuit promulgatum; itaque matrimonia inibi, aliter contracta, quam Tridentinum præscripserit, non possunt esse irrita, virtute decreti ejusdem Tridentini. Unice igitur restat, ut irrita sint, virtute Constitutionum a Synodis Ruthenis editarum, earundemque Synodorum nomine, atque auctoritate, per singulas parochias promulgatarum, hoc autem contingere nequaquam potest: nulla quippe peculiaris Synodus potest inducere novum impedimentum dirimens matrimonium, seu hujus contrahendi novam formam præscribere, sed est ad id necessaria suprema auctoritas, vel Concilii OEcumenici, vel summi Pontificis.

8 Hanc postremam opinionem amplexata est sacra Congregatio, quæ die 2. Decembris 1628. rescripsit, Synodalia decreta Ruthena, per parochias publicata, non potuisse firmitatem adimere matrimoniis, contra formam in iisdem statutam, contrahendis, & propterea valida definivit matrimonia clandestina, inita post eorumdem decretorum promulgationem; quodque hinc necessario consequbatur, redintegrari jussit conjugia, hoc tantum nomine rescissa, quod aliter essent celebrata, quam Synodales exposcerent Constitutiones; conjugesque ea de causa separatos ad cohabitationem instaurandam adegit, idque etiam si, post separationem, alias celebrassent nuptias, quarum validitati obstabant primæ, jam legitime contractæ. Ut porro deinceps incommoda averterentur, quæ ex clandestinis proveniunt matrimoniis, eadem Congregatio consuluit Sanctissimo, ut per suas Apostolicas litteras in forma Brevis, iisdem fere verbis conceptas, quibus Tridentinum utitur, conjugia aliter, quam coram alterutrius contrahentium Parocho, & duobus, aut tribus testibus in posterum contrahenda, irrita decerneret, easque litteras per singulas parochias Ruthenas præciperet promulgari.

9 Eandem sententiam, in qua, post novum examen, eadem Congregatio perstitit die 20. Martii 1629., approbavit, confirmavitque Urbanus VIII., simulque deputavit particularem Congregationem, quæ de modo deliberaret, quo litteræ Apostolicæ essent formandæ: habita est hæc Congregatio die 20. Aprilis ejusdem anni 1629., eaque suggerente, scripta fuere duo Brevia, alterum, in quo demandabatur publicatio Decreti Concilii Tridentini, expresse, & nominatim; alterum, in quo ipsemet Pontifex, verbis tamen a Tridentino acceptis, & facta insuper Triden-



Tridentini mentione, nullius roboris decernebat nuptias, quæ sine Parocho, & testibus in posterum fierent. Utrumque Apostolicum Breve transmissum fuit ad Nuntium Apostolicum, eique insinuatum, ut nisi ab expressa publicatione Tridentini turbas, & tumultus excitandos, prævideret, uteretur primo Brevi; sin minus urgeret promulgationem secundi, per quamlibet parochiam, non tanquam Decreti Tridentini, sed tanquam Constitutionis Pontificiæ; Parochis autem injungeret, ut populo declararent, Pontificiam Constitutionem vim habituram, post triginta dies ab ejusdem publicatione, in parochia factam, numerandos, quemadmodum etiam Tridentinum in suo decreto cautum voluit. Litteræ quoque datæ sunt ad Archiepiscopum Kioviensem, quibus, post plurimum commendatum ejusdem studium abducendi Fideles a clandestinis desponsationibus, fuit suaviter quodammodo reprehensus, quod deliquisset contra jus commune, adscribendo sibi potestatem, qua certo carebat.

10 Ex quibus satis abunde demonstratum arbitramur, nunquam permitti Episcopis aliquid in suas Synodales Constitutiones inferere, quod juri communi, atque Apostolicis Constitutionibus refragetur, etiam si illud necessarium reputetur ad evellendas corruptelas, & rerum sacrarum tuendam religionem.

11 A tradita tamen regula excipitur Constitutio Synodalis, quæ sit corroborata Apostolica confirmatione; ab hac enim tantas accipit vires, ut prævaleat juri communi, cui ceteroquin sit contraria, sicuti advertunt Gonzalez *ad regul. 8. Cancellaria in 3. annot. num. 213. & seqq.*, Rota *decis. 60. num. 4. & seqq. part. 9. recent.*; quod tamen est intelligendum, si confirmatio Apostolica sit in forma specifica, ut ajunt, non in communi; latum quippe inter hæc duo confirmationum genera intercedere discrimen, in hujus Operis capite ultimo, demonstrabimus.

## CAPUT LXIX.

*Firmitate non carent Synodales Constitutiones, aliquid decernentes, præter jus commune, quod multis firmatur exemplis.*

1 DE iis, quæ sunt a jure prætermissa, non prohibetur Episcopus aliquid in sua Synodo decernere, quod ad Ecclesiasticam disciplinam, in concredita sibi dioecesi, aut reparandam, aut promovendam, conducere arbitretur: ejusmodi quippe Statuta non sunt contra Canones, sed præter Canones, quibus præterea robor adjiciunt, & fulcimentum, quod ex iis palam fiet, quæ mox enarrabimus.

2 Et ne recedamus ab exemplo matrimonii, cui hætenus institimus, Innocentius III. in Concilio Generali Lateranensi *relat. in cap. Cum inhibito, de clandestin. desponsat.*, matrimonium priusquam celebretur, publice in ecclesia denunciari præcepit; eandemque publicationem, ter facien-

dam statuit Tridentinum *cit. cap. 1. sess. 24. de reform. matrim.*, nisi Episcopus, aut omnes, aut earum aliquam remittendam censuerit, quod ejusdem judicio, & prudentiæ relinquitur: Parochus autem matrimonio interesse præsumens, cui legitimæ non præcefferint denuntiationes, suspensione ab officio, triennio duratura, aut etiam graviori poena plecti jubetur *in cit. cap. Cum inhibitiõ, §. final.*; a qua quidem suspensione, cujus tempus est a jure determinatum, non posse eundem, intra triennium, ab Episcopo absolvi, docent Sanchez *de matrim. lib. 3. disput. 52. num. 2.*, Gutierrez *de matrim. cap. 75. num. 22.*, & Pontius *lib. 5. cap. 37. num. 11*: Ipsi vero Contrahentibus, quia Ecclesiæ mandatum, in re sane gravi, contemnunt, condignam poenitentiam injungendam, *in eodem cit. §. final.* statuitur: Testibus tamen, qui ejusmodi matrimoniis assistunt, nulla poena, neque a Concilio Lateranensi, neque a Tridentino reperitur impolita: at nihilominus pleræque Dioecesanæ Synodi etiam in illos duxerunt animadvertendum, poena excommunicationis lætæ sententiæ; quamvis porro Soto *in 4. dist. 28. quest. 1. art. 2. §. Quis igitur absconum visum sit*, a particulari Synodo illam in prædictos testes irrogari poenam, a qua infligenda Concilia Generalia abstinerunt, ac proinde prælatas Constitutiones irritas existimaverit; rectius tamen earumdem validitatem propugnat, atque a Soti argumentis vindicat Sanchez *cit. lib. 3. disp. 46. num. 8.*: etenim cum testes præfati auctoritatem præstent matrimonio, ab Ecclesiâ interdicto, graviter profecto in Ecclesiæ leges delinquant: quapropter Synodales Constitutiones eorum culpam, debita coercentes poena, nihil agunt contra Canones, sed Canones ipsos tuerentur, ac foveant; sicuti animadvertit etiam Fagnanus *in cit. cap. Sicut olim, num. 78. de accusat.*, ubi loquens de Synodo Provinciali, quod in re, quam in præsens versamus, non plus auctoritatis habet, quam Dioecesana, ait: *Non tamen horum potestas adeo restringitur, quin multa statuere possint circa ea, quæ totam provinciam concernunt, præter jus commune . . . . , suisque decretis jus commune adjuvare, addendo novas poenas, vel antiquas augendo.*

3 In rem pariter cadit quod supra dicebamus de Clerico in Minoribus constituto, aut sola prima Tonsura initiato, nullum possidente Ecclesiasticum Beneficium, quem privilegio Fori gaudere noluit Tridentinum *cit. sess. 23. cap. 6. de reform.*, nisi habitum, & Tonsuram deferat, atque alicui ecclesiæ, ex mandato Episcopi inserviat: quale autem servitium debeat ab eo, ecclesiæ præstari, ut exemptionem nanciscatur, a Foro laicali, non fuit a Tridentino definitum: quare cum de re agatur, a jure prætermissa, licebit Episcopo, illam in sua Synodo determinare, normamque præscribere servitii, a Clerico impendendi ecclesiæ, cui est adscriptus, quemadmodum censuit sacra Congregatio Concilii in Oppiden. Clericalis servitii 10. Januarii 1660., *lib. 22. decretor. pag. 6.*; ubi ita legitur: *Quandoquidem non raro controversia oriuntur circa frequentiam, & qualitatem servitii præstandi per Clericos, ad effectum, ut junctis ceteris requisitis, Fori privilegio*

*privilegio gaudeant, supplex querit Episcopus Oppidensis, an Clericus incedens in habitu, & tonsura Clericali, qui semel in hebdomada, vel quater, ter, bis, aut semel in mense, Sacerdoti celebranti ministras in sacrificio Missæ, vel qui Superpelliceo quoque indutus, voties aliis interest Divinis Officiis, dicatur ecclesiæ inservire, ad præscriptum sacri Concilii Tridentini, itaus Fori Ecclesiastici privilegio gaudere debeat, an vero longius præstandum servitium, & quod, & quantum? Sacra Congregatio Concilii censuit remittendum arbitrio Episcopi.*

4 Unum tamen cavere debet Episcopus, nimirum, ne una cum qualitate servitii, ita etiam designet ecclesiam, cui sit præstandum, ut simul declaret, Fori privilegio excidere, qui eadem ministeria, a Synodo præscripta, in altera exerceat ecclesia: sacra quippe Congregatio Concilii jam alias decidit, Clericum Fori privilegium non amittere, etiamsi ecclesiæ inserviat, sine mandato Episcopi; aut non illi, quam Episcopus designavit, sed alteri samuletur ecclesiæ: quamvis enim Tridentinum voluerit, eum inservire ecclesiæ *ex mandato Episcopi*; hæc tamen conditio *mandati Episcopi* adeo levis visa est sacræ Congregationi, ut illius defectus non satis sit, ad spoliandum Fori privilegio Clericum, cetera, quæ potiora sunt, ab eodem Tridentino præscripta, exactè adimplentem, uti videre est apud Fagnanum in *cap. Si quis, num. 21. & seqq. de Foro competent.* & adhuc clarius constat ex responso, ab eadem sacra Congregatione dato in Senogallien., die 23. Januarii 1603. (*lib. 10. decretor. pag. 54.*), cujus verba sunt: *Sacra &c. censuit, Oratorem, Clericalem habitum, & tonsuram deferentem, quamvis alteri ecclesiæ, quam illi, cui ex mandato Episcopi ad inserviendum adscriptus fuit, inserviat, nihilominus privilegio Fori gaudere.* Atque iterum in Neapolitana, die prima Februarii 1614. (*lib. 11. decretor. pag. 139.*), cum eadem Congregatio, consultata, *An Clericus in minoribus Ordinibus constitutus, Clericalem habitum, & tonsuram deferens, atque ecclesiæ inserviens gaudeat privilegio Fori, si alicui ecclesiæ ab Episcopo adscriptus non sit.* Respondit *Gaudere.*

5 Neque hæc sacræ Congregationis responsa alteri adversantur Tridentini decreto *ejusd. sess. 23. cap. 16.*, ubi vestigiis inhærens sexti canonis Concilii Chalcedonenis, neminem in posterum Ordinibus iniciandum decrevit, *Qui illi ecclesiæ, aut pio loco, pro cujus necessitate, aut utilitate assumitur, ubi suis fungatur muneribus, non adscribatur, simulque Sacris interdicens præcepit, qui, inconsulto Episcopo, ab ecclesiæ se proripit, cui fuit alligatus: aliud siquidem est, Clericum posse compelli, ad inserviendum ecclesiæ, ab Episcopo designatæ; aliud posse Fori privilegio ideo privari, quod non illi, sed alteri ecclesiæ suum servitium impendat: primum certe, non itidem alterum, ex allegato Tridentini textu consequitur; quinimmo ex hoc aperte conficitur, sola suspensione a Divinis, aut interdictione ascensus, ad superiores Ordines, ejus esse puniendam contumaciam, qui, inconsulto Episcopo, ab ecclesiæ recedit, cui, in sui Ordinatione, fuit mancipatus, uti in suis suffragiis, hac super re diligenter*

elucubrat, concluderunt Carolus de Vecchis, & Prosper Fagnanus, celebres olim sacre Congregationis Concilii Secretarii, quæ extant *lib. memorialium* 52. pag. 16.

6 Ad rem quoque præsentem exornandam faciunt, quæ Eugenius IV. in *sua Constitut.* 27. §. 13. *Bullar. tom. 3. part. 3. pag. 39.*, & *Rituale Romanum tit. 9.* præcipiunt, recens natos infantes, quamprimum commode poterit, esse baptizandos: at neque Eugenius, neque *Rituale* tempus præfiniunt, intra quod, sint ad ecclesiam deferendi, ut salutari aqua abluantur; ac propterea integrum erit Episcopis, illud determinare, quod a S. Carolo Borromæo, atque ab aliis Episcopis in suis Synodis sapientissime factum videmus.

7 In eodem *Rituale Romano tit. 34.* legitur: *Nullum corpus sepeliatur, præsertim si mors repentina fuerit, nisi post debitum temporis intervallum, ut nullus omnino de morte relinqueretur dubitandi locus*: Neque hic certum tempus determinatur, quod effluere debeat, priusquam cadaver humetur; provide tamen, cum in *Actis Ecclesiæ Mediolanensis*, tum in aliis Synodis, tam Provincialibus, quam Dioecesanis cautum est, ne cadaver sepulture mandetur, nisi post duodecim ab obitu horas, si mors sit ex morbo secuta; & si repentina, vel violenta fuerit, nisi post viginti quatuor horarum intervallum, quemadmodum fufe habetur in *adnotat. ad Synodum Fulginatensem Episcopi Baptiffelli cap. 13. num. 6.*: hoc siquidem non est contraire, sed obsequi *Rituale Romano*, quod certo de morte conitare voluit, priusquam cadaver tumuletur.

8 Habens jus non tantum ad Beneficium, sed in ipso Beneficio, adeo certum, & manifestum, ut nequeat rationabiliter in quæstionem adduci, permittitur a sacris Canonibus pecunia redimere vexationem, sibi injuste illatam, quod desumitur ex *cap. Dilectus, 27. de sim.*, docentque S. Thom. 2. 2. *quest. 100. art. 2. ad 5.*, & in 4. *dist. 25. quest. 3. art. 2. questunc. 1. ad 7.*, S. Antoninus in *Summ. Theol. 2. pars., tit. 1. cap. 4. §. 2.*, Toletus in *Summ. lib. 5. cap. 90.*, Suarez *tom. 1. de relig. lib. 4. de simon. cap. 50.*, Valentia *tom. 3. commentar. Theol. disp. 6. quest. 16. punct. 3.*, Gibalinus *de simon. quest. 18.*, Navarrus *manual. cap. 23. num. 102.*, & *consil. 48. num. 44. de simon.*, Gonzalez in *cap. Mattheus, de simon. num. 2.*, Barbosa *ibid. num. 4.*: Neque a sacris Canonibus cautum est, intercedere debere auctoritatem Episcopi, ut quis tuta conscientia, possit pecuniam solvere, ne possessione exturbetur Beneficii, quod iuste, & legitime obtinet; nihilominus S. Carolus Borromæus scite perpendens, facile in hoc negotio posse quempiam hallucinari, atque, obtentu redimendæ injustæ vexationis, veram committere simoniam, sicuti contigit illi, quem Lucius III. in *cap. Mattheus, de simon.*, simoniaca labe fœdatus agnovit, eo quod pecuniam dedisset, ne ei retardaretur possessio Prælaturæ, ad quam, utpote electus a majori parte Capituli, habebat quidem jus *ad rem*, nondum tamen jus perfectum, & absolutum *in re*, quod juxta *cit. textum in cap. Dilectus*, necessario requiritur, ut possit in-  
justa

justa vexatio, pecuniæ solutione, propulsari, quemadmodum bene ponderant cirt. S. Thomas, S. Antoninus, Suarez, & Gonzalez, & fufe Nos explicuimus in *nostra Notific. 93.*, ubi ex professo de hac re tractauimus; hac, inquam, de causa, S. Carolus in *Concil. Provinc. 1. part. 2. (Act. Eccl. Mediol. part. 1. pag. 14.)* nemini licere sancit, ad redimendam in iustam vexationem, in causa Beneficiali, quidquam solvere, aut cum adversario transigere, sine Episcopi assensu, cujus erit investigare, an pecuniæ solutio, seu inita, inter secum de Beneficio contententes, pactio, omni careat fraude, & simoniæ suspitione: *Ne redimenda vexationis specie (nit) in causis Beneficiorum simoniæ actiones intercedant, nemini licere volumus, ad redimendam vexationem, ne in casibus quidem jure permissis, pecuniam dare, quidquamve pacisci, aut transigere, nisi Episcopi consensus accesserit; cujus partes erunt, & perspicere diligenter, an subsit aliqua fraus, & ubi rem fraude carere, & jure permissam esse cognoverit, non denegare ei qui petierit, facultatem se a vexatione liberandi.*

9 Diverſum judicium ferendum eſſet de alia, quam ſubjicimus, Conſtitutione. A Concilio Lateranenſi ſub Innocentio III. in cap. *Omnis utriusque ſexus, de panis. & remiſſ.*, cui concinit Tridentinum *ſiſſ. 13. can. 9. de ſacroſancto Eucharistiæ ſacramento*, omnes Fideles obſtricti ſunt præcepto, ſacram Eucharistiã percipiendi, ſaltem in Paſchate: tempus porro Paſchale, ad huic obtemperandum præcepto, quindecim dierum ſpatio, hoc eſt a Dominica Palmarum, uſque ad Dominicam in Albis, concludi, declaravit Eugenius IV. in ſua Conſtitutione 24. tom. 3. part. 3. *Bullar. pag. 33.* quod ſuperius Nos cap. 42. num. 3. pag. 428. prolixius explicuimus. Hoc poſito, videri poſſet Episcopo, ampliſſimam regenti dioceſim, ſas ſibi eſſe, tempus Paſchale, in ſua præſertim Synodo, ulterius etiam prorogare, puta uſque ad feſtum Aſcenſionis Dominicæ, vel ſanctiſſimæ Trinitatis; Verum ejuſmodi Synodalis Conſtitutio, ſi ederetur, corrigenda foret, ea quippe non decerneret, quod eſt a jure prætermiſſum, ſed, contra jus, limites ampliaret, ab ipſo jure jam præſinitos. Quocirca Cardinalis Cantelmus Archiepiſcopus Neapolitanus, probe noſcens, tantam ſibi non eſſe poteſtatem, uſque ad diem Aſcenſionis protendendi tempus, intra quod a ſuis ſubditis ſatiſfieri poſſet Paſchalis Communionis præcepto, illam ſibi fieri petiit a ſacra Congregatione, quæ, ob ingentem numerum populi, Neapolitanam urbem incolentis, petitam prorogationem conceſſit die 20. Martii 1694., quam idem Cardinalis in ſuam inferuit Dioceſanam Synodum, eodem anno celebratam; idemque præſtitum fuit ab ejus Succeſſore Cardinali Pignatello, in Synodo, quam habuit anno 1726.

*Alia proferuntur Synodales Constitutiones, quæ non ideo nutarunt, quod aliquid statuerint præter jus commune.*

1 **I**usserat Clemens VIII. dioecesis Calaguritanae Beneficia Clericis dumtaxat patrimonialibus conferri; quinam autem essent inter patrimoniales recensendi, non explicuit: Quocirca ad amputandas lites, quæ frequenter in Foro agitabantur, num aliquis ea polleret qualitate, quam requirebat Clementina Constitutio, Episcopi in suis Synodis necessarium putarunt, eandem Constitutionem declarare: edixerunt propterea, *patrimoniales* nequaquam habendos, qui mercede conducti, in loco habitabant, sed ad veram patrimonialitatem requiri, domicilium, incolatum, & civitatem. Adversum ejusmodi Synodales Constitutiones provocatum fuit ad sacræ Rotæ Auditorium: sed animadversum cum fuerit, Clementinam Constitutionem aliqua certe indigere explicatione, nullamque magis rationi, atque æquitati congruere, quam quæ a prædictis Synodis data fuerat, Rota illas censuit sustinendas *decif. 98. num. 2. coram san. mem. Alexandro VIII., & decif. 241. num. 6. coram Puntingerio.*

2 Ad obruncandas similiter lites super Decimis, a Clericis solvendis, e suorum Beneficiorum prædiis, alteri locatis, Episcopus Abulensis, in suis Synodalibus Constitutionibus anni 1557. sancivit, ut eorumdem prædiorum conductores prius fructus detraherent Clericis debitos, atque ex reliquis sibi obvenientibus Decimas penderent. Etiam hæc Constitutio fuit in judicium traducta, sed Rotæ Auditorium scite perpendens, nihil, per eam fuisse juri communi derogatum, sed modum dumtaxat præscriptum, & quidem rationabilem, atque apprimè aptum, ad obviandum litigiis, quo a quolibet, pro sua rata, Decimæ persolverentur, eam approbavit *decif. 1734. num. 17. & seqq. coram Coccino.*

3 Haud levis pariter fuit disputatio, in pluribus tribunalibus olim agitata, an sustinerentur Statuta, consuetudines, atque Ecclesiarum Constitutiones, etiam Synodali decreto roboratæ, quibus cavetur, ut fructus primi anni cujuslibet Beneficii, non illi, qui Beneficium obtinuit, sed defuncti Antecessoris heredibus obveniant. Rotæ Auditorium ejusmodi, sive consuetudines, sive Constitutiones quondam improbavit, in decisionibus relatis a Garcia de Beneficiis *part. 10. cap. 5. num. 141. & 142.*; Sed deinde, mutata sententia, easdem validas pronuntiavit *decif. 1053. coram Seraphin., decif. 660. num. 2. part. 4. divers., & in Leodien Canonicatus, & Scholasterie 10. Maji 1660. coram Bourlemont.* Hæc autem posterior opinio prævaluit, atque ab omnibus fere Auctoribus recepta, & propugnata est; Siquidem præfata Statuta non auferunt Beneficiario annales sui Beneficii redi-

reditus, sed hosce eidem reservant, post mortem pensandos; Idem quippe Beneficium transibit in Successorem, cum eodem onere, tradendi heredibus Decessoris, reditus primi anni, & sic deinceps: quocirca nihil in illis est, quod simoniam sapiat, aut quod adverteretur, vel Constitutioni Joannis XXII. in *Extravag. Suscepti, ne Sede vacante, inter comm.*, vel decreto Tridentini *sess. 24. cap. 14. de reform.*, vel Constitutioni 143. S. Pii V. (tom. 4. part. 3. *Bullar. pag. 109.*), vel demum Constitutioni 117. Innocentii XII. (tom. 9. *Bullar. pag. 413.*) in his enim solum damnantur illicitæ pactio- nes, atque pecuniæ erogationes, in aliorum Canonicorum commodum, non vero prohibetur dilatio solutionis reddituum primi anni, ad tempus mortis Beneficiarii, ut ei justæ reddantur exequiæ, & æs alienum, si quo sorte gravatus decesserit, solvatur, quemadmodum optime expensum fuit a sacra Congregatione Concilii; quæ post maturam articuli discussionem, nihil in prædictis Constitutionibus reprehendendum invenit, in Civitaten. Statutorum, die 24. Martii, & 9. Junii 1580., lib. 106. *Positionum pag. 9.*, atque in Mediolanen. 15. Maji 1580. tom. 115. *Positionum pag. 203.*, idem- que tradunt Suarez de relig. tom. 2. tract. 4. lib. 4. cap. 20. num. 9., Azor. instit. part. 1. lib. 12. cap. 4. quest. 4., Leon. *Thesaur. For. Eccles. cap. 32. num. 6.*, Guttierrez *Canonic. quest. lib. 1. cap. 29. num. 30.*, Garcia cit. cap. 5. num. 137. & plurib. seqq., Barbosa in collect. ad Trident. sess. 24. cap. 14. num. 3. & 8., & de Canonici cap. 15. num. 31., Panimoll. decif. 31. annot. 1. num. 17. & seq. tom. 1., Mean. in observat. ad jus Leodiense part. 3. observ. 277., & fufe Pitoni- us disceptat. Ecclesiastic. part. 3. discept. 57.

4 In dioecesi Toletana, ecclesiarum sacraliis Præfecti tot elemosyna- nas, pro Missis, in iisdem ecclesiis celebrandis, acceptabant, quibus satisfieri impossibile foret: quare ne Fidelium pietas elemosynam erogan- tium fraudaretur, Archiepiscopus, in suis Synodalibus Constitutionibus jussit, ut singuli ecclesiarum Præfecti, quolibet trimestri, & de perceptis elemosynis, & de celebratis Missis, exactam sibi rationem redderent; quod si Missæ numerum non exæquarent, ab elargientibus elemosynam præscriptam, liberum sibi esse voluit, earundem celebrationem alteri ecclesiæ committere. Etiam ejusmodi Constitutio acriter impugnata est, apud sacræ Rotæ tribunal; Plerisque enim videbatur Archiepiscopus, suæ potestatis limites prætergressus, quasi sibi jus usurpasset, piam com- mutandi Fidelium voluntatem, qui in illa speciali ecclesiâ Sacrificium pro se offerri voluerant, in quam consuetam contulerant stipem. Verum Rotæ Auditorium cum ponderaverit, non fuisse ab Episcopo absolute sanc- tum, ut Missæ extra ecclesiam celebrarentur, cui fuerant elemosynæ oblatæ, sed dumtaxat præscriptum, quid faciendum foret, quando in il- la tot Missæ celebrari non poterant, quæ oblati elemosynis responde- rent; cumque simul perpenderit, aliquod temperamentum necessario adhibendum fuisse, ne in prædicto casu, a jure communi non prævisio, prorsus eluderentur Fideles, elemosynam elargientes; utque iidem spe- cia-

cialem fructum, quem, erogata stipe, exoptabant, ex Sacrificio assequerentur, si non in illa, quam designaverant, ecclesia, alibi saltem oblato, idcirco laudatam Constitutionem commendavit, approbavitque *decif. 1436.*, & *decif. 1522. coram Coccino.*

5 Haud abfimilis quæstio sæpius delata est ad sacram Congregationem Concilii, a qua petatum fuit, quid foret agendum, cum ingens eleemosynarum copia in unam conferebatur ecclesiam, ut tot Missæ celebrarentur, in uno certo, & designato ejusdem ecclesiæ facello, quas tamen ibidem celebrare esset impossibile: Et sacra Congregatio censuit, Missarum celebrationem non esse, ultra hebdomadam differendam, sed in aliis saltem ejusdem ecclesiæ facellis explendam: Ne autem imponeretur Fidelibus eleemosynas erogantibus, per scriptam tabellam, in visibili ecclesiæ loco exponendam, notificari jussit, suscipiendis in posterum Missarum oneribus, satisfactum utique iri in altari, a Benefactoribus designato, si tamen intra unius hebdomadæ spatium fieri posset, sin minus in aliis ejusdem ecclesiæ altaribus, juxta sacre Congregationis rescriptum.

6 Notissima est Constitutio Concilii Lateranensis sub Alexandro III. in cap. *Quoniam*, de jure patronatus, in qua decernitur, ut vacante Beneficio juris patronatus, si Patronorum suffragia discissa fuerint, neque in eandem conspirent personam, Ille præficiatur ecclesiæ, qui majoribus fuerit meritis, & plurimorum eligatur, & probatur assensu: Quocirca, si ex decem Patronis, quatuor præsentent Petrum, tres Joannem, & reliqui tres Antonium, Petrus, si alias idoneus sit, erit de Beneficio instituendus, quemadmodum ad *dist. cap. adnotarunt Abbās num. 13.*, Gonzalez *num. 2.* Barbosa *num. 4.*, Fagnanus *num. 15.*, dummodo tamen præsentatio non fiat a pluribus, tanquam constituentibus unum Collegium; tunc enim eum solum, qui a majori parte totius Collegii, puta sex ex decem, præsentatur, esse instituendum, iidem Doctores advertunt, cum Lambertino de *jur. patron. lib. 2. part. 3. quæst. 4. art. 4.*. Si vero is, qui majora retulit suffragia, non reperitur idoneus, poterit alter præsentatus a paucioribus, qui se dignum, & idoneum præbeat, de Beneficio institui, sicuti iidem Doctores prosequuntur. Jam vero Episcopus Pampilonensis, in cujus dioecesi frequenter occurrebant prædictæ Patronorum in præsentando dissensionēs, in suis Synodalibus Constitutionibus, edixit, si deinceps contingeret, præsentatum a majori parte idoneum non reperiri, non esse admittendum præsentatum a minori, sed povam ab omnibus præsentationem faciendam. Putarunt nonnulli, hanc Constitutionem contraire juri communi, ex cujus censura, quando a majori parte præsentatur indignus, totum jus præsentandi devolvitur ad alios, quanquam numero pauciores; ac proinde qui ab his nominatus fuit, atque idoneus repertus, non videtur posse, sine injuria, Beneficio privari. Verum Rotæ Auditorium, in quo de præfatæ Constitutionis viribus est disputatum, illam ratam habuit, validamque pronuntiavit *decif. 125.*, & *decif. 1105. coram Coccino*: Siquidem in primis non



non omnes Patroni, sed tantum Ecclesiastici præsentantes indignum excidunt, pro ea vice, jure præsentandi, uti tradunt Silvest. *V. Jus patronatus, quest. 7. dist. 2.*, Lessius *de just. & jur. lib. 2. cap. 34. num. 29.*, Layman *lib. 4. tract. 2. cap. 13. num. 7.*, Vollenf. *ad tit. de jur. patron. §. 5.*, Barbosa *in cap. Cum autem, de jur. patron. num. 5.*, Deinde hæc ipsa poena ne Patronos quidem Ecclesiasticos afficit, qui non scienter, sed ignoranter, indignum præsentant, quibus propterea, intra semestrem, permitti, alium idoneum præsentare, docent Azor. *instit. part. 2. lib. 6. cap. 22. quest. 6. in fin.* Pirhing *ad tit. de jur. patron. num. 104. v. Aliud vero, Wiestner eod. tit. num. 133.*, aliique ab Azorio citi.; Præfata autem Constitutio Pampilonensis potuit commodè intelligi de solis Patronis laicis, aut, si etiam Ecclesiasticos comprehenderit, potuit locum sibi vindicare, in eventu, quod iidem, non scienter, sed ignoranter præsentaverint indignum: Quamobrem nihil in ea deprehensum est, quod juri communi refragaretur; quamvis enim etiam detur in utroque casu, liberum esse Episcopo admittere idoneum, a minori Patronorum numero præsentatum, ad eum tamen admittendum, nullo jure compellitur: Quinimmo *in cit. cap. Quoniam*, postquam jussus est instituire qui plurimorum eligitur, & probatur assensu, statim subjungitur: *Si autem hoc sine scandalo esse nequiveris, ordines Antistes ecclesiam, sicut melius eam, secundum Deum, videris ordinandam.*

7 Denique opus est adnotare, aliqua interdum a sacris Urbis Congregationibus edi responsa, quæ licet juri communi sint conformia, non tamen labefactant contraria Synodorum statuta, quæ alicubi, justis de causis, vigeant, neque ab istis in posterum servandis quempiam excusant; Ita quamvis a sacra Congregatione Concilii sæpius decisum fuerit, *De rigore juris, non posse a Parocho prohiberi, ne in publicis Oratoriis, suis intra sua parochia fines, Missæ celebrentur, ante Missam parochialem*, quod totidem verbis legitur *lib. 16. decretor. pag. 331. & 543.*; nihilominus si Episcopus in Synodo, aut etiam extra Synodum, contrarium juserit, ne populus retrahatur a Missa parochiali, & concione, in ea, per Parochum haberi solita, Episcopi præceptum prævalebit, eique erit obtemperandum, etiam ex ejusdem sacre Congregationis sententia, quæ die 25. Maji 1552. respondit: *Constitutiones Synodales disponentes, ut diebus festis, Missæ celebrari non debeant in aliis ecclesiis, nisi celebrata Missa in ecclesia parochiali, esse observandas, uti habetur lib. 19. decretor., pag. 191.*, & videri potest in nostra *Notific. 44.* Similiter a sacra rituum Congregatione anno 1703. plura emanarunt decreta, ad dirimendas contentiones, inter Parochos, & Capellanos Confraternitatum, intra parochiæ ambitum existentium, excitari consuetas, sed in iisdem decretis expressè cautum est, ea locum non habere, ubi aliud ab Episcopo, in suis Synodalibus Constitutionibus statutum fuerit, quod a Nobis pariter uberius explicatum est *Notific. 105.*

## CAPUT LXXI.

*Nonnulla recensentur rerum circumstantia, in quibus dubitari potest, an permittatur Episcopo aliquid constituere contra jus commune, aut Apostolicas sanctiones: Agitur precipue de facultate Episcopi Clericum suspendendi ab Ordinis exercitio ob occultum crimen, in foro externo non probatum; & de alienatione rerum Ecclesiasticarum, nulla ratione permittenda absque Apostolica Sedis assensu.*

**T**ales quandoque emergunt rerum circumstantiæ, a jure communi non prævisæ, ut ex quadam epikeja, seu tacita ipsiusmet juris permissione, liceat Episcopo jus commune relaxare, seu aliquid, contra ejusdem severitatem indulgere, præsertim si res dilationem non patiat, nec facile summus Pontifex consuli queat, ejusque suprema auctoritas implorari, sicuti docent Abbas in cap. final. de Constit. , num. 10., Felinus in cap. 1. num. 49. eod. tit., Barbosa de offic. & prest. Episc. alleg. 93. num. 32., & colligitur ex responso dato a sacra Congregatione Concilii in causa Egitanien. die 19. Aprilis 1692., de qua lib. 22. decretor. pag. 237. & seqq.

Non ideo tamen fas est Episcopo, hanc facultatem, ex mera juris benignitate, atque indulgentia, sibi competentem, in sua Synodo exerere, & quodammodo ostentare, edicendo scilicet, per modum universalis statuti, quod solum in aliquo specialissimo casu, est sibi permissum: id quippe ambitionem saperet, & temeritatem, quod scite animadvertit Fagnanus in cap. Sicut olim, de accusat., num. 80., iniquens: Ad evitandam omnem ambitionis, & præsumptionis suspicionem, abstinendum erit a promulgandis novis decretis, quæ juri communi, & Pontificiis Constitutionibus minus consonant, etiam in casibus a jure permissis: Quamvis enim Ducibus sæcularibus, contra Cæsareas leges aliquid statuere, sit interdum permilsum leg. 1. ff. de Constit. Princip., & leg. Omnes, ff. de just. & jur., nunquam tamen Episcopis datum est, quidquam contra Canones decernere, uti ponderant Panormitanus in cap. final. num. 9. de consuetudine, & in cap. Quod super, de majorit. & obed. num. 1., Felinus ibid. num. 2., Antonius de Butrio in cap. 1., num. 3. de translat. Episc. Rem, uti hæcenus consuevimus, congruis exponemus exemplis.

Concilium Tridentinum sess. 14. cap. 1. de reform. decrevit: Et, cui ascensus ad sacros Ordines a suo Prelato, ex quacumque causa, etiam ob occultum crimen, quomolibet, etiam extrajudicialiter fuerit interdictus: aut qui a suis Ordinibus, seu gradibus, vel dignitatibus Ecclesiasticis fuerit suspensus, nulla, contra ipsius Prelati voluntatem, concessa licentia de se promoveri, faciendo, aut ad priores Ordines, gradus, & dignitates, sive honores restitutio suffragetur; Ex quibus verbis colligitur, posse Episcopum ob occultum crimem, etiam

EXTRA-

extrajudicialiter cognitum, non solum Clericis prohibere ascensum ad superiores Ordines, sed etiam a suscepti jam Ordinis ministerio, eosdem interdicere: Quamvis enim in secunda decreti parte, ubi de suspensione est sermo, non iterentur illa verba *Etiam ob occultum crimen, quomodolibet etiam extrajudicialiter*: constans nihilominus, & perpetua sacræ Congregationis Concilii sententia fuit, ob continuationem sermonis, censi repetita, eaque utrumque casum complecti; Ab Episcopo siquidem Alerionensi interrogata, *An verba illa „ Ob occultum crimen, quomodolibet, etiam extrajudicialiter „ expressa in prima parte periodi, censeantur repetita in secunda parte, adeo ut inde colligi valeat, Prælatum nedum posse ob occultum crimen extrajudicialiter interdicere suo Subdito ascensum ad Ordines, sed etiam ob occultum crimen, posse etiam extrajudicialiter illum suspendere ab Ordinibus jam susceptis*: Sacra Congregatio die 24. Novembris 1657., re sedulo examinata, censuit, non recedendum ab antiquis declarationibus, super hoc eodem dubio pluries datis; ac proinde *Affirmative respondit* ( lib. 21. decretor. pag. 134. ). Et coherenter ad hanc responsum eadem sacra Congregatio die 16. Decembris 1730. sustineri dixit *Suspensionem a Divinis „ ab Episcopo Capritano ex informata tantum conscientia, duobus Sacerdotibus inflata, uti videre est in Thesaur. Resolut. tom. 5. pag. 81. „ idemque responsum dedit in causa Oritana, seu Tarentina 20. Augusti 1735., ejusd. Thesaur. tom. 7. pag. 115.*

4 Adeo porro verum est, posse Episcopum, virtute prædicti decreti, ex causa sibi nota, Clericum interdicere, tam Sacrorum exercitio, quam ascensu ad altioris Ordinis gradum, ut neque teneatur, *Causam suspensionis, seu delictum manifestare ipsi reo, sed tantum Sedi Apostolicæ, si suspensus ad eam recursum habuerit*; quod totidem verbis a sacra Congregatione responsum, legimus Episcopo Vercellensi die 21. Martii 1643. lib. 17. decretor. pag. 170. & seq.: Atque universim loquendo, Episcopum renuentem alicui Ordines conferre, nullo jure obstringi, ad manifestandam causam, cur eum repellat, neque ei, qui repulsus est, ullam competere appellationem, sed tantum permitti, adire Sedem Apostolicam, eique suas querelas exponere, eadem sacra Congregatio diserte declaravit, cum ad Cardinalem Antonium Barberinum, Archiepiscopum Remensem, Apostolica Limina visitantem, atque ipsa de re sacræ Congregationis sententiam sciscitantem, die 21. Aprilis 1668. in hunc modum respondit: *Cum nullus ordinari debeat, quem Episcopus suæ Ecclesiæ utilem, aut necessarium non judicaverit, Congregatio non semel declaravit, ab hujusmodi judicio nullam dari appellationem, sed recursum duntaxat ad Sedem Apostolicam, quæ, juxta ipsius Congregationis sententiam, per Gregorium XIII. fel. record. approbatam, quovis cumque Ordinaris recusaverit quemcumque ordinare, Metropolitano, aut viciniori Episcopo committit, ut ab eodem Ordinario prius requirat causam recusationis, quo legitimam non allegante, licet illi eundem recusatum ordinare. Itaque, si qui ex Diocesanis Episcoporum Eminentia vestra provincialium Sedem Apostolicam adierint, juxta prænaratam formulam, eorum querimonis consuletur, cui formula,*

mula, ut unum in præsens addant, consueverunt expedire EE. PP., videlicet, ut Metropolitanus, aut vicinior Episcopus, antequam commissas sibi partes exequi aggrediantur, paternæ curent, ut illi denuo apud suos Episcopos per tres vices suppliciter petant (lib. 16. litterar. visitationis sacrorum Liminum, pag. 401.)

5 Ex hoc vero, quod suspensus ab Episcopo, ob occultam causam, quam tamen Episcopus sibi notam asserit, appellare nequeat ad Superiorem, necessario consequitur, quod si nihilominus appellationem interponere, ejusque obtentu, in altari ministrare, seu quovis modo suum Ordinem solemniter exercere præsumat, statim incidat in irregularitatem: quidquid enim in contrarium senserint nonnulli Doctores, ita expresse definiuit sacra Congregatio Concilii in Sagonen. 21. Junii 1625. (lib. 24. Positionum, pag. 1.) ubi hæc adnotantur: *Episcopus Sagonensis ex facultate sibi attributa decreto Concilii cap. 1. sess. 14., ex causis sibi notis, suspendit Parochum ab exercitio Cura: sed ille appellavit, & præcepto Episcopi contempto, celebravit, & Curam exercuit. Queritur, an a dicta suspensione detur appellatio, itans Parochus, non obstante appellatione interposita, per exercitium Cura, effectus fuerit irregularis. Sacra Congregatio Concilii censuit, ab hujusmodi suspensione non dari appellationem, & Parochum, qui Sacramenta, ut supra ministravit, irregularitatem contraxisse.*

6 Sed quanquam hæc verissima sint, attamen reprehensibilis foret Episcopus, si in sua Synodo declararet, se deinceps, ex privata tantum scientia, poena suspensionis a Divinis, animadversurum in Clericos, quos graviter deliquisse comperit, quamvis eorum delictum non possit, in foro externo concludenter probari, aut illud non expediat in aliorum notitiam deducere: ejusmodi siquidem Constitutio quamdam redoleret ambitionem, atque potestatis ostentationem, ipseque Episcopus traduceretur veluti in superbiam elatus, quasi veller tantum in suum Clerum sibi dominatum adstruere, quod in exosam degeneret tyrannidem.

7 Nihil magis tritum, quam legem quamlibet humanam, etiam Canonicam, posse contraria consuetudine, quæ sit rationabilis, & legitime præscripta, abrogari, juxta Textum in cap. final. de consuetudin. ; & nihilominus, si alicubi reapse evenierit, ut contra aliquam juris communis, vel Apostolicæ Sedis sanctionem, prævaluerit consuetudo, quam oporteat tolerare, non propterea fas erit Episcopo, in sua Synodo Constitutionem edere, eidem consuetudini conformem, & Canonicis adversantem instituisse: Etenim, sicuti optime ratiocinatur Barbosa cit. allegat. 93. num. 29., quod consuetudo prævaleat contra legem Superioris, id oritur ex ipsomet Superioris consensu, qui eam, etiam suæ legi obviantem, cum rationabilis, & diuturna est, statuit tolerandam in cit. cap. final. de consuetud., unde fit, ut ejusdem Superioris auctoritati, & jurisdictioni nihil per illam censetur detractum; at si Inferior consuetudini, Superioris legi contrariæ, suo peculiari statuto vires adjicere velit, videbitur profecto auctoritatem sibi arrogare, delendi legem Superioris, quod in nullo rerum eventu, esse eidem

eidem permiffum, paulo ante præmonuimus. Quid autem in prædictis circumftantiis, antiquæ fcilicet confuetudinis a lege diffonantis, fit ab Epifcopo agendum, exemplo fuo indigitavit S. Carolus Borromæus.

8 Celebris eft Conftitutio Pauli II. in *Extravag. Ambitiofe*, de reb. Ecclef. non alienan. inter comm.; qua rerum ad Ecclefias pertinentium alienationes, fine beneplacito Apoftolico fieri prohibentur; & factæ, irritæ decernuntur: Cum autem nonnulla fint loca, in quibus hæc Conftitutio non eft moribus recepta, difputatur inter Doctores, an ea nihilominus fuas ibidem habeat vires; affirmantibus plerisque, aliis negantibus; ceteris vero diftinguentibus, inter alienationis contractus firmitatem, & poenas contrahentibus, ab eadem inflictas; ajunt quippe, alienationem fuftineri nequaquam poffe, quia beneplacitum Apoftolicum requiritur, tanquam ejuldem forma, fine qua actus, ubicumque geflus fuerit, fuftiftere nequit; Contrahentes vero in locis, ubi prædicta Conftitutio recepta non eft, non obtento Sedis Apoftolicæ confenfu, a cenfuris, aliifve poenis abfolvunt, in eadem ftatutis, quæ videri poffunt apud Quarantam in *compendio Bullarum*, verb. *Alienatio*, num. 45., Thomam del Benc de *immunit. Ecclef.* cap. 17. dub. 22., Hurtadum de *congrua*, tom. 1. lib. 1. *refolut.* 2. §. 3., Corradum in *praxi difpenfationum*, lib. 9. cap. 1., Donatum *rer. Regular.* tom. 1. *traft.* 14. *quæft.* 3., Pacion. de *locato*, cap. 14. §. 1. *per tot.*

9 Jam vero in dicecefi Mediolanenfi, quo tempore ei præerat S. Carolus Borromæus, mos invaluerat, alienandi Bona Ecclefiarum, inconfulta Apoftolica Sede; re tamen difcuffa, in quadam Congregatione Theologorum, & Canoniftarum, fingulis hebdomadis haberi confuecta, coram Vicario Generali, cujus erat dijudicare, an alienatio effet ceffura in evidentem Ecclefiæ utilitatem, confideravit ex una parte fanctiffimus Archiepifcopus Carolus, neque improbari, neque facile evelli poffe hanc fuæ dicecefis confuetudinem, quæ vetuiffima erat, altasque in ea egerat radices; at ex alia, abfonum, eidem videbatur, Mediolani non receptam, afferere Paulinam Conftitutionem, quam Pius IV. & S. Pius V. paulo ante confirmaverant, atque ubique jufferant cuftodiri. In hoc rerum ftatu, quamvis in fuis Synodis, omnia fingulatim, atque accurate digeffet, quæ ad rectam conducere fuæ dicecefis adminiftrationem, nihil de hac materia cenfuit deliberandum, fed per Abbatem Sperianum, fuum in Urbe negotiorum geftozem, Sedem Apoftolicam confultuit, ejulque fententiam popofcit; Cumque audiviffet summum Pontificem exoptare, ut Paulina Conftitutio in dicecefi Mediolanenfi mores induceretur, fupremi Paftoris voluntati ftatim obfequens, die ultima Aprilis 1584. catalogum promulgavit cenfurarum, & criminum, a quibus abfolvendi facultas, per facros Canones, Concilia, & Conftitutiones Apoftolicas, eft fimplici Confelfario adempta, ubi inter ceteras cenfuras, hanc etiam recensuit: *Qui Bona Ecclefiaftica alienant, & alienata recipiunt absque Sedis Apoftolica auctoritate.* Paulus II. in *Extravag. Ambitiofe*; qua quidem ratione fignificavit, quæ

in hac Extravaganti statuta sunt, etiam Mediolani esse religiose servanda. 10 Epistolæ Sancti Caroli ad Spetianum, ejusdemque Spetiani ad Sanctum Carolum responsa retulit sæpius a Nobis laudatus Altovitus in expositione causæ Mediolanen. *de reb. Eccles. non alienan.*, sacre Congregationis Concilii examini subjectæ, die 14. Martii 1682., quibus addidit epistolam, ab eadem sacra Congregatione, mense Novembris 1655., datam ad Dominicum Littam, Archiepiscopum Mediolanensem, & postea S. R. E. Cardinalem, qua eidem injunctum est, ut Paulinæ Constitutionis observationem urgeret; ex quibus omnibus intulit Altovitus Extravagentem *Ambitiosa* jamdudum in diocesi Mediolanensi receptam; Altoviti sententiæ adhæsit sacra Congregatio, quæ præfata die 14. Martii 1682. allegatum decretum anni 1655. renovavit, eique omnino parendum rescripsit. Quare Bonacina Auctor Mediolanensis *oper. moral. tom. 1. tit. de alienat. Bonor. Ecclesiasticor., disp. 2. punct. 5. propos. unic.*, sine ulla hæsitacione, asseruit, Pauli II. sanctionem vigere in diocesi Mediolanensi, etiam quoad censuras, aliasque poenas, sola excepta privatione Beneficii, ante sententiam, quam, licet in eadem Extravaganti inducatur, credit non esse Mediolani receptam.

11 Quod a S. Carolo in hoc gravi negotio gestum est, normam præbet Episcopis, ad quam in simili eventu se debeant conformare. Quamvis itaque in sua diocesi invaluisse deprehendant antiquam consuetudinem, sacris Canonibus, atque Apostolicis Constitutionibus contrariam, caveant, ne illam Synodali Constitutione roborent, & fulciant, sed priusquam, aut eam divellere, aut confirmare aggrediantur, Sedis Apostolicæ seclium exquirant, ejusque responsum expectent.

12 Ita in re haud absimili se gessit Episcopus Liparitanus. In antiquis Canonibus potestas datur Episcopo, novum monasterium, in sua diocesi construere volenti, donandi eidem quinquagesimam partem reddituum Ecclesiæ suæ; In Ecclesiam vero, qua monasticis non informabitur institutis, aut quam pro suis magnificare voluerit sepulchris conferre permittitur, centesimam partem census Ecclesiæ, cui præsidet, uti habetur in can. 5. Concilii Toletani IX. anni 655., relato a Gratiano in can. Bone, xii., quæst. 2. Toletanum canonem nonnihil limitavit Innocentius III. in cap. Apostolica, de donationibus, ubi statuit, non solum non posse Episcopum, e suæ Ecclesiæ proventibus plus donare, quam ei sit a præfato canone concessum, sed neque permissam ibidem reddituum Summam, aut etiam minorem, e sua Ecclesia distrahere, alterique elargiri, si id in grave cedat suæ Ecclesiæ detrimentum: Hoc semper est observandum, quod unus Episcopus, vel alius, non solum non debet amplius, sed nec tantum, nec minus, cum gravi Ecclesiæ suæ detrimento conferre: sive simul, & semel id facere velit, sive pluries, & successive, eisdem, vel diversis Ecclesiis conferendo. Inspecta hujusmodi canonum permissione, sibi licere putabat memoratus Episcopus Liparitanus, aliquam partem suæ Mensis reddituum distrahere, atque in perpetuum elargiri Capitulo

pitulo Cathedralis ecclesiæ, ad augendas distributiones quotidianas, quibus allicerentur Canonici, ad continuum servitium impendendum ecclesiæ; Nullum quippe grave detrimentum, per eam reddituum distractionem, suæ, alias locupleti Mensæ inferri judicabat; At nihilominus sibi obistere dubitavit, cum præfatam Constitutionem Pauli II., tum juramentum in sui consecratione præstitum, juxta formam præscriptam in Pontificali, quæ sic sonat: *Possessiones vero ad Mensam meam pertinentes non vendam, nec donabo, neque impignorabo, nec de novo infeudabo, vel aliquo modo alienabo, etiam cum consensu Capituli Ecclesiæ meæ, inconsulto Romano Pontifice: Et si ad aliquam alienationem devenero, penas in quadam super hac re edita Constitutione contentas eo ipso incurrere volo*; cujus quidem juramenti virtute, Episcopos omni se abdicare potestate, quidquam alienandi, etiam in casibus sibi alias a jure permittis, docent Navarrus in tract. de alien. rer. Eccles. num. 11. & seqq., Layman Theolog. moral. lib. 3. tract. 4. cap. 10. num. 9., Passerin. de stat. homin. tom. 1. quæst. 185. art. 7. num. 306., Pirhing ad 3. Decretal. tit. 13. sect. 3. §. 7. num. 57. In hac itaque dubietate noluit ipse Judicis partes assumere, suoque judicio quætionem dirimere, sed quæsit a sacra Congregatione Concilii, An absque Sedis Apostolicæ beneplacito, potuerit, aut possit applicare in perpetuum Capitulo ecclesiæ Cathedralis dictam ratam, seu totum videlicet 876. reddituum Mensæ Episcopalis in causam distributionum; Et sacra Congregatio die 5. Martii 1689. respondit: Negative.

## CAPUT LXXII.

*De dubitatione aliquando orta, an, & quando liceat Episcopo, in sua præferri Synodo, præfixire quantitatem reddituum Patrimonii, aut Beneficii, ad cujus titulum quis possit ad sacros Ordines promoveri.*

<sup>1</sup> Aliud nunc adducendum superest exemplum, respiciens Titulum sacræ Ordinationis, quod, ut rite exponatur, atque ad propositum referatur, nonnulla sunt præmittenda. Nemo ex Clero Sæculari sacris Ordinibus initiari potest, nisi prius legitime constet, eum Beneficium Ecclesiasticum, quod sibi ad vitum honeste sufficiat, pacifice possidere. Patrimonium vero, vel Pensionem obtinentes ordinari non poterunt, nisi quos Episcopus judicaverit assumendos, pro necessitate, vel commoditate ecclesiæ suarum, quemadmodum totidem verbis sancitum est a Concilio Tridentino sess. 21. cap. 2. de reform. Ut huic decreto morem gererent Episcopi, fere omnes in suis Synodis certam præscripserunt quantitatem reddituum, qui in ea diocesi censerentur sufficientes, ad honestam sustentationem Clerici; id quippe non potuit a Tridentino determinari, cum a regionum pendeat varietate: curarunt præterea obviare fraudibus, quæ nimium frequenter ab iis committuntur, qui ad titulum patrimonii promoveri petunt, quibus

bus etiam aditum occludere studuit sacra Congregatio Concilii pluribus sanctionibus, & decretis, quæ nos retulimus in *nostra Notific.* 26. Et quoniam majus fraudis periculum, quod in patrimonii constitutione timetur, est, ne illud fictum sit, aut a quodam Tertio assignatum, cum pacto inter se, & Clericum inito, ut hic ad sacros Ordines promotus, si aliunde acquirat, unde honeste victitare queat, Bona sibi in patrimonium assignata, eorumque usufructum domino restituat, & relinquat; propterea sacra Congregatio, ad hanc fraudem longius propellendam, sæpius definivit, non solum non licere Clerico patrimonium diutrahare, ad cujus titulum est ordinatus, sed neque cum aliis Bonis cujuscumque generis, sine Episcopi licentia, illud permutare, quod ex pluribus constat decretis in *cis. Notific.* allegatis, quibus alia hic subnectimus, nimirum in Terracinen. 20. Julii 1619. (*lib. 12. decretor. pag. 17.*), & die 16. Novembris 1686. (*lib. 36. decretor. pag. 449.*), ubi hæc leguntur: *Queritur, an verba illa Concilii in cap. 2. sess. 21. „Atque deinceps alienari „intelligenda sint, ut postquam Ordinatus adeptus fuerit, unde vivere possit, requiratur etiam licentia Episcopi. Sacra Congregatio censuit, requiri licentiam, quamvis Ordinatus sit adeptus; Quod quidem responsum sacra Congregatio dandum voluit ad similem quæstionem die 12. Julii 1687. hisce verbis propositam: An Bonis ad commodam sustentationem postea acquisitis, vel Beneficio sufficienti adepto, statim patrimonium evanescat; vel potius requiratur expressa subrogatio Bonorum, seu Beneficii assequuti ab Episcopo facienda, qua subrogatione expresse non facta, patrimonium adhuc vigeat, nec expiret, prædicta clausula non obstante.*

2 Hæc obiter: Ad titulum vero Beneficii quod speciatim attinet, Innocentius XII. in celebri Constitutione *Speculatores* (*tom. 9. Bullar. pag. 375.*) fancivit, neminem posse, ad titulum Beneficii, in aliena dioecesi obtentis, ab istius Episcopo Ordinibus initiari, nisi Beneficium tot ei annuos redditus subministraret, qui, detractis oneribus, ad congruam ejusdem sustentationem sufficiant. Excitata deinde controversia, an sufficientia esset præfinienda, ad normam taxæ Synodalis vigentis in dioecesi domicilii, an potius in ea dioecesi, ubi situm est Beneficium; sacra Congregatio, ut eam dirimeret, hanc adhibuit distinctionem: Aut Beneficium continuam exposcit, & perpetuam residentiam, aut ejusmodi obligationis vinculo Beneficiarium non obstringit: Si secundum, sufficientia erit desumenda a taxa Synodali, præfinita in loco, ubi Beneficiarius domicilium habet; si primum, a taxa præscripta in dioecesi, in qua Beneficium possidet, sicuti colligitur ex responsis datis in Alatrina, die 9. Julii 1701. (*lib. 51. decretor. pag. 393. a tergo*), in Ariminen. Ordinationis, 10. Januarii 1708. (*lib. 55. decretor. pag. 23.*), in Romana, seu Sanctæ Agathæ Gothorum, 27. Maji 1713. (*lib. 63. decretor. pag. 219. a tergo*): Huic eidem distinctioni adhæsit, eamque, suprema sua auctoritate, corroboravit Innocentius XIII. in sua Constitutione incipien. *Apostolici ministerii, in-*  
quiens:



quiens : Cum etiam juxta memoratam Innocentii XII. *Prædecessoris Constitutionem*, ratione, ac titulo Beneficii in aliena dioecesi obtenti, non aliter liceat Ordines ab Episcopo ejusdem dioecesis suscipere, quam si Beneficium sit ejus redditus, ut ad congruam vitæ sustentationem, detractis oneribus, per se sufficiat ; declaramus, sufficientiam hujusmodi præsumendam esse, non juxta taxam Synodalem, sive morem, pro promovendis ad sacros Ordines, vigentem in loco prædicti Beneficii ( nisi tamen illud continuam, & præcisam residentiam requirat ) sed juxta taxam, vel, ea deficiente, juxta morem in alio loco domicilii vigentem.

3 Hisce decretis facile alicui persuasum erit, omnes diremptas quaestiones, sacrae Ordinationis titulum respicientes ; Verum non ita se res habuit : Etenim cum Beneficio, ad cujus titulum quis promoveri exposcit, plerumque annexum sit onus celebrandi plures Missas, alia supererat enodanda difficultas ; Num scilicet ad definiendum, an Beneficium tot ex Beneficio obveniant redditus, quot, juxta taxam Synodalem, vel regionis consuetudinem, reputantur sufficientes, ad vitam honeste traducendam, detrahenda sint onera Missarum, quibus Beneficium prægravatur ; An potius soli sint æstimandi Beneficii fructus, nulla habita ratione adjecti oneris Missarum.

4 Non una erat hac in re Doctorum sententia. Opinabantur plerique, onera Missarum esse detrahenda, cum liberum est Beneficiario illis, vel per se, vel per alium satisfacere ; secus vero cum Missas per se ipsum celebrare tenetur ; Siquidem in primo casu, si in morbum incidat, quo a celebrando præpediatur, debet alteri Sacerdoti consuetam elemosynam elargiri, ut Missas faciat ; ac proinde, si morbus diuturnus sit, periculum erit, ne Beneficiarius, ad extremam redigatur mendicitatem, cui sacri Canones, ac præcipue Tridentinum obviare voluerunt, cum titulum, sive patrimonii, sive Beneficii in Clerico Sæculari exegerunt, ut ad sacros Ordines valeat promoveri ; ejusmodi autem periculum, iidem Doctores abesse ajunt, in secundo casu ; qui enim tenetur Missas celebrare per se ipsum, tempore quo ægrotat, aut alio detinetur legitimo impedimento, nulla afficitur obligatione, celebrandi per alium, quemadmodum, aliis allegatis, tradit Leander *oper. moral. tom. 2. tract. 8. disp. 7. quest. 19.*

5 Arbitrabantur alii, Missarum onera, in neutro casu esse detrahenda : Etenim, cum elemosyna, quæ Sacerdoti datur, sit quasi stipendium suæ sustentationis, uti ait D. Thomas 2. 2. q. 100. art. 2. ad 2., nulla ratio patitur, eam excludere a censu reddituum, qui sufficientem sustentationem Sacerdoti suppeditant. Neque in contrarium facit, quod tempore infirmitatis Sacerdos, cui liberum est celebrare per alium, huic teneatur elargiri stipem, ad sui ceteroquin alimoniam, necessariam : hic siquidem casus infrequens est, quem jura non respiciunt : secus in constitutione patrimonii, habenda pariter esset ratio ingruentis belli, imminentis alluvionis, similisque infortunii, cui obnoxia sunt prædia in patrimonium assigna-

assignata. Ad hæc etiam Sacerdotem, cui onus incumbat celebrandi, per se ipsum, si impediatur infirmitate, quæ sit diuturna, teneri suæ obligationi satisfacere, per alium, rectius docent Cardinalis De Lugo de *sacram. Eucharist. disp.* 11. *sect.* 2. *num.* 48. & 49., Diana in *edit. coord.* tom. 2. *tract.* 1. *resolut.* 59., Passerin. de *stat. homin.* tom. 2. q. 587. *art.* 4., quorum sententiam sectata est sacra Congregatio Concilii in Romana Celebrationis Missarum 4. Junii 1689., atque in alia Romana 2. Octobris 1721., ac proinde nullum, quantum attinet ad rem præsentem, videtur ponendum discrimen, inter eum, qui tenetur Missas, per se ipsum celebrare, ac alterum, cui potestas est, celebrandi per alium.

6 In hac opinionum varietate satius duxerunt aliquot Episcopi sacre Congregationis Concilii sententiam efflagitare, & Nos, qui eidem eramus a Secretis, ut Patres unico intuitu omnia inspicerent, quæ ad materiam pertinerent, quod semper consuevimus, cum difficilior occurreret examinandus causæ articulus, diligentem exaravimus dissertationem, quæ extat tom. 2. *Theaur. resolut. pag.* 214., ubi cujuslibet ex diversis, quas retulimus, Auctorum sententiis, præcipua expendimus rationum momenta. Actum fuit de hac quæstione die 8. Augusti 1722., iterumque die 24. Aprilis 1723., ac tandem die 17. Julii ejusdem anni decisum, rem permittendam conscientiæ, & arbitrio Ordinariorum, qui spectatis locorum, & personarum conditionibus, vel in particularibus eventibus, vel etiam in Synodo, per modum legis, decernant, an onera Missarum sint, aut non sint detrahenda e redditibus Beneficii, e quibus Ordinandus suam honestam sustentationem est percipiturus.

7 Quamobrem, absque periculo obviandi juri communi, & sacro Concilio Tridentino, tuto poterit Episcopus in sua Synodo, non solum præfinire quantitatem proventuum, qui censeantur sufficientes, ad alimoniam subministrandam Clerico, suam incolenti dioecesim, sed etiam statuere, & determinare, num inter ejusmodi proventus sit numeranda, an potius detrahenda stipēs, respondens numero Missarum, ad quas celebrandas Clericus, sive per se, sive per alium adigitur, lege sibi indicta a Fundatore Beneficii, quod possidet.



## LIBER VIII.

DE CETERIS, AD DIOECESANAM  
SYNODUM PERTINENTIBUS.

**U**T quæcumque ad hoc argumentum pertinent, exequamur, nonnulla supersunt adnotanda, quæ, aut in fine Synodi, aut Synodo jam absoluta, fieri solent, & quæ exinde oriuntur difficultates, restant breviter enucleandæ.

## CAPUT I.

*De verbo Placet, quo Synodales Constitutiones solent alicubi  
ab Adstantibus approbari.*

**1** IN pluribus dioecesebus usus invaluit, ut lectis Synodalibus Constitutionibus, omnium, qui Synodo adsunt, exquiratur consensus, per verbum *Placet*, a singulis exhibendus; huic vero consuetudini adimplatur Pontificale Romanum, quod agens de ordine ad Synodum, ait: *Post hæc leguntur Constitutiones, si quæ sint, per Synodum approbandæ; ex quo colligi videtur, consensum saltem majoris partis eorum, qui Synodo interfunt, necessarium esse, ut Constitutiones per Episcopum editæ robur obtineant, & efficaciam, parendique obligationem in universam inducant dioecesim, juxta ea, quæ de sensu, & vi verbi Placet leguntur in comment. nov. ad Concilium Illiberitanum tom. I. collect. Concilior. Hispan. Cardinalis de Aguirre pag. 327. Equidem Joannes Petrus Gibert in suo corpore juris Canonici tom. I. part. I. tit. 18., satis prolixam concinnavit dissertationem, de auctoritate Presbyterorum, in Synodo Dioecesana, ubi pluribus suadere conatur, eosdem ad Synodum vocatos, habere votum decisivum; additque, quod si hoc illis abjudicaretur, consultivum saltem debeat omnino iisdem attribui.*

**2** Verum rem aliter se habere, fateri compellitur, qui declinare velit errorem Aerii, a Calvino renovatum. Aerius, Presbyter Arianus, quarto Ecclesiæ sæculo, cum Episcopatum, quem ambiverat, non fuisset assecutus, ut se ipsum solaretur, docuit, nihil plane discriminis intercedere, inter Episcopum, & Presbyterum, sicut refert S. Epiphanius *heres. 75.* Extinctam Aerii hæresim, inclinante sæculo XIV. excitavit Joannes Wiclefius, a quo eandem hausit Calvinus, qui *instit. lib. 4. cap. 4.* asserit, Episcopum nullum habere in Presbyteros dominatum, sed eas tantum partes, quas habet Consul in Senatu, ut referat de negotiis, sententias roget ..... & quod communi consilio decretum fuerit, exequatur. At Ecclesiæ Catholicæ

Tom. XII. D d d d firmis-

firmissimum dogma est, Episcopos esse superiores Presbyteris, non solum potestate Ordinis, sed etiam jurisdictionis. Hanc veritatem, contra Calvinum, definivit Tridentinum sess. 23. can. 6., eandemque iterum impetitam a Calvini affecta Salepasio, sub larvato nomine *Wallonis Messaleni*, strenue propugnavit Petavius, tribus de Ecclesiastica Hierarchia libris; idemque contra Blondellum, ejusdem sectæ Calvinianæ Ministrum, præstitit Natalis Alexander *dissert. 44. ad sec. iv.*

3 Ex eo porro, quod Episcopi sint superiores Presbyteris, potestate jurisdictionis, necessario consequitur, posse ab illis leges ferri, quibus Presbyteri, etiam inviti & reluctantes cogantur obtemperare; ut enim optime agebat Gerson *de potest. Eccles. considerat. 4. (tom. 2. oper. part. 1. pag. 230.)*: *Potestas Ecclesiastica jurisdictionis in foro exteriori est potestas Ecclesiastica coercitiva, quæ valet exorceri in alterum, etiam invitum, ad dirigendum Subditos in finem beatitudinis æternæ . . . . Proprie vero dicitur jurisdictio facultas, seu potestas propinqua dicendi, vel sententiandi in alterum, etiam invitum.* Hanc eandem potestatem Episcopis asseruerunt omnes antiqui Patres: Etenim S. Justinus *apolog. 1. ad Imperatorem num. 67.*, rationem reddens disciplinæ, quam Christiani ab Apostolia acceperant, singularem Præpositum, supra Fideles constitutum commemorat, cui reliqui subdescentur, atque obedirent; Et Dionysius, *Corinthiorum Episcopus*, qui circa annum Domini 180. vivebat, scribens ad Pinytum, Gnossiorum Episcopum, *apud Ensch. lib. 4. hist. cap. 23.*, agnovit profecto in Episcopo auctoritatem, suos Clericos obstringendi legibus, & præceptis, cum Pinytum admonuerit, *Nè grave onus castitatis, Fratrum cervicibus tanquam necessarium imponat, sed ejus, quæ in plerisque hominibus inest, infirmitatis rationem habeas.* Idem fateretur S. Irenæus *lib. 4. adversus hæreses cap. 26. num. 2.*, inquit: *Quapropter eis, qui in Ecclesia sunt, Presbyteris obaudire oportet his, qui successionem habent ab Apostolis, qui cum Episcopatus successionem, christiana veritatis certum, secundum placitum Patris acceperunt;* & magis aperte Cyprianus *epist. 27. ad Lapsos*: *Inde (a Christo Domino) per temporum & successionum vires Episcoporum ordinatio, & Ecclesia ratio decurrit, ut Ecclesia super Episcopos constitutur, & omnis actus Ecclesia per eosdem Præpositos gubernetur;* Hieronymus vero, quem frustra Blondellus in suas partes trahere tentavit, quamvis nonnullis in locis, præsertim in *comment. cap. 1. epist. ad Titum, & epist. 85. ad Evagrium*, subobscurè loquatur, alibi tamen mentem suam clarius explicans, Catholicum dogma tuetur: Etenim *epist. 52. ol. 2. ad Nepotianum num. 7. (tom. 1. oper. col. 260.)* ait: *Esse subiectus Pontifici tuo, & quasi anime parentem suscipe, & epist. 41. ol. 54. ad Marcellam num. 3. (col. 187.)*, hoc inter Catholicos, & Montanitas ponit discrimen: *Apud nos Apostolorum locum Episcopi tenent: apud eos Episcopus tertius est;* In dialogo vero adversum Luciferianos, adeo manifestè totam potestatem jurisdictionis in unius dioecesis Episcopo reponendam putavit, ut secus unitatem Ecclesiæ consistere non posse affirmaverit *num. 9. (tom. 2. oper. col. 182.)*:  
Eccle-

*Ecclesia salus, in summi Sacerdotis dignitate pendet: cui si non exors quaedam, & ab hominibus eminens detur potestas, tot in Ecclesiis efficiuntur schismata, quot Sacerdotes.* Missa facimus alia quamplurima, cum ejusdem Hieronymi, tum S. Ignatii Martyris, Tertulliani, Clementis Alexandrini, Origenis, aliorumque Patrum, in eandem rem luculenta testimonia, quæ videri possunt apud laudatos Petavium, Natalem Alexandrum, Bellarminum lib. 1. de Clericis cap. 14., & Josephum Binghamum *origin. Eccles.* tom. 1. lib. 2. cap. 1. §. 2., qui quidem Auctor, licet Heterodoxus, nihilominus, hac in re, a Catholicis non dissentit.

4 Non idcirco tamen negamus, consuevisse, immo & quandoque, in rebus gravioris momenti, debuisse etiam Episcopos, priusquam quidquam decernerent, inferiorum Presbyterorum consilium, & sententiam exquirere, ut tali pacto, majus pondus, majoremque auctoritatem suis decretis conciliarent: ita quippe cautum legimus can. 35. al. 27. inter Apostolicos ex versione Dionysii Exigui: *Episcopos gentium singularum sciri convenit, quis inter eos primus habeatur, quum velut caput existiment, & nihil amplius præter ejus conscientiam gerant, quam illa sola singuli, quæ parochia propria, & villis quæ sub ea sunt, competunt. Sed nec ille, præter omnium conscientiam faciat aliquid. Sic enim unanimitas erit, & glorificabitur Deus per Christum in Spiritu Sancto.* Concilium vero Carthaginense IV. cap. 22. (tom. 1. collect. Hard. col. 980.) præcepit, *Ut Episcopus sine concilio Clericorum suorum, Clericos non ordinet, ita ut civium convenientiam, & testimonium quærat, & cap. 23., Ut Episcopus nullius causam audiat, absque præsentia Clericorum suorum.* Quamobrem Auctor *Constit. Apost.* lib. 2. cap. 28. Presbyteros appellavit *Consiliarios Episcopi*; & Hieronymus lib. 2. in cap. 3. v. 3. *Isaia* (tom. 4. oper. col. 51.) *Et nos (inquit) habemus in Ecclesia Senatum nostrum; cœtum Presbyterorum, quem quidem Sacerdotum Senatui Origenes in Mathæum comparat Senatui, in qualibet civitate constituto; a quo civitatis negotia administrantur; quamvis porro istius Senatus caput, & princeps esset Episcopus, cujus solius sententia ceterorum placito præponderaret; attamen Cyprianus, ab ipso sui Episcopatus exordio, hanc sibi inetipsi legem indixerat, nihil ut aggrediretur rei, quæ suæ Ecclesiæ gubernationem respiceret, sine ejusdem Senatus consilio, nec sine totius plebis consensu, quod ipsemet testatur epist. 5. ad Presbyteros, & Diaconos scribens: Ad id vero, quod scripserunt mihi Compresbyteri nostri, Donatus, & Fortunatus, Novatus, & Gordius, solus rescribere nihil potui, quando a primordio Episcopatus mei statuerim, nihil sine consilio vestro, & sine consensu plebis, mea privæim sententia gerere.* Videri potest de hoc argumento Altaferra in *vinculis Ecclesiastica jurisdictionis* lib. 11. cap. 12.

5 Verum cum postea in qualibet diœcesi, nimium auctus fuerit Sacerdotum numerus, quos proinde difficile foret Episcopo, quoties sibi opus esset, in unum convocare, atque in consilium adhibere, inde factum est, ut soli Canonici ecclesiæ Cathedralis, quos jam sere ubique recepta

Crodogangi Institutio, seu communis vitæ ratio, ætiori vinculo, veluti membra cum capite, Episcopo devinciebatur, fuerint in ejusdem Consiliarios adsciri, quemadmodum observat Mabillon, tom. 2. *annal. Benedic.* ad an. 837. ac prosequitur Thomassinus de *vet. & nov. Eccles. discipl. part. 1. lib. 3. cap. 9. & seqq.* Et profecto ambigi non potest, quin etiam hodie, jure Decretalium, Canonici ecclesiæ Cathedralis sint Consilarii nati Episcoporum, adeo ut non liceat Episcopo, aliquid, gravis momenti negotium aggredi, & deliberare, inconsulto Capitulo: *Novit tua discretionis prudentia* (inquit Alexander III. in cap. *Novit, de his que sunt a Prælati &c.*, scribens ad Patriarcham Hierosolymitanum) *qualiter tu, & Fratres tui unum corpus sitis, ita quod in caput, & illi membra esse probantur; unde non decet te, omissis membris, aliorum consilio in Ecclesia tua negotiis uti; et in cap. Quanto seq. ad eundem: Fraternitati tue mandamus, quatenus in concessionibus, & confirmationibus, & aliis Ecclesiæ tue negotiis, Fratres tuos requiras, & cum eorum consilio, vel sanioris partis, eadem peragas, vel pertraheas: & qua statuenda sunt, statuas, & errata corrigas, & evellenda dispices, & evellas.*

6 Sed licet Episcopus teneatur sui Capituli consilium exquirere, non propterea tamen teneretur illud sequi, nisi in casibus a jure expressis; latum liquidem intercedit discrimen, inter consilium, & consensum, ubi enim jura Capituli consensum exposcunt, illud facere cogitur Episcopus: quod major pars Canonicorum faciendum, concluderit; ubi vero solum exigunt Capituli consilium, suæ obligationi faciet satis, si Canonicos consulat, quin deinde, ulla adigatur lege, ad eorumdem amplectendam sententiam, quod colligitur ex cap. *Com olim 7. de Arbitr.* & cap. *1. de Capell. Monac.*, traditque cum communi Gonzalez in cap. *Cum in veteri 52., de elect. num. 4.* Nec proinde frustraneum erit reputandum Canonicorum consilium; etsi enim Episcopus non teneatur illud sequi, consulentium tamen rationibus instruitur, atque edocetur, ne inconsiderate, & præcipitanter agat, uti ad rem ponderant Silvester *V. Consilium*, & Engel ad *tit. de iis, que sunt a Prælati, num. 1.*, quæ etiam causa est, cur Romanus Pontifex non soleat ardua negotia, sine Fratrum suorum, idest S. R. E. Cardinalium, consilio, decernere, quamquam sciat supremæ suæ potestatis exercitium ab eorumdem assensu nequaquam pendere, quod scite adnotarunt Glossa in cap. *Fundamenta, v. Contingeret, de elect. in 6.*, Hieronymus Gonzalez ad *regul. 8. Cancell. gloss. 46. num. 62.*; & Menoch. *presumpt. 34. num. 24. lib. 6.*

7 Sicuti porro Cardinales, quia sunt Assessores, Collatorales, & Coadjutores Papæ, uti ega vocat S. Bernardus *lib. 4. de considerat. ad Eugenium*, ideo cum a Papa in consilium adhibentur, tenentur, quid coram Deo sentiunt, ingenue aperire: Cum per ipsum Romanum Pontificem (verba sunt Nicolai III. in *cit. cap. Fundamenta, de elect. in 6.*) in quibuscumque negotiis contingeret eorum potestates, in consulendo per omnia liberi, eidem Romano Pontifici, in amicus, qua pro tempore imminet, libere consulant, & assi-

*assistans*; nec possunt, sine culpa, consilium suum reticere, aut ambiguis verbis obductum proferre, etiam si praevideant, illud ab aliis Cardinalibus, atque ab ipso Pontifice respuendum, quod recte tradunt Hieronymus Albanus *de Card. quest.* 10., & Hieronymus Platus *de Cardinalis dignitate, et offic.* cap. 28., ita Cathedralium ecclesiarum Canonici, ab Episcopo requisiti, debent mentem suam, ea, qua utique decet, modestia, sed pari animi sinceritate, manifestare, etiam si de rebus consulantur, in quibus sciunt, liberum esse Episcopo, ab eorumdem Canonicorum consilio deviare.

8 Quenam autem sint res, de quibus Episcopus deliberare nequit sine consensu Capituli, & quanam illæ, quas decernere valet, audito dumtaxat Capituli consilio, fuscè explicant Doctores *ad cit. tit. de iis, qua fiunt a Prælati* &c. ita præsentis instituti est, singulatim recensero. Unum tamen animadvertimus, multum scilicet, hac in re deserendum esse locorum consuetudini, qua induci potest, ut Episcopus solutus sit ab obligatione, qua ceteroquin, spectato jure communi, teneretur, requirendi sui Capituli consensum, aut etiam consilium, quod aperte colligitur *ex cap. Ea noscitur, de iis, qua fiunt a Prælati, & ex cap. Non est, de consuetudine* in 6., docentque Stephanus Gratianus *discept. forens. cap.* 100. num. ult., Zerola *in prax. Episcop.* part. 1. V. Capitulum, num. 8., Barbosa *de Canonici* cap. 42. num. 19., Fermolinus *de potest. Capituli Sed. Vac. tract.* 2. quest. 1. num. 4.

9 Jam vero, ut hæc, quæ præmissimus ad rem nostram accommodemus, cum hodie cujuslibet particularis Ecclesiæ Senatus, non ex omnibus dioeceseos Sacerdotibus, sicut olim, sed ex solis constituatur Canonici ecclesiæ Cathedralis, necesse utique non est, ut Episcopus novas Constitutiones in Synodo promulgaturus, totius Cleri sententiam efflagitet, sed satis est, si sui Capituli consilium exposcat, etsi illud sequi non teneatur, nisi in ipsis Constitutionibus aliquid decernatur de re, puta de Ecclesia parochiali alicui collegio, aut monasterio perpetuò unienda, ad quam jura majoris partis Capitularium exigunt consensum, Quainimmo ab ea ipsa obligatione petendi Capituli consilium solutus erit Episcopus, qui per legitime præscriptam consuetudinem, jus sibi acquisierit, novas leges condendi, & publicandi, inconsulto Capitulo, quod reapse contigisse in dioecesi Gerundenſi testatur Romaguera *ad Constitutiones Synodales Gerundenſis* lib. 1. tit. 1. cap. 1. num. 20.; & siquidem contrariorum eadem est disciplina, obstringeretur Episcopus, non solum consilium, sed etiam sui Capituli consensum expetere, ubi idem Capitulum id juris, ex antiqua consuetudine sibi vindicasset. Constant hæc omnia ex pluribus sacre Congregationis Concilii, quæ subnectimus, responsis.

10 In causa Urgellen., anno 1581, (*lib. 3. decretar. pag.* 32.) quaestum fuit, *An statum Concilii Tridentini cap. 2. sess. 24. Constitutiones editæ, aut qua in Synodalibus Constitutionibus de cetero fiunt, de consensu Capituli fieri debeant*;

Crodogangi Institutio, seu communis vitæ ratio, archiori vinculo, veluti membra cum capite, Episcopo devinciebat, fuerint in ejusdem Consiliarios adsciti, quemadmodum observat Mabillon, *tom. 2. anal. Benedict. ad an. 837.* ac prosequitur Thomassinus *de vet. & nov. Eccles. discipl. part. 1. lib. 3. cap. 9. & seqq.* Et profecto ambigi non potest, quin etiam hodie, jure Decretalium, Canonici ecclesiæ Cathedralis sint Consiliarii nati Episcoporum, adeo ut non liceat Episcopo, aliquid, gravis momenti negotium aggredi, & deliberare, inconsulto Capitulo: *Notis tue discretionis prudentia* (inquit Alexander III. in cap. *Novis, de his que fiunt a Prælati &c.*, scribens ad Patriarcham Hierosolymitanum) *qualiter tu, & Fratres tui unum corpus sitis, ita quod in caput, & illi membra esse probantur; unde non deceat te, omissis membris, aliorum consilio in Ecclesia tua negotiis uti; et in cap. Quanto seq. ad eundem: Fraternitati tue mandamus, quatenus in concessionibus, & confirmationibus, & aliis Ecclesiæ tue negotiis, Fratres tuos requiras, & cum eorum consilio, vel sanioris partis, eadem peragas, vel pertrahes: & qua statuenda sunt, statuas, & errata corrigas, & evellenda distipes, & evellas.*

6 Sed licet Episcopus teneatur sui Capituli consilium exquirere, non propterea tamen tenetur illud sequi, nisi in casibus a jure expressis; latum siquidem intercedit discrimen, inter consilium, & consensum, ubi enim jura Capituli consensum exposcunt, illud facere cogitur Episcopus: quod major pars Canonicorum faciendum, concluderit; ubi vero solum exigunt Capituli consilium, suæ obligationi faciet satis, si Canonicos consulat, quin deinde, ulla adigatur lege, ad eorundem amplectendam sententiam, quod colligitur ex cap. *Cum olim 7. de Arbitr. & cap. 1. de Capell. Monac.*, traditque cum communi Gonzalez in cap. *Cum in veteri 52., de elect. num. 4.* Nec proinde frustraneum erit reputandum Canonicorum consilium; etsi enim Episcopus non teneatur illud sequi, consulentium tamen rationibus instruitur, atque edocetur, ne inconsiderate, & præcipitanter agat, uti ad rem ponderant Silvester V. *Consilium*, & Engel *ad tit. de iis, que fiunt a Prælati, num. 1.*, quæ etiam causa est, cur Romanus Pontifex non soleat ardua negotia, sine Fratrum suorum, idest S. R. E. Cardinalium, consilio, decernere, quamquam sciat supremæ suæ potestatis exercitium ab eorundem assensu nequaquam pendere, quod scite adnotarunt Glossa in cap. *Fundamenta, v. Contingeret, de elect. in 6.*, Hieronymus Gonzalez *ad regul. 8. Cancell. gloss. 46. num. 62.*; & Menoch. *presumpt. 34. num. 24. lib. 6.*

7 Sicuti porro Cardinales, quia sunt Assessores, Collaterales, & Coadjutores Papæ, uti ega vocat S. Bernardus *lib. 4. de considerat. ad Eugenium*, ideo cum a Papa in consilium adhibentur, tenentur, quid coram Deo sentiunt, ingenue aperire: *Cum per ipsum Romanum Pontificem* (verba sunt Nicolai III. in cis. cap. *Fundamenta, de elect. in 6.*) *in quibuscumque negotiis contingeret eorum peti consilia, in consulendo per omnia liberi, eidem Romano Pontifici, in omnibus, que pro tempore imminuent, libere consulant, & assi-*



*assistant*; nec possunt, sine culpa, consilium suum reticere, aut ambiguis verbis obductum proferre, etiam si praevideant, illud ab aliis Cardinalibus, atque ab ipso Pontifice respuendum, quod recte tradunt Hieronymus Albanus *de Card. quest.* 10., & Hieronymus Platus *de Cardinalis dignitate, & offic.* cap. 28., ita Cathedralium ecclesiarum Canonici, ab Episcopo requisiti, debent mentem suam, ea, qua utique decet, modestia, sed pari animi sinceritate, manifestare, etiam si de rebus consulantur, in quibus sciunt, liberum esse Episcopo, ab eorundem Canonicorum consilio deviare.

8 Quænam autem sint res, de quibus Episcopus deliberare nequit sine consensu Capituli, & quænam illæ, quas decernere valet, audito dumtaxat Capituli consilio, fusc explicant Doctores *ad cit. tit. de iis, qua fiunt a Prælatiis &c.*, nec præsentis institui est, singulatim recensere. Unum tamen animadvertimus, multum scilicet, hac in re deferendum esse locorum consuetudini, qua induci potest, ut Episcopus solutus sit ab obligatione, qua ceteroquin, spectato jure communi, teneretur, requirendi sui Capituli consensum, aut etiam consilium, quod aperte colligitur *ex cap. Ea nescitur, de iis, qua fiunt a Prælatiis, & ex cap. Non est, de consuetudine in 6.*, docentque Stephanus Gratianus *discept. forens.* cap. 100. num. ult., Zerola *in prax. Episcop.* part. 1. V. Capitulum, num. 8., Barbosa *de Canonicis* cap. 42. num. 19., Fermosinus *de potest. Capituli Sed. Vac. tract.* 2. quest. 1. num. 4.

9 Jam vero, ut hæc, quæ præmissimus ad rem nostram accommodemus, cum hodie cujusslibet particularis Ecclesiæ Senatus, non ex omnibus dioeceseos Sacerdotibus, sicut olim, sed ex solis constituatur Canonici ecclesiæ Cathedralis, necesse utique non est, ut Episcopus novas Constitutiones in Synodo promulgaturus, totius Cleri sententiam efflagitet, sed satis est, si sui Capituli consilium exposcat, etsi illud sequi non teneatur, nisi in ipsis Constitutionibus aliquid deeeratur de re, puta de Ecclesia parochiali alicui collegio, aut monasterio perpetuo unienda, ad quam jura majoris partis Capitularium exigunt consensum, Quinimmo ab ea ipsa obligatione petendi Capituli consilium solutus erit Episcopus, qui per legitime præscriptam consuetudinem, jus sibi acquisierit, novas leges condendi, & publicandi, inconsulto Capitulo, quod reapse contigisse in dioecesi Gerundenſi testatur Romaguera *ad Constitutiones Synodales Gerundenſis lib. 1. tit. 1. cap. 1. num. 20.*; & siquidem contrariarum eadem est disciplina, obstringeretur Episcopus, non solum consilium, sed etiam sui Capituli consensum expetere, ubi idem Capitulum id juris, ex antiqua consuetudine sibi vindicasset. Constant hæc omnia ex pluribus sacre Congregationis Concilii, quæ subnectimus, responsis.

10 In causa Urgellen., anno 1581, (*lib. 3. decretor. pag. 32.*) quaestum fuit, An plane Concilii Tridentini cap. 2. sess. 24., Constitutiones edite, aut qua in Synodaliſus Constitutionibus de resero fiunt, de consensu Capituli fieri debeant;

deant; An vero Episcopus per se facere Constitutiones, & publicare eas possit; Et sacra Congregatio respondit: Episcopum in Synodo Dioecesana per se Constitutiones facere posse, absque consensu, & approbatione Cleri, requirendum tamen consilium Capituli, licet id non teneatur sequi Episcopus, praterquam in casibus a jure expressis.

11 In causa Burgen. 5. Julii 1627. (lib. 13. decretor. pag. 267.) eadem interrogata, An Archiepiscopus Burgen. in decernendo, & statuendo ea, quæ sibi bene visa fuerint opportuna, in Synodo Dioecesana teneatur sequi consilium sui Capituli. Respondit: Archiepiscopum teneri requirere consilium Capituli, non autem illud sequi, circumscripta consuetudine immemorabili, vel alias legitime præscripta; nec non alio legitimo, & sufficienti titulo, super quibus Capitulum poterit particulariter audiri.

12 Apud Episcopum Sarnellum, in suis epistolis Ecclesiasticis, lib. 2. epist. 70., extat epistola ab eadem sacra Congregatione data ad Patriarcham Veneriarum, die 27. Aprilis 1592., in qua hæc habentur: Sacra Congregatio per libellum Amplitudinis tuæ nomine porrectum consulta, respondit, eandem Amplitudinem tuam in Synodo Dioecesana facere posse Constitutiones, absque consensu, & approbatione Cleri; debere tamen requirere consilium Capituli, licet illud non teneatur sequi, nisi in casibus a jure expressis, non obstante quod ex forma Romani Pontificalis in celebranda Dioecesana Synodo expresse habeatur, ut Constitutiones in Synod. publicanda a Patribus, per verbum Placet confirmentur.

13 Alia ejusdem sacre Congregationis epistola ad Episcopum Oriolanum data 17. Maji 1599. refertur a Cardinali de Aguirre tom. 4. Concil. Hispan. pag. 748.; cujus verba sunt: Sacra Congregatio Cardinalium Concilii Tridentini Interpretum sapiens consulta respondit, licere Episcopo, ad eumque pertinere cogere Synodum Dioecesanam, absque consensu, & consilio Capituli. In ea autem Constitutiones eundem Episcopum edere, & promulgare posse, absque consensu, & approbatione Cleri; debere tamen requirere consilium Capituli, tametsi illud sequi non teneatur, praterquam in casibus a jure expressis.

14 Capitulum Hispalense adversum Archiepiscopum, qui Dioecesanam Synodum, absque suo consensu coegerat, ad sacram Congregationem Concilii provocavit, ejusque examini hæc, inter cetera, dubia subjecit: Primo, an ipse Archiepiscopus, sine consensu Capituli possit indicare, & convocare Dioecesanam Synodum. Secundo, an Archiepiscopus, sine consensu dicti Capituli, possit in Dioecesana Synodo condere Statuta, & Constitutiones de rebus gravibus, & arduis. . . . Quarto, an sit necessarius assensus Clericorum Synodo interessentium, itaut major pars contradicendo possit omnium, seu alterius Constitutionis exitum retardare. Et sacra Congregatio, die 26. Novembris 1689. respondit: Ad primum Affirmative. Ad secundum Affirmative; debere tamen Archiepiscopum requirere consilium Capituli, licet illud non teneatur sequi, praterquam in quibusdam casibus a jure expressis. Ad quartum Negative; Videri poterunt de hac re differentes Bottus in tract. de Synodo 3. part. num. 137. & seqq., Cardinalis De Luca de jurisdict. disc. 56., De Alte Archiepiscopus

Hydrun-

Hydruntinus in *methodo sacra vifitationis*, part. 5. §. 52. num. 6. & 7., & Synodicon Ecclefie Beneventanæ in *append. ad Concilium Provinciale III.* pag. 26. & 27.

15 Pofito autem, quod Epifcopus, priusquam Synodales Conftitutiones promulget, fui Capituli confilium expofcere debeat, quo melius, & maturius fuam Capitulares fententiam pandant, decet profecto, ut illas, ante Synodum, fingulis Canonicis expendendas tradat, omnibusque deinde in unum congregatis, quid de iifdem fentiant, requirat, & audiat. Poftquam vero Capitulum, fuum protulit iudicium, in Epifcopi arbitrio erit, aut illi acquiefcere, aut in fuo propofito perfiftere, prout magis expedire iudicaverit; uti enim optime agebant Patres Concilii Provincialis Rothomagenfis anni 1581. *tit. de Epifc. & Capit. num. 28. (tom. 10. collect. Hard. col. 1225.)* non caput membris, fed membra capiti obfequi, atque obtemperare debent: *Declarat hæc fancta Synodus, præcipuum in ipfa Ecclefia auctoritatem, & rerum gerendarum poteftatem ad Epifcopos pertinere, cofa que confilio, & opera Capitulorum, & Dignitatum iurari debere, ut membrorum capiti coherentium, & obfequentium.*

16 Quod fi Epifcopus, inconfulto Capitulo, novas Conftitutiones ediderit, atque in Synodo promulgaverit, illæ profecto, utpote deficiences a norma, & jure præfcripta, firmitate carebunt; quamvis, fi juftæ, & rationabilesprehendantur, fanari queant a fæcra Congregatione Concilii, quod aliquando factum, teftatur Cardinalis Petra in *notis ad Confit. I. Benedicti XII., feft. unic., num. 17, tom. 4.*

## CAPUT II

*De Synodi fubfcriptione.*

1 Quoniam in Diocefanâ Synodo nullus eft, præter Epifcopum, qui iurifdictionem habeat, & poteftatem ferendi leges, quod ex hæcenus dictis plane liquet, docentque Bellarminus *lib. 1. de Conftitut. cap. 4.*, & Suarez *lib. 6. de legib. cap. 15. num. 8.*, manifeftè exinde conficitur, folius Epifcopi, alteriufve, qui ejus loco Synodo præfit, effe, Synodales Conftitutiones fua firmare fubfcriptione, ficuti optime monuit Scarfantoni. in *not. ad Cæcoper. tom. 2. lib. 4. tit. 3.*, in *animadverf. num. 17.* Sed quamquam hæc res compertiffima fit, nec jure poffit in quæftionem adduci, nihilominus Canonici ecclefie Metropolitanæ Hifpalenſis acriter olim dimicarunt pro aftruendo fibi jure fubfcribendi, una cum Archiepifcopo Synodalia decreta: Verum cum caufa delata fuerit ad fæcram Congregationem Concilii, hæc parvi faciens, quod Altovitus fæcæ Congregationis Secretarius, in fuo confultivo fuffragio, quod penes Nos extat, teftatus fuerat, aliquas nimirum a fe repertas Diocefanâs Synodos Hifpalenſes, quibus Canonici, poft Archiepifcopum, fubfcripſerant, contra

eisdem pronuntiavit; ad dubium quippe hñce verbis propositum, *An Capitulum, seu Canonici ab eo deputandi ad interessendum celebrationi Synodi debeant, una cum Archiepiscopo subscribere Synodo Dioecessana*. Die 23. Novembris 1689. respondit *Negative*.

2 Neque Canonicis suffragatur exemplum Concilii Generalis, cui, etsi Romanus Pontifex, vel per se, vel per suos præsint Legatos, omnes subscribunt Episcopi; Siquidem Episcopi in Concilio Generali summo Pontifici assident, non tanquam meri Consiliarii, verum etiam tanquam Judices, uti ostendunt Cardinalis Turrecremata *Summ. Eccl. lib. 3. cap. 63. & 64.*, Melchior Canus *de locis Theolog. lib. 5. cap. 5. q. 2.*, & Bellarminus *cit. lib. 1. de Conciliis cap. 18.*, Canonici autem ad Dioecesanam Synodum vocantur, tanquam meri Episcopi Consiliarii, non vero, ut Judicis partes ibidem assument; Quapropter non debent Synodo subscribere, ne videantur sibi usurpare censoriam, & judicariam potestatem, quam ex subscriptione inferri, animadvertit laudatus Canus *loc. Theol. lib. 5. cap. 5. pag. 154.*, inquit: *Consiliarii, qui non sunt simul Judices, non solent judicio, sententiaque subscribere. At in Synodali sententia (loquitur de Concilio Generali) non Pontificis solum, sed ceterorum Episcoporum subscriptiones adponuntur. Sunt igitur sine dubio Judices.*

3 Ex eo porro quod Episcopi in Concilio Generali sint veri Judices, cave ne inferas, teneri Romanum Pontificem, in ferenda sententia, majorem partem Judicum sequi, eorumque doctrinam approbare; Etenim, uti ratiocinatur idem Melchior Canus, quamvis omnes Episcopi sint veri Judices, supremum autem judicium est a Christo Domino, suo in terris Vicario commissum, eidemque munus demandatum, quotquot in errorem deflexerint, sive pauciores, sive plures numero fuerint, ad veram Fidem revocandi, juxta illud, quod Petro dixit Christus *Luc. 22. Rogavi pro te, ut non deficiat fides tua, & tu aliquando conversus (non unum, & item alterum, sed sive paucos, sive multos) confirma Fratres tuos.* Quocirca Damasus Papa scribens ad Episcopos per Illyricum constitutos, numerum Concilii Ariminensis contemnendum dixit, eo quod illi non acceperint Romani Pontificis sententia, atque praevalenti multitudini unum Vincentium Capuanum, aliosque paucos opposuit Episcopos, qui contra Concilii judicium steterunt: *Neque enim (ait) praesudicium aliquod fieri possit per numerum Arimino congregatum, quando constat, neque Romanum Episcopum, cuius ante omnia decebat eos expectare decretum, neque Vincentium, qui tantis annis Episcopatum inviolabiliter custodivit, neque alios talibus praevisse consensum, apud Petrum Constant. epistol. Roman. Pontific. tom. 1. col. 486.* Hanc supremam Romani Pontificis, supra ceteros Episcopos, praerogativam agnovit OEcumenica Synodus Florentina, cui solus Eugenius IV., qui eidem, per se praesuerat, subscripsit definiens: *Eugenius Catholica Ecclesia Episcopus ita diffiniens subscripsi, ceteri vero, licet Pontifici asterint tanquam Coniudices, in Pontificis tamen reverentiam, se abstinerunt a verbo diffiniens, solum-*

solumque dixerunt: *Ego N. Episcopus subscripsi*; cum ceteroquin in aliis Conciliis, quibus summus Pontifex, per suos præfuit Legatos, ac præsertim in Tridentino, quilibet subscripserit definiens, exceptis Procuratoribus absentium, qui ad suffragium decisivum non fuerunt admissi, quod alibi fuit a Nobis adnotatum. Plura, quæ ad rem faciunt, legi poterunt apud Gravinam de causa efficiente Conciliorum tom. 8. *Biblioth. Max. Poms. pag. 895.*, & Perimezzium tom. 1. *differt. Eccles. diff. 5. pag. 162. & seqq.*

4 Quia vero etiam in Concilio Provinciali Episcopi Suffraganei adfunt tanquam Judices, itaut eorundem, aut majoris partis eorum sententia prævaleat sententiæ Metropolitanæ, quod colligitur ex *can. Archiepiscopus, 1x. quest. 3.*, docentque Turrecremata in *can. Per singulas, cad. caus. & quest.* ac Fagnanus in *cap. Sicut olim, num. 104. de accusat.*, propterea ejusdem Synodi decreta omnes subscribunt; quem morem retentum vidimus etiam a Concilio Provinciali Romano, anni 1725., cui præter summum Pontificem Benedictum XIII., qui illi præfuerat, tanquam Romanæ provinciæ Metropolitanus, omnes subscripserunt, quotquot intervenerant Cardinales, Episcopi, & Procuratores absentium; Et siquidem quod a majori parte conclusum est, jam habet vim legis, totam obligantis provinciam, etiam illi, qui ceteroquin disenserunt, coguntur aliorum acquiescere iudicio, ac Synodalia statuta acceptare, suæque corroborare subscriptione; quanquam iis, qui se gravatos sentiunt, suppetat remedium appellationis ad Sedem Apostolicam; Ita recte definitum fuit a Concilio Provinciali Narbonensi anni 1609., *cap. 29. in fin. (tom. 11. collect. Hard. col. 32.)*: *Quo absolute, & factis acclamationibus, Decretis ejus, manu propria tam Episcopi, quam Procuratores subscribant, licet in omnibus nomine proprio non consenserint: Iudicia enim sanioris, & majoris partis prævalent, & quod conclusum fuerit a pluribus, censetur approbatum. Qua non obstante subscriptione, si in aliquibus quis se gravatum senserit, viam juris, per appellationem ad summum Pontificem, Provincialis Concilii Iudicem, ei patere declaramus. Quod si quis adeo pertinaciter suæ adhæserit opinioni, ut majoris partis sententiæ cedere recuset, eum aut e confesso expelli, aut anathemate percelli, jusserunt Patres Concilii Toletani VIII., anni 653. *cap. 11. (tom. 3. collect. Hard. col. 965.)* agentes: Cum vero qualibet sancta Synodus agitur, aut pacifice inter Pontifices quippiam definitur; si pauciores, per nescientiam, vel contentionem forte dissentiant, aut commoniti plurimorum sententiâ cedant, aut ab eorum coetu, cum dedecore confusionis abscedant, aut excommunicationis annuæ sententiâ luant.*

5 Quod vero attinet ad Presbyteros, Provinciali Synodo quandoque præsentés, non unam semper fuisse comperimus, in re, quam versamus, Ecclesiæ disciplinam; ad plures quippe ex Provincialibus Synodis Presbyteros, una cum Episcopis fuisse vocatos, eorundemque Acta subscripisse, constat, tum ex Concilio Arelatenſi I., habito anno 314., cui plures Presbyteros, quinimmo & Diaconos, atque etiam Exorcistas subscriptos legimus, in ejusdem Actis, editis a Sirmondo; tum ex Concilio Romano I.

Tom XII.

E e e

sub

sub Symmacho, anni 499., cui sexaginta novem Presbyteros, & septem Diaconos subscriptos invenimus; tum denique, ut alia plurima prætermittamus, ex alio Concilio Romano sub Gregorio II. anni 721., ubi Episcopi, Presbyteri, & Diaconi sub hac formula, Decretis ab ipsis omnibus, communi nomine promulgatis subscripserunt: *Opportunus gratia Dei Episcopus Ecclesie Maturanensis, huic Constituto a nobis promulgato subscripsi. Sifinius Presbyter huic Constituto a nobis promulgato subscripsi. Moscus humilis Diaconus sanctæ Sedis Apostolicæ huic Constituto a nobis promulgato subscripsi* (collect. Hard. tom. 2. col. 962., & tom. 3. col. 1867.) Verum quanquam olim fuerit in potestate Episcoporum, Presbyteros, atque interdum etiam Diaconos, ad Concilium Provinciale, cum jure suffragii, admittere, postea tamen suffragium decisivum concessum fuisse solis Abbatibus, habentibus jurisdictionem quasi Episcopalem, eruitur ex Concilio Londoniensi anni 1075., in quo cautum fuit, *Ne quis in Concilio loquatur, præter licentiam a Metropolitano acceptam, exceptis Episcopis, & Abbatibus*, qui pariter ejusdem Concilii statuta subscripserunt (ead. collect. tom. 6. part. 1. col. 1557.) Nec mirum est, Abbates fuisse hac prærogativa donatos, cum iidem, sive ex privilegio, sive ex consuetudine, jus etiam acquisierint interveniendi Conciliis Oecumenicis; quod profecto jam ante Concilium Constantiense contigisse, asseruit Cardinalis Cameracensis in schedula eidem Concilio oblata, apud Emanuelem Scheltstrat, iniquens: *Item sciendum est, quod quando in Concilio Generalibus soli Episcopi habebant vocem definitivam, hoc fuit, quia habebant administrationem populi, & postea additi fuerunt Abbates, eadem de causa, & quia habebant administrationem subjectorum, quamobrem iidem, atque ob eandem rationem, jurisdictionis scilicet, quam exercent in subditos, Ordinum quoque Regularium Superiores Generales subscripserunt decretis Concilii Florentini, & Tridentini.*

6 Alii vero Presbyteri nulla fruentes jurisdictione quasi Episcopali, a Provincialibus Conciliis sunt exclusi, exceptis dumtaxat Canonicis ecclesiarum Cathedralium, qui sunt ad illa invitandi, ut vel per se, vel per suos intersint Nuntios, seu Procuratores, uti habet Textus in cap. *Esti membra*, de iis, que sunt a Prælati sine consensu Capituli, ubi Innocentius III. ait: *Provincia Senonensis Capitula Cathedralium ecclesiarum ad Nos querimoniam transmiserunt, quod Archiepiscopus Senonensis, & ejus Suffraganei, Procuratores eorum nuper ad Provinciale Concilium convocatos, ad tractatum eorum admittere noluerunt. Visum fuit Nobis, & Fratribus nostris, ut Capitula ipsa ad hujusmodi Concilia debeant invitari, & eorum Nuntii ad tractatum admitti, maxime super illis, que ipsa Capitula contingere videntur.* Non tamen prælatos Canonicos, eorumve Procuratores aliam habere vocem, nisi mere consultivam, juris communis vestigia sectantes discrete declararunt Patres Concilii Provincialis Burdigalensis anni 1583. cap. 34. (tom. 10. collect. Hard. col. 1379.) ubi agentes de Concilio Provinciali, edixere; *Capitula Cathedralium ecclesiarum speciatim ad Synodum invitentur: eisque liceat delegare ex suis*

*suis Capitulis Canonicos, qui Synodo interfint, ac eorum mandata referant. Sciant autem se in Synodo tantum consulendi, non autem decernendi potestatem habere. Cumque in alio Concilio Burdigalensi celebrato anno 1624., Procurator Capituli Santonensis contendisset, Omnes Procuratores Capitulorum in Concilio, in rebus Conciliariis, de dirigendis, vocem decisivam habere, communi Patrum sententia iussus est suam opinionem, tanquam erroneam, atque Ecclesię praxi, & Romani Pontificis decretis contrariam, retractare, simulque statutum, ne quis deinceps eandem tenere, docere, & propugnare auderet: Sacro approbante Concilio, decretis ultimi Concilii Provincialis Burdigalensis inherentes, opinionem quorundam, qui ausi sunt asserere, præter Episcopos, quosdam alios habere vocem decisivam in Concilio Provinciali, ut erroneam judicamus: quibuscumque deinceps eandem proponere, in concionibus agitare, docere, & tenere prohibentes (collect. Hard. tom. 11. col. 132.)*

7 Non solum autem Canonici ecclesiarum Cathedralium, eorumque Procuratores, auctoritatem non habent quidquam decernendi in Concilio Provinciali, sed poterunt etiam e Congregationibus, quę sessionibus præmitti solent, excludi, cum a Patribus de re aliqua est in illis pertractandum, quam propalare, nequeant, sine violatione juramenti, aut obedientię debitę Superiori, vel alia subest iusta causa eos non admittendi, quemadmodum docent Fagnanus in cit. cap. Etsi membra, num. 14., & Pirhing ad eund. tit. §. 3. num. 19. Ex quibus concludimus, unam, eandemque esse conditionem Capitulorum ecclesiarum Cathedralium in Synodo tam Provincialibus, quam Diocesanis: Etenim tam ad istas, quam ad illas sunt vocandi; in utrisque votum habent mere consultivum; & neutrius decreta subscribunt.

## CAPUT III.

*De Synodaliū Decretorum revisione, Et approbatione.*

1 CUM in Provincialibus Conciliis, quę antiquioribus Ecclesię sæculis cogeantur, recens subortę hæreses interdum damnarentur, & gliscientes per provinciam errores, sollicita cura præfocarentur, inde factum est, ut eorundem Acta, per Synodalem epistolam, ad Romanum transmitterentur Pontificem, ut accedente primę Sedis, & Jesu Christi in terris Vicarii approbatione, quod in illis particularibus Episcoporum cœtibus fuerat deliberatum, tanquam Fidei dogma ab omnibus recipere-  
ret Orthodoxis, unaque esset ubique omnium fides. Hujus disciplinę testimonium perhibent Patres Concilii Carthaginensis, & Milevitani, ejusdem anni 416., qui post proscriptos Pelagii, & Cælestii errores, quod a se gestum fuerat, Innocentio I., totius Ecclesię principatum tenenti, significaverunt, rogantes, ut Apostolicę suę auctoritatis fulcrimentum, & robor Conciliaribus statutis adjiceret: *Hęc itaque gestum, scripserunt Pa-*

E e e 2

tres

tres Carthaginieneses ( *tom. 1. collect. Hard. col. 2014.* ) *Domine Frater* , sancta charitati tua iuvandum duximus , ut statuta nostrae mediocritatis , etiam Apostolica Sedis adhibeatur auctoritas ; Et Patres Milevitani ( *ibid. col. 1221.* ) : *Quia te Dominus* , gratia sua praecepto munere in Sede Apostolica collocavit , talisque nostris temporibus praestitit , ut nobis potius ad culpam negligentia valeat ; si apud tuam venerationem , qua pro Ecclesia sunt suggerenda , tacuerimus : Innocentius vero litteris ad eosdem datis , eos hoc nomine plurimum commendat , quod scilicet exquirentes primae Sedis oraculum , eorumque , quae a se gesta fuerant , confirmationem ab eadem petentes , sanctissimis Ecclesiae legibus obtemperaverint , & prisca calcaverint instituta Patrum ; qui non humana , ( ait ad Episcopos Carthagine congregatos ) sed Divina decrevere sententia , ut quidquid , quamvis de disjunctis , remotisque provinciis ageretur , non prius ducerent finiendum , nisi ad hujus Sedis notitiam pervenires : ut tota hujus auctoritate iusta , qua fuerit pronuntiatio firmaretur ; indeque firmerent cetera Ecclesia ( velut de natali suo fonte aqua cuncta procederent , & per diversas totius mundi regiones puri latices capitis incorrupti manarent ) quod praeicipere , quos ablueri , quos veluti coens inmundabili sordidatos , mundis digna corporibus unda vitaret ; Et ad Patres Milevitanos : Diligenter ergo , & congrue Apostolici consilii honoris arcana ( honoris , inquam , illius , quem , praeter illa , qua sunt extrinsecus , sollicitudo manet omnium Ecclesiarum ) super anxiiis rebus , qua sis tenenda sententia : antiqua scilicet regule formam secuti , quam toto semper ab orbe mecum nostis esse servatam . . . , praesertim quoties Fidei ratio ventilatur , arbitror omnes Fratres , & Coepiscopos nostros nominis ad Petrum , idest sui nominis , & honoris auctorem referre debere , velut nunc retulit vestra dilectio , quod per totum mundum possit Ecclesiis omnibus in commune prodesse ( apud Petrum Constant. *epist. Roman. Pontific. tom. 1. col. 889. & 896.* ) ; Eandem confirmationem a Zosymo Papa petiisse alia duo Atricana Concilia , contra Pelagianos pariter coacta , testatur mox citandus Prosper , *lib. contra Collat. & constat ex ejusdem Zosymi epistola* , quam , ex ms. codice Vaticano , profert Baronius *ad an. 417.* ; similiter Caesarius Arelatensis Episcopus confirmationem secundae Synodi Arausicanae postulavit a Felice Papa , eoque praemortuo , impetravit a Bonifacio II. , quod narrat Cyprianus Diaconus in *vita Casarii lib. 1. sub fin.* , & colligitur ex epistola Bonifacii in *collect. Harduini tom. 2. col. 1109.*

2 Ab Apostolica vero confirmatione Provinciale Concilium mutuari infallibilem auctoritatem , itaut in Fide errare nequeat , recte docent Melchior Canus *de loc. Theolog. lib. 5. cap. 4. conclus. 5.* , Bellarminus *lib. 2. de Conciliis cap. 5.* , pluribusque argumentis offendit Thomassinus *dissert. 11. in Concilio Carthaginien. & Milevitanum* : Enimvero , nisi res ita se haberet , ajunt Canus , & Bellarminus , non possent dici , irreformabili Ecclesiae judicio , proscripti errores Helvidii , Pelagii , & Priscilliani , quorum primus damnatus est a Concilio Teleni , confirmato a Siricio ; alter a praefatis Conciliis Africanis , confirmatis ab Innocentio , & Zosymo ; tertius a Con-

cilio



cilio Toletano, confirmato a Leone Magno; quæ quidem Concilia fuerunt tantum Provincialia. Accedit, quod Augustinus, & Prosper rem contra Pelagium omnino confectam sunt arbitrati, postquam Africanorum Antiquitum Synodalis sententia, in eundem prolata, ab Apostolica Sede fuit approbata: Augustinus quippe *serm. 131. ol. 2. de verb. Apost. num. 10. (tom. 5. oper. col. 645.)* inquit: Jam de hac causa duo Concilia missa sunt ad Sedem Apostolicam: inde etiam rescripta venerunt. Causa finita est, utinam aliquando finiatur error, & rursus lib. 2. *oper. imperfecti. advers. Julian. num. 103. (tom. 10. oper. col. 993.)*: Quid adhuc quaris examen, quod jam factum est apud Apostolicam Sedem? Quod denique jam factum est in Episcopali judicio Palestino. . . . . Damnata ergo hæresis ab Episcopis non adhuc examinanda, sed coerenda est a potestatibus Christianis; Prosper autem contra Collat. cap. 41.: Tunc istorum machine fractæ sunt, quando beata memoria Innocentius nefandi erroris capita Apostolico mucrone percussit: quando Pelagium ad proferendam in se, suosque sententiam, Palestinorum Episcoporum Synodus coarctavit: Quando Africanorum Conciliorum decretis beata recordationis Papa Zosymus sententia sua robur adnexuit: & ad impiorum detruncationem gladio Petri dexteræ omnium armavit Antistitem. Quare non immerito laudatus Thomassinus, loc. cit. n. 1. ait: Provinciales Synodos ab Apostolica Sede confirmandas esse, & ubi confirmata fuerint, tunc in auctoritatis summum columnen eas recipi, nec posse ab eis, citra hæreses discrimen, provocari.

3 Hæc de Provincialibus Synodis, in quibus hæreses damnabantur, & quid Fide tenendum esset, decernebatur; hodie vero, etsi plerumque in ejusmodi Synodis, Fidei causæ non pertractentur, sed sola condantur Decreta disciplinam respicientia, ut tamen antiquæ consuetudinis aliquod remaneret vestigium, ea, antequam promulgentur, transmitti. jussit Sixtus V. ad sacram Congregationem Concilii; non quidem ut postea confirmationem reportent a Sede Apostolica, sed ut corrigatur si quid fortasse in iisdem, aut nimis rigidum, aut minus rationi congruum deprehendatur: *Provincialium vero* (alloquitur Pontifex sacram Congregationem Concilii, *sua Constit. 117. tom. 4. Bullar. part. 4. pag. 396.*) ubique terrarum, ubi celebrentur, decreta ad se mitti præcipies, eaque singula expendet, & recognoscet; atque ita esse moribus receptum, fidem faciunt Concilia Provincialia, Valentinum anni 1567., Toletanum anni 1582., Mexicanum anni 1585., quorum decreta a sacra Congregatione Concilii, ad quam missa fuerant examinanda, leguntur emendata in *collect. Concil. Hispan. Cardinalis de Aguirre tom. 4.*; Concilium pariter Provinciale Narbonense anni 1609. ab eadem sacra Congregatione recognitum, & correctum, testatur Cardinalis Arigonius in epistola data 26. Novembris 1611., quæ ad ejusdem Concilii calcem refertur in *collect. Hard. tom. 11. col. 54.*; ejusdem Congregationis judicio subjecta decreta Concilii Provincialis Salernitani, narrat Cardinalis Lancellotti, in sua attestazione exarata die 23. Aug. 1616.: Et Nos ipsi, cum ejusdem Congregationis Secretarii munus gerebamus, scimus

scimus ejus judicio fuisse suppositas sanctiones Synodi Provincialis Ruthenorum, quæ Præfide Hieronymo Grimaldo Archiepiscopo Edfeseno in Regno Poloniæ Nuntio Apostolico, cum facultatibus Legati de latere, & postea S. R. E. Cardinali, habita fuerat anno 1730.

4 Non semel tamen accidit, Provincialia Concilia, non solum a sacra Congregatione Concilii recognosci, & si opus fuerit, emendari, verum etiam a summo Pontifice, ita petentibus Metropolitanis, a quibus sunt celebrata, per Apostolicas litteras confirmari: Etenim Gregorius XIII. per suum speciale Breve, approbavit quartum, & quintum, ex Conciliis Provincialibus Mediolanensibus, a S. Carolo Borromeo coactis, quod narrat Glusianus in *vita S. Caroli lib. 6. cap. 2.*, & Nos supra memoravimus. Synodus quoque a Petro Episcopo Beritensi, Vicario Apostolico, in Tunkino, celebrata in pago Diughieu provincie Kinam, die 14. Februarii 1670., quæ Provincialis potius, quam Dioecesanæ indolem videtur præfetulisse, post ejusdem examen præmissum a sacra Congregatione de Propaganda Fide, confirmata fuit a Clemente X., per Apostolicas litteras, datas 3. Decembris 1673., quæ extant inter Constitutiones Apostolicas, *pro Missionibus Sinarum. Tunkini &c.*, typis Parisiensibus impressas anno 1676. pag. 121. & seqq.: Similiter a Paulo V. approbatum Concilium Provinciale Mechliniense, anni 1607., constat ex ejusdem Brevi, quod Conciliaribus statutis attexit Harduinus suæ collectionis tom. 10. col. 1969.: Apostolica itidem confirmatione roborata fuere duo Concilia Provincialia Beneventana, annis 1693 & 1698., habita a Vincentio Maria Cardinali Ursino, Archiepiscopo Beneventano, qui postea summus Pontifex est renunciatus, assumpto nomine BENEDICTI XIII., quod videre est in collectione Conciliorum Provincialium Beneventanorum, edita Romæ 1724. pag. 577. & 604.: Idemque Benedictus, cum supremum Pontificatum teneret, nonnulla approbavit Concilia Provincialia, uti Avenionense, celebratum anno 1725., atque Ebredunense anni 1727.: Et Nos ipsi, postquam ad Petri Cathedram evecti fuimus, confirmavimus Synodum Provinciale, contractam in Monte Libano, per nostras Apostolicas litteras datas 1. Septembris 1741., & evulgatas, unacum Actis Consistorii semipublici, habiti 13. Julii 1744.

5 Quibus positis, posset quis dubitare, an prædicta Provincialia Concilia ab Apostolica confirmatione vires accipiant, universam obligandi Ecclesiam, perinde ac si essent Constitutiones Pontificiæ, juxta illud Justiniani effectum in leg. 1., *Cod. de vet. jur. enuel. : Omnia nostra facimus, quibus auctoritatem nostram impertimur*: Sed hanc difficultatem diluunt Suarez lib. 4. de legib. cap. 6. num. 10., & Fagnanus in cap. Canonum statuta, num. 13. de Constitut., opportune monentes, confirmationem, robur quidem adjicere actui confirmato, sed nequaquam illum extendere, nisi aliter superior exprefferit, sicuti arg. leg. *Aurelius &c. de librat. Legat.* docet Baldus in leg. 1. in fin. *Cod. Si advers. rem judic.*, ex quo concludunt, prædictorum Con-

Conciliorum decreta, quamquam a summo Pontifice approbata, nisi sint clausa in corpore juris communis, de quibus dumtaxat loquebatur Justinianus, provinciarum limites non prætergredi; quod reapse de præfatis Conciliis Provincialibus Mediolanensibus a Gregorio XIII. confirmatis, omnes Doctores sentire, idem Fagnanus observat.

6 Non omnia autem, quæ hucusque de Provincialibus dicta sunt, nostris congruunt Dioecesanis Synodis; harum quippe Constitutiones statim possunt ab Episcopo publicari, quin ulla obstringantur obligatione, illas transmittendi ad sacram Congregationem Concilii, ejusque expectandi judicium. Haud equidem ignoramus, Antonium Mariam Gratianum, Episcopum Amerinum, suam, quam sæpius laudavimus, Synodum habitam anno 1595. typisque Venetis an. 1597. impressam, inscripisse Clementi VIII., atque in epistola nuncupatoria, ita Pontificem allocutum: *Cum igitur mihi antiquissima cura fueris, quamquam diu, ac varie interpellata, diœcesis hujus Synodum habere, quæ habita his triginta annis non erat, in eaque omnem morum, atque Ecclesiasticarum rerum rationem maxime ex Tridentini Concilii præscriptis condere, consuetudineque, incesse animum cogitatio voluim ipsam decretorum, priusquam ederem meis, ad te mittendi, tibi que dicendi. Non quidem ex consilio, ut fulgerem, ac majestatem nominis tui præferens, quasi commendatus, inde spectatusque prodiret, sed, cum sancire, atque promulgare hujus generis quicquam, non ante probatum sibi, fas fuisse nemini fuisse, ut tuo arbitrio, tua ditioni, quæ debes fide, reverentiaque subicerem. Id demum habiturus ratum, sanctumque, quod tu, cujus haud dubie celesti afflatu voluntas regitur, cuique celestis numinis instar est, sancendum, comprobandumque esse censueris; Verum hæc unice referri debent ad Gratiani obsequium, & reverentiam, erga Sedem Apostolicam, non vero ad necessitatem consulendi summum Pontificem, ejusque approbationem obtinendi; Siquidem, si jus commune spectemus, ab hoc liberam habet Episcopus facultatem, ferendi, & promulgandi leges, quas opportunas duxerit ad rectam suæ diœcesis administrationem, independentem ab ulla Superioris confirmatione, uti bene Suarez cit. cap. 6. num. 9., & 10.; Si vero consideremus, paulo ante indicatam Sixtinam Constitutionem, hanc solum loqui, animadvertimus, de Synodo Provinciali, cujus Acta, ante promulgationem, recognoscenda, statuit a sacra Congregatione Concilii; Nequaquam autem complexiprehendimus decreta Synodi Dioecesanæ, de quibus nihil de novo decernit, sed cujuslibet Episcopi prudentiæ, atque arbitrio, cui antea mittebantur, ea relinquit. In hac sententia fuit sacra Congregatio Concilii, quæ rogata, ut recognosceret Acta Dioecesanæ Synodi Strangolenus, die 17. Junii 1645. respondit, se non consuevisse revidere, & approbare, nisi Synodas Provinciales, ex Constitutione Sixti V., & quod idcirco Episcopus uteretur jure, sibi, ex sacro Concilio, competente (lib. 17. decretor., pag. 484.); Quocirca, in hac nostra Commentatione, falli jam diximus Cardinalem de Luca, & Van-Elpenium, asserentes, Dioe-*

cesanas Synodos robore, & efficacia carere, nisi a prædicta sacra Congregatione approbentur.

7 Compertum præterea Nobis est, non deesse Episcopos, qui suas Constitutiones in Synodo promulgandas, ad aliquem virum doctum, rerumque Ecclesiasticarum apprime peritum, in Urbe commorantem mittant, ejusque de illis consilium, & judicium exquirant; aut etiam aliquem Cardinalem, sacre Congregationi Concilii adscriptum enixe rogent, ut eas legat, & corrigat, quod sæpius a Nobis, cum in minoribus effemus, factum reminiscimur, ut amicorum Antistitum indulgeremus petitionibus; At hæc ab Episcopis ex mera fiunt cautela, ut nimirum sui Cleri, & populi querimoniis aditum occludant, non ex ulla, qua teneantur obligatione: neque enim iidem sacre Congregationis judiciale sententiam, sed peculiaris personæ judicium expetunt, & consilium: Sacram quippe Congregationem non solere Dioecesanæ Synodos recognoscere, nisi, adversum ejusdem decreta ab aliquo fuerit appellatum, & modo ab ipsamet accepimus, & asseruit Cardinalis Carafa, ejusdem olim Præfectus, in sua epistola, anno 1586. ad quemdam Episcopum data, quæ a pluribus refertur Auctoribus, & novissime edita est a Miglioruccio *instit. Canonic. lib. 1. tit. 3. num. 26. pag. 33.*, cujus verba sunt: *Non est in more positum apud Patres Illustrissimos, qui Tridentini Concilii decretis interpretandis præfati sunt, Dioecesanæ Synodos recognoscere, sed Provinciales tantum emendare: Quare, ut voluntati, atque Pastoralis Amplitudinis tuæ zelo, in tua Synodi correctione, quoquo modo satis per me fieret, illud pro mea in te, & Ecclesiam tuam charitate mihi sumpsi, ut Synodum ipsam percurrerem, simulque ea adnotarem, quæ notatu digna visa sunt, quemadmodum licebit in extremis ipsis Synodi pagellis, ubi nostras animadversiones adscripsimus, inspicere. Quod superest, tu, Clerusque tuus, in tot salutarium Constitutionum observationes naviter incumbere: memores unam, optimamque legem esse legum observantiam. Valete in Domino.*

#### C A P U T I V.

*De Synodaliū Decretorum promulgatione, & quam in dioecesi inducunt, obligatione.*

1 **C**ertum est ad legis substantiam pertinere ipsius legis promulgationem, qua ad totius Communitatis notitiam devenire queat *leg. sacratissima, cod. de legib. & rub. Novell. 66.*: Etenim cum lex sit regula morum, non uni, aut alteri personæ, sed toti proposita Communitati, debet omnibus ita significari, ut ad omnium aures pervenire valeat, quod aliter fieri nequit, quam per ejusdem legis promulgationem. Modus autem, quo hæc promulgatio fit facienda, non est speciatim a jure præfinitus: quare merito Suarez *lib. 4. de legib. cap. 15. num. 8.*, asserit, leges ab Episco-

Episcopis latis, sufficienter promulgari, si aut publice legantur in ecclesia Cathedrali, aut voce præconis in platea civitatis adstantibus significantur, aut scriptæ affigantur in loco publico, ad hoc designato. Quinimmo, si statuta Synodalia non populum, sed solum respiciant diocesis Clerum, alia non indigent publicatione, ab ea distincta, quæ fit in ipsa Synodo, cui interest præcipua pars ejusdem Cleri: Siquidem Innocentius III. in cap. *Ad hæc, de postulas. Prælat.* disjunctive ait, legis vinculum in omnes pro-  
tendi, *Cum solemniter editur, aut publice promulgatur*; Nulla autem lex magis solemniter editur, ea, quæ fit in confesso præcipuæ partis eorum, in quos fertur.

2 Facta porro Synodaliū Constitutionum promulgatione, nullius temporis determinatum spatium interfluere necesse est, ut illæ parendi obligationem inducant; sed statim unumquemque ligant, qui earumdem notitiam, quoquo modo habuerit. Licet enim in jure civili cautum sit, leges Imperiales non obligare, nisi post duos menses ab earumdem promulgatione, in singulis provinciis factam, juxta Textum cit. *Novell. 66. ejusque rubr.*; & insuper disputetur inter Doctores, an idem locum habeat in legibus Pontificiis, pro universa Ecclesia latis, in qua questione, affirmativam sententiam tuerentur Navarrus *manual. cap. 23. num. 44.*, Sotus *lib. 1. de just. quest. 1. art. 4.*; Negativam vero propugnant Suarez *lib. 3. de legib. cap. 18.*, & lib. 4. cap. 15., Menoch. *de Arbitrar. cap. 185.*, num. 8., alique magis communiter; omnes tamen fatentur, legem latam ab Inferioribus, nisi aliud ipsemet Legislator decernat, statim post promulgationem, unumquemque afficere; quod tanquam certum ponunt Oñtiosus in *Summ. tit. de Constit. g. Quando*, Navarrus cit. loc., & consil. 1. num. 16. de *Constit.*, Suarez cit. cap. 18. num. 9., Azor. *instit. part. 1. lib. 3. cap. 3. q. 2.*

3 Neque ad declinandum Synodaliū Constitutionum vinculum prodesset potest auctoritas Gratiani, qui in initio *dist. 18.* scripsit: *Episcoporum Concilia sunt invalida ad definiendum, & constituendum, non autem ad corrigendum.* Sunt enim necessaria Episcoporum Concilia ad exhortationem, & correctionem, qua, etsi non habeant vim Constitutionis, habent tamen auctoritatem imponendi, & indicendi, quod alias statutum est, & generaliter, seu specialiter observari præceptum; Hæc siquidem nimium inconsiderate, atque oscitanter a Gratiano prolata, observat ibidem Glossa v. *Constituendum*, inquires: *Hoc non est verum, quia Episcopi bene possunt condere canones Episcopales, & Archiepiscopus Provinciales: quia quilibet populus, & qualibet Ecclesia sibi potest statuere aliquid juxta*, adnotavitque Cabassutius in *theor.*, & *prax. jur. Canon. cap. 1. in fin.*, ubi Gratiani errorem redarguit: Etenim cum Episcopi possint a Spiritu Sancto regere Ecclesiam Dei, *Act. 20.*, illicque collata sit potestas solvendi, & ligandi *Matth. 18.*, sive hæc sit immediate a Christo Domino, sive a summo Pontifice, nemo, salva Fide, potest jurisdictionem illis adjudicare, suas oves legibus obstringendi, quibus obtemperare cogantur, quod ex iis liquet, quæ *lib. 1. cap. 4. & lib. 7. cap. 4. diximus*, &

Tom. XII.

F i f f

late

lase probat Suarez *lib. 4. de legib. cap. 4.* : Quodcirca apud omnes Juristas, principii loco est, Synodales Constitutiones facere jus particulare, ab omnibus observandum, qui in Constituentis territorio degunt. Rota *cor. Seraphino decif. 813. num. 3., decif. 14. num. 7., decif. 15. num. 6., decif. 16. num. 9., decif. 18. num. 13., lib. 14. ad Ornat. Card. de Luca, & decif. 471. num. 5. part. 14., decif. 212. num. 3. part. 15., decif. 163. num. 18. part. 17. recent., decif. 123. num. 14. cor. Herrera, decif. 7. num. 19. cor. Molines, & prosequitur Romaguera ad Constitutiones Synodales Gerundenses lib. 1. tit. 1. cap. 1. num. 35. & seqq.*

4 Ex eo porro, quod potestas ferendi leges sit in Episcopis, aut immediate a Christo, aut a summo Pontifice, cui est a Christo immediate collata, necessario etiam consequitur, earum firmitatem nequaquam pendere a populi acceptione, sed ab unico Legislatore vires sortiri, quibus, unumquemque, quantumvis reluctantem constringant, nisi forte a iustitia certo deficiant, ex cujus defectu sint irritæ, quemadmodum bene perpendit Suarez *cit. lib. 4. de legib. cap. 16. per tot.*, ubi merito etiam animadvertit, oppositam opinionem, quam aliqui ausi sunt venditare, componi non posse cum fide, qua credimus Ecclesiæ regimen fuisse a Christo commissum Romano Pontifici, in cujus sollicitudinis partem ceteri vocati sunt particularium Ecclesiarum Antistites.

5 Quod si quis legis *subiectum*, ut ajunt, hoc est personas inquirat, quæ Dioecesanæ Synodi decretis ligentur, paucis respondetur, ad eorundem observationem adigi quotquot incolunt Episcopi dioecesim, cujuscumque sint status, & conditionis, nisi speciali privilegio ab ejusdem subtrahantur jurisdictione, Suarez *lib. 4. de legib. cap. 19. num. 5.* Quinimmo Regulares, eorum exemptione non obstante, parere coguntur Dioecesanæ Synodi sanctionibus, in iis, quæ respiciunt Curam animarum, aut Sacramentorum administrationem, juxta decretum Tridentini *sess. 25. cap. 11. de Regular.*, atque Apostolicas Constitutiones, Concilii textum explicantes: Decretis pariter subjiciuntur, quæ materiam concernunt, in qua subsunt jurisdictioni delegatæ Episcopi, juxta decisionem Innocentii IV. in *cap. 1. de Privileg. in 6.* : *Salvis nihilominus casibus aliis, in quibus eos Episcoporum jurisdictioni subesse, Canonica præcipiunt Instituta*, quod prolixius explicuimus *lib. 7. cap. 41. num. 4. & seqq.* Notat præterea idem Suarez *cit. lib. 4. cap. 20. num. 10.*, aliquando, ad evitandum scandalum, & fugiendam difformitatem a ceteris dioeceseos membris, teneri Regulares obtemperare Constitutionibus Synodalibus, a quibus ceteroquin, ratione suæ exemptionis, essent soluti; Quamvis simul advertat, non semper illas transgredientes fieri gravis culpæ reos, sicuti ceteri, qui Episcopali Juri plene subduntur.

6 Aliqui nihilominus Doctores, quos citant Azor. *instit. p. 1. lib. 7. cap. 19. quæst. 2.*, & Diana *part. 1. tract. 9. resol. 36.*, & *part. 10. tract. 11. resol. 36.*, specialem quætionem movent de jejuniis, ab Episcopo, vel

per edictum, vel per Synodalem Constitutionem, toti dioecesi indictis, ad quæ religiose servanda, etiam Regulares compellunt: Durum quippe, & absoum illis videtur, Regulares, austerioris vitæ genus professos, licite posse iis diebus epulari, quibus, ceteris, inter quos versantur, est abstinentia præcepta. Addunt præterea nullum, quantum ad rem attinet, posse assignari discrimen, inter legem Episcopi indicentem jejunium, & legem, qua dies aliquis festus, per totam dioecesim celebrandus edicitur; huic autem posteriori obtemperare debere etiam Regulares, statuit Tridentinum *sess. 25. cap. 12. de Regul.*: *Dies festi, quos in dioecesi sua servandos idem Episcopus præceperit, ab Exemplis omnibus, etiam Regularibus, serventur*; unde inferunt, pari ratione, eosdem obstringi, lege jejunii, ab Episcopo lata. Verum Suarez *cit. loc. num. 5.*, Azorius, & Diana *locis cit.*, Bonacina *de præceptis Eccles. disp. ult. quest. 1. punct. 6. num. 5.*, La-Croix *lib. 3. part. 2. num. 1274.*, Cardinalis Cozza *de jejunio part. 3. dub. 4. num. 65.*, Pontas *in suo dictionar. V. Jejunium, cas. 16.* etiam a prædicta Synodali lege Regulares liberos pronuntiant: semel enim posita eorum exemptione, ab Episcopi jurisdictione, nulla est efficax ratio, cur hoc speciali Episcopalis jurisdictionis actu ligentur; quod enim colere teneantur dies festos ab Episcopo præscriptos, sicuti & servare Interdictum ab eodem Episcopo promulgatum, id provenit ex peculiari sanctione Tridentini, quod, in hisce duobus casibus, Regulares supposuit jurisdictioni Ordinarii, a qua ceteroquin, in omnibus aliis, non nominatim exceptis, sunt prorsus exempti. Quod autem iidem Regulares austerioris vitæ genus elegerint, hoc probat utique, eos obligari ad jejunia, aliasque corporis macerationes, præscriptas in Regulis Ordinis, cui sunt adscripti, quæque insuper a Prælo Regulari, cui subsunt, forsitan iisdem de novo indicantur, non autem probat adigi etiam ad jejunia, indicta ab Episcopo, aliove Prælo, cujus jurisdictioni, & imperio non subjacent: quinimmo quia plura sustinent onera cujuslibet Regularis Instituti propria, æquum non est, ut etiam alia cogantur subire, quæ suis Dioecesanis imponit Ordinarius loci, in quo degunt.

7 Verum, si in aliqua Regularium Communitate, antiqua invaluisse consuetudo, servandi jejunia, quæ Episcopus, sive in Synodo, sive extra Synodum, aliquoties indicit; nullus dubitat, ad ea deinceps servanda eandem Communitatem compelli posse: tunc quippe jejunandi obligatio non oritur ab Episcopi jurisdictione, sed ab ipsa consuetudine, quæ vim habet inducendi legis obligationem; quemadmodum opportune movent omnes laudati Doctores. Similiter non ab Episcopi præcepto, sed a jure naturali jejunare coguntur Regulares, iis diebus, quos Episcopus jussit esse esuriales, si non jejunantes scandalum præbeant aliis, quod jam cum Suarez prænotavimus. Quocirca a culpa non excusamus eos Regulares, qui illis ipsis diebus, quibus tota dioecesis a vetitis cibis abstinet, ut Episcopi edicto morem gerat, ad suam ostentandam exemptionem, se splendide

dide epulatos, palam, & publice gloriantur: hæc enim vana ostentatio non potest non asferre audientibus gravem offensionem, præsertim si jejunium fuerit ab Episcopo imperatum, ex publica causa, puta ad placandum Deum, ut ingens aliquod malum, aut imminens mali periculum, a dioecesi avertat.

8. Capitula itidem exempta obnoxia sunt Synodalibus Constitutionibus, quæ versantur circa reformationem morum, & disciplinæ, quod a sacra Congregatione declaratum, testata sunt Concilia Provincialia Mechliniense, & Namurcense, relata a Van-Espen *I. E. V. part. 1. tit. 18. cap. 4. num. 8.*, intacta in reliquis remanente eorumdem Capitulorum exemptione, quæ in hoc præcipue sita est, ut Episcopus, extra visitationem, procedere nequeat contra aliquem Canonicum, sine duobus adjunctis, e gremio Capituli, ad normam Tridentini *sess. 25. cap. 6. de reform.*; Quamvis eadem Capitula, sine adjunctis, pro suo arbitrio, visitare queat, juxta aliud ejusdem Concilii decretum *sess. 6. cap. 4. de reform.*; quæ duo decreta, a Nobis expensa, & invicem conciliata fuere, in causa Januen. Jurisdictionis, de qua *tom. 2. Theaur. Resolut. pag. 192. & seq.*

9. Difficultas de iis esse potest, qui de Episcopi dioecesi quidem sunt, sed extra dioecesim versantur, mox tamen ad illam redituri; de his quippe dubitatur, an absentia tempore dioecesanis Constitutionibus obstringantur, censurisque afficiantur in earumdem transgressores latis. Communiter vero respondent Doctores, particularibus loci statutis non obligari, qui extra Statuentis territorium degit, juxta apertam decisionem Bonitacii VIII. in *cap. final. de Constit. in 6.*: *Statuto Episcopi, quo in omnes, qui furtum commiserint, excommunicationis sententia promulgatur, Subditi ejus, furtum, extra ipsius dioecesim committentes, minime ligari noscuntur: cum extra territorium jus dicenti non pareatur impune, quæ est sententia Pauli J. C. in leg. final. ff. de jurisdicti.* Aliud autem esse ajunt de præcepto, alicui ab Episcopo facto, ne e. g. aleis ludat, sub poena excommunicationis, ipso facto incurrenda; eum quippe, cui tale præceptum injunctum est, si extra dioecesim aleis ludat, in excommunicationem incidere, iidem Doctores affirmant. Ratio discriminis est, quia lex, seu statutum per se, & immediate respicit territorium, seu dioecesim, eique quasi coheret, ac proinde non potest constringere, qui extra territorium, seu dioecesim existit; Præceptum vero afficit immediate personam, ejusque veluti ossibus hæret, quocumque terrarum discesserit; S. Antoninus *part. 2. tit. 6. cap. 2. §. 2.* Covarr. in *cap. Alm. mat. part. 1. §. 10. num. 3.*, Suarez de *legib. lib. 3. cap. 32. num. 1.*, & *lib. 4. cap. 19. num. 1.*, Layman in *cit. cap. final. de Constit. in 6. num. 3.*; Pirhing ad *enond. tit. de Constit. num. 55. & 59.*

10. Verum prædicta communis assertio limitanda est in illo, qui e dioecesi egreditur, solo animo declinandi Synodalis statuti obligationem: quamvis enim nonnulli Doctores, etiam hunc a Statuti vinculo solum arbitrentur, melius tamen eum, in legis fraudem discedentem, legis vinculum



lum secum ferre, eoque constrictum manere, defendunt Manuel *tom. 1. Summ. cap. 219. num. 12.*, Vasquez *in 3. part. quest. 98. art. 2.*, Rebell. *de oblig. iust. lib. 2. quest. 7. sect. 3. num. 16.*, Layman *Theolog. moral. lib. 1. tract. 4. cap. 11. num. 9.* Neque hodie fas esse videtur, ab hac sententia recedere, postquam sacra Congregatio Concilii, illegitimum pronuntiavit matrimonium, non servata Tridentini forma, ab iis celebratum, qui solo animo illud clandestine contrahendi, recesserunt e loco, ubi Tridentinum est promulgatum, & se ad locum contulerunt, in quo promulgatum non est; quam declarationem, sua roboratam auctoritate, Urbanus VIII. inseruit Brevi, ad Archiepiscopum Coloniensem dato, anno 1627., uti narrat Cardinalis de Lugo *lib. 1. respons. moral. dub. 36.* eidemque declarationi aliz plures consonant decisiones, quæ ab eadem Congregatione prodierunt, diligenter a Nobis collectæ, & relatæ *in nostra Notific. xxxiii. num. 8. & seq.* Item cum neque sacræ Congregationi, neque summo Pontifici in animo fuerit, novam rogare legem, sed præexistentem, jam a Tridentino indictam, explicare, jam exinde conficitur, ex utriusque sententia, qui, in legis fraudem, e loco se subducit, ubi ea viget, sub lege nihilominus comprehensum, ejusque nexu devinctum manere. Accedit, quod Clemens X. in Constitutione, quæ incipit *Superna*, edita 21 Maji, & publicata 2. Augusti 1670., declaravit, posse Regularem in diocesi, in qua ad excipiendas Confessiones est approbatus, *Confluentes ex alia diocesi, a peccatis in ipsa reservatis, non autem in illa, ubi idem Confessarius est approbatus, absolvere, nisi eosdem Poenitentes noverit in fraudem reservationis, in alienam diocesim, pro absolutione obtinenda misisse; ex quo iterum manifestum sit, dolum, & fraudem nemini patrocinar, ad evadendum legis vinculum; eamque fraudem vere ab illo committi; qui, solo animo legem eludendi, e loco se proripit, ubi illa viget.*

## CAPUT V.

*Quibus modis cessare possit obligatio inducta a Synodali Statuto.*

**S**iquidem de essentia legis est perpetuitas, in eo sensu, quem fufe explicat Suarez *lib. 1. de legibus cap. 10. per tot.*; certum proinde est Synodales Constitutiones, nisi revocentur, in suo robore permanere, quamvis Episcopus, a quo sunt editæ, e vita decesserit, aut se Episcopatu abdicaverit, aut ad aliam sit translatus Ecclesiam, quod apud omnes Canonistas indubitatum, asserunt Barbosa *de offic. & potest. Episc. par. 3. allegat. 93. num. 23.*, Fagnanus *in cap. A nobis 1. a num. 5. usque ad fin. de sentent. excomm.*, Antonell. *de regim. Eccles. Episcop. lib. 1. cap. 1. §. 6. num. 70.*, Card. de Luca *in adnotas. ad Triden. diss. 30. num. 15.*, Reiffenstuel *ad tit. de Constit. §. 4. num. 70.*, Romaguera *ad Constit. Synodal. Gerunden. lib. 1. tit. 1. cap. 1. num. 29.* Non ita certum est, an Episcopi morte cessent Sta-

tuta, ab eodem extra Synodum facta, & per simplex edictum promulgata: huc quippe statim vires amittere, neque amplius urgere, autumant Bertaccchini. *tract. de Episc. part. 2. lib. 4. decis. 15.*, Riccius *decis. 149. n. 2. p. 1.*, Zerola *prax. Episc. p. 1. vers. Edicta §. Ad tertium*, Sperellus *For. Eccl. decis. 14. num. 21. & 22.*, Barbosa *cit. loc.*, inde inferentes, per Episcopum obitum cessare casuum reservationem, nisi facta fuerit in Synodo. At melius alii, Episcopi statutis, etiam extra Synodum, audito tamen consilio Capituli, tactis, & promulgatis, eandem attribuunt perpetuitatem, quam omnes concedunt Synodalibus Constitutionibus: Siquidem etiam illa suas vires, & efficaciam unice mutantur ab auctoritate, & jurisdictione Episcopi, quæ eadem prorsus est, live in Synodo, live extra Synodum, exercentur. Accedit expressa decisio Gregorii IX. *in cap. ultim. de offic. Legat.*, ubi ait: *Nemini dubium esse volumus, quin Legatorum Sedis Apostolicæ statuta, edita in provincia sibi commissæ, durent tanquam perpetua, licet eadem postmodum sint egressi*: Nam si itatutum Legati perseverat, postquam ejus jurisdictio, per egressum e provincia, est extincta, idem dicendum esse de quolibet Episcopi statuto, merito ibidem observat Glossa *vers. Statuta*, quam sequuntur Jafon *in leg. Stripularionum, ff. de verb. oblig. num. 3. & 4.*, Federicus de Senis *consil. 16.*, aliique, quos allegat Reiffenstuel *cit. tit. de Constit. §. 4. num. 70.*, ubi simul docet, hanc eandem potestatem condendi statuta, in perpetuum duratura, competere Capitulo, vacante Sede Episcopali.

2 Quod autem diximus, Synodales Constitutiones esse perpetuas, non est ita accipiendum, quasi nequeant ab eodem Episcopo, ejusve Successore revocari: Etenim perpetuæ dicuntur, hoc tantum nomine, quod scilicet sint regulæ stabiles, propositæ Communitati, quæ moraliter eadem perseverat; atque insuper, quia, spectata earundem natura, durant post mortem Legislatoris, nisi ab ipso, aut a Successore abrogentur; nequaquam verò perpetuæ dicuntur, quasi sint immutabiles; cum interdum novæ emergentes rerum circumstantiæ illas delendas, atque abrogandas suadeant, uti bene ratiocinatur Suarez *cit. cap. 10. num. 15.* Quare, si postremæ Synodi decreta aliis adversentur, quæ in prioribus fuerant edita, posterioribus erit inhaerendum; quia jus posterius derogat priori, quemadmodum ad rem ponderat Cardinalis Jacobatius *de Conciliis lib. 6.*; ad quod alludit etiam Sanctus Augustinus *lib. 2. de Baptismo contra Donatistas scribens cap. 3. num. 4. (tom. 9. oper. vol. 98.)*: *Sæpe priora a posterioribus emendari, cum aliquo experimento rariem aperitur, quod clausum erat, & cognoscitur quod latebat*.

3 Præter revocationem verò a Legislatore, ejusve Successore factam, alii duo sunt modi, quibus dioeceseos incolæ Synodaliū Constitutionum jugum excutere possunt: primo, si nunquam illas, earumve aliquam moribus recipiant, seu observare incipiant; secundo, si postquam receptæ fuerant, per contrariam consuetudinem, ab earundem vinculo se solvant.

vant. Ad primum, quod attinet, quanquam leges, potissimum Ecclesiasticæ, a populi acceptatione minime pendeant, attamen cum eisdem nunquam a populo recipiuntur, peccant quidem eas non recipientes, sed tandem desunt obligare; quoniam præsumitur, nolle Legislatorem, cum maximo animarum dispendio, suæ legis vinculo diu irretitam tenere Communitatem, quæ nunquam passa est, se eo constringi, uti bene ratiocinatur Suarez *lib. 4. de legib. cap. 16. num. 9.* Quantum vero temporis necessarium sit, ut lex nunquam usu recepta censetur tacite revocata, litigant Doctores. Certum solum videtur, nullum temporis spatium esse necessarium, quando Legislator scit, suam legem non recipi, & cum commode possit ejusdem observationem urgere, dissimulat, tacetque, neque in transgressores animadvertit; tunc quippe, post paucos actus a Superiore toleratos, præsumitur, quod idem per hanc ipsam conniventiam, suam legem tacite revocet, nolique ea obstringere Communitatem, cui displicet, Suarez *ibid. loc. num. 10. & 12.* At difficultas est, quando lex ab initio respuitur, ignorante Legislatore. Ne in hoc rerum eventu quidem, ullum determinatum temporis intervallum necessarium existimant Felinus in *cap. 1. num. 13. de transg. & pac.*, & Henric. in *tract. de Synod., art. 2. num. 63.*, quorum sententiæ, post paucos transgressivis actus, prudentis viri judicio definandos, censetur pariter lex abrogata. Alii e diametro oppositi, quos sequitur Fagnanus in *ord. cap. de transg. & pac.*, legem, etsi nunquam usu receptam, urgere nihilominus putant, donec non effluerit tempus quadraginta annorum, intra cuius spatium, quotquot legi non parent, cujus materia sit gravis, a gravi culpa reatu non excusant. Alii demum, quorum opinionem præfere totum arbitratu laudat Suarez *num. 11.*, docent, ad deletandam legem, quæ nunquam a Communitate servari coeperit, necessarium, & sufficiens esse decennium: nam ex una parte, ejusmodi temporis spatium satis est; ut consuetudo, seu præscriptio dicatur longi temporis; juxta Glossam in *cap. ult. de consuetud. in 6.*; atque ex alia, brevius tempus videtur expigi, si lex, nunquam usu recepta, desinat obligare, quam requiratur ad abrogandam legem, quæ diutius moribus comprobata; cum autem ad hoc postremum requiratur, ad summum, tempus quadraginta annorum; ut statim dicemus, videtur ad primum; satis abunde esse decennium.

¶ Cum vero agitur de lege, jam populi moribus firmata, ad illam, contraria consuetudine abrogandam, communiter exigunt Doctores quadraginta annorum spatium; quoniam tantum temporis necessarium est, ad præscribendum contra Ecclesiam, per textum in *cap. De quarta*, aliterque de *prescript.* Verum plerique ex recentioribus non improbabiliiter opinantur, satis esse consuetudinem decem annorum; nam, teste Suarez *lib. 7. de legib., cap. 19.*, apud omnes in confesso est, tanti temporis consuetudinem vires habere abrogandi legem civilem, nec contrarium reperitur sancitum pro lege Canonica; neque enim (ajunt hujus sententia

Patro-

Patroni) exemplum præscriptionis, per quam aufertur ab Ecclesia jus proprietatis, sive in re, sive ad rem, puta jus percipiendi Decimas, comparari potest consuetudini, per quam, sine Ecclesie detrimento, ejusque Bonorum jactura, tollitur obligatio legalis; secus quippe lex lata a Romano Pontifice non possit abrogari, nisi per consuetudinem centum annorum; tantum enim temporis requiritur, ad præscribendum, contra Bona, & jura Ecclesie Romanæ *cap. Ad audientiam 13. & cap. Si diligenti 17. de præscript.* Ita ratiocinantur Lessius *lib. 2. de just. & jur. cap. 6. num. 46.* Cardinalis de Lugo *de just. & jur. disput. 7. sect. 6. num. 94.* Pirhing *ad tit. de consuetud. §. 6. num. 39.* alique ab his citati.

5 Quod porro dicimus, legem, sive nunquam receptam, sive receptam, contraria consuetudine deleri, intelligendum est, dummodo consuetudo ceteras habeat condiciones, quæ a jure in ea exposcuntur, præcipue in *can. Veritate, cum seqq. dist. 8. cap. Ad nostram; & cap. fin. de consuetudine*; & primò quidem, ut sit rationalis, hoc est neque juri Divino, neque naturali contraria, nec expresse a jure reprobata, aut in Legislatoris contemptum inducta: deinde, ut a majori Communitatis parte libere, & sponte sit inducta, pluribusque, ac continuis actibus frequentata, animo legem tollendi: ac demum, ut adsit consensus Legislatoris; non quidem expressus, & personalis, qualem cum aliis necessarium voluit Pontius *lib. 6. de Matrim. cap. 6. num. 7.* sed consensus legalis, & juridicus, qui nimirum jam habetur per leges, & canones, omnem consuetudinem, populi moribus inductam approbantes, eique vires tribuentes, abrogandi legem, quod communissime sentiunt Doctores, congesti a Suarez *cit. lib. 7. cap. 18. num. 14.*

6 Si itaque incidat questio, an Constitutio Synodalis deferat obligare, eo quod, aut tolerante Episcopo nunquam fuerit ab aliqua Communitate recepta, aut postquam fuerat moribus comprobata, contraria consuetudine sit deleta, res erit decidenda, juxta indicatas doctrinas, quas prolixius exornant juris Canonici Interpretes *ad tit. de consuetud.*

7 Hactenus de cessatione legis in communi; rerum, manente legis obligatione, quoad totam Communitatem, potest, quis a legis vinculo subduci, per dispensationem a Superiore impetratam; quam quidem dispensationem, si sermo sit de lege seu Constitutione Synodali, obtineri posse ab Episcopo, qui legem tulit, ejusque in Episcopali Cathedra Successore, nemo ambigit; omnis enim res per quascumque causas nascitur, per easdem dissolvitur, juxta *reg. 1. juris*, quam ad rem perpendunt Navarrus in *Summ. cap. 25. num. 74.* Azorius *instit. p. 1. lib. 5. cap. 15. q. 3.* Suarez *lib. 6. de legib. cap. 35. num. 8.* Barbosa *de offic. & potest. Episc. allegat. 34. num. 2. & 3.* Neque ad aliquem eximendum a Synodalis statuti observatione, tenetur Episcopus exquirere consensum, aut consilium Capituli, quanquam de ejusmodi consilio illud ediderit: Jura enim potestatem dispensandi uni committunt Episcopo, nulla facta Capituli mentione,

tionem; *cap. At si Clerici, §. de adulteriis, de judiciis; cap. Cum ex eo, de elect. in 6.*, quod aliis allegatis, ponderat Suarez *cit. loc. num. 10.*, & prosequitur Romaguera *ad Constit. Synod. Gerunden. lib. 1. tit. 1. cap. 1. num. 32.* Ut tamen licite dispensationem elargiatur, iusta requiritur causa; Siquidem recta ratio suadet, neminem esse a communi lege, absque legitima causa, eximendum, præsertim, si dispensatio uni concessa, aliis causam præbeat obloquendi de Superiore, quasi sit acceptor personarum, Navarrus *cit. cap. 25. num. 5.*, Azorius *cit. cap. 15. q. 3. in fin.*, Suarez *cod. lib. 6. cap. 18. num. 4. & seqq.*, Barbosa *cit. loc. num. 5.* Dispensationem vero super propria Constitutione, etiam sine iusta causa datam, validam, propugnant Doctores, quos adducit, & sequitur Suarez *cod. lib. cap. 19. num. 6. & seqq.*; qui tamen oppositum tenent, quando Inferior, aut ex privilegio, aut epikeja relaxat legem a Superiore latam, puta, cum Episcopus aliquem eximit a lege summi Pontificis; hanc enim dispensationem, nulla urgente iusta causa, ab Inferiore concessam, non solum illicitam, sed invalidam, omnes Doctores pronuntiant; quia non censetur Superior potestatem dispensandi, super sua lege impertiri, nisi ex causa rationabili; ac proinde, qui, hac non existente, dispensationem elargitur, suæ potestatis limites prætergreditur, Abbas *in cit. cap. At si Clerici, num. 10. de judic.*, Barbosa *cit. allegat. 34. num. 1. in fin.*, Reiffenstuel *ad tit. de Constitut. §. 18. num. 178.*, alique communiter.

8 Non eo tamen jure, quo suæ Diocesanæ, relaxare potest Episcopus Constitutionem Synodi Provincialis: hæc quippe condita est a cœtu Episcoporum, tanquam constituentium unum mysticum corpus, altioris jurisdictionis, quam in singulis reperiatur Episcopis; ac propterea censetur lex lata a Superiore, cui Inferior, jure ordinario, nequit derogare, Suarez *lib. 6. de legib. cap. 15. num. 4.*; & quoniam etiam Archiepiscopus, quamvis Concilio Provinciali præsideat, attamen est illo inferior; a Metropolitano enim ad Concilium Provinciale, tanquam ad Superiorem appellari posse, ait Gloss. ult. *in cap. penult. de appellat. in 6.*, hinc recte insert idem Suarez *ibid. num. 5.*, neque Archiepiscopum potestatem habere, relaxandi, seu aliquem, per dispensationem, solvendi a vinculo Constitutionis, editæ a Concilio Provinciali. Quocirca recte ait Cardinalis Cozza *de jejun. part. 3. art. 9. dub. 1. num. 5.*, neque Episcopo, neque Archiepiscopo jus esse abrogandi obligationem jejunii, in Provinciali Synodo indicti.

9 Unam hic difficultatem movent Bottus *de Synodo part. 2. art. 4. n. 12.*, & Barbosa *cit. alleg. 34. num. 7.*, num scilicet integrum sit Episcopo, aut prorsus delere Constitutiones Synodales a se factas, aut aliquem, ex iusta causa, ab illis eximere, quando eadem, auctoritate summi Pontificis sunt confirmatæ. Verum, cum ex dictis liqueat, Constitutiones Synodi Diocesanæ non solere a summo Pontifice confirmari, si questio circa eas dumtaxat versaretur, inutilis foret, & supervacanea; At siquidem etiam

de Con-

de Constitutionibus Synodi Provincialis, quas nonnunquam Pontificia auctoritate roborari diximus, dubitari potest, an Apostolica confirmatione munitæ, nihilo tamen minus abrogari queant in alia Provinciali Synodo, idcirco operæ pretium est aliquid de hac controversia delibare. Non una est hac in re Auctorum sententia. Baldus in *leg. Omnium, cod. de testam.* universum docet, statutum Inferioris, a Superiore confirmatum, non posse deinceps, sine Superioris consensu, ab Inferiori revocari. Oppositum sentit Bartolus in *ead. leg. Omnium*, ubi expresse tradit, confirmationem Superioris nullum præbere obstaculum Inferiori, quominus legem a se rogatam, pro suo libito, revocare queat. Uterque tamen melius alibi suam aperit mentem: Baldus enim in *leg. Ex placito, num. 12. & seqq. cod. de rer. permut.*, & Bartol. in *leg. Omnes populi, ff. de iust. & iur.* duplicem distinguunt legis confirmationem; unam vocant *essentialem*, alteram *accidentalem*; *essentialem* dicunt, quæ est necessaria, ut Inferioris statutum vires habeat obligandi; quod contingeret, si Inferior, nisi fulciretur auctoritate Superioris, potestatem non haberet suos subditos novi statuti nexu obstringendi; Confirmationem *accidentalem* appellant, quando Inferior habet potestatem ferendi veram legem, quæ talis sit, viresque habeat obligandi, sed solum ad maiorem ejusdem legis auctoritatem, & robur, confirmationem petit a Superiore. Hac porro distinctione præmissa, ambo docent, statutum primi generis, a Superiore confirmatum, non esse ab Inferiori revocabile; quoniam reputatur lex Superioris, lata ad petitionem Inferioris: Statutum vero secundi generis, siquidem etiam post Superioris confirmationem, adhuc censetur lex Inferioris, qui illius condendæ auctoritatem habebat, ajunt posse ab Inferiori revocari; quod probant *ex cit. leg. Omnium, cod. de testam.*, in qua decernitur, testamentum, licet confirmatum ab Imperatore, posse nihilominus a conditore revocari.

10 Aliam distinctionem adhibet Panorm. in *cap. Cum accessissent, de Constit. num. 2.*, & in *cap. Dilecto, num. 10. de Præben.*: Aut, ait, statutum respicit dumtaxat favorem, & commodum statuentium, & tunc confirmatio, obtenta a Superiore statuentes non impedit, ne illud delere valeant: Etenim Innocentius III. in *dicto cap. Cum accessissent, de Constit.* rescribit, potuisse Canonicos Tullenses rescindere statutum, quod ipsimet considerant, abolendi nimirum in sua ecclesia officium Primiceriatus, quanquam idem statutum fuisset ab Apostolica Sede confirmatum: Aut statutum pertinet ad publicum bonum, & tunc, inquit Panormitanus, sine consensu summi Pontificis, a quo fuerit confirmatum, non potest a statuentibus rescindi, aut relaxari; quoniam jam effectum est jus Superioris, cui nemo Privatus potest derogare *Leg. jus publicum, ff. de pactis, cap. Si diligenti, de foro competent.*

11 Verum, ut alias prætermittamus Doctorem opiniones, quas recenset Suarez *lib. 6. de legib. cap. 26.*, ceteris præferenda videtur sententia Fagnani in *cap. Si quis, a num. 11. usque ad 24. de confirmatione utili, & inutili*, ubi distinguendum docet inter confirmationem, quam vocant in *forma com-*

*ma communi*, & confirmationem *in forma specifica*. In forma specifica fieri dicitur, cui præmittitur causæ cognitio, & singula Statuta diligenter expenduntur, ac deinde, nulla adjecta conditione, auctoritate Apostolica, cum clausula *motu proprio*, atque *ex certa scientia* confirmantur. In forma communi confirmari dicuntur Statuta, quæ non singulatim examinantur, neque approbantur a Pontifice *motu proprio*, & *ex certa scientia*, atque Apostolicæ auctoritatis robur illis non adjicitur absolute, sed solum conditionate, videlicet, *Si juxta, canonice, ac provide facta sint*; & *dimmodo sacris Canonibus, Tridentini Concilii Decretis, & Constitutionibus Apostolicis non adversentur*, quam postremam conditionem omnibus Statutorum confirmationibus, *in forma communi* hodie exprimi, atque apponi solere, idem Fagnanus num. 18. testatur. Jam vero, pergit Fagnanus, Statuto confirmato *in forma specifica*, cum naturam induerit legis Pontificiæ, nulli Inferiorum fas est derogare: Statutum vero confirmatum *in forma communi*, integrum est statuentibus delere, atque ab illius obligatione aliquem, ex justa causa, subtrahere: Etenim talia confirmatio nihil novi juris, aut efficacitatis illis tribuit, qua antea carerent. De prædicta duplici confirmationis specie, atque utriusque effectibus fuse agunt Suarez lib. 8. de legibus cap. 18. per tot., Garzias de Beneficiis, p. 3. cap. 2. num. 231. & seqq., Barbosa ad cap. 1., & cap. 4. de confirmat. nulli, vel inutili, Pirhing. eod. tit. num. 3. & seqq., atque ibidem Engel. num. 5., Reiffenstuel num. 4.

12. Dicendum nunc restat, an Synodalia Constitutionum vires infringantur, seu retardentur, ob interpositam ab illis appellationem ad Superiorem. Sed nullo negotio hæc difficultas eluitur; nam cum ejusmodi Constitutiones non unam, aut alteram personam, sed universam respiciant diocesim, apud omnes in comperto est, interpositam ab illis appellationem non esse admittendam in suspensivo, quod late demonstrant Cappon. discept. 167. num. 4. & seqq. tom. 3., De Aste in metodo sac. visit. part. 5. §. 2. num. 24., Coccin. decis. 1486. num. 1. & 2., & decis. 1522. num. 1. & 2., Romaguera ad Constit. Synod. Gerunden. lib. 1. tit. 1. cap. 1. num. 46. Accedit, Synodales Constitutiones ad unum plerumque collinear scopum, correctionis nimirum, & reformationis morum, in qua materia sacri Canones non admittunt appellationem, nisi in devolutivo, per Textum in cap. Irrefragabili, de offic. Ordin.; in cap. Ad nostram, de appellat., innovatos a Tridentino in cap. 1. sess. 22., & cap. 10. sess. 24. de reform., quas quidem saluberrimas sanctiones Nos ad unguem servari justissimus in nostra Constitutione 48. §. 21. nostri Bullar. tom. 1. pag. 137.; Et quanquam Doctores hanc assertionem ita limitent, ut appellationi, etiam in suspensivo locum esse affirmant, cum Episcopus, servato ordine judicario, in aliquem animadvertit, atque in ejusdem correctione nimium excedit, a justitiæ, & æquitatis semita deflectens, juxta late deducta per Fagnanum in cit. cap. Irrefragabili, num. 6. & seqq. de offic. Ordin., & in cap. Ad nostram, de appellat. per tot.; hæc tamen limitatio non afficit Synodales Constitutiones: hæc quippe non

non se habent per modum peculiaris sententiæ, contra aliquem latæ, cui sit præmittendus ordo judicarius, sed sunt leges universim editæ ad Cleri; populique mores corrigendos, & reformandos, quas appellationem in suspensivo prorsus excludere, scite considerat Pignatellus *consult. 72. tom. 1.*

13. Quanquam porro a Synodalibus Statutis, de jure, admitti possit appellatio in devolutivo, hæc tamen ipsa a prudenti Superiore non est statim, atque ad cujuslibet querelam, admittenda, ne Episcopi deterreantur a suis cogendis Synodis, timore litium, quas postea subire cogantur, ob male seriatorum hominum, adversus Synodales Constitutiones querimonias, & frivolas appellationes. Quare ad hæc præcavenda incommoda, cum appellatio interponitur ad sacram Congregationem Concilii, satius erit, ut ejusdem Secretarius Appellantes compellat ad designandas singulas Constitutiones, contra quas reclamant, eosque simul adigat ad momenta rationum exponenda, propter quas eas irrationabiles, nimium graves, & onerosas, aliove vitio contendunt infectas: hæc vero omnia idem Secretarius significabit sacræ Congregationi, quæ, in hunc modum rite instructa provide decernet, an appellatio sit admittenda, an potius rejicienda, veluti inanis, & calumniosa. Hæc methodus a Nobis, cum prædicto Secretarii munere fungeremur, adhibita fuit in gravi controversia excitata, adversus Synodum Fulginatensem, habitam anno 1722. ab Episcopo Baptistello; eoque pacto ex innumeris causæ articulis, ab Appellantibus propositis, paucos selegimus, qui videri poterant aliqua discussione digni, eosque dumtaxat sacræ Congregationis judicio subjecimus, in quibus tamen iidem Appellantes succubuerunt, causamque in omnibus obtinuit Episcopus, quod videre est in eadem Synodo typis impressa *pag. 285.*

14. Hæc de Dioecesana Synodo, ad Episcoporum instructionem, utilitatem, & commodum, duximus adnotanda, quibus unum, veluti pro coronide adjicimus, videlicet cavendum esse Episcopo, ne sub censurarum poena injungat Clericis; ut Synodalia Constitutionum codicem sibi emant: Etenim præter ea, quæ circa moderatum usum censurarum in hujus Operis *lib. 7. cap. 45.* prænotavimus, ejusmodi edictum, utpotè ingerens aliquam suspensionem turpis quæstus, fuit expresse improbatum a sacra Congregatione Concilii in causa Lارين. Decretorum Synodali; die 30. Augusti 1732., de qua *tom. 5. Thesaur. Resolut. pag. 387. & seq.* Ne autem editæ Constitutiones, ullo unquam tempore in oblivionem veniant, consultius erit vestigia sectari sæpius a Nobis laudati Antonii Mariæ Gratiani, Episcopi Amerini, qui suis Clericis præcepit, ut Synodalia statuta crebro perolverent, memoriæ mandarent, sibi que dioecesim subinde visitanti, etiam de illis rationem redderent: Nam quemadmodum (inquit) *magnopere illi collaudabuntur, quos studiose in eorum lectione versatos intelligemus, ita quorum notabilis negligentia, tarditasque visa fuerit, pro eorum merito, acriter a nobis corripientur, atque oburgabuntur.*

cap. 7. lib. 1. 2.

F I N I S.



# I N D E X

## RERUM NOTABILUM,

*Qua in hoc Opere de Synodo Diocesana continentur.*

### A

**ABBATES**, habentes jus Mitrae, & Baculi; etiam Titulares, & Commendatarii, Sæculares, & Regulares, præcedunt in Synodo Canonice, capitulariter non intervenientibus. Inter Abbates præcedit, qui dignitatem prior est assecutus, *lib. 3. cap. 10. num. 5. & 6.* Habentes jurisdictionem, quasi Episcopalem, habet suffragium decisivum in Synodo Provinciali, & subscribunt: habent etiam jus interveniendi Synodis OEcumenicis, *lib. 8. cap. 2. n. 5. V. Prælati.*

**ABBATISSARUM** electioni Episcopus præstare potest, *lib. 5. cap. 12. num. 4. V. Episcopus.*

**ACCLAMATIONES** quædam in Synodis haberi consueverunt, *lib. 5. cap. 1. num. 9.* Frequentes in OEcumenicis: raro in Provincialibus, *num. 10.* rarius in Diocesanis, in quibus, juxta Cæremoniale Episcoporum, essent omittendæ, sed saltem in prima Synodo haberi possunt, *n. 11.*

**ADMONENDUS** est in Synodo Clerus de illis, quæ in illo corrigenda Episcopus deprehenderit, *lib. 5. cap. 1. num. 6.* Hujus admonitionis plures sunt formulæ, *Ibid. V. Formula.*

**ADOPTIO** inventa est in solatium orbitatis filiorum. Diversis ritibus perficiebatur a Barbaris, a Romanis, aliisque nationibus, qui describuntur, *lib. 7. cap. 36. num. 3.* Alia est perfecta, seu *Adrogatio*: alia imperfecta, seu *simplex*: utraque describitur, *num. 4.* Inducit per leges civiles impedimentum cognationis quod matrimonium, *ibid.* a jure Civico admittitur, *num. 5.* An hoc impedimentum ab utraque proveniat, adhuc disputatur: In dubio recurrendum est ad illas Leges. *ibid.*

*40m. XII.*

**AFFINITAS** non parit affinitatem. Olim tripliciter contrahabatur ex matrimonio: vel una dumtaxat media persona, vel duabus, vel tribus modis. Hæ affinitates matrimonio valide contrahendo obstabant: nunc dux ultimæ species sublatae sunt, *lib. 7. cap. 39. num. 2.* Affinitas in primo gradu linearæ rectæ dirimit matrimonium; incertum tamen, num jure naturæ, an Ecclesiastico. Pontifices, etsi pluries rogati, ab hæc affinitate dispensanda abstinuerunt, *num. 4.*

**ACAPETAE** erant feminae, Deo devotæ, quas viri, Deo sacrati, sibi in matres, sorores, aut filias adscisciebant, & pietatis causa domi retinebant, *lib. 7. cap. 57. num. 1. V. Clerici.*

**APPELLATIO** suspensiva admittitur in causis Beneficialibus, nec ab Episcopis tolli potest, *lib. 7. cap. 65. num. 3.* Clericus ob crimen occultum ab Episcopo suspensus a susceptis, vel a suscipiendis Ordinibus, non potest appellare, sed tantum suas querelas ad Sedem Apostolicam deferre. Si appellet, & in Ordine ministret, incurrit irregularitatem, *cap. 71. num. 3. 4. & 5.*

**AQUARTE**, sive Hydrophilacæ, olim signabantur Imperatorio stigmate in singulis manibus, & quare, *lib. 7. cap. 40. num. 3.*

**ARCA**, seu Gasophilacium, in singulis Christianorum templis ab initio Ecclesiæ exponebatur, in quam Fideles pecuniam inferebant, *lib. 5. cap. 8. num. 3.*

**ARCHIDIACONUS** non peccat, dum in actu Ordinationis Episcopo interroganti respondet, Ordinosos esse dignos, etiamsi ignoret, *lib. 5. cap. 3. num. 4.*

**ATTRITIO** est Contritio imperfecta. Attritionis nomen solum circa ann. 1220. vulgari coepit; antiquissimum tamen est, quod per hoc nomen importatur, *lib. 7. cap. 13. num. 2. V. Contritio.*

G E E

BAPT-

**B**APTIZANDUS non est infans in utero matris, si nulla ejus pars aqua perfundi possit: baptizmus sic collatus non prodest, *lib. 7. cap. 5. num. 2.* Si infans in utero possit in aliqua sui parte immediate aliquo modo tingi, aut aliqua ejus pars ex utero prodierit, poterit in periculo mortis baptizari, rebaptizandus sub conditione, nisi pars prodierit fuerit caput, aut alia ex principalioribus *a n. 2. ad 10.* Non est baptizmus temere, & imprudenter repetendus conditionate, sub poena irregularitatis, *cap. 6. num. 2. §. 4.* Unicus testis probat sufficienter baptizmi collationem, *ead. n. 4.* dummodo sit certa persona: nec sufficit scheda, collo infantis appensa, nisi sit certae personae: nec aliud signum, *n. 5. §. 6.* Non est iterandus collatus ab Haereticis, rite adhibitis materia, & forma, *num. 7.* quamvis minister haereticus non crediderit, per baptizum remitti peccata, *num. 8.* Collatus ab Haereticis Hollandiae, finimarumque regionum, dubius habitus est, & quare, *num. 8.* Forma conditionata baptizmi est antiquissima, *V. Forma.* Baptizmus, Latino ritu collatus, Copul perperam improbant, quod forsium a Confirmatione administratur, *cap. 10. num. 4.*

## BENEFICIUM.

**BENEFICIA** Ecclesiastica etiam Clericis divitiis nunc conferri possunt. Id antiquitus licuisse non ita certum, *lib. 7. cap. 2. num. 2.* Beneficiorum fructus, honeste Beneficiati sustentationi sufficere, in pauperes, piosque usus erogandi sunt; in profanos infami nequeunt sine gravi peccato, *a num. 3. ad 5.* Non vero Clerici, Beneficia possidentes, sint vere fructuum domini, an dumtaxat administratores, adeoque ex justitia teneantur ad erogandos fructus superfluos in pios usus, aliter ad restitutionem obligentur, questio gravis est, adhuc indetisa, *a num. 6. ad 14.*

**BENEFICIUM** cujuslibet fructus primi aoni, non obtinenti Beneficium, sed antecessoris defuncti heredibus obvenire possunt, *lib. 7. cap. 70. num. 3.* S. Carolus Borromaeus in quodam Concilio, Beneficio Ecclesiastico indignum, & biennio inhabilem, pronuntiavit illum, qui iteratis ambiciosisque precibus illud ab Episcopo extorquere nititur: hic nihilominus non est censura afficiendus in Synodo, *cap. 63. num. 4.* De Beneficiis juris-patronatus, si Patronorum suffragia sint diversa, instituendus est, qui a pluribus praesentatur, si sit idonea; aliter, qui a paucioribus; sed adhuc potest Episcopus novam ab omnibus Patronis requirere praesentationem, *cap. 70. num. 6.* Qui in Beneficio jus certum habet, potest redimere injustam vexationem, dummodo absit periculum simoniae, *cap. 69. num. 8.* Ad titulum Beneficii quis ordinari potest, *cap. 72. toto; V. Titulus. Causae Beneficiales.*

**BENEFICIATI** Cathedralis, vocati ab Episcopo, Synodo interesse debent, non tamen tamquam Collatum, *lib. 3. cap. 4. num. 4.* Beneficiati simplices possunt ad Synodum compelli ex consuetudine, aut si agendum sit de moribus, vel de re ad Clericos omnes pertinente, *cap. 6. a num. 1. ad 5.* Si Beneficium simplex in una diocesi possideant, in alia mortentur, possunt, ut Beneficiati, ad primam diocesis, ut Clerici, ad secundam Synodum compelli, *num. 6. §. 7.*

## BONA ECCLESIASTICA.

**BONORUM ECCLESIASTICORUM**, ante divisionem, Episcopus erat administrator: partem singulis assignatam debebat fideliter elargiri: non poterat, absque lesione justitiae commutativae, fraudare pauperes quarta parte provenientum: quod etiam nunc locum habet, ubi nondum facta est divisio, *lib. 7. cap. 2. num. 3.* Non possunt Bona Ecclesiae alienari sine beneplacito Apostolico. Ubi non est recepta Pauli II. Constitutio, alienantes sine dispo beneplacito, solum non incurrunt poenas,

pones, in ea statutas, *cap. 7. num. 8.*  
**BULLAE** Cruciatæ beneficio absolutio a  
 censuris prodest dumtaxat in foro inter-  
 no, *lib. 7. cap. 65. num. 7.*

## C

**CAMBIZIUM** aliud minutum, & manuale,  
 aliud per litteras, & locnie. Expli-  
 cantur. Aliquid ex his lucrari licet  
 Campori, dummodo sincera sint, non  
 ficta, & ficta, *lib. 7. cap. 48. num. 7.*  
 Aliud est cambium obliquum, *Expli-  
 cantur num. 8.* Vix sustineri potest, saltem  
 quoad forum internum, ideo in Syno-  
 dit abigendum, *num. 9. & 10.* Cambia  
 celtiva, Laicis licitis, Clericis incendi-  
 enda sunt, *cap. 69. tit. V. Clerici.*

## CANONES.

**CANONES** dicuntur Leges Ecclesiasticæ,  
*lib. 1. cap. 3. num. 2.* Canones proprie di-  
 cuntur Constitutiones Concilii Genera-  
 lis, & summi Pontificis, aut statuta Epi-  
 scopi a summo Pontifice confirmata, &  
 ad universam Ecclesiam extensa, *num. 3.*  
 Canones Pœnitentiales ægre ad usum  
 revocari possent, & quare, *lib. 7. cap. 62.*  
*num. 4.* Laudabiliter inferrentur in Con-  
 stitutiones Synodales, adjecto præcepto,  
 ut Sacerdotes eos addicerent, non ad  
 usum, sed ut aliquali proportionem pœ-  
 nitentiam pro quibusdam criminibus im-  
 ponerent, *num. 5.* Id in multis Synodis  
 factum est, *num. 6.* Utiliter quidem. Ex-  
 pedit enim, ut Consularii moneant pœ-  
 nitentes, quanta olim pœnitentia pro  
 quibusdam flagitiis imponeretur, *num. 7.*  
 Canonum statuta ab Episcopis potissi-  
 mum sunt custodienda, ad quod in sua  
 consecratione juramento se obstringunt,  
*cap. 65. num. 1.*

## CANONICI

**CANONICI** Cathedralium ad Synodum Pro-  
 vincialem invitari possunt, non compelli  
 ibi habent votum in re consultivum,  
*lib. 3. cap. 4. num. 1.* Synodo Diocesanae

probabilius intervenire debent, saltem  
 per aliquot ex eorum ceteris, *num. 2.* Ad-  
 mirandus est etiam Canonicus Pœni-  
 tentiarum, *num. 3.* Accedere debent et-  
 iam Canonici Collegiarum, eorum-  
 que Coadjutores: si Collegiate distet,  
 aliquos ex ipsis deputatos mittere de-  
 bent, *num. 3.* Post servitium quadragin-  
 ta annorum, non interruptum, ab omni  
 servitio absoluntur, recinentes fructus  
 & distributiones. Jubilati, ab Episcopo  
 ad Synodum vocati, accedere tenentur,  
*num. 6.*

**CANONICI** olim, auctore Crodogangæ Epi-  
 scopo Metensi, in Collegiis more Mo-  
 nachorum, exceptis vocis Religiosis, vi-  
 vebant. Priusquam Capitulis inferrentur  
 probandi erant in tyrociniis multis  
 molestiis, & incommodis, *lib. 7. cap. 55.*  
*num. 2.* In quibusdam Germaniæ Capitu-  
 lis, antequam in Capitulum adirentur,  
 annum residentie in Ecclesia servi-  
 tium transigere debent. In aliis post an-  
 num residentie habent meritis expecta-  
 tivum vacantie Præbendæ Canonicali,  
 ideoque appellantur *Domicellares*, spe-  
 ciem quandam præseferentes antiquo-  
 rum, qui in tyrociniis probabantur, *num. 3.*  
 Hi Domicellares cum in Capitulum re-  
 cipiendi essent, ab humeris ad lumbos  
 denudati, per medium agmen Canonico-  
 rum Capitularium transientes, vir-  
 gila a singulis emdebantur, *num. 4.* Hic  
 mos, vel a Monachis in Canonicos de-  
 rivatus erat, vel erat species emancipa-  
 tionis, *num. 5.* Eundem ovivisionem sustulit  
 Episcopus Herbipolensis, cujus decre-  
 tum, frustra obstititibus Canonicis,  
**BENEDICTUS XIV.** confirmavit,  
*num. 6.* In Germaniæ Canonici a seculo  
 decimo appellati sunt *Dominici*, *num. 3.*  
**CANONICI** Cathedralis de jure præcedunt  
 Canonici Collegiæ, *lib. 7. cap. 65. num. 2.*

Consulti ab Episcopo debent ingenie  
 mentem suam aperire, *lib. 8. cap. 1. num. 7.*  
 Consulendi sunt etiam ante promulga-  
 tionem Constitutionum Synodaliū,  
 quavis Episcopus eos sequi non teneat  
 decet proinde, ut ante Synodum  
 singulis Canonicis tradantur expenden-

*dix*, a num. 8. ad 16. Invitati ad Synodos Provinciales, adesse possunt per se, vel per Procuratores, c. 2. n. 6. Congregationibus, quæ sessionibus præmittuntur excludi possunt, nec Synodo subscribant, num. 7.

**CARDINALES**, licet non Episcopi, præferuntur Episcopis in Synodis Generalibus, & Nationalibus, ac loco superiori sedere debent, lib. 3. cap. 10. num. 1. V. *Sedendi ordo*. A Papa consulti debent in genere suum consilium aperire, nec sine culpa reticere, aut ambiguum responsum dare possunt, lib. 8. cap. 1. num. 7.

**S. CAROLUS BORROMÆUS** abusus comediendi carnes Dominica prima Quadragesimæ; spectacula; ludosque publicos diebus festis fieri inuitos, ab Ecclesia Mediolanensi extirpavit: divarsique pravis, ac mulieribus stationes in ecclesiis parari sanctissime iussit. Ideo a quibusdam male feriatis tamquam novator traductus; immo ad summum Pontificem Legati Mediolanenses venerunt, ut ejus Constitutiones expungerentur; sed per jocum *Oratores Bacchanalium* Romæ appellati, inanes discesserunt, lib. 7. cap. 54. a num. 3. ad 9. Antequam convellere niteretur consuetudinem, Mediolani viuentem, alienandi Bona Ecclesiastica, inconsulta Sede Apostolica, eandem Sedem consuluit, cap. 71. num. 9.

**CASULA**, Clericorum vestis, dicta, quasi minor casa, totum hominem tegens, lib. 7. cap. 59. num. 1.

**CATECHUMENA** erant porticus superiores ecclesiarum, lib. 1. cap. 5. num. 5.

#### CATHEDRATICUM.

**CATHEDRATICUM** olim quandoque dicebatur munus, quod in sacris Ordinationibus perperam tribuebatur Collatoribus. Proprie est certa pensio, singulis annis Episcopo solvenda in signum subjectionis, & in honorem Cathedræ Episcopalis, ad ejusdem onera sustentanda, lib. 5. cap. 6. num. 1. & 2. Alicubi præstatur Episcopo, visitanti diocesim; alibi, & frequentius, in Synodo; ideo

dicebatur etiam *Synodaticum*, *Ibid.* Hoc Cathedratium nunquam a sacris Canonibus vetitum est, sed taxatum duobus solidis. Nullum jus Episcopale Cathedratium est antiquius, n. 3. Nannulli Episcopi in Cathedratii exactione, vel taxam violantes, aut aliter, deliquerunt: alii integrum condonarunt: nemini proinde jus ademptum est, num. 4. Neque a Tridentino sublatum est, dummodo in visitatione diocesis non solvatur, num. 5. Nunc, incerto duorum solidorum valore, Cathedratium, quoad quantitatem, solvendum est juxta locorum consuetudinem, & Statuta, cap. 7. num. 1. Solvendum est ab omnibus Ecclesiis secularibus, ac quibuscumque Parochiis, & Beneficiariis cujuscumque ritus, qui in diocesi degentes Episcopo subfunt, num. 2. Non ab Ecclesiis Regularium, bene vero ab Ecclesiis, Capellis, & Parochialibus Secularibus, Regularium monasteriis plena jure unitis, num. 3. Item a Confraternitatibus, auctoritate ordinaria erectis, si propriam habeant ecclesiam; non, si duntaxat Capellam, aut altare in aliena ecclesia, n. 4. A Parochiis, & Beneficiariis, singularem, non ab omnibus, ut uno corpore, unicum est pensandum, nisi plures ex massa communi sustententur. Excipiuntur duntaxat a Cathedratio Capellania laicales, num. 5. Ex speciali, & expressis privilegiis potest non solvi; non verna ex ulla, citam immemorabili consuetudine, num. 6. Debetur singulis annis, etiam si non celebretur Synodus, num. 7. Nisi longa, & legitime præscripta consuetudo ab annua solutione eximat, num. 8. Negligentes ad solvendum unica citatione, præfixo quinque dierum termino, sunt compellendi, num. 9. Ad Cathedratium referri possunt oblationes, Antiocheanæ Patriarchæ Maronitarum præstandæ Dominica infra octavam Assumptionis B. M. Virg. recentior struxit, loco oblationum in distributione sacri Olei: & Quarta Episcopo debita ex illis, quæ Ecclesiis relinquuntur, num. 10.

CAU-

## CAUSAE.

**CAUSAE** Ecclesiasticae, aliae ratione sui, aliae ratione personarum, pertinent ad forum Ecclesiasticum, *lib. 7. cap. 35. num. 2.* Ad primam classem pertinent causae Fidei, Sacramentorum, & Cultus Divini, de quibus consentiunt etiam Galli, *Ibid.* Item Matrimoniales, exceptis, quae res mere politicas in matrimonio respiciunt, de quibus agendum est in foro seculari, *num. 3. 4. & 5.* Item causae, connexionem habentes cum re spirituali, ut causae juris patronatus, licet de his in Galliis Saeulares judicent, *num. 6.* Causae quoque super possessione, vel quasi possessione juris annexi rei spirituali, ut causae Decimarum, & Beneficiales, quamvis alicubi in petitorio apud Judicem Ecclesiasticum, in possessione apud Saeularem discutiantur, *n. 7.* Causae insuper quaecumque ratione jurisjurandi annexi; propterea Principes saeculares jusjurandum in contractibus prohibuerunt, aut irritum declararunt, *num. 8.* Ad secundam classem pertinent causae Clericorum, *Ibid.* Laici quoque suas quascumque causas temporales possunt deducere ad forum Ecclesiasticum, *num. 9.* Multo magis Viduae, Orphani, Pupilli, ac personae miserabiles, quae defendi, & judicari deberent ab Ecclesiasticis, *num. 10.*

## CENSURA.

**CENSURA** potest irrogari nolentibus accedere ad Synodum cum debeant; aut, ea absoluta, pervenientibus; vel, nondum completa, recedentibus, *lib. 3. cap. 12. num. 1. V. PENA.*

**CENSURA** est poena spiritualis, & medicinalis, qua homini baptizato, delinquenti, ac contumaci quorundam spiritualium bonorum usus auferitur ab Ecclesia, donec a contumacia recedat. Omnium gravissima est Excommunicatio, *lib. 7. cap. 44. num. 1.* Non sunt ferendae censurae, nisi ad coercenda graviora crimina; nec quidquam sub censura prohi-

bendum, aut praecipendum, nisi materiae gravitas, ratione sui, vel circumstantiarum, eas exposcat, *n. 2. 3. & 4.* Gravius debet esse delictum, ob quod infligatur censura latae sententiae. Ad hanc in foro externo incurrendam requiritur sententia declaratoria criminis, *n. 5.* Reselluntur, qui excommunicationem, aliasve censuras latae sententiae improbant, aut rem novam esse asserunt, *n. 5. ad 8. V. Excommunicatio.* Parce, & caute decernendae sunt censurae latae sententiae praecipue ob culpas leves; & ideo correctae sunt a Congregatione Concilii quaedam Constitutiones Synodales, *cap. 45. 100.* Possunt autem decerni ob culpas leves, & multo magis ob graves, si circumstantiae id exigant: declaratur exemplis. Circumstantiae vero Episcopi caute ac prudenter ponderare debent, *cap. 46. 101.*

## CENSUS.

**CENSUS** realis est jus percipiendi annuam pensionem ex fundo fructifero. Vacat usura, servatis conditionibus, praescriptis in Pontificiis Constitutionibus. Perit pereunte fundo, *lib. 7. cap. 49. num. 4.* Census personalis est, cum quis sibi aut heredibus obligationem imponit solvendi certam pensionem. Non transit in realem, quamvis detur hypotheca, qua pereunte, census non perit, *Ibid.* Proscriptus est a S. Pio V. cujus Constitutio, ubi non est recepta, vel ubi contraria viget legitime praescripta consuetudo, forte non obligat; sed hic census semper est de usura suspectus, *num. 5.* ideoque ab Episcopis in Synodo improbandus, *num. 6.*

**CHOREPISCOPI** probabilis erant dumtaxat Presbyteri. Aliquando Episcopi a suis diocesis expulsi in Chorepiscopos assumpti sunt. Pagos loco Episcopi gubernabant cum facultate conferendi Ordines, etiam sacros, si Episcopali characterem essent insigniti; sed inolecentes, saeculo decimo prorsus suppressi sunt, *lib. 3. cap. 3. num. 6.*

**CHRISMATIS** consecratio est unum ex praecipuis

cipulis muneribus Ordinis Episcopalis. Dicuntur quidam Presbyteri, aliquando temere ausi illud consecrare: alii, accepisse a Pontifice facultatem illud consecrandi, *lib. 7. cap. 8. num. 1.* Sed Infuetum est, hac prerogativa inferiorem Presbyterum insignire, *num. 2.*

## CLERICI.

CLERICI omnes ad Synodum cogi possunt ex legitima consuetudine, vel cum agendum sit de moribus restandis, aut de re ad Clericos pertineente. Hæc vero sunt æprimenda in convocacionis editio, *lib. 3. cap. 6. a num. 2. ad 5.* In Synodum ornamentum dignitatis proprium gestant, *cap. 11. num. 8. V. Peller.* Clerici Sæculares nunquam in monasteriis excepti fuerunt educandi, frequentabant tamen monasteriorum scholas. Clerici vocabantur quicquid litteris speram dabant, *lib. 5. cap. 11. num. 2.* Clerici minores nullum possidentes Beneficium, ovis habitum, & tonsuram deferant, conditionesque a Tridentino requisitis impleant, fori privilegia non gaudent. Amissum recuperant, si vestes resumas, nisi fuerint per Episcopum sententiam privati, *cap. 12. num. 1.* Potest Episcopus in Synodo edicere, ut Clerici ea dimittentes, nisi iotra trimestre resumas, clericalibus illico privilegia excidant, *num. 2.* Laudabiliter quidem, sed inutiliter ad effectum amissionis, cum ad hanc conficiendus sit judicialis processus in contumaces, *num. 3.* Clerici in causis etiam mere temporalibus exempti sunt. Olim advenientes iudicia Sæcularia in criminalibus erant degradandi: in civilibus debebant amittere, quod vicerant, ut locum suum obtinerent, *lib. 7. cap. 31. num. 8.* Possunt alicubi in causis mere civilibus convenire Laicos coram Iudice Ecclesiastico, *num. 13.* Reus in habitu, & tonsura deprehensus, ut Clericus tractandus est Curie Ecclesiasticæ, donec oppositum constet, *cap. 40. num. 3.*

CLERICIS quibuscumque vetitum est cambiorum activorum, alteriusve quantitatis

negotiationis exercitium, *lib. 7. cap. 49. num. 1.* Licite tamen sunt etiam ipsi quædam improprie negotiationes, ut, manuum suarum labore, ac honesto artificio victum sibi comparare, & alia, quæ referuntur, & illustriorem virorum exemplis explicantur, *num. 2.* Clericis vero facile existimantibus, contineri in his negotiationibus contractum, ipsi ceteroquin prohibent, Episcopus debet obfistere. In dubio debet explorare, quid Congregatio Concilii de tali contractu senserit, *num. 3.* Validum est cambium activum, a Clericis initum, sed potest Episcopus penitus in eos animadvertere, & edicere in Synodo, ut deinceps ablineant, *Ibid.* Neque hoc cambium, nec aliam vestem negotiationem Clericis licet exercere per interpositam personam, *num. 4.* idque districtius sub penis canonicis vetuit BENEDICTUS XIV. quod prinde poterunt & Episcopi in Synodis inculcare, *num. 5.*

CLERICIS quibuscumque non licere, mulieres subintroductas, nisi n. atrem, fratrem, & similes habere, sancivit magnum Concilium Nicænum. Subintroductas probabiliter erant Agapse, *lib. 7. cap. 17. num. 1.* Aliæ seminae extraneæ per subintroductas designari possunt, quarum cum Clericis cohabitationem Patres, & alia Concilia interdixerunt, *num. 2.* Alia Concilia etiam matris, & sororis cum Clericis cohabitationem prohibuerunt, sed Innocentius III. canonem Nicænum dumtaxat restituit, *num. 3.* Alternerium, juxta diversos Clericorum mores, & statum est servandum. Possunt Episcopi prohibere, ne Clerici cum feminis quibuscumque habitent, magna tamen adhibitis circumspectione. Exemplis, *num. 4.*

VESTI Clericorum propria est talaris, *lib. 7. cap. 59. 1010: V. Peller.* Ipsos summo opere dedecet coma scilicet, *cap. 60. 1010: V. Coma supposita.*

CLERICI conjugati, habentes conditiones a Jure statutas, gaudent privilegio fori. Non conjugati, nullumque possideotes Beneficium, si vestes clericales abiciant, illud, non alia privilegia amittunt, *lib. 7. cap. 66. num. 1.*

*num. 1. & 2.* Tam cœlibes quam conjugatos, etiam non habentes requisita a Tridentino, potest Ordinarius a Iudice laico ad suum forum revocare: nec debet protestari in Synodo, se Potestati seculari resistitur Clericos, non servantes conditiones a Tridentino statutas, & quare, *num. 3. 4. & 5.* Utrique, resistentes sine fraude (quæ tamen in quibusdam circumstantiis præsumitur) habitum clericalem dimissum, pristinis restituantur privilegiis: adeunt a Iudice laico ob delictum coerceri nequeant, *cap. 67. num. 1.* Nec satis certum, oum de fraude constare debeat, ut is Iudex in Clerici personam, & Bona possit animadvertere, *num. 2.* Possunt pro libito habitum dimittere, & resumere: hinc non debet Episcopus in Synodo statuere, ut Clerici, habitum, sine Ordinarii licentia, dimittentes, & resumentes, ad Clericali privilegia non admittantur, *num. 3.* sed consilium, potest edicere, ut in habitu, & tonsura, præfinito tempore, locedant, & alicui ecclesie infervant, reoquent, post tres distinctas monitiones, declarare, Clericallibus iuribus excidisse, isque non restituendos, *num. 4.*

Ut Fori privilegio gaudeat Clericus, inger alia, debet alicui ecclesie inservire. Hoc servitium potest ab Episcopo in Synodo determinari, *lib. 7. cap. 69. n. 3.* Gaudet hoc privilegio, etiamsi absque Episcopi mandato inserviat ecclesie, aut alteri a designata ab Episcopo, licet possit aliter prouti, *num. 4. & 5.*

CLERICIS non licet ludus alearum, & similitum, *lib. 7. cap. 67. a n. 1. ad 5. V. Ludus.* Nec venatio, præsertim clamorosa, a *num. 6. ad 10. V. Venatio.* Nec personatos incedere, neque Comœdiis, & similibus interesse, *num. 11. 12. 13. V. Comœdia.*

## C O M A .

COMAS supposititius, seu *Perrucche*, usum flores Dioceseos Synodi, approbante Congregatione Concilii, Clericis interdixerunt, adjecta contramacibus poenæ.

*lib. 7. cap. 60. num. 1.* Has comas nonnulli poetæ, ac SS. Patres in feminis improbant, *num. 2.* Incertum, quando viri eas gestare ceperint. Nefas olim erat, Clericos iis uti; immo comas nutriendas, etiam inviti, tonderi poterant, *num. 3.* Majorem præferebat vanitatem coma scititia, quam propria studiose cicinnata; unde pluribus de causa Clericos sumnoperare dedecet, *num. 4.* Poterunt Episcopi in suis Synodis has comas Clericis interdicare, nisi quando aliter fuaserit causa ipsa prius cogita. Sic autem permittenda solum coma scititia, modesta, ac prius ab Episcopo spectata. Caveant tamen Episcopi, ne ulli Sacerdoti facultatem concedant celebrandi Missam cum coma scititia, & quare, *num. 5.*

COMœDIAS, choreas, spectacula, & similia Clericis oio licent, *lib. 7. cap. 61. num. 11. & 13.* præcipue si comœdiæ sint inhonestæ; hisque nec Laicis licet interesse, & quare, *num. 12.*

COMPLICIT peccati nomen nullo modo licet Confessario sciscitari a Pœnitente, *lib. 6. cap. 6. 1010: V. Confessorius.*

CONCILIUM aliud Generale, aliud Nationale, aliud Provinciale, aliud Diocesanaum, & aliud mixtum, *lib. 1. cap. 1. num. 2. & 3. V. Synodus.*

CONCIO ab aliis non est habenda, dum Episcopus prædicat, *lib. 7. cap. 43. num. 5. V. Prædicatio.*

CONCIONATORES in Synodo essent deputandi, ut Clerum instruant, & verbum Dei prædicent, *lib. 4. cap. 1. num. 6.*

## C O N C U B I N A .

CONCUBINA olim differebat a pellice. Erat vera uxor, ducta sine dote, ac oipiali solemnitate; adeoque differebat a legitima uxore, sola dignitate, *lib. 7. rap. 38. num. 2.* Proinde antiqui Canones concubinas ad Baptismum, & concubinariorum ad communionem ad mittebant, *num. 3.* Hæc communio intelligenda est tantum civilis, si concubinariorum accipiatur, ut vivens cum pellice, *num. 4.* Aliæ erant coocur

concupiscentiæ, seu ancillæ, ad naturam concubinarum amovibiles, quas sibi licere Christiani aliquando perperam existimaverunt, *num. 5.*

**CONCURSUS**, vacante parochiali Ecclesia, est institutus, & coram tribus saltem Examinatoribus Synodalibus perficiendus, *lib. 4. cap. 7. num. 1. & 2. & cap. 8. num. 2. V. Parochialis Ecclesia: Examinatoris.*

#### CONFESSARIUS.

**CONFESSARIUS** pro Synodo Diocesana Episcopus destinare potest. Congruum est, ut totam suam facultatem, etiam a Tridentino sibi concessam, his, saltem in prima Synodo deleget, *lib. 4. cap. 1. num. 5.* Spectata natura sacramenti Pœnitentiæ, Confessarios potest socium sui criminis absolvere a peccato secum patratum, quod tamen, saltem illicitum, præsertim circa peccata turpia, multi contra alios existimant, *lib. 7. cap. 14. num. 1.* Sapienter in quibusdam Synodis ablata est Confessarii jurisdictionis absolventi participes a communione cum iis crimine, & quare, *num. 2. & 3.* **BENEDICTUS XIV.** Confessarios, criminis turpis participes, *ipso jure* privavit omni jurisdictione absolventi socium ejusdem peccati, nisi in casu necessitatis, aut deficiente alio Confessario, aut nisi alius præsens Confessarius sine Pœnitentis infamia eligi nequeat, *num. 4.* Non licet Confessario seiscitari a Pœnitente nomen Complicis peccati, *lib. 6. cap. 6. num. 2.*

**CONFESSIO** Sacramentalis, nec apud Diaconos, nec apud Laicos fieri potest, *lib. 7. cap. 15. tota. V. Pœnitentia.* In Confessione Sacramentali aperiendæ sunt circumstantiæ mutantes speciem peccati, probabiles etiam aggravantes; numquam manifestandus complex peccati, *lib. 6. cap. 6. toto.*

**CONFESIONES** Secularium audire possunt Regulares, alique ab Ordinariis approbati, quovis tempore, etiam Paschatis, & in mortis articulo, etiam in propriis ægrotantium domibus, dummodo Pœni-

chum de ægrotantis confessione certiorum reddant. Per hanc confessionem satisfactis præcepto confitendi semel in anno: nec aliud sentit Clerus Gallicanus; nec aliud est in Synodis statuendum, *lib. 7. cap. 42. num. 8. & cap. 64. a num. 1. ad 6.*

#### CONFIRMATIO.

**CONFIRMATIONIS** sacramenti Ministrum ordinarium esse solum Episcopum, dogma est Catholicum, *lib. 7. cap. 7. num. 2.* Mandata impositio olim ad curandos post Baptismum energumicos adhibita, non erat confirmatoria, *num. 3. V. Impositio.* S. Gregorius Magnus facultatem dedit Presbyteris Calaritanis hoc Sacramentum ministrandi, *num. 5.* Aliis postea alii Pontifices, *num. 6.* Quare nunc certum est, posse summum Pontificem dare simplici Presbytero facultatem illud administrandi, licet antiquitus multi oppositum senserint, *num. 4. & 7.* Hæc facultas semper data est sub conditione, ut Presbyter oretur Chrismate consecrato ab Episcopo, *cap. 8. num. 1. & 2. V. Chrisma.* Delegatio hujus facultatis est actus supremæ jurisdictionis Pontificis, *num. 7.* Hinc non potest Episcopus illam concedere Presbytero Latino, cum Papa illam sibi reservaverit: quod si Episcopus illam concederet Presbytero simplici, Confirmatio, ab hoc collata, esset irrita, *a num. 3. ad 7.*

**APUD** Græcos sacramentum Confirmationis a simplicibus Presbyteris conferri consuevit, etiam pueris statim post Baptismum. Valide tamen in iis locis, in quibus, saltem tacito Sedis Apostolicæ privilegio, et Romanorum Pontificum conniventia, & tolerantia præsumptum, viget; & sic ratam habuerunt Latini Patres in Concilio Florentino Græcorum Confirmationem. Invalidum est hoc Sacramentum, ubi Græcis, aliterve ritibus Orientalibus Sacerdotibus facultas illud administrandi adempta est a Sede Apostolica: in dubio consulenda est eadem sancta Sedes, *sed. in cap. 7. num. 1. & cap. 9. a num. 1. ad 4. In Synodo Na-*



do Nationali Maronitarum, in Monte Libano coacta anno 1736. sancitum est, ut impoſterum ab alio, quam ab Episcopo Confirmatio coſeratur, *num. 5. & 6.* Hoc Sacramentum valide coſertur omnibus baptizatis, absque ulla ætatis differentia. Olim omnes statim post Baptiſmum confirmabatur: nunc ante ſeptennium ordinarie non est conferendum, *cap. 10. num. 1. 2. & 3.* Ecclesia tamen Orientalis priorem retinet morem, *num. 4.* Etiam in Ecclesia Latina nunc ſanctè & licite coſertur ſeptennio minoribus, urgente periculo vitæ, aut futuræ diuturnæ abſentiæ Episcopi, vel alia neceſſitate, ſeu juſta cauſa, ſine acceptione perſonarum. In his Catechiſmus Tridecenti non adverſatur Pontificali Romano *num. 5. ad 9.*

**CONSTITUTIONES SYNODALES  
IN GENERE.**

CONSTITUTIONES omnes obtinent ſtatutis Synodorum Provincialis, & Diœceſis. *lib. 1. cap. 3. num. 1.* Constitutiones Synodales reſpicere debent vitia coſcenda, virtutem promovendam, aliæque plura, juxta diœceſum, & temporum circumſtantias, ac neceſſitatem, *lib. 6. cap. 1. tota. V. Synodus.* Quoad methodum debet eſſe neceſſariæ, utiles, loco, & temporis accommodatæ, *cap. 2. num. 1.* Ubi abuſus, corruptelæ, & rerum Divinarum inſcitia inoleverint addendæ ſunt inſtructiones: Constitutiones vero crebris conſpergendæ exhortationibus, ut inſuetus iis populus libens ſuſcipiat. Hæc methodus ſervanda ab iis Episcopis, qui encyclicis litteris Clerum, & populum fere nunquam alloquuntur, nec aliam Synodum celebrandam prævident; ſecus ſi hæc præſentet. Quique Episcopus methodum ſeſigit, ſibi bene viſam, dummodo ſemper animarum ſaluti præſcipiat, *num. 2.* Constitutiones ſint clæræ, non ambigæ, quocumque ſtylo exarcentur, *num. 3.* Generatim, loco, temporis, & perſonis ſunt accommodandæ, quod exemplis melius

*Tom. XII.*

declaratur, *cap. 3. a num. 1. ad 7. & cap. 6. num. 3.* Per has Constitutiones abuſus in diœceſim ſerpentes, vel approximantes, quanto citius ſunt extirpandi, *cap. 6. tota.*

IN CONSTITUTIONIBUS Synodalibus circa rem, de qua nihil ſtatutum ſit a jure Canonico, Episcopus uti debet legibus civilibus, *lib. 7. cap. 40. num. 1.* Utiliter allegabit leges civiles, robur adjuvantes Eccleſiaſtiſcis ſanctionibus, & Eccleſiæ ſavorabiles, *num. 2.* Alias in exemplum afferre poteſt, dum rem juxta ſacros Canones conſtituit, *num. 3.* Et commemorare ſeveriſſimas leges poſitales ſeculares adverſus quædam crimina, ut proclives ab his retrahantur, & acquieſcant illis, quibus leges Eccleſiæ minime aſperæ videntur, *num. 4. & 5.*

**CONSTITUTIONES SYNODALES  
UTILES, AUT NECESSARIÆ.**

IN CONSTITUTIONIBUS Synodalibus attingi deberent pertinentia ad Oblatos monaſteriorum, & Tertiarias ſi in diœceſi adſint, *lib. 6. cap. 3. a num. 2. ad 5. V. Oblati;* ad Eremitas, *num. 6. V. Eremitæ;* ad Græcos in diœceſibus Latinis commorantes, *num. 7. V. Græci;* ad Judæos, ſi adſint, eorumque ad Fidem converſorum matrimonium, *cap. 4. tota. V. Judæi.* Monendi ſunt Catholici coſortantes matrimonium in locis, Principi heretico ſubjectis, quomodo liceat ſe ſecere Miniſtro hæretico, *cap. 5. num. 4. & 5. V. Matrimonium.* Monendi ſunt Parochi, ut circa Baptiſmum exaſte conformentur Rituali Romano, *lib. 7. cap. 5. num. 10. V. Baptiſmus.* Aliquando agendum eſt de forma conditionata Sacramentorum, characterem imprimetium, adeoque pluribus perpensis formanda eſt inſtructio, qua Parochi edoceantur, quando, & in quibus circumſtañtiis eam adhibere poſſint, & debeant, *cap. 6. tota. V. Baptiſmus.* An pro valida ſit habenda Confirmatio a ſimplici Sacerdote Græco adminiſtrata, *cap. 9. num. 5. V. Confirmatio.* Laudantur Constitutiones, in

H h h

quibus

quibus Episcopus exhibeat se paratum ad ministrandam Confirmationem septennio minoribus in necessitate, *cap. 19. a. num. 1. et 8.* ita tamen, ut non indisputetur necessitas, aut preceptum suscipiendae Confirmationis in ea aetate, & statu, *num. 9. V. Confirmatio.*

**PER CONSTITUTIONES Synodales** possunt compelli Parochi ad ministrandum sanctissimum Viaticum pueris, habilibus, proxime decessuris; & iterato infirmis in eadem infirmitate petentibus, *lib. 7. cap. 12. a. 4. 1. ad 4.* ac moneri Coefferarii, ut poenitentes ad perfectam contritionem hortentur pro sacramento Poenitentiae, *cap. 13. num. 19.* Parochi vero, ut in extremis Unctione quantum forma, in Rituali praescripta, *cap. 17. num. 2.* Monendi insuper de gravi culpa, omittentes, sine necessitate, unam ex quinque unctionibus sensum, *cap. 18. num. 5.* Si in diocesi Latina Graeci vivant, istorum Parochis infinuandum est, posse ab uno Sacerdote extremam Unctionem recte ministrari, *cap. 19. num. 8.* Insuper ne credant, hoc Sacramentum conferri per unctionem sanis adhibitam, *cap. 20. num. 6.* Inevitanda est omnibus hujus Sacramenti susceptio, abjectis vulgaribus erroribus, *cap. 22. num. 4. V. Extrema Unctio.* Increpandi sunt recipientes in peccato lethali Ordines, *cap. 24. num. 1. et 13.* Tenebda est doctrina, non posse contrahi matrimonium a nescientibus rudimenta Fidei, *cap. 29. toto. V. Matrimonium.*

**Jus** certo competens Episcopi tueri debent, *lib. 7. cap. 35. a. 1.* se diligenter cavere, ne Princeps secularis in causis mere spiritalibus, & Ecclesiasticis, se immisceat: neve Ecclesiasticam jurisdictionem, adhuc intactam, ultrapet; neve fori Ecclesiastici limites, ultra jus communis sanctioes, privilegio, vel consuetudine applicati contrahantur, *num. 12. et 13.*

**IN CONSTITUTIONIBUS** declaranda sunt valida matrimonia filiorumfamilias, inita absque consensu parentum, *lib. 7. cap. 37. a. 5.* Commemorari possunt leges civiles a jure Canonico abrogatae, si forte

ex illis desumeretur argumentum ad roborandas Constitutiones Synodales, ut, ad compescenda adulteria, & licentiam filiorumfamilias in ducendis uxoribus, infelix, aut rationabiliter invitis pareotibus, *cap. 38. num. 8.*

**Potest Episcopus**, tamquam Sedis Apostolicae Delegatus plura sancire quoad Regulares, *lib. 7. cap. 41. a. 3. ad 8.* Idem moneri possunt de observantia Regulari, *cap. 43. num. 1.* monendi insuper Regulares, ne Ordinationis causa, ab una ad aliam diocesum transeant, & redeant in fraudem, *num. 2. 3. et 4. V. Regulares.* Laudabiliter per Constitutiones Synodales extirbatur o diocesi opinio, infusas approbans; sectatores, ac Judaei severis poenis coercentur, *lib. 7. cap. 47. a. 1. et 2. 3. V. Usura.* Improbandum casus personalis, *cap. 48. num. 6.* & cambium obliquum, *num. 10.* Possunt sub poena canonicis absterri Clerici ab omni illicita, etiam per interpositam personam, oegotiatione, *cap. 49. num. 4. et 5.* omnes amovendi a coactu trion societatis, *cap. 50. num. 6.* Expendendi, & interdicens contractus inusitati, inducentes usuras, *cap. 51. num. 6.* Laudanda pariter Constitutio, ut descendentes a Judaeis, aliisque Infidelibus, cum magna dumeat circumspectione ad Quidoes admittantur, *cap. 65. num. 6.*

#### CONSTITUTIONES SYNODALES INUTILES, ET CAVENDAS.

**IN CONSTITUTIONIBUS** Synodalibus cavendum, ne quæstiones adque controversæ desinantur, ut, quod jure Pastores animarum residere teneantur, *lib. 7. cap. 1. toto. V. Residencia.* Num Beneficij debeant fructus superfluos in pios usus erogare ex justitia, an ex alia virtute, *cap. 2. toto. V. Beneficij.* Limitatur hæc regula, ut si in Constitutionibus inhiberetur aliquid, quod plerique contemderant, esse jure communi permittum; ut, servandum esse jejunium ab illis, quibus licet vesci carne diebus festivalibus, *cap. 3. num. 1. V. Jejunium.*

Non

Non esse exercendas negotiationes, aut mundanas diebus festis, *num. 2. & 3.* Non sunt definiendæ quæstiones, ad Sacramenta spectantes; ut, quæ intentioni requiratur ad validitatem Sacramenti, *cap. 4. 1010. V. Intentio.* An valide baptizetur infans in utero matris, *cap. 5. 1010. V. Baptismus.* Non sunt decidendæ quæstiones Theologiæ circa Eucharistiam, utriusque probabiliter agitate: nec, nisi cautissime, deliberandum, an ex devotione, & per modum Viatici eadem die sumi possit, *cap. 11. num. 1. 2. & 3.* Nec iudicriminatim suadendus, aut improbandus usus frequens, vel quotidianus Eucharistiæ, de quo instruendi sunt Confessarii, *cap. 12. a num. 6. ad p. V. Eucharistia.*

Cavendum, ne aliquid decernatur aut de Ateritionis mere servilis sufficiens ad sacramentum Porcoitionis; aut de amoris, saltem initialis, necessitate, *lib. 7. cap. 13. a. 9. V. Contritio.* Episcopi Latini non debent Presbyteris Græcis interdicere benedictionem olei pro extrema Unctione, *cap. 16. num. 4.* nec commemorare quæstionem de forma deprecative, vel indicative extreme Unctionis, *cap. 17. num. 2.* debent autem declinare quæstionem de absolute hujus Sacramenti necessitate, *cap. 22. num. 4.* Increpandi sunt recipientes in peccato lethali Ordines, Diaconatu inferiores, sed non facile, ut sacrilegi, nisi ratione Eucharistiæ, quam tunc forte recipiant, *cap. 24. num. 1. & 13.* Quid sentiendum in Synodo de protestatione Episcopi, se non habere intentionem ordinandi irregulares &c. ac de initiatis sacro Ordine extra Missam, *cap. 26. 1010. V. Ordo.*

IN CONSTITUTIONIBUS cavendum, ne ulum obrepat verbum, quo aliqua approbetur opinio inter Catholicos controversa, *lib. 7. cap. 27. n. 1.* Proinde abstinendum a definiendis controversiis, num Patroci, an Contrahentes Matrimonium, sint iniusti hujus sacramenti, *cap. 28. num. 9.* Nullus Episcopus debet sibi asserere jura controversum, *cap. 35. num. 1.* Nec temere justificationem suam, aoti-

quitas a Secularibus usurpatam, vindicare, *num. 12.*

Non sunt laudenda privilegia, a Sede Apostolica Regularibus concessa, *lib. 7. cap. 41. n. 2.* nec quædam alia contra Regulares constituenda quoad administrationem Sacramentorum, & iocessitias, *cap. 42. 1010.* Neque iis præcipienda, ac statuenda observantia Regularis, *cap. 43. num. 1.* nec generatim denuntiandæ, ut illicitæ, Ordinationes Regularium, ab una ad aliam dioccesim transentium ad Ordines suscipiendos, a *num. 2. ad 4.* Alia advertenda quoad conciones Regularium, dum Episcopus per se, vel per alios coram se, concionem habet, a *num. 5. ad 8. V. Regulares.*

Cavete admodum decernendæ censuræ latæ sententiæ, præcipue ob leves culpas, *lib. 7. cap. 45. 1010.* Nisi circumstantiæ id exigant, *cap. 46. 1010.* Nec facile decernenda pœna pecuniaria in transgressores Constitutionum, *cap. 52. num. 8. V. Multa. Contradictus.*

# CONSTITUTIONES SYNODALES QUOD ARUM RIGOREM, POTESTATEMQUE SURDITOS ADSTRINGENDI.

IN CONSTITUTIONIBUS Synodalibus nullus Episcopus potest sibi asserere facultatem dispensandi ab impedimentis dirimentibus matrimonium, *lib. 7. cap. 31. num. 7. & 8. V. Impedimenta.* Nec decernere degradationis pœnam in suis Clericis frequenter delinquentes, nisi a summo Pontifice id impetraverit, *cap. 34. n. 10.* Non debent Episcopi metuere novitatis calumniam in edendis Constitutionibus necessariis ad corrigendos depravatos mores, & sacros Caones reparandos. Ideo approbate referuntur nonnullæ hujusmodi Constitutiones, quasvis, ut novæ, ab aliis acculerentur, *cap. 54. & 55. 101.* Novæ tamen essent Constitutiones, quæ vel mores nunquam receptos, vel rationabiliter obsoletos, inducerent, præcipue in re levis momenti, *cap. 56. num. 1.* ut ne Clerici sùulas gerant, *num. 2. V. Sùulas.* Ne sabbato

H h h b 2 carnes

carnes comedantur, ubi consuetudo viget eas comedendi, *num. 3. & 8. V. Sabbatum*. Item si innovarentur Canonones antiqui, quibus per posteriores derogatum est, *cap. 57. 1010*, ubi de cohabitazione Clericorum cum mulieribus. *V. Clericus*.

Non potest Episcopus generatim constituere, ne monasteria dotem exigant a puellis, ingredientibus Religionem. Potest vero curare, ne, ultra dotem, alia pecunia extorqueatur; & imponere modum sumptuosus apparatus, & similibus in Monasterium ingressu, & professione, *lib. 7. cap. 58. n. 6. & 7. V. Des*. Nec potest precipere, ut matres proprios filios proprio lacte alant, *num. 11*. Iusto rigidior non est Constitutio, ut Clerici in Sacris constituti, aut Beneficium possidentes, veste salari utantur, imposita contumacibus poena, *cap. 39. 1010*; Nec alia, interdicens Clericis comas supposititias, *cap. 60. 1010*; Aut ludos aleorum, & similia, *cap. 61. n. 1. ad 5. i. Vel venationem, comedias, & similia, n. 10. ad 13*. Severa nimium decreta Constitutio revocans ad usum antiquos canones penitenciales; non autem si præceperet, ut Sacerdotes eos addicerent, & quare, *cap. 62. num. 4. & seqq. V. Canones*.

Merito ut nimium rigida notaretur Constitutio interdicens, præsertim sub censura, tabacum ante sumptionem Eucharistiae, *lib. 7. cap. 63. n. 3. V. Tabacum*; Aut docerens gravissimas penas querenti Beneficium Ecclesiasticum, præsertim Secularium auxilio, *num. 4*. Item, si Seculares adigeret ad audiendam Missam parochialem diebus festis: si prohiberet ne Regulares iisdem diebus plebem vocarent ad Missam, & concionem in suis ecclesiis: si declararet, unumquemque teneri, tempore Paschali, & in mortis articulo consisti proprio Parocho, ejusve Delegato, *cap. 64. 1010*.

CONSTITUTIONES Synodales, juri communi, aut Apostolice sanctionibus adversantes nullius sunt roboris, *lib. 7. cap. 65. num. 1*. Ideo rejectæ sunt Constitutiones

confundentes in præcedentia Canonicos Cathedralis cum Canonicis Collegiatæ jubentes accedere ad Synodum Abbates Regulares, non habentes curam animarum: prohibentes, ne Vicarii temporarii, a Capitulis, & Monasteriis destinati curæ animarum, sine causa removerentur: reprobandes appellationem suspensivam in causis Beneficialibus: & arcuentes ab Ordinibus, & Beneficiis descendentes ex Judæis, aliisque Infidelibus, *n. 2. ad 5. V. Judæi*. Improbantur Constitutiones asserentes, absolutionem a censuris virtute bullæ Cruciatæ prodesse in utroque foro, *num. 7*. Et novas Dignitates in Cathedrali erigentes, *num. 8*. Non sustinentur Constitutiones Synodales juri communi contrariæ, etiam si allegetur studium servandæ disciplinæ Ecclesiasticæ. Ideo improbandur Constitutiones asserentes, Clericos, non servantes conditiones a Tridentino præscriptas, exui omnibus privilegiis, & in quibus Episcopus protestaretur, se eosdem resistum Potestati seculari, *cap. 66. 1010*: Clericosque, inconsulto Ordinario, dimittentes, & resumentes habitum Clericalem, non adepturos jura clericalia, *cap. 67. num. 3*. ac fore irregulares, qui suspensi ab uno Ordine, ad superiorem ascendere præsumerent, *num. 6. & 7. V. Clericus. Ordo*.

Invalidæ sunt Constitutiones declarantes irrita, matrimonia contracta, non præmissis denuntiationibus; ac vitandæ esse sic contrahentes, in quos decreta fuisset excommunicatio latæ sententiæ, *lib. 7. cap. 68. n. 2. & 4*. Item declarantes irrita, matrimonia clandestina in his diocesis, in quibus non fuerat publicatum decretum Tridentini eadem irritans, etiam si Constitutiones essent hæc decreto conformes, & quare, *n. 3. ad 5*. Proinde in Constitutiones Synodales nil nunquam inferendum est, quod juri communi, Apostolicæ Constitutionibus adversetur, etiam si id fieret ad evellendas corruptelas, & res sacras tuendas, *num. 10*. Valide tamen essent si a Sede Apostolica specificè confirmarentur, *num. 11*.

VA-

Validæ sunt Constitutiones, aliquid præter  
 jus commune decernentes, *lib. 7. cap. 6. §.*  
*num. 1.* Ut, si decerneretur poena in tes-  
 tes assidentes matrimonio celebrato,  
 non præmissis denuntiacionibus, *num. 2.*  
 Si definiretur servitium, ecclesiæ præ-  
 standum a Clerico, ut fori privilegio  
 gaudeat, *num. 3.* Non debet tamen Epi-  
 scopus declarare, Clericum hoc privile-  
 gio excidisse, si alteri ecclesiæ a designa-  
 ta servierit, *num. 4.* Quamvis possit hic  
 Clericus puniti aliis poenis, *num. 5.* Item  
 potest determinari tempus, intra quod  
 infantes sint baptizandi, *num. 6.* Et ca-  
 daveria sepelienda, *num. 7.* Et sancire,  
 ne quisquam sine Episcopi consensu quid-  
 quam solvat in causa Beneficiali ad reti-  
 nendam injustam vexationem, & quæ-  
 re, *num. 8.* Non autem prorogare tem-  
 pus Paschale ultra Dominicam in Albis,  
 inconsulta Congregatione, *num. 9.* Vali-  
 dæ quoque sunt declarantes, quinam  
 sint paritmentiales dioecesis, in qua Bene-  
 ficia paritmentialibus de jure sunt conse-  
 cranda, *cap. 70. num. 1.* Quomodo Deci-  
 maz a Clericis e suorum Beneficiorum  
 prædiis, alteri locatis, sint solvenda,  
*num. 2.* Fructus Beneficii primi anni, cu-  
 juslibet Beneficii, heredibus antecessoris  
 defuncti obvenire debere, *num. 3.* Item  
 committentes celebrationem Missarum  
 alteri ecclesiæ, si celebrari nequeant in  
 ea, in qua pro collatis elemosynis erant  
 celebranda, *num. 4.* Et istaquentes, ut in  
 Beneficiis juripatronatus, si plures sint  
 Patroni, & major pars præsentet, non  
 idoneum, non sit admitterendus præsen-  
 tatus a minori, sed nova fiat ab omnibus  
 presentatio, *num. 6.* Usque in publicis  
 Oratoriis, intra alicujus parochiæ fines  
 sitis, non celebratur Missa, ante paro-  
 chialem, *num. 7.* Sufficiunt enim Con-  
 stitutiones Synodales, alicubi, jussu de  
 causis vigentes, etiam si contraria inve-  
 niantur Congregationum Urbis respon-  
 sa, juri communi conformia, *Ibid.*  
 Non sunt edenda Constitutiones relaxativæ  
 juris communis, *lib. 7. cap. 71. num. 1. & 2.*  
 Nec licet Episcopo in illis declarare, se  
 velle suspendere a Divinis Clericos, ob

crimini occulta, *num. 6.* Non licet ede-  
 re Constitutiones conformes consuetu-  
 dini adversanti sacris Canonibus, quam-  
 vis hi per illam, rationabilem, & legi-  
 time præscriptam, sint abrogati, sed an-  
 tequam consuetudinem divellere, aut  
 confirmare per Constitutiones Episcopi  
 tentent, Sedem Apostolicam consulant,  
 Declaratur exemplis, *a num. 7. ad 12.*  
 Potest in Constitutionibus Synodalibus  
 determinari quantitas proveniunt pa-  
 trimonii, & Beneficii, ad quorum titu-  
 lum Clerici sunt ordinandi, *cap. 72. 10-  
 19: V. Titulus.*

CONSTITUTIONES SYNODALES QUOD  
 SARUM PROMULGATIONEM,  
 ET RORUR.

ANTEQUAM Constitutiones Synodales pro-  
 mulgentur, Episcopus debet consulere  
 Capitulum Cathedralis, *lib. 8. cap. 1. a n. 9.*  
*ad 10.* Et quomodo, *num. 15.* Promul-  
 gatz, inconsultis Capitulo, firmitate ca-  
 rent, nisi sit jussu a Congregatione Con-  
 ciliis sanentur, *num. 16.* Promulgantur  
 sufficienter, si aut publice legantur in  
 ecclesia Cathedrali, aut in platea civi-  
 tatis per præconem adstantibus signifi-  
 centur, aut in loco publico, ad hoc de-  
 signato, affigantur, *cap. 4. num. 1.*  
 Promulgatz itaque obligant quoscunque  
 in constitucione territorio degentes, ex-  
 rumque noticiam habentes, *lib. 8. cap. 4.*  
*num. 2. & 3.* Earum firmitas a populi ac-  
 ceptione non pendet, nisi a justitia de-  
 ficiant, *num. 4.* Omnes Dioecesanor affi-  
 ciant, præter specialiter exemptos. In  
 quibusdam obligant etiam Regulares;  
 sed probabilius non quoad jejunium forte  
 indistinctum, *num. 5. & 6. V. Regula-  
 res.* Obligant etiam Capitales exempta,  
 quoad reformationem morum, & disci-  
 plinæ, *num. 8.* Non afficiunt Dioecesa-  
 nos, extra diocessum degentes, *num. 9.*  
 Nisi e diocesi discesserint ob declinan-  
 dam Synodalis statuti obligationem,  
*num. 10.*  
 CONSTITUTIONES Synodales, alique san-  
 ctiones, extra Synodum, consilio Ca-  
 pitulo,

pitulo, laque, Episcopo moriente, vel diocesim relinquente, in suo robore perpetuo permanent, *lib. 8. cap. 7. num. 1.* Nisi ab eodem Episcopo, ejusve Successore renoventur, aut posteriorum Synodorum Constitutiones eis adverteatur, *num. 2.* Non persistunt, si namquam moribus recipiantur, tolerante Episcopo, aut receptas Diocesani, contrariis consuetudine, exusserint. Ad utrumque probabiliter sufficit spatium decem annorum, *num. 3.* & 4. Dummodo tamen consuetudo habeat condiciones, a jure requisitas, quae referuntur, *num. 5.* & 6. Potest tamen aliquis ab his Constitutionibus eximi: per dispensationem a Superiore, aut ab Episcopo, ejusve Successore obtentam, etiam inconsulto Capitulo; sed ut licita sit, requiritur iusta causa, *num. 7.* Constitutiones vero Synodi Provincialis nec Episcopus, nec Archiepiscopus relaxare possunt, *num. 8.* Confirmata a summo Pontifice in forma speciei non possunt ab alia Synodo Provinciali relaxari: bene vero, si confirmatio fuerit in forma communi, *n. 9.* 10. & 11. Constitutionum Synodaliū vires non retardantur: per appellationem ad Superiorem: neque nullo modo potest admittenda in suspensio, *num. 12.* Nec repudientur: sed devotivo. Si appellatio ad Congregationem Consilii interponatur: quomodo se gerere debeant Secretarius Congregationis, *num. 13.* Cavere debet Episcopus, ne Clericos subterfugiat: compellat ad obsequium Codicem Constitutionum Synodaliū, nisi sed potius precipere, ut eas recte observant, de memoria mandant, *num. 14.* Constituuntur leges antiquas abrogare potest, *lib. 9. cap. 1. num. 1. & 2. & 3.* & 4. Consideranda Synodalia, *lib. 8. cap. 5. num. 3.* & 6. V. Constitutiones, *num. 1.* & 2. & 3. & 4. & 5. & 6. & 7. & 8. & 9. & 10. & 11. & 12. & 13. & 14. & 15. & 16. & 17. & 18. & 19. & 20. & 21. & 22. & 23. & 24. & 25. & 26. & 27. & 28. & 29. & 30. & 31. & 32. & 33. & 34. & 35. & 36. & 37. & 38. & 39. & 40. & 41. & 42. & 43. & 44. & 45. & 46. & 47. & 48. & 49. & 50. & 51. & 52. & 53. & 54. & 55. & 56. & 57. & 58. & 59. & 60. & 61. & 62. & 63. & 64. & 65. & 66. & 67. & 68. & 69. & 70. & 71. & 72. & 73. & 74. & 75. & 76. & 77. & 78. & 79. & 80. & 81. & 82. & 83. & 84. & 85. & 86. & 87. & 88. & 89. & 90. & 91. & 92. & 93. & 94. & 95. & 96. & 97. & 98. & 99. & 100.

to V. peculiari Constitutione, super illo edita, prohibitus: afferuntur utriusque sententiae rationes, *num. 3. 4. & 5.* Propterea Episcopi in Synodo a defensionibus super eo abstinere debent; sed subditos ab illo, utpote periculoso, dehortari, *num. 6.* Explicatur contractus collatorius, in quibusdam locis usitatus. Aliquando, ut iustus sunt admittas sub quibusdam conditionibus, *cap. 1. num. 2.* Explicatur contractus, qui dicitur *Pedum francandi*; *num. 3.* Aliquando potest esse usurarius, sicuti & contractus venditionis cum pacto redimendi, in quo ille continetur, *num. 4. & 5.* De his aliisque sedulo debent inquirere Episcopi in Synodis, *num. 6.*

## CONTRITIO.

CONTRITIO duplex: perfecta, & imperfecta: utriusque efficacia describitur, *lib. 7. cap. 13. num. 1. & 2.* Imperfecta, onice concepta ex objecto naturali; aut de quibusdam tantum peccatis; aut oon ex deliberata voluntate, justificationem non prodest: nisi forte prima occasionaliter, quia ad supernaturalem disponat, *num. 3. & 4.* Contritio supernaturalis imperfecta, seu Atrocitio est, vel quia ex motivo Charitatis tenens concipitur; vel quia peccata detestatur propter Deum dilectam amore concupiscensibile; vel propter torum turpitudinem; aut metum penarum: ultima haec cum initiali amore Dei coniungi potest, *num. 5.* Ante Tridentinum nunquam Theologi dicebant, Atrocitatem sufficere ad justificationem in sacramento Penitentiae, nisi conceptam ex motivo; sed saltem tenens Charitatem. Postea affirmarunt sufficere Atrocitatem servilem; etiam sic cognitam, *num. 6.* Aliquod tamen etiam hunc est dissolutum de his, se de mente Tridentini, *num. 7. & 8.* Utrumque impune sustineri potest; nisi tamen in Synodo diocesana definiendum, *num. 9.* Possunt tamen moneri Confessarii; ut penitentes ad Coactionem perfectam hortentur, *num. 10.*

CON-

CONTRORSIAE civiles, & criminales, Clericorum, & Laicorum in Synodis olim pertrahantur, *lib. 4. cap. 2. n. 1.* servato quodam ordine, *num. 2.* nunc ad eas dirimendas eliguntur Judices, *n. 3. & 4. V. Judices.*

## CONVENTUS.

CONVENTUS nonnulli Regularium in Italia, Insulisque adjacentibus ob exiguum numerum Religiosorum ab Innocentio X. suppressi fuerunt, ac restituti sub conditionibus, ut saltem sex alerent Religiosos, inter quos, quatuor proventus Sacerdotes; ut subderentur jurisdictioni Ordinarii delegatæ, donec duodecim alerent Religiosos. Huic jurisdictioni subiecti fuerunt alii parvi Conventus non suppressi, non alioes sex Religiosos, *lib. 3. cap. 2. n. 1.* Jurisdictio quoad penitus Conventus data est promissæ Superioribus, & Ordinariis cum certis regulis, ut in regimine conformetur. Et licet sit preventioni locus, Ordinarii possunt quasdam causas ad se advocare, *num. 2.* Superiores tamenque intervenire Synodo *n. 3. & seq. V. Prælati.*

CRIMINUM auctororum poenæ in Synodis recenseri possunt, *lib. 7. cap. 34. num. 1. & 2. V. Poenæ.*

CRUCEM ante se deferendi mos a summo Pontifice ad ejus Legatos primum, inde ad Patriarchas, Primates, & paulatim ad omnes Archiepiscopos dimanavit, etiam per loca sum provinciarum exempta, *lib. 2. cap. 6. num. 2.* Et ad aliquos Episcopos, *Ibid. & num. 3.*

## D

DECRETA Synodorum multis utilia, & necessaria, alia inutilia, & invalida, *V. Confirmations.*

## DEGRADATIO.

DEGRADATIONIS obnoxii sunt Clerici, rei auctororum criminum, quæ recensentur, *lib. 7. cap. 34. num. 1. & 2.* Degradatio

olim erat poenæ minor excommunicatione, *Ibid.* Differt a simplici depositione, cum per illam Clericus non solum removeatur ab Ordine, Officio, & Beneficio, sed etiam Potestati seculari subiciatur, *num. 3.* Alia est verbalis, quæ nunc ab Episcopo, aut Vicario Generali, assistentibus, ut Judicibus, aliis in dignitate Ecclesiastica, licet non Episcopali, constitutis, compleri potest, *num. 4.* Alia actualis, peculiaribus ceremoniis perficienda, per quam degradatus traditur Judici seculari puniendus, *num. 5.* Olim Clerici, traditi Judici seculari, non semper capitali poenâ pledebantur, *num. 6.* Hodie nullus solemniter degradatus traditur Curie seculari nisi mereatur poenam capitalem ob grandia delicta, a jure enumerata, *num. 7.* ob alia criminea Clericus non est degradandus, nisi fuerit incorrigibilis post depositionem, & excommunicationem, *num. 8. 9. & 10.* Non potest Episcopus in Synodo, ad deterrendos suos Clericos a frequentibus sceleribus, decernere actualis degradationis poenam, nisi a summo Pontifice impetraverit, ad quem solum pertinet hanc poenam statuere *eod. n. 10.* DIGNITAS nova in Cathedrali ab Episcopo erigi nequit, antiqua reintegri potest, *lib. 7. cap. 65. num. 8.*

DISPENSATIO in quibuscumque impedimentis, matrimonium impediens, potest ab Episcopis concedi, non in dirimentibus, *lib. 7. cap. 31. toto. V. Impedimenta.*

DISTRIBUTIONES quotidianæ institutæ sunt loco antiquarum divisionum mensurarum. Eas non lucretur, qui Horis Canonicis, ceterisque Ecclesiasticis functionibus non intervenit, nisi rationabili causa excusetur, & quæ ista sit, *lib. 4. cap. 4. num. 1.* Beneficiarii nequeunt eas sibi invicem condonare, *Ibid.* Propter deputantur Pundlatores, *num. 2. V. Pundlatores.*

DIVORTIUM æque indissolubile potest uxori adversus virum adulterum, ac viri adversus uxorem adulteram, *lib. 7. cap. 38. num. 1.*

DOTEM a puellis, ingredientibus Religio-

nem,

nein, possunt absque simonia exigere monasteria eas recipientia. In primo ingressu dos deponenda est apud probom virum; tradenda monasterio in Professione, *lib. 7. cap. 58. a num. 1. ad 5.* Illam possunt Episcopi juxta circumstantias, & consulta Congregatione Concilii, majorem, vel minorem determinare, & integram remittere; non tamen Synodali Constitutione: & advertere, ne ultra dotem aliud a puellis extorqueatur, *num. 6. §. 7.*

## E

## ECCLESIA.

**E**CCLESIA in sacra Scriptura interpretanda, ejusque genulno sensu Fidelibus aperiendo, errare nequit. Oppositum docentes censura notantur, *lib. 7. cap. 47. num. 6.* Semper abominata est Catholicorum cum Hæreticis consortia, *lib. 6. cap. 5. num. 1.*

**ECCLESIAE** Christianorum antiquitus dicebantur etiam Concilia; *lib. 1. cap. 1. num. 1.* In iis olim erant divisiones, ligneis parietibus ut plurimum compositæ, in quibus homines, a mulieribus separati confisterent. Hominum stationi Ostiarii præerant; mulierum, Diaconissæ. Hæc divisio vel ab Apostolis, vel paulo post ipsos inducta; a S. Carolo Borromeo Mediolani, a Cardinali Thomasio Romæ innovata est, *lib. 7. cap. 54. num. 8.*

**ELECTIO** Episcoporum fit in sola Germania, *lib. 2. cap. 5. num. 3.* V. *Episcopus.* Electionibus Abbatissarum Episcopus præsidere potest, *lib. 5. cap. 12. num. 4.* V. *Episcopus.*

**ELEMOSYNA** olim poterant Pœnitentes redimere penam Canonica, eoi subdicebantur ob graviora crimina. Ejusmodi disciplina sæculo octavo inducta, nono propagata, ad initium decimicæ per severavit, *lib. 7. cap. 52. num. 1.* Nunc etiam impii possunt elemosynæ in pœnitentiam, quas tamen Confessarii, nec sibi, nec suæ ecclesiæ, aut monasterio addicere debent, *num. 2.*

## EPISCOPUS.

**EPISCOPUS** habet potestatem Ordinis, & Jurisdictionis. Primam immediate a Christo, per quam simplici Presbytero antecellit; alteram probabilius habet a summo Pontifice, & per hanc jus habet convocandi Synodum, *lib. 1. cap. 4. num. 1. §. 2.* In quolibet loco suæ diocesis jus dicere potest, *cap. 5. num. 1.* Et Synodum cogere aut etiam in aliena diocesi, consentiente Ordinario, *num. 2.* V. *Synodus.* Incurrit suspensionem ferendæ sententiæ, nisi semel in anno Synodum cogat, *cap. 6. num. 5.* Jus habet illam cogendi sine alterius consensu, *lib. 2. cap. 5. num. 1.* Electio contrahit spirituale conjugium cum eligentibus, & cum Ecclesiâ, *num. 3.* In sola Germania fit electio ad Episcopatum. Reliqui conferuntur a Papa libere, vel ex nominatione Regum, & Principum, & de his collatio vim habet electionis, & confirmationis. *Ibid.* Iota tres menses debet consecrari: ante consecrationem non potest exercere actus Ordinis, sed jurisdictionis, adeoque Synodum cogere potest, *num. 4. §. 5.* obtentis tamen, & exhibitis bullis, tot Brevi Apostolico de capiendâ possessione nomine Cameræ Apostolicæ; aliter a fructibus Beneficiorum suspenduntur, qui illum, uti Episcopum suscipiunt, *num. 6.* Excipitur Cardinalis in Episcopom electus, *num. 7.* **EPISCOPI** nonnulli Patriarchas se appellarunt sine jure patriarchico, *lib. 2. cap. 4. num. 6.* Alii honore Pallii condecorati sunt, *cap. 6. num. 1.* V. *Pallium.* Alii prærogativam obtinuerunt crucem ante se deferendi per totam diocesim, etiam per loca exempta, *num. 2. & 3.* Episcopo Eystetteni hoc privilegium concessum est, dummodo consentiret Archiepiscopus, si præfens fuerit, *ibid.*

**EPISCOPI** Titulares sunt, qui sd titulum Ecclesiæ, Infidelium joco præfixi, justis de causis ordinantur, *lib. 2. cap. 7. num. 1.* A tempore S. Petri Apostoli ceperunt ordinari Episcopi, nulli Ecclesiæ alligati: mittebantur ad Gentes: & quidam

ex



ex iis ad Romanum Episcopatum promoti fuerunt, *Ibid.* Episcopi titulares non sunt obstricti legi de visitandis limitibus Apostolorum. Laudantur suggestiones Sedi Apostolicæ modum convertendi Infideles suarum diocesium, *num.* 2. Nequeunt cogere Synodum diocesisnam, nisi qui a suis Ecclesiis expulsi sunt, aut in terris Christianorum jurisdictionem Episcopalem exercent in determinatis locis, *a num.* 2. *ad 6.* Non fuerunt admissi ad Concilium Romanum sub Benedicto XIII. celebratum, *lib.* 5. *cap.* 10. *num.* 3.

Episcopus, nulli Archiepiscopo subiectus, debet semel eligere Metropolitanum, cuius Provinciali Synodo semper interfit, *lib.* 3. *cap.* 1. *num.* 16. Episcopo subduntur Clerici Ecclesiæ fundatæ in Solo Lateranensi, *cap.* 8. *num.* 2. V. *Lateranensis*. Episcopus in Synodo primus sedet, *cap.* 10. *num.* 1. V. *Sedendi ordo*. vacante Parochiali debet indicare conciliurum, *lib.* 4. *cap.* 7. *num.* 2. V. *Parochialis*. Prims die Synodi Missam celebrat de Spiritu Sancto, *lib.* 5. *cap.* 1. *num.* 2. *¶* 3. Absoluta Synodo elargitur Indulgentiam, *num.* 5. Clerum alloquitur, *num.* 6. & dat osculum pacis, *num.* 11. Potest sibi casus reservare, *cap.* 4. *num.* 2. V. *Reservatio*. Juxta Constitutionem Gregorii XV. potest cum Pælatibus Regularibus præsidere electionibus Abbatissarum: ideo Regulares debent futuram electionem Episcopo deounciare, & interesse volentem expectare ad tempus præfinitum. Hinc Episcopus potest in Synodo declarare, se uel velle facultate ejus Constitutionis, & per hoc Regulares, inconsulto Episcopo, electioni præfidere nequeunt, *lib.* 5. *cap.* 12. *num.* 4. Alias in hoc controversia decidit Congregatio Concilii, *num.* 5. Expedit, ut ante Synodum a Parochiis, aliisque sciiscitur, quæ specialiter corrigenda sint, consulatur Theologus, & Canonistas, *lib.* 6. *cap.* 1. *num.* 1. V. *Synodus*. Nequit desinere questiones de Fide potest tanto errore, ab Ecclesiâ præscribere, exterminare, *cap.* 3. *num.* 7.

Tom. XII.

Episcopus præcipue debet prædicare verbum Dei, *lib.* 7. *cap.* 43. *num.* 1. V. *Prædicatio*. In sua diocesi est proprius ejusque sacerdos: omniumque confessiones excipere, & evicendi facultatem aliis dare potest. Sentire oppositum, est erroneum, *cap.* 64. *num.* 2. Auctoritate Presbyteris potestatem Ordinis, & jurisdictione, quod errando negant Heterodoxi, *lib.* 8. *cap.* 1. *num.* 2. adeoque leges ferre potest, quibus Presbyteri teneantur, *num.* 3. Confluverunt tamen, & aliquando debuerunt Episcopi in rebus gravioribus consulere Presbyteros inferiores, ut majus pondus decretis suis conciliarent, *num.* 4. Postea soli Canonici Cathedralium fuerunt in eorum consiliarios adsciti, quos etiam nunc aliquando consulere debent, *num.* 5. non semper teneantur sequi, *num.* 6. In hoc valde attendenda est locorum consuetudo, *num.* 8. Hinc promulgantur Constitutiones Synodales, Capituli consilium exquirere, non sequi tenentur, nisi in re, ad quam jura exigunt majoris partis Capituli consensum, ut sæpius respondit Congregatio Concilii, *a num.* 9. *ad 16.* V. *Constitutiones*.

#### EREMITAE.

EREMITARUM quatuor sunt genera. Alii tris vota Religionis substantialia emittunt. Alii in Congregatione ab Episcopo approbata vivunt. Alii ab Episcopo habitu suscepto alicui ecclesiæ addiuntur. Alii pro libito habitum suscipiunt. Secundi & tertii Episcopo subiacent. Ultimi privilegio Forti non gaudent: compelli possunt ab Episcopo ad deponendum habitum, *lib.* 6. *cap.* 3. *num.* 6. In Synodo leges super Eremitis condendæ sunt. Optimas pro ipsis regulas concinnavit Benedictus XIII. *Ibid.*

#### EUCCHARISTIA.

EUCCHARISTIA olim in Nativitate Domini, Paschate, & Pentecoste a Christianis adultæ ætatis erat sumenda: ounce saltem

iiii

semel

semel in anno. In Synodo iouuogitur Clero, ut de his populis admineant, ex formula Pontificalis, *lib. 5. cap. 1.*

*num. 7.* Aliquoties in vita, & imminente mortis periculo sumenda est de præcepto. Sed controvertitur adhuc, utrinque probabiliter, an sumpta ex devotione, sumenda sit eodem die per modum Viatici, adveniente repente mortis periculo, *lib. 7. cap. 11. num. 2.*

Eucharistiæ participes olim fiebant infantes statim post Baptismum, & aliis subsequenter vicibus. Hic mos etiam nunc custodiri dicitur a Græcis: quando in Ecclesia Latina obsoleverit, incertum, *cap. 12. num. 1.*

Omoes utriusque sexus Fideles saltem in Paschate illam sumere debent, cum ad annos discretionis pervenerint; licet de his annis certa regula non possit definiri, *num. 2.* Danda est culcumque proxime morituro, doli, & confessoris capsci, adeoque etiam pueris, si ita perspicace sint, ut Christum sub speciebus latentem credant, & adorent, *num. 3.*

Sæpius infirmis potentibus, licet non jejunis, in eadem infirmitate per modum Viatici laudabiliter deferatur, quamvis uoce vice præcepto satisfiat, *num. 4.*

Nec obest, quod inter unam, & alteram Communionem pauci dies elapsi sint, *num. 5.* Usus Eucharistiæ quotidianus nec omnibus improbandus, nec omnibus permitendus, sed juxta uniuscuiusque devotionem, ac dispositionem a prudenti Confessario pensandus, juxta Decretum sub Innocentio XI. editum, *num. 6. 7. & 8.*

Confessarii non debent suadere frequentissimam Eucharistiæ usum sæpe peccantibus graviter, & parum penitentibus, *num. 9.*

Posseunt Regulares, excepto Paschatis die, ministrare Eucharistiā secularibus, idque non debet Episcopus in Synodo prohibere: illam tamen fumentes in eorum ecclesiis non satisfaciunt præcepto Communionis Paschalis; quod si Regulares assererent, possent ab Episcopis severissimis poenis coerceri, *lib. 7. cap. 12. a num. 1. ad 5.*

#### EXAMINATORES.

EXAMINATORES saltem sex in Synodo sunt eligendi. Occasione examinis nil accipere possunt; aliter ipsi, & dantes, simoniam incurrunt, *lib. 4. cap. 7. num. 1.*

Coram ipsis, saltem tribus, institui debet concursus ad ecclesias Parochiales. Pro Ordinandis vero, vel Coofessoris examinandis Episcopus uti potest Examinatoribus, quos maluerit, *Ibid. a num. 2.*

In Synodo plures quam viginti ab Episcopo non sunt proponendi; nec officium assequuntur, nisi a majori parte Synodi approbentur per suffragia publica, vel secreta, *num. 3.* Possunt esse Regulares, vel Sæculares, etiam si Doctoratus laurea non sint insigniti, *num. 4.*

Designantur aliquando sub nomine appellativo dignitatis, vel officii. His decedentibus, successores in eligiunt, vel officio, munus Examinatoris non assequuntur, quomodocumque primi appellativo nomine fuerint designati: nec omnino certum, primos solum mutuos assecutos, *num. 5.*

Vicarius Generalis Examinatorem agere orquit, nisi proprio expresso nomine deponatur. Hinc Examinatores enosolitus sub proprio nomine, & cognomine deputandi sunt, *Ibid.*

Jurare debent in Synodo, si adsint, aliter coram Episcopo, vel Vicario, super Evangelio, vel, juxta antiquum morem, super Sanctam Reliquias, se munus fideliter, & sincere executores, *num. 6.*

Permanent in officio usque ad novam Synodum, in qua iidem, aut alii sunt deputandi. Aliquod interim desiciente, nisi sex remaneant, alium similem Episcopus subrogare potest, *num. 7.*

Subrogati officium, adveniente Synodi tempore expirat: aliorum dicitur, licet Synodus non celebretur. Posthac, si sex non remaneant, omnium officium expirat, & Episcopus alium subrogare nequit, *num. 8.*

In hoc casu ut concursus ad Parochiales ecclesias institui possit, debet Episcopus vel Synodum celebrare, vel a Congregatione Concilii facultatem petere alios deputari.

deputandi; aliter provisiones eruat irritæ, *num. 9.* Congregatio facultatem nunquam deorat. Sic electi durant ad annum, eosque Coogregatio singulis annis, petente Episcopo, confirmat. Episcopus electos proponere debet Capitulo approbandos: Capitulo approbare renneote, tutius erit petere a Congregatione supplementum consensu Capituli, & quare, *num. 10.* Nil de fructibus vacantis ecclesiæ post collationem dandum est Examinatoribus Synodalibus, licet aliter statuerit quoddam Concilium Toletanum, *num. 11.*

**Io** concursu ad Parochialem ecclesiam si Examinatores Synodales pauciores tribus, aut extranei super hostes adhibeantur, concursus erit illegitimus, & collatio nulla, *lib. 4. cap. 8. n. 2.* Examinatores aequum Concurrentes approbent debent habere rationem, non solum scientiæ, sed etiam morum, prudentiæ, ætatis, & aliarum qualitatium, spectantium Curam animarum, aliter collatio Parochialis erit inanis, & contrarium abusus improbavit BENEDICTUS XIV. *io* suis litteris encyclicis *num. 3.* Priusquam a loco examinis discedant, & ab Episcopo, vel Vicario sejuogantur, debent ferre suffragia palam, vel secrete: congruentius tamen secum invicem suffragia communicabunt, *num. 4.* In paritate, vel singularitate suffragiorum poterit Episcopus, vel Vicarius decidere, *num. 5.* Examinatores possunt renontiare idoneos *io* examine repertos: in collatione ecclesiæ nullum jus habent; spectat enim unice ad Episcopum, qui cautius poterit Examinatorum consilium exquirere, *num. 6.* In concursu ecclesiæ Parochialis jurisprætoratus Ecclesiastici solum idoneos, non digniorem designare debent, *num. 7.* V. *Parochialis ecclesiæ.*

#### EXCOMMUNICATIO.

EXCOMMUNICATIO olim erat pœna gravior degradatione, *lib. 7. cap. 34. n. 2.* Excommunicatioem latæ sententiæ quid-

dam improbant: alii, recens innotam distituit: utriusque perperam, *cap. 44. num. 5. & 6.* Severissima olim lata erat in idololatrias, homicidas, adulteros, relapsos, etiam occulte, & in Clericos grave facios occulte admittentes, *Ibid.* Excommunicatio major erat triplex, videlicet, *Simplex, Anathema, & Maranatha.* Prima solo verbo, secunda pluribus cæremoniis pronuntiabatur; per tertiam excommunicatus, ab Ecclesiâ perpetuo separatus permanere jubebatur, solius Dei judicio relictus. Latæ fuerunt a quibusdam Conciliis ob quendam delicta, quæ referantur, *num. 7.* Excommunicati vitandi sunt dumtaxat, publice, ac ominatim denuntiati, ac publici Clericorum percussores, *cap. 68. num. 4.*

EXOMOLOGESIS antiquitus non semper significabat Confessionem sacramentalem, sed ultimum ritum publicæ Pœnitentiæ, quæ proinde in necessitate etiam a Diaconis peragi poterat, *lib. 7. cap. 15. num. 5. & 6.*

#### EXTREMA UNCTIO.

Est Sacramentum novæ Legis, a Christo Domino institutum, apud S. Marcum institutum, & a S. Jacobo promulgatum. Incertum tamen an S. Marcus loquatur de Unctione sacramentali, *lib. 7. cap. 16. num. 2.* Materia hujus Sacramenti est oleum, simplex, saltem ex Ecclesiæ præcepto. Validitati tamen non obstat aliquid balsami admixtum, quod antiquitus factum quidam opinantur, *num. 3.* Oleum debet esse ab Episcopo benedictum: dubitatur, num ex Christi institutione, an ex præcepto Ecclesiæ. De commissione Romani Pontificis potest a simplici Sacerdote præparari, ut fit apud Orientales, *num. 4.* Forma oïo fuit ce ritus verbis a Christo præscripta: deprecativa utuntur Latini, & Græci. Controversitur, an sufficiat indicativa, seu absoluta, *cap. 17. 1010.* Septem ponendæ sunt Unctiones: probabiliter sufficiunt pauciores, aut etiam

una cum firma generali, præcipue in necessitate, *cap. 18. tot.*

Ministri hujus Sacramenti sunt soli Sacerdotes, *lib. 7. cap. 19. n. 1.* Laici esse nequeunt ex epistola Innocentii I. ad Decentium, *num. 2. & 3.* Oleo infirmorum utebantur olim Fideles ad curandas infirmitates, *Ibid.* Unus Presbyter valide, & licite ministrat extremam Unctionem, uti nunc fit in Ecclesia Latina: laudabiliter interesse possunt alii Sacerdotes, aut prohi Laici. Olim plures Sacerdotes aliqui simul ministrabant, *num. 4. & 5.* Ministrantes alim exigebant mercedem; pluribus solvendis pauperes non sufficentes, sine extrema Unctione decedebant: Idem ab unico Sacerdote ministratur, *num. 6.* Solus Parochus est ordinarius minister. Religiosi ministrantes, non peccata a Parochia venia, incurrunt excommunicationem, Papi reservatam, nisi exisset necessitas, qua urgente, possunt & alii Sacerdotes ministrare, *num. 7.* In Ecclesia Græca septem Sacerdotes ministrant hoc Sacramentum, in necessitate tres. In hoc Latina illam non improbat, dummodo credat, etiam ab uno ministrari posse, *num. 8.*

Solis infirmis, quorum mora vicina prudenter censetur, est conferenda extrema Unctio; non aliis, etiam certo vitæ pericula expostis, *lib. 7. cap. 20. n. 1.* Quibusdam sanis ministrata legitur, de instanti morte ælicus monitis. Forte lateuit morbo laborabant: quapropter etiam sanis ministrari potest, *num. 2.* Græci etiam sanos Oleo sacro inungere solent in remissionem peccatorum, loco satisfactionis Sacramentalis, accepta mercede, *num. 3.* Incertum tamen, an per hanc unctionem Sacramentum ministrare intendat, *num. 4.* Improbatur, ut erronea, doctrina de conferendo sanis hoc Sacramento, *Ibid. & num. 5.* Episcopi Latini invigilare debent, ne Græci, si qui in eorum diocesis versantur, hunc errorem teneant, *num. 6.* Nec pueris graviter decumbentibus, qui nondum peccare potuerint, conferenda est extrema Unctio, *cap. 21. num. 1.* Bene

vero, si doli, ac malitiæ capaces sint, etiam si unquam communicaverint, *num. 2.* Controvertitur, an B. Virgo fuerit extremæ Unctionis capax, *num. 3.* Non conferenda amentibus infirmis, nisi aliquando usum rationis habuerint, servatis in hoc quibusdam conditionibus, *Ibid. & num. 4.* Conferenda autem ægroto sensibus destituito: ad huc Missa interrumpi potest, *num. 5.*

Aliquando per errorem quidam existimant, suscepta extrema Unctione, esum carniæ, & copulam conjugalem esse interdicta; nudis pedibus semper incendendum; & ademptam condendi testamenti facultatem, *lib. 7. cap. 22. n. 1.* Actum esse de vita etiam nunc quidam opinantur: his ducti erroribus ab extrema Unctione abharruerunt: ideo emendandi: cum hæc sacra Unctio etiam saluti corporis prosit, *Ibid. & num. 2.* Remittit peccata etiam lethalia, directe, vel indirecte, posito pio aliquo suscipientis actu: quare non est expectanda ultima vitæ periodus ad illam ministrandam, *num. 3.* Infirmus, susceptus Penitentia & Eucharistia teneatur ne præcepto Olivino, an Ecclesiasticum suscipere extremam Unctionem, disputant Theologi, *num. 4.* Olim post sacramentalem Confessionem extrema Unctio præmittitur Viatico, non tamen apud omnes: nunc post Viaticum est suscipienda: prior mos apud aliquos perseverare dicitur, *lib. 7. cap. 23. n. 1. & 2.* Non licere, extremam Unctionem iterari, de qua re disputatum dicitur ægrotante Pio II., aut non posse ante elapsum triennium, vel saltem ante annum, nonnulli opinati sunt, quod modo repudiatur, *num. 3.* Non est iteranda in eadem infirmitate, nisi forte infirmitate remissa, iterumque ingravescente, infirmus in novo vitæ discrimine constitueretur, *num. 4.* Quid de his in Synodo. V. Constitutiones.

## F

FABRICANSES olim stigmatibus in brachiis notabantur, & quare, *lib. 7. cap. 40. num. 3.*

F 2

**FASTI** diebus negotiationes, publicaeque modicas, five annuas, five hebdomadarias licere ex consuetudine, eo quod non sint opera servilia, quidam sentiunt; eas tamen Episcopus prohibere potest, *lib. 7. cap. 3. num. 2. & 3.* Spectacula, ludisque publicis exhiberi vetuerunt Ecclesiae, & Principes saeculares, etiamsi natalis Imperatorum dies in Festum incideret, *cap. 54. num. 7.*

**FISULAE** olim mera erant ornameta, mulierum potius, quam virorum: adhibebantur ad merum luxum, & pompam. Aliae nunc commoditati inferviunt, ideoque etiam Clericis licent, *lib. 7. cap. 56. num. 2.*

## FIDES.

**FIDEI** professio in Conciliis Generalibus a Patribus emittitur juxta formulam Nicenam, & Constantinensem. Emitteoda est etiam in Provincialibus ab omnibus, de jure, vel consuetudine intervenientibus, *lib. 5. cap. 2. num. 3.* Illam emitteere tenentur novi Praefules in prima Synodo Provinciali; ooo in Dioecessana, nisi ex decore, & quare, *Ibid. & n. 4.* Parochi coram Episcopo, aut Vicario, vel Officiali Fidem profiteri debent intra duos menses ab adepti Beneficii possessione; Canonici vero Cathedralium etiam coram Capitulo: omnes sub poena amissionis fructuum, *num. 5.*; omnes insuper Beneficarii in prima Synodo Dioecessana, *num. 6.* Ab omnibus servanda est formula a Pio IV. adornata, n. 7. Sufficit, ut eam Secretario Synodi legente omnes simul repetant, inde super Evangelia jurent, *num. 8.* Hanc Fidei professionem impie derident Haeretici, appellant *Fidem formulariam*. Sed Ecclesia ab incurabulis illam a baptizandis, suspectis, haereticis conversis, ac ovis Praefulibus exegit, *num. 9.* Emissa Fidei professio juramento firmari antiquitus coepit, *num. 10.*

**FIDEI** causae nimio in Synodis provincialibus interdum pertractantur; non item nunc, *lib. 8. cap. 3. num. 1. 2. & 3.*

**FORMA** conditionata Baptismatis non fuit a Scholasticis inventa, sed Ecclesiae eorvva: saeculo autem octavo coepit conditio pronuntiari, quae antea mente dumtaxat concipiebatur, *lib. 7. cap. 6. num. 1.* Non est adhibenda, nisi pendens, ac solida subit dobitatio, ac seria praemittatur indago de validitate antecedentis Baptismi: temere adhibita parit rebaptizanti irregularitatem, & sacrilegium, *num. 2. & 3.* Magna proinde in his circumspicio est adhibenda, etiam in Synodo, a *num. 4. ad 9. V. Baptismus.*

**FORMULA** admonitionis, in Synodo habenda: ab Episcopo ad Clerum, occurrit in Pontificali Romano: Alias elucubravit S. Carolus Borromeus, quibus quisque Episcopus addere, & detrabere potest, *lib. 5. cap. 1. num. 6.* In prima, praeter alia, injungitur Clero, ut populos moveat de sumenda Eucharistia ter, vel saltem semel in anno, *num. 7.* & de abstinentia ab usu matrimonii certis diebus, *num. 8.* Formula in professione Fidei adhibenda, *V. Fidei professio.*

**FRUCTUS** primi anni cujuslibet Beneficii, non actuali possidenti, sed antecessoria defuncti heredibus obvenire possunt, *lib. 7. cap. 70. num. 3.*

## G

**GRAECI** subiecti Episcopis Latinis, possunt ab iisdem in officio contineri per Constitutiones Synodales; & ab erroribus ab Ecclesia damnatis retrahi, *lib. 6. cap. 3. num. 7.* Idem Episcopi possunt habere Synodum ex suis Presbyteris Graecis suae dioecesis, aut in sua consuetudine Synodo aliquid de ipsis statuere, *lib. 2. cap. 7. num. 7.* Confirmatio apud Graecos a simplicibus Presbyteris conferri consuevit, *lib. 7. cap. 9. toto: V. Confirmatio;* Extrema Unctio vero a septem Sacerdotibus, *cap. 19. num. 8. V. Extrema Unctio.*

## H

## HÆRESIS.

**I**N quibosdam antiquis Synodis adjudicatur Episcopis facultas absolvendi ab hæresi, *lib. 7. cap. 32. num. 1.* Debent Episcopi sub pena depositionis severe animadvertere in Hæreticos si in sua diocesi inveniuntur, etiamsi adfint Inquisitores a Sede Apostolica delegati, quin tamen hos a proprio munere impediant. Utrique possunt Hæreticos resipiscentes, ad suum forum quoquo modo deductos Ecclesie reconciliare, & pro utroque foro a censura absolvere, aut ad simplicem Confessarium absolvendos remittere, *num. 2. & 3.* Ab hæresi pure interna quicumque simplex Confessarius potest absolvere, licet exterius esset prolatus, si tamen retentus esset interior assensus articulo Fidei exterius negato: sed in foro externo peccans, tamquam hæreticus, esset ponendus, *num. 4.* Absolutio ab hæresi summo Pontifici reservatur ratione censuræ aonæ, *ibid.* Hæreticus vero, qui interius articulo Fidei dissentit, & dissentium pandit exterius, quin tamen ad forum judiciale deducatur, quamdiu delictum occultum manet, nec ab Episcopo, neque ab alio, ne virtute quidem Jubilæi, aut bullæ Cruciatæ, nisi specialiter io bulla exprimat, pro foro conscientie absolvi potest, sed absolutio soli summo Pontifici reservatur, vi bullæ Cœnæ, *a num. 5. ad 10.* Id pluribus argumentis contra sentientes oppositum firmatur, *cap. 33. 1010.*

**HÆRETICORUM**, vel Schismaticorum conventus frequentare non licet Catholicis, multo minus cum iis communicare in rebus sacris, *lib. 6. cap. 5. num. 1.* nisi forte ex pluribus conjunctis circumstantiis; sed parum probatur, *num. 2.* Neque cum iis matrimonium contrahere, *num. 3.* *V. Matrimonium.* Quoad impedimenta matrimonii, Hæretici sentiunt jus Canonicum, *lib. 7. cap. 39. num. 1.*

**HERMANNUS** Colonienſis Archiepiſcopus, celebrata utill Synodo Provinciali, ad

Lutheranos turpiter defectit, *lib. 6. cap. 1. num. 1.*

**HIÉROſOLYMITANÆ** Religionis Fratres Capellani, Curam animarum gerentes, & Sacramenta in eorum ecclesiis Regularibus, & exemptis ministrantes Clero, & populo ſeculari, ſubjectis Episcopo loci, tenentur accedere ad Synodum diocesanam, & ad lectionem, ac conferentiam casuum conscientie ab Episcopo præscriptas, *lib. 3. cap. 7. a num. 1. ad 4.* Eorum ecclesiæ parochiales ſubſunt viſitationi Episcopi, ut Sedis Apostolicæ Delegati, & viſitationi Priorum Hierosolymitanorum. Si Episcopi, & Priorum decreta diferepent, prævalent illa Episcopi, *num. 4.* Multo magis ad Synodum accedere debent Sacerdotes ſeculares, ecclesiæ parochialibus Equitum Hierosolymitanorum præſecti, *num. 5.* Alii Sacerdotes eidem Ordini infervientes ſubjecti ſunt jurisdiſtioni Episcopi, ut Sedis Apostolicæ Delegati, & ad Synodum accedere tenentur, niſi Religioſam Profeſſionem emiſerint, vel intra Militaris Clauſtri ſepta viventes, Religioſi aſtu inferviant, & ſub Prælati obediencia vivant, *num. 6. & 7.* Omnia hæc congruunt Militari Ordini SS. Mauricii, & Lazari, *num. 8.*

## 1

**S. JACOBUS** Apoſtolus Hieroſolymæ Episcopuſ Synodum celebravit, *lib. 1. cap. 1. num. 3.*

**JEJUNIUM** Eccleſiaſticum probabilius ſervandum eſt etiam ab iis, quibus licet veſci carnis diebus eſtivalibus; id Episcopuſ præcipere poteſt, non autem deſinire jejunium cum eſu carioium rite componi, *lib. 7. cap. 3. num. 1.* Jejunium quadageſimale ſemper, & obique, ſex ſaltem hebdomadaſ complexum eſt, *cap. 54. num. 4.* *V. Quadageſimale.* Jejunium Sabbati diverſum ſuit in Occidentali, & Orientali Eccleſia, *cap. 56. a num. 3. ad 8.* *V. Sabbathum.* Indiſtium ab Episcopo ſervare tenentur aliquando Regulares, *lib. 8. cap. 4. num. 7.* *V. Regulares.*

1m-

## IMPEDIMENTUM.

- IMPEDIMENTA** matrimonium impediētia, nisi ex voto, Pontifici reservata, aut ex sponsalibus cum altero initiāriantur, possunt ab Episcopo relaxari, *lib. 7. cap. 31. num. 1.* Item irritantia jam contrāctum, concurrentibus tamen sex simul circumstantiis, quæ enumerantur, idque dumtaxat in foro interno, *Ibid.* Foris ab eodem relaxari potest impedimentum occultum dirimens, si matrimonium sine scandalo, & infamia differri nequeat, aliaque urgeant circumstantiæ, *num. 2.* Non potest tamen Episcopus ordinaria potestate salvere impedimenta publica, matrimonium dirimentia. Nonnulli tamen Episcopi, paucis faventibus Doctoribus, hanc potestatem sibi vindicare audent; consuetudinem, aut aliud prætexentes, *num. 3.* sed omnia perperam, *a num. 4. ad 8.* Si quis hanc facultatem sibi competere, aut esse necessariam contendat; id in Synodo non asserat, sed à summo Pontifice postulet, *num. 7. & 8.*
- Ex Adopatione** aritur impedimentum cognationis legalis, *lib. 7. cap. 35. n. 4. V. Adopção.* Ex occisione propriæ uxoris, aut filiz: in adulterio deprehensarum oritur impediens, *cap. 38. num. 8.* Impedimentum affinitatis ad matrimonium olim tripliciter contrahabatur, *cap. 39. num. 2. V. Affinitas.* Inter vitricum, & uxorem privigal nullum intercedit, *num. 3. & 4.*
- INVOTENTIA** perpetua dirimit matrimonium; an sit perpetua, trienniali experimento est tentanda, *lib. 7. cap. 36. num. 2.*
- IMPOSITIO** manuum super S. Paulum ab Anania non fuit confirmatoria, sed curatoria ad restituendum ei visum; sicuti & alia, quam etiam Diaconi ex delegatione nri poterant ad curandos arreptat a Dæmonia post Baptismum, *lib. 7. cap. 7. num. 3.*
- INDULGENTIAM** quadraginta dierum Episcopus impertitur post ultimam Synodi sessionem. Aliquando, saltem pro prima Synoda plenariam a Pontifice obtinet visitantibus Cathedralium aliqua die Synodi, *lib. 5. cap. 1. num. 5.*

- INFANTIBUS** projectis, seu spuris, ad hospitale ductis, nutrices, perfecta valetudine fruentes dandæ sunt. In necessitate alendi sunt lacte caprino, aut vacca. Exempla, *lib. 7. cap. 58. num. 8.* Legitijs a matribus nutricodi sunt, *num. 9. V. Matres.*
- INQUISITORES** possunt resipiscētem Hæreticum Ecclesiæ reconciliare, *lib. 7. cap. 32. num. 2. V. Hæresis.*
- INTENTIONEM**, saltem faciendi, quod facit Ecclesia, requiri in Ministro Sacramenti, de Fide est, *lib. 7. cap. 4. num. 2. & quare num. 3.* Probabilius non sufficit intentio perficiendi dumtaxat ritum externum: immo sententia asserens, sufficere intentionem serin perficiendi ritum externum ab Ecclesia adhibitum, retinendam intentionem, aut interius dicendo, nolle facere, quod facit Ecclesia, licet propriè non coincidat cum sententia Lutheri, & Calvini, vix amplius sustineri potest, *a num. 6. ad 9.*
- IRREGULARITATEM** an incurrat Clericus, hominem fortuito interficiens in venatione quietæ, *lib. 7. cap. 61. num. 8.* A jure non ab homine induci potest irregularitas. Incurritur ab eo, qui suspensus ab Ordine in illa ministrat, non qui ad alium ascendere præsumit, quem nec Episcopus potest declarare irregularem, *cap. 57. num. 6. & 7.* Incurritur quoque, si Clericus ob crimen occultum suspensus, in Ordine, a quo est suspensus, ministrat, *cap. 71. num. 5.*

## JUDÆA.

- JUDÆA** a multis Christianorum regionibus exulare cinguntur, & ab omni ditione temporali Romanæ Ecclesiæ, exceptis Roma, Ancona, Avenione, ac quibusdam locis Ferrariæ, & Urbini, *lib. 6. cap. 4. num. 1.* Nimia cum iis familiaritas est vitanda: habitare debent in loco separato, & ferre signum distinctivum: nequeunt præfici publicis officiis, aut vestigalia, vel Fiscalia conducere, nec tamquam medici adhiberi, impositas adhibentibus pena, aut Christianas nutri-

ces

ees accedere : oec possunt Christiani suam operam his assidue impendere , num. 3. Conuersi ad Fidem non sunt Bonis , nec successione hereditatis paternae privandi : nec eorum losantes , inuitis parentibus baptisandi , *Ibid.* Si alteruter ex Hebraeis conjugibus convertatur , dissolvitur matrimonium , si cohabitare nequeant , num. 3. V. *Matrimonium* . Maritos Hebraeos ad Fidem conuersus non potest ad uxorem mittere libellum repudiij , num. 6. Usuras sibi licere perperam iurant , *lib. 7. cap. 47. num. 12. & 13. V. Usura* .

Descendentes ex Iudaeis non sunt accendi ab Ordinibus , & Beneficiis , nisi aliter in erectione Beneficii a Fundatore cautum fuisset , vel aliter summus Pontifex decreuisset , *lib. 7. cap. 65. num. 4.*

#### JUDICES.

JUDICES nonnulli cum Vicario Generali ab Episcopo deputantur in Synodo , ut querelas criminales , & lites civiles audiant , & summarie definiant : quaestiones circa ordinem sedendi componant , & absentium excusationes excipiant , *lib. 4. cap. 2. num. 3.* Nunc vix munus suum exercere possunt ; eorum tamen electio non est inutilis , num. 4.

JUDICES , quibus a Sede Apostolica caosae in paribus committantur , deputandi sunt in Synodis Provincialibus , vel Diocesanis : si aliquis ex deputatis moriatur , alius ab Ordinario est substituendus , *lib. 4. cap. 5. num. 4.* In deputatione consilium Synodi , in substitutione consilium Capituli Episcopalis exquirere debet , non necessario sequi , num. 5. Electi Sedi Apostolicae essent notificandi ; quod raro exequuntur Ordinarii ; ideo aliis Iudicibus causae saepe committuntur , num. 6. Ante delegationem , nullam habent jurisdictionem : adhibere debent Notarios Curiae Episcopalis : si non celebretur Synodus , io qua eligantur , Ordinarii obtinere poterunt a Congregatione Concilij facultatem eos designandi cum consilio Capituli , num. 7. & 8. Omnia haec

indicavit BENEDICTUS XIV. io quadam epistola eocyclicis , num. 9.

JUDICES privilegiorum Conservatores eligi possunt ex privilegio ab Ordinibus Regularibus , a plerisque Universitatibus , ac quibusdam Canonicorum Collegiis , *lib. 4. cap. 6. num. 1. & 2.* Non deputantur io Synodo , sed esse debent de cetero Judicum Synodaliu : nomina electorum a Regularibus sunt exhibenda Curiae Episcopali , *Ibid.* Si non adsint Iudices Synodales , alii eligi possunt , dommodo io dignitate Ecclesiastica constituti , vel personatum , aut Canoniceum obtinentes . Accedentibus Synodalibus , aliis excooratoris , Conservatores e Synodalibus sunt assumendi , num. 3. Forte Regulares eligere possunt in Iudicem Conservatorem , aliquem , Iudicibus Synodalibus dignitate praestantem : sed nequeant in una diocesi morantes eligere Episcopum alterius diocesis . Iudex enim Conservator jus extra diocesim exercere nequit , num. 4. Conservatores possunt defendere eos , quibus dati sunt , a violentiis , & iniuriis ; non cognoscere , quae iudiciale indaginem exigunt ; nec causas criminales , sed civiles , si Rei sint , quos tuentur , num. 5. & 6. Alium ministrum assumere nequeant praeter unum Notarium , *Ibid.*

JURAMENTUM a Punitoribus est emittendum de munere fideliter exercendo , quod primus voluit S. Carolus Borromaeus , *lib. 4. cap. 4. num. 3.* ; Et ab Examinatoribus Synodalibus , *cap. 7. num. 6.* Antiquissimus iurandi mos ad Sanctorum Lipsiae , etiam sub quadam formula ad veritatem deprehendendam , maxime invaluit , exorta Iconoclastarum haeresi , & initio saeculi noni etiam lege statutus est . S. Carolus Borromaeus , ut Luthero , & Galvino contraret , eundem innovavit , *Ibid.* Antiquissimus est usus iuramenti de retinenda Catholica Fide , quam quia proficebat , *lib. 5. cap. 2. num. 10.* Juramentum interdixerunt in contractibus , ac irritum declaraverunt quidam Principes seculares , ne omnes causas ad forum Ecclesiasticum deducerentur ,



rentur, *lib. 7. cap. 35. num. 8. V. Causa.*

**JURISDICTION** Ecclesiastica a Potestatibus secularibus valde diminuta est, *lib. 7. cap. 37. num. 11.* Usurpata a Sæcularibus, non est in Synodo repetenda, *num. 12. & 13. V. Constituciones.*

**Jus** certum Episcopi debent tueri, non controversum sibi asserere, *lib. 7. cap. 37. num. 1.* Aliquando Episcopus potest jus commune ex Episcopi relaxare, *cap. 71. num. 1.* non tamen in Synodo, *num. 2.* potest tamen in hac aliquid præter jus commune statuere, *cap. 69. num. 1. V. Constituciones.*

L

**L** AICI non consueverunt interesse Synodis, *lib. 3. cap. 9. num. 3. V. Synodus.*

**LATERANENSIS** Capituli privilegia, a Pio IV. revocata, a Sixto V. restituta sunt, *lib. 3. cap. 8. num. 2.* Ut aliqua ecclesia vere fundata dicatur in Solo Lateranensi, opus est probabilis, ut Solum illud fuerit sub Lateranensi basilicæ vero, sincero, ac stabili dominio. Beneficarii vero, Capellani, alique aggregati ecclesiæ, in Solo Lateranensi fundatæ, subdantur jurisdictioni delegatæ Episcopi, *ibid.* tenentur accedere ad Synodum Diocesanam, *num. 9.*

L E X .

**LEX** jurisdictionis, & diocesiæ distinctio investa est, cum Monachi in quibusdam a potestate Episcopi subtrahi fuerant, *lib. 1. cap. 4. num. 3.* Lex Superioris nec abrogari, nec relaxari potest ab inferiori: adeoque Episcopi nequeunt relaxare legem a summo Pontifice, aut Concilio Generali rogatam, nisi censuras non resecutas, *lib. 7. cap. 30. a num. 4. ad 7.*

**EX** LEGIBUS Civilibus aliquæ jure Canonico approbatæ, aliæ correctæ, & abrogatæ, aliæ silentio prætermisæ sunt. Exceptis legibus secundi generis, aliæ in Synodi allegari possunt, & aliquan-

do debent, *lib. 7. cap. 36. num. 1.* Leges Civiles præscribentes triennium ad experendum, an impotentia in conjugibus sit perpetua, tamquam Canonice custodiuntur, *num. 2.* Induxerunt adoptionem, & ratine adoptionis impedimentum cognationis legalis ad nuptias, *num. 3. & 4.* In dubio hujus impedimenti in tribunali Ecclesiastico, aut Synodo ad eas leges est recurrendum, *num. 5.*

**LEGES** Cæsaræ, permittentes usuras, a legibus Ecclesiasticis abrogatæ sunt, *lib. 7. cap. 37. num. 1.* Aliis vero irritantibus matrimonia filiorumfamilias, & servorum, sine consensu parentum, ac dominorum inita, aliquando adhuc Ecclesiæ, *num. 2. & 3.* Postea derogavit, *num. 4.* Quas proinde non licet amplius excitare, *num. 5.* Si quæ inveniantur a Principibus Christianis latæ, idipsum præferentes, intelligendæ sunt quoad effectus civiles, non lædentes substantiam matrimonii, *ibid.* Abrogatæ sunt quæ ab Ecclesiæ leges civiles non damnant adulterii crimine conjugatum cognoscentem solutum, *cap. 38. num. 1.* ac permittentes concubinatum, si quæ leges fuerint, *num. 2.* Item notantes infamia, aliisque poenis Viduas nubentes intra annum luctus, *num. 6.* Necnon dantes marito facultatem occidendi uxorem, & adulterum in adulterio deprehensos: ac patri, occidendi cum adultero filiam, in sua potestate existentem deprehensam in adulterio, *num. 7.* Leges insuper statuentes affinitatem ex matrimonio contrahendam, duabus, vel tribus mediis personis. Clarificatur exemplis, *cap. 39. num. 2.*

**LEGES** Civiles de re mere profana, sacris Canonibus non adversantes, tacite ab iisdem approbatæ videntur, itque se conformare debet Judex Ecclesiasticus super re temporali, de qua nihil decisum est a jure Canonico, *lib. 7. cap. 40. num. 1.* Plures robur adiciunt Ecclesiasticæ Constitutionibus, & Ecclesiæ sunt favorabiles, ideoque utiliter allegantur in Synodis, *num. 2. V. Constituciones.*

**LEGES** antiquæ abrogari poterunt contra-

K k k k ria

ria consuetudine, quæ si rationabilis sit, leges non sunt renovandæ; sed rationabilis non est, quæ labefactat præcipuas leges disciplinæ Ecclesiasticæ, *lib. 7. cap. 54. num. 2.* Legibus Ecclesiasticis, & Imperatoris ludi publici diebus festis vetiti sunt, *num. 7.*

**LITTERÆ** Apostolicæ ut in diocæsi- bus Prælatorum, qui Urbani VI. partes ad- versus Antipapam secuti fuerant execu- tione carerent, nisi ab iis, aut eorum Officialibus essent prius examinatæ, in- dulsit idem Urbanus: quod postea Boni- facius IX., & Martinus V. sustulerunt, *lib. 7. cap. 30. num. 2.* Quod Urbanus VI. concessit, constituerunt in Synodis Tolertana, & Carthaginensis Ecclesiæ; sed hoc irritavit Leo X. *num. 3.* Cle- mens VII. anathema addidit impedi- entibus executionem litterarum Aposto- licarum, *num. 4.* Per litteras Apostoli- cas an reus trahi possit ad iudicium extra Diocæsim. V. *Pontifex Romanus.*

#### LUDUS.

**LUDUS** publici diebus festis a legibus Ecce- siasticis, & Sæcularibus vetiti sunt, quos etiam vetuit S. Carolus Borro- mæus, *lib. 7. cap. 54. num. 3. & 7.* Alios ludos in festis Martyrum abolere stu- duerunt quædam antiqua Concilia, ac postea Episcopus Alatrius, *cap. 55. num. 1.*

**LUDUS** alearum, taxillorum, & similium, ab Ethnicis etiam, ob fraudes, aliasque enormis scelera damnatus, omnibus Fi- delibus, præcipue Ecclesiasticis est inter- dictus, *lib. 7. cap. 61. num. 1.* adeo ut per sacros Canones, & Synodos, Cle- rici nec aleis, nec similibus ludere, nec ludentibus interesse possint, præsertim publice, *ibid. & num. 2.* Ab omni ludo, proprio statim indecoro, Clerici abstine- re debent: quinam sint huiusmodi ludi, iudicio Episcopi pro diversis personarum, locorum, ac temporum circums- tantis relinquatur determinandum, *num. 3.* Inter hos vetitus recessetur lu- dus scachorum, quamvis in aliquo Syno-

do permittatur sub quibusdam condi- tionibus, *num. 4.* Merito in Synodis hi lu- di interdicti possunt, *num. 5.* Aliquando ludus ad virtutem Eutrapeliæ pertine- re potest, & quomodo, *ibid.*

#### M

**M**AGISTRI ceremoniarum Synodo dice- cesiæ expediunt, ut eundem in Sy- nodo debite peragantur, *lib. 4. cap. 1. num. 7.*

**MARONITÆ** quid in Synodo Montis Liba- ni anni 1736. circa Confirmationem sta- tuerint, V. *Confirmatio.*

**MATRES** proprios partus proprio lacte nu- trire debent, *lib. 7. cap. 58. num. 9.* alie- ter peccant, saltem venialiter, *num. 10.* nisi legitima causa excuset: ideo Episco- pi non debent id præcipere, *num. 11.*

**DE MENSA** Episcopalis Bonis, aut redi- tibus nil, inconsulta Sede Apostolica, distrabi potest in favorem alicujus Ec- clesiæ, vel Capituli, *lib. 7. cap. 71. num. 12.*

#### MATRIMONIUM.

**MATRIMONIUM** usui certis diebus olim erat interdictus, *lib. 5. cap. 1. num. 8.* Matrimo- nium in Infidelitate contractum, per coconversionem alterutrius conjugis dis- solvitur, si Infidelis cohabitare nolit, aut non sine contumelia Creatoris. Prius tamen de eo est interrogandus: Si abstinet, vel lateat, petenda est dispensatio, cujus concedendæ facultas data est nonnullis in quibusdam locis a summis Pon- tificibus, *lib. 6. cap. 4. num. 3.* Probabilius non dissolvitur primum matrimonium, antequam coconvertus ad Fidem aliud ineat: tunc si Infidelis aliud contrahat, & convertatur, ad priorem conjugem, innumptum, redire debeat, quod elucidatur exemplo, *num. 4.* Con- vertitur a Doctioribus an Papa jus ha- beat permittendi, ut posterior conver- sus maneat in secundo matrimonio, re- laxato priore, *num. 5.*

Non licet Catholicis matrimonium con- trahere

trahere cum Hæreticis, *lib. 6. cap. 1. n. 3.* Irritum est inter Catholicos contractum eorum Ministro hæretico in locis, ubi publicatum est Tridentini decretum, nisi ante, vel post, illud celebretur juxta Tridentini statuta. Licet tamen Catholicis contrahentibus in locis, Principi hæretico subjectis, se scilicet, juxta leges Principis, coram Ministro hæretico, tanquam mere politico, secus, tanquam sacro, *num. 4. & 5.*

Post Tridentinum Concilium, matrimonium celebrandum est coram Parocho, aut alio Sacerdote, de ipsius, aut Ordinaris licentia, & coram testibus saltem duobus; aliter celebratum, nunc est nullum, *lib. 7. cap. 27. num. 2. & 7.* Elevatum est a Christo ad rationem veri Sacramenti; & a primordiis Ecclesiæ cautum est, ne aliter, quam coram Sacerdote, celebraretur, *num. 3.* Sed dubium adhuc, an ante Tridentinum matrimonium clandestina essent nulla, de quo disceptatum est in eodem Concilio, pluribus antiquis monumentis perpenis, *num. 4. 5. & 6.* Hujus Sacramenti ministrum quidam existimant esse Sacerdotem; Forinam, benedictionem ab eodem prolatam; Materiam, contractum civilem, mutuo contrahentium consensu perfectum. Alii communius sentiunt, ministrum esse contrahentes; discrepant autem in assignanda materia, & forma, *cap. 28. num. 1. 2. & 3.* Ultima sententia validis argumentis fulcitur, *a num. 4. ad 8.* Utraque tamen probabilis, *num. 9.* Parochi non debent permittere, ut matrimonium contrahant illi, qui rudimenta Fidei nesciant: ideo in hoc rejicienda contraria quorundam Auctorum, & Synodorum doctrina, *cap. 29. 1010.* Qui præcipua Fidei mytheria tenet, quædam vero, de necessitate præcepti addiscenda, rudè modo perceperit, ac memoriter retinere non possit, non est a matrimonio arcendus, sed curabit Parochus, ut ille eadem frequenter audiat, *num. 6.*

MATRIMONIUM filiorumfamilias, & servorum, sine consensu parentum, ac dominorum, irrita erant per leges civiles,

*lib. 7. cap. 37. num. 2.* Eadem potestas valida esse voluit Ecclesia, *num. 4.* nec eorum validitati obstant quædam aliæ leges civiles, potes in Gallia, aut alibi latæ, *num. 5.* Hæc validitas in Synodis est declaranda, *Ibid. V. Leger.* Validum est inter vitricum, & uxorem privignum, nec ad illud pertinent impedimenta affinitatis, aut publicæ honestatis, *cap. 39. 1010.*

MATRIMONIUM celebratum coram Parocho, & testibus contra interdictum Episcopi, est validum, *lib. 7. cap. 68. num. 2.* secus contra Papæ interdictum irritans, non vero solam prohibens, *num. 3.* Potest tamen Episcopus severissimis poenis coercere contrahentes contra interdictum Ecclesiæ, *num. 4.* Valida sunt matrimonia clandestina, ubi non est publicatum decretum Concilii Tridentini, ea irritans; etiam in illis locis publicentur Constitutiones Synodales, eodem decreto conformes, *a num. 5. ad 9.* Celebrandum est, tribus præmissis denuntiationibus, quas tamen Episcopus potest remittere. Si celebratur, iis non præmissis, Parochus assistens triennio ex jure suspenditur: contrahentibus penitentia est injungenda: testibus potest in Synodo decerni excommunicatio, *cap. 69. num. 2.* immo et contrahentibus, *cap. 68. num. 4.* Celebratum ab iis, qui, solo animo illud clandestine celebrandi, a loco, ubi Tridentinum est promulgatum, transferant ad alium, ubi non est promulgatum, est illegitimum, *lib. 8. cap. 4. num. 10. V. Constitutiones.* Quædam matrimonii impedimenta ab Episcopo solvi possunt. V. *Impedimenta.*

METHODUS exarandi Constitutiones Synodales certa præscribi nequit, V. *Constitutiones.*

METROPOLITANUS nullus fuit in Occidente primis Ecclesiæ sæculis, præter Romanum: alii deinde coeperunt, *lib. 2. cap. 2. num. 3.* Metropolitani provincie est Episcopus suæ civitatis, & potest esse Primas diocesis, *cap. 4. num. 1.* Potest cogere Synodum Provincialem, & Diocesanam, *num. 2.* Qui Suffraganeos non

K k k 2 habet,

habet, cuiusmodi plures enumerantur, dicitur Metropolitanus honoris, sine jure veri Metropolitanus, nec potest celebrare Synodum Provincialem, *num. 3. ad 7.* Nonnulli Metropolitanus insigniis fuerunt titulo Patriarchæ, quin jura Patriarchalia acquisierint, *num. 5. & 7.* Metropolitanus, etiam consecratus, non assequitur plenitudinem officii, non obento Pallio, nec Synodum Provinciale non congregare potest, *cap. 5. num. 8.*

MILITARIS ORDO, V. Hierosolymitani.

## MISSA.

MISSA de Spiritu Sancto, aut saltem Oratio de eodem in Missa, ut a Parochis quinta quaque feria per mensem ante Synodum celebraretur, edixit S. Carolus Borromeus, *lib. 5. cap. 1. num. 1.* De Spiritu Sancto celebranda est solemniter ab Episcopo prima die Synodi, ante, vel post Processionem, *num. 2. & 3.* Pro defunctis, secunda die: de Trinitate cum Collecta in gratiarum actionem, tertia die, ab aliquo ex Canonici, *num. 4.*

IN MISSA alium plura, & diversa a Fidelibus offerebantur, ante, vel post eandem, aut ad Offertorium, *lib. 5. cap. 8. num. 1. & 2.* Incertum, an etiam offerretur pecunia, *num. 3.* Sicuti & quando offerri cœperit, *num. 4.* Certum est, panem, vel denarium fuisse Ecclesiæ, & Clericis in communi oblatum: Mos vero dandi uni Sacerdoti stipem, ut pro largiente, aut aliis, vivis, vel defunctis Missam in particulari offerret, forte cœpit ante sæculum octavum, & sæculo undecimo nimirum propagatus est, *num. 5.* Specialem hanc Missæ applicationem improbat Walafridus Strabo, sed minus recte; cum in hoc sensu effectus Sacrificii finitus sit, eique plus prosit, cui applicatur, *num. 6.* Hunc morem, tamquam simoniacum, perperam infestantur Hæretici, *num. 7.* Eundem, ceteroquin honestum, nonnulli impii Sacerdotes, antequam Missa iterum eadem die prohiberetur, tum post, pluribus modis ob avaritiam dehonefaverunt, celebrando Missas *bisfaci-*

*tas*, & *trifaciatas*; *num. 8.* Non possunt de mercede pro Missa pacifici Sacerdotes, juxta Concilium Thletanum an. 1324. *num. 9.* Et juxta Tridentinum Episcopi debent in hoc omnem turpitudinem avertere, adeoque Missarum stipem taxare, *num. 10.* Quod in Synodo congruentius fieri consuevit, *num. 11.* Lege Synodali deficiente, attendenda est recta consuetudo, *Ibid.*

IN TAXANDA elemosynæ quantitate attendendæ sunt locorum, & temporum circumstantiæ. Nec opus est, ut tanta sit, quæ integram Sacerdoti sustentationem suppeditet, & quare, *lib. 5. cap. 9. num. 1.* Sacerdos, ultra taxam aliquid exigens, lædit legem Ecclesiæ, & justitiam commutativam, nisi plus vere sponte detur. Taxæ stare debent etiam Regulares. Nec potest Sacerdos, accepto stipendii, alteri Missam celebrandam committere, retenta sibi parte stipendii: id enim damnatum est. Potest tamen stipendium, taxa minus, liberaliter accipere, liberalitate non fraudulenta in damnum aliorum, *num. 2.* Nec potest de taxa aliquid detrahi in Missis manualibus in commodum Ecclesiæ, subministrantibus sacra indumenta; bene vero in perpetuis, si Ecclesiæ aliis redditibus careat, *num. 3.* Nec potest per unicum Sacrificium pluribus acceptis stipendiis satisfieri, applicando etiam partem fructus Sacrificii specialissimam, Celebranti correspondentem; contraria sententia damnata est, *num. 4.* De his aliisque pluribus, Missam spectantibus in aliis Operibus fuisse egit BENEDICTUS XIV. *num. 5.* Missarum numerum de Legatis piis in Synodo minuendi facultatem dedit Episcopus Tridentinum, & Superiioribus Generalibus Ordinum Regularium in Capitulis Generalibus, *cap. 10. num. 1.* Quam potest ademit Urbanus VIII. etiam si Legatum nondum esset ab ullo acceptatum, nisi relinquens Legatum facultatem minuendi fecerit, *num. 2.* Denique ab aliis Pontificibus iterum fere omnibus Religiosis Institutis, servatis certis regulis, & a Benedicto XIII. Episcopis per se, vel per alium Concilio Romano, celebrant sub ipso, præsentibus concessa est.

sa est. Quam etiam impetravit a Clemente XII. BENEDICTUS XIV. cum esset Bononiæ Archiepiscopus, *num. 3.*

Non est permittendum, ut quisquam Missam celebret, capite cooperto, ne coma quidem scilicet, *lib. 7. cap. 60. n. 5.*

MISSAR parochiali diebus festis interesse olim Fideles debebant: nunc cuicumque integrum est, Missam audire quocumque die, in quacumque ecclesia, & sic satisficit præcepto, dummodo non in Capella, aut in Oratorio privato audiat, *lib. 7. cap. 64. n. num. 7. ad 11.* Propterea in Synodis non præcepto, sed exhortatione Fideles sunt vocandi ad Missam parochialem, *ibid.* Antiquissimum est institutum annuntiandi verbum Dei inter Missarum solemnias, *num. 12.*

MISSAR, pro quibus celebrandis in determinata ecclesia oblatæ sunt elemosynæ, si in hac celebrari nequeant, possunt, ex indulto Episcopi, in alia celebrari, *lib. 7. cap. 70. num. 4.* Si tot offerantur elemosynæ pro celebrandis Missis in designato ecclesie sacello, ut in eo celebrari nequeant, in aliis ejusdem ecclesie sacellis infra hebdomadam celebrari possunt ex rescripto Congregationis Concilii: de quo eadem Congregatio scriptam tabellam omnibus conspiciendam in ecclesia exponi voluit, *num. 5.* Missa in publicis Oratoriis, intra fines alicujus parochie sitis, potest de jure ante parochialem celebrari; sed si aliter in Synodo decretatur, huic est standum, *n. 7.*

V. *Constitutiones.*

MONACHI plurium sæculorum spatio fuerunt juri Episcoporum plene subiecti, postea in aliquibus fuerunt exempti, *lib. 1. cap. 4. num. 3.*

MONASTERIA quædam in Italia fuerunt suppressa. V. *Contentus.* In monasteriis aliquando Clerici scholas frequentarunt. V. *Clerici.* Filios impuberes Parentes monasteriis pro libito offerre olim poterant, quibus inde non licebat exire, sine apostasie nota. Hic mos, forte ortus ex antiquis Romanorum legibus, ad sæculum duodecimum perieversit, *lib. 6. cap. 3. num. 1.*

MONYES PIETATIS, Perusæ primum erecti, ab omni usuræ labe immunes sunt, aliquid ultra sortem ex mutuo exigentes pro mercede Ministrorum, *lib. 7. cap. 48. num. 1.* Sunt loca pia, Episcoporum visitationi subiecta. Nil ultra consuetum, quacumque de causa, exigi potest absque Sedis Apostolicæ placito, *num. 2.* Si ultra necessarium ad Montis indemnitatem exigereur, Episcopus usuram moderari deberet; & tutius consulto Congregatione Concilii, *num. 3.*

### MULTA.

MULTAM, seu penam pecuniariam, quam a Judice Ecclesiastico in vindictam patris criminis in foro externo infligitur, a quibusdam sacris Canonibus, sanctisque Episcopis admittam, ab aliis improbatam; ab Episcopis decerni posse Concilium Tridentinum declaravit, & in quosdam delinquentes decrevit, *lib. 7. cap. 52. n. num. 3. ad 6.* Solum exigi debet per judicalem sententiam, & causa cognita, *num. 7.* Episcopi vero a novis edendis Constitutionibus abstinere debent, per quas hanc Multam pecuniariam infligant, ne turpem questum præferant; propterea quædam Constitutiones Synodales correctæ sunt, *num. 8.*

MULTAR a Tridentino inflixit Clericis non residentibus, aut concubinariis, Clericis, ac Laicis contumacibus, semper locis piis sunt addicendæ: item in opera pia expendendæ, quæ arbitrio Episcopi decernuntur. Aliæ in certa mensura a Canonibus, aut Synodicis Constitutionibus designatæ, possunt integre servari Episcopo, vere egenti, qui, antequam eas sibi applicet, debet consulere sacram Congregationem Concilii, quæ aliquando negat, interdum ad tempus dumtaxat concedit, *lib. 7. cap. 53. num. 1. & 2.* Si hæc Multa a Synodali Statuto sit loco, aut operi pio addicta, eam Sedes Apostolica Episcopo indigenti non concedet, nisi hic probaverit, locum, opusve pium pecunia non indigere, *num. 3.* Quæcumque ab Episcopi

scopi Administris exacta, apud probum virum est deponenda, *num. 4.* ut omnis avaritiæ species a foro Ecclesiastico arceatur, *num. 5.*

## N

**NEGOTIATIO** quæstiosa Clericis non licet, *V. Clerici.*

**NEOPHYTÆ** ad sacros Ordines non sunt promovendi, nisi prius de eorum Fide constiterit: ad quod dignoscendum quantum temporis requiratur, incertum. Quod spectari potest eorum filiis, *lib. 7. cap. 65. num. 6.*

**NOTARIUS** Synodi Diocessanæ solet esse Cancellarius Episcopi. Notat absentes, & emittentes Fidei professionem, & instrumentum conficit de gestis in Synodo, & quomodo, *lib. 4. cap. 1. num. 3.*

**NOVITAS** quoad aliquam in Synodis cavenda, *V. Censurientes.*

**NUNDINAE** annuæ, sive hebdomadariæ ne diebus festis exerceantur, Episcopus prohibere potest, non obstante consuetudine, *lib. 7. cap. 3. num. 2. & 3.*

## O

**OBLATI** monasteriorum sunt, qui se, suasque omnia in monasterii usum conferunt; habitum a Sæcularibus paululum diversum assument sine solumai Professione, non sunt vere Religiosi, nec matrimonii valide contrahendi incapaces, *lib. 6. cap. 3. num. 3.* Censentur personæ Ecclesiasticæ: gaudent privilegio fori, & immunitate a secularibus exactiombus. Eximuntur a jurisdictione Episcopali, quibusdam adimpletis conditionibus, *num. 5.*

**OBULATIONES** panis, & vini olim Fideles ad Missam convenientes deferrebant consecrandas. Pars consecrabatur, reliquum Sacerdotibus, & Clericis cedebat, *lib. 5. cap. 8. num. 1.* Aliæ in usum eorumdem offerebantur: aliqui fructus ad Episcopum mittebantur, ut iisdem distribueret, *num. 2. V. Missa.*

**OBSTETRICES** antequam ad officium ad-

mittantur, sunt instruendæ a Parochis de Baptismo infantibus in necessitate conferendo, *lib. 7. cap. 6. num. 4.*

**OSCONOMUS** in Synodo diocessana solet esse Præfatus domus Episcopi, & Cathedralicum exigit, *lib. 4. cap. 1. num. 8.*

**OFFICIALES** pro Synodo Diocessana eligis Episcopus alios ante Synodum, alios in congregatione Consultorum ante Synodales sessiones, quorum singuli peculiari munere funguntur, *lib. 4. cap. 1. 1010.*

**OLEUM** pro extrema Unctione debet esse ab Episcopo benedictum. *V. Extrema Unctio.*

## ORDO.

**PRO ORDINUM** collatione nihil a Collatoribus, aut eorum Ministris, etiam si sponte oblatum, est accipiendum: contrarius apud quosdam antiquos usus sæpe improbatum, & damnatus fuit, etiam si esset de Pastello, *lib. 5. cap. 6. num. 1.*

**De Fide** est Ordinem Presbyteratus esse Sacramentum: rationem Sacramenti participant etiam Diaconatus, & Episcopatus. De reliquis adhuc controvertitur, eo quod incertum sit, an a Christo Domino fuerint instituti, *lib. 7. cap. 34. n. num. 2. ad 7.* Ecclesia Græca alios infra Diaconatum nunc non admittit, præter Subdiaconatum, & Lectoratum. Latini, ultra quatuor minores, quos nunc retinet, alios, pariter minores olim habuisse dicitur, *sed. num. 7.* Sed forte erant quædam officia, quæ initiatu aliquo ex quatuor minoribus Ordinibus committebantur, ejusmodi plura enumerantur *num. 8.* Pluribus arguentis fuit sententia, afferens solos Episcopatum, Presbyteratum, & Diaconatum esse Sacramentum. Subdiaconatus ab Urbano II., vel Innocentio III. inter Ordines majores primum est recensitus, *n. num. 3. ad 12.* Hinc non absolite habendi sunt tamquam sacrilegi recipientes in peccato lethali Ordines Diaconatu inferiores, licet tamquam tales laudabiliter increpari possint, *n. 1. & 12.*

Trium

Trium Ordinum hierarchicorum, Episcopatus, videlicet, Presbyteratus, & Diaconatus adaequatam materiam nonnulli existimant porrectionem instrumentorum; formam, verba adjuncta, *lib. 7. cap. 25. num. 2.* Alii hanc, & manuum impositionem cum verbis tunc proferri solitis: in Presbyteratu ultimam ex tribus manuum impositionibus pertinere ad essentiam Sacramenti, *num. 3.* Alii solam manuum impositionem cum verbis proportionatis, ut Graeci adhuc in usu habent, *a num. 4. ad 11.* Sacre Congregatio Concilii aliquando respondit, iterandam sub conditione Ordinationem Presbyteri, in qua Ordinandus non accedit ad porrectionem Calicis cum vino, & Patenae cum Hostia, *num. 12. & 13.* Episcopus, Ordines collatus, laudabiliter sub censuris praecipit, ne quis canonien impedimento irritatus, aut sine legitimo patrimonio ad sacros Ordines eccedat. Sed improbat Episcopi protestatio, se non habere intentionem ordinandi irregulares, censuris innotetos, legitimo patrimonio, aut Beneficium, vel litteris dispensatorialibus sui Ordinarii carentes; & quare, *cap. 26. num. 1.* Si quis aliquo ex iis impedimentis detectus, ordinatur sub tali protestatione, cui elligite fuerit Episcopi intentio, erit iterum absolute ordinandus: si dubie sit Episcopi intentio, Ordinatio sub conditione erit iteranda. Quare melius Episcopus prius de idoneitate Ordinandorum inquirat, & ab illa protestatione ablinebit, *num. 2.* Ordines sacri conferendi sunt in Missa ab Episcopo celebranda, quae tamen non pertinet ad Ordinis sacri substantiam. Extra Missam valide, sed graviter illicite conferuntur. Congruum est ut etiam Ordines minores laeta Missam conferantur. Et quid de ritu antiquo, *a num. 3. ad 8.* An Ordines non sunt excludendi descendentes ex Judaeis, *lib. 7. cap. 65. num. 4.* Ordines minores, & Subdiaconatum eodem die non esse conferendos, respondit Congregatio Concilii, *lib. 7. cap. 67. num. 5.* Ab Ordinibus suspensus,

ad superiorem Ordinem ascendens, committit sacrilegium, non incurrit irregularitatem; nam sic non exerceat Ordines, a quibus est suspensus, *num. 6.* An 7. Pntest Episcopus ob crimen oculum etiam extrajudicialiter cognitum, Clericis interdicere ascensum ad Ordines superiores, & susceptorum ministerium: Id tamen non debet in Synodo statuere, *cap. 71. a num. 3. ad 6.*

OSCOLUM pacis in Synodo Diocesana Clerici ab Episcopo possunt accipere juxta locum consuetudinem, *lib. 5. cap. 1. u. 11.*

OSTIARIUS necessarii sunt in Synodo, ut januis ecclesiae praesint, & Laicos e Synodo excludant, *lib. 4. cap. 1. num. 7.*

## P

PALLIUM de jura compeit solis Archiepiscopis. Referantur tamen multi Episcopi Pallio condecorati ex privilegio. Per hoc obtinuerunt praerogativam sedendi immediate post Metropolitani, quamvis honor Pallii non sit connexus cum jure procedendi antiquiores Episcopos, *lib. 2. cap. 6. num. 1.* Nec Archiepiscopus, nec Episcopus gestare possunt Pallium extra ecclesiam. V. *Vestes.*

PAPAE omnen habebat olim quicumque Episcopus: sed e saeculo sexto inli Romano Pontifici attribui coepit, *lib. 1. cap. 3. num. 4.* Papa in Missa semper, & ubique Pallio utitur, *lib. 3. cap. 11. num. 5.*

## PAROCHIA. PAROCHIA.

PAROCHIA intelliguntur nomine Presbyterorum, & Sacerdotum in antiquis Synodorum canonibus, *lib. 3. cap. 5. num. 1.* Specialiter ad Synodum ire jubentur, sive Sculares, sive Regulares sicut, *num. 2.* Si Parochiam administrant in territorio, lato modo *Nullius*, quod in aliqua diocesi contineatur, debent recedere ad Synodum Episcopi diocesis ejusdem. Si territorium pluribus diocesisus terminetur, eccedent ad Synodum viciniore diocesis, a cujus Episcopo eorum parochiae visitantur, *num. 3.* Parochi

rochi jurisdictionem ordinariam habent in foro interno, non in externo: possunt reservare sibi casus respectu suorum Capellanorum, *lib. 5. cap. 4. num. 2.* Eorum jurisdictionis sine legitima causa nec prorsus auferenda, nec nimis minuenda est, *num. 3.*

**IN PAROCHIA** propria nemo nunc stricte tenetur interesse concioni: quod proinde in Synodis non est præciplendum, *lib. 7. cap. 64. num. 12. & 13.*

**PAROCHIALI** Ecclesia libera collationis Episcopi vacante, concursus ad eam coram Episcopo, vel ejus Vicario, ac tribus Examinatoribus Synodalibus institui debet. Si pauciores Examinatores Synodales, vel alii non Synodales ab Episcopo ulterius deputentur, concursus est illegitimus, & privatio nulla, & ad Sedem Apostolicam devolvitur, *lib. 4. cap. 7. num. 1. & 2. & cap. 8. num. 2.* aut si Examinatores non haberent rationem probitatis morum, & aliarum qualitatum, animarum regimini expedientium, *num. 3. V. Examinatores.* Peracto concursu, digniori, a solo Episcopo ex approbatis designando, parochialis ecclesia est conferenda, *num. 6.* Si ecclesia sit juris patronatus Ecclesiastici, Patronus digniorem ex approbatis debet renunciare, & Episcopo præsentare instituendum, *num. 7.* Si institutio ad alium, etiam Papam pertinet, dignior est ab Episcopo designandus; & ab eodem concursus instituendus, si vacatio mensibus Papæ reservatis contingat, *num. 8.* Patronus ad parochialem ecclesiam tenetur, etiam in Foro externo, præsentare magis idoneum. Episcopus debet judicio Patroni acquiescere; sed si aliquis ex approbatis reclamet, debet disquirere de reitudine iudicii Patroni. Si quis appellet a sententia Episcopi, cujus iudicium sit conforme iudicio Patroni, appellatio est admittenda in devolutivo; si dissimile, etiam in suspensivo: interim nullus instituendus usque ad sententiam iudicis appellationis, & Parochialis ab Oeconomio est administranda. *ibid.* Si fuerit juris patronatus Laicorum, vel mixti, ad-

mittendus est sine concursu præsentatus a Patrono, idoneus ab Examinatoribus Synodalibus repertus. Pluribus æqualiter præsentatis a pluribus Patronis, indicendus est ab Episcopo concursus, & magis idoneus admittendus, *num. 9.* Episcopi jus eligendi digniorem in prædictis omnibus, Sede Episcopali vacante, transit ad Capitulum, & ab hoc in Vicarium Capitularem, sine ulla penitus nunc reservatione, *num. 10.*

**PASCHALE** tempus pro Communione Paschali a Dominica Palmarum ad Dominicam in Albis concluditur, nec potest ab Episcopis prorogari, inconsulta Congregatione, *lib. 7. cap. 69. num. 9.*

**PASTELLUM** dicebatur olim, quod in sacris Ordinationibus Collatoribus dabatur, *lib. 5. cap. 6. num. 1.*

**PATRIARCHAE** Orientales faciem ante se præferre poterant, *lib. 2. cap. 6. num. 3.*

**PATRONI** Ecclesiastici jura sunt valde diminuta post Tridentinum. Ad ipsum pertinet præsentare digniorem ad parochialem ecclesiam sui juris, *lib. 4. cap. 8. num. 8.* Idem dicendum de Patronis laicis. *V. Parochialis ecclesia.*

**PECUNIA** quando a Fidelibus ad altare offerretur, aut uni Sacerdoti pro Sacrificio offerendo dæri cœperit, *lib. 5. cap. 8. num. 3. & 4. V. Missa.*

**PERIODEUTAE** erant diaecesum, nomine Episcopi, visitatores cum aliqua jurisdictione, *lib. 4. cap. 3. num. 2.*

**PERRUCCHAE** Ecclesiasticos dedecent. *V. Coma.*

**POENA** etiam pecuniaria infligi potest nolentibus accedere ad Synodum, *lib. 3. cap. 12. num. 1. & 2.* nisi rationabili causa excusetur, *num. 3.* Causa tamen debet significari Episcopo, aut mitti Procurator, qui causam aperiat Synodo, non tamen vices absentis implere potest, *num. 4. & quare, num. 7. V. Censura. Excommunicatio.*

#### POENITENTIA.

**POENITENTIAE** Sacramentum soli Sacerdotes administrare possunt; quævis Hære-



Hæretici nonnulli, id etiam Laicis, & mulieribus perperam concesserint, *lib. 7. cap. 1. §. num. 2. & 3.* Anaiqua monumenta, quæ etiam Diaconis hoc tribuere videntur, intelligenda sunt de Exomologesi, five ultimo ritu publicæ poenitentiae, *a num. 4. ad 7.* Antiquitas Confessum in articulo necessitatis, deficientis Sacerdote, apud Laicos fieri poterat, sed non sacramentaliter, verum ad obtinendam ex victoris erubescencia majorem a Deo gratiam pro elicienda perfecta Contritione. Nunc jussis de causis obsoleta est, *num. 8. 9. & 10.* In hoc sensu antiqui Patres, Theologi, & aliquæ Synodi Diocesanae, Confessiones a Laicis in necessitate excipi posse, dixerunt, *num. 1. & 11.*

**POENITENTIAM** olim criminibus proportionatam decernebant Episcopi simul convenientes, ac parocis suis significabant, requisita aliquando super hoc Romani Pontificis sententia, *lib. 7. cap. 62. num. 1.* Hujusmodi poenitentia in librum Poenitentialem referebatur, quem inferiores Sacerdotes pro regula habere debebant, *num. 2.*

**POENITENTIALEM** librum unaquæque diocesis olim habebat proprium, quem Episcopus de suorum Presbyterorum consilio componebat circa Confessiones, Poenitentias, salutaria monita, aliaque ad forum poenitentiale pertinentia, *lib. 1. cap. 1. num. 7.* Poenitentiales libri antiqui plures perierunt, plures adhuc extant, in quibus canones poenitentiales, *lib. 7. cap. 62. num. 3.*

PONTIFEX.

**PONTIFEX** Romanus est totius Ecclesie Princeps, Patriarcha Occidentis, Primas Italiae, Archiepiscopus Romanæ provinciae, & Episcopus Romæ. Principatus tamen & Episcopatus non sunt duæ distinctæ Sedes, nec dignitates, quamvis esse potuerint; sed Romana Sedes habet prærogativam primatus Ecclesiae, jure tantum humani in aliquo sensu, at indissolubiliter. Non autem omnia agit,

*Tom. XII.*

ut caput Ecclesiae, sed alia, aliter, ac aliter, *lib. 2. cap. 1. num. 1.* Et sine nullo absurdo, *num. 2.* Adeoque ut Episcopus potest cogere Synodum Diocesanam, uti aliquando coegit primis Ecclesiae sacris, *cap. 2. num. 7.* Potest etiam, ut Metropolitanus, convocare Concilium Provinciale, *cap. 2. num. 1. & 4.* Incertum tamen an unquam convocaverit, *num. 5.* Nisi Benedictus XIII., *num. 6.* Ejus, uti Metropolitanus, provincia intra centesimum ab Urbe lapidem non continetur, *num. 2.* Sed modo amplior, modo strictior extitit, *num. 3.* Nunc comprehendit tantum Episcopos intra Pisnam, & Capuanam provinciam alteri Episcopo non subditos, *ibid.* Optimo jure potuit sibi reservare spolia Clericorum, in pauperes, & pios usus distribuenda, & constituere eorum Collectores, *lib. 3. cap. 8. num. 6.*

Est supremus in Ecclesia Judex, ad eum undequaque appellari licet, *lib. 4. cap. 5. num. 1.* Curam habet audiendi in prima instantia causas eorum, qui a jurisdictione Episcoporum subtrahi, Apostolicæ Sedi immediate subduntur; sed causas leviores Judicibus in Partibus delegare consuevit; tamen ut nemo ultra duas dietas extra suam diocesim per litteras Apostolicas ad judicium trahi possit, nisi impetrationi litterarum assensiens, *a. 2.* Si actor, & reus ejusdem sint civitatis, seu diocesis, extra ipsas causas non sunt a Sede Apostolica committendæ, nisi in duobus casibus: Si diversæ sint civitatis, vel diocesis, actor in aliam civitatem, vel diocesim, non tamen ultra unam dietam, reum per litteras Apostolicas trahere potest. Judices vero debent habere dignitatem Ecclesiasticam, vel Personatum, aut Canonatum in Cathedrali, & causas definire in locis insignibus, *num. 3.* Eligendi sunt in Synodis, *num. 4.* V. *Judices.*

**PONTIFICEM** Romanum posse in universa Ecclesia Casus, præsertim excommunicationem annexam habentes, sibi reservare, est dogma Catholicum, *lib. 5. cap. 4. num. 1. & 2.* V. *Reservatio.* Pontifici

LIII

uffici

tinci Romano ita subest Episcopi jurisdictione, ut ab eo limitari, & ex legitima causa prorsus auferri possit, *lib. 7. cap. 8. num. 7.* Ipse in tota Ecclesia est proprius cuiuscumque Sacerdos: omnium Confessiones excipere, aliisque eas excipiendi facultatem dare potest. Oppositum asserere est erroneum, *cap. 64. num. 2.* Non tenetur sequi, nec approbare sententiam maioris partis Episcoporum, etiam in Concilio Generali coegregatorum, *lib. 8. cap. 2. num. 3.*

**PRÆCEDENTIAM**, ceteris paribus, habere debet, qui prior ad dignitatem est promotus, *lib. 3. cap. 10. num. 6. V. Seden- di Ordo.*

**PRÆCRIPTUM** alicui ab Episcopo sub poena impositum, ne aliquid faciat, etiam extra diocesim obligat, & transgressores poenam incurrit, *lib. 8. cap. 4. num. 9.*

**PRÆDICATIO** verbi Dei Episcopis est specialiter concessita: Olim exacte per se præstabant, & nunc quoque præstare debent, nisi impediti, aut inhabiles; sic enim possunt in hoc uti alio um ministerio, *lib. 7. cap. 43. num. 5.* Dum ipse per se prædicat, alii concionari oqueunt, nisi ipse permittat, *num. 6.* Bene vero dum alios coram se concionari jubet, licet etiam in hoc possit aliis ex peculiaribus circumstantiis conciones interdicare, *num. 7.* Sed non expedit ut generali Constitutione id ipsum edicat, *num. 8.*

**PRÆFECTIO** hospitiorum, quibus Clerici excipiatur, destinandus est ab Episcopo ante Synodum Diocesanam, *lib. 4. cap. 5. num. 1.* Præfetti vero Synodalis discipline, & scrutinii designantur Sacerdotes, ætate, ac prudentia conspicui. Clericorum mores, & vitam, aliasque investigant, & Episcopo referunt, *num. 3.*

#### PRÆLATI.

**PRÆLATI** Episcopo inferiores alii sunt, qui certis præstant personis alicujus ecclesie, vel monasterii cum passiva exemptione a jurisdictione Episcopi. Alii,

qui activam habent jurisdictionem in Clerum, & populum certi loci intra Episcopi diocesim. Alii, qui in locis, a quacumque diocesi omnino separatis, jurisdictionem exercent Episcopalem, exceptis iis quæ sunt Ordinis Episcopalis, & dicuntur proprie *Nullus*; *lib. 2. cap. 10. a num. 1. ad 4.* Solum postremi possunt congregare Synodum Diocesanam, dommodo probeant explicitum sibi a Sede Apostolica concessum congregandi privilegium, & hoc lo praxim deductum, *num. 5.* His probatis, jus habet indicendi concursum ad ecclesias parochiales vacantes, *num. 6.* Neque ex hoc jus, quod forte quis habeat, sequitur jus congregandi Synodum, nisi semper prædicta probeatur, *num. 7. & seqq.* Hujusmodi Prælati, seu Abbates, si Regulares sint, possunt primam Tonso- ram, Ordinesque minores suis dimit- tere Subditis Regularibus conferre, *num. 9.* Non tamen si Sæculares, nisi privilegium habeant, *num. 10.* Ad neutrum dirigi possunt litteræ dimissoriales, ut aliis in eorum privilegiis non comprehensis, Tonso- ram, & minores Ordines con- ferant, *num. 11. & 12.* Si aliis, præter ex- pressos in privilegiis, conferant, Ordi- natio est illicita, sed valida, *num. 13.* Hæc complectuntur omnes Abbates, seu Prælatos inferiores; adeoque Sæculares territorii separati ordinari debent ab Episcopo viciniore, vel in cujus diocesi est territorium, *num. 14.* Nullus ex eis- dem Prælati facultatem habet concedendi suis Subditis Sæcularibus Dimissorias, ut ab aliis ordinentur, sed concessio pertinet ad viciniorem Episcopum, *num. 15.* nisi Prælati speciale habeant privilegium, quale nonnulli obti- neant, *num. 16. & 17.*

**PRÆLATI** Regularium antequam Regula- res a jurisdictione Episcoporum subtra- hereotur, Syodo Diocesana interesse cogebantur, *lib. 3. cap. 1. num. 1.* Præ- lati Sæculares intra Episcopi diocesim existentes, omnino interesse tenentur, *a num. 3. ad 6.* Regulares vero monasterii subiecti alteri principali monasterio, ex- empto

empto ab Episcopi jurisdictione, etiam si in exempto Professionem emisissent, tenebantur intervenire, num. 7. Si vero, qui Capitulo generali subsunt, non tenentur; bene vero alii Capitulo generali non subiecti, num. 8. Omnes tamen isti, si Curam animarum gerant, tenentur indiscriminatio Synodo intervenire, num. 9. & 10. Si per se, vel per Capellanos amovibiles Curam exerceant, ipsi Praelati interesse debent: si per Vicarium Sacularem, in perpetuum, approbante Episcopo, deputatum, Vicarius, non Praelatus ad Synodum accedere debet, num. 11. Si Cura annexa sit ecclesiae, monasterio accessorie unitae, regaturque per Regularem, a Praelato deputatum, Regularis, non Praelatus debet accedere, num. 12. Idem dicendum si Cura annexa sit principali ecclesiae monasterii, sed Regularis regens, non a Praelato, sed a Capitulo designetur, num. 13. Nemo ex Regularibus interesse tenetur Synodo, si Apostolicum non interveniendi privilegium post Tridentinum obtinuerit, num. 14. aut consuetudo talis privilegii praesumptionem inducat, num. 15. Praelati vere nullius diocesis habentes facultatem cogendi propriam Synodum, non tenentur intervenire Synodum vicini Episcopi; si hac facultate careant, eligere debent Metropolitanum, cujus provinciali, non Episcopum, cujus diocesis Synodo interfuit, num. 16.

**PRÆLATI** monasteriorum in Italia suppressorum, & relictorum, adhuc jurisdictioni Episcopali subjacentium, vocati ab Episcopo tanquam Sedis Apostolicæ Delegati, ad Synodum diocesanae accedere tenentur, sub poena arbitraria, lib. 3. cap. 2. & num. 1. ad 4. Tenentur quoque Praelati Conventuum, sex Religiosos non alentium, num. 5. Secus, si sex, aut plures Regulares in eis degant, nisi forte Curam animarum gerant, a num. 6. ad 10.

**PRÆLATI** lato modo dicantur obtinentes Dignitatem, Personatum, & officium. Hi omnes, si seculares sint, nec privi-

legio excusentur, Synodo diocesanae adesse debent, lib. 3. cap. 3. num. 1.

**PRÆLATI** Episcopo inferiores, habentes jurisdictionem quasi Episcopalem, cum territorio separato, possunt Casus sibi reservare, lib. 5. cap. 4. num. 2. Item Praelati Regulares, cap. 5. num. 5. V. *Reservatio*.

**PRÆSCRIPTIO** adversus Bona, vel jura Romanæ Ecclesiæ exigit spatium centum annorum; quoad inferiores Ecclesias sufficiunt quadraginta, lib. 7. cap. 40. num. 2.

**PRÆSENTIUM** aliquando dicta est Synodus Diocesana, lib. 1. cap. 1. num. 4.

**PRIVILEGIIS** Regularium in Synodo non est derogandum, V. *Regulares*. Clerici, implexis quibusdam conditionibus, Clericalia privilegia obtinent, lib. 7. cap. 66. num. 1. V. *seqq. V. Clericus*.

**PROCESTO** publica per urbem prima die Synodi ab Episcopo, & universo Clero est instituenda, lib. 5. cap. 1. num. 2. Alia minus solemniter post ultimam sessionem, num. 5.

**PROCURATIO** unica Episcopo diocesani in anno visitanti debetur. Vicario Capitali, visitationem de more agentis, dimidium dumtaxat procurationalis, lib. 7. cap. 53. num. 5.

**PROCURATOR** mitti potest ad Synodum ab absente, ut absentiae causam exponat; absents tamen vices implere nequit, lib. 3. cap. 12. num. 4. Potest ab absente legitime impedito constitui Procurator, qui in electionibus Ecclesiasticis suffragium ferat nomine absents. Debet esse de gremio Capitali, si hoc velit: nunquam enim compellitur ad admittendum Procuratorem extraneum. Procurator vero de Capitulo debet eligere juxta mandatum quod habet. Si hoc generale sit, debet Procurator suum, & absents suffragium in unam personam conferre, lib. 3. cap. 12. num. 4. Episcopus legitime impeditus mittere potest ad Concillium Generale Procuratorem; hic tamen habebit votum mere consultivum, num. 5. In Conciliis Provincialibus Procurator Episcopi absents habet votum

LIII 2 consul-

consultivum, & annuente Concilio, decisivum, *Ibid.* Procuratori verb absentis in Synodo Diocesana non patet auditus, nisi ex consuetudine, *num. 6.* Pro eadem Synodo eligi solet ab Episcopo Procurator, ut nomine totius Cleri exponat, quæ in Synodo statuta Clero displiceant, *lib. 4. cap. 1. num. 4.*

**PROMOTORES** Urbanus, & Foraneus designantur in congregatione Consultorum ante sessiones Synodales, ut actiones Synodales urgeant, *lib. 4. cap. 1. num. 2.*

**PROTESTATIO** Episcopi, quæ ante Ordinum collationem edicit per Archidiaconum, aut alium, se non habere intentionem ordinandi irregulares &c., improbatur, *lib. 7. cap. 26. num. 1. & seqq. V. Ordo.*

#### PROTONOTARIJ.

**PROTONOTARIJ** originem dixerunt a Notariis, olim ad conferibenda Martyrum Acta designatis. A Pontificibus magni estimati sunt, & gravissimis negotiis expediendis destinati. Olim supra Episcopos in Aula Romana sedebant, non autem nunc. Alii dicuntur *Participantes*, alii *Extraordinarii supernumerarii*, sive *Honorarii*, & *Titulares*. Participantes olim erant septem, nunc duodecim, plene exempti a jurisdictione Ordinariorum, nisi quoad Beneficia, *lib. 3. cap. 9. num. 3.* Non autem alii, etsi habitum, & rochetum deferant, nisi in causis civilibus excedentibus summam ducatorum viginti quinque: non esse exemptos, apponitur in litteris Apostolicis. *Ibid. & num. 4. & 5.* Potest Ordinarius in hos ferre censuras, & jurisdictionem habet in eorum dignitates, & Beneficia, etiam non Curata, *num. 8.* Debent intervenire Synodo Diocesana, *num. 9.*

**PUNCTATORES** deputantur, ad notandam aliorum negligentiam, & absentiam, ne illi distributiones quotidianas lucrentur. Olim dicebantur *Obedientes*. Duo plerumque eliguntur, & in pluribus locis nunc ab Episcopo, alter a Ca-

pitulo, *lib. 4. cap. 4. num. 2.* Juramentum de munere fideliter exercendo emitte debent coram deputante, *num. 3.* & ubi consuetudo viget, renovare in Synodo Diocesana, *num. 4. & 5.* Non sunt veri Officiales Synodi, sed de iis restituendis, vel corrigendis, in Synodo agi potest, *Ibid.*

#### Q

**QUADRAGESIMALE** jejunium semper sex hebdomadas complexum est; Constantinopoli, & alibi, septem, *lib. 7. cap. 54. num. 4.* Dies Cinerum, & tres sequentes quando additi fuerint Quadragesimali jejunio, incertum. Forte exierunt ex devotione Fidelium, lege postea firmati in Concilio Beneventano sub Urbano II. Clerici antea a Dominica Quinquagesimæ jejunium inebabant, *num. 5.* Morem inchoandi jejunium Quadragesimale a Feria quarta Cinerum nunquamimplexa est Ecclesia Mediolanensis, quin etiam Dominica prima Quadragesimæ carnibus vesci consueverant, sed abusus sustulit S. Carolus Borromeus, *num. 6. V. S. Carolus.*

#### R

#### REGULARES.

**NON** licet Episcopis in Synodis derogare privilegiis, a Sede Apostolica concessis Regularium Ordinibus, *lib. 7. cap. 41. num. 1. & 2.* Possunt tamen tanquam Sedis Apostolicæ Delegati plura sancire quoad Regulares, *num. 3.* Regularibus non licet in propriis ecclesiis Eucharistiam exponere sine velamine, nisi ex causa publica ab Ordinario approbata, *num. 4.* Eisdem circa Eucharistiam delinquentes potest Episcopus, ut Delegatus, punire, *Ibid.* & compellere ad exactam observantiam multorum circa sacrificium Missæ, novæ Imagines, & Reliquias, *num. 5.*, & circa clausuram Monialium, *num. 6.* Regulares enim quicunque ne per modicum quidem tem-

pus,

pus, nec ulla occasione, possunt ad Moniales siue Episcopi licentia accedere sine gravi culpa, *num. 7.* Subiunct delegatus Episcopi jurisdictioni in pluribus aliis, quæ omerantur, *num. 8.* Ubi etiam de concedendo sui Ordinis habitu mulieribus, *Ibid. & num. 9.*

**REGULARES** in suis ecclesiis possunt, excepto Paschatis die, Eucharistiam Sæcularibus ministrare, *lib. 7. cap. 42. & num. 1. ad 5. V. Eucharistia.* Prælati Regulares, privilegium post Tridentinum habentes, possunt suos subditos ab Interdictionum lege ad Ordines suscipiendos dispensare, *num. 6.* Nequeunt tamen Regulares excipere Sæcularium, etiam Sacerdotum Confectiones, sine Episcopi approbatione, *num. 7.* Approbati vero possunt Sæcularium ægrotantium in horum domibus Confectiones audire, dummodo scriptis exceptæ Confectionis attestacionem relinquunt, *num. 8. & cap. 64. num. 5.*

**REGULARES** sæpe conquesti sunt, Episcopos in Synodis præcepta, & statuta emississe de Regulari observantia, & quare. Iussu Congregationis Concilii correctæ sunt huiusmodi Constitutiones Synodales, *lib. 7. cap. 43. num. 1.* Non debent Prælati Regulares suos subditos in una diocesi morantes, dimittere ordinandos in aliam in fraudem primæ diocesis. Fraus ex quibusdam circumstantiis dignosci poterit: Episcopos illos monere potest, sed non facile ejusmodi illorum Ordinationes illicitas pronuntiare, & quomodo, *num. 2. 3. & 4.* Non debent Regulares in propriis ecclesiis prædicare, dum Episcopus per se prædicat, nisi hic aliter judicaverit, *num. 5. & 6.* Possunt tamen, si Episcopus alios coram se prædicare jubeat. Quod si id ipsum ex causa publica convocatis Clero, Magistratu, & populo, faciat, potest Regularibus, etiam sub censuris interdicere eo tempore concionem, *num. 7.* Non expedit tamen, ut id generali Constitutione statuatur, & quare, *num. 8.*

**REGULARES** obstringuntur Constitutionibus Synodalibus in iis, quæ respiciunt

Curam animarum, administrationem Sacramentorum, & jurisdictionem Episcopi delegatam. Ad evitandum scandalum tenentur etiam aliis Constitutionibus, non semper sub gravi, *lib. 8. cap. 4. num. 5.* Teneantur servare Festum indictum, & Interdictum promulgatum ab Episcopo, non tamen jejunium, in Synodo, vel extra denuntiatur, *num. 6.* Nisi alia esset antiqua consuetudo, aut scandalum urgeret, *num. 7.*

## RESERVATIO.

**POSSUNT** Papa, Episcopi, Prælati, habentes jurisdictionem quasi Episcopalem, & quoad Sacerdotes sibi inservientes Parochi Casus sibi reservare, in dedicationem, non in destructionem, *lib. 5. cap. 4. num. 1. & 2.* Expedit ut Episcopus Casus reservet in Synodo, & quare. Hæc reservatio induit notoriam legis, & permanset, donec revocetur. Extra Synodum facta, an sit perpetua, incertum, *num. 3.*

Etiam in Concilio Provinciali Casus aliquando reservati sunt, sed ab Episcopis absolvi poterant, præter reservatos Papæ, cui ab antiquo quadam atrociora crimina reservari consueverunt, *lib. 5. cap. 4. num. 3.* Plures enumerantur Casus, quos Episcopus sibi reservare potest, *cap. 5. num. 1.* Reservare potest publica, & occulta graviora peccata, adhibito tamen modo ne sit nimis, & servet quæ admonuit Congregatio Episcoporum ac Regularium, & Concilii, *num. 2. ad 4.* Non debent reservari peccata morte interna, licet possint. Prælati Regulares undecim Casus reservare possunt, non plures, nisi in generali, aut provinciali Capitulo, *num. 5.* A Casibus Episcopo reservatis absolvere nequeunt Regulares quicumque sine Ordinarii licentia, tam iocra, quam extra Italiam, etiam si facultatem habeant absolvendi a Casibus Papæ reservatis, uti sæpe dictum, & statutum est, *num. 6. & 7.* Nec Confratres cujuscomque Confraternitatis eligere possunt Confessarium ad libitum,

bitum, qui eos a reservatis absolvat; Non potest absolvere Canonicus Penitentiaris, aut alius quicumque sine Ordinarii facultate: nec ab una in alia diocesi querendi sunt Confessarii in fraudem reservationis; aliter absolutio est nulla, *num. 8.*

#### RESIDENTIA.

RESIDERE debent Parochi, illique animarum Pastores inter suas oves. Sed num residentia sint obstricti jure naturali, ac Divino, an Ecclesiastico, adhuc controversatur, *lib. 7. cap. 1. num. 2.* Quod neque a Tridentino definitum est, *num. 3.* Licet post illud communior sententia sit eos teneri jure naturali ac Divino, *n. 6.* Residentia non satisfacit, qui corpore praesens, animo absens, ovium curam negligit; bene vero, qui corpore absens animo praesens, finem oves pascendi obtinet, *num. 4.*

#### S

**S**ABBATUM unienim post Parasceven Ecclesiae Orientalis jejunio olim consecrabatur: cetera per annum solemniter celebrabat propter haeresim quorundam docentium, jejunandum Sabbato in odium Dei Judaeorum, *lib. 7. cap. 56. num. 3.* In Ecclesia Romana jejunium Sabbati a S. Silvestro stabili lege firmatum fuit, *num. 4.* Hanc non omnes Ecclesiae Occidentales secutae sunt, Ideo Bulgaria, ad Fidem conversis Sabbati jejunium non fuit indistinctum, *num. 5.* Hispaniam haec Romanae Ecclesiae disciplina probabiliter nunquam pervasit, *num. 6.* Immo pedetentim in tota Occidente defecit; quare S. Gregorius VII. obsequentiam a carnibus die Sabbati solum commendavit: In quo attendenda est consuetudo, *n. 7.* In quibusdam Hispaniae locis Sabbato homines vescuntur interioribus, extremisque animalium partibus. In aliis Galliae comedunt carnes Sabbatis a Nativitate Domini ad Purificationem Beatae Virginis, *num. 8.*

SACERDOTEI plura circa Missae stipendium servare debent, *V. Missa.*

SACRAMENTUM, ut sit validum, requirit Ministrum Intentionem, *lib. 7. cap. 4. toto: V. Intensio.*

SALUTATORIUM, aliis etiam nominibus appellatum, erat Exedra, ecclesiae adjuncta, ubi Episcopi sacras vestes induabant, & Fidelium salutationes excipiebant, *lib. 3. cap. 12. num. 4.*

SCOLAE duae olim erant in monasteriis. Interior pro Monachis, & Pueris monasterio oblati: Exterior pro Clericis Saecularibus, *lib. 5. cap. 11. num. 2.*

#### SCRUTINIUM.

SCRUTINIUM, aliud speciale, aliud generale dicitur. Primum semper in Ecclesia fieri consuevit de probitate, doctrina, aliisque dotibus Ordinandorum, praefertim ad Sacerdotium, & Episcopatum, & quomodo, *lib. 5. cap. 3. num. 1.* Postea Archiepiscopis commissum fuit a Romanis Pontificibus, *num. 2.* Exactius a Concilio Manerense inditum est, & a Tridentino instauratum. *num. 3.* Nunc aliquod vestigium antiqui Scrutini in Ordinatione servatur per interrogationem Episcopi, & responsum Archiepiscopi, *num. 4.* Scrutinium generale in Synodo Diocesana fieri debet: Initio Synodi Scrutatores eliguntur, singulis assignato Scrutandorum numero, & in fine Episcopo quae compererunt, referunt, *num. 5.* Interrogationes unicuique accommodatas adhibent, *num. 6.* Utile est Scrutinium, sed parum in usu, & quare; nec omisso omnino improbanda. Rite omissum fuit in Concilio Romano sub Benedicto XIII., *num. 7.* Non fuit Scrutinium inventum in supplementum visitationis, *Ibid.*

SECRETARIUM Synodi Diocesanae decet esse ex Canonicis Cathedralis. Coadjutorem sibi adscribet: Quamvis per se, alia per ipsum peragere potest, *lib. 4. cap. 1. num. 2.* Secretarius Congregationis Concilii quomodo se gerere debeat, si interponatur appellatio a Constitutionibus

nibus Synodalibus, *lib. 8. cap. 5. num. 13.*  
 SED: Apostolicæ nil injuriosum, aut ejus  
 jura minues, aut ad eam suam perti-  
 nens, statuendum est in Synodis. De-  
 eet Episcopus ejus prerogativas, & au-  
 thoritatem defendere, sic enim propriam  
 defendunt, *lib. 7. cap. 30. 1000.*

#### SEDENDI ORDO IN SYNODIS.

CARDINALES in Synodis Generalibus, &  
 Nationales præferuntur Episcopis,  
*lib. 3. cap. 10. num. 1.* In Synodu dioce-  
 cesana primus sedet Episcopus, *ibid.*  
 Postea Vicarius Generalis, *num. 2.* nisi  
 legitima consuetudo alteri faveat, *num. 3.*  
 aut Dignitates, & Canonici sacris vesti-  
 bus induti Synodo assistant, secus si Vica-  
 rii consuetudo faveat, aut etiam ipse  
 habito Prælatitio sit indutus, *num. 4.*  
 Sequuntur Canonici, & Dignitates Ca-  
 thedralis, inde eorum Coadjutores, si  
 tamen Canonici capitulariter interven-  
 niant; aliter præferuntur Abbates, &  
 Protonotarii non participantes induti  
 Manicellæ, & Rochætro. Post Canoni-  
 cos sedent Beneficarii, & Mansiona-  
 rii ejusdem ecclesiæ, & quare, *num. 5.*  
 Post hos Canonici Collegiatarum civi-  
 tatis, servatis dignitate, & antiquitate  
 in præcedentia, quin obset nobilius in-  
 dumentum ex privilegio concessum. De-  
 inde Canonici Collegiatarum dioceseos,  
 servatis pariter dignitate, & antiquita-  
 te, *num. 7.* Aliquando præcedunt Ab-  
 bates, *num. 5. & 6. V. Abbates.* Post  
 Canonicos sedent Vicarii Furanei, inde  
 Plebanus, sive Archipresbyteri Rurales;  
 post hos Parochi, nisi usum habeant se-  
 dendum cum Plebanis; præcedit vero, qui  
 primus parochiam obtinuit, *num. 7.* Suc-  
 cedunt Beneficarii simplices, post hos  
 Clerici. Servata Ordinis dignitate; si  
 æqualis sit, servatur Ordinationis anti-  
 quitas; quæ si par sit, habenda est ratio  
 ætatis: Omnibus tamen præferatur Or-  
 dinatus a summo Pontifice, *num. 8.* Post-  
 ea sedent Regulares, ultimi Laici, si  
 adint, *ibid.* Quoad hunc sedendi ordi-  
 nem, consuetudini potissimum est inhae-

rendum. Prudenter Episcopus initio de-  
 cretum promulgare possit, nullius juri,  
 quoad præcedentiam, detractum iri ex  
 ordine sedendi, *num. 9.*

#### SEMINARIUM.

SEMINARIUM Clericorum instituendi indi-  
 cium extat in canonibus Arabicis Ni-  
 cæni Concilii, sed clarius & certius in  
 quibusdam Conciliis Toletanis. Vase-  
 se II. in euangelio Parochi domo Semi-  
 narium esse jubet, *lib. 5. cap. 11. num. 1.*  
 Posteriores sæculis infrequens est Se-  
 minarium Episcopatum mentio, &  
 quare, *num. 2.* Circa annum Christi mil-  
 lesimum Seminaria prorsus neglecta fue-  
 re, frequentantibus Clericis scholas mo-  
 nasteriorum, aut Universitarum. Sed post-  
 ea de Seminariis restituendis cogita-  
 tum est, & quare. Tridentinum vero  
 eorum erectionem cuilibet Episcopo im-  
 posuit, assignata sustentatione ex redi-  
 tibus Mensæ Episcopalis, Capituli, &  
 quorumlibet Beneficiorum diocesis, ta-  
 xanda ab Episcopo cum consilio duorum  
 de Capitulo, & duorum de Clero civita-  
 tis: Episcopus vero coram similibus De-  
 putatis rationem redditurum Seminarii ab  
 Administraturis exigere debet, *num. 3.*  
 Exigi potest in Synodo, & extra, *num. 4.*  
 Deputatum consilium exquirere, non  
 sequi tenetur Episcopus, circa insti-  
 tutionem, disciplinam, mores Clericorum,  
 rerum administrationem, & alia; Exa-  
 ctio vero ad ipsum solum pertinet, *num. 5.*  
 ad 8. Deputati sunt perpetui, nec nisi ex  
 legitima causa amovendi, *ibid.* Eorum  
 consilium adhibendum est etiam in de-  
 purandis Rectore, aliisque Officialibus  
 Seminarii, *ibid.* nisi Seminarium com-  
 missum sit curæ alicujus Ordinis Regu-  
 laris sub conditione, ut Prælati Ordini  
 eligat Rectorem quem maluerit ex  
 suo Ordine, ut Seminarium Romanum,  
 & alia, *num. 9.*

SIMONIAM incurrunt Examinatores ali-  
 quid accipientes occasione examinis,  
*lib. 4. cap. 7. num. 1. V. Examinatores.*  
 Simoniacum non est, dæmon a puellis in-  
 gre-

redientibus Religionem exigere, etiam si monasterium dives sit, dummodo non exigatur pro pretin ingressus, sed pro alimentis, aliove iusto titulo. Pluribus explicatur, quomodo in hoc simonia intervenire possit, vel non: quid Doctores, & Concilia de hoc senserint. Idem locum habet in viris ingredientibus Religionem, *lib. 7. cap. 38. n. num. 1. ad 7.*

SOLIDI duo sunt Episcopo solvendi pro Cathedrali. Incertum est, cuius valoris sint isti, & alii antiqui solidi, *lib. 5. cap. 7. num. 1.*

SPECTACULA quædam Mediolani S. Carolus vult. V. S. Carolus. Et dedecet Clericos. V. Clerici.

#### • SPOLIA.

SPOLIUM Subcollectores eludi possunt a Clericis, si isti Bonaque superant, pauperibus erogant. Sunt exempti ab Ordinariorum jurisdictione, exceptis Cura animarum, servitio ecclesie, si Canonicatum, aut Beneficium obtineant, & quibusdam aliis, *lib. 3. cap. 8. num. 6.* Unus est pro qualibet diocesi deputandus. Si alii pro locis in diocesi exemptis deputentur, primus dumtaxat a jurisdictione Episcopi, eximitur, *num. 7.* Subduntur etiam Ordinariis quoad censuras, dignitates, & Beneficia non Curata, neque adnumerantur Officialibus Sedis Apostolicæ, *num. 8.* Tenentur interesse Synodo Diocesana, Processionibus, & Visitationi, Invenire Cathedralicum, & subsidium charitativum, *num. 9. & 10.*

SPONSALIA coram Parocho, ac duobus testibus non celebrata, valids sunt, nec potest Episcopus irritare, *lib. 7. cap. 68. n. 1.*

SUBCOLLECTORES. V. Spolia.

SUBDIACONATUS. V. Ordo.

SUMMITUDINEM mulieres habere non licet Clericis, *lib. 7. cap. 37. num. 1. V. Clerici.*

#### SUBSCRIPTIO.

SILUS Episcopus, vel ejus Delegatus subscribendi jus habet Synodo Diocesana,

*lib. 8. cap. 2. num. 1.* Synodo Generali omnes Episcopi subscribunt uti Judices, *num. 2.* Item Synodo Provinciali, *num. 4.* Ex reliquis Clericis soli Abbates subscribunt Synodo Provinciali, *num. 5.* Aliquando Superiores Generales Ordinum Regularium Synodis Oecumenicis subscripserunt, *ibid.* Canonici Cathedralium Synodo non subscribunt, *n. 7. V. Canonici.*

SUBSIDIUM charitativum in paupertatis levamen est exigendum, *lib. 5. cap. 7. num. 6.*

SUBURBICARIAE Ecclesie dicebantur omnes Occidentis Ecclesie, non solum intra centesimum ab Urbe lapidem contentæ, *lib. 2. cap. 2. num. 2.*

#### SYNODUS.

SYNODUS idem est ac Concilium, seu plurimum ad aliquid deliberandum conventus. Aliquando locus ad hoc destinatus, & ecclesie Christianorum, Concilia dicebantur. Nunc solum significat cœtum, in quo Episcopus intervenit, & negantia Ecclesiastica potissimum tractantur, *lib. 1. cap. 1. num. 1.* Synodi alia nunc dicebantur Regia, ex Episcopis, Optimatibus, & Comitibus Regni constantes. Aliæ Ecclesiastica, ex solis Sacerdotibus. Hæc vel Generales, sive Oecumenica Episcoporum totius orbis, Præfide Romano Pontifice per se, vel per Legatos: Vel Nationales Archiepiscoporum, & Episcoporum unius regni, Præfide Patriarcha, vel Primæ; hæc quandoque dicuntur Universales: Vel Provinciales Episcoporum unius provincie, quibus præest Archiepiscopus: Vel Diocesana, quas Episcopi ex Clericis diocesis congregant, *num. 2. & 3.* Aliæ inveniuntur Synodi, quodammodo mixte ex Provincialibus, & Diocesanis, Romæ aliquando, & Constantinopoli frequenter habitæ, *ibid.* Synodus Diocesana ab antiquis frequenter vocabatur Presbyterium, aliquando Concilium Civile: nunc Synodi nomine, plerumque intelligitur Diocesana, & quomodo definatur, *n. 4.*

Hanc



Hanc Synodum celebravit Hierosolymis S. Jacobus Apostolus, Hierosolymitanus Episcopus, num. 5. Prima, ac propria sub Siricio Papa celebrata videtur, sed forte aliae inveniantur vetustiores, num. 6. Antiquitas frequenter habebatur, *ibid.*

SYNODUS DIOECESANAM valde utilem esse, exemplis, & iudicio virorum sapientia, & sanctitate illustrium comprobatur, *lib. 1. cap. 2. n. num. 1. ad 5.* Non est absolute necessaria, cum alii suppetant modi dioceses administrandi, *ibid.* Sola Synodus Generalis insignitur titulo *Sancta*, cap. 3. num. 1. Indicitur ad definiendum, quid credendum sit, & huiusmodi definitiones dicuntur *Dogmata*; & quid agendum sit, & leges hae dicuntur *Canones*: Sed Tridentinum fere semper primas appellavit *Canones*; alteras, *Decreta*; num. 2. Diocesanæ Synodi convocatio pertinet ad potestatem jurisdictionis, non Ordinis, & insuper ad legem jurisdictionis simul, & diocesanam, cap. 4. *1010.* In quocunque diocesis loco cogi potest, & ex necessitate extra diocesim, consentiente Ordinario, cap. 5. n. 2. Congruentius tamen in civitate: si duæ sint Cathedralis unitæ, unica Synodus in alterutra celebrari potest: utriusque Ecclesiastici interesse tenentur: statuta utramque obstringunt, num. 3. Aequitate, vel necessitate, aut consuetudine exigente, in utraque alternatim est celebranda, num. 4. Olim celebrabatur in ecclesia, aut loco sacro, ecclesiarum adjuncto: nunc congregationes precedentes haberi solent in ædibus Episcopalibus: sessiones Synodales, in ecclesia, num. 5. Ex quidem in Cathedrali, nisi urgens, & honesta causa obstat, num. 6. Synodus Provincialis bis in anno olim celebranda erat, cap. 6. num. 1. Quæ in illa decernebantur, promulganda erant in Diocesana, num. 2.: aliquando semel in anno, num. 3. Nuoc quotibet triennio cogeoda est, num. 4. Diocesana quoque bis in anno olim habenda erat, statutis temporibus, & diebus, cap. 6. num. 2.; nunc semel, num. 3. *Cap. 4.* Improbatur sententia asse-

Tom. XII.

rens contrarium, num. 5. Non est necesse ut in singulis Synodis novæ Constitutiones condantur, sed sufficit ut antiquarum executio urgeatur, *ibid.* Illam non possunt Vicarii sine Episcoporum facultate celebrare, potest tamen Cardinalis, Papæ Vicarius, *lib. 2. cap. 3. num. 3. 4. Cap. 5.* Non celebratur amplius Romæ iustis de causis, num. 6. *Cap. 7.*; sicuti nec Provincialis, num. 8.

SYNODIS Generalibus Imperatores Romanorum, Reges, & Principes per se, vel per suos Legatos adfuerunt, non ut iudices, sed ut Defensores, *lib. 3. cap. 2. n. 1.* Illis abscondantibus Synodi auctoritas non minuitur, num. 2. Laici cuiuscunque dignitatis Synodis Provincialibus intervenire non consueverunt, num. 3. Quædam ex his Synodis ob Laicorum potentium præsentiam reprobatæ sunt, num. 4. Possunt tamen etiam Laici interesse ex consuetudine, aut invitati, aut ex aliis circumstantiis, ut si de rebus etiam politicis agendum sit, num. 5. His circumstantiis exceptis, nullas Laicos jus habet interveniendi Synodis Provincialibus præcipue post Tridentinum. Ideo Congregatio Concilii Aëta Synodi Toletanæ, anno 1582. celebratæ, noluit approbare, nisi expuncto nomine Administræ Regi, num. 6. Possunt tamen etiam nunc Laici invitari ad Synodum Provinciale, ut auditores, & testes, sed caute, num. 7. Ad Diocesanæ olim Laici aliquando introducti fuerunt: nunc de jure non licet, nisi ex consuetudine, aut urgenti causâ, dummodo suffragium non ferant, nec in Synodo consultantur. Caveant Episcopi ne sine gravi necessitate illos admittant, & quare, num. 8. Sermoni vtro adesse possunt, num. 9.

SYNODI celebrandæ diem in ecclesia Cathedrali promulgari, & annuario Calendario apponi, pluraque a Parochiis ante Synodum peragi statuit S. Carolus Borromæus, *lib. 5. cap. 1. num. 1.* Triduo absolvitur, nisi aliqua ratione sit protrahenda. Prima die Episcopus mane cappa indutus, comitante Clero cum super-

M m m m pelli-

pelliculis ecclesiam adit, & Processionem instituit, *num. 2. V. Processio. Vestes.* Missam celebrat, & Clero Eucharistiam porrigere debet, *Ibid. & num. 3. V. Missa.* Secunda die assistit Missæ, & recitat consuetas orationes pro defunctis, ac sedem Synodalem ascendit. Tertia die assistit Missæ de Trinitate, ac Clerum de corrigendis admonet, aliasque peragit, *num. 4. ad 5. V. Episcopus.* In Synodo servandus est ordo sedendi. *V. Sedendi ordo.* In Synodis Provinciali, & Diocesana promulganda sunt Decreta Tridentini de residentia, *cap. 2. num. 1.* In Diocesana notificanda sunt recentia Decreta Pontificum, & sacram Urbis Congregationum, & aliquo modo edenda su appendice ad Synodum, *num. 2.* Constituenda sunt, quæ ad vitia coercenda, virtutem promovendam, mores reformandos, disciplinam Ecclesiasticam restituendam, vel fovendam utilia & necessaria existimantur, & alia juxta diocesum circumstantias, *lib. 6. cap. 1. n. 1.* Propter plura Episcopus expendere debet, *num. 2.* Synodorum finis est vitiorum extirpatio, virtutum incrementum, animarum salus, & similia, *num. 3. ad 10.* In Constitutionibus edendis de multis non edenda decreta; de multis edenda, *num. 1. ad 6. V. Constitutiones.* Abstinentium in Synodi a quoocunque verbo, quo videatur approbati opinio inter Catholicos controversa, & quare, *lib. 7. cap. 27. num. 1.*

**SYNODIS** non omnes intervenientes subscribere debent. *V. Subscriptio.* In Diocesana, solus Episcopus est Judex, *lib. 8. cap. 2. num. 1.* In Provinciali, omnes Episcopi sunt Judices, *num. 2.* Verum supremum judicium est pones Romanum Pontificem, qui nec majorem eorum partem sequi tenetur, *num. 3.* Majoris partis Episcoporum sententia prævalet sententiæ Metropolitanæ, & habet vim legis quoad alios discrepantes: hi solum possunt appellare ad Sedem Apostolicam, & non acquiescentes puniri, *num. 4.* Provinciales, contra hæreses celebrant, olim ad Sedem Apostoli-

cam per Synodalem epistolam mittebantur confirmandæ: ex hac confirmatione infallibilem obtinebant auctoritatem, ut tamquam Fidei dogmata earum Acta reciperentur, *cap. 3. num. 1. & 2.* Asseruntur exempla *Ibid.* Nunc Fidei causæ in iis plerumque non tractantur, mittendæ tamen sunt ad Congregationem Concilii, ut corrigantur, si opus fuerit, *num. 3.* Aliquando etiam nunc a summo Pontifice confirmantur, *num. 4.* Non tamen universam obstringunt Ecclesiam, nisi Pontifex expresse edixerit, *num. 5.* Non oportet, ut mittantur etiam Diocesanae, ac sine alterius approbatione vim legis habent in diocesi, *num. 6.* Nec Congregatio eas recognoscere consuevit, nisi quis ad ipsam ab iis appellet, *num. 7. V. Constitutiones.*

## T

**TABACUM** cujuscumque generis ante, ac paulo post celebrationem Missæ, & summptionem Eucharistiæ, quædam Synodi interdixerunt, *lib. 7. cap. 63. num. 1.* Aliqui jejunium naturale tabaco frangi existimant, *num. 2.* Nunc ejusmodi prohibitio, præsertim sub censura, ut nimis rigida notaretur, *num. 3.* Quondam interdictum fuerat tabaci usus in basilica Vaticana, nunc permittitur, *Ibid.*

## TESTES.

**TESTES** Synodales in Synodo ab Episcopo designantur, ut diocesem perflutrent, exploraturi, an Synodalia statuta custodiuntur, & in futura Synodo referant, *lib. 4. cap. 3. num. 1.* Differunt a Perjodeutis, seu Visitatoribus, quia jurisdictionem non habent, *num. 2.* Eorum munus explicatur, *num. 3.* Constituendos etiam in Synodis Provincialibus, pro singulis diocesis mandavit Innocentius III. in Concilio Lateranensi, *num. 4.* Propterea constituendi sunt pariter in Synodis Diocesanis, *num. 5.* Ante munus assumptionem juramento obstringendi sunt, de cunctis Episcopo sincere referendis, *num. 6.*

que emendanda deprehenderint, *num. 6.* Ratione juramenti recensentur inter Officiales, quibus plena fides habetur, *num. 7.* Vixile utiles essent, difficulter tamen idonei inveniuntur, qui velint manus suscipere, adeoque fere io desuetudinem abierunt, suffectis Vicariis Foraneis, *num. 8.*

**IN TESTES** assidentes matrimonio, contra-cto non prænissis debitis denotiationibus, excommunicatio laicæ sententiæ de-cerni potest, *lib. 7. cap. 69. num. 2.*

## TITULUS.

**TITULARES** Episcopi Synodum Diocesanam in cogere possunt, *V. Episcopi.* Pos-sunt Clerici ordinari ad titulum Bene-ficii, vel patrimonii. Fraudes quoad patrimonii titulum amputare studuit Congregatio Concilii, *lib. 7. cap. 72. n. 1.* Non potest patrimonium permutari, nec alienari sine consensu Episcopi, etiam si Clericus alia Bona, vel Beneficium ac-quissit, *ibid.* Quantitas proventuum utriusque tituli, Clerici sustentationi sufficientium determinari potest in Syno-do, *ibid.* Si quis ordinandus sit ad titu-lum Beneficii, in aliena diocesi obten-ti, & hoc perpetuum exigat residen-tiam, proventus respondere debent taxæ diocesis, in qua Beneficium extat: aliter, debent respondere taxæ Diocesis, in qua Clericus habet domicilium. Si Beneficium habet annexum oous Missarum a Beneficiario per se, vel per alium celebrandarum, poterit Episco-pus determinare, an inter proventus sit oneranda, vel detrahenda stipes Missis respondens, *a num. 2. ad 7.*

**TURRITUM** CAPUT unde dictum sit, *lib. 7. cap. 60. num. 2.*

## V

## VENATIO.

**I**UXTA sacros Canones quæcumque ve-oado Clericis interdicta videtur, quam-vis quiescat venationem illis licere, com-

muniior opinio suffineat. Varia in hoc sunt Synodorum Statuta. Quædam et-lam Laicos tempore Quadragesimæ, ac diebus festis a venatione advocant, *lib. 7. cap. 61. a num. 6. ad 9.* Clericum, io-terficiemem fortuito hominem in ven-atione quieti, incurere irregularitatem sensit aliquando Congregatio Concilii, *num. 8.* Episcopi vero possunt merito in Synodis venationem Clericis, præfer-tim majorum Ordinum, & Beneficiatis interdicare, *num. 10.*

## VESTES.

**SACRUM** ornamento, dignitatis, seu Or-dinis proprium a Clericis Synodo inter-venientibus gestandum esse, constat ex antiquis Synodorum statutis, & more moderno, *lib. 3. cap. 11. num. 1. 2. & 3.* Episcopus congregationibus Antesyndoda-libus, quas habet in suis ædibus, præf-feret indutus habitu Prælatio: ad eccle-siam Synodum celebraturus accedit in-dutus Cappa: ante preces utitur super-pellicio, amictu, stola, & Pluviali rubro: io solemnî Supplicatione pergit indutus Alba, stola, ac Pluviali rubeo, deferens Mitram, & baculum Pastorale: has ve-stes in Synodo retinet, *num. 3. & 9.* Ve-rum secunda die Synodi recitat consu-etas preces defunctorum in Pluviali nigro: tertia die assistit Missæ cum stola, & Pluviali albo, *lib. 5. cap. 1. num. 4.* Pal-lium vero oec Archiepiscopus, oec Epi-scopus, Pallii privilegio gaudens, gesta-re possunt extra ecclesiam, & extra Mis-sarum solemnia, *lib. 3. cap. 11. num. 4.* Nec io omnibus Missis: Sed Archiepi-scopus eo uti potest, dom solemnem Mis-sam celebrat in Synodo Provinciali, *n. 5.* Neuser in Missa in Synodo Diocesana, *num. 6.* Episcopus, et si Missam io Syoo-do non celebret, omnia habere debet Pontificalia ornamenta, etque assistunt Diaconus, & Subdiaconus cum Dalma-ticis, *num. 9.* Vicarius Generalis in Synodo Diocesana, si Penitentiarius sit Apostolicus, otitur vestibus hujus mo-eris, aliter vestibus propriis: in sole-

M m m 2

m qj

moni-Supplicatione, & Missa, vestibus Canonialibus si Canonicus sit, *num. 7.* Dignitates Cathedralis Episcopo, rem Divinam solemniter perficienti, assistunt indutæ Pluviali; Canoici Sacerdotes, Casula; Diaconi, vel Subdiaconi, Dalmaticis ubi sit Præbendarum divisio; aliter omnes utuntur Pluviali: Canonicorum Cathedralis Coadjutores, & Canonici Collegiarum, vestibus choralibus, *num. 8.* Vicarii Foranei, Archipresbyteri Rurales, & Parochi in Synodo utuntur vestibus juxta locorum consuetudinem, ceteri de Clero utuntur superpellicio, *Ibid.* Si Episcopus in Synodo Missam privatam, vel nullatenus celebret, Canonici Cathedralis utuntur distantat vestibus choralibus, *num. 9.* Dignitates, & Canonici quarundam Cathedralium privilegio fruuntur utius Pontificalium, *num. 10.* At in Synodo, dum Episcopus Missam celebrat, Processio peragitur, & Synodales sessiones habentur, possunt uti sola Mitra, cum vestibus aliorum Canonicorum propriis, *num. 11. & 12.*

**VESTIS**, Clericorum statui conveiens, est talaris. Quoque prioribus Ecclesiæ sæculis vestis civilis Clericorum a vestibus Laicorum, non firma, sed modesta differebat. Postea Concilia, & Patres semper jusserunt & jure, ut Clerici deferrent vestem talem, nigri coloris, absque superfluitate tamen, *lib. 7. cap. 59. num. 1. 2. & 3.* In peragendis Divinis mysteriis Ministri religionis Christianæ probabiliter ab Apostolorum tempore peculiaribus vestibus uti solet, *num. 1.* Laudantur Episcopi, præcipientes Clericis majorum Ordinum, aut Beneficialium usum vestis talaris, *num. 4.*

**VIXATIO** injusta redimi potest ab habente usum in Beneficio, dummodo absque simonia, *lib. 7. cap. 69. num. 8.*

#### VICARIUS.

**VICARIUS** Cardinalis Urbis diversimode intelligi potest, *lib. 2. cap. 3. num. 1.* Papa, tamquam Romani Episcopi, Vicarius jurisdictionem habet ad quadagesimum ab Urbe lapidem; non tamen in loca aliarum diocesium, iocra hos fines emprehensa, *num. 2.* Sex Cardinales Episcopi Suburbicarii ad ipsum solum possunt suos subditos dimittere ordinandos, *Ibid.* Potest concedere Capellanis trirremium Pontificiarum facultatem exiendi in trirribus, in portu Centumcellarum, in Darfena, hujusque hospitio, Confessiones remigum, aliorumque, in trirribus continuo degentium, *Ibid.* Potest pro libito cogere Synodum Dioecesanam; aliis Vicariis vero licet sine Episcoporum licentia, *num. 3. 4. & 5.*

**VICARIUS** Generalis, in jurisdictione, idem habet cum Episcopo tribus, itaut ab uno ad alterum non detur appellatio, *lib. 2. cap. 8. num. 1.* Multa tamen nequit sine speciali mandato, *num. 2.* Adenque, sine hoc, nec Synodum Dioecesanam convocare, *num. 3. & 4.* In quibusdam regionibus ab Officiali distinguitur per diversæ jurisdictionis exercitium. Debet, jubente Episcopo, interesse Synodum Dioecesanæ; expedit vero, ut Episcopus velit, *lib. 3. cap. 3. num. 2. 3. & 4.* Non potest Synodalis Examinatoris munus exercere sub nomine appellativo Vicariatus, *lib. 4. cap. 7. num. 5. V. Examinatores.*

**VICARIUS** Capitularis jurisdictionem Episcopalem, ad Capitulum devolutam exercet. Eligendus est a Capitulo intra octo dies ab accepta noticia mortis Episcopi, aliter ab aliis, multipliciter, juxta varios casus eligi potest, *lib. 2. cap. 9. n. 1.* Eodem fere potitur jure ac Vicarius Generalis: potest conficere processum super fama virtutum & miraculorum Servorum Dei: ipsi tamen non committuntur dispenstationes Apostolicæ, *num. 2.* Possit sine speciali mandato, quæ sine eodem nequit Vicarius Generalis, plures probabiliter affirmare, *num. 3.* Non potest a Capitulo removeri, nisi ex causa, approbata a Congregatione Episcoporum, & Regularium, *Ibid.* Hinc potest diocesim visitare, Synodumque Dioecesanam

- fanam celebrare absque speciali mandato, *num. 4. & 6.* Elapso tamen anno ab ultimis visitatione, & Synodo, *num. 7.* Nequit probabilius elargiri Indulgentias, quas poterat Episcopus, & quare, *num. 6.* Synodus vero Provincialis non a Vicario Capitulari Metropolitana vacantis, sed ab antiquiori Suffraganeo est indicenda, *num. 8.* Vicarius Capitularis omnem Capituli jurisdictionem obtinet, quin Capitulum possit ovis quidquam sibi reservare, *lib. 4. cap. 8. num. 10.*
- VICARIUS** Apollolius a Pontifice, per se, vel per Congregationem Episcoporum, & Regularium, Ecclesie vacanti, vel plenae praeficitur, triplici de causa. Ejus facultas modo simplicior, modo strictior est, *lib. 2. cap. 9. num. 7.* Potest, & debet sine Episcopo Ecclesie, cui praefectus est, celebrare Synodum Dioecesanam, *Ibid.*
- VICARII** Foranei dicuntur, qui in oppidis limitatam exercent jurisdictionem, a quibus appellari potest, *lib. 3. cap. 3. num. 5.* Antiquissimi sunt, & origo eorum ad Chorepiscopos referenda, *num. 6.* Chorepiscopis enim suffecti fuerunt Archipresbyteri, Archidiaconi, & Decani rurales, *num. 7.* In Italia etiam ante S. Carolum Borromaeum esse coeperunt, ut in aliis locis, *num. 8.* Sed minorem in Italia obtinent jurisdictionem, *num. 9.* Si Parochi sint, Synodo Dioecessanae interveire debent: si vero sint, teventur, si Episcopus vocet, idque expedit, *num. 10.*
- VICARII** temporarii, a Capitulis, & Monasteriis destinati Curae animarum in pa-
- rochiis, illis unitis, etiam sine causa removeri possunt, nec remotio in Synodo prohiberi potest, *lib. 7. cap. 65. num. 2.*
- VIDUA**, nubens intra annum lustrum, ob ooxia erat infamiae, aliisque poenis ex jure Civili, cui jus Canonieum derogavit, *lib. 7. cap. 38. num. 6.*
- VISITATIO** dioeceseos quotannis est peragenda, *lib. 2. cap. 9. num. 5.* In visitatione, honesta victualia Visitanti debentur, *V. Procuratio.*
- VISITATORES** dioecesium pluribus nominibus olim insigniti fuere, *lib. 4. cap. 3. num. 2.*

## USURA.

**USURAE** saepissime damnatae sunt in Synodis Provincialibus, & Dioecessanis, *lib. 7. cap. 47. num. 1.* Omne lucrum, vere usurarium, omni jure illicitum, & prohibitum esse, semper docuit Ecclesia Catholica, *num. 2.* Quasdam usuras, ut licitas vendiderunt Schismatici Graeci, multi Haeretici, ac pauci Doctores Catholici, *Ibid. & num. 3.* Sed auctoritate, & ratione refelluntur, qui eis suffragentur aut sacra Scriptura, aut Patres, aut Canones; immo pluribus usurarum improbatur, *a num. 4. ad 9.* Ad exterminandas usuras plura declaravit BENEDICTUS XIV. per litteras encyclicas, *num. 10.* Refelluntur Indaei licitum sibi didicatos, usuras a Christianis, inter quos degunt, exigere, ac proponitur modus, quo coerceantur, *num. 12. & 13. V. Leges. Mons Pietatis.*

EXCUDERANT ROMAE  
NICOLAUS ET MARCUS PALFARINI  
ACADEMIAE CONIMBRICENSIS  
BIBLIOPOLAE ET TYPOGRAPHI ROMANI  
AD THEATRUM POMPEII  
ANNO clō. 15. CC. XLVIII. MENSE MAJI  
SEDENTE  
BENEDICTO XIV. PONT. OPT. MAX.  
PONTIFICATUS EJUS  
ANNO VIII.







005645483

